



TUFTS COLLEGE LIBRARY.

GIFT OF

Prof. Edward J. Young,

OF CAMBRIDGE, MASS.

April, 1887.

22557

Gieseler

HISTORIA

STIMULI CARITATIS

ET

INFLUENTIA

IN MORUM

ET

INFLUENTIA

ET

INFLUENTIA

ET

FRIDERICI SAMUELIS BOCK,
HISTORIA
ANTITRINITARIORUM
MAXIME
SOCINIANISMI
ET
SOCINIANORUM
EX
FONTIBUS,
MAGNAMQUE PARTEM
DOCUMENTIS MSSCCTIS.

TOMUS SECUNDUS.

CUM INDICE PERSONARUM ET RERUM MEMORABILIUM.

REGIOMONTI ET LIPSIAE,
IMPENSIS GOTTL. LEBR. HARTVNGII. MDCCCLXXXIV.

MAXIME

SOCIETATIS

ET

SOCIETATIS

EX

PONTIFUS

MAGNANOE PARTEM

DOCUMENTIS ASSOCIATIS

22557

TOMUS SECUNDUS

BT

1480

B6

v. 2

REGIONOMONTI ET LITAE

Inventio et Litae. Litterae. Litterae. Litterae.

Lectori Benevolo

S

Octo iam praeterfluxerunt anni, ex quo primum, idque bipartitum operis huius volumen, *Bibliothecam Antitrinitariorum* exhibens, in publicam lucem prodiiit. In longo hoc temporis interuallo, ne plagula quidem, quae ad continuationem illius faceret, typis exscripta, quamuis publico litterario fides de prodituro quotannis volumine data a me fuerit. Parum scire *lectorum* interest improuisae cunctationis ex anno in annum protractae caussas. Sufficit hoc loco significare, morae huius culpam non penes me ipsum fuisse, qui librum nondum plene exaratum orbi litterario praenunciaissem, ac proinde promissis stare non potuisssem; siquidem vniuersum hoc

syntagma historicum exaratum et ad umbilicum iam deductum erat, cum priorem voluminis primi partem prelo typographico tradiderim, cuius rei testes oculati aliquot viri celeberrimi nominari possent. Imo toto hoc temporis tractu, paucissima labori iam tum confecto addidi, cum aliis me lucubrationibus distractum senserim. Nec intermissionem totius libri taedium orbis litterati suavit, qui mercem hanc librariam non multum desiderandam ac superfluum iudicauerit; publica enim et priuata exstant testimonia, aegre tulisse haud paucos in *Germania, Helvetia, Belgio, Suecia* et *Dania* magni nominis eruditos non tantum cessationem editae iam secundae partis Bibliothecae, sed etiam totius continuandi operis, qui primum volumen suo dignati sunt suffragio, beneuolisque ac feriis sollicitationibus et motiuis monuerunt, ut librum a pluribus inde annis desideratum, supplendo defectui historiae ecclesiasticae utilissimum, ac ne vix quidem ab alio vnquam exarandum, longaeuisque curis imo etiam sumptibus non exiguis concinnatum perficerem. Non desue-

runt

runt viri docti, qui industriam Antitrinitariorum historiae a me commodatam, et adhuc impendendam, studiumque meum collaudarent, et ad publicandum vniuersum syntagma me prouocarent, sicque meae subinde industriae suo stimulum adderent adplausu. V. *Acta H. E. nostri temporis* T. I. p. XIX. praef. T. III. p. XXXVII. praef. et T. V. p. 701.

Exoptatum inde adfulget omen pro benigna adprobatione reliquorum voluminum, quae singula ab hoc tempore singulis nundinis vernalibus in publicam lucem proditura esse, fidem meam interpono, si hac sponsione opus foret. Eodemque ordine prelo typographico a me exhibebuntur, qui vna cum argumento singulorum voluminum in praefamine *primae partis Bibliothecae Antitrinitariorum* p. XIV—XVI. legitur notatus.

Quasdam de voluminis primi parte priore recensiones laborem hunc calculo suo probantes in praefatione parti illius alteri praemissa indicaui, nec vlla diuturno hoc temporis spatio ad oculos meos peruenit, quae illum omnino improbas-

set. Vtriusque partis qui in *Bibliotheca Germanica vniuersali* T. XXVIII. p. 402 et P. V. *adpensis* ad T. XXV.—XXXVI. p. 2744. recensitionem instituit, maxima ex parte productum hoc litterarium non nihil aestimauit, imo quoad supellectilem litterariam, meam laudauit solertiam; in iis autem, quae reprehensione digna putauit, intra modestiae et humanitatis limites, quos non pauci nostro tempore censores in nouis publicis litterariis transgrediuntur, substitit. In his quaedam sunt, ab illo obseruata, quibus suffragium meum facile addo, ipsiusque consiliis quantum ad praetermittendas quasdam operis huius historici Sectiones spectat, adspirabo. Ita *quintam* eius *partem*, vel vniversam vel quoad maiorem farraginem rescindendam arbitror, non quod quatuor capitum argumentum, in allegata praefatione p. XV. et XVI. delineatum, minus necessarium ac parum conueniens ad scopum putem, quod ita visum est *censori*; sed quod plurima momenta, quae in istis separatim tractanda in initio statueram, alio iam loco succincta ac breui expositione ipsi huic operi

meo

meo inserta reperientur. Propter hanc totius operis contractionem, verendi causa alias verissima, quam recensitionis auctor significat, ne voluminis *Vti caput III. de eruditis merito et falso Socinianismi suspectis* in maximam molem excreceret, sublata penitus est; siquidem numerosissimum eorum numerum, qui praecipue in Germania quinque vel sex abhinc lustris ad Socinorum partes inclinarunt, in vnum producere campum, me ipsum quam maxime piget, nec tantum mihi odium conciliare libet, quantum ex hoc negotio pertimescendum. Omnes enim diuinam veritatem in sacris paginis expositam deuota mente et fide firma amplectentes summo inde adficiuntur dolore, quod nostro tempore viri alioquin eruditissimi nec improbae mentis, imo maximi adeo Theologi, opinionibus suis, quibus systemati sociniano ex omni parte fulcra adiuuentur, eruditionis singularis ac nominis sui gloriam adfectent, contentiones moueant, haud paucis sanae doctrinae brabaeum interuertant, atque communi ecclesiae Christi commodo ac incremento obstacu-

la ponant. Si horum omnium historiam, scripta, conamina et studia persequi voluerim, vix integrum volumen his copiosius et enucleatius exponendis sufficeret. De *Dan. Brenio* et *Steph. Curcellaeo*, praelucente *Sandio* a me ad Antitrinitariorum classem relatis, plures sunt causae, quam a *censore* notantur, partim iam allegatae, partim suo loco allegandae. Quae idem adfert supplementa litteraria, de scripto quodam anonymo a pia atque erudita virgine, cui nomen *Hubert*, concinnato, quod a me in B. A. P. I. p. 32. N. 7. citatum est, debita a me suscipiuntur gratiarum actione, illorum mentionem aliquando factururus in *novis additamentis ad Bibliothecam Antitrinitariorum*.

Alia sunt, quae displicere sibi testatur idem *censor*, ex quibus plus laudis, quam vituperii in me redundaturum arbitror. Verissime illum de opere meo scripsisse (in *apend. ad T. XXV—XXXVI. sect. V. p. 2745*) non me profiteri pudet, imo laetandi potius mihi subministrat materiam, quando hoc modo de me testari ipsi visum fuerit:

Benn

Wenn der Verfasser über Gefinnungen und Lehr-
 meynungen der Personen urtheilet, denn richtet er
 über Wahrheit und Irrthum nach eigener Ue-
 berzeugung, nicht nach derjenigen, die sie selbst
 davon hatten. Und da fällt denn das Urtheil oft
 sehr hart aus. Quae pro confirmando enunciato
 de *Dan. Zwickero* adferuntur, quem ex altera ad
 fratrem suum epistola tenacissimum erroris ani-
 mum satis manifestasse iudicaui (B. A. P. II. p. 1067
 N. 41), sententiam de eodem meam non infringunt,
 quamvis pari cum *Zwickero* horrore tyrannidem
 antiquiorum quorundam euangelicorum aduersus
 dissentientes circa religionem, me detestari luben-
 ter profitear. Quod vero de Antitrinitariorum
 opinionibus ac vniuerso systemate ex mea potius,
 quam ex conuictione, qua aduersarii laetari viden-
 tur, de vero atque falso iudicauerim, nemo facile
 in me reprehensurus est, nec me in hoc iudicio
 historici leges neglexisse, criminabitur. In om-
 nibus non aduersus veritatem, sed pro veritate me
 statuisse mihi conscius sum, et, qui hanc tenent et
 amant, id de me iudicabunt. Quis eum vinqum

durioris, quam par est, sententiae accusabit, qui ex sua conuictione in aberrantibus a veritatis tramite, errorem seuerè improbat, maxime quando hi non erubescunt, summos viros, strenuos orthodoxae doctrinae defensores conuitiis onerare pessimis, imò quod magis est ipsam coelestem veritatem et adoranda Christianae religionis mysteria horrendis proscindere opprobriis, de quibus in hac ipsa historia non pauca occurrunt documenta, ac quodammodo data occasione in primo eius volumine iam sunt exposita. Permissum est Censori, de me meoque de Antitrinitariis iudicio pro sua conuictione sententiam ferre; sed eadem iudicandi libertas nec aliis eripienda. De haud paucis interim Socinianismi flatoribus ac defensoribus eundem cum *Tillotsonio* Archiepiscopo Cantabrigiensi teneo adfectum, quod viri sint honesti, externum pietatis cultum vrgentes, charitatis in proximum et quorumcunque bonorum operum studiosissimi, ac in omni doctrinae genere doctissimi et acutissimi, quorum ratiocinationes et dubia multo ingenio excogitata non contumeliis ac vituperio,

perio, sed exquisito studio et insigni cum acumine solui debent.

Refragaturos aliquando nonnullos, nisi opus meum vniuersum, quaedam certo eiusdem segmenta, ex nostri temporis conditione, facile augurabar; sed facti sunt aequi rerum aestumatores, me non de rebus scripsisse, a quibus bonorum et piorum studia abhorreant, sed arduum ac principale argumentum tractasse, quod a nemine antea pleniori ambitu expositum est. Si igitur labores mei molestissimi diuinae veritatis amatoribus et defensoribus accepti fuerint, illorum sententiam minus curo, qui Socinianismo plenis velis adspiciant. Veritatem ex conuictione mea sector; paratus tamen sum fateri errorem, si errasse me aliqui fuero admonitus et convictus, imo gratias agere et habere admonentibus.

Doctissimi *Gedanensium Relationum* auctores et de libris theologicis censores, alteram Bibliothecae Antitrinitariorum partem, P. LX. p. 735 prout aequis rerum istarum arbitris conuenit, nec absque omni laude studii a me adhibiti dijudica-

dicarunt, et quae amice notarunt pauca, operi nihil derogant. *Joannis* enim *Valdesii* et *Sophiae Siemichouiae* nomina, quae illi ex Catalogo Antitrinitariorum expuncta voluerunt, in *Sandii* Bibliotheca notata, in censu a me adornato omnino praeterire nolebam, ne in hoc ab aliis desiderarentur quidam, ante me allegati; *Joannem Valdesium* autem inique in hunc numerum susceptum esse, ipse adposito asterisco in conspectu titulorum et in textu p. 980. notavi.

Vniuersum quod iam pertexere pergo opus, *commentarius* quasi prolixior est *Bibliothecae Antitrinitariorum*. Quae enim in hac, ordine scriptorum huius ciuitatis alphabetico dicta sunt, fusiori iam explicatione secundum ordinem temporum et historiae filum in quauis regione exponuntur. Alterum, quod in publicum prodire periculum facit, totius syntagmatis historici telam pertexere incipit in praefatione ad primam partem voluminis prioris p. XIV. praesignificati. Tradit enim post adornatam Antitrinitariorum Bibliothecam *secundam* historiae Socinianismi et Socinianorum

partem,

partem, quasi praeliminarem et prolusoriam. Caput eius primum agit de Socinianismo ante Laelium et Faustum, Socinos, sectisque quoad palmaria errorum momenta cum illo comparandis. Nemo, quantum recordor, hoc argumentum ita eodemque fine tractauit, quo hoc loco expositum est, quamuis Paulus Schaffshausius in historia Artemonis et Artemonitarum, quandam hostium diuinitatis Christi historiam, antiquissimorum quorundam, Cerinthi, Ebionis, Carpocratis, Theodoti, Berylli, Pauli Samosatensis, Marcelli, Photini, ac praecipue Artemonis, tradiderit.

Non quidem noua et ante incognita de hoc argumento in lucem protrahere potui, ac proinde diu hesitavi, vtrum eiusmodi commentationem praemitterem, an eandem ad imminuendam operis molem rescinderem; tandem satius duxi illam non omnimòdo relinquere intactam, maxime ex consilio virorum, quorum sententia magna apud me pollet auctoritate, qui communicatam cum illis vniuersi operis sciagraphiam probarunt, hancque tractationem abbreviatam primisque lineis circum-

circumscriptam non omittendam! judicarunt, quemadmodum quoque exteri censores vniuersam studii mei delineationem in Praefatione allegata propositam laudarunt. In prolixiore enim sectae cujusdam historia, qualis de Antitrinitariis nostra est, praeuia eorum, qui vel eadem, vel similia defenderunt, placita, ac vel olim, vel nostro adhuc tempore adsciuerunt, expositio nemini facile superflua videbitur, maxime cum diuersi Dissentientium exercitus haud raro commisceantur, nec ab inuicem satis discernantur, ex eiusmodi vero simultanea omnium adumbratione facilius illorum diuersitas, vel etiam similitudo et adfinitatis gradus colligi possint.

Cum fusior errorum Socinianismo vicinorum, vel cum eodem conformium explanatio in aliis scriptis magno numero in lucem datis legi possit; satis mihi visum fuit indicem adornasse eorum, qui a primis inde Noui Foederis temporibus circa oppugnatum S. Trinitatis mysterium, cum Socinianis comparari possint. In ipsa succincta proauorum familiae huius historia, breuitati

tati quam maxime studui, plura, quae tradi potuissent, rescidi ac lectores ad historiae ecclesiasticae monumenta et ad eos, qui studiose de haeresibus et haeresiarchis commentati sunt, allegavi. Quorundam haeresiarcharum errores, ab aliis scriptoribus diuersa forma delineatos scio; sequutus tamen sum auctores, qui ex mea sententia proxime ad veritatem mihi visi sunt accessisse. Quae in hoc veterum Antitrinitariorum censu, data occasione ex *Sam. Crellii Mscto* inserui fragmenta, non communia vel ingrata iis fore lectoribus arbitror, quibus auctoris huius tricae, historiam facram primorum saeculorum turbantes, in scriptis ipsius et praecipue in *Artemonio* non sunt ignotae. Nec opportune minus me fecisse opinor, quod capiti huic appendicis loco magni operis inediti *Crelliani* conspectum adiecerim, cum nonnullis particulis ipsius textus, ex quibus de toto libro iudicium aliquatenus ferri poterit. Longiorem adversus tantae molis scriptum disputationem et breuitas capiti huic destinata, et scopus in vniuerso opere praefixus non permiserunt, siquidem

non

non historiae ecclesiasticae vindicationem, sed veterum Antitrinitariorum indicem exponere mihi fuit propositum.

Alterum voluminis caput primos Antitrinitariorum recentiorum in Germania, Italia, Raetia et Heluetia antesignanos in scenam producit. Sed mihi ipsi parum satisfaciunt, quae de primis Socinianismi incunabulis in *Venetorum agro* instructis, exposui. In perquirendis historiae huius fontibus, quotquot in scriptis illius aetatis aliquo modo olfacere potui, nullam in me desiderari passus sum assiduitatem. Legi et perlegi epistolarum a viris celeberrimis istius saeculi scriptarum collectiones, historiae christianae et haeresium scriptores, quotquot in numerosissimis Bibliothecis Regiomontanis reperiuntur, et alia plura; sed parum admodum fructus ex molestissimo labore lucratus sum, et saepius oleum et operam me perdidisse, pertaesus sensi. In hoc tamen capite nonnulla exposita esse rei litterariae amatoribus non injucunda me habeo persuasum. Venia interim mihi exoranda, quod quasdam a substrata materia fecerim

fecerim digressiones, et quamuis campus, quem emetiri tentavi, sit latissimus, ex eodem tamen aliquando fuerim exspatiatus. Nunquam vero hoc temere factum, ut maiorem operi molem studiose aceruarem; sed quando ob nexum res mea, quam inprimis dilucidandam suscepi, lucem inde acceptura visa est. In hoc casu breuitati quam maxime operam dedi, et tempestiue in viam redeundum esse, memini. Ad has digressiones praeter alia spectant, quae de *Wicelio* ejusque scriptis numerosissimis, quae oculis usurpare licuit, exposui. Data enim mihi opportuna occasio visa est, ingenio meo ad rem litterariam et bibliothecariam propenso librorumque notitiae cupido laxandi frena, ut historiae litterariae, descriptione librorum rarissimorum et a perpaucis visorum, in Bibliothecis vero Regiomontanis obuiorum, adferrem supplementa. Hinc quoque in vniuerso opere ex parte pleno titulo allegaui libros antiquae impressionis, ac notaui tempus, quo adparuerunt, formam ac saepissime plagulas et paginas, nec quicquam, ut opinor, praetermisi, quod

ad studium litterarium in hoc historiae ecclesiasticae campo aliquid conferre potuit; quod me in primo quoque volumine obseruasse, censores eius omnes testantur. Haud pauca quoque in hac sectione commemoravi ad historiam rerum inter purioris doctrinae confessores post exortam euangelicae veritatis lucem gestarum spectantia, quae historiae huius cupidis non ingrata fore arbitror, quod de illis quoque spero, quae in proximo volumine *tertio* circa historiam reformationis in *Po-lonia* et *Lituania* a me suppeditabuntur:

*Tertium caput de primis disciplinae Socin-
anae auctoribus Laelio ac Fausto, Socinis, nec
non de vtriusque scriptis exponit.* Non quidem
plenam et absolutam vitae *Laelii* et *Fausti* trado
historiam, quamuis omne studium in id conuerte-
rim, ut istam traderem; attamen collectanea non
absque multo labore ex omnibus, quae huc faci-
unt subsidiis librariis conquisita et in ordinem re-
ducta communicavi. Rara sunt apud scriptores
istius temporis de his viris vestigia, et quae de il-
lis diuissim ac partialiter significantur, saepius sibi
aduer-

aduersantur, et difficile conciliari, quandoque etiam vix coniecturando attingi possunt. Quem *Frid. Otto Menckenius* in concinnanda historia *Hieronymi Fracastorii* frustraneum tulit laborem, hoc ipso opusculo p. 227. significatum, ipse satis expertus sum in conquirendis rebus ad vtriusque *Socini* vitam illustrandam pertinentibus: *Majoris certe quicquid a me praestitum, laboris opus fuit, quam credat aliquis, in hoc negotio versatus nunquam.* Vix inire jam numerum librorum ausim, qui pervolutati mihi, non semel aut bis, sed decies, tandem nihil dederunt, quod in vsum convertere eruditorum potuerim. Ante aliquot annos Anglus, cui nomen *Toulmin*, vitam, characterem et scripta *Fausti Socini* delineauit, hocque titulo, quem noua litteraria notarunt, in lucem emisit: *Memoirs of the Life, character, sentiments and Writings of Faustus Socinus by Joshua Toulmin.* A. M. Londini 1777. 8. sed scriptum hoc conspectum meum non subiit, licet ex eodem syntagma meum haud pauca, vt arbitror, nactum fuisset supplementa, quamuis fama

in Germania de auctore diuulgata sit, quod *Socinum* quibuscunque elogiis praedicauerit, et panegyricum de hoc suo heroe potius scripserit, quam biographiam a partium studio alienam. Nullum est dubium, quin adhuc in Bibliothecarum helveticarum cimeliis epistolae extent utriusque *Socini* et ad utrumque a viris eruditis scriptae, nec non alia arcanam Antitrinitariorum historiam illustrantia documenta, quorum mihi olim spem fecit per V. S. R. *Kieslingium Breitingerus*; sed liberaliter promissa non expleuit.

In recensione scriptorum vtriusque *Socini* quantam potui accurationem obseruavi et frequenter nonnullas particulas ex ipsis libris adscripsi, ut clarior constet sensus et animus auctorum, nec criminandi locus sit, sententias scriptoribus imputatas ne quidem ipsis in mentem venisse.

Eodem fine in toto opere haud pauca historiae momenta expressis auctorum verbis, tanquam illibatis rerum probandarum testibus, exposui, hocque modo fidei historicae spartam me impleuisse puto, quamvis hac ratione paulo diffusior narratorem

torum ambitus comparuerit, qui absque expositis his testimoniis contractior et angustior terminari potuisset. Alio respectu ambages et narrationes ad rem ipsam parum facientes euitavi, ne liber in maiorem excresceret molem. Primum historiae huius volumen, et vtramque eius partem compendii causa litteris initialibus B. A. P. I. vel P. II. notavi, et in nonnullis nominibus propriis frequentissime occurrentibus id ipsum obseruavi. Adversus errores aduersariorumque opiniones pugnam non ini; historiam, non librum apologeticum vel polemicum a me concinnari, ubique recordabar. Quamuis hoc intuitu non de omnibus meum reprobans adiecerim iudicium, nemo tamen ex silentio, me consensus cum iis omnibus, quae ab aliis dicta sunt, accusabit. Aliud enim est enarrare, aliud adprobare.

In opere, cui perficiendo vnus homo impar est, quodque difficile, intricatum et documentis saepe destitutum tractat argumentum, omnes euitari nequeunt hallucinationes, quas monitus ab aliis, gratus emendabo. Inprimis in spatiosissimo

historiae litterariae campo, nemini fane tam felici esse licet, ut nunquam a veritatis tramite deflectat, quamuis eundem ubique tenere firmiter constitutum habeat. Beneuoli me, etiam non rogantem, excusatum habebunt, maleuolos obtrectatores non curo. Dies diei magister est, et posterior prioris est discipulus, quod de omnibus hominum scientiis, maxime de opere historico huius conditionis, iudicandum. Adcitatae aliquoties in hoc volumine anonymicae Socinianismi historiae, quae idiomate gallico *Parisiis* a. 1723. 4. prodiit, auctorem *Lamyum*, Benedictinum, nominaui, quam alii *Anastasio*, Franciscano monacho vindicarunt.

Correctior in publicum euasisset liber, si ipse emendandis plagulis, meam commodare potuissem industriam. Multa enim ab auctoribus corrigi, qui ipsi librorum suorum sunt correctores, harum rerum gnaris abunde constat. Haud pauca in manu descriptis chartis visui subtrahuntur, quae in impressis plagulis facilius animaduertuntur. Cum vero, *officina typographica regiomontana*, ex qua primum prodiit volumen, reliquis
im-

imprimendis pluribus onerata laboribus impedita, mihiq̃ue librum, *Berolini* impressum, corrigendi venia concessa non fuerit, haud pauca obseruauī, quae siue quoad dictionis et syntaxeos latinae puritatem et meliorem formam, siue quoad plura sphalmata typographica emendanda fuissent, qualia in vtraque primi voluminis parte tanta sollicitudine sunt correctā, vt vix vnum atque alterum a perspicacissimo inueniatur. Corrigendorum interea censum et copiosissimum personarum et rerum indicem magno cum studio concinnatum ad voluminis hujus calcem desiderari non sum passus.

Vale *beneuole Lector*, et operi huic faue, cujus *tertium volumen* proxime proditurum, memorabilem maxime totius historiae Antitrinitariorum partem, *fata nimirum Socinianorum in Polonia, ex authenticis actorum synodaliū scriptis*, quorum recensioem in B. A. P. I. p. I. suppeditauī, cum aliis schediasmatibus copiosius expositurum est, quam haec omnia ad hoc tempus cognita fuerunt.

Dab. in Regio Borussorum monte, Cal. Octob.
a. o. r. MDCCLXXXIV.

Series

Series capitum quae Tomo II. historiae Antitrinitariorum exhibentur.

Cap. I. De antiquorum temporum *Antitrinitariis*, in specie de *Socinianismo* ante *Laelium* et *Faustum Socinos*, coetibusque comparandis cum illo. p. 1—202.

Cap. II. De primis Antitrinitariorum, in *Germania*, *Italia*, *Helvetia* aliisque Europae provinciis saeculo XVI. motibus. p. 203—

Cap. III. De primis Socinianismi auctoribus, *Laelio* ac *Fausto*, *Socinis*.

TOMI SECUNDI.

CAPUT I.

DE

ANTIQUORUM TEMPORUM

ANTITRINITARIIS,

IN SPECIE

DE SOCINIANISMO

ANTE

LAELIUM ET FAUSTUM, SOCINOS,

COETIBUSQUE COMPARANDIS

CUM ILLO.

THE UNIVERSITY OF CHICAGO

LIBRARY

PHYSICS DEPARTMENT

530 EAST 58TH STREET, CHICAGO, ILL. 60637

OFFICE OF THE DEAN

1100 EAST 58TH STREET, CHICAGO, ILL. 60637

TEL. 373-5000

CHICAGO, ILL.

CAPUT PRIMUM.

DE ANTIQVIORVM TEMPORVM ANTRINITARIIS, IN SPECIE
DE SOCINIANISMO ANTE LÆLIUM ET FAUSTUM, SOCINOS,
COETIBUQUE, QUODAM RESPECTU CUM ILLO
COMPARANDIS.

S y n o p s i s.

- §. I. Socinianorum nomina. Neo-Ariani et Neo-Photiniani, Anabaptistae, Pneumatomachi, Monarchici, Vnitarii, Antitrinitarii, Servetiani, Fratres Poloni, Racouiensēs, Pinczouiensēs, Smiglensēs etc.
- §. II. De illorum cum antiquioris aevi haereticis conuenientia.
- §. III. Quos ipsi magistros suos et veritatis confessores praedicant.
- §. IV. Cum illis quodammodo conferendi sunt Saec. I. Pharisaei, Simon Magus, falsi Apostoli, Nazaraei, Cerinthus, Ebion ac Gnostici.
- §. V. Saec. II. Marcion, Praxeas, Hermogenes, Theodotus Byzantinus, Artemon, Carpocrates, Saturninus, Basilides, Alogi.
- §. VI. Saec. III. Manes, Noetus, Sabellius, Paulus Samosatenus, Beryllus, Elcesaei.
- §. VII. Saec. IV. Ariani, Semi-Ariani, Eunomiani, Aetiani.
- §. VIII. Marcellus Ancyranus, Photinus, Maeedonius, Adoptiani, Bonosiani, Tropici, Priscillianistae. — An Julianus ad hanc societatem trahendus?
- §. IX. Saec. V. et VI. Nestorius, Eutyches, Pelagius et Tritheetae, duce Jo. Philopono.
- §. X. Saec. VII—X. Felix, Eligandus aliique Adoptiani, Pelagiani, Pauliciani. An inter Muhamedanos et Socinianos iure quodam Parallellismus locum habeat?
- §. XI. Saec. XI. Jo. Roscellinus.
- §. XII. Saec. XII. Petrus Abaelardus, Berengarius Pictaviensis, Gilbertus Porretanus, Arnaldus Brixienfis, Bogomili.
- §. XIII. Saec. XIII. Joachimus Florensis, Almaricus; et Christiani coetus, qui consensus cum Antitrinitariis accusantur.
- §. XIV. Recentiores Judaei a quibusdam in hunc censum trahuntur.
- §. XV. Nec non Pontificii, Anabaptistae, Arminiani et Remonstrantes ex parte.
- §. XVI. Et Herrenhuthiani, quoad quaedam disciplinae momenta.
- §. XVII. Longo intervallo ab Evangelicis differunt Sociniani.
- §. XVIII. Qui cum Naturalistis potius comparantur. An illis competat civium Christi nomen?
- §. XIX. Argumentum operis Moeti Sam. Crellii.

§. I.

Nomen debet *Socinianorum* familia auctoribus *Lelio* et *Fausto*, *Socinis*. Ab auctore autem haeresin appellari, receptum est; quod in hac causa iustum putatur, *Fausto* tum se, tum *Laelium* saepe numero primos horum dogmatum magistros praedicante. Disciplinae inuentio ac materia *Laelio*, dispositio, forma et cultura *Fausto* tribuendae. Pluribus interim nominibus, vel ab errorum professione, vel ab haeresium propin quarum auctoribus et defensoribus, vel a locis, in quibus maxime floruerunt, vel a dogmatibus, quae impugnarunt, desuntis, insigniuntur, qui huic civitati nomen suum dederunt; ipsi tamen vel *Unitariorum* vel *Fratrum Polonorum* titulo compellari cupiunt.

*

*

*

Navi assimilanda est Christi ecclesia, quae in hoc turbulento orbis mari exaestuans exposita procellis quouis tempore haeresium volutata est tempestatibus. Nulla enim defuerunt aetate, qui diuinam Christianae fidei disciplinam suis conturbare opinionibus allaborarunt; quod ipsum et *Christus* et *Apostoli* praedixerunt. Nihil vero magis insensiusque toto post CHRISTUM nato temporis decursu impugnarunt adversariorum cohortes, quam *Mysterium S. Trinitatis*, veritatesque connexas. Veneramur ac confitemur vnicum Deum, nec vno plures existere, adversus Deorum cultores et rationis et revelationis armis strenue tuemur; simul tamen sacris pandectis prouecti credimus, tres in unica numero essentia divina esse, *Patrem*, *Filium* et *Sp. Sanctum*, tria *ὑποστάσεις* f. *ὑποστάσεις*, ita inter se distinctas, ut una non sit alia; harum quamque sigillatim esse Deum aeternum, nec tamen
proinde

proinde tres Deos, sed vnum, qui est P. F. et Sp. S. supplices exosculamur diuinam clementiam; quae omnium mysteriorum maximum ignorari a nobis noluit. Laetamur, summoque perfundimur solatio, quod vna quaeque Deitatis persona restitutioni nostrae nunquam satis miranda misericordia studuerit. Nullum tamen christianae religionis momentum tot superbientis rationis impetus sustinuit, quam venerabile hoc dogma. Vix numerandae sunt ingenii machinationes, quibus homines ab ynico tramite aberrantes sacram hanc fidei ancoram lacerarunt. Vix vllam Spiritus, qui Deitates profunda scrutatur, veritatem clariori, quantam admittit tantum mysterium et rationis nostrae imbecillitas, explicatione in S. pandectis humano generi reuelauit. Mosis ac Prophetarum, nec non Euangelistarum ac Apostolorum testimonia, quamuis alia aliis extantiora, in hoc caelestis doctrinae centrum mirabili conuenientia collineant. Nihilo tamen minus a primis christianae ciuitatis temporibus, homines ingenii sui praesumptione seducti, sanctissimum hoc fidei fundamentum euellere omnibus modis contenderunt, quibus parentibus recentiori aeuo ista soboles exclusa est, quae SOCINIANORUM titulo innotuit.

Plurimae haereses nomen suum ab AUCTORIBUS tulērunt; sic *Pelagiana*, *Nestoriana*, *Macedoniana*, *Ariana* ab architectis suis neminatae. Ad imitationem qui LAELII ac FAUSTI, SOCINORUM disciplinam ac instituta suscipiunt, *Socinianorum* insigniuntur adpellatione. In genere ita dicuntur, qui *Socinianorum* sententiis, praecipue in articulo de S. Trinitate et Christi Deitate affinia docent, vel vtrumque obiectionibus suis impugnant: speciatim ita vocantur, qui doctrinam, quam F. SOCINUS siue excogitauit, siue a patruo excogitatam ornauit et in disciplinae formam coegit, vel vniuersam, vel quoad potissimam partem adsciscunt. Praecipuam ciuitatis huius indolem ac fundamentum contemplantibus fatendum est, vtrumque *Socinum* non omni ex parte primos fuisse opinionum au-

flores, quas commendandas ac instillandas susceperunt; sed inueteratas et a variis haeresiarchis olim in medium prolatas reiterasse, ac novis quasi crepundiis decoratas orbi Christiano iterum exposuisse, sicque decrepitos mentis foetus juvenili forma et noua systemtis specie induisse. Licet vero hanc rationem veterum haereticorum nomine saepius compellentur *Sociniani*; nulla tamen praeteritorum saeculorum haeresis existit, quae omnem ambitum et formam errorum vtriusque *Socini* comprehenderit et quocunque respectu eadem cum his docuerit. Summopere quidem declinant *Socinorum* disciplinam profitentes ab his compellationem; quemadmodum jam olim haeretici parentum suorum nomina a se amoliri studebant; merito tamen Magistris, in quorum schola edocti sunt, notantur. Non igitur auctor *Praef. Biblioth. F F. P P.* quem *Andr. Wiffowatium* esse, scimus, vel *Smalcus* in *refut. thes. de Trinit. Schopperi*, alique habent, quod per iniuriam coetui suo nomen hoc esse impositum conquerantur. Ita autem *Wiffowatius* l. c. inquit: „non subest „iusta causa, cur ii, qui cum *Socino* in plerisque consen- „tiunt, ideo SOCINIANORUM nomine notentur. Nam et „ante SOCINUM post Apostolos existisse eius sententiae „confessores, ex historiarum ecclesiasticarum testimonio „constat.” Verissimum quidem est, jam inde ab Apostolorum tempore fuisse, qui vel eandem vel consonam infilarunt tibiam, qua canunt recentiores *Sociniani*; ideo vera nulla his fit iniuria, qui a *Laelio* et *Fausto*, *Socinis*, antiquorum errorum renouatoribus compellantur. Declinant ex ea ratione denominationem disciplinae huic adscripti, quod in quibusdam ab utroque SOCINO discrepent, nec horum auctoritate commoueantur. Ad quem modum ARIANI veteres proprium horrebant nomen et CHRISTIANI potius audire cupiebant. V. *Flor. Crusii* ep. ad *Dilgerum*. Nemo tamen veritatem evangelicam per *Lutherum* restitutam et confessionem Augustanum adsciscens, ex eadem ratione nomen *Lutherani* recusabit, vel hoc

hoc injuriosum reputabit. Quae Io. Preussius in *Theologia s. colloquiis*, germanice scriptis p. 12. contendit, coetum suum pessime appellari a Socino, quia ab hoc noua religionis forma in Polonia nequaquam instructa fuerit; quod adstruere conatur: quia coetus iste, cui adiungi F. SOCINUS desideravit, hunc ne quidem ad S. Synaxin admiserit, improbante id ipso *Preussio*, facile ex toto historiae nexu conciliari possunt. Cum sectarum nomina ab errorum auctoribus vel promotoribus deriuare fas sit, prae-euntibus in hac parte *Christo* et *Apostolis*; hinc nulla omnino specie nomen et magis adaequatum huic civitati conuenit, a *Laelio*, primo disciplinae inuentore vel restauratore, et a *Fausto*, Architecto et propugnatore, utroque *Socinis*, derivatum.

Dicuntur, idque non immerito *Neo-Ariani*, quia in *Socini* castris pugnantes cum ARIO in impugnanda aeterna Christi Deitate communem rem faciunt, et pro eius partibus, nuntiatio Christi aeterni Dei confessoribus bello, dimicant. *Arianorum* enim titulo generaliori conceptu insigniuntur, qui Dei Filium infra Deum Patrem collocant, quod cum multis fieri possit modis liquet, huius etiam vocabuli variam esse potestatem et absque offensione *Neo-Arianis* imponi posse, quamuis hi cum veteribus omni respectu consentientes non sint, nec vnam eandemque sententiam circa modum dicendi tueantur. In hac tamen parte *Socinianismus* nihil aliud est, quam interpolatus *Arianismus*, a quo ille non differt, nisi noua methodo, qua Christo existentia ante Mariam virginem omnino denegatur. Hinc *Pelargus de Arianis recent.* p. 300 iudicat: „Quomodo amoliri abs se *Arianorum*, quorum dogma pro-seminant, nomen unquam illi poterunt. ARIUS ετερεσιον: „dicebat Dei Filium, negabat ομοθειον: dicunt idem Smig-lenfes; negant idem, quod ille.”

Primis maxime temporibus, antequam *Socinus* ciuitatem suis praeceptis formauerat, *Arianorum* nomine in Polonia insigniti sunt; siquidem isto tempore non om-

nium eadem fuit de Christo opinio. Multi enim ad *Arianismum* accedentes Servatorem ante mundum conditum, ex Deo Patre natum, hoc inferiorem esse, affirmabant, sectaeque *Farnouianae* a STAN. FARNOUIO vel FARNESIO ita dictae *Ariana* opinio magis probata videbatur, quam *Sociniana*.

Eadem iure a PHOTINO *Neo-Photiniani* appellantur, SOCINO antiqua *Photini* dogmata resuscitante. Male autem fert *Preussius* l. c. coetus sui homines ab orthodoxis appellari *Photinianos* ob communem in uno articulo consensum, quia hoc modo omnes Christi cives a Iudaeis et Mahumedanis, cum quibus unum caeli terraeque conditorem credunt, et idola averfantur, denominari possint ac debeant, immo ab ipso diabolo, qui Deum credit. Alia vero ratio est consensus in veritate communi, alia dissensus ab eadem ac conuenientiae in errore fundamentali. Quemadmodum enim olim et isti *Ariani* dicebantur, qui non in omnibus praecise cum *Ario* et inter se consentiebant, cum hoc autem conueniebant, quod Filium Dei eiusdem cum Patre essentiae Deum esse, negarent: ita nostra aetate omnes, qui in hoc momento conspirant, *Ariani* vel *Photiniani* dici possunt, quamvis aliquin propiores ad hunc, quam ad illum coetum accedant. Ipse adeo *Ostorodus* Socinianorum doctrinam genuinam esse *Photini* disciplinam in *Pracf. operis Unterrichtung* etc. (B. A. P. II. p. 572. N. 5.) expresse profitetur; merito hinc ab eodem compellandi. Cuius enim doctrinam fundamentalem quis sectatur, suamque facit ac stabilire conatur, ab eodem discretionis et professionis causa denominatur. Nemo quodam haeresiarcharum istorum nomen reculare potest, nisi qui eorum errorem discretium detestatur.

Eadem lege a quibusdam *Ebionitae*, *Cerinthiani*, *Samosateniani*, *Abaelardiani*, *Servetiani*, appellantur. V. *Calovii* Socinianismum profligatum p. 1—24. *Servetianorum* nomen *F. Socinus* a coetu suo auertere studet in
resp.

resp. ad praef. Wujeki p. 33 verbis: „Negamus Seruetum
 „fuisse progenitorem nostrum, quippe a quo nec sententiam
 „nostram de Deo et Christo accepimus et hac ipsa in re non
 „parum ab ipso dissidemus; praesertim in explicando, quid
 „sit verbum, s. sermo, de quo Joannes in principio Evangelii
 „sui loquitur etc.” Discrimen omnino inter Serueti et
 Socini placita concedendum est; a Serueto tamen quoad
 principale erroris caput Socinianismum nominari posse,
 vtriusque collatio docet.

Nec adeo insuetus est *Anabaptistarum* vel *Novo-Bap-*
tizantium titulus, polonice *Nowo-Chrzezency*; sic enim
 primis temporibus ante Socini adventum in Polonia esse
 dictas, quod nullus nisi adultos et ex aliis familiis ad se
 accedentes sacro fonte initiarent, testatur auctor vitae
 WISSOWATII apud Sandium l. c. p. 225. Inter vagantes
Anabaptistas haud raro fuerunt, qui divinum Christi ho-
 norem imminuere conabantur; quod alio loco exemplis
 comprobaturi sumus. Ideo omnes Christi Dei hostes,
Anabaptistae primo tempore appellati quod ex Jo. Wi-
 gandi opere, de *Ana'baptismo grassante etc.* Lipsiae 1582.
 4. constat. Accedit, quod aliquando Sociniani quibusdam
 locis vel cum *Anabaptistis* vnam constituerint familiam,
 vel horum societatem omni modo affectauerint. In prae-
 fatione, primae Socinianae Catecheseos editioni, Craco-
 viae 1574. (de qua vid. B. A. P. II. p. 826. N. 2.) prae-
 missa, auctor testatur: „quod praecipua editi libri ratio
 fuerit: quod *Anabaptistae* variis contumeliis afficiantur.”
 Paedobaptismo a. 1570. jam reiecto, teste Stan. LUBIE-
 NIECIO l. c. p. 240. immersionem adultorum summo stu-
 dio defenderunt. Hinc in synodo Cracoviensi eodem
 anno habita, cuius acta *consensui Sendomiriensi* a JABLON-
 SKIO p. 206. inserta sunt, eiusque actu IV. *ARIANO-BAPTI-*
STAE appellantur. In publicis igitur Principum ac Ma-
 gistratuum mandatis hoc tempore adversus *Anabaptistos*
 promulgatis, simul quoque notantur quicumque recentio-
 res Antitrinitarii et omnes Christum aeternum Deum ne-

gantes. In *Illustr. Principis Joannes Friderici II.* confutatione ac condemnatione praecipuarum corruptelarum, sectarum etc. *Ienae* 1559. 4. p. 16. Anabaptistis nominatim accensentur, qui blasphemias *Serveti* adversus *Myse-rium S S. Trinitatis* circumferunt. Proximo tempore *Anabaptistarum* titulus a seclis inuisus fuit, maxime cum *F. Socinius* quoad baptismi reiterationem ab *Anabaptistis* dif-ferent, a quo tempore, qui antea *Anabaptistae* vocabantur, dicti sunt *Sociniani*.

Nec adeo insolitum fuit, ut a locis, in quibus *Socinorum* sectatores castra metati sunt, *Racovienses* a *Racovia*, *Pinczowii* vel *Pinczovienses*, quod nomen in *Sylvis Andr. Fricii* obuium est; a *Pinczovia*, in quo oppido sub *Nic. Olesnicio* patrono ac protectore commorabantur, et *Smig-lenses* a *Smigla* Poloniae oppido denominarentur. V. *Narr. compend. Sandii Biblioth.* adnexa p. 211. eiusque *append. ad nucl. hist. eccl.* p. 91.

Quemadmodum vero a consuetudine alienum non est, sectam cognominari a praecipua opinione, qua se maxime distinguit; ita *Sociniani* ab erroribus, quos amplexi sunt, *Pneumatomachi*, *Monarchici*, vel *Monarchiani*, atque *Christomachi* nonnullis audiunt, quia personalitatem Spiritus impugnare, monarchiam in Deitate locum habere, Deumque Patrem solum ac summum esse Monarcham euincere, Christique essentialem Deitatem infringere, omnes rationis nervos intendunt. In primis a suscepto dogmate dicebantur *Monarchici*, qui cum *Praxeae* eadem sentiebant. Quem titulum *Dan. Zwickerus* probare videtur, in libro sub eodem N. 6. in *B. A.* p. 1050. recensito. V. *Rechenbergius de Monarchianis*, et *Bayerus de Monarchianis Antitrinitariis*.

Aliquando sub *Latitudinariorum* nomine venerunt; quia latissimam paucisque adeo articulis absoluendam credunt fidei compagem, et ab omnibus mysteriis abstinendum esse iudicant. Ipsi ANTITRINITARII dici malunt, quo titulo *Sandius* suam ornauit Bibliothecam; omnium
vero

vero maxime CHRISTIANI VNITARIJ, eo scilicet sensu, quo *Sabelliani* olim a *Prudentio* dicti sunt *Vnionitae* et *Monarchici*, quod vnam duntaxat Deitatis personam tresque in hac qualitates admitterent; quod nomen *Bibliotheca F. F. P. P.* et *Narratio compendiosa* etc. *Sandii* *Biblioth.* subtextu prae se ferunt, appellari cupiunt. Hoc titulo se distinguunt a *Trinitariis*, quo nomine *Evangelicos* pariter ac *Romano-Catholicosque* insigniunt; cum *Trinitarii* re vera cum *Antitrinitariis* vnam classem constituent, quippe illi hoc nomine propriae appellandi sunt, qui Personas diuinae essentiae, quoad essentiam et tempus existendi distinguunt, quales reuera *Trinitarii* inter ipsos *Antitrinitarios*, vel ita nominatos *Vnitarios* fuerunt, qui tres quidem Personas, sed non eiusdem essentiae; nec coaeternas crediderunt; plerique tamen Spiritum S. non Personam, sed vim s. virtutem diuinam statuerunt. Quod si *Trinitariorum* titulus triunius Dei confessores ac cultores notat, istum omnino *Evangelici* suo suscipiunt suffragio, quippe quo ab *Antitrinitariis* distinguuntur. Curiae vero Romanae stilo S. Trinitatis hostes *Trinitarii* audiunt; hinc Bulla coenae Domini, *excommunicat et anathematizat ex parte Dei omnipotentis, P. F. et Sp. S. auctoritate quoque beatorum Apostolorum Petri et Pauli, quosunque — — — Anabaptistos, Trinitarios et a Christiana fide apostatas.* V. Jo. Fabricii *amoen. theol.* p. 620 sqq. Non absque ratione *Vnitariorum* appellationem sibi competere putant, qui *F. Socinum* praeceptorem agnoscunt, hanc enim auctor *praef. Biblioth. F. F. P. P.* affert, cur ita dici debeant: quia vnicum strictissima vnitate non tantum essentiae sed et personae Deum altissimum, confiteantur. V. *Vindiciae pro Vnitariorum in Polonia religionis libertate*, l. c. 268. Posset quoque ipsorum votis adnui, quamuis nullam inde gloriam lucrentur, cum dudum Turcae hoc nomine vsi fuerint, quod ex *Achmet Ben Abdalla*, legati Maroccani apud status Hollandiae, confessione, quam notis et animaduersionibus edidit *Grapius*, constat.

stat. Minus convenienter, proinde in titulis librorum publico nomine scriptorum, in Catechesibus vel confessionibus suis gloriantur, quod *unum Deum et Filium eius unigenitum Iesum Christum cum Spiritu S.* profiteantur, veram interim, aeternam ac essentialem Christi et Spiritus S Deitatem oppugnantes; et reuera inaequalitatem ac gradus quosdam personarum Diuinitatis, suisque hypothesebus, (quamuis id omnino renuant,) tres Deos faciunt. Omnes hinc certo respectu *Trithitae* appellandi forent; licet strictiori sensu ita dicti peculiarem inter *Antitrinitarios* sectam constituent. A. Sociniani enim plures omnino Deos, proprie ita dictos asseri, licet vnitati divinae vindicandae maxime studere videantur, ipsismet illorum verbis praeter alios demonstrauit *Jonath. Eduardus* in libro angl. scripto: *Antidotum contra Socinianismum*. Oxon. 1693. 4. p. 8. seqq. Quod se ipsos appellauerint *Fratres Polonos* ex indice *Bibliothecae F. F. P. P.* notissimum est. Adsciuerunt autem nomen, ad imitationem fratrum *Bohemorum* ac *Moravorum*, quorum fraternitas in *Polonia* vicinisque regionibus isto tempore celebrabatur, et quod omnes in Polonia Mysterio S. Trinitatis assensum detrectantes, speciem quandam confoederationis ac vnionis prae se ferrent, qua se aduersus dissentientes tuerentur; simulque hi in vnum finem et ad seruandam exactiorem disciplinam ecclesiasticam confociati, amabili fratrum titulo, ad imitationem primorum Christianorum semet ipsos notarent.

Quod dicti fuerint *Sandomirienses* et *Cuiavienses*, *Cocceiani*, *Arminiani*, *Quackeri*, quod auctor *historiae Socinianismi* Gallice scriptae p. 7. 8. prodit, veritati plane aduersatur.

§. II.

Antequam Socinianismi et Socinianorum memorabilia fata aggredimur, historiae ecclesiasticae
monu-

monumenta lustrare duximus, in iisdem, quos vterque Socinus et Sociniani recentiores habuerint antecessores, quorum prefferint vestigia, nec non qui hodie adhuc sint coetus alii, qui placitis quibusdam ad Socinianismum accedunt, inquirentes, ut instituto parallelismo conformitas inter plures animaduertatur. Multiplex enim est disciplina Sociniana circa plurima fidei Christianae capita a vero deflectens; hinc quoque cum pluribus coetibus conuenit. In hoc tamen negotio ad praecipuum dogma abnegatae personarum in diuina essentia Trinitatis et in Christo coessentialis ac aeternae Deitatis maxime respicimus, reliquis insuper erroribus cum his indiuulso nexu cohaerentibus non prorsus neglectis. In omnibus ipsi haud raro ad veterum heresiarcharum consensum prouocarunt.

*

*

*

Haud parum ad praecognitionem sectae hujus confert, nexum cum aliis, quorum dogmata, nisi omnia, praecipua tamen, partim eadem, partim analogia sunt, collustrare. Fuit haec methodus *Apostolis* adeo ipsis usitata, ut eos, qui venerabilem *Apostolorum* characterem sibi isto, quo vixerunt tempore, falso vindicabant, cum malae notae *doctoribus pristinorum temporum* compararent; ad quem modum *Petrus* 2. Ep. II, 15. falsos primi saeculi doctores cum *Balaamo*, et *Paulus* peruersos sui temporis homines cum iis, qui tempore *Mosis* eiusdem fuere indolis, 2. *Tim.* III, 8. confert. Nemo hinc unquam vitio vertet iis, qui inter haereticos sobrie et cum veritatis studio, non odii excitandi affectu, nec ex mera suspicione parallelismum instituunt; quo ipso haud parum lucis accuratori haeresium notitiae affunditur. In hoc

hoc conficiendo verus et proximus vnus coetus cum altero, nec remotissimus tantum et ex variis consequentiis effectus ac probabilis consensus adesse debet; eiusmodi potius appareat harmonia, ut quivis a partium studio immunis conspicuam opinionum convenientiam animadvertere possit. Longe absit ab hoc instituendae comparationis negotio calumniandi licentia, qua saepius viri integerrimi odioso nomine notantur, toto corde quemcunque errorem auersantes. Ita *Sleidano* teste pontificis legatus a. 1523. in confessu Principum *Noribergae*, *Lutherum* cum *Mohamede* comparavit, quod ille votorum vincula confregerit. Obseruasse nos veritatis ac modestiae leges, aequos harum rerum arbitros et antiquae fidei confessores cordatos testes provocamus. Non quidem per omnem errorum ambitum in obseruando hoc parallelismo vagabimur; quo labore in vastum volumen tractatio excresceret; tanta enim est in disciplina *Socinianorum* opinionum farrago, ut per omnes fidei articulos disseminatae animaduertantur: sed praecipue ad negatum S. S. Trinitatis Mysterium, ad negatam aeternam, veram ac essentialitatem Christi Deitatem et Sp. S. peculiarem subsistentiam, oculos figimus, ita ut antiquos haeresiarchas vnam atque alteram ex his sententiam propalantes brevi comparatione cum *Antitrinitariis recentioribus* in scenam protrahamus, reliquorum tamen placitorum cum aliis haeresibus affinitatem non prorsus neglecturi simus. Inter haec maxime sequentia obtinent: negant Christum morte sua vicaria pro hominibus satisfecisse, eumque propria virtute ex mortuis surrexisse; Adamum esse conditum in immortalitate; imaginem diuinam post lapsum esse deperditam, inficiantur simpliciter peccatum originale, asseruntque in homine adhuc esse a natura liberam obediendi Deo voluntatem: Christum legi morali peculiaria addidisse praecepta statuunt; in V. T. alium viguisse iustificationis modum, quam in N. defendunt; fidem salvificam per obedientiam legi et mandatis Christi praestandam definiunt;

aquae

aquae baptismum divinum esse Sacramentum, atque regenerationis et saluationis esse medium negant; S. Coenam sola mortis Christi recordatione absolui; non dari eiusdem numero corporis resurrectionem, aliaque plura statuunt, quamvis in his momentis non omnes coetui Sociniano adscripti conueniant, qui tamen ex publicis confessionibus et praecipue ex Catechismo Racouiano sunt diiudicandi.

Non accuratam totius historiae et omnium errorum recensionem de illis suscipimus, quorum *Socinianis* convenientiam significamus; sed pauca tantum indicamus momenta, ut vel affinitas, vel similitudo in vtraque parte conspiciatur, absque longiori disceptatione, qua praecise ratione omnes in suo explicandi modo ab inuicem diuersi fuerint. Vagam enim ac minus determinatam esse scriptorum prisca aevi narrationem de pluribus veterum opinionibus, deprehendimus, haud raro sibi contrariam, ut saepissime de eadem haeresi disparata, nec facile concilianda proferantur. Ipsi errorum propugnatores non accurate, sed tumultuarie plerumque eosdem proposuerunt, et ex vno in alium delapsi sunt. Contulerunt quidem Viri in historia ecclesiastica summi, *Weismannus*, *Moshemius*, *Christ. Wilh. Fr. Walchius*, alique omne studium, ut quae vel haeresiarchae ipsi, vel de iisdem historiographi indeterminate et minus accurate protulerunt, distincte ad quandam systematis formam delinearent; sed vix dubitandum, quin ex ipsis fontibus, quibus illi usi sunt, alia quoque haereseos huius vel illius forma, adhibito paullulum ingenio excogitari possit. Sunt tamen quidam errores indubitati, quibus a veritatis tramite deflexerunt, atque in his Socinianorum sine omni controversia viae duces ac praedecessores extiterunt. Quod in bellis usu venire solet, ut hostis quam maxime repulsus; iterum pugnae periculum faciat, ac receptis viribus quanto potest impetu, in castra vel munimenta opposita irruat; idem in diuinae veritatis oppugnatoribus, et antiquis

quis et recentioribus animaduertimus, qui profligati, in aciem subinde redierunt, nouisque inuentis et repetito vincendi ausu noua proelia mutato habitu susceperunt. Ea est errorum conditio, vt, quam diuersi appareant, inter se tamen cognationem quandam habeant. Satis quidem longo interuallo *Naturalismus* a *Fanaticismo* abesse videtur, interim ambo quodam affinitatis vinculo se adstringunt. In specie circa Dei vnitatem duplici itinere deuiò a veritate aberrarunt homines, a prima post Christum natura aetate, vel diuinam essentiam multiplicando, vel ad vnam hypostasim pertrahendo. Cum his Sociniani rem communem faciunt, quamuis alioquin diuersimode in diuersa ab illis abeant. Quemadmodum igitur BUDDEUS de *Spinozismo* ante *Spinozam*, WOLFIUS de *Manichaeismo* ante *Manichaeos*, DAV. MILLIUS de *Mohamedismo* ante *Mohamedem*, SALIGIUS de *Eutychemismo* ante *Eutychem* et LILIENTHALIUS de *Pelagianismo* ante *Pelagium*, alique similia his scripta concinnarunt, ad quorum imitationem PFEIFFERUS alio fine et commodo tractatum euulgauit, de *Lutheranismo* ante *Lutherum*; sic nos *Socinianismi* ante *Socinum* delineationem adgredimur. Nemo quidem hoc argumentum peculiari scripto tractauit; non tamen prorsus neglectum est. VEN. WALCHIUS, partim in *Illustrationibus quorundam Encyclopaediae gallicae articulorum*; partim in *Historia haeresium*, mysterii S. S. Trinitatis aduersarios per singula saecula peculiari sectione notavit; CALOVIUS in *scriptis Antisocin.* P. I. p. 43. seqq. et in *Socin. profl.* P. II. p. 2. seqq. ita cum priscis haereticis Socinianos contulit, vt horum quoque verba, quibus cum illis conspirant, allegauerit. Praeterea hac in parte nominandi sunt: JO. FRID. COTTA in *Historia doctrinae de S. S. Trinitate*, quam Tom. III. Jo. Gerhardi J. L. Theol. a se editis p. 324. seqq. adtexuit; BOTTSACUS in *Antistegmanno* c. X. p. 421. seqq. DAN. CRAMERUS in *arbore haereticae consanguinitatis*; auctor praefationis libri: *Kern und Saft der erbaulichen Schrift Speners* von

von der ewigen Gottheit. J. E. et quidam alii historiae ecclesiasticae scriptorumque polemicorum aduersus Socinianos conditores.

Non inuitis *Socini* vexillum sectantibus haec instituitur comparatio, siquidem ipsi plurimos in hunc censum referendos pro antiquissimis veritatis testibus habent, et orthodoxam doctrinam tanquam neotericam, proscindunt. Quamuis enim cum quibusdam consensum ipsis imputatum improbent; in genere tamen largiuntur, vtrumque *Socinum* plures habuisse antecessores, quos allegant, ac parentes suos nominant atque celebrant. Auctor libri *de mediatoris I. C. hominis diuinitate* (Vid. B. et P. I. p. 60. N. 19.) de antiquissima sectae suae origine et continua ab Apostolorum temporibus propagatione glorians cap. VIII., eiusmodi auctores recenset, qui iam inde ab Apostolorum tempore Neophotinianae confessioni vel directe, vel oblique, vel in totum, vel ex parte, in articulo de Deo et Christo suffragium suum tulerint. Ita autem abbagante verba *Wolfg. Franzio in vindiciis disput. theol. pro Aug. conf. disp. I.* inquit: „Ne existiment fideles „nunc primum de vno Deo et vnico Christo controuerti, „quorundam veterum doctissimorum antistitum varias „opiniones, quae post exortam, de tribus Personis in vno „Deo residentibus, doctrinam suppullularunt, adiciere quod „que hic libuit, quas solus Antichristus Romanus cum „sua ecclesia, non ex verbi Dei, sed ferro, flammis, et „vsurpata sibi auctoritate damnauit et pro sua libidine „haereticas esse voluit. Omisso *Origene* omnium veterum „clarissimo, qui de vno Deo et Christo filio homine, vt „plurimum pie docuit: omisso quoque *Apollinari*, viro „eruditissimo, *Tatiano* praeterea *Severo* et *Bardisane*, „praefulibus olim sanctitate et doctrina insignibus: et variis conciliis, in quibus turmatim Patres aduersus *tripersonatum Deum* et *Christum binaturium* disputarunt et „scripserunt: selectos quosdam hic tantum annotauimus, „qui ab ipsis etiam hostibus ob egregias ipsorum virtutes

„fuere commendati. 1.) Fuit *Beryllus*, vir *Origenis* tempore florens, *Bostrenae* urbis *Arabiae* praeful eruditissimus, qui ne duos filios, aut plures *Diuitates* annunciare posse videretur, *Christum Dei filium Redemptorem* atque *Mediatorem nostrum* ante *humanitatem* non existisse, et non aliam, quam patris in ipso habitare *diuinitatem* asserbat. 2.) Est *Eutyches*, Praeful *Alexandrinus*, qui aliud esse verbum, aliud esse *Christum Dei filium* praedicabat, et binas in *Christo* genitas negabat esse naturas, dicebatque (veritus, ne duos *Christos* praedicaret) *Christum hominem* de coelo descendisse et virginis vterum tantumquam solis radium penetrasse. 3.) Est *Nestorius*, qui *Dei filium* ante *Mariam* realiter existisse negabat, duas vero genitas in *Christo* naturas cum assereret, duos filios in veritate personae copulatos fuisse oblique negabat. 4.) Est *Paulus Samosatenus* Praeful, qui filium *Dei Christum* in vtero virginis initium habuisse, (ne in eundem errorem incideret, formas transmutando) tandem praedicabat. 5.) Est *Arrius*, *Alexandrinae Ecclesiae* Praeful, qui pacis ineundae nomine *Christum omnium praestantissimam* ante saecula *Creaturam* mediaeque substantiae inter *Deum* et *Angelos* fore simulabat. 6) *Donatus*, *Africanorum Ecclesiarum* Antistes, qui filium omnibus modis minorem esse patre, cum omnibus ferme illius aetatis Praefulibus, esse dicebat, ne focium *Deo Patri* aliquem esse fingeret. 7.) *Heluidius*, *Ansientii* discipulus, praeful *Constantinopolitanus*. 8) *Eusebius Nicomedienfis* Praeful. 9.) *Eunomius*, *Cizizenus* Praeful. 10.) *Miledius*, *Aegyptiorum* Antistes. 11.) *Sabinus*, Praeful *Heracliae*, qui eandem cum *Berillo* et *Donato* sententiam secuti sunt. 12.) *Nepos*, *Aegyptiorum* Episcopus. 13.) *Theodorus*, *Carthaginensis* Praeful, qui C. J. *Deum* et *Dominum* a *Patre* palam factum fuisse post resurrectionem tantum, asserbat. 14.) *Eunomius*, qui generationem in diuinitate non admittebat. 15.) *Praxeas*, qui plures Personas coaequales in *Trinitate* negabat. 16.)

„Idem

„Idem et *Photinum* scripsisse atque docuisse ferunt. 17.)
 „Et *Paulum* quoque Praefulem Antiochenum. 18.) *Cer-*
 „*donem* vero tot et tantis opinionibus obrutum, vna cum
 „*Manichæo*, *Marcione* et *Mane* duo principia statuere co-
 „actum fuisse ab Aureliano. 19.) *Apellem* vero Thessalo-
 „nicensem Praefulem ob eiusmodi quoque varias homi-
 „num sententias maiorem partem Prophetarum reiecisse.
 „20.) Fuit *Sabellius*, qui (ne tres Deos cum Papa docere
 „videretur) P. F. et Sp. S. tria pura vnius Dei nomina
 „fuisse asserebat. Fuit et *Almericus* et *Symmachus* Biblio-
 „rum interpres, qui ideas in mente diuina creari non
 „posse dicebant, et aeternum verbum ipsum Deum non
 „posse, vnde primum *Acephali* dicti sunt, qui duas in
 „Christo genitas naturas esse negabant.”

Eosdem sectae suae maiores ex parte *Andr. Wiffowatius* in *praef. Biblioth. F. F. P. P.* nominat his verbis: „Inter
 „alia religionis dogmata, maxime circa ipsius Jesu Christi
 „naturam atque substantiam, seu Personam, excitatae sunt
 „controuersiae. Quibus tamen temporibus, dum erro-
 „res isti emergerent, viri nonnulli apostolicae simplicita-
 „tis tenaces, eis restiterunt, vt *Theodorus Byzantinus* cir-
 „ca annum Christi CXC, quem *Victor* Episcopus Roma-
 „nus, genere Afer, ob sententiam de J. C. cum apostolica
 „consentientem, sed ab ea, quae inualescebat, dissentien-
 „tem, ab ecclesia exclusisse scribitur: tum *Artemon* cum
 „suis sociis et *Paulus Samosatenus* Ep. Antiochenus, circa
 „a. C. CCLX. (ut praeteream *Beryllum Bostrensem* in Ara-
 „bia et *Marcellum Ancyranum* in Galatia episcopos) *Pho-*
 „*tinus* Ep. Sirmienensis circa A. C. CCCL, a quo denomi-
 „nati *Photiniani*, per tempus aliquod veritatum testimo-
 „nium praebent.”

Cum hoc schemate genealogico conuenit *Narratio*
compend. l. c. p. 209: „Obstinebant ac reluctabantur
 „opinionibus aliqui pristinae tenaces doctrinae. Talis
 „fuit *Theodorus Byzantinus*, tum *Artemon* cum nonnullis
 „sibi adhaerentibus, *Beryllus*, *Paulus Samosatenus*, cum suis

„affectis, *Photinus*, cum eiusdem sententiae sectatoribus.” His omnibus calculum suum adiecit *Stan. Lubieniecus* in *Hist. Reform. Pol.* p. 6. seqq. qui et hos et longe plures inter veritatis diuinae testes collocauit. Eosdem castrorum *Socini* signiferos in medium profert Eques Polonus in *Iudiciis pro Unitariis in Polonia religionis libertate* l. c. p. 268, qui quidem sectam suam *Arianos* habuisse antecessores inficiatur; reliquos interim agnoscit parentes.

Mirabile proinde videtur, quod, quam alii coetus Sociniani principes celebrant familiam, alii suam esse negent, hancque per odium esse confictam amicitiam, conquerantur. Ita *Jon. Schlichtingius* in *Apol. pro veritate accusata* p. II. inquit: „*Ebionis, Cerinthi, Samosatani, Arii, Seruati*, (quem *Geneuae* crudeliter exustum non sinet inultum is, quem mediis in flammis inuocauit, aeterni Dei Filius) partim famosa, partim inuidiosa nomina nil moramur, quae non ex vero, sed ex odio, et odii in nos concitandi studio, nobis imponunt.” Non praetereundum, quosdam adeo processisse, ut nonnullos *orthodoxam fidem* constanter professos, antecessores suos declarare non dubitauerint, quos alio loco ab his criminationibus liberabimus.

§. III.

Qui ab Antitrinitariis recentioribus disciplinae suae celebrantur antiquissimi Magistri, pro veris ac intrepidis Apostolicae doctrinae confessoribus ab ipsis habentur, quos genuinam ac ab Apostolis acceptam veritatem seruasse, sibi persuadent, atque Apostolicae antiquitatis gloriam sibi vindicare student. Orthodoxam e contrario et catholicam de S. S. Trinitate et aeterna Filii Dei existentia doctrinam, a Justino Martyre, vel ab Athanasio et Concilio Nicaeno repetunt, hancque Antitrinitario-
rum

rum systemate recentiore esse, quibuscunque rationibus, maxime vero Patrum Antenicaenorum effatis probare, nostramque fidem Athanasianam vel Nicaenam appellandam esse, contendunt. Quibus ab orthodoxis praeter S. Scr. oracula, non Patrum tantum antiquissimorum, verum quoque aliquatenus gentilium testimonia olim opposita sunt.

*

*

*

Ipsos haeresiarchas, recentiores Antitrinitarii veritatis Apostolicae testes et fidelissimos antiquioris et purioris doctrinae conseruatores et Tutores celebrant, quos ab aliis, nouam fidei formam excogitantibus et in orbem Christianum introducentibus, esse oppressos, et in haereticorum classem nefario intrusos iudicant, sicque tandem minorem Vnitariorum gregem dominantii Antitrinitariorum parti cessisse. Omnes proinde disciplinae suae originem a Christo et Apostolis deriuare ac placita sua per recte sentientes et veritatis testes, a primis Christianismi temporibus ad *Socinorum* aetatem esse seruata contendunt. Ita SAM. CRELLIUS longam *Nazaraeorum* defensionem, partim in *Artemonio*, partim in opere *Msc.*, quod in *B. A. P. I.* p. 198. N. 24. allegauimus, suscipiens, his verbis, libri ultimo loco notati prolegomena inchoat: „In libro „hoc nostro probamus, *Ebionaeos* ab Apostolis cum sua „erronea de Christo sententia in ecclesia Christi toleratos „esse, *Nazaraeorum vero praexistentiam Christi non cre-* „*dentium sententiam, ipsissimam fuisse orthodoxam catholi-* „*camque Apostolorum tempore doctrinam*; videmusque „adeo contra *Arianos* et *Homousianos* praexistentiam Filii „Dei ante Mariam statuentes, satis sufficienterque demon- „strasse, nihil ipsis in illa antiquitate ecclesiastica esse re- „sidui, de quo merito gloriari possint. Meretur sane „argumenti ex antiquitate sumti magnitudo, vt ei etiam

„porro insistamus, et ex omnibus alicuius notae vel aucto-
 „ritatis primi ac secundi Seculi monumentis demonstre-
 „mus, *Nazaraeorum et Artemonitarum de Christi Persona*
 „*sententiam, praecellentiae τὸ λόγῳ vel filii alicuius prae-*
 „*aeterni contrariam*, ipsam fuisse Apostolorum et Christi-
 „anorum proximis post eorum excessum temporibus flo-
 „rentium orthodoxiam et post tempora demum *Justini*
 „*Martyris* illam sententiam sensim inualuisse, quae nunc
 „pro catholica et orthodoxa venditatur.” Idem in ep. ad
La Crozium in *Thesauro epist. La Crociano* T. I. p. 91. in-
 „quit: „*Primus Justinus Martyr Filium Dei iam ante sae-*
 „*cula Deum, tandem aliquando incarnatum in Ecclesiam in-*
 „*troduxerat;*” cui TRYPHO reponit: „*Nos talia dicentem,*
 „*aut docentem nunquam audiui.*” Sed et ex aliis qui-
 „busdam locis liquet in colloquio isto, JUSTINUM suomet ip-
 „sius iudicio sese prodidisse in dogmate isto nouatorem. Ex
 „suo priuato, non ecclesiae tunc Catholicae, sensu loquitur,
 „quando Christi Deitatem antefaccularem vrget.

Non primus audacis asserti inuentor fuit *Sam. Creli-*
lius, qui Antitrinitariis aliquod praesidium ex antiquitate
 conciliare putauit; sed ante ipsum pro antiquitate disci-
 plinae suae pugnarunt alii, quamuis non aequali subtili-
 tate et ingenii acumine. Omnes eadem oberrarunt chor-
 da, ut ex suo, cum antiquissimis haereticis, quos ortho-
 doxos opinantur, consensu, maximum pro sua causa
 petant firmamentum, fidemque nostram, quam petulan-
 ter *Athanasianam* vel *Nicaenam* vocant, antiquitate et tem-
 pore esse inferiorem, Antenicaenos Patres Arianorum, vel
 Photinianorum dogmatibus suffragium tulisse; Triados
 vero terminum in prima Synodo Alexandrina, a. 317 pri-
 mum in disciplinam Christianam fuisse receptum glorien-
 tur. *Andr. Wissowatius* in *Narrat. compend.* venditat:
Nazaraeos et Ebionitas tanquam simplices Christianos
 annunciatam ab Apostolis de Deo et Filio eius Christo in-
 stitutionem seruasse puram, quam post accessionem quo-
 rundam Philosophorum, maxime *Platonicorum* ad Chri-
 stia-

stianismum, peregrinorum admistione dogmatum depravatam esse credit. His recentioribus, proprii ingenii opinionibus, vndique inualescentibus abstutisse doctrinae apostolicae propugnatores *Theodotum Byzantinum, Artemonem, Beryllum, Paulum Samosatenum et Photinum*; cui asserto SAUVERANUS quoque in libro: *Le Platonisme dévoilé*, fulcra admouere conatus est.

Id ipsum pro Ario eiusque asseclis Sandius in *Nucleo H. E.*, euincere molitur, nec non *Adam. Gosiavus*, in opere, quod *Jacobo Martini* oppositum voluit; vid. B. A. P. I. p. 428. N. 2. Iisdem armis pugnavit *Smalcus* contra *Smiglecius*, et *Dan. Zwickerus*. Immo omnes in id studium suum conuerterunt, ut originem disciplinae suae ab apostolicis temporibus deducerent; in qua gloria captanda *Whistonum* aliquando, *Fayditum*, et *Lubieniecium* aliosque plures occupatos fuisse scimus. Horum argumenta impudentissimi asserti arguuntur in GARDINERI *delineatione Catholicae circa S. S. Trinitatem sententiae*, *Bayeri* diff. hist. theol. de Concilii Nicaeni, et oecumenici auctoritate atque integritate, CALOVII diff. de Confessione Martyrum et aliorum fidelium post Apostolorum excessum de S. S. et indiuidua Trinitate; in anonymi scripto, de recta Patrum Nicaenorum fide, Venet. 1730. SEMLERI *Introd.* Tomo II. *Theologiae Polem. Baumgart.* praemissa. HORNEIUS in disp. theol. IV. studiose in hunc finem conquisiuit testimonia *Iustini Martyris, Athenagorae, Irenaei, Tertulliani, Clementis Alexandrini, Gregorii Neocæsariensis, Cypriani* aliorumque. In hunc censum veniunt, BERNH. VON SANDEN jun. de tessera fidei orthodoxa patrum Nicaenorum, J. H. BALTHASAR doctrina Policarpi, de principis Christianae fidei capitibus, in specie c. II. p. 79. seqq. de S. S. Trinitatis Mysterio, et c. III. p. 106. de Filio Dei, eius personalitate, deitate, humana natura, utroque statu, triplici officio, satisfactione vicaria et deprecatione pro hominibus etc. Vid. quoque *Burscheri* doctrina de S. S. Trinitate et Persona I. C. antiquissimorum.

Patrum verbis exposita et *Frid. Wilh. Dresde*, Diff. Hist. Dogmatis, de aeterno Dei Filio. *Witteb.* 1776.

Inprimis Antitrinitariorum arma infregit GE. BULLUS in *defensione fidei Nicaenae*, Oxon. 1685. 4., *Amstel.* 1688. 4. et in operibus eiusdem, *Lond.* 1703. cum praef. et adnotat. I. E. GRABII editis, fol. In hoc opere singulari eruditione auctor euictum dedit, Patres priorum saeculorum de Christi et Sp. S. deitate docuisse, quae nostro tempore orthodoxa exponit sententia; eandemque in Mysterio S. S. Trinit. fuisse, quae post Concilium Nicaenum. Adfixa sunt libro 1) *Iudicium ecclesiae catholicae priorum saeculorum, de necessitate credendi, quod Dominus noster I. C. sit verus Deus, contra Simonem Episcopium.* 2) *Primitiua et apostolica traditio dogmatis in ecclesia catholica recepti de I. C. Seruatoris nostri diuinitate; asserta et euidenter demonstrata contra Zwickerum Borussum, eiusque nuperos in Anglia sectatores.* Vnitarii olim in Anglia monumentorum ecclesiasticorum ignaris prae-eunte Zwickero persuadere conati sunt, *Justinum Martyrem, Simonis Magi deliriis ac Orphei atque Sibyllarum versibus deceptum, Platoniorumque hypothesibus aliisque rationibus inductum, λογος ante conditum vniuersum existentiam ac diuinitatem primum Christianis Catholicis proposuisse; quas fabulas Bullus dispulit.* Non acceptum fuit opus hoc Neophotinianis, quamuis in eodem *Subordinationem* in Deitate defenderit Bullus. Calamum aduersus illud strinxit praeter alios SAM. CRELLIUS, cuius opera in B. A. P. I. p. 172 seqq. N. 2. et 3. recensuimus. Emisit quoque DAN. WHITEBY tractatum, cui titulum fecit: *Disquisitiones modestae in clarissimi Bulli defensionem fidei Nicaenae*, *Lond.* 1718. In his praecipue monet, quod pugna circa mysterium S. S. Trinitatis agitata, ex Patrum testimoniis componi nequeat, et in eo auctor veritatem offendit perhibens, Bullum frustra demonstrationem suscepisse, quod Patres Antenicaeni idem crediderint, quod in Symbolo Nicaeno demum sancitum.

Quam-

Quamquam vero in his certaminibus maxime petenda sint arma ex S. Scripturae armamentario, fidesque nostra diuinis oraculis, non hominum testimoniis superstructa; frustranea tamen sunt aduersariorum studia de antiquitate disciplinae suae gloriandi, nostramque nouitatis arguendi, quae in antiquissimorum Patrum scriptis satis euidenter est exposta. Quod iisdem temporibus quidam a veritate declinauerint, recentioris aevi Antitrinitariis nullum veritatis praetextum subministrare potest, cum jam antiquissimi a veritatis diuinae cynosura digressi, in Apostolorum scriptis vt tales notentur, et coelestis doctrinae anchoram amplexi, admoneantur, vt illorum confortio abstineant.

Id quidem facile conceditur, Mysterium S. S. Trinitatis ante Concilii Nicaemi aetatem a quibusdam coetus orthodoxi Doctoribus non satis accurate et circumspecte fuisse propositum, immo quosdam ita de eodem exposuisse, vt in eorum eloquiis et proponendi modo Ariantizantes praesidium quoddam erroris quaesierint; inde tamen aduersarii nullum causae suae munimentum et calumniandi argumentum petere possunt, Mysterium S. S. Trin. esse saeculi Athanasiani inuentum, nec antea ab orthodoxis creditum. Non noua in Nicaena vel Constantinopolitana Synodo statuta est doctrina, S. Scripturae oraculis non firmata, sed antiquae fidei confessio repetita, exposta et aduersus secus sentientes asserta est.

Nullum nondum a compluribus suscepto errore, qui prima aetate a paucioribus defendebatur; non satis distincte et enucleate Patres quidam de hoc Mysterio docuerunt, qui repugnante diuino testimonio in auxilium vocari nequeunt. Nec vllum causae Antitrinitariorum fulcrum admouetur, quod in *Iustini* scriptis mysterium hoc ad eum modum dicendique usum propositum non sit, ac quidem fuscitatis sequenti tempore controuersis, quod

SEMLERUS significauit in notis ad BAUMGARTENII *Theol.*

dogm. T. II. p. 42. seqq. et in Beweisstellen des A. Z. über die Dreieinigkeit P. II. p. 58, seqq.

Socinianis, in hac caussa ad Patres Antenicænos prouocantibus, ipsi hi Patres exosi sunt, quatenus eosdem sibi aduersantes animaduertunt. Hinc de iisdem GITTICHUS in ep. ad *Ruarum* in huius epp. edit. Zeltneri p. 343 inquit: „*Permirum quod statim a fatis Apostolorum omnes in varios errores proruerint. In doctrina de Deo, Christo et Sp. S., quantum apud istos chaos, quæ et quanta contradictionum contorta portenta.*” Ratio mutatae huius sententiae in promptu est. Non adspirant eorum effata *Socini* placitis, sed rectius de S. S. Trinitate enuntiabant, tametsi verbis non iisdem, quibus posteriores mysterium hoc exposuerunt. vid. *Græpi Theol. rec. contr. T. I. p. III. seq.*

Nec aliquid inde roboris pro disciplinae suae forma lucrantur Sociniani, quod recentius sit vocabuli *Ομοσις* inuentum, hocque primis temporibus incognitum et non receptum fuerit; cum idem, quod hoc effertur, virtualiter et re ipsa difertis S. Scripturae oraculis confirmetur. v. 9. *Jo. X, 30. XIV, 9.* etc. Vsu tamen receptum fuisse hunc fidei terminum in scholis quorundam Patrum ante Conc. Nic. EUSEBIUS testis est, qui apud *Socratem H. E. L. I. c. VIII.* inquit: „*Nouimus quosdam ex veteribus doctos ac illustres Episcopos et Scriptores, qui de Patris et Filii diuinitate differentes nomine ομοσις vsi sunt.*” Obseruauit quoque BULLUS sect. II. §. 8. apud *Tertullianum* vocis huius isto tempore vsu vulgatae haud obscura exstare documenta. In *actis Martyrum* selectis, quæ THEODORICUS RUINARTUS collegit, Christus a Martyribus celebratur Deus. In *actis Martyrii S. Ignatii* doxologia in Dei Triunius laudem legitur. *Smyrnensis Ecclesia* in *actis Polycarpi* gloriam tribuit Deo et Patri et Spiritui S. cum Iesu Christo. Plura exposuit PET. ZORNIUS in *diff. de notariorum primæ ecclesiæ in consignandis S. Martyrum actis* spectata fide, quod ad Deitatem attinet, aduersus

sus auctorem Platonismi detecti in *Miscell. nouis Lips.* Vol. VII. P. III. p. 409. seqq.

Prouocarunt in hac causa interdum Theologi ad exterorum, praecipue idolorum sacris deditorum, effata, quamuis ab his parum expectari potest firmamenti. In ipsis gentilium scriptis, quibus Christi ciuium doctrinam obrectationibus petebant, orthodoxae sententiae de S. S. Trinitatis mysterio, et de Christo aeterno Dei Filio reperiuntur monumenta et ectypa, quae illis considerata proponunt, qui haec dogmata recentioris aevi esse inuenta perhibent. Ipsae *Celsi* criminationes monstrant, Christum prima statim coetus Christiani aetate pro vero Deo habitum fuisse. Exhibet quoque simile testimonium *Lucianus*, qui non tantum *Christi ciues crucifixum praeceptorem suum adorare*, ac pro vero Deo habere, testatur; sed quoque eorum sententiam *de mysterio S. S. Trinitatis* proponit. In dialogo enim, cui titulum *Philopatris* fecit, opp. Tom. II. p. 770. edit. *Amstelod.* 1687, obrectator aduersarius inducit Christi ciuem sub *Thryphonis* nomine, qui ethnicum *Critias* nomine catechizando instruit et mysterium S. S. Trinitatis huic ieterroganti: *Quemnam igitur tibi iurabo?* his verbis adumbrat: *Deum alte regnantem, magnum, aetherium atque aeternum, Filium Patris, Spiritum ex Patre procedentem, unum ex tribus et ex uno tria.* Haec tu *Jouem* puta, hunc existima Deum! Sed *Jac. Micyllus* in argumento dialogo huic praemisso dubio locum esse iudicat, an *Lucianus* eiusdem auctor sit, cum dictio et tota compositio *Luciani* scriptis non respondeant. Quam *Micylli* sententiam haud pauci probarunt, et inter hos J. M. GESNERUS *de aetate et auctoritate dialogi Luciani*, *Jenae* 1714, 8. eam maxime ob rationem, quod maior in hoc scripto rerum christianarum scientia, quam in reliquis *Luciani* scriptis prodita sit. In fine quoque dialogi victoriae a *Persis* reportatae mentio injicitur, unde colligunt, eiusdem auctorem sub *Traiano* potius vixisse. Sed nihil obstat, quo minus ea intelligatur victoria, quae

Marco

Marco Antonio et Lucio Vero imperantibus a. c. CXVI. celebratur. Concedunt nimirum qui *Lucianum* negant auctorem dialogi, eiusdem scriptorem illo adhuc antiquiorem fuisse, et *Traiani* potius aetate ac initio saec. II. quam sub *Juliano* vel *Antonino Pio* vixisse. Vid. GUDII *Paganus Christianorum laudator* p. 8. et ECKARDUS, *de non Christianorum pro Christo testimoniis*, p. 109. Parum valent, quae *Sanaius* ad illudendum *Luciani* vel hoc antiquioris testimonium in nucleo *H. E. L. I.* p. 88. venditat, inquiens: „Dicerem equidem, Tryphonem id genus hominum significare, de quibus legimus in *Clem. Rom. constitut. VI. 25. Ignat. ad Trall. Tars. et Philipp. Justino contra Tryphonem, qui Luciano sunt antiquiores.*” Erudite enim monstrauit BULLUS l. c. sect. II. c. IV. §. XI. auctorem huius dialogi non particularem aliquam, aut obscuram in Christianorum coetu societatem, sed ipsam religionem Christianam ridendam sibi suscepisse. Praeterea isti, quorum in *Pseudo-Clementis Constitutionibus, Epistolis Ignatii interpolatis, atque Justino* mentio injicitur, haeretici perhibebant: *Filium esse ipsum Deum Patrem.* Ab auctore autem huius dialogi *Deus ille alte regnans, nempe Pater, primus nominatur*, tanquam fons diuinitatis; *deinde Filius Patris* ut distincta ab eodem persona subjungitur, qui tamen cum Spiritu S. ita Deo Patri natura conjunctus notatur, ut tres illi vnum Deum constituent, et tres tamen reuera maneant; a qua doctrinae catholicae fide isti, de quibus *Sandius* loquitur, longo intervallo abfuerunt.

Extat juxta alia effatum *Libanii* Antiocheni, sophistae Constantinop. religione ethnici circa medium saec. IV. clari, qui in sermone in obitum *Juliani*, allegante verba eius *Socrate* in *H. E. L. III. c. 23. de Juliano* narrat: „*Hieme noctes extendente Imperator libros illos adgressus, qui hominem Palaestinensem Deum ac Dei filium faciunt, etc.*” Quae verba argumentum praebent: Christum ante concilium Nicaenum a Christi ciuibus Deum ac Dei Filium habitum

habitum esse. Huc faciunt, quae *Julianum* scripſiſſe *CYRILLUS* teſtatur: „*Jeſum quippe neque Paulus Deum dicere auſus eſt, neque Matthaeus, neque Lucas, neque Marcus, ſed bonus ille Joannes, quum ſenſiſſet magnam multitudinem in plerisque urbibus Graeciae et Italicis jam tum eo morbo captam eſſe; audiretque, opinor, monumenta quoque Petri et Pauli, clam quidem, ſed tamen audiret, ea coli, primus id prodere auſus eſt.*” Licet fabulas et nugas finxerit *Julianus*, ex iisdem tamen liquet: doctrinam de Chriſto vero Deo a *Joanne* expoſitam primis ciuitatis Chriſtianae temporibus fuiſſe cognitam ac ſuſceptam. De hoc argumento ex vtraque parte diſputata leguntur in *FABRICII Biblioth. Gr. T. VIII. p. 312. ſeqq.* *ZORNII opuſc. ſacris, T. I. p. 657. ſeqq. etc.*

§. IV.

Antiquiores haereticos, vtriuſque Socini aetatem praecedentes, ad quos recentiores Antitrinitarii quadam propinquitate ac ſimilitudine accedunt, in medium protracturi, temporis ordinem ſeruabimus. *Primo igitur ſaeculo*, quo coeleſtis humani generis Reſtitutor orbem hunc ſuo beauit aduentu, praeter *Phariſaeos* ac *Judaeos* generis humani Reparatori inſenſos, *Simonem Magum*, et Apoſtolorum venerandum titulum falſo affectantes *Nazaraeos*, *Cerinthum* ac *Ebionem*, immo univerſam *Gnoſticorum* ab inuicem in diuerſis momentis diſſentientium turbam nouimus, quorum veſtigia alio atque alio modo preſſiſſe ambos Socinos horumque diſcipulos, pro orthodoxa fide pugnantibus euictum videtur.

*

*

*

Saec. I. quo Seruator suo orbem collustravit aduentu, plurimi seruili eius habitu offensi, terrarum Rectorem praeoptantes Iudaei, aeternum Patris Filium ac generis humani Vindicem blasphemarunt. Cum his non male comparari omnes, quocunque modo in Christum iniurios, *Tertullianus* aduersus *Praxeam* iudicauit docens: „*Nihil a Iudaeis differre, qui cum iis ita vnum Deum confitentur, ut Christum non agnoscant in hoc vno Deo.*” Omnes Iudaei caccique ipsorum duces *Pharisaei* ex lege iustitiam coram Deo adfectantes, admodum operibus suis confidebant, vt iisdem aeternam salutem demereri posse ab hominibus secundum legis litteram viuentibus putarent. Spreta hinc in promissum et jam manifestatum Abrahami semen fide, posthabito infiniti pretii merito, externo cultu speciosaque legis obseruatione meritum proprium Deo a mortalibus offerri, iustitiamque non sufficientem tantum, sed abundantem obtineri posse imaginabantur. Simili errant ratione, qui ab vtroque *Socino* adpellantur. Perinde enim habita perfectissima Mediatoris Deum inter et homines satisfactione, proprio virtutum studio perfectam a mortalibus Deo obedientiam praestari posse, remuneratione dignam, sibi persuadent.

Iudaeos excipit *Simon Magus*, Samaritanus, circa annum Christi 37. magiae fama inclytus, *Act. VIII, 14 — 24.* qui tamen vna cum Iudaeis hostibus disciplinae Christianae potius quam haereticis accensendus. De illius persona, fatis, deliriis, magicis artibus, *Simoniae* crimine, iisque qui hominis huius placita propugnarunt; de quaestione, an plures hoc nomen tulerint, an de eodem intelligenda, quae *Iosephus* de *Simone* quodam *Magico* narrauit, quae inter eruditos disceptata sunt, apud Scriptores H. E. longa serie leguntur. v. *J. Ittigii* H. E. saec. I. p. 284. et de Haeresiarchis I et II. saec. p. 24. *J. G. Walchii* H. E. N. T. *Weismanni* H. E. T. I. p. 123. seqq. *Moshemii* diss. ad H. E. pertinentes Vol. II. p. 55. eiusdem *instit. maiores* p. 389 seqq. et *C. W. F. Walchii* hist. haeres.

haeres. P. I. p. 135. Vera delineatio systematis, quod defendit, suppeditari nequit, cum diuerso prorsus modo *Irenaeus*, *Iustinus M. Tertullianus*, et post hos *Epiphanius*, *Theodoretus*, *Augustinus*, *Hieronymus*, aliique rerum ecclesiasticarum commentatores illud proponant. Christiani nominis gloriam Simonem affectasse veri simile quibusdam videtur, quamuis, quae de ipso narrantur deliramenta, aduersus professionem doctrinae Christi pugnent. Docuit ex quorundam, in specie *Irenaei*, haer. L. I. c. 20. relatione, Patrem, F. et Sp. S. varia tantum esse ejusdem personae diuinae nomina, quibus pro diuersa operatione insignitur. *Augustinus* eum dixisse narrat, quod Deus vt Pater *Mosi* legem tradiderit, vt *Filius* sub imperatore *Tiberio* apparuerit, et sub figura linguarum ignearum vt Sp. S. in apostolos descenderit. Hac igitur ratione, si vera exposita sunt, cum Antitrinitariis consentiebat, quod vnam tantum statuerit Deitatis personam, quamuis eum alia insuper sibi effinxisse, ex *Irenaei* verbis, aliisque de homine hoc monumentis, haud pauci contendunt, quae tamen a *Moshemio* in dubium vocantur. *Zwickerus* in *Irenico Irenicorum* p. 16. (B. A. P. II. p. 1054.) friuole, absque omni veri similitudinis specie prodit: eum primum fidei evangelicae de Christi deitate, et de duabus in Christo naturis fuisse auctorem. V. *Jo. Hoornbeckii Socinism. confut.* T. 2. proleg. p. 22. De infelici *Simonis* studio Platonicas Judaicasque traditiones cum orthodoxa de S. Trinitate doctrina conciliandi, historiae sacrae scriptores allegati, et praetera *Vitrinae Obs.* L. V. p. 120. *Buddei eccl. Apost.* p. 323. *Lange*, de haeresi I. et 2. saec. n. IV. p. 14. seqq. *Mich. Siricii*, *Simonis Magi prauitas*, *Giesiae* 1664. *Christ. Schotani*, disp. de *Simone Mago*, *Franckof.* 1662. legi possunt.

Sequitur *falsorum doctorum* caterua, qui Apostolorum tempore, ingenita in Iudaismum propensione, legem ritualement cum Euangelio, obedientiam Leuiticis statutis praestandam cum spe obtinendae per Christum salutis,

meri-

meritum ex operibus cum fide, iustitiam externam speciosam cum eo, qui nobis a Deo factus est iustitia, exitiali mixtione judaizantes copulabant. Horum tramitem ingrediuntur, qui spreta saluandi per Christum fiducia, disciplinam ad virtutis externae speciem efformatam amplectuntur, huiusque obseruatione aeternae beatitudinis brabaeum obtineri posse, sibi aliisque persuadent. In hos comminationes quadrant, quas in falsos sui temporis doctores eloquutus est *Paulus 2 Cor. XI, 13. 14. Phil. II, 1. 2. 18. 19. Rom. XVI, 17. seqq.*

Nazaraeos ut hoc loco protrahamus, ipsi Sociniani auctores sunt, qui de hoc parentibus et antecessoribus suis gloriantur. Omissi quidem sunt ab *Irenaeo*, nec eorum sub hoc nomine mentio fit a *Clemente*, *Tertulliano*, *Eusebio* aliisque; meminerunt tamen eorum *Epiphanius haer. 29.* et *Augustinus contra Faustum Manich. c. 18.* Hi vero cum parum nec accurate et sufficienter de iis exponant, in tenebris nobis palpitandum est. Hoc interim nomine antiquissimi coetus Hierosolymitani reliquias intelligi, eosdemque longe ante *Epiphanii* tempora et saec. I. jam exstitisse, probabile videtur *Moshemio*, in H. E. Saec. I. p. 130., quamuis veri simile sit, eosdem propter rem domi angustam diu in Palaestinae angulo latitasse, et quarto, vel quinto demum saec. celebre nomen ac maiorem famam consequutos esse. *Nazaraei* iidem videntur, qui a *Clemente Alex. Strom. L. VII. c. 17.* appellantur *Peratici*, a *Peraea* Palaestinae tractu, cuius vrbs *Pella* celebratur, ita dicti, in quam *Hadriani* tempore vna Christianorum Hierosolymitanorum cohors concessit, cum altera *Aeliam* se conferret. Qui vero *Peratici* distinguendi ab iis, quos *Theodoretus* haeret. fabul. L. I. c. 17, *Peratas* appellat, qui ab homine quodam *Euphrate Peratico* ita dicti sunt. *Nazaraeorum* nomen primo tempore omnibus Christi ciuibus ignominiae causa a Iudaeis impositum esse, ut a Christo Nazarethano designarentur, ex *Act. XXIV. 5.* constat. Postea lectae
cuidam

cuidam in ciuitate christiana a doctrina apostolica aberranti in specie datum est. Omnibus *Nazaræos* caruisse erroribus, optimisque Christi sectatoribus in doctrina et moribus comparandos esse, ac vnā cum *Ebionæis* constituisse societatem, *Joh. Tolandus* in Nazareno defendit; mutasse tamen hunc sententiam suam, constat. Eandem ante *Tolandum* opinionem *Souueranius* l. c. P. II. C. XIII. p. 390. adstruxit, quos refutauit *Moshemius* in vindiciis antiquae christianorum disciplinae; Sect. I. 6. p. 117. seqq. et demonstrauit, eos diuinitatem Jesu Christi in dubium vocasse, nec ita de eius diuina natura, vt decet, docuisse. Ex omnibus, quae de ipsis relata leguntur, conici potest, quod a *Cerintho* et *Ebione* diuersa de Christo statuerint, huncque ex *Iosepho* et *Maria*, sed ex virgine, sola diuina virtute natum esse, immo vim quandam diuinam in ipso fuisse crediderint; ast diuinitatem eius, eumque ante ipsius ex *Maria* natiuitatem exstitisse, inficiati fuerint. In hoc praecise passu Sociniani *Nazaraeos* maiores suos compellant, quamuis etiam alio respectu, quoad articulum de lege parallelismus inter vtrumque coetum institui possit. V. *Joh. Voigtii* Biblioth. haeresiol. T. I. P. I. p. 1. seqq. *Sam. Crellius* diss. VIII. operis sui *Mspti de Nazaraeis*, quos veritatis confessores praedicat, sequentia exposuit: „Alterum, inquit, genus primorum Christianorum NAZARAEI fuere, ab *Ebionæis*, qui primum constituunt, in eo diuersi, quod crederent, Jesum absque viri coitu, sola vi altissimi in utero virginis conceptum, coeteroquin EBIONAEIS in omnibus fere, quae Christi personam concernunt, homodoxi. Jesum enim apud Jordanem demisso in eum omni spiritus S. fonte, generatum fuisse filium Dei singularem, etiam profitebantur, nullam vero eius ante Mariam realem agnoscebant praeexistentiam. Nisi adeo antiquos Nazaraeos statuamus, supponendum atque fingendum erit, aut solos a principio Euangelii in Ecclesia Christi fuisse EBIONAEOS, aut orthodoxos, Christum pro Deo aeterno creatore coeli ac terrae incarnato habentes, solis

Ebionaeis permixtos. Adeoque primos Christianos, in hi duobus extremis fuisse versatos, ut vna pars crederet Christum Deum praeæternum, filium ab aeterno e substantia patris genitum, in utero postea virginis e Spiritu S. conceptum: ALTERA, Ebionaei, inquam, ne quidem conceptum e Spiritu S. in utero virginis agnoscerent, sed hominem hac in re vulgarem fuisse crederent, et tamen ab aliis in vna ecclesia tolerati ac pro fratribus agniti fuerint. Successu vero demum temporis, et post excidium Hierosolymitanum, exortos esse NAZARAEOS, conceptionem quidem Christi e Sp. S. agnoscentes, sed praeexistentiam eius ante Mariam negantes. Neminem credo inter hodiernos orthodoxos fore, qui talem Homousianorum et Ebionaeorum mutuam tolerantiam pro re absurdissima et incredibili reputet, et non potius agnoscat, si Ebionaei in Ecclesia Apostolica fuerunt tolerati, uti quidem ex dictis satis elucescit: Apostolos apostolicosque viros non fuisse Homousianos, aut Trinitarios, sed solummodo Nazaraeos nunc a nobis descriptos, qui praeexistentiam Filii Dei ante Mariam non credebant, sed e Sp. S. in Virginis illibatae utero conceptum fatebantur. His enim multo magis, quam Homousianis convenit, Ebionaeos tolerasse. Quod nomen eorum attinet, prout Hartmannus de rebus gestis Christianorum sub Apost. p. 539. non omnino male iudicat, simile quid de eo ac de nomine Ebionaei statuendum est. Quemadmodum nempe cognomento Ebionaeorum primum omnes Christiani a Iudaeis per conuicium designabantur, postea vero haereticis quibusdam illud mansit proprium; sic etiam Nazaraei vel Nazareni a principio per scomma omnes Christiani Iudaei, a Iudaeis incredulis nominabantur eo, quod ex vico Nazareth Messiam deducerent, cum verus Messias eorum sententia alibi oriri vivereque debuerit; nomen vero illud postea Christiani quidam a se in haereticos certi generis deuoluerunt. Non errabimus, puto, si originem nominis istius Nazaraei, quatenus certam quandam Iudaico-Christianam denotat sectam, ab Ebionaeis distinctam, eidem tempori at-

que auctori adscribemus, cui etiam denominationem Ebionaeorum adscripsimus. JUSTINUS nempe MARTYR, praexistentiam filii Dei in Mariae utero incarnati excogitans, et Judaeos illos in Christum credentes, qui eum e Josephi semine conceptum esse credebant, sibi e diametro, et altero extremo oppositos esse videns, quo magis eos ob hanc sententiam deprimeret ac exagitaret, vetus illud Ebionaeorum nomen, quo omnes a Judaeis infidelibus vocati fuerant Christiani Judaei, praecipue ad istos solos deuoluit ac applicauit. Cum vero bene sciret; esse alios Judaeos, qui Christi e Sp. S. conceptionem cum christianis gentilibus faterentur, et nihil aliud de Christi Persona, quam reliqua hucusque ecclesia docerent, iis sane multo melius sentientibus, nomen illud Ebionaei non ausus est tribuere; sic enim omnes Christianos Catholicos sui temporis, Nouator ipse Ebionaeos appellasset, et ipsos orthodoxos omnes in caput suum concitasset; quod novae suae Platonico-Christianae de Filio Dei sententiae minime proficuum fuisset. Istos itaque Nazaraeorum nomine, ut eos ab Ebionaeis distingueret, quae distinctio sane ipsi erat necessaria, appellabat; idque sua sententia valde apposite, quia illi filium Dei non ante Saecula, sed in vico Nazareth demum exortum fuisse credebant, licet e Spiritu S. conceptum fuisse crederent. Euangelium secundum Hebraeos seu XII. Apostolorum, quo Nazaraei utebantur, teste HIERONYMO, hebraico, id est Chaldaico et Syriaco idiomate conscriptum erat, quod ab auctoribus quidem inquit MILLIUS in Proleg. ad N. T. p. VI. col. 2. seu etiam illis, in quorum gratiam compositum erat, hebraeorum aut secundum Hebraeos, ab Apostolicis vero traditionibus, ex quibus fere constabat, Euangelium duodecim Apostolorum dictum est. V. GRABE spicil. Patr. Sec. I. p. 16. qui id a Catholicis orthodoxis editum esse existimat, et a primis christianis Hierosolymae, antequam canonica IV Euangelia prodiissent, editum fuisse pro vero simillimo habet. FAERICIUS in Cod. Apocr. N. T. p. 330. cum COTELERIO melioris notae Apocryphum id vocat. Euangelium hocce

tot elogiis veterum ac recentiorum ornatum in residuis fragmentis ac allegationibus a GRABIO et FABRICIO l. c. congestis animaduertimus. Notandum tamen, GRAEIIUM fragmenta Euangelii Ebionaeorum ex EPIPHANIO immiscuisse fragmentis, seu allegatis ex Euangelio secundum Hebraeos, siue XII. Apostolorum vocato, quia tunc ista duo Euangelia pro vno eodemque habuit, quem vero errorem suum correxit in notis ad IRENAEUM L. III. c. XI. p. 220. Simili modo MILLIUS in Notis ad N. T. errauit, eundem vero errorem in Prolegom. ad N. T. emendauit."

Fragmenta et dicta huius Euangelii Sam. Crellius in Mscpto allegato diff. XI. tractauit, ex iisque suam de Nazaraeis opinionem adstruere allaboravit. Hoc enim illius est iudicium: „Nihil fere est in hoc Euangelio rependiendum fidei orthodoxae modernae contrarium, nisi quod ab auctoribus praeeexistentiam filii ante Mariam, dogma Trinitatis personarum in vna essentia, Christi praeaeternam, omnisciam deitatem minime credentibus fuerit conscriptum. Sed si illud eo nomine reiicere velis, reiicias licet totam primaeuam aevi Apostolici vel Apostolico proximi antiquitatem ecclesiasticam. Eam enim huic sententiae fuisse addictam, totus noster ille liber demonstrabit. Neque mireris haec et similia scripta a Patribus orthodoxis sequentis temporis nonnunquam laudari. Antiquitas illis pretium addiderat, et si talia rejecissent omnimode scripta, quid ipsis quaeso de prima antiquitate residui remansisset?"

Post Nazaraeos CERINTHUS circa finem saec. I. quibusdam Seruatoris nostri legatis, Joanne ad minimum, nondum defunctis, ecclesiam erroribus turbauit. De eiusdem persona, patria, tempore, quo praecise vixerit, aliisque hanc historiam concernentibus, adhuc inter eruditos non concernit. Quidam eum sub Antonino Pio, adeoque saec. 2. inclaruisse, perhibent, v. g. BASNAGIUS exercitat. histor. Crit. contra Baronium ad a. XXI. p. 358. seqq. et Annal. polit. eccles. T. II. p. 6. LAMPIUS in comm. ad Joannem,

nem, Prolegom. III. c. 3. §. 18. p. 182. contendit, primo saec. usque ad *Theodotum* nullum exstitisse, qui diuinitatem Christi vlllo modo in dubium vocauerit. Verum tanti ponderis non sunt rationes, vt a communi sententia de aetate CERINTHI recedendum sit; quam optime defendunt BUDDEUS et IRRIGIUS, qui illum inter haereticos Apostolici aevi collocant. Nec ab omni veritatis similitudine remotum est, quod *Joannes Cerinthus* in balneo Ephesi confidentem conspiciens errorum ipsius odio commotus aufugerit, hancque fugae causam attulerit: „*Vereri se, ne balneum in adversarium hunc diuinæ veritatis corruat,*” quod *Irenaeus* se audiuisse cum pluribus, qui *Polycarpum* haec narrantem perceperunt, exponit. Quod vero paucis momentis interiectis balnei tectum corruerit ac *Cerinthus* ruina sepeliuerit, *Irenaeo* tacente a recentioribus peruulgatum videtur. V. *Voigtii* dissert. de haereticis misera morte extinctis. Sam. *Crellius* in Mspto. alleg. diss. I. §. XIV. arbitratur, istam historiam non *Joanni Apostolo*, sed *Joanni Presbytero* conuenire. Balneum ipsi videtur iudaicum, idque publicum, vbi *Judaei* iudaico more lauabantur, quod *Cerinthus*, aut *Judaeus* natione aut *Judaizans*, et *Joannes* ille alter, *Judaeorum* ritus et consuetudines stricte obseruans, ingredi solebant. Hic cum sciret *Cerinthus* fuisse ex Antichristorum numero ab Apostolis non ita pridem anathemate percussorum, quos nemini in domum suam recipere vel salutare licebat, existimabat, id eo vsque extendi, vt ne in tertio quidem loco, publico licet, sub eodem tecto cum eis consistere licerët. Quae superstitio (*Verba sunt CRELLII*) non in *Joannem Apostolum* cadit, sed alter ille *Joannes*, vt omnes primi Christiani erroribus obnoxii, eiusdem erroneae verborum Apostolicorum interpretationis, post decessum praefertim Apostolorum, capax esse potuit. Addit CRELLIUS: *Joanni Apostolo* non conuenire timorem, ne ruina balnei vna cum *Cerintho* opprimeretur, poenaeque diuinæ particeps fieret grauissimae, nisi e balneo propere exsiliret,

ac inde cum maxima praecipitatione, grauitati ac senectuti extremae *Joannis Apostoli* minime conueniente, erumperet et aufugeret. Sed haec et quae porro disputat, tanti non sunt, vt, quae de *Joannis Apostoli* cum *Cerintho* in balneo congressu narrantur, in dubium vocari debeant, quem ideo negat *CRELLIUS*, vt hypothefes suas ex libri ipsius *Mispti* contentis perspiciendas; et in specie eam, qua negat *Joannem Apostolum* longaeuum ad *Traiani* vsque tempora superstitem fuisse, quauis ratione fulciret, vel quae iisdem aduersantur remoueret. Quam vero superstitionis accusat fugam *Joannis*, rectius intelligunt, qui eadem *Joannem* voluisse auditores suos monere, vt *Cerinthum* ipsiusque communionem auersarentur. V. EDZARDUS de *Joanne, Cerinthi praesentiam fugiente*. *Witteb.* 1723. 4. Num *Joannes Cerintho* atque *Ebioni* antidotum Euangelio suo parauerit, dubium quibusdam est visum. Licet enim perpetua traditione stipari, non rumore seducti id affirmant, *Hieronymus* in catal. script. eccl. c. 9. sub voce *Joannes*, quem ab Asiae episcopis rogatum aduersus *Cerinthum* et *Ebionaeorum* Christi praexistentiam negantium Euangelium suum scripsisse, diserte narrat; *Irenaeus* L. III. c. 11. *Epiphanius* haeres. XI. et XXVIII. *Augustinus* et *Theophylactus* in *Prolegom.* ad *Joannem*; id tamen impugnant *Easnage* et *Lampius* l. c. Fidem interim patrum defenderunt *BUDDEUS* l. c. p. 414. seq. *OEDERUS* in *comment. de scopo euangelii Joa.* *Hoffmann* in *Annotat. ad Pritii Introd.* in lect. N. T. p. 204. *BULLUS* l. c. c. II. p. 14. In eo, nisi omnes, plurimi tamen consentiunt, nec id *Sociniani* in dubium vocant, quod *Cerinthus* statuerit, Christum nudum tantum fuisse hominem, qui ante eius ex *Maria* et *Iosepho* natiuitatem non exstiterit. In hunc hominem cum baptizaretur, effluuium aliquod diuinae naturae emanasse, vel etiam sub columbae specie descendisse Christum, (quem aeonum creaturarum quandam, minime vero diuinae essentiae personam putat,) qui ipsi Deum altissimum monstrauit, et

patran-

patrandi miracula virtutem communicauit. Electum a Deo esse Jesum propter sapientiam et singularem vitae sanctimoniam prae ceteris, ad diuinam illam naturam, quam *Christum* appellabat, recipiendum. Hanc tandem diuinam potentiam Jesum hominem omnibus parem, cum huic mors instaret, deseruisse, eumque passum et cruci affixum, tertio die resurrexisse. Videtur quidem *Cerinthus* duas in Christo distinxisse naturas, sed diuinam, quam cum illo annos aliquot coniunctam arbitrabatur, a Deo diuersam fuisse credidit. Hinc *Moshemius Inst. hist. Chr. mai*: Saec. I. p. 252. inquit: „Abest, fateor *Corinthus* a „Socinianis, qui nunquam diuinam et coelestem naturam „quandam ab homine distinctam in Christo commemoratam „esse arbitrantur; sed nec recte de diuinitate Seruatoris „nostri praecepisse.” Quid de mediatorio Christi officio statuerit, ex dictis diiudicari potest, qua in re praecessisse Socinianos adparet. Nullum re vera Christo tribuit praeter docendi, hominesque de natura incogniti Patris erudiendi officium. *Zwickerus* l. c. prodidit: *Cerinthum*, juxta *Simonem*, primum personarum Trinitatem, et in Christo vnionem duarum naturarum personalem excogitasse; quem confutauit *Hornbeckius* l. c. p. 24. seqq. Ante *Zwickerum* idem aliis persuadere studuit *F. Socinus*, qui *Cerinthum* eam de J. C. sententiam tenuisse, quam Orthodoxi defendunt, in *tract. de Ecclesia Racov. 1611.* 8. p. 33. perhibet et ad *Irenaeum* L. I. c. 25. et *Eusebium* L. III. c. 24. et 22. prouocat, coetusque sui opinionem quoad hoc argumentum longe abesse a *Cerinthi* placitis colligit. Ex hac ratione Sociniani quidem concedunt: S. *Joannem* contra *Cerinthum* Euangelium suum scripsisse; sed simul aduersus omnes, qui credunt Christum esse Dei filium, ex patris essentia genitum. Id ipsum *Lud. a Woltzogen* in *Comm. ad euang. Jo.* venditat. Idem incongruam inter Orthodoxos et *Cerinthum* comparisonem instituit. „Quemadmodum enim, (inquit,) *Cerinthus* quicquid diuini in domino Jesu erat, non ipsi, sed alteri per-

sonae, quam Christum appellabat, attribuit; sic Euangelici omnia, quae in Domino Jesu diuina eluxerunt, non ipsi, verum potius secundae Deitatis personae tribuunt." Ipse tamen testatur: Nos pro absurdo habere, duas in Christo statuere personas, vnde adiuncta sit diuinae Christi personae, non humana Christi persona, sed natura. Quod F. Socinus et Zwickerus adstruere conantur, id Sam. Crelius quoque in *Mspto* suscipit, qui *Cerintho* homousianos propiores esse statuit Socinianis Vnitariis, cumque Joannes in Euangelio et epistolis non *Ebionaeos* sed *Cerinthum* potius confutauerit, hinc nec illos in his scriptis diuinis notatos esse, nec illorum sectatores Socinianos sibi persuadet, sed homousianos, quos *Cerintho* affines putat. Ita diss. X. §. 13. 14. inquit: „Cum luce meridiana clarius sit, Joannem quidem contra *Cerinthum* similesque errores, sed non contra *Ebionaeos*, qui tunc praexistentem *J. C.* diuinitatem reiecerint, Euangelium et epistolas suas exarasse; clara quoque eorum est absurditas, qui modernos Vnitarios aut Socinianos in praedecessoribus suis *Ebionaeis* a Joanne confutatos et condemnatos esse confidentissime, ne dicam impudentissime contendunt. Atqui Joannes contra eiusmodi homines agit, qui praeter et extra et ante Jesum Nazarenum e Maria natum filium Dei praexistentem et mere spiritualem introducebant; quod cum Socinianorum de Christo dogmate nullam prorsus habet affinitatem, imo eorum dogmati e diametro aduersum est; sed ad Arianorum et Homousianorum dogma propius sane accedit. Afferitur vulgo, Joannem contra hostes diuinitatis Christi siue τὸ λόγος scripsisse; immo potius contra amicos et assertores cuiusdam maioris diuinitatis τὸ λόγος, longe verius dixeris. Cerinthus enim aliique Nicolaitae hostes non erant diuinitatis τὸ λόγος, quam plenis buccis urgebant et adstruebant. — — — Habebant Cerinthiani λόγον pro emanatione aliqua ex essentia summi Dei, ipso Creatore mundi longe sublimioris atque altioris. Diuinitatem ergo τὸ λόγος potius oppugnat Joannes, nullum filium Dei agnoscens vnigenitum, qui non sit
Jesús

Iesus ille homo e Maria, Augusto imperante, Bethlehemi natus. Deinde Cerinthus et Nicolaitae docebant, λόγον non fuisse carnem, sed in carnem venisse, et homini Iesu fuisse coniunctum. Idem docent Ariani et Homousiani; licet non eo modo, uti Joannis tempore exorti Anti-Christi, Sociniani vero id nullo modo docent. — — — Cerinthus et Nicolaitae cum Arianis et Homousianis post sua tempora futuris docebant unionem praeexistentis ante Mariam λόγος diuinæ cuiusdam personae cum homine Iesu, licet istam unionem diuersimode explicarent Nicolaitae, Ariani et Homousiani. At Sociniani unionem alicuius λόγος praeexistentis, diuinæ personae cum homine Iesu nullatenus docent, ac totum hoc dogma, quantum quantum est, pro puro puto figmento habent. Ergo longe magis ab illorum Antichristorum dogmate, quam Ariani et Homousiani remoti sunt, etc. Quae Crellius in Msc. de Joannis Euangelio, causae sui coetus non aduerfante, sed potius auxilium ferente et de Cerinthianis orthodoxorum sententiae propinquioribus exposuit, ab aliis, qui de Cerintho et Cerinthianis disseruerunt, quos nominat Ven. Walchius in Hist. haeres. T. I. p. 247. — 273. sub examen vocata leguntur.

Agmen eorum, qui hoc saeculo simili, quo Sociniani, modo a veritate declinarunt, claudat Ebion, qui cum Cerintho eodem, paulo ante illum tempore vixit. Sub Domitiano enim vel Tito Vespasiano viguisse Ebionem, Cerinthum autem a. C. 72. natum fuisse, variis adstruitur argumentis. Non carere Ebionis ac Ebionitarum historiam maximis difficultatibus, notissimum est. Nonnulli Cerinthum cum Ebione eundem fecerunt, illumque hoc nomine ob miserrimam aegerrimamque vitae conditionem contentim appellatum esse, sunt arbitrati; quod vero mera coniectura nititur. Vid. I. E. Grabe ad Iren. Lib. III. c. 3. p. 204. Vocabulum hebraicum עני pauperem ac inopem denotat, quod opinioni locum fecit, Christi ciues ex Judaeis conuersos, omni ope et vitae necessariis a contribulibus suis destitutos, Ebionitas fuisse vocatos,

nec vnquam hominem existisse nomine *Ebionem*. Immo Ebionaei ipsi, teste *Epiphanio* haer. XXX. maiorum suorum paupertatem, qui bona sua vendiderant, vt ex pretio eorum pauperibus subuenirent, nomen hoc sibi peperisse asseuerabant. Sunt huius sententiae defensores *Socinus Explic.* ad Jo. I. 6. *Ostorodus* l. c. *Sam. Crellius* in *Msto.* alleg. diff. VII. aliiq[ue] ex hoc coetu. Eam amplexi sunt *Rich. Simon.*, *Curcellaeus*, *Io. Clericus*, *Vitringa*, *Thom. Ittigius*, *Godof. Arnoldus*, *Rhenferdus*, *Jurizeus*, *Hartmannus*, *Ioach. Langius* in H. E., *Io. van der Waeyen* et plures. *SEMLERO* in *Instit. ad liber. erud. theol.* L. I. p. 90. Ebionitae non videntur ab huius nominis homine, sed a misera opinionis indole ab aduersariis catholicis sic vocati. Alii tamen illos ab *Ebione* Iudaeo quodam vel potius *Samaritano* nomen suum tulisse putant, quos inter est *Pfaffius* in H. E. *Feurbornius* in *Anti-Ostoro*, *Schelvigius* in diff. de *Ebionitis*. Ipse *Ittigius* sententiam suam mutauit et contrariam de *Ebione* quodam tuitus est in *obseru. Miscell. Supplemento opp. Clementis Alexandr. subiunctis* obs. IX. *Moshemius* problematibus historicis accenset, nec veritatem certo demonstrari posse iudicat, in diff. ad H. E. ad quam sententiam quoque accesserunt *Weissmannus* P. I. p. 128. *Walchius sen.* in H. E. N. T. p. 527. et *Iun.* in hist. haeres. T. I. p. 110—123. *Jablonski* in Inst. H. E. antiqu. p. 34. *Melch. Siricius* diff. de *Ebione* ac *Ebionitis antiquis et recentioribus*, *Giesflae* 1668. Ebionaeos pariter ac *Cerinthianos* judaizantes fuisse indubitatum videtur, quod *Mich. Lequien* in diff. VII. quae praefixa est *Tomo I. Opp. Io. Damasceni, Paris. 1712.* demonstrauit; commune nimirum Ebionitarum nomen fuisse eorum, qui Christi doctrinam retentis juxta Iudaeorum ceremoniis sequebantur. Prolixam *Sam. Crellius* de *Ebionaeis*, quos post Apostolorum tempora ad *Justinum* vsque *Martyrem* in ecclesia fuisse toleratos credit, instituit tractationem in *Mscito* citato, in primis Diff. VII. et VIII. Nomen tulisse ab *Ebione* quodam pernegat, *Ebio-*

nem non, nisi in Vtopia extitisse credit, et *Eusebium* allegat dicentem, *Ebionaeos*, hoc est, pauperes proprie aut apposite vocari, quia pauperem atque abiectam de Christo fouerent opinionem. Quo ipso eum indicasse et iudicasse putat, eos non ab *Ebione* aliquo ita vocatos; alioquin occasione adeo urgente, non neglexisset monere, eos etiam et quidem praecipue ab *Ebione* sectae suae auctore sic fuisse nominatos, si talem *Ebionem* vnquam extitisse credidisset, aut vllibi in monumentis fide dignis memoratum fuisse vidisset. Quod vero in libro *EUSEBII de locis hebraeis*, ab *Hieronymo* in latinum sermonem translato, legitur, *Ebionitas a Principe haereseos nuncupari*, et contra istiusmodi dogma *Paulum ad Galatas scripsisse*, *Hieronymi* ipsius additionem esse colligit. Per *Ebionaeos* proprie sic dictos et a ceteris Christianis ita primitus appellatos iudice *CRELLIO* l. c. *Diff. VII. §. 19.* intelligendi sunt illi soli, qui *Iesum* credebant esse Christum illum promissum, et Filium Dei, de quo *Ps. II.* Filius meus es tu, ego hodie genui te; sed (quia antiquas Judaicas Seniorum traditiones stricte sequebantur, quod *Diff. VIII. §. 15 et 16.* enunciat) hominem ex hominibus, e *Iosephi* femine conceptum, a mortuis autem resuscitatum fuisse et in coelos adscendisse, sedere et regnare a dextris Maiestatis in excelsis, cultu post Patrem secundo adorandum atque invocandum tanquam Mediatorem et oblationum nostrarum Pontificem, e coelis rediturum ad iudicium viuorum et mortuorum. Legem Moysi esse obseruandam etiam gentilibus Christi fidem amplectentibus, quare etiam *Pauli* Apostoli epistolas huic sententiae contrarias reiciebant, *Euangeliumque quoddam hebraicum*, dictum secundum *Matthaeum*, pro praecipuo doctrinae suae de conceptione Christi per *Iosephum* fundamento habebant. Quae praeterea *Crellius* de *Ebionaeis* in *Msscto* exposuerit, ex conspectu operis, quem in fine huius capituli exhibaturi sumus, patebunt. Multo quidem eruditionis adparatio adstruxit C. A. DOEDERLEIN in comment. de *Ebionaeis e numero hostium diuinita-*

vinitatis Christi eximendis, Buzouii 1770. male collocatos esse inter Antitrinitarios, maxime hoc argumento: Quia crediderint hi Judaizantes ex Judaismo ad Christum conversi: Verbum Domini, *λογον*, quod personam deitatis ante secula existentem judicauerint, in hominem Jesum cum baptizaretur, descendisse, huncque perpetuo gubernasse et idoneum ad Messiae officium rite explendum praestitisse: sed testes adsunt, Ebionaeos de Christo eadem opinatos esse, quae *Cerinthus* et *Carpocrates*, *Eusebioque* narrante negarunt Christum *Θεον λογον οντα και σοφian*. Vid. Centuriatores Magdeb. Cent. I. L. II. c. 5. p. 483.

Socinianis iniuriam non fieri collatione cum Ebionaeis, vel inde in genere patet, cum ipsi, quod jam notauimus, hos disciplinae suae antecessores compellent, quamuis *Ostorodus* in *Instit. rel. chr.* (B. A. p. 572. N. 5.) consensum hunc abnuerit.

Gnosticorum, quae secta inter litteratas et philosophicas huius temporis numeratur, nisi ea Christi et Apostolorum doctrinam aetate praecesserit, historia fusiorem exposcit tractationem, quae hoc loco institui nequit, quaeque ab omnibus, qui haeresium originem et fata narrarunt, expedita reperitur. Hi inter primos diuinam per Christum et Apostolos orbi huic praedicatam doctrinam suis erroribus offuscarunt. Ad eorum numerum quidam ex iis, quos jam nominauimus, trahendi sunt. Appellabantur *Gnostici*, seu scientes, cuius denominationis rationem exponit *Iren.* L. III. c. 2. his verbis: „*Aduersantur traditioni, dicentes, se non solum Presbyteris, sed etiam Apostolis existentes sapientiores sinceram inuenisse veritatem.*” Non omnes eadem de illis tradiderunt; quidam enim eos tanquam flagitiosissimos homines describunt, qui vitiorum omnium gurgite abrepti, omnes leges morales sustulerint, seque ab omni obligatione solutos putarint; quod saltem non de omnibus dici potest, cum certum sit, Gnosticos externae morum sanctimoniae fugiendisque flagitiis summopere studuisse, immo perfectorum gloriam,

gloriam, cum singulari et eximia scientia, qua superbiebant, sibi arrogasse, cum prauos animi motus, vitio-
sasque inclinationes ad peccatorum actualium numerum
retulerint. Vid. SEMLERUS l. c. L. I. p. 60 et 84. Quod
de Christi persona ac ejus munere mediatorio male sense-
rint, eumque nec Deum, nec hominem verum, sed Deo
natura longe inferiorem dixerint, quamuis eum a Deo
tanquam virtutem quandam spirituales in visibili figura
descendisse concesserint, inter omnes fere conuenit, et ob
hanc rationem inter antiquiores Antitrinitarios collocan-
di. V. MOSHEMIUS H. E. *saec. I.* p. 116. seqq. et *instit.*
maior. p. 136. seqq. et p. 335. BUDDEUS in *hist. Philos.*
Ebr. p. 607. seqq. *eiusdem Eccl. Apost.* p. 323. WALCHIUS
in *hist. haer.* T. I. p. 217 — 247. *Vitringae observ.* L. V.
c. XII.

§. V.

Quos *saec. I.* excitatos, Socinianismo confor-
mes obleruauimus errores, secundum aluit, nutri-
vit, ac alios in dies exclusit. Praeter eos, qui pri-
mi saeculi placita ad secundum propagarunt, ac
commendarunt, infelicem operam praestiterunt:
Marcion, *Praxeas* atque *Hermogenes*, *Theodo-*
tus Byzantinus, *Artemon* atque *Carpocrates*, qui
omnes, imo plures, quorum nomina in haereti-
corum catalogis seruantur, alio atque alio modo a
veritatis via aberrarunt. Post alios Alogi quoque
et Saturninus, ac Basilides in hunc censum veniunt.

* * *

Inter eos, qui *saec. II.* disciplina sua Antitrinitariis
recentioribus facem praetulerunt, primum locum tenet
Marcion, circa medium *saec. 2.*, *Cerdonis* discipulus, qui
prae-

praeceptoris placitis formam quandam conciliauit, propriisque figmentis turbauit ecclesiam. *Sinopae* in *Ponto* natus patrem habuit Episcopum, virum pium meritisque ac auctoritate conspicuum. Narrarunt quidam, quod coelibatui semet sollemni ritu dicauerit, continentiae autem votum transgressus a patre ab ecclesiae communione remotus fuerit. Sed fidem alii denegant relationi, et excommunicatum potius esse a patre ob errores, quos aliis in patria instillare studuit, prodiderunt. Omnium propterea contentui expositus Romam concessit, ibidemque ecclesiae communionem, quam pater filio resipiscenti et susceptionem in ecclesiae gremium petenti denegauerat, frustra quaesiuit; quippe ecclesiae Romanae Antistites id extraneo praestare nefas putabant, quod pater filio recusauerat, hocque dissentiente, id ipsi decernere noluerunt, ne patris ac Episcopi auctoritate aliquid detrahere viderentur. Vid. *Epiph. haer. XLII. et Hieron. ep. CXXX. ad Ctesiphont.* Haec ab ecclesia separatio maiorem ipsi aemulationem instillauit, conceptas opiniones aliis quocunque modo persuadendi, et nouae sectae constructionem affectandi. Quas in *Cerdonis* schola commendatas sibi sententias habuit vagas, in ordinem redegit ac ipse tandem conduxit cohortem mirandum in modum auctam, quae *Marcionitarum* nomine inclaruit. Hi post obitum auctoris vbique suos adornarunt coetus; hinc *Tertull. lib. IV. aduersus Marcionem c. 4.* „faciunt, inquit, fauos et *Epispaes*, faciunt ecclesias et *Marcionitae.*” *Marcion* superbientis philosophiae retribus constrictus, rationi in diiudicandis fidei Mysteriis ad abusum vsque indulgit, quam ob rationem inter antecessores recentiorum Antitrinitariorum haud immerito referendus. Nemo interim plenam systematis *Marcionitici* delineationem hoc loco expectabit, cuius plurima momenta scopo nostro non inferuiunt. Statuit vero ut paucis inquam *Marcion* et coetus ab eo denominatus: Christum in hoc apparuisse mundo, non humana natura, sed specie vestitum; eundem non esse Dei filium,

filium, neque eius passionem et mortem fuisse veram, sed illusoriam; se appellasse Messiam, non quod is fuerit, sed per accommodationem ad Iudaeos. Vid. Tertull. l. c. L. III. c. 8. Theodoretus haeret. fab. L. I. c. 24. Philastrius de haeres. c. 45. Ex dictis, quid de morte Christi vicaria et expiatoria crediderit, immo quod plane hanc negaverit, apparet. Ob eandem rationem, Marcionem inter Socinianorum maiores ab aliis collocatum conspiciamus. Vid. Weismannus l. c. T. I. p. 176. seqq. Walchius hist. haer. T. I. p. 484 — 537.

Excipit hunc Praxeas ab H. E. scriptoribus circa finem saec. II. notatus, quod in doctrina de S. S. Trinitatis Mysterio ab apostolica veritate nisi animo, verborum tamen formulis declinauerit. Quae vero in specie eius fuerit sententia, et erroris habitus, multum disceptatum est. Id collatis omnibus, quae ad nostra tempora seruata sunt, constat: PRAXEAM Sabellianismum re ipsa anticipasse, personarum in diuina essentia distinctionem prorsus sustulisse, ac quod ipse Pater descenderit in virginem, ex eadem natus, deinde passus, et mortuus fuerit, et quod non alius sit Pater, nisi J. C., eundemque respectu diuersarum actionum triplici titulo in S. Pandectis compellari, statuisse. Christum quidem Filium Dei appellauit, sed nomen hoc de persona Christi adhibitum, eo sensu explicauit, quo cum reliquo suo systemate conciliari possit; hominem nimirum Iesum ideo filium Dei dici, quia per omnipotentiam diuinam in virginis utero formatus fuerit. Pari modo Deum cum hoc se sociasse, quo anima et corpus copulantur. Vt haec placita oraculorum diuinorum praetextu fulciret, ad dicta S. Scr. prouocauit, quibus Deum esse vnum euincitur, et ad Christi verba: *Ego et Pater vnum sumus; qui me videt, Patrem videt; Pater in me, et ego in Patre.* Vid. Tertull. aduersus Praxeam c. 2. 3. 5. 10. 20. 27. 29. Qui proximo tempore pro Praxearum erroribus pugnarunt, dicti sunt Monarchiani et Patripassiani, utroque titulo a systemate, quod defenderunt, de-

desumpto. Vid. WALCHIUS l. c. T. I. p. 537 — 546. Differt utique ab his *Socinianorum* confessio, in eo tamen conspirat, quod orthodoxam de S. S. Trinitate doctrinam inuertat ac corrumpat; quam ob rem plerique de hoc Mysterio sinistre sentientes, eundem defendunt ac negatae S. S. Trinitatis tenacissimum celebrant. HERMOGENEM circa finem huius saec. idem sensisse, quod *Praxeas*, ac errorem defendisse *Sabellianismo* proximum, *Augustinus* testis est, de haeres. l. 14. et *Philastrius* c. 45. Pugnavit peculiari libro aduersus eundem *Tertullianus*.

Sequitur THEODOTUS BYZANTINUS, *Coriarius* dictus, circa finem saec. II. qui *Artemonis* discipulus extitisse dicitur, quamvis probabilior nonnullis videatur sententia, quod eiusdem praeceptor ac viae dux fuerit. V. *Centur. Magd.* Cent. III. c. 2. L. *Osiandri* H. E. C. II. L. IV. c. 10. Ab *Augustino* haer. XXXIII. perperam vocatur *Theodotio*, qui potius a *Theodoto Byzantino* diuersus. Primo quidem *Tatiani*, post *Marcionis* discipulus fuisse, tandem ad Iudaeos transisse a quibusdam fertur. Mentionem fecit EUSEBIUS in H. E. L. V. c. 3. ALCIBIADIS siue MILTIADIS et THEODOTI, *Montani* haeresi infectorum; sed *Theodotum* istum diuersum fuisse a *Coriario Byzantino* indubitatum est. V. *Tillemontius* H. E. T. II. in *Montanistis* Art. II. p. 460. Idem *Eusebius* L. V. 27. ex anonymo quodam, (*Cajo Presbytero Romano*) qui aduersus *Artemonem* scripsit, narrat, *Theodotum Coriarium* a *Victore*, Episcopo Romano, ecclesia fuisse eiectum, ἀρχιερον καὶ πατέρα ταύτης τῆς ἀρνητικῆς ἀποστασίας, qui humanam tantum Christi tribuerit naturam. *Epiph.* eundem inter Vnitarios veteres numeravit, fuitque ipso dicente *haeres*. LIV. particula quaedam procedens ex *Alogorum* haeresi, *Joannis Evangelium et Deum verbum*, quod ibi a principio fuisse declaratur, repudiante. Scripta sub eclogarum titulo concinnauit, ex quibus *Clemens Alexand.* nonnulla feruauit, quae palam faciunt, *Theodotum* Christi Deitatem omnino negasse, eumque communem, licet iustum virtutisque

tisque studiosissimum hominem reputasse, qui a Deo ante mundum ex subtilissima factus materia, missus in terram, praeter diuinam et spirituales animam, materiales quoque acceperit, quam omnibus tribuit hominibus. V. *Philastrius de haer.* c. 50. *August.* haer. XXXIII. *Euseb.* L. V. c. 27. 28. *Sam. CRELLIUS* in Mspto cit. diff. VI. §. XXXVI. *Theodoti* causam et confessionem de abnegato Christo homine, non Deo, defendere allaborans, sequentia conii-
ciendo in fauorem ipsius profert. „*Primus a VICTORE excommunicatus est, sed non primus ita credidit. V. le Platonisme dévoilé* p. 388. *Neque ob istam ipsam sententiam per se, sed per calumniam excommunicatus est ab episcopo, Iustini martyris, ut apparet, sectatore et fidei ipsi Theodotianae infestissimo; sed nondum ob istam ipsam fidem directe excommunicare quenuquam audente. Nempe lapsus in persecutione THEODOTUS dicitur Christum abnegasse; quod etiam multi fortasse in persecutione faciebant orthodoxi; postea vero poenitentia ductos ad christianos rediisse. Incidit autem in Iustini martyris sectatores, qui hominem antiquae illi fidei simplici de Christo, (quae familiaris CRELLII hypothesis est,) additum videntes, eo magis exprobrabant ei suum lapsum et pro sua noua orthodoxia urgebant, eum Dei ipse esse abnegatorem, quia Christum Deum abnegasset. Ille homo, ipsorum aduersariorum iudicio, non ineptus, sed apprime eruditus, dicebat: se Christum quidem, sed non Deum abnegasse, cum Christus non sit ipse Deus, sed Dei filius, homo; non ut lapsum suum extenuaret, hoc enim fuisset in viro erudito, et post lapsum poenitentiam agente, ineptissimum; sed ut eorum nouam a JUSTINO MARTYRE inuectam, de Christi deitate antefeculari sententiam respueret et refutaret. Exaggerarunt hoc homines peruersi et ad VICTOREM Episcopum Romanum detulerunt, quod diceret, se non Deum, sed hominem solummodo negasse, adeoque (quod de suo illi addebant) abnegationem illam non pro peccato adeo graui esse habendam. Arripuit id VICTOR, homo violentus et qui etiam ob res leues excom-*

municabat, cum et delatores testesque iniqui adessent, Zelo domus dei ardens, scilicet, speciosissimam occasionem nactus eiecit Theodotum ex ecclesia, et primus hanc fidem publice, sed non directe persequi coepit. Res enim sub eius successoribus demum maturuit. Sic rem se habuisse conicio."

Dicti sunt Theodotus cum asseclis suis Alogi, vel Alogiani, quia Deum λογον profiteri detrectarunt teste Augustino c. 30. Horum historia intricata et obscura memorabilium ecclesiasticorum scriptores nimium exercuit. CRELLIUS l. c. diff. III. §. X. putat: Epiphanium hic fingere et calumniari, quando Theodotum Joannis Euangelium cum Alogis reiecisse dicit; quia de illo nihil exstet apud Tertullianum de Praescr. nihil apud Eusebium, nihil apud Caium, qui tamen omnes ab hoc Byzantino Christum abnegatum et pro nudo homine habitum scribunt, atque ideo a Victore, Romano Episcopo, excommunicatum fuisse. Ex his ita colligit CRELLIUS: „Si sciissent, scire vero, si verum id fuisset, poterant, Theodotum etiam Joannis euangelium reiecisse, an id omnino silentio inuoluissent? Quid, si dicamus: Epiphanii id solummodo esse coniecturam? Qui cum sciret, Theodotum illum Alogis esse contemporaneum, in illis locis, ubi illi degebant, fortasse aliquando fuisse versatum, praeeexistentiam τὸ λογὸν non agnouisse, inde concluderet, etiam in reiiciendo Joannis Euangelio cum Alogis partem habuisse, cum et illi quodammodo λογον Joannis rejicerent, quando doctrinam de λογῳ, licet non simpliciter, sed prout in hoc euangelio est exposita, reiiciebant et Cerintho attribuebant. Adeo ut plane sit incertum, num vel unus unquam inter veteres exstiterit Vnitarius, qui Joannis euangelium Cerintho adscripsit, vel simpliciter reiecit. — — — Immo vero Coriarum Theodotum Joannis euangelium admississe, ex eo potius patet, quod Epiphanio teste ex isto euangelio argumentum pro sua de Christo sententia produxerit, locum nempe illum C. VIII, 40. nunc vero quaeritis me interficere, hominem, qui veritatem vobis locutus sum." Vid. Walchius, l. c. T. I. p. 546. Non abnuunt

abnuunt ex Socinorum partibus stantes *Theodoti* societatem. *Stan.* enim *Lubieniecus* l. c. p. 8. eundem virum multae doctrinae praedicat, qui Christum a Deo diuina potestate donatum ante matrem exstitisse, multis id post tempora Apostolorum affirmare ausis, constanter negauit, quod magna cum fecisse fiducia, et non exiguum sequacium numerum habuisse, gloriatur. *Crellius* in opere *Miscto* concedit quidem, *Theodotum* Jesum pro simplici homine habuisse: sed inde non sequi putat illum negasse Jesum esse Christum et coeli terraeque Dominum. Ita enim caussam coetus sui vna defendens *Diff. VII.* p. 17. inquit: „Nulla ratio est existimandi: illum non habuisse Saluatorem nostrum pro Christo, et Domino coeli et terrae, quia Christum pro simplici homine habuit. Nonne idem quotidie Sociniani obiicitur? Quis tamen adeo erit impudens, ut inde Socinianos Jesum pro Christo et Domino omnium habere neget? Sed ita se res olim habuit, atque nunc. Habeant licet Sociniani Jesum pro Christo et Domino coeli et terrae, habeant et pro Deo, a Deo Patre exaltato; nunquam tamen aduersarii eorum cessabunt, eis obiicere et obloqui, eos in Christum tantummodo, ut in virum sanctum et Prophetam et simplicem hominem credere, eo quod Christi ab aeterno ante Mariam praeexistentem diuinitatem negent.”

Post praeceptorem discipulum, *Artemonium* allegamus, quem saeculo hoc amplos sibi collegisse coetus sub Imperatore *Commodo* tradidit *Eusebius* L. V. c. 27. Historia eius admodum obscura est, ut ne illi quidem, qui eandem ex professo illustrare studuerunt, memorabile quidquam de eodem expiscari potuerint. Praeter nomen, nihil apud scriptores inuenitur, quod ad eius patriam, parentes et fata attinet, immo ne tempus quidem, quo praecise vixit, accurate statuitur, quamuis circa finem sec. II. eum innotuisse probabilissimum sit. De dogmatibus eius plura adserunt veterum auctorum volumina. Eorum nimirum pressit vestigia, qui diuinitate filii Dei abnegata, Christum communem crediderunt hominem, vel saltem ae-

ternum esse Deum diffitebantur. Secundum vnanimem veterum ac recentiorum sententiam docuit, excellentiorem quidem esse Jesum omnibus Dei ministris, non vero proprium Dei filium, immo potius naturae ratione non nisi hominem. Quia haec mentis cogitata, quam diu librorum noui foederis integritas atque auctoritas firma ac indubitata statuitur, animaduvertebat omni fundamento destituta, hinc somnia concepit, quae etiam asseclae eius *Artemonitae* vel *Artemoniani* tertio saeculo habuerunt, Apostolos plane docuisse eadem, quorum vero scripta *VICTORIS Romani* tempore esse deprauata, praedicationem proinde veritatis (quod sibi imaginabantur) de Christo ante Mariam non existente in eccl. Rom. ab Apostolorum temporibus vsque ad *Victoris* tempora fuisse conseruatam. Ipse *Artemon* pristinae restituendi integritati libros N. T. speciem praebuit, adiunctis sibi *Theophilo*, *Hermophilo* et *Appollonio*, quorum quisque pro mentis captu, partim intexit, partim exsculpit, quae cuique vel bene vel minus placebant. In explicando S. codice iidem utebantur *Euclidis* ac *Aristotelis* scriptis, Philosophiam pro norma, secundum quam in hermeneutica S. versandum sit, adoptarunt, verbumque Dei ad rationis cynosuram et ingenium humanum aecommodarunt. Ita *Theodoretus haer. fab.* L. II. differit: „*Artemon* quidam, quem nonnulli *Arteman* vocant, de Deo conditore vniuersi idem nobiscum sensit, dicens: eum omnium Creatorem esse; dominum vero J. C. nudum hominem dixit et virgine natum, Prophetis autem virtute praestantiozem. Et haec etiam Apostolos praedicasse prae diuinarum scripturarum sensum interpretatus, aiebat; eos autem qui Apostolis successissent, Christum Deum dixisse, cum tamen Deus non esset.” Refutatum eum esse a *Caro*, *Irenaei* discipulo, in libro, *paruus Labyrinthus* inscripto, ex *Photio* constat; quamuis antiquiores scriptores, *Eusebius* nimirum ac *Theodoretus* libri aduersus *Artemonem* scripti absque auctoris nomine mentionem faciant, vid. *Cappii* et *Schaffhausen* diss. de hoc argu-

argumento. Quae Socinianorum cum *Artemone* et *Artemonitanis* sit conuenientia, ex allatis perspicitur. Non tantum in genere vterque chorus quoad negatam aeternam filii Dei diuinitatem ac explicandae S. Scripturae rationem et regulam conspirat; sed quoque quoad peculiarem explicandi et proponendi dogmatis suscepti modum et docendi formam, quam harmoniam auctor *Vindictiarum* concedit, qui in recensenda familiae Socinianaе genealogia *Artemonem* inter ipsius patres praedicat, cui quoque *Lubieniecus* l. c. p. 8. calculum suum adiecit. Post hos *Sam. Crellius* propter arctissimam doctrinae suae cum *Artemonii* placitis, quae pro antiquissima veritate reputabat, conuenientiam, ipsum hoc adsciuit nomen, quod recentioris Artemonitae conamen eruditis materiam suppeditauit ad historiam huius sectae maiore cum industria tractandam. V. SEMLERUS *de Secta Artemonitarum a Sam. Crellio restaurata*, Lips. 1730. WALCHIUS l. c. T. I. p. 558—569. Idem CRELLIUS in *Mspt.* VI. §. XXVI. *Artemonitas* quibuscunque rationibus ab accusatione defendens, quod dictum Joanneum de tribus in coelo testibus ex textu eliminauerint, plus quam vna vice testatur, *Artemonitas* Socinianis hodiernis in doctrina de Christi persona per omnia fuisse Homodoxos.

CARPOCRATES a quo nonnulli *Gnosticorum* originem petunt, quam tamen ex saeculo primo deriuandam esse, monumenta fide digna asserunt, inter Antitrinitarios saec. 2. inclutus fuit: *Tertull.* *August.* et alii ipsum ante *Cerinthi* et *Ebionis* tempora collocant; sed satis certo euictum, eum *Adriano* Imperatore circa a. c. 130. vixisse. V. G. Jo. Vossii *Fragmentum de Manichaeis et Stoicis* in *Tract. Theol.* p. 833. Placita eius recensere, non esset, nisi quae diximus eadem, mutato paulisper habitu repetere. Eandem cum reliquis sententiam, Iesum in tempore originem duxisse, statuit. Cum eodem Christum, (quo nomine animam quandam excellentiorem et puriorem, s. vim coelestem, vel creatum, perfectioremque spiritum insigniri

putauit,) copulatum esse. *August.* l. c. c. VII. de eo inquit: „*Hic etiam Jesum hominem tantum, et de utroque sexu natum, putasse perhibetur, sed accepisse talem animam, quae sciret ea, quae superna essent, atque nunciaret.*” Eadem magna ex parte referunt *Epiph.* l. c. 27. c. 2. et *Iren.* L. I. c. 24. Jesum extitisse doctorem, confitebatur, qui homines ab idolorum cultu ad verum Deum reuocaret, suamque de Deo doctrinam Christi animam ante vnionem cum corpore in coelo didicisse, huiusque a Deo acceptae olim instructionis post vnionem felici successu recordatam esse.

Collegit quandam sectam, cui adscripti *Carpocratiani* appellabantur, qui cum Christianis excepto nomine nihil commune habebant. Hi praeter opiniones a *Carpocrate* susceptas, defendisse dicuntur, omne, opinione, nihil natura bonum vel malum esse; animas per corpora volutari, nisi ante per omnes scelerum formas iuissent. *V. Walchii* l. c. p. 309 — 335. Quamuis plurima quae de turpissima secta scriptis prodita sunt, Socinianis impu- tari nequeant; in articulo tamen de J. C. eiusque persona et munere *Carpocratem* iisdem viam monstrasse; ipse *Narrationis compendiosae* auctor non inficiatur.

Sequitur *Saturninus, Philosophus Antiochenus*, qui, quoad Christi aeternam ac veram Diuinitatem, paria cum reliquis Gnosticis statuit, sicque in hoc passu Socinianis praeluxit, quibus quoque in contemptu librorum Mo- sis et Prophetarum, et in negata Christi satisfactione viam monstrauit, quem in mundum venisse hoc solum fine, vt doceret, et viam virtutis exemplo suo monstraret, contendit.

Huic jungitur *BASILIDES*, qui Christum vnum aeo- num, h. e. natura multo inferiorem diuina fuisse, ante hunc mundum tamen extitisse perhibuit, ac Jesum a Christo juxta Gnosticorum sententiam diuersum tradidit; de quo *vid. Isaac Beausobre* *histoire de Maniché & du Manicheisme*, T. I. p. 3 — 68.

In horum censum venit numerosissimum *Valentinianorum* agmen, qui non quidem paria cum Socinianis, quod de plurimis dici nequit, crediderunt, in articulo tamen de Christi persona ac officio mediatorio pessime sentiebant, quorum deliria, omnes historiae eccl. antiquae conditores exposuerunt. V. WALCHIUS l. c. T. I. p. 335 — 406.

Alogorum mentio jam facta est, quorum historiam *Epiphanius* contexuit, narravitque quod libros S. Joannis, praecipue vero euangelium, et cum hoc simul λόγον ab eo praedicatum, et insigniora de eius aeternitate testimonia repudiauere. V. *Walchius* l. c. p. 569—576. Longam de *Alogis Sam. Crellius* instituit disquisitionem, in opere *Msc.* Veri simile ipsi videtur *Diff. III. §. 6.* *Alogos* seculo demum tertio circa annum 220 exsurrexisse, hosque non fuisse *Vnitarios*, sed *Trinitarios*, variis argumentis euincere nititur. Inter alia de *Alogis*, horumque ex *Vnitariis* numero exemptione in *diff. alleg. §. 8.* haec disputat: „De dogmate Trinitatis idem, quod alii Christiani pro Orthodoxis tunc habiti sentiebant. Adeo, ut mirum sit, viros doctos passim existimare, *Alogos* fuisse *Artemonitarum* vel *Ebionaeorum* sectae addictos, qui cum praeeexistentiam Christi ante Mariam non crederent, autoritate euangelii Joannis pressi; *Cerintho* id adscribere fuerunt coacti. *EPIPHANIUS* certe *Cataphryges*, quorum pars erant *ALOGI*, eadem cum catholica ecclesia de P. F. et Sp. S. sentire, haer. 48. tradit. Et de *Alogis* L. I. §. IV. eadem plane refert his verbis: NAM ET ILLI (*ALOGI*) NOBISCUM ALIOQUIN PARIA SENTIRE VIDENTUR. Et illi, inquit, nempe aliter, ac modo descripti *Cataphryges*, et *Quartadecimani*, *Trinitarii* ergo, procul omni dubio erant suo tempore orthodoxi, *Alogi* isti nostri, excepto errore illo *Cataphrygum*, et altero sibi peculiari, quod Euangelium Apocalypsinque Joannis *Cerintho* adiudicarent. Sane vocat eos *Anti-Christos* *EPIPHANIUS*; sed eodem etiam *Cataphryges* dignatur honore. Adeo ut ex his similibus *Epiphanii* hominis maledici, et violenti

in eos congestis conuitiis non sequatur, eos, in dogmate de Trinitate fuisse heterodoxos, et Antichristos, alioquin omnes Trinitarii pro Antichristis essent habendi." Haec et plura alia de Alogis Crellius, quibus haec addit: „*In Anglia quidem sub finem seculi proxime elapsi quidam inuenti sunt Vnitarii, qui Alogorum veterum obiectiones contra Joannis Euangelium, non tanquam id plane reiicientes, sed dubiis suis satisfieri volentes, recoxerunt, immo auxerunt. Sed non videntur id facturi fuisse, nisi, communi errore decepti putassent, veteres Alogos fuisse Artemonitas, qui cum viderent, Principium huius Euangelii cum doctrina apostolorum pugnare, auctoritatem eius reiecerint, idque Cerintho adscripserint. Sciendum tamen est, Alogos istos sic dictos Anglicanos paucissimos duos aut tres fortasse solummodo fuisse homines, qui in ea doctrina partem habuerint, eamque luci publicae exposuerint. Rem sic se habere, in Anglia cum essem, animaduerti. Etiam veteres Alogos paucos fuisse numero, videtur ipse innuere EPIPHANIUS, cum eos haer. L. I. §. 1. cum imbecillo serpente comparet. Et tamen dederunt Alogi Angli occasionem Regi Parlamentoque Anglicano legis in eos statuendae, qui aliquem librum Novi T. vulgo pro canonico habitum, non diuinum esse contenderent."*

§. VI.

In contemplandis Antitrinitariorum parentibus ad Saec. III. accedimus, in quo *Manetem, Noetum, Sabellium, Paulum Samosatenum* et *Beryllum* monumentis sacrae historiae, quae a veritate deflectentes recenset, notatos videmus, qui *Mysterium S. S. Trinitatis*, et aeternam *Jesu Christi Deitatem*, diuersis licet docendi modis, et formulis oppugnarunt. Huic quoque choro *Elcesaei*, post alios accensendi sunt, qui *Christum a Deo creatum* docuerunt.

*

*

*

Notati errorum Magistri, *Saeculo* 3. discipulos nati sunt ac sectatores, placita ista nouis augentes ingenii inuentis. Inter hos *Manes*, cui nomen apud orientales *Mani* scribitur, e Persia, vel secundum alios *Chaldaea* oriundus, Medicus, Poeta, ac Philosophus, ad excogitanda in religione noua compositus, circa medium saec. 3. ex Persarum Philosophia, doctrinae Christianae lucem accendere, hancque patriae suae ac popularibus acceptam reddere conatus est, sed nebulas apud haud paucos religione salutiferae contraxit, sibi que locum inter eos parauit, qui Christum Patre inferiorem et quoad essentiam ab eodem diuersum statuerunt. Quam absona licet eius dogmata de Deo, mundo et entibus immaterialibus fuerint, multosque concitauerint aduersarios, haud paucos tamen habuerunt defensores, qui nullo tempore prorsus exspirarunt, immo recentiori resuscitata ac nouis ornamentis exposita fuerunt. Ex ingenii ipsius inuentis ea tantum exponimus, quae cum *Socinianorum* erroribus quandam cognationem habent. Quem sibi *Manes* finxit Christus, non ab aeterno fuit, sed a Patre post creationem vniuersi procreatus, vel productus, qui tandem in corpore, non quidem humano, sed coelesti, speciem humani mentiente apparuit, vt aduersus principem malum pugnaret, et ab hoc in captiuitate detentos liberaret. Tres quidem Deitatis personas, sed quoad dignitatem diuersissimas, effinxit. Filium Patre multis modis inferiorem, in sole, Spiritum S. filio minorem in atmosphaera huius terrae commorari somniabat. Cum orthodoxa de S. Trinitate doctrina MANES nomina tantum communia habuit; re ipsa ac animo ab eadem longe absuit. Personas diuinas consubstantiales equidem, sed distinctas in modum trium personarum humanarum, nec independentes statuit. Filium et Sp. S. ex essentia Patris emanasse credidit, hasque duas emanationes reliquis esse

excellentes. V. *August.* diff. I. cum *Fortunato*, et opus *imperf. contra Julianum*, L. V. c. 13. *Confess.* L. V. c. 10. de haer. c. CXLVI. Quod S. Trinitatem inuocauerit, fide digna referunt testimonia, quod vero in hoc cultu, longo interuallo a mente Christi ciuium abfuerit, ex eiusdem de Deo Triuno assertis colligitur. Vid. *Beausobre* l. c. et *Walchius* l. c. T. I. p. 695 — 814. Quoad praecipuum momentum *Manes* et *Manichaei* cum Antitrinitariis recentioribus in genere conspirant; ad quod etiam pertinet, quod de libris Moſis contemptim ſenſerint, ſtatueringque oracula N. T. quae ſibi contraria animaduertebant, adulterata, et pro lubitu corrigenda et emendanda eſſe. In doctrina quoque de *immagine Dei* a Manichaeorum ſententia non longe abſunt Sociniani et cum MANES aliis perſuaſerit, quod a Deo, ad reformandam religionem Chriſtianam, hancque ab inquinamentiſ repurgandam ſubornatus ſit, id ipſum quoque *Laelius* ac *Fauftus* de ſe orbi Chriſtiano perſuadere auſi ſunt.

Excipit *Manetem* NOETIUS, vel NOETUS, Aſianus, Smyrnenſis, qui circa annum 220 — 245. inclaruit. *Praxeam* celebrans antecellorem ſuum, vnicam in diuina eſſentia perſonam, tribus inſignitam nominibus ſtatuuit, quam in V. T. ſub Patris titulo tuliffe legem, in nouo ſub Filii charactere notam eſſe, et Apoſtoliſ ſub Sp. S. appellatione conceſſam putauit. Ita *Epiph.* haer. LVII. c. 2. inquit: „*ut Theodotus ad vnum extremum declinans nudum hominem Chriſtum eſſe diſſeruit; ſic ille ad extremum aliud deſciſcens prorsus eundem eſſe P. F. et Sp. Sanctum in carne paſſum et natum ſtatuuit.* Hanc ob haereſin in iudiciuſ vocatus reſpondiſſe fertur, *nihil hiſ mali deſendi, laudare ſe potius vnicum tantum Deum, vnicum tantum noſcere, nec vllum alium, praeter ipſum genitum, paſſum, mortuum.*” Vid. LARDNERUS in *the credibility of the Goſpel hiſtory* Vol. IV. p. 449. Sectatores eiſ dictoſ fuiſſe *Patripaſſianos*, notiſſimuſ eſt, quamuiſ *Praxeam* eiſdem erroris iam fuiſſe auctorem, conſtet. V.

Wal.

Walchius l.c. T. II. p. 3. seqq. *Sagittarius* introd. in H. E. p. 1000. *Moshemius* l. c. p. 200. et *Fabricius not. ad Hippolytum* in operibus huius, T. II. p. 5. *Theodoretus* L. III, c. 3.

Noeti haeresin intermortuam fere resuscitauit *SABELLIUS*, a quo *Sabellianismus* peculiaris illa errorum in articulo de S. Trinitate species dicitur, quamuis ille paulo aliter docuerit, ac quidem de *Sabellianismo* plerumque exponitur. Is autem proprie hoc titulo notatur error, quo internum trium in vna essentia diuina personarum discrimen simpliciter negatur, ita vt externa differentia in diuersis nominibus, horumque relatio ad varia opera concedatur. Quo praecise *SABELLIUS*, Cyrene vel quae eadem regio est, *Pentapoli* Libyae prouincia, in Africa natus, vixerit tempore, in *DIONYSII ep. apud Euseb. Hist.* L. VII. c. 5. notatur. *Dionysio* nimirum *Alexandrino* coaetueus fuit, qui sub *Decio* et *Gallo* Imperatoribus floruit. *Noeto* praeceptore vsum esse, *Philastrius* et *August.* testantur. *Noeti* sententias paululum mutauit, ad systematis quasi compagem struxit, nouisque tegumentis conuestiuit. Hinc *Epiphanium* arguit *Augustinus*, qui duas a se distinctas, *Noetianorum* et *Sabellianorum* constituit haereses. A paucioribus vocantur *Noetiani*, a pluribus *Sabelliani*, quod *SABELLIUS* maiorem nactus fuerit famam. *V. LARDNERUS* l.c. Vol. IV. p. 451. *Sabellium* cum *Noeto* consensisse *Walchius* l. c. monstrauit. *Epiph. haer. LXII. c. 1.* eadem docuisse *Sabellium* ac *Sabellianos*, quae iam antea narrat, *Praxeas*; nimirum, non alium esse P., alium F., alium Sp. S. sed eundem esse Patrem, eundem Filium, et eundem Spiritum S. vt sint in vna hypostasi tres nomenclaturae. Simili ab homine desumpto vsus est. Quemadmodum enim in homine aliae corpori actiones, aliae animae, aliae spiritui tribuuntur; ita in Deitate, vni eidemque personae, modo Patri, modo Filio, modo Spiritui S. dictae, varias adscribi operationes putauit. Qui ex hoc simili *Sabellium* defendunt, eumque veram in Trinitate Perso-

Personarum distinctionem eadem significare voluisse, contendunt, vniuersum antiquitatis consensum aduersus se habent; quippe qui eo redit, negasse illum quamcunque distinctionem internam et realem in Diuinitate, omni discrimine in operationibus tantum et nominibus diuersis posito. Negato personali discrimine, per λογος intelligebat operationem, qua homo Christus omnia in terris praestitit. Diuina virtus per eum operabatur, quamdiu in terra commoratus est; posthac illa cessauit instar radii solaris, qui effectus producit, nec personam sustinet. Simili modo Spiritum S. nihil inuoluere, nisi operationes diuinas in homine ad producendum veritatis agnitionem, et virtutis exercitium. Hebetioris animi homines saepenumero erroris sui funiculis implicauit, captiose ac rudi fallacia indoctos interrogando: *An Deum vnum, an tres Deos crederent?* In coetu, quem adornauerat, filii Dei nomen ne quidem audiebatur, veritus, ne, cum homines faterentur Deum P. F. et Sp. S., tres hoc ipso crederent Deos. Videtur igitur suo id intendisse systemate, ne homines in repraesentando sibi mysterio S. S. Trinitatis ad *Polytheismum* prolaberentur. Quae in specie ipsius sententia, de Christi persona fuerit, varie inter eruditos disputatur. Collatis omnibus, quae circa hoc momentum supersunt, monumentis, MOSHEMIO probabilissimum videtur: *Sabellium* defendisse, non diuinam personam, sed naturam cum persona humana in Christo unitam fuisse, sicque naturae diuinae personalitatem denegasse, eandemque humanae Christi naturae tribuisse. An propterea *Patripassianis* accensendus sit, quibusdam ambiguum apparet. Numerosissimum pro sua pugnantem sententia exercitum conduxit; quare ecclesiae orthodoxae antistites fluctibus his, veritati ruinam minitantibus, aggerem variis opposuerunt scriptis. *Athanasius*, *Basilus*, *Eusebius*, *Prudentius* aduersus eum aciem instruxerunt et *Dionysius* Alexandrini coetus Episcopus quatuor libris Sabellianismo obiecit repagulum, quamuis contradicendi Zelo errori proximus

mus fuerit, cum forte ipsi exciderint verba: *Filium Patri non esse ὁμοῦσιον*. V. Buddei *Isag. hist. Theol.* p. 455 et 1622. *Christ. Wormii hist. Sabell.* p. 1 — 52. *Natalis Alexandri H. E. Sec. III. Diss.* 25. p. 57. *Weissmannus l. c. T. I.* p. 258 — 261. *Walchius l. c. T. II.* p. 14 — 49. *Baumgartenii Theol. Polem. T. I.* p. 239. III. p. 7. Parallelismum inter *Sabellianos* ac *Socinianos* haud immerito institui, quae de *Praxea* atque *Noeto* diximus, comprobant, recte quoque judicante *Sandio* in *H. E. enucl. L. I.* p. 120. „*Moderni Sociniani licet Sabellium detestentur, nihilo minus haereseos Sabellianae sunt obnoxii*. Nam dum *Jesum* non existisse ante *Mariam* asserunt, ac *Sp. S.* personalitatem negant, ejusdem haereseos *Sabellianae* culpam incurrunt.

Inter Socinianismi Antesignanos circa annum 232. prodiit *PAULUS Samosatenus*, de *Samosata*, Syriae Metropoli, quem *Euseb. hist. L. VII. c. 25.* ad *Galieni*, *Epiphanius* autem, haer. LXV. ad *Aureliani* et *Probi* tempora referunt, et cum *Athanasio*, *Basilio*, *Chrysostomo*, aliisque de eodem, eiusque haeresi plura enarrant. Reginae *Palmyrenorum Zenobiae* intercessionibus Episcopatum *Antiochenum*, defuncto *Demetriano*, circa annum 260. obtinuit, quo Syriae oppido post dimidium Saeculi *Arianismus* caput suum extollebat. Ipse meritis destitutus, loquacitate pollens, avaritiae deditus, quibusvis artibus amplas cumulavit diuitias, quibus a parentibus egenis prognatus prorsus antea carebat. Tanta inflatus dicitur superbia, ut abdicato episcopi titulo *Ducenarii* gloriam affectaret, ac non Christi ministrum, sed huius mundi principem pompa ac luxu referret. Praeter plura alia vitia, tyrannis in alios, et scandalosa cum sexu muliebri conuersatio in illo reprehenduntur. Mitigauit tamen, quae de *Samosateni* superba mente et avaritia narrantur, *Lardnerus*, l. c. T. IV. p. 615. quia hostes eadem exposuerunt. De haeresi eius in genere liquet, quod ab orthodoxa doctrina de *S. Trinitate* et *Christo* aberrauerit; quoad determinationem vero specialis

cialis erroris in diuerfas partes abeunt scriptores. Eadem quodammodo, quae *Theodotus* et *Artemon* docuisse, et de S. Trinitate *Sabelii* disciplinam defendisse *Athanasius* et *Hilarius* narrant. *Epiphanio* teste negauit filium Dei existisse ante mundi huius constitutionem, statuitque eius initium a natiuitate ex Maria. V. BARONII Annal. T. II. ad ann. 266. n. 4. LEONTIUS BYZANTINUS haeresin ita describit: „*Alia secta Paul. Samos. his temporibus existit, quae et circa diuinitatem et circa incarnationem errabat; circa diuinitatem, quia Patrem solum fatebatur, circa incarnationem, quia purum solumque hominem dicebat.*” Haec, significante *Theodoreto*, in gratiam ZENOBIAE reginae statuisse fertur; quae iudaeis parentibus nata, ac Iudaismo fauens, feminaque litterarum amatrix, primum *Longino* gentili, deinde *Paulo Samosat.* Christiano praeceptoribus vsa, his opinionibus delectabatur. AUGUST. haeres. XLV. hanc sectae descriptionem tradit: „*Pauliani a Paulo Samosat. (dicuntur quoque Paulistae, vel Paulianistae, qui tamen a Paullicianis aetate recentioribus distinguendi), Christum non semper fuisse dicunt, sed eius initium, ex quo de Maria natus est, adseuerant, nec eum aliquid amplius, quam hominem putant. Ista haeresis aliquando cuiusdam ARTEMONIS fuit; sed cum defecisset instaurata est a Paulo, et postea sic a PHOTINO confirmata, ut PHOTINIANI, quam Pauliani celebrius nuncupentur.*” Ex aliis scriptorum testimoniis, in primis *Socratis* H. E. L. II. c. XIX. discimus, eum credidisse, quod Deus sit vnum suppositum intellectuale, quod propter varias manifestationes et externas relationes nominetur *Pater*, *Filius* et *Spiritus S.* et quod Christus dictus fuerit Deus, quia diuina praestiterit opera, Deusque ipso tanquam instrumento vsus fuerit ad praeclara quaedam efficienda. Filium Dei non esse verbum Patris substantiale, sed *πρῶτον*, in Christo autem homine, verbum et sapientiam Patris habitasse, totque per eum effectus praestitisse. V. *Philast.* haer. LXV. Admonitus saepe, sed resipiscere nolens

nolens damnatus et a sede episcopali remotus est, quod decretum auctoritate sua confirmavit *Aurelianus* Imperator, qui *Zenobiam* proelio vicerat. V. J. W. Bayeri *diff. de Paulo Samosateno*, Socinianorum Patriarcha, eiusque erroribus, *Jablonski diff. de Pauli Samosateni genuina doctrina*, *Feuerlinus de haeresi P. Samosat. et Henrichii H. E. Sec. III. p. 188. seqq.* *Walchius l. c. T. II. p. 64 — 125.*

Haud iniquam inter Socinianos et *Pauli Samosat.* asseclas institui comparisonem vel inde adparet, quod *Andr. Wiffouatius* in praef. *Biblioth. F. F. P. P. Samosatenum* inter maiores familiae suae collocet, et ipse F. SOCINUS contra *Volanum* p. 252. seqq. suum fuisse antecessorem fateatur. Ita autem p. 253. *Socinus*: „Quod ad *Paul. Samos.* attinet, eum nobiscum sensisse arbitramur, in eo, quod Dei Filium, antequam in *Mariae* virginis utero conciperetur, reuera exstitisse negauerit, atque adeo eius de *Christi* persona sententiam vniuersam parum a nostra absuisse credimus”; et p. 264: „Dixeram *P. Samos. Photinum* et alios, quorum sententiae de Filii Dei (ut sic dixerim) existentia nos adhaeremus permultos discipulos fecisse.” Vid. *Martini Z. Thalyaei, Hungari, anatomen Samosatenuianismi, Lugd. Batav. 1634*, in quo scripto auctor Parallelismum Samosatenuianismi et Socinianismi per varias errorum species tradit. Ex antiquitate ecclesiastica hoc loco notamus, quod, licet *Sabellius* et *Samosatenus* cum asseclis suis formulae baptismali (suo ramen ingenio explicatae) locum concesserint, nihilo tamen minus, baptizati ab his, et ad catholicum coetum accedentes, iterum baptizati, nec prius in ecclesiae communionem suscepti fuerint.

Eodem saec. in Antitrinitariorum numerum inseritur BERYLLUS BOSTRENSIS, Arabiae episcopus, qui Christum propria Diuinitate destitutum, Patrisque Deitatem in eum collocatam demum fuisse, censuit, cum in *Maria* utero homo factus. Celebris alioquin scriptor huius aetatis fuit, cuius opera complura in *Biblioth. Hierosolymitana* suo tempore asseruata fuisse, *Eusebius H. E. L. VI. c. 14.* testis

reftis eft; qui in condenda hiftoria fua multa ex his fontibus conquifuit. Videtur id ipfum, quod *P. Samofatenus* docuiffe, fed mollioribus dicendi formulis protuliffe. Nonnulli hunc ipfi fenfum tribuunt: Dediffe Patrem Deitatis fuae partem filio, cum nafceretur homo. Alii, fententiam hoc modo exponunt: Filium propria Deitatis effentia deftitutum fuiiffe, Patris vero Deitatem in ipfius natiuitate cum eodem effe communicatam; J. C. non exiftitiffe, antequam homo factus; fed gloriam Patris in eodem nato ex Maria commorata effe. *HIERONYMUS de viris illuftrib.* c. LX. inquit: „Quod, poftquam infigni cum gloria ecclefiae praefuerit, in haerefim prolapsus ftatuerit, Chriftum ante incarnationem non exiftitiffe, et in diuina effentia vnā tantum perfonam credidiffe. Qua ratione in hanc fententiam inciderit, ac paulo poft opera et ftudio *Origenis* ad veritatis confeffionem redierit, et quae antea docuerat, recantauerit, *Eufebius* l. c. c. 27. feqq. narrat. Quod fuo, quem ad tempus defendit errore, Antitrinitarios praeiuerit, dicta de eodem euincunt.

Plures ex faec. III. in theatrum proferri poffent, qui recentioribus, ab orthodoxo tramite deflecentibus viam monftrarunt, fi prolixiores effe in perfequendo hoc argumento velimus. Sic notatur *HIERAX*, fecundum alios *HIERACAS* (a quo *Hieracytae* dicti, quos faepiffime, inique tamen, Manichaeis adnumeratos animaduertimus,) qui *Melchifedechum* fuiiffe fpiritum S. officiumque Chrifti fola patefactione accuratioris doctrinae moralis abfolutum effe, teftē *EPIPHANIO*, haer. 67 et 68 ftatuit: *DIONYSIUS*, Alexandriae Epifcopus, vir de religione et difciplina Chrifti ciuium meritiffimus, magnaeque auctoritatis, in refellendo *Sabellio* incautus, quod faepius accidit, in errorem prolapsus eft, prouocantibus poft hac ad eius confenfum et auctoritatem *ARIANIS*, quod Patrem a Filio ita diftinxerit, vt pro duabus vnus effentiae perfonis haberi nequeant, fed Filium a Patre differre, vt vitis a vinitore crediderit. Inftituit de eodem fide dignam narrationem, fimul

simulque eius defensionem suscepit ATHANASIUS peculiari libro, de *sententia Dionysii*, de quo aequum ferre iudicium videntur, qui non mente et deliberato consilio, sed improvide in delectu terminorum et metaphoricarum illustrationum, eundem deliquisse sentiunt; quod etiam de quibusdam aliis nobis persuademus.

Jure quodam notandi sunt *Elcesaei*, qui sectam philosophicam ex Ethnicismo, Christianismo et Judaismo conflata constituisse videntur. EPIPHANIO teste haer. L. III. Christum cum *Ebionaeis* pro re creata habuerunt; in aliis fidei articulis *Sam. Crellio* sentiente in *Mispto* citato Diss. VII. §. XXIII. XXIV. multo magis ab iisdem dissidebant, quam *Ariani* a *Socinianis*. *Elcesaitae* enim vna cum Samaritanis prophetas reiiciebant, quare *Rich. Simon Hist. Crit. N. T.* c. VIII. illos a Samaritanis descendisse, putauit. Scriptorem *Clementinarum homiliarum* hominem mere *Elcesaitam* fuisse, ac *Clericum* valde errasse, quod in H. E. eundem pro *Ebionaeo* habuerit, *Crellius* l. c. demonstrare studuit. Hunc homiliarum auctorem *Elcesaeum* etiam de persona Christi diuersa ab *Ebionaeis* sensisse, ex illarum inspectione constare putat. Statuit enim Christum *απ' αεχης* a principio creationis, filium Dei fuisse, quem proinde *Adamus*, *Enochus* et alii Patriarchae ignorare non potuerint. Homil. XVIII. §. 13. Adamum Christo similem, immo parem facit, eum peccasse negat, — — — immo Adamum ipsum Christum fuisse, colligit, hom. VIII. §. 10. homil. III. §. 20. 21. 26. 28, vel potius Spiritum S. per quem omnia creata sunt, non minus in Adamo atque in Christo habitasse; Christum creatorem fuisse inficiabatur; spiritum verò, qui omnia creauit, resedisse in eo, qui, quomodo factus fuerit mundus, sciuerit. Spiritum hunc diuinum, per quem creata sunt omnia, ad quem spiritum consilii Deus dixerit: Faciamus hominem, quemque manus Dei creantis vocat, Hom. XVI. §. 12. Hom. XI. §. 22. Hom II. §. 16. L. II. initium existentiae suae a Deo habuisse, adeoque

creaturam fuisse statuit. Hom. XI. §. 22. 24. *Elcesaeus* homilista Christum quidem *Dominum nostrum* appellat, Hom. IV. §. 5. Hom. VIII. §. 6. Hom. XI. §. 35, nempe quia sic magistri et doctores appellari solebant. Nam sic etiam Moſen, immo Petrum Apostolum appellat; ſed Deo, (per quem ſolum Patrem intelligit,) neminem corregnare, neminem eius, i. e. Dei appellationem habere: Christum videtur futuri demum ſaeculi regem ſtatuerẽ, adeoque non inuocandum eſſe cenſuit. Hom. III. §. 19. 22. 23. 24. Solum Patrem Hom. VII. §. 12. inuocat; homilia vero III. §. 72. doxologiam illam Filii et Sp. S. manu falſarii inſertam eſſe, CRELLIUS exponit. Denique Hom. III. §. 7. 8. Hom. X. §. 4. 24. homines per dilectionem Dei, aut charitatem erga Deum, per ea, quae verus Propheta ſentienda et facienda praeſcripſit, ſaluos fieri poſſe dicit; ſane mortis ſacrificiique Chriſti in redemptionem et ſalutem noſtram, nullam vllibi mentionem facit, et verum prophetam Chriſtum propterea tantum miſſum eſſe innuit, vt nobis diceret, quae ſentire et facere debemus. Neque honorificam ſacrificii Chriſti mentionem facere potuit. qui ſacrificia vnquam a Deo fuiſſe mandata, negauit; quod CRELLIUS l. c. variis homiliarum locis probauit.

§. VII.

Nullo tempore coetum chriſtianum grauior turbauit procella, quam quo *Arius* haereſi ſua ſaec. IV. eundem inundare, et articulum de S. Trinitate, aeternaque et eſſentiali J. C. Deitate peſſumdare auſus fuerit. Errores enim praeteritorum temporum quam plurimis aſſertionibus auxit, ac per totum fere orbem diſſeminauit. Habuit ille Neo-Arianos ſectatores, horumque antecellor et viae Dux putandus. Nec parallelismus inter Arianiſmum et Socinianiſmum omnino illegitimus videtur,

detur, quamvis hic ad Photinianissimum, vel etiam ad Samosatēnianissimum propior accedat. Quidam inter Socinianos *Arium* inter antecessores suos referri ultro admittunt, aliis hunc titulum sibi summa cum iniuria tribui conquērentibus.

*

*

*

Maxime longæva fuit *Arianorum* hæresis, cum reliquæ fere omnes brevi tempore expirarint. Illa maiorem probabilitatem præ se ferre visa est, quam, quæ alios habuit doctores. *Arianismus* post *Constantium* sub patrocínio *Valentis* Imperatoris, et Matris *Valentiniani* iunioris *Justinae*, prætereaque barbararum gentium auspicio, *Ost-Gothorum* nimirum in Italia, *West-Gothorum* in Hispania, *Vandalorum* in Africa, *Longobardorum* iterum in Italia, miranda insequutus est incrementa, adeo, ut amplectentibus eundem principibus numerosissimisque populis, quam diutissime nocentissima eiusdem floruerint *Zizania*; donec circa sæculi octavi initium in paucioribus agris herbam protruserint. *Arium* non primum excogitasse placita sua; sed plures habuisse Magistros, istaque ex *Cerinthi*, *Ebionis*, aliorumque lacunis hausisse, quæ hætenus diximus demonstrant.

Nomen debet hæresis *ARIO*, Alexandriae in Aegypto presbytero, ex Lybia oriundo, cuius vitæ fata leguntur in *MAIMBURGII hist. Arianismi*, apud *Lardnerum* l. c. Vol. VII. p. 254. in *GAETANI MAR. TRAVASA Istoria critica della vita, di Arrio, primo Eresiarca del. IV. secolo*, (de quo libro vid. *Biblioth. Hall. T. I. p. 149. seqq.*) *JABLONSKY de Ario*, *J. CAR. GÜTZINGER historisch theologische Annmerkungen über die Geschichte des Arius*, etc. Homo ingenio satis acuto, caeterum fastuoso, turbulento et ad quævis suscipienda supra reliquos mortales expedito, fraudum ac technarum foecundo; quo in illud fastigium ascendit,

in quod ante ipsum nemo. V. *Theodoreti* H. E. L. I. c. 2. *Epiph.* haer. 69. Is siue odio et aemulatione in Episcopum suum *Alexandrum*, quem de vnitae essentiae diuinac, et Trinitate personarum aliquando differentem audierat, siue vana ingenii ostentatione, siue ex alia ratione, plures enim a scriptoribus significantur, artes suas dialecticas, in quibus haud mediocriter erat versatus, adhibuit, vt Praefuli contradiceret, eum *Sabellianismi* coargueret, sicque ecclesiae pacem, qua sceptrum tenente *Constantino* M. in initio fruebatur, turbaret. In ep. ad *Eusebium* Nicomediensem Episcopum, apud *Epiph.* C. VI. *Arius Alexandrum* accusat docentem, quod Pater et Filius vna existant, Filius cum Patre sit non genitus, Filius semper genitus quidem, attamen absque generatione genitus, Pater nullo momento antiquior Filio, Deus semper, Filius semper, qui ex Deo ipso. *ARIUS* rationis persuasione fascinat, ex qua gloriam et nouae sectae famam adpetebat, plurima argumenta in contrarium, non tamen posthabitis S. Scripturae oraculis conquisiuit, huncque in modum argumentatus est: Si Pater genuit Filium, Filius posterior Patre est, hinc tempus fuit, quo Filius non existit; proinde hunc $\epsilon\gamma\gamma\alpha\gamma\epsilon\tau\alpha\iota\ \sigma\upsilon\tau\omega\upsilon\epsilon\chi\epsilon\iota\upsilon\ \tau\eta\upsilon\ \upsilon\pi\omicron\sigma\tau\alpha\tau\iota\upsilon$; Filius hinc inferior sit Patre, imino res creata, necesse est. V. *Socrates* H. E. L. I. c. V. Haec et alia, in quibus ab humanis ad diuina struxit consequentiam, in initio priuatim, deinde repugnantibus *Alexandro* ac *Athanasio*, publice defendit, sicque docuit: Deum non semper fuisse Patrem, quia non semper fuit Filius; sed quia omnia ex nihilo facta, hinc et Dei Filius ex nihilo ($\epsilon\gamma\gamma\alpha\gamma\epsilon\tau\alpha\iota\ \sigma\upsilon\tau\omega\upsilon$) creatus, hinc Dei opus ($\pi\omicron\tau\eta\mu\alpha$) et res creata. Christum quidem non communem hominem, sed Deum, factitium vero, et rem creatam ex nihilo, ceteris omnibus, vt tempore, sic dignitate priorem esse contendit. Hanc mentem *Ario* fuisse testantur *Sozom.* l. c. L. I. c. 13 *Theodor.* l. c. L. I. c. 2. *Epiph.* l. c. c. 12. Episcopi concilii Nicaeni in litteris ad Ecclesiam Alexandrinam datis, apud *Socratem* l. c. L. I. c. 6.

Atha-

Athanasius orat. I. c. 8. haec *Arii* verba recitat: „*Christus non est verus Deus; sed participatione et ipse Deus factus est.*” Idem in ep. ad Episc. Aegypti et Lybiae, c. 12. Arium ita loquutum esse scribit: *Non verbum proprius est, et naturalis Patris foetus; sed gratia id illi quoque tributum est. Deus enim, qui semper est, filium, qui non erat, eadem voluntate, qua cetera omnia fecit, produxit, creavit, ac existere voluit.*” Et in ep. de decretis Nic. Synod. c. 6. haec de eodem servauit verba: „*Non est secundum naturam, ac verus Dei Filius, sed per adoptionem hic quoque Filius dicitur, utpote creatura.*” AUGUST. haer. 49. inquit: „*Ariani in eo sunt notissimo errore, quo Patrem et F. et Sp. S. nolunt esse vnius eiusdemque naturae atque substantiae, aut, ut expressius dicatur, essentiae, quae ~~etiam~~ graece appellatur; sed esse creaturam, Spiritum vero S. creaturam creaturae; hoc est, ab ipso filio creatum volunt.*” An *ARIUS Christum creaturam* expresse dixerit, a multis quidem in dubium vocatur, qui ipsius errorem ita exponunt: Patrem solum esse aeternum, et sine initio et fine; Filium ante saecula productum ex libera Patris voluntate, ut haberet instrumentum, quo mundum crearet, nec diuinam essentiam, nec attributa diuina competere Christo, nec eum proinde esse verum Deum; accepisse tamen insignia dona, eaque ex gratia, quibus Filius Dei factus, nomineque Dei insignitus. Ipse *Arius* in Ep. ad *Eusebium*, expositis iis, quae *Alexander* docuerit, ita sua suorumque placita profiteretur: „*Nos, quid dicimus, ac sentimus, aut docuimus ac docemus? quod Filius non est ingenuitus, neque pars ingenuiti vlllo modo. At neque quod ex subiecto quodam, sed quod voluntate et consilio substitit ante tempora et ante saecula, plenus Deus, vnigenitus, inalterabilis, et priusquam gigneretur, aut crearetur, aut decerneretur, aut fundaretur, non erat; non enim factus, non erat. Persecutionem autem patimur, quod diximus, principium habet Filius, Deus vero sine principio est: propter hoc fugamur et quod dicimus, ex nihilo est. Sic autem*

ideo dicimus, quod neque pars Dei est, neque ex subiecto quodam, propter hoc fugamur." Opinionem quoque suam ARIUS exposuit in ep. ad *Alexandrum* allegata, ex qua ipsius in genere dogma fuisse constat: Christum quidem ante natiuitatem ex Maria, immo ante saecula Filium Dei exstiterisse, vniuersam hanc inuisibilem ac visibilem rerum creaturarum seriem antecessisse; at creatum eum esse a Patre spiritum, suo tempore *ἐξ ἧν ὄντων*, (quare Ariani *ἐξ ἡκοντιοι*, et *ετερῶστοι* dicebantur,) tempus fuisse, quo non fuit, Deumque per eundem tanquam instrumentum creasse omnia. Non quidem omnino Filium Dei, *λογον* Deum esse negauit, immo potius verum Deum, et omnium extra Deum Creatorem, supremumque Dominum aliquando profitebatur; sed ex essentia Patris eum genitum inficiabatur; quem potius modo mortalibus incognito, ex Patris beneplacito existentiam accepisse adfirmabat. Quae de Spiritu S. docuerit, tacentibus ipsius aduersariis, non constat. De ejus affectis indubitatum est, quod Spiritum S. esse rem a Filio creatam crediderint. Haec *Arium* placita, in Diocesi Alexandrina, confinibusque prouinciis quauis occasione commendantem, aliosque viros ecclesiasticos ad partes suas trahentem, ALEXANDER Episc. fraterne admonuit, non insequente vero ad orthodoxam confessionem reditu, frustra institutis cum eo colloquiis, suadentibusque aliis Episcopis, pro more istius temporis excommunicauit. Non defuere, qui pugnantium animos conciliare, et a veritate auersos reuocare studerent, inter quos Episcopi quidam magna auctoritate pollentes fuerunt. Ipse CONSTANTINUS M. de tranquillitate coetus Christiani sollicitus, testante *Socrate* vtramque partem, scripta ad *Alexandrum* et *Arium* epistola, quae apud *Eusebium* de *vita Constantini* M. L. II. c. 63. legitur, reconciliare nitebatur, quem in finem *Alexandrum* de subtilitatibus capciosisque quaestionibus, *Arium* de pruritu quaeuis dicendi, quae silentio inuoluenda essent, corripuit. V. *Struvii*
Christia-

Christianismus politicus, Constant. M. p. 61. seqq. Vtrumque disputantium inprouide egisse, iudicabat Imperator; alterum enim non quaerere, alterum non respondere debuisse, sed cauere, ne abstrusa dogmata, de quibus disceptabatur, rudi plebi innotescerent, de verbis, ac loquendi formulis non ita esse pugnandum, vt communio inter certantes ecclesiastica tollatur. Has litteras per *Hosium Cordubensem* ad *Alexandrum* et *Arium*, Alexandriam circa annum 324. transmissos, his verbis finiuit: „*Date mihi dies tranquillos et noctes, curae et molestiarum expertes, vt voluptas, quae tum ex sincera concordiae luce, tum ex vita quieta capi solet, mihi integra in posterum conseruetur. Quod quidem, si minus contingat, necesse est ingemiscere, lacrymis et moerore omnino confici: nec fieri potest, vt vitae cursum de reliquo tranquille et sedate transigam.*”

Hoc Principis conamen ab antiquis scriptoribus summa cum laude expositum, recentiores quidam ingloriosum *Constantino* reputant, huncque vel indifferentissimi, vel nimiae propensionis in *Arium* arguunt. Sed omnino celebrandus est Imperator, qui de certamine in genere certior factus, de statu causae, ob quam pugnabatur, nondum plenarie instructus erat, pacem commendabat, nec facile prudens Caesarem criminaretur, qui de argumento Theologico subtilissimo non tanquam Theologus differuit. Adhibita ad restituendam tranquillitatem remedia effectui omni carebant. Non enim tantum vtraque pars magis ira ac odio incitata, verum etiam Alexandriae et in Aegypto truculenti a plebe excitati sunt tumultus. Habuit *Arius* suffragantes plurimos, sicque Principum immo aliquot Episcoporum fauore suffultus et *Liberii* Episcopi Romani violentia defensus, longa serie et successione per plures mundi regiones suam propagauit doctrinam, vt haud procul a victoria et confessio orthodoxa a ruina abesse videretur. Coactum tamen est, cum alia ratione ecclesiae vulneribus medicina adferri non potuerit,

auctoritate Imperatoris, *concilium Oecumenicum* ex totius orbis doctissimis coetuum antistitibus *Nicaeae*. c. 325. cui ipse Imperator praefes politicus, *Hosius* vero ex ordine ecclesiastico praefuisse vulgo creditur, quod ad examen vocatum legitur in D. ERNESTI *diff. qua ostenditur, Hosium Concilio Nicaeno non praesedissee*. An trecenti et octodecim praecise Episcopi praesentes in eodem fuerint, disputarunt eruditi. V. *Chaufepie* Lex. Hist. Crit. Tit. *Nicee*. ARIUS, ceterique comparuerunt Episcopi Orientales, qui ex partibus *Arii* steterant, contra quos maxime disputarunt, *Athanasius*, isto tempore *Alexandriae* *diaconus*, quem *Alexander* Episcopus ad hunc conuentum produxerat, et *Marcellus* Episcopus Ancyranus. Recitauit *Arius* doctrinae suae formulam, quae, septem licet supra decem ad episcopis probata, a reliquo episcoporum concilio damnata, aliaque confessio conflata, qua orthodoxa sententia conuenientissimis terminis et dicendi formulis, ad quas etiam *σπουδαιος* vocabulum pertinet, proposita, omniumque oculis exposita est. *Arius* ob dogmatis contumaciam loco motus, anathemate notatus, et in exilium eiectus, scriptaque ariana ad ignem damnata. Decreuisse *Constantinum*, ut, si quis librum *Arianum* occultare deprehenderetur, ac non illico in publicum productum incenderet, capitis supplicio multaretur, *Sozomenus* narrat; sed ab *Arianis* quoque omnes libros sacros, quos in ecclesia reperire poterant, flammis traditos esse, *ATHANASIUS* conuenitur in *ep. ad orthodoxos de persecutione excitata*. Vtrumque autem diuerso tempore, ac diuersis locis contigit. V. *SOCRATES* l. c. L. I. c. 6 et 9. *THEODOR.* l. c. L. I. c. 4. *EPIPH.* l. c. *SOZOM.* l. c. L. I. c. 20. *JOACH. CAMERARII Synodica*, Lipsi. 1543. eiusd. *hist. Synodi nicaenae*, Lipsi. 1552. *ITTIGII historia Conc. Nicaeni*.

Tantum fulmen, quod pluribus *Ario* consentientibus remotionem ab officio atque exilium minabatur, adeo perstrinxit Episcopos *Arianae* partis, ut, quamuis simulate et cum reservatione mentali, omnes tamen Symbolo
Nicaeno

Nicaeno subscripserint; exceptis *Eusebio* Nicomediensi Episcopo, qui blandis persuasionibus Principem sibi fauentem reddidit, vt in episcopatu seruatus fuerit, Episcopisque *Theona* et *Secundo*, qui subscribere recusarunt, atque eodem cum *Ario* Anathemate perculsi sunt. Enuntiato hoc decreto *Arius*, vel in exilium in Illyriam excessit, vel fucum dogmati suo faciens, tempus lucratus, inter christiani orbis terminos substitit, Orthodoxae fidei praetextum simulans, et cum iis, quos eodem errore imbutos sciebat, speciem assensus venditauit. Fuere enim nonnulli Episcopi, qui subdole Symbolo Nicaeno subscripserant, omnem tamen mouentes lapidem, vt *Arium Constantino M.* commendarent, et principi animum ipsi fauentem redderent, quod etiam impetrarunt. *ARIUS* enim *Constantinopolin* ad aulam caesaream vocatus, copiam nactus exhibendi nouam fidei confessionem, generalioribus concinnatam terminis, simulque iureiurando testatus est, teneri a se fidem ac sensum ecclesiae; et S. Scripturae, quo praetextu non tantum *Constantini* gratiam consecutus et ab excommunicationis censura solutus; sed quoque litteras ab Imperatore accepit ad *Athanasium*, quibus iubebatur, *Arium* officio suo restituere, ac in ecclesiae sinum recipere, nisi ipse dignitate sua priuari vellet. *ATHANASIUS* tamen fieri id non posse declarabat, cum *ARIUS* non animum, sed verba tantum mutasset.

Haud multo post *Arius* spiritum expirauit et quidem narrantibus aetatis huius scriptoribus, *Athanasio*, *Epiphanio*, *Socrate* et *Sozomeno*, aliisque, in secessum eiectis ilibus suis. Ex antiquis documentis hac de re disseruit J. G. RABENERUS in *amoenitat. hist. Philolog.* p. 142. *Dan. ZWICKERUS* fabulam esse, quae de *Arii* mortis genere narrantur, in fine confut. *Comenii* (B. A. p. 1058. N. 11.) sentit, cum quo conspirat *Sandius* in *H. E. enucl.* p. 184. quibus ab infensissimo *Arii* inimico *Athanasio* prodita videntur; quod etiam argumentum euictum legitur, in adiutamentis ad *Tom. X. Obseruat. Halens.* p. 181. seqq.

Cum magistri obitu non succubuit secta; discipuli enim nec sententiam, nec ingenium mutarunt, sed omnem potius adhibuerunt operam, ut cum orthodoxis consentire quidem viderentur, longissime tamen ab iis reuera distarent. Concilii proinde Nicaeni canones aduersus se promulgatos cum vi euertere non possent, occultis suffodere cuniculis allaborarunt. Aequiuocas enim dicendi formulas excogitarunt, quo facilius vnanimem cum orthodoxis sensum ementirentur. Fauore praeterea *CONSTANTIAE Constantini M.* sororis utebantur, ad infringendam concilii auctoritatem, quo facto deinceps maiores motus insequuti sunt, ut totus fere orbis christianus in perniciosissimas dissensiones fuerit distractus. Ipsum quoque Caesarem, inclinante ad finem vita, illorum machinationibus ea, qua pollebat auctoritate, non restitisse constat. Vltimis Patris vestigiis non tantum insistebat filius *Constantius*, sed etiam Nicaenae fidei defensores, ab Arianis subornatus, quibuscunque contumeliis affici, immo poenas ipsis infligi passus est. Auctores fuere haeresi nouae addicti, ut *Synodus Ariminensis* conuocaretur, in qua Imperatori Arianismo indulgenti persuaferunt: solas voces *θεος* et *μορσιος*, humano ingenio et affectu excogitatas tantum in ecclesia concitasse dissidium; quibus ex fidei formulis deletis, leuique adeo causa remota, certo fore, ut coetus contentionibus turbati perpetua fruituri sint pace. Orthodoxi Arianæ fraudis non ignari, expetitis adspirare recusarunt, immo *Semi-Arianos*, quorum confessionem *Synodus Ariminensis* probauerat, a communione constanter submouerunt, sententiamque in concilio oecumenico communi studio enunciatam temere mutare, summum nefas statuerunt. Tandem alio stratagemate veritatem conculcare conabantur *Arii* affectae, concedendo, Filium Patri esse *μορσιον*, sicque vnus litterae interpositione, Arianismum celantes quandam *similitudinem*, non vero *unitatem θεως* Patris et Filii concedebant, immo adeo terminum *μορσιον* admisērunt, in quantum iste significaret

ficaret ὁμοιον τῇ ἁγία, qua ratione ὁμοιοιον istud Nicaenum effugiendo, fidem orthodoxam illudere cogitarunt, a quibus ἁνομοιοι diuersi erant, qui Filium Patri dissimilem crediderunt. Sed nullo plane modo obtinuerunt, vt ab orthodoxis in ecclesiae sinum reciperentur. V. *Socrates* l. c. L. III. c. 25.

Rebus sic stantibus, VALENS, qui *Constantium* in imperio exceperat, infenso aduersus veritatem probatam animo, Arianorum aduersarios, et orthodoxae sententiae defensores persequebatur, vt testantibus historiae horum temporum monumentis vix *Julianus Apostata* atrocior Christi ciuium persecutor existerit. In vniuersa terrae superficie ad finem vsque saeculi omnia perstrepebant bellis, Synodi Synodis opponebantur, et pars altera alteri vltimum discrimen contrahere studebat. Habuit tamen sub atrocissimis aduersariorum moliminibus recepta in ecclesiam doctrina strenuos athletas, inter quos *Athanasius*, *Alexandri* in episcopatu Alexandrino successor maxime celebratus, qui grauissimas hostium inimicitias passus, in exilium bis vel ter coactus, innumerisque iniuriis prope confectus est. V. *Christoph. Pezeli* oratio de *D. Athanasio*: complectens historiam vitae, certaminum et liberationum *Athanasii* et simul commemorationem de initiis et progressionibus certaminum *Arii*, et de rebus praecipuis, quae in ecclesia a Synodo Nicaena, usque ad annum septimum Imper. *Valentiniani* et *Valentis*, contexta ex scriptoribus *H. E.* Inserta ea est *Orationum scholae Melanchthonianae* etc. T. VII. p. 440. seqq. Nec animo confRACTI sunt alii per durissimas persecutiones, sed exemplo constantissimi ducis, (qui tamen paulo minor est laudibus, quibus eum amici onerarunt,) nullis adigi poterant terculamentis, vt causam Arianam probarent. *Basilium M.* VALENS iubeat, *Eudoxium* ab ipso *Constantio* Imperatore in Ariminensi Synodo a. 358. ob Arianismum munere episcopali, quo Antiochiae fungebatur, exutum, socium sibi adsciscere in Praefectura ecclesiae
Constan-

Constantinopolitanae; sed nec minis, nec pollicitationibus ab eodem impetrari potuit, ut huic mandato cederet. N. *Theodoretus*. L. IV. c. 19.

Habuit, quod negari nequit, Arianorum secta, viros magni nominis defensores atque amatores, et inter hos *Eusebium* Nicomediensem, paulo ante notatum, *Valentem* et *Ursatium* Episcopos Pannoniae, *Gregorium*, qui militari vi in *Athanasii* locum succedens est, *Georgium*, qui *Gregorio* in Episcopatu Alexandriae successit, *Eudoxium*, Episcopum Antiochenum, atque plures alios. Hisce ministrantibus in oriente et occidente ariana haeresis caput suum magnopere erexit. Maiora forsitan incrementa cepisset, nisi ipsa, quod commune errorum fatum est, in diuersas scissa fuisset partes ac dissensiones, quarum altera alteram ferre detrectauit.

Nonnulli *Eusebium* quoque *Caesariensem* insignem veteris rei Christianae historiographum, et in hac pugna vtriusque partis viros, eruditione et omni studiorum genere facile antecellentem *Arianismi* accusarunt, inter quos *Clericus T. X. Bibliothecae uniuersellae*, et in *lettres critiques*, *Sandius*, *Petauius*, *Baronius*, *Montesalconius*, alii-que fuerunt. Defenderunt vero illum *Cave* in *Chartophylace*, in *hist. litt. in vitis Patrum*, in *ep. apol. et Christ. Weberus de origine et progressu Arianismi*, alii-que plures. Omnium horum examen suscepit, *Fabricius* in *Bibl. Gr.* qui hoc tandem de *Eusebio* iudicium tulit: quod quidem minus *αρεῖος* et prouide in quibusdam doctrinae Christianae capitibus mentem suam explicuerit; in *Mysterio* autem S. S. Trinitatis *Arianismi*, proprie sic dicti, malam causam defendendam nunquam suscepit. Hoc interim negari nequit, eundem in recensenda *Arianismi* historia multa silentio praeteriisse, non propter fauorem in eos; sed quia illorum vindictam et persecutiones verebatur.

Ariani igitur linguis paulo post diuisi, in plures factiones distracti magna opinionum varietate inter se discereparunt. Alii *Arii* sententias, vel diuerse explicabant,
vel

vel emolliebant, vel variis additamentis proferebant, vel mutatas eiusdem confessiones subinde exhibebant, quas *Basilus* ep. 82. his verbis perstringit: „*Quoties fidem exponendo nouarunt? Ancyrae dederunt aliam, aliam Constantinopoli; diuulgatam illam, et aliam in Lampsaco postea, et quam dederunt in Nicaea Thraceae, et iam aliam in Cyzico.*” Numerant scriptores *Arianos, Semi-Arianos, Eusebianos, Aetianos, Eunomianos, Aeatianos*, et plures, quorum quaelibet pars alteram damnauit, seque ab inuicem peculiaribus distinguebat dicendi formulis. Monente vero MOSHEMIO *instit. hist. christ. antiq.* P. II. C. V. p. 350. ad tres omnino classes reuocari possunt. Primam constituunt, qui proxime *Ario* stantes Christum Patre minorem ex nihilo conditum simpliciter adfirmarunt. Ab his ex altera parte dissentiebant *Semi-Ariani*, qui Filium Patri *ὁμοιουσιον* statuentes cum *Ario* credere dubitarunt, quod fuerit tempus, quo Christus non exstitit. Ab altero latere *Eunomiani* seu *Anomaei* pugnarunt, qui primum nomen ab *Eunomio* viro subtili sunt sortiti, alterum a voce *ἀνέμοιος*, hoc est: *dissimilis*, quia Christum Patre natura dissimilem esse opinabantur. Dicebantur hi quoque *Aetiani*, ab *Aetio*, Syro, Diacono Antiocheno, sed frequentior est *Eunomiorum* appellatio, quod *Eunomius, Aetii* discipulus in dialectica magistro praeualens, acutius et celebrius defendit: *Dissimilem per omnia esse Filium et Filio Spiritum S.*

His discordiis sibi tantum contraxerunt detrimentum, quantum Orthodoxorum confutationibus ac consiliis vix conciliatum est illis. Non tamen iudicandum, de controuersia minoris momenti et de solis terminis disputatum esse inter *Arianos* et *Orthodoxos*, ac proinde meram tot tristia hominum fata excitasse logomachiam; quemadmodum nonnulli veritatem parui facientes et hanc strenue defendentibus, rixas, jurga et pacis odium imputantes prodiderunt, quod et ipsi *Ariani* Principibus harum rerum ignaris persuadere studuerunt. Omnibus rem sobrie pensitantibus patet, sublatam voluisse *Arium* eiusque
affectas

affecclas summam atque primariam veritatem de aeterna ac coessentiali J. C. diuinitate per illegitimas ratiocinationes, quibus aduersarii maiorem, quam euidentissimis S. Scripturae testimoniis fidem habuerunt. Fuere quidem in hoc certamine variae de vocabulis pugnae, nec disciplinae christianae Antistites ab omnibus concitatae mentis affectibus liberi dici possunt; sed nunquam de vocabulis solis dimicatum esse, saniores peruident.

Quae enarrauimus, non eo fine prolata sunt, ut Arianismi historiam tot H. E. scriptorum libris contextam iterum repeteremus, sed ad parallelismum Arianos inter et Socinianos significandum, minimam rei particulam delibauimus. Accuratiorem et plenioram historiam tradunt praeter jam allegatos antiquos et recentiores, PHILOSTORGIUS CAPPODOX in *H. E. a Constantino M. Ariique* initiis ad sua usque tempora, Libb. XII. et JAC. GOTTFREDUS in *Diff. ad hunc librum*, PFAFFIUS in *H. E.* p. 224. PRUD. MARANI *diff. sur les Semi-Ariens in Vogtii Biblioth. haeresiol.* T. II. p. 119. BASNAGE *de Eunomio, in Heur. Canisii lectionibus antiquis*, T. I. p. 172. seqq. WEBER *de origine et progressu Arianismi*; J. F. KOENIG *Hist. Arianismi*; P. L. HANNEKENIUS in *Epit. historiae Arianae, Giesae* 1660. FABRICIUS *Biblioth. Gr.* T. VIII. p. 100. seqq. J. G. WALCHII *Biblioth. theol. sel.* T. I. p. 587 et 954. T. III. p. 760. qui ambo notitiam scriptorum de *Ario* et *Arianismo* suppeditarunt.

Inter Antitrinitarios recentiores, *Schlichtingius* in praefatione expositioni VI. locorum S. Scripturae de S. S. Trinitate praemissa, *Arium* ad classem antecessorum suorum redegit; nec defuerunt in hoc agmine, qui a reuelata doctrina ita aberrarunt, ut Arianismo in orbem reuocando studuerint, qui omni respectu cum Arianis antiquis conspirant.

Hoc argumentum pluribus exponit STAN. SARNICII tractatus, raro nostra aetate obuius, absque autoris loci et temporis commemoratione in lucem emissus; cuius histo-

historiam sub *Greg. Pauli* in B. A. P. II. p. 604. N. 3. exposuimus. Eandem materiam tractauit *Erasm. Glitzius*, in libello, quem in B. A. P. I. p. 370. N. 1. 5) allegauimus.

Detrectant autem alii *Socinis* addicti, inter quos Jo. PREUSSIIUS in *Theologia* etc. HIER. MOSCOROVIUS, in *Refut. adpendicis Smigleii* etc. p. 3. JOACH. STEGMANNUS in *der Probe der einfältigen Warnung, aduersus Botsaccum* p. 21. auctor *Vindiciarum* etc. l. c. p. 268. VAL. SMALCIUS in *Resp. ad noua monstra* etc. p. I. et OSTORODUS cum aliis, Arianorum titulum, qui tamen nullam de iniuria conquerendi causam habent. OSTORODUS in lib. *Unter- richtung von den vornehmsten Hauptpuncten der Christlichen Religion*, summa cum ignominia et ex stupida inscitia se suosque appellari Arianos putat, quod in libri praefatione p. 10—14. et in praefamine ad *disputationem aduersus Ge. Tradetium* praemisso variis euincere nititur dubiolis, 1) „*Ariani* statuerunt, Christum prius existisse, quam mundus creatus fuerit, quae *ipsorum* non esset sententia. 2) *Ariani* non eandem de Spiritu S. opinionem defendunt, qui eum esse creaturam, *Sociniani* autem virtutem Dei dicant. 3) *Ariani* Christum non adorarunt diuino cultu, sine quo honore neminem posse saluari, *Sociniani* iudicant. 4) *Ariani* fere omnes, imprimis eorum Episcopi tyranni, sanguinolento impetu dissentientes ad mortem persecuti sunt, quod *ipsi* maxime abhorreant 5) *Ariani* in Concilio Sirmienfi *Photinum* eiusque doctrinam damnarunt; *Photini* autem dogmata in articulo de Christo *Neo-Photinianorum* siue *Socinianorum* genuinam exhibeant confessionem.”

F. quoque *Socinus* aegerrime tulit *Arii* nomen coetui suo impositum, in libello, cuius index: „*Quod regni Poloniae et magni ducatus Lithuaniae homines, vulgo Evangelici dicti, etc. immerito Ariani et Ebionitae vocantur.*” Cum vero inter ipsos fuerint haud pauci Arianis omnino homodoxi ac omnes reliqui in praecipuo de negata aeterna ac essentiali Christi Deitate errore eandem cum *Ario* causam

causam quamvis diversa methodo defendant, hanc comparisonem aegre ferre nequeunt. Idem enim de illis enuntiari debet, quod AUGUSTINUS de Arianis inquit: „Quod ad unici Patris gloriam non, nisi per Filii contumeliam se posse peruenire existimant.” Nec unquam familiae Socinianae addicti serium suum ab *Ario* dissensum testari sunt. Dicebat *Arius* ετεροδοκον Filium Dei; dicunt idem *Sociniani*; negabat ille ομοδοκον; negant idem *Sociniani*. Dissimulauit OSTORODUS quae familiae suae cum *Arianis* sunt communia, et quae diuersa perhibet, parallelismum non tollunt. Nec ob diuinum, quem Christo praestandum esse cultum statuunt, ab hac comparatione eximendi sunt, quippe Christo secundum in hoc cultu locum concedunt, eumque non ut Deum, sed ut caput nostrum, ut ministrum quendam Dei adorandum esse, non abnuunt. Tyrannidem quidem adhuc, quod Deus auertat, in orthodoxos, potestate destituti exercere nequeunt; sed ipsum veterum Arianorum et *Macedonii* exemplum praefagiendi occasionem iuppeditat, quid facturi essent, eadem instructi? Quam dura fata *Francisco Davidis* eiusque fociis contraxerint, ex historiae huius monumentis alio loco patebit. Quid ab iis amicitiae expectandum sit, qui innumeris vicibus euangelicos tanquam Arianos, Atheos et Antichristianos olim criminati sunt; ab iis, qui praecipua fidei nostrae dogmata diris deuouerunt, quibus ominari potest. Habent Arianos sibi praelucentes *Sociniani*, quoties rudioribus persuaferunt, quod orthodoxi praeter S. Scripturae verba varias adhibeant distinctiones, ipsi vero explicitis et disertis genere plano, simplici et minus artificiali vtantur. Quo jure Arianos imitantur, qui pari glaucomate orthodoxos decipere allaborarunt. Absque omni ratione prouocant ad expressa S. Scripturae oracula, qui saepe numero manifesto declararunt, quod eadem credere nolint, nisi his humana ratio omni respectu calculum adjecerit. Saepius ipsi praeter S. Scripturam distinctiones, limitationes, et terminos effinxerunt, quibus disciplinae suae

suae praetextum et munimentum afferre crediderunt. Qui terminis in S. Scriptura non obuiis abstinendum esse iudicant, ipsi *acceptilationis* terminum, quem suum faciunt Schiboleth, excogitarunt. Optime AUGUST. de Trinitate L. VII. c. 4. „*necessitas extorsit orthodoxis nouas voces, ad protrahendum e latibulis aduersarios*”; et AMBROSIVS de fide L. III. c. 9. „*Hi termini dogma Scripturae custodiunt, Aduersariis formidini sunt, quibus velut euaginato gladio ipsorum nefandae haereseos caput amputatur.*” Qui sola oracula diuina ad litteram vrgent, nec ad analogiam fidei, ad contextum, ad collationem cum aliis, et ad Spiritum S. nutum attendunt, latissimam omnibus erroribus viam sternunt. Quae de concilio Sirmienti adfert Ostorodus, euincerent potius, Socinianos veteribus Arianis peiores esse. Vere itaque Pelargus de Arianis recent. p. 300. iudicat: „*Quomodo amoliri abs se Arianorum, quorum dogma profeminant, nomen vnquam illi potuerunt? Dicunt idem Smiglenses quod Arius; negant idem, quod ille. Cum Ario itaque faciunt et tamen odiosa auctorum suorum nomina formidant sectatores.*” V. Baylii Opp. T. II. f. 864. seqq.

Inter Mich. Gittichii epp. Msscc. (B. A. P. I. p. 385. N. 20.) defensio quaedam Arii familiaeque Sociniana, cui immerito Arianorum nomen imponi ille criminatur, occurrit, sub titulo: *Illustratio scripti de Ario ex historicis collecti*. Quem habuerit auctorem scriptum, ad quod haec Gittichii illustratio spectat, rescire datum non est. Cum inter ipsius epistolas legatur ad quendam amicum, qui ipsi libellum communicauit de Ario et Arianismo, sub epistolae forma transmissum videtur. Quae aduersus Apologiam hanc regeri possint ac debeant, partim paulo ante exposita, partim aliunde notissima sunt. Ita autem Gittichius.

„Quae hic de Ario scripta leguntur, reperiuntur omnia in iis historicis, ex quibus collecta sunt. Sciendum autem est, istos omnes historicos fuisse Arii, illius-

que disciplinae hostes capitales, ideoque de multis quidem Arianis scripserunt, jure tamen quaeri potest, an non ex animi sui potius, quam veritatis sententia illa scripserint. Res enim ipsa et quotidiana experientia perspicue omnibus ostendit, omnes, qui aliquid referunt de iis, a quibus auersum et odio ac malevolentia plenum animum in eos gerunt, vix decimo quoque verbo veritati litare, idque tum tantummodo cum praesentissimum est periculum, ne manifesti mendacii teneantur; e contrario ad odium, et maleuoli animi libidinem reuocare omnia. — Quicquid autem haec omnia de *Ario* et eius assecclis in isto scripto, ex istis historicis scripta leguntur, cum rei veritate exactissime conueniant, nihil omnino habent momenti, ad consequendum eum finem, in quem ex istis historicis collecta sunt, id est, ad inurendam aliquam infamiae notam iis, quos jam libido et malevolentia hominum *Arianos*, *Samosatenos* etc. appellat. Quantum coelum a terra differt, tam diuersa est illorum sententia ab omnibus *Arii* et eius assecclarum dogmatis. Hi enim statuebant, Dei filium esse substantiam quandam spiritualem, a Deo ante coelum et terram, atque ipsos angelos creatum ex nihilo, per quem postea alias res omnes creauerit, eamque spirituales substantiam, seu spiritum, tandem humanum corpus sic induisse, seu assumpsisse, vt corpori isti fuerit loco animae. Quibus autem iam libido hominum *Arianorum* nomen imposuit, ii juxta S. Scripturam et Symbolum, quod ad Apostolos refertur statuunt: Jesum Christum in vtero virginis ex Spiritu S. suae existentiae initium habuisse, ideoque quoad naturam, hominem tantum fuisse nobis omnibus, peccato excepto, per omnia (quod, inquam, ad naturam attinet) similem fuisse, neque ante Mariam quicquam essentiae extitisse, aut existere potuisse.

Quae autem hic dicuntur de *Arii* libris combustis, et decreto promulgato, de fumendo capitis supplicio, de

de iis omnibus, qui occultare et seruare aliquid ex libris *Arii* ausi essent, ne vlla illius doctrinae vestigia vspiam apparerent, haec satis ostendunt, *Arianos* non rationibus et argumentis, sed vi et potentia aduersariorum esse oppressos. Ostendunt inquam haec, pontifices illos in disputatione cum *Ario* veritate nudatos fuisse, et non nisi igne libros et sententiam eius confutare potuisse. Pro quo enim veritas militat, non opus est, vt sententiam suam Turcica crudelitate, veluti hic factum est, defendat. Vt enim tenebrae, quamvis sint densissimae, ad solis lucem dissoluuntur; ita et omnia commenta proposita ex aduerso luce dissipantur, et extinguuntur omnia. Ad confessionem *Synodi Constantinopolitanae*, in qua omnes diuersum sentientes fulminibus anathematum seriebantur, hoc notandum est: Doctrinam euangelii eos tantum sempiterno exitio deuouere, qui sanctitate praeceptorum Christi posthabita et contempta, dissolutam vitam agunt, neque vlliscunque admonitionibus ad frugem redeunt. Notandum hoc quoque: doctrinam euangelii ab hominibus fidelibus 1 Tim. II. v. 1. requirere, vt pro omnibus hominibus orent. Orare autem pro omnibus, et aliquos diris deuouere, ita pugnat inter se, vt nulla ratione conciliari possit. Quia itaque hi boni patres Constantinopolitani et quicunque iis vnquam similes fuerunt, contrarium eius, quod iubet Deus et J. C. fecerunt; apparet eos non fuisse Dei et Jesu Christi Spiritu actos, sed contrarios spiritui Dei et Christi; ideoque ista omnia eorum fulmina esse fulmina ex pelui, tantumque abest, vt illa diuersum sentientes horrere debeant, vt contra laetari illos oporteat, quod eos tales homines diris deuoueant. Quos enim isti diris defingunt, hos Deus et Dominus J. C. faustis omnibus prosequitur. Quod dicitur S. Trinitatis mysterium in silentio esse colendum, hoc quoque ostendit, istud venerandum mysterium, quia tenebras quaerit, non esse e coelesti

luce petitur. Christus iussit, publicari et propalari euangelium toti orbi: Ideoque etiam, si ista de Trinitate doctrina esset pars doctrinae evangelicae, non esset vlllo modo in silentio colenda Trinitas; sed clarissima voce de illa esset agendum. Neque post publicatum Euangelium dici posset, illam esse occultum mysterium. Ista enim sese mutuo perimunt, esse aliquid reuelatum et publicatum, et tamen esse occultum mysterium. Extremo, quod dicitur, de Trinitate ita sentiendum, vt nos ista synodus docet, hic quoque notandum, omnibus suae salutis studiosis non esse a quoquam, nisi a solo Christo et eius doctrina pendendum. Hic enim solus est vnicus Magister noster. De hoc solo ita coelitus Deus sententiam protulit: *Hic est filius meus dilectus, ipsum audite*, Luc. 9, 36. Quicumque igitur non suum, sed Christi negotium gerit, et cui salus hominum cordi est, nunquam dicet, iis de rebus ita nobis sentiendum, vt hic et ille doctor, haec et illa synodus sentit; sed hoc illius erit constans et perpetuum iudicium de omnibus religionis capitibus, Christi doctrina nobis consulenda ac sequenda est." *Haec GITTIEHIUS.*

§. VIII.

Saec. IV. post numerosos Arianorum exercitus, *Marcellum Ancyranum*, *Adoptianos*, quibus ille semet junxerat, et inter hos maxime *Bonosianos*, *Tropicos* et *Priscillistas*, vel *Priscillianistas*, nec non *Photinum* et *Macedonium* in Socinianorum stemmate genealogico animaduertimus; cui adeo *Julianus Apostata* a quibusdam inferitur, qui tamen minus commode in hunc censum trahitur; maiori quoque jure *Arnobius* et *Apollinaristae* hoc numero sunt eximendi.

Inter

*

*

*

Inter patres recentiorum Antitrinitariorum MARCELLUS, *Episc. Ancyranus*, cujus sectatores *Marcelliani* dicti sunt, ab auctore praefat. *Biblioth. F.F. P.P.* nominatur, quem fere omnes sectae huic adscripti, vno adfectu in recensenda genealogia sua adciunt. Fuit is *Galatae Episc.* aduersus quem maxime EUSEBIUS *Caesariensis* causam egit, qui de eodem refert, quod omne in diuina natura discrimen, *Sabellii* tramitem incedens, sustulerit. Pluribus ipsius historia difficultatibus inclusa est, nihil ut certi de eadem constitui possit. Adeo enim differunt relationes, ut dubium multis visum fuerit, an errores, quorum ab aliis accusatur, conceperit. Qui de eius a veritatis cynosura discessu recte iudicare arbitrantur, ex ea ratione, quod *Photini* exstiterit praeceptor, illegitima nituntur consequentia, cum discipulorum placita non semper magistris suis imputanda sint. Nec vlllo argumento demonstrari potest, *Photinum*, qui ipse haereseos auctor est, ex *Marcello* didicisse placita sua. MONTEFALCONIUS in *diatriba de causa Marcelli Ancyrani quae nouae collectioni P.P. Graecorum, T. II. p. 51.* inserta est, hanc opinionum eius summam exhibet: „*Vnus ab aeterno existit Deus, cuius λόγος aut verbum pariter aeternum, vnum est cum Deo ipso πρὶν καὶ ὑποστασι, ita ut nulla sit inter utrumque distinctio.* — *Spiritus item S. in Deo ab aeterno fuit, nulla similiter, nisi nominis et rationis distinctio. Emissum fuit verbum, ut carnem assumeret, tuncque Filius Dei effectum est, rex item, Christus et imago Dei inuisibilis, et primogenitus omnis creaturae, cum antea nihil eorum fuerit, etc.* Negandum equidem non est, varios circa doctrinam de S. Trinitate errores in libro MARCELLI aduersus *Asterium* scripto expositos occurrere; sed aequae certum est, *Marcellum* de hoc articulo in triplici fidei confessione, quam exhibuit, orthodoxe mentem suam explicasse. Id in aprico positum, quod in libro allegato de personali differentia trium personarum in

essentia diuina ita docuerit, vt sibi Sabellianismi suspicionem contraxerit; in quo tamen passu improuide magis loquendo, quam deliberato consilio peccasse videtur. Negauit in Deo τρεῖς ὑποστάσεις, et μίαν tantum ὑπόστασιν concessit, ideo tamen personarum Trinitatem inficiari noluit. Cum enim vagus isto tempore nec satis determinatus fuerit vocabuli ὑποστάσεως significatus, ipsi enim Ariani hoc termino aliquando utebantur; potuit orthodoxe sentire, licet terminum istum non admiserit. Omni autem jure reprehenditur, quod de actibus personalibus, quibus Characteres personales absoluuntur, in specie de aeterna filii generatione, et processu Spiritus S. a P. et F. incaute docuerit, ac eiusmodi similibus ad illustrandum mysterium vsus fuerit, ex quibus colligitur, quod personas in diuina essentia pro operationibus et virtutibus diuinis habuerit; quo pertinet quod Filium Dei λογὸν σημαντικὸν et πνευματικὸν Theodoro teste appellauerit. In articulo de Christo vtramque in eodem naturam concessit, sed de vnione naturarum non potuit non male statuere, si reuera (quod tamen a quibusdam in dubium vocatur) propriam τὴν λόγῳ personalitatem negauerit. Hac enim negata, nec humana natura in eandem recipi potuit. Negasse eum duarum naturarum in Christo vnionem in aeternum duraturam, ac e contrario statuisse: λόγῳ aliquando humana natura semet abdicaturum, et in essentiam diuinam quasi reuersurum, quaedam libri ab ipso conflati loca produnt. Non tamen legimus, *Marcellum* has aliasque opiniones obstinate et cum contumacia defendisse, nec omnes consequentias, quas ex ipsius improuide loquendi modis traxerunt aduersarii, suas fuisse. V. *Walchius hist. haer.* T. III. p. 229 — 299.

Id luci clariori expositum videtur, *Marcellum Adoptiavorum* tenuisse partes, quorum historiam *Walchius* peculiari opere erudito orbi exposuit. Omnino satis est, quoad fidem de Christi persona tenere veritatem, Jesum Nazarenum a Maria virgine in lucem editum verum ac aeternum

aeternum esse Filium Dei, duplicemque ideo in eo inesse naturam, et diuinam et humanam, et vtramque *υποστασεως* vinculo ita esse vnitam, vt altera ab altera diuelli ac separari nequeat. Optime sibi aliisque consulissent veteres ciuitatis christianae doctores, si veritatem simplicem amplexi, ab inuestigandis mysterii rationibus, ac modis illud alia atque alia ratione explicantibus prorsus abstinissent; nec subtiliores hac de materia protulissent quae-
stiones. Nimio enim hoc sciscitandi et explicandi, quae incognita esse voluit diuina sapientia hominibus, pruritu, aliis ansam suppeditarunt, de hoc articulo peruerse sentiendi. Huius generis quaestio fuit: Num Christus homo, filius Dei adoptiuus, an naturalis? circa quam Saec. 8. *Elipandus* ac *Felix* suam de Christo Dei filio adoptiuo acrius defenderunt sententiam; sed ante istud aeuum jam exstiterunt, qui idem sentirent, saltem eadem vterentur filii Dei adoptiuui formula, quum de Christo loquerentur; in quem numerum *Marcellus* collocandus, qui de adoptione Christi doctrinam defendit, quamuis neutiquam Christum esse Deum negauerit, et quae de filio adoptiuo pronuntiauit, ad humanam naturam adstrinxerit; *Arius* vero qui circa finem pugnae suae *adoptionis* vocabulo utebatur, Christum Filium Deum adoptiuum ita statuit, vt diuinam eius naturam prorsus tolleret.

Adoptianorum classi accensetur *Bonosus*, *Sardicensis Episc.* cuius asseclae *Bonosiani* dicti. *Isidorus Hispal.* L. III. C. 5. de illis notauit: quod Christum Dei Filium adoptiuum, non proprium adsumerint; idem recepit iudicium in opere de *viris illust.* C. 20. de *Iustiniano Hispano* memorans, quod contra *Bonosianos*, Christum adoptiuum non proprium credentes, scripserit. *ELIPANDUS*, ipse adoptionis formulam professus, testatur, *Bonosianos* adoptionem Christi ad diuinam naturam retulisse. V. C. G. F. *Walchius* de *Bonoso* haeretico.

Non quidem maiorem sibi cohortem conduxit *PHOTINUS Sirmiensis antistes* ex Ancyra in Gallo-Graecia, siue

Galatia natus, *Marcelli* discipulus, eiusque ad tempus diaconus; ast ampliorem famam nactus, qui insigni eruditione, atque eloquentia in latina pariter ac graeca lingua ad Sirmiensis episcopatus dignitatem sibi viam paravit. Innouit ipsius a veritate discessus circa annum 340 eiusque sodalitas, dogmatum ipsius tenax, circa annum 356 regnante *Constantio* inclaruit. Juxta alia heterodoxa, quae ad scopum nostrum parum conferunt, Christum ex Maria virgine communem natum fuisse hominem, nec ante natiuitatem ex illa exstitisse, defendit. Verbum Dei esse sermonem pronunciatum, propria quidem substantia destitutum, sed cum homine Jesu vnitum, quare is Filius Dei, et Deus appelletur. Spiritum S. docuit esse virtutem ex Deo fluentem. V. SOCRATES *H. E. L. II. c. 19.* Hunc errorem adsciscens *Ebionis*, *Artemonis* et *Samosateni* opiniones patrocinatus est, in eo autem, quod per consequens, solum Patrem veram personam, et verbum ac Spiritum S. aliquid tantem istius faciebat, sicque Filii et Spiritus S. personalitatem negabat, *Sabellium* sectatus est; quamuis *Photinum* non fouisse *Sabellianismum* contra *Theodoretum*, *Socratem* et *Sozomenum* monstrare adnititur *KAPPIUS* in *diff. de Artemone et Artemonitis*. In rei tamen summa, et hi inter se et cum *Ario* coibant, vt veram et aeternam Christi deitatem negarent, quamuis in explicandi forma diuersa senserint. Plurimis de *Photino* scriptoribus antiquis collatis, quod *Walchius* l. c. T. III. omni cura praestitit, patet: illum vnā tantum in diuina essentia credidisse personam, Patrem; λογος vero non esse substantiam, multo minus a Patre genitum, ipsiusque Filium, nec hunc vniuersi esse conditorem, sed potius intellectum Dei; nec Spiritum S. esse personam, sed virtutem Dei; J. C. merum esse hominem, qui ante conceptionem Mariae ex Spiritu S. nullo modo, nisi in praescientia diuina exstitit, diuinam vero vim per illum fuisse efficacissimam ad patranda miracula, hocque modo λογος in eo habitasse. Propter praeclara dona et perfectissimum virtutis studium eundem

eundem a Deo adoptatum, ac exinde Dei Filium et Deum appellatum, immo quoque adorandum esse. Duabus *Sirmiae* vicibus conuenerunt ecclesiae Antistites, *Photinum* ut erroris conuincerent, et ipsi *Ariani* ab ejus particularibus placitis alieni, in conuentu a. 351. habito eius haeresin castigarunt. V. *Socrates* l. c. C. 24. Institutis interim aliquot insuper conuentibus nimirum *Antiocheno* et *Mediolanensi* tandem dignitate priuatus, ac post disputationem cum *Basilio* exilio mulctatus est. Plura de *Photini* fati exponunt, *Sirmondus*, *Petrus de Marca*, *Dion. Petavius* diss. de *Photino haeretico*, quam opellam *Matth. Larroquanus* de *Photino haeret. eiusque variis adimaduersionibus* Genev. 1670. sub examen vocauit; *Thom. Ittigius*, hist. *Photini*, quae appendici de haeresiarchis aevi Apostolici subnexa p. 426; *Nic. Hunnius*, in examine errorum *Photinianorum*, *Meisnerus* in breui consideratione Theol. *Photin.* *Walchius* l. c. T. III. p. 1 — 70. Haud quidem multos lucratus est sectatores, cum partim orthodoxos, qui ipsum *Ario* peiorem iudicabant, partim *Arianos* doctores habuerit aduersarios et consiliis suis oblectantes. Sed quos ipse non expertus est successus, *SOCINUS* recentiori tempore habuit, in quem *Photini* quasi spiritus migravit. Hinc plurimi *Socinam* sectantes v. g. Auctor praef. *Biblioth. F. F. P. P.* *Wissowatius*, *Schlichtingius*, Auctor *Vindiciarum Vnitar.* etc. *Christoph. Ostorodus*, aliique *Photinum* magistri sui patrem venerantur, nec male ferunt comparisonem disciplinae suae cum ista, quam *Photinus* olim disseminauit. Ipse F. *SOCINUS* in diss. aduersus *Andr. Volanum* p. 239. inquit: „*Photinum* summum virum fuisse, eumque ipsissimam nostram sententiam et sermone et scriptis acriter defendisse, idque postquam incepit, perpetuo, dum vixit, certum est.” Laudat quoque eundem *SMALCIUS* contra *Franzii* disp. I. p. 11. „*Quid est Photinus?* inquit, *et alii? nisi serui Christi.*” Juxta hos etiam *L. M. Artemonius*, siue *Sam. Crellius* *Photinum* testem veritatis compellat, qui alias *Ebionaeorum* et *Arianorum*

rum nomine coetum suum male notari contendit. Interim tamen quidam Socinorum aëclae comparationem *Photinianismi* et *Socinianismi* improbant et denominationem a *Photino* recusant. JOACH. STEGMANNUS *sen.* in scripto, quod *Borlaceo* opposuit p. 19. seqq. (B. A. T. II. p. 954. N. 10.) suam testatur indignationem, quod doctrina *Socini*, *Ostorodi*, *Smalcii*, *Volckeli*, *Crellii*, aliorumque *Photiniana* appelleretur; ipse interim non ausus est inficiari, hos in quibusdam cum *Ario*, in pluribus cum *Photino* conspirare. *Smalcius*, qui *Photinum* *seruum Dei salutis*, conqueritur, quod socii sui captiose dicantur *Photiniani*, in *praef. Refutationis orationum Joannis Vogelii et Joach. Peuschelii* etc. (B. A. P. II. p. 871. N. 29.) Cum vero ipsi suum cum *Photini* doctrina consensum testentur, immo ciuitatis principes ab eodem nominari non declinent, nemo sane criminari potest, illos captiose dici *Photinianos*.

Photinianam excipit *Macedoniana* haeresis, quae nomen debet MACEDONIO, cum Semi-Arianis communem causam facienti et ab his ad episcopatus Constantinopolitani sedem euecto. In tanta apud *Alexandrum Episc. Constantinop.* fuit existimatione, ut is morti proximus praeter *Paulum* successorem commendauerit MACEDONIUM. Memorabilia sunt ipsius vitae fata, a scriptoribus relata, quibus testibus non haereticus solum, sed omnium quoque crudelissimus exstitit tyrannus, qui tanta insectatus est saeuitia Orthodoxos et Nouatianos, ut quoque politicis fuerit abominabilis. Quoad potiolem partem cum *Ario* fecit, quamuis speciem negatae Deitatis Christi a se auerteret, Christumque appellare rem creatam abnueret. Aperto Marte Deitatem Spiritus S. aggressus est, quem rem creatam, Deumque peregrinum, S. Scripturae aliunde intrusum appellabat. Ipsi *Ariani* posthac insensissimi eius exstiterè aduersarii, eumque, quia in articulo de Christo ex parte *Concilii Nicaeni* stare videbatur, ab episcopatu dimouerunt. Vid. *Theodoretus* lib. II. c. 6. *Socrates*

H. E. L. II. c. 25. Sozomenus L. IV. c. 27. ita de eodem: *Postquam MACEDONIUS Constantinopolitana ecclesia priuatus esset, non amplius conformiter cum Aetianis et Eudoxianis sensit, sed Filium Patri per omnia similem esse docuit, Spiritum vero S. non esse eorundem honorum cum Patre et Filio participem pronunciauit; sed ministrum eum ac famulum vocauit.* Vigilantes pro veritate orthodoxi eundem, cum multos ad sententiam suam in *Asiae* prouinciis, in *Bythinia*, et huic conterminis regionibus, traxerit, in concilio *Constantinop.* a. 381. a *Theodosio M.* conuocato haerecos damnarunt. Ad haec rigor accessit Imperatoris, qui ejus sectatores publicam quietem turbantes, exilio aliisque affecit poenis. Surrexerunt quoque viri graves, qui aduersus eum calamus strinxere, quos inter praecipue nominandus est *Basilus M.* in libro de *Spiritu S. ad Amphiloichium*. Haeresi hac infecti, ad designandum temerarium ausum *πνευματομαχοι* dicti; licet obseruantibus *Augustino* et *Epiphanio Macedonii* asseclae non idem omni ex parte cum magistro suo senserint. V. *Walchius* l. c. p. 70 — 119.

Non immerito autem *Macedonium* inter familiae *Sociniana*e antecessores collocamus, cum vtraque pars eundem de *Spiritu S.* errorem profiteatur; hinc quoque ipsi recentioris aevi *Antitrinitarii* illum in tabulis suis genealogicis inter primipilos suos referunt. Gloriatur in specie *Sandius* de *Macedonii* consensu in *Probl. Paradoxo* p. 42. (B. A. P. II. p. 753. N. 12.)

Macedonianos excipiunt *TROPICI*. Pauci historiae Eccl. saec. huius interpretes horum nomen et memoriam seruarunt, nemo fere ipsorum placita distincte exposuit. Quidam statuunt, ipsos *Macedonianos TROPICOS* h. e. versatiles, propter foedus cum *Ario* appellatos esse. Diuersa tamen a *Macedonianis* statuerunt, cum eorum opinio fuerit, *Spiritum S. principem esse angelorum*, et in reliquis non multum ab *Arianorum* discessisse placitis dicuntur. Verisimilius nomen ipsis impositum, quod *Scripturae S.* loca,

loca, quae in sensu proprio ac litterali sibi aduersari animaduertebant, per tropos et figuras explicuerint. V. *Athanasii* Ep. I. *Serapionem* et *Centuriatores Magdeb. Cent.* IV. 1397. C. 5. In utroque hoc momento, quoad negatum in genere Sp. S. deitatem et S. litterarum interpretationem *Socinus* eiusque discipuli *Tropicorum* sunt imitatores. Exstiterunt quoque isti viae duces, *BEDELLIO* anglo et *Christoph. SANDIO*, qui l. c. p. 43. ad *Tropicos* provocat, hosque secum consensisse adfirmat.

PRISCILLIANISTAE saec. ad finem vergente ita nominati a *Priscilliano*, *Abilenfi* Episcopo, ex Galatia oriundo, qui veterum *Gnosticorum* insana commenta, ab *Aegyptio* quodam, *Manichaeorum* et *Gnosticorum* errores in *Hispania* spargente, cui nomen *Marci*, vel potius ab huius auditoribus, nimirum *Agape* muliere quadam non ignobili, et *Heluidio* Rhetore accepta in lucem reuocasse, summamque impietatem pietatis specie vestitam mulieribus et indoctis instillasse fertur. V. *MOSHEM* H. E. p. 354. Cum antiquiores rei Christianae Scriptores infenso aduersus haereticos odio incensi, inuicem repugnantia ipsis tribuunt placita, hinc difficile est, genuinam *Priscillianistorum* sententiam proferre. Id tamen veri simillimum visum est, quod Patrem, F. et Sp. S. vnā atque eandem esse personam statuerint, adeoque non multum a *Sabellianismo* discrepauerint. Id quidem impugnavit *Sim. de Vries* in *diff. crit. de Priscillianistis eorumque fatis, doctrinis et moribus*, *Traj. ad Rhen.* 1745. qui nec *Sabellium*, nec *Priscillianum* vnā duntaxat in Deo hypostasim credidisse contendit, in quo tamen dissentientes habet fere omnes. *Priscillianistae* decrepita *Sabellii* dogmata noua forma in scenam producentes crediderunt, quod P. F. et Sp. S. nomina diuersa, non distinctae substantiae sint, quod Filius Dei Patre posterior exstiterit, hocque nomen propter natiuitatem ex virgine obtinuerit, in quo cum *Paulo Samosateno* et *Photino* consenserunt. Numerosum *PRISCILLIANUS* conduxit coetum praecipue in *Hispania*, et *Gallia*,

Gallia, multosque sua opinione infecit. A Synodo damnatus rem suam *Romae* apud *Damasum* et *Mediolani* apud *Ambrosium* Episcopos defendere constituit, qui vero eundem audire detrectarunt. His plures se associarunt Episcopi, qui illum capitalis perfidiae reum pronuntiasse, ac curasse perhibentur, ut a *Maximo*, tyranno, capite plecteretur. Sed verisimilius est, *Priscillianum* non propter haeresin, sed crimina capitalia dedisse poenas. Hoc tamen supplicium ne illi quidem probarunt, qui *Priscilliani* figmenta et impietatem auersabantur. V. *Sulpitii Severi*, qui primarius historiae huius scriptor est, *hist. sacr.* L. II. c. 46. *Henrichii* H. E. Saec. IV. p. 168. seqq. *Weissmanus* l. c. T. I. p. 401. *Walchius* l. c. T. III. p. 378. 481. *Priscillianum* vero pro *Socinianorum* signifero reputari merito posse, ea quae de *Sabellio* aliisque diximus, cum quibus ille similia sensit, vindicant.

Inter *Socini* praedecessores a quibusdam *Julianus*, ab a. C. 360. Imperator collocatur, quem tamen hoc numero eximendum putamus, quamuis indubitatum sit, cum omnes ingenii non mediocris neruos intendisse, ut Christi deitatem impugnaret. Christianorum sacris innutritus, sectae *Arianae* et *Photinianae* primum fauore abreptus, deinde ad gentilium castra transiens, pluribus in Christi ciues machinationibus grassatus est, scriptoque aduersus hos volumine fidem acerrime impugnauit. Hoc prolixè refutans *Cyrillus Alexandr.* magnam simul eius partem ab interitu liberauit. Applausisse eum *Photino*, Christum Deum neganti, et irrisisse S. *Joanni*, Christum Deum (ut dixit,) facienti, in ep. ejus ad *Photinum* apparet, quam ineleganter et jejune translata seruauit *FACUNDUS*. V. *Pearsonius* in *Symb. Apost.* p. 124. edit. *Londin.* 1683. et *GUIL. WALLUS* *hist. Paedobaptismi* T. II. p. 549. *Julianum* nunquam sincere Christi ciuium sacra suscepisse, neque vnquam ipsoꝝ doctrinam exacte novisse, multo minus ab ineunte aetate eadem fuisse imbutum, *Obseruatores Halenses* prodiderunt, T. III. p. 185. seqq.

Sunt quidam alii, qui hoc saeculo Antitrinitariis suo exemplo praeluxisse creduntur. *Arnobium* haud mediocrem alias Religionis christianae vindicem Christum non eiusdem cum Patre essentiae statuisse, *Bullus* et *Lardnerus* l. c. Vol. VIII. p. 33. putarunt. Sed cum de hoc aliisque dubium sit, an legitimum de ipsis iudicium fuerit latum, eosdem praeterimus. Accensentur quoque Antitrinitariis huiusque aetatis *Apollinaris* et *Apollinaristae*, de quibus *Theodor.* H. E. L. II. C. 20. tradit, quod personas S. Trinitatis gradibus et maiestate distinctas statuerint, et *Basilius M.* in ep. I et II. ad *Cledonium*, quod *Sabellii* erroribus in mysterio S. S. Trinitatis adspirauerint, nec non *Gregorius Nazianz.* quod in Trinitate graduum differentiam constituerint. Alii describunt *Apollinarem* tanquam strenuum symboli Nicaeni defensorem, ac de diuina Christi natura orthodoxe omnino sentientem, circa humanam vero multifariam errasse; siquidem diuinam naturam, locum animae rationalis, qua Christum hominem caruisse sibi persuadebat, in eodem suppleuisse. V. *Walchius* l. c. T. III. p. 180. seqq.

§. IX.

Saec. V. et VI. Arianorum diuulgata est haeresis. Praeterea Saec. V. *Nestorianismus*, *Eutychianismus* et *Pelagianismus* innotuerunt; sexto autem *Tritheitarum* monstra a *Joanne Philopono* in lucem exposita sunt. In illis opiniones inclaruerunt, quas *Sociniani*, vario respectu, suas fecerunt; quamuis enim alia ratione a veritatis via declinarint, in eodem tamen fidei articulo doctrinae orthodoxae sunt aduersati. Fuisse quoque inter recentiores Antitrinitarios aliquando *Tritheitas*, ipsa historia Socinianismi palam faciet.

*

*

*

Duobus post infelicem ortum saeculis *Arianismus* orientem mundi plagam adeo infecit, ut *Greg. Nazianz.* et *Basilus M.* soli fere principes exstiterint orthodoxae disciplinae defensores. Tandem diuina prouidentia ingruenti malo in oriente limites ponente, occidentem invasit haeresis, quam tenuere ac professi sunt *Gothi, Heruli, Sueui, Vandali* et *Burgundiones*, qui Romano scepro adhuc subiectas regiones ingressi, omnes aeternae I. C. diuinitatis confessores muneribus suis exuerunt, multam luere coegerunt, multosque in confessione veritatis intrepide perseverantes inter horrendos cruciatus occiderunt. *V. Socrates* L. IV. C. 16. et *Theodor.* L. IV. C. 12. 19. Omnem excedit fidem, quanta immanitate *Constantinopoli, Nicomediae* et in *Aegypto*, Ariani dominatus jam potiti facuierint in Orthodoxos; in primis *Vandali* in *Africa* sub regibus *Genferico* et *Hunerico*. Nullus habebatur aetatis ac sexus respectus, lapidibus verberabantur infantes, ecclesiae ministris labia festucis distendebantur, osque fimo implebatur, quibusdam imponebantur onera viribus humanis grauiora, hique ad progrediendum citato pede calcaribus stimulabantur. *V. Victor Vticensis* de persecutione *Vandalica*, quod opus *Theodoricus Ruinartus* annotationibus et commentario historico auctum edidit. In hac suprema calamitate summum, quod res Christi ciuium curat Numen, mirifica sua potentia, in singulare veritatis documentum effecisse narratur, ut quidam, quibus *Hunnerici* Vandalorum Regis iussu linguae excissae erant, aeternam Christi Deitatem absque loquendi instrumento articulado sono profiterentur. Testatur *Aeneas Gaza* in *Theophrasto* p. 181. se hos vidisse homines, ac attente et circumspiciente omnia inquisivisse, remque ita deprehendisse, quae ipsi quoque argumento fuit, ut relicta gentili superstitione Christianorum sacra amplexus fuerit. Sunt, qui narrationem hanc variis dubiis impugnatam vindicant.

runt. V. J. A. SCHMIDII *diff. de elinguatis, mysterium Trinitatis praedicantibus, in decade diff. hist. Theol.* p. 216 seq. Urban. Godof. SIBERI *diff. de martyribus diuinitatis Christi testibus*, et J. F. Stiebritz *auserlesene Wahrheiten der Vernunft und der geoffenbarten Religion*. T. II. p. 410—530.

Saeculo VI. *Ariani* in Europae ac Africae partibus talionis poenam luerunt. V. EUAGRII *H. E. L. IV. c. 15.* Ejectis enim a JUSTINIANO *Vandalis ex Africa, et Gothis ex Italia*, in his terris Arianismus dominari ac saeuire desinit. Ad haec Burgundionum Rex SIGISMUNDUS et Gothorum princeps RECAREDUS *Arii* reiciebant dogmata, hisque imperantibus secunda fortuna sectae decrementa passa est. Interim ad Saeculum vsque octauum in nonnullis Christiani orbis regionibus nutrita atque seruata est, immo in *Italia* ad saeculum vsque decimum quasdam habuit reliquias, ab Episcopo Gozolino vel Gauflino tandem sublatas, quod SEMLERUS in dem vollständigen Auszuge der Kirchenhistorie. T. IV. S. 423. ex VGHELLI *Italia sacra*. T. V. exposuit.

NESTORIANISMUS *saec. quinto* inualuit, cuius auctor NESTORIUS *Presbyter Antiochenus*, deinde *Episc. Constantinopolitanus* homo vanus, audax, loquax, arrogans et contemptor veterum Doctorum fuit, quamuis alii mitiorem de illo ferant sententiam. De eiusdem erroribus non vnum idemque omnium est iudicium. Cum Christo loco animae rationalis concessum esse λογος crederet, Cyrillo Alexandrino et aliis orthodoxiae defensoribus, duos filios, duos Dominos fingere, et naturarum conjunctionem iusto minorem docere, haud immerito visus est. In eo omnes conueniunt: quod nomen Θεωτος, s. *Deiparae* jam vsitatum, quacunque animi contentione recusaverit, illudque ex orthodoxorum libris expungendum statuerit; vnde alii consequentiam inferunt, negari ab illo veram Christi Deitatem. Ex scriptis ipsius, si iudicare eum velimus, non quidem Christum vulgarem hominem iudicauit; sed potius verbum junctum esse humanae naturae

naturae arctissima vnione, hasque naturas ita vnitas, vnum non nisi Christum constituere, vnamque personam, ex duabus naturis compositam, cui tribui possent proprietates alterutrius naturae, sicque dici posse, Christum esse natum, passum, mortuum etc. statuit; constantissime tamen negauit, Deum esse natum, passum, mortuum, quare repudiato matris Dei titulo, matris Christi vocem concessit. Si alios inculpatae fidei scriptores et *concilium Ephesinum* in consilium vocamus, non omnis pugna circa vsum huius vocabuli versabatur, sed haereseos non inique accusatus est. Non quidem diuinitatem Christi ipsis terminis negauit, quod nonnulli de eodem adfirmant; nec duos Christos, aut duas personas, expresse asseruit; docuit tamen dogmata, ex quibus istae propositiones necessario sequuntur. Christum quidem Deum et hominem profitebatur, personam tamen in duos Christus diuisit, et ita de duabus in Christo naturis loquutus est, vt in eadem duas personas credidisse videretur. Negauit filium Mariae quoad carnem, esse Filium Dei quoad Deitatem, vnamque personam hominem, hominisque filium, alteram Deum, Deique filium constituit, *εὐεργητικὴ τὰ ἔργα* tamen, societate, dignitate, gloria semper iuxta honoris aequalitatem conjunctas, ita in homine Christo, tanquam in templo per gratiam inhabitare Deum; quod ex loco Col. II. probare studuit. Propter hanc inhabitationem propria Deitatis homini quidem Christo competerent quadam participatione, non vero natura, vt qui donatus sit aequali potestate S. diuinitate ideoque simul adorandus, ac per quem Deus operetur, ceu Θεοφωρον et organum suum, cui denique inhabitet, excellentiori donorum plenitudine, siue aequalis honoris communicatione, quam aliis sanctis. Negauit, ea de Filio Dei pronuntiari posse, quae ad eius naturam humanam spectant; negauit, Filium Dei pro genere humano passum et mortuum esse, cum passionem et mortem natura diuina obire non possit. De actis in Synodo *Ephesina* circa causam *Nestorii* ex hist.

eccl. monumentis, fufius exposuit LUD. DOUCIN *histoire du Nestorianisme*. Qui ex eiusdem placitis fequuntur errores, infinito Chrifti merito et fatisfactioni per eum praestitae aduerfantes, facile colligi poffunt, propter quos *Socinum Nestoriumque* propinquitate quadam iunctos effe, arbitramur.

Paucis annis interiectis *Nestorii* Charybdi in euitaturus EUTYCHES, feneX feptuagenarius, Monachus et Archimandrita, Abbas Byzantii, fpinofis ac perplexis controverfiis in feyllam incidit, ex odio in *Nestorium* afserens, vt vnam perfonam, fic vnam duntaxat naturam Chrifti poft vnionem, nempe diuinam exiftiffe, quae humanitatem abforpferit eamque deificarit, quaeque paffa fuerit: Hoc pacto naturas earumque proprietates confundens, humanam abolens, immo Chriftum vtraque natura priuans, in phantafma ex Deitate et humanitate, a nofta tamen carne *ετεροσιν* conflatum transformauit. Hoc ipfum defendiffe, totius hiftoriae Eutychianae nexus comprobat. Quae aduerfus eum in fynodis *Constantinopolitana* a. c. 448. et *Ephesine* a. 449. acta funt, reliquaque momenta alii faepius expofuerunt. V. *Weifsmannus* l. c. T. I. p. 527—537. An recte iudicent, qui recentiffimo hoc tempore, nifi omnes *Eutychianos*, genuinos tamen fectae huius socios, recte de myfterio S. Trinitatis et Chrifti perfonae fenfiffe, hosque numero Antitrinitariorum eximendos effe, ftatuunt, huius loci non eft, vt difquiratur. Vid. *Walchius* l. c. P. VI.

Praeterimus alios huius faeculi homines, et fpecialim FULLONEM, quem vnam in Deitate perfonam credidiffe, et Chrifti perpeffiones Deo in genere tribuiffe, fcriptores produnt. Non omni dubio exemta funt, quae de hoc aliisque, qui *Theodofchitarum* nomen ferunt, narrantur, nonnulla quoque ex inuidia efficta videntur.

Prodierunt *faec. V.* PELAGIANI, quibus nomen impofitum eft a PELAGIO, Monacho, fecundum *Balacum*, *Anglo-Britanno*; fecundum *Voffium* in *hifl. Pelag.* L. I. c. III.

Scoto,

Scoto, qui a. c. 404. haereseos semina sparsit, cui se associavit *COELESTIUS*, Pelagii armiger, in *Hybernia* monachus, a quo etiam *COELESTIANI* aliquando sunt nuncupati. Hi docuerunt, Adamum mortalem creatum, ipsiusque peccatum soli ipsi, non posteris detrimento fuisse. Hinc mortem naturalem esse ex necessitate naturae, cui Adam ante peccatum commissum obnoxius fuisset. In genere de statu primorum parentum ante lapsum adeo exiliter sensit *Pelagius*, ut eiusdem delineatio parum abfuerit a conditione hominum praesenti, nisi quod hi Adami peccantis exemplum sequantur. V. *August. de peccat. orig. C. 21. de nat. et grat. C. 9 et 30.* Ex his, quid iudicaverit de *paedobaptismo*, facile colligitur. Consequitur ex istis placitis, homines Deo propria virtute acceptos esse, et viribus naturalibus absque peculiari auxilio et gratia Dei, secundum legis tenorem ex liberi arbitrii viribus vitam agere posse perfecte sanctam; immo absque omni eos esse peccato. V. *HENR. NORIS hist. Pelagiana, VSSE-RII hist. haer. Pelagii*, et maxime *G. J. VOSSII hist. Pelagiana in tract. Theol. Amstel. 1701. editis p. 553. seqq.* Nemo pugnandi aduersus hanc haeresin zelo superauit *AUGUSTINUM Hipponensem Antistitem*, qui *Coelestium* in Africa debellauit. *Pelagius* fauentiores sibi in Asia inuenit animos, immo et *ZOSIMUM Pontif. Rom.* a partibus suis ad tempus stantem. V. *Moshemius l. c. p. 418.* Non quidem tantum sectatorum habuit numerum, ac olim *Arius*, ut terrorem orthodoxo coetui incutere potuisset; interim tamen plures amicos et fautores in Italia, Siciliaque, praecipue in oriente obtinuit. Sed paulo post mutatae causae suae animaduertit faciem; duram enim *Zosimus* aduersus eum pronuntiavit sententiam. Concilium Ephesinum a. c. 431. vltiores sectae progressus impedit. Quamquam enim propter *Pelagianos* in specie non actum fuerit, quia tamen *Pelagiani Nestorium* damnare declinabant, congregati Patres *Pelagii* asseclas vna cum *Nestorio*, reprobandos statuerunt. Non tamen haeresis

omnino extincta videtur, licet Principes, *Honorius et Theodosius* aduersus eandem excitati fuerint. Quod veritate suffragante inter *Socinianorum* genitores *Pelagium* collocemus, illorum asserta de statu innocentiae, de peccato originali, de libero arbitrio, de perfectione naturae propriis viribus absque operante gratia diuina obtinenda, aliaque coetus huius dogmata palam loquuntur, vt legitimam ferant sententiam, qui iudicant, *Socinianismum* ex *Photinianismo* et *Pelagianismo* conflatum esse. V. *Weissmannus* l. c. T. I. p. 486 — 501.

Saec. VI. ortum traxit TRITHEISMUS, quo triplex in Diuinitate essentia, siue tres Dii numero diuersi, statuuntur, cuius ipsos patres Concilii Nicaeni, quidam recentiores absque vlla veri specie accusarunt, quippe quos *Arii* sectatores contrarii potius erroris, nimirum *Sabellianismi* insinularunt. Propiores accedunt ad veritatem, qui TRITHEISMI primordia ex Saec. VI. repetunt, quo orthodoxorum pugnae cum *Monophysitis* agitatae sunt. A vero tamen non alienum videtur, quod BINGHAMUS in *Orig. eccl.* L. XI. c. 3. T. IV. p. 171. obseruauit, *Gnosticos Tritheismi genus aliquod jam olim introduxisse*. Ex *Monophysitis* prodiit JOANNES alter *Ascanages* cognomento, Philosophus Syrus, qui tres numero in Deo substantias inter se aequales, nulloque essentiae communis vinculo inuicem quasi connexas statuit. Vulgo quidem *Graeci Latinique Tritheitarum* originem ad JOANNEM PHILOPONUM referunt, quam potius deriuandam esse a Joanne altero ASCASNAGE, Jo. SIM. ASSEMANNUS ex *Bar. Hebraei Chronico Syriaco* euincere studuit, in *Biblioth. Orient. Vatic.* T. I. p. 328. et T. II. p. 327. Maximam tamen inter pessimos doctrinae huius propugnatores nactus est famam exeunte Saec. VI. et ineunte VII. *Joannes Philoponus*, nobilis Philosophus, *Aristotelis* disciplina instructus, atque Grammaticus in *Alexandria* clarus, qui diuinam indiuisibilem naturam in plures personas dirimens, eam singulatim indiuiduis tribuit, tresque in Deo naturas docuit,

qua

qua ratione naturam ab Hypostasi male distinxit, propriam unicuique S. S. Trinitatis personae essentiam statuendo, sicque, tres vnus ejusdemque essentiae diuinæ personas, tres Deitates, tres numero naturas appellauit; quam ob rem *Tritheitarum* nomine sectatores ipsius sunt insigniti, qui tamen titulum hunc omni studio recusarunt. Ipse PHILOPONUS constanter negauit, tres a se credi Deos; licet tres in Deitate *Φυτεῖς* affirmauerit. Quemadmodum *Arius* solum Patrem principio carere dixit, *λογον* autem principium habuisse; sic PHILOPONUS et post eum THEMISTIUS, Philosophus, idem cum *Ario* defenderunt. V. *Nicephorus* L. XVIII. C. 47 — 50. *Philoponus* primum unicam tantum in Christo naturam esse iudicauit, hoc argumento vsus: *Si duae sunt in Christo naturae, sequitur, duas esse in eodem hypostases.* Responderunt orthodoxi, illegitime ita colligi, cum natura et hypostasis sint diuersa; alioquin tres fore in Diuinitate naturas. *Philoponus* itaque disputandi, suaeque placita tuendi affectu abreptus, hanc consequentiam tuebatur.

Commemoratur quoque hoc tempore STEPHANUS quidam *Tritheita*, ex Eurychis partibus pugnans, cognomine GOBAR, qui opus scripsit de repugnantibus Patrum sententiis, memoratum *Photio*, *Biblioth. Codd.* N. 232. *Vid.* LEONTIUS *Byzantinus*, de sectis, *Artic.* VI. WALCHIUS de origine et progressu Tritheismi, SCHARFENBERGIUS de JOANNE PHILOPONO *Tritheismi* defensore.

Sectatoribus *Philoponi* recentiori aetate adnumerantur *Valent. Gentilis*, *Henr. Nicolai*, *Christoph. Stegmannus* qui vero postea Socinianismum confessus, *Wilh. Scherlock*, *Joseph Bingham*, alique ex Anglorum natione, et ex Gal-
lis *Petrus Faidit*. *J. Chr. Harenbergius* in otii Gandershemensibus observ. XII. p. 263. seqq. doctores quosdam ecclesiae orthodoxos, alios autem heterodoxos ab imputata Tritheismi labe defendit, quos Jo. LAMIUS percensuit in Catalogo *Tritheitarum*, quem libro de *recta Patrum Nicaenorum fide* subiecerat. Vindicat autem nominatim

Arium, Arianos, Marcionem, Donatum juniorem, Jo. Philoponum, Gotteschalcum, Petrum Abaelardum, Gilbertum Porretanum, Raymundum Neophytum, Guidonem, damnatos in concilio Lumbethensi a 1368. ac praeterea Joannem Montesonum et Valentinum Gentilem.

Quoniam *Sociniani* cum *Tritheismi* defensoribus circa *Mysterium S. S. Trinitatis*, alio quamvis modo defestunt, hincque communi *Antitrinitariorum* nomine compellantur, horum fecisse mentionem satis est. In ipsa vero *Antitrinitariorum* recentioris aevi societate fuisse *Tritheismi* defensores, ipsum hoc historiae systema euincet. Imo non male judicaret, qui diceret, plerosque, qui in *mysterium S. S. Trinitatis* inuolarunt, *Tritheitas* esse, non quidem verbo, sed re ipsa, ut, qui tres personas, in rotidem *87125* certo respectu transformarunt.

A nonnullis quoque *Jacobitae*, a *Jacobo Syro*, *Eutychianae* haereseos defensore, qui *saec. VI.* vixit, ita dicti, inter *Antitrinitarios* referuntur, et accusantur, quod vnam duntaxat in diuina essentia personam docuerint; quos vero alii, ab hoc errore liberos, in articulo autem de Christo *Eutychianis* accensendos esse, judicant. V. Jo. BALTHAS. JACOBI de *secta Jacobitarum*.

§. X.

Saec. VII. VIII. IX. X. *Arianismus* coetui orthodoxo olim minitans ruinam, tandem interitum ita passus est, ut clam tantum latirarent, qui corde *Arii* placita probarunt. Maiora autem incrementa ceperunt *Adoptianorum* et *Pelagianorum* agmina, quibus *Paulicianorum* grex, *Manichaeismi* aemulus jungendus. Monstruosus quoque his temporibus nouae religionis partus a *Mahomede* luci expositus est, cui calumniosa de Christi ciuibus fama, quasi

quasi Tritheismo dediti sint, nec non Arianismus, et vitia Antistitum ciuitatis christianae obstetrices commodarunt manus. Non tamen absque injuria comparatio inter Mahomedismum seu Islamismum et Socinianismum institui poterit.

*

*

*

Arianismus inter *Longobardos* radices denuo egit, quorum Principes, *Autharis* et *Areowaldus* orthodoxos persequebantur, vsque dum horum imperium *Francorum* potestati cesserit. V. PAULI *diaconi hist. Longob.* L. IV. C. 44. et BARONII *annales.* T. IX. At *Saec. VIII.* sensim exspirauit Arianorum nomen, quippe qui ab orthodoxis, modo haud raro praescriptis mansuetae disciplinae christianae non conueniente, in iudicium vocabantur, exhibente in hoc negotio *Pipino* Galliarum Rege manus auxiliatrices. *Pipini* filio, *Carolo M.* Imperii principatum tenente, eorum lites conticuerunt, nisi quod hinc inde paruuli existerent coetus, quibus ex nimio Orthodoxiae zelo Arianorum nomen impositum videtur. Multos interim *Arianismus* clanculum et hoc tempore habuit sibi fauentes, et cum eodem, licet non ore, corde tamen consentientes. Quod multi nostro tempore inter Christianos ad solis orientem sint *Ariani*, nos non morabitur.

Pro temporis ordine notamus, FELICEM, natione *Hispanum* Episcopum *Vrgellitanum* in Catalonia *saec. VIII.* nec non ELIPANDUM cuius antea jam fecimus mentionem, docuisse: Christum non natura, sed adoptione et runcupatione esse Dei Filium hacque doctrina multarum in ciuitate christiana, praecipuae in *Hispania* barbararum exstitisse auctores. Quis fuerit *Elipandus* gente ortus, et quale vitae genus, antequam in sacrum ordinem cooptaretur, sectatus sit, certo dici nequit. Vulgo traditur, *Felix* praeceptor ipsius fuisse, quod aliis proba-

bile non videtur. Verisimillimum putamus, *Felicem* de adoptione Christi sententiam, ante eiusdem tempora non ignotam repetiisse, quam *Elipandus* approbavit, aliisque tradendam suscepit. Admotus is fuit sacris *Toletanis* gubernandis, Archiepiscopi titulo et dignitate ornatus. Uterque temerario res coelestes, et supra ingenii vires positas inuestigandi et explicandi pruritu concitati, de *Christo* docuerunt. Quidam eos Ariani erroris accusant; inter quos *Paulinus* est, L. I. contra *Felicem* et *Alcuinus* L. I. aduersus *Elipandum*. Idem de illis iudicat *Sandius* in H. E. p. 166. cum quo *Ariani Anglicani* consentiunt, in longa horrendisque de Christo sententiis referta epistola *Maroccano* ad *Carolum* Regem legato exhibito, cuius paulo post mentio a nobis facta est. Iniquum vero isti calumniandi coetum nostrum studium, rerumque gestarum ignorantiam produnt, qui orthodoxam de Christo Deo doctrinam *Caroli Magni* aetate variis Pontificum artibus introductam eique simul *Bonosum* et *Elipandum* restitisse, tradunt. Restant nonnulla *Elipandi* et *Felicitis* de Christi Diuinitate effata, ex quibus a perniciosae sententiae suspicionem illos liberari posse nonnulli credunt. Quamuis vero ab *Arianis* et *Bonosianis* absint, suscepta tamen de adoptione Christi opinione a vero eos aberrasse, negari nequit; inprimis de concreto humanae naturae Christi, eiusque statu exinanitionis parum accurate senserunt, et ineptis dicendi formulis, vanisque quaestionibus alienam a vero mentem testati sunt. Prodiderunt, Christum adoptionem per baptismum obtinuisse, hocque eum opus habuisse ad regenerationem, et Deum Patrem verbis: *hic est Filius meus dilectus*, *Matth. 3, 17.* Christum hominem adoptasse. Christum appellarunt *Deum Nuncupatiuum*, cuius notio ex ipsorum de Christi adoptione doctrina intelligi debet. Sententiarum, quas defenderunt, nexum indicauit et demonstrauit *WALCHIUS* in *hist. Adoptianorum* p. 242. Aliquoties Ecclesiae Doctores conuenisse ad capienda aduersus eos consilia, scriptores saec. VIII. produnt.

dunt. Refutauit *Elipandum* ETHERIUS, Episcopus Vxamensis, libb. 2. de adoptione Christi filii Dei, qui thesauro monumentorum Eccl. et hist. HENRICI CANISII inferti sunt.

Magnam inter *Adoptianos* et *Socinianos* esse differentiam, manifestum est; in quibusdam tamen hos haud longe ab illis abesse, animaduertimus. De illis quidem id non statuendum, qui *adoptionis* vocabulo idem innui volunt, ac assumptionis, ut dicant: Christum adoptasse humanam naturam, vel Christi humanam naturam fuisse adoptatam a Filio Dei, quibus passim phrasibus orthodoxi patres vsi sunt; de illis aliter iudicandum, qui Filium Dei naturalem Filio Dei adoptiuo oppositum esse volunt, ac Christum Dei Filium naturalem ac proprium esse inficiantur. Nullum enim dubium est, quin omnes qui ex mente *Adoptianorum* statuunt, Christum Filium Dei esse adoptiuum, simul credant, eundem non esse Filium Dei naturalem. Non tamen omnes *Adoptiani* eodem gradu a vero declinant. Quidam Christum, Deum, Filiumque Dei propter adoptionem nominari, volunt, et cum his *Sociniani* rem communem faciunt, a quibus, saltem nonnullis, ipsa haec *Adoptianorum* sententia in diem iterum est producta. Cum enim animadverterent, a viris orthodoxam de Christo Dei doctrinam vindicantibus, ad evidentissima S. Scripturae oracula prouocari, in quibus generis humani Restitutor, Filius Dei ex Deo Patre ab aeterno genitus dicitur, suae causae munimenta ex *Adoptianorum* castris conquirere conati sunt. Ipse F. SOCINUS hoc stratagemate vsus est ad vim diuinis testimoniis derogandam, huncque plures ex coetu, qui ab eodem nomen tulit, imitati sunt.

Felicia hoc tempore *Pelagianismus* nactus est fata, qui in *Gallia* et *Anglia* incrementa cepit, magnumque Monachorum sibi assentientium numerum conduxit. Horum quidam orthodoxiae praetextum affectarunt, quo ipso maiores cum veritatis detrimento fecissent progressus,

nisi in Ecclesia fuissent immotae fidei viri, qui illorum machinationibus aggerem opponerent. Sic saec. VIII. *Beda ven.*, saeculo X. *Anselmus* scriptis suis purae disciplinae defensores se praestiterunt. Suis tamen curis impedire non potuerunt, quo minus *Pelagianismus* a pluribus susciperetur, ad quod rationes politicae, quarum felicem successum Episcopi Romani a Pelagianismo sperarunt, haud parum contulerunt.

De *Paulicianis*, quod nomen a doctore quodam ipsis impositum saec. VII. innotuit, non est, quod dicamus, cum secta haec *Manichaeorum* errorum suum fecerit, qui alio titulo a restitutore eiusdem hoc tempore insignitus est. Sive illi a *Gnosticis*, quod MOSHEMIUS putat, sive a *Manichaeis* ortum traxerint, quod ob errorum paritatem verisimilius est, inter *Antitrinitarios* mediæ aevi omnino sunt referendi. *Paulicianos Manichaeorum* summam doctrinae adsciuisse et propagasse, testis est PETRUS SICULUS, scriptor saec. IX., in *Historia haereseos Manichaeorum*, quae Graece cum latina versione per *Matthaeum Raderum Ingolstadii* 1604. prodiit. Is enim statim in initio inquit: „*Iidem sunt, nec quidem diuertunt a Manichaeis PAULICIANI, qui hasce recens a se procusas haereseos prioribus adsuerunt. — Qui tametsi se a Manichaeorum impuritibus alienos dicunt, sunt tamen dogmatum ipsorum vigilantissimi custodes et propugnatores.*” Non quidem omnem in Deo Trinitatem negarunt, eandem tamen ita explicuerunt, ut tres personas essentia et tempore diversas, Filiumque et Spiritum S. ab aeterno non existentes, a Patre productos, crediderint. Tanta eos saec. IX. valuisse potentia, ut armata quoque manu aduersus recte docentes se defenderint, fauente ipsis Imperatore NICEPHORO, huius aevi scriptores referunt.

Cum *Paulicianis* GIRARDUS quidam saec. XI. confensisse videtur, qui *Mediolani* plures erroris sui socios conduxit, de quo V. LANDULPHI senioris *Historia Mediolanensis* apud MURATORIUM in *Scriptoribus rerum Italicarum*,

T. IV. *Paulicianos* interim *Albigensibus*, *Katharis*, *Publicanis*, *Bulgaris*, *Bogomilis*, aliisque cognatos, omnes Antitrinitarios fuisse, qui *Manetis* dogmatibus calculum adiecerint, verisimillimum est. *Publicani* in specie dicti sunt in *Anglia*, qui circa medium *saec.* XII. ex Germania inferiore in illam insulam transfretarunt et cum *Paulicianis* in loco de S. S. Trinitate paria defenderunt. V. *Guil. Neobridgensis rerum Anglicurum* L. II. c. 13. *Katharorum* nomen ridicule a germanica voce *Kater* deriuauit *Henschenius* propterea, quod noctu conuenire soliti fuerint. Rectius a graeco *καθαρὸς* istos nomen affectasse, nobis persuademus; solemne enim fuit haereticis, splendida eiusmodi sibi arrogare nomina. *Bogomili Messalianorum* fanaticorum familiae propago fuit, de quibus ad *saec.* XII. Vid. *Wolffius comment. de Bogomilis*.

Tandem *Mohamedes* vel *Mahumedes* nouae religionis *saec.* VII. conditor *Socinianorum* maioribus a quibusdam accensetur, quod vtrum jure fieri possit, an per iniuriam fiat, in vtramque partem disputatum est. Mirandam per Orientem et Occidentem effectae ab homine pessimo religionis amplificationem promouerunt inter alia innumerae inter Christianos contentiones et sectae, quarum alia alia persequabatur, in quibus pugnis debiliior pars, quae hoc tempore *Ariana* fuit, se *Muhamedi* adjunxit, quo sub eius umbra tuta degeret, partemque aduersam opprimeret. In primis in istis terris, quae *Arianismo* adhuc infectae erant, *Mohamedismus* facile incrementa capere potuit, quod in *Arabia* praecipue accidit, ubi *Ebionaeorum* et *Nazaraeorum* semina primum pullularunt, teste *Epiphaneo*, *Haer.* 40. Qui legitimum institui posse Parallelismum inter *Muhamedismum* et *Socinianismum* arbitrantur, originem pessimae illius incredulitatis ex *Arianismo* et *Photinianismo* repetunt, et *Socinianismum* haud pauca dogmata *Muhamedica* fouere accusant. Quoad negatum S. Trinitatis mysterium non cum *Muhamedanis* tantum conspirant omnes *Sociniani*, sed quidam ex his illos quoque

quoque calumniando superarunt. Fuisse hanc *Muhamedis* professionem, Deum esse vnicum, sublata personarum Trinitate, quam *Tritheismi* accusauit, satis constat. Vnanimis in eadem animaduertitur Socinianorum consensus. Et *Musulmannus* et *Socinus* vnum coeli terraeque creatorem confitentur. Habent vterque eundem argumentandi modum, et in oppugnando hoc mysterio, negandaque aeterna Filii Dei generatione, vtriusque animus conspirat. Deus est vnus, ergo non Trinus; vna essentia diuina numerica, ergo vna Persona. Concipi enim nequit, quod Deus Filium generauerit sine coniuge. Appellauit quidem *Muhamedes* Christum verbum Dei, sed a Deo creatum, legatum, et seruum factum, ex *Maria* virgine natum, quemadmodum *Eua* ex solo viro producta, credidit; ante *Mariam* eum existitisse inficiabatur, in quo *Socinum* secum habet omnino conspirantem. Haud raro *Muselmani* splendidissimis verbis Christum Deum, munere et titulo, non natura, magnumque Prophetam praedicant; quos recentiores Antitrinitarii simili modo imitantur. Hinc FRANCISCUS DAVIDIS in articulo de Deo et Christi persona consensum cum Muhamedanis ipse innuit, in *Observ. ad thes. IX. Georgii Blandratae*, quae tractatui *de dualitate* annexae leguntur (B. A. P. I. p. 241. N. 7.) in-
 quiens: „*Judaei ac Turcae non negant, vnum illum Deum creatorem esse nostrum omnium et Christi Patrem, ac negant esse talem, qui ab aeterno ex sua essentia illum genuerit. Si differentia quaerenda est, Turcae differunt, quia MAHUMEDIS doctrinam post Christum allatam firmiorem esse statuunt, quam Prophetarum et Christi.*” Videtur huic parallelismo obstare, quod Sociniani cultum diuinum Christo praestandum esse iudicent. Sed respondent, qui illum instituunt, quod Muhamedani Christum tanta excipiant veneratione, vt, si quis, siue Judaeus, siue Turca, siue alius quis conuicia in eum eructauerit, talem vita indignum putent, quamuis Christi ciues rideant, quod Christum verum Deum credunt, teste *Sal. SCHWEIGGERO*

in *Itiner. germ.* Immo MARACCIUS in *refut. Alcor.* p. 219. mentionem facit sectae inter Muhamedanos florentissimae, quae Jesum verum Deum profitetur, et HINCKELMANNUS in *Praef. ad Alcor.* sequentia exponit: „Exorta est nuper opinio inter eos, qui in Gynaeeo et praecipue, qui in vrbe *Constantinopoli* humanissime habentur: quam qui profitentur, sectatores Messiae vocantur. Hi defendunt sententiam: Christum esse Deum et Redemptorem mundi; adhaeret autem eidem iuventus nobilior. Horum magnus est numerus, quorum nonnulli tanta animi constantia hanc doctrinam asseruerunt, vt martyrium quoque hoc nomine tolerarint.” Qui de Christi persona inter se conveniunt, de eiusdem officio non dissentientes deprehenduntur. Duas enim muneris Christi partes, quas *Socinus* statuit, nimirum *docere* et *miracula patrare*, *Muhamedes* Christo quoque vindicavit. Quod attinet ad mediatoris J. C. sacrificium expiatorium, lytrum et satisfactionem, sublatam per illum iram Dei impletamque obsequio suo legem, expiata per ipsum totius mundi peccata, aliaeque fidei momenta, *Muhamedismus* et *Socianismus* consentiunt. Comprobat hunc consensum memorabilis illa epistola, qua Vnitarii Anglicani Legato Imperatoris Fetani et Marroccani, *Ameth ben Ameth* ad aulam *Caroli II.* Regis Angliae, a. 1682. *Londini*, tria sectae suae scripta dicarunt, suamque cum Muhamedanis in primariis utriusque religionis convenientiam testati sunt. Inferuit has litteras *Car. Leslie* libro suo: *the Socinian controversy* etc. Vid. J. L. FREY diss. *qua Mohamedis sententia de Christo expenditur*; LEVINI WARNERI *Compendium eorum, quae de Christo Mahomedani tradiderunt*; PET. HOLLMII *consideratio Theologiae Mahumedanae*; Doederlein, de fundamentis et partibus *Theologiae Muslimannorum*, *Christ. Kortholti de relig. Mahumed.*, *Calovii scripta Antisociniana*, P. I. p. 39.

Haec sunt potiora argumenta, ab iis prolata, qui legitimam inter *Muhamedismum* et *Socinianismum* collationem

tionem institui posse, contendunt, quorum quidam materiam hanc peculiaribus scriptis tractarunt. ANDR. BRO-LAEUS in *Mahometologia Sociniana* h. e. quod *Sociniani s. Photiniani cum Alcorano Turcico conspirent inque religionis suae capitibus Mahometizent*; HOTTINGERUS in *diff. de Consensu Socinianismi et Mahumedismi*, et in *hist. Orient. L. II. c. III. p. 361. seqq.* LEIBNITIUS vir omnium iudicio maximus et de tolerandis haereticis optime sentiens, in *ep. ad auctorem scripti: Reflexion sur l'Origine du Mahomedisme, (qui est La Croze)* p. 170. Socinianos cum Mohamedanis comparauit, nonnullaque momenta exposuit, in quibus vtraque pars, vel non multum ab inuicem dissentit, vel omnino conuenit. Ipse *Matur. Weyss. La Croze parallelismum* inter Mahomedanos et Socinianos instituit in *diff. hist. sur diuerses sujets. T. I. p. 1. seqq.* solideque demonstraui, quod Sociniani licet haereticis potius, quam infidelibus sint accensendi, haud pauca tamen adsciverint placita, quae consensum cum infidelibus Muhamedanis arguunt, quare etiam admodum facilem esse a Socinianismo ad Muhamedismum transitum. Idem argumentum exposuerunt Scriptor quidam Anglus, cuius comparationem Socinianismi cum Muhamedismo *F. E. Rambachus* versionem germ. *Thom. Stockhusii, Betrachtungen über das Apostolische Glaubensbekenntniß etc.* inseruit; ANDR. VOLANUS in *Paraenese ad Samosatensianae, vel Ebioniticae doctrinae professores, in regno P. et M. D. L. B.* BUDOWEC *Anti-Alcoranus*, lingua bohemica, qui liber in *Catal. libb. D. E. Jablonskii, Berol. 1742. p. 50. N. 242.* allegatur, quo auctor palam facere studuit: Alcoranum a diabolo et Arianis esse confectum; alique plures.

Propter hanc partialem conuenientiam *Ordines Belgii foederati* in mandato a. 1598. aduersus *Ostrodum* et *Voidovium* publicato ex consilio Theologorum Lugdunensium, *Socinianismi* auctores et defensores, quos Muhamedismo proximos stare iudicant, longe exterminandos esse pronunciarunt. Quanta cum exacerbatione comparationem

nem

nem hanc *Socini* partibus adscripti exceperint, facile colligi potest. SAM. CRELLIUS *Mfeto allegato* diff. VII. §. XXIV. ob eandem orthodoxos injuriarum accusat, et in *Epiphanium*, qui inter *Elcaeſeos* et *Ebionaeos* ob commune de Christo Seruatore dogma Parelleliſimum ſibi, ut putat finxit, ira accenſus inquit: „*Sic nunc Epiphanio ſimiles abſurdi Socinianos vocant haereticeſ, eadem de cauſſa Mahometanos, qui interim aſſidue Deum precantur, ut Mohametismum aboleat. — — Annōn et nunc Sociniani cum Mahometanis in eo ab aduerſariis ſuis conſeruntur, quod utrique Jeſum ſolummodo pro juſto viro et propheta habeant; cum tamen certo certius ſit, Socinianos Jeſum pro Chriſto et a mortuis reſuſcitato Domino coeli et terrae habere.*” Eodem modo JOAN. SOLICHTINGIUS in *Apologia pro veritate accuſata* p. 33: „*Nobis cum Turcis, quae Turcae ſunt, et Pſeudoprophetae ſui amplectuntur diſciplinam, nihil eſt commune. Non tantum enim unum illum Deum, quod Turcae et Judaei faciunt, ſed etiam Regem coeleſtem a Deo conſtitutum J. C., et per eum Deum ipſum colimus: quod Turcae et Judaei abominantur.*” Nemo tamen illegitimam et injurioſam putabit duarum partium, alias diſſiſſimarum, in quibusdam tamen momentis diſtinctiuis conuenientium collationem. Nihil enim in hoc ipſis imputatur, niſi quod cum ſyſtemate ipſorum exacte conuenit, nec ideo omnimoda ac perfectā vtriusque partis ſtatuitur aequalitas. Inter ipſos Socinianos exſtiſſe, qui diſciplinæ ſuae ſimilitudinem cum Muhamedismo admiſerint, paulo ante dicta confirmant, cuius rei plura documenta ab aliis adferuntur. Cum *Claudiopolis* *Transylvaniae* vrbs ſaeculo praeterlapſo a Chiliarcha quodam Turcico gladio et flammis territa fuerit, *Sociniani* incolae, ut mitiora fata experirentur, hoſti iracundo declaraffe feruntur, parum a Turcarum religione ſuam diſtare; a quo reſponſum tulerunt: Remouerent parum illud diſcriminis, ipſumque fore benigniorem. Narrat hoc Jo. Ketpius, *Transylvanus in ſcylla theologica*, Altorff 1690. p.

38. allegante locum *Schlossero* in notis ad *Guil. Walli* Historiam *Paedobaptismi* T. II. p. 457. *Davidiana* inter Antitrinitarios secta, Muhamedis Coranum cum approbatione ad stabilienda dogmata sua aliquando allegauit, testemque prouocauit. FRANC. enim DAVIDIS de non invocando Christo p. 198. inquit: „Non perperam fingi in Alcorano, Christum suis cultoribus opem ferre non posse.” Sandius quoque de consensu Muhamedis sibi gratulatur in *probl. parad.* p. 42. Quidam Socinianismi ac Muhamedismi vicinitatem probari posse arbitrantur, quod aliquando vnus atque alter, vel *Serueti*, vel *Socini* sectator, Muhamedi tandem nomen suum dederit. De *Joanne Paulo Alciato* id quidem dici nequit, quod nonnulli olim perhibuerunt; *Adamum vero Neuserum* publica confessione ad Turcas transiisse, alio loco in hoc ipsa historia narabimus. Ipse *Sam. Crellius* concedit, quod illa Vnitariorum monstra, quorum parentem *Neuserum* fuisse, et a quo *Franciscum Davidis* seductum esse, iudicat, quae Christum inuocandum esse inficiantur, aut tantum pro propheta fere in regno demum millenario regnatura habent, facile ad Muhamedismum delabi possint. V. *The-saurus epist. La Crozianus.* T. I. p. III. Inualida tamen pro vicinitate vtriusque partis euincenda desumitur ratio ab exemplis raro obuiis eorum, qui ex Antitrinitariorum coetu ad Muhamedis castra transierunt. Nec multum roboris continet narratio de *Claudiopolitanis* bellico terrore commotis, vt Praefecto militum Turcicorum adlarentur, specie vtriusque religionis conuenientiae oblata. Imo omnino negandum non est, quod quidam in delineanda hac harmonia vltra, quam par est, progressi sint, quibus accensendus est *JAC. GOLIVS*, *Prof. Lugdun.*, qui Turcarum religionem *Socinianorum* disciplinae simillimam statuit, excepto fere hoc vno, quod magnum impostorem Turcae pro magno Dei Propheta habeant. V. A. CAROLI *Memorab. Eccl. saec. XVII.* T. I. p. 931. Cum interea ista comparatio parum ad meliorem aduersariorum informationem

mationem, multum potius ad exacerbandum animos conferat, eadem potius abstinendum esse, arbitramur; quamvis manifestum sit, quod Antitrinitarii ante hanc cum Muhamedismo collationem orthodoxos inconsulta temeritate publicis scriptis idololatriae accusauerint, et in maledicentia sua receptum de Mysterio S. S. Trinitatis, aeternae Filii ex Patre generatione doctrinam, ex Philosophia Platonica deriuatam esse calumniati fuerint, pluribusque horrendis conuitiis eam prosciderint. V. Jo. SOMMERUS de *Deo Papano trino* etc. B. A. P. II. p. 892. No. 2.

§. XI.

Saec. XI. praeter *Joannem Roscellinum*, Canonicum et Clericum Compendiensem, Tritheitarum classi inferendum, protulit etiam nonnullos *Arianorum* haeresi fauentes, quorum tamen haud pauci ita mentem suam exposuerunt, ut ab Arianismi suspicione haud aegre liberari possint.

*

*

*

JOHNNES ROSCELLINUS Philosophus ac Theologus inclinante ad finem saec. XI. celeberrimus, sibi eruditione famam et suscepta haeresi malam contraxit notam. Inclaruit maxime in *Gallia*, et dialecticorum aetatis suae princeps aestimabatur. Difficile est genuinam eius sententiam exponere, cum scripta ipsius non supersint, et quae de eodem innotuerunt, aduersariis ipsius, *concilii Sueffionensis* a. 1092. habiti patribus, in primis *Lanfranco* debeantur. Quidam *Sabellii* sectatoribus eum vindicant, quos inter est *Baronius* ad a. 1094; sed verius judicare videntur, qui eundem in vehementi *Sabellianismi* oppugnatione in contrarium extremum, tres in Deitate asserendo realitates inter se distinctas, ideoque ad *Tritheismum* prolapsum esse statuunt. Eius sententia ex ratiocinio, cui multum valo-

ris inesse putauit, elucescit: *Si in Deo tres sunt personae, et tamen una essentia, nec tres, quarum quaelibet per se subsistit, Pater et Spiritus homo quoque facti sint necesse est. Nisi igitur statuatur, P. F. et Sp. S. tres esse res separatas, omnino statuendum esse, non Filium tantum, sed et Patrem et Spiritum S. humanam induisse naturam, ac proinde Sabellianismum admittendum esse, cuius tamen defensores tanquam haeretici dudum damnati fuerint.* V. *Anselmus* L. II. epist. 35. Docuit igitur, tres in Deo personas eo modo inter se differre, quo tres res differunt; rei vero vocabulo naturam designauit, quae quidem cum aliis genus commune habet, at per se tamen separatim subsistit. Tres igitur re ipsa credidit Deos, redacta unitate ad unitatem tantum voluntatis et mutui consensus. Id verissimum *Jac. Bruckero* videtur in hist. crit. Philos. T. VI. p. 581. saluis notionibus suis Stoicis *Roscellinum* orthodoxam de S. Trinitate fidem explicare non potuisse, quod omnibus accidit — — — qui magis ex humanarum subtilitatum lacunis, quam ex limpidis Israelis fontibus — — haurire cupiunt. Multos habuit sententiae suae amatores, qui *Scholasticorum* tempore peculiarem formarunt sectam, quae *Nominalistarum* titulo vulgata est. Ipse in *synodo Sueffionensi*, cuius acta in *HARDUINI Collect. Concil. T. VI. P. II. p. 1697.* leguntur, anno 1092. semet ipsum accusare, et erroneum dogma recantare iussus est. Hoc quidem ex timore populi, a quo interfici verebatur, fecit, sed fecte et simulate; ita vero eundem fecisse, postmodum probauit, siquidem eandem renouato studio sententiam diuulgare suscepit, quae secunda vice in conuentu *Rhemensi* a. 1094 damnata. Opposuit ipsi *Anselmus* librum *de fide Trinitatis et incarnationis verbi*; qui vero asserens in Trinitate tres esse relationes, et vnicam duntaxat substantiam, hac aduersus *Roscellinum* pugnandi ratione ad *Sabellianismum* procliuus visus est, a qua tamen imputatione aliquo modo liberari posset.

Arianismi hoc saeculo vestigia variis locis renouata fuisse, *Baronius* testis est, qui ad a. c. 1017. ex *Glabrii Radulphi hist.* L. III. C. 8. narrat, foeminam quandam *Manichaeismo* addictam, in Aurelianensi Galliae prouincia, haeresi hac corrupisse in specie *Heribertum Lisojam*. Famam percrebuisse de eadem, quod omnia de S. S. Trinitate in V. ac N. T. scriptis reuelata, pro figmento habuerit. Sed non desunt et foeminae, et omnibus hanc aestimantibus defensores, qui testes fidei potius ac veritatis illos fuisse putent. V. *Moshemii* H. E. p. 666.

§. XII.

Saec. XII. *Petrus Abaelardus* Roscellini discipulus, et *Petri Lombardi* praeceptor S. Trinitatis Mysterium ex rationis principiis propria Scholasticis methodo explicandum aggressus est, hocque conamine Orthodoxis haud mediocrem faceffit operam; quamquam praeter *Gilbertum Porretanum* et *Arnoldum Brixensem* vix plures habuerit sectatores. Notantur quibusdam in Sociniana familiae stemmate hoc tempore *Bogomili*, quorum tamen placita adhuc dubia videntur; quemadmodum vniuersa huius acui historia et ciuilis et ecclesiastica magna ex parte spissa laborat obscuritate.

* * *

Antitrinitariorum ordini accensetur *Petrus Abaelardus*, vel *Abailardus*, vel secundum quosdam *Baleardus*, (a *Petro Baliardo*, juris consulto diuersus) et *Biliardus* dictus, Scholasticorum, quos saeculum hoc tulit, omnium iudicio princeps, ingenio praecoce in arte syllogistica verfatissimus, qui Philosophiam cum Theologia copulauit, sicque scholasticae Theologiae fundamenta jecit. Vitam;

eruditionem, scholam celeberrimam, amorem *Heloissae*, virginis eruditionis fama inclytæ et scripta eius exposuerunt *Ant. Pagi* in *Critica historico-chronologica*, in *annal. Baronii* T. IV. ad a. 1114. *Georg. Mackenzie* in *vitis et characteribus celebriorum Scotiae scriptorum Anglice editis*, in *vita S. Aelredi*; *Ch. Thomassius* in *historia sapientiae et stultitiae* T. I. p. 8, *Baylius* in *Lex. crit. sub tit. Abelard, Heloise, Berenger, Foulques*, et pluribus aliis locis, *Du Pin*, *nouvelle Bibliotheque des auteurs Eccles.* T. IX, auctor anonymus *Gallus*, *Paris.* 720. 12. *A. Fabricius Biblioth. lat.* L. XIV. p. 687. *Walchius* in *illustr. encyclop. tit. Abaelardistae*; *Niceromius* *hist. celeberr. erudit* T. IV. p. 186 seqq. *vers. germ. Bruckerus* l. c. T. III. p. 730 seqq. T. VI. p. 589. *Heymannus* in *act. Philos.* T. III. p. 580 seqq. *aliique plures.* Vid. *Acta Erud.* 1721. p. 263. Natione *Gallus* fuit ex *Britannia minori* (secundum *Curionem*, natione *Anglus*) et quidem pago, cui nomen *Palais*, circiter a. 1079 oriundus. Pater ipsius militiae operam dans inter belli turbas litteris non valedixit, filiumque quacunque disciplina instruendum curavit. Praeceptore usus secundum *Sandium* H. E. enucl. p. 387. *Jo. Roscellino*, secundum alios *Guil. de Campellis*, (*Chambaux*) Archidiacono *Parisiensi*, qui ipse postea infensissimus *Abaelardi* fuit aduersarius. Logicam et dialecticam in primis sibi proposuit excolendas, et quo plures in his caperet progressus, exteris non sine molestia inuisit regiones. Repetiit patriam haud vulgari scientia instructus, qua sibi aliquoties inuidiam conciliauit. Aduerso hoc fato rerum mundanarum pertaesus *Coenobii* solitudinem quaesivit et *Monachus* factus *Theologiae* operam nauauit, in qua primum *Anselmi* utebatur institutione, posthac vero *Theologiae* dogmata liberioribus suis ipsiusmet meditationibus, plus quam decet, subtilitati deditus, inuestigauit et definiuit. Mortuus est a. 1142 vel a. 1143. habuitque strenuum defensorem discipulum suum *Berengarium Pictuensem*. V. Addenda ad *Sandii* H. E. p. 70. In gratiam discipulorum quin-

quinque libros Theologiae Christianae, quos etiam opusculum de fide S. Trinitatis appellat, concinnauit, de quo *Bernhardus* Abbas claraeuallensis ep. 191. inquit: „*Surrexit a mortuis liber ille, et cum eo multorum haereses, quae dormierant, surrexerunt et apparuerunt multis.*” Eiusdem *Rithmus de Trinitate* ex Mspto Beccensi editus legitur in T. IX. *Edmundi Martene et Vrsini Durandi collect. Vet. script. et Monument. hist. Par.* 1733. fol. p. 1092. Omnia *Abaelardi* opera prodierunt hoc titulo: PETRI ABAELARDI, S. Gildufsi Abbatis et *Heloisae, coniugis eius, Coenobii Pataclitensis Abbatissae, opera nunc primum ex Mss. Codd. eruta, et cum praefatione apologetica pro PET. ABAELARDO, per FRANC. AMBOESIIUM, (Andream Quercetanum) et censura Doctorum Parisensium in lucem edita, studio ac diligentia eiusdem ANDREAE QUERCETANI Parisiis, Nicol Buon* 1616. 4. Vid. *Dav. Clement. Biblioth. hist. et Crit.* T. I. p. 3. Opusculum de fide S. S. Trin. discipulorum rogatu, Trinitatis Mysterium distincte concipere audentium, a se conscriptum esse, ipse testatur. In eodem simili a sole, a typo annuli obsignato: rii, maxime vero ex arte syllogistica desumpto, mysterium coeleste explicare conabatur. Sicut in syllogismo tres inveniuntur propositiones, et vna tantum veritas, sic eodem modo in Deitate tres personas ad vnam essentiam conuenire, sibi et aliis persuasit. Accusauit eum *Bernhardus*, quod dixerit, tres personas gradibus potentiae differre, et eandem essentiam Patris, Filii, et Spiritus S. sicuti eadem oratio sit propositio, assumptio, et conclusio. V. *Bernhard. ep. ad Innoc. II.* Haec quidem in *Abaelardo* arguunt, quod nimis indulserit curiositati reddendi rationem de iis, quae sunt supra rationem, quod fide sola suscipere detrectauerit, quae humanum intellectum transcendunt, ac improvide mysterium illustrauerit, cuius cognitio tantum ex S. Scriptura petenda. In libro allegato expresse *Abaelardus* statuit: Deum Patrem plenam esse potentiam, Filium quandam tantum, Spiritum S. nullam, huncque mundi animam vocauit; nihil esse credendum, nisi

quod rationi probabile visum fuerit; Trinitatem ex rationis principiis cognosci posse, multosque gentilium Philosophos, ac praecipue *Platonem* exquisitiorem eiusdem tenuisse scientiam. De locis istis, quae in scriptis *Platonis* de Deo occurrunt, et quae antiquis ecclesiae Patribus magno fuerunt in pretio, praeter alios multum differuit *Aug. Mar. Quirini* in *Decade epp. Romae* 1743. 4. ep. 2. Non tamen omnes *Abaelardus* opiniones, quas sibi imputatas sensit, pro suis agnouit, quamquam verissimum sit, eum in Theologicis non ita versatum fuisse, ut accurate de iisdem mentem suam explicuerit, maxime vero *Sabellianismi* maculam sibi contraxerit. Nonnulla interim in eo tanquam erronea improbata, vix talia sunt, si in contextu legantur, immo quasdam criminationes fuisse ridiculas e. g. quod *Socratem* sanctis martyribus comparare non veritus fuerit, *Baumgartenius* obseruauit in *Biblioth. Hall.* T. VI. p. 32. Ipse *Bernhardus*, strenuus alioquin veritatis defensor in sua aduersus *Abaelardum* causa non semper ab affectibus immunis fuit, quippe qui aduersarium errorum accusauit, quibus iusti ac aequi horum rerum arbitri eundem liberassent. Quod in synodo *Suesfionensi* II. a. 1136. et *Sirmienti* a. 1140 propter inconuenientem circa personas S. Trinitatis sententiam damnatus, librumque suum ipse igni tradere ab Episcopis coactus, inque Monasterium detrusus fuerit, ipse fusius exponit in ep. hist. de suis calamitatibus, notante *Guil. Cave, hist. litter. scriptorum Eccl.* T. II. p. 237. Ex dictis patet, *Abaelardum* Socinianis non admodum fuisse dissimilem, quod rationem, mysteriorum atque articulorum fidei iudicem et normam coluerit. *CRELLIUS* de *satisfactione Christi* aduersus *Grotium* p. 339. contendit, se praeclarius de vi mortis Christi docere, quam *Abaelardum*, qui defenderit, Christum ad amoris sui testificationem tantum mortuum esse. Vtrum *Sociniani* jure meritoque *Abaelardistae* vocari possint, quaestio excitata est, ad quam ex adductis responsio constat. Ipsi *Abaelardum* inter

veritatis

testes suosque praedecessores referunt, quo respectu praeter alios *Lubienicius* l. c. p. 7. eum celebravit. V. J. W. JAEGERI *examen Theologiae novae Poiretianae et Bourignonianae* p. 319. Habuit *Abaelardus* haud paucos defensores ab eodem in initio cognominatos, qui postea *Scholasticorum* titulo generaliori significato compellati; in specie vero *Kathari* in *Gallia*, vel potius *Germania* nominati, qui de Deo et S. S. Trinitate, de Christi officio mediatorio, de justificatione etc. a veritate deflexerunt, et certo respectu ad mysticorum classem sunt referendi. In *Gallia Kathari* dicebantur *Bons Hommes*, de quibus *Rogerus* apud *Baronium* ad an. 1179. judicat, quod *Manichaeis* et *Arianis* affines fuerint. Duorum maxime *Abaelardi* sectatorum famam nobis servarunt hist. eccl. scriptores, quorum alter fuit *Gilbertus Porretanus*, gente Aquitanus, patria Pictaviensis, quo loco tandem Episcopus fuit, Philosophus et Theologus acutissimus, saeculi huius doctor celeberrimus, ob male adhibitam ingenii sui vires fortunae suae ipsemet aduersarius. Vfus est terminis scholae Aristotelicae receptis, quibus divinas virtutes et proprietates, quas personales dicunt, a Deo, seu natura divina differre, docuit, quare leuiter ab eorum errore distare putatur, qui *Tritheismi* notam sibi conciliarunt. Bene quidem in synodo Lutetiis habita, praesente *Eugenio*, P. R. mentem suam exposuit, quod nimirum suis dicendi formulis solum indicare voluerit, aliam notionem de natura divina, aliam de eius proprietatibus obuersari animo, nostroque concipiendi modo; quod a quouis orthodoxo conceditur. In sermone tamen, quem in conventu clericorum suae diaeceseos habuit, ita S. Trinitatis articulum proposuit, ut a veritate omnino recessisse, et ad *Tritheitarum* terminos accessisse putandus sit, si vera sunt, quae referuntur. V. *Harduinus* l. c. T. VI. P. II. p. 1299. *Buddeo* tamen dogmata eius haud multum a Sabellianismo abfuisse videntur, in *Isag. hist. theol.* p. 983. Eundem habuit aduersarium, quem *Abaelardus*, *Bernhardum*, qui

suis accusationibus eo rem deduxit, ut *Porretani* opinio
 a. 1148. in *synodo Rhemenfi* inquireretur ac condemnaretur.
 Lenissimum de GILBERTO tulit iudicium *Bruckerus* l. c. T. III. p. 768 seqq. cum quidem recessisse a recepta doctrinae formula & loquendi modo, licet ab ipsa doctrina sana discessum haud fecerit. Id ipsum conamen explicandi S. Scripturae mysteria ex legibus et dictamine rationis Socinianis locum fecit, ut *Porretanum* antecessorem disciplinae suae summopere venerentur et eximiis encomiis praedicent. V. *Natalis Alexander* l. c. saec. XII. art. IX. p. 485 seqq. *Weissmannus* l. c. T. I. p. 1003. seqq.

Iidem, qui *Abaelardo* errores ARNALDO BRIXIENSI, illius *sectatori* tribuuntur, qui vero non erroribus tantum, sed impiis quoque sceleribus famam, vel infamiam potius sibi conciliaffe fertur; quamuis haeresin propriis illius verbis expositam non habeamus, immo quae ipsi peculiaris tribuitur opinio, tantae haereseos maculam non habeat. Eius discipuli *Arnaldini* vel *Arnoldistae* vocati sunt. V. *Weissmannus* l. c. T. I. p. 1014. seqq.

De *Bogomilis*, haereticis Orientis, saec. XII. maximum scriptores significant progressum. Auctor sectae BASILIUS medicus ac Monachus fuisse, et *Constantinopoli* ab *Alexio Commeno Imperatore* crematus narratur, postquam LII. annos per varias orbis prouincias praedicasset: *Non esse Trinitatem, et Christum fuisse Archangelum Michaellem.* Nominis origo Bulgarorum vel Slauorum linguae debetur, quod graeci ita interpretantur, ut *Bogomilus* homo sit, qui cum Deo conuersatur, vel a Deo diligitur. Eadem voce in lingua Saracenica notatur gens, quae misericordiam implorat, ex *Bog*, quod Slavonibus Deus, et *Miloui*, quod misericordiae implorationem significat. V. FLEURY in *H. E.* T. XIV. p. 136. Multa graeci ipsis imputarunt flagitia, quod cultum publicum et sacramenta exprobrauerint, Pentateuchum et alias S. Voluminis partes rejecerint, crucis figuram despexerint, quod in ea Saluator occisus sit, Deum humana forma praeditum dixerint,

et

et Trinitatis mysterium vel non crediderint, vt quidam tradunt, vel illud rationis humanae conceptibus accommodauerint, inaequalitatem personarum docendo. Ab aliis maxima ex parte excusantur, nec tanta abominatione digni videntur, qua eos nonnulli auersati sunt. Id verissimillimum, *Bogomilos* in *Bulgaria* et *Thracia* dictos fuisse, qui eadem cum *Arianis*, *Manichaeis* et *Paulicianis* de Deo et S. Trinitate crediderunt, quos in *Germania* et *Italia* *Katharos* dictos esse, notauere scriptores. Obconuenientiam cum *Arianis* *Cedrenus* statuit, *Bogomilos* a Christo nato Saec. IV. sub *Valente* Imperatore exortos esse, nec negandum, haeresin ipsam aetatem istam tuluisse, quamvis *Bogomilorum* nomen recentius fuerit. V. SANDII *H. E.* p. 386. JO. FABRICII *diff. de haeresi et moribus Bogomilorum*; *Noua litteraria Tigurina* de anno 1759. p. 219. 226. 234. SAM. ANDRAEAE de *Bogomilis*, in *Jo. Voigtii bibl. hist. haeres.* T. I. fasc. I. p. 121. seqq. J. WOLFII *hist. Bogomilorum*, etc. De hoc opere suo ita WOLFFIUS ad *La Crozium*, in *thes. epist.* T. II. p. 27. Manum nunc ad reuocandam BOGOMILORUM memoriam admoui, quod antiquitatis ecclesiasticae scriptores minus diligentes, quod sine injuria dixerim, in hac haeresi consideranda fuisse video. Nonnulli id schismaticorum inter *Russos* genus, quod ROSCONICORUM nomine appellatur, *Bogomilorum* propaginem putant. De his commentatus est NIC. BERGIUS in *exercit. hist. theol. de statu eccl. religionis Moscouiticae*, etc. *Lubec.* 1709. p. 69. seqq. HEINECCIUS in *delin. ecclesiae graecae antiquae et nouae* p. 30. appendicis. BEAUSOBRIUM *historiam quoque criticam Bogomilorum exarasse*, notatum aliquibi legimus.

§. XIII.

Saec. XIII. *Joachimus* Florensis, in *Calabria* Abbas, et *Almaricus*, vel secundum alios *Amalricus*, (gallice *Amauri*) *Parisiensis Theologiae doctor*

quosdam circa formam doctrinae christianae excitarunt motus, breui tamen tempore compositos. Post initium vero saec. XVI. quidam ex Germanis atque Italis, communia Antitrinitariorum dogmata diuulgarunt, sparsisque in Italia, Helvetia, Germania ac Polonia opinionibus suis, insignem famam nacti sunt, quorum recensio alterum Voluminis hujus caput sibi vindicabit.

*

*

*

Pauci *Saec. XIII. XIV. et XV.* in angulis delituerunt heterodoxi quoad S. S. Trinitatis doctrinam, qui, si minus recte senserint, magis simplicitate ex disciplinae receptae ignorantia, solidiorisque cognitionis defectu, quam obstinata voluntate errarunt. Horum in numerum ponitur ineunte *saec. XIII.* JOACHIMUS, Abbas de *Caratio* in Calabria, ordinis Cisterciensis et Florentis monasterii fundator, qui crasso et impolito fuisse ingenio, et minus circumspecte loquutus dicitur, ac pro intentione bona, ut videtur, voluit; certo enim respectu ut testis veritatis in ecclesia Romana pro conditione istorum temporum aestimandus est. Ob varias rerum futurarum praedictiones magnam nactus est famam, de quibus V. FABRICII *Biblioth. Lat.* T. IV. L. IX. p. 107. et *Altes aus allen Theilen der Geschichte*, T. I. P. II. p. 206. seqq. Homo ignarus, et non capax subtilissimarum distinctionum *Petrum Lombardum*, in explicatione dogmatis de tribus in essentia diuina personis, erroris arguit. Ipse vero indebite atque incaute de eodem mentem exposuit, ut sibi haerefeos suscipionem contraxerit, quamuis formulas obscuras, quibus usus est, non intellexisse videatur. Incidit in antistitum suorum censuram, partim, quod inique reprehenderit *Lombardum*, partim, quod *Arianismo*, vel secundum alios, *Tritheismo* propinqua docuerit. In specie accusa-

cusatus, quod essentiam tribus personis communem negauerit, triumque personarum vnitatem ad solum consensum determinauerit. Damnata est ipsius doctrina in *Concilio Lateranensi* IV. a. 1215. Aequiores tamen sunt iudices, qui formulas loquendi obscuras in ipso reprehendunt, quam qui eidem inter haereticos locum figunt. V. *Petauius* l. c. T. II. L. VI. C. XII. §. 4. p. 358. seqq. *Buddeus* l. c. p. 1143. *Lud. El. du Pin*, l. c. T. IV. p. 58 seqq. *Wolffius* in *lect. Memor.* T. I. cent. XII. p. 443 — 502. *Weissmannus* l. c. T. I. p. 1106. *Cottae notae ad Gerhardi L. L. Theol.* T. I. p. 217. seqq. *Observ. Hallens.* T. I. p. 206.

Almaricus, Theologus et Clericus Parisiensis, non infimi ordinis Philosophus, Lutetiis 1204. vita defunctus, multos habuit sibi assentientes, qui et persuasione et moribus honestis magistri sui cogitata pluribus commendarunt. Ipse, quod Christus nouam fanciuerit legem, et morte sua nobis exemplum modo reliquerit, credidisse fertur. Addunt alii, statuisse eum, Christum particulam, siue aliquid ex Deo, sed hoc multo inferiorem esse; omnia quoque visibilia ex ipso Deo fluxisse, inque diuinam aliquando naturam reuersura esse, ita vt recte dici queat, Deum esse omnia, creatorem et creaturam esse eumque, omnium creaturarum essentiam complecti, ac non aeternitate, sed causa et natura praecedere creaturas. V. *HIERONYMI PETZII* scriptores austriaci T. I. Quidam non male iudicant, *Almarico* iniuriam inferri hac imputatione, et discrimen obseruandum esse inter errores ab eodem in specie propugnatos, et quos discipuli eius disseminauerint. In horum enim numero fuisse, qui opinionibus a Magistro traditis suas addiderunt, et quaedam non incongrue ab eodem dicta pessime interpretatos esse; hoc ipso tamen praeceptorem non ab omni culpa et temeritate eximendum statuunt. Damnata est *Almaricana haeresis*, quae haud longo spatio a *Spinosismo* abfuit, in *Concilio Lutet. Paris.* habito, a. 1209. et in *Lateranensi* IV. a

1215. Sociniani eandem, de noua per Christum lege lata opinionem tenentes, quam *Amalricus*, et de Christo pari modo sentientes, huius sectatores censendi sunt. V. *Natalis Alexander* l. c. saec. XIII. C. XIII. Art. II. p. 36. *Pfaffius* in H. E. p. 607. *Walchius* l. c. sub tit. *Alma-ricani*.

Circa medium saec. XVI. singularia quaedam, praecipue inter *Germanos* et *Italos* ingenia, tristi omine *Arianorum*, *Samosatensianorum*, *Tritheitarum*, *Photinianorum*, aliorumque errores in lucem iterum reuocarunt. In horum numero *Mich. Servetus*, (quem Sociniani omnes fratrem et socium suum celebrant; *Theophilo* enim *Nicolai*, qui *Val. Smalcus* est, de ecclesia, c. XI. p. 22. Frater et seruus *Messiae* audit.) *Joannes Campanus*, *Jo. Paul. Alciatus*, *Jo. Valentinus Gentilis*, alique plures fuerunt. Cum vero hi, sectae, quae a *Socinis* posthac nomen tulit, viam proxime parauerint, primaque reuirescentis lolii semina sparserint, eorum historiam pro ordinis praefixi ratione proximo capite exhibituri sumus.

Ex praeteritorum saeculorum historia plures possent allegari, ad quorum consensum ipsi Sociniani, quamuis veritate refragante, prouocant. Ita praeconceptione antiquitatis opinione fascinati, *Ecclesiam orientalem* disciplinae suae aliquando adspirasse, iudicant. Hoc sine superbiunt epistola *Jo. Smerae*, Medici et Rhethoris Constantinopolitani a *Wolodimiro* Russiae et Kioviae Principe, ad explorandam Christi ciuium in *Graccia* conditionem ablegati ad dominum suum a. c. 990. Alexandriae scripta, quam vel finxerunt, vel interpolarunt, vel si integra fuerit seruata, male interpretati sunt. Historiam, vna cum ep. ex *Mscito* codice polonico *Jo. Ryniovicii Trembecii*, (fortassis *Jac. Ryniovicii Rhapsodiae* etc. notantur, de quibus in *B. A. P.* II. p. 739.) verbotenus latine redditam communicatamque accepit *Sandius* a *Bened. Wiffowatio*, eamque appendici *Nuclei* H. E. p. 61 — 65 inseruit, quam praeterea non *Andr. Wengersscius*, sed Sociniani, qui huius librum

librum sub nouae editionis praetextu, nouo titulo et quadam appendice auctum in *Belgio* et *Anglia* distribuerunt, *Historiae ecclesiarum Slavonicarum* p. 499 — 503. adtexuerunt.

De *Wolodimiro*, negotiisque eius religionis causa susceptis, nec non accessione illius et totius Russiae ad Christianam religionem, secundum instituta ecclesiae graecae, occasione matrimonii sui cum principe foemina *Anastasia*, ab aliis *Anna* appellata, *Easili* Imperatoris sorore, *Müllerus*, et *Chronico Theodosiano Kiouieni*, in collectione hist. Russ. germ. scripta, T. I. p. 107. T. II. p. 76. nonnulla memorabilia tradidit, absque tamen mentione epistolae à *Smerae* scriptae. Misisse vero Principem legationem quandam *Constantinopolin* a. 987. ad accuratius noscendam religionem ac coetus Graecorum, *Theodosii* Chronicon exponit. *Petrus* quoque *Petresius de Erlesunda*, in *Chron. Moscov.* Lips. 1620. p. 155. legationum fecit mentionem, quas *Wolodimirus* in exteris terras misit, ut diuersarum religionum conditionem scrutarentur; sed de iis, quae *Sociniani* ad commendandam disciplinam suam venditant, alium apud eundem est silentium, quod quoque a *Dlugosso* T. I. f. 110 edit. Lips. obseruatur. Permagni interea fecerunt allegatam *Smerae* epistolam *Sociniani*, ex qua euincere credunt, coetum meliorem in *Ecclesia graeca* saec. X. secum consensisse, illumque, tanquam orthodoxe sentientem, ab aliis, a veritate (ut putant) alienis afflictum atque oppressum esse. Pluribus id urget *STAN. LUBIENTECIUS Sen.* in *Poloneutichia Msc.* (B. A. P. II. p. 1091.) cuius verba *BEN. WISSOWATIUS* in *Narratione compendiosa Msc.*, quae *Smerae* epistolam, aliaque exhibet et in manibus meis est, exscripsit. Ex iis vero, quae circa hoc argumentum proferunt, non, quod ipsorum coetus sit apostolicus et orthodoxus; sed quod *Arianismus*, erroresque similes ante utrumque *Socinum* suos habuerint defensores, colligitur. Isti enim, quos in *Ecclesia graeca* secum consentientes allegant, ex *Arianorum*, *Manichaeorum*, *Paulicianorum*,
Katha-

Katharorum, aliorumque familia et propagine fuerunt, quorum sequaces isto tempore adhuc plures existisse, *Sandius* in *Nucleo* H. E. satis fuisse monstrauit.

§. XIV.

Qui cum Muhamedanis comparandos esse Socinianos arbitrantur seueriores orthodoxi, hos quoque cum recentioribus *Judaeis*, post Christum humana carne indutum, ab Abrahamitica fide Apostatis, conferunt, huncque parallelismum propter rei naturam et quandam dogmatum vtriusque partis cognationem, non illegitimum et injuriosum judicant, quorum nimium feruorem ac zelum non omnes suo probant suffragio.

*

*

*

Non' quidem tanta euidentia in sacro V. T. codice, quanta in N. T. scriptis, ast tamen luculenter pro istis temporibus, S. S. Trinitatis mysterium reuelatum est. Credebat ecclesia Judaica antiqua, promissum Seruatorem genitum ab aeterno Dei Patris Filium, propter quem solum acceptum ipsi esse cultum suum, firmo assensu omnes genuini Abrahami filii persuasi erant, qui interiorem formam ac indolem religionis Judaicae non ignorabant. Quam antiquissimus coetus fidei ancoram tenebat, eandem amplectebantur Judaei accuratius informati paulo ante Christi tempora, et circa ipsius aduentum in orbem, ita vt ex libro sapientiae, ex translatione Chaldaica, ex Cabalisticis Rabbinorum scriptis sat clara vestigia conspici possint, quod ea fuerit patrum fides, quam Christi ciues profitentur, et in sacris veteris foederis pandectis reuelaram animaduertimus. V. *Pelargus* de S. S. Trinitate V. T. insignioribus testimoniis aduersus Antitrinitarios et Aria-

nos recentiores euiſta; PET. ALLIX, *antiqua V. E. judaicae testimonia aduerſus Vnitarios*; JO. MEYER *de Myſterio S. S. Trinitatis ex ſolius V. T. libris demonſtrato, et ex veterum ac recentiorum Rabbinorum praefertim Caballiſticorum rariſſimis monumentis illuſtrato*; JO. STEPH. RITTANGELUS, *Veritas Religionis Chriſtianae in articulo de Trinitate et Chriſto*, a. 1699. et in *Libro veritatis de Memra*, a. 1698. G. CH. SOMMER, *ſpecimen Theologiae Soharicae cum Chriſtiana amice conuenientis*; JO. ARNDIUS *de myſterio Trinitatis e ſcriptis Rabbinorum veterum*; H. WITSIUS, *Judaeus chriſtianizans circa principia fidei et S. S. Trinitatem*; SCHOETTGENII, *Jeſus verus Meſſias ex veteri ac pura Theologia judaica, germ. ſcriptus*; LAUR. ODHELIUS, *Synagoga biſrons, ſeu de ſcrutandis collapsae Synagogae rudribus*, Francof. 1691. 4. ANDR. NORELLIUS *Phosphorus orthodoxae fidei veterum Cabballiſtarum ex libro Sohar*, Amſtel. 1719. quibus jungendi ſunt Raimundus, Müllerus, Hoornbeckius, Voetius, Carpzovius, Wagenſeilius, Bebelius, Coccejus, Lighfootus, Hottingerus, Altingerus, Pfeiſſerus, aliiſque, qui peculiaribus ſcriptis de hoc argumento bene meriti ſunt. Tandem vero coeleſtis haec doctrina ita inter Judaeos recentiores obſcuſcata, vt iam non locum inueniat; immo hi diris ac calumniis Chriſtum profitentes appetant, illosque blaſphemiae accuſent, qui Deum vnum in eſſentia et Trinum in perſonis adorant. V. NIC. VEDELIUS *de Deo Synagogae*, EISENMENGERUS *in Judaismo detecto*, P. I. C. I. ſeqq. Negata Meſſiae diuinitate, eum vel infra angelos collocant, vel pro quadam angelorum ſpecie venditant. Credunt tamen eſſe Legatum nuntium ac Prophetam, inſigni miracula patrandi virtute praeditum.

Ex his patet, non omnino ex figmentis argumentari, qui ſtatuunt, cognatione quadam dogmata recentiorum Judaeorum ac Socinianorum ſe inuicem attingere. Jam EPIPHANIUS Nazaraeos, Samofatenianos, et Photinum genuinos vocauit Judaeos. Haer. 29. 65. et 71. ac his, quos
judaicis

judaicis ritibus minime deditos probe sciebat, Judaïsmum obiecit. Ita enim inquit: „*At isti Judaicam opinionem interpolantes, neque quicquam cum Judaeis habentes amplius, Judaei alteri nominandi sunt, et Samosateni; neque aliud omnino sunt, ac solum nomen Jesu prae se ferunt. Nam cum Deum ex Deo, unigenitumque filium, ac verbum abnegent, eiusmodi sunt, quales ii fuerunt, qui praesentem eum reiecerunt, Dei ac Domini occisores, Dei que negatores.*” Et de Photino inquit: „*Nihil amplius excellentiusque de Christo proficitur, quam Judaei ipsi, qui eundem abnegarunt.*” Male ferri a Socinianis hanc cum Judaeis comparationem, nemini mirum videbitur; hinc ira commoti ignominiam hanc a se auertere allaborarunt. JON. SCHLICHTINGIUS in *Apol. pro veritate accusata*, p. 51. summa cum invidia Socinianos assimilari Judaeis, conqueritur speciose inquires: „*Dum nos cum Judaeis — — componunt, (Academiae Lugdunensis Professores) ipsi se Judaeorum affines esse manifeste produnt. Neque enim Judaicum est, si quid cum Judaeis, quod falsum est; sed si quid cum iisdem, quod verum et salutare est, non credas. Cum igitur Judaei Jesum blasphemiae damnarint et occiderint, quod Filium hominis a dextra Majestatis diuinae sessurum, et in nubibus coeli maxima cum virtute et gloria venturum, asseruerit: quod ipsum etiam probo Martyri Stephano euevit: relinquatur, illos omnes cum Judaeis facere, qui idem de filio hominis asserere, impium et blasphemum putant: e quorum numero sunt censores nostri, quandoquidem nos ob ipsissimam hanc confessionem impietatis ac blasphemiae condemnant. Nec ullam aliam ob causam Christum ipsum altissimum Deum esse dicunt, quam quod illis blasphemum et impium vna cum Judaeis videatur, de filio hominis tam divina confiteri.*” Pergit eodem fine, quod Sociniani oblationem Christi bonae fragrantiae, ac munus sacerdotale non negent, nec justificationem in propriis operibus collocent, atque in his cum Judaeis rem communem non faciant. Et p. 77. inquit: „*Non omne, quod Turcae, vel*

Judaei

Judaei agnoscunt, protinus Turcicum est, vel Judaicum. Nam si quid veri agnoscant, verum omnibus, et maxime Christianis commune est. Non item omne, quod Turcae vel Judaei improbant, protinus christianum est. Nam si jure meritoque improbant, multo magis id improbandum est a Christianis. Nulla alia re magis discriminantur a Judaeis et Turcis Christiani, quam quod illi unum Deum agnoscant, sed unum Dominum, qui Dei gratia in omnia dominatum obtineat, ab ipso factum, proptereaque diuino honore colendum, non agnoscant: Christiani vero unum agnoscunt Deum, et unum Dominum ab ipso factum, Jesum Christum. Ex hac regula discrimen inter Judaeos, Turcas, Ethnicos et Christianos petendum est, et hinc aestimandum, utri nostrum, nosne, an Censores propius ad Turcarum et Judaeorum religionem accedant." His omnibus, non absque acumine pro auertenda criminatione excogitatis, euictum non dedit, nullum inter Socinianos et Judaeos esse consensum in iis, quibus hi a religione patrum suorum, illi a disciplina apostolica et orthodoxa discesserunt. Quod ipse *F. Socinus* consensum hunc admiserit, non in memoriam sibi reuocauit *Schlichtingius*. Ille enim facilem esse et expeditum a *Judaismo* et *Muhamedismo* ad sectam suam transitum, ad eamque per abnegationem S. S. Trinitatis allici eos posse, ac debere, expresse judicat in *Explic. Part. I. c. I. Evangelii Joannis*. De secta, quae *Franciscum Davidis* auctorem habuit, et quae in reliquis consentientes habebat Socinianos, notissimum est, quod in hoc, de Christo domino, diuino cultu non adorando, dogmate, nonnullisque aliis, propior prae reliquis ad infidelem Judaeorum cohortem accesserit, et judaizantibus adnumerata fuerit. *Simon Budnaeus*, qui proximus Judaeis stetit, ab ipso *F. Socino* in scripto aduersus eundem, judaizantium numero expresse inferitur. In aliis quoque momentis Judaeos inter hodiernos et Socinianos quaedam obseruatur harmonia. v. g. in articulo de *Baptismo*, quem utraque pars cauillationibus suis proscindit,

de resurrectione mortuorum, etc. quae vltro praeterimus. V. *Calovius* l. c. P. I. p. 41. seqq. Ex hac vtriusque agminis in quibusdam doctrinae capitibus conuenientia, ratio petenda, cur familiae Socinianae principes in multis S. Scripturae locis explicandis, vel potius obscurandis et conuellendis, ad libros *Talmudicos*, ceterasque recentiorum *Judaeorum Caballisticas* nugas prouocarint; quod multis exemplis monstrauit PET. CAROLINUS PANNONIUS, in *explicatione orthodoxae fidei de vno vero Deo, aduersus blasphemos Georgii Polandratae et Francisci Davidis errores, Viteb.* 1571. 8. Haec dogmatum conuenientia rationem exponit, quod *Judaei* maximi faciant omnes Antitrinitarios, et praesertim Socinianos, adeo vt his inter eos, qui a Christo nominatur, primum locum deferant, iisque solis spem salutis aeternae relinquant. Hinc illi saepius colloquendi cum his occasionem quaesiuerunt; v. *Smalcii* diarium p. 1210; *Ganzius*, in *Zemach David*, seu *Chronologia* sua ipsum *Seruetum* eximium sapientem appellauit. Reperiuntur *Judaeorum* amicissima de Socinianis iudicia in WULFFERI *animaduers. ad Theriac. jud. Salom. Zebhi.* C. IV. §. 3. seqq. Nostra interim sententia de hoc parallelismo eadem est, quam circa comparisonem cum *Muhamedanis* enuntiauius. Non propterea systematis erronei conditio innocentior euadit, si cum peiori, vel pessimo comparatio, alioquin non omnino illegitima, omittitur.

§. XV.

Quamuis nemo vnquam Romano Catholicos in articulo de Mysterio S. S. Trinitatis, erroris et consensus cum Antitrinitariis accusauerit, quorum potius Doctores celeberrimi scriptis Dei Trinunius aduersarios fortiter debellarunt; attamen in illorum systemate quaedam occurrere momenta Socinianis

nianis accepta atque probata, Theologi Euangelici obleruarunt. In *Anabaptistarum*, et *Mennonitarum* coetu haud paucos offendimus, qui aliquando cum Socinianis communem causam fecerunt in oppugnando hoc mysterio, quod etiam de *Arminianis* et *Remonstrantibus* sentiendum, qui in quibusdam placidis Socinianismi partes olim saltem tenuerunt; cum recentiorum plurimi hanc maculam absterfisse a se aequis rerum arbitris videantur. Qui publicas Ecclesiae Reformatae confessiones Socinianismi postularunt, ex ea ratione, quod quosdam coetus huius Doctores de Antitrinitariorum errore suspectos putauerint, exorbitantem potius haeretificandi alios animum, quam a partium studio remotum veritatis amorem testati sunt.

*

*

*

Maxime gloriantur Sociniani, quod curiae Romanae magnopere detrimento fuerint. Antistitem eius Antichristum et Ecclesiam Romanam Anti-Christianam, idolatricam ac falsam appellant, ab eiusdem corruptelis toto se pectore abhorrere videri volunt, et a Pontificis dominatu se solos prorsus liberos venditant, reliquis Christi ciuium societatibus ex parte saltem sub eius iugo (quo nomine communem de S. S. Trinitate doctrinam insignant) ingemiscuntibus. Quod ipsi Ecclesiae reformationem ab aliis inchoatam solide perfecerint, nec quidquam de fermentis disciplinae Romanae in coetu suo remansisse, tumidi praedicant. *Lutherum* Babyloniae tectum denudasse, *Zwinglium*, *Caluinum* aliosque parietes infregisse, *Socinum* vero funditus euertisse aedificium, perhibent; quos repurgatae ecclesiae gradus *Lubienecius* l. c. L. I. c. IV. p. 11. seqq. effinxit. In hac vanae gloriae affectatione ni-

hilominus nonnullis Romanae doctrinae placitis, de perfecta legum diuinarum obseruatione, de bonorum operum merito, aliisque momentis adspirant. Vterque coetus in iis communem causam facere videtur, quae ex *Pelagianismo* mutuauit. Vterque liberi arbitrii viribus in conuersionis negotio, ac omnis generis operibus, ad externam legis moralis litteram peractis, in iustificationis actu multum tribuit, iustitiamque Christi nobis imputari per fidem solam inficiatur. Vtraque pars concupiscentiam prauam habitualiter renatis inhaerentem, et primos malae concupiscentiae motus esse peccatum, negat. S. Scripturae textum autenticum corruptum, sensum eius incertum atque obscurum esse, huncque pro lubitu explicari posse, ab utroque latere, diuersa licet intentione ac ratione statuitur. Pontificii canonicam diuinorum oraculorum auctoritatem per indirectum labefactant, dum ab ecclesiae testimonio eam pendere asserunt, et scriptoribus S. lapsus memoriae, aliaque errata in rebus fidei tribuere non abnuunt. In hunc quoque modum *F. Socinus* de auctoritate S. Scripturae p. 14 et 104., siue ex lapsu memoriae, siue alia ratione Euangelistas et Apostolos errasse, in scriptis suis prodidit. Non parum roboris causae suae tribui Sociniani arbitrantur, quod ex principiis Ecclesiae Romanae verbum non scriptum, siue traditiones prorsus necessariae sint, ad propugnandum S. S. Trinitatis Mysterium, tantumque abesse, ut ex S. Scriptura probari, ut ne per consequentiam quidem infallibilem inde deduci possit; immo videri S. Scripturam in multis locis docere contrarium, nisi haec alio sensu ecclesia intelligi velit. Hanc ciuitatis, quae Praefulem Romanum caput Ecclesiae visibile veneratur, esse sententiam pluribus testimoniis praeter alios euictum dedit, *Sandius* in H. E. p. 141. seqq. item p. 152. 156. et in praefatione, libro, *scriptura, Trinitatis reuelatrix* (B. A. P. II. p. 751. N. 11.) praemissa, p. 4. seqq. *F. Socinus* in scripto, *quod euangelici se Photiniani coniungere debeant*, p. 30. scribit: „Certe ex Pontificiis praestantissimi

tissimi nonnulli Theologi non verentur fateri, in ipsis sacris litteris Trinitatis diuinæ mysterium expressum non esse." Et Val. Smalcus aduersus disp. 1. Frantzii p. 1. „Fassz sunt ipsimet Pontificii, Trinitatis dogma ex S. litteris solis probari non posse." Allegantur praeterea quaedam Pontificiorum positiones, Socinianis acceptae, v. g. quod nomen *Jehouae* non soli vero Deo proprium sit, sed rebus creatis aliquando tribuatur; quoad in cultu, qui Deo debetur, gradus credant, eumque praeter Deum angelis et sanctis praestari posse statuunt, aliaque a singulis exposita, quae toti coetui imputari nequeunt, quod aliquando Evangelici, et inter hos *Pelargus* l. c. odio ducti eidem imputare studuerunt. Pluribus consensum vtriusque coetus monstrare studuerunt, non tamen absque improbando iniuriandi animo: GUIL. JAMESON in *Roma-Racoviana* et *Racovia-Romana*, etc. *Edinburg.* 1704. 4. de quo vid. *Journal sçavans* a. 1705. p. 824; JO. GERHARDUS in *Photino-Papismo*, hoc est, *evidente demonstratione, quod Photiniani utut ab ecclesia Romana videri velint alienissimi, tamen errores quosdam papales in sinu suo adhuc foueant; in diss. theol. P. II. p. 1062. seqq.* *Parallele du Socinisme et Papisme* 1687. 12. qui liber in *Catalogo Bibl. Dan. Salthe-nii* notatur T. II. p. 1008. In quem censum quoque venit BUDDEI diss. de *Pelagianismo in Ecclesia Romana per bullam Anti-Quesnellianam a Clem. XI. P. R. promulgatam triumphante*, in *Miscell. sacr. Ien.* 727. 4. Praeter hos JO. GE. DORSCHAEUS in *Defectione malae fidei papalis, circa probationes S. S. Trinitatis, et sigillatim Deitatis Filii Dei* etc. *Argent.* 1646. 12. quosdam e societate Jesu accusauit, quod Socinianis in impugnanda S. S. Trinitate attulerint adminicula, nimirum quod loca quaedam alia ratione interpretati fuerint, vt, admissa hac explicatione, ad demonstrandum hoc mysterium parum vel nihil conferant; quam sententiam Dorscheo non sine omni jure exprobrauit Semlerus in diss. I. Hal. Magd. 1772. qua carmina quaedam Apostolica expenduntur, quibus evidentissime de-

monstratur, Seruatorem J. C. esse verum Deum et verum hominem. p. 12.

Quae proxime antecessit Socinianismi natales ANABAPTISTARUM gens, multas Europae, imprimis Germaniae et regiones turbauit, et licet adeo opinionibus disjuncta, vt turris babelicae operariis dissimilis non sit; quoad quosdam tamen gregis sui coetus, vel horum principes et magistros cum Socinianis comparari potest, immo his certo respectu vexilla praetulit. Omnes quoque Antitrinatrii in initio dicti sunt *Anabaptistae*, nondum peculiari nomine a sectae suae auctoribus insigniti; Anabaptistis enim in contemptu Paedobaptismi et quibusdam huic sectae addictis, in negato S. S. Trinitatis mysterio adspirarunt. In ipsa *Conf. Augustana* impia Diuinitatis Christi abnegatio generaliori *Anabaptismi* titulo notatur. V. *Praef. T. XII. act. H. E. Vinar.* praemissa et quae de hoc argumento antea exposuimus. Praeter vniuersalem Anabaptistarum et Socinianorum de Paedobaptismo consensum, particulares quidam illorum coetus in praecipuis erroribus conuenerunt antea, (quae enim olim ipsis peculiaria fuerunt nonnulla, recentioribus Anabaptistis jam obsoleta sunt,) cum *Socinianis*, quod in dubium vocari nequit, cum certo certius constet, quosdam inter Anabaptistas defendisse, quod Christus passus non fuerit, vt pro hominum peccatis praestaret satisfactionem, sed vt exemplum praeberet, alioquin Christi passionem ad salutem nemini prodesse, nec illum iram Dei et inferni poenas sensisse. V. WIGANDUS *de Anabaptismo grassante in multis Germaniae, Poloniae, Prussiae, Belgiae et aliis locis*, p. 4 et 61. In vtroque coetu cum *Pelagianis* plus virium, ac par est, in spiritualibus tribuitur arbitrio humano, et peccatum originale, nec non quod sola fide in Christum, sine respectu meriti ad opera nostra iusti coram Deo declaremur, negatur. Praeterea constat, quosdam familiae huius principes cum *Ario* veram Christi Deitatem vel impugnasse, vel alio modo in Antitrinitariorum castris arma conseruisse. Omnem quidem CONR. FUESLINUS in
actis

actis et docum. hist. reform. Heluet. T. III. adhibuit operam, ut euinceret, absque omni veritatis specie Anabaptistis omnibus crimen negatae Deitatis Christi impingi, cuius tamen rei contrarium patet. Ipse *Mich. Servetus*, aeternae Christi Deitatis oppugnator, ab *Henr. Bullingerò* in opere *aduersus Anabaptistas*, horum coetui, idque non immerito adiungitur, quamuis *Fueslinus* eum hoc numero excipere voluerit. *V. Musaeum Heluet. T. II. p. 277.* *Moshemii hist. noua de Serveto p. 42.* Cum isti merito appellandi sint *Anabaptistae*, qui Praedobaptismo impugnato, rebaptizandos esse defendunt in infantia baptizatos; *Servetus* omnino, et Sociniani idem adstruentes Anabaptistis accensendi sunt. In *Catech. Racov. c. IV. qu. 2.* expresse statuunt, *ad infantes non spectare Baptismum*, (quem ritum appellant,) et quidem iisdem rationibus, (quod expresse declarant,) quibus vruntur Anabaptistae, adducti. Non igitur *F. Socinus* habuit, quod demiretur, in libro *de Baptismo aquae* etc. nonnullis asseclis suis *Anabaptistarum* nomen inditum esse, quos contumeliose ita appellari censet. Qui enim ipsius disciplinam amplexi sunt, sanctissimi huius lauacri necessitatem et virtutem eneruantes, ordinarie istud jam adulti et saltim professionis doctrinae gratia susceperunt; quare plerique in Polonia et Transyluania de nouo, se hoc sacro fonte ablui passi sunt. *Arianos* a quibusdam scriptoribus Catholicis jam olim *Anabaptistas* esse vocatos, *Guil. Wallus l. c. P. II. c. IV. p. 165. et c. VIII. p. 378.* notauit, quod quidem nomen illis non inditum est, quia paruulorum baptismum oppugnauerint, quem potius ab iis seruatum esse scimus; sed quod perinde ac *Donatistae* denuo baptizare eos soleant, qui ab Ecclesia catholica ad se transfirent, quippe quam adeo odio habebant, ut baptismum in hac collatum illegitimum reputarent. Hinc quoque Anabaptistae hodierni, qui vocis significatum intelligunt, titulum hunc recusant, negantes, repetitum esse, quem conferunt, baptismum.

PAGITTUS in *haeresi. sol.* notante Sandio l. c. p. 424. prodit, Mennonitas Morauos docuisse, Christum non esse verum Deum. Idem asserit de Anabaptistis Huitis, quos auctore Jo. Huta productos esse narrat. Inter XXI. articulos *Anabaptistarum Monasteriensium*, quos Cochlaeus peculiari scripto, quod 1534. Lips. 8. pl. 3. apud Nic. Fabrum prodiit, confutauit, decimus, huius argumenti est: „Oportet fratres sectae huius abrenunciare, et non tenere, quod Deus humanam naturam de Maria assumpserit.” Quando vero idem originem et ansam huius erroris in Megalandri nostri scriptis inueniri, sibi aliisque persuadet, omnino fallitur. Id ipsum, quod primi Anabaptistarum principes circa Mysterium S. S. Trinitatis a vero aberrauerint, variis eorum testimoniis comprobatur; quod negotium expleuerunt Philipp. Melanthon, Huldreich Zwinglius, Mart. Bucerus, alique per plures. In primis Bullingerus libris VI. aduersus Anabaptistas, per Josiam Simlerum, Tigurinum, e Germanico in latinum conuersis editisque Tiguri 1560. 8. p. 62 seqq. primos huius temporis Antitrinitarios Mich. Seruetum, Melch. Hoffmannum, Jo. Denckium, Ludov. Hetzerum Anabaptistarum gregi adnumerat. JOANNES GASTIUS, *Brisacensis de Anabaptismi exordio, erroribus, historiis abominandis, confutationibus*, Basiliae 1544. 8. p. 32. duorum mentionem facit, qui Diuinitatem Christi libera voce abnegauerint, Christumque merum hominem fuisse et permansisse, praedicauerint.

Accensiti sunt Anabaptistis Sabbatharii, qui teste STAPHILO, de latinorum inter se concordia, sabbatum Iudaeorum more obseruarunt, diem dominicum negligentes, solumque Patrem inuocarunt, Filio et Sp. S. eundem honorem denegarunt; de quibus V. Lutherus aduersus Sabbathenios, et Sandius l. c. p. 479. Quod haud pauci Antitrinitarii, judaizantes et non inuocantes adpellati, cum his consenserint, ipsa nostra historia alio loco probabit.

Inter

Inter Mennonitas notissima secta est, quae auctorem habet GALENUM ABRAHAMZ, professione Medicum et ministrum mennonicum, quam reliqui a *Mennone* appellati coetus suspectam habent negatae Diuinitatis Christi, et satisfactionis per ipsum praestitae, resurrectionis item et poenae aeternae damnatorum etc. de quo Schismate V. Benthenius stat. eccl. et Schol. Holl. p. 831. et HERM. SCHYN *Historiae Mennonitarum plenior deductio, Amstel. 1729.* quod opus haud pauca antea incognita praecipue de libris et scriptoribus Mennonitarum exponit. Exoptatum Socinianis afferunt praesidium Mennonitae, qui ab omnibus terminis in S. Scriptura quoad litteram non obuiis v. g. Essentiae, Personae, Trinitatis etc. abstinendum non tantum esse statuunt, sed quoque eosdem illudunt, sibi praerogatiuae ducunt, quod verbo diuino religiose adhaereant. V. LOESCHERUS, de secta Mennonitarum, Sect. II. Membr. I. §. I. Conueniunt Mennonis discipuli in placitis suis de iureiurando, de iure magistratus circa bella et poenas capitales, nisi cum omnibus Sociniana ciuitatis sociis, saltem plurimis; consentiunt, quod ad hominis regenerationem sola verbi foris praedicati gratia, nulla autem interiori efficacique operatione Spiritus S. regenerantis opus sit. V. OTTIUS *Annal. Anabapt.* p. 249. et CLOPPENBURGIUS, *gangraena theol. anab.* p. 258. HOORN-BEECKIUS, l. c. p. 92. cui Anabaptistae videntur indocti Sociniani, hique docti Anabaptistae. Ex vtriusque coetus in quibusdam momentis consensu intelligitur ratio, cur quidam ex Socini agmine Mennonitarum coetui semet adjunxerint, et ab his tanquam fratres agniti fuerint, immo Sociniani maximam semper spem conceperint de plenaria cum Mennonitis vnione ineunda, ad quam perficiendam quaecunque contulerunt consilia, quae ex *act. Mspt.* alio loco in lucem protracturi sumus. De studio hoc Irenico nonnulla exponuntur in *Mart. Ruari Epp. edit. Zeltneri Cent. I. Ep. 70. 71. 72. p. 304* seqq. a Lubieniecio l. c. p. 277. Zeltnero l. c. p. 167. 275. 1193. 1200. eiusdem ad-

not. ad Ruari. Epp. p. 250. Arn. Poelenburgii ep. ad Gerardum Brantium in epp. Remonst. N. 611. p. 894. Nostro tempore dominans Mennonitarum societas Arminianismi principiis imbuta, haec acerrime defendit, suosque ciues studio theologico dicatos ad Remonstrantium scholas ablegat, vt in iisdem ad ministerium praeparentur, quamuis hoc institutum non ab omnibus probetur. V. RUESII Hist. Mennonit. p. 93. seq.

Arminiani, siue Remonstrantes non omnino sunt eximendi ex eorum coetuum christianorum numero, qui nonnullis placitis quandam cum Socinianis conuenientiam sustinent. Maxime id locum habuit eo tempore, cum separatos a Reformatis coetus instruere coeperint. Non eadem enim omni tempore illorum fuit doctrina, quam in confessionibus suis (de quibus Maschius l. c. P. VI. N. 126 — 128.) aliisque scriptis occultant, nec quid sibi verum videatur, semper declarant; et plerumque, quae ab aliis coetibus pro certis affirmantur, scepticorum more in dubium vocant. Ante Synodum Dordracenam, in certaminibus cum Gomaristis et Contra-Remonstrantibus a reliquis Reformatis Arminiano-Remonstrantes, non nisi in doctrina de praedestinatione et gratia diuina, siue in quinque articulis de voluntate Dei omnes homines saluandi, de electione ex praeuisa fide, reprobatione ex praeuisa incredulitate, de perseuerantia sanctorum, deque meriti Christi, et vocationis diuinae vniuersalitate, se dissentire profitebantur, in reliquis autem de natura Dei, Trinitatis mysterio, aeterna ac essentiali J. C. diuinitate, perfecta Christi pro peccatis nostris praestita satisfactione, de peccatoris coram Deo justificatione, de fide saluifica, peccato originali, certitudine salutis, perfectione hominis in hac vita, ita se sentire ac credere declarabant, vt priscis Ecclesiae symbolis et confessione Reformatorum coetus definitum est.

Successu vero temporis post synodum et nonnullorum remotionem ab officiis, Arminii vestigiis relictis, haud

haud pauca *Socinianorum* dogmata vel aperte defenderunt, vel tanquam veri similia, nec in sacris litteris disertis verbis damnata, toleranda esse iudicarunt, quod ex ipsorum scriptis omnium nomine euulgatis, imprimis *confessione* 1621. publicata, et ex *Apologia aduersus censuram Theologorum Lugdunensium cum declaratione* insequuta aperte constat. Itaque illis imputabatur, quod 1) Dei simplicitatem, omnipraesentiam, omniscientiam, adeoque futurorum contingentium cognitionem, itemque mysterii S. S. Trinitatis e S. litteris demonstrationem negent; 2) Quod doctrinam de S. Trinitate ad salutem creditu esse necessariam, ullamque credentibus eam vtilitatem afferre, inficientur; 3) Subordinationem inter personas diuinas statuunt, Patremque Filio et Spiritu S. excellere ordine, dignitate et potestate doceant; 4) Quod apertam inuoluere contradictionem credant, vnum esse Deum, et tres Personas, si de vnitae essentiae numerica accipiatur, ac merum esse humanum cerebri figmentum, singulas personas non habere propriam essentiam; 5) Quod negent, electionem ex praeuifa fide, et reprobationem ob mala opera, ab aeterno factam vtramque potius in tempore statuunt fieri; 6) Quod peccatum originale esse veri nominis peccatum, ac quemquam propter id damnari posse, inficientur, quod *Weissmannus* l. c. T. II. p. 1152. pro fundamento palmario consensus Arminianismi et Socinianismi declarat; 7) Christum pro peccatis satisfecisse, asserere non audent, immo id ipsum oppugnant, Deumque salua iustitia absque satisfactione peccata condonare; 8) Legem nouam Euangelicam a Christo esse sancitam, admittant; 9) Fidem saluificam in Christum sub V. T. viguisse, et praeceptam fuisse, negent; 10) Hominem non iustificari imputatione iustitiae Christi in remissionem peccatorum, sed fide, ceu actu et opere hominis, obedientiam operum Euangelicorum includente; 11) Homines etiam sine cognitione Christi saluari posse; 12) Regenitos omnia praecepta diuina perfecte implere; 13) Paedobaptismum Christi et Apostolorum

rum praecepto non esse institutum, et S. Coenam commemorationi mortis Christi tantum inferuire; 14) Paucissima esse dogmata ad salutem necessaria, haecque absolui tribus capitibus, nimirum fide diuinorum promissorum, obedientia diuinorum praeceptorum, et debita erga S. Scripturam reuerentia; omnes proinde Christi ciuium coetus in his consentientes in vnum Ecclesiae corpus coire posse. Ab omnibus pari modo singula haec asserta statui, nemo vnquam ita demonstraui, vt nulli dubio locus adhuc esse possit, immo quidam ciuitatis huius principes ab hac imputatione se liberarunt; nec tamen ex aduerso dogmata Socinianismum fulcrum admouentia, vel eidem conformia, per iniuriam toti ciuitati tribuuntur. Negari ab vniuerso coetu palam et dissertis verbis S. S. Trinitatis mysterium, dici nequit; interim quoque negantibus illud non aduersatur, nec errorem fundamentalem iudicat.

De Doctoribus inter Arminianos celeberrimis laudique dignissimis, *Weissmannus* l. c. T. II. p. 1146. succincte tractauit, fusiores in hac materia sunt auctores ibidem allegati. Historiam *Arminii* et *Arminianismi* in compendio tradidit *Walchius*, in *illustr. Encyclop. tit. Arminius*. CONR. VORSTIUS, *Gymnasii Steinfurtenensis* Professor, deinde loco defuncti *Arminii*, infellicissimo fato, ad professionem Lugdunensem vocatus, libro suo de *Deo*, quem *Jacobus M. Britanniae* Rex publice comburi iussit, Socinianismum satis clare prodidit, ita vt Jo. UYTENBOGARDUS, qui vocationem eius ad Professionem academicam ante promouerat, paulo post ad eum scripserit: *Academia, Ecclesia, Curatores, Ordines denique ipsi, Christianum expectant professorem, non Ostorodianum*. V. Epp. *Remonstrant.* p. 275. Socinianos magistros in Theologia adscivit; hinc Jo. *Crellius* aliique illum doctoris sui honore exornant, immo ad fuscipiendum munus scholasticum aliquando ad se in Poloniam inuitarunt. Remoto ab officio Academico successit *Simon Episcopus*, vir maximis naturae ornamentis instructus, rationi tamen et perspicaciae suae,

suae, ut videtur, nimium indulgens, Socinianis in Belgio
 se hoc tempore insinuantibus, quamvis ipse Socinianismi
 palam argui nequeat, non parum profuit. Idem dicen-
 dum de *Steph. Curcellaeo*, cuius animum et dotes naturae,
 nimius in Socinianismum amor corruptit, cui in primis
 obstetrices manus N. T. graeci editione admouit. In per-
 multis doctrinae capitibus, e. g. de Deo et Christo frigi-
 dos Socinianorum conceptus tuetur, et tales quidem, ut
 iudice *Weissmanno* dubium sit, an SCHLICHTINGIUS aliquis,
 aut RUARIUS multo peiorem CURCELLAEUS ipso Theologiam ha-
 buerit? V. JO. GOTTL. MOELLERUS de *Steph. Curcellaei*
editione N. T. Socinizante. Rostoch. 1696. Id negari ne-
 quit, *Arminium* in loco de S. S. Trinitate erroris ab ini-
 micis tantum accusari, nec talia aduersus eum in lucem
 prolata esse argumenta, quae eum merito arguere possint.
 Plurima enim *F. Socini* placita vel in dubium vocauit, vel
 non accurate ex mente auctoris intellexit, vel non am-
 plexus, saltem non ita professus est, ac eius successores,
 ita ut a Socinianismi criminatione absolui debeat. Fra-
 tres interim Polonos magni semper fecit, ita ut hi eum,
 licet ipso recusante, instar Patroni ac fratris coluerint,
 quod *Pareus* vrget in *ep. ad Theologos reform. a. 1611*
 scripta, quae in *H. E. Baudartii*, L. V. legitur. Ipsi-
 us vero discipulos ac successores a veritatis tramite longius
 recessisse et puriori doctrinae calculum suum omni ex
 parte non adiecisse, cuius ipforum scripta legenti patet.
 Non refragante veritate in specie accusantur, quod sub-
 ordinationem inter Deitatis personas et inaequalitatem in
 diuinis, Filiumque Patre, Spiritum utroque inferiorem
 crediderint. V. *Limborchii Theol. Christ. L. II. c. XVII. §. 25.*
 et *Episcopii Inst. relig. Christ. Sect. II. c. 32.* *Curcellaei*
Instir. rel. Christ. L. II. e. 19. §. 9. seqq. *Clericus* in *Epp.*
Theol. tres Deitatis personas, tanquam tres cogitandi
 modos sibi effinxit, quam ob causam, qui eandem defen-
 dunt sententiam, *Modalistae* appellantur; cumque cogi-
 tandi modus persona esse nequeat, hi ipsi *Sabellianismum*

in orbem reuocare contenderunt. Eosdem non orthodoxe de Filii Dei diuina natura statuisse, inprimis *Adolph Venatorem*, alio loco euicturi sumus.

In articulo de imagine diuina vterque coetus communem sententiam tenet, illam non in similitudine cum Deo, quoad sapientiam, iustitiam et sanctitatem, sed potissimum quoad dominium in animalia, reliquaque visibilia esse quaerendam. V. *Episcopus* l. c. L. IV. Sect. III. c. 8. Ita Arminiana fidei confessio est adtemperata, vt eam quoque *Socini* placita amplectens, salua coetus sui disciplina, profiteri ac suam facere possit. Adeo paucos fidei articulos fundamentales constituit, vt Socinianis facilis ad comunionem et fraternitatem sit aditus. Omnes a Christo appellatos, quantacunque etiam dogmatum diuersitate disjuncti sint, et in rebus maximi momenti dissentiant, vnā re vera esse familiam, Deique domum iudicant. Christi ciues esse, qui diuinos N. T. libros, pro religionis norma suscipiunt, quomodocunque etiam eosdem interpretari, et intelligere velint; dummodo a plurium Deorum cultu abstineant, Christum Messiam venerentur, vitam honestam agant, et dissentientes in rebus sacris non diuexent. *Curcellaeus* l. c. L. I. c. X. inquit: „*Neceſſe est credere de Deo, quod existat, item, esse ipsum vnum Deum etc. non est tamen necessarium, credere Deum ita simplicem, vt in eum ne mentalis quidem compositio cadat, etc. neque necesse est, credere in Deo tres opoꝛtious, seu consubstantiales personas.*” Idem in praefat. operibus *Sim. Episcopi* praemissa: „*Nullumne ergo, inq̃ues, inueniri potest balsamum, quo vulnera Christianismi leniantur, et labia eorum hiantia conglutinentur, atque ad cicatricem perducantur? Immo, inquam ego. Balsamum illud salutare est mutua tolerantia. Summa huc redit. Cum Christiani in praecipuis et fundamentalibus religionis Christianae dogmatibus consentiant, eum, qui superest in aliis minoris momenti dissensum impedire non debere, quo minus in vnum ecclesiae corpus redeant, et se vt fratres mutua in Christo*
chari-

charitate prosequantur, si modo, qui ista magni aestimant, ceteros diuersum sentientes ad ea suscipienda non cogant.

— — — — Omnes autem in fundamento conuenire, inde liquet, quod nulla sit inter Christianos secta, quae articulos fidei symbolo Apostolico contentos non amplectatur, et vitam ad Christi praecepta de moribus componendam esse, non statuatur, quibus duobus capitibus uniuersa religio christiana comprehenditur. Vnde liquere puto, nihil ad salutem aeternam obtinendam scitu et creditu esse necessarium, nisi absque eo fides promissis et comminationibus haberi aut obedientia mandatis praestari non possit." Cum eodem consentit Limborchius l. c. L. VII. C. 21 — 23. V. CHR. M. PFAFFIUS de fidei Christ. artic. fundament. p. 11. Non male hinc iudicauit Weissmannus, qui saepius dixisse fertur: Der Remonstrantismus sey das Mädelöhr, mit welchem man viele andere Dinge, den Socinismus selbst einfädelt könne, wenn man nicht gerade zu dort hinaus will. Facilis hinc semper fuit aditus Socinianis ad Arminianorum communionem; quam ob rem Sandius l. c. p. 151. ita eos maxime laudauit: „Laudabiliter agunt Remonstrantes, qui Socinianos in ecclesiam et communionem recipiunt, non solum, quia pro virili annituntur esse integri vitae scelerisque puri; sed et quia S. scripturam integram in textu originali, hebraeo et graeco recipiunt; Symbolum quoque Apostolicum sine ulla additione credunt, nec ei quidquam addere necesse habent." Ex Arminianis recentioribus quosdam propiores accessisse ad Socinianorum castra, Moshemius monstrauit, in Jo. Halesii hist. concilii Dordraceni, aduersus quem Remonstrantium apologiam suscepit Corn. Westerhaan in belgica libri huius versione.

Inter primos Parallelismum Arminianismi et Socinianismi instituit Festus Hommius, in libro, cui titulus: Specimen controuersiarum Belgicarum, s. Confessio ecclesiarum reformatarum in Belgio etc. Lugd. Batav. 1618. 4. Mala vero eum fide in citandis Arminianorum scriptis egisse, Episcopus docuit dispp. Theol. Dordrecht 1614. 4.

HOM.

HOMMIUM excepit NIC. BODECKERUS, Ecclesiastes Alcmarianus, in *Sociniano-Remonstrantismo*, a. 1624. cui, teste Crenio in *animadv. Philolog.* P. XV. p. 95. eodem anno Simon Episcopus meliore stilo, quam argumentorum pondere opposuit, *Bodeckerum* ineptientem. Hunc sequutus est Jo. Peltius, *Ecclesiae Schiedamensis minister*, in *Harmonia Remonstrantium et Socinianorum*. Lugd. 1633. 4. Tractavit quoque hoc argumentum CHRISTOPH. FRANKIUS in *exercitat. Anti-Limborchianis*, qui pluribus notavit, quantum Arminiani a Socinianis mutuarint, et quousque vel ad eos accedant, vel ab iis discrepent. NIC. VEDELIO, Professori scholae Dauentriensis, *de Arcanis Arminianismi*, Lugd. 1631. 4. opposuit EPISCOPIUS *Vedellium Rhapsodum*, seu *vindicias doctrinae Remonstrantium a criminationibus et calumniis Vedelii*, Hardevorici 1633. V. BAYLE diction. sub voce *Vedelius*. In his controuersis satis fuisse, ast parum modeste versatus est *Vedelius*, quod de aliis quoque Remonstrantium aduersariis iudicandum. Euincere nimirum conatus est, omnes Arminianos ministros Socinianorum disciplinae ex animo esse addictos, quamuis orthodoxam de S. S. Trinitate doctrinam in confessionum formulis simulent; hosque simulatores Antitrinitarios magis ciuitati Christianae nocere, quam haeresin istam aperte profitentes, non secus ac hostis occultus aperto perniciosior est.

Quo coetum Arminianum a Socinianismi criminatione liberaret HADR. a CATTENBURG *specimen controuersiarum inter Remonstrantes et Socinum eiusque affectas*, Bibliothecae scriptorum Remonstrantium, Amstel. a. 1728. 8. subiunxit, in quo familiam suam, a suspicione hac, instituta scriptorum vtriusque coetus collatione, vindicare omnem adhibuit operam; quam ob rem ipsa Remonstrantium ac Socinianorum verba de singulis doctrinae capitibus protulit, vt maximum vtriusque societatis sensum monstraret. Septem id capitibus perficere allaborauit, primum 1) De demonstratione existentiae Dei; 2) De

De omnipraesentia Dei; 3) De Dei praescientia; 4) De tribus personis diuinis; 5) De satisfactione; 6) De cultu et inuocatione J. C.; 7) De Baptismo. Contrarium autem euincere jam antea studuerunt DORSCHUS in *interuentione pro mysterio S. S. Trinitatis*. Argent. 1645. 12. LEONH. RYSSENIUS in *Synopsi impurae Theol. Remonstr. ipsorum verbis, tum expressa, tum saepe refutata*. Ultraï. 1661. 8. alique complures.

Recentissimo tempore maximam Remonstrantium doctorum partem a Socinianismi imputatione, quam sibi contraxerunt superiore aetate coetus huius antistites, semet liberaſſe certum est. Ex Clerici saltem et *Wetstenii* exemplo, qui ab Arianis et Socinianis opinionibus parum alieni fuerunt, colligitur, Arminianos Belgicos nolle sanctiorem disciplinam in publicis scholis suis ab iis tradi, qui tam grauiorum errorum suspecti sunt.

§. XVI.

Quae hoc saeculo *Herrnhuthanorum* societas famam et amatorum numerum consequuta est, magnas in ecclesia excitauit turbas. Morauorum quidem vel Bohemorum fratrum nomen ac disciplinam adfectat, in quibusdam tamen momentis, maxime in modo docendi S. S. Trinitatis mysterium Socinianis suffragium suum ferre uisâ est. Hoc respectu coetus huius disciplinam cum Socinianismo quidam compararunt, in quo tamen negotio *Herrnhuthani* priores a recentioribus distinguendi sunt.

*

*

*

Auctor religiosae societatis, quae sub nomine fratrum Morauorum *Herrnhuti* in Lusatia superiore primum formata, deinde per emissarios et legatos passim, impari

K

licet

licet successu, per multas Europae plagas, immo in India orientali et occidentali propagata, cuius similem christiana ciuitas non vidit, Comes NIC. LUDOV. de ZINZENDORF et POTTENDORF fuit. Erat is versatilis ingenii, affectator Apostolatus, Indifferentissimi suspectus, vagus, instabilis, animo et corpore feruidus, stili Theologici noui inuentor, rerumque suarum propugnator. Vid. C. G. F. Walchius in H. E. recentiss. p. 240. seqq. et Carpzovius in disquis. relig. Bohem. et Morav. F. F. germanice scripta. In paedagogio Halensi litteris operam dedit, postea se in Academiam Wittebergensem contulit, fecitque itinera in Belgium et Galliam. Redux in patriam munere politico ornatus est, quae tamen se abdicauit, et molesta pro colligendo coetu suscepit itinera. Ipse cum suas, tum societatis suae res gestas in commentarios, ac ephemerides sub indice, *der Büdingschen Sammlungen*, quocunque partium studio compilatos redigi curauit, cum quibus contrariae aliorum narrationes, ut et altera pars audiatur, conferendae sunt, in primis *Fresenii: Nachricht von Herrenhuthischen Sachen*. Ortum traxit haec familia a quibusdam exulibus *Morauis*, a pontificiis propter exercitium purioris sacri cultus in patria vehementer afflictis, deinde vel patria pulsus, vel sponte in *Lusatiam* discedentibus, quos in terras suas prope *Berthelsdorfum*, quibus a custodia Dei, Germanice *Huth des Herrn* nomen deinde impositum est, C. de Z. suscepit, quibus post formatum exulum institutum et disciplinae rationem, plures se associarunt diversae conditionis, religionis, ac patriae, qui antiquum nomen F. F. Morauorum retinuerunt, quia in communes regulas et principia ab his suscepta consenserunt; quamvis maximum inter hanc societatem et antiquiores fratres Bohemos intercedat discrimen.

Hi primi exules erant homines simplices, obtemperantes, illiterati, et nouae manuactionis obsequiosissimi, quibus C. de Z. suam peculiarem religionis formam, et sententias vel proprio ingenio excogitatas, vel ab aliis
recep

receptas, quas in scriptis quoque tradidit, facile persuadere potuit, cum has ad veterum F. F. Bohemorum et Morauorum disciplinam et instituta esse accommodatas, fucum rudibus faceret. Semet ipsum ita his exhibuit, vt clementiorem, sinceriorem, promptiorem, humilioremque ne optarint quidem Nutricium et Protectorem, qui in iuuanda hac familia indefessus, in parandis ac exstruendis pro peregrinis aedificiis priuatis ac publicis, nec non in ordinandis rebus scholasticis et ecclesiasticis studiosissimus fuit. Constituti sunt ab ipso *Seniores, Conseniores, Diaconi, Eleemosynarii, Inspectores* etc. Totam societatem, nec non vtrumque sexum in certas classes distribuit, aliasque ordinationes formauit. V. *Verfassung der Herrnhutischen Mährischen Brüdergemeine, wie solche 1733. dem Pastori übergeben worden.* His aliae leges successu temporis in supplementum additae sunt, in initio prouide occultatae, jam ab aliis in pudorem huius sodalitatis publicatae. V. *Unparthenische Nachricht von der Gemeine zu Herrnhut in der Ober-Lausitz.*

Omni modo annisus est Z. vt coetus collectus, et quotidie auctus, consentire videretur quoad doctrinae compagem cum Euangelico-Lutherana, quo sub hac specie maiora caperet incrementa. Annuente Sereniss. Borussorum Rege FRIDERICO GUILIELMO, nouae societatis stator per D. E. *Jablonsckium* Episcopus ecclesiarum F. F. Morauorum, et Bohemicorum a. 1727. *Berolini* ordinatus, a. 1739. et 41. bis in *Americam* migravit, 1743. *Rigae* in custodiam traditus, postea in *Angliam* concessit, et post varias peregrinationes ad coetus sui amplificationem firmioremque statum promouendum susceptas, a. 1760. d. 9. Maji *Herrnhuti* vita defunctus est.

Quantum ad doctrinam huius coetus attinet, quam Socinianae adfinem esse quidam iudicarunt, difficile est, toto illam ambitu adcurate explicare, cum minus determinate loquuti fuerint eius doctores, nec certam quandam stabilemque loquendi formam perpetuo seruauerint; im-

mo reuocauerint antea ab ipsis dicta, vel alium sensum cum dictis et scriptis suis necesse velint, quam communis verborum conceptus et usus postulant. Nullam quoque proprie habuerunt confessionem, omnium consensu probatam, ex qua doctrinae summa praecise efferri ac proponi possit; nec talem edere voluit Z., ne cuidam, cuiuscumque religionis fuerit, ad sacra sua et communionem cum societate praecluderetur via. Scirent interim varia sectae in primis auctoris eiusdem scripta tot erroribus nullo inter se vinculo copulatis, quod ipsis cum ceteris fanaticis commune est, ut inter illos et Socinianos certo respectu Parallelismus institui queat, quamuis alias diuersa ab utraque parte placita defendantur. Catechismus quidem Herrnhuthanus prima vice editus *Buding.* 1740. prodiit sub titulo: *Probe eines Lehr=Büchchens für die sogenannte Brüder=Gemeine*; sed immutatus in lucem assurrexit a. 1742. hac inscriptione: *Die andere Probe, sowohl die Grundlehren der evangelischen Gemeinen, die man seit dreihundert Jahren die Brüder nennet; als ihren übrigen Verstand von der H. Schrift in Fragen und Antworten zu fassen.* Vtriusque libri positiones notarunt *Kromayerus*, *Bennerus*, *Carpzovius*, *Schultzius*, aliique: maxime vero sectae doctrina perspicitur ex *Aug. Anton. Rhodii Schlüssel zu Herrnhuth, oder entdecktes Lehr=Gebäude der Herrnhüter, Berol.* 1755. Socinianismi et coetum ipsum et eius architectum accusauit *Jo. Pet. Sigm. Wincklerus* in peculiari opusculo, *Stolbergae* 1745. sub tit. *Socinantisches Wesen des Herrn Grafen Nic. Ludw. v. Zinzendorff.*

Quemadmodum *Sociniani* rationem humanam, explicationis S. Scripturae normam ac iudicem constituunt, et mysteria diuina ita proponenda iudicant, ut ingenii modulo comprehendere queant; sic *Herrnhuthani*, posthabitis hermeneuticis S. adminiculis necessariisque explicandi textus regulis ac mediis, *unctionem*, de qua omnes magna praesumptione inflati gloriantur, vnicum cognoscendi sensus S. Scripturae principium venditant, sub qua specie,

specie peculiares disciplinae suae opiniones ex ipsa S. Scriptura deriuant. Sociniani omnem libris V. T. diuinis obligandi vim denegant, et N. T. scripta tantum pro lege Christianos obligante agnoscunt, illisque nullam praeterea utilitatem concedunt, nisi quod veritatem foederis diuini cum hominibus antiquitus instituti, historice eloquantur. Pari modo *Herrnhuthani* cum Socinianis consentiunt, totam V. F. legem, et in specie moralem sublatam, nouamque plane in N. F. esse latam propugnant. In hoc solo differunt, quod *Sociniani* Christum, *Herrnhuthani* Patrem Domini nostri J. C. nouum hunc legislatorem praedicent. V. *Siegfriedii* Beleuchtung des Baumgartischen Bedenkens. p. 109. et *Baumgartenii* Bedenken. P. IV. p. 626. Circa S. Trinitatis mysterium non quidem eodem modo a veritatis diuinae regula aberrarunt, quo *Sociniani*; interim tamen ab omni heterodoxia liberari nequeunt. Non expresse *Zinzendorffius* Mysterium S. S. Trinitatis negauit; ita autem mentem exposuit, ut a negatione haud longe abesse videatur, quemadmodum quoque in teutonica librorum N. T. versione ad Jo. X. 30. suum cum Arianis et Socinianis consensum haud obscura restatus est. In genere proterua leuitate de eodem iudicauit, orthodoxam illud ad S. Scripturae dictamen explicandi rationem, non humanum tantum, verum quoque diabolicum inuentum adpellauit, idque Ethnicis, haereticis, vel stolidis ingeniis originem debere, calumniatus est. Accedit, quod coetui suo adscriptis in contemptum ipsius doctrinae persuaferit, notitiam eiusdem ad salutarem Dei cognitionem et necessarios fidei articulos non pertinere, eamque ante Christi in terram aduentum Patribus fuisse incognitam, veterisque Oeconomiae fideles Patrem Domini nostri J. C. omnino ignorasse. Quae in veteris Instrumenti libris de *Jehoua* enuntiantur, non de tribus in diuina essentia personis, sed de solo Christo generis humani Reparatore esse intelligenda, nec nisi vnam in Deitate personam, credentibus in V. T. fuisse reuelatam.

Omnia oracula, vnum Deum declarantia, Christi personam innuere, non autem essentiae diuinae vnitatem notare. Cognitionem Dei Patris non esse necessariam, cum coetus Christiani ciuibus, in persona Christi solum ita sit acquiescendum, ac si eius Pater non existat; Spiritum vero S. ex Christi sanguine esse progenitum, etc. V. *Fresenius* l. c. P. II. p. 403. Anonymi *Nöthige Prüfung der Zinzendorfschen Lehrart von der Dreheinigkeit*, darin gezeigt wird, 1) daß des Herrn Grafens Lehrart wider die H. Schrift A. und N. Z. sey; 2) daß sie ganz neu sey; 3) daß dieser Vortrag von großen mißlichen Folgen sey. C. G. *Hoffmann* gegründete Anzeige derer Herrnhuthischen Grundirrtümer in der Lehre von der H. Dreheinigkeit und von Christo. *Mehrlingii* Beweis, daß der Graf von Z. in allen Hauptarticeln der Christlichen Glaubenslehre höchst irrig sey. *Jo. Leon. Froereisenii* breuis commentatio germ. scripta, qua *Zinzend. Muhamedi* simillimum esse significauit. Horum quidem omnium criminationem a coetu Herrnhuthana declinare studuit auctor scripti 1754. editi: *Nacherinnerung zu der in der H. Schrift festgegründeten Lehre der Brüder-Gemeinen von der H. Dreheinigkeit*; sed omnem ab eodem amoliri susceptionem non potuit, quam *Spangenbergius* in scripto *Darlegung richtiger Antworten* certa ratione potius auxit. Herrnhuthanus igitur coetus peculiaris Antitrinitariorum familia quibusdam adparuit, quae a Socinianis specie et respectiue differt, Filium Dei solum summum Deum praedicans. Quidquid Sociniani Patri tribuunt, illi de Filio profitentur, quem vnicum Deum, omnium fidelium Patrem nominant, cui pro modo loquendi Herrnhuthanis recepto Pater et Mater (Sp. S.) ministrant, et in omnibus eius operibus praesto sunt. Consensit Z. cum Socinianis, Christum tempore visibilis in terra commorationis nudum tantum fuisse hominem, de quo multa in Maiestatem eius diuinam blasphemia enuntiavit. Proprium quoque ipsis est, vt de Christo homine vnice testentur, diuinaeque ipsius naturae nullam fere faciant

ciant mentionem. V. *Hollatzii Praef. ad Tractatum: Erläuterung der Messianischen Religion.* Ex mente *Zinzendorffii* Christo non ut summo Deo, sed tanquam Seniori generali fidelium, hisque simillimo, cultus religiosus exhibendus est; quo posito impii in loco de Christi persona et officio sequuntur errores Socinianismo simillimi, quamvis istis consequentiis non palam suffragium suum rulerit, ne societati suae implacabile contraheret odium. Mentis suae cogitata adeo indeterminate profert, ut omnes in uniuersum haeretici doctrinam ipsius amplecti possint, seruatis suis circa fidei articulos conceptibus. Veritates doctrinae euangelicae distinctiuas studio praeterreunt omnes ex fraternitate, nec errores cum illa pugnantes data occasione detestantur; quo ipso Socinianos imitantur. Ad quem modum hi in confessionum suarum formulis, scripturae verbis quidem concinnatis, sed ad disciplinae suae amussim intellectis, erroneam mentem occultant, ac orthodoxiae praetextum affectant; ita *Herrnhuthianorum* Antistes suis fidei explicationibus, quibus nil certi determinauit, quasque pro lubitu retractauit, mutauit et limitauit, animi sui cogitata conuestiuit et occultauit, quod ex formulis *Tubingae, Dresdae, Berolini*, aliisque locis exhibitis facile demonstrari posset, si plenam sectae huius descriptionem tractatio admitteret. Socinianos suum cum Symbolo Apostolico consensum praeferentes, ac inde causae suae speciem conciliantes, imitantur *Herrnhuthiani*, suam cum libris symbolicis Ecclesiae euangelico-Lutheranae harmoniam obuertentes, quam tamen adiecta limitatione et explicatione ita declarant, ut placitorum suorum professio cum Corani et Talmudis argumento reconciliari possit. V. *Baumgartenii Bedenken* P. IV. p. 557.

Exposita euincunt, Societati huic non inferri iniuriam, quod ab orthodoxae doctrinae defensoribus consensus in quibusdam momentis cum Socinianis accusentur. Ipsi adeo publice promittunt suam *Socinianos, Arianos*,

Anabaptistas, Mennonitas, aliosque in suam communio-
nem suscipiendos declararunt. V. *Siegfriedii Beleuchtung*
etc. p. 27. Hoc ipsum quavis occasione praestiterunt,
ad quod praestandum animum promptum testati sunt.
Multi enim ex *Collegiantibus* et *Anabaptistis* ad illorum
fraternitatem accesserunt, ita ut hoc accessu coetus, cui
antea jam addicti fuerunt, socii manserint. Publice no-
tum fecit, quod Herrnhuthani omnes in religione dissen-
tientes, et confessione toto coelo disunctos in complexus
suos recipiant, *Ordinarius fratrum* in libro: 34 *Homilien*
über die Wunden=Litaneen zu Herren=Haag gehalten, p.
325. his verbis: *Si quis Socinianus vulneribus creatoris sui*
fidem habet, frater jam est nostrae fraternitatis. Hoc
judicio commoti *Sam. Crellium* suo coetui vindicandum
esse, praeter omnem veritatis speciem putarunt. V. B.
A. P. I. p. 168.

Recentissimo tamen tempore haud pauca non tantum
in disciplina, et externis ordinationibus, sed etiam in cor-
pore doctrinae huius coetus, qui tam titulum *fraternae*
unitatis Augustanae Confessionis adsciuit, emendata esse,
ipsi sodalitatis huius Antistites declarant, qui singularia
placita *Ordinarii* olim sui fanaticismi et Skoliodoxiae ple-
na amplius tueri recusant, usu cantionum obscoenarum
et ludicarum, quibus pridem pessimam sibi contraxerunt
notam, abstinere, seque Augustanae Confessionis adstri-
ctos profitentur. V. *Walchii Neueste Religionsgeschichte*.
P. III. p. 41. seqq. Quam nuper in lucem emisit *Spangen-*
bergius, novissimus *Herrnhuthanorum* episcopus, *Idea do-*
ctrinae fratrum germanice concinnata, (*Kurzer Begriff der*
Christlichen Lehre in den Evangelischen Brüdergemeinen von
A. G. Spangenberg 1779.) doctrinam in S. Scr. et li-
bris ecclesiae nostrae Symbolicis expositam, in plurimis
momentis adcurate et sobrie prodidit, ut paucissima et
magna ex parte leuioris momenti in Theologia dogmatica
et morali coetus huius sint emendanda. V. *Nova litter.*
Goettingensia a. 1779, p. 1050. et *Acta hist. eccl. n. 8. Tom.*
VI.

VI. p. 431. Non absque prouida sapientissimi Numinis cura et directione accedit, quod ipso hoc tempore, quo a Neotericis haud paucis in Germania aliisque Europae prouinciis, palmaria coelestis veritatis fundamenta de canonica S. Scr. auctoritate, de S. S. Trinitate, de aeterna atque essentiali J. C. deitate, de munere ipsius expiatorio et vicaria satisfactione, de generis humani corruptione, de operationibus et actibus gratiae Sp. S. etc. oppugnantur et eliduntur, veritatum istarum semina in vltimis hujus orbis finibus, in vtraque India per Herrnhutanorum Missionarios spargantur, et a remotissimis gentibus vltro excipiantur. Auertat diuina clementia augurii Zinzendorffiani complementum: *Ecclesiam Euangelicam, (extincta et obsoleta in eadem doctrina alimenti spiritualis et solatii plena, de J. C. generis humani Vindice vicario) in caput mortuum conuersam, apud Herrnhutanos vitae coelestis panem quaesituram,*

§. XVII.

Absoluta de Socinianismo ante *Laelium* et *Faustum*, *Socinos*, et de societatibus, cum his quoad nonnulla disciplinae momenta comparandis, tractatione, luce meridiana clarius est, vanum esse Socinianorum de suo cum Euangelicis consensu gloriandi conamen; qui potius harmoniae cum haereticis et incredulis sunt arguendi. Pari modo nullo nititur fundamento Pontificiorum quorundam criminatio, qui vel Ecclesiam Reformatam, vel Euangelico - Lutheranam Socinianismi accusarunt, quorum pessimum exemplum quidam coetuum Euangelicorum scriptores aliquando imitati sunt, qui sibi inuicem, infesto odio excitati, notam Socinianismi inurere non erubuerunt.

*

*

*

Mirandae temeritatis documentum est, quod, cum manifestus inter Socinianos et Euangelicos liqueat dissensus, illi consensum cum his sibi finxerint. Venditarunt hunc, quoties vnionem cum Ecclesiis euangelicio adfectarunt, quod, vt antiquiora conamina praetereamus, a. 1612. in synodo *Lublinensi* et *Belzicensi* in Polonia, nec non ex parte in *Thoruniensi colloquio* tentarunt. Omnis consensus mutuum ad duas partes respectum habet, et sine alterius approbatione et concessione frustra cogitatur. Negant et impugnant Sociniani, quae Euangelici affirmant et confitentur; sicque vice versa. Qui igitur sibi imaginatur, consensum dari inter illos, contradictoria cogitet, vel quidquid absurdi credat necessum habet, quod in tract. Polon. cui titulus est: *Ignis cum aqua* JACOBUS ZABOROVIVS demonstravit. V. B. A. P. II. p. 379. Ipsi Sociniani Euangelicos maximorum cum salutis aeternae dispendio coniunctorum accusantes errorum, sibi ipsis, harmoniam hanc somniantibus, aduersantur. Ita autem SMALCIUS de *Christi Deitate*, libro huic finem facit: „Nos audacter affirmare non dubitamus, neminem omnium eorum, qui credunt Iesum Christum a se ipso Deum esse, et diuinam potestatem habere, umquam posse omnino certam vitae immortalis spem, vi sententiae suae de Christo, habere.” Idem iudicauit F. Socinus in tract.: „Quod homines vulgo euangelici dicti etc., quippe effusis in euangelicos calumniis, hos maximorum in veritatem reuelatam offendiculorum criminatur, sicque apertum inter vtrumque coetum dissensum ipse comprobauit. Tanto igitur ex aduerso existente hiatu vnio inter Euangelicos et Socinianos! nullo modo cogitari potest, nisi alterutra ex partibus oppositis sua recantauerit dogmata. Non autem *Theologi* tantum orthodoxi, qui antiquo zelo incitati praesumuntur, aduersati sunt coalitioni et animorum compositioni; sed aequi etiam Politici pacem cum Socinianis dissuaserunt. Quid Leibniti-

tius senserit, supra notavi. Sam. Puffendorffius, qui de conjungendis circa religionem dissentientibus consilia sua exposuit in *jure feicali diuino*, §. 14. vesaniae proximum et plane inutile judicauit studium, istos cum Euangelicis vniendi, qui per totum diuinæ scientiæ systema a se invicem discrepant, quales in relatione ad Protestantes, Socinianos expresse reputat. Pacem hinc petentibus Socinianis et vnionem, respondendum est verbis HIERONYMI ep. ad Theophilum: „*Volumus et nos pacem, pacem vero Christi, pacem veram, pacem sine inimicitiis, pacem, in qua non sit bellum inuolutum, pacem, quæ non aduersarios subjiciat, sed ut amicos jungat.*” Hac pace non obtenta eundem cum LUTHERO in ep. ad Galatas sensum teneamus: „*Maledicta sit Caritas, quæ seruatur cum jactura doctrinæ fidei, cui omnia cedere debent: Caritas, Apostolus, Angelus e coelo.*

Praeceptum hinc prodiderunt consilium, qui operam suam ad vniendos omnes coetus christianos collocando, Antitrinitarios in hanc communionem suscipiendos commendarunt. Praeter quosdam alios, in quorum numerum Dav. Nerreterus, in *relat. innoc.* a. 1726. p. 593. refertur, hoc impetu abreptus fuit Leo Guitonierus, qui apologiam pro suscipiendis in finem Ecclesiae Reformatæ Socinianis confluxit in libro gallico, cui titulus: *Protestans pacificus, siue tractatus de pace Ecclesiae: in quo secundum principia Reformatorum ostenditur, quod fides ecclesiae Catholicae non labefactet fundamenta salutis, et quod Reformati tolerare in communione sua debeant omnes, qui in orbe sunt Christianos, etiam Socinianos, et Quackeros, quorum religio explicatur aduersus Dn. JURIEU, Amst. 1684.* In quo opere, si recte judicamus, auctor non magis pacem et vnionem suasisse, quam omnem pietatem et religionem subuertere voluisse, speciem prae se tulit. De tolerantia dissentientium in religionis capitibus civili, aequis et charitatis humanae ac Christianae non expertibus dubium nullum est.

Accusatos vero animaduertimus Euangelicos eorundem, quos recentiores Antitrinitarii resuscitarunt errorum. Ita adeo *Neophotiniani* euangelico coetui consensum cum *Ario*, non sine manifesta iniuriae nota imputarunt. Jo. PREUSSIUS in *Theologia* etc. (V. B. A. P. II. p. 653. p. 58. N. 11.) hoc modo eundem calumniatur: „*Arius* soll geglaubt haben, daß *Christus* der *Sohn Gottes* zweymal worden; einmal vor der Welt, das andre mal unter dem *Kayser Augusto*, das glauben auch die *Lutheraner*, nicht die *Unitarier*. *Arius* hat in *Christo* zwei Naturen geglaubt, das glauben die *Lutheraner* auch. *Arius* glaubte, daß *Christus* vor der Welt persönlich gewesen, und also älter, als seine Mutter sey, die *Lutheraner* auch.“ Idem ingenii figmentum in auxilium vocat *Joach. Stegmannus*, qui in libro: *Probe der einfältigen* etc. p. 21. (B. A. P. II. p. 954.) Ecclesiam euangelicam criminatur, quod propior accedat ad *Arianismum*, quam coetus *Socinianus*.

Quidam Ecclesiae Romano - Catholicae scriptores omnium fere errorum, qui vnquam excogitati sunt, Euangelicos accusarunt, nec eos Antitrinitariorum Societate eximendos iudicarunt. *Jac. Moroneffa*, Monachus, italico sermone *Venetis* a. 1555. euulgauit typum *Martini Lutheri*, in quo p. 373. omnes a Pontificiis dissentientes criminatur esse Antitrinitarios, omnes vel in totum, vel ex parte blasphemare S. Trinitatem et Christum, negare Seruatorem esse Deum etc. euertere et abrogare S. Biblia etc. et peiores esse Turcis et infidelibus. *P. Coronelli* in *Atlante Veneto* T. I. p. 31. Protestantibus accensuit *Socinianos*, quasi cum illis vnā constituent classē. *Bellarminus* *Lutherum* atque *Melancthonem* *Arianismi* postulauit, quam ab his maculam plane absterfit *CHLADENIUS* de *haeresibus antiquis falso nobis imputatis*, p. 18. seqq. *ANTONII POSSEVINI* calumnias, quibus Euangelico - *Lutheranos* *Arianorum* simias esse, aliis persuadere ausus est, *Christoph. Pelargus* l. c. p. 25. seqq. refutauit. [Librum

PASSEVINI, *Atheismus Lutheri etc. Vilnae* 1586. 8. *Maschius* recensuit, in den Beyträgen etc. P. VI. N. CXX. Ridiculam praestitit operam *Ge. Wicelius*, qui in libello de *moribus veterum haereticorum* affinitatem Lutheri cum *Ario*, eiusque sectatoribus, variis argumentis, immo anilibus nugis euietam dedisse, somniat. Nec priscis saltem temporibus, verum quoque recentiori aetate Evangelici tanquam propinqui Arianis aestimati sunt. Post tristissima, quae nostro saeculo Evangelicos Thorunienſes affligerunt fata, Pontificius quidam *Ariani* personam induens sua paraenēsi Lutheranos pariter ac Reformatos prouocavit, ut cum Arianis animos et arma coniungerent. Pessimum eius propositum, quo omnibus in Polonia dissidentibus, in Arianorum ordinem relatis, internecionem constare studuit, LAUTERBACHIVS in *praef. hist. Ariano-Socinismi in Polonia* detexit, ac ficulnea auctoris tela infregit.

Non tantum Pontificii Evangelicos coetus Arianismi accusarunt, verum quoque ipsi Evangelici sibi inuicem harmoniam cum Antitrinitariis variis scriptis imputarunt, quae in opprobrium auctorum ac triste monumentum, quantas odium inuicem procreare possit criminationes vanas, ab aequis utriusque ciuitatis harum controversiarum arbitris, non sine indignatione lustrantur. Praetereo FRANC. STANCARUM, qui *Melanthonem* et *Orthodoxos* consensus cum Arianis reos arguit, de quo alio loco. In hunc censum autem veniunt, *Philippus Nicolai* apud Herdecanos ecclesiae minister, in libro, cui titulum fecit: *Fundamentorum Calvinianae sectae cum veteribus Arianis et Nestorianis communium detectio et collatio, qua demonstratur, neminem Christianorum Calvinianis adhaerere posse, quin una Arianismi et Nestorianismi suscipiat defensionem, Tübingae ap. Ge. Gruppenbach, 1586. et Hamb. 1609. 8.* *Jo. Modestini* Beweis auß H. Schrift, daß die Sacramentirer, Zwinglianer und Calvinisten nicht Christen sind, sondern getauſſte Juden und Mahometisten. 1591. 8. Ita *Alb. Graverus* in opere, cui indicem fecit: *Harmonia*
prae-

praecipuorum Caluinianorum et Photinianorum, Jenae 1613.
 4. et in *Praefat. apolog. libro*, cui titulus: *Absurda, absurdorum absurdissima, Caluinistica absurda* etc. praefixa, inque ipso hoc libro non absque detestando in coetum reformatum odio orbi persuadere studuit, *Caluinum* omnesque, qui ex eius partibus steterunt, arianizare. Vix alia specie excusandi sunt, qui ex coetu Lutherano hoc argumentum tractarunt, quam quod in eiusmodi criminationibus jure retorsionis, quo tamen abstinendum fuisset, *visi* fuerint, quippe jam antea Reformati Lutheranos accusarunt, quod per assertionem de reali diuinorum idiomatum communicatione, humanae Christi naturae facta, iis, qui coessentialem Christi Deitatem inficiantur et Neophotiniano, viam parauerint. V. *Andr. Caroli* l. c. T. I. q. 327. Nec praetereundum, *Grauerum* aliosque ex Lutheranorum partibus non vniuerso Reformatorum coetui conuenientiam et harmoniam cum Antitrinitariis imputasse, sed quibusdam doctoribus, qui prae aliis argumentum de praedestinatione non satis caute tractarunt, vel alia ratione Neophotinianorum placita probarunt, quorum axiomatibus et explicationibus saluis, Socinianos solide refutari non posse, nostrates judicarunt; quamuis ipsi confessi sint, a quam plurimis Reformatae Ecclesiae Doctoribus Socinianismum publicis scriptis solide esse confutatum. Nemo sanus alteram partem ex fidei suae receptis formulis Arianismi vel Socinianismi accusauit. Consequentiis alterius confessionis socios onerare, quarum nexus difficile animaduertitur, quasque nemo vult sibi imputari, iniquum est. Nec quis pro Sociniano habendus, qui innocuis quibusdam systematis Sociniani conceptibus, vel scripturae explicationibus, a Socinianis auctoribus subministratis suffragatur. Nemo enim nisi insipido zelo captus, judicabit, omnia esse falsa, periculosa, et Orthodoxiae aduersa, quae a Socinianis proficiscuntur. Quam ficulneis in hoc infelici studio rationibus aduersae partis criminatores *visi* fuerint, vnico
 saltim

faltim exemplo significamus. *Steph. Gerlachius*, Theologus Tubingensis, *Neuserum* inter Turcas versantem sibi dixisse narrat: „*Qui timet, ne fiat Arianus, caueat, ne fiat Calvinianus;*” quam relationem in dubium vocavit *HENR. ALTINGIUS*, in *H. E. Palat. in monum. pietat. et litterar.* etc. P. I. p. 211. ex ea potissimum ratione, quia *Wenzesl. Budowez*, qui *Neuseri* extrema fata exposuit, effati huius non meminerit. Sed, quod si dixisse id *Neuserum* indubitatum fuerit, ex hoc tamen iudicio parum solide aduersus Reformatos colligeretur. Solemne enim est Apostatis, suum, quem deseruerunt coetum, calumniari. Immo ex *Lutheranis* quidam ad *Socini* partes transierunt, quamuis plures ex Reformatis. Male proinde ex hac *Gerlachii* narratione *J. A. Smidlinus* ansam arripuit cauillationis, quasi Reformatorum disciplina magistra sit *Arianismi* et *Muhamedismi*, qua diffamatione Theologi Reformati, inprimis Palatini, variis fidem suam scriptis liberarunt.

§. XVIII.

Non inique *Socinianismi* indolem notarunt, qui eundem re ipsa *Naturalismum* suo complecti ambitu sentiunt. An proterea Socinianis venerabilis Christi ciuium titulus denegari debeat, in vtramque partem disputatum est, quo, nostro iudicio, priuandi non sunt, quos quoque in republica tolerandos, limitibus vero circumscribendos esse, putamus, ne recte sentientibus praecipue parum instructis ab illorum persuasionibus seductionis periculum contrahatur.

*

*

*

Naturalismum a primis initiis per Socinianorum placita in altum elatum esse, specialis dogmatum ipsorum
discussio

discussio docet. Nihil enim, nisi quod rationi probatur, statuunt; ex quo mysteriorum oppugnatio et negatio sequitur. Ipsi subtilissimorum ingeniorum famam aemulantes hostilitatis accusandi sunt in S. Scripturam, ad quam pro fulciendis erroribus suis explicandam, rationis ministerio abutuntur. Non quidem proprie diuinae revelationis contemptus ipsis jure imputari potest; quin potius omnem prae se ferunt speciem, quod terminis eius ac phrasibus inhaerere, litteramque sibi curae cordique esse cupiant. Nihilo tamen minus *Naturalismo* fauent, dum rationis iudicia, non ad S. Scripturae trutinam, sed hanc secundum illius dictamina exanimant ac exponunt. Ex verbis quidem, si eos metimur, rerum sacrarum cognitionem ex S. codice hauriendam esse, concedunt; ipso vero facto totum religionis negotium rationi subiiciunt, rationi frena in rebus fidei laxant, et diuina oracula ad suum systema peruertunt. Suprema ipsis lex est, nullum dari religionis dogma, cuius ambitus intelligendi hominum facultate non comprehendatur. Quae de diuina natura consiliisque Dei, et oeconomia salutis reuelatio tradit, ita sunt limanda, corrigenda, mutanda, transponenda, ut cum intelligentia humana prorsus conspirent, et ab eadem adprobentur. Excultam quidem ac ornatam hanc exponunt legem, cardo autem eius in decreto, quod proposuimus, vertitur. F. SOCINUS in articulo de *Satisfactione per Christum praestita*, ad rationis iudicium sibi confugiendum esse, in tractatu de *Seruatore* p. 22. disertis verbis profitetur. „*Se non credere velle, Christum satisfecisse, etsi id non semel, sed saepe scriptum extaret.*” Et in *Fragm. de Christ. nat.* p. 17. „*Etsi deserto scriptum extaret, Deum hominem esse factum, aut humanam carnem induisse, vel assumisse, tamen ea verba non statim, ut sonant, accipienda essent.*” Idem contestatur SMALCIUS Homil. VIII. in Cap. I. Jo. p. 89. „*Etsi satis crebro et apertissime scriptum extaret, Deum esse hominem factum, multo satius esset, modum aliquem dicendi comminisci, quo ista*
de

de Deo dici possent." Et in *disp. contra Franzium* p. 137. „Nulla est christianae religionis particula, quae cum ratione non conueniat, et quae cum ratione non conuenit opinio, ea etiam in Theologia nullum locum habere potest." Ad eundem modum OSTORODUS in *Instit.* CIV. p. 30. So denn nun die ratio, das ist Vernunft oder Verstand ausdrücklich beweiset, die Dreihheit der Personen in Gott falsch zu seyn, wie soll denn immermehr einem verständigen Menschen in Sinn kommen, daß dieselbe gleichwohl könne wahr seyn, und mit Gottes Wort bewiesen werden? Prodit itaque sunt pessima intentione, quae RICH. SIMON in *hist. crit.* V. T. L. III. C. XVI. p. 448. perhibet, quod Protestantium ac Socinianorum coetus eadem religionis principia, S. videlicet Scripturam agnoscant. Sociniani enim ad hanc prouocantes, eam ingenii sui iudicio et regimini subjiunt, quod idem est, ac verbo Dei scripto omnem auctoritatem denegare, eamque humana superare perspicacia. Idem propiores ad religionem naturalem, quam euangelicam accedunt, quod homines viribus a natura insitis salutem posse consequi aeternam, sibi persuadeant; qua ratione naturam gratia excellentiorem iudicant. Huc pertinet, quod omnem in Sacramentis virtutem diuinam, salutiferumque effectum tollant, et indifferentismo religionum viam recludant. JO. PREUSSIUS l. c. p. 100. expresse hunc adstruit coetui suo indifferentismum, inquiens: „Unitarii palam profitentur, quod omnes omnino coetus et Christianorum sectae veritatem saluificam toto ambitu in sinu suo teneant." Argumentum hoc exposuit JO. EDWARD, in opere jam allegato.

Ob Socinianismi cum Naturalismo conuenientiam, et in quibusdam cum Judaismo et Muhamedismo concentum, dubium excitatum est, an vilo jure postulare queant disciplinam hanc profitentes, vt Christianorum titulo compellentur, quamuis ipsi omnibus a Christo denominatis palmam praeripere sibi videantur. Non rationibus

destituuntur, qui illis concedendum esse a Christo nomen inficiantur. Qui negant distinctiua religionis christianae dogmata, ad verbi diuini praescriptum creditu necessaria, Christumque fidei et Christianismi fundamentum (I. Cor. III, 11.) per negationes et assertiones conuellant, semet Christianorum nomine ipso facto abdicarunt. SOCINUS contra *Wujeckum* c. II. p. 47. asserit: „*Franciscum Davidis recte a suis haereticum, immo plus quam haereticum et Christiano nomine indignum esse iudicatum, quia Christo invocationis cultum denegauerit; annon potius pro non Christianis habendi, et ad idolorum cultores ablegandi, qui inuocationis cultum Christo vindicant, vel concedunt, quem tamen Deum esse negant? Hoc respectu* MART. SMIGLECIUS *de erroribus novorum Arianorum* L. I. C. I. p. 1—14. Socinianos ethnicismi accusauit, quod unum Deum summum; alterum vero subordinatum adorent. Idem quoque PET. JURIEUS fecit, qui Socinianos et Atheismi et Paganismi postulauit. V. BAILII *Pensees diverses*, in Opp. T. III. f. 303 et 311. T. II. f. 893. In primis JURIEUS aduersus eos pugnavit, qui Socinianos in Christi ciuium societate tolerandos iudicant, in specie aduersus auctorem scripti gallici: *De reunione Christianismi*, in libro, cuius index: *Tableau du Socinianisme*.

Nemo tamen NIC. CICHOVIO S. J. calculum suum dabit, qui irrationali prorsus zelo Neo-Arianos accusauit, quod malum genium pro Deo colant, cui JON. SCHLICHTINGIUS respondit. Vid. B. A. P. II. p. 815. N. 23. 24.

Quemcunque Christi confessorem oportet recte ad diuinae veritatis amussim credere, et sincere confiteri: *Rom. X, 9. 1. Pet. III, 15*. Sociniani vero non recte credunt et confitentur de Deo Trinuno, de Christo, et Sp. S. nec de aliis fidei articulis a Christo et Apostolis traditis; ergo jure stricto Christi ciues appellari nequeunt. H. GROTIUS adeo *Socini* sectatores ex albo Christi ciuium delendos esse, aliquando statuit, in libro *de pietate Ordd.*
Holland.

Holland. his verbis: *Cum haeresis sit venenum ecclesiae, et quidem praesentissimum: sed tamen haereseos aliqui sint gradus, ut sit haec illa nocentior, peiorem aliam non reperiri haeresi Socini, ad cuius etiam mentionem pii omnes exhorreant.* Hinc Polonia pulsi, cum de violentia sibi illata conquererentur, rempublicamque accusarent, quod sibi ipsis jure, dissidentibus in religione concessio, frui non concederetur, pro non Christianis habiti sunt, quod ex JGN. SCHLICHTINGII *ep. apologet.* (V. B. A. P. II. p. 810. N. 20.) idibus Juliis, 1650 scripta p. 2. patet.

Sociniani ipsi sententiam tulisse videntur, quod Christianorum nomen sibi vix vindicare possint, cum in *Catech. Racov. Qu. 75.* eos judicent appellari Christianos, qui non solum Patrem, verum etiam Filium, et Sp. S. personas esse in una Deitate, credunt. Qui vero negat Filium Dei, nec Patrem habet. Qui recedit et non perdurat in doctrina Christi, Deum non habet; qui vero permanet in eius doctrina, et Patrem et Filium habet; et si quis spiritum Christi non habet, eius discipulus non est. 1 Jo. II, 23. Rom. VIII, 10. Prouocant, qui Socinianis a Christo denominationem denegant, ad veteris Ecclesiae morem, cui haeretici et Christiani sibi inuicem fuerunt oppositi. Tertullianus enim de Praescr. c. 7. inquit: „*Quid Haereticis et Christianis?* et c. 37. *Si Haeretici sunt, Christiani esse non possunt.* Argumentum hoc fusius exposuerunt RAMBACHIIUS *Introd. ad Controv. cum Socin. T. I. c. X. p. 320.* CALOVIUS l. c. P. II. p. 11. seqq. C. G. ENGELSCHALL de saeculi moderni praeiudiciis, qui N. X. et hoc castigauit praeiudicium: *Religio Socinianorum melior est, quam vulgo existimatur.*

Non igitur rationes ac exempla desunt, quibus iudicium de non concedendo Socinianis Christi ciuium titulo fulciri potest; nemo tamen eum idcirco fauoris erga illos, vel indifferentismi in religione accusabit, qui sectae huic deditos nomine hoc insigniri posse censet. Dicti olim sunt *Judaei* populus Jehouae, cum essent non popu-

lus, *Hof. I. 9.* jactabantque Patrem Abrahamum, cum mali genii essent filii, *Jo. VIII, 44.* Cur non pari modo Sociniani Christianorum nomine comprehendantur, quatenus hoc opponitur gentilibus, vel Judaeis ac Turcis. Includantur spatiosis Christianae gentis terminis, qui ipsi nomen hoc recolunt, eoque ornari cupiunt, quamvis fidem Christianam in palmariis articulis declinent. Toleretur in Ecclesiae agris ad diem vniuersalis messis, quicquid lolii instar in iisdem inter triticum excrescit. Primo tempore, qui vtriusque *Socini* disciplinam susceperunt, a quibusdam *Noui Christiani* appellabantur, quod nomen ipsis Socinianis gratum et acceptum erat. ABBADIE, acerrimus alias Vnitariorum antagonista, quo nemo fortius teste SAM. CRELLIO *Socinum* aggressus est, huius asseclas *fratres errantes*, in initio operis, de *diuinate Christi*, vocare non dubitauit. V. *Thef. ep. La Crozianus*, T. I. p. 110. Nostra interim parum refert, plura quae de hac materia in vtramque partem disputata sunt, vel adhuc disputari possunt, in medium proferre. Digna tamen lectu sunt, quae auctor epistolae, insertae *den neuen critischen Nachrichter*, T. IV. p. 9. seqq. exposuit, quibus eos defendit, qui Socinianis Christianorum titulum non esse denegandum iudicant, quod iudicium quoque aduersus Programma Academiae Rostochiensis l. c. p. 321. seqq. tuitus est.

De tolerandis in republica christiana Antitrinitariis et Socinianis nemo fortassis inter Protestantes nostro tempore dubitabit. Tolerantur *Judaei* et *Muhamedani*; quae igitur ratio, cur non eadem jura *Vnitariis* concedi possint, qui civili virtute et morum probitate se omnibus honestis adhuc commendarunt. Transierunt tempora ista horrenda, cum etiam Theologi haud pauci purioribus sacris dediti iudicarint, haereticos esse occidendos. Atrocissima haec consilia haeresin recens ortam promoverunt potius, quam eradicarunt. V. SEMLERUS in *Instit. brev. ad liber. erud. Theol.* L. II. p. 170. LUTHERUS aliquando ad quaestionem: *An liceat Magistratui occidere* Pseu-

Pseudoprophetas? ita a. 1528. Tom. II. Epp. p. 381. b. respondet: „Ego ad iudicium sanguinis tardus sum, et in ubi meritum abundat. Tum in hac causa terret me exempli sequela, quam in Papistis, ac Antichristis et in Judaeis videmus: ubi cum statutum fuisset, Pseudoprophetas et Judaeos occidi, successu temporis factum est, ut non nisi sancti Prophetæ et innocentes occiderentur, auctoritate eius statuti; quo impii Magistratus freti, Pseudoprophetas et hæreticos fecerunt, quosquos voluerunt. Idem sequuturum esse timeo, et apud nostros, si semel uno exemplo licitum probari poterit, seductores esse occidendos, cum adhuc apud Papistas videamus huius statuti abusu innocentem sanguinem fundi pro nocente. Quare nullq modo possum admittere, falsos doctores occidi: satis est, eos relegari: qua poena si posterius abuti volent, mitius tamen peccabunt, et sibi tantum nocebunt.” Ipsum tamen Lutherum aliquando nimium irae suae indulgisse, cum persequeretur Carlostadium, non ego negarem. Plures, qui tolerantiam postularunt a Pontificiis, haud raro non tolerantes se exhibuerunt. Antitrinitarios vero limitibus esse circumscribendos, ne placita sua ultro disseminent, errorisque socios conducant, nemo negabit, qui peste facile infici posse sanos, recordatur.

Controuersia olim inter JURIEUM et BAYLIUM agitata est: *An Sociniani saluari possint?* Circa eandem Jurieus statuit, saluari illos posse, si maior eorum fuerit numerus, et quod aduersus articulos fundamentales non impingant, reiiciendo S. Trinitatis mysterium. V. *Opp. Bailii* T. II. f. 861. seqq. et 875. Cum fidei fundamentum euertant, veritates creditu necessarias perfrecte impugnent, et subuertant, quatenus systematis huius defensores, aliorumque corruptores non resipiscunt, et a via erroris non reuertuntur, ex sententia Theologorum orthodoxorum, exceptis iis, qui Deo soli iudicium hoc committunt, salutem obtinere nequeunt. Non tamen omnem spem conuersionis et melioris conditionis, re-

spectu seductorum esse abjiciendam credunt, quamuis de
 iis, qui aliis viae duces ad permiciosa placita existunt, ac
 argumentis, quibus conuinci possint, pertinaciter resi-
 stunt, vix spes vlla melioris mentis superfit, ita tamen,
 vt pro his quoque gratia diuina conuertens et illuminans
 animum, a Deo sit expetenda. Extitisse tamen et adhuc
 inter illos existere nanciscendae conuictionis de veritate
 cupidos, negari profecto nequit, nisi ab eo, qui haeretico
 fidem non esse habendam contendit. Quod igitur a
 Theologis Euangelicis Socinianis *omni ratione* spes vitae
 aeternae auferatur, male colligit *Godofr. Arnoldus* in *H. E.*
et haeres. T. II. p. 558. Ita autem *Facultas Theolog. Wit-*
teberg. de hoc argumento in *Praef. refut. Catech. Racov.*
 sentit: „Ben den öffentlichen Lehrern des Photinianischen
 Hauffen ist wenig Hoffnung ihrer Belehrung; sie haben
 ihnen vorgesezt, nicht nur vor sich zu irren, sondern auch
 andere in Irrthum zu verführen. Ben denen mag wohl
 alle unsere Arbeit vergebens seyn, sie hören und sehen nicht,
 was man ihnen saget, sondern erdenken nur eines über das
 andere, damit die gezeigte himmlische Wahrheit vor der
 Welt eludiret werde, und solches, (wie es scheinet,) in vie-
 len Puncten wider ihr Gewissen. Welches denn sonder
 Zweifel aus gerechtem Gericht Gottes geschieht, der ihnen
 den H. Geist, der in alle Wahrheit leitet, entzeucht, um
 der vielfältigen Lasterungen willen, damit sie Gott, die H.
 Dreyfaltigkeit, und in derselben sonderlich den Sohn Got-
 tes schänden. Diese Leute haben wir schon dem gerechten
 Gericht Gottes befohlen, der sie einmal wohl finden wird.
 Aber um die arme verführte Seelen ist uns leid, die ihnen
 bey so hellen Licht des Evangelii lassen die Augen blenden;
 vor die bitten wir, Gott wolle sie erleuchten, daß sie erken-
 nen lernen, wie übel sie bisher von diesen blinden Leitern
 sind angeführet worden. Denen zu gut wird der Irrthum
 ihrer Verführer aus Gottes Wort gezeiget und widerleget.
 Wir hoffen auch zu dem lieben Gott, es werde solche unsere
 Arbeit bey ihnen nicht allerdings ohne Frucht abgehen,
 darum

darum wir seine Majestät von Grund unserer Herzen zu bitten nicht unterlassen. Nur allein ist daran gelegen, daß sie ihnen auch helfen lassen, ihrem vorgefaßten Wahn, oder denen Leuten, so sie verführet haben, in ihrer Scheinheiligkeit nicht zu viel trauen; sondern in wahrer Furcht Gottes und herzlichster Begierde, die Wahrheit zu verkündigen, eines gegen das andere fleißig halten, und Gott um rechten Verstand bitten, sich auch gerne mit ihrer Vernunft dem Wort Gottes gehorsamlich unterwerfen.

§. XIX.

Argumentum et conspectum operis M^{sc}i Samuelis Crellii in B. A. P. p. 198. N. 24. recensiti, et in hac ipsa tractatione saepius allegati ad huius capituli calcem exponere iuuat, vt de vniuerso opere ex inscriptionibus dissertationum et Paragraphorum nonnullisque tractatus ipsius particulis ferri possit iudicium. Quaedam in eodem exposita esse falsa, et ex opinione praeconcepta pro verissimis habita, haud pauca exactiori examine, quod nostrarum partium non est, omnino digna, nonnulla quoque adhibitis criticae artis subsidiis ab auctore eruditissimo in lucem protracta, debita laude non esse fraudanda, operis contenta comprobabunt.

* * *

Prolegomena I. Dissidentes ab ecclesia Romana, vt ex J. E. GRABE verbis liquet, argumentis suis ex scriptura desumptis magis magisque diffidunt, et ad antiquitatem Ecclesiasticam prouocant, quam tamen ARTEMONITAE, saec. 3. florentes, jam pro se allegauerant. II. CAJI contra *Artemonitas* agentis verba producuntur,

tur, quae ipse MATTHAEUS de LARROQUE contra PEARSONUM viget. III. Effugium PEARSONI miserrimum. IV. IGNATIUS contra *Artemonitas* allegari non potuit. V. *Cajus* in sua *Artemonitarum* refutatione debilitatem suae ipsius causae prodit. VI. *Artemonitis* OMNES antiquos pro se allegantibus, *Cajus* QUOSDAM, et quidem recentiores opponit. VII. *Psalmi* et *cantica fratrum*, a *Cajo allegata* nihil eius causam juuant. GEORGIUS BULLUS refutatur. VIII. De hymnis veteribus matutino et vespertino sententia VSSERII, THOMAE SMITHI, et J. A. FABRICII ventilatur. *Christo quasi Deo carmen dicere*, quid in PLINII epistola significet? Hymni isti corrupti et interpolati sunt. IX. Omnia, quae contra *Artemonitas* allegantur, JUSTINO MAETTYRE antiquiora monumenta, aut supposititia, aut falsa sunt omnino, aut nihil re ipsa tale continent.

Diff. I. JOANNES Apostolus, quam diu vixerit, et quando scripserit. I. Non JOANNES Apostolus, sed alter JOANNES, dictus PRESBYTER in viuis adhuc erat primis TRAJANI annis, ut ex PAPIA probatur. II. JOANNEM illum, qui PASCHA eodem tempore cum *Judaeis* celebrari volebat, non fuisse Apostolum, probatur. POLYCARPI cum ANICETO ex de re colloquium. III. POLYCARPUM JOANNI Apostolo fuisse familiarem, eumque vidisse, ex verbis IRENAEI, duos JOANNES confunden-
tis, probari nequit. POLYCARPUS non fuit ab Apostolis ordinatus Episcopus, adeoque nec a JOANNE Apostolo. *Irenaei* ea de re verba discutiuntur. Veteres confundebant Euangelistas cum Apostolis, ut in exemplo PHILIPPI patet. TILLEMONTIUS et DODWELLUS refutantur. IV. *Polycratis* Ephesini verba, de *Joanne*, dicto Presbytero, non de Apostolo intelligenda esse, probantur. Error eius, non JOANNEM Apostolum, sed *Presbyterum in sinu Domini recubuisse*, unde? STEPHANUS LE MOYNE et HENR. VALESIIUS notantur. V. Agitur de DUOBUS MONUMENTIS EPHESINIS, *Joanni* adscrip-

adscriptis. HIERONYMUS illustratur. *Joan. Marti-*
nay refellitur. Apostolum JOANNEM EPHESI DIU VI-
 XISSE, valde est improbabile. EUANGELIUM IBI SCRIP-
 SISSE non constat. Num eius AUTOGRAPHON adhuc
 sec. IV. existerit? VI. Apostolos omnes ante tempora
 DOMITIANI vivere desuisse, ex *Herma* colligitur, ut et
 ex *Corinthiorum* ad Romanam ecclesiam, et CLEMENTIS
 ad eos epistola. VII. Alius locus HERMAE a DOD-
 WELLO in contrarium obiectus explicatur, et emenda-
 tur. VIII. Ad obiectionem, JOANNEM tunc forte
 apud PARTHOS egisse, quum CORINTHII inter se litiga-
 rent, respondetur. Cur EPISTOLA eius ad PARTHOS vo-
 cetur, et in epistolis nomen suum reticeat? ELECTA
 DOMINA quid significet? IX. CLEMENS *Romanus* non
 scripsit ante excidium Hierosolymae, quod contra J. E.
 GRABE aliosque asseritur; uti nec auctor epistolae ad
 DIOGNETUM, cuius verba Clementinis similia. Auctor
 iste, quo sensu *Apostolorum discipulis*? EUSEBIUS et IT-
 TIGIUS notantur. IRENAEUS illustratur. X. Quo sensu
 CLEMENS PETRUM et PAULUM *nuperrimos athletas* vo-
 cet. GRABE et DODWELLUS notantur. XI. HEGESIPPI
 quoque verba, ab obiectione ITTIGII vindicata euin-
 cunt, *Joannem*, aliosque Apostolos longe ante finem
 primi seculi fuisse decessisse. XII. Et FIRMILIANI et CLE-
 MENTIS *Alexandrini*, XIII. Et *Chronici Alexandrini*.
 DODWELLUS refellitur. Quam fide dignus IRENAEUS et
 coaeui patres. XIV. Opinio de *Joanne Apostolo*, us-
 que ad TRAJANI initia vivente, etiam inde concepta,
 quod in *Patmo* fuerit. Num necesse est, id DOMITIA-
 NI jussu vel tempore demum accidisse? XV. *Joannis*
 cum *Cerintho* in balneo congressus, alteri *Joanni* non
 Apostolo convenit. Illustrantur loca I Cor. XVI, 22.
 XII, 1. seqq. 2 Joan. 9. 10. I Cor. V. 2. seqq. et ult.
 XVI. Demersio *Joannis* Apostoli in oleum igneum fa-
 bulosa. XVII. *Prima epistola Joannis*, ante excidium
 Hierosolymorum scripta. Illustrantur I Jo. II, 18. et

Matth. XXIV, 3. 11. 12. XVIII. Etiam *1 Pet. IV, 7. 8. 9.* confertur et explicatur. XIX. Et *2 Cor. XI, 1. 4. 5.* *Arthurii Burii* explicatio laudatur. XX. Posteriores *duae epistolae* circa eadem tempora a *Joanne* Apostolo exaratae. PAPIAS eas ab alio *Joanne* scriptas fuisse perperam credebat. Causa huius erroris. Cum *Joanne* Presbytero Papias ipse non contulit. Num cum Apostolo umquam re ipsa contulerit, incertum. EUSEBII et IRENAEI ea de re opinio erronea, unde? XXI. Quo sensu sese Apostolus Presbyterum vocauerit? DODWELLUS laudatur et notatur. MILLIUS refutatur. XXII. *Euangelium* a *Joanne* postea est editum, sed non ad DOMITIANI et TRAJANI tempora rejiciendum. Stantibus Hierosolymis exaratum fuisse, probat BASNAGIUS, ex *Jo. V, 2.* *Epistolam primam* prius, quam *Euangelium* fuisse scriptam, alio argumento probatur. SAM. CLARKE in eam rem allegatur. XXIII. XXIV. *Apocalypsin Joanni* sub VESPASIANO contigisse, JOAN. BIDELLUS ex *Cap. XVII.* deducit, istaque sententia BIDELLI confirmatur. XXV. Eius tamen et HAMMONDI ex IRENAEO errante opinio, de tempore euulgatae apocalypseos, refellitur. LIGHTFOOTI de tempore apocalypseos sententia. Eam ad CLAUDII tempora referre, non cogit narratio EPIPHANII duas de *Joanne* contrarias traditiones confundentis. *Non in Patmo* fuit in lucem edita. Num EPHESI, incertum est. Imo contrarium certius. XXVI. POLYCRATES et JUSTINUS MARTYR, primae confusio- nis duorum *Joannum* causae. XXVII. Coniecturam istam de JUSTINO commendant loci aliquot apud IRENAEUM, ubi Presbyter, seu doctor anonymus ab IRENAEO non semel allegatus, JUSTINUS Martyr fuisse ostenditur, qui dicebat, *se audisse ab his, qui Apostolos viderant*, nempe *Joannem Apostolum* per enallagen numeri, re ipsa autem alium *Joannem* dictum Presbyterum, Domini discipulum. JUSTINUS Martyr, Clericusne, an Laicus fuerit? XXVIII. JUSTINUS M. qui ibidem ab IRENAEO, *dilectionem in Christum auxisse* di-
citur,

situr, nouam doctrinam de Christo protulit. (BASNAGIUS et ALLIXIUS refutantur. LUCIANUS in *Philopatride* JUSTINI nouam Theologiam irridet.) Idem ergo est cum isto PRESBYTERO ANONYMO apud IRENAEUM. Verba in eam rem ex *Iren.* L. IV. Cap. XLV. etc. et L. I. c. II. et IV. allegantur. (Vid. *Jac. Ge. de Chaufepie* Diction. Hist. et Crit. Tit. PET. ALLIX. T. I. p. 265. Not. k)

Ita autem inter alia hoc de argumento, CRELLIUS in *Mst.* p. 99. differit: Addamus hic aliqua in *Vnitariorum* gratiam, quo magis pateat, *Justinum* fuisse martyrem illum Presbyterum, de quo L. IV. c. XLV. et in sequentibus *Irenaeus*. *Justino* enim *martyri*, cum *Tryphone* differenti, cum Filium Dei, Deum quendam prae-aeternum, in *Maria* postea incarnatum, Iudaeis credendum, magna contentione proponeret, et quaedam loca scripturae eo detorqueret, *Trypho* iste doctrinae Christianorum minime imperitus dixit, p. m. 77. „Nos imparati sumus ad tam periculosas responsiones: quandoquidem talia scrutantem, aut quaerentem, aut declarantem audiuiamus antea neminem. Quorum similia alibi etiam profert, et ostendit, sibi *Justini M.* paradoxa plane esse inaudita. Vnde patet, ante *Justinum* istum, neminem Christianorum talia docuisse. Et sane *Justinus M.* sibi gratiam quandam singularem a Deo datam scripturas intelligendi profitetur, adeoque non diffitetur, se vulgo nondum animaduersa proferre. Et frustra BASNAGIUS, *Hist. des Juifs* T. IV. p. 1160. *Tryphonem* istum non esse illum celebrem *Rabbi Tarphonem* exinde probat, quod languide contra *Justinum* disputet, et nihil fere ad loca e scriptura S. allegata respondeat. In causa certe fuit, non quod non esset Rabbi in responsionibus Iudaicis aduersus Christianos bene versatus, sed quod ad ista plane noua, et antea inaudita *Justini* paradoxa, imparatus omnino accesserat. Nam hoc certe nostro tempore, etiam vulgares Iudaei, qui minime sunt Rabbini, multo fortius, quam *Trypho* ad ista *Justini* argumenta respondere

dere possunt, et ipse innuit *Basnagius*, fortius ad ea responderi posse. Et mirus est *Pet. Allixius*, qui in libro *The Fathers vindicated* p. 14. 15. exinde probare vult, *Justinum* non protulisse noua, quia in libro quodam rabbinico, triginta annis post istam *Justini* disputationem conscripto, responsiones inueniuntur iudaicae ac talia pro incarnato Deo argumenta, qualia protulit *Justinus*. Quasi Iudaei statim post eius cum *Triphone* colloquium, non fuerint solliciti, de refutandis *Justini M.* eiusque sectatorum paradoxis, et non statim capita secum contulerint, aliosque dissitos doctores, qua meliori ratione noua ista S. Scripturae interpretamenta refelli deberent, statim consulere potuerint, responsionesque ad ea accelauerint; adeoque ex responsionibus eorum trigesimo anno postea exstantibus sequi debeat, jam ante *Justinum* eiusmodi argumenta a Christianis, genti iudaicae fuisse obiecta. Quae consequentia? Sic *Luciani* in *Philopatride* scommata contra Christianos, et illa verba, *Vnum ex tribus et ex vno trias* ad *Athenagorae*, qui *Justini M.* dogmatum susceptor fuit, Apologiam, *Marco Antonino* oblatam, alludere sane videntur. Qua de re etiam alibi pluribus agendum est. Adeo vt ex *Luciani* isto dialogo minime sequatur, doctrinam, quam perstringit, de isto ex tribus vno, tunc fuisse antiquam, et non recentissimam potius, quam isto dialogo tanquam commentum recentissime exortum, exhibilare voluerit. Cum itaque verum sit, *Justini M.* doctrinam omnino fuisse nouam, (qua de re hic latius differendi locus non est,) hinc ipsum habemus *Justini* discipulum *Irenaeum* confitentem, quod Presbyteri ecclesiae dilectionem in Christum augerent, adeoque noua de Christo proferrent; et per consequens omnino veri simile esse, presbyterum illum, de quo L. IV. c. XLV. et seqq. tam multa habet *Irenaeus*, a *Justino M.* alium non fuisse. Ita enim loco isto *Irenaeus*: Vbi igitur Charismata Domini (quorum plenus creditur fuisse *Justinus*,) posita sunt, ibi discere oportet veritatem, apud quos

(Docto-

(Doctores), est ea, quae est ab Apostolis, successio. Quae vero successio? Presbyter iste, ut mox dicit *Irenaeus*, audierat ab iis, qui Apostolos, id est *Joannem* Presbyterum viderant. Hi enim et eam, quae est in unum Deum, qui omnia fecit fidem nostram custodiunt, et eam, quae est in filium Dei dilectionem *ADAUGENT*, qui tantas dispositiones (*OECONOMIAS*) propter nos fecit, et scripturas sine periculo nobis exponunt, (Deum incarnatum non esse ab uno illo Deo hactenus credito diuersum ostendere conantes) neque Deum blasphemantes, neque Patriarchas exhonorantes, neque Prophetas contemnentes. Quemadmodum audiui a quodam Presbytero, qui audiuerat ab his, qui Apostolos viderant, et ab his qui didicerant, etc. quem *Justinum* esse iam vidimus. Ecce ergo Presbyterum nostrum, fidem christianam adaugentem, *Justinum M.* Ille dilectionem in filium adaugebat. Quomodo? per tantas dispositiones seu oeconomias, quas eum propter nos fecisse, excogitauit *Justinus*. Antea enim ecclesia catholica, ab Apostolis edocta, credebatur simpliciter, J. C. Dei filium, hominem e Spiritu S. conceptum, ex Maria natum, sese pro nobis ultro morti infami obiecisset, quo ad dilectionem eius maxime mouebatur. Felix vero *Justinus M.* praeco veritatis, nouus ille praeco inauditae antea veritatis auxit istam dilectionem in Christum, docendo eum iam ante natiuitatem suam in variis dispositionibus et oeconomis humano generi adfuisse, et Patriarchis iam adparuisse; postea amore humani generis, virginis utrum subiiisset, quo sane dilectionem nostram in Christum adaugere voluit bonus noster *Justinus*. etc.

Diff. II. De CERINTHO et NICOLAITIS JOANNIS aduersariis. I. *Cerinthum Nicolaitis* multo posteriorem statuit *Irenaeus*, sed perperam et qua occasione? *Cerintus* iam ante excidium Hierosolymae fuit exortus, et *Carpocrate* antiquior. *Basnagius* notatur, *Tillemontius*, *Ittigius*, *G. Bullus* laudatur. II. *Nicolaitae non ab uno aliquo Nicolao*, nedum illo septem.

septemuero exorti sunt. Factio ista plurimum hominum, quare sibi Nicolaitarum nomen tribuebat. *Apoc.* II. 14. 15. I *Jo.* V. 5. IV. 4. 5. illustratur. Vnde ille error de *Nicolaitis* a Nicolao septemuero descendens? III. *Cerinthi* errores ab *Irenaeo* memorati. IV. De sensu verborum *Irenaei*: et tunc annunciaſſe incognitum Patrem et virtutes perfecisse. V. VI. *Cerinthus* et reliqui *Nicolaitae*, quibus in rebus consentiebant et dissentiebant? VII. Verba in *Irenaeo*: Initium esse Monogeni, explicantur. Monogeni esse accusatiuum *μονογενῆ* obseruat *Phil. Jac. Spenerus*. VIII. Cur *Cerinthum* dicamus esse *Nicolaitam*? Quae *Crellius* de *Nicolaitis*, et compluribus antiquae Ecclesiae haereticis exposuit, in specie quae de *Nicolaitis* differuit in Initio Euang. *Joannis* etc. T. II. c. X. et XV. praeter alios multos sub examen vocauit *Buddens*, de Ecclesia Apostolica p. 378. seqq. IX. *Cerinthus* illam doctrinam: Initium esse Monogenem, et *λογον* filium unigeniti, peruersa explicatione *Joannis* Apostoli verborum, ad initium eius epistolae primae referebat, et ex ea deducebat. *Marc. I*, 10. per spiritum de coelo descendentem, Christum spirituales intelligebat. X. *Joannes* istam explicationem epistolae suae, in initio Euangelii aliud agens, refellit. Cur initio Euangelii solummodo de *λογω* egerit, et postea in toto libro nullam eius mentionem faciat? *Nicolaitae* quomodo epistolam *Joannis* ad suam hypothesin accommodare cogeantur? XI. Refutatur *Colbergius*, qui in *Irenaei* verbis: *Iesum passum esse et resurrexisse*, legi vult *nec pro et*. Confirmatur sententia quorundam, sequentia apud *Irenaeum* ita legentium: *consimiliter ut Cerinthus et Carpocrates* opinantur. *J. A. Fabricius* et *Guil. Spenerus* refellitur. XII. Prolixus locus in *Ignatii* ad *Magnesium* epistola, contra *Cerinthi* asseclas directus, illustratur, et emendatur. Non probat *Nicolaitas Cerinthum*.

ve mortem et resurrectionem Jesu negasse. Quare *Ignatius* contra *Cerinthum* vrgear, Jesum sub *Pontio Pilato* passum esse et resurrexisse? XIII. Judaizasse *Cerinthianos* sui temporis *Ignatius* h. l. testatur. Locus *Gal. VI. 12. 13.* vulgo male intellectus explicatur. XIV. Verba *Ignatii* ὅς ἐστι λόγος αὐτοῦ αἰθῖος ἐκ ἀπὸ σιγῆς προελθὼν *Cerintho* opposita. Sensus eorum verus *Artemonitis* minime contrarius ostenditur. XV. Explicatio quorundam verborum *Irenaei* huc pertinentium, *Grabe* refellitur. XVI. Verba *Ignatii* ὅς ἐστι λόγος αὐτοῦ αἰθῖος etc. iterum explicantur. *Jo. I. 4.* illustratur. XVII. *G. Bullus* perperam ista *Ignatii* explicat. XVIII. *Ignatius* hic σιγῇ, s. silentium, sensu proprio, non figurato de coniuge *Bythi* vsurpat. Errare ostenditur *Bullus* coniugium *Bythi* et *Siges* jam *Ignatii* tempore a Gnosticis creditum fuisse, cum *Pearsono* contendens. XIX. Respondetur ad loca in eam rem a *Pearsono* adducta a *Larroquano* praeterita, et primo quidem ad verba in praefat. *Irenaei* ad librum suum II. XX. Responsio ad locum ex *Iren. L. I. c. XXXIV.* *Irenaeus* emendatur. Quinam sint matres et patres et proavi *Valentini*? XXI. Respondetur ad locum *Irenaei, L. I. c. XIX. de sublimissimo eorum Bytho.* Quisnam sit apud *Eusebium* impius haereticorum princeps? XXII. Responsio ad locum *Irenaei L. I. c. V. §. III.* *Perfectiones perfectis*, et Gnosticis magis Gnostici quinam sint? Respondetur et ad *Epiphanii Haeres. XXXIII. §. I.* qui emendatur. XXIII. *Basiliden* coniugium *Bythi* et *Siges* docuisse, ex *Irenaeo Pearsonus* probare nequit *Grabio* iudice. *Clemens Alex.* a *Pearsono* allegatus, rectius explicatur et illustratur. XXIV. Frustra ex *Gregorio Nazianzeno* pugnat *Pearsonus*. XXV. Concluditur ergo etiam hinc, recte nos illa *Ignatii* verba ὅς ἐστι λόγος αὐτοῦ αἰθῖος etc. explicasse. Verba *Irenaei* praefat. L. IV. de

de solo *Iustino Martyre*, prius quam *Irenaeus* contra *Valentinum* scribente, agere ostenduntur.

Diff. III. De Alogis, Euangelium et Apocalypsin Joannis Cerintho adscribentibus. I. Quosdam (i. e. *Montanistas*) totum Euangelium *Joannis* reiicere, testatur *Irenaeus*. Non recte coniicit etiam *Paulum* ab ipsis fuisse reiectum. *Tillemontius* refutatur. II. Afferuntur rationes *Montanistarum*, *Irenaei* tempore, et *Alogorum* postea, cur *Joannis* Euangelium reiicerent. *Irenaei* tempore nondum a *Montanistis Cerintho* adscribebatur, licet reiiceretur. Non omnia tamen prorsus in hoc Euangelio reiiciebant *Alogi*. III. *Apocalypsin Joanni* nullus abjudicabat *Montanista Irenaei* tempore. *Cajus* romanus presbyter apud *Eusebium*, non librum alicuius Apocalypseos diuersum ab *Apocalypsi Joannis*, sed ipsam *Joannis* *Apocalypsin Cerintho* adscribebat. Refutatur *Basnagius*, *Fabricius* et *Tillemontius*. IV. *Epistolas Joannis* non rejiciebant *Alogi*. Refutatur *Epiphanius* et eius interpres *Petauius*. V. Verba *Epiphanii* de tempore *Montanistarum Alogorumque* exortorum et *Thyatiris* extinctorum emendantur. *Dodwellus* notatur. VI. *Alogi* sec. 3. ante annum 249 exorti sunt. VII. VIII. *Alogos* fuisse *Montanistas* seu *Cataphrygas*, quoad dogma de Trinitate suo tempore orthodoxos, demonstratur. *Fabricius* notatur. IX. Non ergo veteres *Vnitarii*, sed orthodoxi Euangelium *Joannis* reiiciebant et *Cerintho* adscribebant. Error ea de re recentium quorundam in Anglia *Vnitariorum*. X. Refellitur *Epiphanius*, a *Theodoto Coriario* Euangelium et *Apocalypsin Joannis* reiectum fuisse scribens. Negat *Crellius* *Theodotum* *Coriarium* habuisse sectatores, *Theodotianos* dictos; hoc enim nomine insignitos fuisse ingenuos *Artemonitas*, aduersus *Epiphanium* adstruere conatur. XI. Pone reiectum fuisse, praeceuntibus sibi orthodoxis, imprimis *Cajo* Pres.

Presbytero ecclesiae Romanae reiiciebat. Qui primus etiam cum ecclesia sui temporis *Artemonitarum* obiectionibus pressa, epistolam ad Hebraeos reiiciebat. *Eusebius* et *Philastrius* illustrantur. *Stephanus Gobarus* et *Jo. Millius* refutantur. Verba illa: *Et tu Domine in principio terram fundasti*. etc. non poterant, a *Nouatiano Artemonitis*, aut ab *Irenaeo Ebionaeis* obijci. XII. Tres *Alogorum* contra *Joannis* Euangelium obiectiones in *Epiphanio*. XIII. Alogi Euangelium *Joannis Cerintho* adscribentes, dictum illud et *Deus erat verbum*, de minore Deo explicabant. XIV. Verba illa, *omnia per ipsum facta sunt*, ex mente *Cerinthi* de veteri creatione explicare non poterant. XV. Per principium v. 1. intelligebant personam quandam diuinam, Patrem verbi, ex sensu *Cerinthi*. XVI. v. 10. *Et mundus per ipsum factus est*, de noua creatione explicare, necesse habebant Alogi. Reliquiae doctrinae antiquae et verae de noua creatione, in doctrina *Valentinianorum* apparent; in alium sensum a *Valentinianis* detortae. XVII. Quomodo Alogi v. 14. *Et verbum caro factum est*, ex mente *Cerinthi* explicabant. XVIII. Alogi ex connexionе versu 14. cum sequentibus de *Joannis* Baptistae testimonio verbis, probare volebant incarnationem verbi juxta sententiam *Cerinthi*, demum apud *Jordanem* post *Jesu* baptismum accidisse. XIX. Refutantur Alogi, vocem principii non de tempore, sed persona quadam diuina explicantes. XX. *Artemonitae* alique *Vnitarii* multo fortius, quam orthodoxi Alogos refutare poterant, vel ex solo versu 14. καὶ ὁ λόγος σαρκὶ ἐγένετο, cuius verus sensus adeoque et totius principii *Joannis* Euangelii exponitur. XXI. Cū vox ἐγένετο v. 3. et 10. non debeat verti *facta sunt*, sed *fiabant* aut *fiabat*. Verba v. 5. *Et lux in tenebris lucet*, illustrantur. XXII. *Theodotus Coriarius*, quia quaedam cum Alogis in explicatione *Joannis* Euangelii habebat communia, hinc ab *Epiphanio* Alogis, ab

aliis *Montani* assaeclis accensetur. XXIII. Vnde profluxerit error *Alogorum*, non fuisse *Thyatiris*, tempore *Joannis* Apostoli, ecclesiam? Obiectio eorum ab *Epiphanio*, quem *Petauius* hic non intellexit, joculariter refutata. XXIV. Ex ipsa ista *Alogorum* contra Apocalypsin *Joannis* obiectione euincitur, eam a *Cerintho* non fuisse scriptam.

Diff. IV. Num principium Evangelii JOANNIS ab alio praefixum, aut saltem falsatum fuerit?

I. *Prima* auctoris *Du Tombeau du Socinianisme* ratio, principium hoc non esse *Joannis*. Ea confutatur. II. *Secunda* ratio eiusque refutatio. *Photinus*, quo modo et sensu primum versum Evangelii huius distinguebat. III. *Tertia* ratio non nos, sed *Alogos*, aliosque Orthodoxos, in specie *Philippum Mesnardum* nequicquam se expedientem, vrget. IV. Quemadmodum et *quarta*. Quae tamen etiam a nobis refutatur. V. Etiam *quinta* eosdem solos Arianosque premit. VI. *Sexta* ratio refutatur. Nulla vnquam existebant exemplaria hoc principio carentia. VII. *Septima* obiectio diluitur. Autor iste *Alogos Artemonitarum* fuisse homodoxos; hosque verbum *Joannis* reieciisse, falsissime asserit. VIII. *Octava* ratio confutatur. IX. Nulla probabilitate asseritur, *Joannis* Evangelium post eius demum mortem ab eius discipulis, cum eorum additionibus editum fuisse. X. Exemplum de historia adulterae cap. VIII. non probat, etiam principium ab alio fuisse additum. (Desiderabatur etiam olim major pars capituli XVI. Evangelii *Marci*, genuina tamen.) Praesertim cum sit res euicta, historiam istam de adultera, non esse adulterinam. Contrarium probat *Leusantius*. XI. Quod *Marcus* euangelicam historiam a baptismo *Joannis* inchoet, inde nulla ratione *Joannis* principium, aut *Matthaei Lucaeque* priora duo capita suspecta reddi possunt. Frustra autor *du Tombeau Marconi* tela suggerit. XII. Evangelium

gelium *Joannis* in exemplaribus eius primis, et quidem ab ipsis *Joannis* discipulis, praefixione exordii adulterini, falsari non potuit. XIII. Vox tamen vna in hoc exordio, et quidem longo post *Joannis* mortem tempore mutari potuit: *Pseudo-Basilii Ancyranus* ab autore *du Tombeau* productus, putat, *Joannem* scripsisse, et *Jesus erat verbum, non autem, et Deus erat verbum*. XIV. Ista emendatio, et *Deus erat verbum*, reiicitur. XV. Reiicitur et alterius anonymi in libro, *les raisons des scripturaires*, sententia, *Joannem* scripsisse et *Deus (erat) in verbo*. Nostra est, *Joannem* ipsum posuisse: *Et Dei erat verbum*. XVI. Primum in eam rem argumentum nostrum ex allegationibus *Valentinianorum* apud *Irenaeum* defumitur. *Massuetus* refellitur. Ad marginem in initio huius paragraphi *Crellius* verba adscripsit: *Haec et sequentia accuratius in libro: Initium S. Joannis Evangelii ex antiquitate ecclesiastica emendatum* etc. pertractata sunt; ideo hic omittuntur. XVII. Verba *Valentinianorum* in *Irenaeo* corrupta esse probantur, restituuntur. XVIII. Totus locus in *Irenaeo*, quemadmodum se primitus habebat, ob oculos ponitur. XIX. Secundum argumentum, ex verbis ipsius *Irenaei*, quibus *Valentinianorum* explicationem initii *Joannis* Evangelii refellit, habemus. XX. Tertium nostrum argumentum ex aliis *Irenaei* locis desumptum. Nulibi ille *to et Deus erat verbum*, occasione licet maxime urgente, allegat, ubi Christum Deum esse e scripturis ex professo demonstrat. Quartum argumentum maximi momenti ex eodem. XXI. Quintum e verbis *Celsi* apud *Origenem*, *Joannem* scripsisse, et *Dei erat Verbum*. XXII. Sextum, ex *Theophilo Antiocheno*. XXIII. Septimum, ex assertionem *Artemonitarum*, Christum in scriptura non vocari Deum. XXIV. Quid ad locum illum: *Dominus meus et Deus meus*, ut et ad *hebr. I. Artemonitae* respondere potuerint? Loci huius

Jo. XX, 28. noua explicatio. XXV. XXVI. XXVII. *Octauum*, e libro *Nouatiani* de Trinitate, XXVIII. *Nonum* nostrum ex verbis *Caji*, presbyteri Romani apud *Eusebium*. XXIX. *Dccimum*, ex Paulo Apostolo desumptum, qui Patrem Deum appellans, Filium non appellat eodem loco et tempore Deum. *Tertulliani* in eam rem verba. XXX. *Vndecimum*. Nullibi in scriptura N. F. Christum expresse vocari Deum, ergo nec *Joannem* scripsisse, *Et Deus erat verbum. Rom. IX. 5.* qui est super omnia Deus benedictus in secula, noua ratione explicatur. C. M. *Pfaffius* refutatur. *Irenaeus* illustratur et emendatur. *Juliani Apostatae* verba notantur. Christus licet Deus non vocetur expresse, adoranda tamen et inuocanda Majestate diuinitateque pollet. Quid sit nomen supra omne nomen?

Ita autem ad locum *Rom. IX. 5.* *Crellius* inquit in Msc. Εξ ὧν. non ad patres in specie, sed ad *Israelitas* est referendum; quod indicat praemissa vocula καί. Nam si ad patres id referendum esset, scripsisset potius Apostolus ita: ὡν οἱ πατέρες ἐξ ὧν ὁ Χριστός. Nemo non videt, articulum hic toties repetitum omnino esse emphaticum, *Paulique* orationem versu 5. adscendere a patribus vsque ad Deum, qui est super omnes. *Quorum* (*Israelitarum*) inquit, sunt patres illi in scriptura celebratissimi; ex quibus, (*Israelitis*) ille ipse Christus tam diu expectatus procedit secundum carnem, et quod maximum est, *quorum* est ille, qui est super omnes, et Patres et Christum ipsum, Deus nempe benedictus in secula. Adeo, vt sit hic ἀπὸ καὶ subintelligenda et repetenda vox ὧν, nempe ὡν ὁ ὧν ἐπὶ πάντων Θεός, quorum est ille, qui est super omnes Deus. etc.

XXXI. *Duodecimum* argumentum, ex scopo *Joannis* contra *Cerinthum* scribentis, demonstrat, eum non scripsisse *et Deus erat verbum*; imo nullo sensu ita scribere potuisse, sed *το et Dei erat verbum Cerintho* e diametro esse aduersum. XXXII. Omnia, quae primis quatuor

quatuor versibus *Joannis* continentur, *Cerintho* quam maxime aduersantur; exceptis istis verbis: *et Deus erat verbum*; non ergo ita *Joannem* scripsisse apparet. *Principio Joannis* lux iterum affunditur.

XXXIII. Responsio ad obiectionem: Nullum reperiri exemplar, in quo legatur, *et Dei erat verbum*. Emen-
datio nostra canonibus criticis *Pfaffii* defenditur. *Mart. Czechovicius*, qui exemplaria latina cum lectione, *et Dei erat verbum*, vidisse se asserit, alique allegantur.

XXXIV. Corruptio ista principii *Joannis* inter an-
num Christi 150 et 170. a *Valentinianis* facta fuisse ostenditur. Locus ex excerptis e *Theodoto* illustratur. Lectio illa *Jo. I. 18. Unigenitus Deus, qui est in sinu Pa-
tris* etc. etiam a *Valentinianis* profecta est. Qua occa-
sione? Quis sensus sit tituli illorum excerptorum e *Theo-
doto et orientali doctrina circa Valentini tempora. Go-
dofr. Arnoldus, Combefisius, Grabijs* notantur.

Diff. V. Num caput ultimum in Euangelio *Joannis* vel sal-
tem duo ultimi versus adiecti sint ab alijs.

I. Contra *Grotium* probatur, conclusionem cap. XX.
non esse conclusionem totius libri euangelici; et a con-
clusionem cap. XXI. longe diuersum. Cur cap. XXI. ab
ipso *Joanne* fuerit adiectum?

II. Licet conclusio
cap. XX. esset conclusio totius libri euangelici, non inde
sequeretur cap. XXI. ab alijs esse Euangelio isti adie-
ctum. *Paulus Apostolus* bis ipse suam ad Romanos
epistolam conclusit. *Millius* laudatur et notatur.

III. Cap. XXI. non eo fine scriptum est, vt ostenderetur,
impletum quod de longaevitate *Joannis* Dominus prae-
dixisse supponitur a *Grotio*. Eius opinio de isto capite
ab *Ephesina Ecclesia* adiecto, nititur fundamento jam a
nobis euerso. IV. Ostenditur cap. XXI. eo fine scrip-
tum esse praecipue, vt appareret *Petro dignitatem*,
quam trina Christi abnegatione perdiderat, plenissime
a Christo fuisse restitutam, quod cap. XX. 21—22 non-
dum factum fuisse probatur. V. Quam cap. XXI. *Pe-*

trus ipse occasionem dederit Domino restituendae sibi dignitatis, ostenditur. Verba, *Simon Jonae*, num me plus, quam alii diligis etc. explicantur. VI. Explanatio verborum v. 19. 20. 21. 22. VII. Verbis, *donec veniam*, non designatur Christi aduentus ad iudicium viuorum et mortuorum. Illustratur *Matth. X. 23. donec veniat filius hominis*. Aduentus Domini excidium Hierosolymae nullibi significat. Verba *Matth. XXIV. 19. confestim autem post afflictionem dierum illorum, sol obscurabitur etc.* explicantur. VIII. Qui *Jo. XXI. 23. illa verba, si volo illum manere, donec veniam*, perperam explicabant, *to donec veniam*, non intelligebant, nisi de aduentu secundo proprie dicto, ad iudicium viuorum et mortuorum. Vnde iste error, quod crederent, *Joannem* nunquam moriturum? Explanatio verborum v. 19. *sequere me*, et v. 20. *Petrus vidit Joannem sequentem*, et v. 21. *Hic autem quid?* Non quaerit *Petrus*, qua morte *Joannes* mori deberet. Quid quaesierit, explicatur. *Joannes* Apostolus videtur violenta morte sublatu fuisse. *Heraclionis* de morte Apostolorum testimonium. Et *Eusebii Caesariensis*. IX. Verba v. 18. 19. *Cum esses junior, te ipsum cingebas etc.* explicantur. Non designat Christus vllam speciem violentae mortis *Petri* Apostoli; sed in genere tantum praedicat, eum violenta morte moriturum esse. Crucis morrem *extensio manuum* hic plane non probat. Exploditur fabula de *Petri* capite deorsum verso crucifixione. X. *Petrum* crucis morrem passum esse, incertum est. *Romae non fuisse* passum, neque vnuquam ibi docuisse, ex *Clementis* ad Corinthios epistola probatur. *S. Basnagius* refellitur. *Salmasius* contra *Pearsonum* defenditur. XI. Ex *Ignatio* et *Papia Pearsonus* probare non potest, *Petrum* vnuquam *Romae fuisse*. Exponitur 2 *Pet. I. 15.* et 1 *Cor. I. 2.* XII. Nec ex auctore *Praedicationis Petri*. XII. Neque ex *Dionysio Corinthio*. Explicatur

Gal.

Gal. II. 6. 9. IV. 13. 16. Refellitur *Ludov. Cappel-
lus*, quoad tempus scriptae ad Galatas epistolae.
XIV. Ne quidem *Corinthi* Petrum fuisse probare potest
Pearsonus ex *Dionysio Corinthio*. XV. Demon-
stratio, quod verba: *Si volo eum manere, donec veniam*,
non significant, *si volo eum manere in vita donec veniam*,
sed id, quod §. VI. et VIII. jam deductum est. XVI.
Hammondi opinio de duobus solummodo versibus
capiti Evangelii ultimo adiectis refutatur. XVII. *Gro-
tii* sententia de toto capite XXI. supposititio iterum
euertitur. XVIII. *Theod. Mopsuesteni* sententia
de ultimo solummodo versu a nescio qua manu adiecto
refellitur. *Fabricii* aliorumque hyperbolicus dicti
sensus reiicitur, *Origenis* proponitur et paraphrasi
illustratur. Etiam si comma istud ab alio auctore adie-
ctum fuisset, non inde sequeretur, etiam exordium *Jo-
annis* Evangelio ab alio quopiam praefigi potuisse.

*Diff. VI. Verba de tribus in coelo testibus i. Io. V. 7. JOAN-
NIS non esse probantur.*

I. Sensus verborum v. 5. seqq. *Hic est, qui venit per
aquam et sanguinem* etc. indicatur. II. Verba, *quia
tres sunt, qui testantur, spiritus, aqua et sanguis* etc.
explicantur. III. Ex quo patet, verba de tribus in coe-
lo testibus, nihil quicquam ad rem facere. IV. *Grabii*
rationes in contrarium refelluntur. V. Voces *in ter-
ra*, v. 8. in quibusdam exemplaribus exstantes, non
euincunt, comma septimum de tribus in *coelo* testibus,
a *Joanne* ipso fuisse scriptum. VI. Quaedam alio-
rum defensiones versus septimi refutantur. VII. Pro-
batur, *Tertullianum* tres istos in coelo testes in
Joanne non vidisse. VIII. Neque *Cyprianus*
eos expresse legit, sed allegorice ex v. 8. deduxit, ut
jam ab alijs demonstratum. *Facundi Hermianen-
sis*, *Augustini* et cuiusdam *Anonymi* explicatio.
Pfaffius refutatur. IX. X. XI. Refelluntur *Thomae
Ittigii* contra *Rich. Simonium* argumenta, proba-

re conantis *Cyprianum* totidem verbis de tribus in coelo testibus in *Joanne* legisse. XII. *Jo. Millii* argumenta pro his tribus in coelo testibus confutantur. *Pfaffius* notatur. XIII. Si *Fulgentius Ruspensis* eos expressis verbis in *Joanne* exstare vidisset et vrsisset, non id latuisset *Facundum* aliosque eius contemporaneos. *Fulgentii* locus circa finem libri contra Arianos corruptus est. XIV. Locus iste *Fulgentii* emendatur. XV. XVI. Ex aliis libris *Fulgentii* probatur, eum expressis verbis in *Joanne* tres illos in coelo testes non legisse. XVII. *Hincmarus Remensis*, qui *Fulgentium* legerat, Patrem, Filium, et Spiritum S. ex v. 8. allegorice deducit. Nihil aliud in suo *Fulgentio* repperat. XVIII. Locus quidam ex *Fulgentio* producit, ex quo clare patet, eum tres in coelo testes nonnisi ex octauo versu allegorica ratione deduxisse. Vnde euidenter constat, verba eius in libro contra Arianos esse corrupta ac interpolata. XIX. XX. Frustra alia opera *Fulgentii* allegantur, quae partim etiam interpolata esse probantur. XXI. *Victor Vitenfis* septimum istum versum non legisse, sed textus eius interpolatus esse probatur. XXII. In operibus *Vigilii Tapsensis* indubitatis non allegatur septimus iste versus. XXIII. XXIV. Prologus *Hieronymi* explicatur. Verus eius sensus ostenditur. Versum septimum non esse ab Apostolo profectum, autor istius prologi indicat a falsatoribus corrupti. XXV. Refutantur, qui putant versum septimum a negligentibus vel festinantibus librariis fuisse omissum. XXVI. Si reuera a principio in exemplaribus huius epistolae exstitisset, postea vero negligentia quorundam librariorum omissus esset, non fuisset ab omnibus graecis patribus per vndecim secula in allegatione scripturae praetermissus. *Lenfantius* auctorem disputationis in synodo Nicena optime explicat. XXVII. Refelluntur adhuc, qui eum vitio librariorum omissum fuisse contendunt.

dunt. XXVIII. Ab haereticis non fuisse erasum ipse *Millius* probat. Ab orthodoxis intrusus esse probatur. XXIX. Frustra *Artemonitae* insimulantur, verum istum 7 e contextu *Joannis* eiecisse. XXX. XXXI. *Caji* verba *Artemonitas* falsatae Scripturae accusantis. Ut maxime Scripturam falsassent, huius tamen versus 7. e *Joannis* textu ejecti insimulari eos non posse, euidenter probatur. XXXII. XXXIII. XXXIV. Falsum est, *Artemonitas* Scripturae fuisse falsatores. Eam ex codicibus antiquioribus emendasse probantur. XXXV. Etiam veteris Testamenti scripturam, e. g. *Es. IX. 6.* vbi versio LXX. interpretum, quoad illa verba magni consilii angelus, defenditur. Quare verba illa *Consiliarius, Deus fortis*, a *Nouatiano* non vrgentur contra *Artemonitas*. XXXVI. *Caji* ingenium etiam ex narratiuncula de *Natali* apparet. Quae ventilatur. *Theodotus Coriarius*, quo sensu non *Deum*, sed *hominem* sese negasse dicere potuit. XXXVI. Qua occasione et quando versus 7. in cap. V. I Epist. *Joannis* intrudi coeperit? *Grabe* refellitur. XXXVIII. Concluditur verbis *Lutheri* e libro eius nuper demum edito.

Diff. VII. Quinam fuerint Ebionaei, contra quos JOANNES dicitur scripsisse.

I. *Ebionaei* duorum generum. *Ebionem* quendam *Ebionaeorum* auctorem nunquam exstitisse, contra *Ittigium* et *Sagittarium* euincit *Phil. Jac. Hartmannus*. II. Ex *Talmude* *Ebion* talis probari nequit. III. *Ebion*, de quo *Hieronymus* ad *Gal. III.* non fuit sectae *Ebionaeorum* auctor. IV. Ipsi *Ebionaei* talem *Ebionem* minime agnoscebant. *Irenaeus* multa de *Ebionaeis*, nihil de *Ebione* habet, licet vbique fere auctores haeresium indicare soleat. *Tertulliani* error de *Ebione* vnde profluxerit? *Origenes*, *Eusebius*, *Cyrillus Hierosol.* *Ebionem* non agnoscunt.

scunt. V. Origo tituli *Ebionaeorum* a Judaeis infidelibus profecta. Sic omnes Christiani a Judaeis jam inde a principio Euangelii fuerunt vocati, quod pauperem Messiam, pauperes etiam ipsi sectarentur. Quod cum traditione ipsorum *Ebionaeorum* apud *Epiphanium* probe convenit. VI. *Ebionaei* a paupertate proprie dicta nomen habent. *Ge. Bullus Ebionis* denominationem cum dicto Spiritus S. de *Nabale* 1 *Sam. XXV. 25.* male confert, et nomen *Ebioni* a parentibus Spiritu prophetico inditum esse, affirmat. VII. *Ebionaei* vicissim a Christianis vocati fuere omnes *Judaei*, quod paupertati legis Mosaicae adhaererent. Quo sensu etiam Christiani e *circumcissione Ebionaei*, a Christianis gentilibus antiquitus sunt vocati, ut ex *Origene* patet. VIII. Successu temporis soli illi *Judaei Christiani*, qui Jesum e semine *Josephi* deducebant, *Ebionaei* appellabantur; non autem a Judaeis infidelibus, neque a Nazaraeis Christianis, sed ab iis, qui praexistentiam Christi ante *Mariam* credebant. IX. Et quidem, ut ex *Irenaeo* et *Eusebio* colligitur, a *Iustino M.* omnium primo. A quo etiam solo fabula de statua *Simonis Magi* profluxit. *Tillemontius*, *Grotius* et *Ittigius* refutantur. X. *Irenaeus* et *Tertullianus* nullos alios Christianos pro *Ebionaeis* habent, quam qui Jesum a *Joseph* deducerent. Qui vero eum e Spiritu S. conceptum, absque eius ante Matrem existentiam credebant, ab *Irenaeo* non memorantur, et quare? *Theodore* explicatur. XI. *Origenes* primus nobis *duplices* finxit *Ebionaeos*, adeoque et eos, qui Jesum e Spiritu S. conceptum esse credebant, sed eius antefecularem diuinitatem negabant, *Ebionaeos* vocavit jam senex; junior enim *Josephitas* solos pro *Ebionaeis* habebat. Verba eius emendantur. XII. Continuatio eiusdem argumenti. *Berylli* de Christo sententia. Differentia inter eius et *Artemonis* seu

[Naza-

Nazaraeorum sententiam. XIII. *Origenes* non ita male sentire videtur, de iis, qui Christo, vti *Beryllus* diuinitatem, statim a natiuitate ex *Maria* adscribebant, ac quidem de *Nazaraeis* et *Artimonitis*. XIV. Verba *Origenis*, omnes, qui Christo nomen dederant, *Judaeos*, *Ebionaeos* vocantis. XV. Inter quos etiam eos alibi recenset *Christianos* *Judaeos*, qui Christi e virgine natiuitatem absque eius ante matrem praexistencia credebant. *Petauii* de quorundam *Ebionaeorum* orthodoxia error. XVI. Auctoris libri *le Platonisme dévoilé* de *Ebionaeis* sententia confutatur. XVII. Error huius auctoris ex *Constitutionibus Apostolicis* et appendice ad *Praescript. Haeret. Tertulliani* et *Theodoreto*, qui refutatur, conceptus est. XVIII. *Caroli Daubuz* in libro, pro testimonio *Flauii Iosephi* de Christo p. 133. similis error refellitur. *Ebionaei* Christum adorabant et inuocabant. XIX. Quinam pro veris habendi sunt *Ebionaeis*? Exceptis *Matthaei*, nostri canonici, *Lucae* et *Pauli* scriptis non repudiabant caeteros N. T. libros. XX. *Epiphanius Elcesaeos*, aliosque perperam cum *Ebionaeis* confundit. *Irenaeus* illustratur et refutatur. XXI. *Elcesaeos* seculo demum tertio et jam adulto exortos, ex *Origine* et *Eusebio* probatur. XXII. Vnde error *Epiphanii*, de ortu *Ebionaeorum* et *Elcesaeorum*? Sibi ipse contradicit alibi, *Ebionaeosque* jam ante excidium *Hierosolymae* exstitisse statuit. XXIII. Differentia inter *Ebionaeos* et *Elcesaeos*. Perperam ab *Ittigio*, *Epiphanio*, *Rich. Simonio* et *Clerico* confunduntur. XXIV. Auctorem *Clementinarum* homiliarum non fuisse *Ebionaeum*, sed *Elcesaeum*, contra *Clericum* probatur. *Cotelerius* notatur. XXV. *Elcesaei* non erant *Anthropomorphitae*. Refutatur *Clericus*. XXVI. *Methodius* etiam inter alios confundit *Elcesaeos* cum *Ebionaeis*. XXVII. *Christiani Ebionaei*

naei, qui Jesum e semine Josephi deducebant, a principio Euangelii exstiterunt. *Maria* virgo in principio *Ebionaea* fuit. Primi Christi discipuli *Ebionaei*. De hoc argumento ita *Crellius*: „*Jam quaeritur quo tempore praecise isti proprie sic dicti Ebionaei, (cum Elcesaeis minime confundendi,) Jesum pro Josephi Filio habentes fuerint exorti? Jesum et antequam praedicare inciperet, et in principio euangelii praedicati pro Filio Josephi ab omnibus, si virginem matrem, eius maritum Josephum, Joannem Baptistam, eiusque parentes excipias, pro Josephi filio habitum fuisse, ex historia euangelia liquet. Primi itaque Christiani et discipuli Christi erant procul dubio Ebionaei. Ipsa Jesu mater virgo, antequam ab angelo Gabriele de ratione futurae Christi conceptionis fuisset edocta, Messiam illum promissum hominem ex hominibus fore credebat. Postquam enim ei dixisset angelus. Ecce (statim hac ipsa hora) concipies in utero et paries filium, et vocabis nomen eius Jesum; hic erit magnus et Filius altissimi vocabitur, (ille de quo legisti: Filius meus es tu, ego hodie genui te) et dabit ipsi Dominus ille Deus Thronum Davidis Patris eius, et regnabit supra domum Jacob, (omnes tribus Israelis) in secula, et regni eius non erit finis: Maria his verbis auditis procul dubio intellexit de illo promisso Messia, Davidis filio et Rege verba facere angelum: Dixit autem Maria ad angelum: quomodo hoc erit, quoniam virum non agnosco? quomodo ego concipiam filium illum Dei promissum Messiam, Regemque Israelis, absque coitu viri, cum innuas, me statim concipere debere. Credebat ergo hucusque Maria firmiter, Messiam ex coitu viri cum sua vxore exoriturum esse. Nihil enim aliud de conceptione futuri Messiae in Synagoga Judaica vnquam audierat. Post aliquot a Baptismo suo septimanas Jo. I, 44. reperit Christus Philippum, eique dixit, sequere me, eumque procul dubio se esse Messiam illum*

illum promissum docuit. Nisi enim docuisset, vnde ergo *Philippus* in *Nathanaelem* incidens dicere huic potuisset: *De quo Moses in lege et Prophetæ scripserunt, inuenimus Jesum filium Josephi, ex vico Nazareth.* Vnde sequitur *Jesum Philippo* indicasse, quod esset *Messias* filius ille Dei, *Pf. II.* promissus, aut *Philippum* id a *Joanne Baptista* edoctum credidisse; et simul tamen ipsum a Christo in ea opinione fuisse relictum, quod esset *Filius Josephi*. Poterat ergo tunc credi, *Jesus* fuisse filius Dei, et *Christus* ille, licet crederetur esse filius *Josephi* ex eius semine conceptus. Filius quidem Dei credebatur, propter illa verba *Pf. II.* *Filius meus es tu, ego hodie genui te, post Baptismum apud Jordanem in eo impleta; non propter natiuitatem e virgine tunc prorsus incognitam.* Patet ergo hinc, in principio quidem *Euangelii*, *Jesum* tanquam *Messiam* et illum *Filium Dei* fuisse annunciatum, articulum vero de eius extraordinaria conceptione non statim fuisse inculcatum, *Judæosque* cum opinione de *Jesu e semine Josephi* concepto, pro *Discipulis Christi* agnitos fuisse, modo *Jesum* esse *Christum* agnouissent, idque tunc temporis ad salutem suffecisse. Postquam enim *Nathanael Philippo* assensum præbuit et *Christum* sic fuisset alloquutus, *Rabbi (tu fili Josephi) es ille Filius Dei, tu es ille Rex Israelis,* recepit eum *Christus* cum ista fide in numerum discipulorum, fidemque hanc tanquam tunc sufficientem omnino approbavit; ita enim ei respondet: *Quia dixi, quod te viderem sub ficu, credis, nimirum Philippo, me (filium Josephi) esse filium illum Dei; maiora his videbis.* Sequitur inde, et tunc et longo ante tempore omnium *Judæorum* communem et vniuersalem fuisse opinionem, at non post excidium *Hierosolymitanum* inter *Judæos* exortam ac a quibusdam solummodo admissam, quod nempe *Messias* ille filius Dei promissus, futurus esset homo ex hominibus,

nibus, ex vtriusque sexus coitu oriundus, nedum vt pro Deo quodam praeaeeterno a Synagoga iudaica habitus fuisset. etc.

XXVIII. Christi tempore et antea communis erat Iudaeorum sententia de Messia e semine viri prodituro. *Basnagii* contraria de Iudaeis opinio refellitur. XXIX. Mutabilem veterum Iudaeorum mentem, *Car. Dau buz* ex libro *Zohar* non potest probare. Erat existimans Iudaeos olim duos Messias, alterum *Dauidis*, alterum *Iosephi* fabri filium statuisse. *Basnagius* refutatur. Verba *Tryphonis* in dialogo cum *Iustino M.* illustrantur. *P. Allixius* notatur. *Philo* Iudaeus et *Paraphraetae Chaldaei* per *logon* et *Memra* non designant Messiam. XXX. Non mirum Iudaeos jam ante tempora Christi in explicatione τὰ *Ecce virgo concipiet.* etc. coecutiisse, cum et alia prophetarum dicta de Christo non intelligerent. Illustrantur dicta *Jo. I. 21. VI. 14. VII. 40. 41.* XXXI. Refellitur *P. Allixius* Iudaeis tempore Christi magnam scripturae intelligentiam tribuens. XXXII. Toto tempore Christi in terris versantis, vulgo ignota erat eius miraculosa conceptio. Et vix vltos tunc alios, quam *Ebionaeos* habuisse videtur discipulos. Allegatur in eam rem *Theodorus Mopsuestenus*. Ad quaestionem: Quare Christus, quoad in terris vixit, conceptionis suae miraculosae e Sp. S. nullam omnino fecerit mentionem? non quouis respectu male iudicat *Crellius* adfuisse rationes, cur non omnibus hoc Mysterium patefecerit; omnibus autem fuisse ignotum, ex silentio Euangelistarum, qui Christum de hac conceptione testatum esse non indicant, solide colligi nequit, multo minus Apostolos miraculosam eius natiuitatem ignorasse, imo adeo eosdem de Christo Dei filio cum Socinianis paria sensisse. Ita autem ad quaestionem respondet. „Nondum erat tempus, neque commoditas, hocce reuelandi Mysterium,
omnium

omnium Judaeorum opinioni de Messia ex coitu matrimonio oriundo contrarium. Sufficiebat ergo tunc ad salutem, si quis Jesum Nazarenum, qui pro filio Josephi ab omnibus alte radicato veterique praejudicio habebatur, credebatur, per sanctificationem et descensum illum Spiritus S. post Baptismum, sine mensura in eum collati singularem, extraordinarium adeoque Filium Dei unigenitum evasisse. Nam Deus per Spiritum suum sibi gignit filios. Veritas ergo illa de miraculosa Messiae conceptione tempore commodiori reserrabatur manifestanda. Adeo ut ipsi Apostoli saltem ex parte, antequam effusione Spiritus S. post Christi in coelum ascensionem, in omnem perducti essent veritatem evangelicam, Ebionaei fuisse videantur. Sane etiam hoc dogma, de conceptione e Spiritu S. vices viri supplente, inter illa multa, quae tunc portare non poterant, Jo. XVI. 12. ponendum videtur." His Crellius Theodori Mopsuesteni verba ex Facundi Hermianensis defensi subiungit, ex quibus constare putat: Christum, cum in terris versaretur, ne ab Apostolis quidem ipsis, pro Deo et Dei Filio sensu Homousiano, sed pro homine tantum habitum fuisse, Filio nempe Josephi. XXXIII. Confessio Petri, Tu es ille filius Dei viventis, non probat, eum jam tunc Christi conceptionem ex Virtute Altissimi credidisse. Etiam Ebionaei ita confitebantur ex Ps. II. Filius meus es tu, etc. XXXIV. In actis Apostolorum nulla mentio Christi miraculose concepti. Dictum illud act. XIII. 32. ex Ps. II. quomodo Ebionaei explicauerint. XXXV. In epistolis Apostolorum nulla quoque eius rei mentio. Verba Rom. VIII. 32. Gal. IV. 4. et Rom. I. 4. Ebionaei ambabus vlnis amplexi poterant. XXXVI. Publice Apostoli conceptionem istam miraculosam non annunciabant. Et exemplo Christi Ebionaeos in ecclesiam admittebant semper atque tolerabant. Quare? XXXVII. Solus auctor epistolae ad haebraeos alicubi Christi miraculosam conceptionem, sed

sed obscurissime tradit; idque eo demum tempore, quo *Lucas* etiam Euangelium edebat. XXXVIII. *Lucas* atque *Matthaeus* multis demum post Christi ascensionem annis rem istam palam et clare proponunt, sed Ecclesia jam a suis primordiis *Ebionaeorum* plena. *Lucas primus* suum edidit Euangelium. Exordium eius Euangelii explicatur. XXXIX. Etiam collatio historiae de Christi in deserto tentatione, a *Luca* et *Matthaeo* descriptae, innuit *Lucam* priusquam *Matthaeum* suum scripsisse Euangelium. XL. *Lucas* Euangelium juxta *Dodwelli*, *Millii*, *Estii* sententiam simul cum actis Apostolorum edidit anno post Christi ascensionem circiter 31. Jo. Clerici sententia examinatur. XLI. *Marcus* Apostolorum praedicatione in mundo jam finita, adeoque post *Petri*, *Paulique* mortem scripsit Euangelium. XLII. Cur post *Lucam* *Matthaeus* ipse et non alius aliquis Apostolus Euangelium cum conceptione Christi miraculosa edidit? XLIII. Cur post *Matthaeum* *Marcus* cum suo evangelico libro, in quo nulla mentio Christi miraculosae conceptionis, prodierit? *Epiphanius* allegatur. XLIV. Qui fieri potuerit, ut *Ebionaei* post *Lucae* *Matthaeique* edita euangelia, tamen in opinione sua, de *Jesus* e semine *Iosephi* concepto perstiterint? Num eo consilio tunc Evangelistae scriberent Euangelia, ut statim ab omnibus publice necessario legerentur? XLV. *Joannes* absque vlla mentione conceptionis Christi miraculosae, eo consilio, quo *Marcus* Euangelium suum scripsit. XLVI. *Grabe* magnam partem a nobis doctorum confirmat.

Diff. VIII. De *Nazaraeis*, altero, ut quidam voluerunt, *Ebionaeorum* genere.

I. *Nazaraei*, qui miraculosam Christi conceptionem, absque tamen praeexistentia ab aeterno, statuebant, jam
aposto-

apostolicis quoque exstiterant temporibus, non vero demum post eorum tempora exorti. II. *G. Bulli* sententia contraria refellitur. III. Sententia nostra testimoniis *Hieronymi* et *Augustini* et *Cyrilli Alexandrini* confirmatur. IV. *Epiphanius*, Nazaraeos post discipulorum ab Hierosolymis secessionem *Pellae* exortes esse, tradit. V. Alibi tamen jam antea exstitisse docet. VI. Prior sententia *Epiphanii* refellitur. VII. *Epiphanius* Nazaraeos, jam ante Hierosolymae excidium, in fide de persona Christi non fuisse orthodoxos asserit. *Petavius Epiphanium* non recte interpretatur. VIII. Refutatur ista *Epiphanii* assertio. Nazaraei suam de Christo ab aeterno non praeexistente sententiam *Pellam* Hierosolymis secum attulerunt. IX. Origo tituli *Nazaraeorum*, similis origini tituli *Ebionaeorum*. *Tillemontius* et *Dodwellus* refutantur. X. *Origenes*, *Ambrosius*, *Faustus Manichaeus* et *Augustinus* testantur, Nazaraeos sibi Christianorum nomen tribuisse. XI. Num Nazaraei legis fuerint *Zelotae*? *Origenes* mentem *Celsi* non percipit asserentis, Judaeos Christum sequutos legem patriam deseruisse. *Celsus* optima methodo librum suum pessimum concinnauerat. XII. Nazaraei legem *Mosis* gentilibus non imposuisse probantur verbis *Hieronymi*. *Augustini* hac de re error. XIII. Moderatio ista *Nazaraeorum*, praecipue *Symmachi*, Nazaraei tempore enituit. Qui in *Matthaei* Evangelium commentarios scripsit. Quo consilio? Non obstat, quod in *Esaiâ* verterit, *Ecce juuencula pariet filium*. Cur sic verit etiam ante eum *Thedotion*? XIV. Nazaraeos solam legem absque seniorum traditionibus observasse, ex *Hieronymo* probatur. XV. *Ebionaei* e contra etiam harum erant tenacissimi. Verba in *Ignatio*: *Si non in veteribus inuenio, in euangelio non credo* etc. *Ebionaea* sunt. *Isaaci Vossii* explicatio horum ver-

N

borum,

borum ex parte laudatur. Versio LXX. interpretum
 jam ante tempora *Hadriani* a *Judaeis* rejecta. Locus
 in eam rem ex dialogo *Jasonis* et *Papisci* allegatur.
Pfaffii falsa *Ignatii* verborum explicatio refellitur.
 XVI. *Ebionaeos* secundum traditiones seniorum scrip-
 turam V. F. explicasse, ne per eam extra viam abripe-
 rentur, constat ex scripto *Ebionitico* apud *Cotelerium*.
P. Allixius notatur. XVII. Num *Nazaraei*
 etiam *Pauli Apostoli* epistolas reiecerint? Ex *Theodoro*
 nihil hic probari potest. Cuius mira figmenta di-
 luuntur. XVIII. Non reiecisse, patet ex *Hieronymi*
 verbis. XIX. Si *Paulum* non damnabant, quomodo
 adhuc legi ceremoniali addicti esse potuerint *Nazaraei*?
Hieronymus et *Basnagius* in eam rem allegantur.
 XX. Cum eiusmodi moribus et consuetudinibus tole-
 rari debebant in Ecclesia catholica *Nazaraei*. Quis inde
 fructus in rem christianam redundasset? XXI. Euan-
 gelium *Matthaei* canonicum admisisse *Nazaraeos* ex
Hieronymi verbis colligitur. Quid vere fuerit illud
πληρες *Matthaei* Evangelium apud *Epiphani-
 um*, et cuinam *Matthaei* imperfecto opponatur
 Evangelio? Dubitatio *Epiphanii*, an hoc *πληρες*
Evangelium genealogiam Christi contineret, in-
 epta et absurda. XXII. *Ittigii* contraria sententia re-
 futatur. XXIII. *Nazaraeos* etiam *Lucae* Evangelium
 admisisse, ex *Africani* verbis apud *Eusebium* col-
 ligitur. XXIV. *Nazaraei* Christianorum baptismum
 observabant, et per consequens etiam S. Eucharistiam.
 Diem dominicum item. Christum Jesum Mediatorem
 inuocabant, quod verbis *Nouatianii* de eorum homo-
 doxis probatur. XXV. *Ebionaeos* non excommunica-
 bant, et quare? XXVI. Cur a *Nazaraeis* *Ebionaei* sen-
 tentiam veram de Christi e Spiritu S. conceptione non
 didicerint, inquiritur. Filiatio Christi in conceptione
 ista consistens, cum filiatione apud Jordanem per de-
 scensum

scensum Spiritus S. effecta, quam *Ebionaei* agnoscebant, inter se conferuntur. XXVII. Cur ex *Euangelio Nazaraeorum*, dicto *secundum hebraeos*, quod recipiebant etiam *Ebionaei*, conceptionem Christi miraculosam non didicerint? *Nazaræi* in coetibus suis publice non Euangelia, sed legem et prophetas praelegebant; etiam gentiles Christiani in suis publicis coetibus, non statim post Apostolorum tempora, omnia N. F. canonica scripta legebant. *Humphr. Hodi* et *Jo. Alph. Turretinus* laudantur. *Dodwellus* notatur. XXVIII. *Nazaraeorum* humanitas et benevolentia erga alios Christianos dissidentes in religione. XXIX. Quid *Nazaraeis* post tempora *Hieronymi* euenerit, disquiritur. *Lud. Cappellus* et auctor *des dissertations historiques* refellitur. XXX. XXXI. *Jo. Clerici* sententia de *Nazaraeis*, eorumque origine confutatur.

Diff. IX. Qua respondetur ad OBJECTA contra praecedentis dissertationis assertiones de NAZARAËIS.

I. *Pauli Pezronii* sententia de *Nazaraeis*, *Pellae* post excidium *Hierosolymae* exortis, et ibi Apostolorum decreto propter *Judaismum* ab Ecclesia separatis, refutatur. II. *Tillemontius* separationem istam post ultimam *Judaeorum* sub *Adriano* cladem contigisse ex *Severo Sulpicio* et *Iustino M.* colligit. III. *Pellen* gentiles non cogebant *Judaeos* aduenas *Judaismum* abiicere. IV. Ipse *Pezronus* *Nazaraeos* antequam *Pellam* venissent, jam praeter *Judaismum* grauib; erroribus deditos fuisse asserit. V. *Stillingleeti* opinio de Christianis, qui *Pellae* remanserant haereticis, qui vero *Hierosolymam* inde reuersi sunt, orthodoxis, in *The Vindication of the doctrine of the Trinity* c. III. p. 21. confutatur. VI. Verior sententia proponitur. Duae migrationes *Pellam* institutae. VII.

Non tam Judaei credentes, ethnici, quam hi potius illos tantum excommunicauerunt. *Excommunicatio* a gentiliū sacris, non a Judaeorum Synagoga in Ecclesiam Christianam inuecta. VIII. *Stillingfleeti* opinio de *Nazaraeis* haeticis Pellae demum exortis iterum exploditur. IX. *Jo. Richardsoni* opinio de *Ebionaeorum* duplici genere ex *Nazaraeis* Pellae remanentibus exorto, et tota tandem Pellenſe Ecclesia alterutrum *Ebionaeorum* genus ſequuta. X. Confutatio huius ſententiae. XI. *Bulli* obiectiones ventilantur. Ex *Philaſtrio* *Nazaraeorum* orthodoxia probari nequit. XII. Ex *Augustini* libro de *haereſibus*, *Bullus* adſtruere non poteſt, *Nazaraeos* fuiſſe Homouſianos; etiamſi ita de iis *Augustinus* reapſe ſenſiſſet. XIII. Sed non ſenſiſſe probatur, ex aliis ſuis verbis, conſentiente *Hartmanno*. XIV. Explicantur verba *Augustini* de *Nazaraeis* in libro de *Haeres*. XV Capita duo in eo *Augustini* libro transpoſita, in ſuum locum reponuntur. XVI. Ad obiectionem *Bulli*, *Augustinum* ſuo ſenſu loqui, quando dicit, *Nazaraeos* conſiteri Chriſtum Filium Dei, reſpondetur. XVII. *Augustinus* non loquitur exacte, nec cuiusque haereſeos terminos loquendi proprios ubique obſeruat. XVIII. Cum *Augustinus* libro de haereſibus, aut *Epiphanium* ipſum aut *Epiphanii* auctorem ſequatur, ex *Epiphanio* potius, explicatiuſ de haereſibus ſcribente, cognoscenda eſt *Augustini* de *Nazaraeis* ſententia. *Nazaraeorum* doctrina in *Epiphanio* illuſtratur, non bene in *Augustino* repraeſentata. XIX. XX. XXI. *Nazaraeos* non credidiſſe Chriſti ante matrem praeeſiſtentiam, ex *Epiphanio* ad oculum aliquot argumentis demonſtratur. D. *Huetius* notatur. XXII. *Bulli* obiectione ex *Hieronymo* proponitur. XXIII. Verus ſenſus *Hieronymi* verborum indicatur. XXIV. XXV. Nihil ex illis *Bullum* de fide homouſiana *Nazaraeorum* probare

probare posse, ostenditur. XXVI. Ipsa *Hieronymi* verba probant eum *Nazaraeorum* fidem de Christo pro maxime imperfecta habuisse. XXVII. XXVIII. XXIX. Dato, non concesso; *Hieronymum* hic *Nazaraeos* tanquam orthodoxos introducere; eius tamen hoc loco testimonium, iniquissimam causam contra *Augustinum* temere, ac affectu coeco, et non ut candidum virum decuit, propugnantis, nullam fidem meretur. XXX. *Bulli* figmentum de *Ebionacis* latiori sensu dictis post medium tertii seculi exortis, homousianae fidei de Christo et legi *Mosis* addictis, *Rufino* aliisque contrarium exploditur. XXXI. XXXII. Insignis locus *Origenis* allegatur, ex quo patet, omnes *Judaeos* Christianae simul fidei et legi cerimoniali addictos, ab Apostolicis inde Christique temporibus, sententiam fouisse Christi antefeculari diuinitati contrariam. XXXIII. Idem ex *Theodoreto* probatur. XXXIV. Respondetur ad obiectionem *Bulli* ex *Epiphanio* petitam. XXXV. Refelluntur *Bulli* de *Nazaraeis* quibusdam antea homousianis, postea demum tertio seculo, *Ebionaeorum* haeresi infectis coniecturae. *Jo. Pearsoni*, *Humfredi Hodii*, *Petri Jurieu* etc. imo *Iustini M.* ipsius judicia de *Nazaraeis* *Bullo* contraria. XXXVI. XXXVII. *Allixii* opinio de *Nazaraeis* confutatur. XXXVIII. Epilogus.

Diff. X. JOANNES non scripsisse contra EBIONAEOS probatur.

I. *Irenaeus* statuit Evangelium *Joannis Cerintho Nicolaitisque* fuisse oppositum. De *Ebionaeis* id non dicit, ut nec *Eusebius*. *Hieronymus* demum id asserit, et circumstantias ridiculas ex *Pseudo-Prochoro* admiscet. *Epiphanii* ea de re traditio. II. Absurditas assertionis *Hieronymianae* et *Bulli* demonstratur. III. Solutus *Irenaeus* in hac traditione sequendus est. Cujus caeteroquin commenta distinguenda sunt a veteri,

ri, quam aliunde hauserat, traditione historica. IV. *Irenaeus Ebionaeos* post versionem *Theodotionis* exortos statuit, adeoque *Joannem* eis Evangelium suum opposuisse dicere non potuit. *Aquila* et *Theodotion* sub *Adriano* interpretati. *Theodotion* non *Ebionaeus*, sed *Nazaraeus* fuit. Cur versio *Danielis* ab eo facta, ab Ecclesia catholica fuerit recepta. *Henr. Dodwellus* refellitur. V. *Cerinthus* et *Nicolaitae* crassissimi erant Antichristi. *Ebionaei* non item. Contra illos ergo, non contra hos scripsit *Joannes*. VI. Falsa *Bulli* assertio, *Ebionaeos* Jesu Christo titulum τὸ λόγος non tribuisse, aut tribuere non potuisse. VII. *Joannes* non scripsit contra *Ebionaeos*, quia de miraculosa Christi conceptione nihil scripsit. *Ebionaei* contra *homousianos* de incarnatione τὸ λόγος discursus. Vera ratio, cur Christus non e semine viri, sed e Spiritu S. concipi debuerit. VIII. Respondetur ad objectionem ex *Jo. I. 13.* juxta allegationem *Irenaei* et *Tertulliani*. IX. In controuersia *Joannis* cum *Cerintho* non consideratur, num Jesus e Spiritu S., an vero ex *Josepho* fuerit conceptus; sed num Jesus sit Christus, an vero persona a Christo distincta. *Ebionaei* in hac controuersia *Joanni* erant homodoxi. X. *Bulli* imperfecta *Antichristorum* definitio. XI. *Ebionaei* non negabant Patrem et Filium. XII. Probatur *Joannem* non credidisse incarnationem τὸ λόγος in utero mulieris. XIII. XIV. *Sociniani* multo sunt remotiores a *Cerinthi* *Nicolaitarum*que dogmate, quam *Ariani* et *Homousiani*. Iniqui, qui eos rejiciunt, cum ipsa apostolica Ecclesia *Ebionaeos* cum eorum errore, crasso licet, semper tolerauerit.

Diff. XI. De Evangelio secundum hebraeos, seu XII. Apostolorum, quo utebantur Nazaraci.

Non adiecit *Crellius* huic dissertationi nec *diff. XII. XIII. et XIV.* contenta, nec dissertationes istae sectionibus

bus et paragraphis distinctae ab eodem sunt. In diff. XI. post breuem de Euangelio secundum hebraeos translationem, loca ex eodem a diuersis patribus allegata profert, et quidem eo ordine, quo in canonicis nostris euangeliiis similia hisce fragmentis et allegatis reperiuntur; quem quoque ordinem istud Euangelium Apocryphum tenuisse *Crellius* obseruat, ita vt primo Christi baptismus in eo fuerit descriptus, postea miracula atque dicta; deinde passio eius et resurrectio.

Diff. XII. De Euangelio Ebionaeorum, quod secundum Matthaeum vocabant.

In lucem protractis et collectis ex *Epiphanio* aliisque antiquioris aevi scriptoribus, euangelii huius fragmentis, quae de *Ebionaeis* statuit *Crellius*, confirmare allaborauit, simulque probare: *Ebionacos* non desumpsisse suum Euangelium ex Euangelio *Matthaei* jam conscripto et edito; sed antequam vllum canonicum exstaret, suum hoc Euangelium ex orali potius traditione *Matthaei* Apostoli conscripsisse; quod hoc modo adstrui posse putat. Postquam *Matthaeus* ipse suum ediderat Euangelium, istud, *Ebionaei* odio tunc habentes *Matthaeum* non adhibuissent, vt suum inde consarcinarent, ideo ante nostrum canonicum editum fuisse oportet, *Matthaeum* vero huic *Ebionaeo* Euangelio suum postea opposuisse, quia illud sub eius nomine venditabatur; hinc famae suae consulere et euangelicae historiae veritatem proprio scripto asserere voluit.

Diff. XIII. De Euangelio secundum Aegyptios. Hoc a fratribus aegyptiis conscriptum et in aegypto editum vnum fuisse ex his, ad quae *Lucas* in prooemio Euangelii sui digitum intendit, ac proinde omnibus canonicis antiquius esse censet. Huius Euangelii fragmenta varia ex *Clementis* Ep. II. ad Corinth. §. XII. ex *Pseudolino* de Petri Apostoli passione, ex *Clemente Alexandr. Stromat. L. III.* profert, in primis ex illo, quod in *Epi-*

phanii haeres. LXII. §. 2. occurrit, vbi in euangelio secundum aegyptios, Seruator introducitur declarans discipulis: *Eundem esse Patrem et Filium et Spiritum S. Crellius* euincere studet, Vnitariorum et Socinianorum doctrinam esse antiquissimam, et verba institutionis baptismi ex *Matth. XXVIII.* in hoc euangelio ita lecta fuisse: *Baptizantes eos in nomine Patris et Filii et Spiritus Sancti. Idem enim est Pater, idem est Filius, idem Spiritus S.* Dicit autem (*Crellius* addit) Patrem, Filium et Spiritum S. *eundem*, scilicet, quoad subiectam materiam, nempe doctrinam, ad quam homines per baptismum obstringi iubentur. Vnitarios igitur fuisse istos Christianos aegyptios, qui post adscensionem Christi ante *Lucam* euangelium hoc ediderunt. Non dubitat, quin in hoc euangelio plura et euidentiora *Nazarenæ* aut *Sociniæ* doctrinae indicia extiterint; quandoquidem etiam hoc Euangelium, aequè ac illud secundum hebraeos *Nazaraeorum*, *Origenes* cum *Hieronymo* inter principia haereseon retulerunt. Nempe erant ibi talia, quae cum praeeexistentia Dei incarnati nullo modo conciliari poterant.

Diff. XIV. De dictis Christi; quae olim exstabant in Euangelis, aut libris quibusdam auctorum orthodoxorum nunc ignotorum, aut incertorum.

Cum *Lucas* dicat multos ante se conscriptos fuisse libros de rebus Christo gestis, inter quos *Matthaeum* et *Marcum* non esse numerandos *Crellius* iudicat; plures putat fuisse, quam tres istos libros, quos *Diff. XI. XII. XIII.* tractauit; sed intercidiisse illos cum aliis. Quae tamen ab antiquis citantur dicta Christi; quae putat in quodam horum trium Euangeliorum, imprimis in Euangelio secundum aegyptios extitisse, allegat *Crellius* et pro fine suo in vsus suos conuertit. Vnicum speciminis gratia in compendio proferimus,


nimi-

nimirum fragmentum ex *Barnabae epist. cathol. C. IV. Dicit filius Dei, resistamus omni iniquitati, et odio habeamus eam.* Ita *Crellius* circa illud inquit: „Continet hoc fragmentum admonitionem, qua Filius Dei non tantum discipulos suos, verum etiam se ipsum hortabatur, ad resistendum omni iniquitati, et ad odio eam habendam. Num vero Deus praeæternus, qui peccare nullo modo potest, sese ipsum ad fugiendum peccata adhortari potest? Quid, si quis diceret, Deum Patrem, vel Deum Spiritum S. sese hortari ad omnes iniquitates vitandas et fugiendas? Nonne absurdus et blasphemus esse diceretur? Dicesne secundum humanitatem ista loqui Filium Dei? At vero 1. Cum humanitas in vna persona cum deitate subsisteret, non magis talis humanitas peccare potuit, aut adhortatione indigebat, atque ipsa diuinitas. Nisi forte statuas, personalem vnionem etiam hac in parte nostrae animae cum corpore vnioni esse similem, vt, quemadmodum non obstante ista personali vnione, homo exstasi pati et anima a corpore, nondum per mortem dissoluto, aliquamdiu separari possit; sic et homo Iesus Christus cum diuinitate personaliter iunctus aliquam aliquando exstasi pati, sibi soli relinqui, et vere tentari, adeoque adhortatione sui ad non peccandum indigere potuit. Sed 2. hac ratione statueres Christi humanam naturam in vnione quidem cum diuina consideratam, nullam habere propriam subsistentiam, habere tamen durante tali exstasi. 3. Statueres etiam, Christum secundum humanitatem non prorsus fuisse impeccabilem, id est, licet reipsa non peccauerit, peccare tamen potuisse, nisi sibi cauisset, et magno studio iniquitati restitisset. Apparet istos auctores, qui hoc dictum a *Barnaba* prolatum inculcarunt, aut scripto consignarunt, et *Barnabam* ipsum, imo Christum, qui talia loquutus est, plus, quam Socinia-

num fuisse. Nec enim *Socinus* vnquam dicere vel scribere fuit ausus, *Christum fuisse peccabilem, vel peccare potuisse, licet re ipsa minime peccauerit.*

Eodem tramite adhuc XII. fragmenta pertractat, ac dissertationem his verbis claudit: „*Ex his huc recensitis (fragmentis et dictis) patet, nullum esse Christo indignum, nisi, quod dices, quaedam esse Sociniana aut Ebionaea. Sed id ipsum nunc ostendere instituimus, totam antiquitatem Christianam fuisse Socinianam, aut Ebionaeam, quoad articulum de Jesu Christi persona. Adeo ut isto nomine dicta repudiari nec possint nec debeant.*”

Dissertationis XV. conspectus in *Supplementis ad B. A. P. II. p. 1085.* jam expositus legitur.



TOMI SECUNDI.

CAPUT II.

DE PRIMIS

ANTITRINITARIORUM

IN

GERMANIA, ITALIA, HELVETIA

ALIISQUE EUROPAE PROVINCIIS

SAECULO XVI. MOTIBUS.

YOMI-24-CONDI
CAPUT II

DE PRIMIS

ANTITRINITARIORUM

GERMANIA ITALIA HELLAS

ADRIATICO MAREM

RAVENNAE AD VOTIBUS

CAPUT SECUNDUM.

DE PRIMIS ANTITRINITARIORUM IN GERMANIA, ITALIA, ET HELVETIA ALIISQUE EUROPAE PROVINCIIS
SAECULO XVI. MOTIBUS.

Synopsis.

- §. I. Antitrinitariorum disciplina non a Christo eiusque Apostolis est repetenda.
- §. II. Nec a saluberrimo reformationis Ecclesiae negotio, vel ipsis reformatoribus.
- §. III. Primi Saec. XVI. in Germania fuere *Mart. Cellarius, Ludov. Herzerus, Jo. Denckius.*
- §. IV. *Jo. Campanus, Ge. Wicelius*, de quo tamen dubitandum, *Adamus Pastoris, S. Rudolph. Martinus*, et *David Joris, f. Georgius.*
- §. V. *Melchior Hoffmannus*, et *Casp. Schwenckfeldius* excusandus videtur: Omnino sunt excipiendi *Fabrizius Capito, Erasmus Roterdamus*, alique.
- §. VI. Ex *Helvetiis* quidam anonymi, non tamen *Coelius Secundus Curio*, Ex *Gallis Steph. Doletus*, ex *Hispanis Jo. Valdesius* male inter Antitrinitarios collocatus et *Alphonfus Lingurius*; in *Anglia Ge. Parvius.*
- §. VII. *Mich. Seruez*, *Hispani*, facta et scripta.
- §. VIII. Eiusdem placita et aliorum de eodem iudicia.
- §. IX. De *Collegiis Vicentiae a. 1546* institutis, a quibus *Socinianismi natales* vulgo reputantur.
- §. X. De illorum sociis, quibus non omnes *Itali* religionis causa isto tempore profugi, sunt adnumerandi.
- §. XI. *Joannis Valentini Gentilis* fata ac placita.
- §. XII. De *Matthaeo Gribaldo, Jo. Paulo Alciato, Ge. Blandrata, Nic. Paruta, Franc. Nigro.*
- §. XIII. An *Bernardinus Ochinus* Antitrinitarius?
- §. XIV. An *Wilhelmus Postellus* conuentuum *Vicentinorum* sodalis fuerit?
- §. XV. De *Marthia Gittichio, Venetiano, Francisco Sranaro, Petro Paulo Vergerio, Paulo Scalichio*, aliisque problematice differitur.
- §. XVI. *Itali* errore infecti in *Helvetiam* et praecipue *Geneviam*, se contulerunt; inde expulsi, in alias *Europae* regiones, maxime in *Poloniam* et *Transylvaniam* discesserunt.

§. I.

Qui videri volunt probatissimum ac integerrium Christianismum in coetu suo seruatum esse, sibi que orthodoxiae puritatem familiae Socinianae scriptores vindicare student, disciplinae suae originem iam inde a Christo et Apostolis repetunt, quam omni tempore per Praedecessores suos paulo ante nominatos, quos veritates illibatae testes praedicant, custoditam dicunt, atque antiquissimam Christi ciuium doctrinam per ytrumque *Socinum*, quos Ecclesiae Reformatores maxime strenuos probatissimosque venerantur, renouatam et orbi restitutam esse, jactitant.

*

*

*

Prima recentiorum Antitrinitariorum initia perquirentes, ipsos familiae huius antistites animaduertimus, sibi ipsis et aliis persuadentes, placita sua a Christo et Apostolis esse deriuanda, quos errorum suorum praecones pessime conuiciantur. Suo Socinianos exemplo jam praeiuerunt *Ariani*, qui dogmata sua et noua inuenta Apostolica esse, et a prima Christianae ciuitatis aetate in ecclesia Orthodoxa viguisse, venditarunt. Tantopere plurimos sectae huius defensores hac antiquitatis persuasionem occupatos, ex antecedentibus nouimus, ut quoque ex antiquorum haereticorum numero haud paucos disciplinae suae confessores, tanquam veritatis ministros praedicent, et recentiores vel aequalium, vel similium errorum restauratores pro genuinis antiquissimae ac venerabilis fidei a Christo et Apostolis traditae, per Orthodoxos autem deprauatae et corruptae, reformatoribus habeant. In hunc modum *Andr. Wiffowatius* in narr. compend. inquit: „Post aliquot saecula, quibus nox atra errorum in religio-

religionem pedetentim introductorum, orbi christiano incubisset, dies veritatis diuinae reuertens, gradatim, ut fieri assolet, coepit affulgere: Lutheri, Zwinglii, Caluini, Men-
nonis, veluti aurora, ac diluculum praeceffit, quod deinceps solis reducis clariores radii sequuti sunt, cum circiter annum 1546 recepta de Deo trino opinio, in dubium reuocari coepta est. WISSOWATIUS in his F. SOCINUM habuit praemonitorem, qui in tract. de ecclesia, Racov. 1611. 8. p. 47. inquit: „Deus per Lutherum a falsis cultibus et idololatria, qui passim inter eos, qui Christum profitebantur, fiebat, homines retraxit, et ad eiusmodi diuinarum rerum cognitionem adduxit, quae satis esse poterat, ad salutem aeternam conciliandam. Quamuis multa adhuc in doctrina eius essent, quae correctione indigerent, et facile a vera salutis via infirmorum animos reuocare possent, quorum correctionem non diu Deus distulit. — Nihil enim conuenientius fieri potuit, quam ita sensim ad veritatis diuinae patefactionem progredi. Non enim tantam lucem ferre potuissent, oculi plane coecutientes et perpetuo tenebris adueti: Lacte, non autem cibo solido infantes sunt nutriendi; cum vero paululum adoleuerint, tum paulo etiam eis solidior cibus praebendus est.” Eadem tibia cecinit OSTORODUS in praef. Instit. Relig. christ.: „Gott hat nicht alles, was die Wahrheit zu erkennen betrifft, denselbigen Männern, durch welche er uns die Finsterniß des Pabstthums gezeigt, gegeben; sondern einem jeden etwas, und das auch nicht auf einmahl; sondern von Tage zu Tage mehr, damit er unserm schwachen geistlichen Gesichte also zu Hülfe käme, als welches das vollkommene Licht nicht würde mit eins haben ertragen können.” Ad eundem modum SMALCIUS in praef. libro de Christo vero, et naturali Dei filio, praemissa, inquit: „Quod ecclesias nostras reformatiores appellari, aegre fert SMIGLECIUS, mirum non est; siquidem suam deformatam fuisse et esse, credere nondum fortassis didicit. Docebit autem id dies magis magisque, si ea, quae tum aduersus Romanam Ecclesiam, tum aduersus alios quo-

que

que coetus reformatos urgemus, obtinuerint, nos nihil nobis arrogare, sed quod res est, vere de nobis praedicare. Eadem persuasione trahitur STAN. LUBIENIECIUS, qui l. c. L. I. C. I. p. 2. seqq. et pluribus eiusdem libri locis, coeptam quidem a. 1517. per Lutherum Ecclesiae reformationem concedit; sed illo tempore, quo articulus de Deo trinito, et deitate J. C. impugnatus est, circa annum 1550 ecclesiam, perfectam reformationem et libertatem consequutam esse, jactitat. His figmentis deceptum quoque videmus Jo. STOINIUM in *Chronologia Graduum*, quibus veritas coelestis in Polonia sensim ad summum peruenit, etc. apud Sandium l. c. p. 181.

Ex supposita de disciplina sua Apostolicae originis praesumptione, Socinianismum profitentes, SOCINUM non noui Systematis statorem, sed ecclesiae reformatorem absolutissimum sibi fingunt. Lutherum equidem opus salutare inchoasse, Zwinglium, Caluinum, Oecolampadium, aliosque continuasse, Socinum denique perfecisse, omnesque eius sequaces in apricum antiquissimae veritatis prodiisse, erroribus suis litantes venditant. Quod ciuitatis huius sodales Laelio et Fausto, Socinis tribuunt, GREGORIUS PAULI, qui Neo-Arianismi in Polonia auctor creditur, sibi fastuose vindicat. Adeo enim jactabundus procedit, ut sibi cum caussae suae fociis Anti-Christi excisionem, eiusque ab imis usque fundamentis euersionem tribuat, Lutherum autem primas saltem reformationis duxisse lineas fucum faciat. Ita Jo. WIGANDUS, L. II. de Deo, contra nouos Arianos inquit: „*Noui Ariani, qui in Polonia jam recens exorti sunt, quorum sese caput profitetur GREG. PAULI, minister Cracouiensis, edita monstrosa tubula, et turri Babell, (B. A. P. II. p. 599. N. I. p. 604. N. 3.) ex putrida ambitione, veluti scarabaci ex asinis mortuis pullulant. Nam LUTHERI vix minimam partem, reuelationis et destructionis Antichristi relinquunt, nempe superioris tantum tecti in aedificio Antichristiano denudationem; at sibi met ipsis isti spiritus arrogant Antichristi excisionem*

tionem et exstirpationem." Gloriantur sibi longe plura a Deo esse data, quam *Luthero*, aut aliis; sic expresse *Greg. Pauli* scribit: „*Deum per Lutherum coepisse Ecclesiam Anti-Christi a tecto demoliri, non a fundamento, ne domus putrida eum opprimeret.*” *Val. Gentilis* in dedicatione libri, quem Regi Poloniae *Sigismundo* sacratum voluit, contendit: *LUTHERUM, ZWINGLIUM, BUCERUM, in oppugnando Anti-Christo tantum occupatos fuisse in caudae oppugnatione, solumque Philippum ex tot millibus unum fuisse, qui quasi aliud agens, lethale vulnus, ei potius minari, quam infligere videatur.*” Circa hoc assertum omnes Antitrinitarii recentiores conueniunt, qui in aliis rebus, ut *Architecti Babelis* maxime dissentiunt. Adferunt quoque rationes, quibus prouecti, longius sibi progrediendum fuerit datum. *Lutherum* equidem opus hoc inchoantem in primo veritatis gradu constituisse homines, cum stultam operum meritoriorum confidentiam castigauerit; in quo ipsi negotio diuina prouidentia adjunxerit *Melanthonem* et *Bucerum*, qui prudentia et moderatione eius imperum moderarent, iuxta hos vero *Carolo stadium* et *Bugenhagium* magno ipsi fuisse adiumento. Ast eundem neutiquam vniuersum perfecisse negotium; arrogantiam enim, ambitionem et potentiam ecclesiae ministrorum non fatis fuisse limitatam, relicta illis confessione auriculari, et licentia peccatorum remittendorum fatis quaesiuosa, variasque remansisse reliquias in eucharistica consubstantiatione, tolerandis imaginibus, cerimoniis, aliisque. Subornasse igitur Deum *ZWINGLIUM, OECOLAMPADIUM, CALVINUM* et *PETRUM MARTYREM*, qui curandis morbis medicam manum admouerint, purioremque ecclesiam et doctrinae formam restituerint. Reductis igitur per certos gradus hominibus e cimmeriis tenebris in mirabilem veritatis coelestis lucem, fatis hoc ipso Deum declarasse, non tantum non esse ad antiquatos errores reuertendum, sed ulterius assuetis paullatim tenuiori luci oculis, in apricum esse progrediendum. Laudabili id conamine in totius christiani

orbis emolumentum exsequutos esse, quos invidia *Ebionitarum*, *Samosatzenianorum*, *Arianorum*, *Photinianorum*, et *Socinianorum* appellationibus onerat, quos confessio veritatis christianos ac doctrinae a Christo et Apostolis traditae vindices declarat ac celebrat. Hoc modo coetus huius hominibus ecclesiae reformatio non est abusuum errorumque, qui inualuerant, remotio ac sublatio, et doctrinae coelestis a maculis eidem adpersis repurgatio; sed mysteriorum fidei Apostolicae destructio ac illusio. Pii, quos veneramur, Reformatores isto proposito a pristino coetu discesserunt, (vel potius ab eodem excludi se passi sunt,) ut, si aliquando emendatus, ad priorem formam redierit, ipsi quoque ad illum reuersi sint, et communionem cum illo redintegraturi; cum temerarii veritatis corruptores quodcumque S. Scripturae Mysterium a Christiana fide exterminari ausi fuerint. Inprimis imaginarii isti reformatores doctrinam de Deo Trinuno esse eliminandam putarunt, quam omnium errorum maximum iudicarunt; hinc SAM CRELLIUS animum suum obfirmat, numquam orbem christianum reformatione indiguisse, nisi dogma de S. Trinitate receptum fuisset, quod ipso iudice tot alia non minus reicienda peperisset. V. *Thef. Ep. La Crozianus*. T. I. p. 90. Hac ratione ANDR. FRIICIUS, MODREVIUS, in fine *tract. I. sylvarum* libri 3., sententiam *Pinczouiorum* propter nouitatis obiectionem defendere, eamque reliquis veritatis diuinae momentis per reformationem Ecclesiae restitutis, ac ab errore vindicatis accensere conatus est. Recensuisse autem istas Sociniano- rum laruas, idem est, ac dispulisse.

§. II.

Primos Saec. XVI. circa mysterium S. Trinitatis in variis Europae regionibus, speciatim in Italia, Heluetia ac Germania motus exponentibus, admodum circumspecte procedendum est, ne innocenti,

centi, ac purae veritatis cupido errorum macula adipergatur; de multis enim, quam praeclise professi fuerint doctrinam, certo statui nequit, quia vel ipsi non determinate, et constanter mentem explicarunt, vel alii ipsis errores imputarunt, quos detestati sunt. A saluberrimo autem reformationis negotio, qui Antitrinitariorum haeresin ita derivandam esse, ut illa hanc produxerit ac promoueret, aliis persuadent, pessime argumentantur.

*

*

*

Summa in lustrandis recentiorum Antitrinitariorum primordiis opus est circumspeditione, ne quibusdam haereseos infligatur nota, qui vel omnino orthodoxe senserunt, vel quorum saltem dubia adhuc fama est, et qui adeo, nisi euincatur contrarium, recte credidisse praesumuntur. Initio Sec. XVI., quo Ecclesia a superstitionis et cultus humano ingenio inuenti inquinamenti purgari coepta, in tenerrima aetate, ac vix incunabulis suis egressa erat, in id haud pauci intentum habuerunt studium, ut viros diuino lumine collustratos, et de Christi coetu optime vel merentes, vel ut mererentur cupidos, in haereticorum classem ipsis inuitis et reluctanter traherent. Tantum enim fuit Pontificiorum in omnes, qui de reformanda Ecclesia meditabantur, odium, ut quoscunque pios veritatisque studiosissimos viros atro calculo notarint. Existere isto tempore in medio Papatu anxie religionis emendationem desiderantes, qui de quibusdam fidei momentis minus accurate sentiebant; sed fuere quoque, qui a fundamentali errore animo ac intentione prorsus alieni, in reformandi studium incumbabant, clariorem lucem inter ardentissimas preces anhelantes. Hanc aequitatis et candoris legem non obseruarunt, qui meliorem Ecclesiae formam, et effectorum humano ingenio dogma-

dogmatum jacturam reformidabant, immo quodcunque reformandi conamen, tanquam crimen laesae Maiestatis diuinae reputabant, omnesque meliorum temporum cupidos absque discrimine foedissimae haereticorum sentinae adnumerabant. Iniqui eiusmodi iudices ista aetate complures, immo nuperrime auctores *Encyclopaediae Gallicae* exstiterunt, qui in tit. *Anabaptistae*, hos pro peculiari sodalitate in Protestantium coetu habent, ac *Müntzerum* et *Storchium* genuinos *Lutheri* discipulos fuisse perhibent; quae sententia Pontificiis jam olim accepta fuit, qui *Lutheri* doctrinam de libertate male interpretati sunt; cum tamen testantibus horum temporum monumentis, Protestantes aequae ac Pontificii, Anabaptistas omni modo, immo ultra, quam Christi sectatores decet, igne et gladio nonnunquam persecuti fuerint. Ipsos quoque pios ac venerandos Reformatores ab hoc praecipite haeretificandi studio non semper immunes fuisse, haud raro animaduertimus, cum haeticum judicauerint, qui vel civile commercium saltem cum haeretico habuit, vel huic humanitatis et hospitalitatis officia praestitit; cujus rei exempla ipsa historia nostra in medium proferet. Ne nos in enarrandis primis Antitrinitariorum initiis temerarii iudicii reos faciamus, nec a regia amoris lege ab erremus, tamdiu ab omni sententia abstinendum esse arbitramur, quamdiu certi aliquid statui nequit. Id quidem indubitatum est, nonnullos, qui vel in Germaniae provinciis, vel in aliis extra illam terris, de meliori Ecclesiae statu circa tempus reformationis cogitarunt, turbulenti ingenii homines fuisse, suisque viribus confidentes, qui ad horrenda errorum deliramenta prolapsi, corruptionis humanae testes exstiterunt. Nemini historiae ecclesiasticae recentioris gnaro, ignotum est, vndecunque terrarum viros, *Lutheri* exemplo commotos in restaurandam Ecclesiam sua direxisse consilia. Inter hos erant, qui deuota veritati mente, Dei implorantes auxilium, reformandi occasionem, coelestisque gratiae nutum provide attendebant;

bant; alii fuere quoque, qui sectae peculiaris duces esse, suumque hoc conamine nomen celebrare ambierunt. In horum numero, opus optimum pessime molientium, fuerunt, qui pure adhuc seruatis in coetu Romano dogmatibus, praecipue Mysterio S. Trinitatis et Deitati Christi insidias struxere, qui ambitiosi opinionum seminatores cum *Luthero* ac genuinis reformatoribus non consenserunt, sed singularem potius doctrinae formam ad ingenii sui typum adornare statuerunt; quos omnes Pontificii sub *Lutheranorum* titulo odiose olim complectebantur. *Luthero* ac *Zwinglio* cum sociis suis, heroica virtute, abusus in Christi ciuium coetum praeterito tempore inuectos, oppugnantibus, haud pauci, cuicumque licentiae inhiantes, adesse felicissimam occasionem putabant, qua, quicquid in animo habuerunt, publice proponere possint. Hoc modo malus genius *Anabaptistas*, rusticorum motuum auctores, *Antitrinitarios*, aliosque subornauit, quo hominibus persuaderet, pessimos esse euangelii restituendi effectus, innumerosque sub hac specie prouocauit, ut triticum cum Zizaniis euellerent. Idem isto tempore accidit, quod Seruator *Matth. XIII, 26. 28.* significauit: *cum excreuit herba, et fructum tulit, lolium quoque comparuit.* Quidam *Luthero*, ipsiusque cooperariis promeritam inuidentes gloriam, ipsi arrogancia inflati eundem famae ac celebritatis splendorem venabantur, huncque magis, quam ipsum reformationis opus moliebantur. Stolido hoc superbiae impetu in horrenda dogmatum figmenta prolapsi sunt, ut temerarii statuerint, diuinæ reuelationis mysteria corrigenda esse, immo subvertenda.

Nemini propterea sano persuaderi poterit, *Socinianismum* esse *Protestantismi* furculum, *Lutheri* reformationem *Antitrinitariorum* natalitiis proximam suppeditasse causam, nouamque ecclesiae formam desideratam et exoratam diu, ex se et sua natura istis innouationibus locum fecisse. Ita iudicarunt haud pauci ecclesiae Roma-

nae scriptores, alioquin eruditissimi, Lutheranismum turbato adfectu traducentes, eumque non erroris tantum circa S. S. Trinitatem, sed Atheismi adeo accusantes. Ita *Alfonfus Valdesius*, qui Imperatori Carolo V. ab epistolis erat, *Melanthoni* in ipsis comitiis Augustanis a. 1530. d. 18. Jun. referebat: „quod Hispani de Lutheranis persuasi sint, hos nec Deum, nec S. S. Trinitatem credere, et Christum aequae ac Mariam parvi aestimare.” Plures huius argumenti criminationes SALIGIUS in notissimo opere T. I. p. 186. narravit, quarum ipsos Pontificios quam plurimos nostro tempore pudet. Inter illos criminantes eminent, JAC. BEN. BOSSUETUS, in *hist. des Variations des Eglises Protestantes*, T. II. p. 414. seqq. Purpuratus de Noailles in *lettre pastorale aux nouveaux Reunis*, quae a. 1699. Amstelod. prodiit, p. 14. seqq. ANDR. FORNERUS, in *Jubilaeo Quinteuangelico* etc. Ingolst. 1618. 4. qui p. 187: ex Lutheri reformatione enatos esse, *Samosatenianos* et *Tritheitas*, diserte enuntiat. Jo. COCHLAEUS, in *Philippicis quatuor in Apologiam Phil. Melanthonis ad Carolum V.* Lips. 1534. 4to. LUTHERUM quindecim errorum in articulo de Deo, et MELANTHONEM novem aduersus fidem Nicaenam accusavit, utrumque vero Ario peiores ab orthodoxa de S. Trinitatis mysterio doctrina defecisse, criminatur, et Lutheranismum, quem omnium haeresium pessimam appellat, conuitiatur, quod omnes antiquas, et in ecclesia olim damnatas sententias pleno ambitu complectatur. Idem argumentum iniuriosum Cochlaeus tractat in opusculo, quod inscribitur: *XXI articuli Anabaptistarum Monasteriensium, confutati adiuncta ostensione originis*, ex qua defluerunt, etc. 8. Lips. 1534. in quo per singulos Anabaptistarum articulos, ne illo quidem de negata diuina Christi natura, omisso, calumniatur, Lutheri reformationem omnibus illorum erroribus viam reclusisse, et hoc modo colligit: „Ex his unusquisque facile cognoscet, Anabaptistas, aliosque Suermeros, et sectarum duces, neque extinguere, neque extirpare posse, quamdiu haere-

haeretici libri Lutheri non fuerint extincti et extirpati. Ipsi enim sunt stirps et radix, unde tales fructus quotannis crescunt, quotquot demetuntur; non prodest amputasse, quamdiu integra permanet radix, ex qua alii succrescere possunt." WILH. DAMASIS LINDANUS, Episc. Ruremundensis, in *Dubitantio de vera certaque de Christi Jesu euangelium salutis aeternae via*, Colon. 1571. p. 189. LUTHERUM, HETZERUM, CAMPANUM, SERUETUM, ILLYRICUM, SCHWENCFELDUM, CALUINUM, aliosque tanquam Arianismi renouatores in vnum chorum coegit, omnesque Antitrinitarios Lutheri fuisse discipulos, venditat. Auctor historiae Socinianismi gallice scriptae, p. 8. quodcumque adhibet studium euincendi, *Lutherum* portam aperuisse *Socinianis*, cum ipse 1) Festo Trinitatis pro concione dixerit, frigidum Trinitatis vocabulum, humanumque esse inuentum, et 2) *ομολογίαι* termino esse abstinendum, 3) Verba 1. Jo. V. in versione germanica omiserit, 4) in *Comment. in Gen. 1.* Filium Dei creationis instrumentum appellauerit, 5) Christum vocauerit heroem, 6) ex Litanis verba deleuerit, *Sancta Trinitas, vnus Deus, miserere nobis.* Idem de *Caluino* enunciat, quod 1) saepe dixerit, verba substantiae et personae, in Deo sibi videri impura et barbara, dignaque, vt aeterna obliuione sepe- liantur, 2) precum formulam: S. Trinitas, vnus Deus, miserere nobis, sibi displicere, 3) Trinitatis vocabulum barbarum esse et profanum, 4) vix absque risu audiri formulas: Credisne in Deum, h. e. in Trinitatem; vnus Deus, vnus mediator, h. e. Trinitas; omnia quaecumque precati fueritis Patrem meum, i. e. Trinitatem; 5) ex vulgari Trinitatis explicatione necessario sequi, tres esse in Deo essentias. Huius generis plura alia adfert ex epistolis *Caluini* ad Polonos, et libro aduersus *Seruetum*, etc. quibus eundem consensisse cum Socinianis quoniam modo perhibet. Easdem interea criminationes recentiore quoque aetate quidam scriptores Romani repetierunt; v. g. JO. RENNINGERUS, qui ipsos Iudaeos meliores Lu-

theranos, horumque doctrinam, quoad substantiam Iudaeorum erroribus non esse meliorem, et *Vitus Richter*, qui Lutheranos Arianis aequiparandos esse iudicarunt. *V. V. E. Loscheri* documenta Reform. T. I. p. 325.

Socinianismi incunabula post triginta annos, a coepta per *Lutherum* ecclesiae emendatione; nec inter Protestantes, sed in Ecclesiae Romanae sinu animaduertimus; quamvis etiam in Germania quidam errorum renovatores surrexerint, quibus primi Euangelii repurgati praecones strenue obuiam iuerunt. Nemo praeterea sanae mentis, quae temporis successu atque ordine se excipiunt, ita diiudicat, ut vnum alterius causam reputet. Licet a saluberrimo *Lutheri* negotio homines quidam malae causae ansam arripuerint, hoc tamen illi in suspicionem ac infamiam verti nequit. Breui post Christi et Apostolorum tempore, immo ipso saeculo apostolico, foedissima exclusa sunt haeresium monstra; an inde quis legitimam conuiciandae doctrinae apostolicae peteret rationem? Habuerunt recentiores errorum patroni suos praecursores, quemadmodum per singula saecula coetus sacri Reformatores atque veritatis testes inclarauerunt. Eodem fere, quo *Lutherus*, tempore, aduersus peruersam curiae Romanae conditionem surrexit, haeterodoxi quoque et haeresium statores ex latebris suis proruperunt; qui tamen ab inuicem discernendi, nec pro vna eademque progenie reputandi.

Ab hac criminatione, cuius temeritas a partium studio alienis per se patet, a primis temporibus doctores euangelici variis scriptis se liberarunt, quorum quaedam rariora, paucisque nostra aetate visa, hoc loco allegamus. Primum hunc indicem prae se fert: „*Wer aller Rotten, Secten, und unchristlicher Lehren, ein Ursach sey. Johann Sriszthans. Hosea 9. Jud. 19. Sie machens zu viel, und sind verderbet, wie zur Zeit Gibeä.*“ In fine haec leguntur: Gedruckt zu Magdeburg, durch Hans Wallther. pl. 3. 8. 1535. Libellus formam epistolae habet, Doctori

Doctore medicinae magno *Hundſio* in *Joachimi valle* com-
moranti scriptae p. a. 3. auctor inquit: „Erlliche gebens
dem Doctor Martino Luther schuld, (quod haereticus et sectae
isto tempore ortae fuerint,) aber sie thun ihm eben, als
dort dem frommen Achimelech, im ersten Buch Samuel,
am 22. der ihm vorlog, als sollt er David wider Saul
hegen, der auch mit seinem Lügen so viel zuwege brachte,
daß Saul alle Priester zu *Nobe*, mit Weib und Kinder
ermürgen ließ, ja er selbst war der Mörder. Aber sie lügen
wie sie wollen; so kan es sein Schuld nicht sein, weil im
alle Rotten vom Sacrament und Wiedertauffe, so feind sind,
daß sie nichts liebers sehen, denn das Luther mit seiner Leere
schon aufgeflogen wäre, denn er ist jr Gift, Pestilenz,
Tod und Donnerschlag, für den sie nichts können aufbringen,
— — — — — Daß aber *Cochläus* sagt: Die Rot-
ten haben aus Luthers Lehre Ursach genommen, ist nichts ge-
sagt. *Utrius* nam auch Ursach, aus dem Evangelio Joh.
14. Der Vater ist größer, denn ich, und verneint die
Gotttheit Christi. Christus aber gab ihm damit keine Ursach.
Wie auch die Corinthier von den Aposteln Ursach nahmen,
das einer sagt, Ich bin Pauli, der ander ich Apollo, 1
Corinth. am 3. machten unter sich Rotten und Spaltung,
Sollte man darum der Apostel Leere verachten, und sagen,
daß sie unrecht were? Wenn das gelten sollt, muß man
beide alt und neu Testament verpieten, weil alle Ketzer und
der Pabst sonderlich jre böse Leere daraus genommen haben.
Aber es seyn andre Ursach falscher Leere, die die verstarreten
blinden Leut heut nicht sehen wollen, nemlich den grimmigen
Zorn Gottes, der solches umb unser Sünd und böses Leben
verhängt und kommen läßt, das uns der Teufel mit falscher
Leere, allezeit neben Gottes Wort, so plagt und martert,
daß es zu erbarmen ist.“

Alterum scriptum historiam *Borussiae* eccles. illu-
strans exstat, hoc titulo: „*Responsio ad calumnias Stanislai*
Hofii, in quibus tum Elbingenses, tum omnes alios, qui Au-
gustanam confessionem amplectuntur, defectionis ab ecclesia,

et haecrescos accusat, scripta et recognita per: M. Hieronymum Mencilium." Cum Hosius euangelium a Luthero praedicatum conuiciis peteret, quod ex eodem horrendae exortae sint sectae, MENCILIUS p. 126. seqq. ita respondet: „Cur non et argumentatur OSIUS: cum Joannes Baptista et Christus praedicarunt euangelium, fuerunt sectae Essaeorum et Sadducaeorum. Cum Apostoli docuerunt, fuerunt, qui se Nazaraeos vocarunt. Joannis Euangelistae temporibus surrexit Gherinthus, Ebion et alii, et paulo post Arius quoque prodiit. Augustini tempore Pelagiani et Valentiniani, etc. Ergo Euangelium, quod praedicauerant, Joannes Baptista, Christus, Apostoli, Joannes Euangelista, Augustinus etc. impurum est, — — — — Verum nota est de talibus Apostoli regula: Ex nobis prodierunt, sed non erant ex nobis. Nam si fuissent ex nobis, permansissent utique nobiscum."

Inprimis STAN. HOSIUS Episcopus olim Warmiënsis, in iudicio et censura, ad Tiguriorum et Heidelbergensium censuram et iudicium de dogmate contra adorandam Trinitatem in Polonia nuper sparsa, iudicat, Vnitarios et Seruetianos Trinitatis, personae, et naturae terminos auersantes, vestigia Reformatorum Ecclesiae pressisse, qui reiectis conciliorum decretis, et patrum oraculis, nihil, nisi quod in S. litteris expresse legatur, admittere velint. Ad eundem modum Vnitarios ac Seruetianos procedere aduersus Lutherum, Calvinum, aliosque Reformatores, quo hi aduersus Romanum pontificem et ecclesiae pontificiae doctores egerint. Hisce dictis fulcrum admouere putat, libro isto (cuius auctor GLEBITIUS,) qui sub titulo prodiit: *Victoria veritatis et ruina Papatus Saxonici*; Calvinum iuxta ac Joannem a Lasco questos esse perhibet, quod Lutherus Papatum non sustulerit, sed se ipsum potius Papam fecerit, aliisque loco lignei ferreum imposuerit jugum. Ochinum in dialogo contra sectam terrenorum Deorum omnes implorasse magistratus, ut nouum Papatum emergere, et validiorem fieri non paterentur, siquidem recen-

tiores

riores Papas impiores et crudeliores futuros Romanis, quas ipsas lamentationes *Melanthon* quoque aduersus *Lutherum* aliosque cecinisset. In *Synodo Pinczoviensi* haereticos flammis tradidisse *Stancari* scripta, immo cum ipso *Stancaro* ita procedere voluisse, vt *Calvinus* cum *Seruetto* egit, nisi ille aufugisset. His ita se habentibus *Hosius* Regem Poloniae optime facturum iudicat, si omnes in genere diffidentes, sociosque Augustanae, Helueticae et Bohemicae confessionis, vna cum Vnitariis, qui illis peiores ac nocentiores aestimandi non sint, terminis suis expelleret. V. Opus *Hosii*, l. c. f. 351. b. 361. a. 367. a.

Quantis Pontificii se implicant fallaciis, absque vlla quoque bonae causae apologia, cuius aequo rerum arbitro constat. Qui *Luthero*, aduersus errores et abusus receptos pugnanti imputat, quod peruersi ingenii homines furrexerint, articulum de S. Trinitate, et aeterna diuinitate Christi impugnantes, inique iudicat. Non quidem maius aequo pretium conciliis et patribus statuunt Protestantes, sed neque pretiosiori illorum aestimatione opus est, ad defendendam orthodoxam doctrinam, quae S. Scripturae oraculis adstruitur, cum ipsi Pontificii resistunt, quod Patres Ante-Nicaeni, non cum *anglicanis* sed minus accurate, mysterium S. S. Trinitatis aliquando proposuerint; quod proinde non ex conciliorum et Patrum, sed S. Scripturae auctoritate docendum, atque ex hac maxime, non ex illis Antitrinitarii profligandi sint. Protestantes quidem *συμκαταβητιν* erga Pontificios observandam patiuntur, fidei christianae dogmata ad traditionis Catholicae trutinam expendi; quando vero hi deficientibus argumentis ex S. Scriptura petitis, ad traditionem, tanquam ad sacram anchoram confugiunt, illi, vt istam quoque his extorqueant, omne merito studium adhibent. *BUDDEUS de origine Socinianismi ab Ecclesiae emendatione non repetenda.*

Proxime ad veritatem accederet, qui pessimam Ecclesiae Pontificiae isto tempore, quo *Lutherus* diuinam veri-

veritatem ab humanis additamentis purgare aggressus est, corruptionem et deprauationem *Socinianismo* ostium aperuisse crederet. Qui ecclesiasticam istius aevi historiam considerat, facile obseruabit, istud in omnibus fere Europae regionibus, singularia eruditionis renascentis cupida ingenia protulisse, quae in scientias ipsas, meliori forma restituendas et emendandas, omnem curam et quodcunque studium contulerunt. Cum igitur vbicunque stupidam ignorantiam summamque in rebus sacris superstitionem, et maxime in iis, qui coetui christiano praeerant, foecordiam, fraudes, auaritiam, et nefanda omnis generis scelera, animaduernerent, illi, quibus melioris doctrinae lux e longinquo adfulsit, ad *Naturalismum* facile inuitabantur. Notante enim et reprehendente *Luthero* inquinamenta in corpore doctrinae pontificiae, cum maxima impietate connexa, v. g. *de indulgentiis*, seu de quaestu quodam redimendi veniam factorum faciendorumque, et hanc mortuis quoque conciliandi, alii a pio *Lutheri* animo alieni et noua parturiendi pruritu incitati, mysteria et reuelationem ipsam ridendi proteruiam sibi sumserunt. Mirandum igitur non est, in hac rerum conditione ac reuolutione, haeresin, quae proxime ad *Naturalismum* accedit, caput suum extulisse inter eos, qui verbo Dei destituti, quod plane ignorarunt, immo ipsi Theologi et ecclesiae ministri, raro viderant, (in vastissimo enim Poloniae regno duo saltem Bibliorum exemplaria existerant,) proprium ingenium viae ducem in rebus fidei adoptarunt. E contrario nemini prouido rerum aestimatori facile persuadebitur, *Lutheri* diuinum studium *Socinianismo* obstetricis commodasse manus, cum vniuerso orbi expositum sit, quantopere ille, et omnes, qui ipsi praesto fuerunt, in id laborarint, vt coelestis veritatis brabaeum, ab Apostolis acceptum, purum ac incorruptum seruetur.

In ipsa confessione Augustana coetuum Protestantium suffragiis confirmata, articulo statim primo doctrina de unitate

vnitate essentiae diuinae, et tribus in eadem personis, luculenter quamuis breuissime repetita, et errores huic aduersantes, in specie *Samosatēniani*, tum veteres, tum recentiores, damnati animaduertuntur. Verba confessionis in opere Msc. quod Bibliothecam Regiam Regiomentanam ornat, ac plena comitiorum Augustanorum acta continet, ita concepta sunt: „*Damnant (ecclesiae) et Samosatēnos veteres ac neotericos, qui cum tantum vnā personam esse contendunt, de verbo et de Spiritu S. astute et impie rhetoricantur, quod non sint personae distinctae, sed quod verbum significet verbum vocale, et Spiritus motum in rebus creatum.*” Jam ante exhibitam Augustanam confessionem a Pontificiis Samosatēnicorum errorum fit mentio, quo titulo tamen *Serueti* haeresis notari non potuit, (quod M. W. Feuerlinus euincere contendit, in *Observ. variis in Aug. Confess. Goettingae 1742. p. 7.*) quae isto tempore nondum innotuit, sed *Denckii*, *Hetzeri*, *Jo. Campani*, aliorumque circumuagantium Anabaptistarum. Cum 1529. d. 3. Nov. CAROLUS V. et CLEMENS VII. P. R. Bononiae de pace Ecclesiae restituenda deliberarent, et ille amicabilem compositionem in synodo celebranda, hic arma ad opprimendum dissentientes ab E. R. suaderet, *Clemens* ex ipsis nouorum dogmatum generibus haud ita pridem sparsis sui consilii causas probare arbitrabatur, et inter alia in hoc congressu ita sentiebat: „*Sunt dogmata partim non solum falsa, sed etiam manifeste absurda, qualia sunt Anabaptistica.* — — — *Nuper etiam SAMOSATENICA mota sunt de filio Dei, quae transformant ecclesiae doctrinam in Mahometicam. Ut autem ad incendium boni omnes restringendum mox concurrunt, sic concurrere omnes gubernatores oportebat ad opprimenda initia harum quaestionum, ac res pessimi exempli fuerit, de eis admittere vllam disputationem.*” V. scriptum, cui titulus: *De congressu Bononiensi CAROLI et CLEMENTIS P. R.; oratio recitata a PAULO DUMERICHIO Halensi Decano collegii Philosophici in academia Vitebergensi, cum gradus Magisterii Philosophici aliquot hono-*
restis

nestis et doctis viris decerneretur, Anno 1559. Witebergae, excudit Vitus Creutzer. 8. pl. 3. p. A. 7. b.

Vates interea *Lutherus* in hac parte exstitit, qui haeresin Antitrinitariam et Socinianam suo tempore nondum plane conceptam diuinavit, saepiusque auditores serio admonuit, ut animos suos S. Scripturae testimoniis de divina Jesu Christi natura munirent, quo tandem aduersus hostes Christi Deitatem aliquando oppugnatu-
ros, firmi persiltere possint. Ita in concione ad textum Jer. XXIII. 6. *Tom. V. Witteb.* germ. fol. 307, scribit: „Laßt uns diesen Text wohl merken, wenn nun die Ketzer und Secten aufstehen werden, und diesen Artikel unsers Glaubens anfechten, daß Christus nicht ein natürlicher, wahrer Gott ist, wie denn gewiß diese Ketzeren noch kommen wird, daß wir denn gerüstet seyn, und ihnen diesen Spruch können vor die Nasen halten, dawider sie nichts leichtlich werden können aufbringen. Mit solchen gewissen starken Sprüchen muß man sie fassen, sonst entwischen sie uns, und fahren durchhin, wie die Fische durch ein Netz wischen.“

§. III.

Breui temporis spatio interposito, postquam *Lutherus* Ecclesiam pristinae puritati ac meliori formae vindicare adgressus esset, omnium haeresium auctor, in *Germania*, aliisque Europae regionibus Euangelii luce ex parte collustratis, suos excitauit arbitros, qui nociuas veterum errorum herbas, quas vterque *Socinus* deinde peculiari ordine digessit, disseminare conabantur. Fuere inter hos, *Martinus Borrhaus*, antea *Cellarius* dictos, *Ludouicus Hetzerus*, et *Joannes Denckius*, qui primi post inchoatam Ecclesiae reformationem Antitrinitarii innotuerunt, ex quibus primo loco
nomi-

nominatus, meliora edoctus, relictis tetricarum opinionum scopulis ad veritatis orthodoxae portum se recepit.

*

*

*

Callidissimus causae diuinae aduersarius praeuidens, quantam regno suo ruinam salutiferum repurgandae Ecclesiae a *Luthero* susceptum opus allaturum sit, omnibus viribus allaborauit, quo irreconciliabile illi odium, malamque susceptionem contraheret. Meliori vix successu se obtenturum, quod studebat, suspicabatur, quam si hinc et inde pessima opinionum monstra parturientes excitaret, sicque praetextum faceret, eadem esse reformationis fructum; quo ipso glaucomate, reformandae ecclesiae negotio obstacula poni certissima sibi persuasit. Exstimulauit quosdam causae suae ministros in Germania primum, et confinibus eidem tractibus, errorum semina spargentes; cum vero ipsi irritum in his terris cederet propositum, in *Italia* studiosiores felicioresque quaesivit malae intentionis promotores.

Quantum ad Germaniam attinet, primum nominandus MARTINUS CELLARIUS, postea BORRHAUS dictus, Stuggardianus Germanus a. 1499. natus, de quo V. B. A. P. I. p. 67. Tubingae litteris sub *Reuchlino* aliisque operam nauauit, ac ibidem magisterium, diligentiae praemium, nactus est. Hinc *Wittebergam* accessit, quo loco a *Melanthone*, cui jam *Tubingae* innotuit, amice exceptus est, qui eidem quoque discipulos, in schola priuata instituendos, commisit. Hunc MARCUS STÜBNERUS qui *Wittebergae* commorabatur, et cum NICOL. CICONIA (*Elaß Storch*) et THOM. MÜNTZERO inter primos fanaticae Anabaptistarum et Neoprophetantium sectae auctores numeratur, amicum, socium et adiutorem nactus est, hicque *Cellarium* fanaticis suis incantationibus ad partes suas pertraxit. Patrocinium *Stübnero* tulit *Caroloſtadius*, homi-

nem

nem peruersum nondum plane cognoscens, qui non hunc tantum, sed ipsum adeo *Melanthonem* deceperat. *Melanthon* nihil mali ac peruersi de *STÜBNERO* eiusque amicis suspicatus, cum tandem horum hominum colloquia cum Deo, immediatas apparitiones, et voces de coelo auditas venditantium, deliramenta, pluresque ab illis ad paria Phantasmata abreptos rescuiisset, totam rem *Electori Saxoniae* per ep. d. 27. Dec. a. 1520. denunciavit, simulque *LUTHERUM* absentem de his certiore fecit. Pius in Deum Princeps re nondum satis cognita, ad tempus *το επεχειν* decreuit; *LUTHERUS* vero cum illis examen theologicum instituendum esse iudicauit. V. *SECRENDORFII* hist. Lutheran. p. 457. seqq. et p. 469. *ABRAH. SCULTETUS* in *Annal. Euang.* ad a. 1523. Dec. I. p. 77. Lubet, quae cum primis sectae Anabaptisticae statoribus *Wittenbergae* acta sunt, *CAMMERARII* verbis describere in vita *Melanthonis*, 1566. Lips. 8. p. 42 seqq. „*Secutum est tempus, quo conuentu indicto Berbetomagi in Vangionibus CAROLUS V. Caesar fide publica accersitum caussam dicere iussit LUTHERUM.* — — — *Is, cum iter illud ingressus esset, PHIL. MEL. ita Wittenbergae remansit, ut omnem curam laboremque rei scholasticae sustineret. Accidebat autem tum, quod similibus temporibus semper solet, ut vitiis detectis et apparentibus, cum, qui maxime deberent medicinam facere, negligenter, atque etiam plurimi irritarent mala, et quemadmodum dicitur, essent ungues in ulceribus, multa susciperentur et fierent cum audacter, tum inordinate, nonnulla etiam turbulenter. Et Wittenbergae variorum generum, diuersarumque nationum jam magna copia confluxerat. Et illa omnino aetate fatalis rerum conuersionis, prouenerant homines, qui mouerent et concitarent et nouarent aliquid in dies. Quorum procliuitate credibile est, permittente Deo, abusum esse eum Spiritum, qui Diabolus appellatur, quia diuinis operibus obtreffare et dissipare atque euertere, quae possit, perpetuo conatur, tam vi manifesta, quam occultis machinationibus. Non enim*
audacia

audacia et facinora illa quorundam — — — humanae malitiae videntur fuisse. Neque res tamen noua neque inaudita prius ista tunc oblata est. — — Non habeo autem pro certo dicere, ubi locorum et quibus maxime auctoribus secta ista furiosa exorta sit. Sed vnus vagabatur passim, cuius nomen Germanicum habet CICONIAE (Storch) significationem. Is ex plebe imperita et simplice plurimos deceptos falsitate opinionis perniciosae complebat. Erat autem facile et in promptu insectari eos, qui in Ecclesiastica re praesidebant, aut munere quopiam fungebantur, in quos nihil tam contumeliose dici posset, quod non factorum illius generis improbitate confirmaretur. Primum igitur eam congregationem, quae a talibus gubernaretur et administraretur, Ecclesiam esse Christi negare, et dicere, ex illa discedendo hanc institui oportere. Et quibus hoc persuaderetur et placeret, eos denuo baptismo initiandos esse. Vnde ANABAPTISTARUM secta illa nomen inuenit. Sed non insistebatur hoc loco, progrediebaturque vanitas doctrinae ad statum Reip. vniuersae mutandum. Nihil enim recte et debito modo fieri gerique vsquam perhibebant, quod summa rerum esset penes malos et a religiosa pietate studioque honestatis et virtutis alienos, qui suis cupiditatibus priuatim seruirent, non commodis publicis, et omnia ad voluptatem referrent in dominatione superba ac insolente. Atque decreuisse Deum extinguere istud genus, et sufficere alterum innocentia iustitiaeque et sanctitate praeditum. Ad cuius exordium atque incrementa docebant necessariam esse curam et diligentiam in procreanda sobole. Et ideo neminem ducere uxorem debere, ex qua non sciret, se liberos pios et gratos aeterno Deo, et ad communionem regni coelestis electos, suscepturum esse. Id autem non aliter, quam ipso Deo patefaciente sciri posse. Et iactabatur praecipuum donum Dei in illis coetibus, praedictionis euentuum futurorum, et arcanorum indicii, cuius eximiae et salutaris rei in veritate nomen est Graecum Prophetia. Compertum autem est multis horum per quietem somni mirabilia visa, et species quasdam vigilan-

zibus etiam aliquibus, sed paucis, oblatas esse. Cognitum etiam est, fuisse in coetu isto foeminas vaticinantes. CICONIA iste se imperitum litterarum esse penitus simulabat, vel erat etiam fortasse, praedicans sibi diuinitus scientiam salutarem contingere. Esse tamen studebant hi in numero suo litteratos aliquos. Sed et isti ipsi se magistros doctoresue homines habuisse habereue affirmabant nullos, et copiam scientiae sibi diuinitus conferri vniuersae. In quibus unus erat MARCUS (STÜBNERUS) nomine praecipuus, qui sibi a Deo hoc esse datum tributumque eximium gloriabatur, ut ipse interpretando et explicando scripta sacrarum litterarum excelleret. Hic gentis, quae putatur incolere eam regionem, quam veteres Nariscorum appellarint, cuius, aliquando fuerat discipulus scholae Wittenbergenfis. Sed studia deseruerat, siue antea, seu posteaquam in illam societatem peruenisset. Nam et hoc erat in legibus istorum: Ne quis in otio liberali bonis artibus et litteris operam daret, neu aliunde scientiae cognitionisque facultatem quaereret, quam ab aeterni Dei benignitate, cui adiumentis humanis nihil esset opus. — — Haec secta absente in Vangionibus, et postea nescio ubi, LUTHERO pene anno toto longe lateque est peruagata. CICONIA interdum venire Wittembergam, sed ibi minus libere et aperte versari. Caeteri aliis in locis serere fallaces sermones, quibus animi imperitae multitudinis peruertebantur. — — CICONIA, qui, ut dictum est, vagaretur, neque vspiam fere diu consisteret, quae conceperat animo, ea strenue exsequebatur. Siue huius autem mandato, seu sponte sua MARCUS (STÜBNERUS) Wittembergae aliquantisper mansit, quem et nos ibi vidimus, et cum eo sumus saepe collocti. Receperat autem eum ad se PHIL. MELANTHON, vel innata sibi bonitate, cum hominis eum misertum esset, vel ut certius cognosceret, quid istud genus doceret. Censebat enim neque admittendum, neque rejiciendum quicquam temere, et quod parum alicui exploratum esset. Itaque hic hospitem quidem habebat PHILIPPUM, sed nihilominus ad alios ventitabat, et non paucos in suam senten-

sententiam perducebat. Quorum caput fuit MARTINUS CELLARIUS, qui istis pertinacissime diu sane adhaesit, et causam hanc egit atque defendit. Cum quo anno XXV. in Borussiam venisset, in liberam custodiam Principis jussu datus, multa scripsit de doctrina illa. Postea animaduertens labascere partes, et spem se frustrari, Basileam se contulit, ubi ducta uxore quiete deinceps vixit. Hic Sueuicae gentis cum PHIL. MELANTHON Tubingae usum quendam habuerat, cumque et ipse post discessionem illius Wittenbergam tandem venisset, a PHIL. MEL. humanissime acceptus et tractatus amantissime est. Nondum probabat ille scholasticae prioris doctrinae mutatam rationem, deque ea cum PHILIPPO saepe disputando pugnabat. Cum autem et ingenio esset minime hebetē, et studii diligentia percultus, tradidit ei MELANTHON discipulos instituendos, habuitque ille scholam privatam, frequentem et fructuosam. Hunc igitur MARCUS amicum, et socium, et adiutorem et comitem atque etiam ducem nactus, ita tum propemodum semestre substitit Wittenbergae, ubi fiebant omnia in dies difficiliora levitate et petulantia cupiditatis rerum nouarum. Jamque non mussitabatur, sed fremendo ferebatur palam, non quasi pedetentim ad tollenda vitia, quae in operationes sacrarum irrepsissent, progrediendum, sed irruendum et dimoliendum statim, quicquid perperam introductum usurpatumque esset. Ac duorum potissimum deligebatur repentina mutatio: Ritus actionis in peragenda Eucharistia et collocatarum in templis imaginum simulacrorumque amotio, quae non modo conveli exterminarique, sed publice per contumeliam, propter venerationis impietatem exportari et concidi, aut comburi volebant. Neque carebat factio ista patrociniū quorundam auctoritate praedictorum, in quibus et ANDREAS CAROLOSTADIUS nominabatur. PHIL. MELANTHON tunc quoque fouebat apud se MARCUM, quamuis perspicue cognovisset, inania esse omnia, quae afferret, et dissentanea inter se et pleraque nugatoria, nonnulla etiam eiusmodi, ut non esse sana, neque integra cum mente deprehenderetur. — —

Sed cum PHILIPPUS pondere rerum et negotiorum difficultate superaretur, neque iis, quae sibi imponi in dies grauiora sentiebat, par esset, et impendentium periculorum magnitudinem perspiceret, crebris suis aliorumque litteris permovit LUTHERUM, ut Wittenbergam rediret. — — — Reversio eius incidit in Nonarum Martii dies a. 1522. quibus diebus conciones eo habente omnia conquiescebant, et audientes, cum singularem facultatem explicandi susceptas res, tum dicendi vim, tum etiam virtutem atque fortitudinem admirabantur et reverebantur auctoritatem. Interrogatus tunc unus ex MARCI familiaribus, ecquid doctorem esse LUTHERUM egregium iudicaret? Imo, inquit, angeli, non hominis vocem mihi audisse videor. Sed MARCUS iis diebus aberat. Mox tamen hic se Wittenbergam ad suum, quem ibi habebat gregem, recepit. Qui rursus ad ipsum confluere et opiniones haustas inter se confirmare, et MARCO ad retinendas et defendendas eas animos hortando addere. Inque omnibus maxime et ardentissime M. CELLARIUS. Placuit igitur LUTHERUM accedi, et ei summam doctrinae exponi. Aegre LUTHERUM hoc concessisse rescivi. Sed tandem certo die et hora fecit potestatem MARCO ad se veniendi, solo PHIL. MELANTHONE sibi adhibito, cum MARCUS CELLARIUM et alterum quendam ex suis adduxisset. Audivit LUTHERUS placide narrantem MARCUM sua. Cum dicendi finem fecisset, nihil contra ea adeo absurda et futilia differendum ratus LUTHERUS, hoc modo monuit: viderent, quid agerent. Nihil eorum, quae commemorassent, sacris litteris niti, commentaque esse cogitationum curiosarum, aut etiam fallacis et fraudulentis Spiritus deliras et perniciosas subiectiones. Ibi CELLARIUS et voce et gestibus vesanis, cum et solum pedibus et propositam mensulam manibus feriret, exclamare et indignari, ausum esse LUTHERUM suspicere tale aliquid de diuino homine. At MARCUS paullo sedatior, ut scias, inquit, LUTHERE, me spiritu Dei praeditum esse, ego, quid in animo tuo conceperis, sum indicaturus, idque est: Te incipere inclinari ad haec, ut meam doctrin-

doctrinam veram esse credas. Cum LUTHERUS, ut ipse postea dixit, istam dedita opera sententiam cogitando esset complexus: Increpet te Deus, satana. Post haec plus verborum faciendum LUTHERUS non putavit, et minantes gloriantesque eos dimisit, ac nescio quid pollicentes de mirabilibus effectibus, quibus probaturi sua essent, cum hoc modo dixisset: Is Deus, quem ego veneror et colo, facile vestra numina, ne quid tale efficiatur, coercebit. Eo die oppido illi excefferunt et CEMBERGO — — — litteras plenas maledictis et execrationibus ad LUTHERUM miserunt. — — — De CICONIA autem et MARCO ipso quid factum sit, et quid ipsi amplius conati, quique exitus vitae eorum fuerint, non habeo compertum, deque eis narrata atque prodita scio neque temporibus, neque personis consentanea.”

Haec CAMERARIUS de Anabaptistis Wittebergam isto tempore turbantibus, qui impugnati ab his mysterii S. Trinitatis, cuius merito ab aliis accusantur, expressam non fecit mentionem. CELLARIUS ex custodia dimissus REGIOMONTO, quo loco, praemonente fortassis *Luthero* vel *Melanthone* Principem *Albertum*, detinebatur captivus, mutata sententia sua, simulque mutato nomine latino CELLARII in Graecum BORRHAI 1536. *Basileam* venit, ubi cognita eius puriori doctrina, in Professorum Philosophiae numerum susceptus, Rhetorica docuit, et Vet. Instrumenti libros ex ipsis fontibus interpretatus est. Quo maiori id cum auctoritate faceret, a. 1549. summos in Theologia honores sibi conferri passus est. Quo loco a. 1564. aetatis 65 mortuus ac in circuitu templi Cathedralis sepultus, ipsique monumentum in magnorum meritorum testimonium positum est. Fuisse eum vxoratum, et antequam in Professorum numerum susciperetur, *Basileae* vitam, orbibus fenestras muniendo, aliquamdiu sustentasse, plures testes sunt.

Ministri Sarmatiae et Transylvaniae de falsa et vera Dei cognitione, (B. A. P. I. p. 58. N. 4.) de eius consensu etiam post discessum ex Anabaptistarum castris gloriantur, eumque Ecclesiae Reformatorum numero, vsu apud ipsos recepto sensu inserunt. Ita enim L. I. C. I. scribunt: „LUTHERO et ZWINGLIO dedit Deus referendos et justificationis et rei Sacramentariae fructus. MARTINO vero CELLARIO, SERUETO et ERASMO ROTERODAMO, (quem in societatem Arianismi trahit SANTIUS in H. E. p. 423.) fructus alios praecipuos cognitionis veri Dei et Christi: eodem enim tempore his de rebus scripserunt. — — — — Oportet adhuc modicum varios Antichristos in reformatis ecclesiis regnare, qui tamen Dei verbo destituti, propediem una cum suis partibus, uti CAPNIO et CELLARIUS praedixerunt, perituri sunt.” et L. I. C. 3. „Quid MARTINUS CELLARIUS non est molitus, ut istas fores posteritati aperiret? eius scripta legito.” De eodem F. SOCINUS ad Pet. Statorium, Luclaiensem pastorem, a. 1590. d. 15. Oct. inquit: „Mitto ad te Borrhai tantum testimonia, olim a Laelio Patruo meo collecta, tametsi scio multo plura ex illo eius libro colligi potuisse, sed eum librum non habeo. Quem librum Cellarii F. Socinus notauerit, dici nequit, cum eundem vllibi allegatum esse non meminerim. Verisimillimum est, quod scriptum quoddam innuat de ritibus in Eucharistia celebranda; immo fortassis de ipsa S. coena, quod CELLARIUS, cum adhuc Anabaptistarum placitis se deuouerat, concinnauit, quippe quem multa isto tempore scripserit, Camerarius obseruauit. Librorum, a CELLARIO, postquam ad saniolem mentem redierat, editorum tituli allegantur, in B. A. P. I. p. 68. nec non a Melch. Adamo et Sandio cl. cc. in historia Socinianismi, gallice scripta, p. 205. et in CONR. LYCOSTHENIS Rubeaquensis elencho scriptorum omnium, p. 732. De eius Comment. in libros Josuae, Iudicum, Ruth, Samuelis et Regum, Basil. 1557. fol. FABRICIUS disserit, l. c. P. I. p. 343. Aduersus CELLARIUM, adhuc Anabaptistam, vel HETZERUM,

RUM, vel fortassis etiam alium huius aetatis Antitrinitarium, ANDR. ALTHAMERUS, (cuius vitam Jo. Arnold. Balenstadius a. 1740. luci exposuit,) tractatum emisit, qui titulum habet: *Daß unser Christus Jesus wahrer Gott sey, Zeugniß der heiligen Geschrifte, wider die neuen Juden und Arianer, Vnter Christlichen Namen, welche die Gottheit Christi verläugnen, durch Andream Althamer. Wirst auch finden, worzu uns Christus nuß sey, und was er sey.* 4. pagg. 22. locus et tempus impressionis non notatur, videtur tamen circa annum 1526 vel 27. prodiisse. In hoc libello auctor nouae sectae meminit, quae docet: Christum merum tantum hominem et prophetam fuisse, ac Arrii, Ebionis, Cerinthi, Marcionis, et Pauli Samosateni errores ex orco reuocat, diuinaque mysteria ad caput suum metiri statuit.

LUDOVICUS HETSERUS, vel HETZERUS (quod nomen male a Sandio in B. A. Heitzerus et in Lamy Histoire du Socinianisme, p. 205. Heiserus et Hatzer scribitur,) qui Schelhornio, in Amoenit. T. II. p. 495. Bischoffszella Helvetus, Zeltnero de Bibl. Wormat. p. 11. Bauarus fuit, huic classi inferendus est. Ipso enim reformationis tempore, insanientium mysticorum deliria exposuit, et Tiguri primum a. 1523 inclaruit, quo loco reformandae ecclesiae speciem prae se tulit. Ipsius meritis accensetur, quod vna cum Jo. DENCKIO, Rectore scholae Sebald. Norib. quem HETZERUS per aliquod tempus intimum habuit, prophetas maiores ac minores, ex Hebraea in Germanicam linguam, ante Lutherum transtulerit, quamuis, cuius conditionis homo jam tum temporis fuerit, in ipsa hac versione haud obscure significauerit. Prodiit hoc titulo: *Alle Propheten nach Hebräischer Sprache verteutschet. O Gott erlöß die Gefangenen.* M. D. XXVII. fol. In fine notatur impressum esse Wormatiae apud Pet. Schoefferum, et absolutum d. 13. Apr. a. 1527. In praefatione significat, Deum post editam versionem prophetiae Maleachi sibi commodasse Joannem Dengkium cooperarium in con-

ficiendo hoc opere. Fusior libri, qui iteratis vicibus et 1528. *Aug. Vindel.* apud *Sylvanum Ostmar* (*Salthenii Biblioth. libb. rar. p. 202. N. 998.*) et eodem anno *Hagenoviae* apud *Wilhelm Seltzium* prodiit, recensio legitur in *Biblioth. Hal. T. VIII. p. 285. seqq.* Observavit *Schellhornius* solitum fuisse *Hetzero* vel in titulis, vel in fine librorum editorum adponere formulam precum: *O Gott erlöß die Gefangenen*; eundem quoque esse auctorem cantici in *Ps. 37.* in quibusdam cantionum collectionibus ob-
vii: *Erzürne dich nicht o frommer Christ etc.* in cuius singulis strophis ultima linea repetitur: *O Gott erlöß die Gefangenen.* *Ministri Tigurini* in praefatione, praemissa versioni *Prophetarum 1529.* ad hanc *Hetzerianam* versionem respiciunt inquiringes: *Wäm wollt nit Scheuehen vnd Grausen ob der Bertelmetschung, die von denen ausgegangen ist, die die Rädlsfürer waren der Secten und Kotten, die uns auf den heuttigen Tag in der Kirchen Gottes mer vnrum gestattet, dann das Babstumb ye gerhan hatt? Vnder welicher Sect etlich Christum Jesum waren Gott sein, gehörend wermeynen etc.* Ad eundem modum de versione *Hetzeriana* iudicavit *Lutherus T. V. in Germ. fol. 1436*: *Darum halt ich, daß kein falscher Christ noch Kottengeist treulich dollmetschen könne, wie das wohl scheint in den Propheten zu Worms, verteutschet — — — Aber es sind Juden dabey gewesen, die Christo nicht große Zuld erzeiget haben, sonst wäre Kunst und Fleiß genug da.* Versionem hanc exscripsisse *Megalandrum Ge. Wicelius* pessime calumniatus est. *V. Jo. Dieckmanni opera Germanica. p. 93 — 96.* Lucem jam adspexerat a. 1526. translatio prophetiae *Maleachi* hoc titulo: *Der Prophet Maleachi, mit Auslegung Johannes Ecolampadii, durch yhn ym latein beschrieben, mit Bleys verdeutschet, durch Ludovig Serzer.* *O Gott erlöß die Gefangen.* 8. pl. 7. Annus libri editi non notatur; praefatio scripta d. 18. Jul. 1526. Versionem recensuit *Jo. Barth. Kiederer* in den *Nachrichten zur Kirchen = Gelehrten =*

lehrten = und Bücher = Geschichte. T. II. P. VIII. p. 381. seqq.

Libellum *Oecolampadii* de S. coena *Hetzerus* in linguam Germanicam translatum, hoc titulo enulgavit: Vom Sacrament der Dancksagung. Von dem waren natürliche Verstand der Worten Christi: Das ist mein Leib, nach der gar alten Lerern Erklärung, im Latein beschrieben durch Joann. *Oecolampadium*, verteutscht durch Ludwigen Säger. O Gott erlöß die Gefangnen. MDXXVI. 8. pl. 18. Impressum esse *Tiguri* apud *Christoph. Froshoverum*, in fine libri ipse *Froshoverus* breui ad lectores alloquio significauit. Longam *HETZERUS* prae-misit praefationem, in qua figuratum verborum S. coenae institutionis significatum adstruit, ac rationes exponit, quibus commotus fuerit librum hunc reutonico habitu publicae committere luci. Ab Anabaptismi macula his verbis se purgare nititur: Ich hab auch hie statt mich etlicher erdachten reden zu entschuldigen, die mir von denen aufgelegt worden seind, die kein Fisch können fahen, das Wasser seye dann trüb. Nämlich, mich unter den Rotterschen, unbillichen Sectern der Wndertauffer zu seyn, vnd haben mich also an etlichen orten außgeben, wie falschlich aber, wayßt Gott, vnd vil fromme Christen, das ich sömlichs nye, weder schriftlich noch mündlich gelert hab. Es ist mir auch nye Zesynn kommen. Gott sey lob. Aber, damit ichs bekenn, so bin ich lauter der Meinung gewesen, Kinder tauffen seye ganz Vnrecht, darzu hat mich des Bapsts Buch geführt, (in margine allegatur: *Titul. de conf. dist. 4. cano. Quare etc. per totum*) in welchem ich gelesen hab, das sy dem eussern Wassertauff die seligkeit zugeschriben haben, welches des ainigen Glaubens, vnd des vntadelichen Berrawens in Christum ist. O wie vil ellender betrübeten Herzen hat man vilen frommen müttern gemacht, die nit anderst vermaynt, dann ire ongetaufte Kindlin werden verdampft, desse geben sy mir Zeugnuß. Auch die besondern stett der Begrebnuß, da man sy nit zu andern Menschen be-

graben hat, zwar allain auß der Vrsach, daß in Gottes an-
gesicht nit mer sehen werden. O der Wüteren, so doch eben
als wol zu glauben ist (ich wil nichts vnbesinnt schliessen),
das ongetauffte Kindli der Christen gleich als wol selig wer-
den vnnnd seyen, als die Getaufften, ja was wolts hindern?
Verhalben mich diß vnnnd Andere schedliche Aberglauben die
man on alle Maß bey dem Tauff gebraucht, dahin gfürt
(wie obgemelt) vnd mir den Tauff nit on Vrsach argwönich
gemacht hat. Diß ist auch vil gelertern vor mir beschehen,
und möcht noch ainem nach mir auch beschehen. Des wy-
dertauuffs halben, hab ich in nye gerümpft, vnd hat mir von
Herzen mißfallen! Nun aber so ich von dem Hochgelerten,
redlichen Knecht Christi *Huldrychen Zwingli* auf den 9ten
Tag Novembris zu Zürich, aus anderen bericht worden
bin; So stee ich auch derselbigen mainung gern ab, so went
man den tauff one Zusatz braucht, als ain Testament Zei-
chen. etc. *subscripta est praefatio Tiguri 1526. Strictiori*
significatu nec Hetzerus nec Denkius Anabaptistarum titu-
lo notandi sunt, quamuis ab his nonnulla placita suscep-
erint eorumque causae patrocinati fuerint.

Sandius H. E. L. III. p. 424. HETZERUM manifestis-
simum et certissimum Arianum appellat, nec non in B. A.
p. 16. eundem e societate Anabaptistarum Morauorum
fuisse testatur. Ipsius dogma ita proponit: „Docuit so-
lum Patrem esse summum Deum: Christum non esse aequa-
lem Patri, sed eo inferiorem, nec eiusdem essentiae. In vno
Deo non esse tres personas; Deum enim non esse personam,
nec essentiam, nec quicquam eorum, quae nominantur.”
Aduersus Christi Deitatem, circa annum 1529. librum
conscriptit nunquam typis expressum. *Zwinglius* de eo-
dem retulit, sed argumentum eius proximum distincte
non indicauit. *Seb. Franckius*, Fanaticorum historico-
rum princeps, in tr. Germ. de *haereticis Romanis*, et in
Chron. f. 415. scripti *Hetzeriani* mentionem quidem fe-
cit; eius vero contenta itidem reticuit, et a *Zwinglio*
fuisse suppressum, ne in lucem prodiret, notauit. Inte-
rim

rim ipsius doctrinae capita ex praefatione in *Baruchum* exponit, et fanatico eum furore saepius abreptum fuisse, his verbis exponit: Er ist bey Leben nicht allweg gleich gesinnet gewesen, sonder hin und her gefallen, sonderlich mit seinem Leben, oft auffestanden, oft wieder gefallen. Er hielt nicht viel auf das äußerliche Predigtwort. Er ist auch heftig wieder die Schriftgelehrten gewesen, so zu unsern Zeiten Gottes Gnad und Wort an den Buchstaben der Schrift binden. — — Die unbiblischen Bücher, die bisher die Kirche außershalb des Canons frey hat gelesen, hat er in Canon gesetzt. Sein Schrift geben auch genugsam zu versten, daß er Christum weit geringer denn Gott geacht. Idem ex cantilena a *Hetzero* composita verba adfert, ex quibus ipsius sententia et intentio patet; nimirum: Ich bin allein der ewig Gott, Der ohne Hülff alles erschaffen hat. Fragstu: Wie viel doch meiner sey? Ich bins allein, meiner sind nicht drey. Et paulo post: Sag auch dabey ohn allen Wan. Ich weiß glatt nicht von Keiner Person. Satisfactionem per Christum praestitam ipsum negasse, inde constat, quod *Joanni Zwickio*, qui circa ultimum vitae discrimen eidem praesto fuit, quaerenti: An certus sit, quod homines per Christi sanguinem peccatorum remissionem obtineant? indignabundus responderit: Quid sibi vult Christi sanguinis? V. *Mus. helvet. P. XXI. Bullingerus* l. c. p. 16. *Jo. Denckium* et *Lud. Hetzerum* duo Rabinos et Principes Anabaptistarum appellat, qui *Wormatiae* Anabaptismum seminauerint, ibidemque *JACOBUM KAUTZIUM, Ecclesiae ministrum*, ad gregem suum pertraxerint, ut septem articulos, seu conclusiones de Anabaptismo ederet, de quibus disputare praesumpserat, 1527. d. 13. Jun., quas publico scripto *Argentineses* confutarunt. V. *Sculdetus* l. c. Dec. II. p. 89.

Produnt quidam, et inter hos *Seckendorffius*, l. c. L. II. p. 145. *Hetzerum* propter blasphemias in Deum flammis esse adiudicatum; sed veriora dicunt, qui cum *Franckio*

et

et Sandio eum a. 1529. die 4. Febr. *Constantiae* gladio percussum et decollatum esse narrant, non tamen propter placita anabaptistica, quod *Sandius* perhibet, sed ob adulteria frequentia, quod plures fide digni testes exponunt. *Franckius* chron. f. 416. inquit: „Er ist nach langwieriger Gefängniß zu Costniz zum Tod verurtheilt, und außerhalb der Stadt mit dem Schwerdt gerichtet worden, nicht, wie *Plaurer* sagt, des Rauffs oder Auftruhls halben, sondern daß er sich mit Weibern hat vertieft, fürnehmlich, daß er solchen seinen Ehebruch, bey etlichen sündern Personen, mit göttlichen Willens Befehl zu vertheidigen, aus der Schrift und Gottes Wort hätte fürgenommen.“ etc. *Erasmus Albertus* in praef. libri, quem inscripsit: Wider die lehre der Carlstader, inquit: „Er erreget dawider der Wiedertäufer Rotte, welcher Obersten waren *Melchior Ring* etc. *Ludwig* Setzer, der dreyzehn Weiber hatte; denn diese Schälck überredeten die Weiber, Ehebruch wäre keine Sünde, sondern ein Werck der Barmherzigkeit und Brüderlichen liebe. V. E. S. CYPRIAN. *de mortibus Soci-niunorum*, C. I. Eiusd. contin. H. E. Gothanae. p. 221. *Ottius* l. c. p. 50. Plura ipsius flagitia *Joannes Gastius*, *Brisacensis*, *de Anabaptismi exordio, erroribus historicis* etc. *Basileae* 1544. 8. exposuit, de eodem p. 49. scribens: „Hetzerus doctus in diuina scriptura, praecipue hebraicae linguae diligens perscrutator, *Constantiae* decollatus, propter nefanda scelera, quae non sunt dicenda, ne aures piorum offendantur. Contraxit multa coniugia, scortator egregius fuit, domos viduarum deuorauit pulcra hypocrisi, quae nummatum eum reddiderunt. Sectas varias conformauit, non semel renouauit.“ etc. Idem p. 318. adfert: Quod litterarum bonarum osor fuerit; se enim uidisse librum germanicum ab eo concinnatum, qui omnem Philosophiam et litteras tam Graecas, quam latinas exploserit, ea ratione, quod Christus piscatores indoctos, in discipulos et mundi doctores elegerit. Libellum vero non editum esse propter insperatam illius captiuitatem, in quam *Constantiae*

tae incidit. Idem p. 319. inquit: *quid de deitate Christi senserit, quae loca scripturae, ad opinionem suam stabilendam congefferit, nolo hic adducere. Nam non dubito illum ex animo, cum ad supplicium iter arripuisset, respuisse, publiceque suos errores reuocasse, ut libellus Germanice editus de illius obitu testatur, quod quoque Scultetus l. c. p. 259. confirmat simulque addit: quod placitorum et criminum omnium seria ductus poenitentia indignum se professus sit, qui viam tereret, ad supplicii locum ducentem. Fessus est in vinculis, se saepius in precibus, largis profusis lacrymis, cum Deo quodammodo expostulasse, et iustificasse eius potentiam, quod talem homuncionem castigare non posset. Tandem occidendus: Jam, inquit, voti mei damnatus sum, postquam Deus me mihi ipsi ad extremum subtraxit, qui carnis ad peccandum irritamenta superare antea non potui.*

Quod Reformatoris speciem adfectauerit, ex eius Zelo in imagines, quarum venerationem, idololatriam et fornicationem appellauit, suspicamur. Schediasma huius argumenti *Bibliotheca Wallenrodiana* Regiomonti tenet, hoc titulo: *Ein Urteyl Gottes vnsers Egemahels, wie man sich mit allen Götzen und Bildnüssen halten soll, auß der heyligen Geschrift gezogen, durch Ludwig Säger. 1523. 4. pagg. 18.* Alteram editionem, quae prodit *Wratislaviae. 1524. 4.* habet *Bibliotheca Acad. Regiom.* plagg. 2. Scriptum hoc, et quae alia ab ipso concinnata supersunt fragmenta, eum inter insanientes mysticos locum occupasse comprobant. Christum in mente tantum quae-siuit, eundem vero extra hominem parui fecit, et pro homine sancto et diuino habuit. Plura de eodem pariter atque *Denckio* leguntur in den *Venträgen zur Fräncischen Kirchen-Historie, in einer Geschichte der Wiedertäufer etc. Nürnberg 1770. 8.* Quem viuum summis laudibus extulerunt Anabaptistae, vita propter scelera priuatum, omisso cognomine *Ludouicum* appellant in Martyrologiis, ne ad *Hetzeri* nomen horrescant homines, teste *E. S. Cypriano*

priano l. c. p. 78. *Hetzeri effigies, nec non plurium Haeresiarcharum e.g. Serueti, Adami, Pastorii, Davidis Georgii etc. conspiciuntur in libello, cui titulus: Greuel der vornehmsten Haupt: Lehrer, so wohl Wiedertäufer, als auch anderer, welche viele Menschen verführet, und ums Leben gebracht haben etc. Lugd. Batav. 1608. 8. pl. 6.*

HETZERO jungimus eius intimum Jo. Denckium, a Sandio, omnibusque, qui historiam vnitariorum delinearunt, omissum, merito autem huic sodalitio accensendum, quem *Anabaptistarum* indici inseruit Jo. Wigandus l. c. p. 18. *Sculdetus* l. c. Dec I. p. 265. inquit: *Venit ad Sangallenses Jo. Denckius, Bauarus, Norimbergensis dictus, quod aliquando iudum litterarium Norimbergae gubernasset. — Vir fuit doctus, demissi animi, hebraicae linguae peritus, qui Prophetas cum Hetzero in Germanicam linguam transtulit.* Ex superiore Palatinatu ortum fuisse tradunt scriptores. A munere scholastici Rectoratus ad scholam S. Sebaldi Noribergae, per magistratum oppidi a. 1524. remotus, ante solis occasum, eodem die, quo sententia lata erat, vrbe excedere iussus est. Eundem *αποκαταστασι*, quam Origenes primum docuit, iterum suscitasse, indubitatum est pluribus scriptoribus. Qui vero statuisset illum narrunt cum Wigando, malos quoque genios aliquando in beatas sedes reuersuros, Denckio quod nunquam in mentem venit adfingunt. Non omnes enim qui illam defendunt, mali etiam genii restitutionem adstruxerunt. Hanc de damnatis saluandis opinionem pluribus persuadere studuit, inter quos etiam fuit NICOL. THOM. SIGELSPACHIUS, qui in ep. ad Jo. OECOLAMPADIUM, *Taberniae*, prima Apr. a. 1527. scripta, testatur, quod Anabaptista litteratus, multis S. Scripturae locis fretus, variisque ratiociniis placitum illud commendauerit, a quibus scrupulis Sigelspachius per Oecolampadium liberari cupit. Legitur haec ep. in Jo. *Conr. Fueslini Epp. ab eccl. Heluet. reformatoribus, script. Cent. I. p. 49. seqq.* in qua ita inquit: „*Paternum consilium agnoscendi Anabap-*
„*tistas*

„tistas dedisti, quo conuenientissime sum vsus, in altero
 „jam, qui ad nos post Epiphaniae venerat, *Joanne Den-*
 „*ckio*, scilicet homine litterato. Hic aliquod dies nobis-
 „cum agens sine tumultu fraterne contulit et erudite cum
 „Judaeis nostris tribus diebus de lege disceptans, multa
 „auditu suaui in medium protulit, nihil tamen omnino
 „profecit; se Te multum delexisse dixit et amice saepe
 „conuersatum, quum Basileae egit correctorem. Pro-
 „fecto, vt scripsisti, ita facere solent, non est concionator,
 „cui non obloquantur, negantes ingenue, Euangelium
 „vere praedicari. In certis ei reluctans, eum impatien-
 „tissimum repperi, ita vt suspicarer et dicerem, se aut in
 „carne fouere hypocritam, aut morositate quadam labo-
 „rare ex linguarum olim perdiscendarum studio, fortas-
 „sis contracta. Nolui ego vt coram fratribus et amicis,
 „qui rem, de qua acturus, nondum intelligunt, et facilli-
 „me nostris contentionibus offenduntur, obtrektaret con-
 „cionatoribus Argentinensibus et aliis. Prohibui, ne fa-
 „ceret, sed potius scriptis eos compellaret, aut adiret, et
 „in facie id faceret, vt sese possint defendere, si quid ha-
 „beret, ne videatur inuidia absentibus illis obtrektare, et
 „apud imperitos gloriam quaerere velle. Haec me ad-
 „monente, iratus vociferabat: Pseudoprophetis nunquam
 „parcendum, meque eorum partes fouere, et veritatem,
 „vt ipsi, timere dicebat. Tamen multum tandem per
 „me inductus, vt dissiteri non posset, me amare et quae-
 „rere veritatem, cum me tam ardentem omnibus beneuo-
 „las aures praestare videbat, nam solius agnoscendae ve-
 „ritatis studio omnes, etsi ter retincti ad me diuerterent,
 „qua possum humanitate et excipio et foueo. Pertinacis-
 „sime sua defendebat, cum reluctabatur, alioqui satis hu-
 „maniter contulit, quum attente audiebatur et sua adpro-
 „babantur; tamen se mitius rem agere non posse, quam-
 „quam prius feruorem in mutua collatione conceptum
 „poenitens confitebatur, tantem amici sejuncti sumus.
 „Dabat autem discessurus in deductu pias adhortationes
 „ad

„ad integriorem vitam euangelicam, de quibus admodum
 „gratus sum, sed in aliis ferme omnibus haereo maxime,
 „praesertim in his scripturae locis, qui probare videntur
 „impios saluandos,” etc.

Quam sibi de S. S. Trinitate formauerit ideam, ex ipsius libro: *Ordnung Gottes und der Creaturen* Wort p. 14. elucescit. Nimirum, Deum esse omnium rerum creatorum fontem; post eum Spiritum, virtutem Dei, et tandem verbum Dei, quod per Spiritum suum ex se procreauit. Per verbum Dei animas hominum, non Filium Dei intellexit, quod proinde verbum Dei cum humano genere coepisse existere sibi persuasit; quae quoque HETZERI mens fuisse quibusdam videtur, qui cum *Denckio*, excepta omnium restitutione, censisse dicitur. ZWINGLIUS in elencho in *Carabaptistarum* strophas, qui legitur in *Jo. Oecolampadii et Zwingii* Epp. L. IV. *Basileae*, 1536. fol. 86. seqq. de *Denckio* et *Hetzero*, horumque affectis haec exponit: „In hoc aliquando fuistis, (Carabaptistas innuit,) ut totum vetus instrumentum negaretis: immo simul atque apud Vangiones, *Denckii* et *Hetzeri*, cum nescio quibus, nihil obscure plenam perorationem per Christum negant, quod nihil aliud est, quam nouum testamentum conculcare: apud nos *Groningae* totum vetus testamentum negant, quod ipse his oculis vidi. Scripserunt enim ad Senatum nostratem: „Verus testamentum antiquatum, irritaque esse testimonia, quae ex eo proferantur, atque adeo nihil posse etc.” Ex confessione *Denckii*, quae in *Epp. ad Oecolampadium* scriptis legitur, (in qua hunc maximopere efflagitat, ut *Basileae* toleretur, quamuis non in omnibus consentiat) facile patet, hominem nulli plane sectae addictum fuisse, sed in quacunque salutem aeternam obtineri posse, docuisse. V. *Epp. Zw. et Oecol.* p. 197, b. Idem quoque ex eius tractatu *de lege* colligitur.

Hetzerus atque *Denckius*, paullo post coeptam in Germania reformationem, primi in hoc regno et in
Helue.

Helvetia in Antitrinitariorum acie stantes, magnam de se vbiq̃ue excitant famam, quae sine dubio per *Italiae* provincias sparsa, ibidem similium errorum concitauit renovatores ac defensores. Improbauit *Melanthon* in colloquio Marpurgensi, praesente *Zwinglio*, quod intra *Helvetiae* fines homines aeternam Christi Deitatem negantes nidularentur, cuius rei quoque *Argentoratenses* Theologi accusabantur. Respexisse illum ad *Hetzerum* et *Denckium*, verisimillimum est, quos etiam plures habuisse in hisce locis sibi assentientes, suspicamur. *Wigandus* et *Scultetus* l. c. aliiq̃ue notarunt, *Denckium* ab *Oecolampadio* meliora edoctum ac conuersum esse, hocque praesente, peste quidem, sed pie *Basiliae*. 1528. obiisse. Ipse *Oecolampadius* eum breui ante mortem reuocasse errores, in ep. ad Anonymum, *Basil.* d. 9. Nov. 1528. scripta, l. c. fol. 169. c. narrat, his verbis: „*Denckium* illum, postremum respuisse, vanum non est. Est enim apud me αυτοργα-φον eius, et fortassis, si sui negaturi sunt, edemus olim, quae ante paucos dies suae in Domino quietis scripsit: etiamsi nec illa purgatissima erant.” Verisimile est scriptum, quod *Oecolampadius* tenuit, idem esse, quod in publicam lucem hoc titulo prodiit: *S. Dencken* Wid'ruff auf die zehen Artikel, 1.) von der Geschrifft. 2.) Von der Bezahlung Christi. 3.) Vom Glauben. 4.) Vom freyen Willen. 5.) Von guten Wercken. 6.) Von Secten. 7.) Von Ceremonien. 8.) Vom Tauff. 9.) Vom Nachtmahl. 10.) Vom End. Der Geistliche urtheylet alles. 2 Cor. 2, 8. pl. I. Annus impressionis non indicatur. Post titulum hunc, alter a. 11. legitur: Protestation und Bekenntnuß etlicher Puncten halb, in welchen sich *Hans Denck* (kürzlich vor seinem End) selbst Vervor erkläret und ausgeleget hat. Allen denen, die den Weg zur Seeligkeit in Christo Jesu suchen, wünsch ich Dren, den Willen seines himlischen Vatters von ihm zu hören. De S. S. Trinitate Christique Deitate quid senserit, non quidem in his paginis indicauit: Fanaticismi vero documenta plura exhibuit. Ita p. a. 11. de S. Scriptura.

Die H. Geschrift halte ich über alle menschliche Schätze, aber nicht so hoch als das Wort Gottes, daß da lebendig, kräftig und ewig ist, welches aller Elementen dieser Welt ledig und frey ist, dan so es Gott selbst ist, so ist es Geist, und keyn Buchstab, von Feder und Papier geschrieben, daß es nimmer ausgetilgt werden mag. Darumb auch die Seeligkeit an die Geschrift nitt gebunden ist. — — — —

Also mag ein Mensch, der von Gott erwählet ist, on Predigt und Geschrift seelig werden. Et de Paedobaptismo: Der Kindertauff ist nitt nach dem Befehl Christi — — —

— — Kindertauff ist ein Menschen-Gebott, und der Christen Freyheit. — — — — Es schadt keynen Gläubigen, daß er in der Kindheit getaufft ist, und Gott fragt nach keinem andern tauff, so man nur die Ordnung hielt, die eyner Christlichen Gemeynne zustunde, so aber nitt, weis ich nitt was Gott machen wirt. In articulo de S. Coena, corporis Christi praesentiam omnino negavit, ac spirituale tantum manducationem statuit. Ad hunc libellum sine dubio spectat Anonymi liber *MSC. contra discursus Denckianos* et Apostasiam ad ecclesiam Romanam, Schriftmäßige Ableinung der zehen Discursen Denckii etc. qui in *Catol. Vffenbach. Msscc. P. V. p. 347.* et in *Biblioth. Vffenb. T. III. p. 148. N. 47.* allegatur.

Denckium opera sua in vertendis Prophetarum scriptis adfuisse Hetzero jam notauimus; ipsum *Michae Prophetiam* in linguam teutonicam transtulisse, ex libro, qui in *Bibliotheca Regia Regiomontana* seruatur, patet, cui titulus praefixus est, *Micha der Prophet, wie der Hans D. uff diese Zeit verglichen hat.* Vorred an den H. Für: und H. S. Philip Lar. in Hessen. Jesa. 21. Es ruft einer zu mir aus Seir, Hüter um welche Zeit ist's in der Nacht? Antwort, es kompt der Morgen, dennocht wirds Nacht seyn, wolt ihr fragen, so fragt, kert euch um und kompt her. Straßburg, Jacob Cammer. (notatur JAC. CAMMERLANDERUS) 8. pl. 11. Impressionis tempus non indicatur; prodiisse tamen 1527. ex editione Bibliorum

Wor-

Wormatiensium *Hetzeri* colligitur. Fufius de hoc opere exposuit *Riederer* l. c. p. 396. feqq. qui vero titulum minus accurate exscripsit. Aliud scriptum *Denckii* raro obvium in eadem Bibliotheca fervatur in fronte inscriptionem exhibens: Von dem Geseß Gottes, wie das aufgehoben sey und doch erfüllt werden muß. Sans Dengck. 8. pl. 3. editionis annus non notatur. Prodiisse praefixo *Denckii* nomine, a. 1680. *Amstel.* 12. sex tractatus Theologicos ac Asceticos, rei librariae non ignaris constat. Totius codicis biblici in linguam germanicam translatis, qui *Wormatiae* a. 1529. comparuit, interpretes vulgo habentur *Hetzerus* et *Denckius*; cum vero ille jam die 4. Febr. eiusdem anni decollatus, *Denckius* vero a. 1528. mortuus fuerit, *Biblia* ista *Wormatiensia* ab his quidem inchoata, a fociis vero pluribus ad colophonem perducta esse videntur. Vid. *Dav. Clement, Biblioth. hist. Crit.* Tom. III. p. 350. et G. G. *Zeltnerus* in *Diff. de novis Bibliorum versionibus, non temere vulgandis*, p. 51.

§. IV.

Hos nouarum opinionum propugnatores excipiunt, qui eodem tempore et ex parte ab his signiferis in deuia abrepti, *Joannes Campanus*, *Adamus Pastoris*, alias *Rudolphus Martinus* dictus, *David Joris*, aliique, ex quorum tamen numero *Georgius Wicelius* eximendus videtur, qui eidem a quibusdam inferitur, et Campano homodoxus iudicatur. Isti vero omnes, Deo sic clementer ecclesiae prospiciente, conatibus suis, peculiarem ac longaeuam conducendi sectam ac familiam, frustrati, magna ex parte fata experti sunt tristissima.

*

*

*

Jo. Campani, cum *Joanne Campensi* non confundendi, quod factum esse in *Catalogo Haereticorum* a. 1559. *Romae*, jussu R. Pontificis edito (v. P. P. *Vergerii Opp. T. I. p. 289.*) animaduertimus, raro apud scriptores coaevos et recentiores fit mentio: *Jo. Schelhornius* vero in *diff. de Jo. Campano Anti-Trinitario in amoenitat. litt. T. XI. p. 1—92.* quae de illo inuestigari potuerunt historiarum monumenta, singulari diligentia conquisiuit. Plurima de eodem tradidit *Ge. Wicelius*, cuius scripta ipse inspexi. Tempus natiuitatis et obitus ipsius determinari nequit; inclauit autem circa annum 1530. Nec patria eius certo indicari potuit. *Sandius* l. c. p. 17. eum vel *Cliuiensem*, vel *Juliacensem* fuisse putat, et in adpendice ad nucl. H. E. p. 86. *Cliuiam* habuisse patriam, expresse, sed falso enunciat. Teste *Schelhornio* vel in oppido *Maseyck* ad Mosam, vel in regione *Juliacensi* natus. *Wizelius* hunc familiarem suum pluribus vicibus *Juliacensem* vocat, ac proinde de patria ipsius nullum jam dubium est. Ex *coloniensi Academia*, in qua litteris operam dedit, circa annum 1520. ejectus est, si *Corn. Agrippae* in *Epp. L. II. ep. 60. p. 717.* fides habenda, iniuste, a grege scilicet obscurorum virorum, siue *Scholasticorum Coloniensium*, quos infectatus erat. Vocatus eam ob causam *Victor Sophistarum Coloniensium*. In hanc *Academiam* eum concessisse, postquam *Düsseldorpii* studiorum fundamenta jecerit, pariter certum est. Ita enim *WICELIUS* in *Apologetico ad Joannem, Saxoniae Electorem* inquit: *Si Campanus haereticus est; haereticum Witemberga dedit, aut certo Colonia, aut Düsseldorpium, non fecit Nymecia.* In epistola amici, amico *Coloniae* data 1520, in *Corn. Agrippae Opp. Lugduni editis p. 778.* insignis doctrina et virtute vir adpellatur. An pestifera illa dogmata, quae posthac disseminare contendit, jam tum fouerit, non certo liquet.

Circa annum 1528. *Wittebergam* venit, quo loco ad tempus nobilium quorundam iuuenum *Ephorus* extitit; docuisse

docuisse vero eum ibidem et publico munere ornatum fuisse, quod *Sandius* confidenter ait, nullo testimonio probari potest. Hoc potius loco ita se gessit, ut Antitrinitarium eum esse nemo ex Professoribus animaduernerit; quamquam dogmata sua ibidem clanculum sparserit. Magistrum equidem eum vocat *Wicelius* in Apologia sua wider seine Aſterreder die Lutheriſten, (Lipsiae 1535. 12.) p. D. iy b. sed ex hoc titulo eum docuisse *Wittebergae* certo colligi nequit, cum non omnes, qui gradu magisteriali ornati sunt, alios, praesertim publice in Academiis doceant; quamvis docendi potestate polleant.

Insignem Pontificii ex *Campani* *Wittebergae* commoratione, conuiciandi *Lutherum* et *Melanthonem* occasionem arripuerunt. Ita *Laury. Surius* l. c. ad annum 1532. inquit: JO. CAMPANUS, qui biennio *Lutheri* discipulus fuerat, *Wittebergae* eosdem fere, quos *Mich. Seruetus*, de summa Trinitate, errores asserere non dubitauit. Atqui *Lutherus* tametsi in eum calamus strinxit, tamen ad tantam impietatem fenestram illi aperuit." Eodem adfectu concitati sunt, *STAN. HOSIUS* in confut. Prolegom. BRENTII aduersus Petrum a Soto. L. I. p. 23. et ABRAH. BZOWIUS in annal. eccl. T. XIX. ad a. 1532. f. 836. alique. Sed nullo argumento ab his euictum est, *Campanum* *Megalandri* fuisse discipulum, nec eius rei in *Lutheri*, *Melanthonis* et ipsius *Campani* scriptis ullum exstat vestigium. Quodsi vero quoque aliquando inter reliquos studiosos ipsius *Lutheri* discipulus fuerit? quid inde? quantum habuit praeceptorem *Judas Ischarioth*? nemo sanus unquam aliqua veritatis specie monstrabit, *Campanum* dogmata sua e *Lutheri* schola ac doctrina habuisse; quippe qui aduersus illum strenue pugnavit. *Wittebergae* placita sua disseminandi intentionem homo callidus ita occultauit, ut *Lutherus* atque *Melanthon* tum demum cum *Witteberga* relicta *Nimeciae* apud *Ge. Wicelium* degeret, Antitrinitarium ipsum esse fenserint.

Antequam vero huc demigraret a. 1529. *Marpurgum* abiit, ut colloquio, inter *Heluetios* et *Lutherum* habendo, interesset, disputaturus cum *Luthero de S. Coena*, de qua singularem sententiam, a reliquis omnibus diuersam defendebat. V. *LUTHERI brevis confessio de S. Sacramento, in Opp. Lutheri Altenb. T. VIII. f. 348.* Ad colloquium tamen admissus non est, immo *Lutherus* eum disputatione et refutatione publica in hac causa indignum iudicauit, quod in *sermonibus mensalibus. f. 279.* expresse significat; quae repulsa hominem superbum, sibi que soli sapere visum, qui ex hoc certamine gloriam aucupari studeuit, magnopere offendit. Hanc ob rationem *Marpurgo* redux, *Wittebergae* valedixit, et *Nymeciam* oppidum Saxoniae haud procul *Witteberga*, ad parochum eius loci, qui *Ge. Wicelius* erat, confugit. In hunc locum cum concesserit, confestim rumor expandi coepit de *Campani* erroribus, *Wicelius* insimul, quod hospitio eum susceperit, et cum eo familiariter vixerit, haereseos et communis cum illo malae causae suspicionem sibi contraxit. Hoc ipso anno 1530. *Torgauiae*, ut epistola *Lutheri a Zeltnero* l. c. exhibita, *Torgae* feria 6. p. Laetare a. 1530. exarata, testatur, his ipsis diebus monstra dogmatum suorum indicauit. Meminit quoque *Wicelius* Torgensis itineris, narratque *Campanum* quosdam iuuenes Julienses habuisse comites. Contulit se autem in hunc locum non inuitatus, quo *Lutherus*, *Jonas*, *Bugenhagenius* et *Melanthon*, ab Electore Saxoniae vocati erant, de articulis controuersis deliberaturi. Sed iterum repulsam tulit.

Breui tempore Nimeciam repetiit, ibique dies aliquot in *Wicelii* aedibus substitit, quo tempore innotescebat, eum non de S. tantum coena, sed etiam de ipsa S. Triade, quod hactenus dissimulauerat, peruersas fouere opiniones, quapropter *Wicelius* in suspicionem doctrinae Antitrinitariae venit. Is cum comprehenderetur, *Campanus* id animo fortassis praesentens jam elapsus erat, et in ducatum Juliensem secesserat. Ita enim *Melanthon*

thon in ep. a. 1530. in epp. per Elzeuirios, Lugd. Bat. impressis, p. 434. inquit: „Hodie rescivi, Campanum illum nostrum, qui noua dogmata Torgam ante nostrum discessum attulerat, captum esse a Leodicensi fiscali.”

Conscripsisse librum Campanus dicitur, hoc titulo: *Contra totum post Apostolos mundum*. Vtrum liber iste Germanico, an latino idiomate concinnatus, vtrum publicae luci expositus, an suppressus fuerit, definire non audet Schelhornius: „Si editus est, l. c. p. 55. inquit: ipsa raritate eum rariorem esse censeo, qui in tot instructissimarum Bibliothecarum catalogis eum frustra quaesui, et neminem, qui illum aut conspexerit unquam, aut fando duntaxat, ubi vel unicum eius exemplar lateat, audiuerit, noui, licet studiosissime de eo inquisiuerim. V. Vogt. Cat. libr. rar. p. 163. Interea libri huius et Lutherus et Melanthon mentionem faciunt, eumque Nimeciae a Campano esse concinnatum, alicubi me legisse recordor. MELANTHON in ep. Contr. Herisbachio, Consiliario Juliacensi 1531. d. 15. Julii data (in epp. a Peucero editis, P. II. p. 394.) inquit: „Est apud vos quidam, cui Campano nomen est, qui profectur se hostem Lutheranae factionis, idque callide facit, ut eo praetextu insinuet se in animos istarum nationum, apud quas inuisum est Lutheri nomen, ac contra Lutheranos nihil admodum scribit, nisi meras Logomachias et venenata conuitia. Telam orditur, quam non poterit detexere. Ideo te oro, ut pro tua prudentia des operam, ne quid existat ex illis disputationibus mali. Iuuenis est et imperitus horum certaminum; Titulum libro fecit contra totum post Apostolos mundum. De his rebus cogitabis. In ep. ad eundem post annum (ut videtur,) 1546. scripta, l. c. p. 398. haec habet: Calumniae Campani editae sunt, quas, cum videris, quantum mali, quos motus pariturae videantur, facile intelliges. Incurrit in omnes sine discrimine. Nemo quicquam recte dixit, praeter unum hunc Thaletam Campanum. Sed priuatae iniuriae facile a nobis diffimi-

lari possunt. Vos videritis, utrum Ecclesiae hoc genus calumniarum profuturum sit.

A. 1532. scriptum publicavit hoc titulo: Göttlicher und heiliger Schrift, vor vielen Jaren verdunkelt, und durch unheilsame leer und lerer (aus Gottes Zulassung) verfinstert, restitution und Beßerung, durch den hochgelehrten Joh. Campanum. Ein Send-Brief an K. M. von Deumarcken, etc. durch Nicolaum Frantz von Streiten, 1532. 8. plagg. 11. Hoc in scripto, in quatuor partes distributo, monstrosus ingenii sui foetus orbi exposuit, cuius delineationem Schelhornius l. c. p. 79. exhibuit; nos ea tantum tradituri, quae ad ipsius errores in loco de S. S. Trinitate spectant. Agitur autem in eo de Trinitate in genere, et deinde in specie de Spiritu S. Statuit autem, in Deitate non esse Triadem, quamvis primam primae partis sectionem inscripserit de S. Triade; sed *Dyadem* vel duas personas, Patrem et Filium, hosque instar mariti et uxoris coniugali vinculo esse unitos. S. Joannis Oraculum de S. Trinitate, 1 Jo. V, 7. pro suppositio habet: ex qua tamen ratione sola, vix jure quodam in Antitrinitariorum numerum referretur, cum notissimum sit, ipsum *Lutherum* dicti huius integritatem in dubium vocasse, nec levia argumenta pro *Campani* sententia adferri posse, quod recentiores de hoc Oraculo controuersiae comprobant. Sed ad reliqua eiusdem placita, et ad animum, quo dictum hoc oppugnauit, simul respiciendum esse arbitramur. Christum esse Dei Filium non per adoptionem, sed veram generationem, de substantia Patris productam, atque adeo vnus eiusdemque cum illo essentiae fateretur; sed ita, ut aliquando eum non fuisse, sicque Patrem filio priorem crediderit. Hinc scripturae dicta pro Filii aeternitate ita exposuit, ut Christum ante saecula, cum mundus nondum creatus esset, ex paterna substantia genitum, in principio rerum ac temporum jam existisse quidem, attamen initium habuisse, putauerit; nihilo autem secius dici posse, in aeternitate eum genitum esse,

esse, cum ante creationem nulla tempora fuerint. Filium Patre minorem, huiusque administrum in creatione mundi, aliisque operibus peragendis credidit, eumque *τον λογον* appellari, quod Patris Nuncius, et Legatus fuerit; illi vero adorationis cultum esse praestandum, negavit. Spiritus S. nomine non diuinam personam, sed naturam ac operationes tam Dei Patris, quam Filii significari sibi persuasit. Luculentissime proinde oracula diuina proterue contorsit, orthodoxe sentientes amarulenter perstrinxit, duraque verba in Christianam veritatem enunciauit. Antiquiorum Antitrinitariorum placita et errores in vitam reduxisse *Campanum*, ex adductis liquet; nec prorsus negauerim, quod *Serueto*, ipsi coetaneo, praeceptore, in itineribus Gallicis vsus fuerit. Accensuit eum *Zeltnerus* l. c. p. 350. *Serueti* homodoxis, sed *Schellhornius* l. c. p. 89. diuersa eum a *Serueto* sensisse, instituto parallelismo recte colligit. Licet enim vterque articulum de Trinitate ferociter impugnauerint, diuersa tamen id ratione fecerunt. *Campanus* Christum ante saecula a Patre generatum profitetur. *Seruetus* antequam in vtero Mariae efformaretur, eum non exstitisse statuit. Ille Christum verum Dei Filium ex ipsa substantia Patris, ante orbem conditum, productum, atque adeo eiusdem diuinae *ουσιας* participem asserit: hic negat et pernegat, Seruatoremque eam ob causam Dei Filium vocari vult, quod Deus Patris vicem suppleuerit, ac illum semine virili in Mariae vtero efformauerit. Ille Christum *τον λογον* dici, per quem Deus ceu administrum suum omnia creauerit, existimat: hic ipsi hoc nomen in S. litteris tribui pertinaciter inficiatur, neque per eum conditum esse mundum, concedit. *Wigandus* in confessione, quae lingua Germ. *Erford.* 1582. 8. prodiit, p. 20. inquit: „Ich verwerffe auch *Campanum* mit der wiedertäuferischen Kotte, die zu unsern Zeiten die Person und Gottheit des heiligen Geistes verleugnet haben, als solten allein die Gaben, welche Gott in der Wieder = Geburth schaffet, der H. Geist seyn und heißen.“

Sandius in H. E. p. 427. eundem huius aetatis Arianis accenser, et in adpendice p. 86. aeternitatem Sp. S. eum negasse enunciat.

MELANTHON a. 1546. d. 10. Jun., quo tempore adhuc in captiuitate detinebatur *Campanus*, ad *Vitum Theodorum* in epp. l. c. p. 495. scribit: „*Campanum* scias in *Juliacensi* ditione, clam perniciosissima venena contra Filium Dei, et contra Sp. S. spargere, immo re ipsa delere vniuersum Euangelium. Interea se venditat Gropero, et diligitur, quia audet rabiose maledicere nostris ecclesiis. Deus aeternus, Pater Domini nostri J. C., qui in Baptismo Filii vere patefecit se, et Filium et Spiritum S. regat nos, et non sinat exstingui lucem Euangelii.” Cum a. 1553 prodisset liber anonymus, mysterio S. S. Trinitatis aduersus, *Melanthon* eum e *Campani* calamo profluxisse, suspicatus est, in litteris ad *Dav. Chytraeum* eodem anno datis. V. Epp. *Chytraei* p. 1234. Qua in re magnum virum coniectura fefellit, cum vix vllum sit dubium, librum istum fuisse, MICH. SERUETI *Restitutionem Christianismi*, hoc anno, absque auctoris nomine, litterisque tantum initialibus, M. S. V. ad calcem libri notato impressum.

Copiosissime de CAMPANO M. *Lutherus* in colloquiis familiar. et mensal. latinis ab HENR. PET. REBENSTOCKIO a. 1571. Francof. 8. editis. T. II. p. 31. seqq. disserit, his verbis: „Ille adhuc iuuenis et inexercitatus incidit in gravissimas quaestiones, arbitratus se plus scire, quam *Lutherum*, *Pomeranum*, *Phil.* etc. qui tamen nullam sensit luctam. Ideo πληροφροειαν i. e. certitudinem iactabat, dicens: Se diuinitatem Christi clarius exprimere, quam ipse *Ioannes Euangelista*. Damnat me mendacem, et Sathanicum, quia doceo fidem infirmam in dies in piis crescere, et infirmitate et lucta procedere, vbi me sua πληροφροεια damnat, dicens: Quam certum est, Deum esse, tam certus et diabolicus mendax est *Lutherus*. — — — Christianum sic definit: sanctum, bonum, iustum, non posse errare, ita decipit miserum vulgus. Cum ita „defini-

„definire debuisset, Christianum esse sanctum, scilicet mi-
 „serabilem peccatorem, afflictum, adfectibus humanis
 „subiectum, sicut Paulus de se dicit: quis liberabit me de
 „corpore mortis. *Campanus* homines plane facit stipites
 „et truncos, vt Stoici opinantur; si talis fieri possem, qua-
 „tuor me baptizare permetterem, quia nihil pugnae in no-
 „bis haberemus, et certi ita esse possemus, nec vnum darem
 „nummum pro verbo Dei et Sacramentis, quia his opus
 „non haberem; sed absit. Hunc perdirissimum *Campa-*
 „*num* spernendum censeo et silentio reprimendum; nam
 „si contra illum scriberetur, audacior fieret; melius est,
 „vt contemnendo reprimatur et non prouocetur. Non
 „enim proficiet suis opinionibus et autoritate. Ideo
 „*Phil.* suum dedit iudicium, eum de arbore suspenden-
 „dum, quod et Domino suo adscripsit! Haec autem sua
 „sunt argumenta, quibus multi errores, ligitationes et
 „mendacia multa inueniantur et comprehendantur: *Cam-*
 „*panus* suis in libris, Deum Patrem et Filium, aliter diui-
 „nitate coniunctum et vnitum non esse, quam sicuti Ada-
 „mus et Eua vnus sit homo, scribit, ita vnitatem Essen-
 „tiae diuinae discernit, et dicit, aut duos esse Deos, aut
 „Filium non esse verum Deum, haec est summa huius ar-
 „ticuli. Inducit praeterea varias et mentitas speculatio-
 „nes; sic enim proponit, Filius quidem aeternus est, sed
 „ab aeterno non fuit, sed Pater prius fuit, et postea Fi-
 „lium genuit. Sic dicit: Filium aeternum et non aeter-
 „num esse, Deum quoque ad tempus diuinitatem assump-
 „sisse, sic tamen, quod non fuerit Pater. Et hoc argu-
 „mentum *Campani* magis ridendum, quod proponit certa-
 „men de his vocabulis, vbi aliqui sic dicere solent: Filius
 „ab aeterno gignitur, ibi *Campanus* dicit, si ab aeterno
 „gignitur, nondum ergo genitus est, nondum est Filius,
 „sic tempus praeteritum et futurum in diuinitate excogi-
 „tat; cum tamen patres, qui tali modo loquuti sunt,
 „hoc tamen indicare voluerunt, hanc natiuitatem, seu ge-
 „nerationem hominum more nec tempore distincto fieri,
 „et

„et sic afficit patres contumelia, quia illorum sententiam
 „de hoc articulo mutat, cum tamen patres dicunt, hanc
 „formulam loquendi aptam et bonam esse, sic nempe:
 „Filius semper nascitur, Filius semper natus est. Haec
 „sunt puncta praecipua in hoc articulo; vnde facile intelli-
 „gere quis potest, *Campanum* in suis speculationibus erra-
 „re, et se ipsum seducere. In secundo articulo *Campa-*
 „*nus*, Spiritum S. non esse personam, certat, et hoc dictum,
 „in nomine Patris et Filii et Sp. S. lacerat; haec enim
 „sunt verba, tria sunt nomina, sed non tres personae.
 „Ita hi duo articuli, manifestissimi errores sunt contra di-
 „vinitatem. Tertio, falsam hic proponit opinionem,
 „quia Christi verba, ubi dicit, quicquid petieritis in no-
 „mine meo, etc. lacerat, sic enim dicit *Campanus*: Haec
 „non est sententia verborum Christi, ut homines, se prop-
 „ter Christum exaudiri, credere debeant, sed tantum ora-
 „re, tanquam filii Dei, quibus nomen Christi indutum
 „sit. In secundo libro, in principio horrenda et varia
 „scribit mendacia, quia bonam Christianamque ac veram
 „*Lutheri* doctrinam inuertit, ubi *Lutherus* ita docet ac di-
 „cit, ipsum adhuc Alphabetarium esse in doctrina Euan-
 „gelii de fide, et si quis verum se Christianum esse profi-
 „teri velit, is alias cogitationes non habeat, quam quod
 „Christi doctrinam de Euangelio et fide nondum satis di-
 „dicerit, et sit adhuc sub numero discipulorum, qui sub-
 „inde discere coguntur. Haec verba odiose inuertit *Cam-*
 „*panus* et dicit: Diabolus ipse haec verba ex ore *Lutheri*
 „loquitur, maxime enim fidem impediunt. Ex his aliis-
 „que calumniis et mendaciis facile observandum, *Campa-*
 „*num* loqui ex falso et peruerso corde. Postea duos pro-
 „ponit articulos falsos de morte et inferno, de his locis
 „*Campanus*, tanquam imperitus loquitur, atque satis pue-
 „riles calumnias proponit, ubi dicit, Adamum, si esset
 „mortuus, satis pro peccatis suis fecisse, et Christum mori
 „non oportuisse, ita acriter non nos increpat, quia nostra
 „doctrina clare dicit, *Adamum* multos dolores sensisse et
 „pertu-

„pertulisse propter sua peccata et atrociora delicta, cum tamen Christus tali modo liberauerit, non ut mortem non sentirent, sed ex morte liberarentur. etc. In *septimo* articulo litigat de vocabulo poenitentiae, ubi dicit poenitentiam nihil esse, quam resipiscentiam, cum tamen omnibus notum est, fidem quoque ad poenitentiam pertinere, ideo necessarium est, quae sit vera poenitentia indicare. Postea certamen habet de quibusdam expositionibus, quas *Luthero* et aliis viris doctis inuertit, et tamen nihil est, quam litigatio verborum.

„*Lutherus Campani* librum legens, manu illius propria scriptum, et a *Münstero* relictum, cuius titulus erat, contra Lutheranos, et omnes post Apostolos miros et monstrosos errores, *Bucero* mirante, dixit: Isti pessimi nebulones omnia sua rigide et scelerate vrgent. Cum tamen res ad Deum pertinentes infirmiter agantur, ego per 20 annos verbo Dei aedificaui et certavi, attamen vix summo labore aliquid efficitur, sicuti scribit Hab. cap. III. Equi tui in luto aquarum multarum et quadrigae seruantur, vnde impedimenta occurrunt, attamen verbum Dei pertransit, etsi magna infirmitate.”

Quanti in *Campano* fuerint spiritus, et singularis scientiae persuasiones, ex Orthodoxorum, a partium studio alienorum, testimoniis constat. Adeo processit, ut gloriaretur, ab Apostolorum temporibus ad suam aetatem, neminem recte de Deo statuisse; sibi soli coeleste mysterium reuelatum, et ad munus propheticum datam esse diuinam vocationem. *Bredenbachius* sacrarum collationum, L. XXXIII. p. 711. ex *Lindano* de fugiendis idolis L. I. C. IX. significat, illum persuasisse rusticis Iuliacensibus, instare diem iudicii extremi, ac breui terrarum orbem inundationibus aquarum esse periturum, hinc indulgerent deliciis, molliter ac laute viuerent, nec ullis parcerent sumptibus. Insipienter agricolae somnianti Prophetarum fidem habentes, suos vendebant agellos, ac omnibus suis facultatibus priuati, stolidae credulitatis poenas rulerunt.

tulerunt. Ad eundem modum *Michaellem Stiefelium* extremum mundi diem, a. 1533. d. 3. Oct. futurum, vaticinatum esse, *Baylius* commemorat.

Quo anno *Campanus* ex diuturna custodia liberationem nactus fuerit, non constat; vulgo creditur id accidisse 26 annis completis; nondum tamen eundem a. 1553. carcere fuisse liberatum, inde colligimus, quia alias *Heresbachius* de hac re *Melanthonem*, quocum commercium litterarium instituit, certiore reddidisset, cuius tamen in ep. a. 1553. ad *Dav. Chytraeum* scripta, nullam *Melanthon* fecit mentionem. An ex carcere fuga se eripuerit, vel ex gratia Superiorum demissus sit, quo loco deinceps vixerit, et quo anno mortuus fuerit, haud constat. In latibulo se abdidisse, et vitam ad summam senectam duxisse, ex *Lindano* conjicimus. Ante eius captiuitatem contigisse, quae *Lindanus* et *Bredenbachius* commemorant, probabile videtur, quae ipsa fortassis, hominem in carcerem conjiciendi occasionem praebuerunt. Idem *LINDANUS*, et *JO. LEO. hist. Pruss. L. VIII. p. 465.* referunt: illum sibi ex carcere liberationem praedixisse, hancque pro documento veritatis ab ipso diuulgatae venditasse, ita vt, si haec non inqueretur, omnia placita sua se reuocaturum spondiderit.

Cum antiquiorum Antitrinitariorum errores in ipsis Saxoniae terminis in lucem reuocauerit, probabile videtur, *Aug. Conf.* et formulae concordiae scriptores, ad eum respexisse, quando Samofatenianorum et Neo-Arianorum placita notarunt. *V. Walchius* de Samofatenianis Neotericis, quorum mentio fit in *A. C. Cyprianus Historie der Augsp. Conf.* p. 216. *Seckendorffius* l. c. L. III. Sect. VII. §. 24. p. 65. *Zeltnerus* l. c. p. 350. not. a.

Nemo *Campanum* eodem, quo vixit tempore, peculiari scripto refutauit; *Lutherus*, *Melanthon*, alique horum pro veritate commilitones; dignum certamine singulari non censuerunt hominem, contenti, suos priuatim de ipsius deliriis monuisse, atque alicubi veluti in transitu, publice saum ab illis dissenfum indicasse. Abstinerunt
consulto

consulto viri summi ab eius refutatione, ne obscurum viri nomen sic illustrarent, atque lectoribus, novitatis avidis, scriptorum eius legendorum desiderium inspirarent. Ex collatione temporis, quo *Campanus Witebergae* commoratus est, mihi videtur probabile, scriptum, cui titulus; *Bermanung auß unsers gnedigsten Herrn des Churfürsten zu Sachsen Befehl*, gestellet, durch die Prediger zu vorlesen widder Gotteslesterung und Füllerey, *Wittenberg 1531. 4. pl. 4.* occasione errorum a *Campano Witebergae* et in eius vicinia disseminatorum, ad praeservandum civium animos, esse publicatum. quamvis nomen *Campani* in eodem non reperiatur. *Lindanus a. 1575.* *Campani* de S. Coena sententiam ad examen vocavit. Quae vero ista fuerit, et qua ratione verba institutionis explicauerit, *Lutherus* in tract. Germ. *Kurß Bekenntniß vom H. Sacrament*, qui exstat in corpore librorum *M. Lutheri, sanctae memoriae, de verbis Domini, hoc est corpus meum* etc. a. 1561. 8. significavit, p. 757: Der siebend heiliger Geist, *Johan. Campanus*, machts also, Nemet hin, esset, das ist mein Leib, corpus scilicet paneum. Solt so viel heissen: Das Brod, so ich euch gebe, ist ein Leib oder Cörper für sich selbs, nicht mein lebendiger, natürlicher Leib, sondern ein todter lebloser Leib, wie Stein und Holz ein Leib ist. Aber weil es meine Creatur ist, so ist es auch mein Leib, den ich geschaffen habe. Diß ist der allerhöhest Heiliger Geist, wieder und über die andern alle, ohn daß er dem Becker die ehre nimmt, der dennoch auch etwas am Brodt gemacht hat, und Gott nicht das Brodt, sondern das Korn zum Brod schafft.

GEORGIUS WICELIUS a scriptoribus praecipue coaevis, immo quoque recentioribus, v. g. ab auctore *hist. Socin.* gallice scriptae, p. 67. eorundem cum *Campano* errorum accusatur. Vitae eius fata et opiniones exposuerunt *JAMESIUS* in vita et doctrina *WICELII*, *CONRINGIUS* in Praef. ad viam regiam *Wicelii*, et *ERASM. ALBERUS*, in libro, cui titulis: Das der Glaub an Jesum Christum al-

lern

leyn gerecht und selig mach, widder Jörg. Wigeln, Mammelücken und Ischarioten. Item von Jörg Wiggels leben, und dabei Ludus Sylvani verdeutscht, ser kurzweilig zu lesen. Erasmus Alberus im Jar 1539. 8. pl. 12. sine loci commemoratione. An vero is semper veritatem sectatus fuerit, dubitamus. Ita p. B. 1. b. Dieser Ischarioth war eyn Pfaff, und nam eyns frummen Bürgers Tochter zu Eisenach zur Ehe, und genoss auch der Freiheit, die weder er, noch sunst keyn Mensch uf Erden, sonder D. Martinus Luther, mit seins leibs und Lebes Fahr zu wegen bracht, und keyner vor ihm solchs gewagt hat. Eben nun, wie Judas Ischarioth Christus Brod aß, und trat ihn hernach zu Dank unter die Füß. Also hat dieser Judas auch gethan. Er hat des gedachten Bürgers Krausen Tochter nun freilich in die XV oder XVI Jar gehapt, und ist doch mit der Zeyt der Satan in ihn gefarn, daß er widder vom Evangelio gefaln ist, und understanden sein armes Weib den Papisen zu ehren, für eyn Hur, und saine armen Kinder für Huren-Kinder zu halten. Idem p. X. 2. prodit: *Wicelium cum Campano Marpurgi amicitiam contraxisse intimam, quod a vero alienum videtur.*

Natus erat *Vachae* vel *Faechae*, quæ *Hassiae* vrbs est a. 1505. notante *Seckendorffio* l. c. Alii 1501 *Fuldae* eum in hanc lucem expositum esse, narrant. Circa annum 1521. *Witebergae* studio Theologico vacabat, relicta paulo ante vita Monachali. Non diu post, tumultuantium rusticorum dux factus et captiuitate constrictus, intercessione *Lutheri* et *Cancellarii Saxonici*, *Pontani*, libertate donatus est. *Christ. Franc. Paullinus* ex *Browerii Antiquit. Fuldens.* L. IV. p. 138. haec habet: A. 1525. *Wicelius Isnacum profugus, ob desertum Papatum delituit ibidem aliquamdiu, donec conflatae per rusticos publicae seditionis et adulterii falso insimulatus, a Theodoro Fahrenrodo Satrapa, factus est extorris. Per decennium circiter repurgatae per Lutherum religioni addictus, ab hoc ad Ministerium Ecclesiasticum initiatus, prope Witebergam*
Nie-

Niemeccii, oppidum Saxoniae Marchiam versus, euangelii praeco exstitit. Quia hoc loco *Campanum* hospitio exceperat, similibus errorum suspicionem sibi contraxit, et propterea, nec non quia de reformatione temerario et scurriliter loquutus, iussu *Electoris Saxoniae* una cum *Hermanno*, a. 1530. in carcerem coniectus, non vero quod plurimi putant, qui cum *Seckendorffio* l. c. errarunt, a. 1532; siquidem *Wicelius* jam a. 1531. e custodia dimissus, ex *Niemeccensi* coetu ad Romanensium castra transiit. Carcere solutus iureiurando se obstringere debuit, Saxoniae terminos deuitare. *Luthero* promouente ac denunciante, *Campani* hospitem esse comprehensum ac in carcerem datum, *COCHLAEUS* et *SPONDANUS* prodiderunt. V. *Lutheri sermones mensales*, f. 278. Sed illum potius liberationem *Wicelii* et consortis e carcere promouisse, ex ep. ipsius *Torgae* nobilibus viris *M. Georgio Wicelio* et *Antonio Hermanno*, afflictis in *Binitz* fratribus suis scripta, quam *Zeltnerus* l. c. ex autographo inseruit, omnino patet. Cum chartae ipsius et libelli eodem comprehensionis momento perquirerentur, ac nihil in his, quod eum *Campanianae* haereseos suspectum redderet, repertum fuerit, obiectum est ei ab aduersariis, praesertim *Iusto Jona*, ab illius puero *Campani* scripta festinanter apparitoribus praerepta esse; de quo crimine autem satis se purgasse *WICELIUM*, *Schelhornius* l. c. p. 30. recte statuit, nec vix aliter credere potest, qui *Wicelii* apologiam contra *Lutheranos*, et libellum de Ecclesia aduersus *Jodocum Koch* legit. In apologetico ad *JOANNEM*, Saxoniae Ducem scripto, a. 1531. pluribusque aliis epistolis, Deum testem advocat, se nulla haeresi aduersus S. S. Trinitatem infectum esse, nec vnquam eandem a *Campano* audisse, multo minus ab eodem suscepisse. Hoc non obstante *LUTHERUS Wicelium*, cum jam *Lipsiam* vocatus esset, eiusmodi erroris suspectum habuit, quod colloquia eius mensalia luculenter significant. Ita autem l. c. p. 278. D. Martin Luther sagte: daß D. George Bruck, Sächsischer Cantzler, den

Ge. Wicelium bey dem Leben erhalten hätte, denn er wäre ein Anfänger mit gewesen der Aufruhr in Döringen, darumb, als er gefangen worden, hätte man In köpfen sollen, da hätte D. Bruck In erbeten. Als er nun zu uns gen Wittenberg kam, da setzte ich In über die Pfarr zu Niemetz zum Pfarrherr; — — — — — Aber da er sich hernach an den Campanum hing, zusammen schrieben, und mit einanden ein Ruchen war, und mit einander die Gottheit Christi anfochten, welches Dominus Philippus, zum ersten erfure und den Campanum anher erforderte, und so erschreckliche Gotteslesterung vorgab, da fure Churfürst Hans zu, und ließ den Wigel fangen, und in den Thurm legen, aber wir Theologen wissen nichts drumb, da fiel Wigel von uns gar ab, und hing sich wieder an den Papst, und ist nun unser ärgster Feind worden, aber er wirt sein bescheiden theil auch kriegen. De eodem MELANTHON, (qui Wicelium, mustelam, ein Wiesel, appellare consuevit) in ep. ad Jac. Stratnerum, praedicatorem Berolinensem, d. 23. Nov. a. 1539. scripta, in epp. a Manlio collectis, 1565. 8. p. 90. ita scribit: „Mihi cum WICELIO priuata discordia nulla unquam fuit, amanter etiam rogaui aliquando, meam familiaritatem ne aspernaretur. Sed vide, quam crudeliter, quam calumniose scripserit contra nos, et scribit multa contra suam conscientiam. Oremus igitur Deum, ut Achitophelis consilia impediatur: mihi non dubium est, quin Wicelius ipse improbet adorationem sacramenti in pompa. — — — — — Magna res est, abusus sacramenti: et WICELIUM vereor confirmare abusum in Missa siue communionem.“ ABR. BZOVIVS in contin. annal. Baronii T. XIX. a. 1532. p. 831. de eodem exponit, quod post decennium, quo coetui Lutherano adhaeserit, lectis patrum scriptis eundem deferuerit, et antequam se publica professione ab euangelicis disiunxerit, aliquamdiu haesitabundus subisterit, ecclesiam veterem cum noua diligenter comparaauerit, hocque negotio occupatus duos scripserit libellos; alterum de tollendis Ecclesiae Lutheranae defectibus; alterum,

alterum, de dissimili veteris illius per orbem diffusae, et nouae euangelicae Ecclesiae statu; quorum neutrum ediderit, sed priorem *Melanthoni*, posteriorem *Iusto Jonae* legendum et examinandum obtulerit, quod propter hos libros *Lutherus Wicelium* odisse, et haereseos suspectum habere coeperit, quasi cum *Anabaptistis*, *Fanaticis*, et *Campano* confusurraret, quod *Wicelius* a *Luthero Electori Saxoniae* delatus a. 1530. cum socio quodam *Antonio* (*Hermann*) *Nimecia* abductus, in tetrum carcerem detrusus, sed scriptis ipsius diligenter examinatis, hoc tantum in his repertum fuerit, quod Lutheranae Ecclesiae veterem catholicam antetulerit. Hinc 1531. dimissus, *Nimeciam* primum reuersus, ibi res suas composuit; post *Witebergam* profectus, inde in *Hassiam* ad suos commigrauit. Eadem fere habet SPONDANUS ad a. 1531. N. X. et XI. T. II. f. 409.

Post reditum ad Pontificiorum sacra, libellos calumniis plenos aduersus Reformatores susceptumque ab his negotium concinnauit, quibus BALTH. RAIDA, *Parochus Hirsfeldensis*, librum pro defensione euangelicae veritatis opposuit, cui LUTHERUS praefationem a. 1539. praemisit. Jam antea, praeter alia multa, in lucem prodiit opusculum, cui titulus: *Newer Irthumb und Schwermeren vom Sacrament: samt ehlichen Lügen, so Georg Wigel geprediget, auf dem Schloß Mansfelt, zu einer ersten Mess, verlegt durch desselben Orts Prediger, Michaelen Celium. Mit einer langen Vorrede, von Cochlei und Wignels Iere. Oseae II. Et nunc reuelabo stulticiam eius, in oculis amatorum suorum. Witeb. 1534. 4. pl. 17. et praef. 6.* Longam praefationem praemisit *Conradus Cordatus*, *Licent. Theol.* Successor *Wicelii* in Parochia Niemecensi, in cuius initio ita inquit: „Ich hette zwar von dem Menschen gar nichts gewußt, wenn ich hie im Ampt seinerthalben nicht hette das Herzeleid muß leiden, von etlichen, von ihm verführet. Denn wiewol er widder den Babst und Pfaffen Messe predigt, so stach er doch heimliche Stiche bey seinen Leuten, wo

er konnte, widder fromme Prediger, gleich ob sie nichts le-
 reten von guten Werken, vnd dazu nicht recht lebeten, nach
 Wicels Iere und Leben, wie seine Legend ausweist, wie
 auch Campanus ein guter Zeuge ist, der hie bey ihm zu
 Hauße lag, vnd schrieb widders Sacrament, vnd greuliche
 Iesterung widder die heilige Drenfsalbigkeit, widder den Son
 Gottes, widder den heiligen Geist." Posthac *Wicelius* va-
 riis in locis *Lipsiae* sub *GEORGII Ducis* tutela, a quo etiam
 stipendiis sustentabatur, *Coloniae*, *Facciae*, *Fuldae*, alibi-
 que commoratus est. Ita *ALBERUS* l. c. p. H. 4. „Als
 ihm aber weder zu *Erfurth*, noch zu *Arnstadt*, noch zu
Sulda, noch zu *Mentz*, noch zu *Marsula* sein Anschläge
 für sich gangen sind, hat er mit seinem Weib und Kindern
 zu *Sach* groß Armuth gelitten, und mit dem Vater, wie-
 wol er sein einiges Kind, sich auch nitt lang betragen kun-
 den, sondern in eines andern Hauß ziehen müssen; da ihm
 der Vater dennoch, umb seines armen frommen Weibes und
 Kindlein willn, wöchentlich etliche Brodt gegeben." *Mo-*
guntiae tandem a. 1573. aetatis 72 defunctus est.

Post reditum ad Pontificios, ne vxorem dimittere
 cogeretur, Graeco ritu Presbyter consecratus est; *NIC.*
SERARIO in *Moguntia* L. I. C. XL. apud *MIRAEUM* de scrip-
 toribus Sec. XVI. haec narrante, quod vero cum *Lutheri*
 verbis allegatis pugnat. Idem haec addit: „*Sicque cum*
quodam veluti probro et risu Graecus audiebat sacerdos;
at sellis sedere duabus voluit, utraque decedit. Neque
enim latinus sacerdos bonus fuit, qui ad nuptias transit,
neque sacerdos graecus bonus, qui ad secundas et tertias,
immo ut quidam ferunt, etiam ad plures: sed prole parum
felici ut Moguntiae est notum.“ Negarunt vero alii *Wice-*
lium defuncta prima coniuge, alteram sibi vinxisse. In
 ejus Apostatiam prodiit *SYLVANI HESSI*, *LUDUS*, quem
ALBERUS germanice reddidit. *V. Bayle* l. c. tit. *Wicelius*
 not. a. T. IV. p. 508. vers. germ. Quae pro vnione
 omnium in ecclesia Christiana coetuum scripsit, legi possunt
 in *Jo. CHRISTOPH. KÖCHERI Biblioth. Theol. Symbol.* p.

163. 166. 168. 348. et in eiusdem: *Theol. Iren. germ.* scripta p. 162. V. *Fortgesetzte Sammlung von A. und N. Theologischen Sachen*, a. 1743. p. 26.

Qui illum inter aduersarios diuinitatis Christi et Anti-Trinitarios huius temporis referunt, quod cum *Luthero* et *Melanthone* plures coaevi scriptores euangelici fecerunt, validis destituti rationibus videntur, nisi forte istae nostro tempore ignorentur. Ex documentis, quae ad nostram aetatem peruenerunt, ab hac imputatione liberandus est. Fuisse illum malae notae hominem, variabilem, superbum, subdolum, iracundum, ad conuitiandum praecipitem, facile concedimus. Nec Pontificius corde fuit, quamuis inter Pontificios post abitum a *Niemecia* vixerit; nec Euangelicus, sed fanaticus, qui nouae reformationis gloria superbiens, semet vana mentis persuasionem, supra omnes sui temporis reformatores collocauit. Id tamen in laudem ipsius non reticendum, quod in libro, cui titulus: *Via regia*, quem *Ferdinando I.* dicauit, cuius iussu eundem quoque scripserat, de singulis articulis Augustanae confessionis admodum modeste se explicauerit. V. *E. S. Cypriani* H. A. C. Nec negandum, quod aliquando salutaria ad reformandam Ecclesiam consilia contulerit, cuius morbos deplorabat. *Via ista regia* primum locum occupat in *HERM. CONRINGII collectione opusculorum*, quibus cum alia multa docentur, tum necessitas reformationis Ecclesiae Romanae, simulque concilii Tridentini iniquitas ostenditur, *Helmst.* 1650. 4. An vero *Wicelius* jure *Campaniani* erroris accusari possit, qui eundem se detestari profiteretur, Deumque testem aduocat, quod nullam cum *Campano* haereseos ab eodem aliis in locis sparsae habuerit communionem, ac ne notitiam quidem, omnes, nisi personali odio aduersus *Wicelium* abrepti dubitabunt. Ex eo, quod *Campanum* hospitio exceperit, nihil certi colligi, nec *Wicelias* ejusdem contagii accusari potest. Nemo vnquam *Pellicanum* in jus vocauit, quod *Tiguri Laelium Socinum* exceperit; nemo *Melanthonem* jure quo-

pam criminabitur, quod errorum Patronos, antea incognitos, sibi que genuinae veritatis amatores visos, amice et humaniter tractauerit. Optime iudicauit LUTHERUS de *Wicelio*, ab hoc deceptus, ut meliora de eo crederet, cumque excusaret; veriora tandem edoctus, quod improbarum opinionum plenus sit, postquam eundem ad Papatum rediisse, librisque editis veritatem euangelicam aperte impugnasse animaduertit; sed eundem cum *Campano* conspirasse, pariaque cum hoc defendisse, solido argumento nunquam probauit.

In epistolarum a *Wicelio* scriptarum opere haud pauca occurrunt, quae eum ab hac suspicione liberant, simulque ad *Campani* et *Wicelii* historiam illustrandam faciunt. Hunc autem prae se fert titulum: *Epistolarum, quae inter aliquot centurias videbantur, partim profuturae Theologicarum litterarum studiosis, partim innocentis famam aduersus Sycphantiam defensurae, libri quatuor.* GEORGII WICELII Lipsiae, excudebat Nicolaus Wolrab. A. MDXXXVII. cum gratia et priuilegio Maj. Reg. 4. 2 alphab. pl. 19. De his epistolis Jo. FABRICIUS in *hist. Biblioth. P. VI. p. 99.* existimat, quod ex iisdem eluceat varia viri fortuna, eiusdemque persecutio, animus sorte sua contentus, atque in Deo fiducia, quod non gloriae et opum, sed conscientiae (quamvis erroneae) causa religionem mutauit. Libri primi epistola prima ad J. P. scripta est, Nimeciae Sax. Anno MDXXIX. quo loco et tempore etiam secunda et tertia, quarta quidem eodem loco, sed anno sequenti 1530., quinta a. 1531. absque loci commemoratione, sexta Nimeciae 1531., septima ibidem die 24. Febr. 1536. apologetica est aduersus criminatores ad M. B. F. His autem causam excepti a se CAMPANI verbis agit: „*Rei caput est: Accusor M. Joannis Campani hospes mensstruus. O coelum! O terra! Velim vero hic mihi, non qui alterutram iuuent partem, sed qui causam iuste reputent, ne accusator fiat insolentior, aut reus opprimatur indicta re. Primum rogo, an non fores meae liberae esse et cuius patere* pere-

peregrino debeant, qui modo ita venit, ut venit CAMPANUS? Venit vero is cum literis Bibliopolae MAURITII commendatitiis. Venit mihi tam ignotus, quam est vnus e Massagitis. Venit optimi hominis et piissimi fratris speciem prae se ferens. Venit comitatus DYONISIO quodam Brabantio, homine in litteris nostris, hoc est sacris exercitato. Talem egon' ab ostio meo arceam? Talem tecto, immo mensa, etiam communi non digner? Fortasse vobis infamatoribus minus peccassem, si nugonem aliquem, aut palponem excepiissem; modo is non male apud vos audiret. At ego virum haud quaquam malum, literarum studio insignem, moribus, adeoque rebus omnibus ornatum excepi, et excepi rogatus, et excepi hoc libentius, quo magis mihi veriindoles appareret. — — — — — At inquis: Haeresi pollutum excepisti, nec non Bonorum juratum hostem, quique exitio rei Christianae studeat. Bona verba. Excepi ergo neque haereticum, neque vllius hostem, neque prauum machinatorem, sed CAMPANUM, sed fratrem, sed studiorum socium. Nec mihi apud ullos fraudi esse possit, etiamsi talem excepiissem, qualem ipse depignis, quippe ignorans, — — — — — Si a nemine colligendus erat hospitio CAMPANUS, qui rogo fit, ut istud nullo edicto antea cauerit Princeps? Adeoque cur Witebergae eum, non mensem vnum atque alterum, sed aliquot annos passi sunt? Si hic dicas: Quis omnes nouit? Idem ego pro me dico. Quodsi exactum, si profugatum exulemque et iudicatum hostem suscepissem, quis omnium miraretur accusationem? E Witenberga exspatiantem, non fugatum suscepi, et eum, qui ob nullum scelus neque patratum, neque patrandum, ad nos deambulauit; sed qui orthodoxos scriptores a STECHAUIO nostro mutuum acceptos euolueret atque consuleret. Cuius negotii tamen, neque me neque ANTONIUM conscios vnquam esse voluit, homo rerum suarum minus occultator. Illud de ipso affirmare aüssim, nempe diligentiorum scriptorum veterum lectorem et iudicem me vix in vita cognouisse. Lector erat diurnus et nocturnus, sibi ipsi nihil parcebat, genium defraudabat, vita sobrius, con-

versatione honestissima, verborum perpaucorum, gestibus laudatis, breuiter talis, quem ego suscipere potui, abominari aut odisse non potui. Et cur non idem de CAMPANO elogium referam ipse, quod de Dauide rex Achis. — — — — —

Jam demonstrandum accusatori erat, quam in re tam malus, tamque reprobus sit CAMPANUS, et cur ita vitandus? — — — Si Satanae vas, ergo probetur. Ipse vas Dei electum, et cognoui Campanum et praedicaui, neque enim secus, vel emoriar, de eo loqui possum. Nec ullum spero me adacturum, ut vel huic vel quibusuis aliis in Germania contra conscientiam maledicam, aut detraham, qui videlicet neque in me peccarunt, neque in alios videntur iniqui, neque (quod cum primis dictum oportuit) contra fidei Catholicae analogiam sentiunt. Quod si nunc CAMPANUS aliqua prodidit, quae vel absurda, vel a veritate simplici aliena esse videntur, mihi certe nihil periculi inde timendum est, maxime cum celarit sua molimina. Et per Dominum juro, si mihi hic de Synaxi vel Syllabam retexit. Apud Marpurgum ipso die, quo eram abiturus, nonnihil sua de sententia, vel non sciscitanti aperuit, quam tantum abest, ut probarim auditam, quam ad hunc usque diem satis quid sibi velit homo peracer, nondum intelligam. Fortasse et alia progressu temporis publicaturus est, num ideo illa, quaecunque tandem fuerint, me inuoluere poterunt? O aequos homines! O principes ecclesiae Dei in terris! Si vobis cum CAMPANO parum conuenit, quid me arguitis? Aut egone illius sua in causa defensor patronusque? Habebatis eum nuper, cur cum eo non de causa agebatis?

Longior est eiusdem argumenti apologia ad J. S. D. in Saxonia, an Nymeciae? non legitur; fortassis vero jam Facchae scripta, a. 1531. ex qua pauca carprim tradimus, quae ad CAMPANI historiam illustrandam et WICELIUM excusandum conferunt. Ita p. H. 2, inquit: Idibus Julii venit Witenberga ad me, nihil minus cogitantem CAMPANUS, Dyonisio Brabantio comitatus, quem, ut est vultu praeclaro,

claro, honorifice exceptum sedere jussi. Mox ille depromtis litteris sciscitatur de Antonio, cui eas reddat. ANTONIUS forte assidet, nimirum a lectione hebraea. Nam in hoc studio una exercebamur. Litteris acceptis resignatisque legit nobis, a se petere MAURINUM Bibliopolam, ut magistro, qui litteras reddiderat, euoluendos scriptorum ecclesiasticorum libros apud WERNHERUM DE STECHAU prospiceret: hoc sibi fore pergratum. ANTHONIUS annuit, mihi res, quippe litteraria perplacet. Imus igitur una ad WERNHERUM, rogamus, ut pro sua charitate codicum suorum copiam viro illi faceret. Is, qui est hominis candor, volumina quinquaginta plaustro vehenda ad nos curat. ANTHONIUS hominem in suas aedes recipit, siue quia essent meis capaciores, siue quia in altissimo secessu, et idem vietum subministrat. — — — — In conclaue, ubi legebat, nec mihi, nec etiam hospiti ingressus vnquam patuit: adeo res suas atque institutum nos celabat, ut sui etiam nominis erga nos esset pertinacissimus Harpocrates; nec, nisi quando esset mox a nobis abiturus, et casu quopiam nomen CAMPANI rescuiimus. Studium hominis tantum erat, ut diebus Iulii longissimis, bonam noctis partem adjiceret. — — — Hic conuersationis CAMPANI apud nos tenor. — — — — Ego admirabar hominem; non tantum amabam. — — — — Jam vir tantus prolapsus in haeresin Arianam dicitur, et idem negare carnem Christi in pane. Quam famam satis ego mirari non possum, qui longe diuersa ab eo, quod dicitur, audierim. Nec facile adducor, ut rumusculo illi credam, qui, ut maxime verus sit, quid quaeso ad me? Age igitur, accusator fratrum, adesto, neruos omnes explica, et proba argumentis, male fecisse nos, CAMPANI hospites. Proba, nos reos esse mali dogmatis. Proba, si quid ille a nobis adjutus est. Proba consentire illi nos. — — — — Ais, illum nos molimina sua non celasse. Ais proponenti arrisisse, applausisseque. Ais, nos illum e Witeberga accersisse, ut esset, quocum communem doctrinam refutaremus. Nam si eiusmodi de nobis vnquam

resciueritis, non in carcerem modo, sed in Albim etiam nos projicite. Ignotus ad ignotos venit, notos reliquit, sed tamen eosdem. Sua nos celauit, teste omniscio Deo. Nec applausi, nisi ubi verissima diceret, et aliquando, ubi rectissime de religionis causa quaereretur. Si haereticus est, haereticum WITEBERGA dedit, aut certo COLONIA, aut DÜSSELDORPIUM, non fecit Nymecia. Haereticos, ut nemo odi, nec mihi cum horum ullo quicquam conuenit, quotquot unquam fuere, sunt, et erunt. Sed ego contra, bene nos fecisse, CAMPANI hospites probabo, idque sole clarius. Primum Parochos decet philoxenia. Deinde Bibliopolae, qui scripserat, ut amico honesta roganti obsequendum. Postremo docti colendi nobis sunt, indoctis licet. In summa, quia apud nos studere volebat, non neotericos et insulsos doctoreculos, sed eos illi curauimus patres, e quibus, si aliqui nutasset, stabiliri poterat. At quos? Non reticebimus. HILARIUM ceu vexilliferum, primo loco pono, cuius opera curantibus nobis euoluit CAMPANUS. Jam quis Hilario felicius atque inuictius in ARIUM pro tuenda Trinitate scripsit? Dicant, qui legerunt. Euoluit et CYRILLUM nostra cura, qui totum ferme Joannem aduersus Trinitatis negatores enarrat, et idem librum copiosiss. fecit, qui Thesaurus inscribitur, contra Arianos et Eunomianos. Dedimus item antiquitatis auido, BASILIUM legendum. Is, an non quinque libros in EUNOMIUM ejaculatus est pro diuinitate unigeniti? Dedimus et ATHANASIIUM — — — AMBROSIUM — — — AUGUSTINUM. — — — Ais: eosdem poterat auctores Witebergae legere. At quis eum inuitarat, ut hic legeret? — — — Sed aliud adrudit accusator, quo fortius nihil habet: Nimirum principali edicto antea cautum, ne quis id genus homines tecto dignaretur. Respondeo: Edictum isthuc valuis nostri oppiduli, adprime affixum est. Verum quid is hominis est? Haereticus? Seditiosus? Papista? Catabaptista? Pneumatophorus? Si horum quicquam erat, quis nos praemouebat, ne talem exciperemus? Nam si talem prudentes excepissemus societa-

tis.

tis, non monitionis caussa, edicto certe vestro principes obnoxii essemus. Sed quicumque est, imprudentes eum et ignoti excepimus, idque iusti nomine, non iniusti, ubi ergo iusti merces? Nec hic delituit ut hostis, sed ut amicus in aperto commorobatur; nec e latibulo ad nos venit, sed a Witemberga venit petens, non iniquum quicquam, sed dequiss. honestissimumque. Etenim dic mihi, quis hominum id temporis de Campano male sensit, quando esset in Saxonia? An non in pretio eruditorum magno erat? an non in claritate apud Julienses? an non praedicabatur Colonien-sium Sophistarum victor? Ceterum si nunc, posteaquam erupisse dicitur error hominis, tale faceremus, non mirum, si pateremur? Si condemnatum, proclamatum, finibus exclusum recepissemus, esset profecto, quod traduceremur inobedientes. Sed hocne factum? Quis doctorum eum id temporis, inquam, condemnarat? quis principum ejecerat? Quis hominum vitarat ceu publicum hostem CAMPANUM? — — — — Idem biennium totum Witembergae ante fuit, quam Nymeciam videret, nec sine hospitio fuit. Hospes vero immunis a crimine est, apud quem sua lucubrauit; apud nos legit modo aliena et excerpfit, nec immunes tamen sumus. Illic tot menses, hic unum modo degit, illinc scribere ad alios poterat, hinc nullam cuiquam syllabam scripsit.

Pari modo pluribus locis testatur longissime se a CAMPANI erroribus abesse, eosque vehementer accusat, qui ipsum errorum circas. Trinitatem suspectum habuerunt. In ep. ad D. C. R. (qui Crotus Rubaenus est) Erphurdiae, 28. Jun. 1532. Libro II. Epp. Q. III. b. scribit: Cum non aliam nocendi causam inueniret, (JONAS) visus sum illi idoneus, quem haereseos MACEDONIANAE atque Sabellianae fugillaret. — — — — Fertur enim JOANNES CAMPANUS librum scripsisse, in quo cum sanctissima atque ter adoranda Trinitate bellum suscepit. Quoniam vero eius meastrua consuetudine usus fui, de eius instituto nec tantillum sciens, et hoc longe ante scriptum librum, suspicionem

in

in me conceperunt, ac si ipsi assentirer. Atque ea suspicio, tametsi falsissima, illis persuasionem quandam peperisse videbatur, ut me nolentem, reclamantem, manibus pedibusque renitentem, oporteat esse haereticum. Grauarunt me vehementer in Saxonia CAMPANI nomine. — — — —

Traducebar SABELLIANUS, cuius errorem una cum reliquis summo studio quotidie pro cathedris oppugnabam, et tandem hanc suspicionem coram Duce Sax. litteris purgatricibus diluebam, nedum apud Theologos, ut non poteram non putare pridem confopitam esse suspicionem. etc.

De reditu suo ad coetum romanum, reformandique animo in ep. ad H. K. Fachae, 1532. L. II. p. Q. I. acerbissime inquit: *Ante annos plus sex, coeperunt animo meo multa displicere in euangelica ecclesia, praesertim quod ad mores attinebat. Id temporis inceptabam Zelum Dei exercere in iniustitiae et tenebrarum opera, idque publice et domestice, concionando et scribendo. Non diu post, ut res pedetentim lababatur in deterius, displicuit ejus ecclesiae ordo ac regimen. Neque enim ullibi videbam, quod adficeret bonorum animos, et quod ad pietatis studia inuitaret. Videbam pleraque veluti per ludum agi, nulla gravitate, nulla reuerentia, nullo timore. Videbam humanas constitutiones humanis succedere, et hesternae hodiernis mutari; nec fieri meliorem sine ceremoniis, quam erat in ceremoniis. Immo ceremonias leuiculas, a quocunque balneatore excogitari atque sub Euangelii pallio venditari. Hujusmodi mihi, inquam, vehementer displicuerunt, quare ad scribendum adigebar. Scripsi itaque de corrigendo ecclesiae euangelicae statu librum latinum, quem PHILIPPO cognitori supplex detuli. Mox alium paraui, de dissimilitudine ecclesiae nostrae ab ecclesia veteri, hunc JONAE per litteras obtuli. Coepi rem e suggestu quoque exagitare, ne plebecula falso persuasa arbitraretur, jamjam florere vere sincerum Christianismum, ne quid de multis et prolixis epistolis ad amicos, eadem de re missitatis dicam: At ubi intelligerem,*
monitis

monitis meis exasperari cognitores, et populo euangelico duram videri disciplinam, rectiusque et Christianius institutam vitam, adeoque saluberrima et optima et Christianissima quaeque tantum non videri, nec tantulo probiores ullos undiquaque auditis nobis reddi, immo improbiores aliquando, occoepe de doctrinae veritate apud memet ambigere.

Praeter corpus epistolicum magno numero libri a *Wicelio* in lucem emissi ad adspectum meum venerunt. Haud pauci quidem citati reperiuntur in *Bibliotheca Cyprianica*, p. 248. et 249. plurimi tamen ibidem desiderantur, nec quantum scio, quisquam omnes vna serie recensuit. Iuuat igitur in supplementum historiae huius temporis litterariae Operum a *Wicelio* concinnatorum, et in publicis Bibliothecis Regiomontanis obuiorum indicem pleno titulo subiungere. 1.) *Syllabus locorum ex utroque Test. de bonis operibus credenti ad vitam necessariis. Ad haec praeconium Euangelicae gratiae. Theses aliquot. Praecatio pro Ecclesia. Authore Georgio Wicelio p. 12. 4.* In fine legitur: *Lipsiae ex officina Melchioris Lotteri inconniventis industriae typographi, quam maxima cura et diligentia prodiit. Anno a redempto genere humano sesquimillesimo et tricesimo quarto, mense vero Martio. Eundem librum prodiisse Colon. 1548. 8. alii tradunt; quem quoque auctum et emendatum Ge. Wicelius, junior edidit, Colon. 1575. 8.* 2.) *Quibus modis credendi verbum accipiatur in sacris litteris. Expositio Georgi Wicelii. Ecclesiae Catholicae paraclesis.*

Heus mea, quam docta es Genitrix, de numine puram.

Hanc puro serua, pectore sponsa fidem:

Hac de donauit sublimis ab aethere sponsus.

Haec tibi neu desit deficiatque rogat,

Habacuc. II. Iustus in fide sua viuet. a. 1535. Febr. pl. 4. 4. Lipsiae apud Nicolaum Fabrum impressum esse, in fine notatur. 3.) *Praeconium Euangelicae gratiae, ab auctore*

auctore recognitum. Georg. Vvicel. 8. pl. 3. Lipsiae apud Nic. Fab. a. 1536. 4.) *Quadragesimales Wicelii conciones, hoc est exegemata, seu expositiones Euangeliorum, Epistolarum, aliarumque lectionum, epistolae in sacro Missae officio, diebus quadragesimalibus publice legi canique solitarum, concionatoribus ecclesiasticis aliisque presbyteris pie doctis summopere necessariae, editae nunc iterum diligentius multo ac prius, auctore Georgio Wicelio, seniore interprete autem, M. Gerhardo Lerichio, Hadamariensi. Colon. ex officina haered. Jo. Quentel. a. c. 1555. mense Febr. fol. pl. 26. absque praefat. et indice. Prodierunt quoque a. 1565. Lutetiae Paris. latine, sed valde castratae, eliminatis haud paucis locis, Romanae Curiae minus acceptis. 5.) Das andere Theil Annotationes, das sind kurze Verzeichniß in die Wittenbergischen neuen Dollmetschung aller heiligen Propheten, ist am ersten ausgegangen, durch Georg Wicelium. Aetor. secundo. Et coeperunt loqui variis linguis, Anno 1536. Zifleben, 4. 3 Alphab. 2 plag. In fine: Gedruckt zu Leipzig, Melchior Lotter, 1536. Exempla, quae in versione Lutheri corrigenda iudicat, desumpta sunt e Prophetia Iesae, usque ad Michae varicinium, in quo substitit. 6.) *Methodus concordiae ecclesiasticae, post omnium sententias, a minimo fratre monstrata, non praescripta. Joan. XIV. Pacem relinquo vobis, pacem meam do vobis. Lipsiae Nicol. Wolrab. 1537. Cum gratia et priuilegio. 8. pl. II. Epistolam nuncupatoriam Monarchis, Pontifici, Caesari, Episcopis, Principibus, Magistratibus, Doctoribus et vniuersis, qui nominant Christi nomen, scriptam, Georgius Wicelius Presbyter m. Apr. a. 1533. subscripsit. Methodum hanc concordiae excipit in fine: Adhortatiuncula ut vocetur concilium, ad Archi-Episcopum Moguntinensem, etc. priuatim scripta a Ge. Wicelio, et nuper ab eodem locis aliquot locupletata, Fachae 1532. 7.) *Conciones triginta orthodoxae, Ecclesiasticis Christiane euangelizantibus, non adeo futurae inutiles. Georgii Wicelii Presbyteri, a. 1536. 8. pl. 18. Liber est dicatus Joanni comiti***

comiti ab Heuneberg, et Antistiti Fuldenfi. *Eislebii*, d. 27. 1536. 8.) *Homiliae duae, de ecclesiae mysteriis, Baptismo et Eucharistia. Encomium sanctae linguae.* Georg. Wic. Presbyt. Lips. excud. Nic. Wolrab, 1538. 8. pl. 7. Orationem in laudem Hebraeae linguae, adolescenti generosae indolis Bernardo Gualtero, *Lyppsiensi*, dicauit, *Islebii*. d. 20. Martii 1534. 9.) *De fide et operibus, S. Augustini Episcopi Hipponensis liber unus. Cum praefatione Georg Vicelii Lyppiae*, 1539. 8. pl. 8. dicauit librum per epistolam *Lypp.* e platea Palladis scriptam, quae praefationis vices tenet, *Julio Pflugio*. 10.) *De vita christiana diui Aurelii Augustini liber unus, cum praefat. Georgii Vicelii Lyppiae apud Nicolaum Wolrab.* a. 1539. 8. pl. 6. Praefatio scripta est *Christophoro a Carlewitz*. In fine additi sunt *Augustini* liber de laudibus charitatis, nec non eiusdem de pastoribus, qui vnā saltem paginam occupat, et tandem *Ambrosii* adhortatio ad poenitentiam agendam. 11.) *Oratio ecclesiastica de pastoribus ouium Christi, autore Georgio Wicelio, Presbytero. Lips. per Nic. Wolr.* 1537. cum Priuil. 8. pl. 8. Prodiit secunda vice *Colon.* 1548. 12.) *Libellus de moribus veterum haereticorum et quibus cum illi hac aetate affinitatem habeant, nunc denuo ab auctore recognitus Georgii Wicelii.* Paulus ait: oportet haereseos esse inter vos, ut qui probati sunt, manifesti fiant inter vos. *Lips. Nic. Wolr.* 1537. cum gratia et priuil. 8. pl. 9. Est ep. ad amicum scripta *Islebii*, 1536, in qua rationes adfert, cur ipse impugnauerit Lutheranismum. Prodiisse quoque, *Parisiis* 1565. 8. in collatione librorum qui in nundinis *Frankfurt.* ab a. 1564 ad 1592 venales extiterunt, p. 137. notatur. 13.) *Georgii Wicelii Theologi, doctorum ex veteri Testamenti inmoderate i. e. exempla, ordine, elegantia et utilitate praestantia, nunc primum ac recens typis excusa.* Philipp. III. Comitatores mei esote fratres, et considerate eos, qui sic ambulant, quemadmodum formam habetis nos. *Coloniae apud Melchiorē Nevesianum*, a. 1535. cum priuilegio Caesareo. 8. pl. 7. Idem sine dubio libellus

libellus est, qui *Colon.* 1549. 8. prodiisse sub tit. *Catalogus et Historiae diuorum V. et N. T. in Catal. Biblioth. Bodleianae* p. 254. proditur. 14.) *De raptu epistolae privatae, et praefixa illi criminationi contra ludum Sylv. Hessi. Expostulatio cum hosie Jona Georg. Wicelius, a. 1535. 8. pl. 5.* 15.) *De Eucharistia sacrosanctiss. ecclesiae Christi Jesu. Authore Georgio Wicelio, nuper a Joanne Lausteno Rhenano, Romanis auribus donatus, liber unus. Luc. XXII. Hoc facite in mei recordationem. Lipsiae, Nicol. Wolrab, excudebat, a. 1539. 8. pagg. 501. Wicelii ep. ad lectorem scripta est Istebii, a. 1534. ipso die Aegidii.* 16.) *Tagliches Lob Gottes aufs kürzest, für die Christliche Jugend. Georg Wicelius. Gedruckt zu S. Victor bey Mayntz durch Franciscum Behen. a. 1545. 8. pl. 2.* 15.) *Oratio in laudem hebraicae linguae. Praeterea leges scholae puerilis. Autore Georg. Wicelio. 1534. 8. pl. 2. Vid. N. 8. Leges adtextae Methodum proponunt, qua author in instituendo nepote suo vsus antea fuerat.* 18.) *Dialogorum de rebus religionis libri III. Lyps. 1639. qui etiam germanice prodierunt, recensentur, a Fabricio in hist. Biblioth. P. IV. p. 190.* 19.) *Ejusdem via regia, siue de controuersis religionis capitibus conciliandis, sententia, jussu Ferdinandi I. Caesaris a. 1564. ab auctore jam sene conscripta; a Fabricio l. c. p. 195. recensetur.* 20.) *Ejusdem epitome Romanorum Pontificum, a Petro usque ad Paullum III. Colon. 1549. Lucem jam expexisse Mogunt. 1543. in Catal. Biblioth. Bodlei l. c. significatur.* 21.) *Hagiologium de sanctis ecclesiae siue historiae diuorum, toto terrarum orbe celebratorum, Moguntiae 1548. fol. Allegatur quoque editio huius operis, Mogunt. 1541. fol. in Biblioth. Vniuers. Francofurth. Beckmanni, p. 305. Idem liber idiomate Teutonico lucem adspexit, Colon. 1554. fol. hoc indice: Chorus sanctorum omnium, oder XII Bücher Historien aller Heyligen Gottes. V. Walchii Biblioth. theol. tel. T. III. p. 534 et p. 455.* 22.) *Vom Canon der lateinischen Messe, durch Georg Wicelium, Apostol. Paulus.*

1 *Timoth. III. Ecclesia Dei viuentis, columna et stabilimentum veritatis est.* Gedruckt zu Eöln, durch Joannem Oventel, im Jar unsers Herren 1549. cum Priuil. 8. pl. 6. 23.) Der heiligen Messen Brauch, wie er in der alten Kirchen vor tausend Jaren gewesen. Aus S. Joan. Chrysostomo verdeutscht, 1 Cor. XI. Probet autem se ipsum homo, etc. 4. plagg. 4. Praefationem ad lectorem subscripsit: Georg. Vicel. Theolog. Datum zu Berlin 24. Septembr. Anno 1539. Videtur liber Ritualis Romani in linguam germanicam translati adpendix esse, siquidem paginae incipiunt a. 74. et terminantur cum pag. 90. 24.) Ritus Baptizandi. Wie manñ vor etlichen hundert Jaren der Christen Leute Kinder, auff gewöndliche Zeit der heiligen Ostern, in Christi Catholica Kirck getaufft hat, nemlich in einem alten geschriebene Buch der Fuldischen Liberey latiniſch funden, vnd zur Aedification der Christenheit, durch Georg. Wicelium verdeutschet. a. 1541. S. Paulus: *Omnia decenter, et secundum ordinem fiant.* 4. p. 36. in fine: Gedruckt zu S. Victor außerbahß Mannß durch Franciscum Behen 1541. 25.) *De inspectione, s. visitatione ecclesiarum, aliisque nonnullis, ad Epanorthosin ecclesiasticam pertinentibus.* Colön. 1564. 8. 26.) *Rectio Lutheranismi in admonitionem edita.* 1564. 8. Jam a. 1538. Lipsiae, 8. lucem vidit. 27.) *Enarrationes Euangeliorum et Epistolarum de tempore et sanctis per totum annum, cum concionibus quadragesimalibus.* Paris. 1565. 8. Vid. N. 4. 28.) Postilla oder Auslegung der Sontäglichen Episteln und Evangelien durchs ganze Jahr. Meynß 1571. fol. 29.) Von den Begräbnißen der Christgläubigen auf den Kirchhoff, wider den neuen und Jüdischen Gebrauch des Feld-Begräbniß, welches man den Gottes-Acker nennt. Lips. 1536. 8. Recusum est opusculum Mogunt. 1575. 8. 30.) Evangelia und Episteln, mit Christlichen und schönen Gebeten, über alle Sontags-Evangelien und Episteln. Eöln 1577. 12. 31.) *Liturgia S. Basilii Mag. nuper e tenebris eruta, et in lucem nunc primum edita.* Cum praefatione

fatione Ge. Wic. Excusum Moguntiae. Anno 1546. 8. pl. 5 $\frac{1}{2}$. 32.) Ein Bett=Psalm, Georgii Wicelii für die heilige Kirche. Adtextum est Quirini consilio aduersus haereticos, quod prodiit Bonnae 1543. 4. pl. 2. Plura Wicelii scripta, quae ipsi non vidimus, ab aliis citantur. v. g. in Catal. Biblioth. Frid. Ben. Carpzouii, P. I. p. 77. 241. 243. 250. 33.) Beständige Antwort wider der Lutherischen Theologen Bedencken, welches sie wider das Interim geschrieben, Cöln, 1549. 4. 34.) De Traditione Apostolica et ecclesiastica, in deutscher Sprache. Ibidem. 35.) Außlegung des Propheten Haggai, Mogunt. 1542. 4. 36.) Von der Buße, Beicht und Bann, item sermo propheticus. 8. 37.) Icon Christiani hominis, germ. Mogunt. 1542. 8. 38.) Großer Catechismus. Ibid. 1545. 8. Prodiierunt jam 1543. ibid. Quaestiones eiusdem catechisticae. 39.) Obdormitio Christianorum, Ibid. 1542. 40.) Betbüchlein. Lips. 1535. 8. 41.) Antwort auf die Schriften unter Eckertlings Nahmen außgangen, Ibid. 1536. 8. 42.) Summa von der Rechtfertigung, Lips. 1537. 8. 43.) Additio in quaestionem, Colon. 1545. 8. In Catalogo Biblioth. Bodlej. Thom. Hyde, p. 254. huic auctori tribuuntur: 44.) Comment. in Threnos. Colon. 1553. 8. 45.) Bona et mala, quibus in hac vita adficimur, ex Augustini libris de ciuitate Dei, Mogunt. Ibid. In Beckmanni Biblioth. Vniuers. Francof. p. 305. sequentia adducuntur: 46.) Defensio doctrinae de bonis operibus, contra sectam Lutheri, Colon. 1549. 8. 47.) Confutatio Resp. Iust. Jonae. una cum assert. bonorum operum, 1533. 4. 48.) Exercitamenta sinceræ pietatis, inter quae Lythurgia, S. Missa S. BASILII M. recognita et Missa Aethiopum Christianorum in Africa, una cum vetustiss. Ecclesiae Catholicae Litanis, aliisque scitu dignissimis, Mogunt. 1555. 4. Allegatur in Bibliotheca anonymiana, quae a. 1727. Hagae distracta. P. II. p. 43. N. 446. 49.) Von der Christlichen Kirche wider Iod. Koch (Iustus Jonas notatur) Lips. 1532. 50.) Außlegung des 120 Psalms. Lips. 1535. 4. 51.) Epistolae duae

duae *Wizelii*, *Georgio Cassandro*, Theologo Cleuensi scriptae, *Moguntiaci*, anno 1565. reperiuntur in *Epp. Illustr. et clar. Virorum* p. 279. in quibus de Jesuitis judicat, et p. 368. eas subscripsit *Georg. Wicelius*, Theol. Senior; habuit enim filium eiusdem praenominis in re litteraria non inclarum.

Extant etiam non pauca, aduersus *Wicelium* exarata, et ad eius historiam spectantia, ex quibus ea tantum ob singularem raritatem exhibeo, quae mihi, circa *Wicelium* occupato, ad manus venerunt: 1.) *Epistola David: Coclei ad Ge. Wicelium*, ne tristetur, propter abnegatum coniugium sacerdotale et haecenus frustra expectatos XXX argenteos *Judae Ischarioth*. Cum praefatione cujusdam Lutherani, *Wittebergae* 1534. 4. pl. 3. In fine praefat. obseruatur, manum ipsis Coclei, et autographon epistolae apud editorem adhuc seruari. Ep. Coclei data est, *Dresdae* d. 15. Aug. in festo assumptionis, 1534. Ad calcem eius, quidam *Wicelio* transcribit, quomodo epistola Coclei *Eislebiae* inuenta fuerit. 2.) *Luauus Syluani Hessi*, in defectionem *Georgii Wicelii ad Papistas*. Cum praefatione *Fusli Jonae*. *Responde stulto juxta stultitiam suam, ne videatur sibi sapiens*. *Wittemb.* 1534. pl. 6. 4. excusum, per *Nicolaum Schirlentz*. 3.) Ein Christlich ongefährlich Bedenken, wie ein leidlicher Anfang Christlicher Vergleichung in der Religion zu machen seyn möchte. Zu *Lenpzig* a. 1534. zusammen getragen, dabey *Georg Wigel* auch gewesen, und in alles bewilliget hat. etc. a. 1545. 4. Auctor est *Mart. Bucerus*, qui *Wicelium* colloquio interfuisse, in dedicatione ad *Rom. Regem* meminit, illum isto tempore in Regis jam seruitio vixisse. 4.) Concordia und Vergleichung der Papisten, Wiedertäufer, Rotten, Wigelianer und Lutheraner, inn und mit der heiligen catholischen Christlichen Kirchen, an die zween Ept zu *Fulda* und *Herßfeldt*. Mit Doct. *Mart. Luther* Vorrede auf den *Wigel*. 1539. 4. pl. 8½. Impressum *Erfordiae* per *Christoph. Goldhammer*, quod in

sine legitur. In praefatione de *Wicelio Lutherus*. Den Deutschen ist ein Sprichwort, das heist, Ein offenbarliche Lügen ist keiner Antwort werdt. Weil denn das unverschampt Maul und Herze des *Wizels*, widder sein eigen Gewissen so gar offenbarlich inn seinem Lesterbüchlein leugt, das auch sein Papisten selbst wol greiffen mügen, wenn sie gleich blind waren, hab ich den leichtfertigen Buben nicht werdt geacht, auf sein Lügen zu antworten, denn solcher Bücher hab ich viel, viel mit Schweigen verantwortet, und als ein Gans pfeiffen laßen, hab aber nicht wollen weren, wo sonst jemant antworten wollt. — — — Ich möcht aber gerne sehen, daß beide Bischoff und Fürsten, solchen Eselschreibern einmal das Aufhören geböten, weil sie doch wohl wissen, das solch nichts anders bisher gewesen, noch fort mehr sein kann, denn ins Feuer blasen — — so mügen sie gewarten, wenn die Funcken in die Augen stieben werden, Gehe auch darüber ein Feuer auf, so will ich entschuldigt sein, und sie treulich verwarnet haben, man weiß allzumol, wie alle ihre Sachen stehen, und unser Vorrath ist noch gank, und haben auch noch Feddern und Dinten, ob ihn die Haut zu sehr jucket, u. s. w. 5.) Von warhafftiger, Christlicher Buß, wider die falsche un-Christliche Buß, so *Ge. Wizel* lehret, durch des Churfürsten zu Sachsen etc. Hoffprediger, *D. Jacobum Stanck* 1539. 4. pl. 6. Impressum Witteb. per *Jos. Klugium*. 6.) Widder das Laster- und Lügen-Büchlein *Agricole Phagi*, genant *Georg Wizel*. Antwort, *Balthassar Raida*, Pfarrherr zu *Sirsfeld*. Vorrede *D. Martini Lutheri*. *Wittemberg* 1533. pl. 6. Impressit *Nickel Schirlentz*. 7.) Wilch die rechte Kirche, vnd dagegen wilch die falsche Kirch ist, Christlich Antwort vnd tröstliche Vnterricht widder das Pharisaisch Gewesch *Georgii Wizels*. *Justus Jonas D. Wittemberg*. 4. pl. 16. per *Ge. Rarium*. 1534. 8.) *Julii Pflugii* epistola ad *Wicelium*, die 5. Cal. Septembr. 1548. scripta, qua libellum *Interim* improbari significat, inserta legitur *E. S. Cypriani Tabulario Eccl. Rom. Sec. XVI.* p. 327. 9.) Con-

9.) *Contra tres pagellas, Agriphagi, Georgii Witzel. quibus pene Lutheranismus prostratus et voratus esset, J. Jonas responsio. Lector inuenies, ligneum fuisse non igneum, libellum Agri Phagi. 8. pl. 6 $\frac{1}{2}$. Witteb. apud Ge. Rhau. 1532.* Diuulgauerat has pagellas *Wicelius* pro defensione bonorum operum contra euangelicas sub *Agricolae Phagi* nomine, quas *J. Jonas* sub examen vocauit, sed rudem et indecorum tractandi modum ad nauseam prodidit. Inter chartas famosas ac injuriosas referenda sunt duo scripta ab *Erasmio Albero* concinnata. 1.) *Ge. Witzel* abgemalt, wie er den Judas Iscarioth ehrlischt; 2.) Vom Pfaffen, der sich zu Tode gefallen.

Sed redeundum ad propositum, a quo me deduxit quorundam de *Wicelio*, *Campaniani* erroris consorte, iudicium. Antitrinitariis huius aevi sine omni dubio accensetur *ADAMUS PASTORIS*, vel *PASTOR*, de quo (B. A. P. 2. p. 589.) certum est, eum in Belgio in diuinitatem Christi impie docuisse. Tulit antea nomen *RUDOLPHUS MARTINI* teste *Bullingero* contra Anabaptistas, L. III. V. B. A. P. II. p. 589. Famam circa annum 1546 nactus est, quamuis animus eius jam antea errore infectus videatur. Fuisse eundem, qui in Polonia eodem anno 1546. sub nomine *Spiritus Belgae* innotuit, de quo *ANDR. FRICIUS MODREVIUS*, Sylu. L. I. T. II. C. 2. narrauit, non absque ratione suspicor. Ratio temporis, et patria, et colloquii a *Spiritu Belga* in Polonia habiti contenta, hanc suspicionem maxime fulciunt. Accedit, quod *Adamus Pastoris* jam antea nomen suum mutauerit, quo stratagemate hoc in Polonia tutus versari et incognitus impropris nocere potuit, homo mali animi sibi conscius. An ipse concepti erroris inuentor, an a *Campano*, vel alio seductus fuerit, cum omnibus ignoramus. Disputationem habuit cum *Theoro Philippi*, qui Belgice, *Dirck Philips* dicebatur, in oppido *Goch*, de summa Christi diuinitate, quam ille oppugnabat; quare *Menno Simonis*, ejusque asseclae eum

acriter insectabantur. *Sandio* in H. E. p. 425. et 431. narrante, in disputatione de Deitate P. F. et Sp. S. *Lubecae* habita, professus est, solum Patrem esse verum Deum, Filium fuisse ante mundum, sed non coaeternum Patri, nec omnipotentem, nec consubstantialem ac aequalem cum Patre Deum; sed vnum voluntate. Hallucinationes proinde Arianas renouauit, et quoad praeexistentiam Christi cum *Ario*, et in articulo de Spiritu S. cum *Socino* sensit. Eadem mens post eius in Polonia aduentum multorum in hoc regno fuit, inter quos *ZARNOVIUS* inprimis referendus. Aliquando de persona Christi, (quantum ex eius libris, quos in B. A. p. 590. indicaui, colligere licet) proxime accessit ad sententiam *SERUETI*, hancque in ducatu *Ciliciae* disseminare adlaborauit. Ipsum interea sibi non semper constituisse, quod de huius indolis homine facile credendum, et in *Samosatensi* errorem procliuem fuisse, *Sandius* l. c. p. 86. obseruauit. An, quae *Lutherus* aliquando in ep. ad *Antuerpianos* scripsit, de *Spiritu Belga* intelligenda sint, in *historia Socinianismi Belgici* disputabitur.

Fuit inter Fanaticos huius aetatis Anabaptistas *DAVID GEORGIUS*, germanice *Joris* dictus, Batauus, qui *Delphis* a. 1501. ortus fertur, patre, vt aiunt *Ludione*, secundum alios mercatore ingeniosissimo *Georgio ab Ammersford* dicto; matre *Maria*, Anabaptistis addicta, et propterea a Pontificiis, cum aliis 35 *Delphis* gladio punita. Ipse in prima aetate, pingendi vitri artem sequutus est. Magno quidem, sed malo prauoque ingenio fuit, qui in patria, *Frisiaque* circa annum 1540 primum viuacis animi foetum exclusit. Anabaptistarum erroribus deditus praeuidit, sibi non defuturam occasionem emergendi, et nomen et opes acquirendi. Animaduertit enim plebis vanitatem et mobilitatem, cui nihil quicquam tam monstrosum et horrendum proferri possit, quod non applaudentes haberet. Intelligebat insuper et decoro personae adspectu vulgum non leuiter commoueri, ac suam quoque perso-

personam, utpote quiddam honestatis et grauitatis, propter eximiam corporis dispositionem, prae se ferentem, animaduvertebat paulatim ab aliis suspici. Teste SURIO l. c. p. 490. ipsi erat corpus quadratum, barba flaua, oculi glauci et micantes, serino grauis et sedatus, totius corporis motus, status, incessus decens, et ad omnem, ut videbatur, probitatem compositus. Tandem noua cudit dogmata, detortis ad ea S. Scripturae quibusdam oraculis, publicauitque lingua Belgica, quam solam callebat, quosdam libros, quibus, nec non blandiloquiis sibi sectam collegit, quae *Familia charitatis* adpellabatur, cui quoque HENR. NICOLAI, *Monasterii Westphalorum* natus, familiaris *Dauidis*, ast ingenio et animo paulo diuersus ab eo, nomen suum professus est. Adpellationem istam secta sortita est ab Abbate *Stephano Hardingo*. V. *Chronicon Cisterciense*, p. 33. THUANUS in *Hist.* L. 22. CALUOERIUS in *fissuris Sionis*. p. 438.

Capita doctrinae, quae Theologi Basileenses ex ipsius *Georgii* libris collegerunt, Jo. WIGANDUS de *Anabaptismo* recensuit, ex quibus sequentia notamus: Doctrinam coelestem Vet. Test. et ipsius Christi et Apostolorum esse mancam, suam autem sufficientem ad hominem beandum. Christum Jesum a Patre missum, in carnem venisse, ut sua disciplina et Sacramentorum cerimoniis homines, veluti paruulos et nondum perfectae doctrinae capaces in officio retineret, donec DAVID GEORGIUS adpareret, qui perfectiorem institutionem in lucem proferret. Se non tantum *Joanne Baptista*, sed ipso quoque *Christo* excellentiorem esse, quia hic ex muliere in carnem natus, ipse vero e Spiritu S. coelestis Christus natus et vnctus sit. Aliquot annos in Germania inferiore dispergendo haec deliramenta, plures discipulos, summa eum suscipientes veneratione nactus est. Anabaptistae enim eum suo *Joanni Leideni* aequipararunt, ac tanquam singularem prophetam coluerunt. Quidam a Magistratu comprehensi,

S 4

dogma-

dogmata haec summa cum pertinacia defenderunt, et capitalia supplicia perpessi sunt, inter quos etiam ipsa *Dav. Georgii* mater exstitit. In id autem praestigiator callidissimus artes et consilia conuertebat, ut magnum auri argentique thesaurum colligeret; cumque loculos suos complenisset, et nusquam tutum in patria locum animaduerteret, in quo tantis opibus tranquille frui posset, in aliam regionem sibi migrandum esse putavit, ubi a supplicii periculo securus degere posset. *Basileam* igitur se contulit, Calendis Apr. a. 1544. cum aliquot comitibus, vxore, liberis, clientibus, et seruis, ibique de calamitatibus suis Euangelii et Christi causa susceptis ad speciem questus, a Senatu Basileensi supplex petiit, ut in ciuitatem cum familia satis ampla reciperetur; quibus precibus ille annuit, eumque cum toto comitatu in ciuium numerum adsciuit. Hoc facto in vrbe sibi domum comparauit, et extra oppidum arcem et praedia quaedam optima. In hanc regionem adueniens non *Davidem Georgium*, sed *JOANNEM A BRUCK* et ab arce, quam sibi emerat, *Joannes a Bengingen* se nominauit, vitamque priuatam transegit. Habuit externam viri religiosi formam, nec quisquam de ipso totoque ipsius comitatu sinistri quid suspicabatur, immo potius a plerisque magno in pretio habebantur omnes, qui in ipsius famulitio debebant. Eximiam de ipsius pietate et meritis opinionem ac praesumptionem augebant magna vis auri, et pretiosae res, quas secum attulerat, et ex inferiori Germania quotidie adferebantur, praeterea regius prope splendor et apparatus, cum speciosa modestia et tranquillitate coniunctus. Habebant in ampla hac familia singuli quique suos functiones, nec quisquam supra vires, aut inuitus ad aliquid agendum cogeatur. Ab omnibus societatis huius sodalibus diligenter curabatur, ne *Georgii Davidis* nomen proderetur, nec qualem in patria sustinuerit conditionem palam fieret. Postremo omnes sollicitè cauebant, ne dogma vllum Principis huius familiae ciui Basileensi, vel Hel-

veri

vetio aperirent. Interim in Hollandia et Frisia aliisque locis, vbi complures habuit ad errores Fanaticorum abreptos, litteris, libris, ac nunciis sectam suam continuo amplificauit, quam apud *Heluetios* prouidissimo silentio rexit. Detectam tamen esse fraudulentum hominis mentem, defectione vnus conjunctissimi insequuta, inprimis vero a viro quodam graui e Germania inferiore *Basileam* veniente, qui *Dauidem* ipsum totamque eius familiam antea cognouerat, *SURIUS* l. c. et alii enarrant. Haec *Dauid* comperiens, tristem euentum non obscure auguratus, moerore animi primum ipsius vxor extincta, haud multo post ipse quoque exspirauit a. 1556. octauo Cal. Sept. Funus eius pro more ciuitatis honeste sepultum in aede *S. Leonhardi*, isto tempore, quo fraus ipsius nondum satis in lucem protracta, et documentis indubitatis euicta fuit.

Eundem pro causa *Seruetti*, absque nominis sui patfactione coram magistratibus rerum publicarum helueticarum intercessisse, alio loco notauimus. *BULLINGERUS* l. c. p. 68. *GEORGIO DAUIDI* tertium locum, inter Anabaptistas abominandos designauit, primum *MICH. SERVETO*, et secundum *MELCHIORI HOFFMANNO*. *BEZA* in praefat. *historiae Valent. Gentilis ex actis Senatus Geneuensis*, praefixa, p. 12. de illo testatur: Quod monstra ipsis *Valentini* aeonibus portentosiora, et ipsis *Carpocratianis* obscoeniora in medium proposuerit. Eius dogmata ex ep. *HENRICI VAN SCHOR*, ad *Jo. Jungium* a *MOSHEMIO* inter acta et documenta, in causa *Seruetti*, p. 426. ex Mspto cum nonnullis aliis, primum in lucem expositis, ex parte cognosci possunt. Quod in articulo de Christo pessime senserit, manifestum est. Nemo tamen verissima omnia reputabit, quae de eodem perhibentur. Ita *Damasis Lindanus*, in *Dubitantio* s. Dialogo II. p. 176. prodit, quod mulierculis aliquot persuaserit, sese tertium *Dauidem* verumque Messiam esse, quae etiam sese putarunt beatissimas, si relictis maritis suis ex promisso ipsius

femine conciperent. *Surius* l. c. p. 506. et 631. de ipso perhibet, quod cum feris et auibus, quocunque esset collibitum idiomate, colloquia miscuerit, et ab illis, praestigiis et daemonum opera usus, alimenta acceperit.

Quamuis haec et alia a veritate aliena sint, sequentia tamen eum statuisse certo constat: Doctrinam per *Mosen*, *Prophetas*, *Christum* et *Apostolos* traditam, minus esse sufficientem, suam vero perfectam ad consequendam salutem; Se dilectum Dei Filium, non ex carne, sed spiritu natum, in quem spiritus plene effusus sit; Se esse verum illum coelestem Christum a Spiritu S. natum, qui peccata vere condonet, aut reseruet, ac denique iudicaturus sit nouissimo illo die. Oracula Dei coelitus sese audire, sibi persuasit, quod *LINDANUS* ex autographo eius *Delphini* vidisse testatur, in quo varias pinxit visiones, Dei spiritu ipsum afflante reuelatas, fanaticasque de suo Archi-Presbyteriatu et filiatione promissiones. Semet ipsum Christo non aequalem modo fecit, sed superior illo videri voluit, seque appellauit Dei nepotem, natum Dei ex coelo, qui vitam aeternam reperiit, ac lucem matutinam aeterni diei viderit. Non tamen in omnibus scriptis suis tantum stoliditatis congeffit, quantum ipsi adtribuitur. Aliquando enim mentem ita exposuit, ut inter mysticos, in fanatico dicendi genere, complures ipsi similes fuerint. Demonstravit *Vbbo Emmius* in libro mox allegando, ejusque dedicatione ad Status Hollandiae generales, *DAV. GEORGIUM* quosdam ab haereticis primorum seculorum errores mutuassee, ac suos fecisse. Primum Anabaptistarum societati se adjunxit, paulo vero post eorum consilia de instruendo regno Dei per vim armorum mitioris temperamenti homo improbavit, illudque potentia spiritus esse instituendum, iudicauit. Ipse restauraturum se regnum Dei praedicabat, non cruce; vel morte, aut rebus aduersis, sed clementia et spiritus Christi, qui ipsi a Patre sit datus, amore et gratia. Christi Deitatem concessisse, imo

imo quendam Anabaptistam de eadem dubitantem, argumentis conuicisse a quibusdam perhibetur; hinc quoque Sandius eum Antitrinitariorum consortio exclusit. Quod vero inter primos recentioris aevi Antitrinitarios omnino referendus sit, ex ipsius tractatu, cui indicem praefixit: *Welches der rechte Glaube sey*, patet, in quo ita scribit: Verdunkelt es (Mysterium nimirum S. S. Trinitatis ab Orthodoxis expositum) nicht ganz und gar um und um in uns den Verstand von Gott? Ist es nicht entgegen den Wirkungen Gottes in allen Creaturen — — — — Gott in drehen zu seyn und drey eins zu nennen? — — — — Die drey Personen sind bloß unserthalben, nicht um Gottes Willen, Gott in Gott und Gott zu Gott, sondern er war, ist, und bleibt unpersöhnlich allezeit, ein ewiger warhafftiger Gott, selbst wesentlich, weil er allenthalben ewig, sonder Anfang, sonder Ende ist, und ohne sich selbst zu verändern, in Ewigkeit derselbe, der er allezeit gewesen ist, bleibt.

Habuerunt eius ossa *Basileae* post obitum eadem facta, quae *SERUETUS* viuius *Geneuae* expertus est; effossa enim et flammis una cum scriptis consumpta, ad detestationem errorum, quos animo voluerat. Iste agendi modus an excusari, an damnari debeat, ipsis in hoc negotio iudicibus relinquendum. Longo ambitu *SURIUS* haec enarrauit; haud pauca quoque de eodem et de inquisitione in *Davidianos* horumque conuersione, congeffit *WIGANDUS* l. c. p. 541. seqq. Copiosissime vero historia hominis exposita legitur in scripto, cui titulus est, *DAUIDIS GEORGII Holandi Haeresiarchae vita et doctrina. Quam diu Basileae fuit; tum quid post eius mortem, cum cadavere, libris, ac reliqua eius familia actum sit. Per Rectorem et Academiam Basiliensem in gratiam amplissimi Senatus huius urbis conscripta. Basil. 1559. 4. pl. 7.* Idem scriptum habetur in *SIMONIS SCHARDI Germania illustrata* T. III. fol. 1915. Prodiit quoque eodem anno 1559. germanice hoc titulo: *David Georgen aus Holand des Erh-
Ketzers*

Keßers wahrhaftige Histori, seines Lebens und verführischen
 Leer, von der Zeit an, als er gen Basel ist kommen, da-
 selbst gelabt, und was sich nach seinem Absterben mit ihm
 und seinen Verwandten, allda verlossen hat, durch ein Er-
 würdige Vniuersitaet der löblichen Stadt Basel, zu Ehren
 eines fürsichtigen, ersamen, Weisen Raths daselbst, be-
 schrieben. Gedruckt zu Basel im Jar 1559. 4. Menſe Sept.
 per HIERONYMUM CURIONEM. His addi possunt, Jo.
 Jac. Hottingeri, *Historia Reformat.* p. 832 — 846. Jo.
 Acronii, Frisii, Med. et Mathem. Prof. in Acad. Basil. ep.
 ad N. N. popularem, in illustr. et clar. virorum epp. a Si-
 mone Abbes Gabema editis, p. 140 — 167. Nicol. Bles-
 dickii, qui gener Davidis Georgii fuit, (cui proprie NIC.
 MAINARDI nomen, Blesdickii vero a Patria, pago huius
 nominis adſciuit,) *historia vitae doctrinae ac rerum gesta-
 rum Davidis Georgii, a Jac. Reuio Dauentriae, 1642. 8.*
 edita. Haereleos pudendae ac Fanaticismi Georgiani no-
 titia hauriri quoque potest ex VBBONIS EMMII libris,
 lingua belgica editis, sub titulo: *Ein grundlick Bericht
 van der Lere und Geist des Ertzketters DAVID JORIS, vth
 synen Schrifften und Wercken flytich und getrowlick vorſa-
 zet, tho Warschouwinge aller Frummen chriſtgelöuigen Her-
 zen. Dorch Vbbonem Emmen, itziger tydt Reſtorem der
 scholen tho Gröningen. De Leser findet in deſſen Tractat,
 alle platzen in DAVIDS eigene Schrifften, na Böcken und
 Bladen darher de Lehrſtuecken genamen ſindt mit vlyte an-
 getecket. Matth. 7. vers 15. Hoedet juw wör den val-
 ſchen Propheten, de tho juw kamen in Schapes kleeder, in-
 wendig auerſt ſint ſe rytende Wülffe. Gedruckt Anno 1597.
 8. pagg. 142. absque praefat. Altera editio prodiit,
 Middelburgi, 1599. Cum Emmii libro ſectator quidam
 DAVIDIS, D. ANDREAS HUYGELMANZON (sub qua larua
 BERNH. KIRCHEN, Doct. Medicinae, DAU. GEORGII gener
 latere vulgo creditur) opponeret: *Widerlegung der groben,
 vnuerſchaemten und greißlichen Lügen des Vbbo Emmen,
 Reſtoris der ſchulen zu Groeningen von ihm in Druck her-
 ausge-**

ausgegeben wider das Leben und Lehre des DAVID JORISSOON, etc. a. 1600. 12. VBBO EMMIUS factas sibi imputationes profligavit, et mysteria sectae Joristarum pudenda majori luci exposuit in libro, cui indicem fecit: *Den David Jorischen Geest in Leuen ende Leere, breeder ende wüdtloopihger etc. ontdeekt, ende grondlicken verklaert, tegens den vermoonden schaemtloosen D. Andreas Huygelmanzoon.* DOOR VBBONEM EMMIUM etc. 1603. 8. pagg. 422. Vid. DAU. CLEMENT. *Biblioth. hist. et crit.* Tom. VIII. p. 25. seqq. Scriptoribus praeterea de Dav. Georgio adiungi possunt, *Fridericus Jessenius aufgedeckte Larve Davidis Georgii etc.* Kilonii 1670. 4. Titulum operis satis prolixum notavit Jo. Ge. Schelhornius l. c. T. III. p. 2247. estque in historia de Dav. Ge. palmarium, de quo in GE. HENR. GOETZII, *elogiis Germanorum quorundam Theologorum* Saec. XVI. et XVII. p. 249. ita *Christoph. Francken*, Theologus Kiloniensis iudicavit: Scriptum hoc mira diligentia est conscriptum. Ipse enim auctor omnes libellos, quos Dav. Georgii sectatores in Holsatia, (quorum tunc temporis fuit ferocissima,) publicarunt, cum cura perlegit, (ex speciali autem Principis gratia illos obtinuit,) errores in iisdem deprehensos excerpfit, inque epitomen redegit. Huic ergo auctori prae primis fidem esse habendam, quicquid alii, qui a partibus Davidis Georgii stare solent, excipiant, autumo. Huic addi potest *Jac. Stolterfothii Historie von David Georg einem heillosen Mann, und Gotteslästerlichen Erbk=Keker aus Thuan*, *Jacobo Fincelio*, *Henr. Adam Petri*, *Jo. Wigando* und *Luca Osiandro* zusammen getragen, *Lubecae*, 1635. 4. quae subtexta est *Thomasi Historie der Weißheit und Thorheit*, P. I. p. 64. et *Anonymi Kurzer Auszug von des berufenen Lehrers David Georgii oder Joris, Leer und Leben.* 1619. 8. quae epitome Jorisi discipulum ac defensorem prodit; tandem *Carl. Gottl. Zeidleri* diss. de historia Davidis Georgii eiusque affeclarum, *Lips.* 1701.

Tenet *Bibliotheca Regia Regiom.* quatuor libros, quorum auctorem fanaticum hunc fuisse, ex *Placcio*, c. XII. n. 1933. p. 489. liquet. Tituli tractatum sunt: *Verklaringhe der Scheppenischen an Vmyn beminde Kindern und Ogebroeders, liethebberen Christi alleen verschreuen, im Februar 1533.* Juxta alia C. XI. f. 16. per spiritum Dei super aquas in creatione vniuersi cubantem, ventum intelligi vult. 2) *Verklaringhe van die Woorden, Godt allmaechtig, Vater Soon Gheest etc.* Anno 1556. im Januar. 3) *Onderwys van Goodes Gheest, Liefde vn de Stemme, mit die verlooren Mensche.* 1553. den 24. Januar. 4) *Een leerlied vnde Christlyk Ghespraec tuschen een Godt gelehrt, bibelsch gelehrt, vnde sophist geleeret, waerin verhandelt wert, het rechte verstand der Waerheydt Christi, waermen die rechte moeder, der heyligen Kercken oder der Gemeenden Gods soecken vnde vinden fall, hoedanich sie toebereyt, ob waer an sy te kennen is, een herrlyk gottlyck, glorioes bericht, mit veele andere invallende Leeringhen, Fraghen vnde Antwoorden, allen Liefhebbern der Warheydt, seer profytlyck, oom lesen.* Annus impressionis non notatur. 5) Aliud eiusdem auctoris scriptum in *Bibliotheca Senatus Regiomontani* servatur, cui index est: *Wonder=Boeck*, waerin dat von der Welcht aen versloten gheopenbaert is. Wie een der Ick (sagt de Heere) senden soll, ontfanght in mynen Naem, die ontfanght my: Wie my ontfanght, ontfanght den, die my gesonden heeft. Hochghelovet moet hy syn, die als een Ambassatoer ghesonden komt, in dem Name des Heeren. Opt nieuw ghecorrigeert vnde vermeerderd by den Aetheur selbse: Int Jaer 1551. fol. Post praefationem, quae folia VIII. capit, liber primus habet folia 125, secundus praeter praef. (fol. 3.) habet fol. 164. Tertius praeter Fol. 2. praef. folia 50. Quartus praemissa folio vnico praefatione, fol. 34. Additae sunt libro nitidissime minutis litteris impresso figurae aeri incisae. Loci impressionis mentio facta non est. Secundam vero hanc esse libri editio-

editionem, auctiorem prima, *Schelhornius* notauit l. c. T. III. p. 2244. Seruatur libri huius exemplar inter rariores *Bibliothecae Regiae Berolinensis* libros, de quo *vid.* Thesaurus epistol. La Crozianus, Vol. III. p. 204. Librum illum a quodam olim *Melanthonis* discipulo, in latinum Idioma translatum esse, *Historia Dau. Georgii* p. 68. nos docet. Interpres iste tanta fuit admiratione obstupescens, ut ingentem spem ceperit, se *Philippum Melanthonem*, suum quondam praeceptorem facillime in Davidicae sectae societatem pertracturum, et per eum deinde totam Germaniam. Hac fiducia animatus instituit iter *Wittebergam*, comitante ministro fideli, et secum ferente *Librum Admirabilem* excusum, ac *Melanthonem* salutauit. Sed omni spe excidit interpres vanus, subitoque vrbe euasit, perterritus declaratione *Melanthonis*: Ejus doctrinam esse fanaticam, et si constaret eum *Wittembergam* venisse, ut ibi suas furias seminaret, se effecturum apud Magistratum, ut statim in vincula conjiceretur. Plura eius scripta in nostris regionibus rarissima, recensita sunt in *Biblioth. Halens.* T. V. p. 261. seqq. p. 305 — 330. et in *Biblioth. Vffenbachiana*, P. I. p. 940 — 946. Ex his unicum allegamus, in quo viro respondet, quem ob rerum narrandarum nexum plus vna vice in *historia Socinianismi Polonici* compellabimus. Titulus libelli est: *Cort Bericht*, vnde *scrifftlyck antwort D. J. op. deen brief. des eerwürdigen herren. J. A. L. 1544. d. 16. Maji 4 fol. 39.* *Joannem a Lasco*, quem litterae initiales designant, quique tunc temporis *Emdae* magna in aestimatione versabatur, praesentem, nec non *Phil. Melanthonem* absentem in suas partes pertrahere studuit *David Foris*, quae fusius exposita leguntur in *DAN. GERDESII Hist. reform.* Tom. III. p. 116. seqq. Exquirebat vero a *Lasco*, a *Dauide Foris* planam ac claram placitorum suorum expositionem, additis nonnullis monitis, quibus, ut a Fanaticismo se purgaret, eum hortabatur. Ad hanc epistolam *David Foris* respondet, sed nihil determinate ac pro desiderio

Jo.

Jo. a Lasco, immo huic auctor est, et necessitatem imponit, ut ipse prius fanaticus euadat, antequam de systemate suo iudicet. Inflatus Enthusiasta diuinam vocationem sibi factam, ex variis pessime intellectis S. Scripturae variciniis perhibet, nec opus demonstratione esse, homo ab imaginatione dementatus, jactitat in iis rebus, quas, ut sibi persuadet, ipse vidit, olfecit, gustauit, et contrectauit; et quae, ut verba Pauli in tertio coelo audita, nullam expositionem admittunt, sed sibi ut infallibili et diuinitus edocto magistro simpliciter fidem esse habendam. Teste et interprete GERDESIO in *florilegio libr. rar. p. 211.* scriptum hoc polemicum Joanni a Lasco oppositum, his verbis finiuit. „Non est mihi necesse, ut verbum aut doctrinam mihi reuelatam, quam in spiritu et veritate efficaciter super omnes sensus cordis vidi, odoratus sum, gustavi, palpavi, ac sensi, conformem aliquibus Pauli verbis, quandoquidem voluntas Dei jam non est, ut quisquam propter vlla scripturae verba scripta credat, siquidem ipse vir adest, propterea puerilia illa omnia sunt abjicienda, et corde solum credendum est unico veroque Deo et Christo eius, siue verbo aeternae justitiae et charitatis. Amen. Halleluja.” Ipse Jo. a Lasco in ep. Emdae, a. 1544. postridie Jacobi, ad Albertum Hardenbergium scripta, in *Biblioth. Bremensi Cl. VI. Fasc. I. p. 130.* de Georgio Davidis inquit: „Mitto tibi exemplar postremae meae ad Davidem epistolae. Postea nihil ab illo accepi et fortassis non accipiam amplius quicquam, praesertim si hinc suos pelli audiat. — Breuiter David vult, se agnosci Emanuelem a Prophetis promissum, hoc est, per se id fieri jam, et in dies fore magis, ut nobiscum sit Deus. Hanc blasphemiam, qui ferre non potuimus, animos suorum a nobis alienatos esse videmus.” Quod GODOFR. ARNOLDUS, vaferrimi Enthusiastae extiterit patronus, scriptaque eius insaniae plena dilexerit ac commendauerit, non est, quod moneam; hinc quoque omnibus succenset, in H. E. et *Haeres. P. II. L. XVI. c. 21. §. 45.* qui delirantis hominis somnia exposuerunt. Scripta ejus.

quot.

quotquot in vnum locum comportari potuerunt, *Tommingae* in publico foro, iubente id Principe per carnificem flammis esse exusta, *Jessenius* in dedicatione libri sui Duci CHRISTIANO ALBERTO Episcopo Lubecensi scripta narrauit. Exstiterunt olim in copiosissima *Dan. Salthenii* Bibliotheca libri tres epistolarum *Dauidis Georgii*, cum aliis ejusdem auctoris scriptis, in IV. Voluminibus. V. *Catal. Libr. rar. Biblioth. Salthen.* p. 278. *Reimanno* l. c. p. 708. duae tantum epistolarum partes innotuerunt; et totidem tantum in *Bibliotheca Winckleriana, Hamb. 1721*, p. 411. et in aliis librorum catalogis allegantur. Effigiem *Ge. Dau.* aeri incisam exstare, in B. A. p. 372. notauimus. Eandem aetatis 54. a. 1554. exhibuit *SICHEMIUS*, sculpsit, forma 4.

§. V.

Sunt equidem praeter hos, alii in hunc censum merito collocandi, quorum vero nomina vel plane reticentur, vel de quibus certi aliquid dici nequit, quid de S. Trinitate ipsi in specie crediderint et aliis persuaaserint; quamquam alia de illis figmenta et fanaticismi somnia significantur. Ex quibus hoc loco nominandi, *Melchior Hoffmannus*, Anabaptistis tumultuantibus adnumerandus, et *Claudius*. Quidam tamen hoc consortio eximendi, quos vel liuidus scriptorum animus, vel excedens augendi haereticorum agmen conatus, vel propositum Antitrinitariorum quandam coetui suo, a virorum celeberrimorum sodalitate, conciliandi auctoritatem, in hunc numerum transposuit. Injuriam hinc fieri *Casp. Schwenckfeldio*, *Wolffgango Fabricio Capitori*, *Erasmio Roterodamo*,
T aliis-

aliisque quam plurimis, validis rationibus comunoti statuimus.

*

*

*

Reperiuntur in scriptis *Lutheri*, *Melanthonis*, aliorumque huius temporis auctorum, quaedam indicia *Antitrinitariorum*, quae non facile de illis, quos adhuc indicauimus, intelligi possunt, quorum vero nomina reticentur. Ita *LUTHERUS*, antequam *Campanus Wittebergae* innotesceret, in ep. ad Pastorem in *Mila* scripta, a. 1529. in epp. a *Buddeo* editis p. 75. n. 102. inquit: — — — „Quod scribis de blasphemis illis contemptoribus, sic sentio: sicut ad fidem et Euangelium nemo cogendus est, ita sub eodem Magistratu permittendum non est, ut blasphement, sed vocati audiantur et audiant, et ubi rationem reddere non poterint, nec credere voluerint, prorsus etiam tacere cogantur, ne alatur seditionis seminarium. Qui enim valet contradicere, faciat hoc publice et palam aut priuatim, ut taceat, coerceatur Magistratus auctoritate. Sic nos et facimus et consulimus. Ex his jam intelliges illis prorsus sub eodem magistratu non permittendum esse, ut faciant, quae tu scribis. Haec enim sunt sibila serpentum lucem fugientium. Prouoca igitur in publicum, ut aut vincant, aut vincantur. Et *PHILIPPUS MELANTHON* in ep. *Joanni Sturmio*, *Lutetiis Paris.* a. 1535. data, quae adtexta est *Vitae Melanthonio* a *Camerario Lips.* 1566. 8. editae, p. f. 5.: „Existimo magnam passim veritatem opinionum, et multos esse fanaticos spiritus, qui serunt absurdas et perniciosas opiniones. Nam hinc quoque nuper expulimus aduenam istinc quendam, qui de diuinitate Christi scelerate disputabat.” *BUGENHAGIUS* in confessione fidei ac doctrinae suae, quae legitur in tractatu, cujus titulus est: *Confessiones fidei duae, altera D. Doctoris MARTINI LUTHERI, altera D. JOANNIS BUGENHAGII Pomerani denuo recognitae, et singulari consilio jam primum Latinae editae, Vitebergae*

1539. 8. pl. 4. ita ad lectorem p. c. III. scribit: „*In carcere detinetur hic Vitebergae Anabaptista quidam. Quid designarit autem, quod a magistratu seculari custodiatur captivus, me praeterit. Est autem homo ita perturbata mente ac duro ingenio, ut colloqui cum eo possit nemo. Nam communi etiam sensu privatus est. Vociferatur enim, nec quenquam audit, nec potest tamen ipse etiam, quae sit fides sua, profiteri, ac interim egregie purum se, alios omnes impuros ac scelestos judicat, absque verbo Dei, absque omni ratione. Nihil in huiusmodi hominibus boni esse manifestum est. Hic homo ex me aliquando quaerebat, quidnam vel doceremus vel crederemus? Quaerentem responsione non sum dedignatus. Dixi ei statim omnia. Ille vero etiam ut scriberem, flagitabat. Morem gessi, scripsi. Sed eodem modo accipiebatur scriptum meum, quo eram ipse acceptus, cum viva voce docerem hominem, praeterequam quod tunc etiam inauditas aliquot ac horrendas blasphemias in Filium Dei Dominum nostrum, J. C. ex illo audiui, quas perscribi non decet. Huiusmodi autem sectae ac spiritus diabolici, cum magno nos odio ac invidia suis mendaciis onerare soleant, quasi nesciamus ipsis rationem reddere nostrae fidei ac doctrinae, publicis litteris transcribi volui, quae ei praescripseram, ut quilibet etiam inimicus videret, quo studio ac diligentia prosequamur hoc genus hominis, ut ab errore reuocentur. Deus meliorem illi dare mentem dignetur, per J. C. Dominum nostrum amen.*”

Quinam isti in his aliisque huius aetatis scriptis notati fuerint, et qualem in specie errorem circa mysterium S. Trinitatis defenderint, pro certo statui nequit. Melanthonem in ep. Sturmio 1535. scripta notasse Petrum Conyram vel Gonesium (B. A. P. I. p. 106.) veri simillimum est, quem anno 1535. Witteberga excedere debuisse, accepimus. In nullum eorum, quos adhuc proposuimus, verba allegata quadrare, ex circumstantia temporis, quo scripta sunt, colligimus. Id saltem haec aliaque testimonia evincunt, non improlem fuisse hac aetate haeresiarcharum

familiam, quod *Melanthoni* occasionem exhibuit, ut in editione locorum Theologicorum, quae 1535. Wittebergae ex officina *Josephi Clugii*, 8. alph. i. pl. 6. prodiit, doctrinam de diuina J. C. natura et Sp. S. copiose tractaverit, quam in antiquioribus editionibus vix tetigerat.

Horum vero ordini MELCHIOR HOFFMANNUS, a quo *Hoffmannistae*, qui eum sectabantur, dicti, a nonnullis et ab auctore, *Hist. Socin. gallice* scriptae, P. II. p. 340. et in notis p. 36. non absque ratione accensetur, a *Sandio* autem in hunc numerum non receptus. Fuit is natione *Suevus*, non *Holsatus*, quod quidam tradiderunt, opificio pellio, homo liberalium quidem litterarum rudis, ingenio tamen solers, comis, et facundus, qui inter Anabaptistas per utramque Germaniam longe lateque vagantes insignem famam consequutus est. Enthusiasmo correptus, se excitatum a Deo venditavit ad veritatem patefaciendam, quam nullibi in orbe Christiano inueniri posse sibi imaginatus est. Inprimis omnes coetus de Paedobaptismo reprehendit, Apocalypsin Joannis pro ingenio et corrupta opinione audacter interpretabatur, et quae de tabernaculo Moysis et figuris aliis V. T. somnia conceperat, oraculorum instar a Deo sibi patefactorum omnibus commendabat. Hoc animo *Liunioniam*, *Frisiam*, *Holsatiam*, et *Magdeburgicum* districtum peragrauit, ubique fanatica deliria exposuit, et variis locis tumultus excitauit. *Emdam* circa annum 1529 concessit, diuinam vocationem impulsusque spiritus ultro jactans, instar Apostoli a plebe susceptus est, ut breui tempore societatem trecentorum utriusque sexus hominum collegerit, sicque ibi ipso auctore Anabaptismus publice institutus fuerit. V. GERDESII *Historia Reform.* T. III. p. 83. seqq. Monentibus vero Ecclesiam coetus ministris ac Magistratum excitantibus, ut periculo religioni et reipublicae imminenti obicem ponere velit, seductor anno circiter exacto istinc discedere et alibi errorum suorum sementem facere decreuit, cum
circa

circa idem tempus, siue casu, siue ex composito, homo quidam senex ejusdem sodaliti, personam vatis simulans edixerit, oportere *Melchiorem* Argentinam ire, illic in carcerem conjici et post semestrem ex eodem dimissum sine omni impedimento docere, ac docendo tum ipsum, tum per sectatores suos vniuerso terrarum orbi veritatem praedicare. Substituto igitur in locum suum alio, JOANNE quodam natione Belga, textorii opificii, ex quo TRYPOPAEUS (*Trypmacker*) dictus, in quem per impositionem manus, Apostolatus munus detulit, *Emda Argentinam* a. 1532. concessit. Hoc loco dogmata sua priuatim spargere conatus ideoque in carcerem ductus, certa spe firmatus est, reliqua quoque fata sua fanatici senis vaticinio responsura similiter esse; sed a. 1533. in carcere obiit. JOANNES vero *Trypopaeus* per breue tempus *Emdae* Apostoli vicibus functus, tristitia ibidem praevidens fata, deserta statione sua *Amstelodamum* se recepit, ibique occulte docuit, inde alia loca adiit, donec detectus, *Hagam* vinculis constrictus deduceretur, ibidemque capitis supplicio vitam finiret,

HOFFMANNUS ille ex pellione in Theologastrum mutatus, vbiuis sine vocatione docuit. Cum a Rege Daniae circiter a. 1528. vel 29. *Kiloniae* concionandi licentiam nactus esset, vbi tamen perbreue admodum tempus commorabatur, LUTHERUS haec ad Ministrum Kiloniensem scripsit: „A MELCHIORE PELLIFICE *velim cauere vos omnes, ac curare apud Magistratus, ne ad conciones admitatur, etiamsi litteras Regis ostendet. A nobis enim recessit indignabundus, dum non voluimus eius somnia probare. Ad docendum neque valet, neque vocatus est. Haec dicito nomine meo omnibus vestris, ut ipsum vitent, ac tacere cogant.*” V. Epp. Lutheri a Jo. Aurifabro edit. Francof. ad Viadr. 1597. p. 371. Quae cum HOFFMANNO in colloquio *Flensburgi* ad mandatum Regis *Daniae*, in praesentia *Christierni Ducis*, plurimorumque Magnatum insti-

ruto in caussa Sacramenti S. Coenae acta sunt, in quo articulo Helueticae confessioni adhaesit, exponuntur in libello, cui titulus: Acta der Disputation zu Flensburg, die Sache des Hochwürdigigen Sacraments betreffend, im 1529. Jar des Donnerstags nach Qualimodogeniti geschehen. *Wittebergae* 1529. 8. pl. 13. Disputantes ex una parte erant MELCH. HOFFMANNUS, JOANNES DE CAMPIS, et JAC. HEGGE; ex altera, praeter POMERANUM (*Bugenhagium*) colloquii moderatorem et praesidem, HERM. TAST, Pastor Flensb. NICOL. BOYE vel BOETIUS, alique Pastores Ducatum *Holsatiae*, *Stormariae* et *Schlesuiciei*, ex quibus in specie nominantur: STEPHANUS, Pastor Hamb. ad S. Cathar. et Magister THEOPHILUS. Constituti quoque sunt sex notarii, qui dicenda et proferenda sincere et sine corruptione calamo exciperent. HOFFMANNUS primum a JO. RANZOUIO, Administro et Equite interrogatus: Waram er alle Prediger in seinen Büchern falsche Propheten gescholten habe? respondit: Darumb hab ich sie falsche Propheten gescholten, das sie Christum an sonderliche stete und Ort binden, denn wer do sagt, das Brot Christus sen, der bindet ihn an ein sonderlich ort, solches aber ist widder Christus Wort. Christus hat das Sacrament nach sich gelassen, nicht das die Zusage das Sacrament sen, das siegel empfangen wir mit dem Mund, vnd das Wort mit dem Herzen. Ad hanc responsionem MELCH. TAST fusiozem de S. Coena habuit sermonem, quem his verbis ordiebatur: Weil denn diese zwitterchtige Sache vom Hochwürdigigen Sacrament des leibs und Bluts Christi, Melchior Hoffmann verursacht hat, das er mit lester worten und Schandfleckung sunst und hyn seinen Büchern, die durch die Welt geführt sind, die gemeinen Diener des heiligen Evangelii beschmeisset, so entstehet dis daraus, das sie von vielen andern auch für solche falsche Propheten gehalten und gescholten werden, gleich ob sie es schuldig weren. Welches irher Personen halben ja wol mocht geduldet werden, wenn es nur nicht gedeihen möchte, zu einem Abbruch und

und verkleinung des heiligen Evangelii. Weil aber nu aus R. W. befelß die sache zu verhören verordnet ist etc. so habe ich aus Befelß vnd Gehorsam meiner würdigen Herrn und Brüder mich vnterstanden, den Grund vnsers Glaubens vom Abentmal des Herrn zu bekennen vnd fürzubringen, auf das ein jeglicher Christgläubiger möge vrtheilen vnd richten, ob wir mit Recht oder Vnrecht von Melchior Hoffmann so gescholten worden etc. Finito colloquio, Dux seniorum præsente tamen Reuentlouio et Pomerano, HOFFMANNUM iuterrogauit: An aliquando dixerit Baptismum posse absque aqua celebrari? nominauit quoque locum et personas, quibus id dixerit. Sed Hoffmannus negauit, et quod male eum intellexerint, qui haec propalauerint, adfirmavit. Suscepta quoque posthac est disputatio de S. Coena cum JOANNE de CAMPIS et JACOBO HEGGE, quibus vna cum Hoffmanno sententiam figurari sensus vltro defendentibus, proscriptionis sententia e terris Regi Daniae subiectis lata est. In actis verba adduntur: Es waren wol etliche verhanden, die ein schwerer Gericht oder Vrtheil vber Melchior Hoffmann zu gehen begerten, vmb zweerley Vrsach willen. Aufßs erst, das er in seinen schriftten öffentlich ihnn selbs so oft durch Königlichen Majestät Gericht erwelet hatte den Galgen, das rade, das fiewer, das wasser, wo er in seiner lere vnrecht erfunden, Wie er denn nu in dieser Disputation erfunden war. Zum andern, das er als ein Münzerischer Aufrurer öffentlich in der Disputation gesagt hatte, das noch viel Bluts vergossen must werden, darumb, das die andere Prediger vom Sacrament nicht leren wolten, wie er lerete, Aber solche forderung schwereres Gerichts odder Vrtheils ward durch andere verhindert. Antequam colloquii historia editore Pomerano in lucem prodiret, HOFFMANNUS, acta disputationis Argentorati typis exscribi curauit sub tit. Dialogus vnd gruntliche Berichtung gehaltner Disputation, im land zu Solstein etc. De quo libello ita Pomeranus l. c. p. M. Das aber Melchior Hoffmann odder der Pelzer, odder

Kürsner (wie er sich selbst in seinen Actis zu Strasburg gedruckt, nennet, vnd gerne heissen wil) so sere geeilet hat mit seinen Actis zu vornkommen, vnd im Dialogo seinen Ehrhart, oder Ehrlob so fleissig berichtet hat, dahin hat ihn die grosse Noth gedrunghen, er hat gefurcht das die rechten Acta möchten zuvorn kommen. So thun die Kinder, die eine Steupe verdienet haben, sie sehen an allererst vber die andern zu klagen.

Fata et acta ipsius Argentoratensia, BULLINGERUS aduersus Anabaptistas, p. 65. ita enarrat: „*Argentinam venit, et publicam disputationem cum Ecclesiarum ministris petiit. Itaque Synodus die 11. Junii a. 1532 conuocata est, et multis cum eo actum ex s. litteris, et errores eius solide refutati sunt; (acta quoque istius disputationis eodem anno in publicum edita sunt.) Cum vero doceri se non pateretur, et cedere nollet, in carcerem coniectus est, in quo admirandas visiones, prophetias et somnia simulauit et iactauit, quae tamen omnia fumi instar euanuerunt et ipse in carcere obiit.*“
Articuli de quibus cum eodem disputatio instituta hi fuerunt: Paruulorum Baptismum ex diabolo esse, neque vlli christiano ferendum. Sermonem Dei aeternum non assumuisse carnem ex Maria virgine, sed ipsum esse carnem factum. Dixisse eum libere, maledicta sit caro Mariae. Salutem in nostris viribus positam esse. Quod si quis accepta gratia denuo voluntarie peccauerit, hunc nunquam in gratiam receptum iri. Prostat hominis fanatici, Auslegung der heimlichen Offenbarung Johannis, des heiligen Apostels, und Evangelisten. 8. pl. 24. liber rarus, obscurus, multisque paradoxis refertus, qui praeterea haud pauca de hominis ignorantia exhibet documenta, Regi Daniae Friderico dicatus, impressus Argentorati 1530. per Balthasar Beck. V. Bibl. Halens. T. VII. p. 200. In hoc haud obscura reperiuntur testimonia, quod auctor summo jure inter Anabaptistas Antitrinitarios huius aetatis sit collocandus, quamuis non satis determinate et
distincte

distincte pro more sectae mentem homo simplex alias et rudis explicet. Pag. B. VI. tres personas Deitatis sibi ut tres Patriarchas, Abrah., Isaacum, et Jacobum, praefigurat, locumque I Joh. 5. ita vertit, hi tres ad vnum tendunt vel ad vnum conferunt; und die drey dienen in eins, Pag. B. VII. Christum factum esse Filium Dei, per resurrectionem a morte confitetur, hucque trahit verba Ps. II. Filius meus es tu, hodie te genui. Negari tamen non potest, hanc dicti explicationem Socinianis acceptam, nonnullis in mysterio de S. Trinitate orthodoxe sentientibus probatam esse. V. Act. XIII, 32. 33. Sunt quoque versionis vulgatae codices, qui cum *Hoffmanno* circa expositionem dicti I Jo. V. 7. conueniunt.

Ejusdem auctoris aliud scriptum, rarissime obuium, in manibus nostris est, quod indicem habet: Das 2te Capitel des Propheten Danielis, ausgelegt, und das Evangelium des andern Sondages, gefellend in Abend, und von den Zeichen des jüngsten Gerichts, auch vom Sacrament, Beicht, und der Absolution; eyn schöne Unterweisung, an die in Liesland und eym yden Christen nützlich zu wissen, 1526. 4. pl. 14. Impressionis locus non notatur. Libellus per epistolam, in qua autor nomen suum indicat, dictatus est *Liouoniae incolis*, inprimis vero *Dorpatensibus*, multaue fanatica et Pseudomystica in eodem occurrunt. Reliqua hominis scripta, ab auctoribus passim allegantur. De visione, quam per *Frisiam* cursitans habuisse fertur, *Abrah. Bzowius* l. c. T. XIX. a. 1531. f. 802. it. ad a. 1532. §. 840. Plura de eodem exponunt, Jo. MÖLLERUS Isag. ad hist. Chersf. Cimbr. P. III. p. 128. seqq. BAILIUS l. c. tit. HOFFMANN. T. I. f. 832. vers. germ. SPANHEMIUS de origine et progr. Anabapt. p. 211. OTTIUS l. c. ad a. 1525. BARTHOL. NIC. KROHN, cujus peculiare de hoc argumento opus, quod Lipsiae 1759. 8. prodiit, recensetur in *Nouis litter. Tigur.* de anno 1759. p. 219. Jo. GOTTL. HOFFMANNI de secta Hoffmannistarum, Lips. 1700. Leguntur quoque

quoque nonnulla de homine hoc, turbisque ab eodem exitatis, in *Henr. MühlII* diss. *hist. theol.* p. 49. Effigiem eius in forma 4. aeri insculpram exhibuit *Sichemius*. Alia prodiit Argentorati in form. 8. absque sculptoris nomine.

Hoffmannistarum sectae se associavit *Vbbo Philippi*, cuius sectatores *Vbbonitae* dicti, qui vnam cum Mennonitis sodalitatem constituunt; qui enim in principio *Vbbonitae* vocabantur, post annum 1544. *Mennonitarum* nomen adsciuerunt. Erat is sacerdotis Leouardienfis ex concubina filius, habuitque fratrem *Theodorum*, seu *Theodoricum Philippi*; (vulgo *Dirk Philips*, vel *Phlips*) litterarum graecarum et romanarum non ignarus, Pontificiae Ecclesiae sacris innatritus fuit. His, adultus nuncium misit, ab *Hoffmannicis* in transversum actus in Episcopum nouae sectae Anabaptisticae ordinari se passus est. Ab hoc tempore in agro Leouardienfi maxime ministerio functus, novos sectae suae constituit Episcopos ac Ministros, et inter hos *Theodorum* fratrem, *Dauidem Georgium*, qui propriis indulsit somniis et *Mennonem Simonis*. V. *Jo. Chr. Burghmannus*, de *Vbbone Philippi* et *Vbbonitis*, *Rostochii* 1733. 4. et *Gerdesius*, l. c. T. III. p. 112.

Claudius quidam *Allobrox* (B. A. P. I. p. 103.) gente vel *Italus*, vel *Gallus*, in *Heluetia* et *Germania* jam a. 1534 et 1535. inprimis vero *Memmingae* circa a. 1550. Antitrinitariorum dogmata disseminare coepit; tres in vna essentia diuina personas negauit, Patrem solum esse verum Deum, maiorem filio adfirmavit; Scripturam S. esse corruptam, praecipue primum Euangelii S. *Joannis* caput, cuius initium sic legendum putauit: *In principio erat verbum, et verbum illud erat DEI.* etc. Veritatem nondum in aprium productam a se demum, utpote qui coeleste Manna comederit, producendam et ex tenebris eruendam etc. statuit; quam gloriam *Sociniani* vtrique *SOCINO* vindicare studuerunt. Haec et alia *CLAUDIUS* nonnullis ciuibus, et praesertim mulierculis quibusdam, instil-

instillauit, vrbe vero tandem eiectum homuncionem, eos-
 que, quibus virus suum propinauit, rectius edoctos esse,
 SCHELHORNIUS in diss. epist. de *Claudio Allobrogo* p. 77.
 et l. c. T. XI. p. 91. e tabulis publicis enarrauit. Circa
 a. 1534. *Bernensem* quoque Ecclesiam turbare ausus est,
 quod BERCHTOLDUS HALLERUS in litteris die 7. Maii scrip-
 tis ac insertis *Epp. ab Eccl. Heluet. Reformatoribus, vel*
ad eos datis, Cent. I. p. 139. his verbis exponit: „*Interim*
collocuti sumus cum Gallo hoc, qui tametsi mente compos
non sit, natus tamen videtur ad pertinaciam et contentio-
nem. Afferuerat Iesum Christum nudum esse hominem;
dein cum apertissimis a nobis vrgeretur Scripturis, admisit:
Christum naturalem Dei Filium, adeoque Deum esse; sed
non aeternum, immo in tempore constitutum et factum. Ait
secundo: Atque hunc alioquin purum hominem esse fidei no-
strae obiectum; cui satis abunde responsum est, sed minime
satisfactum, pertinaci enim satisfieri nequit. Monuimus
hominem, ut fidem hanc apud se habeat, id vero minime fa-
cturum scio. Restat, ut illi probemus: Spiritum S. esse
Deum et ab aeterno, quem creaturam asserit. Negat Tri-
dem, personas vero tam quoad vocem, quam ad rem. —
Ditione Bernensi tandem erraticum esse exactum, HALLE-
RUS in aliis epistolis significauit. In praefatione secundae
partis epistolarum SCHWENCKFELDII, quae in IV libros
distributa est, notatur, in quarto libro exhiberi epistolas,
aduersus varias Anabaptistarum sectas, quas inter et Clau-
diana memoratur. Notauit vero jam Claudium in ep.
fratribus suis Augustanis et Argentoratensibus a. 1542.
scripta, quae in ipsius epp. T. I. fol. 554. seqq. edit. 1566.
occurrit. Ex eadem discimus, illum in loco Jo. I. I. per
λογον non verbum substantiale, sed promissionis et ideam
de orbis redemptione animo diuino conceptam intellexisse.
 Ita SCHWENCKFELDIIUS: *Dass aber Claudius sagt, es habe*
Johannes nicht die Gottheit Christi damit bewehren, son-
dern allein das Wort der Verheissung anzeigen und offen-
bahren wollen, was Gott nemlich von der Erlösung der
 Welt

Welt im Sinne gehabt. etc. Daß Claudius aus 4 Esrā will beweisen, wie das Wörtlein Wort, für das Werk oder den Willen Gottes werde genommen, und daraus vermeint zu schließē, es soll allhie auch also genommen werden, solt er zuvor beweisen, daß es darum auch also Johannis 1. müsse verstanden werden, wie wols dort an gedachtem Ort auch wieder ihn ist; denn es stehet allhie klar: Und Gott war dasselbige Wort, ist nach unsrer Rede so viel, als dasselbige Wort war Gott, welches noch klärer die göttliche Natur und die Gottheit Christi ausweist. Darum so spricht der Evangelist: das Wort war Gott. Er redet nicht von Gottes Werken, sondern vom Worte Gottes, das in und bey Gott allwege gewesen ist. *Propter articulum graecum* ο. καὶ Θεὸς ἦν ὁ λόγος, ist da λόγος subiectum, zum Unterschiede der zweyer Personen, Vaters und Sones in Triade diuina, und Deus praedicatum etc. Verba JOANNIS, ο λόγος ἦν πρὸς τὸν Θεόν, sic exposuit CLAUDIUS: Deus secum decreuit: enuntiatum autem: ο λόγος σαφὲς ἐγένετο, Deus decretum suum perfecit, et manifestum reddidit.

Lamy, in *Histoire du Socinianisme* P. II. p. 340. seqq. Famossimos Anabaptistarum et Fanaticorum duces, Jo. Becondum, Jac. de Campen, aliosque Germaniam inferiorem suis opinionum deliriis vexantes, in hanc classē retulit, qui potius exorbitantibus Anabaptistis et Fanaticis proprie ita dictis, quam Antitrinitariis adnumerandi videntur, saltem nihil certi de illis hac in parte statuendum inuenimus.

Praeter illos, qui merito Antitrinitarii reputandi, ac inter Germanos hoc tempore famam consequuti sunt, haud pauci, vel ab ipsis Socinianis, vel ab aliis in illorum societatem, non absque injuria trahuntur, cui nunquam assensum suum sunt testati. Professum esse Casp. Schwenckfeldium, notissimum illum Equitem Silesium, Christum Dei Filium vnigenitum esse creaturam, quod SANDIUS in H. E. p. 427. prodit, a vero alienum esse arbitramur.

Senten-

Sententiam suam SANDIUS ipse fortasse mutauit, hinc factum, quod eidem nullum in *Bibliotheca* inter Antitrinitarios locum designauerit; quod auctor *hist. Socin. gall.* P. II. p. 209. fecit, qui plures alios hoc numero eximendos eidem inseruit. Dubium interim nullum est, *Schwenckfeldium* pluribus librorum suorum locis, orthodoxam de mysterio S. Trinitatis et Christi diuina natura doctrinam adstruxisse. In isto, cui titulus: *Catechismus von etlichen Haupt=Artickeln, des Christlichen Glaubens, und vom Grund und Anfang der Seligkeit durch Frag und Antwort gestellet*, Caspar Schwenckfeld, a. 1532. 8. pl. 4. p. a. II. ad quaestionem: Was ist Jesus Christus? Respondet: Jesus Christus ist das groß einig Geheimniß, darauf die ganz heilige Geschrift weiset, er ist der ewig eingeborn, natürlich Sun Gottes, des allmächtigen Vaters, warer Gott und Mensch unser Erlöser und Seeligmacher etc. Orthodoxiam, in doctrina de Christi diuinitate, in apicem posuit, in ep. ad Augustanos et Argentoratenses a. 1545. in epp. Vol. I. f. 554—580. quae succinctam, quoad hoc palmarium christianae fidei momentum, male sentientium inprimis Arianorum refutationem, solidamque de Christo confessionem exhibet. Neutiquam tamen omnium, quae defendit, placitorum, hoc ipso iudicio apologiam fuscipimus; immo potius eidem inter eos merito destinari locum, qui a regia veritatis via vario deflexerunt modo, sentimus. Nec omnibus calculum nostrum adiicimus, quae *Saligius* l. c. T. III. p. 951—1116. ad eum defendendum congeffit. *Phil. Melanthon* frequenter eum accusauit errorum, quod vno saltem exemplo euincimus. In ep. ad *Jo. Bapt. Hencelium*, consulem Augustanum d. 27. Febr. a. 1557. in epp. a *Casp. Peucero* editis P. II. p. 314. ita scribit: „*Stenckfeldii* imposturae monstratis fontibus refutandae sunt. Prior pars de Filii natura est exstructa ex *Samofatenico* s. *Seruetico* furore; Altera pars de ministerio ex Enthusiastarum deliriis.” De eiusdem controuersis Sacramentariis, aliisque motibus ad nostrum argumen-

mentum parum facientibus, nec non de singularibus vitae ipsius fatis, colloquiis et scriptis plures scripserunt. Fuit veritatis cupidus, disciplinae amantissimus, moribus inculpatis, varioque respectu excusandus, et laudandus, reformationem spiritualem et internam dum incuclauit et optauit, circa religionis exteriora deprimenda nimius, et hoc praecipue nomine Ecclesiae exosus fuit, quare etiam ex patria digressus, nullibi certum commorandi locum inuenit, vbique enim inuisus, et alio commigrare iussus.

Eodem jure ab Antitrinitariorum labe immunis judicandus est WOLFGANGUS FABRICIUS CAPITO, Argentinenſis Ecclesiae miniſter, qui inter eos insignem olim obtinuit famam, qui consilia ſua irenica, in certamine eucharistico laudabili studio, vtinam feliciore ſucceſſu commodarunt. Judice MELCH. ADAMI in *vit. Theol. germ. vir ingenii et iudicii praeclari, litterarum et ſcholarum ita amans, vt qui maxime fuit.* In *Biblioth. SANDII* p. I. primum inter Antitrinitarios occupat locum, quem quoque auctor *hiſt. Socin. gall.* eidem conceſſit, P. II. p. 201. Neuter vero, ne vnicum quidem, quod valet, argumentum, pro ſuo hoc iudicio attulit. Quod praefationem libello MART. CELLARII de *operibus Dei*, edito a miniſtris Tranſyluaniae, *albae Iuliae*, a. 1568. 4. praemiſerit, iidemque miniſtri Eccleſiarum conſentientium in Sarmatia et Tranſyluania, (qui *Ge. Blandrata, Franc. Davidis*, et eiusdem farinae alii fuerunt,) in libro de *falfa et vera, vnius Dei P. F. et Sp. S. cognitione*, *albae Iuliae* 1567. 4. impreſſo, (B. A. p. 58. N. 14.) CAPITONIS, cum laude tanquam viri pietate et eruditione inſignis mentionem fecerint, nec non quod *Capito* in allegata praefatione *Cellarii* commilitonis ſui excellentes animi dotes et libelli huius vtilitatem depraedicauerit, et aliquot religionis capita enumerauerit, de quibus cum *Cellario* priuatim diſſeruerat, (de cognitione ſcilicet vnius Dei et Chriſti, de Spiritu S.) quae *Sandius* hoc fine adfert, vt eum Antitrinitariorum choro

choro intrudat, nihil omnino aduersus virum testari possunt, cujus orthodoxam in articulo de S. Trinitate sententiam plura argumenta comprobant, quem ab Ecclesia, in qua munere sacro functus est, probatae fidei testimonio ornatum videmus. Id tamen concedimus, eum propter studium placendi omnibus, ex quo facile detrimentum veritati contrahi potuit, non immerito a *Luthero*, imperterrito veritatis orthodoxae vindice fuisse reprehensum, cuius rei testis est ep. eiusdem, *Wolfg. Fabritio Capitoni*, ex eremo sua die Antonii 1522. scripta, quae legitur in opusculo, quod titulo prodiit: *Judicium D. MARTINI LUTHERI, de Erasmo Roterodamo. Philippi Melanthenis de Erasmo et Luthero elogion. Ratio discendi per eundem tradita. Eiusdem, Quo judicio Augustinus, Ambrosius, Origenes, ac reliqui Doctores legendi sint. D. Martini Lutheri ad Voolfgangum Fabritium Capitonem Theologum, epistola utilissima. 4. plagg. 3. absque loci et temporis notatione.* Ita vero *Lutherus* p. B. 1111 b. inquit: „Scribis te iuuandarum euangelii partium, diuersam a nobis iniisse rationem. Hoc, quid aliud est, quam aut tuam, aut nostram rationem damnabilem esse? Cum necesse sit ministerium Spiritus sibi ipsi quam minime pugnare. — — Atque ego quidem, pro meo in te candore, verbum hoc diuersitatis leniissem, nisi tu ipse tuus interpret, coëgisses sic intelligendum esse, Euangelium tunc promoueri, si Principibus conuiueatur, parcatur, eorum facta excusentur, et (ut tua verba sonant) ne pugnam procaces prouocemus. Haec tua ratio est: quae juxta nostram rationem pulchra adulatio et veritatis christianae abnegatio est. Ego nec inimicis optarim hunc animum probari: tantum abest, ut optem hac ratione iuari Euangelium, ut nihil vehementius deprecet. Et faxit Christus, non ut nihil promoueas, sed ut seruet te nobiscum, ne noceas. Mansuetudinem et benignitatem exigo, scio; sed quid Christiano et adulatori? Res est aperta et simplicissima Christianismus. Rem sicuti habet, et agnoscit et fatetur.” etc.

DESIDE-

DESIDERIUM quoque ERASMUM ROTERODAMUM, de quo Sociniani iudicant, quod aboleuerit fidem de Trinitate, (V. *hist. Socin. gall.* P. I. p. 12. et in not. p. 2.) horum consortio, qui in oppugnando hoc mysterio consenserunt, eximendum esse putamus. Eundem cum Ecclesia Romana eandem doctrinam habuisse, ex epistolis praecipue eiusdem monstrauit Jo. Richardus, libro gallice scripto: *Sententia Desiderii Erasmi Roterodami, conformis sententiae ecclesiae catholicae, circa omnia illa, de quibus hodie controuertitur.* Colon. 1688. 12. Strauisse vero eum viam Socinianismo, BELLARMINUS praefat. ad librum *de Christo*, POSSEVINUS de *Atheismis Haereticorum* C. XIX. et libro *de prouocatione nouorum Arianorum ad Erasmus*, Gregorius de *Valentia*, de Trinitate l. I. c. 19. alique plures Erasmi aduersarii orbi christiano persuadere voluerunt. Eandem sententiam tuetur DAN. BRENIUS in *compendio Theol. Erasmiacae*, Roterod. 1677. Gloriatur quoque de Erasmi consensu Sandius, in H. E. p. 423. quo loco ita sentit: „Hoc sane constat, haud pauca eum scripsisse in fauorem Arianorum, et plurima scripturae loca, quae contra Arianos allegantur, suis explicationibus penitus eneruasse. Praefatione imprimis in tertium tomum operum Hieronymi admodum in gratiam Arianorum scripsit.” In *append. ad nucl.* H. E. p. 83. verba Erasmi allegat ex ep. ad Bilibaldum, nimirum: „Cum Arianis sentire possem, si probasset Ecclesia, quod illi docuerunt. In concilio Senonensi damnantur hae propositiones Arianorum: Nunquam legitur Dei cognomen, aperte tribui Christo, in Apostolorum et Euangelistarum scriptis, nisi duabus vel tribus vicibus. Item, audemus Spiritum S. appellare Deum, quod veteres ausi non sunt.” Et p. 85. haec Erasmi ad 1 Cor. VII. profert verba: „Nemo priscorum audebat clare pronunciare, Spiritum S. esse Patri Filioque homouision, ne tum quidem, cum quaestio de Filio tanta contentione per vniuersum orbem agitaretur. Quin in epinicio, quod post Arianos prosligatos canere coepit Ecclesia, quod tribuitur Filio lumen de lumine,

lumine, Deum vero de Deo vero, non idem dilucide tribuitur Spiritui S. Nunc audemus profiteri, Spiritum S. homousson Patri et Filio et Deum verum; de Patre Deo vero et de Filio Deo vero." Pari studio ministri ecclesiarum consentientium in Pol. et Transf. etc. Erasmus inter maiores recentiorum Antitrinitariorum recentent, et F. Socinus de eodem in ep. p. 187. inquit: „Quod non immerito et Trinitariis Arianismi nomine suspectus fuerit, et ab Antitrinitariis inter eos relatus, qui subobscure Trinitati reclamauerint." Diuersa quidem, sibi aduersa sunt Scriptorum, de Erasmi virtutibus et vitiis, iudicia; interim tamen illi etiam, qui plura in eodem improbarunt, iustamque sententiam enuntiarunt, Antitrinitariorum sodalitio eum adnumerandum esse, vel dubitarunt, vel negarunt. Quod timiditate et nimia praecautione, multumque indulgendo naturae et temperamento, peccauerit, aequi iudices statuunt. Sed praedclara quoque sunt eius merita in praeparanda Reformationi susceptae via, et restituendo litterarum studio, quae historiae ecclesiasticae et litterariae Auctores debita laude prosequuntur. Multum eundem posthac variis modis Protestantium causae nocuisse, negari nequit, et ab eiusdem vituperatoribus haud paucis euictum est documentis, siquidem ipsum aliquando poenituit, quod studiis suis euangelicorum progressus promouerit, et fassus est, se cautius fuisse mercatum, si Tragoediam Lutheranam praeuidisset. Non mirandum propterea est, quod suspicionem sibi malam contraxerit, cum in negotio religionis, quo Lutherus aduersus Papatum perfunctus est, neutri parti semet omnino adiunxerit, immo vtrique, siue consulere, siue placere studuerit, idque vnice in vita sua intenderit, vt omnium ordinum beneuolentiam sibi conciliaret. Accessit aduersa nonnullorum librorum ab ipso editorum fama, qui salibus, et iis interdum aculeatis abundabant, quibus crassos quosdam errores, jure ciuitatis donatos, et stupidae plebis superstitiones libero dicendi genere pertrinxit.

Praeterea disciplinam ecclesiasticam conquerebatur collapsam, populum christianum variis hominum praeceptis oneratum, ac conscientias multis tricis illaqueatas dolebat, ex quibus omnibus, quamvis a Socinianismo longe haec absint, nonnullis visus est in partes eorum propendere, qui rationi in oppugnandis Evangelii mysteriis posthac nimium indulserunt. V. J. A. FABRICII *Exercitatio critica de religione Erasmi. Hamb. 1717. 4.* Lutherus equidem aliquoties Erasmi sententias improbavit ac reprehendit. Sic in collectione paulo ante allegata p. a. II. inquit: „Non est Erasmus in re Praedestinationis formidabilis, sicut neque in summa ferme tota rerum Christianarum. Potentior est veritas, quam eloquentia, potior spiritus, quam ingenium, maior fides, quam eruditio. Et ut Paulus ait: Stultum Dei, sapientius est hominibus. — — — Occurram balbutientissimus eloquentissimo Erasmo cum fiducia, nihili etiam habita eius autoritate, nomine et favore. Ego novi quid sit in hoc homine, quandoquidem et Satanae cogitationis noverimus.” etc. Imo aliquando Lutherus enunciasse fertur, nonnullos Antitrinitarios ac Fanaticos ab eodem esse formatos, et dixisse, in colloq. mensal. edit. Francof. 1568. Erasmus ist Rex Amphibolarum. — — — — — Et hat Crotum, Egranum, Wigeln, Oecolampadium, Campanum und andere Schwärmer und Epicurer geseet und gezeuget. Sed valde dubito, an hoc genuinum sit Lutheri iudicium; multa enim in colloquiis a Luthero dicta, exponuntur, quae eum deliberato consilio dixisse maxime dubium videtur. Si reuera dixit, hunc heroem aliquid humani passum esse, statuerem; ad quem modum quoque Schelhornius iudicavit, l. c. T. XI. p. 90.

§. VI.

Etiam in aliis, praeter Germaniam superiorem et inferiorem, Europae regionibus circa medium
Sec.

Sec. XVI. quosdam Antitrinitariorum errore notatos animaduertimus; nimirum in *Heluetia* anonymos nonnullos, quorum tamen ordini *Coelius Secundus Curio* non est inferendus; in *Gallia*, *Stephanum Doletum*. Ex *Hispanis*, *Jo. Valdesius* immerito huic classi accensetur; sed *Alphonfus Lingurius*, *Tarraconensis*, *Serueti* Hispani conterraneus, ab hoc, vel eius scriptis fortassis seductus, in hunc censum venit; et tandem in *Anglia*, *Ge. Parrium*, Germanum, quem alii *Parisium* vocant, Antitrinitarium memoriae proditum obseruamus.

*

*

*

Eodem, quo in *Germania* quidam de S. S. Trinitate male senserunt, tempore in *Heluetia* quoque nonnulli illud oppugnarunt. Acta *Colloquii*, quod *Marpurgi*, a. 1529. praecipiente *PHILIPPO, Hassiae Landgrauio*, habitum est, id extra omne dubium ponunt. Praecipuus quidem eiusdem scopus fuit, ut *Saxones* cum *Heluetiis* in articulo de S. Coena conciliarentur, qua intentione Princeps, *Lutherum*, *Iustum Jonam* et *Melanthonem*, *Wittebergam*, *Zwinglium*, *Oecolampadium*, pluresque alios ex *Heluetia* conuocauit. Interea tamen in hoc colloquio quidam ex *Heluetiis* notati sunt, qui non orthodoxe de diuinitate Christi senserint. Ad quae *Zwinglius* respondit: De diuinitate Christi se semper sensisse, et adhuc sentire, Christum verum Deum et hominem esse; alioquin de toto articulo S. Trinitatis se credere, sicut Synodus *Nicaena* docuerit; nec ad se pertinere, si qui in superiore *Germania* incommode loquuti sint. Indicabat etiam *Hetzerum* Anabaptistam, qui *Constantiae* supplicio adfectus est, contra diuinitatem Christi librum scripsisse, quem ipse oppresserit, ne in lucem prodiret. Et *OECOLAMPIDIUS* ad *Bertholdum Hallerum*, *Bernensium* mini-

strum inquit: Ut peruentum ad colloquium, cum priuatum, tum coram Principe, *Lutherus* ad alia, quae concorditer confitemur, sese conuertit. Mendax enim rumor, ne suspicioni imputem, traduxerat nos, quasi de Christo deque Triade sanctissima, item de fide ac ministerio verbi parum pie sentientes, et quales hinc inde in conuenticulis suis Catapultae καὶ οτομῆσι, comminiscuntur, imo reducunt errores. V. SCULTETUS l. c. Dec. II. p. 195. seqq. Quidam ex *Serueti* asseclis, qui sine dubio *CLAUDIUS Allobrox*, anno circiter 1534 vel 1535. *Basilaeam*, hortatu fortassis magistri sui, qui bis in hac vrbe paulo ante commoratus erat, venit, cuius mala intentio spargendae haereseos *Seruetianae* detecta, quam quoque impune non tulit, sed ad tempus in carcerem coniectus est. Hic ex eodem dimissus *Wittebergam* semet contulit, cum *Luthero* de religionis argumento colloquendi animo. Post aliquot menses vero, cum etiam hoc loco proteruiam suam et blasphemos errores in artic. de S. S. Trinitate patefaceret, accepto abundi consilio, *Germaniae* valedixit, et in Italiam a. 1537. rediit.

Inter praecipuos, qui in *Heluetia* de S. Trinitate minus recte crediderint, nominatur COELIUS SECUNDUS *Curio*, *Pedemontanus* in *Basil. Acad. Professor*, qui vero hac suspitione liberandus est. Fuit is ex *Italidis*, qui ob purioris religionis professionem, relicta patria in *Heluetiam* se receperunt. Ipse e vinculis elapsus circa annum 1540 vel 42. *Basileam* concessit et in Academia huius vrbis ab a. 1547. ad annum 1569. Eloquentiae et Historiarum professionem exornauit. Vitam et scripta ejus exponunt, *Reusnerus*, *Gesnerus*, *Thuanus*, *Niceronius*, *Koenigius*, *Joecherus*, *Fabricius*, in operibus notissimis. In primis *Schelhornius* natales et res gestas, speciatim mirabilem ejusdem liberationem ex captiuitate et grauissimo vitae discrimine, quod in Italia religionis causa subiit, recensuit, et plures auctores allegauit l. c. T. XIV. p. 32.

p. 382 et 397 et in *amoen. hist. eccles. et liter.* T. I. p. 759. Obiit a. 1569. in republica Basileensi cum laude orthodoxiae et inter decora Academiae non postremum cum honore tenuit gradum, celebratus quoque post obitum a Jo. Nic. Stupano fermone panegyrico a. 1570. quem *Schethornius* inseruit. Longiore factorum, laudum ac scriptorum ipsius expositione merito hoc loco abstinemus, cum eum Antitrinitariorum sodalitis excipiendum esse iudicemus. Qui Virum reuera magnum et omni laude dignum accuratius noscere cupit, desiderium hoc ex lectione eorum, quae *Schelhornius* de eodem exposuit, explere potest. Id solum notamus, praestantissimae et doctissimae foeminae OLYMPIAE FULVIAE MORATAE opera, editore COELIO SECUNDO CURIONE, *Basil.* 1558. 8. prodiisse, quae iterum ibidem 1562. apud *Petrum Pernam* 1570 et 1580 prelo exempta sunt. Editioni secundae *Curio* praemisit epistolam dedicatorem ELISABETHAE Angliae Reginae scriptam, *Basil. Cal. Septemb.* 1562. In his ipsis operibus quaedam *Curionis* ad eruditissimam matronam epistolae, et huius ad illum datae lectu jucundae comparent. Occurrit ibidem p. 298. edit. de a. 1580. ep. *Mart. Borrhai, Coelio Secundo Curioni* scripta d. 26. Oct. fine anni commemoratione. Huic p. 299. seqq. addita est *Curionis* responsoria, in qua scripti a se *Dialogi de amplitudine regni Dei* mentionem fecit, quem calamo descriptum (nondum enim publicam lucem vidisse narrat,) ad *Borrhaum* se transmissurum scribit, huncque rogat, ut libere pleneque rescribat, quale Doctorum et vulgi iudicium de isto Dialogo futurum putet. His addit; *Reliquum est, ut tibi gratias agam, quam possum maximas, de maximis et innumeris beneficiis, quibus quotidie fratres nostros Italos cumulas.* Ibidem p. 357. alia *Coelii* ad *Borrhaum* ep. reperitur, in qua locus *Aristotelis* ex tertio *Rhetorices* libro de frigidis explicatur, et ad *Ciceronis Fabii*que praecepta accommodatur.

Propter librum allegatum, de amplitudine regni Dei, (Basil. 1554. 8. Francof. 1597. Goudae, 1614. etc. editum) a PETRO PAULO VERGERIO, olim apud Magistratum Basileensem heterodoxiae accusatus, et nostra quoque aetate a quibusdam Antitrinitariorum classi adnumeratus est, speciatim in LAMPPIO in H. E. et PETR. JAENICHIO, *Gymnasi Thorun. Rectore*, qui in *stricturis ad libellum quendam catecheticum Vnitariorum* p. 7. scribit: *Curionem SERVETI erroribus implicatum fuisse, patet ex eius paraphrasi in principium Evangelii Joannis, ubi omnia de Trinitate ambiguis interpretationibus inuoluit.* Haec paraphrasis ultimum locum occupat in *Opusculis Curionis*, quae 1544. Basileae, 8. prodierunt. Falsi quoque arguitur *Coelius* a Frid. Balduino, *Passionis typicae* P. II. p. 482. MICH. de la ROCHE in *Memoires litter. de la Grand. Bretagne* T. IV. p. 263. Orbi persuadere conatus est, fuisse illum ex eorum numero, qui Saec. XVI. semet Pontificiis sacris abdicando, mysterium S. Trinitatis reiecerint, hocque iudicium suum nititur ea ratione, quod *Curio in Religionis christianae institutione*, quam Basileae 1549. 8. edidit, ne verbo quidem trium in diuina essentia personarum mentionem fecerit. *Alwoerden* quoque in *hist.* MICH. SERVETI p. 218. se aliquando demonstraturum promisit: *Coelium inter Serueti amicos et Sectatores fuisse.* SANDIUS tamen Bibliothecam suam COELII nomine non auxit, nec id facile sine summa injuria facere potuisset, quod variis scriptorum ipsius locis demonstratum dedit *Schelhornius* l. c. ubi inter alia *Coelius Curio* p. 391. ita inquit: *Quid esse potest aut jucundius, aut magis proprium hominis Christiani, quam mens bene de Deo et Christo sentiens, atque omnem coelestem doctrinam edocta? — De Deo enim, semota Christi Filii Dei mentione certaue persuasione, Judaei, Philosophi, Maometes aequae subtiliter, splendide, grauiterque facere verba possunt. Verum cum Christum non teneant, sine fundamento aedificant, (est enim Christus Dei vera, unica et permanens imago, effigies et species) idcirco quicquid*

quid vel dicunt, vel cogitant, collabi ac effluere necesse est. — — Nos unum Deum in Christo, et unum Dominum Jesum Christum in Deo amplectimur, et colimus. Cum malam desertae purioris doctrinae famam ab inimicis sparsam animaduertit, ita in ep. ad FORTIUM COLLETTUM absque temporis significatione scripta, ac inserta epistolis illius adtextis editioni operum *Olympiae Fulviae Moratae*, Basil. 1580. 8. p. 380. scribit: „Miror, quod et PETRUM MARTYREM et nos adhorteris, ut monumentum aliquod edamus, quo nos in sententia semel bene diuinitusque suscepta persistere testemur. Nam si vnicuique obloquenti aut detrahenti esset respondendum, aetas hominis ipsa non satis esset, ut vel paucis responderes. At finendi sunt latrare canes, qui mordere non possunt: et vnicuique suum munus et officium nauiter est persequendum. Satis superque respondetur, si vita professioni respondeat: quae potentior est ad persuadendum, quam PERICLEA vlla *περίκλησις*, aut CICERONIS eloquentia. Tametsi nec scripta desint: siquidem scriptiorem requiris, PETRUS MARTYR egregia adornat monumenta, quae propediem edentur. Et nostra jam manibus hominum teruntur, et cum verbis, tum factis luce clarius testantur, nos ab omni falsa abhorreere religione, et unum Deum colere in vno Jesu Christo, quo duce et auspice neque famem, nec carcerem, nec mortem extimescimus.” Memoriae quidem proditum est, Coelio fuisse cum LAELIO SOCINO et BERN. OCHINO amicitiam, ob eam vero solam parium cum his accusari nequit. Et Melanthon et Bullingerus, aliique honorifice adeo de Laelio senserunt, et Ochini pietatem innumeri praedicarunt, quibus heterodoxiae maculam nemo facile propterea adsperferit. Mirum enim non est, omnes Transalpinos et Italos, patria terra ob qualemcunque religionis professionem profugos, inter se tenuisse amicitiam, qui tamen ideo non omnes in disciplinae sanctioris placitis ex asse consenserunt. Ob communem patriam Curio quoque cum Francisco Stanckaro a. 1570. Basileae amicitiam iniit, et die 4. Martii suum

conterraneum prouidae Bullingeri curae per epistolam commendauit. De institutione Christianae religionis, a Curione edita, DAU. CLEMENT in *Biblioth. hist. et Crit.* T. VII. p. 377. ita iudicat: *L'Auteur a menagé ses expressions, en sorte qu'elles peuvent avoir un sens orthodoxe, et laisser cependant quelques doutes sur son orthodoxie.* Interim tamen ex Curionis libro p. 15. locus ad citari potest, cui Antitrinitarius vix calculum suum adjecisset. Bonam Coelio S. C. Orthodoxiae famam occasione recensitionis libri ejusdem de amplitudina regni Dei Daniel vindicauit Gerdesius in *flor. libb. rar.* eumque aduersus Socinianismi suspicionem defendit; nec non Freytagius in *Analeët. litt.* l. c. p. 281. Ita autem Gerdesius l. c. p. 84: „*Quamquam inficias ire non velimus, Virum ingenio Italico praeditum, quique non fuit professione Theologus, sed litteras excoluit et docuit humaniores, in breui illa PARAPHRASI IN PRINCIPIMUM EUANGELII JOANNIS, quaedam incaute posuisse, quae illum in hanc suspicionem adducere possent; tamen reliqua eius scripta contrarium edocent et euincunt, quod Iesum Christum, verum Dei Filium et verum Deum agnouerit; Praeterquam quod Basileae, ubi vixit et scripsit, nemo, nequidem SIMON SULCERUS, hostis nouaturientium acerrimus, ei umquam propterea molestiam exhibuerit, neque etiam VERGERIUS, quocum tamen ipsi similtas satis erat magna, id ei umquam exprobrauerit, haud silentio transmissurus, si tales errores exitiales obiicere ei jure potuisset. Tam igitur CURIO non fuit Vnitarius, quam eius gener HIERON. ZANCHIUS, ob scriptum librum de tribus Elohim, non fuit Tritheita.*” In libro allegato Curio numerum electorum s. saluandorum in regno coelesti, multo majorem futurum, quam reproborum, demonstrare studuit; quod paradoxon suum sententiae de absoluto decreto superstruit, cui conuenientius esse asserit statuere, plures ad vitam aeternam a Deo electos fuisse. Argumenta, quibus ad confirmandam hanc sententiam usus est, Niceronius recensuit. P. P. Vergerius eum accusauit, quod in hoc

opu.

opusculo statuat: Homines solis naturae viribus, sine Christo salutem consequi posse. Quid ad hanc criminationem responderit, ex duplici eius Apologia cognoscitur. Librum *Coeli* a *Conrado Vorstio* esse concinnatum, *Baldwinus* l. c. p. 482. falso perhibet. Librorum ab ipso eiusque filiis *Coelio Horatio* et *Coelio Augustino* editorum catalogus e MSC. nec non epistolarum ineditarum ipsius e MSC. legitur in *Museo Heluetico* P. XXVIII. Art. 2 et 3. Celebre quoque — — nomen est *Georgii Coelii*, cuius mentionem facit *Nicol. Clenardus* in ep. anno circiter 1541 scripta ad Christianos de professione Arabica, militiaeque constituenda aduersus Machometum, inserta eiusdem Epp. Antverpiae 1566 editis L. II. p. 218.

Pauciores sunt, quos circa hoc tempus in reliquis Europae regionibus, *Italia* excepta, a scriptoribus historiae ecclesiasticae, haereseos in doctrina de S. Trinitate et Deitate Christi accusatos animaduertimus. Vel enim re ipsa pauci tantum audaciae habuerunt, ut inter pontificios diuina mysteria suis impugnarint dubiis, cum ubique tristissimis vestigiis, terribilique inquisitorum igne ac flammis Ecclesiam tuentium tyrannide, cautius imercari admonerentur; vel etiam si qui fuerint horum tamen nomina et fata, notata non legimus, multo minus accurata dogmatum ab iis expositorum delineatio ad nostram aetatem peruenit. Inter *Gallos* tamen, *STEPHANUS DOLETUS* nominatur, qui anno 1509 *Aureliae* natus paria fere, quae *Seruetus* fata expertus est, fortassis quoque, cum eodem, si non in omnibus, in quibusdam saltem placitis, consensit. Filius naturalis *Francisci* I. Galliae Regis fuisse dicitur. Postquam *Lutetiis*, *Paduae* et *Venetiis*, elegantiores litteras, inprimis vero Oratoriam didicerat, circa annum 1532 *Galliam* repetiit, et in *Academia Tolosana*, quae propter studium iuridicum isto tempore inclauit, ita ut ibidem ex omnibus Europae regionibus, *Iuuenes themidi* sacraati confluerint, scientias iuridicas quacunque

diligentia coluit. Sed nimia in dicendo licentia et irreverentia aduersus superiores, multa sibi incommoda, immo carcerem quoque anno sequente contraxit, ex quo quidem fide emendationis facta post vnum mensem liberatus, sed simul, quia fauoris in *Lutherum* immo *Atheismi* et impietatis accusatus, e *Tolosa* proscriptus et exterminatus est. Hinc *Lugdunum* Gallorum, quo loco correctoris munere apud *Sebast. Gryphium* fungebatur, et inde 1534 *Lutetias* concessit, iterumque a. 1536. *Lugdunum* repetiit, vbi officinam librariam et typographicam instruxit, ex qua ab a. 1538 plures prodierunt libri typis exscripti. *Lugduni* moderamine inculpatae tutelae coactus, hominem vitae suae aggressorem, a. 1539. interfecit. Post hoc fatum *Lutetias* repetiit, ibidemque iterum captiuitate constriktus, mortis supplicium aduersus eum a. 1545. enunciatum est, cumque nemo pro eo intercedere auderet, tanquam haeretico, vel vt credebatur, Atheo, anno aetatis suae 37 ad flammam damnatus est. Haec mortis sententia die 3. Aug. qui S. *Stephano* sacer, quo ipse natus erat, a. 1546. *Lutetias* exacta, ita vt primum fune suffocatus, deinde in *Malbertina* area, combustus fuerit. Plura de eo, eiusque libris *Niceronius* l. c. p. 376—397. *Matairius* in *annal. typograph.* T. III. p. 32. T. IV. p. 80. *Clement*, in *Biblioth.* T. VIII. p. 420. *Joecherus* l. c. T. II. p. 168. exposuerunt. *Hoffmannus* in *Dict. vniv.* sub tit. *Stephanus* notauit: *Doletum* multa graece latineque res gestas, inprimis *Francisci* I. ab a. c. 1513 vsque ad 1539 scripsisse. Plura eiusdem scripta allegata reperiuntur in *Verderii Biblioth. Gall.* p. 278. 279. et in B. A. P. I. p. 245. seqq. *Baylius* l. c. T. II. f. 321. tit. *Dolet.* not. D. ex *Petro Galandio*, quem vitam *Doleti* scripsisse obserauit, narrat: eundem longi carceris illuue foedatum, prima accusatione impiae fraudis reum, *Castellano* supplice, (Praefule doctissimo, quem *Franciscus* I. Rex Galliae magni fecit,) carcere emissum, et omni noxa condonata liberatum esse; quod de prima eius incarceratione valet.

Cum

Cum promissum de vitae et morum emendatione non expleuisset, iterumque, ut diximus, incarcerationatus esset, nec *Castellanus*, nec alius quidam, pro eo denuo precari ausi sunt, sed iudicii ecclesiastici decretis relictum, truculentae mortis supplicium tulisse. Quodsi recte iudicauerit Jo. CALVINUS in tract. *de scandalis*, in tract. theol. p. 90. de *Dolet*, quem *Serueto* jungit, non immerito in Antitrinitariorum classem collocatur. Ita autem CALVINUS: „*Agrippam, Villanouanum, Doletum, et similes, vulgo notum est tanquam Cyclopas quospiam, Euangelium semper fastuose spreuisse. Tandem eo prolapsi sunt amentiae et furoris, ut non modo in Filium Dei execrabiles blasphemias euomerent, sed quantum ad animae vitam attinet, nihil a canibus et porcis se putarent differre.*” PRATEOLUS in *Elencho* haeret. voce *Athei*, numero Atheorum DOLETUM inserit. Notauit Baylius l. c. N. G. in *Juuenilibus Theodor* BEZAE, prima vice, sine loci et anni commemoratione in 16. editis p. 31. Epitaphium in laudem *Doleti*, a *Beza* scriptum reperiri, quod vero in editionibus recentioribus expunctum fuerit. Posset inter Antitrinitarios Gallos CLAUDIUS *Allobrox* recenseri, cum *Allobroges* pro Galliae populo habeantur, quem *Bernates* armis sibi subjecerunt. Sed de eodem paulo ante dictum.

Ex *Hispanis* Jo. VALDESIUS, a *Sandio* in B. A. p. 2. in *nucl. H. E.* p. 429. et in append. p. 92. 93. inter Unitarios numeratur, vel *Ital*is circa idem tempus inclarescentibus familiaris, vel saltem ob susceptum errorem ab illis non prorsus alienus. Fuit is nobilis Hispanus, et referente *Melch. Adami*, in *vita Petri Martyris* p. 31. a *Carolo V.* dignitate equestri ornatus, juris consultus, et Regi Neapolitano ab epistolis, qui circa annum 1542 floruit, secundum alios vero jam a. 1540 mortuus dicitur. Cum *Carolo V.* in Germaniam venit, ibidemque ex consortio cum Euangelicis instituto, et lectione librorum a piis Reformatoribus scriptorum, puriori disciplinae concii-

conciliatus est. Commercium epistolicum cum ERASMO ROTEROD. coluit, cujus ad illum et Joannem plures epistolae extant in *Opere Epp. Erasmi* edit. *Basil.* fol. a. 1558. v. g. p. 616. 619. 811. 955. 965. 994. 1847. etc. Ex his patet Joannem germanum fratrem fuisse ALFONSI VALDESII, qui in adrecto indice nominatur *Theologiae Professor et Ecclesiastes Burgis, Caroli Imp. Secretarius. Alphonsus Valdesius* in comitiis Augustanis a. 1530. praesens fuit, habuitque ibidem d. 18. Jun. colloquium cum MELANTHONE, cuius meminit GE. COELESTINUS in *historia Comitiorum Augustae* a. 1530 *celebratorum*. T. I. f. 93. b. De eodem Erasmus Roter. in ep. ad Cornelium Scipperum, qui Caesari a secretis fuit, in *epp. Illustr. et Clar. Vir.* p. 347. *Rogo, fac sciam, quid acciderit Alfonso Valdesio.* Adfuit in Comitatu Caesareo Augustae, cum confessio ab Evangelicis sollemni actu exhiberetur, ibidemque exoptatissimam nactus est occasionem colloquendi cum purioris Evangelii Doctoribus, quibus colloquiis animus ejus ad suscipienda sacra Evangelicorum praeparatus est, quae deinde aliis priuatim ac prouide commendauit. Vale hinc muneribus aulicis dixit, et Neapolin contendit, quo loco vitam priuatam duxit. Fertur ex Germania secum Neapolin scripta *Lutheri, Bucerii et Anabaptistarum* aduexisse. V. *Maimburgii Hist. Arian.* T. II. p. 463. *Bernardinus Ochinus* sententiam suam, contra orthodoxam de Trinitate opinionem, ex eodem imbibisse perhibetur. Auctor *hist. Socin. Gall.* P. II. p. 206. eum inter primos Lutheranos collocat, qui Neo-Arianismum susceperint, ac perhibet, quod *Beza, Valdesio* hujusque socio, *Petro Martyri* auctor fuerit, relicta Pontificiorum religione, ad Evangelicorum coetum transeundi; sed vtrumque et alia, quae de *Valdesio* profert, nulla auctoritate fulsit, hinc cum pluribus aliis ab eo expositis esse efficta, non sine ratione iudicandum. *M. Adami* l. c. de eo prodit, quod postquam a Deo verae religionis agnitione donatus fuerit, vitam in Italia et praecipue Neapoli egerit, quo loco doctri-

na et sanctissimo vitae exemplo, quam plurimos, praesertim nobiles Christo lucrificerit, eoque tempore non spernenda Ecclesia piorum hominum in vrbe Neapolitana fuerit. Erant in illo coetu, narrante *Jofia Simlero*, in *vita Petri Martyris*, p. 7. multi viri nobiles et docti; multae etiam excellenti virtute feminae, inter quas praeter alias illustres et vere heroicas, nobilissima *Heroïna Izabella Manrica* (cui *Bern. Ochinus* librum de praesentia corporis Christi etc. dicauit) fuit, quae postea Christi nomine a patria exfulauit. Fuit in hoc coetu piorum *Galeazzius Caracciolus*, *Marchio Vici*, et alii magni viri, post exules, *Valdesio* in colligendo coetu, *Petrum Martyrum Vermilium* praesto fuisse, certum quibusdam videtur. Prima haec reformandae in Italia ecclesia auspicia, a iudicio, quod haereticis puniendis inuigilauit, disturbabantur, quo factum, vt alii ex iis, qui his piis coetibus interfuerunt, fidem suam ecclesiae pontificiae iterum testarentur; alii vero puriorem doctrinam seruantes, in exteras regiones fuga sibi confulerent.

Valdesium maxime aduersus pontificiorum dogmata, de merito operum, propriaque ac imaginaria hominis iustitia pugnasse, *Baylius* notauit. Complures quoque superstitiones detexit, non tamen cum adplaudentibus sibi ultra justificationis articulum processit, coeterum et publica sacra frequentauit et missis interfuit. Mirandum sane est, quod medios inter Pontificos et *Neapoli* quidem degens, flaminis euaserit. *Ministri Sarmatiae* et *Transylvaniae*, de vera et falsa Dei cognitione, ad *Valdesium* secum consentientem prouocant, sibi que de eodem gratulantur. Ita vero L. I. C. III. *Sandio* verba allegante inquirunt: „De *Joanne* etiam *Valdesio*, genere et pietate clarissimo, quid dicendum? Qui scriptis publicis suae eruditionis specimina nobis relinquens scribit, se de Deo, eiusque Filio nihil aliud scire, quam quod vnus sit Deus altissimus, eius filius, qui conceptus est de Spiritu S. in utero virginis: vnus

et amborum spiritus.” Quae verba a nemine, nisi male de Christo sentiente in aduersam partem explicari possunt. Quae Baylius l. c. ex Galeazzii Caraccioli vita, de Anabaptistarum Antitrinitariorum secta eodem tempore Neapoli orta, exponit, quibusdam persuaserunt, *Valdesium* non immerito in numerum eorum collocari, qui in loco de S. Trinitate, a veritate stabilita discesserunt. Vix tamen haec ratio adeo valida est, ut iure quodam pio viro haereseos nota infligi possit. Ne Pontificii quidem, quibus *Valdesius* alias imprimis exosus est, eum erroris in hoc articulo, quantum scio, postularunt, quamuis eum in Indice Hispanico et Romano inter auctores prohibitos referunt. In epistolis *Jacobi BONFADII*, (viri eruditissimi, circiter a. 1550 *Genuae* propter religionem capite plexi et flammis traditi,) quas edit ANTON. SAMBUCA, QUIRINI *Purpurati* Secretarius, *Bresciae* 1746. legitur p. 20. seqq. ep. ad CORNESECUM data, plurima JOANNIS VALDESII eloquia complectens, qui tamen propter susceptam euangelicam veritatem pontificiis pessime audit. ANT. CARACCIOLUS in *Collectaneis historicis de vita PAULI IV. P. M. Colon.* 1612. 4. ita de eodem iudicat: „*Vnus JOANNES VALDESIUS Hispanus, qui 1535. Neapolin venit, longe maiorem mentium stragem dedit. — — — Hic enim litteris tinctus iis, quae ad comparandam eruditi opinionem satis vulgo essent, placido aspectu, quique innocentiam praese ferret, comitate, suauitateque sermonis, teterrimam impietatem, incredibili vaframento occultabat. Itaque breui ad se traxit multos, his articulis illectos deceptosque. In his duo fuere, caeteris omnibus insigniores, et digna corvo oua, BERNARDINUS OCCHINUS et PETRUS MARTYR VERMILIUS, ambo haereticorum postea antesignani.*” Schelhornius l. c. T. II. p. 47. seqq.

VERGERIUS in *Animaduersionibus ad primum indicem prohibitorum*, qui a. 1549. *Venetis* auctore DELLA CASA prodiit, quo ipso anno *Vergerii* liber lucem adspexit, tria
haec

haec JOANNI VALDESIO tribuit scripta. 1) Modo di tenere nell' insegnar, et nel predicar al principio della religion Christiana. 2) In qual maniera si douerebbono instituire i figliuoli de Christiani. Idem notat, vnus plagulae esse opusculum. 3) Cento considerationi et alcune domande et risposte. Hunc librum *Vergerius* significat, quam primum typis exscriptum compariturum. Eius *commentarius in epistolam ad Romanos, brevis*, hispanice scriptus, Venetiis 1556. 8. lucem vidit. Mentionem libri huius faciunt SANDIUS l. c. LE LONG in *Bibl. sacr.* p. 997. alique. *Anthוניus* autem, in *Biblioth. Hisp. nov.* T. I. p. 606. inter *Valdesii* scripta eundem non recenset, observante *Walchio* in *Biblioth. Theol. sel.* T. IV. p. 690. V. Bayle l. c. not. E. Reliqua eius opuscula *Sandius* l. c. allegauit. De eodem *Simlerus*: *Scriptis dialogos Charontem et Mercurium, impressos Italice. Item in Psalmos aliquot, in Euangelium Mathaei et Joannis et quaedam alia. Considerationes piae et doctae Valdesii* primum hispanice scriptae, deinde in Ital. Gall. Angl. Holl. et Germ. linguam translatae prodierunt. Italica versio hunc prae se fert titulum: *Le cento et dieci diuine consideratione del S. Giouani VALDESSO nelle quali si Ragiona delle cose piu utili, piu necessarie, et piu perfette, della Christiana professione, I Cor. II. Noi vi ragionamo della perfetta sapientia, non della sapientia di queste mondo etc. In Basilea 1550. 8. I Alphab. 8 pl.* Praefationem libri scripsit *Coelius secundus Curio*, qui id meritis *Petri Pauli Vergerii* accenset, quod liber, quem non immerito maximis effert encomiis, publicae luci committi potuerit, quippe qui eundem ex Italia, vt optimi thesauri particulam secum tulerit. Liber omnino commendatione indignus non est, qui nonnulla pio affectu et ascetice dicta, istoque tempore non facile obuia continet; quaedam etiam, quod recentissimis aliquando asceticis et paraeneticis scriptoribus euenit, parum caute et sobrie dicta, ac praeterea frequentissimas dictorum repetitiones. Blasphemias autem aduersus Dei verbum,

bum, quarum aliquando hae meditationes accusatae sunt, in iisdem lectis ac relectis, nullas animaduerti. V. BAYLE l. c. Not. D. et *Bezae opera* T. III. Ep. IV. p. 200. CURIO easdem cum *Boccacii* narrationibus confert, quas quidem respectu dictionis elegantioris illis praefert; *Valdesii* vero meditationes ratione argumenti, multis modis antecellere *Boccacii* librum iudicat. Nemo facile aequus rerum arbiter ansam peteret ex illis auctorem erroris de S. Trinitate et Deitate J. C. criminandi; qui potius medit. LXXXV. de diuina Christi natura, orthodoxam confessionem exponit, et medit. XCV. transcendere captum humanum, generationem aeternam Filii Dei, et regenerationem filiorum Dei ex aqua et spiritu, testatur, maximamque humanae curiositatis temeritatem corripit, qua sciscitari audent, qua ratione Filius Dei, λογ. appellatur, cum ne quidem terrena hominis generatio a mortalium quodam perfecte explicari possit, multo minus aeterna ac diuina, quae cum humana nihil omnino habeat commune. Medit. CIX. differtis verbis vtramque in Christo confitetur naturam, diuinam et humanam, et vtrumque statum secundum *diuinam naturam*, eum esse λογον Dei, Filium Dei, eiusdem cum Patre essentiae, cum eodem vnum, ipsique adeo aequalem, vt *Philippo* dicere potuerit: *qui me videt, Patrem videt*. Ipsum esse verbum, per quod omnia creata, *Moses* eloquitur, cum dicit: Deus inquit: *Fiat lux* etc. et *Dauid* Ps. XXXII. Ab eodem conseruari vniuersum, prout dicitur: In eodem fuit vita, Deusque fert omnia efficacissimo suo verbo. Λογον in vtero Mariae virginis, Spiritus S. virtute, humana carne esse vestitum, vt omnia renouaret, quemadmodum ab eodem omnia sunt creata et adhuc conseruantur. Eundem esse, de quo *Jesaias* C. LIII. varicinatus, et *Ioannes* testatus: In initio erat verbum, et hoc erat apud Deum, et verbum hoc erat Deus, qui caro factus est.

Iungimus *Valdesio* popularem, ALPHONSUM LINGUARIUM, *Tarraconensem Hispanum*, a *Sandio* in Biblioth. p. 40. notatum,

notatum, quem scripsisse narrat: *Libros quinque declarationis Jesu Christi Filii Dei: siue de unico Deo et unico Filio ejus; Ministrosque Sarmatiae et Transylvaniae l. c. L.I. C. III. postquam dixerunt: „Quid Martinus Cellarius non est molitus, ut istas fores posteritati aperiret, ejus scripta legito,”* subjunxisse allegat: „*Quid et Alphonsus Tarraconensis, qui quinque libellis de vno Deo, et unico eius Filio, contra communem et receptam doctrinam, Aristarchorum docentium tyrannidem et superbiam egregie perstrinxit. Quae de Serueto, eiusque libris narrat Alphonsus in praefatione libris suis praemissa, Sandius l. c. p. 15. exscripsit. Plures quidem in historia litteraria nominis hujus et patriae inclaruerunt, sed quis hic Alphonsus fuerit, quaeque habuerit fata, nondum resciscere licuit. An idem fuerit, qui Alphonsus Cordubensis, Professor scholae Complutensis, anno 1542 mortuus; an Alphonsus, qui a veteris castellae vrbe Burgos, Burgensis nominatur, valde dubito; de utroque enim quod librum allegatum scripserint, non inueni.*

§. VII.

Inter principes recentioris aetatis Antitrinitarios *Michael Seruetus*, Medicus hispanus, editis 1531 libris septem de *Trinitatis erroribus* et 1532 *dialogis duobus de Trinitate*, sparsisque oretenus erroribus conceptis, quibus orthodoxam de diuina essentia et tribus in ea personis sententiam inuasit, magnam in Hispania, Italia, Gallia et Heluetia famam consequutus est. Sibi ipsi autem audacissimo conatu ac insipido zelo verum restituendi Christianismum, et ab omnibus statutis humanis, ut putabat, repurgandi Ecclesiam, quae consilia, libro a. 1552 vulgato, cui titulum fecerat: *Restitutio*

Christianismi, exposuit, tristissimum contraxit factum, cujus memoria non absque horrore summaque aduersus illos indignatione, qui ipsi illud contraxerunt, renouari potest.

*

*

*

Michael Seruetus, hispanice *Seruedo* alias *Reues* dictus, quod fortassis nomen ex transpositione litterarum nominis sui, quo tutior lateret, adsciuit; quamuis aliis probabilius videatur, illud maternae stirpis nomen, alterum gentilitium esse, quod more nobilium Hispanorum, nomini a patre accepto adjunxerit. Perhibent quidam eum quoque nomen *Reues* vel *Reunes* tulisse, quod vero ex errore calami, male scripto nomine, *Reues*, ortum videtur. A Patria *Michael Villanouanus*, vel simpliciter *Villanouanus* dictus, quo cognomine post annum 1532 vsus est, cum editis duobus scriptis prioribus, quibus nomina *Seruetti* et *Reues* praefixa erant, tutus in Gallia commorari non posset. Tantum de hoc viro dictum et scriptum est ab eruditis, quantum vix de vilo alio, ut parum supersit, quod noui et incogniti de eodem a me dici queat. Praeter ista enim, quae leguntur in BAYLII Lex. hist. crit. eiusdemque Opp. T. I. p. 421. T. II. p. 111. 517. 564. seqq. T. IV. p. 640. BOYSENII diss. de *Mich. Seructo*, in *Biblioth. Brem. fasc.* V. n. IV. p. 739. seqq. BUDDEI addendis ad *Isagog.* p. 123. seqq. HOTTINGERI H. E. Helvet. T. III. p. 544. seqq. a SEELEN *select. literar.* n. 11. p. 34. seqq. *Mich. de la Roche Biblioth. Angloise* T. II. p. 76. *Jac. Ge. Chauffepie Dict. Hist. et Crit.* T. IV. p. 219 — 245. NICERONII *Memoires*, T. XI. p. 224. HEINSII H. E. T. II. p. 202. ZELTNERI *centuria correctorum erudit.* p. 496. historiam *Seruetti* tradidit plenissime Moshemius a. 1727. ex fontibus haustam. Hanc sub censuram vocauit ARMANDUS DE LA CHAPELLE, qui veneratione

ratione commotus, in *Jo. Caluinum*, cujus famam historiae hujus explicatione laesam judicauit, calamum strinxit, in *Bibliothèque raisonnée*, P. II. et III. Idem vero *Moshemii* scriptum emendaturus, in haud pluribus a veritatis tramite aberrauit, et in causa *Caluini* defendenda ultra modum excessit. Primum de *Serueto* laborem *MOSHEMIUS* multis modis correctum et auctum absoluit in opere, *Uderweitiger Versuch einer vollständigen und allgemeinen Reher = Geschichte. Helmst. 1748. 4.* in quo documentis Msscc. *Senatus Geneuensis*, qui in *Serueto* mortis sententiam tulit, vsus est, illaque ex parte libro suo adjunxit. In hoc opere, exquisitissimo licet studio concinnato anonymus errata quaedam notauit in *den freymüthigen Nachrichten von neuen Büchern etc. Tiguri 1749. 4. p. 210. sqq.* Scripto interea suo supplementa adjecit, sub tit. *Neue Nachrichten von dem Spanischen Arzt, Michael Serueto, der zu Geneve ist verbrannt worden. Helmstädt 1750. V. noua acta erud. 1751. p. 297 — 311.* Prolixiorem *Serueti* Historiam, quam *Moshemius* exposuit, in compendium redegit *J. A. Ch. von Zinem* in *Moshemii vollständigen K. G. des N. T. Tom. VI. p. 56. seq.* His eruditorum operibus, varia additamenta contulit *Mr. Abbe D'Artigny* in *nouveaux memoires d'histoire, de critique et de litterature. T. II. 1749. 12.* qui acta litis in causa *Serueti* scripta, quae in Bibliotheca Archiepiscopali Viennensi seruantur, inspexit. Ex his subsidiis *Serueti* historiam ita in compendio tractandam constituimus, vt ea saltem exponamus, quae cum veritate conuenire arbitramur, absque multorum testimoniorum repetitione, quae in absolutissimo *Moshemii* opere, hujusque supplementis allegata, immo etiam verbotenus exscripta, leguntur.

SERUETUS Villae nouae (Villanueua) in Arragonia natus; expresse enim in titulo vtriusque libri, de Trinitatis erroribus, et in dialogis de Trinitate Michael Seruetus ab Arragonia Hispanus vocatur. Lucem hoc loco adspexit

a. 1509, quamvis *D'Artigny* l. c. Tom. II. p. 102. tradat, eum *Fudellae* in *Nauarrae* regno a. 1511. fuisse in hunc orbem expositum. V. *Chauffepie* l. c. Tom. IV. p. 219. Prognatus non ignobili genere et honestis parentibus, non judaïcis, qui falsissimus rumor percrebuit; sed christianis, iisque opulentis, qui bonae educationis beneficium in ipsum collocarunt. Pater ipsius juris consultus, Notarii officio fungens, filium muneri ecclesiastico dicauit, ac in coenobio quodam *Dominicanorum*, litteris imbui curauit. Probabile saltem id videtur, quamvis valido argumento, vel expresso testimonio confirmari nequeat. Extra dubium autem positum est, vitam coelibem ipsum egisse, quod in *restitutione Christianismi*, p. 430. de se testatur. Cum *QUINTANO* ordinis dominicani, Caesari *Carolo V.* a confessionibus, apud quem *Seruetus* amanuensis vel famuli negotia habuit, a. 1528. in *Galliam* atque *Italiam* profectus, *Bononiae* coronationem noui Imperatoris, ac simul Pontificis Romani pompam, quem maximo cultu a populo susceptum vidit, et hoc ipso adspectu idololatriam profanam primum auersatus est. Ipse in *Rest. Christ.* p. 462. testatur, quod idololatrici cultus contemplatione, ira ac indignatione in coetum Romanum accensus fuerit.

Sunt haud pauci, qui perhibent, illum, antequam in *Galliam* profectus fuerit, *Africam*, ad addiscendam linguam Arabicam, quo *Corani* principia ex fontibus disceret, salutasse, et in hac orbis parte, placita aduersus mysterium S. S. Trinitatis in *Judaeorum* ac *Muhamedanorum* scholis hausisse. Inter quos praeter alios est, *Jo. MANLIUS* in *loc. comun.* T. III. p. 21. *MAIMBURGIUS* in *Hist. Arian.* T. I. C. 12. p. 451. Alii, quibus propter iuuentutem ejus id probabile non videtur, eum post commorationem *Basileae*, ad Africanos transiisse sibi persuadent. Alii denique, in *Africam* profectum credunt, postquam *Lutetiam* antea inuiserit. *Lubienecius* l. c. p. 96. in genere profectionem hanc ejus adfirmat, his verbis: *ut ingenium*

genium excoleret, in Africam quoque (ut leuis est ex Hispania in Africam traiectus) transfretauerat. Abdias Praetorius in annot. ad confessionem Armeniorum de Trinitate et Filio Dei Christo Jesu, Witebergae 1570. 8. p. 50. ita narrat: „SERUETUS Hispanus homo leuis, vanus et vagus, Judaeis magis, quam Christianis indulgens, et priuato iudicio sensuique plus, quam vsitatae doctrinae tribuens, et non tam institutione, quam ingenio fretus, ut αὐτοδιδάκτος magis, quam Θεοδιδάκτος fuerit, ad huius doctrinae, (de Deo trinuno et filio Dei J. C.) oppugnationem sese conuertit. Qui cum tota esset Europa relegatus, in Tingitanam regionem, (territorium urbis imperii Fessani, vulgo Σεξ, Tanger lat. Tingis innuitur,) profectus, Caesariam adiit (Caesarea Palaestinae sine dubio intelligitur), ubi celeberrimae dicuntur esse cum Iudaeorum, tum Muhamedanorum scholae: in quibus et ipse studia sua semel inchoata continuauit et confirmauit. Id consecutus in Europam rediens, virus illud magis etiam disseminauit, multos a se sectatores in Alpiniis regionibus relinquens.” Si vere in Africam transfretauit, id tamen mala intentione eum fecisse, nemo adhuc certo probauit. Discendae porius linguae arabicae causa, et ut medicos Arabes in fontibus legere possit, eum hoc suscepisse iter, si suscepit, probabilissimum videtur. Nemo eiusmodi iter vitio vertit NICOL. CLENARDO, qui circa idem tempus ex Hispania in Africam traiecit, ut librariam Arabicae eruditionis suppellectilem sibi compararet, et maiora in hac lingua caperet incrementa; quod ex ipsius epistolis, maxime illis, quas ad JAC. LATOMUM a. 1539 et 1540 dedit, cognoscimus. Potuit SERUETUS absque pruritu noua parturiendi in theologicis salutare Africam, ad exemplum Medici illius, de quo CLENARDUS in ep. ad Joach. Politam, juris consultum a. 1537. d. 8. Jul. Eborae scripta, in epp. Clenardi Antverpiae a. 1566. 8. editis p. 91. narrat, quod in studio medico maiores progressus facturus, Arabicari coeperit.

Validis vero argumentis demonstrari potest, *Seruetum* nunquam vidisse *Africam*, nec linguam Arabicam calluisse, imo cum *Judaeis* et *Mahomedanis*. nullum commercium habuisse. Nec speciatim temporis spatium determinari potest, quo profectorem Africanam suscepisset; accedit, quod *Coranus* arabice Venetiis jam 1530 opera *Paganini Brixienfis* in lucem emissus absque profectio ad *Muhamedanos* legi potuerit. V. D. J. M. LANGII *diff. de prima Alcorani Arabici editione*. Mirum tamen est, quod jam olim haud pauci scriptores huius in *Africam* transfretationis mentionem faciant. GEORGIUS MAJOR, in oratione de *confusionibus dogmatum veteribus et recentibus* etc. habita in *Academia Witeberg.* et inserta Tomo VI. orationum in eadem ab a. 1565—71. habiturum p. Rr. 5. seqq. inquit: „*Samofatenicam meretriculam philosophicis coloribus belle fucatam et blandis illecebris allicientem curiosa ingenia, reduxit in Theatrum nostro saeculo SERUETUS Hispanus, qui diu fuit in Academiis Mahometicis in Numidia.*” Et JOANNES PRAETORIUS, *Orationum scholae Melanthonianae, quae ab anno 1571 usque ad annum 1574 in Academia Witebergensi scriptae et recitatae sunt*, Tomo VII. *Seruestae* 1586. 8. p. 158. inquit: „*MICH. SERUETUS, Hispanus, cum diu inter Mahometanos et Judaeos versatus et ipsorum opinionibus imbutus fuisset, ante annos quadraginta edidit libros de Trinitatis erroribus, in quos, quicquid ex omnibus Judaeorum et Turcarum scholis, et ex omnibus haereticorum execrandis blasphemis multo ante hauserat, congeffit.*”

Veri videtur simile, quod adhuc iuuenis in Hispania theologiae operam nauans, cum Reformationis per *Lutherum* in Germania inchoatae fama per *Hispaniam* quoque percrebuit, multique ibidem repurgandae Ecclesiae desiderio flagrarent, ipse de summa doctrinae et morum inter Pontificios corruptione, et de ecclesiasticae emendationis necessitate conuictus, opus illud aliquando perficiendi propositum

positum coeperit. Iuuentus ipsius, his, quae suspicamus, obiici nequit, cum *Seruetus* praecocis omnino ingenii fuerit, qui anno aetatis suae XIV vel XV narrante *D'Artigny* l. c. T. II. p. 57. linguae latinae, graecae et hebraicae gnarus, et in Philosophicis ac Mathematicis scientiis, nec non in Theologia scholastica exercitatus, anno vitae suae XX vel XXI. Libros *de Trinitatis erroribus* concinnauit, qui satis certo testantur, quod jam in patria studio Theologico operam nauans, eiusmodi iudicia de religione, in qua natus erat, tulerit. Qui praeter singulares in *Serueto* animi dotes, Hispanae gentis genium et indolem cogitat, quae superbiae mirum in modum dedita, sublimia quacuis cupit, et ad subtilissimas speculationes procliuis trahitur, non omnino improbabile iudicabit, quod adhuc iuuenis, immortalem sui famam ex suscipienda a se ecclesiae reformatione adfectauerit, atque in id studium omne collocauerit, repurgandi ab humani ingenii additamentis, inprimis a scholasticis diuinorum mysteriorum explicationibus Christianismum. Suorum igitur errorum maxima ex parte ipse auctor ac inuentor fuit; quamuis ipse testatur, opinionem suam de S. S. Trinitate non esse nouam, pessime autem errauit, cum hanc ab *Epiphanio* et *Tertulliano* deriuaret.

Quod in *Italia* primum semina errorum circa mysterium S. Trinitatis in collegiis et deliberationibus istis famosissimis suscepit, *D'Artigny* l. c. p. 58. 59. perhibet; sed veritate repugnante, cum *Seruetus* annum XV circiter agens a. 1525 vel 26. cum *Quintano* in Italiam profectus fuerit, quo tempore ista *collegia Vicentina* nondum instructa erant. Qui vero iudicat, in *Italia* a quibusdam, ad Arianismum propensis, *Serueto* instillata esse primum dubia et contraria argumenta, in doctrina de Deo et Christo, a vero alienus non videtur. Legit posthac, a *Quintano* itineris comes ac domesticus adoptatus, data occasione Biblia sacra, quae in Hispania ne oculis quidem

usurpauerat, et quidem, ut veri simillimum est, in fontibus; haud raro enim ad Textum Hebraeum V. T. provocat, et dicta N. T. graeca saepius scriptis suis inseruit, immo quaedam loca, ex genio harum linguarum explicare, et vulgatam ex iisdem emendare studuit. Patrum quoque ecclesiasticorum, inprimis antenicaenorum libros, in quibus apostolicam et puram veritatem conspiciere putabat, euoluit; quod ex allegationibus frequentioribus colligitur. Scholasticorum praeterea scripta tractauit, variaque in illis loca data occasione emendare studuit. *Lutheri* denique, caeterorumque de repurganda ecclesia bene merentium virorum opera, quae tum temporis per Italiam et Galliam celebrabantur, euoluit, quorum argumenta aliquando proponit, ac vel laudat, vel improbat. Indefesso hoc studio se edoctum arbitrabatur, Romanam Ecclesiam in quam plurimis a veritate et pietate defecisse, et genuinam Christi et Apostolorum doctrinam non nisi in S. Scriptura, et quibusdam vetustissimorum Patrum scriptis contentam esse. Hinc omnem in genere operam eorum, qui coetum Romanum adoriebantur, et oppugnabant, rectumque Euangelii lumen e tenebris protrahere studebant, laudauit, aut eam insufficientem, nec satis amplificatam statuit, ac *Lutherum*, sociosque ipsius timidos, haud pauca pontificiae Ecclesiae inquinamenta adprobasse, et in locum errorum deprauati coetus, non ubique veram Christi disciplinam, sed sui potius ingenii laruas suffecisse, sibi persuasit. Firmiter hinc apud se constituit, imperfectum *Lutheri* opus, cui in genere fauorem suum testabatur, emendare, ac Christianismum apostolicae puritati vindicare. Nec defuere ipsi consilia, zelus, constans studium, animique exacuatae vires, innouatum disciplinae theologiae systema construendi, quibus haud mediocris fastus calcar addidit. Hoc breui tempore conflato, sibi imaginabatur, quod Deus ipsum idoneum reformandae Ecclesiae instrumentum elegerit, ad hoc arduum negotium perficiendum diuina luce collustrauerit, et virtute coelesti instruxerit.

Quod

Quod mente haëtenus voluerat opus, jam perficiendum esse credidit, sicque doctrinam de *S. Trinitate*, cujus terminum quoad litteram in *S. litteris* non reperiit, et articulum de *Christi persona*, quem cum ratione conciliare non potuit, imprimis emendanda iudicauit, quod libris VII. de *Trinitatis erroribus* praestitum a se esse, pro certo habuit. Quod anno 1530 eodem tempore, quo *Augustana Confessio* in comitiis publice tradita, *Augustae Vindelicorum* praesens fuerit, multisque ibidem Theologis et *Martino* quoque *Bucero* innotuerit, quibusdam probabile visum est. Ex loco quodam epistolae, ab eodem ad *Oecolampadium* scriptae, quae secundum locum in *documentis a Moshemio historiae Seruetti* adnexis occupat, colligendum est, eum *Wittebergae* etiam adfuisse, ibidemque *Lutherum* et *Melanthonem* audiuisse. Factum hoc esse videtur, antequam *Augustam Vindelicorum* profectus est, et fortassis cum in principio anni 1530, cum *Quintano* iter suum ex *Italia* in Germaniam pararet. An vero isto praecise tempore inter *Quintani* domesticos adhuc fuerit, an vero haec seruitia jam reliquerit, dubium est.

Eodem anno 1530 *Basileam* profectus est, ibidemque dubia circa religionem concepta, proposuit, et cum quibusdam saepius oretenus et in litteris disseruit, ita quidem, vt ex vtraque parte non sine excitato animi fervore disputatum fuerit. Habitaë sunt istae disputationes mense *Oct.*, quod ex ep. *Oecolampadii*, die 25. *Oct.* 1530. ad *Mart. Bucerum Argentoratum* scripta, patet, quae in *Epp. Oecolampadii et Vlrici Zwinglii*, *Basil.* 1592. 4. L. IV. p. 865. legitur. Quamuis enim *Seruetum* in eadem non nominauerit, cuique tamen facile liquet, quod eum innuerit. Certaminis huius argumentum primarium ex duabus *Oecolampadii* epistolis ad *Seruetum* scriptis conspici potest, quas *Moshemius* actis et documentis l. c. p. 388 — 392. inseruit. Hac occasione editionem epistolarum *Zwinglii* et *Oecolampadii*, quae prodit *Basileae* 1548

fol. primam esse, *Moshemius* putauit; sed corrigendus est error Viri in re litteraria alioquin versatissimi. Exstat enim in *Bibliotheca Regia Regiom.* harum epistolarum editio, quae jam 1536. *Basil.* in fol. sub hoc indice prodit: D. D. *Joannis Oecolampadii et Huldrici Zwinglii epistolarum Libri quatuor, praecipua cum religionis a Christo nobis traditae capita, tum ecclesiasticae administrationis officia, nostro maxime seculo, tot haecenus erroribus perturbato, conuenientia, ad amussim exprimentes.* Opus cum primis eruditum ac pium renatique Euangelii studiosis apprime necessarium, nunc denique primum in lucem editum. Ad haec scriptorum *Jo. Oecolampadii et Huldrici Zwinglii* purgatio, per THEODORUM BIBLIANDRUM, sacram litterarum Tigurinae Ecclesiae Professore, conscripta. *Vtriusque vita et obitus, SIMONE GRYNÆO, WOLFFGANGO CAPITONE, et OSWALDO MYCONIO autoribus.* Epigrammata hebraica, ~~græca~~, latina, in eisdem. Rerum denique memorabilium locupletissimus index. In fine haec verba leguntur: *Ex inclyta Germaniae Basilea, per Thomam Platterum, et Balthasarem Lasium, mense Martio, Anno MDXXXVI.* In hac prima editione, binae istae *Oecolampadii* ad *Serueta* epistolae, primum locum p. I et 2. obtinent, pariter ac in altera, ex qua istas *Moshemius* exscripsit; nec vlla textus diuersitas a me obseruata est, nisi quod in antiquiori, ad primam epistolam haec addita sint marginalia: *de filiatione Dei. Verbum pro Filio. Verbi prolatio. Serueta confessio fidei. Fidei nostrae confessio.* In antiquiore hac editione fol. 186. b. legitur: *Joannis Oecolampadii de Serueta libello consilium, apud senatum Basileensem expositum, et a quodam eius studioso latinitate donatum, quod Moshemius p. 364. ex editione epistolarum Zwinglii et Oecolampadii Basileae 1592. 4. inseruit.*

Serueta impetus, quo doctrinam christianam oppugnavit, ex *Oecolampadii* exprobratione colligitur, qua eum reprehendit, quod Deum et generis humani Seruatorem blas-

blasphemiis petat, cum Judaeis rem communem faciat, et mali genii instinctu ducatur. Ita autem prioris epistolae initium facit: „*Jo. Oecol. Serueto*, Hispano, Domini „*Spiritum* precatur. Conquereris me tibi esse molestum, „et durum, mihi autem maior conquerendi causa est. „Quasi enim otiosus essem, obtrudis mihi, quicquid de „Trinitate Sorbona ineptiit. Aegre fers, quod *Athanasium* et *Nazianzenum*, optime meritos Theologos probem, nec more tuo confutem. Contendis tanto tempore Ecclesiam Christi a fundamento fidei suae amotam. „Non pateris, ut ad declarationem nominibus novis utamur; quod tamen tibi permittis in fingendis glossis pro tuo arbitrio. *Tertulliani* maior est honor apud te, quam totius Ecclesiae. Fingis, quasi nos humano more de filiatione Dei loquamur, et crude faciamus Filium Dei, aboleamusque honorem Filii Dei: id quod tum cum summa blasphemia facis; deprehendo enim diabolicas illas versutias. Interim dum non summam patientiam prae me fero, dolens Jesum Christum, Filium Dei sic dehonestari, parum christiane tibi agere videor. In aliis mansuetus ero: in blasphemiiis, quae in Christum, non item. Sed paucis iterum agam et rationem fidei reddam, non ut curioso et contentioso satisfaciam; sed ne vane perpetuo glorieris. Tu negas in vna persona duas naturas; ego juxta *Joannem* dico: Verbum caro factum est, etc.” *Seruetus* exinde de nimia austeritate *Oecolampadii*, deque modo secum tractandi, Christi civibus indigno, conquerendi causam habere putavit. Sine dubio apud *Bucerum* de hac seueritate *Oecolampadii* querelas exposuit, quam hic in epistola allegata defendit, monstratque, quod eiusmodi veritatis hostis lenius tractari non debeat. Nullum omnino haec disputatio priuata fructum habuit, quae ad plures aures non peruenerat, nisi quod *Zwinglium*, *Bucerum* et *Capitonem* de eadem certiores fecerit *Oecolampadius*. Inter hos *Zwinglius Oecolampadium* admonuit, ut omni cura prospiceret, ne

Serue

Seruetus errorum suorum monstris, *Arii* in ecclesia turbas renouaret. Is sibi, quod victor ex certamine hoc discesserit, et argumenta sua non soluta fuerint, persuadebat. In *Jo. Conr. Fueslini* epp. l. c. *Cent. I. n. XVI. p. 77.* *Seruetti* ep. ad *Oecolampadium* ex autographo legitur, in qua hunc mitigare, et ab eo impetrare studet, ne ipsum impediat libros suos in Galliam mittere; se tolerandum esse iudicat, quia neque ipsi *Oecolampadio* cum *Luthero* conueniat, et tandem *Oecolampadii* regulam de probandis spiritibus reiicit.

Paulo post memoratam disputationem opus *de Trinitatis erroribus* in Gallia fabricatum, typis publicandum constituit, illudque in hunc finem Bibliopolae *Hagenouien-si*, *Conrado Rouſio* tradidit, qui tabernam librariam *Argentorati* habuit, tum temporis vero *Basileae* mercandi caussa commorans, manuscriptum a *Serueto* acceptum, *Hagenouiam* in *Alsatia*, *Joanni Seccerio* typographo literato, formis imprimendum commisit. Audacissimum ac imprudens hoc auctoris omnino fuit coeptum, qui facile augurari potuisset, quod sibi libri huius publicatione inter Romano-Catholicos pariter ac Protestantes aduersa fata paraturus sit, qui iam sermonibus suis placido alioquin *Oecolampadio* bilem commouerat. Sed persuasio acceptae diuinae vocationis ad christianismum apostolicum pristinae luci restituendum, humanarum opinionum fecibus contaminatum, repurgandum, stolidaque ac superba imaginatio de omnipotentis Dei auxilio animo fanatico concepta, omnem prouide deliberandi facultatem abstulerant.

Prodiit liber *Hagenouiae* hoc titulo: *De Trinitatis erroribus libri septem per MICHAELEM SERUETO, alias Re-ues ab Arragonia Hispanum.* Anno MDXXXI. in 8. pl. 15. vel 119 fol. Sub ipso impressionis tempore *Seruetus* *Basileae* valedixit, ac cum eodem fortassis mercium suarum emtore a. 1531. *Argentoratum* profectus est. Hoc loco cum

eum *Capitone* et *Bucero*, qui iam per *Oecolampadium* de ipsius erroribus edocti erant, de efformata disciplina sua, circa articulum de Trinitate de persona Christi colloquebatur, nec dubium est, quin isti serio et constanter eum a conceptis fallaciis reuocare studuerint. Liber parum nitide in charta viliori exscriptus, per plures *Europae* provincias disseminatus, *Argentorati*, *Frankofurti* et in *Helvetia* publice in tabernis librariis venalis prostabat. Magno foetus sui amore captus auctor eius, iuuenis fere, qui nondum annum vitae secundum supra vigesimum egressus erat, praefixo nomine, spretis quibuscunque periculis sibi imminentibus, superbire voluit. Cautius mercari didicerant, et *Bibliopola* et *Typographus*, qui nomen suum et impressionis locum occultarunt, quare diu ignorabatur, quibus administris et quo loco liber impressus fuerit, multique fallebantur, qui eundem *Basileae* exscriptum coniiciebant, quam coniecturam acta manuscripta satis refellunt. Multam animorum commotionem ubiuis locorum excitabat liber, inprimis Protestantium Doctores diuulgatum eum aegerrime tulerunt, cum verendum omnino esset, ne repurgatae Ecclesiae aduersarii istum pestiferum reformationis et discessionis a religione Romano-Catholica fructum reputarent, ac Reformatores laesae Maiestatis diuinae accusarent, qua equidem criminatione veritatis restitutae confessores, iam antea in augustana confessione, damnando veteres et neotericos Samosatenianos, semet satis purgauerant. Quinam vero praecise sub *Neosamosatenianorum* titulo notati sint, certo dici nequit. *Serueti* errores anno demum sequente, quo liber eius lucem adspexit, innotuerunt; et si quis statuere velit, famam de iisdem in Germania ante editum librum sparsam fuisse; nemo tamen vlllo argumento probauit, quod *Seruetus* isto tempore, ante traditam confessionem doctrinae suae habuerit sequaces. V. BUDDEI *hist. Theol. litter.* continuata p. 125. 126. Qui ad *Jo. Campanum* vel *Hetzerum* verba ista trahi non posse credunt, cum

hi in specie placita, quae a piis Confessoribus damnantur, non docuerint, hac sola ratione, vix solidum argumentum adferunt, cum *Melanthon* horum errores communi quodam nomine notare voluerit. Certissimum quidem est, quod *Melanthon*, *Diss. I. contra horrendas SERUETI blasphemias*, §. 13. aliqui huius aevi Doctores, *Seruetum* pro *Samosateniano*, licet vtriusquae haeresiarchae errores non plane iidem sint, habuerint, quo ipso sibi iniuriam fieri *Seruetus* conqueritur in *Apologia de mysterio Trinitatis, et veterum disciplina ad Melanthonem, et eius collegas*, in *Restit. Christianismi*, p. 702. his verbis: „Hoc praestigium tu fascinatus, me *Samosatenum* vocas; cum ille hominem non agnouerit esse Filium Dei, ut refert *Epiphanius*; sed alium in Patre Filium dixerit, imaginari mortuum, ut vos dicitis vere *Magi et Samosateni*.” In libro VII. fol. III. b. de erroribus Trinitatis *Paulum Samosatenum* adeo pro signifero omnium haeticorum habet, qui veram de Christo doctrinam corruperunt, sicque satis aperte declarat, quod non eadem cum illo in loco de Christo fenerit; quamuis vtriusque sententia facile componi possit. Qui *Melanthonem* in loco confessionis Augustanae notasse *Seruetum* defendunt, ad acta colloquii *Wormat. T. IV. opp. Melanthonis*, p. 646. prouocant, ubi haec leguntur verba: *De primo articulo Aug. Conf. non est controuersia, in quo constat nostras Ecclesias fideliter defendisse communem consensum aduersus SERUETUM et alios*. Sed tantum ponderis hoc argumentum non habet, quantum illi tribuitur. Potuit enim scribi, quod in loco allegato communis consensus Ecclesiae aduersus *Seruetum*, et alios defendatur, quamvis tempore traditae confessionis nondum *Serueti* errores innotuerint, cum aduersus omnes Antitrinitarios orthodoxa doctrina de S. Trinitate et persona Christi in eodem stabiliatur.

Editus a *Serueto* liber adeo offendit Theologos Helveticos, aliarumque regionum, ut *Bucerus Argentorati*
pro

pro suggestu pronuntiaret, dignum esse eius auctorem, qui auullis visceribus discerperetur. V. CALUINI epp. ad Sim. Sulcerum p. 293. 294. OECOLAMPADIUS d. 18. Jul. a. 1531. ita ad Bucerum Argentoratum l. c. L. IV. p. 870. scribit: „CAPITO scripsit, librum de Trinitatis erroribus isthic in nundinis venalem fuisse: quem accepi quibusdam non Ecclesiasticis, immo nec Ecclesiasticis, sed ecclesiam nostram abhorrentibus mirum in modum placuisse. SEGERIUS gloriatus est, vel hoc nomine eximium librum, quia nobis concionatoribus displiciturus sit; quasi scilicet Luthero probetur, qui Marpurgi obiiciebat, de nobis tale aliquid sparsum esse. Dolet mihi nomine Gallicanarum Ecclesiarum et aliarum infirmuscularum: quae nouo motu stupefactae, nos quasi auctores essemus tantarum blasphemiarum, abominabuntur. Vereor ut hodie plurimae leues mentes sint, et hunc reperturum furoris sui adspiculators. — Sed prodeffet in scintilla incendium, quod expectatur, opprimi.” Idem ad eundem die 5. Aug. eodem anno inquit: Inuisti hac hebdomade Bernates, qui te et Capitonem salutant plurimum. Libellus de Trinitatis erroribus, a quibusdam ex illis visus duntaxat, supra modum offendit. Vellem te scribere Luthero, quod liber insciis nobis alibi excusus sit. Imprudentia enim erat, adscribere Lutheranis, iustificationis rationem eos ignorare, ut de reliquis taceam. Sed Photinianus ille, vel nescio cuius sectae homo, solus sapere sibi videtur. Nisi ab Ecclesiae nostrae Doctoribus explodetur, pessime auditura est. Tu prae aliis, oro vigiles, et si non alibi, certe in consutatione tua ad Imperatorem Ecclesias nostras excusa, utcunque haec bestia irrepsit. Abutitur omnibus in suum sensum, tantumne confiteatur Filium coaeternum Patri et consubstantialem.

Melanthon pro celebratissima sua moderatione in ep. ad Brentium, ipsius sententiam de hoc Serueti foetu expetentem, a. 1533. mense Julio scripta in epp. Melanth. p. 377. ita iudicat: „In Serueto multae notae comparent fanatici

fanatici spiritus. Nam de iustificatione video eum deridere doctrinam fidei, neque aliud docere, quam Augustini qualitatem. De discrimine V. et N. T. aperte delirat, cum Prophetis adimit Spiritum S. At Petrus inquit de Prophetis, Spiritus Christi, qui est in illis. De verbo, an sit substantia, iniuriam facit Tertulliano, et ut mihi videtur, etiam Irenaeo. Diligenter enim horum inquisivi sententias. Sed non dubito, quin paulo post magnae de hac re controuersiae oriturae sint. Etsi autem sunt pleraque, quae iure reprehendi possunt, in Scholasticis doctoribus, ipsorumque patre, de diuisione duarum in Christo naturarum: oportet enim statuere, Filium Dei naturalem humiliatum esse: tamen hoc mihi nequaquam placet, quod Seruetus Christum non facit vere Naturalem et genuinum Filium Dei, hoc est habentem corporaliter aliquid substantiae Dei. Hoc est illius controuersiae caput et summa. Si enim habet Christus aliquid naturae diuinae substantialiter, sicut necesse est, sequitur λογος significare tantum ipsum Patrem cogitantem, aut vo- sem transeuntem, sed aliquam in Christo manentem naturam. Haec velim cogites, deque eis mihi rescribas." Idem in ep. ad Joach. Camerarium, in volumine epp. eius ad hunc scriptarum, edit Lips. p. 200: „De Serueto rogas, quid sentiam. Ego vero video satis acutum ac vafrum esse in disputando, sed plane grauitatem ei non tribuo. Et habet, ut mihi videtur, confusas imaginationes, nec satis explicatas earum rerum, quas agiabat, cogitationes. De iustificatione manifeste delirat, περι της τριαδος, scis me semper veritum esse, fore ut haec aliquando erumpereat. Bone Deus quales tragoedias excitabit haec quaestio ad posteros ει εστι υποστασις ο λογος, ει εστι υποστασις το πνευμα. Ego me refero ad illas scripturae voces, quae iubent inuocare Christum, quod est, ei honorem diuinitatis tribuere, et plenum consolationis est. τας δε ιδεας των υποστασεων, ηδη διαφορας ακριβως ζητειν, & πα υ συμφερει. Illud me pessime habet, cum eadem res agitatae sint a Paulo Samosateno, nihil extare, praeter leuia quaedam apud Epiphanium, unde

unde intelligi possit, quid indicarint, quidue sequuti sint hi, qui eum damnarunt, et nostrae aetatis *ιστοριων* negligentiam atque incuriam considero." — — — Et in ep. ad eundem l. c. p. 204. inquit: „Seruetum multum lego. Tertuliano prorsus facit iniuriam, cum citat eum in hanc sententiam, quasi sentiat τον λογον non esse *υποσασιν*. Ille vere clariss. scribit hoc, quod publice sentimus, τον λογον esse *υποσασιν*, non ut interpretatur Seruetus, sed ut nos loquimur. Irenaeus subobscurus est."

Inter Romano-Catholicos Serueti librum a. 1532. reperiit Jo. Cochlaeus Ratisbonae, ubi tum comitia habebantur, publice venalem, idque Jo. QUINTANO nunciauit, qui eius rei indignatione perfusus, tum quod auctor Hispanus esset, quem de facie nouit, quique in ipsius seruitio aliquamdiu fuit; tum quod nocentissimae in eo deprehenderentur haereses ac blasphemiae. Hic quoque curauit librum suppressi, ne amplius venderetur. V. Surius l. c. p. 288.

Excerpta ex Serueti opere leguntur, in dem Berlinischen Heb=Opfer, P. IV. IX. et X. et apud Moshemium p. 316. Duas sibi Seruetus in eodem praefixit regulas, quas infallibiles aestimauit, ad quas totum se composuit, quibusque ad errores seductus est. Ipse istas indicat, circa finem libri fol. 118. a. *Prima*, quod naturam diuinam diuidere non possimus: *Secunda*, Id quod naturae diuinae accedit, dispositio est. Ex his colligit, nec λογον, nec Spiritum S. personas esse a Patre realiter distinctas; sed tantum dispositiones, certasque reuelationis species naturae diuinae; quid vero per has proxime intelligat, et quomodo dispositio ista, quae dicitur λογος, ab ea, quae appellatur Spiritus S. distincta sit, non explicat, immo easdem variis nominibus connotat, e. g. dispensationis, oeconomiae, reuelationis, formae diuinae, personalis representationis, etc. ita ut speciem prae se ferat, quod ipse eas non intellexerit, nec definire potuerit. Quas enim

circa hoc argumentum adfert nugae, ita comparatae sunt, ut de turbato atque perplexo ingenio testentur, nec ullam sanae mentis sensum pandant. Ita enim L. II. fol. 66. a. scribit: „*Finaliter, si Spiritum verbo comparare volumus, dicamus, quod sicut dicitur verbum ex utero et ex corde proficisci; ita spiritus noster, e penetralibus cordis sui a Deo nobis datus dicendus est, et dicitur Deus dare nobis spiritum suum, ac si ego dicerem, do tibi viscera mea, quae res maximam eius erga nos charitatis vim exprimit.*” Admodum inconstans est in loquendi formulis, nec sensum determinatum vocabulis iungit, quoties sententiam suam proponit. Id tamen disertis verbis declarat, P. F. et Sp. triplicem esse in diuina natura dispositionem huic orbi accommodatam, libereque productam, quae vel in alio universo, si Deo hoc creare placuisset, locum non habuisset, vel plures eiusmodi exstiterent. Sic L. III. fol. 80. inquit: „*Si Deus alios mundos creasset, potuisset loco sermonis, spiritus et rationis nostrae, novas creaturas, cum aliis potentiis a nostris penitus diuersis, formare et secundum earum exigentias in se ipsos dispositionibus uti, et tunc dixissent illius saeculi Philosophi, quod illae dispositiones essent res distinctae, et sic quilibet mundus in sua noua Trinitate novas res pro Deo coleret, et aliqui haberent Trinitatem, alii quaternitatem, si Deus aliquando quatuor dispositionibus uteretur, et isto modo pro numero mundorum multiplicarentur tui Dii Juda.*”

Magno olim pretio *Serueti* liber admodum raro obuius aestimabatur, ut quoque 50, immo aliquando 100 Thaleris fuerit comparatus, usque dum alia editio in Germania luci exposita fuerit. Fama non vana est, *GEORG. SERPILIVM, Superintendentem Ratisbonensem*, eundem in aedibus suis imprimi curasse. *V. Reimannus* l. c. p. 1042. *Vogtius* l. c. p. 533. Serpilianam editionem, et chartae albedine, et typorum nigredine, nec non expressa forma, a prima discerni posse, rei litterariae scriptores produnt.

V. Bi

V. *Biblioth. Halens.* T. IV. p. 128. Intemperata quaestus faciendi cupido, Bibliopolam quendam Londin. *Petrum Palmerum* incitauit, vt a. 1723 nouam omnium operum *Serueti* editionem parare omnem operam adhiberet; sed a magistratu impeditus, proposito excidit. V. *Nouvelle Bibliothèque*, T. VII. p. 155. et *noua litter. Lipsiens.* a. 1733. p. 505. Prodiit libri huius belgica versio a. 1620 cura et studio R. T. qui est REINERUS (*Regnerus*) VITELLIUS, vel *Renier Telle* dictus, quod eidem *Simon Episcopus* improbat, illumque hortatur, vt ab hoc consilio desistat in ep. ad eum scripta, *Leydae* 1614. d. 14. *Jul.* in epp. Praest. et erud. vir. p. 419. Versionis huius titulus est: *Van de Dolinghen in de Driuidigheyd, seuen Boecker eertyds in latyn beschreuen door* MICHEL SERUETUS, *gheseyt* REUES van Aragonien Spaengaerd: ende nu gehtrouwe-lyck overgeset in onse Nederlandische tale, dor. T. R. Hier syn noch bygevoegt eenige andere kleyne Tractaetgens, van den seluen autheur, 1 *Thess.* V. Proest alle dingen ende behout det goede 1. *Jo.* IV. Engeloost niet eenen yegelicken geeste, Maer beproest de geesten of sy eyt good syn *Math.* XV. Alle Plantinge die myn himelsche Vader niet geplant en heeft, sal uytgeroeyt worden. Ghedruckt, in t' Jaer ons Heeren, 1620. 4. pl. 26. pagg. 110. Breuiiores sex tractatus huius auctoris, quos titulus promissit, quique post praefationem pleno titulo recensentur, desiderantur. Praemisit *Vitellius* praefationem, in qua nonnulla de *Serueti* historia profert, ad marginem aliquando argumentum textus notauit. Primus liber incipit fol. 9. secundus fol. 44. tertius fol. 63. quartus fol. 77. b. quintus f. 87. sextus 95. b. septimus fol. 102 — 110. b.

Intensus, quem *Bucerus* pro suggestu significauerat zelus, *Seruetum* admonuit, *Argentorato* excedere, tutioremque commorationis quaerere locum; rediit igitur circa, vel post medium anni 1531 *Basileam*, vbi securus omnibusque periculis exemptus sibi videbatur; quo loco

amicum quendam intimum, *Marrinus* dictum, habuit; quis vero is fuerit, nemo quantum scio, adhuc rescivit. Coniicit *Moshemius* p. 45. medicum fuisse *Basileensem*, natione *Hispanum*, vel *Italum*, et p. 190. breuem quandam epistolam huius *Marrini* ad *Seruetum* scriptam inseruit. Res interim praeter opinionem *Serueto* aliter cessit. *Oecolampadius* multa eum cum detestatione hoc loco excepit, immo ciuili magistratui praesentiam auctoris libri famosissimi denunciavit, qui eiusdem iudicium de libro, et consilium, qua ratione cum haereticum Architecto procedendum sit, requirebat. *Seruetus*, hoc audito veritus, ne sibi eripiantur exemplaria, quae magno numero secum attulerat, ipseque ignominiae exponeretur, ad *Oecolampadium* litteras easque demissas, et pro ratione conditionis suae petitorias scripsit, quibus aduersa haec fata auertere studuit. Putauit enim litteris eum ad iram non concitatum iri, quem praesens colloquiis suis facile irritare posset. Potuit ex eo, ut sibi liceret libri exemplaria *Lugdunum Gallorum* ad proximas nundinas transmittere, praeterea propositum suum *Basilea*, absque tamen vlla fugae specie excedendi declarauit, ac tandem errores suos quam maxime per bonae conscientiae speciem et imbecillitatis humanae praetextum excusauit, et *Oecolampadium* conuincere studuit, quod nulla sit causa, ad tantum aduersus ipsum concipiendum odium, exitiumque suum promovendum. V. *Moshemius* l. c. p. 392. et N. 2. documentorum.

Oecolampadius sententiam lenissimam de *Serueto* libro Magistratui transcripsit, quod ad nostram aetatem seruatum in epp. *Zwinglii* et *Oecolampadii*, Basil. 1592. L. I. p. 83. ita se habet: „Ego sane diligenter perlustrato eo, reperio, longe potuisse melius locare operam, bonum illum virum, aut omnino parcere potius huic labori debuisse: ita scilicet non minus obscuritatis luci, quam lucis obscuritati inferre studit: dum multa temere commiscet, nec semel ipse sibi contradicit. Doctores orthodoxos de non paucis, quae
nun-

nunquam commeruere incusat, compluribus locis verborum tantum pugnas committit, nominibus aliquod, quae ferre tamen ab aliis ipse non potest, quoties libet in alios petulantissime utitur. Quae tamen omnia haud ita magni momenti sunt, nisi etiam summa fidei vestrae capita, improbe adeo, violenterque lacefferet. Praetexit quidem potissimum instituisse se, docere, quo pacto Jesus sit Christus: et quomodo, Dei Filius, Deus etiam existat. Verum si penitus aliquanto inspexerimus, praecipuam tollere causam adparebit, ob quam Christum Dei Filium existimamus. —————

Quamuis tamen etiam utilia quaedam libello admiscuit, sed additionibus deinde aliis reddit illa quoque pestifera et cavenda. Proinde — — — multis de causis non potuit non displicere mihi liber iste. Faxit Deus, ut temeritatem suam, rebus omni intellectu humano sublimioribus committere se ausus agnoscat et emendet. Prudentiae tamen vestrae, quod reliquum est committimus, ut hac de re auditis etiam aliis, quicquid deinceps in Dei gloriam cessurum praecipue videatur, sedulo prosequamini. Quod libellos attinet, praestiterit forte, ut vel omnino supprimantur: vel ab iis tantum, quos male scriptis non peius abusuros periculum sit, legantur. Vbi qui errores scripsit, eosdem agnitos scriptis retractavit: forte ut homini ignoscendum, neque lapsum esse tanti aestimandum fuerit. Verum haec ego prudentiae vestrae expendenda relinquo."

Quid Magistratus accepto responso, in hac causa fecerit, non quidem constat; ast tamen *Seruetum* breui tempore *Basileam* reliquisse, certissimum est. CALVINUS in ep. ad Ministros *Francofurtanos* *Moeni* narrat, ex *Germania* profugum sub fictitio nomine in *Gallia* latere. Quod fuga se eripuerit poenis de eo sumendis, vel ex sententia Magistratus *Basilea* excedere coactus fuerit, quod *God. Arnoldus* l. c. T. II. L. XVI. p. 406. prodit, certo dici nequit. Vtrumque tamen verisimillimum non est, cum ministri *Basileenses*, in ep. Magistratui *Geneuensi* a. 1553.

d. 18. *Ost.* scripta, huius rei mentionem nullam faciant, quam non omisissent. Ipse *Seruetus* in examine cum eo *Geneuae* instituto fatetur, propter paupertatem suam et linguae Teutonicae insecitiam, sibi necessum fuisse, Germania excedere; sed an vera testatus sit, in vitae discrimine maximi criminis accusatus, dubitari adhuc potest, cum egestatis ipsius nulla adsint documenta, immo potius quae comprobent, eundem sustentandi vitam facultatibus non omnino caruisse, nec linguae teutonicae ignarum plane fuisse. *MOSHEMIUS* ex libro ipsius, qui *dialogus de Trinitate* exhibet, quique breui tempore post discessum ex *Basilea* lucem publicam vidit, in cuius fronte speciosa scandali dati reuocatio legitur, satis probabiliter colligit: *Illum Basileae publicam errorum suorum recantationem pollicitum esse, hacque fide data in pace, et absque ulteriori poena, ex consilio Oecolampadii inde dimissum.*

In itinere *Basilea* in *Galliam* instituto, *Hagenouiae* hos ipsos dialogos edidit, sub tit. *Dialogorum de Trinitate libri duo. De iustitia regni Christi Capitula quatuor. Per Michaellem Serueto, alias Reues ab Arragonia Hispanum. Anno 1532. 8. pl. 6.* Libellus priori operi in plurimis exemplaribus iunctus deprehenditur, hinc coniecturae locus est, *Bibliopolam* vtrumque simul et hunc tanquam appendicem illius vendidisse. Praefamen hoc praemisit: „*Quae nuper contra receptam de Trinitate sententiam septem libris scripsi, omnia nunc, candide lector, retracto. Non quia falsa sint, sed quia imperfecta, et tanquam a paruulo paruulis scripta. Praecor tamen ut ex illis ea teneas, quae ad dicendorum intelligentiam, te poterunt iuuare. Quod autem ita Barbarus, confusus, et incorrectus prior liber prodierit, imperitiae et typographi incuriae adscribendum est. Nec vellem ut propterea Christianus aliquis offendere-
tur, cum soleat aliquando Deus per stulta mundi organa suam sapientiam proferre. Obserua igitur, obsecro rem ipsam: nam si mentem aduertas, non te impediunt mea im-
dita verba. Vale.*”

Speciem

Speciem quidem praefatio praebet retractationis, sed nihil minus liber ipse continet. Idem quippe errores, cum quibusdam nouis loquendi et explicandi formulis, multa cum amarulentia aduersus eos, qui orthodoxam de S. Trinitate sententiam defendunt, quos maledicos, blasphemos et fatuos appellat, eadem obscuritate et variabili dicendi habitu proponuntur. Exhibet igitur nouus ingenii partus, disciplinae scripto priori expositae repetitionem, et aduersus Oecolampadii aliorumque argumenta defensionem. Sic fol. 2. a et fol. 3. b. scribit: „*Inuisibilis Dei, qualis ante creationem mundi fuerit, est omnino nobis intelligibile et inimaginabile, atque ille ex mero suae voluntatis beneplacito mundum creare decreuit, et se nobis manifestare, alias inutilis esset rerum creatio, si Deus maneat ignotus. Tunc ergo dixit Deus: Fiat. Ecce iam verbo creat, ecce hic λογος, Elohim et Christum.* — — — — —
 Eo ipso, quod loquitur Deus, certo modo se disponit, et aliquid in se ipso agit eo ipso, quod se creatorem facit, aliquatiter enim iam se habet, qualiter antea non se habebat. Eo ipso quod loquitur, iam se manifestat, qui antea sub silentio illo nulli erat cognitus. Dicendo, sit lux, ex ignotis illis aeonum tenebris se in lucem prodit, et se illustri aliqua persona perceptibilem exhibet. Hoc vocat Ioannes λογος, et Moses Elohim, et hoc ipsum erat Christus apud Deum, et Deus erat ille sermo, et Deus ipse erat ipsamet lux. Quae lux, secundum illam dispensationem, per Angelorum figuras designata latuit, usque ad apparitionem in facie Christi etc. Ex eodem principio, quum Spiritum Elohim super aquas insufflantem dicit Moyses, intelligere licet, qualiter Deus sit ibi factus spiritus: nam antea, quam Deus inspiraret, non erat spiritus. Nec potuit esse spiritus, antequam Deus loqueretur, quoniam Deus loquendo flauit.”

Bigae dialogorum, in quibus Michael et Petrucci colloquuntur, adpendix iuncta est, qua mentem suam de iustificatione peccatoris per fidem in Christum exponit. In priori scripto de Trinitatis erroribus argumentum hoc

auctor tractauerat, qua de re ipsum Theologi Heluetici increparunt, ipsique vt malae actionis rationem redderet, iniunxerunt. Iam igitur in nouo opere materiam ita pertractat, quasi mediam quandam inter dissentientes viam monstrare voluerit. Concedit quidem iustum declarari peccatorem sine proprio merito et operibus, tantum per fidem; interim adstruit, quod apud Deum obseruata regia charitatis lege et bonis operibus aliquid mereamur. Ad eum modum loquitur, vt incautos facile capere, illisque persuadere possit, ipsum cum *Luthero* in hoc articulo omnino consentire; sed qui nexum totumque ambitum sermonis attente persequitur, aliis locis eum iterum ex partibus Pontificiorum stantem, indeterminate et inconstanter se explicantem, immo in ipso iustificationis conceptu, a vero aberrantem animaduertet. Tandem scripto suo f. 7. b. ita finem facit, vt quiuus exinde cognoscere queat, quod pro Restitutore Christianismi haberi voluerit, sibiue imaginatus fuerit, Deum ipsum vocasse et exornasse Prophetam, ad perficiendum aduersus Ecclesiam Pontificiam, quae Reformatores alii ante eum inchoarint. Libertatem hinc scribendi ac dicendi sibi concedendam vult, et qui eam limitibus includunt, tyrannos reputat. Sic inquit: „*Nec cum istis, nec cum illis in omnibus consentio, aut dissentio. Omnes mihi videntur habere partem veritatis, et partem erroris, et quilibet alterius errorem despicit et nemo suum videt. Deus per suam misericordiam errata nostra nos intelligere faciat, et sine pertinacia deponere. Facile autem esset omnia diiudicare, si liceret cum pace omnibus in Ecclesia loqui, vt omnes prophetare contenderent, et quod priorum Prophetarum spiritus, sequentibus Prophetis subiicerentur, vt illis loquentibus, si quid eis fuerit reuelatum, priores tacerent, iuxta Pauli praeceptum: sed nostrates nunc de honore certant. Perdat Dominus omnes Ecclesiae tyrannos Amen.*” Fusius scripti huius argumentum tradit *Moshemius* l. c. p. 329. seqq. Ge. Serpiliū huius quoque libri, nouam ador-

nasse

nasse editionem, ex ep. quam J. H. a SEELEN in *select. litterar.* p. 54. cum orbe erudito communicauit, colligitur, quod in *Biblioth. Halens.* T. IV. p. 12. collatione duarum exemplarium, ipsoque adspectu comprobatum est.

In Gallia a. 1532. peregrinans *Seruetus*, nomen vtrumque gentilitium, et adscitum *Reues*, quod libris suis praefixerat, sedulo celauit, seque nouo cognomine a patria sua accepto MICHAELEM WILLANOUANUM compellari maluit. Sub hoc aliquamdiu latuit, vsque dum opere *Restitutionis Christianismi* euulgato, vt infra diceretur, *Viennae* custodiam mortisque sententiam sibi contraxit. *Lugduno Gallorum*, post breue tempus *TOLOSAM* vt coniecimus, contendit, in qua litteraria vniuersitate eum professorum iuris lectiones frequentasse, non sine ratione suspicamur. Juris enim non fuisse inscium, immo insignes in eodem sibi comparasse profectus, scripta illius postea edita luculenter monstrant. Videtur tamen post breuem in hac Musarum sede commorationem, studii iuridici taedio commotus, se iterum scientiis Theologicis dicasse, quibus iuxta ac Matthesi et Astrologia maxime delectabatur. A. 1534 *Lutetiis Parisiorum* fuit, quo tempore locum hunc Jo. CALVINUS occulto inuisit. Expetiit sibi de *Caluini* aduentu certior factus, ab eodem colloquendi cum eo veniam, qui petitis quidem adnuit; sed ille praestituto tempore et loco non comparuit, fortassis ob vitae periculum, quod non minus *Caluino* Lutetiis extimescendum erat, vbi uterque, vt haeretici, si cogniti fuerint, durissimis fatis semet implicuissent. *Seruetus* Lutetiis breui valedicens, *Lugdunum* Gallorum repetiit, ibidemque ad paranda alimenta, vitaeque subsidia in officina typographica fratrum *Melch.* et *Casp. Trechseliorum*, correctoris munereungebatur, quod ista aetate viris doctissimis, et insignium operum scriptoribus ab officinarum dominis, aequae eruditissimis, haud raro committebatur. V. *Zeltneri Cent. clarior. correct.* p. 499. seqq. *Trechselii nouam PTOLEMAEI Geographi aegyptiaci*

editionem latinam *Serueto*, scientiarum Mathematicarum bene gnaro, et lectione veterum scriptorum Graeciae et Latii imbuto, commendabant, quam intra anni spatium satis feliciter perfecit, ac a. 1585 publicae luci exposuit, hac inscriptione: *Claudii Ptolemaei Alexandrini Geographicae enarrationis libri octo: Ex Bilibaldi Pirckheimheri translatione, sed ad graeca et prisca exemplaria a Michaelē Villanouano iam iam primum recogniti. Adiecta insuper ab eodem scholia, quibus exoleta urbium nomina ad nostri saeculi morem exponuntur. Quinquaginta illae quoque cum veterum, tum recentium tabulae adnectuntur, variique incolentium ritus et mores explicantur. Lugduni ex officina Melch. et Casp. Trechselii fratrum MDXXXV. fol. Mai.* Secunda vice opus auctum et emendarum prodiit, a. 1542. Omnia in hac editione *Ptolemaei* verba, quae *Serueto* deinceps crimini data sunt, ex editione libri huius Argentinensi de a. 1525 retinuit, quam *Jo. Grieningerus*, cum *Joanne Koburgero* ediderat. *Seruetus* proinde hac ratione plagiarium quidem notam meritis, de reliquo crimine absolendus est. V. JO. MART. PASTORII collatio editionis Argentinensis Geographiae Ptolemaei cum illa, cuius Mich. Seruetus auctor est, in *Miscell. Lips.* Vol. X, P. II. p. 274.

Inter has aliasque occupationes, quas susceptum correctoris munus iniungebat, intentus erat *Lugduni* nouo fidei systemati, seu *Restitutioni Christianismi*, ad quod se a Deo vocatum, et ad orbem illuminandum instructum putabat. Antequam hoc absolueret, aliorum consilia expetiit. Dedit igitur ad CALVINUM, *Geneuae* muneri publico admotum, epistolam, qua ipsius responsum ad tres quaestiones expetiit: 1.) An homo Iesus cruci affixus, Dei Filius et ex quo fundamento Dei Filius sit? 2.) An regnum Dei in homine sit? Quando in illud ingrediantur? Quando regenerentur? 3.) An Baptismus Christi, fide suscipiendus, aequae ac S. coena fide celebranda? in quem finem haec Sacramenta in nouo foedere sint instituta?

Huic

Huic epistolae adiunxit nouum, quoad maximam partem, exceptis tantum additamentis, absolutum opus de *Restitutione Christianismi*, quod ex fine epistolae secundae ad *Calvinum* scriptae, colligi potest, et sine dubio huius sententiam ab eodem efflagitauit. Haec autem sunt vltima epistolae verba: „*Demum precor, ne graueris iterum legere quartum librum de Baptismo; nam videris eum nondum legisse. Deus misereatur nostri. Amen.*” Multum lucis lucrata esset *Serueti* historia, si *Calvinus* priorem ep. typis exscribendam curasset, cum posteriorem tantum orbi exposuerit. Respondit is ad quaestiones moderate et absque bile; sed *Seruetus* in altera ad eundem, omnia quae ille scripserat, magna animi concitatione et temerario provocandi studio refutare conabatur. Hanc *Calvinus* fusiori responsione, ac paulo acrius repulit, ad nouas vero a *Serueto* propositas quaestiones non respondit, quia haec, vt iudicat, librum poscerent, quem in eius gratiam aliis negotiis occupatus, scribere nollet, eum tamen ad suam *Institutionem religionis christianae* ablegauit. Sic autem post alia *Calvinus*: „Itaque quid tibi velis non assequeretur, nisi vtcunque tuis deliriis essem assuefactus: ignosce; ita res me loqui cogit. Ego te nec odi, nec contemno, nec duris insectari velim; atqui ferreus sim, nisi commouear, quum te sanae doctrinae tanta proteruita insultare video.” V. *Caluini* opuscula edit. 1667. p. 522. Hac responsione adeo exacerbatus fuit *Seruetus*, vt plures posthac ad eum scripserit litteras, amarulentiae, obtrectionum, et maledictorum plenas; teste *Caluino*, in *refut. errorum Serueti* p. 696. his verbis: „*Modestiam meam bonis omnibus probatam iri confido: nisi quod mollities potius videbitur.* Ipse vero quasi hyppomanes hausisset, quoscunque meos libros naucisci potuit, non destitit insulsis conuitiis farcire, vt nullam paginam a suo vomitu puram relinqueret. Et p. 702: *Hoc puto, euidentis signum fuit praesacti et indomabilis spiritus, quod tantum diris postea et execrationibus sibi agendum putauit.*” *Caluino* visum fuit silentium

tium seruare, qui non magis semet quam asini ruditu fuisse commotum testatur. Certum vero est, eum aliquoties posthac ad epistolas *Serueti*, quarum XXX ad calcem *Restitutionis Christianismi* adtextae sunt, respondisse; nonnullae enim earum indubitato responsoriae sunt, ad litteras *Caluini*, quamuis concedi possit, raro hunc ad frequentiores *Serueti* responsionem dedisse. Ex iisdem patet: *Seruetum* tanta maledicta non eructasse, quantum *Calvinus* eum accusauit; immo illum non adeo placide, acerbum ac incitatum *Serueti* scribendi adfectum suscepisse, insequens aduersus *Seruetum* ira ac irreconciliabile odium demonstrant.

Biennio *Lugduni Gallorum* peracto, conquisitisque per labores in officina typographica viuendi subsidiis *Lutetias Parisorum* se iterum contulit, ibidemque, vt iam apud se constituerat, in studium medicum incubuit, et quo vitae alimenta non deessent, docendi in facultate Philosophica Priuilegia, et gradum Magisterialem sibi acquisiuit, quamuis numquam in scriptis et epistolis nec hoc, nec Doctoris Medicinae titulo vsus fuerit. Ipse Magisterii priuilegio insignitus Geographiam ductu *Ptolemaei*, aliasque scientias Mathematicas magno cum applausu praelegens, a Medicinae Professorum Academiae Parisinae ore et institutione simul pependit, tantumque in omnibus studii huius partibus, inprimis vero in *Anatomia*, vix vno anno infumto, profecit, quantum satis erat ad docendum alios, imo et scriptis inclarescendum. Concinnauit nimirum librum de *Syrupis*, non mediocri scientiae medicae, pro istius temporis conditione, adparatu, nitidoque scribendi genere confectum, quo sibi gloriam excellentis medici et doctissimi scriptorum *Galeni* interpretis comparauit. Plenus libri rarissimi, quem *Bibliotheca Regia Regiomontana* habet, titulus est: *Syruporum vniuersa ratio, ad GALENI censuram diligenter expolita. Cui, post integram de concoctione disceptationem, praescripta est*
vera

vera purgandi methodus, cum expositione Aphorismi: Concocta medicari. MICHAELE VILLANOUANO auctore:

Πρὸς τὸν Φιλίατρον.

Εύροα ποιῶν τὰ τε σώματα, τὰτε πέπανων,

Ωμὰ, χυμῶν, ταύτης δόγματα' ἴδι βιβλῶ.

Parisis, ex officina Simonis Colinaei. 1537. plag. 9. 8. Huius loci non est, de eius meritis in medicina, insigni in specie inuento, de *circulatione sanguinis in corpore animalium*, longo ante *Haruaecum* tempore, et de certamine partim suo fastu, partim Medicorum inuidia concitato, cum facultate medica Parisina dicendi, quae *Moshemius* p. 72. 499 et 500. seqq. et auctor *historiae itineris litterarii*, a. 1733. *Hagae Comitum*, p. 170. longa serie recensuerunt. Ex hac pugna *Seruetus*, qui *Apologeticam* disceptationem *pro Astrologia* scripto diuulgauerat, inferior discessit, *ipsique Astrologica institutio, praedictionesque ex astris serio interdictae sunt.* Cum vero ex his, maximum *Lutetiis* lucrum et vitae subsidia collegisset, taedio et necessitate commotus, huic Academiae, postquam gradum in medicina Doctoris sibi experiiisset, eodemque praestandis praestitis ornatus esset, valedixit, aliisque locis praxin medicam ad sustentandam vitam exercuit.

Contulit se anno circiter 1538 *Caroloregium*, (*Charlieu*) oppidulum 12 Milliaria gallica a *Lugduno*, aegrotisque consilio ac opera succurrit. Hoc loco triennium fere integrum insumsit, sed inde, testante *HYERON. BOLSECO, de Jo. Caluini vita, moribus, et rebus gestis*, C. III. p. 7. a. 1540. migrare coactus, in *Delphinatum* concessit. An a Magistratu ob maledicta abire iussus, an ipse sibi mala quaedam praefagiens, ultro vrbe excesserit, dici nequit. *Moshemio* p. 84. probabile videtur *Seruetum*, qui a. 1539. annum suum tricesimum attigerat, isto nondum impleto, a. 1540. ab Anabaptistis Baptismum iteratum petiisse, eiusdemque etiam compotem factum. Cum enim Christus anno vitae XXX baptizatus esset, putabat,

hoc

hoc nobis exemplo factum, ne ante eandem aetatem Baptismum suscipereamus. A Paedobaptistis, (vt ipse loquitur,) sine fide, sine intellectu, extra Ecclesiam Christi baptizati, sunt iterum in fide Christi, et eius Ecclesia baptizandi. *Restit. Christian.* p. 412. 491. *Calvinus* vero in *refut. errorum Serueti* p. 754. numquam eum iterasse Baptismum prodidit. An vera scripserit, dubitandi adhuc locus est, cum, quod hac de re *Seruetus* interrogatus fuerit, in Actis nullum vestigium reperiatur. Adeo, quae *FUESLINUS*, in praefatione ad acta et documenta hist. reformat. Heluet. p. LXI. et operis huius Tomo IV. *Moshemio* opposuit, hic respondit l. c. p. 41. 42. Mutauit vero sententiam suam, quam in pleniori *Serueti* historia proposuerat, qua ipsi probabile visum fuerat, *Seruetum* ad suscipiendum Baptismum, ad Anabaptistas Helueticos profectum, statuitque ipsum sacro fonte in Gallia tinctum esse, cum sectae huius homines etiam in Gallia isto tempore vixerint. Interea nec hoc omni exemptum est dubio, cum ipse *Seruetus* se esse Anabaptistam, constanter negaverit, nec eius aduersarii vnquam solido argumento eum Anabaptismi accusauerint.

Relicto *Caroloregio*, a. 1540. *Viennam*, Delphinatus inferioris urbem se contulit, non autem *Lugdunum Gallorum*, quod *Calvinus*, et post eum omnes fere perhibent, qui secunda vice correctoris officio defunctum esse *Seruetum* tradunt. Initio anni 1541. *Viennae* iam fuit, quod dedicatio secundae editionis *Ptolemaei* d. 28. Febr. eiusdem anni *Viennae* data euincit, quae *PETRO PALMERIO*, Archiepiscopo et Comiti *Viennensi*, qui *Seruetum* multis cumulauit beneficiis, huncque commouit, vt *Viennam* locum mansionis suae eligeret, scripta est. Hoc loco feliciter ac satis tuto vixit. Prodierunt quidem *Lugduni Gallorum* *Biblia Pagnini*, cum notis *Serueti* anno 1542. his in fronte verbis: *Biblia sacra ex Sanctis Pagnini translatione*, sed et ad hebraicae linguae amussim ita recognita et scholiis illu-

illustrata, ut noua plane editio videri possit. Lugduni apud Hugonem a Porta 1542. fol. et exinde Caluinus, et alii, ratiocinati sunt, ipsum operis huius editionem Lugduni curasse; sed ista tituli verba, locum venditionis Bibliorum innuunt, quae, ut in fine legitur, Caspar Trechselius excudebat, qui paulo ante Viennae quoque officinam typographicam instruxerat; quod ex dedicatione secundae Ptolemaei editionis manifesto apparet.

In hac Bibliorum *Pagnini* editione, quam Dav. CLEMENT pluribus recenset in *Biblioth. hist. et crit.* T. IV. p. 127. seqq. *Seruetus* ex notis et obseruationibus auctoris post obitum inter eius manuscripta repertis, et ex exemplari eiusdem innumeris locis castigato, tertium eandem emendauit, atque hinc inde suas quoque adnotationes adiunxit. Tantum vero laboris in hoc nouum opus impensum non est, quantum Jo. Nic. VICTORIUS et SERUETUS in duplici praefatione praemissa iactant; nec veritati consentaneum est, cuius *Caluinus* l. c. p. 803. *Seruetum* acensat, quod singulas paginas, partim futilibus nugis, partim impiis deliriis inquinauerit; contrarium significante *Moshemio* l. c. p. 911. et 341. seqq. quo teste multae paginae, notis *Serueti* omnino carent, futes vero nugae ac impia deliria in toto opere plane non, verum potius ubique animi Christum inuenientis ac venerantis et in hoc tantum errantis vestigia occurrunt, quod generis humani Reparatorem non in verbis librorum V. T. sed in rebus ac factis, quae verbis proferuntur, se reperiisse perhibeat. Praefatio *Serueti* huic Bibliorum editioni praemissa, nec non quaedam specimina illustrationum, libris propheticiis subiunctarum, vna cum locis illis, quae in indicibus librorum expurgandorum et prohibendorum, castigantur, exposita sunt l. c. in documentis. n. VIII. IX. X. p. 406—414. *Seruetum* suis in Psalmos et scripta Prophetarum notis, ex suscepta hypothesi, quaedam de Christo varicinia, ad placita sua traxisse, negari nequit. Sic Ps. II, 7.
hanc

hanc notam adtexuit: *Ad diem resurrectionis Christi, vocem hodie refert Paulus, sicut in die, qua euasit ab hoste, dicitur Dauid hodie natus, et hodie denuo factus Rex. Et Jesh. LIII. ita explicat, ac si Propheta totius populi nomine conqueratur, quod Deus Cyrum propter Judaeorum crimina diem supremum obire iusserit, antequam Templum perfecte exstructum esset, quamuis myſtico sensu mundi Seruatorem respexisse, concedat.*

Librorum Ptolemaei et Bibliorum editione absoluta, omne tempus praxi medica, et expoliendo opere *Restitutionis Christianismi* infumſit. Et huic quidem studio vindicandi orbi deperditam, vt putabar, fidem, ad quod a Deo instinctu coeleſti concitatus ſibi videbatur, omnem curam et quaecumque operam tribuit. Qua confidentia ac perſuaſione, quod Deus per ipsum loquatur, quantoque zelo opus molitus fuerit, ex variis libri locis comparet, quod ex verbis breuioris prooemii quoque colligi poteſt, cui hac precum formula finem imponit: „*O Chriſte Jeſu Fili Dei, qui de coelo nobis datus, deitatem patefactam in te ipſo viſibilem manifeſtas, te ipſum aperi ſeruo tuo, vt manifeſtatio tanta vere pateſcat. Spiritum tuum bonum et verbum efficax petenti nunc tribue, mentem meam et calamum dirige, vt diuinitatis tuae gloriam poſſim enarrare, ac veram de te fidem exprimere. Cauſſa haec tua eſt, et tuam a Patre et Spiritu tui gloriam explicans, quae diuino quodam impulſu tractanda ſeſe mihi obtulit, cum de tua veritate eſſem ſollicitus. Tractare aliquando coepi, et nunc iterum tractare cogor, quia completum eſt vere tempus, vt ex rei ipſius certitudine, et ex ſignis temporum manifeſtis, ſum nunc piis omnibus oſtenſurus. — — — Lucernam non eſſe abſcondendam, vt nos docuiſti, vt tae mihi ſit, niſi euangelizem. Cauſſa communis omnibus Chriſtianis agitur, cui omnes tenemur.* Veritatem diuinam annos 1260 a temporibus *Constantini* et *Sylueſtri* Papae occultatam, a ſe, expleto hoc tempore, luci vindicandam eſſe,

esse, somniabat. Errorem vero calculi in determinando periodi huius interuallo commisit, cum ab anno 325, quo *concilium nicaenum* habitum, et qui terminus a quo, computationis *Serueti* est, ad annum 1552 quo librum suum typis commisit, anni tantum 1227 praeterlapsi. De se visionem *Joannis Apoc. XII. 1.* explicauit, hasque fanaticas opiniones in scriptis suis frequenter declarauit. Inter alia in ep. ad *Caluinum, Restit. Christ. p. 638.* ita scribit: „*In huius Ecclesiae restitutione ego iugiter laboro: et ob id tu mihi succenses, quod pugnae illi Michaelis immisceam, et pios omnes misceri desiderem. Sed locum illum diligenter expende, et videbis homines fuisse, qui ibi pugnabant, animas suas morti exponendo in sanguine et testimonio Jesu Christi. — — — — — Angelos vero dici, obuium est in scripturis. — — — — — Coelestis item regeneratio facit nos Anglis pares. — — — — — An non vides ibi agi de restitutione ecclesiae fugatae?*” Eadem fere scribit in ep. ad *Abelem Pepinum, vel Poupinum*, ministrum Ecclesiae *Geneuensem*. Partis tertiae librum primum hoc suspirio claudit: „*Da seruo tuo, militi tuo, ut contra Draconem, Serpentem, Diabolum, qui potestatem bestiae, id est Papae dedit, potentia tua magna viriliter pugnet.*” In eadem ep. ad *Pepinum*, ob hanc ipsam militiam sibi mortem praedixit: „*Mihi ob eam rem moriendum esse certo scio; sed non propterea animo deficior, ut fiam discipulus similis Praeceptorum.*” Absque spiritus diuinarii suggestionem tragicum vitae suae exitum praeuidere potuit, cum firmiter apud se statuerit, luci publicae committere librum, quo et Euangelicos et Romano-Catholicos, idololatriae densissimaeque in rebus fidei coecitatis accusabat, quo doctrinam in coetu christiano horrendam pro reuelatione diuina venditabat, Romanum Pontificem tanquam Anti-Christum, et Ecclesiam Pontificiam tanquam Babel et spiritualem Sodomam depingebat. Certo certior suum augurari potuit exitium, cum libri auctor, occultato etiam nomine suo, facili negotio cognosci potuerit, qui

iam ex aliis operibus satis innotuit, quique in *Diff. I. de Trinitate* p. 66. nomen suum ita professus erat: *En adest, SERUETUS est, quem ego quaerebam. Heus! Heus! quid hic solus tecum loqueris?*

Typis exscribendum commisit famosissimum opus, *Balthasari Arnollet*, Typographo Viennensi a. 1552 propriis sumptibus, quos ob felicissimam medicinae praxin ferre potuit, idque initio anni sequentis 1553 in forma octaua adparuit, addito in fine auctoris nomine, litteris initialibus *M. S. V.* (*Michael Seruetus Villanouanus*) hoc titulo: *Christianismi restitutio. Totius Ecclesiae apostolicae, ad sua limina vocatio, in integrum restituta cognitione Dei, fidei Christi, iustificationis nostrae, regenerationis, Baptismi et Coenae Domini manducationis.* Restituto denique nobis regno coelesti, Babylonis impiae captiuitate soluta et Antichristo cum suis penitus destructo, καὶ ἐγενετο πόλεμος ἐν τῷ 802200. MDLIII. Varia in opere scripta coniunctim exhibentur, hoc ordine: de Trinitate diuina, quod in ea non sit, indiuisibilibus trium rerum illuso; sed vera substantiae Dei manifestatio, in verbo, et communicatio in spiritu, libri septem; item, de fide et iustitia Regis Christi, legis iustitiam superantis, et de caritate tribus libris. De regeneratione ac manducatione superna, et de regno Anti-Christi, quatuor libris: epistolae XXX ad JOAN. CALVINUM: scriptum, cui titulus est: *signa sexaginta regni Christi et reuelatio eius iam nunc praesens, ac denique de mysterio Trinitatis, et veterum disciplina, ad Phil. Melanthonem et collegas eius, apologia.* Mille exemplaria Seruetus excudi iusserat, quorum haud pauca ipsius et typographi studio disseminabantur; sed maior eorum numerus variis locis, maxime suasu Caluini, amicorumque eius, primo statim initio, igne consumtus est, residua vero iisdem flammis, quibus ipse auctor perierunt. In examine Geneuae instituto, cum significauerit, magnam exemplarium molem Rob. Stephano venditam esse, ut ad nundinas Francofurtanas mitteren-

rerentur, *Calvinus* monitis suis obtinuit, ut ista hoc loco priuatim flammis sacrificarentur. Hanc ob rationem liber iste rarissime obuius est, nec, quantum constat, ultra sex vel septem exemplaria ad nostra tempora sunt seruata. V. *Moshemius* p. 342. seqq.

In Gallia, nemo, quantum scimus, cognouit, *Villanouanum* et *Seruetum* eundem esse hominem, quippe ibidem sub *Villanouani*, vel *Michaelis de Villa noua* nomine tantum inclaruerat. In Heluetia plures per *Calvinum* et *Pepinum* certiores facti sunt, quod *Seruetus* et *Villanouanus* vnum denotent scriptorem. Cum igitur liber euulgatus, a. 1553 *Geneuae* concitasset rumorem, *GUILIELMUS* quidam *TRIE*, Gallus Lugdunensis, a Romanis sacris ad ecclesiam Helueticam transgressus, qui tum temporis *Geneuae* commorabatur, auctorem libri huius in Gallia, per litteras, ad amicum quendam Lugdunensem Romano-Catholicum, scriptas notauit, suamque testabatur admirationem, quod in Gallia et *Viennae* quidem pessimus haereticus, qui christianae fidei fundamenta diuellere conaretur, tutus degere possit. An *Guil. Trie*, homo indoctus proprio motu, an *Caluini* instinctu et consilio hoc fecerit, certo quidem statui nequit; non tamen vanae videntur coniecturae, hunc illi dictasse epistolam, qua *Seruetus* tamquam haereticus exurendus accusabatur. Lugdunensis ille amicus conscientia commotus, quae a *Trie* perceperat, ministro inquisitoris muneri praefecto aperuit, isque *Archiepiscopo Lugdunensi* rem denunciavit, qui officii sui partes curans, omni circumspectione per delegatos suos vniuersum negotium inquisiuit. Ex denunciatione prima id quidem constabat, auctorem libri pessimum esse haereticum; sed nondum euictum erat, foetum esse *Medici Viennensis Michaelis Villanouani*, huncque eundem ipsum esse *SERUETUM*. Cum praeterea *Michael* ille *Villanouanus*, apud *Viennenses* ob felicissimam praxin medicam, praeclaram eruditionem, aliasque animi dotes haud vul-

gares, apud Archiepiscopum Principesque status ecclesiastici multum valeret, caute in hac causa iudicibus visum est procedendum, nec prius *Villanouanum* in ius vocandum statuerunt, quam luculentissime euictum fuerit, eundem huius operis esse fabrum, quod breui tempore extra omne dubium positum est. *TRIE* a *Caluino* aliquot epistolas *Seruetti* autographas obtinuit, ex quibus plura, quam ex libro ipso peti potuerunt argumenta, *Seruetum* esse auctorem *Restitutionis Christianismi*, quae ad hunc plene conuincendum *Lugdunum* Gallorum transmissae. Cum istae in iudicium Viennensium manibus essent, hi rem ipsam a Senatu Lugdunensi primum excitatam, et vel ideo non facile negligendam, adgrediebantur, *Seruetumque* tanquam haereticum mense *Junio*, *Viennae* in custodiam coniiciebant. Senatus ecclesiasticus inquisitione finita et sententia aduersus pessimae haereseos reum lata, hac de re ciuilem Magistratum certiore fecit, addito sine dubio consilio, vt eundem secundum leges ad supplicium traheret. *Seruetum* vero Magistratus maxima lenitate tractabat, et quamuis illum, ne speciem negligentiae et incuriae in rebus ad fidem pertinentibus prae se ferret, absque vlla diffamatione in custodiam traxerit, quamcunque tamen ipsi exhibuit humanitatem, vt dispatiari, cum quocunque colloqui, et famuli sui seruitio vti possit. Non facile haeretico inter Pontificios tanta contigit comitas, ex qua liquere videtur, Iudicibus Viennensibus propositum fuisse, nihil duri in eum statuere, ipsique occasionem praebere, vt fuga eriperet. *Balth. Arnollet*, typographus, vna cum auctore libri in custodiam trahebatur; sed innocentia eius probata, quippe qui omne crimen in correctorem voluebat, qui sine dubio iam aufugerat, in libertatem mox restitutus est. Maxime scriptoris saluti bene cupiebat ipse Archiepiscopus Viennensis, *Palmierius*, *Seruetti* olim discipulus Lutetii, et Promotor, quo fauente plures illi *Viennae* amici exstiterunt. Gestauit incarceratus circa collum catenam auream, qua pro istius temporis

more,

more viri graues ornati erant, sex annulos aureos in digitis habuit, et in crumena non exiguum monetarum aurearum numerum, quae preciosa, praeter consuetudinem erga haereticos vinculis constrictos, ipsi in carcerem ducto, hoc fortassis consilio, concessa sunt, vt illi in suscipienda fuga, quam sine dubio Regius Praefectus *le Court* (*De la Court Vibaillet et Juge du Delphinat*) forte etiam *Palmierius* optabant, pro viatico essent. Durius omnino fatum *Seruetus* inter Euangelicos *Geneuae* expertus est; in custodiam enim ibidem datus, catenam auream, annulos aureos et 97 monetas aureas carceris custodi tradere debuit.

Altero post incarcerationem Viennensem die, et perendie duplex examen cum eodem institutum, in quo epistolas ad *Caluinum* datas, a se scriptas, post varias tergiversationes, palam professus est. Antequam nouum institueretur, ex quo pessimum caussae suae exitum verebatur, die VII. Apr. hora quarta matutina, a vincitorum custode clauem, quae ianuam horti aperiret, sibi expetiit, sub specie in eodem obambulandi; hac venia accepta elabendi occasionem nactus, fugae semet mandauit. Communicato consilio id accidisse, et ab amicis ipsius, quorum copia carcere constricto non defuit, ita fuisse deliberatum, nullum est dubium. Accepto de eius fuga nuntio, *Seruetus* vbicumque locorum pro more quaesitus, sed non repertus, iudicium tamen aduersus eum sisti non potuit, cum iudices ex ipsius confessione eum absentem quoque secundum leges suas mortis reum iudicare debuerint. Solemni igitur ritu adcitatus, et cum non appareret, Senatus regius Viennensis die 17. Jun. praesentibus Primariis caussarum patronis, sententiam tulit, qua accusatus, tanquam criminum conuictus, condemnatus, vt Regi mille libras in mulctae poenam pensitaret, et in carcerem aliquando ductus in locum supplicii carro vehendus, ibidemque viuus vna cum libro typis exscripto comburendus esset; interea autem, absentis effigies et libri exemplaria

igne cremanda, omnesque eius facultates, deductis litis exensis, Fisco vindicandas esse. Magnum exemplarium numerum, ipse *Seruetus* d. 13. Jan. 1553. *Lugdunum* miserat, apud quendam, *Petrum Marlinum* sub rudis chartae specie; quae magistratu iubente, *Viennam* translata sunt. Sententia igitur in hac causa enunciata executioni data est, exemplaria *Lugduno* aduecta, quae quinque fascies (Ballen) complectebantur, in carro ad locum supplicii translata, ibidemque effigies primum a carnifice ad patibulum suspensa, et paulo post, haec una cum libris impressis, lento igne combusta sunt.

Rarissima proinde sunt *Restitutionis Christianismi* Exemplaria prelo exenta, calamo descripta frequentiora. Tenuit Bibliotheca *Ven. D. Jablonskii*, Prof. Acad. Francos. librum hunc ex impresso exemplari, *Claudiopoli* in Transylvania elegante Calamo descriptum, in folio, cui SAM. CRELLIUS, a quo LA CROZIUS illum magno pretio emerat, haec verba adposuit: *Christianismi restitutio descripta est, partim a socero meo, JO. PREUSSIO, partim a JEREMIA FELBINGERO, partim ab ignoto mihi homine. In media parte libri a p. 367. ad p. 840. incl. manus est FELBINGERI; p. 841. usque ad p. 869. item p. 873. ad p. 920. est manus ignoti. Primam partem libri et reliqua omnia socer meus descripsit. Vsi vero sunt descriptores isto codice SERVETI typis impresso, quem DANIEL MARCUS SZENT-IVANI, Alumnus ecclesiae Vnitariae Transylvanicae, postea Plebanus ecclesiae Claudiopolitanae et Episcopus reliquarum per Transylvaniam ecclesiarum, in Anglia, nescio ubi et quomodo nactus, cum per Marchiam Brandenburgicam remearet in patriam, (quod inter annum 1660 et 1670 contigisse colligo,) cum PREUSSIO communicauerat. Haec adscripsi in gratiam Ampl. et Excell. Dom. Possess. Berolini d. 3. Aug. 1720. SAM. CRELLIUS, JO. CRELLII, Franci, nepos. Impressum exemplar, quod tenuerunt Vnitarii Claudiopolitani, sine dubio in manus Jesuitarum incidit, de cuius fato*

fato *Sam. Crellius*, in manu descripto exemplari alio hanc notam adiecit. „Postea *Amstelodami* anno 1735 a Clarissimo *Stephano Agh*, ecclesiae Vnitariorum Transylvanorum, tunc alumno studioso, nunc Professore Gymnasii eorum *Claudiopolitani*, percepi, opus illud typis impressum *Seruetianum*, jam inter Vnitarios Transylvanos non reperiri. Nam cum eis, occupata a *Leopoldo* Imperatore Transylvania, vtrumque Templum *Claudiopoli* a Romano-Catholicis adimeretur, imminente hoc periculo improvise securi, neglexerunt Bibliothecam suam e Templo maiore, vbi collocata fuerat, mature subducere, quae proinde a Iesuitis occupata fuit.”

Quod non angusta res domi *Seructo* *Viennae* fuerit, immo potius *Galenus* ipsi opes haud mediocres dederit, vel exinde intelligitur, quod mille libris Gallicis (1000 Livres) fisco regio solutis et impensis forensibus deductis; tanta restaret summa, quam nobilis Gallus *de Maugeron* sibi pro filio suo a Rege expetendam, iudicabat dignam.

Fuga mortis periculum praevertens, apud se constituerat *Neapolim* proficisci, ibique inter Hispanos isto loco degentes ex praxi medica vitam sustentare. Iter hoc per *Genevam* ingressus, urbem hanc die 12 vel 13. *Julii* tetigit, in diuersorio per integrum mensem clanculum lauit, publice non prodiit, nec cum quoquam de rebus theologicis colloquutus, vel placita sua cuiquam persuasit, occasionem itineris prosequendi tantum exoptaturus. Sed praesentia eius *Caluino* innotuit, qui id officii Deo et cogitui suo debere putabat, ut tantae proterviae haereticus, vel ad recantationem errorum cogeretur, vel promeritas, ut arbitrabatur, poenas daret. Adeste *Seructum*, Senatori cuidam *Genevensis* reipublicae denunciavit, additis precibus, ut hominem suo periculo in carcerem duci iuberet; quod, cum *Calvinus* multum auctoritate atque consiliis apud *Genevenses* valeret, die 13. Aug. factum est. Ipse in ep. ad *Sulcerum* d. 9. Septembr. in *Epp. Cal-*

vini, n. 156. p. 294. ita scribit: „Tandem huc malis auspiciis appulsum, unus ex Syndicis, me auctore in carcerem duci iussit. Neque enim dissimulo, quin officii mei duxerim hominem, plus quam obstinatum et indomitum, quoad in me erat, compescere, ne longius manaret contagio.” Et in *Refut. errorum Serueti*, p. 187. „Nec sane dissimulo, mea opera consilioque iure in carcerem fuisse coniectum.”

Iam diu *Caluinum* hoc mente sua voluisse, si aliquando *Serueti* potiri possit, in ep. ad *VIRETUM Lausonii in Heluetia* ministrum, perscripsit: „*Seruetus* cupit huc venire: Si venerit nunquam patiar, ut saluus exeat.” Squallidum *Serueti* *Geneuae* tristemque fuisse carcerem, ex eius ep. ad Senatum *Geneuensem* quinta post incarcerationem Hebdomade scripta adparet. *Calvinus* famulum ac discipulum suum, *Nicol. de la Fontaine* subornauit, qui incarcerationatum sollemni ritu, more recepto accusaret, cui tenorem libelli accusatorii, qui 38. criminationibus absoluebatur, in calamum dixit, illumque die 14. Aug. quo primum cum constricto examen institutum, Senatui exhiberi curauit. Ad errorum imputationem minus determinate respondit *Seruetus*, immo eosdem vel plane negauit, vel prouide excusauit, a se tamen in *Germania* libros *de Trinitatis erroribus*, et in *Gallia* *Restitutionem Christianismi* editos esse, nec non in *Ptolemaeum* et in *Biblia sacra* observationes confectas, non inficiabatur. Ad Articulum 37, quo in ius vocabatur, quod *Caluinum* quibuscunque obtrectationibus et calumniis aggressus fuerit, hocque ausu simul doctrinae *Geneuensium* maculam adaspererit, respondit: Quod *Calvinus* primus aggressor extiterit, ipsumque publicis scriptis eluserit, aduersus quem se defendisset et aduersario suo proprios errores monstrasset. Non minus *Melanthonem*, mitissimum et malorum tolerantia inclutum, contumeliis suis adfecerat, in vltima *Restitutionis Christianismi* parte; sed earundem *Seruetum* in ius vocatum esse, non legimus. In secundo examine, quod d. 15. Aug. habebatur, *Calvinus* et ministri *Geneuen-*

neuenſes, rogante Magiſtratu praefentes aderant. Pergebat in accuſatione *Fontanius*, vrgebatque, vt *Seruetus* cogeretur diſtinctius ad articulos reſpondere; qui etiam de dicenda veritate admonitus, alios conceſſit, alios a ſe amolitus, de nonnullis vero palam mentem ſuam declarare tergiuerſatus eſt. *Caluinus* vero ita captiuum ſua eloquentia et auctoritate tenuit, vt elabendi occaſionem reperiret nullam.

Si vera ſunt, quae ad *Farellum*, d. 20. Aug. in Epp. n. 134. p. 290. et in *Reſut. errorum Serueti* p. 703. narrat, captiuus in feruore diſputationis dixit: *malis geniis ineſſe diuinitatem, immo ſingulis plures ineſſe Deos: quia Deitas ſubſtantialiter tam illis, quam ligno et lapidi communicata fuerit*. Excusandus tamen omnino videtur, homo commiſeratione dignus, ſi in procelloſo hoc impetu, cuius auctorem infenſiſſimum coram intuebatur, quaedam loquutus fuerit, quae alio tempore et in tranquilla vitae ſtatione prorfus deteſtatus fuiſſet. *Caluino* in faciem dixit, quod ipſum adeo perſequutus fuerit, vt, ſi ex eius voluntate ſtetiſſet, in cinerem crematus iam eſſet. Examine hoc finito, inculpatus parum fauſta ſibi ominari potuit; eundem enim variis modis grauatum, ac palmaria capita aduerſus eum probata, Senatus enunciauit. Potuiſſet quidem *Seruetus Geneuae* exceptionem fori formare, imprimis cum Magiſtratus Vienneniſis, vt ſibi extraderetur ex vinculis profugus flagitaret; ſed ipſe hoc forum recusans, *Geneuae* iudicari maluit; mitius ſaltem inter Proteſtantes ſupplicium expectans; quae ſpes eum maxime ſefellit, qui duriora inter Romano-Catholicos tormenta experiri non potuiſſet.

In tertio examine d. 16. Aug., *Fontanius* cum cauſarum patrono, Iuriſconſulto, cui nomen *Germain Colladon* comparuit, omneſque libelli accuſatorii articulos ex libris *Serueti*, aliisque documentis accuratius probavit. Die 18. Aug. *Fontanius* iterum cum eodem pro-

ratore aderat et quaedam accusationis momenta nouis argumentis adstruxit, quibus omnibus *Calvinus* praesens, eloquentia et disputandi arte, in primis auctoritate sua maximum pondus addidit. Post multas criminationes ex edito *Ptolomaei* opere, et adnotationibus Bibliorum editioni adtextis, tandem ad eiusdem errores de S. Trinitatis mysterio, et de Persona Christi peruentum est, qui, iuxta placita ipsius aduersus *Paedobaptismum*, principes excidii sui rationes exstiterunt. Praelegebatur locus ex *Restit. Christ.* quo orthodoxam de tribus in essentia diuina personis, doctrinam, *Augustini somnia*, ridiculas naenias, et qui eam defendunt, *Tritheitas* appellauit, hosque notauit, quod triformem Deum, tricipiti Cerbero similem, sibi fingerent. Ad quam criminationem prolixè respondit, inter alia prouocando ad antiquissimos Ecclesiae Doctores, *Ignatium*, *Polycarpum*, *Clementem Romanum*, *Irenaeum*, *Clementem Alexandrinum*, *Tertullianum*, aliosque, quorum testimonia in opere suo citasset, quique eandem fidem defendissent. Negauit, quod *Tritheitas* vocauerit, simpliciter Trinitatem diuinam statuentes; siquidem ipse eandem profiteatur; illos autem merito ita dici, qui realem distinctionem in diuina essentia sibi imaginarentur; ab his enim vnitatem diuinae essentiae destrui, hos quoque Trinitarios et Atheos vocasse. Esse quidem in Trinitate, personale, sed non reale discrimen; se cum omnibus Christi ciuibus in Deo tres credere personas, sed vocabulum personae a se alio plane sensu accipi ac quidem a recentioribus. Personam siue hypostasim sibi esse substantiam visibilem vel apparentem, (*une substance visible ou apparente*) non erroris a se vocari eos, qui discrimen attributorum in Deo statuerent, quod ipse crederet; sed illos se auersari, qui Deum realiter distinguunt ac diuidunt. Quod veram Trinitatem cum Gentilium poetarum *Cerbero*, comparasset, constanter negauit; falsam ac imaginariam tantum simili hoc innuisse confessus est.

Ad *Seruatoris personam* quod attinet, ipsi exprobarum est, quod de eodem indecentes ac erroneas opiniones defenderit, diuinitatem ipsius negauerit, statueritque, quod homo Iesus in S. Sc. eam tantum ab rationem appelletur Deus, quia ex tribus essentiae Patris elementis, igne, aere, et aqua formatus ac compositus sit. Inquisitus per iniuriam sibi haec impurari, querebatur; se enim Christi Deitatem credere, firmiterque sibi persuasum esse, Iesum Christum esse Filium Dei, ab aeterno a Patre genitum, et in tempore per Spiritum S. in vtero virginis Mariae conceptum, diuinitatem autem tempore conceptionis, humanitati eius esse concessam, et carnem diuinitatis factam esse participem, carnis vero ipsius materiam a Maria virgine prouenisse. Calumniam esse, quae de tribus in essentia paterna elementis sibi tribuantur, cum defenderit saltem, quod trium horum elementorum, nec non omnium rerum creatarum conceptus in Deo fuerint. Duplicauit *Caluinus*, quod mentem suam occurrere niteretur, variisque librorum ipsius locis monstrare voluit, quod aliam plane tuitus fuerit opinionem.

Post longam acerbamque de his aliisque disceptationem, ad argumentum de *Paedobaptismo* descenderunt, quem *Seruetus* acerrime oppugnauerat L. IV. P. III. *Resistit. Christ.* his verbis: „*Paedobaptismum detestandam esse dico abominationem, Spiritus S. extinctionem, Ecclesiae Dei desolationem, totius professionis christianae confusionem, innouationis per Christum factae abolitionem, ac totius eius regni conculcationem.*” Huic Iudicio subiungit preces: *O Pater omnipotens, Pater misericordiae, eripe nos miseros ab his mortis tenebris, per nomen filii tui Domini nostri J. C. O filii Dei J. C., qui pro nobis mortui es, ne moremur, succurre ne moriamur. Hoc unum, ut nos docuisti, te supplices oramus, sanctificetur nomen tuum, adueniat regnum tuum, et tu ipse Domine veni. In apocalypsi sponsa tua Ecclesia orans dicit, veni, spiritus filiorum tuorum ibi orans, dicit, veni. Omnis qui haec audit, oret, clamet,*

clamet, et cum Joanne dicat veni. Venies certe tu, qui dixisti: Venio cito, Apoc. XXII. et Anti-Christum aduentu tuo certo destrues 2 Thess. II. fiat Amen." Cum isto tempore Anabaptistae, hisque fauentes, tanquam homines rebelles, Magistratui aduersantes et mortis supplicio digni haberentur; *Seruetus* ex hoc accusationis momento maximum in se odium et vindictam conuertebat, praecipue cum coram iudicio profiteretur, baptismum ante annum vitae vigesimum inutilem esse, quia homines, peccato licet infecti, hoc ignorantiae tempore peccata mortalia non committant.

Denique ad istum libelli accusatorii articulum iterum deueniebatur, quo *Caluinum* et vniuersum Geneuensem coetum, fideique doctrinam ab hoc susceptam, lacesse, ac contumeliis onerasse in ius vocabatur; quam imputationem accusatores, variis, praeter ea, quae ex *Restitutione Christianismi* adduxerant, documentis, praecipue litteris *Serueti* ad *Abelem Pepinum* datis, nec non notis manu sua libro *Caluini*, institutioni religionis christianae additis probatam dederunt. Ad hanc eadem, qua antea ratione, scilicet *Caluinum* calumniandi et obtrectandi initium fecisse, sibi que, paria ipsi referenti, vitio id verti non posse, respondit; epistolam *Pepino* scriptam, et librum *Caluini* notis calamo adscriptis castigatum, nusquam lucem publicam vidisse, nec solidum grauaminandi argumentum substernere. De libro *Restitutionis* iterata vice interrogatus, libere omnia professus est, sicque finito examine, et semotis accusatoribus, Senatus iudicauit, plurima libelli accusatorii momenta esse comprobata, litemque hanc ita instructam, quo secundum leges et statuta, vltiori procedendi modo et ordini, in hac republica recepto, committeretur. Interim die 21. Aug. in nouo examine testimonia Patrum antiquissimorum, de S. Trinitate, ad quae *Seruetus* prouocauerat, discussa et ita a *Caluino* explicata sunt, vt eadem *Serueto* non tantum minime suffragarentur, sed orthodoxam quoque doctrinam omnino euincerent. In hoc certamine accusatus varia quidem quaesivit recep-

receptacula, quibus expulsus maximam prae se ferebat indignationem. *Calvinus Refut. errorum Serueti*, p. 703. significat, quae circa explicationem locorum *Iustini* isto tempore contigerunt, his verbis: „*Huius rei iocosum et risu dignum specimen in Iustino Martyre exhibitum fuit. Nam quia magnifice iactabat, aureo eius seculo incognitas fuisse de Trinitate et personis fabulas, codicem statim adferri iussi, et digito monstraui certos locos, in quibus sanctus vir, non minus aperte fidem nostram asserebat, quam si rogatu nostro scripsisset. Atqui graecum sermonem nihilo magis legere, quam puer Alphabetarius potuit. Tum se turpiter prehensum videns, stomachose latinam translationem sibi dari petiit. Quid hoc rei est dixi? quum nulla exstet latina translatio, Graece legere nescias: tamen in Iustini lectione te familiariter versatum esse fingis. Vnde igitur tibi illa testimonia, quibus citandis adeo liberaliter tibi indulges? ille, ut solebat, ferrea fronte alio transiliens, nullum vel minimae verecundiae signum dedit.*” *Calvinum* in hac parte animo praeoccupato ac inuidioso iudicasse, graecae linguae ignorantiam aduersario obiiciendo, ex scriptorum *Serueti* oculari inspectione luculenter adpareret, in quibus varia *Ptolemaei* et *Galen*i loca ex Manuscriptis codicibus correxit et integritati restituit, ex LXX. interpretum versione et textu N. T. autentico haud pauca testimonia allegauit, eademque alio plane modo, quo ab aliis explicantur, exposuit. Non graecae tantum, verum quoque Hebraicae linguae bene gnarum fuisse, ex ipsius iudicio in *Restit. Christ.* colligi potest: *In perniciosos illum incidere errores, qui sanctas scripturas tractabit, sine cognitione linguae sanctae.* Hoc ipso certamine, de vocabulis *Personae* et *Hypostaseos*, disceptatio ventilata est, in qua ex vtraque parte obiurgationes et conuitia effusa esse, coniecturam facimus, quamuis *Calvinus* l. c. p. 695. testetur: *Se, quum Seruetus plenis buccis conuitia subinde in ipsum euomuerit, quorum iudices ipsos pudebat, ac pigebat, ab eius insectatione abstinuisse.* Discessus *Caluini* cum Eccle-

suae ministris pugnae finem fecit; *Serueto* ex iis, quae agebantur, certo augurante, rem suam serio tractari, maximumque sibi vitae imminere discrimen. A iudicibus petiit, ut quidam libri pro pecunia, quam licitor in carcerem ducto abstulerat, emerentur, et nonnullorum quoque operum ex iis, quae attulerat *Caluinus*, item chartae, atramenti ac calami concederetur usus; quae omnia ex voto obtinuit.

Inculpatus d. 22. *Aug.* Senatui libellum supplicem Gallice scriptum transmisit, (*Moshemius* l. c. p. 417) quo monstrauit: quod secundum praxin et disciplinam Apostolorum, ac primae Ecclesiae, in rebus fidei et explicatione S Scripturae, capitalis inquisitio locum non habeat, immo potius de erroribus accusatos, vna cum accusatoribus, a iudiciis ciuilibus ad Ecclesiam ablegatos esse, cui controuersias diiudicandi negotium tantum compereret, quod ex *act.* XVIII. et XIX. probauit, simulque addidit, eundem *Constantini* M. tempore ordinem in certaminibus *Arii* et *Athanasii* seruatum esse; errorum ab Ecclesia convictos ac damnatos, nisi reuocassent, et ad saniores mentes rediissent, exilio et excommunicatione, nec vnquam duriori poena esse adfectos. Si etiam vel maxime aduersus haereticum capitalis accusatio institui possit, ipsum tamen eadem eximendum esse, cum nemini in districtu *Geneuensi*, nec alio loco, sua doctrina scandalo fuerit, nec excitato tumultu publicam tranquillitatem turbauerit. Quamdiu in Germania versatus esset, tantum cum *Oecolampadio*, *Bucero* et *Capitone*, in Gallia vero cum nemine de momentis grauioris argumenti ab eruditis saltem dignoscendi, collocutum esse. Tumultuantes et aduersus Magistratus rebelles Anabaptistas se toto pectore auersari, ac proinde capitis accusari non posse. Quodsi his non obstantibus inquisitionem inchoatam prosequi vellent, causae suae Patronus ac defensor concederetur; cum extraneus et statutorum huius prouinciae ignarus, coram iudicio se defendere, et rem suam tueri nesciret. Finem, quem

quem intendebat inquisitus, hoc libello non consequutus est, cum ex legibus reipublicae, inprimis istis, quae aduersus haereticos priscis temporibus latae erant, et adhuc vigeant, absolui non potuerit, nec *Calvinus*, qui in ecclesiasticis plurimum valebat, in absolutionem consensisset, quo iudice aut publice reuocare, aut mori debuit. Quae praeterea in hac causa omni respectu criminaliter instructa, d. 23. Aug. acta sunt, quid iussu Senatus inter *Calvinum* et *Seruetaum* scriptis decertatum, et quomodo haec omnia ecclesiis helueticis ad iudicandum de illis commissa sint, ac qualis sententia ab his lata, haec et alia longa serie apud *Moshemium* l. c. p. 179. seqq. leguntur.

Transmisit nimirum Senatus scripta a *Caluino* et *Serueto* exhibita, quibus ille huius errores propriis auctoris verbis proposuerat, hic ab imputatis se purgare studuerat, ad Senatum *Tigurinum*, *Bernensem*, *Basileensem* et *Scaphusianum*, circa finem m. Sept. eo fine, ut virorum ecclesiasticorum sententiam exposcerent, an captiuus pro nocentissimo haeretico habendus, et quid, hoc euieto, secundum leges diuinas aduersus eum statuendum foret; ipsi vero Magistratus, quid statuta ciuilia in hoc casu praecipiant, cohibeant, vel permittant, communicato consilio enunciare velint. Interea temporis, cum Magistratus et Ministri horum coetuum de causa *Serueti* deliberarent, et fama diuulgaretur, ministros non lenitatem, sed mortis supplicium suafuros esse, *Dauides Georgius*, epistolam (non primo *Julii*, ut in fine legitur, sed primo Octobris scriptam,) sine nominis subscriptione, Magistratibus helueticis hortatoriam et intercessionalem pro *Serueto* exhibuit. Testatur in eadem, quod, accepto nuntio, de pio *Serueto* ex inuidia et odio Magistratui tradito, deque viris ecclesiasticis mortis sententiam aduersus eundem pronunciaturis, tanta sollicitudine adfectus fuerit, ut tanquam membrum corporis Christi ob hanc iniuriam vocem suam extollere, animumque suum coram Domino exponere debuerit. Spem firmam se concipere, Magistratus non per-

uersis

versis Ministrorum consiliis, sed potius supremo coetus Christiani Doctore obtemperaturos, qui neminem propter fidem occidi velit. Horrendam esse coecitatem ac tyrannidem, quando Euangelii ministri, a Deo vncti, vocati et missi, ad reuocandum mortuos in vitam, animasque emendandum, et ad veritatis agnitionem ducendum, a vero aberrantes mortis supplicio addicunt, et per mortem temporalem his aeternam quoque contrahunt. Nemi tale iudicium, nisi vitae auctori et animarum Redemptori conuenire. Magistratus officium esse, impios et sceleratos punire, pios vero defendere et praemunire, ne ab impiis propter fidem opprimantur et occidantur. Qui aliorum sanguinem sitiunt, non esse discipulos Christi, sed homicidas ab initio. Si licitum esset, haereticos interficere, vniuersalis caedes in hoc orbe foret, paucissimi que homines viui seruarentur. Cauendum omnino esse, ne alii coetui gladius tradatur, ad trucidandum, quos haereticos iudicat. *Seruetum* haereseos ac contumaciae quamuis conuictum, non tamen esse occidendum et opprobriis afficiendum, sed potius amice admonendum, et incorrigibilem tandem vrbis terminis expellendum. Infuisse Ecclesiae Dominum Zizaniis iuxta triticum in agro coetus sui concedendum esse locum, sibi que reseruasse, illa seculo demum futuro per messorum suos a frumento separare. Finem epistolae seria adhortatione fecit, ad exercendam misericordiam, non effundendum sanguinem, nec iudicandum, ne ipsi iudicentur.

Nihil omnino epistola, nec imprudenter, nec plebeia ruditate scripta causae *Seruetti* profuit, cum *Calvinus* auctoritate et persuasione sua inter helueticos quam plurimum valens, omnes iudicio suo fauentes iam antea habuerit. *Tigurini* ad votum *Caluini* responderunt, et Senatui Geneuensi ad seuerissima consilia aduersus impium et blasphemum suasores extiterunt. V. *Calvinus* l. c. p. 724. seqq. eiusdemque epp. et resp. N. 159. p. 297. seqq. Cum his conueniebant *Scaphusiani*, qui praeterea *Seruetti* placita

placita refellere dissuadebant, quod nihil aliud esset, quam cum insaniente insanire. *Basileenses* ministri hortabantur, ut *Geneuenses* omne studium in sanando *Serueto* adhiberent, morboque, quo alios infecit, medicinam pararent; si vero incurabilis in contumacia perstaret, pro officio et potestate a Domino acceptis eum coercerent, ne Ecclesiae damnum conciliaret, fierentque nouissima prioribus deteriora. *Bernensium* ministrorum litteras, *appositas Caluinus* ep. 161. ad *Farellum* l. c. p. 304. vocat, qua voce non tantum laudis his tribuere videtur, quantum reliquis, nec id sine ratione, cum *Bernenses* circa finem epistolae talia enunciarint, qualia *Caluinus* ipsos scripsisse nolebat. His enim verbis illam finiunt: „*Oramus Dominum, ut det vobis spiritum prudentiae, consilii et fortitudinis, ut et pestem hanc ab ecclesiis cum vestra, tum aliis auertatis: et simul nihil admittatis, quod Magistratui Christiano inconueniens videri possit.*” De *Magistratus Bernensis* epistola, qua ministrorum consilia comitabatur, *Caluinus* sentit: quod non parum eadem stimulatı fuerint *Geneuenses*. Jo. HALLERUS, minister coetus *Bernensis* isto tempore meritissimus, in *Ephemeridibus* rerum ab anno 1548 ad annum 1565 in utroque statu, politico et ecclesiastico, *Bernae* gestarum, quas auctores *Musaei heluetici* part. V. p. 79. seqq. typis exscribi curarunt, multa fide digna de *Serueto* expotuit. Inprimis exinde patet, reliquos coetus *helueticos*, sententiae mortis de *Serueto* sumendae calculum suum non adiecisse. Sic autem l. c. p. 102: „*M. Sept.* (die potius 13 Augusti) *Geneuae* deprehensus est MICHAEL SERUETUS, blasphemus, qui *S. Trinitatem* non negabat modo, sed *Cerberum* quoque *Tricipitem* vocare audebat; pertinax haereticus. Qui cum in vinculis suas adhuc blasphemias tueretur, *Senatus Geneuensis helueticarum Ecclesiarum* consilio uti voluit, et misit integros processus ad omnes Ecclesias. Responderunt illae, sicut postea typis vulgatum est. Non tamen in necem eius aperte omnes consenserunt. Tandem ille 27 Oct. *Geneuae* exustus

est. Quod illius supplicium, licet illo dignissimum esset, multis dedit occasionem dissentiendi, cum alii hoc recte factum esse, defenderent; alii putarent, non admittendum fuisse eiusmodi exemplum in Ecclesiam, ne occasio daretur amplior Papistis erga fideles igne saciendi; et veteres etiam, haereticos verbo Domini, non supplicio vicendos esse duxissent."

Seruetum proinde omnium Helueticarum Ecclesiarum sententia damnatum esse ad mortem, statui nullo modo nequit, quamvis omnes illius errores damnauerint. Omnium coetuum litterae in eo conspirant, quod Geneuensium officium sit, captiui temeritatem compescere, et errorum incrementa impedire; qua ratione vero id fieri possit, vel debeat, nullus determinauit, multo minus mortis, nedum *viuicomburii* sententiam pronunciauit. A veritate hinc alienum est, quod *Caluinus* in *opusculis Theol.* p. 724. perhibet: omnes Helueticos Theologos morte dignum iudicasse *Seruetum*.

Nouae hinc, acceptis Magistratuum et Ministrorum consiliis, deliberationes a die 21. Oct. instituebantur a Geneuensibus, ad quas ordo quoque ciuicus vocatus, nec non nouum ministrorum circa hanc materiam responsum requirebatur. Vix dubitari potest, quin hi, *Caluini* auctoritate permoti, mortis supplicium suaserint. Reliqui iudices in sententia ferenda discreparunt, alii aliter damnarunt, nonnulli ad exilium, alii ad perpetuos carceres, pars maior ad mortem, nisi recantaret, hi vero in mortis genere non conuenerunt. Tantem per plurima suffragia secundum leges antiquas aduersus haereticos latas, igni adiudicatus, haecque mortis sententia, die 26. Oct. in Senatus confesso enunciata est. *Caluinus* et ministri Geneuenses certiores de eadem facti, litteris ad Senatum datis, atrocissimum hoc supplicium in quoduis aliud minus horrendum precibus suis intercedentes, mutare studuerunt; *Caluino* enim sentiente capitale quidem de *Serueto* fumen-

dum

dum, mortis vero genus mitigandum esse. Nihil vero rogantes obtinuerunt, et sententia immota stetit, qua, crimine *Serueto*, ac rationibus, in hac caussa decidendi, adductis, tanquam nocentissimus maleficus condemnabatur, ut vinctus ad supplicii locum *Champel* dictum, ducendus, ibidem ad palum alligandus et vna cum libro scripto, (qui sine dubio idem fuit, quem ante sex circiter annos *Caluino* transmiserat, *restitutio* nimirum *Christianismi*, posthac ab auctore pluribus locis correctus,) et typis expresso, ad cinerem concremandus sit. V. *Mosheimius* p. 444. sqq.

Hoc ipso die mortis sententia *Serueto* publicata, addito nuntio, postero die executioni dandam esse. Quanta animi perturbatio miserum occupauerit, facile conici potest, in primis cum occulti quidam amici, odio aduersus *Caluinum* incitati, inquisito bene cupientes, spem melioris euentus fecerint. *Serueto*, mortis sententiam audientem *Caluinus* detestando zelo et animo omnis humani sensus vacuo, l. c. p. 703. his verbis depingit: „*Ceterum ne male feriat nebuloes, vecordi hominis peruicacia, quasi martyrio glorientur: in eius morte apparuit belluina stupiditas, unde iudicium facere licet, nihil unquam serio in religione ipsum egisse. Ex quo mors ei denunciata est, nunc attonito similis haerere, nunc alta suspiria edere, nunc instar lymphatici eiulare. Quod postremum tandem sic inualuit, ut tantum Hispanico more reboaret: Misericordia, Misericordia.*” Circa hanc *Caluini* relationem, auctor sub *Vaticani* nomine latens, qui libellum illius, quo ostendere conatur, haereticos iure gladii esse coercendos, refutauit, p. 172. optime animaduertit: „*Et si credo, omnia haec, inuidiose et mala fide a Caluino dici, et accusatorie magis, quam vere narrari, tamen etiam si vera essent, nullam hic video belluinam stupiditatem. Eam enim in militibus et inhumanis hominibus intelligimus, qui metu mortis non magis mouentur, quam belluae. Ad hominem moueri, humanum est, non belluinum. Edidit et Ezechias*

alta suspiria, cum ei nunciata esset mors longe mitior, quam Serueto, et columbae, siue gruis ritu, quaerulos et miserabiles clamores edidit. Jobus ipse, qui patientiae specimen proponi solet, haesit attonito similis totos septem dies, cum tamen amici ei non tam triste nuntium adferrent, quam inimici Serueto. Potest fieri, ut et pius aliquis in morte eiulet, et impius cantet: et contra, ut et pius cantet, et impius eiulet: ita non sunt haec animi certa indicia. SERUETUM quidem commotum fuisse, nihil miror. Ipse CALVINUS, qui nunc mortuo tam petulanter insultat, si esset in eo statu, nescio, quid faceret, cum saepe soleat, si quis in eum liberius loquutus est, cadere statim in morbum suum, quem hemieraniam appellant; tanta est iracundiae impatientia. Fere fit, ut quo quisque magis ferocit, dum abest a poena, idem magis frangatur, dum ea adest. Credite mihi, lectores, aliud est de igne sub umbra loqui, aliud videre, se a carnifice sulphure conspergi, et ignem faciei in orbem admo-
veri. O Caluine! Caluine, vide ne tecum in hac, (id quod esset melius,) vel in futura vita talione agatur." Libro isti, in caussa Serueti aduersus Calvinum concinnato, alium addimus, quem Calvinus, (a. 1564. die 27. Maii defunctus) non vidit, qui etiam post auctoris obitum in lucem prodiit, sub tit: *In haereticis coercendis quatenus progredi liceat*, MINI CELSI SENENSIS disputatio. Vbi nominatim eos ultimo supplicio adfici non debere demonstratur. Christlingae 1577. 8. Recusus est cum Theod. Bezae et Anar. Dudithii epistolis duabus. Basil. 1584. 4. V. B. A. p. 302. et Schelhornius de Mino Celso Senensi, rarissimae disquisitiones in haereticis coercendis quatenus progredi liceat auctore, etc. nec non in amoenit. T. VII. p. 68. Minum Celsum, nomen auctoris proprium fuisse, non adscritium, nostra aetate ab omnibus conceditur; cum olim crederetur fictum, quo Laelius vel Faustus, Socinus, vel Seb. Castalio vel alius denique latere voluerit. Scripsisse autem illum librum suum primum italica, et deinde in linguam latinam transtulisse, auctor nos docet p. 117. Minus iste
Celsus

Celsus Pauli V. Pontificis truculentia, qua in plurimos summae dignitatis viros saeuiebat, territus, aetate iam pro-
vecta, patriam tellurem a. 1569. relinquere, et in *Ractia*
securitatem quaerere coactus fuit, vbi tum temporis Ita-
lorum seges abundabat, indeque post triennii moram cir-
ca a. 1572. *Basileam* migravit, vbi probabiliter vita quo-
que defunctus est.

Ipsa mortis ac supplicii die 28. Oct. compositum ac
tranquillum homo commiseratione dignus exhibuit ani-
mum, nisi quod tremendus ignis adspectus, et dolor, quo
exeruciabatur, eum paululum turbauerint. Obitus ipsius
historia ex litteris GUIL. FARELLI, Neoburgensis coetus
ministri, peti potest, qui *Seruetum* ad rogam comitabatur,
Ambrosio Blauro scriptis, ex quibus HOTTINGERUS in
hist. Reformat, Heluet. p. 804. praecipua momenta expo-
suit. His addenda est historia de truculenta morte *Ser-
ueti*, quam *Moshemius* p. 446. sqq. ex *Vaticani* libro alle-
gato p. 187. exscripsit. FARELLUS Neoburgo euocatus,
vt morituro in vltimo vitae discrimine, munere suo prae-
sto esset, qui Geneuenses ministros omnes non sine ratio-
ne pro inimicis suis habuit, ac propterea horum officium
recusauerat. Aderat *Farellus* hora 7. in carcere, *Serue-
tum* serio admonens, vt in vltimo vitae limine constitutus
resipisceret, delicta, quibus Deum et Ecclesiam offendisset,
tristis agnosceret, et ad veram de S. Trinitate, et Filio
Dei doctrinam reuerteretur. Expetiit sibi ad haec *Serue-
tus* a *Farello*, vt vnico S. Scripturae dicto euinceret, Chri-
stum appellari Filium Dei. antequam e Maria virgine ho-
mo natus. Qua ratione eum meliora docuerit *Farellus*,
non narrauit, id tantum addens: condemnatum in suo
errore firmiter persistisse. Pergebat hortando, vt mori-
turus tanquam Christianus, cum *Caluino*, quem offendis-
set, reconciliaretur, ad quod etiam miserabilis paratum
animum declarabat. Id cum e vestigio nunciaretur *Cal-
vino*, isque vt in carcerem ad *Seruetum* veniret, rogaretur,
hoc ex ea ratione recusauit, quod absque permisso Senatus

sibi licitum non sit, cum *Serueto* loqui. Annuente Senatu duosque Senatores delegante *Caluinum* in carcerem comitantes, hunc hostem suum, *Seruetus* duabus ante mortem horis comiter ac submisse excepit, et interroganti, quidnam vellet, respondit, se veniam omnium offensionum ab eo petere. Quid *Calvinus* longa oratione ad eum dixerit, ipse l. c. p. 687. his verbis narrauit: „Ego ingenue praefatus, me nunquam priuatas iniurias fuisse persequutum, quanta potui mansuetudine admonui: iam me ante annos sexdecim, non sine praesenti vitae discrimine, obtulisse meam operam ad eum sanandum, nec per me stetisse, quominus resipiscenti manum pii omnes porrigerent. Deinde litteris priuatis, cum ipso placide egisse, nec ullam captasse ostentationem. Denique nullum a me beneuolentiae officium fuisse praetermissum, donec liberis meis obiurgationibus magis exacerbatum, rabiem magis, quam bilem effudit. Verum sermonem de me abscindens, rogaui ut veniam potius ab aeterno Deo peteret, in quem nimis atrociter contumeliosus fuerat, tres hypostasies ex eius essentia delere tentans ac Cerberum tricipitem vocans, si realis inter Patrem et Filium eius et Spiritum S. distinctio statueretur. Filium Dei sibi placare, in animum induceret, quem foede suis commentis deformans et negans in ea carne, quam induit nobis similem; adempto fraterno coniunctionis vinculo, unicum Redemptorem abnegauerat. Quum monendo et hortando, nihil proficerem, nolui supra magistri regulam sapere. Nam ab haeretico homine, qui αυτοκαταχρηστος peccabat, secundum Pauli praeceptum discessi.”

Post *Caluini* abitum, *Seruetus*, narrante *Farello*, in sua ad mortem praeparatione pie ac deuote perrexerat a Deo et Jesu Christo peccatorum veniam rogans, de illis dolorem testabatur, Filiumque Dei, suum Seruatorem ac Redemptorem compellabat. Impetrari vero ab illo non potuit, ut Christum, aeternum Dei Filium compellaret, quin immo constans ipsi fuit confessio, Christum in S. Scriptura propterea dici Filium Dei, quia humana ipsius natura, super.

supernaturali modo à Deo, in virgine Maria procreata fuerit. Tandem vltima miseri hora aderat, qui comitante *Farello* inter suspiria et preces ex carcere ad Tribunal ductus, vbi mortis sententia publice consueta solemnitatem praelegebatur, qua audita in genua prostratus supplex Magistratum precabatur, vt viui comburium in gladii poenam mutaretur, ne ad desperationem cruciatuum atrocitate adigeretur, atque ita animam suam perderet; se, si quid peccauerit, peccasse ignorantia, cum semper gloriam Dei promouendam sibi proposuerit. Has *Farellus* supplices preces suo intercepit sermone, et ad mortem condemnatum monere repetiit, vt crimen ex toto pectore profiteretur seriamque suam poenitentiam testaretur; hoc solo remedio gratiam consequuturum, spem faciens. Respondit *Seruetus*, nullius se criminis conscius, nec mortis reus esse, Deum vero precari, vt accusatoribus crimen aduersus se commissum condonet; quam innocentiae declarationem male tulit *Farellus*, qui eum hanc ob rem obiurgauit, additis minis, si ita loqui pergeret, se ab eo discessurum, eumque iudicio diuino commissurum. Reprehensio miserrimum commouit, seruatò silentio, vltiori causae suae excusatione abstinere, qua modestia et obedientia *Farellus* mitigationem poenae fusiori oratione, irritò autem successu, a Senatu petiit.

Abductus ad rogam, cum *Farello* aliisque eum proxime comitantibus preces fudit, subinde quoque clara voce, exclamans: *O Deus serua animam meam! O Jesu Fili Dei aeterni, miserere mei!* Vt ventum est ad supplicii locum, supplex orans in terram prostratus, aliquamdiu pronus procubuit, *Farello* interea populum ita alloquente: *Vidētis quantas vires habeat Satan, cum aliquem possidet. Hic homo est doctus in primis, et fortasse se recte facere putauit; sed nunc possidetur a Diabolo, quod idem vobis accidere possit.* Vbi surrexit *Farellus* eum hortabatur, vt ad populum aliquid diceret, criminis sui poenitentiam testan-

do, ac Jesum aeternum Dei Filium celebrando. Sed ille gemens tantum et suspirans clamabat: *O Deus! O Deus!* *Farello* interroganti, an nihil aliud suppetat, quod diceret, respondit: *Quid aliud possum loqui, quam de Deo?* *Farello* monenti, (qui eorum ignarus, quae coram iudicio confessus erat,) si uxorem liberosque haberet, ac testamentum condere vellet, adesse Notarium publicum, nihil respondit; hortanti vero, ut adstantem populum precum pro ipso ad Deum fundendarum, commonefaceret, obediens spectatores rogauit, ut suspiriis suis praesto essent. Omnem denique *Farellus* operam suam reiterauit, ut Jesum aeternum Dei Filium profiteretur, ac inuocaret, quod ab eodem impetrari non potuit. Interim tamen nec errorum suorum memoriam repetiit, nec eosdem accusauit, nec defendit: *Calvinus* ex hoc silentio, quod libere *Seruetus* obseruauit, cum nemo alloquendi ipsum visu prohiberet, infert, non tanquam martyrem occubuisse Hispanum, sed desperatione concidisse. LUBIENIECIUS, l. c. L. II. C. V. p. 99 — 105. sermonem quendam *Seruetti* de vera Dei et Filii eius cognitione exhibuit, quem ante mortem, tanquam cygneam vocem, edidisset, et ex eiusdem autographo descriptum venditauit; sed absque dubio deceptus, cum ista oratio a quodam *Sociniano*, errorum specialium *Seruetti* inscio, efficta, diuerso cogitandi ac scribendi habitu, qualis in *Seruetti* scriptis obseruatur, fabricata sit.

Cum nihil amplius effari vellet ad rogam stans, horrendi supplicii actus tandem susceptus est, quem VATICANUS iute l. c. describit: „Ita ductus est ad struem lignorum, fasciculis quernis viridibus, adhuc frondosis, admixtis lignis taleis constructam. Impositus est *Seruetus*, trunco ad terram posito, pedibus ad terram pertinentibus. Capiti imposita est corona, vel straminea, vel frondea, eaque sulphure conspersa: Corpus palo alligatum ferrea catena, collum autem fune crasso quadruplici aut quintuplici laxo, liber femori alligatus. Ipse caruificem rogauit, ne se diu torqueret, Interea

Interea carnifex ignem in eius conspectum, et deinde in orbem admouit: Seruetus viso igne ita horrendum exclamavit, ut uniuersum populum perterrefecerit. Cum diu langueret, accesserunt ex populo, qui fasciculos confertim in eum coniecerunt. Ipse horrenda voce clamans, Jesu, Fili Dei miserere mei, post dimidia circiter horae cruciatum exustulatus et fumo suffocatus, animam expirauit.” Perhibuerunt quidam, *Caluinum* cum miserum vidisset ad supplicium duci, in tantum risum fuisse effusum, ut vultum sub sinu vestis tegere necesse habuerit; quod vero excogitatum ab iis videtur, qui quaecunque odiosa, aduersus eum hac occasione effinxerunt, cum tamen res ipsa ad censuram eius maxime sufficiat, nec vagis rumoribus indigeat. Adfert quidem *Calvinus* l. c. haud pauca, quibus causae suae patrocinari putat; an vero eam ita defenderit, ut plane insons ac purus iudicari possit, dubitandum est. Inter alia l. c. ita scribit: „*Quum Magistratus tuendae religioni custodes praeficimus, non acuius eorum gladios, ut de quolibet errore poenas sumpturi, mox ad sanguinem profiliant. Scimus enim tres esse errorum gradus, et quibusdam fatemur dandam esse veniam, aliis modicam castigationem sufficere, ut tantum manifesta impietas capitali supplicio plectatur. — — — Secundum errorum genus etsi castigationem meretur, mediocris tamen adhibenda est seueritas: tantum ne indulgentia alatur eorum improbitas et contumacia, qui fidei unitatem scindere cuperent. Sed ubi a suis fundamentis conuellitur religio, detestandae in Deum blasphemiae proferuntur, impiis et pestiferis dogmatibus in exitium rapiuntur animae: denique ubi palam defectio ab unico Deo, puraque eius doctrina tentatur, ad extremum illud remedium descendere necesse est, ne mortale venenum longius serpat.”*

Ex hac, quam exposuimus, fide digna relatione, *PETRI HYPERPHROGENI*, Gandauensis, Sociniani nondum mihi cogniti narratio, quam in Mispro *Sandius* vidit, et l. c. p. 8. quaedam excerpsit, corrigenda omnino est; ex-

cepta ista circumstantia, qua ventus tempore viuicomburii *Serueti* celeriolem flammaram effectum impediuerit, ipsique diuturniores cruciatus conciliauerit, quae ita se habere potuit. Idem l. c. p. 92. significat, quod *Andr. Volduius* notas manuscriptas in *Pet. Hyperphrogeni* historiam, de morte *Serueti* reliquerit; V. B. A. P. II. p. 990. N. 3.

Sic *Seruetus* vitae anno circiter quadragesimo quarto occubuit; qua in re emendandus est *F. Socinus*, qui in libro aduersus *Wuieckum* C. II. p. 39. inquit: „*Certissimum est, Seruetum cum supplicio adfectus est, senem fuisse, et Caluino multo grandiolem natu.*” Ipse *Socinus* eodem loco recte *Bellarminum* et *Wuieckum* corrigit, qui 1555 *Seruatum* exustum esse perhibuerunt, cum id 1553 accidisse indubitatum sit. Toto semestri ante *Serueti* exustionem *Tilemannus Heshusus*, in publica *Wittebergae* 1553 d. 5. Maii habita disputatione, *Seruatum furentem Lutherae mortuum esse falsissime narrauit. V. Propositiones Lutheri et Melanthonis etc. Witteb. 1558 edit. p. N. 7. a.*

Caluinum huius supplicii promotorem, solo pro gloria Dei et aduersus impios et blasphemos errores zelo, quod ipse perhibet, non commotum, sed subinde propria vindicta et *Serueti* asperitate, ac superbia, qua eum exceperat, prouocatum, omni dubio caret; quamuis eius defensoribus id facile concedendum putem, quod id mortis tremendae genus non vrserit, immo aliud potius, si ex ipsius sententia steterit, voluerit. Quantam caede hac sibi contraxerit malae famae notam, vix dici potest; quamvis verissimum sit, odium eius personale, hominis superbi et vehementioris calumniis fuisse accensum, quas coram, et in scriptis effudit. Maxime iam irato bilem mouerat, cum adeo captiuus, exhibito Senatui Geneuensi scripto, *Caluinum* ob errores et sanguinolentas machinationes capitis accusaret. Cum in lucem emitteret *Institutiones religionis Christianae Caluinus*, longe aberat ab iis, qui haereticos morte plectendos statuerunt; occiso autem *Serueto*,
in

in libro cui titulum fecit: *Defensio orthodoxae fidei, de S. Trinitate, contra prodigiosos errores MICHAELIS SERUETI, Hispani, ubi ostenditur, haereticos gladio coercendos esse, et nominatim de homine hoc tam impio iuste et merito sumtum Geneuae supplicium, Geneuae ex officina Roberti Stephani a. 1554. 8. contrarium qualicunque ratione probare annisus est. Nec morte adeo Serueti extinctum fuisse in animo ipsius odium aduersus illum, ex enarratis adhuc satis adparet, et aliis argumentis euinci posset; quippe eum in comment. ad act. XX, 28. canem Hispanicum appellauit. Ad haec verba FRANC. LISMANINUS in suo Comentariorum Caluini exemplari, quod ex Georgii Schomanni Bibliotheca prodierat, huic a Lismanino donatum, manu sua ad marginem haec verba notauit: CANIS A TE FACTUS, subdiditque Distichon:*

*Cur tibi sum Caluine canis? tuus efficit ardor,
Ne canis (heu) dicar, sed miseranda cinis.*

Exoptatissimam Serueti supplicium Pontificiis suppeditauit occasionem, perstringendi Euangelicos, hosque atrocissimae tyrannidis accusandi, quam tot vicibus antea in Pontificiis acerbè improbarant. Vix numerandi sunt, qui inter Protestantes Caluini vindictam pessime tulerunt. Grotius alicubi inquit: *Spiritum Anti-Christi non tantum ad Tiberim, sed ad lacum Lemani apparuisse. Fuerunt tamen, qui Caluini et Geneuensium partes defenderunt, de quibus V. Biblioteque raisonnée T. I. p. 11. Artic. VIII. p. 366. sqq. Praeter alios Bullingerus in Praef. ad Jos. Simleri Libb. IV. de aeterno Dei Filio etc. ita scribit: „Exustus est quidem Geneuae M. SERUETUS, sed non citra consilium reliquarum rerum publ. helueticarum Euangelium profitentium, ad ampliff. Genuens. Senat. petitem. Et multa iam secula non viderunt vnquam adeo foedas, atroces, prodigiosasque et abominandas in Dei maiestatem fideique verae sinceritatem blasphemias, atque spurcissimum hoc hominis monstrum propudiumque libro edito in lucem profudit, et in mortem usque impie, procaciter, et pertinaciter defendit.*

Nam

Nam quicquid annis plus minus 25 haussit, ex omnibus Iudaeorum et Turcarum scholis, quicquid item ex omnibus haereticorum execrandis blasphemis, ceu ex sentinis et cloacis infernalibus collegit, hoc totum transfusum, in detestandum opus typis excusum, ceu poculum Circeum immo tartareum, populis et gentibus propinauit. Jubent autem omnes leges diuinae pariter et humanae, Imperatorum, Principum, urbiumque et populorum saniorum de blasphemis sumere supplicium. Quod cum ampliss. Geneuens. Senatus fecit, pro pio suo officio, quod debuit, fecit. Vnde eius factum iudiciumue sanctum, nunquam accusauimus, neque nunc quoque accusamus, multo minus cogitauimus, nedum diximus unquam, (quod Seruetianis in ore est) urbem illam nouae instauratae crudelitatis Papisticae officinam esse. Quin potius fidem et integritatem eius urbis candide laudamus. Quod etiam PHIL. MELANTHON, vir pius, magnique iudicii, scriptis litteris fecit. MELANTHON enim ab omni impetu et violentia alias remotissimus helueticis coetibus pro more suo blandiloquo se accommodasse videtur, ad Bullingerum, in Epp. Jo. Caluini, p. 174. ita scribens: „Legi, quae de Serueti blasphemis respondistis, et pietatem ac iudicia vestra probo. Iudicio etiam Senatum Geneuensem recte fecisse, quod hominem pertinacem et non omisurum blasphemias, sustulit. Ac miratus sum, esse, qui seueritatem illam improbant. Mitto de ea quaestione breues pagellas, (intelligit scriptum suum de Serueto apud Geneuenses supplicio adfecto) sed tamen sententiae nostrae testes.” V. Melanthonis consilia, P. II. p. 204. Caluini Epp. et Respp. P. I. p. 416. Jo. Henr. a Seelen l. c. de Serueto supplicium esse sumptum, non tanquam de haeretico, sed blasphemo, non male admodum monuit. Sed miserrimus homo, non omnium eorum, quae ipsi ab aduersariis suis imputabantur, reus fuit, et licet verissima forent, quorum accusabatur, melius tamen famae suae, et indoli Christianismi consuluisse, supplicii huius horrendi auctores, si alio et mitiori modo processissent.

Vtrum.

Vtrumque enim et Senatum Geneuensem, et Caluinum, qui illum regebat, iustitiae limites, ne dicam amoris ac humanitatis leges, quibus erga errantes obstringimur, transgressos esse, manifestum est. Multos adhuc post duorum saeculorum decursus truculentus *Seruetti* obitus tristitia et horrore adficit.

Parum quidem is circumspectionis, et aliquando moderationis in rebus a se susceptis adhibuit; fuit tamen vir eruditus, nec omni in Deum pietate destitutus, qui proinde ob insignes, quos collegerat scientiarum thesauros, ob eximium subtilissimumque ingenium, ob singularem in medicis experientiam, aestimatione dignus, nec ob errores, grauissimos licet, quos vero nunquam rudi plebi instillare conatus est, hoc mortis genere trucidandus, praecipue cum audissimum veritatis cognoscendae animum semper testatus fuerit. Non facile aequus harum rerum aestimator Geneuensibus calculum suum adiciet, immo potius vniuersum tractandi modum, excepto tentamine haereticum per argumenta conuincendi, maxime in iisdem improbabat. Ne captiuatio quidem *Seruetti* in Geneuensium vrbe probanda videtur, cum nulla ipsis potestas legitima in hominem peregrinum competeret, *Geneua* tantum transiturum in alias prouincias, neque in hoc oppido vlla ratione errores suos ciuium animis instillantem. Multo minus ius ipsis erat, tam atrox supplicium de eo fumendi, qui in eorum ditione nihil peccauerat. V. WEISMANNUS l. c. T. II. p. 523, DANNHAUERUS, *Hodomor. Caluin.* p. 1288. Non dubitandum, quin liberos parentum, qui atrocissimae mortis reatum sibi contraxerunt, nisi forte adeo ipsos iam parentes, huius supplicii, quod infectum fieri non potuit, poenituerit. Teste enim J. G. Keyslero, in Itinerario suo p. 149. et viri ecclesiastici et politici *Geneuae* de iis, quae cum *Serueto* contigerunt, aegre loquuntur, et vt aeternae obliuioni committantur, optant. Haud pauca pro mitigando de *Serueto* iudicio

iudicio adferri possunt, in quibus quoque temperamenti eiusdem ratio habenda, ipsique heterodoxo non omnis excusatio deneganda. Fuit vero *Melancholico-cholerici*, quo Hispaniae incolae magna ex parte praediti sunt, quodque effecit, ut maiora sibi imaginaretur dona et praerogatiuas, quam possidebat, et ad insuperabiles aliis res, efficiendas se satis instructum putaret. Hac permixtione intemperata in defendendis sententiis suis pertinacissimus fuit, ut vel dedecori vel religioni reputarit, mentis suae fragmenta, quae ingenio fasciatus, diuinas veritates iudicauit, retractare. Quoad externum virtutis habitum, adeo ab omni scelere alienus fuit, ut maleuoli ipsius inimici nullius eum sub ullo praetextu criminis vel vitii accusare potuerint. Et commendabili morum ciuilitate et doctrina, multo labore acquisita, magnum amicorum numerum sibi conciliauit, quos in *Gallia*, *Germania* atque *Italia* habuisse constat. In reliquis, praeter religionis placita, cum instabilis animi, et variatione delectatum fuisse, non sine ratione colligimus, quod saepe studiorum genus et domicilium suum pluribus institutis itineribus mutauerit.

De scriptis infelicissimi auctoris, quantum satis visum, indicauimus; id saltem notamus, ex ALFONSI LINCURII PRAEFATIONE, *quinque libris declarationis Iesu Christi Filii Dei* praemissa, constare, Seruetum plura alia scripta meditatum esse. Haec autem sunt Lincurii verba: „SERUETUS, alias *Rennes dictus*, multa in *Gallia* et *Germania* passus, *Venetias* abire cogitabat, ut uniuersum *V. T.* commentariis illustraret, nisi *Geneuae* in transitu exustus fuisset. Sermones multos editurus erat, sub iis ni fallor titulis: de vera scripturarum intelligentia, de origine dejectus ab apostolica doctrina, de potentia veritatis, de vera unius Dei cognitione, de errore Triadis, de verbo et Spiritu S. de exaltatione hominis Iesu, de natura et ministerio angelorum, de zelo et scientia, de efficacia fidei, de vi charitatis, de corpore, anima et spiritu, de natis et regenitis,

de

de vocatione et electione, de praescientia et praedestinatione, de humanis operibus et ceremoniis, de Baptismo aquae et spiritus, de coena Domini, de peccato et satisfactione, de iustificatione, de timore ac amore Domini, de vera Ecclesia, de capite et membris, de dormitione Sanctorum, de resurrectione mortuorum et viventium immutatione, de die iudicii, de beatitudine Electorum etc.' Vnde Hispanus haec de *Serueti* moliminibus ac operibus edendis hauserit, ignoramus; habere autem ea verisimilitudinis speciem concedet, qui *Serueti* indefessum studium, intemperatumque in debellandis, quos sibi persuadebat erroribus, zelum considerat. Nonnulla autem argumenta eorum, quae tetigit *Lincurius*, in *Restitutione Christianismi* iam expediuit. Liber mysticus sub indice: *Thesaurus animae*, quem *Sandius* absque vlla addita coniecturandi ratione, l. c. p. 11. ipsi tribuit, quique in plurimas Europae linguas translatus, saepiusque editus est, non a *Serueto*, sed Monacho quodam Hispano ordinis *Hieronymi* concinnatus. Prodiit idem liber sub diuersis titulis, c. g. *Desiderius Dialogus vere pius, et cum primis iucundus, de expedita ad Dei amorem via*; ex Hispanico, in *Italic. Gallic. Germanic. Belgic. et Latinum sermonem*, conuersus, etc. V. Biblioth. Hal. T. XI. p. 314. *Moshemius* p. 374. sqq. Risui proinde se exposuit *Godofr. Arnoldus*, qui in *H. E. et haeres.* ex hoc libro defensionem *Serueti* suscepit. Eum errores suos in Polonia quoque sparsisse, nonnulli prodiderunt; quod si de scriptis illius intelligitur, verissimum est; ipse tamen nunquam ad Poloniae terminos accessit. *Serueti* effigies plus vna vice aeri incisa est, quam etiam *Fritschius Hamburgi* forma 4. orbi exhibuit.

§. VIII.

Alii *Seruetum Spinozismi et Pantheismi* reum faciunt, alii vero mitiores de eodem sunt iudices.

Potio-

Potiora doctrinae ipsius capita ex scriptis eius indubitatisque testimoniis, exposituri, euictum dabimus, quam longissime a vero aberrare, qui eundem inter intrepidus euangelicae veritatis testes referunt, quod omnes fere *Sociniano* coetui addictos sine rubore fecisse deprehendimus. Rectius sentiunt, qui eum *Fanaticis*, somniantibusque *mysticis*, quorum numerus haud exiguus hoc tempore vbique exstitit, accensendum arbitrantur.

*

*

*

Expositis aliquantum fusius historiae Seruetanae momentis, quae vera hominis huius fuerit opinio, significandum est, quamvis eandem ex parte iam indicauerimus. Plurimi eum, tanquam maledicentissimis constrictum erroribus depingunt; sed in iis determinandis ac exponendis a vero aberrarunt. *Paul. Stockmannus* in *Elucidario haeresium* p. 388 et 392. absque vlllo teste prodit, eundem aliquando *Venetis* captum asseruisse, se *Lutheranorum* hostem esse, et ad hanc exculpationem e carcere fuisse dimissum. Non deficiunt defensores, qui multo eum sensisse melius, de S. S. Trinitate et Seruatoris diuinitate iudicant, quam a plerisque perhibetur; inter hos fuit *GODOFR. ARNOLDUS* l. c. nec non *ERN. CHRIST. KLEINMANNUS* in *replica in caussa HOCHMANI* de *HOCHENAU* et *JO. ANGEL. WERDENHAGEN*. Ex aduerso *SERUETUM*, *Chapelle* cum aliis pro patre *Spinozismi* et *Pantheismi* habuit. *Spinozismi* reum declarauit *JO. HENR. SCHÜLERUS* in *Progr.* cui titulus: *MICHAEL SERUETUS Spinozismi convictus; siue Theologiae Seruetianae tria principia prima, Spinozismi veneno infecta ex ipsius auctoris, raris admodum et magni pretii voluminibus sine partium studio enucleata. Idstein. 1727.* Vniuersum systema Seruetanum, quatenus ad *Spinozismum* accedit, ad tria haec principia reuo-

reuocauit: „I. *de oeconomia Dei, seu eius dispositione prima*, qua oracula et spiritus factus est. — Diuinum illud „numen, quod ante huius saeculi tempora, a nobis neque „animo concipi, neque cogitatione potuit comprehendere, „hoc vniuersum cum creare constitueret, in se ipso, pro „eius liberrima voluntate, duas sui ipsius *dispositiones*, siue „*Oeconomias*, vel *personatas repraesentationes*, verbum sci- „licet et *spiritum*, quem eundem Scriptura S. soepenu- „mero *angelum* vocare solet, produxit: quarum disposi- „tionum ope, duorum ad instar principiorum, in speciem „et similitudinem huius vniuersi conformatorum, sua „sponte omnino omnium rerum factum esse essentia, et „vnica, quod consequens est, atque individua natura. Id- „que eum in finem, vt, se accommodans humani intel- „lectus concipiendi rationi sub cadentibus in nostros sen- „sus, *verbi specie*, et *spiritus flatu*, nobis se cognoscen- „dum praeberet, atque celebrandum. II. *de dispositione, seu oeconomia diuina secunda*, qua oraculum et spiritus, „in Filii et Spiritus S. naturam sunt transformati. — Illae „diuinae naturae dispositiones, verbum et spiritus, non „erant, nisi exemplum, simulacrum et figura quaedam oe- „conomiae illius, qua suo tempore verbum in Filii Dei „carnem transiturum, verbi vero spiritus in humani spi- „ritus speciem transformandus, et Christo a mortuis susci- „tato, Spiritus S. nomine appellandus, re tandem vera „efficerentur, quod prius quasi typo expresserunt. III. „*De Deo, qualis futurus sit*, sub finem Oeconomiae Filii „et Spiritus S. — Oeconomiae praesentis mysterium, quo „tres diuinitatis personas, Patrem, Filium et Spiritum S. „veneramur, inueniet finem eo ipso tempore, quo Deus „erit omnia in omnibus.” Tria haec principia ipsissimis „*Serueti* verbis muniuit SCHÜLERUS, ex quibus id quidem „colligi potest, *Seruetum* et *Spinozam* vario respectu con- „uenisse; sed supersunt plura momenta, in quibus mag- „num inter vtrumque discrimen animaduertitur. Quatenus „*Seruetus* mundi animam statuisset creditur, eatenus eum

WILH. POSTELLUS defendit, quam apologiam ex autographo, quod in *Bibliotheca academiae Basileensis* seruatur, descriptam, *Moshenius* p. 455. orbi exposuit.

Alii SERUETUM, *Sabellii* adplausisse placitis, putarunt, inter quos *J. G. Walchius* in *Introduct. ad controu. extra Eccl. Luther. T. I. p. 555.* qui paulo post sententiam suam retractauit, *T. IV. p. 39.* THEOD. BEZA in *Praefat. ad historiam Valent. Gentilis* p. 13. in vnico *Serueto* reuocatos esse ex inferis *Samosatenum*, *Arium* et *Eutychen*, immo quoque *Marcionem* et *Apollinarem*, iudicat. Ita enim id euictum dare nititur: „Negabat *Samosatenus* aeternam τὸς λόγος hypostasin, quem duntaxat in mente et „decreto Patris ante conceptionem carnis in utero Mariae „existitisse volebat: Docebat *Seruetus* Filium ex Deo fuisse, „non re ipsa, sed figuratiue: quia in eo Deus futurum „hominem genituriebat, mulierem expectans, ex qua „gigneret. Sentiebat *Arius* τὸν λόγον esse creatum quiddam, ordine et tempore res coeteros creatas antecedens; „Sentiebat *Seruetus*, τὸν λόγον tum cepisse existere, cum „mundus creatus est, ac etiam ideam quandam fuisse, ex „tribus increatis elementis compositam. Negabat *Eutyches* Christum ex duabus distinctis naturis constare, quod „diceret τὸν λόγον transformatum esse in carnem, quae „postea glorificata, in Deum conuersa fuit: affirmabat „*Seruetus* conceptum fuisse Filium in utero virginis ex ipsa „verbi essentia in carnem transeunte, quae postea in „deitatem fuerit absorpta. Addere autem etiam istis licet „delirium *Marcionis* et *Apollinaris* insaniae proximum, „adeo portentum illud fuit errorum omnium foecundum. „Aiebat enim *Marcion*, Filium δοκῆσαι i. e. opinione tantum, non re ipsa carnem induisse. *Apollinaris* autem „diuinitatem volebat carni assumptae loco adiunae fuisse. „Quid autem *Seruetus*? Certe non verum, sed imaginarium corpus Christo tribuebat, quum illud negaret ex „semine Abrahae simpliciter fuisse genitum, sed partim „etiam ex tribus illis elementis conflatum, et substantiali „qua-

„quadam Dei facie, quae ab initio sanctis patribus visa
 „fuiſſet, animam vero Chriſti ſane re ipſa exinaniebat, quum
 „illam diceret partim ex humano, partim ex diuino ſpiritu
 „fuiſſe compoſitam.”

Cum inter Anabaptiſtas olim plures fuerint, qui S. Trinitatis myſterium oppugnarunt; hinc eorum ordini a pluribus accenſebatur *Seruetus*. Factum id eſt a BULLINGERO *aduerſus Anabapt.* fol. 62. b. qui inquit: „In horrendis erroribus et blaſphemiis contra S. Trinitatem, et diuinam Chriſti naturam, *Seruetus* a ſuis partibus habet, veteres iam olim damnatos haereticos, PRAXEAM, SAMOSATENUM, ARIUM, et alios plures; praeterea omnes Iudaeos et Turcas et noſtra aetate complures praecipuos ANABAPTISTARUM Doctores.” Haud immerito eum certo reſpectu adnumerari Anabaptiſtis *Bullingerus* l. c. f. 64. b. ex verbis *Serueti* ſupra allegatis, colligit. Illuſtr. Princeps JOANNES FRIEDERICUS II. in conſutatione, ac condemnatione praecipuarum corruptelarum, ſectarum, et errorum etc. quod opus prodiit *Fenae* 1559. 4. p. I. a. hoc de *Serueto* tulit iudicium: „Is hac tempeſtate inter tot recentes haereticos ferme vnus ac ſolus articulum de eſſentia Dei blaſphemis ſcriptis, adortus eſt: ac tetram illam SAMOSATENI, Photini, et aliorum veterum haereticorum blaſphemiam renouauit, pertinaciter negans λόγον verbum in Euangelio Joannis ſignificare perſonam diſtinctam a Patre, ſubſiſtente viuum, intelligentem, incommunicabilem: ſed propoſitam duntaxat Patris et euaneſcentem cogitationem, ſeu vocem dilabentem in auras.”

Si SERUETUM cum veteris aevi haereſiarchis comparamus, proxime illum ſtetiſſe Paulo Samofateno et Photino, horumque homodoxis, cenſemus, quod etiam iudicium tulit *Sandius* l. c. p. 9. et olim PHIL. MELANTHON. MOSHEMIUS in exponendis *Serueti* erroribus, laudando aequitatis ac amoris ſtudio, leniſſime procedit, hancque in *Inſtit. hiſt. chriſt. recent.* Sec. XVI. Sect. III. C. IV. p. 304. de eo fert ſententiam: „De diuina Trinitate ſigilla-

tim, et Seruatoris nostri Diuinitate, multo sensit melius, quam a plerisque sensisse perhibetur. Nec enim tria in diuina natura distinguenda esse negauit; sed hoc vnice, si res aequo ponderetur animo, statuit, magna Deum ab illis adfici iniuria, qui putent, tres in eo personas ita inter se diiunctas esse, ut tres personae humanae. Si haec Serueto de Trinitate in diuina essentia personarum, simplex ac serua mens fuisset, vix vllam orthodoxi auersandi eum causam habuissent. Sed non omnis recte in hoc articulo sentit, qui tria in diuina natura distinguenda non negat, cum potius disquirendum sit, quomodo distinguat. Plures enim Antitrinitarios, et veteres et recentiores, tria in Deo diuersa concessisse, sed non tres eiusdem essentiae personas, coaeternas et coaequales, manifestum est. In *Msceto* reliquit *Moshemius* vniuersum *Serueti* Systema, ex ipsius libris in nexu expositum, quod vero lucem nondum vidit. Alii tamen iam hanc praestiterunt operam, et ex verbis ipsius *Serueti* fideliter allegatis, palmaria exposuerunt placita. Non tamen ex quibusdam librorum particulis, extra contextum propositis, firmum adeo de vniuerso auctoris systemate ferri potest iudicium. *Caluini* liber, in quo ex scriptis et epistolis *Serueti* huius propria dogma exposita sunt, reperitur in illius *Opp.* tomo tractatum theologicorum, p. 510. hoc titulo: *Fidelis expositio errorum Michaelis Serueti, et breuis eorundem refutatio.* Iungimus huic Jo. WIGANDUM, in libro de *Serueticismo*, s. de *Antitrinitariis*, etc. *Regiom.* 1515. nec non SCHLÜSSELBURGIUM, l. c. et qui primo loco nominandus fuisset, PHIL. MELANTHONEM, in *refutatione erroris Serueti, et Anabaptistarum*, quae reperitur in eius corpore doctrinae christianae, p. 831. edit. *Aegentor.* 1580. Si vera in systemate SERUETI adornando non exponimus, ipse in culpa est, quippe qui animi sui sensa absque obseruato nexu raptim ac tumultuarie profert, indeterminatum ac vagum sub vocibus occultat conceptum, et omnino a contradictionis vitio liberari nequit.

Ante omnia, quae de Christo crediderit, dispiciendum, ex quibus simul, qualem sibi Trinitatem finxerit, in compendio patebit. Christum nudum fuisse hominem re ipsa statuit, duasque in eo naturas personaliter vnitas, euidenter negauit. Sic enim *de trinitatis erroribus* p. 92. circa orthodoxam doctrinam iudicat: „Ex his detegitur „veritas illius vulgatae sententiae, quod dicunt, duas naturas in Christo vnitas, facere vnā personam et vnum „Filium, quia alia est natura verbi, alia natura carnis, et „haec duo sunt vna persona, quia verbum caro factum est. „In qua sententia tot sunt errores, quot verba, sed proprie loquendo dicitur, natura Dei et non natura verbi, „quia esse verbi est persona in Dei natura personata, immo adhuc male sapit naturam Dei, quam nescimus in „ius vocare, scripturaeque limites transgredimur, et ego „naturam nunquam capiam, nisi pro re ipsa, quae est „Deus.” Hominem Jesum ideo dici Filium Dei, sibi persuasit, quia per semen generationis, hoc est verbum, genitus est, ita, vt generatio sit praefiguratio in mente Dei, secundum quam in tempore nasciturus esset. Et haec praefiguratio constituit generationem Christi ex Deo, verbum autem Dei, quod *πρροφορικον* putat, Christi denotare existentiam in tempore, venditat. Christum Filium esse Dei, quia Maria eundem ex essentia Dei concepit, qua conceptione facta, ipsum honorem diuinum esse consequutum. *τον λογον* esse conceptum vel ideam in Deo, de Christo futuro, huncque e caelo descendisse, et carnem vel naturam humanam factum esse. Sic *de Trinitatis erroribus*, lib. I. p. 16. inquit: „Intonuit de altissimo Deus, et de coelo dedit vocem suam, et hic sermo „est in terra factus filius.” *Libr. II. p. 48*: „Verbum „ergo in Deo proferente est ipsemet Deus loquens. Post „prolationem est ipsa caro seu verbum Dei. Antequam „sermo ille caro fieret, intelligebatur ipsum Dei oraculum, intra nubis caliginem nondum manifestatum, quia „Deus erat ille Sermo. Et postquam verbum homo fa-

„Etum est, per verbum intelligimus ipsum Christum, qui
 „est verbum Dei et vox Dei. Nam, quemadmodum vox,
 „est ex ore Dei prolatus. Et quod ipse nunc sit verbum,
 „est clarus textus. Apoc. XIX. 2. Ipse est enim, quem
 „sedentem super equum album vidit Joannes, cuius no-
 „men est verbum Dei. Facto ergo transitu de verbo in
 „carnem, caro dicitur verbum. Nam de quo seſuieret
 „nobis, quod verbum factum sit caro, si caro nunc non
 „dicitur verbum. Joannes enim verbum vitae vidit, ma-
 „nibusque contrectavit.” Et libr. VII. p. 110. „Erat in
 „mente diuina Christus praeformatus: erat quidam mo-
 „dus, quem in se ipso Deus disposuit, vt se ipsum pate-
 „faceret, scilicet Jesu Christi effigiem in se ipso describen-
 „do.” Denique Lib. II. de Euangelii Joannis initio, haec
 profert: „In principio erat verbum, id est eloquium seu
 „vox Dei, quia in principio dixit Deus, fiat et factum est,
 „et verbum illud factum est lux vera. Dum dixit, fiat
 „lux, et illud idem verbum, illa eadem lux est homo Chri-
 „stus. — — — — — λόγος non illam philosophicam
 „rem, sed oraculum, vocem, sermonem, eloquium Dei
 „sonat. Vſurpatur enim a verbo λεγω i. e. dico, eo ma-
 „gis, quia ipsa mundi genesis interpretationem indicat;
 „quia Deus iam ab initio de Christo loquebatur, et eo
 „verbo loquendo operabatur, vt inde per Christum, di-
 „cantur esse omnia.” Et paulo poſt, inquit: „In princi-
 „pio i. e. ante omnia. Et dicitur ante omnia facta esse
 „ſapientia: quia, antequam homo loquitur, praerequiri-
 „tur meditatio cordis. Et quia ſermo Dei est ipſamet ſa-
 „pientia: nam Deus non poteſt inſipienter loqui. Et ita
 „eccleſiaſticus ſe declarat c. I. nam poſtquam dixit, primo
 „omnium creata eſt ſapientia, adiecit ſtatim, ſons ſapien-
 „tiae verbum Dei. Et c. XXIV. Ego ex ore altiſſimi pro-
 „dii, primogenita ante omnem creaturam, modo id, quod
 „ex ore prodiit ſermo eſt.” Et p. 49: „Haud ſecus,
 „quam ſi ego proferens verbum ex ore meo, proiicerem
 „aurum aut margaritas; nam tum proprie loquendo dice-
 „retur

„retur, quod vox mea facta est aurum; potuit potentissimum Dei verbum sine ullo rerum coagulo in carnis transire materiam, et propterea Christus nunc ipse dicitur verbum homo, verbum caro. Potest etiam intelligi, verbum caro factum, secundum quod de Christo dicitur: „Ponam verba mea in ore eius, et in meo nomine loquetur.” Librum tertium de Trinitatis erroribus sic orditur: „Verbum caro factum est, Joh. illustre praeconium, quod in scrutandis Christi arcanis semper est praemitendum. Ex quo facile intelligimus: antequam Abraham nasceretur, ego sum. Ego enim sum illud Dei oraculum, quod ante Abraham prolatum et manifestatum, ab ipso Abraham est auditum et visum, voce enim visibili ante Abrahamum, immo ante Adam prolata, Christus iam ab initio egreditur ex ore Dei.” Paucis, quae prolixius haecenus indicauimus, *Seruetus* hisce completitur verbis, in *Restit. Christianismi*: „In Deo prius fuit semen generationis, scilicet verbum, quam esset factus realis Filius Dei.” Actum huius generationis, maxime in Deum profano ac indecoro simili, collustrare audet, L. III. p. 68: „Hanc similitudinem accipe; si potentia mihi daretur, ut vice seminis viri, per oris flatum in muliere filium generare, tunc si misso flatu, ego recederem, dicere mulieri possem, filium genui, filium in te relinquo, qui veniente temporis plenitudine factus homo ex te nascetur. Et licet ista sint inepta dicere, meus flatus est filius; immo verbum meum erit mihi filius; tamen ratione seminalis virtutis tunc genitum filium dicimus, non quod fuerit realis generatio flatus illius, seu verbi a Deo prolati; sed externa illa verbi prolatione facta est carnis generatio.”

Eiusmodi inepta effinxit homo, qui totius doctrinae christianae restitutionem sibi commendatam a Deo esse, perhibuit. Nemo sanae mentis enti simplicissimo affingeret verbum *προφορικον*, os, linguam, sermonem proprium et vocalem; ut reliqua exorbitantis ingenii docu-

menta praeteream. Si recte eum intelligimus, ex ipsius opinione Christus et merus homo, a Deo quidem genitus, sed modo prorsus metaphysico; huncque dici Filium Dei, non respectu communicatae essentiae diuinae, in qua subsistit, sed habita tantum ratione quorundam donorum ipsi concessorum. Persuasit sibi enim, Deum posse creaturae plenitudinem Deitatis communicare, ita ut illa sit, et praedicetur Deus. Ita l. c. L. I. inquit: „Quia diuina Christi „natura ex verbi arcanis pendet, simpliciore via nunc dicamus, Deum posse homini deitatis plenitudinem communicare, dare ei diuinitatem, maiestatem, potestatem et „gloriam suam. Dignus est agnus, qui occisus est, accipere diuinitatem, potentiam, sapientiam, honorem et „gloriam, Apoc. V. Si Moses factus est Deus Pharaonis, „Exod. VII. Et Cyrus, Deus Israelis, Es. XLV. multo „fortius et excellentiore longe modo factus est Christus „Thomae, et omnium nostrum Dominus et Deus. Salomon quoque ad litteram dicitur. Ps. XLIV. etc.” In sequentibus de Christo praeclare loqui videtur, quod tamen cum iis, quae aliis locis statuit, conciliari non potest. Sic enim pergit: „At illi erant dii non natura sed temporalis dono, Christus vero est naturali natiuitate Deus, „naturaliter genitus de substantia Dei, tota Patris deitas, „adoratio Dei, et visio Dei est in Christo vero Deo. Sicut Pater est verus Deus: ita veram suam Deitatem, vnico Filio suo vnice tribuens, efficit, ut ille sit verus.” Sed cum neget, Filium Dei existitisse, antequam ex virgine nasceretur, et in eo ex virgine nato, vnā duntaxat naturam agnoscat, deitatem non aliam naturalem in Christo agnoscit, quam suum illud figmentum, verbum Dei fuisse semen Christi, seu rorem naturalis geniturae Christi in vtero virginis, et hoc modo carnem Christi esse de substantia Dei.

In Synodo Reformatorum *Rupellae* in Gallia habita, et adornata ibidem fidei confessione, his verbis N. 14. *Serueti* errores in articulo de Christo succincte proponuntur:

tur: „Reiicimus Serueti opinionem, phantasticam deitatem Christo adscribentis, dum ideam eum, siue typum aliquem esse, et non, nisi figurate Filium Dei dici posse adfirmat, corpusque ei ex increatis elementis coagmentatum attribuit, naturas ita confundens, et quantum in se est, annihilans. V. *Gotardi Arthufii Dantiscani Merc. Gallobelg.* etc. T. VII. L. II. p. 46.

Ipsi de *Spiritus S.* conceptus inconstans et dubius est, in quo explicando perplexarum cogitationum turbine, hinc inde volutatur. Quamuis dicendo maxime titubaret, hoc tamen certum est, quod negata Filii substantia, etiam *Spiritus S.* personalitatem negat. Hinc per eundem sapientiam diuinam, quatenus in Christo residet, vel vim ac operationem Dei in homine, credere videtur, omnesque animi motus et inclinationes mentis, quae cultum Dei, religionem, et in genere spiritualia concernunt, in *S. Scriptura Spiritus S.* appellatione innui, arbitratur. His enim verbis finem l. c. p. 109. Libr. VI. facit: „Dico igitur, quod *Spiritus S.* est diuina in hominis spiritu agitatio, siue quae agitando Deus illustrat, et illustrando sanctificat: Nec exigitur hic definitio quidditatiua. Nam de genere motus est, vox *Spiritus*, quasi motio, impetus, halitus, et quia sic mouendo, Christo credentes sanctificat Deus: Ideo dicitur spiritus in homine sanctus et ex fide Christi.” Supposita hac sententia, quam infallibilem putabat, quaelibet *S. Scripturae* testimonia, illi aduersa, lusorie vellicauit. Trahit ad partes suas, quando duarum in Deitate personarum, in vno dicto fit mentio. Sic ad locum *Matth. XI, 28.* nemo noscit Patrem, nisi Filius; scribit: „Dum dixit Christus: Nemo nouit Patrem, nisi Filius; dormiebat illa tertia res.” Vocabulum *S. Trinitatis* adeo ipsi exosum fuit, vt orthodoxos mysterii huius confessores, *Atheos* dixerit, teste tamen solo CALUINO *Instit. L. I. C. XIII. Num. 22.* Varia de reliquis Seruetanae haereseos momentis, de exterminando Paedobaptismo, negato peccato originali, aliisque dici

possent; sed satis notatus videtur homo, cum pluribus haereticis comparandus, qui parti quintae *Restitutionis Christianismi* his verbis finem imposuit: „Quisquis vere „credit, Papam esse Antichristum, vere quoque credet, „Papisticam Trinitatem, Paedobaptismum, et alia Papa- „tus Sacramenta esse doctrinas daemoniorum. O Christe „Jesu, Fili Dei liberator clementissime, qui toties popu- „lum ab angustiis liberaſti, libera nos miseros ab hac Ba- „bylonica Anti-Christi capitiuitate, ab hypocrisi eius, ty- „rannide et idololatria. Amen.”

Pessime proinde iudicant, qui hominis fanaticorum principis deformes errorum foetus, tanquam solidam ac genuinam oraculorum diuinorum explicationem, et supplicium eius tanquam martyrium propter veritatem praedicant, qui eundem innocentem, illuminatum, et ab omni culpa alienum praedicant. Licet modum et excessum maxime detestamur, quo in compescendis ausibus vsi sunt eius iudices, et qui his a consiliis fuit, ad *Seruetum* tamen ipsum totumque ab eodem exstructum disciplinae systema, exhorrescendum esse arbitramur. Iisdem, vel similibus erroribus fauentes eum Martyrem, magnum Doctorem, Virum orthodoxum ac maximis laudibus celebrandum suscipiunt. Ad hunc modum, de eo loquitur F. SOCINUS, *Respons. ad libellum Wuiecki*, C. I. p. 31. „Praeclarissime, et supra ac contra omnem doctrinam Mahometanam, sensit Seruetus de Christo Domino, quem „etiam, cum ad ignis supplicium duceretur, palam inuo- „care non dubitauit; licet, vt ii voluissent, qui illum du- „cebant, noluerit vnquam *aeternum Filium Dei*, sed tan- „tum *aeterni Dei Filium*, eum confiteri, quae ipsius con- „stantia in extrema illa hora, testimonium dicet aliquando „contra eos, qui morti eum adiudicarunt, et contra omnes, „qui alios idem sentientes et profitentes ad sanguinem vs- „que infectantur, ac persequuntur.” THEOPH. NICOLAI (q. e. *Val. Smalcus*) in libro de *ecclesia*, C. XI. p. 22. „Seruetum fratrem suum et seruum Messiae appellat.” Et ministri

ministri Transyluaniae in libro saepius allegato, de eo scribunt: „Quid praeterea post Erasmus non est perpessus MICH. SERUETUS, Vir eruditus, atque veritatis „acerrimus defensor ac indagator? qui et ob hanc causam Geneuae combustus est.”

§. IX.

Eodem quo *Seruetus* tempore ad oppugnandam veritatem, arma tulit, circa annum 1546. in agro *Veneto*, maxime *Vicentiae* quadraginta immo plures viri conuentus instituisse, in iisque de expellenda superstitione et repurganda Ecclesia consultasse dicuntur. Sed toto orbe christiano variis disputationibus concitato, quidam inter illos noua parturiendi studio accensi, ad collegia ista accedebant, quibus fortasse priora *Seruetti* scripta, de probata doctrina ambigendi occasionem suppeditarunt. Haud pauca quidem circa istos conuentus, horumque socios, obscura, nec omnibus scrupulis exempta traduntur, id tamen certum videtur, posita de iisdem veritate, cui quidam testimonium suum dederunt, non omnino immunes ab omni errore fuisse, qui illos frequentarunt, immo quosdam vel *Seruetti*, vel similibus placitis imbutos fuisse.

*

*

*

Lustratis primis *Germaniae* ac *Helvetiae* regionumque vicinarum Antitrinitariis recentioribus, iam in *Italiae* quoque prouinciis prima in vniuersum *Antitrinitariorum*, in specie *Socinianismi* semina exploraturi sumus. Anno nimirum 1546 sacra, religionis causa, in agro *Veneto*, maxime *Vicentiae*, a viris eruditionis ac pietatis fama conspicuis, inter quos alii alios praeclaris ingenii dotibus

dotibus antecellebant, instituta esse conuenticula, *Wissovatus*, *Sandius* ac *Lubieniecus* ll. cc. significant. Cum diuino beneficio in plurimis Germaniae, conterminisque regionibus christiana religio a fictis superstitiosorum fabulis repurgaretur, ac per vniuersam Europam fama *tradatae Augustae Vindelicorum confessionis* celebraretur, multi eruditionis ac virtutis amore praecellentes viri, de emendanda, quoad doctrinam et mōres Ecclesia in aliis quoque Europae prouinciis, frequentes instituerunt consultationes. Non defuere vbique, qui de repurgandae doctrinae necessitate conuicti, ipsi, quantum possent, puriorem veritatem anhelarent. Exactioris ingenii homines animaduertebant, aniles quasdam fictiones pro diuinis mysteriis haecenus venditatas, maioremque orbis Christiani partem densissimis obtectam tenebris, malam denique ex prohibita Scripturae S. lectione Ecclesiae pontificiae causam non absque ratione suspicabantur. Non quidem dictorum certitudo fusiori indiget demonstratione, quippe quae pluribus historiae reformationis monumentis comprobata est; interim tamen a scopo non plane alienum videtur, quaedam haud vulgaria circa hoc argumentum in medium proferre, quae maxime Italiam concernunt. Pluribus illud exposuit DAN. GERDES, in *specimine Italiae reformatae*; siue *obseruata quaedam ad historiam renati in Italia tempore Reformationis Euangelii, una cum syllabo reformatorum Itatorum*, Lugd. 1765. 4.

Quantum Ecclesiae emendatio a LUTHERO suscepta, in Italia habuerit adplausum atque introitum, libellus testatur, qui sub titulo lucem vidit: GABRIELIS VALLICULI, *de liberali Dei gratia et seruo hominis arbitrio. Ad Episcopum Lunensem. Vide quaeso lector, ut euangelium, etiam in Italia, quantumuis opprimatur, tamen in lucem emergere, gestiat, propediem erupturum, inuitis omnibus persecutoribus eius. Norimbergae apud Joannem Gildenmundt, anno 1536. 8. pagg. 36. Ipse nuntius Pontificis Laurentius Campejus ad comitia Norimbergensia, a. 1524. missus,*

missus, enunciauit: Italos ad reformationem suscipiendam pronos esse, et *reipublicae Venetae ciues Lutheri scripta* auide iam legere. V. *Saligius* l. c. T. I. p. 74. et T. II. p. 54. seqq. Circa annum 1529—1534. ipsis adeo Venetis, ex officina libraria *Pauli Manutii* prodiit Italica locorum Theologicorum *Melanthonis* versio, hac inscriptione: *I principii della Theologia, di Ipposilo de terra nigra. Con gratia de Priuilegio.* 8. fol. 87. absque nomine interpretis. Iam a. 1526. *Mart. Bucerus*, argentinenfis in Italorum, ecclesiae meliorem statum desiderantium, vsum *Lutheri* Postillas e germanico in latinum conuertit, et fratribus Italis dicauit. *Lutherus* a. 1528. certior factus, in *republica Venetorum*, haud paucos esse, Euangelii desiderio flagrantes, Deo hac de re gratias egit humillimas, teste *Seckendorffio* l. c. p. 927. vers. germ. qui p. 2117. epistolam nomine fratrum *Venetorum*, *Vicentinorum* et *Travisorum a Balthasaro Alterio*, qui isto tempore a Secretis Legati Anglici apud Venetos fuit, d. 26. Nov. 1542. ad *Lutherum* scriptam lectuque dignissimam inseruit. His documentis, ad probandum *Italorum* cognoscendae veritatis, et repurgandae Ecclesiae studium, accensenda est ep. PHIL. MELANTHONIS ad *Senatum Venetum*, data, qua huic partim palmaria momenta susceptae in Germania Reformationis circumspecte enarrat, partim eum sedulo monet, ne *Serueti* erroribus locum concedat. An eandem *Melanthon* ad *Senatum Venetum* scripsit, *Schelhornius* l. c. T. I. p. 422. dubitauit, cui probabile non videtur, illum adeo cordate et intime cum Senatu pontificiis sacris dedito, de religione contulisse; verisimilius vero statui iudicat, istam ad *Venetos quosdam Euangelii studiosos* datam esse, sub qua inscriptione etiam aliquot vicibus lucem vidit, nimirum in selectis declamationibus *Phil. Melanthonis* etc. *Argentorati*, ex officina *Cratonis Mylii*, a. 1541. 4. p. 804. seqq. in eiusdem operis editione *Argentina* a. 1570. T. III. p. 579 seqq. in *Melanthonis Opp.* T. IV. p. 833—836. et Epp. a *Peucero* editis, *Witteb.* 1565. p. 97. seqq. in eiusdem

dem *consiliis Theol.* P.I. p. 336—343. In opere, quod primo loco allegauimus, epistolae inscriptio est: *Ad Venetorum quosdam Theologiae Studiosos.* Sed prima omnium autentica et antiquissima editio, quam manibus meis iam teneo, extra omne dubium collocat, epistolam hanc *Senatui Veneto* esse scriptam. Prodiit ea a. 1539. *Norimbergae* per *Hieronymum Formschneider*, (quod in fine legitur,) pl. 2. 8. hoc titulo: *Epistola PHILIPPI MELANTHONIS ad Senatum Venetum. Oratio publice habita, Wittenbergae in promotione Doctoris Iuris. De scripto iure et dignitate veterum interpretum Iuris.* Exemplar, quod in *Bibliotheca Regia Regiomontana* seruat, a *Melanthone Principi ALBERTO Seniore* transmissum, qui sua manu in fine tituli adscripsit: *accepi d. 17. Julii, a. MDXXXVIII. per Eliam Plesse, Wratislauensem.* Verba haec luculenter probant, epistolam istam iam a. 1538. qui annus in fine quoque opusculi notatur, prodiisse. Tenet haec *Bibliotheca* eandem epistolam eodem tempore, quo exarata erat, calamo descriptam, cui praefixus legitur titulus: *Melanthonis ad Senatum Venetum epistola.* Poterant interea ipsi reipublicae Venetae Senatores, Reformationi bene cupientes, *Euangelii studiosi*, hoc est, qui omne studium ad promouendum Euangelium adhibuerint, adpellari. In utroque tamen casu, siue *Senatui Veneto*, siue aliis *Euangelii Studiosis Venetis* epistola data fuerit, manifesto adparet Euangelium isto tempore inter *Venetos* suos habuisse amicos et promotores. Itali omnes, qui tunc Pontificiorum castra deseruerunt, commemoratione, in historica horum temporum recensione, digni censendi sunt. V. *Saligi* l. c. T. II. p. 1149. Hi enim, vel vere pii optimaque indolis viri fuere, qui doctrina Euangelii, a superstitione humanisque commentis repurgata, ad correctionem morum mentisque vti sunt, ac in pectore veritatem seruauerunt, quam publice profiteri vitae periculo deterrebantur; vel ex odio pontificiae seruitutis, rationis frera laxantes, ad explodenda e religione christiana my-

steria,

steria, animum pessime induxerunt, vel alia quaecunque monstrosa excluderunt.

Quam multis vero accepta fuerit veritas per *Lutherum restituta Italii*, ex variis Romanae Ecclesiae Praesulum consiliis, quae de impediendo Euangelii in Italiam introitu ceperunt, colligitur. Memorabilis est epistola *Paduae die 15. Dec. anno 1558* a GERARDO BUSDRAGO, *Episcopo Argolicensi*, scripta, quae plagula vna, 8, sub hoc titulo lucem vidit: *Exemplum litterarum, R. D. GERARDI BUSDRAGI in Episcopatu Patauino Suffraganei, ad Illustrissimum et Reuerendissimum, D. FRANCISCUM Cardinalem Pisanum. In quibus agitur: Quanam ratione praeservari possit Italia, ne Luthèrismo inficiatur.* Inserta quoque est *Secretior. Hispan. Inquis.* ab *Vrsino* editis. Verebatur valde *Busdragius*, ne tota *Italia*, et cito quidem, peste Lutheriana (vt scribit) inficeretur; inquisitores enim videbantur ipsi impares ad extinguendas fauillas, aut potius carbones, qui in dies se accenderunt ac exseruerunt. Ad haec tamen ipsum nunquam inuenisse vllum titulum de inquisitoribus in iure canonico, ac proinde illas inquisitiones olim non in usu fuisse, quae hoc tempore exerceantur. Post relationem, quomodo adhuc in *Italia* vitam trahentes, modo viuus vocibus, modo sparsis libellis, *Lutheranismum* sparserint, haec addit: „Hoc quidem „agunt, qui nondum ex *Italia* profugerunt. Atqui pro- „fugerunt et sunt fere octingenti; (ad dispersa *Busdragium* collegia in agro *Vicentino* aliisque locis respexisse, cum ipse inter *Venetos* fuerit inquisitor, veri simillimum videtur) „dedi enim operam, vt possem nouisse nume- „rum, inter quos sunt nonnulli non indocti, neque im- „prudentes viri; hi demum sunt, qui multa destruunt, „qui nos inquisitores probe exercent, penetrant enim clan- „culum in totam *Italiam*, modo ipsimet, modo sui emis- „sarii, qui libros et sermones spargunt, et plus possunt „vna die inficere, quam nos integro anno sanare et mun- „dare cum inquisitionibus et sollicitudinibus nostris.” Iu-
dicat

dicat igitur abstinendum esse a crudelitate Inquisitionis, qua intra 40 annorum, quibus *pestis Papatus* grassari coepit, spatium, absque omni effectu morbi curandi, plusquam centum hominum millia capitali supplicio ad Pontificum mandatum adfecti fuerint. Summa noui consilii, de praeseruanda Italia, ne propediem tota inficiatur, eo redit, ut Pontifex omne commercium et consuetudinem inter Italiam et Germaniam, quam pestis inuasit, auferat, ita ut nullus Italus possit amplius vlla ex causa in Germaniam ingredi, nec ullus Germanus in Italiam, *quia in eo tota res sita est, ne nostri* (ita inquit *Busdragius*) *catholici intelligant, quid aduersarii dicant: nam ubi intellexerint, statim assentiuntur.* Sed cum hoc difficillimum et toti Italiae maxime incommodum futurum sit, nec plane sufficiens, cum hoc modo Hispani, Galli, Flandri, Angli, Poloni, Hungari ab Italiae finibus arcendi essent; hinc colligit; difficillimum atque etiam impossibile esse, ut Italia possit praeseruari. Tandem *Venetianos* accusat, quod inquisitioni arctiores posuerint limites, *Poloniam*, quod Lutheranis faueat, *Pontificem*, quod *Ferdinandum* pro Imperatore agnoscere nolit, et in votis habet, ut Pontifex Lutheranos non tanquam haereticos fulmine suo percuteret, sed sicuti *Graecos* toleraret, sicque per hanc tolerantiam commoda et diuitias Ecclesiae promoueret. Digna lectu est epistola, quae speciem Sarcasticae illusionis potius, quam consilii prae se fert. Editam illam quoque esse a PETRO PAULO VERGERIO certo scimus. Non exiguus eorum fuit numerus *Venetiis, Vicentiae, Neapoli, Treuisci, Bononiae* aliisque locis, qui fidelium liberationem a superstitionis iugo expectabant, in publicum tamen coetum coire non ausi sunt, tormenta exhorrescentes, et spe reformationis in publico concilio peragenda, a Pontifice Romano saepius facta mactati. Praecipue in Venetorum republica auctus est eorum numerus, qui Lutheri doctrinae adplauderant, propter Senatus Venetiani humanitatem, cui crudelia Pontificum erga Dissidentes con-

consilia semper inuisa fuerunt. Episcopis enim et Inquisitoribus in reipublicae huius territorio minime permisum erat iudicium, sed his locorum Praefecti et Iureconsulti adiuncti erant, qui curarent, ne quid sub religionis praetextu inique in ciues Venetos admitteretur, a qua cautione nunquam, nec latum vnguem *Senatus Venetus*, fremente licet et fulmina explodente Pontifice, discedebat.

Innumera prostant documenta, quae plurium Italo-
rum in Ecclesiae reformationem fauorem comprobant. Inter haec comparet scriptum rarissimum, duas tantum paginas, forma quarta, typis impressas, complectens, quo BONONIENSES quidam in ipso Pontificis territorio Reformationis cupidissimi *Legato Electoris Saxoniae* ad aulam Caesaream *Joanni* nimirum *de Planitz* a. 1533. *Non. Jan.* animum suum testati sunt. *Seckendorffius* l. c. p. 1365 contenta huius epistolae, ex *Archiuo Winariensi*, in linguam Germanicam male translata exhibuit, in latina vero operis huius editione p. 68 in extenso legitur. Hi ipsi *Bononienses*, aliique veritatis diuinae cupidi, et huic iam consecrati, *fratrum Italicorum* titulo, in variis scriptis hoc tempore diuulgatis, et in epistolis *Phil. Melanthonis* ad *Vitum Dietericum* datis, insigniuntur, inter quos fuere *Petrus Martyr*, *Hieron. Galatheus*, *Hier. Marius*, *Caelius*, *Curio*, *August. Maynardus*, *Iulius Milanus*, seu *Mediolanus* e carceribus Venetorum delapsus, *Stancarus*, *Imman. Tremellius*, *Celsus Martinengus*, *Hieron. Zanchius*, aliique complures, qui tandem relicto pontificiorum coetu Italia excefferunt. — — *Zanchius* inter primos Italos purioris doctrinae principiis imbutus, circa annum 1553 quo in Argentinam Academiam euocatus, ita scribit: „Ego tum recens egressus eram Italia religionis causa, id, „que prouocatus exemplo illustris Comitis, MARTINENGI „MAXIMIANI — — cum quo familiarissime annos ferme „16 in sancta amicitia vixeram. Ambo enim fueramus „Canonici Lateranenses, quos regulares vocant. — —

„Ambo simul, cum (*Petrum*) MARTYREM, epistolam Pauli
 „ad Romanos publice interpretantem, et Psalmos priua-
 „tim suis Canonicis explicantem audiremus: cepimus ani-
 „mum adiacere ad studium s. litterarum; deinde etiam ad
 „longe meliorem ipsis Scholasticis libris atque doctoribus,
 „Patrum atque inprimis Augustini, ac demum nostri etiam
 „temporis doctissimorum quorumque interpretum lectio-
 „nem. Ac per annos quidem aliquot, Euangelium Chri-
 „sti, quam potuimus, purissime praedicauimus. — —
 „Ille etiam prior me, propter Euangelium Italia valere
 „iussa, concessit ad Raetos, ac non ita multo post Gene-
 „vam, vbi etiam primus pastorem ecclesiae Italicae ali-
 „quot annos fidelissimum egit.”

In eorum numero, qui *Italiam* luce Euangelii illu-
 stratam videre optarunt, *Olympia Fulvia Morata* quoque
 fuit, quod epistola eius ad *Flacium Illyricum* scripta testa-
 tur in operibus, quae curante *Coelio Secundo Curione, Ba-
 fileae* 1562. 8. prodierunt. Haec autem est lectissimae
 foeminae epistola p. 139. „OLYMPIA M. pio atque eru-
 „dito viro MATTHIAE FLACCIO Illyrico in Christo S. D.
 „Cum multum diuque cogitassem, vir optime, qua ratio-
 „ne meos aliosque *Italos* locupletarem his bonis, quibus
 „Germania adfluit, neque locum consilii in me ipsa, ne-
 „que auxilii copiam haberem, mihi in mentem venit, me
 „id per alios doctos viros facile assequi posse: et cum
 „mihi tua scripta te notissimum fecissent, tu primus oc-
 „curristi, qui meis *Italīs* in egestate caelestium bonorum
 „in multisque erroribus versantibus magno adiumento
 „fore visus es. Si autem libellum aliquem *Lutheri* ger-
 „manice scriptum, in quo eorum publicos errores coar-
 „guit, in Italicum conuerteres, (nam ego Germanorum
 „linguam nondum intelligo, alioqui laborem non fugif-
 „sem) aut tu de eadem hac re aliquid Italice componeres,
 „quod profecto melius, quam ego praestare potes, vrpote
 „qui S. Scripturae libros peruoluisti, quos ego vix pri-
 „mo-

„moribus labris gustavi, multis viris piis, certe te erro-
 „res, quibus ducuntur, erepturum confido. Si Ecclesiae
 „caussa, pro qua et vitam profundere debemus, hunc la-
 „borem suscipere voles, quos hoc tuo diuino beneficio in
 „perpetuum tibi deuincies; magis autem ex vsu illorum
 „fore videtur, si Italice scribas: quippe ipsorum multi
 „litteras nesciunt; quod vt facias te etiam atque etiam
 „oro, perque Christum obtestor, qui sibi hoc beneficium
 „datum putabit, et a quo, cum ego tibi gratiam referre
 „non possim, pulchre tibi foeneratum duces. Pluribus
 „verbis hoc a te contenderem, si JOANNES CREMERUS no-
 „ster affinis non tecum de eadem hac re per litteras egis-
 „set, et si per se pietas non loqueretur. Vnum a te peto,
 „vt si tibi meae litterae molestiam exhibuerunt, non id
 „meae importunitati, sed tuae pietati, qua freta ad te scri-
 „psi, attribuire velis. Si tibi opus erit opera nostra,
 „omnia nostra studia a nobis expecta; non fallemus opi-
 „nionem tuam. Vale. VII Cal. Junii 1553. Suinphur-
 „dii.” Digna quoque lectu est, eruditissimae ac piaae ma-
 „trona ad eundem ep. p. 174. in qua ab eo contendit, vt
 Catechismum MART. LUTHERI maiorem a Vincentio Opos-
 paeo in linguam latinam conuersum, in Italicam transfe-
 rat, quod Italis et maxime iuuentuti summo emolumento
 futurum sperat.

Habuit *Lutherus*, et ex eius partibus collocata veri-
 tas vbique et hostes suos et amatores atque patronos. In
 ipsa adeo *Praesulis Romani* aula quidam aliquando versa-
 bantur, cum *Luthero* consentientes, quod adeo SADOLETI
 et MARONI, Purpuratorum exemplis euincitur; vt alios
 non commemorem. Inter *Venetos* praesertim haud pauci
 fuerunt, qui *Lutheri* consiliis adspirabant, quod allegatae
Melanthonis litterae extra dubium ponunt. *Venetorum*
 Magistratum ad comitia *Augustana* 1530 in causa refor-
 mationis misisse legatos, scimus; V. *Saligius* l. c. T. I.
 p. 179. BALTHAS. ALTERIUS *Lutherum* de multorum coe-

rum in agro *Veneto*, *Vicentino* et *Taruisio* consensu cum eodem, certiorē fecit. V. *Seckendorffius* l. c. L. III. Sect. 25. §. 97. p. 401 seqq. Ad PHIL. MELANTHONEM in comitiis *augustanis* praesentem LUCIUS PAULUS ROSELLIUS, *Venetus*, epistolam *Veneriis* scripsit, quae legitur in *Coelestini* Hist. comit. aug. T. II. f. 274 seqq. qua se audiuisse significat, *Melanthonem* inter lupos versari, eumque quibuscunque modis hortatur, ut omni timore, immo ipsius mortis metu abiecto, Dei causam et veritatem divinam, impauide et fortiter defendat, spemque maximam impleat, quam *magna Italiae pars*, evangelicae veritatis cupida de ipso conceperit.

Ex enarratis facile colligitur: quod ii, qui Reformationem in *Italia* meditabantur, plures quam quadraginta viri, litterarum fama nec non veritatis cupidine nobiles, in *Venetorum* agro prae aliis Italiae locis securos se fore iudicauerint, quanquam spe sua exciderint; dum conuentus isti *Vicentiae* instituti, a 1546 dissipati atque soluti, et quidam illorum focii captiuitate constricti ac supplicio adfecti fuerint, pluribus fuga, vitae periculo se eripientibus. Verisimillimum est, haec ipsa *Collegia Vicentina* summa sociorum Iesu vigilantia, quorum ordo haud ita pridem institutus erat, detecta ac dispersa esse, siquidem hi vbicunque locorum, Romanae curiae commodis, prospiciebant, omnibusque societatibus, suo pro seruanda Romani Pontificis auctoritate studio, palmam praeripere conabantur.

In dubium vocat MOSHEMIUS in *H. E.* Sec. XVI. p. 309. eiusmodi conuentus *Vicentiae* esse institutos, ex quibus *Socinianismi* primordia et semina repeti possint. Maximam pro negatiua rationem inde petit, quod *Sandius* l. c. p. 18. et *Andr. Wissowatius* in narrat. compend. l. c. p. 209. soli sint, qui primam horum conuentuum mentionem fecerint, ex quibus reliqui omnes eandem historiam repetierint. Quae FUESLINUS l. c. T. III.

p. 327 seqq. protulit dubia, eiusdem sunt argumenti, quorum potissimum summa haec est: 1) Quod nec *Sandius*, nec *Wissowatius* ullos adferant testes, vel historiae huius fontes; 2) *Ochinus* istis collegiis Vicentinis interesse non potuerit, cum a. 1546 isto loco praesens non fuerit; 3) *L. Socinus*, non ut fugitiuus, *Venetis*, sed *Sienna* a. 1547 *Geneuam* appulerit; 4) nullus scriptor mentionem praecise fecerit illorum, qui ex fociis conuentuum istorum carnificis manu perierint, cum tamen quaelibet secta suos celebrare martyres non intermiserit. Sed rationes tanti ponderis mihi visae non sunt, ut vinuersam de conuentibus istis relationem fictionibus adnumerandam esse iudicauerim. Nullum quidem expressum pro veritate historiae huius testimonium adhuc ad oculos nostros peruenit, quamuis haud pauca hunc in finem perquisiuerim volumina. In consilium vocaui historicos Italiae et reipublicae Venetae scriptores, inprimis Epistolographos Italos, et inter hos BARTHOL. RICCI *Luggiensis epistolarum familiarium libros VIII. Bononiae 1560.* PETRI BEMBI *Epp. ad familiares, Basil. 1555. etc.* Praeterea *Orationes clarorum hominum etc. in Academia Veneta primum in lucem editas*, quarum secunda editio prodiit *Coloniae 1560. 8.* aliosque plures fere innumeros. Sed omne studium frustra adhibetur, nec vllum de collegiis *Vicentinis* explicitum testimonium reperire contigit. Non tamen omnino defunt argumenta, quibus relationem de iisdem, factaque in illis a quibusdam mysteriorum religionis christianae impugnatione, probabilem, nec simpliciter reiiciendam esse, me confirmaui. Ipsam *Academiae Venetae* formam et constitutionem, in qua et docentibus et discipulis liberum antiquitus fuit, sua exponere dubia, et de variis rebus confabulari, suppeditasse obiectionibus necestendis aduersus Mysterium S. Trinitatis, inter *Venetos* occasionem, haud immerito suspicor. Haec Venetorum Academia, in ep. dedicatoria ad *Sereniss. Principem LAURENTIUM PRIOLUM, et illustriss. Venetam nobilitatem, be-*

nignissimosque Patronos de hoc argumento ita scribit: „Atque idem, (Academiae Stator) ut commodò nostro consulere, quotidieque ut consueuimus, ad varios sermones, variasque de scientiis, atque artibus disputationes conuenire possemus; commune omnibus atrium, et alia separatim loca praecipuis cuiusque doctrinae professoribus in aedibus suis attribuit, loquendi ordine ita instituto, ut alii, quemadmodum scientiarum dignitas exigit, sermonem habeant, alii, si quid ambigant ad ea, quae audierunt, proponant, postremo quidquid in dubitationem vocatum est, atque omnis plane quaestio, simul omnium sententiis dissoluatur. Accedit illud, quod non modo nostra, verum aliorum quoque scripta, tum antiqua, tum aetatis etiam nostrae, legimus et examinamus accurate, vel ad mores conformandos, vitamque nostram necessariis ac sapientibus praeceptis informandam, vel ad animos nostros thesauro scientiarum, qui nobis quidem omnibus diuitiis potior est, locupletandos.”

Praefixa est memorabilis haec epistola libello, paucis viso, cui titulus: *Summa librorum, quos in omnibus scientiis ac nobilioribus artibus variis linguis conscriptos, vel antea nunquam diuulgatos, vel utilissimis et pulcherri-
mis scholiis correctionibusque illustratos, in lucem emittet Academia Veneta.* In *Academia Veneta MDLIX. 4. pl. II.* Inter plures libros ab *Academia* in *Theologia* typis exscribendos, quorum tituli in opusculo recensentur, sequentes quoque notantur, qui, si recte coniicimus, ad ea, quae in collegiis Vicentinis paulo ante agitata fuerunt, respectum habent. *MAXIMUS de Christi mysteriis, ac confessione. De Spiritu S. disputatio, e sacrarum litterarum fontibus deducta. Disputatio aduersus Turcas. Athanasius de unitate Trinitatis. Idem aduersus Arrianos. Graeci diuer-
forum auctorum in D. Joannis Euangelium commentarii. etc.* Ex libris ad ius canonicum spectantibus nominatur quoque: *MARIANUS SOCINUS maior in decretalium quintum; et p. B. III. 6. idem in caput: Quomodo et quando.* Inter scri-

scriptores in edendo consiliorum iuridicorum corpore, qui ordine alphabetico citantur, comparet ANDR. ALCIATUS et BARTHO. SOCINUS.

Accedit ad hanc coniecturam, pro adstruenda *Collegiorum Vicentinorum*, eorumque, quae in his deliberata sunt, probabilitate, quod ab anno circiter 1538 in agro *Veneto Seruetianismi* semina spargi coeperint, quod ex *Melanthonis* epistola hoc anno, ad *Senatum Venetum* scripta, colligitur. Pluribus enim magistratum monuit, ut sibi ab eiusmodi farinae hominibus iam cauere, salvamque, dum adhuc tempus esset, seruarent rempublicam, non vaga enim fama dici supra 40 in eius vrbe ac agro numerari, qui veneno illo infecti essent, viros praenobiles, et ingenii acumine eximios. V. *De Porta* hist. Reform. Eccl. Raet. T. I. L. II. p. 63. *Melanthon* Epp. T. I. p. 100. et in Consil. et Resp. P. I. p. 336. Nemini facile longam hac de re admonitionem legenti dubium videbitur, SERUETI errores apud *Venetos* suos habuisse defensores ac patronos, a quorum contagio pios veritatis restitutae cultores ac promotores praeseruare studet MELANTHON. Ita autem ille in editione antiquissima allegata. p. A. 4. inquit: „Intellexi (ex BRACCIETO) isthic circumferri SERUETI libellum, qui renouauit errorem *Samo-sateni* initio Ecclesiae damnatum et labefecit sententiam de duabus naturis in Christo, negat in *Joanne* verbum significare hypostasim, seu personam, ut nunc vocant, cum *Joannes* ait: In principio erat verbum, et postea: Et verbum caro factum est. Et si autem extat meum iudicium de hac controuersia, ac nominatim in locis (Theologicis, quorum italica versio in lucem iam prodierat) damnaui SERUETI sententiam, tamen nunc quoque vos admonendos atque obtestandos esse duxi, ut hortatores atque autores sitis, ut fugiant, abiiciant, execrentur impium SERUETI errorem. Post longam de *Serueti* speculationibus et cauillationibus expositionem his verbis finem facit: Haec scripsi verbosius,

quam modus epistolae patiat, sed multo angustius, quam magnitudo causae postulat. Verum iudicii mei testimonium vobis significare volui, nec grauatim de tota controuersia, si quis petet, copiosius disputabo. In locis collegi praecipua testimonia ad hanc causam pertinentia, quibus confirmatae mentes possunt contrarias cauillationes refutare. Porro ut quondam lex Castrensis notabat ignominia non eum, qui gladium, sed qui clypeum abiecerat, quia prior esse cura nostri tuendi debet, quam hostes ferendi: ita his contentionibus prior esse cura debet, nostras mentes confirmandi, posterior refutandi aduersari." Haec a Melanthon scripta, nisi me omnia fallunt, narrationi de Collegiis Vicentinis fulcrum adferunt, monstrantque iam ante annum 1546 prima errorum semina circa mysterium S. Trinitatis, in agro Vicentino effloruisse. Quando autem Melanthon in refutando Serueti errore, coram Magistratu Veneto antiquae ecclesiae Patribus primum locum concedit, hoc ipso venerabilis et circumspetus doctrinae coelestis defensor, se ad Venetorum conceptum et iudicia commodauit, qui romanae Ecclesiae principiis imbuti, Patrum expositionibus tantum auctoritatis tribuebant, quos rectiora et veriora docendo offendere noluit. Nimium vero Melanthonem tribuisse patrum testimoniis et in hoc cum Pontificiis consensisse, qui putat, de contrario conuincetur, ex eiusdem tractatu de Ecclesiae auctoritate, et de veterum scriptis, Witteb. 1539. 8., quem Celsis: Principi Borussiae ALBERTO Seniori dicatum voluit.

Id ipsum, quod de conuentibus memoratis probabile visum est, euincunt viri, qui illis interfuisse dicuntur, quorum nisi omnes, quidam saltem errore iam imbuti fuerunt, cum Italiam reliquerint: BUSDRAGIUS, qui hoc tempore, quo ista collegia instituta sunt, Venetiis Romanae curiae inquisitor exstitit, eorum mentionem facit, qui magno numero ex Italia dispersi, in alias regiones transierunt, quo ipso haud obscure, ad Collegia ista disturbata

respicit. Paulo ante Vicentina Collegia, vel circa idem tempus, quo habita sunt, in superiori *Italiae* parte ad *Helvetiae* terminos variae haereses, et inter has maxime Antitrinitariorum errores pullulare coeperunt. Notum est, CLAUDIUM *Serueti* asseclam inter Allobroges mentis suae placita disseminasse, et in *Raetia*, quo *Itali* patria pulsi certatim confluxerunt, iam ante horum aduentum exstitisse Anabaptistas, aliosque circumforaneos.

Omnino autem concedendum, quod etiam res ipsa palam loquitur, in *Venetis* et *Vicentinis* collegiis eam religionis formam, quae a *Socinis* nomen traxit, minime esse conflata; citius enim disiecti, et ad exilium coacti, quam de primariis sectae alicuius, quae difficile in *Italiae* terminis exstruenda erat, placitis, plures vna mente consenserint. Concedi quoque debet, deliberationibus istis non interfuisse omnes, qui earum socii fuisse dicuntur; *Ochinum* enim easdem non frequentasse manifestum est; omnem tamen propterea in dubium vocare historiam, nulla nos adigit ratio. SOCINUM *Siena*, non autem *Venezii*s appulisse *Geneuam*, nihil prorsus in contrarium euincere videtur, ac facile conciliari potest. Potuit enim *Venetorum* ditione egressus, antea salutare *Sienam*, quam *Geneuam* contenderet. Nec maioris momenti dubium est, quod nulla eorum apud scriptores mentio fiat, qui ex istorum conuentuum sociis carnificis manu periissent. *Sandius* enim in *Add. ad H. E.* p. 90. expresse ait: „Ex his fodalibus JULIUM TREUISANUM et FRANCISCUM de RUEGO captos esse, et *Venetiis* strangulatos.” Fortassis plura truculentae caedis exempla allegari possent, si liber ad manus nostras perueniret, qui allegatur sub titulo: FRANCISCI NIGRI (qui ipsis hisce Collegiis *Vicentinis* praesto fuisse creditur, B. A. P. I. 554.) *Bassianensis, brevis historia de Fanini Fauentini, ac Dominici Bassianensis morte, qui nuper ob Christum in Italia Rom. Pont. iussu impie occisi sunt, a. 1550. 8.*

Nonnullos, nisi plurimos, inter conuentuum istorum sodales, ab haereseos contagio liberos fuisse iudicamus, qui societati sine dubio bona intentione semet adiunxerint, quorum nomina ne quidem sunt notata; idem tamen de omnibus ferri non potest iudicium. De exsilibus in genere Italis, qui Religionis causa in alias terras *Raetiam* maxime et *Heluetiam* ac inde in *Germaniam* et *Poloniam* excurrerunt, constat, quod fuerint inter illos viri ingenio et eruditione summi, etiam vitae innocentia et praeclaris moribus commendati, qui puritati Evangelii suam nauarunt operam; sed quoque non pauci ad *Serueti* aliorumque Antitrinitariorum placita inclinantes; et inter hos *Laelius Socinus*, *Bern. Ochinus*, duo Monachi excucullati, quorum vnus *Franciscus*, de patria *Calaber*, alter *Hieronymus* Mediolanensis, qui *Ochini* discipulos se adferebant, *Camillus Renatus*, *Siculus*, *Petrus Leo*, *Franciscus Niger*, *Stanckarus*, *Matthaeus Gribaldus*, *Jo. Paul. Alciatus*, *Celsus Martinengus*, Anabaptistarum labe infectus, *Val. Gentilis*, *Ge. Blandrata*, et ipse *Pet. Paul. Vergerius*. Non tamen hi omnes eandem viam calcabant, sed alii plura, alii pauciora capita defendebant, a suscepta doctrina diuergentia. Maxime S. Trinitatis mysterium in censuram quidam trahebant, idque abstrusum et contradictorium dogma reiiciendum putabant. Tum vero de statu animae post mortem curiosi, animae immortalitatem aperte fateri renuebant, dicentes pro certo asseri non posse, an anima etiam post mortem functiones suas continuet, vel an somno quasi consopita ad diem vsque iudicii. Nos non saluari per redemptionem et mortem Christi, sed per gratiam Dei Patris, Christi iustitiam nemini posse imputari, sed ex suis, quae quisque fecerit, coram Tribunali iudicandum esse; non adeo per peccatum corruptum esse hominem, vt nullum ad vere bonum habeat liberum arbitrium, Sacramenta tantum tesseras esse confessionis christianae et signa mnemonica mortis Christi. Praestare baptismum paruulis non adhibere, sed ad annos

dis-

discretionis differre. Praeter hos subtiles alii fuerunt, narrante de *Porta*, l. c. p. 63., qui quoque de sequentibus articulis sibi verba excidere patiebantur: Christus non tam morte sua nobis peccatorum remissionem acquisiuit, quam potius vim quandam, qua in hoc mundo reddamur impeccabiles: Apostolos dum viuerent, non fuisse semper eo vsque peccatores, vt necesse habuerint precari peccatorum remissionem. Ministerium non adeo esse necessarium; quidam diem dominicum non esse obseruandum crepabant. — — Istorum hominum quidam prorsus erant illiterati, atque vix primis elementis tincti; et tamen Ecclesiis se ceu viae salutis duces ingerebant, sancto et humili quodam fastu cuius suggerentes, Apostolos etiam fuisse idiotas, et gentium tamen Doctores. Alii sacra Pontificia auersabantur, nec tamen euangelicae ecclesiae nomen dare volebant; sed horum haud secus ac Pontificiorum coetus horrebant. etc. Initio aduentus eorum in Raetia suas illi opiniones dissimulabant, aut caute admodum iis, apud quos opportunum videbatur, insinuare studebant. Hinc primi Euangelii ministri probi viri nihil vnquam sinistri de illis suspicabantur, quantumuis ex eorum ore nouas semper, dubias captiosasque quaestiones in medium protrahi audirent; sed haec omnia Italico ingenio tribuebant. Verum forex mox suo se iudicio prodidit, et hi qualia mente premerent, semper occultare non potuerunt. De colloquiis et disputationibus cum his circa varias quaestiones institutis, plura de *Porta* ex Actis authenticis protulit, qui etiam quosdam ex Neoarianis notauit, ad meliorem mentem reuersos et veritatem orthodoxam confessos. De omnibus autem hoc tempore Italici exulibus iudicat, quod fuerint capita singularia, contentiosi, inquieti, ex quacunque re leuissima rixam mouentes, nec doceri a quoquam sustinentes, nec a sua pertinacia remittentes, hinc omnibus euangelicis molestiam procrearunt, praecipue in *Raetia*, quod idem auctor pluribus probauit documentis.

Non

Non verisimile videtur *Moshemio*, quod *L. Socinus*, iuuenis tum temporis vnum supra viginti annos natus, natali solo relicto ad *Venetos*, aut *Vicentiam* se contulerit, vt de rebus ad religionem pertinentibus libere cum aliis disputaret. Sed quae de praecoci *L. Socini* ingenio et inclarescendi conamine, dicturi sumus, huic rei fidem faciunt; quemadmodum quoque *Seruetum* iuuenili aetate inclaruisset, et reformandi pruritu abreptum, anno aetatis circiter vigesimo libros de *Trinitatis erroribus* scripsisse, antea notauimus. A vero quoque abesse putat, quod tanta *L. Socinus* adolescens valuerit auctoritate, vt inter tot viros doctrina praestantes, ac aetate prouectiores, quales fuerint, qui hos frequentasse conuentus dicuntur, principem locum ac praesidium obtinuerit. Sed vel errarunt in hac parte, qui externam huius societatis formam delinearunt, vel hoc figmento, sectae suae signifero maiorem praerogatiuam conciliare studuerunt. Verum ne hac quidem exculpatione opus est. Si enim recordamur, *Socinum* nobiliori loco natum, et ex celeberrima familia ortum fuisse, ac praeterea, tantum valuisse *Laelium* ingenio atque mentis acumine, quantum reliqui experientia, facile creditu est, omnes eidem primum cecidisse locum. Qui eum isti sodalitio, anno 1546. iam dispulso, interfuisse negant, quod demum 1547. ex *Italia* excesserit, ac proinde adhuc per integrum annum post dispersionem collegii tutus in *Italia* vixerit *Laelius*, hoc argumento historicam traditionem non euertunt. Licet enim extra omne dubium positum esset, quod vulgo creditur, *Socinum* anno demum 1547 *Italia* valedixisse, potuit tamen tranquillus et cautus errorum suorum custos, nec improvidus propalator, inter amicos, per anni spatium in obscuro latere; ad quem modum etiam *Pet. Paul. Vergerius*, iunior, aliquod tempus in *Italia* commoratus est, quamvis Instigatores iudicii ecclesiastici vndique eum consecretati fuerint. Quae de profectione *Laelii* ex *Italia* monentur, quod in ipsius vita non desint vestigia, quae diligentius omnia

omnia ponderanti, sententiam subministrant, veri potius apud exteros inuestigandi amorem, quam capitis praesens periculum, discessum ei ex *Italia* suasisse; narrationem de collegiis *Vicentinis* non euertunt. Potuerunt suscepti huius itineris plures esse caussae, nec mirandum, quod homo singulares adfectans opiniones, explorandi veri propositum venditauerit; cuius speciem *Val.* quoque *Gentilis*, alique prae se tulerunt. Eundem discendae veritatis praetextum *Laelius* in *Heluetia* obuertit, cum quorumuis errorum patrocinio sibi vitae periculum contraxisset. Discendi veraque cognoscendi amor, qui eum excitasse perhibetur exteras visendi regiones, paulo ante eundem permouere potuit, patrio solo relicto, ad *Venetos* se conferre, haecque collegia in agro *Vicentino* frequentare. Socinianam autem disciplinam a *Laelio* in his conuenticulis esse inuentam vel expositam, nec isti statuunt, qui illorum mentionem fecerunt. *Laelius* fortassis non serio, sed ambigentis specie, et paulo curatius res ad religionem pertinentes sciscitandi animo, dubia quaedam proposuit, ipse anceps adhuc haerens, quid statueret. Eum vero ex *Italia* certam religionis formam omni ambitu exornatam secum tulisse, nemo vnquam credidit; quamuis fortasse eandem iam isto tempore meditatus fuerit; nec facile quis sibi persuadebit, reliquos collegiorum socios ipsius sententiae in omnibus calculum suum adiecisse.

Possunt praeter haec plura pro historiae huius de collegiis *Vicentinis* verisimilitudine, adferri argumenta. Quae ratio est, cur *Italorum* coetus *Geneuae* et alibi in *Heluetia*, maxime vero in *Raetica* ditione *Italiae* proxima collecti, omnium maxime hominibus turbati fuerint, qui in Deum, eiusque Filium heterodoxa statuerunt? Multi, qui circa hoc tempus ex *Italia* huc accessere, vel eandem, vel similem cum *Serueto*, statim post ipsorum aduentum in hoc loco, declararunt mentem, quod vniuersa horum motuum historia confirmat. Ex quo fonte, et quo loco,
exfulan-

exsultantes *Itali* errores istos, hauserunt? Non demum in *Raetia* vel *Heluetia*, quibus locis procreatos ingenii sui foetus statim cum appulerint, exposuerunt. Verisimillimum proinde est, quosdam saltim peregrinos *Italos* vetitam hanc mercem in *Italia* iam collegisse, et deliberato consilio decreuisse in exteris *Raeticis* ac *Helueticis* regionibus, in specie *Geneuae*, qui tamen locus ipsis post tremendum *Serueti* supplicium terrorem incussit, mercium suarum exstruere emporium. Primi isti Antitrinitariorum signiferi in collegiis istis, ex antiquorum haereticorum, qui in *Italia* aduersus S. Trinitatem et aeternam Christi Deitatem male senserunt, propagine fortassis existerunt. Fuisse enim pristinis iam temporibus, et ab *Arii* et *Manetis* aetate in *Italia*, qui vel *Arianismi*, vel *Manichaeismi* semina in occulto seruarunt, ex harum haeresium fatis per omnia saecula manifesto constat. Licet enim horum haereticorum nomen non audiretur; sub alio tamen titulo, vel *Katharorum*, vel *Paulicianorum*, vel alio quocunque minus odioso nomine latebant et compellabantur. Haud pauci quoque tristissimis patrum suorum territi vestigiis, quippe quorum plurimi flammis ferroque perierunt, in latibulis delitescentes, in lucem non prodibant. Cum autem reformatae in *Germania* Ecclesiae fama, per totam *Italiam* diuulgaretur, hi, qui antiquorum haereticorum placitis priuatim imbuti erant, haec ipsa a patribus accepta dogmata, inter praecipua esse commendanda et restituenda in Ecclesiae reformatione aestimarunt. Irrigauit haec veterum haeresiarcharum in *Italia* semina, *Seruetus* libris in orbem expositis; opus enim eius de *Trinitatis erroribus* ab a. 1531. per *Italiam* et agrum *Venetum dispersum*, multis, secessionem a Papatum temporis meditantibus, opinionem propinabat, eiusdem auctorem, excitatum a Deo legatum esse. Hinc SANDIUS in app. ad *Nucl. H. E.* p. 90. inquit: „Neque certo dicere possum, fueritne inter illos, collegiorum commemoratorum sodales SERUETUS: libros sane eius septem, de
erro-

erroribus Trinitatis, Basileae 1531 editos, per Italiam liberius sparfos errandi ansam praebuisse, constans fama est. Quamuis autem inter sodales istos non fuerit *Seruetus*, indubitatum tamen est, eundem oretenus quoque in Italia suos aliis commendasse errores. JO. MANLIUS in *locis commun.* T. III. p. 21. verissime testatur, eundem *Venetis* praecipue sparsisse venenum suum. Commoratum quoque eum esse aliquamdiu in *Italia* circa a. 1533 vel 1534 a quibusdam memoriae proditum legitur. Vitam per aliquod tempus circa annum 1525—1528 in *Italia* et in agro *Veneto* traxisse, ibidemque habuisse amicos atque fautores, in aprico positum est; quapropter etiam ad ultimum vitae suae terminum cum quibusdam *Venetis* commercium epistolicum instituit. V. CALVINI *Refut. errorum Serueti*, p. 695. MELANTHON insuper a. 1538. ab erudito quodam *Venetiano Braccieto*, qui *Wittebergam* accesserat, certior factus *Seruetum* in Italia, et in agro *Vicentino* haereseos suae vestigia reliquisse, eaque post ipsius inde discessum inclaruisse. Apprime hinc *Zanchius* de Antitrinitariis, ubique locorum ecclesiam Christi turbantibus dicere solebat: Facile est diuinare, vnde hoc malum, et per quos folum. *Hispania*, (*Serueti* patria) gallinos peperit, *Italia* fouit oua. Nos iam (in *Raetica* ditio-
ne, *Clauennae Vallae Tellina* etc.) pipinientes pullos audimus.

Quae diximus, THEOD. quoque BEZA in *Praefat. historiae Valent. Gentilis*, p. 14. confirmat, qui testatur prodiisse ex *Serueto*, tanquam ex ludo quopiam discipulos non paucos, sui etiam ducis et insaniam et impietatem pene superantes. Inter hos refert, *P. Alciatum*, *Val. Gentilem*, *Blandratam* et *Gribaldum*, his quoque fauisse, *Bernardinum Ochinum*, et *Laelium Socinum*, significat. His a *Beza* nominatis, inter *Italos*, *Seruetianae* haereseos promotores *Claudius* quoque *Allobrox* accensendus, de quo antea exposuimus, qui malam intentionem spargendi erroris

roris sui *Basilae, Bernae et Wittebergae* manifestauit, his vero locis impeditus, in Italiam a. 1537. rediit, vnde post aliquod tempus iterum in Germaniam se contulit; BEZA l. c. significante. Id ipsum *Claudii* exemplum satis commonstrat, fuisse inter *Italos* paulo ante collegia ista *Vicentina*, qui pro *Serueti* partibus dimicarunt. In his ipsis conuentibus exstiterunt *Serueti* admiratores, quorum numero LAELIUS SOCINUS ab eodem BEZA ep. 81. accensetur. Omnes fere, quos LUBIENIECIUS, SANDIUS et WISSOWATIUS hosce conuentus frequentasse narrant, immo plures, tanquam SERUETI asseclas longo ante istos scriptores tempore, *Jo. Wigandus*, in libro de *Seruetianismo et Antitrinitariis* a. 1575. *Regiomonti edito*, p. I. b. allegauit, ita enim inquit: *Sectatores postea SERUETUS accipit GENTILEM, CAMPANUM, GE. BLANDRATAM Medicum, MATTHAEUM, GRIBALDUM Iure consultum, JO. PAULUM ALCIATUM, Mediolanensem, GREGORIUM PAULI, Pastorem Cracouiensem, OCHINUM et alios — — Eadem deliria secuti sunt, Leor. Abbas Calaber, MARTINUS CELLARIUS, LAELIUS SOZZINUS Senensis, et alii quidam ut liber Antitrinitariorum, sine nomine editus, ipsemet annotat.* Innuit vero *Wigandus* *Ministrorum Sarmatiae et Transyluaniae* libros de falsa et vera vnius Dei P. F. et Sp. S. cognitione. V. B. A. P. I. p. 58.

Videtur quoque aliquid roboris ad probandam *Sandii, Wissowatii et Lubieniecii*, de Conuentibus *Vicentinis* a. 1546 disturbatis, narrationem conferre, quod *Venetorum Senatus* circa annum 1548 edicto promulgato ad perpetua curiae Romanae desiderata et postulata statuerit, ut libri a catholica religione discrepantes, certis delegatis traderentur, idque intra dies octo, quibus elapsis, inquisitum iri minabatur, et qui deprehensi fuerint, non impune abituros; iis quoque, qui denunciarent edicti huius contemptores, munera promittebantur. V. *Laur. Surius* l. c. p. 566. Eiusmodi quidem mandatum iam a. 1522. publi-

publicatum, anno autem 1548. ad instantiam Pontificis in Venetorum republica renouatum.

Ad fidem dictis conciliandam haud parum confert, quod breui tempore post conuentuum istorum dispersio-
nem, ab auctoribus allegatis ad annum 1546. notatam, Praeful Romanus seuera lege Antitrinitariorum conamina coercere, maloque ingruenti quibuscunque mediis limites ponere necesse duxerit. Anno enim 1555. 7. *Id. Augusti*, PAULUS IV. Bullam publicauit, qua *negantes Trinitatem aut diuinitatem J. C. aut eius conceptionem de Sp. S. aut eius mortem, ut nos redimeret, aut virginitatem B. Mariae virginis haeretici declarantur.* His autem verbis *Bulla* incipit: „Cum quorundam hominum prauitas atque „iniquitas eo vsque nostris temporibus processerit, ut ex „iis, qui a Catholica fide aberrant, et desciscunt, plurimi „quidem non solum diuersas haereses profiteri; sed etiam „ipsius fidei fundamenta negare praesumant, et eorum „exemplo multos in interitum animae deducant: Nos cu- „pientes pro nostro pastoralis officio et caritate huiusmodi „homines, quantum cum Deo possumus, a tam graui et „pestilenti errore auocare, ac ceteros, ne in talem impie- „tatem labantur, paterna seueritate admonere, omnes ac „singulos, qui hactenus asseruerunt, dogmatizarunt et cre- „diderunt, *Deum omnipotentem non esse trinum in perso-* „*nis, et imcomposita omnino indiuisaque vnitae substan-* „*tiae, et vnum vnamet simplici diuinitatis essentia; aut* „*Dominum nostrum J. C. non esse verum Deum, eiusdem* „*substantiae per omnia cum Patre et Sp. S. — — — ex* „parte omnipotentis Dei, P. et F. et Sp. S. Apostolica „auctoritate requirimus et monemus, quatenus intra spa- „tium trium mensium a publicatione praesentium in Ro- „mana Curia, quoad residentes in ea, modo infra scripto; „extra eam vero, quoad alios in illa non residentes, mo- „do et forma per Dioecesanos statuendis, facienda inci- „piendorum, quos pro primo, secundo et tertio, ac pe-

„remtorio termino, ac monitione canonica eis et eorum
 „cuilibet assignamus, ab eorum assertione, dogmatibus et
 „credulitate huiusmodi, ac quibuscunque aliis in fide
 „praedicta erroribus, in quos haecenus lapsi sunt, resi-
 „puisse, et ad vnitatem Ecclesiae redeundo, assertionem,
 „dogmata et credulitatem ac alios errores huiusmodi in
 „manibus Inquisitorum haereticae prauitatis, ciuitatum
 „et locorum, in quibus ad praesens degunt, realiter et
 „effectu abiurasse, et intra alios tres menses a die abiura-
 „tionis huiusmodi inchoandos de eadem abiuratione ve-
 „nerabilibus fratribus nostris Sanctae Romanae Ecclesiae
 „Cardinalibus, dictae haereticae prauitatis Inquisitoribus
 „generalibus, plenam fidem fecisse debeant.” etc. Ean-
 dem Bullam confirmauit, iteratoque publicari iussit a.
 1603. d. 3. Febr. CLÉMENTS VIII. Vid. *Bullarium Roma-
 num*, ab ANGELO MARIA CHERUBINO, *Romae* 1638. fol.
 editum, Tom. I. p. 590. et Tom. III. p. 104.

Qui natales Socinianismi ex *Italia*, et *conuenticulis
 Vicentinis* repetendos esse, negant, argumento vt pluri-
 mum vtuntur, quod scriptores nominati de his exponen-
 tes, collegiorum istorum neque testes oculati, neque co-
 aeuui; sed extranei, recentiores et longo interuallo ab Ita-
 lia remoti fuerint, omnesque ex horum narratis hauserint,
 qui eandem historiam exposuerunt. Verum haec ab illis
 non efficta, sed ex BUDZINII coment. ineditis ac iam de-
 perditis, et ex LAELII SOCINI vitae curriculo, suam hac
 de re notitiam hausisse, dubitari nequit. Potuerunt haec
 ab extraneis resciri, cum ipsi *Socini*, et *Laelius* et *Faustus*
 in Polonia praesentes adfuerint, de collegiis istis testimo-
 nium omni exceptione maius exhibentes. Prouocat prae-
 terea *Sandius* ad librum *ministorum Sarmatiae et Tran-
 sylvaniae* saepius allegatum. Vnus scriptor fide dignus
 haud raro admittitur, vt historiam, quam solus enarra-
 uit, credamus: cum in hac caussa plures et antiquiores
 scriptores sint, qui in genere eadem, quae *Sandius*, *Lubien.*,
Wissow.

Wissow. et Przypc. tradiderunt, vel confirment, vel verissimillimam hanc esse historiam, palam faciant. Testes huius rei in genere quidem sunt *Melanthon, Busdragius, Beza, Blandrata, Budzinius*, aliique. Omnes ex Italia Socinianismi primordia repetunt, nec contradicunt scriptores coeti huic addicti, sed potius, qui ex *Laelii et Fausti Socini* ore pendebant, id ipsum concedunt atque asserunt. Cum Ministri et Antistites Ecclesiae in Hollandia et Westfrisia in voto suo significauerint, homines istos *Italia* in primo ortu expulsos esse, JON. SCHLICHTINGIUS in *Apologia pro veritate accusata*, p. 35. id non impugnauit. Eandem Socinianismi originem quoque indicauit LAURENTIUS LAELIUS in *indice controuersiarum ac schismatum praecipuorum* etc. (qui liber *Onoldsbachi* anno 1612. 8. prodit) p. 179. ad. a. 1561 notans: *Antitrinitarios ex Italia in Germaniam et Vngariam esse effusos*. Probabile etiam videtur, quod HENR. PANTALEON, Basileensis in *Chronograph. Ecclesiae christianae, Basil.* 1550. p. 124. ad ea, quae 1546 in agro *Vicentino* acciderunt, respexerit, cum ad an. 1545. inquit: „*Haereses multae et variae sub specie religionis componendae, passim oriuntur.*” NICOLAUS PACZ Episcopus *Kiouiensis*, in libro, 1560 typis impresso hoc titulo: *Orthodoxa fidei confessio, de una eademque Dei P. F. et Sp. S. diuinitate ac tribus personis*, licet conuentuum in agro *Vicentino* institutorum non ad litteram meminerit, eosdem tamen haud obscure significat, et ex reformandi pruritu, natales Socinianismi deriuat, in dedicatione libri ad Jo. CHOTKOWITZ, *Supremum magni Ducatus Lithuaniae Marefchallum*, et *generalem Samogitiae Capitaneum* scribens: *Paucis hisce annis, ab inquietis aliquot ingeniis, nescio cuius in Ecclesia reformationis praetextu, fucato plane et hypocritico zelo, ita omnia carptim distracta et diuulsa sunt, ut — — — — — ipsa Filii Sanctique Spiritus diuinitas apud imperitam plebem etiamnum propagam in dubium vocetur.* BENED. ARETIUS, de *Valentino Gentili, Geneuae* 1567. 4. non quidem collegiorum isto-

rum in specie mentionem iniicit, nonnullos tamen *Italos* nouarum haeresium statores *Geneuam* concessisse, p. 7. testatur: *Aderant tum in Italica ecclesia (Geneuae collecta) homines permulti ex tota Italia, qui alii alias ob causas eo se contulerant: imprimis vero qui pietatis nomine extorres, e patria illuc profugerant. Inter hos erant quidam, καὶ τῶν δογματῶν ευγεταί.* GEORGIUS enim BLANDRATA, professione medicus, negotium Trinitatis recenter coeperat conuellere: — — — — Voluebant idem saxum GRIBALDUS Iuris consultus celebris, et JOAN. PAUL. ALCIATUS quidam Mediolanensis.

Negandum interim non est, hanc narrationem, quam meris fictionibus et commentis nemo facile adnumerabit, omni adhuc caligine exemptam non esse, ita vt de pluribus circumstantiis ad hoc argumentum spectantibus coniecturando tantum iudicare possimus. Dignae vero istae *crypto Photinismi Italici origines* essent, quae ab *Italo* docto, documentisque genuinis instructo, ex professo describerentur, magisque dilucidarentur, quod plures eruditi et inter hos *Moshemius* et *Zeltnerus* in votis iam diu habuerunt. Quae de societate ista numerum quadragenarium excedente scriptores memoriae prodiderunt, rem omnem non conficiunt, multaue adhuc luce indigent. Inter ea, quae illustratione potissimum opus habent, numeramus, quod a nemine vnquam expositum sit, quae larua sibi sumpta, aut quo obtentu colloquia illa, Academici conuentus nomine habita sint, an alio inducto colore. Nec alius de his aliisque momentis nos facere posset certiores, nisi rerum in patria gestarum peritus *Vicentinus*, vel saltem *Italus*, cui ad scrinia publica pateret aditus.

Palmaria, quibus vel defendendis, vel repurgandis studuerunt istorum collegiorum socii, dogmata, *Lubienicius* L. II. c. I. p. 38. ex LAELII SOCINI curriculo et *Budziunii comm. mssct.* his verbis speciose exponit: „*Pertractabant hi praecipua fidei christianae capita: Vnum scil. esse Deum*

Deum altissimum, qui cuncta, ut creavit, potenti verbo et efficaci suo iussu, ita et sapienti et benigna sua providentia cuncta conseruet, Filium eius unigenitum esse Jesum Nazarenum, hominem verum, at non simplicem, utpote virtute Spiritus S. in casta virgine genitum. Hunc a Deo patribus promissum tempore definito posteris eorum missum, mysterium Evangelii salutaris hominibus annunciasse, viam vitae aeternae, non indulgendo carni, sed pie vivendo, consequendae monstrasse ex voluntate paterna vitam, parandae et sanciendae peccatorum remissioni impendisse, ab eo resuscitatum, et exaltatum esse, credentes in Christum, eique morigeros a Deo iustificari, ita pios homines immortalitatem in primo Adamo perditam, in novissimo Adamo eandem recuperare: hunc solum populi sibi subiecti esse caput et Dominum, hunc omnium vivorum et mortuorum constitutum iudicem, in ultimo die ad nos venturum: interea regnum mille annorum recuperaturum et obtenturum; ad ultimum Deo Patri regnum traditurum, eique subiectum iri, ut Deus sit omnia in omnibus. Coeterum dogmata vulgo recepta de Trinitate, de Christo Dei, qui sit ipse Deus, Creator, idem Deus, qui Pater, de Spiritu S. Dei, qui Deus pariter sit, de iustificatione, vel per opera meritoria, vel per fidem solam, meritum Christi sibi applicantem, aliaque his similia esse opiniones per Philosophos graecos introductas."

§. X.

In his *Italorum Collegiis* arma aduersus S. Scripturae mysteria fabricata esse, ipsi sodales, qui illis interfuisse dicuntur, et fuga vitae periculo se eripuerunt, comprobant, qui, saltem plurimi *Serveti* vestigia prementes similes errores sunt professi, vel alio modo in diuinam veritatem rationis suae tela vibrarunt. Non quidem omnium, qui con-

ventus istos frequentarunt, nomina in lucem prolata sunt; nec de omnibus, qui nominantur, indubitato adfirmari potest, eos iure quodam ad hunc numerum esse relegatos; quidam etiam omnino Antitrinitariorum erroris in genere argui nequeunt. Hi omnes fere dispersis collegiis istis ex *Italia* ad Ecclesiarum in *Raetia* et *Heluetia* Reformationum finem se receperunt, spe quadam sustentati, sedem figendi inter ipsas, qua vero, ab orthodoxa doctrina circa mysterium S. Trinitatis deflectentes, in his terris frustrati, inter *Polonos* Protestantes ac Evangelicos asylum quaesiverunt.



Quosdam horum conuentuum socios (omnes enim ad eandem classem referre nefas putamus,) aberrasse a veritate, eamque temerario reformandi studio oppugnasse, et euersioni doctrinae orthodoxae de S. Trinitate infelicem operam commodasse, iam monuimus. His sine dubio Philosophiae abusus viam strauit, ad declinandum a doctrina Ecclesiae probata. Sentiebant quidam subtilioris ingenii, rationem in coetu Romano tot commentis ac fabulis fascinatam omnemque eius usum prohibitum, ut a pluribus nonnulla crederentur, quae magis risu, quam fide digna haberi debebantur, nec quicquam ad salutem conferebant. Cum igitur, qui rationi tanquam cognoscendi instrumento, suum pretium in religionis negotio concedendum esse statuerunt, non debitos iudicio huic posuerint limites, sed ultra, quam par est, rationis principia et cognitionis ambitum venerarentur, ad deuia deflexerunt, et in aliud extremum delapsi sunt, ut nihil credendum putarent, quod rationem transcenderet. Sic limitibus excedens cupido de hoc mysterio philosophandi,

di, ut iam olim antiquis temporibus, ita quoque recentiori aetate, multiformes procreauit errores. Hinc ex conuentibus istis noui ingeniorum foetus prouenerunt, et quidam, vnitis quasi viribus, peculiari instructa societate, rationem captiuatam haecenus, in libertatem vindicare statuerunt. Viguit tum temporis in *Italia* Philosophia Aristotelica, cui plurimi, nisi omnes, quod probabile admodum est, conuentuum sodales se consecrarunt. Huius Philosophiae dumetis et insatiabili disputandi desiderio ita implicabantur, qui rationis dictamina pro norma explicandorum coelestium mysteriorum adoptarunt, ut non, nisi humani ingenii cogitata procreari et in orbem exponi potuerint. V. *Obseru. select. ad rem litterar. spectantes* T. I. Obs. XV. *de haeresibus ex Philosophia Aristot. ortis*. Ista Collegia, quae LUBIENECIUS *colloquia pia* vocat, auctoritate publica tandem dissoluta, et eorum socios ad examen rigorosum citatos esse, supra indicauimus. Quis vero contentus illos primum detexerit ac denunciauerit, quibus legibus instituti, quando coeperint, quinam a principio ipsis suum nomen dederint, qua ratione inquisitio et examen institutum, quibus solemnitatibus ac circumstantiis fuerint soluti, quo praecise mense ac die haec omnia contigerint, et quae eius generis plura sunt alia, cum omnibus adhuc ignoramus.

Nos haecenus iis contentos esse oportet, quae scriptores saepius commemorati narrarunt. Sed ne his quidem in omnibus assentiendum esse arbitramur; non enim omnes istos, qui inter socios horum conuentuum nominantur, saltem non isto tempore a. 1546, quo dissipata sunt Collegia, iisdem interfuisse animaduertimus. *Camilus Sículus*, qui, postquam nomen euangelio dederat, *Renatus* dici voluit, iam circa annum 1542 ad *Vallem Tellinam* accessit, inde vero *Basileam* discessit. V. *de Porta* l. c. T. I. L. II. p. 81. De *Bern.* quoque *Ochino* absque omni dubio constat, eum iam a. 1541 e *Roma* profugum

supplicii et Banni terrore perculsum in *Raetiam* vel *Helvetiam* appulisse; eundem tamen consensisse cum reliquis Antrinitariis, paulo post ex Italia in Heluetiam se recipientibus, nos habemus persuasos, nec adeo improbabile est, cum iam ante dispulsa Collegia, cum horum sodalibus priuatum quoddam instituisse commercium. Nonnulli viri conspicui, relictis, quae in Italia habebant omnibus, in Raetiam iam a. 1540 et inde in Heluetiam contenderunt, ibique Euangelicorum coetibus iam instructis se adiunxerunt. Inter primos, qui ad Raetos accessit, fuit *Barthol. Maturus*, Cremonensis patria, et olim Coenobii ibidem Dominicanorum Prior. Eodem anno ad Raetos confugit *August. Maynardus*, Pedemontanus, monachus olim, et *Julius Mediolanensis*, Theologiae magister, vinculis, quibus ob labem Lutheranismi ipsi impactam *Venetis* detinebatur, prospere elapsus, eundem portum attigit.

Narrante *Lubieniecio* ex hac societate erat LEONARDUS BUCALI, (quem auctor *hist. Socinian. Gall. Abbe de Bucasi*, p. 261 male adpellat,) *Abbas Calaber*, sed patre hispano natus, qui arcanis hisce colloquiis et studiis euulgatis, cum aliis 40 viris fuga se eripuisse, apud Turcas salutem quaesiuisse, *Damasci* arte sarcinatoria vitam sustentasse, et ibidem obiisse perhibetur; quod *ministri Sarmatiae* et *Transyluaniae* l. c. L. I. C. III. quoque referunt. In *Msclo* quodam, alio loco inferendo LEONARDUS quidam inter primos sectae huius concionatores allegatur, ac de eodem narratur, quod *Cracouiae* Regis Poloniae concionator, remotus ob religionem ab officio fuerit. An vero is *Leonardus Bucali* Collegiorum istorum antea socius fuerit, idemque qui postea inter Turcas salutem quaesierit, pro certo adfirmare non audeo. Inquirenti mihi arcanam Collegiorum Vicentinorum historiam, alius innotuit LEONARDUS, cognomine POMARUS, *Hispanus*, qui fortassis inter *Serueti Hispani* amicos, vel patronos referendus,

rendus, quod tamen accuratiori examine indiget. Coniecturae tamen huic locum faciunt, quae de LEONARDO Medico, ipsiusque religione ac persecutionibus toleraris narrantur, in epistolis CHRISTOPHORI LONGOLII, *Basil.* a. 1533. 8. p. 227. 209 etc.

Alii ex eadem Societate *Theſſalonicam* conceſſerunt, exceptis tribus, nimirum *Julio Treuiſano*, *Franciſco de Ruego*, et *Jacobo de Chiari*, quorum duó priores *Venetis* ſuffocati, alligatis ad collum lapidibus maris fluctibus commiſſi, quod mortis genus in haereticis puniendis, *Venetis* conſuetudine receptum fuit. Tertius *Jacobus de Chiari* cum his eodem tempore carcere quidem inclufus, morte tamen opportuno tempore inſequuta, ſupplicio exemptus eſt, cui ſine dubio viuus ſubiiciendus fuiſſet.

Non tamen haec calamitas ſolos adflixit Antitrinitarios in *Venetorum* republica, ſed poſt annum 1546 diſperſis iam conuentibus iſtis, omnes, qui liberationem a Pontificum iugo optabant, ferro et igne territi, immo quidam truculentiffimis ſuppliciis adfecti ſunt. *Balthaſar Alterius*, vir orthodoxus et pius, qui ex Italia in Helvetiam contendit, ibidem Italarum Proteſtantium cauſſam commendaturus, hoc facto per Raetiam iterum in Italiam remeauit. Scripſit vero e *Curia Raeticae ditionis*, ad *Bullingerum*, d. 28. Jul. 1549: „Dum hic eſſem, *Venetis* „allatus eſt nuntius, acerbioſiorem in dies fieri perſe- „tionem in ſanctos Dei; itaque non ſine diſcrimine illuc „proficiſcor; ſcis enim quam inuiſus ſum Papiſtis et im- „piis; ſed non temere me committo itineri. Deus ſer- „uabit me ab omnibus hiſce malis. Tu pro me rogabis „illum.”

SANDIUS in *B. A.* p. 18 plures haeretico ſodalitio adſcriptos nominat; nimirum practer *Laelium Socinum*, reliquosque a *Lubieniecio* compellatos, *Bernard. Ochinum*, *Nicol. Parutam*, *Valent. Gentilem*, *Franc. Nigrum*, *Darium Socinum* et *Paulum Alciatum*. His in *App. ad Nucl.*

H. E. p. 90. iungit *Jac. Palaeologum*, *Matth. Glirium*, *Andr. Dudithium*, *Complatum*, addit tamen expresse: *Nisi de paucis forte dubitandum*. Immo nullum dubium, ultimo loco nominatos istis conuentibus non interfuisse. Omnium horum vel ex *Budzinii* commentariis *Mscpt.* vel ex *Laelii Socini* vitae curriculo notatorum historia, suo ordine recensenda est.

Qui ex fuga quorundam sociorum, dispulsis Collegiis Vicentinis, inter Turcas, consequentiam ad eorum consensum cum Muhamedanis trahunt, praeceps iudicium ferunt, cum aliae rationes hos commouere potuerint, ad infideles potius, quam ad terras Euangelii luce iam collustratas se recipere. Absit, ut omnes, religionis causa Italia extorres vel pro fociis collegiorum istorum, vel pro Antitrinitariis, multo minus pro hominibus Muhamedanismo deditis habeamus. Id notatu dignum videtur, quod, nisi omnes plurimi tamen *Itali*, quotquot a Pontificiis sacris descuerunt, vel helueticam confessionem amplexi sint, vel eandem adfectarint, propter errores vero in ipsis detectos, ab orthodoxe sentientibus communione ecclesiastica exclusi fuerint. Quidam ex italica natione propter religionem exules, neutri se parti associarunt, quamuis ipsi ab Antitrinitariorum erroribus probabiliter immunes iudicandi sint. De *Petro Paulo Vergerio*, quo nemo magis aduersus Pontificis Romani dominatum sty- lum suum vnquam acuit, certo constat, quod nulli semet confessioni ex animo addixerit, et *HIERON. ZANCHIUS* in *ep. nuncupatoria Miscellaneis suis* praemissa, nulli se coe- rui esse adscriptum, testatur his verbis: „*Lutheranus non sum, nec esse volo, quamquam Lutheri scripta et libenter et non sine fructu iam inde a mea iuuentute legi, et modo etiam, cum vacat, lego: sic etiam aut Zuinglianum, aut Calvinianum, aut quouis alio sectario nomine, me quis ap- pellet, me esse pernego. — — Christianus igitur sum, non sectarius.*”

§. XI.

In Antitrinitariorum Italorum consortio *Jo. Val. Gentilis* fuit. Quamvis enim de eodem certo statui nequeat, quod istorum collegiorum Socius extiterit, historiae tamen conscribendae ordo requirit, ut hoc loco eius placita et fata recensamus. Ratione quidem temporis habita, alii essent praemittendi; cum vero ista ex *Valentini Gentilis* historia ex parte innotescant, hunc inter principes Antitrinitarios famosissimum, et Bernae a. 1566 die 9. Sept. decollatum, primo loco in scenam producendum putauimus.

*

*

*

JO. VAL. GENTILIS, qui *Serueto*, quoad tristia fata et infaustum errores spargendi et defendendi studium, vario respectu comparandus, *Campano Italus*, filius *Francisci Gentilis*, ex *Cosentia*, *Calabriae urbe* natus, qui post relictam patriam *Cosentiam*, peragrata *Neapoli*, *Sicilia* et *Italia*, eodem tempore cum *Paulo Alciato Geneuam* concessit, in qua urbe *Italorum* coetus iam instructus erat, cui opinionum inuentores, Italia extorres, semet iunxerunt, vel iungere studuerunt. Quo anno natus sit, certo dici nequit; notauit tamen *Sandius* l. c. p. 26. ex *Budzinii* Msptis, eum iam senem fuisse, cum *Geneuenses* eum persequerentur. Quo determinate anno *Geneuam* accesserit, obseruatum esse, non memini. Concinnatae ibidem fidei confessioni, de qua deinceps, a. 1558 d. 18. *Maii* subscripsit; quo ipso tempore iam aliquamdiu eundem *Geneuae* commoratum fuisse, indubitato constat. Ipsa enim *Gentilis*, cum aliis fortis suae hominibus molimina et disseminati ab his errores, ad hanc doctrinae euangelicae tesseram occasionem suppeditarunt. Cum

nouus

nouus hospes, Italorum quorundam, praecipue *Blandratae*, *Gribaldi*, *Alciati*, aliorumque concertationes de mysterio S. Trinitatis *Geneuae* intellexisset, ipse acumen ingenii circa illud argumentum exercere cepit, nisi iam errore infectus huc accesserit, quod probabile videtur. „*Ac in eo, (vt ARETIUS loquitur) breui cum aliis ita profecit, vt non dubitaret affirmare, Ecclesias Euangelicas adhuc grauiterrare, vna cum Papistis, quibus in articulo Trinitatis adhuc parerent. — Nam illas, cum Papatu tueri non Trinitatem, sed quaternitatem potius. Veram Trinitatem habere tres aeternos ac distinctos spiritus, non tam personali, quam essentiali numero differentes. Haec tum omnium communis et vniuersalis erat sententia, a qua mox alii aliis diuerticulis abeuntes, in opiniones pugnantes et monstrosas sunt prolapsi. Requisiti etiam Geneuae ob eam sententiam, alii aliis modis elapsi sunt.*” Quo malo huic obuiam irent, coetus Italici Geneuensis Seniores, fidei confessionem praelucente, nisi forte ipsa verba concipiente *Caluino* consignarunt, cui *Gentilis* subscripsit, sed paulo post, spreto iureiurando, simplices ac imperitos suis irretire insidiis, ac ad erroris sui societatem pertrahere ausus est. Hac re perspecta Senatus cognitionem suscepit, ac statim multorum testimoniis periurii conuictus, conscientiae stimulis se fuisse coactum perhibens, malam rem suam defendere studuit. Cumque orthodoxi eum rationibus vrserint, hoc effugio vsus est, se disputandi arte destitutum esse. Primo tres esse spiritus diuinos essentialiter differentes cum *Tritheitis* docuit, licet id sibi vnquam in mentem venisse, in carcerem coniectus negauerit. Postea cum id omnino defendi non posse animaduerneret, ex inconstantia, quae fortis huius hominibus communis fuit, in *Arianorum* delapsus est errores, ac inter tres personas diuinas solum Patrem gaudere essentia diuina, vnumque illum esse altissimum Deum, atque vt vocabat *essentiatorem*, Filium vero ac Spiritum S. sobolem quandam eius constituere, illoque longe esse inferiorio-

feriores, ab aeterno vero a Patre productos et essentiatos, statuit. Hinc Patrem solum esse *αὐτόθεον* credidit, quo enunciato intellexit *ἁγίαν* diuinam. Interim hac in parte excusari posset, nisi alio modo pessimos errores suos manifestasset. Quamuis enim Filius et Sp. S. quoad ipsam essentiam diuinam sit *αὐτόθεος*, quoad modum tamen habendi hanc aseitatem, solus Pater est *αὐτόθεος*, quod proprietas personalis Patri competens requirit, secundum quam est *αἰώνιος* et *ἀπνευστος*.

JOSIAS SIMLERUS *de aeterno Dei Filio* L. I. p. 2. ita ipsius mentem exponit: „Patrem, Fil. et Sp. S. tres esse aeternos Spiritus, eiusdem quidem naturae, ordine tamen, gradu, et proprietate distinctos. Patrem esse Jehouam illum Deum Israelis, qui solus habet *αὐτῆς* et est *αὐτόθεος*, qui in se deitatis essentiam immensam possidet, ab hoc Filium et Spiritum S. essentiatos esse, qui suam deitatem ab illo dependenter habeant. Ne autem unitatem, toties praedicatam in S. litteris tollere videatur, Deum unum inquit dici, non quod unus sit numero aut essentia, sed *αὐτῆς*, principii et originis ratione; ideoque Patrem duntaxat, unius Dei nomine appellari in scripturis, qui solus sit *αὐτόθεος*, *ἀναρχος* et *ἀνακτός*: verum tamen Filium et Spiritum S. esse unum cum Patre natura, maiestate etc. non tamen unum eundemque Deum.” Gloriabatur quidem, coelesti reuelatione placitum hoc sibi esse traditum; quod etiam *Seruetus* et alii mentiti sunt. Sed ministri Geneuenses veritatis diuinæ puritati prospicientes, in scripto infra allegando, ipsi monstrarunt, quod errores suos a Magistro suo *Gribaldo* didicerit, quos *Gentilis*, condiscipulus *Georgii Blandratae*, sedulo huc illuc spargendos curauit. Potuit hominem, quem Pontificiorum persecutio patria expulerat, *Serueti* supplicium monere, cautius *Geneuae* mercari, sed, quod mirandum, de *Calvini* vigilantia parum sollicitus erat; incuriae tamen poenam dedit. Subscripsit quidem confessioni ecclesiae Italicae,

licae, illamque ex toto corde se seruaturum promisit, ac sub poena periurii iurauit; attamen inopinato accusatus, et medio Julii 1558 in vincula coniectus, magistratus auctoritate, promouente tamen ac mōnente *Caluino*. Incarceratio eum docuit, maius instare supplicium, ipsumque in mortis periculo versari; quod vt auerteret, in carcere discendi animum, ac tandem poenitentiam simulauit. Instante enim Iuris criminalis Praefecto ipsi processus coram magistratu ac syndicis reipublicae instructus est, cuius acta, quamuis incompleta ab *Aretio* collecta hoc indice extant: *Valentini Gentilis iusto capitis supplicio Bernae adjecti brevis historia et contra eiusdem blasphemias orthodoxa defensio articuli de S. Trinitate. Censura propositionum, quibus nituntur Catabaptistae in Polonia probare Baptismum non successisse circumcisioni. Auctore D. Bened. Aretio, Bernensis Ecclesiae Doctore Theologo. Geneuae ex officina Francisci Perrini, 1567. 4. pl. 8.* Ad cognoscendam hanc historiam quoque facit *Bezae* tractatus, cui titulus: *Valentini Gentilis, teterrimi haeretici impietatum et triplicis perfidiae et periurii brevis explicatio, ex actis publicis Senatus Geneuensis, optima fide descripta, Geneuae ex officina Franc. Perrini, 1567. 4. pl. 18.* In hoc plurium dissertationum fasciculo, post praefationem *Bezae* p. 32—49 occurrunt: impietas *Val. Gentilis* detecta et palam traducta, nec non *Protheseos Gentilis* refutatio brevis, per *D. Jo. Caluinum*, eiusdem *Caluini* responsio ad quasdam quaestiones, a *Ge. Blandrata* propositas, p. 50—56. Eiusdem duplex admonitio ad *Polonos* fratres, p. 56—64. *Josiae Simleri* ad *Polonos* epistolae, p. 65—75. *Jo. Wigandi* refutatio *Arianorum*, nuper in Polonia exortorum, p. 76—101. *Alex. Alefii* assertio doctrinae Ecclesiae catholicae de S. Trinitate, cum confutatione erroris *Val. Gentilis*, p. 101—128. Ministrorum Geneuensis Ecclesiae epistola ad Principem *Nicolaum Radziuilum*, d. 14. Cal. Apr. 1565. scripta, p. 128—135 et tandem *Theod. Bezae*, Theses, seu

feu axiomata de Trinitate Personarum et essentiae vnitate.

Gentilis incarceratus varias Senatui confessiones exhibuit, quae p. 3. 4. insertae leguntur. In his quoque epistola comparet sub indice: *Idem Valentinus Gentilis inutilis seruus Jesu Christi, captiuus Geneuae propter confessionem veri Dei, Domino COPO, RAYMUNDO, HENOCO, caeterisque fidelibus verbi Dei dispensatoribus, gratiam et pacem illo unico Deo Israelis, vero Patre, et a Jesu Christo vero ac naturali eius Filio, per Spiritum S. Amen.* Incipit ep. his verbis: „Si quis vnquam indigne persecutionem passus est ab iis, qui veram pietatem profitentur, ego quidem, optimi viri Dei, vere et sine fuco is dici possum. Nam cum ab extremis Italiae finibus, propter verbum Dei in longinquas ac peregrinas regiones me contulissem, nulla alia de causa hanc vestram Ecclesiam potissimum elegi, nisi vt Dominum CALVINUM, quem antea nomine obseruabam, de facie cognoscerem et audirem. Postea vero, cum apud nostros Italos quaestio de Trinitate agitaretur, equidem meam sententiam libere in medium protuli, cupiens docere de iis, quae tum occurrebant, haud vulgaria illa quidem, sed coelesti potius spiritualique speculatione dignissima. Ac ne quis quicquam mea fide indignum, (vt est hominum libido prona ad malum,) suspicaretur, disertis verbis declarauit, me omnem pluralitatem deorum, et minoritatem Filii toto pectore detestari. Sed quidam imperiosi homines, qui purissimam fidem meam denigrare conati sunt, Dominum CALVINUM adeo in me irritauerunt, vt ille de me aperte male sentire non dubitarit. Tandem contentio per illustrissimum magistratum sedata fuit, egoque cum aliis doctis et probis viris subscripsi confessioni Domini CALVINI, putans fore, vt in posterum omnia tuta et tranquilla cernerentur. Quum interim ecce tibi minister noster, nescio quo oestro percitus, nos omnes, qui subscripseramus, apud exterarum nationes, oratione publica non solum vt ARIANOS et SERUETANOS notarit, verum etiam vt GEORGIANOS, aut si quid peius dici cogita-

riue

riue potest. Quod cum ego rescissem, statim me conuerti ad unicum illum Deum Israel, quem toto pectore colo, purasque manus in coelum extollens, rogaui illum, qui solus innocentiam meam nouit, ut veritatem suam patefaceret, meque ab hisce calumniis et imposturis tandem (si vellet) liberaret. Exaudiuit ille preces meas, et veritatem, quam hactenus subobscuram et implicitam tenebam, fugatis tenebris sole ipso sua benignitate clariorem ostendit. Quam veritatem ipsemet Deus Israel, qui hanc Ecclesiam suam singulari amore prosequitur, sua diuina prouidentia fecit, ut ego iussu illustrissimorum Dominorum frequenti Tribunali confiterer. Quod quidem, (ut bonum ac fidelem seruum decet) sincere et sine ullo fuco feci, iuxta modulum fidei, quae mihi tradita est."

Finem epistolae ita fecit: Haec pauca attigi tantum, ut intelligeretis, veritatem ipsam et vniuersam Scripturam a me stare. Vnum illud addam, optimi viri Dei, me ob nullam aliam causam persecutionem pati, quam quod constanter affirmem, Christum esse Filium illius unici Dei Israel, Dei inquam Abraham, Isaac et Iacob. Quasi vos non idem et sentiat et quotidie concionemini: inprimisque dominus RAYMUNDUS, qui nunquam non in diuinis suis concionibus hanc sententiam inculcat: sed ne quis existimet, me aliquid detrahere aeternae maiestati Filii Dei, testatum omnibus facio, me illum exceptis proprietatibus, siue distinctionibus aequalem Patri facere. Pater enim est solus verus Deus, Christus autem est filius simul et verus Deus: neque tamen duo dii, sed unus idemque Deus. Habet enim Christus vnā eandemque essentiam cum Patre. Vestrum esto nunc iudicium, optimi viri Dei, an haec mea sententia ARIUM sapiat, aut SERUETUM, ut aduersarii cauillantur. Mihi quidem illi certe potius videntur vanā SERUETI somnia sectari, qui asserunt, Christum esse Filium, nescio cuius personae phantasticae, Scripturis sacris prorsus incognitae. Praeterea hanc meam sententiam delirium appellat dominus CAL-

VINUS. *Vtinam veteres doctores sic delirassent. Nunquam enim tantas tenebras offudissent hominum mentibus. Sed non est meum de me dicere. Si vera sunt, quae vobis propono, soli Deo laudes debentur, non mihi, qui nunquam talia odoratus essem, nisi a Deo didicissem. Illud vntm bonam cum venia vestra addam, hanc solam distinctionem satis esse ad probandam veram Trinitatem, aduersus omnes haereticos et infideles. Praeterea vniuersa scriptura est adeo aperta, ac ubique sibi similis, ut nullus fucus faciendi locus haereticis amplius relictus sit. Quam quidem distinctionem, ut tenacius cunctis haereat, visum est hisce exemplis, quasi quadam in tabella spectandam omnibus proponere.*

Pater verbi est Deus Israel.

Verbum est Deus Israel.

Hae propositiones ambae verae sunt, sed conuersiones non ambae. Siquidem Deus Israel est Pater verbi, vera est, non autem Deus Israel est verbum. Propterea quod verbum, Filiationem et essentiam designat: Deus autem essentiam tantum, ut Pater. Quod ignorans SABELLIUS, confundit omnia, terram mari, mareque coelo permiscens.

Quam ob rem, optimi viri Dei, innocentiam meam vobis etiam atque etiam commendo. Equidem in tam optima causa nullum alium iudicem quaero, praeterquam ipsam Trinitatem, vosque etiam omnes. Quomodo enim, qui verbo Dei nitor, Ministrorum fidelium verbi Dei iudicium recusabo? Vestrum igitur erit, de quaestione tam seria sententiam ferre. Equidem polliceor, me, (modo personas, quas sustinetis, optima fide referatis,) ne latum quidem unguem a vestra sententia discessurum. Valete, viri Dei omnes in Domino, et me vestris precibus sedulo iuuate, ipsumque Dominum CALVINUM aequiorem, si potest, mihi reddite. Datum e carceribus. — — — — Ego, qui supra VALENTINUS GENTILIS, manu propria."

Hanc suam sententiam, appositis IRENAEI et TERTULLIANI testimoniis, l. c. p. 24. paulo clarius explicat:

E c

„Equi-

„Equidem putabam, primam personam Patris in vnica
 „essentia esse sophisticam, atque ideo hoc sensu excuden-
 „dam a mysterio Trinitatis. Nam si Pater esset indiui-
 „duum in essentia simile Verbo, non diceretur vere neque
 „solus Pater, neque ingenitus, neque principium totius
 „Trinitatis. Praeterea eiusmodi sententia QUATERNITA-
 „TEM potius, quam Trinitatem videretur constituere.
 „Quod sic probari potest: Vnica illa Essentia, quum abs-
 „que consideratione personarum sit ex semet ipsa verus
 „Deus: et vnaquaeque trium personarum sit essentialiter
 „Deus. Sequitur ergo quaternitas non Trinitas. Quam
 „ob rem existimabam Patrem esse ipsam vnica[m] essentiam,
 „Verbum autem splendorem gloriae Dei, et impressam
 „imaginem substantiae illius, hac ratione a Patre distin-
 „ctum, quod Pater, (vt ait Christus) est solus verus Deus
 „et essentialiter, id est informator indiuiduorum: Ver-
 „bum vero, Filius simul et verus Deus, neque duo Deï
 „tamen: sed vnus Deus. Haec erat summa sententiae
 „meae de vero Patre, veroque Filio. Nam de Spiritu S.
 „nulla erat quaestio, et tamen confessioni Domini *Caluini*
 „subscripsi.”

Coram iudicio inquisitus, sponte confitebatur, quod paulo post subscriptionem confessionis reuersus fuerit ad pristinas cogitationes, eas disseminauerit, et quoscunque potuit, ad easdem allexerit, idque eo praetextu, quod Sophisticum commentum putauerit, attribuire Patri propriam personam in essentia Deitatis. Refutarunt illas Ministri Geneuenses, (vel ipsorum nomine *Calvinus*) peculiari scripto, quo etiam *Irenaei* et *Tertulliani* loca ita interpretati sunt, vt nullum pro errore *Gentilis* refugium inde reperiri possit. Is et a Senatu, et a Ministris verbi, aliisque doctis hominibus in carcere admonitus, accepto ministrorum ad suam epistolam responso, in eadem, qua incepit petulantia (ita in actis legitur) audacter ad dies aliquot perrexerit. Noluit culpam suam agnoscere, immo

immo perstitit, tam sermone, quam scriptis obstinate et impudenter opinionem suam asserere, conuitia etiam aduersus orthodoxos, tanquam quaternitatem, duos Patres et Deum Turcarum statuentes, effutire. Vbi tamen secam propius expendit, se intemperanter contradicendo iudicum animos magis exasperaturum, metu poenae et *Serueti* exitio exterritus, deposita temeritate, ad preces se conuertit, ac poenitentiae praetextum. Antequam vero id fecerit, duas adhuc ex carcere ad Magistratum scripsit epistolas, (vel fortassis apologias coram in curia elocutus est,) quas ex actis hoc loco inserimus. Ex quibus sane patet, *Caluinum* eodem impetu ac feruore aduersus *Gentilem* fuisse agitaturn, quo aduersus *Seruetaum* paulo ante vsus erat, nec minus illi supplicium contrahere voluisse, quam quo hunc oppresserat. Satis quoque ex illis patet, *Gentilem* non ex conuictione, sed terrore vestigiolorum *Serueti* ad reuocationem esse commotum; quod eius quoque relapsus, cum *Caluini* persecutionibus exemptus esset, comprobatur. Haec autem prior est Apologia:

„Illustrissimi ac vere pii Domini, si vos legistis illam
 „meam confessionem, quam iussu vestro nudius quartus,
 „extemplo exaraui: non dubito, quin ex ea facile intellexeritis, me sat disertis verbis ostendisse, sententiam D.
 „*Caluini* Quaternitatem non Trinitatem statuere. Quum
 „vero nudius tertius ipsius D. *Caluini* praecipue partes essent,
 „se tam execrabili errore expurgare, sciens se malam
 „causam apud hoc sanctissimum Dei Tribunal minime
 „posse sustinere, (vt vos probe nostis,) ne verbum quidem fecit,
 „sed totum tempus terens in conuitiis, et ne-
 „scio quibus nugis *Serueti* artificiose quidem, sed parum
 „honeste elusit. Equidem bis coepi rem (vt dicitur) attingere:
 „sed ille sua mordacitate et conuitiis me semper
 „deterruit. Insuper (vt vos ipsi audire potuistis) minatus
 „est, hoc in caput meum esse vertendum. Quapropter
 „cum satis aperte declarauit, se esse animo in me nimis
 „infecto, peto a vobis, ne potentia et volubilitate linguae

„hominis, mea innocentia opprimatur, vt mihi patro-
 „num et Aduocatum concedatis, qui meam optimam
 „causam, vt par est, tueatur. Nam ingenue fateor, me
 „non posse tuta conscientia Quaternitatem Domini Cal-
 „vini admittere. Exhibeat ille, vt tantum ministrum Dei
 „decet, veram Trinitatem, et nulla inter nos erit contro-
 „versia. Siquidem eo sum natus ingenio, vt veritatem
 „promptam in fronte geram. Vt enim ipsam Quaterni-
 „tatem pernego, sic veram Trinitatem et Vnitatem toto
 „pectore amplector. Praeterea vos oratos etiam atque
 „etiam velim, me, quo possim extra carcerem meam
 „causam tueri, sub idonea cautione liberari. Meam
 „enim innocentiam et integritatem spero adeo cunctis Ec-
 „clesiis notam facere, et quasi manibus tractandam prae-
 „bere, vt ipsi etiam aduersarii fateantur, me boni ac pii
 „munere functum fuisse. Haec pauca visum est, a vobis
 „perquam humiliter postulare, certo sciens, qua estis
 „sanctitate ac pietate praediti, vos quod rectum est ex-
 „equuturos, praeterea nihil: praesertim cum me esse pe-
 „regrinum hominem, imperitum linguae vestrae, ac
 „prorsus ignarum rerum curialium probe intelligatis. Sic
 „unicus ille Deus Israel, verus ac naturalis Pater verbi,
 „cuius causa nunc agitur, huic sanctissimo Tribunali sua
 „virtute perpetuo assistat, vosque omnes et hanc urbem
 „vestram in dies magis magisque suis donis augeat, exor-
 „netque dixi. — Inutilis Christi seruus, Valentinus Gen-
 „tilis Cosentinus.”

Altera ep. siue apologia, quam tristium factorum
 metus extorserat, his verbis exposita est: „Illustrissimi ac
 „clementissimi Domini: Nisi causam meam vobis magis,
 „quam mihi ipsi notam esse plane intelligerem, pluribus
 „equidem vobiscum agerem. Sed quia rem omnem pro-
 „be tenetis, paucis me expediam. Principio nostis me
 „iussu vestro confessionem edidisse. Illa autem edita,
 „meas partes duxi, quicquid ad eam rem pertineret, sine
 „fucō

„fuo Ecclesiae proponere, eaque ratione conscientiam
 „meam omni scrupulo liberare. Quod etsi a me liberius
 „fortasse, quam oportuit, factum est: gaudeo tamen hoc
 „nomine, quod amplissimi Consistorii conscientiae ac iu-
 „dicio me penitus submiserim. Nunc vero cum sapien-
 „tissimi viri, quorum opera Deus manifeste vitur, in col-
 „ligenda Ecclesia sua, luculentissimo scripto meam opi-
 „nionem vno ore erroneam testentur, visum est potius
 „ipsis vel somniantibus, quam mihi vigilantibus credere.
 „Itaque, ut pollicitus sum, eorum conscientiae, ac sen-
 „tentiae libenter acquiesco, eamque (ut debeo) toto pe-
 „ctore amplector. Quamobrem si quid in ipsa actione
 „mihi imprudenter exciderit, quod ipsos Dominos Mini-
 „stros, ac vos quoque offenderit, supplex peto, ut sim-
 „plicitati meae ignoscatur. Nunc enim primum ante
 „Tribunal steti: atque difficile est, in rebus novis homi-
 „nem ira se gerere, ut aliqua in re non labatur. Sed de
 „his haecenus. Omnia enim bona de clementia vestra et
 „spero et mihi polliceor. Venio ad Dominum *Caluinum*.
 „Absit ut tantum Doctorem in numero Sophistarum vn-
 „quam habuerim. Ingenue fateor, impius nedum ini-
 „quus essem, si de tam incomparabili viro, ac de re pu-
 „blica christiana optime merito talia sentirem. Soleo
 „equidem Sorbonistas, coeterosque magistros Papistarum
 „Sophistas appellare. De eius doctrina nihil me tale su-
 „spicari, religio est dicere. Quare vos etiam atque etiam
 „oratos velim, ne mihi haec nota inuratur, ut illa mea
 „verba, quasi in sanctissimam Ecclesiam vestram dicta de-
 „torqueantur. Testis est mihi Dominus, me nunquam
 „tale quidquam cogitasse, quin potius hanc Geneuensem
 „Ecclesiam coeteris omnibus puriorem et mundiorum et
 „habui et semper praedicaui. Facebant igitur vanae su-
 „spiciones, et nuda regnet simplicitas. Si quid tamen
 „extat in meis scriptis, quod *Caluinum* vrgeret: id non
 „laedendi sui causa a me dictum esse, mihi velim creda-
 „tis, sed defendendi mei. Quapropter si quid a me mi-

„nus reuerenter in eum dictum est, non modo ab eo ve-
 „niam peto, verum etiam (quae viri est charitas ac pietas,)
 „oro, vt me totum amplectatur, et foueat, inque eorum
 „numero habeat, qui sui nominis sunt perquam studiosi.
 „Quod, si in tot meis miseriis mihi contigerit, munere
 „videbor donatus immortalis. Equidem quod ad me at-
 „tinet, dabo operam, vt tam dictis vestris exsequendis,
 „tam illius pietate colenda, me omnes fidelem ac constan-
 „tem praedicent. Si Deus etc.”

Hac contestatione Magistratus et ministri Ecclesiae nondum contenti, solemnem errorum recantationem vrserunt, quae etiam ab homine ad incitas redacto, facile sequuta est. Confessus enim, se grauiter peccasse et Ecclesiam haeretica impietate offendisse, et hac de re quam maxime poenitere. Sic non sermone tantum, sed etiam scripto abiurauit errores, testatusque est, in Ecclesia Geneuensi puram et orthodoxam fidem doceri; quae omnia sequente Epistola ex carcere scripta declarauit: „Magni-
 „fici Domini, Certum est, quo tempore ex vestro man-
 „dato meam illam confessionem vobis obtuli, me tanto
 „zelo fuisse percitum, vt fuerim paratus quoduis suppli-
 „cium subire, eius defendendae causa: verum simulatque
 „perlegi et attente expendi solidam illam et veris rationi-
 „bus suffultam Consistorii responsionem ad omnes meas
 „obiectiones, visum est Patri misericordiarum, qui me
 „passus erat ad tempus euagari, ita me afficere, vt erro-
 „rem meum cognouerim, qui quidem tribus praecipue
 „fundamentis falsissimis nitebatur. Primum igitur in eo
 „peccaui, quod cum affirmarem vnicum illum Deum Israe-
 „lis esse Patrem J. C., non animaduerti Filii diuinita-
 „tem excludi per illas Antitheses Vnius Dei Patris et Chri-
 „sti: *Secundo*, cum essentiam considerare extra perso-
 „nas, inde eliciebam Quaternitatem: quod temere feci,
 „quoniam essentia non est alibi, quam in ipsis tribus per-
 „sonis consideranda: quarum vnaquaeque est integre tota
 „essen-

„essentia. *Tertium* peccatum fuit, quod affirmarem per-
 „sonam Patris esse Sophisticam: quod ipsum quoque fal-
 „sissimum est, vt est mihi perspicue demonstratum. In
 „summa putridis istis ruinis superstructae sũnt multae
 „falsae consequutiones, quas ego abominor et detestor,
 „profiteorque me non aliter haec intelligere, quam Con-
 „sistorium in illo suo scripto mihi explanauit. Itaque pu-
 „taui vos mihi esse precandos, vna cum Ministris totaque
 „adeo Ecclesia, vt graue et enorme istud facinus mihi con-
 „donetis: sicuti non dubito, quin Deus ille cordium scru-
 „tator id mihi condonarit, vt, qui effecerit, vt meum er-
 „rorem summo cum animi dolore agnoscerem. Etsi enim
 „dum recordor, quantum offendiculum toti Ecclesiae ob-
 „iecerim, praesertim cum eximio Dei ministro et summo
 „Theologo *Jo. Caluino* tam inconsiderate respondi, idem
 „ille Deus, adeo grauiter conscientiam meam vulnerat,
 „vt non facile inueniat, in quo acquiescat: confido tamen
 „fore, vt mea ista perturbatio in me ipso gignat verae poe-
 „nitentiae fructus, adeo vt futura mea vita, omnem istius
 „offendiculi labem in posterum abstergat. Quoniam au-
 „tem mihi constat, tantam esse horum sanctorum mini-
 „strorum clementiam ac bonitatem, vt miseram hanc pe-
 „cudem, quae cum antea aberrauit, nunc in viam redit,
 „non modo intra Ecclesiae gremium, et ouium gregem
 „sint recepturi, sed etiam exultaturi de mea conuersione,
 „nihil aliud habeo, quod dicam, praeter hoc vnum, quod
 „a vobis magnopere peto, nempe vt quemadmodum sum-
 „mam operam adhibuistis, in curando animi mei morbo,
 „ita etiam nunc habeatis eius aegrotationis et inopiae ra-
 „tionem, in qua nunc sum constitutus, vt qui abhinc ses-
 „qui mensem in vestro carcere retinear, paupertate simul
 „et morbo pressus, vt illud Christi merito possitis vsur-
 „pare, nos totum hominem seruauimus. Hoc certe fa-
 „ctum, praeterquam quod conuenit principibus Christia-
 „nis, pro singulari beneficio ducam, si Deus etc. — Hu-
 „millimus vester seruus *Valentinus Gentilis*.”

Tandem ipsa confessio et abiuratio conceptorum antea placitorum propria manu descripta et Senatui Geneuensi, cum superiori fortassis epistola missa, haec erat: „Confiteor Patrem, F. et Sp. S. esse vnum Deum, id est, „tres personas distinctas in vna essentia. Pater non est „Filius, nec Filius est Spiritus S. Sed vnaquaeque illarum personarum est integra illa essentia. Item, Filius „et Spiritus S. quantum ad diuinam naturam, sunt vnus „Deus cum Patre, cui sunt coaequales et coaeterni. Hoc „illud est, quod ego sentio, et corde simul ac ore profiteor, et confido fore per Dei gratiam, vt in hac confessione viuam et moriar. Omnes autem haereses huic „sanctissimae veritati contrarias damno ac detestor, et quidem nominatim blasphemias illas, quas ipse mea manu „descripsi: quibus inter coeteros errores Quaternitatem „assereram, et Christum statuebam vnus Israelitici Dei „Filius, ita vt aeterna sua diuinitate spoliaretur. Denique, quoniam ex falsis istis fundamentis, multae falsissimae consequutiones oriuntur, omnes illas damno et exoror, et palam profiteor, me in omnibus perque omnia „assentiri sanctae huius Ecclesiae doctrinae, et quidem imprimis ac diserte in hoc sanctissimo Trinitatis articulo: „in quo agnosco me tam grauiter tantaque cum blasphemia peccasse, vt libenter velim iam olim interiisse, ne „tantum scelus admitterem. Hoc illud est, quod sentio „in corde meo: et infinitam Dei misericordiam precor, vt „in posterum me afficiat tanto istarum rerum sensu, vt aliqua ex parte possint verae meae poenitentiae fructus ab „omnibus cognosci, d. 29. Aug. 1558.

Palinodiam hanc in Originali *Principi* NIC. RADZIVILIO *Palatino Vilnensi* postea miserunt Geneuenses, vt inde iudicari possit de haeretico, in *Poloniae* terminis pristinos errores iterum disseminante. Interim facta recantatione et poenitentiae testificatione in hac causa criminali sequens sententia enunciata est: „Nos Syndici, iudices „caussa.

„caussarum criminalium in hac vrbe, viso processu crimi-
 „nali coram nobis formato, ad instantiam et prosecution-
 „nem Iuris praefecti, contra te *Valentinum Gentilem*, ex
 „quo et voluntariis tuis confessionibus inter manus nostras
 „soepius iteratis, certo constat ac liquet te aggressum esse
 „et conatum spargere haereticam et falsam doctrinam et
 „blasphemiis plenam, contra sacrum mysterium Trinita-
 „tis: idque contra datam fidem et iusiurandum, tam vbi
 „pollicitus es te fore obsequentem nobis, quam vbi ex-
 „presse abiurasti tuam haeresin. Nihilominus summa
 „impudentia et arrogantia conatus es coram nobis impug-
 „nare rectam fidem pro tua temeritate et impietate. At-
 „que hoc modo non solum periurio te implicasti, sed te
 „declarasti apertum hostem et aduersarium Dei et Eccle-
 „siae: quod crimen detestabile, et graui poena corporali
 „dignum pronuntiamus. His iustis caussis et aliis ad-
 „ducti, sedentes pro Tribunali, loco maiorum nostro-
 „rum ac secundum antiquum morem, participato cum
 „ciuibus nostris consilio, post inuocatum Dei nomen, vt
 „det nobis recte iudicare, Deum et S. Scripturas prae ocu-
 „lis habentes, cum praefatione consueta, in nomine Patris
 „et Filii et Spiritus S. Amen.” — „Quamis malitia et
 „prauitas, qua vsus es, merita sit, vt extermineris e nu-
 „mero hominum tanquam seductor, haereticus et schis-
 „maticus: tamen habita ratione poenitentiae et conuersio-
 „nis tuae, de qua apud nos protestatus es, simul ad mise-
 „ricordiam magis quam ad rigorem propensi, hac nostra
 „definitiuā sententia, quam ex scripto recitamus et edi-
 „mus, te *Valentinum Gentilem* adiudicamus huic poenae,
 „vt exutus vsque ad camissam pedibus nudis et capite disco-
 „operto, facem accensam manu tenens, genubus in terram
 „flexis, veniam a nobis et iustitia deprecetur, fatendo te
 „impie et scelerate sparxisse falsam et haereticam doctri-
 „nam, et scripta tua in eius defensionem detesteris, ea-
 „que propriis manibus tuis in ignem hic accensum conii-
 „cias, donec in cinerem redigantur, tanquam perniciosis

„mendaciis referta. Et quo amplior sit reparatio, vt ad „clāngorem tubae ducaris, per omnia vrbis compita in „hoc habitu, cum prohibitione egrediendi ex vrbe. Sit igitur haec poena in exemplum aliis, qui tale crimen imitari vellent.”

Haec sententia, tragica pompa actui inquisitionis Romanae simili, cum imitatione vestimenti poenitentialis, aliarumque lugubrium cerimoniarum, d. 2. Sept. a. 1558. executioni data.

Simili ratione cum aliis quoque Antitrinitariis *Geneuae* actum, et vni eorum infamiae notam inflictam fuisse, ex BEZA responsione ad FRANCISCI BALDUINI *Ecclesiolii conuitia, Geneuae 1563. 12.* collegimus, vbi p. 113. inquit: „Non defuerunt (*Geneuae*) SERUETANI, qui tres Deos facerent. Illos, cum pertinaces fuerunt, contentus fuit pius Magistratus ciuitate arcere, quum etiam peregrini essent: vnum horum fuisse MATTH. GRIBALDUM, paulo post exposituri sumus, alios qui respuerunt, ne leuissima quidem ignominia affecti. SERUETANI duo, quum se respiscere simulassent, notati quidem sunt aliqua infamia (peior vix excogitari potuit,) ob insignem blasphemiam, et carceribus addicti, sed mox Magistratus clementia liberati, quamuis sese vrbe non excessuros solenni iureiurando obstrinxissent, tamen fuga mox arrepta ab eo tempore *Ecclesias* turbare nunquam destiterunt.” Die quinto Sept. GENTILIS exhibito libello supplici a Senatu petiit, vt absque interposito vade, praestito iureiurando e carcere dimitteretur, cum ipse prorsus inops, extraneus, solus, absque vllis conterraneis, cognatis, vel aliis quibusuis, qui vicem suam commiserentur, vadem nancisci nequeat. Visum igitur est Senatui, hac supplicatione accepta, praestita a GENTILE iureiurando, se dominorum iniussu vrbe non exiturum, e carcere illum dimittere. Hoc impetrato, cum nemo ei molestiam faceret, sprete iurisiurandi religione, *Geneua* clam aufugit, ad locum, quem MATTHAEUS
GRI-

GRIBALDUS possidebat, pagum *Fargiatum* (*Fargias*) in confinio Geneuensis territorii sub praefectura *Gayensi*, ditio-
nis *Bernensium*, vbi quoque *Alciatus*, et alius quidam Pae-
dagogus filiorum GRIBALDI, cuius nomen expositum non
est, comorabantur, tempusque variis disputationibus vna
cum hospite suo consumeabant. Quod in fugam se dede-
rit, quia *Geneuae* se non satis tutum crederet, ibidemque
in conspectu CALUINI versaretur, facile quisque sibi per-
suadebit, maxime cum hortantibus ALCIATO, BLANDRATA
et GRIBALDO reuocationem ob mortis terriculamenta simu-
latam apud animum suum mature oblitterauerit. Mox
Lugdunum se conferens, ibidem copia librorum per *Bap-
tistam* quendam *Lucensem* adiutus, ex Patribus subsidia
pro defendendo dogmate suo qualiacumque conquisiuit.
Cumque animaduertit, latinos et graecos, ab orthodoxis
pro confirmanda doctrina sua de Trinitate allegari, ipse
quoque statuit, ad antiquissimos quosque refugere. Con-
cinnabat igitur aduersus *Athanasii* symbolum confessionem
de Trinitate, quae sine dubio eadem est, quam Praefecto
oppidi *Gaii* dedicasse, paulo post narrabimus.

Collegit (narrante ARETIO l. c. p. 8) mutila quae-
dam testimonia ex Ignatii epistolis, Justino Martyre, Hi-
lario, Tertulliano, nec pudit eum ex Alcorano subsidia
petere. Reliquos scriptores ferme omnes pleno ore coe-
pit damnare, Augustinum, Hieronymum, Basilium, Chry-
sostomum, Damascenum, et si qui alii Trinitatis nego-
tium contra ipsius mentem apertius explicarent. In Ju-
stino Martyre et Tertulliano coepit etiam quosdam li-
bros damnare, alios in dubium vocare. Ex hisce lucu-
brationibus libellum composuit, ANTIDOTORUM titulo,
(V. B. A. P. I. p. 371. N. 5.) in quo sese contra Geneua-
tes purgare et diluere conabatur, quae ministri Italicae
ecclesiae contra sententiam ipsius attulerant. Hic vero
libellus editus non est, sed scriptus apud eum a Bernen-
sibus postea repertus. His instructus causae suae muni-
mentis

mentis, *Gratianopolin* (Grenoble) superioris Delphinarus oppidum petiit, quo loco *M. Gribaldus* amicus et familiaris ipsius isto tempore publice docebat. Apud eundem morbo adflactus commodum tutumque hospitium curandae valerudinis habuit. Cum reconualesceret, simul coepit innotescere dogma ipsius, quod intra pectus suum non tenuit; hinc ab ordinario Magistratu efflagitabatur illius confessio. Hanc ita adtemperauit, ac patrum oraculis exornauit, ut a Romano-Catholicis admitteretur, imprimis quod Euangelicas Ecclesias et nominatim *Caluinum* in eadem perstrinxerit, caput vero rei et controuersiae non attigerit: *Cameracum* inde vicinum oppidum adiit, sed de placitis suis differens, minus securum sibi locum ibidem esse, ominabatur, quapropter inde *FARGIAS* rediit.

Praefectus *Gayensis* de praesentia hominis certior factus et admonitus, missis idoneis ministris, *Gayum* perducere eum curauit, ac carceribus mancipauit. Simulata vero iterum veritatis specie ac probitate, post aliquot dies e carcere dimissus, ea conditione, ut posthac tranquille et pacifice viueret, quam per reservationem mentalem ad dogmata non pertinere sibi persuadens, nihilo segnus pergebat sua spargere. Quae *SANDIUS* exponit, quod eum pauperem ex captiuitate *Gayensi* redemerit amicus *P. Alciatus*, quem utpote locupletem, nobili genere ortum, immo et militem, simili modo non ausi fuerint aggredi, veri similia non videntur.

Efflagitauerat *Gayensis* Praefectus a *Gentile* confessionem, quam examinandam ministris Ecclesiae *Bernensis* transmitteret. Hanc ipse typis excudendam tradidit, eamque una cum *Prothesibus* annotationibusque in *Symbolum Athanasianum*, criminationibus in *Athanasium*, praeliminari epistola sub ficto *Theophili Typographi* nomine, ad filios Ecclesiae, *Lugduni* editam (licet *Antwerpiam* titulus praeferat) *Gayensi Praefecto* dedicauit. V. B. A. P. I.

p. 370. N. 1. Iniuriam hanc grauissime tulit *Praefectus*, vt, si in manus eiusdem incidisset *Gentilis*, statim ad carceres fuisset retractus. In sua ad filios Ecclesiae praefatione, lectoribus maximos parui libelli thesauros commendat, huncque dignum pronuntiat, quo omnes fruantur Ecclesiae, fingitque mirifice anhelantem typographum, ad reliqua *Gentilis* scripta publicanda. Praefectum Gayensem conuitiatus est, quasi hoc iubente confessionem luci commiserit, cum incarceratus iussus quidem ab illo esset, exhibere confessionem, quam ministris daret inspicendam, non autem vt eandem ab orthodoxis sub examen non vocatam, typis exscribi curaret, sibi que dedicaret.

Lugduni, confessione hac prelo exemta, ab vrbis Praefecto ob eandem captus, et ad 50 dies in carcerem coniectus, ex quo tamen simili stratagemate post varias pollicitationes et propter testatum in *Caluinum* odium dimissus est. Sic enim attemperauit libellum *Antidotorum* et confessionem, vt solum *Caluinum*, non vero S. Trinitatem impugnasse iudicaretur.

Aestiuo tempore anni 1562 in Poloniam contendit, ibique cum aliis errorum auctoribus plures excitauit turbas, quos in hist. Socin. Polon. exposituri sumus. Id saltem notamus, Poloniae terminos eum adiisse, inuitatum a *Blandrata* et *Alciato*, quibus *Gentilis* imperterritus miles ad res innouandas per Poloniae ecclesias videbatur, quique iam ante ipsum in hoc regnum se receperant. E Polonia eum excedere coactum esse, a. 1566 a scriptoribus perhibetur, qui tamen ipsi tradunt, eum Biennium tantum ibidem consumpsisse, quare ante istum annum Poloniae valedixisse, probabile videtur. JAC. DELADERCHUS in *annal. eccl.* ab a. 1566. quo *Rodericus Raynaldus* desinit, vsque ad a. 1567. continuatis T. XXII. *Romae* 1729 fol. p. 124 narrat: *Val. Gentilem* e Polonia abire iussu, Regi librum dedicasse confertum in sanctissimam Trinitatem ac Dei Filium horrendis blasphemis, criminatum.

natumque esse in praefatione, profanas ac monstrosas voces, *ουνοτος*, Persona, Essentia, Vnitas, Trinitas in Ecclesiam friuole esse inuectas. Qui anno 1566 Polonia excessisse narrant, eum per edictum eodem anno in *comitiis Petriconiensibus*, die 5. Martii celebratis, aduersus peregrinos noui dogmatis auctores publicatum, regni terminis exclusum esse iudicant. Inde in *Morauiam* concessit, vbi cum *Anabaptistis* confusurasse dicitur a *Wigando*, de Serueticismo. p. 89. Hinc in *Austriam*, *Viennam* accessit, vbique suos commendans errores. Cum vero nullo tutus atque acceptus subsisteret, de reditu in *Sabaudiam* cogitauit, cuius regionis Ecclesias pacatiores et sinceriores iudicauit, praeterea superstitem adhuc esse *Gribaldum*, aliosque, quorum amicitia in istis regionibus iuari posset, putauit. Obierat quoque interea *Calvinus*, quem acerrimum antagonistam erat expertus. In hisce terris tanquam in portu post tot naufragia ac praesentissima pericula vitam se habiturum tranquillam augurabatur; quae vero eum pro-fus opinio fefellit, cum semet ultro in capitale exitium non absque inconsiderata temeritate praecipitem dederit.

GAYUM enim ipsum et Praefectum loci accessit, cui, aegre id ferenti et indignanti, antea confessionem suam typis excusam dicauerat. Ab hoc sibi publice disputandi veniam expetiit, vel eius potius nomine conflictum publicum significauit; sed tantum abfuit, vt voti sui compositus, vt potius iubente ipso ad carcerem ductus fuerit. Scriptum, quo sub nomine Praefecti Gayensis publicam disputationem indixit, quodque *Aretius* l. c. p. 47. ex eius autographo descripsit, his verbis erat concinnatum: „*Vniuersis et singulis Ecclesiarum Pastoribus, Doctoribus, Diaconis et Senioribus, qui passim in Gallia et Sabaudia Euangelicam pietatem profitentur, has nostras litteras, inspecturis, lecturisue salutem et pacem in Domino. Lestis ac diligenter expensis supra scriptis inter se oppositis*
propo-

propositionibus: audita quoque VALENTINI GENTILIS Itali, perquam iusta petitione, nempe ut de re tanta iudicium fiat ex simplici Dei verbo: visum est Magnifico Domino Gaii Praefecto utriusque assertionis dogmata in varia Galliae et Sabaudiae loca, praesertim Geneuam et Lugdunum transmittere, ut si quis Domini CALUINI discipulus voluerit praeceptoris sui sententiam tueri, possit intra hebdomadem Gayum accedere, ea conditione cum GENTILI congressurus, ut nisi quisque assertiones, quas tuendas suscepit, ex aperto Dei verbo, veras esse demonstret, sit tanquam manifestus impostor et falsae religionis assertor, capitis poenam luiturus. Quodsi nemo ad praescriptum tempus comparuerit, Magnificus Dominus Praefectus cum vniuerso Senatu Gayensi, uti par est, clare pronuntiabit, praefatum GENTILEM, de altissimo Deo et Filio eius Iesu Christo, pie et orthodoxe sentire, etc."

Gayensis prima vice GENTILEM e carcere dimittens, *Bernatibus* semet ipsum suspectum fecerat; hinc melius maculam a se auerti non posse arbitrabatur, quam cum *Gentilem* in Sabaudia reducem vinculis constringeret, eumque *Bernatibus*, quibus suberat, traderet. Die igitur 11 Jun. a. 1566 *Gaii* custodiae traditus, idque factum esse, *Senatui Bernensi* statim denuntiatum. Hic cum intelligeret, eum errores docere multoties abiuratos, et ex alio capite periurii reum esse, Ecclesias euangelicas quasi Papatui adhuc subiectas calumniari, ab eodem conuelli articulum de S. Trinitate, et tandem mirum in modum per eum, suosque complices paulo ante turbatam Poloniam, his aliisque rationibus permotus GENTILEM *Bernam* deduci iussit. Erat ipsi quoque de dedicatione libelli, nomini *Praefecti Gayensis* facta, respondendum, qui fraudis et iniuriae vindictam vrgebat. Ipse GENTILIS, cum offensum animaduerneret Praefectum, ad Senatum Bernensem prouocare, commodum sibi putabat, hinc *Bernam* d. 19. Jul. perductus est. Hoc loco Senatum iudicem

iudicem habuit, qui quosdam peculiari autoritate instruxit, causam speciali indagine inquisituros. Praesides in hoc negotio fuisse *Nicolaum a Diesbach*, *Nicolaum a Grafenried*, et *Petermannum ab Erlach*, Senatores, ex dedicatione, qua *Aretius* libellum suum his adscripsit, manifesto constar. Post aliquot dies captiuitatis iubente Senatu *Gentilis* scripta, quae penes ipsum inuenta erant, in spectâ, horumque argumentum accuratius expositum est. Fuerunt haec: 1) Liber propria manu scriptus, quem Poloniae Regi *Sigismundo* dedicauerat, in quo vniuersa eius doctrina comprehendebatur; quamuis diceret, locupletiore haberi descriptum a *Blandrata*. In proluxa ad Regem praefatione, hunc sibi et causae suae propitium efficere conatur. Repetit deinde suas confessiones *Genevae* exhibitas, antequam reuocasset; cum harum vltima a *Geneuensibus* confutata esset, subiecit confutationi huic libellum *Antidotorum*, deinde refutare nititur, *institutio- num* CALVINI caput 13. L. I. de *S. Trinitate*. His adiecit *protheses*, ex *Augustino*, praesertim ex quindecim libris de *Trinitate*, quas cum authore reiicit, ac calumniose traducit. Addidit noua collectanea ex *S. Scriptura*, *Patribus* et *Alcorano*, pro sua sententia. Tandem annotationes suas in *Athanasianum* Symbolum ad calcem libri adiecit. 2) Carmina ipsius manuscripta de *Trinitate*, quibus Trinomium Deum perstringit eiusque cultores. 3) Libellus Italicus et similis latine compositus, de Christi incarnatione. 4) Libellus impressus *Lugduni*, Praefecto Gayensi adscriptus. Ex his scriptis quatuor capita actionis sunt statuta. Nimirum 1. Quod in doctrina de *Trinitate* ab Orthodoxis differat. 2. Calumniis inauditis Ecclesias Evangelicas oneret, ac haereseos nomine traducat. 3. In scriptis expositas esse blasphemias nefandas in *S. Trinitatem*, a quibus neque in ipsa litis actione abstinuit. 4. Imposturas in aprico positas esse, quibus tum sua fucate palliauit, tum astu periculis semper se expediuit, ac alios etiam capitalibus periculis obicere est conatus.

Primum

Primum igitur propositum est, ut candide et ingenuè confiteretur, ipsum in mysterio Trinitatis intolerandos concepisse errores, recte sentientibus falso imposuisse multa, scripta sua passim habere voces blasphemias, quae non in docentium personas, sed in ipsum sacrosanctum negotium, de quo ageretur, redundarent, malitiose quoque eum causam obscurasse agendo saepius de eo, de quo non fuerit controuersia, ut videatur data opera latibula quaerere. Ad hoc momentum multa GENTILIS praefatus est, de corporis debilitate, capitis doloribus, memoriae infelicitate; vix enim sese recordari vnius diei acta, ideoque ad omnia responderè non posse. Istas exculpationes hoc fine accersuit, ne constitueretur *reus*, sed ut ius actionis ad se raperet, et ut haberetur *actor*; quod, nisi ipsi daretur, testatus est, non posse de tanto negotio commode fieri iudicium. Ut persuaderet iudicibus, actionem sibi competere, his usus est rationibus: se sponte huc accessisse, ut ageret negotium apud *Bernates*, se adfertorem esse eminentiae Patris et Evangelicae veritatis aduersus Sophistas, nondum conuictum ullius erroris, nec scire, quos hic aduersarios sit habiturus. Hac exceptione non admissa, responsum est, eum in vinculis et carceribus pii Magistratus iam contineri, quae conditio non actoris, sed rei sit. Iustum esse, ut captiuus, qui vinculis liberari velit, prius audiat causas incarcerationis, quas honestis rationibus, si suppetunt, diluat; non moris esse, ut actor causam dicat e vinculis contra reos. Quod sponte in hanc regionem aduenerit, parum ipsius causae prodesse, cum diuino iudicio id saepe accidat reis, ut sponte petant loca, e quibus nunquam emergant. Verum quidem esse, quod *Gayum* ultro accesserit, sed illic certis de causis custodiae traditum, et huc captiuum perductum esse. Quod se praedicet Patronum eminentiae Patris, et veritatis contra Sophistas, frustra dici. Iudices enim nondum esse confirmatos de ipsius vocatione, necdum approbare illos horrores et motus, quibus edi-

xerat, bis fuisse concussum inter orandum *Genevae* et admonitum tacita spiritus suggestione, ut diceret, orthodoxos tueri quaternitatem. De ipsius erroribus vero satis conuictos esse, cum totam hanc doctrinam ipsemet *Genevae* reuocasset, et idcirco publicam dixisset recantationem. Hanc doctrinam, raro poenitentiae exemplo damnatam, nunc vero postliminio reuocatam, non debere tam malae fidei habere actorem: praeterea indubitatum, quod periurii reus sit, cum *Geneua* egressus. Ad hoc periurii crimen nihil aliud ab ipso responderi posse, quam quod de eo doleret. Eosdem eum habere accusatores et aduersarios, quos habuit *Genevae*, ubi Palinodiam cecinit; iuxta hos etiam eos, qui ipsum una cum aliis peregrinis et noui dogmatis auctoribus e *Polonia* eiecerunt; imo etiam Ecclesias per Germaniam, quae doctrinam ab ipso euulgatam ut *Arianam* publice damnarunt; habere aduersus se scholarum iudicia, in quibus illa exploditur, et nominatim ipse *Val. Gentilis* haereseos damnatur. Ex horum numero fuit ALEXANDER ALESIUS, in schola Lipsiaca, cuius assertio doctrinae Ecclesiae catholicae de *S. Trinitate cum confutatione erroris VALENTINI GENTILIS*, iam a. 1564 lucem viderat, quae etiam in *Bezae* opere de *Gentili* p. 101—128 legitur.

His rationibus ab actione exclusus, ad proposita accusationis capita figillatim respondere iussus est. Nonnullae positiones ex ipsius scriptis excerptae sunt, quas ore quoque saepius confessus et tueri conatus est. Fuere autem istae: 1) *Trinitas merum est humanum commentum, catholicis Symbolis incognitum, cum Euangelica veritate e diametro pugnans.* 2) *Solus Pater unus ille Deus est, qui in scripturis unus et solus Deus dicitur.* 3) *Filius a se ipso non est, sed a Patre, cui ut essentiatori subordinatus est.* 4) *P. F. et Sp. S. quoad $\sigma\tau\iota\omega\nu$ diuisi sunt.* 5) *F. a P. genitus est secundum $\sigma\tau\iota\omega\nu$, ut subordinatus Spiritus differens a Patre.* 6) *Tres sunt aeterni spiritus, quorum*
qui-

quilibet per se Deus est. 7) Hos tres Spiritus distinctos esse ordine, gradu, et proprietate etc.

Quo theses istas stabiliret, nouo interpretationis genere oracula diuina euerit, publica Ecclesiae Symbola reiecit, et antiquos Patres vel probrose infectatus est, vel ad aliquos secum quasi consentientes confugit, ne omni antiquitatis praesidio destitutus videretur; illorum tamen auctoritate et sententiis abutebatur. Blasphemiæ quoque accusabatur, v. g. quod S. S. Trinitatem nouum vocauerit idolum; *Tripersonatum Deum*, sophisticum Deum, Diabolicam, Sophisticam et Phantasticam Personam, fictitiæ proprietatem in nouo Deo, etc. In memoriam ipsi reuocabatur, quod pessimis calumniis orthodoxam doctrinam onerauerit, v. g. quod Euangelici Christum *vnius Dei Filium* imprudenter negent, nouum Deum eundemque quartum, Trinitatem nimirum in Christianam religionem temere inuexerint, Deum Trinum confinxerint, hinc eos Antitheos, haereticos Iudæis similes, Turcis pares edixerit. Tandem variae imposturae ipsi exprobratae sunt, quibus piis hominibus fucum fecerit, v. g. quod in euentita, confessioni suae praefixa praefatione, sub *Theophili* Typographi nomine, magnifice scripta sua praedicauerit, sibi quemet ipsi laudum praeco extiterit, locum editionis libri huius *Antwerpiam* mendax perhibuerit, quod mala fide venditauerit, iussisse *Praefectum Gayensem*, vt confessionem tot erroribus scatentem sub ipsius nomine in publicum ederet. Hanc quidem imposturam non aliter diluit, quam quod diceret: Praefectum non quidem iussisse vt ederet, sed quoque non prohibuisse. Imposturarum eius non minima fuit, fastuosa illa ad disputandum publica prouocatio, qua suas propositiones pias, iustasque iudicauit, octo dierum spatium determinauit, intra quos disputaturos secum idque capitali poena adcitauerit. Hac de re quaesitus, nihil praeterea respondit, quam id eo fine factum esse, vt pauciores haberet aduersarios.

Narrata adhuc argumentum actionis cum GENTI-
 11 a quinta m. *Aug.* ad nonum *Sept.* continent, circa quod,
 cum illi caussa dicenda ac doctrina defendenda fuit, hanc
 ambigue proposuit, saepius ad alia prorsus diuersa de-
 clinauit, et de rebus, extra controuersiam positis, rixas
 excitauit. Tandem tenax semper et immobilis suis ad-
 haerens placitis, morti a Senatu addictus et *Bernae* a.
 1566 die 9. *Sept.* capite plexus est. An iure, ad chri-
 stianae disciplinae praescriptum, non difficile cognitu est.
 Viuicomburio eum periisse, *Hornius* in *H. E.* p. 349
 male narrat; nec supplicium consilio *Caluini*, hocque
 instigante, (qui a. 1564 d. 27. Maii fatis iam cesserat,) *de-*
cretum est, quod *Godofr. Arnoldus* falso prodidit. Re-
 ferunt quidam, quod in carcere Christi nomen pronun-
 tiare non potuerit, sed dubia fide. Formulam sententiae
 de eo latae *Arctius* l. c. p. 49. ita exhibuit: „Valenti-
 „nus hic Gentilis ex Consensio, Neapolitani regni oriun-
 „dus, postquam sibi ante annos octo proposuisset articu-
 „lum Trinitatis impugnare, passim docere coepit, tres
 „esse distinctos spiritus, essentiali numero differentes:
 „inter quos Patrem solum agnoscit illum adorandum et
 „infinitem Deum, non sine magna Filii Dei blasphemia.
 „Huic dogmati alii etiam adnexi sunt errores, ob quos
 „pridem a magnifico Magistratu Geneuensi comprehen-
 „sus, ad plenam errorum declarationem palinodiam ce-
 „cinit. Etenim et errores palam agnouit, et detestatus
 „est, et abiurauit, et insuper iure iurando se adstrinxit,
 „urbem se illam, sine Senatus venia, non egressurum.
 „Verum quia illa omnia non tanti apud ipsum fuere mo-
 „menti, quin neglecta iuramenti religione, clam inde
 „profugeret, ac deinceps ad errores abiuratos postlimi-
 „nio rediret, maiorique deinceps conatu, et disputando
 „et scribendo contra aperta Scripturae testimonia, pro-
 „pugnaret: quibus inaudita accedunt maledicta et hor-
 „rendae blasphemiae in Dei Filium, et Trinitatis myste-
 „rium. Demum quia iam etiam in vinculis magnifici Se-
 „natus

„natus ad plenam et sufficientem instructionem incurabilem sese praebeat, pertinaciter in erroribus sui dogmatis persistendo: censuit magnificus Senatus huius Reipubl. ad praecipienda dissidia, et eliminandos tam atroces errores, capite plectendum.”

Ad supplicium ductus, ex obfirmata errorum suorum defensione martyrii gloriam aucupans, se ipsum celebravit, quod pro honore Dei altissimi passus et passurus sit. Praeterea omnes Euangelicos esse Sabellianos, et Deum habere Trinomium edixit; quae subinde et alia eius generis repetiit, usque dum gladio carnificis iugulum esse committendum videret. Tum labascere coepit ac vrgeri, quod cum Euangelicis idem sentiat, dummodo hi Christum esse Filium Dei crederent; quod cum numquam ab Euangelicis negatum esse exciperetur, tum rursus manifeste patuit dolus, qui Dei appellationem ad solam Patris personam restringere consuevit. In hac mente perseverans, implorante Dominum toto, qui adstabat, coetu, ut eius animum immutaret, et Ecclesiae ministris assidue ad resipiscendum hortantibus, ense periit.

BULLINGERUS in ep. ad H. ZANCHIUM Tiguri d. 5. Julii 1566 scripta in huius Opp. T. VIII. f. 283 tragicam historiam hoc modo in compendio narrat: „Gentilis captivus Bernam ducitur. Captus est in pago Gex ad lacum Lemanium. A. 1558 revocavit Arianismum. Mox 1561 eundem defendit. In Poloniam descendit, et Ecclesias mirum in modum turbavit. Dominus rependet illi.” Idem ad eundem d. 6. Jan. a. 1567 l. c.: „Cupis audire, quid cum Gentile sit actum. Cum is pergeret omnes admonitiones contemnere, et multoties victus, errores blasphemos suos nihilominus tueri, damnatus publice, ductus et capitis supplicio est affectus. Erant, qui ipsum incendio dignum clamarent; sed gladio resectum est illi caput impium. Ferox et pertinax fuit, donec in supplicii locum venisset, ubi

demum cristas demisit et moestus periit. Et utinam BLANDRATA, cum suo ALCIATO vel respiscat, vel mox sic pereat. Eundem non Bernae, sed in Prouincia Gesia (Imlande Ger) capite plexum esse, in nouis litterariis Tigurinis a. 1759. N. XI. p. 85. occasione recensitionis KLAUSINGII comment. hist. de haereticis misera morte extinctis, proditur.

Supplicium de Val. Gentile sumtum, tantum eius auctoribus ac iudicibus non contraxit odium, quantum Serueti caedes huius occisoribus, quia in Gentilem non tanquam in haereticum, sed potius CONTUMACEM, periurum et temerarium statutorum Magistratus contemptorem, sententia mortis enunciata est, quippe qui aduersus interdictum, in regionem, qua proscriptus iam erat, rediit, aliosque seducendi et ad partes suas trahendi repetita experimenta fecit, quae ipsi durissimis minis iam antea inhibita erant. Hanc ipsam ob causam, quod cum eo tanquam malefico constitutionum secularium transgressore, a magistratu in ius vocato ageretur, gladio quoque periit; cum haeretico ex pessimo eorum iudicio, qui illum mortis poena adficiendum sentiunt, flammis potius pereundum fuerit. Hinc intelligitur ratio, cur ne isti quidem, qui ab occidendis haereticis, ut par est, quam maxime abhorrent, Gentilis supplicium non omnino improbauerint. Minus Celsus, Senensis, in libro, de quo inter scripta Laelii Socini exposituri sumus, inquit: „Quodsi opponant, nobilem illam BERNATUM Rempubli-
„eam VALENTINUM GENTILEM capite multasse, non
„religionis causa id accidisse constat, sed quia, quum ea
„de causa ipsum indicta capitis multa proscripsissent,
„lege despecta in urbem reuerterat. Qua in re BERN-
„TES nihil aliud egerunt, quam suam legem seruauerunt.
„Narrata narro: et narrantibus fide dignis fidem adhi-
„bui. Sit tamen veritati locus.” A quam plurimis Tri-
theitarum ordini accensetur Gentilis; idque non immerito; quamuis paullo accuratius omnibus, quae de ipso pre-

prostant, collatis, eum *Arianis* dogmatibus propiorem fuisse, iudicari debeat. *Tertulliani* laudavit effatum: „Fuit tempus quando Filius non fuit, et *Ignatii* dictum, „Filius non esse absque initio.” *Arius* statuit aliam Patris, aliam Filii esse *ἁρμονίαν*, eidem calculum suum adiecit *Gentilis*, Patrem a Filio disiungens secundum *ἁρμονίαν*. Concessit quidem, *λογον* de substantia Patris genitum et eidem consubstantialem esse, in quo ab *Ario* differt; sed tamen separationem substantiae vrget. Uterque inter se consentiunt, quod secundum essentiam Filium a Patre numero differre crediderint. *Arius* solum Patrem principio carere, *λογον* vero principium habuisse, dixit. *Gentilis* genitum quidem Filium dixit, sed actum generandi praecessisse, ex quo manifeste sequeretur, generationem fuisse tempore posteriorem. Pro gloria Patris se martyrium sustinere gloriabatur; de quo *Aretius*: *Gentilis de se ita loquutus est, neminem adhuc, quod ipse quidem sciret, pro gloria et eminentia Patris mortuum esse. Prophetas, Apostolos eosque martyres pro Filii gloria persecutiones, mortem et extrema quaeque passos esse; eminentiam autem Dei Patris nullos adhuc martyres habere.* Fuit interea in assertis suis maxime variabilis, quod huius conditionis hominibus proprium esse solet. In synodo *Pinczoniae* 1562 die 4. Nou. celebrata, hanc proposuit sententiam: *Deum creauisse in latitudine aeternitatis spiritum quendam excellentissimum, qui postea in plenitudine temporis incarnatus est.* De scriptis *Gentilis*, quae in B. A. P. I. p. 370 recensita leguntur, non male *Franc. Stancar* in praefat. libris IV. de Trinitate et unitate Dei praemissa, iudicavit: „*Simplices eius scripta intelligere non possunt, docti vero etiam mediocriter, illorum contradictiones facile possunt cognoscere.*” Praeter scripta iam allegata, historiae huius praecipua momenta exposita leguntur in *BAYLII Lex. sub titulo Gentilis*; *Du PIN Biblioth. etc. LAUTERBACHII Polnisch = Arianischen Socinianismus* p. 76 seq. *JAC. SPONII* *histoire de Genev. Lib. III. T. II. p. 80* seqq.

§. XII.

Valentinum Gentilem in indice Antitrinitariorum Italorum excipiunt, qui ex illius historia iam ex parte innotuerunt, *Matthaeus Gribaldus*, *Johannes Paulus Alciatus*, *Georgius Blandrata*, *Nicolaus Paruta*, *Franciscus Niger*, et *Marcellus Squarcialupus*, Plumbinensis Italus, qui omnes pro eadem causa diuerso successu decertarunt, *Laelii vero Socini*, quem conuentibus Vicentinis interfuisse, plurimi putant, vitam et scripta peculiari capite exposituri sumus.

*

*

*

Seminarium primae Antitrinitariorum familiae in Italia lustrantes, reliqui, quorum nomina celebrantur, considerandi sunt. De singulis quidem certo non constat, quod societatis Vicentinae membra fuerint, absque omni tamen dubio Antitrinitariorum classi adnumerantur, quos nominaui. Ex qua ratione quidam GREGORIUM PAULI Italorum catalogo inseruerint, cum fuerit Polonus, nec vnquam, quantum scio, viderit Italiam, ne coniectura quidem assequi possum. Inter Italos igitur, MATTHAEUM GRIBALDUM, vel *Gribaud* (quem *Kettnerus* de Vnitariis sec. XVII. male nominat *Gribwaldum*) Mopha, Cherianum, a loco natiuitatis *Quiers Pedemontii* dictum, celeberrimum iurisconsultum primum offendimus. Natiuitatis annum a nemine notatum inuenimus, eum vero iam circa finem Seculi decimi quinti, vel in primo saec. XVI. initio in orbem hunc fuisse expositum, coniecimus, cum BEZA eundem a. 1558. peneriam veteranum appellauerit, Iurisconsultus *Pataquinus* et *Ticinenfis* scriptoribus dicitur, immo in pluribus Italiae et Galliae Gymnasiis et Academiis docuit, *Pisae*, *Perusiae*, *Tolosae* et *Valentiae*. Quod a *Senatu Veneto* ob propensionem ad Euangelicorum Reformatorum partes dimissus fuerit, MELANTHON significat,

cat, et *Pancirollus de Gymnasio Patauino* etc. edit. *Patauii* 1598. 4. p. 19. b. de eodem inquit: „An. 1548. *MATH. GRIBALDUS Cherienſis collega fuit Tornielli, auctor commentariorum in Pandectas iuris et librorum trium de Methodo, ac ratione ſtudenti in iure civili; qui de haeretica prauitate ſuſpectus abire Patauio neceſſe habuit.*” Ad-
 fuiſſe eundem deſperabunda morte exſpiranti animam *Spierae Atheo* a. 1548. *Sleidanus* L. XXI. teſtatur his verbis: „Multi praeterea *Spieram* in eo ſtatu viderunt, magni nominis viri, et in his *MATH. GRIBALDUS, qui et rem omnem, quam ipſe coram vidit et audiuit ſcripto complexus, in lucem edidit.*” Hoc tempore publico docendi munere Patauino dimiſſus videtur, ipſique in inuiſendo *Spiera* praefto fuit *Pet. Paul. Vergerius*. *Cael. Sec. Curio* in praefatione, editae circa annum 1550 hiftoriae de *Franciſco Spiera* praemiſſa, de *Gribaldo* ita honorifice iudicat: „Quis eum non agnoſcit, virum inprimis nobilem et clarum, deinde etiam iuris civilis ſcientia et profeſſione celeberrimum? Illius grauitatem, conſtantiam, fidem, praefantiam, prudentiam agnouit Germania, ſenſit Gallia, expe-
 ritur Italia. Nec vero ſiletur, admirabilis quaedam et incredibilis in legibus interpretandis, aequitate explicandis peritia. Neque enim magis iuris conſultus eſt, quam iuſtitiae. Itaque quae proficiſcuntur a legibus, et iure civili, ſemper ad facilitatem aequitatemque referre ſolet.” In praefatione ſecunda operi allegato praefixa, *Coelius* teſtatur, *Gribaldi* epiſtolam de *Spiera*, quam ex *Patauio* quinto *Cal. Dec.* 1548. ſcriptam, p. 33 — 56. huic opuſculo inſeruit, variis locis in Germania editam fuiſſe. Triftis *Spierae* e vita diſceſſus ipſi ſtimulus fuit ad pietatis exercitia, melioremque doctrinam amplectendi ſtudium confirmauit, quemadmodum quoque *Vergerium* in conſilio puriora ſacra quaerendi, iisdem, quae in *Spiera* viderat, confirmatum ſcimus. Id ipſum *Gribaldi* propoſitum ab infelici multorum tunc temporis Italorum propenſione ad noua et heterodoxa, adeo adulteratum eſt, vt, cum

non defuerint, qui eius mentem corrumperent, in *Antitrinitariorum* sententias delapsus fuerit.

Relicta *Italia* et statione sua in Galliam contendit, quod ex *praefatione*, quam priori editioni libri sui de *methodo ac ratione studendi* praefixit, ex *Valentia Allebrogica cal. Jan. a. 1553.* scripta, patet, ex qua colligimus, cum, antequam vel *Geneuae* vel prope hanc urbem sedem fixerit, per aliquod tempus *Tolosae* in Galliae Gymnasio iura ciuilia interpretatum esse. Hoc tamen anno *Geneuam* contendit, eodem tempore, quo hoc loco *Serueti* caussa inquirebatur. Expetiit sibi ibidem a *Caluino*, cuius fauorem et misericordiam pro *Serueto* lucrari studuit, colloquendi copiam, quam ei aliquando recusauit, tandem vero, ut colloquium praesentibus *Caluini* collegis tribusque senioribus haberetur, adnuit. Accessit *Gribaldus* ad praescriptum locum, sed cum ille ipsi manum porrigere detrectaret, antequam eius fidem in articulo de *Trinitate et Christi Deitate* cognouisset, re infecta discessit. Paulo post coram Magistratu comparere ac doctrinae suae rationem reddere iussus est, cumque exhibita sua confessione plurimorum errorum suspicionem sibi contraxisset, *Geneua* excedere coactus est. Ita *Calvinus* in ep. ad *Georgium* Comitem *Würtebergensem* et *Monsbelgardiensem* data *Geneuae* 6. non. Maii a. 1557. in epp. et responsis edit. *Geneu.* 1575. p. 183. rem hanc exponit: „Quia de *Matth. Gribaldo* vobis sciscitari placuit, breuiter quomodo se hic gesserit, exponam. Ac primum in hac urbe versatus est, ut nunquam vel Senatui nostro operam suam addixerit, vel obstrictus etiam fuerit, opera sua fide data, sed habitus semper fuerit inter exteros et hospites. Atque ut fere quotannis solebat huc venire, forte hic erat, quo tempore in carcerem coniectus est *SERUETUS*. Ac tunc dissimulans sibi cum impiis his erroribus quicquam esse commune, tantum obliquos sermones ferebat, non esse de falsis dogmatibus exigendas poenas, quia libera cuique esset fides. Postea tamen aperuit, quod initio tegebat, se ideo conqueri de
Sena-

*Senatus nostri seueritate, quia impune sibi permitti cuperet impia sua deliria vomere. At tunc quidem colloquium meum petiit, fateor: quod ideo negaui, quia ante expertus fueram, quale esset hominis ingenium. Nec melior occurrebat ratio, quam ut idonei adhiberentur testes nostris sermonibus, quod ipse fugitabat. Ita tunc discessit. Paula post eum reuersus esset, significaui per familiarem amicum, liberum ei fore, si vellet, mecum fraterne conferre, modo id fieret coram symministris meis ac tribus ecclesiasticis Senioribus. Denuntiaui etiam, ne quid periculi aut fraudis metueret. Assensus est ac venit, quo vocatus erat. Sed ingressus in locum ubi confidebamus, quia primo ingressu manum ei porrigere nolui, tumultuose mox discessit: et tamen humaniter, immo etiam blandis verbis excusaui, mihi id non licere, donec inter nos de fidei principiis conueniret. Rem enim magis seriam agi, quam ut fallacibus ceremoniis ludendum foret. Postquam vidimus hominem amice non posse placari, dedimus operam ut vocatus in curiam, de sua fide responderet. Vbi non solum tergiuersatus est, sed palam ostendit, se nolle, quid sentiret, illic profiteri. Paulo post tamen elapsae sunt ei voces, ex quibus colligere promptum fuit, quam prauis erroribus esset implicatus. Cum admodestiam hortarer, ventosa sua ostentatione palam fecit, nihil esse audacius inscitia. Itaque in tanta pertinacia nihil profuit pia et utilis admonitio. Interea hunc clypeum opposuit, nimii et iniusti esse rigoris, quia in doctrina fidei a nobis dissentiret, non ferri in urbe. Quae eius obiectio, ut par erat, refutata fuit. Senatus hominem exterum ulterius urgendum non statuit, et nobis etiam satis fuit curare, ne impietatis suae virus postea hic spargeret. Hoc meum testimonium, quid fidei mereatur, iudicabit vestra Celsitudo. Certe ab odio proficisci non potest, quod nullum unquam inter nos fuisse, GRIBALDUS quoque ipse fatebitur. Coeterum quamuis multa deliria simul misceat, specimen unum proferre visum est: ex quo facile intelliget vestra Celsitudo, minus aspere hactenus de homine loquatum esse, quam fere-
que*

bat detestabilis eius impietas, imo etiam postulabat. Neque enim de meo vel alterius cuiuspiam relatu hic agitur: sed quia doctrinae genus, quod in eo damnamus, manu sua scriptum prodidit, inde iudicet Vestra Celsitudo, ferendus ne sit profanus homo, qui tam peruerse Dei essentiam lacerat, et Christum fingit nouitium Deum a Patre diuersum et cui non eadem sit cum Patre essentia. Sed quia mihi nunc propositum non est, eius sacrilegia refutare, ne taedio sit epistolae meae prolixitas, putavi, non posse me, ex animi Vestri sententia melius officio desungi, quam si confessionem manu eius scriptam et subscriptam, in qua se Italis fratribus purgare conatus est, Celsitudini Vestrae mitterem. Unde illustrissimus Princeps nepos vester satis superque cognoscet, quam profane ac scelerate hic miser praecipuum fidei nostrae caput conuellat ac peructat."

Relicta Geneua Gribaldus TUBINGAM contendit, ibique P. P. VERGERII et HIERON. GERHARDI, qui Principi Würtenb. a secretioribus fuit consiliis, fauore introductus, insigni cum applausu, magnoque auditorum concursu legum scientiam docuit. Ipsius in hac academia docentis diligentiam et iuris scientiam *Melanthe* praedicat in ep. *Joach. Möllero* iuris Doctore a. 1555 d. d. 24. Iulii data in epp. a *Peucero* editis P. II. p. 521. his verbis: „*Dei beneficio in fratre Theodorico et natura est doctrinae capax et morum moderatio vere ethica — — — — sic procedit in studio iuris, ut sperem, eum Reipubl. Deo iuvante usui fore. De Academia alia adeunda mihi hoc in mentem venit: cum neque Lipsiae, neque hic assiduitatem praestent lectores, et iam GRIBALDUS iurisconsultus Patavinus Tubingae doceat, dimissus a Senatu VENETO, quod ostendit se non abhorreere a doctrina nostrarum Ecclesiarum, profuturum esse fratri, si audiet eo in loco GRIBALDUM, et alios, qui magis assidue docent, quam nostri.*” Animum vero ad Antitrinitariorum placita propendentem nec Tubingae celauit, quae iam in Italia, ac ex sodalitis cum reliquis huius sectae patribus in Heluetia, vel ex lectione li-

bro-

brorum *Serueti*, hauserat. *Hieron.* igitur *Gerhardi* vigilantia et prudentia detectus, poenarum vel examinis instituendi timore, cum aufugisse *Tubinga* a. 1556. significat. *Melch. Adami* in *vita Hieron. Gerhardi*, in vitis Germanorum Iureconsultorum p. 208. Sed eundem adhuc a. 1557, die 6. Jun. ibidem commoratum fuisse ex *Lud. Melch. FISCHLINI memoria Theologorum Württembergens. P.I. p. 109.* apparet, quo teste hoc ipso die *Jacobus Andrea* cum *Gribaldo* actionem et colloquium instituit. Publice quoque *Gratianopoli* (*Grenoble*) eum docuisse, *Aretius* in *hist. Gentilis* p. 8. prodit, tempus vero non indicauit, docuisse vero ibidem anno circiter 1559 vel 60 probabile est. Anno enim 1558 in pago *Fargiarum* *GRI-BALDUS* subsistebat, confugitque ad istum *Gentilis*, qui post commorationem *Lugduni*, iterum ad *GRI-BALDUM Gratianopolin* tendebat. Nec diu ibidem substitisse, eandemque ob causam urbem hanc reliquisse videtur, quae *Tubinga* exire eum admonuit vel coegit.

Quod intimus fuerit *Val. Gentili*, quem quoque ad tempus in praedio suo sustentauit, ex enarratis liquet. Acquisiuerat autem sibi pagum istum *Forgiarum* vel *Fargiarum*, (male *Lubienietio* l. c. p. 108. *Turgiarum*) in regione *Gayensi* (*Gex*), in quem locum *Gentilis* ad tempus se recepit. Propter hoc commercium aliaque infecti animi indicia *Gribaldus Bernae* incarceratus, sed metu poenae territus speciem abnegati ac depositi Arianismi prae-buit, subscripta a. 1558. confessione orthodoxa, hincque in libertatem restitutus est. Quod eadem mente id fecerit, qua *Gentilis*, cum quo ad pristinam sententiam rediit, facile colligitur. Idem ipsi propter susceptos et diuulgatos errores supplicium destinatum erat, quod *Val. Gentili*, nisi morte praeuenisset, quod *BEZA* in *vita Caluini* non obscure innuit. Peste enim correptus periit, fugientibus illum omnibus, ut vix esset, a quo sepeliretur, teste eodem, in praefatione historiae *Val. Gent.* praemissa p. 23.

circa

circa finem anni 1565 vel initium anni 1566. *Val.* enim *Gentilis* in Sabaudiam a. 1566. rediens *Gribaldum* adhuc viuere putabat, nec de eius morte certior factus erat. Mortuum eum esse a. 1565. et quidem M. Sept. quod *Niceronius* et *Baylius* l. c. perhibent, verisimillimum non est, cum, si iste obitus ipsius annus statueretur, *Gentilis* de illius morte iam certior factus, cum adhuc in viuis esse sperare non potuisset. *Beza* in vita *Caluini* ad annum 1555. p. 378. haec de *Gribaldo* tradit: „Domi *SERUETI* cineres pallulare coeperunt, cuius blasphemii fauere deprehensus est *GRIBALDUS*, quum *Geneuam* forte venisset — — deductus ad *CALVINUM* a quibusdam *Italis*, quos *Patauii* docuerat, recusante *Caluino* dextram porrigere, nullum postea locum ullis admonitionibus vel argumentis reliquit. Itaque quod ei iam tum praedixit *Calvinus*, graue nimirum *Dei* iudicium pertinaci ipsius impietati imminere; hoc re ipsa postea expertus est, *Tubinga* primum profugus, quo fuerat *VERGERII* fauore introductus: *BERNAE* postea captus, simulataque abnegatione liberatus. (*Bernae* *Wolfg. Musculus* *Gribaldum* ad *Palinodiam* coegit, teste *Melch. Adamo* l. c. p. 383.) Ad ingenium postea rediens et *GEN- TILIS* illius fautor et hospes, superueniente demum peste correptus, paratum sibi in terris supplicium anteuertit.” In *Actis Val. Gentilis* p. 31. *Gribaldus* vocatur homo, *Valent. Gentili* similis, turbulenti prauique ingenii et fatuis speculationibus deditus, qui domo sua profugus, in quoddam latibulum se abdiderat, ubi petulantius, quam unquam *bacchari* coepit, sed apud capras et boues, quia locus fere desertus erat. Et in praefatione huic libro praefixa, *BEZA* scribit: „Fuit in hac cohorte discipulorum *SERUETI* pene veteranus *GRIBALDUS*, homo sane improbus, ut cui nulla religio fuerit, dogma, quod corde retineret, manifesto per- iurio abnegare.”

Scripta *Gribaldi* edita maxime ad iurisprudentiam spectant, ac recensita sunt in *JO. FABRICII Hist. Biblioth.*

P. V. p. 475. et Sandio l. c. p. 18. In catalogo librorum, quos *Academia Veneta* in lucem emittere proposuit, *Venet.* 1559. inter scriptores *consiliorum Juridicorum* peculiari Volumine complectendos, *Matthaeus Mopha Gribaldus* quoque nominatur. Circa scriptum, quod tit. *Methodus et ratio studendi in iure civili*, Lib. II. Lugduni a. 1544 et 1556. lucem vidit, observamus: praeter Lugdunenses editiones plures a *Sandio* non notatas in lucem prodiisse. Impressus est liber a. 1553. Colon. Agripp. in aedibus *Petri Horst*, plag. 23. pagg. 349. 8. hoc titulo: *Matthaei Gribaldi Mophae, Iurisconsulti Cheriani, de Methodo ac ratione studendi. Libri III. Lege quisquis ingenio delectaris, et frueri.* Dicatus est *Tholosanis legum auditoribus*, quibus opus hoc, vix octo dierum, praecox sane atque abortivum adpellat. p. 85 et 185. *Gribaldus* libri a se scripti sub indice: *axiomatum* mentionem facit, quem ab aliis allegatum non animadverti. Alia libri editio, in qua nec *dedicatio* haec, nec nomen *Gribaldi* in fronte occurrit, a. 1569. *Venetis* apud *Dominicum de Farris* prodiit, haecque verba in fronte habet: *Methodus ac de ratione studendi in iure. Libri tres. Praeterea capita novorum iuris intellectuum nonnulla atque eiusdem declarationum*, pl. 17. pag. 136. 8. Multum tamen differt haec editio a priori, quod huius loci non est, ut pluribus significetur. Alia quoque eiusdem libri editio lucem vidit a. 1572, 8. et Lugduni 1574. 8. etc.

Scriptum, quod *Sandius* allegat sub tit: *Recentiores Iurisconsulti singulis distichis comprehensi*, Basil. apud *Jo. Oporinum*, 1545. 4. idem sine dubio est, quod ad calcem libri, de methodo ac ratione studendi adtextum est, sub indice: *Catalogus aliquot interpretum iuris civilis*. Insertum quoque est *Jo. LORICII HADAMARII Catalogo Jurisconsultorum*, et *NIC. REUSNERI cynosurae iuris artic.* 25. nec non *Poetis, historicis, J. consultis, medicis et philosophis a Ger. Fausto, Ge. Fabricio, Math. Gribaldo, et Joanne Bartholomaeo, distichis descriptis. Görlitii* 1574. 8.

Libellus GRIBALDI: *historia Francisci Spirae, secundum quae ipse vidit ac audiuit*, impressus est *Basil.* 1550. pluribusque aliis opusculis eiusdem argumenti adtextus. In confessione sua teste Sandio l. c. professus est: *se tres aeternos spiritus, non confusos tamen, sed gradu numeroque distinctos, pia mente complecti; Deum Filium et Spiritum S. uni summo Deo et Patri, rerum omnium auctori ita subordinare, ut omnis ratio deitatis et Filii et Spiritus S. aliorumque coelestium spirituum ad unum illum solum Deum Patrem, origine carentem et a se ipso Deum, tanquam ad unicum fontem et caput omnis essentiae et diuinitatis merito, referatur.* Spondanus in annal. eccl. ad a. 1561. T. II. f. 614. de eodem significat, quod 1560 blasphemos articulos euulgauerit, verum et aeternum Deum nullas habere personas; et sicut animal brutum persona vocari non potest; sic neque Deum. Sed nemo quantum scio, articulorum istorum ullam fecit mentionem. In *catal. Biblioth. Acad. Francof.* f. 130. citatur sub nomine *Matth. Gribaldi* libellus, cui inscriptio est: *Communes Opiniones*, quem videre mihi non contigit, nec istum, qui in *Catal. Biblioth. Bodlej.* edit. *Thom. Hyde, oxon.* 1674. fol. p. 306. ipsi tribuitur, *de omni genere homicidii, Spirae Nemetum* 1592. 8. et *ibid.* 1583. 8.

Venetis in Bibliotheca conuentus S. Joannis et Pauli, quod Monasterium Dominicanorum est, inter 28 haereticos ex ligno artificiose sculptos catenisque ligneis strictos et copulatos, quorum statuae et effigies librorum scrinia suffulciunt, etiam *Matth. Gribaldi* figuram conspici, una cum *Bern. Ochini, Lutheri, Melanthonis, Bugenhagii, Brentii, Zuinglii* et aliorum statuis in eundem ordinem collocatis, *Steph. Schultzius* testis est in *der Leistung des Höchsten auf Reisen*, T. III. p. 157. V. de *Gribaldo Lubieniecus* l. c. p. 108. *Hoorneck* l. c. p. 24. *Du Pin* l. c. p. 340. *Bayle* l. c. sub tit. *Gribaudo. Hist. Socin.* gall. script. p. 257. *Sponius* l. c. T. II. p. 85. *Lexic. uni-*
vers.

vers. hist. T. II. p. 298. *Tomasini* Gymnasium Patauinum, *Vtini* 1564. p. 257. *Caluini* Epp. n. — 238. p. 440.

Sequitur *Jo. PAULUS ALCIATUS*, de quo *Caluinus* in *tractat. Theol.* p. 659. *homo non stolidi tantum et vesani ingenii, sed plane phreneticus ad rabiem usque; et BEZA* in *Praefat. ad acta V. Gentilis: quod iam antea homo plane phreneticus et vertiginosus fuerit, antequam in Heluetiam veniret.* Fuit is nobilis Italus, non *Pedemontanus*, ut quidam perhibent, sed *Beza* et *Baylio* testibus *Mediolanensis*, e societate Italorum, qui inter consilia restaurandae Ecclesiae, ratione ducti, diuersa ingenii inuenta in articulo de Trinitate procrearunt. Plurium huius nominis virorum fama a scriptoribus historicis celebratur. *Freherus* l. c. mentionem facit *Francisci Alciati*, Cardinalis, qui 1580 obiit p. 46. *Andreae* a. 1550. defuncti p. 826. et *Melchioris*, qui 1618 mortuus, p. 1020. De *Andrea*, qui teste *Mich. Beuthero* in *Ephemerid. hist.* p. 152. a. 1492. natus est, plura exponunt *Ge. Richter* in oratione de *Andrea Alciato*, male transfuga iuris a nonnullis dicto, quae inserta est eiusdem orationibus, *Dec. II.* et *Christoph. Longolius* in Epp. *Basil.* 1533. 8. p. 118 seqq. Epistolam eius contra vitam Monasticam ad *Bernardum Mattium* recensuit *Freytagius* in *Appar. litter.* T. II. p. 761. Ex opusculis eius separatim editis, quoddam ad manus meas peruenit sub tit. *Viri Clarissimi D. Andreae Alciati Jurisconsultiss. Mediol. ad D. Chonradum Peutingerum, Augustanum Jurisconsultum, emblematum liber, iam denuo emendatus et recognitus, 1534. 8. pl. 6.* Libellus elegantissimis figuris, ligno excisis, ornatus, *Augustae Vindel.* per *Henr. Steyner* d. 29. Jul. 1534. lucem vidit. Prima editio prodiit, *Mediolani* a. 1522. secunda a. 1531. In summa librorum, quos in lucem emittere *Academia Veneta* constituit l. c. p. B. I. b. inter scripta ad Ius canonicum spectantia allegatur: *Andreas Alciatus* in primum caput de Iudicibus. Quaedam *Petri Bembi* ad eundem epistolae illius epistolis familiari-

bus *Basil.* 1555. plag. 11. p. 634. insertae sunt. In *Desid. Erasmi Roterod. Opp.* T. III. vna *Alciati* ad *Erasmum*, et sex huius ad illum exstant epistolae. *Th. J.* ab *Alme-loueen* in *Plagiariorum syllabo* p. 185. inter plagiarios eum collocauit, et ex *Robertello* et aliis sua desumfisse, accusauit. Vtrum *Andreas* frater, an patruelis *Jo. Pauli Alciati*, certo definiri nequit. *Franciscus Alciatus*, Mediolanensis, natus 1522. in Academia Ticinensi Professor Iuris primarius, summo cum applausu docuit. *Romam* euocatus, Ciuitanensis in Beneuentana prouincia Episcopus factus, annoque 1565 *Borromei* commendatione, quem iuris Doctorem antea creauerat, *Purpurati* dignitate ornatus, ad quem *Paulus Sacratius*, Canonicus Ferrariensis, quasdam dedit epistolas, huius Epp. Libb. VI. *Lugd.* 1581. 12. p. 367. 393. etc. insertas.

Primum *Jo. Paul. Alciatus* scientiis medicis operam nauauit, licet *Alciatorum* familia Mediolanensis complures habuerit in iurisprudencia conspicuos; posthaec vero pro illius temporis more, stationi militari addictus, militum praefectus exstitit; hinc eum *Beza* militem Mediolanensem vocauit. *Blandratae* fuit intimus, nec minus *Gribaldo* amicus. Constrictus ingenii figmentis in articulo de Trinitate, valedixit *Italiae*, an libere, an coacte, certo dici nequit. Heluetiam contendit, ac *Geneuae Val. Gentili*, quem e carcere quoque redemit, *Sandio* narrante l. c. p. 26. familiaris. *Lubieniecus* p. 107. *Gentilem*, rogante pro eo *Alciato*, ab oppidi Gayensis praefecto liberum dimissum esse narrat. *Hottingero* teste in H. E. T. III. 850. circa annum 1553 vna cum *Blandrata* per *Raetiam* in Italiam iter faciebat, homines in ista regione secum consentientes, inprimis Italos profugos populares suos in eadem mente obfirmaturus. Anno 1562. in itinere ad Poloniae terminos *Gentili* comes exstitisse, plurimis videtur. *Aretius* vero in hist. *Val. Gent.* et *Beza* ep. 81. verissime tradunt, *Gentilem* in Poloniam contendisse,
cum

cum iam *Blandrata* et *Alciatus* ibidem placita sua disseminauerint. Qui perhibent hos ambo, *Val. Gentilis* fati et morte commotos esse, vt in Poloniam se reciperent, temporis ordinem non attendunt, siquidem *Gentilis* ab illis in Poloniam inuitatus, et cum iisdem simul in hoc regno commoratus est.

Inter Polonos cum *Alciatus* Arianismi spargeret lolia, tantum in se conuerit gentis odium, vt aliquando in eum *Cracouiae* versantem, *Academiae huius loci studiosi* hostili impetu irruerent, de quo tristi fato, et quomodo se eodem expediuerit, ita *Mart. Ruarus Epp. Cent. I. n. 47.* inquit: „*Memini ab Andrea Voidouio mihi narratum, Alciatum virum, vt ipse aiebat, pium et Socino quoϣηϣov, cum Cracouiae aliquamdiu egisset, periculum vitae praesentissimum a petulantibus scholasticis propter Arianam, vt illi ferebant, religionem intentatum, ridiculo schemate euasisse, cum se non ARIANUM, sed MARIANUM esse diceret: quod cum illi, quid sibi vellet, quaererent, respondisse, credere se, Iesum Christum Dei viui et Mariae filium. Illi non minore stupore, quam malitia obsessi, audito venerando Mariae nomine incolumem dimiserunt.*” Ille tamen ex impetu isto maiora pericula augurans, relicta Polonia in alium locum concessit. Quod sibi aduersa fata, peregrinarum opinionum persuasionem et diuulgationem, contraxerit, explorata ad liquidum veritas est; cum odium eius in orthodoxam doctrinam tantum fuerit, quantum vix in alio. *Calvinus* in ep. quain de *Blandrata* scripsit, horrendum *Alciati* scomma profert, tres ab Euangelicis diabolos adorari, peiores omnibus idolis Papatus. Eundem *Gregorio Pauli* dedisse epistolas *Husterlitio*, 1564 et 1565. quibus hunc a sententia, quod Christus exstiterit, antequam ex Maria nasceretur, abducere studuerit, *Sandius* l. c. p. 28. prodit, qui plura eum hac de materia scripsisse, ad *Budzinii Mscta* et *And. Dudithii* epistolam ad *Bezam* prouocat; sed ex hac, quae *Alciatus* concinnauerit scripta, non

vidimus. In epp. ad *Greg. Pauli*, (B. A. P. I. p. 8. N. I.) testatur, quod Mahomedanorum doctrinam magis rationi conuenientem habeat, quam orthodoxorum de tribus in essentia Dei personis. E Polonia in Morauiam, comite *Val. Gentile* contendit, ibidemque per aliquod tempus subsistens, postea *Constantinopolin* profectus, ibique secundum *Hoornbeeckium* l. c. p. 29. et quam plures alios scriptores, renegatus factus. Vtrumque autem merito in dubium vocandum, imo inter falsa referendum est, cum nulla causa suppetat, cur *Ruaro* illius fata et migrationes exponenti fidem denegemus, quo narrante circa annum 1565 *Gedani* mortuum esse nos persuasos habemus. Conciliari tamen hoc nequit cum iis, quae *de Porta* in Hist. Reform. Eccl. Raet. L. II. c. 23. p. 632. narrat, quo teste *Alciatus* et *Blandrata*, qui fratres suos confirmando circumibant, a comitiis trium foederum adhuc die 11. Jan. 1579. solum Raeticum mutare iussi sunt, et si pererrare deprehendantur, capti iudicio ad causam dicendam sistantur. Asseuerarunt istum *Alciati* ad Mahomedanismum transitum *Spondanus* l. c. ex quo eundem repetit *Voetius*, *Münchburgius* l. c. T. III. p. 344. *E. S. Cyprianus*, de moribus Socinianorum, et innumere fere alii. *Hornius* in H. E. p. 351. inquit: „*Alciatus transiit ad Turcas, ac Muhamedismum amplexus, inter eos vitam finit.*” Eadem referre *Lubieniecius* plurimi sibi persuadent, qui *Neusevan* *Alciati* in itinere Constantinopolitano comitem fuisse narrat; accepisse vero haec, quae de transitu *Alciati* ad Muhamedanum exposuit, testatur ex sola fama, quae haud raro mendax est; imo ipsum, quae ex communi fama significauit, non credidisse, haud obscura indicia produnt. Primam huic rumori occasionem fecit *Val. Gentilis*, de quo *Beza* ep. 81. scribit: „*Quum de ALCIATO rogaretur, factus est, inquit, Muhamedanus, nec mihi cum illo iam pridem ullum commercium fuit.*” Sed vel *Gentilis*, iudicum suorum fauorem ingenua, quam simulabat, confessione, sibi conciliare voluit, Muhamedanum vocando,

eum,

eum, a quo solum Jesu Christi Patrem, pro summo Deo agnosci sciebat, vel ab *Alciato* aduersa fata auertere studuit, quae facile ipsi per epistolas Magistratus et Ministrorum reipublicae Bernensis conciliari potuissent, vel ex alia quacumque ratione falsa haec enunciauit. Nec potuit *Gentili* de *Alciati* transitu ad Turcas, si etiam accidisset, aliquid innotescere, cum ab huius consortio paulo ante seiunctus, quo tempore absque vlllo dubio adhuc inter Antitrinitarios extitit. Falsissimum enim erat, quod *Val. Gentilis* addidit, nullum sibi iam pridem cum *Alciato* fuisse commercium. Veri simile videtur de *Porta* circa annum 1579. quo *Alciatum* ex Raetia proscriptum narrat, hallucinatum esse, cum *Ruarus* adductis specialioribus circumstantiis et testimoniis narrationi suae fidem faciat, in ep. ed *Calouium*, d. 3. Non. Apr. in Epp. Cent. n. 47. scribens: Tu noris *Alciatum* in hac vrbe (*Gedani*) vitam per aliquot annos christiano ritu, singulari cum pietate, exegisse, et moriturum animam Christo Seruatori commendasse. Id CATHARINA WEIMERA uxoris meae auia, quae tanquam vicinum in platea, quam caninam vocant, habitantem, familiariter norat, et morti eius interfuit, marito suo *Dauidi Wernero Büttelo*, (*Sociniano*, de quo in *Hist. Socin. Pruss.*) qui adhuc in viuis est, saepius narrauit. Socrus quoque mea, uxorem eius viduam, quae marito annos aliquot superuixit, sibi soepe diuque visam in hac vrbe, vel heri mihi retulit. *Cyprianus* l. c. C. 7. hanc *Ruari* narrationem in dubium vocauit, quia vetulam tantum quandam pro auctore habet, eandemque *Ruarus* sublestae fidei, qui ipse extitit *Socinianus*, narrauerit. Verum et vetula in hac caussa indubitatum testimonium dare potuit, et *Ruarum* partium studio ductum mentitum esse, quae dixit, iniquum est sibi persuadere, maxime cum mendacii huius isto tempore a *Calouio* conuinci potuerit. *V. Zeltnerus* l. c. p. 199. et in notis ad *Ruari* ep. p. 184. *La Croze* diss. hist. T. I. p. 138. Fortassis *Alciatus*, antequam *Gedanum* appulit, regni Ottomannici fines ex Po-

lonia in Morauiam, vel inde Prussiam commigrando at-
tigit, quod rumori de ipsius Apostasia locum fecit. *Bay-*
lus perhibet famam de *Alciati* ad Muhamedanos transitu,
ex itinere eiusdem in Turciam, securitatis causa suscepto,
ortam esse, sed de hoc nullum reperitur vestigium. Mi-
rum tamen videtur, cur *Alciatus* in vita degens, cum haec
Apostasiae eius fama percrebuit, falsi huius rumoris ca-
lumniam non refutauerit; cuius vero silentii obseruari
variae esse potuerunt causae, nec inde pro contraria sen-
tentia validum argumentum sumi potest. V. *Pet. Adolph.*
Boysen de *Apostasiae merito et falso suspectis*, p. 25. seqq.
Vxoratum fuisse eum, ex allegatis *Ruari* verbis constat;
eum autem non egenum, sed opulentum exstitisse coniici-
mus, quod *Alciatus* quidam, qui filius *Jo. Pauli* sine dubio
fuit, a. 1586 Synodo Socinianorum Lublinensi sumtum
partem ex propriis suis facultatibus obtulerit, vt *Fausti*
Socini Responso ad *Volanum* typis exscriberetur, testantibus
id *Act. Msc.* Quod ad illius sententiam in specie attinet,
diuersa eum a *Gentile* credidisse manifestum est; hinc nec
Tritheitis, nec *Arianis* stricte dictis, sed potius *Socinianis*
accensendus. *Moreri* in diction. tit. *Alciatus*, in *Ariano-*
rum classem eum collocat, cum tamen epp. eius ad *Greg.*
Pauli datae clare efficiant, credidisse eum, Christum non
exstitisse, antequam ex Maria nasceretur. Vid. B. A. P. I,
p. 7.

In recensendis primis Socinianismi initiis ex Italia
repetendis, ad *Georgium Blandratam* accedimus, inter
primos haereseos huius statores referendum, quem *Beza*
Praef. ad *hist. Gent.* p. 14: „*Gentili* quidem indoctiorem,
sed multo etiam impudentiorem et sceleratiorem adpellat.
Fuit is *Italus Saluciensis Pedemontanus*, omnino iis accen-
sendus, qui in *Italia* exorbitantis ingenii dubiis in Arti-
culo de S. Trinitate hinc inde volutabantur, quamuis eun-
dem collegiis in agro Vicentino institutis, interfuisse,
certo statuere nequeam. Medicis scientiis imbutus, per
Italiam

Italiam insignis ipsius fama celebrabatur. Primum *Papiae*, quae *Ticinum* alias dicitur, aliquot annos vitam egit, et iuxta artis suae studia ac medicae praxis exercitia, speculationibus theologicis ad Philosophiae spuriae gustum compositis, curiosus nimis et temerarius vacabat. Quae in Deum impia ipse excogitauerat, vel ab aliis hauserat, verbis propalare, suorumque placitorum socios et defensores sibi conducere non destitit; hinc multum non abfuit, quin in iudicii ecclesiastici inquisitionem inciderit. Opportuno autem tempore *Ticino* elapsus, circa annum 1556 *Geneuam* venit, seque coetui ex *Italis* collecto associavit. Quod iam ante hanc ex *Italia* fugam, in *Poloniam* et *Transylvaniam* se contulerit, ibique ut experientissimus Medicus magnam iam isto tempore consequutus sit famam, inde vero *Italiam* reperierit, *Saligius* l. c. T. II. p. 625. prodit. Nullum dubium est, *Blandratam*, postquam in *Polonia* et *Transylvania* praxi sua medica celeberrimam famam, nec non opes haud mediocres acquisiverit, *Genevam* se iterum ad breue tempus contulisse, et *Tigurinam* quoque rempublicam, cum pluribus Germaniae urbibus salutasse, ac quocunque loco aeternam Christi deitatem primum indoctis et plebeiis quavis occasione dubiam reddere, deinde doctis et eruditis opiniones suas explicare studuisse. Exposuit eas *Genevae* Pastori coetus Italici, *Maximil. Martinengo*, qui tantum aduersus eundem odium concepit, ut eius ope atque consiliis in suo ac coniugis suae morbo uti amplius detrectaret. Non veritus est, ipsi *Caluino* mentis suae aperire cogitata, qui soluere eius argumenta, eumque veriora docere in initio non recusavit. Cum vero tela haec saepius vibraret, nouis semper Machinationibus instaret, solidamque refutationem ac conuictionem abnueret, *Caluini* iram in summo gradu sibi contraxit. Saepe huic testabatur, responsionibus ipsius sibi quantum satis est, factum esse; breui autem tempore iisdem armatus telis rediit, nec sciscitari et scrutari desit, quae plus vna vice iam iam audierat. *Calvinus*

proinde eum, ut ipse fatetur, ep. 321. ita est alloquutus: „*Vultus tuus detestabile monstrum mihi ostendit, quod in corde occultum foues.*” His aliisque increpandi formulis eum aspere obiurgauit, ut, si fieri posset, corrigeret perfidiam et fallacias, dolosque tortuosos, quorum fastidio quodammodo erat defessus. Nec ad ea quidem desit inuisere *Caluinum*, ac cum eo colloqui, qui ad eius dubia denuo prolata tandem peculiari scripto respondebat, quod inter acta *Val. Gentilis* compareret. Cum vero *Blandrata* *Caluinum* ex scripti autographi contentis diffamandi ansam arripuisset, hoc ipso inimicitiae et irae *Caluini* maiora dedit incitamenta, qui, quamuis prae se ferret, illatam sibi iniuriam non esse ulturum, *Blandratae* tamen timorem incussit, ne forte Magistratum iniuriarum vindicem excitaret. Contigit praeterea alius casus, qui ipsum in hoc timore confirmauit. Cum *Caluinum* in auditorio docentem attendere aliquando statuerit, ingredientem forte *Syndicum* conspexit, de quo *Blandrata*, malae conscientiae stimulis compunctus, suspicabatur, quod a Senatu missus ipsum hoc loco perquireret. Sudario proinde naribus admoto, quasi sanguinis stillicidio laboraret, et *Caluini* auditorio et *Geneua* eodem tempore elapsus est, ac nunquam iterum in urbem rediit; fortasse tamen primum ad breue tempus ad *Fargiarum* pagum *Matth. Gribaldi* se recepit. Ita *Beza* l. c. p. 15. inquit: „*Blandrata cum sibi a Caluino satisfactum diu simulasset, tandem vanissimo timore a semet ipso expauesactus, quasi a Magistratu quaereretur, repente et ipse ex urbe in vicinam ditionem aufugit.*” Non tamen vanissimo eum timore pauesactus esse, *Calvini* character, ipsiusque *Blandratae* confessio docent; ubicunque enim locorum in Polonia serio testabatur, sibi a *Caluino* paria fata, quae *Serueto* fuisse destinata.

Quae *Geneuae* egerit, et quos cum eo labores suscepit *Calvinus*, hic in compendio recensuit, et historiam hanc litteris suis ad *Felicem Crucigerum* huiusque collegas,
nec

nec non ad Ministros et Seniores Ecclesiae Vilenensis, Geneuae d. 9. Octobr. 1561. scriptis adtexuit; qui etiam *Blandratam* in Poloniam profectum biennio post pluribus epistolis prosequutus est. Ita vero l. c. inquit: „*Ne putetis temere fuisse quicquam a me creditum, historicam narrationem dictavi, quae vos omnium certiores faceret. Tacere vero in tanto vestro discrimine fas non fuit, cum intelligerem, non modo lupum in ouile admissum fuisse, sed ouibus datum esse custodem. Nunc tamen si respiscere in animo habeat Blandrata, re ipsa demonstraret. Quod si mihi reconciliari velit, ignoscere paratus sum, simulac mutatum fuisse in melius cognouero. Sed profecto vobis illudit, dum se indigne traductum fuisse conqueritur. Quid? cum scirem impiis deliriis imbutum, an non fuisset proditorium, de tanto vos non commune facere periculo? Sincere ergo de salute vestra sollicitudinis officium praestiti, cuius nunquam me poenitebit. Valet d. 9. Octobr. a. 1561.*

Geneua a. 1558 in Poloniam secessit, non vero, ut *Hornius* putat l. c. p. 351 statim post *SERUETI* supplicium. V. *Bayle* l. c. Primum ipsius nomen in *Act. Synod. Msscc.* ad annum 1558 legitur, mense Nouembri, quo tempore *Synodo Pinczoniensi* interfuit. E Polonia eum ad tempus in Heluetiam rediisse, et ex *Bezae* ep. LXXXI. colligitur, ita enim inquit: „*Ita fors tulit, ut BLANDRATA, qui medicinam diu in Polonia primum, deinde in Transylvania apud Reginas fecerat, eo reuerteretur.*” *Narrant de Porta* l. c. L. II. c. 23. p. 632. anno 1579 vna cum *Alciato* in *Raetia* circumiuit, et haereseos suae socios confirmavit. Ambo enim d. XI. Jan. eiusdem anni a comitiis trium foederum, solum *Raeticum* deuitare iussi sunt, statutumque, ut si pererrare deprehendantur, capti iudicio ad dicendam causam sisterentur. Praecipuum dubium, quod *Geneuae* agens *Caluino* proposuerat, teste *Lubieniecio* fuit: *Quicumque innocat Deum illum Deuter. VI. propositum, qui est ex sententia Trinitariorum,*

P. F. et Sp. S. debet inuocare per Mediatorem. Sed P. F. et Sp. S. simul non habent Mediatorem. Ergo simul non inuocantur. Vocat illud *Lubieniecius* praeualidum, quod debita responsione dilui non potuerit; quod nemini de *Caluino* persuadebit. Praesentem in Polonia, propter experientiam in re medica, omnes, inprimis ii, quos iam antea in hoc regno sibi amicos conciliauerat, humanissime exceperunt. Tanti eum fecit Rex, ut eidem curam regii corporis committeret. Felicissimus rerum in initio successus, quo in hoc regno utebatur, etiam *Alciato* et *Val. Gentili* incitamento fuit, in hanc terram abeundi, ad quod ab ipso *Blandrata* inuitati erant.

Sed paulo post animus ipsius ad haeresin non tantum propendens, sed eadem plane occupatus, Reformatorum in Polonia coetui, cui se iungere statuit, expositus est. *Caluino* in hac ipsa loci distantia non defuerunt media, aduersario suo damnum inferendi, vel saltem orthodoxe sentientes in mysterio S. Trinitatis admonendi, ut sibi ab homine hoc eiusque consortio, quam maxime caverent. Dedit praeter eas quarum paulo ante mentionem feci, ad *Vilnenses* Ecclesias litteras, (v. *Caluini* Epp. N. 319.) in quibus de *Blandrata* hoc modo iudicauit: „Valde miror hominem, quem sola ostentatio et fastuosus vultus commendat, tanti apud vos fieri, ut quasi nouus *Atlas* Ecclesiam sustineat suis humeris. Certe tam inconsideratae credulitatis nisi me puderet, gentem vestram non amarem.” Et in ep. 320. „Vnum non dissimulo, eos, qui tam humaniter *GEORG. BLANDRATAM* exceperunt, parum fuisse cautos et prouidos et male consuluisse vestrae existimationi. Magis etiam miror, quosdam primariae auctoritatis viros grauiter offendi, quod libere hominem detexerim.” Et ep. 321. „Ergo non vulgare fecit operae pretium longo itinere, quod tantum sibi nomen acquisiuerit. Nullus est apud alias gentes, vos admiramini non aliter ac angelum e coelo delapsum. Vestras delicias minime vobis inui-

in iudeo.” His aliisque *Caluini* litteris, haud parum impedita sunt *Blandratae* ipsiusque sociorum et amicorum molimina in Polonia; maximum vero ipsius consiliis obstaculum posuerunt dissensiones et certamina inter eos, qui quidem in oppugnando S. Trinitatis mysterio consenserunt, sed in diuerso oppugnandi modo et in aliis doctrinae momentis quam longissime ab inuicem discreparunt.

Vixit aliquamdiu *Blandrata* sub Principis NICOLAI RADZIUILLII, *Palatini Vilenensis* tutela, qui eum quoque a. 1561 die 25. Jan. ad Synodum ablegauit, *Pinczouiae* die 30. Jan. instituendam, quod *acta Mscta* testantur; ex quibus corrigendus est terminus a *Wergescio* et *Baylio* ll. cc. d. 25. Junii notatus. Huic synodo *Blandrata* fidei suae confessionem a veritate orthodoxa non adeo alienam, nisi quod aliud in corde senserit, quam protulerit verbis, exhibuit. Quae vero ab eodem *acta* sunt, in synodis, qua ratione Regni Magnatibus sua commendauerit placita, et quae praeterea in *Polonia* et *Transyluania* expertus fuerit fata, in *hist. Socin. Polon. et Transylu.* ex *Act. Mscc.* exposituri sumus.

Flagrantibus inter ipsos Antitrinitarios dissensionibus, cum *Blandrata* animaduerneret sibi contradicentes, nec quod vnus omnium esset, qui auctoritate in Polonia valeret, de sede sua mutanda cogitauit; cui etiam commoda praesto erat occasio, cum 1563 a JOANNE SIGISMUNDO *Transyluaniae Principe*, ob eximiam in arte et praxi medica scientiam, vt valetudini suae praeesset, euocaretur; quod munus suscipiens in *Transyluaniam* concessit. Quamdiu in Polonia vixit, *Ecclesiarum minoris Poloniae Senior* exstitit; ita enim epistolam Ecclesiae Lublinensi scriptam d. 29 Septembr. 1561 quam *Mscptam acta synod. 1561* seruarunt, subscripsit: *Frater Blandrata Doctor et Senior Ecclesiarum minoris Poloniae*. Ab hoc autem tempore *Jo. Sigismundi*, nec non *Stephani et Christophori*

stophori Bathoreorum, Transyluaniae Principum, immo et *Stephani* ad regnum Poloniae iam euecti, archiater, ac consiliarius intimus salutabatur. *F. Socinus* in ep. qua secundam responsionem ad *Volanum* ei dicauit, eum appellat: *Stephani inuictissimi Regis Poloniae* etc. *archiatrum et consiliarium intimum, Dominum ac patronum suum perpetua obseruantia colendum.* etc. In eadem epistola *Blandratam*, qui multum apud Regem eiusque fratrem *Christophorum*, et Filium *Sigismundum* Transyluaniae Principem pollebat, precibus efflagitauit, vt ipsius opera in horum Principum notitiam adduci, locum suae doctrinae ac coetui facere, praesidiumque aliquod tandem impetrare posset. Quas *Blandrata* in Transyluania cum *Francisco Davidis*, quem secum traxerat, habuerit pugnas, qui ad *Iudaizantium* castra transiit, et negata Christi deitate invocationis honorem simul eidem denegauit, et qua ratione acerrimum aduersarii sui *Antagonistam*, *FAUSTUM* nempe *SOCINUM* ex Heluetia in Transyluaniam accessiuerit, in *Hist. Socin. Transylu.* enarrabimus.

Tandem lucri cupidine ductus, cum *Stephanum* Poloniae Regem animaduerneret, magis fauere Iesuitis, quam Socinianis, in studio suo horum commodis inseruendi frigescere coepit, quo mutato habitu maiorem Regis liberalitatem et optima munera lucraretur. *F.* proinde *Socinus* tristes effudit querelas de ingratitudine illius erga Ecclesias vnitarias tandem demonstrata, in libro aduersus *Wueckum* C. XI. p. 33 ita inquires: „Haud „paulo ante mortem suam, viuentē adhuc *STEPHANO* Re- „ge Poloniae, in illius gratiam, et quo illum erga se liberaliorem, (vt fecit) redderet, plurimum remisisse de „studio suo in Ecclesiis nostris Transyluanicis nostris- „que hominibus iuuandis, immo eo tandem deuenisse, vt „vix existimaretur priorem, quam tantopere fouerat, de „Deo et Christo sententiam retinere: sed potius Iesuitis, „qui in ea prouincia tunc temporis *STEPHANI* Regis et „eius

„eius fratris CHRISTOPHORI Principis, haud multo ante
 „vita functi, ope ac liberalitate non mediocriter florebant,
 „iam adhaerere, aut certe cum eis quodammodo collude-
 „re. Illud certissimum est, eum eo tempore, quo li-
 „beralitatem, quam ambiebat, Regis Stephani erga se est
 „expertus, coepisse quosdam ex nostris hominibus, quos
 „carissimos prius habebat, et suis opibus iuuarat, sper-
 „nere ac deferere, etiam contra promissa ac obligationem
 „suam, et tandem illos penitus deseruisse, atque omni
 „verae et sinceræ pietatis studio valedixisse, et solis pecu-
 „niis congerendis intentum fuisse, quæ fortasse iustissi-
 „mo Dei iudicio, quod grauissimum exercere solet contra
 „tales desertores, ei necem ab eo, quem suum haeredem
 „fecerat, conciliarunt.”

Multas ipsi dedit *Galenus* et insatiabilis auri fames, opes, quas ætate prouectior audissime cumulauit; quamvis ipse coelebs non habuerit prolem. Suum igitur ex fratre nepotem opum suarum constituit haeredem, a quo, opulentæ hereditatis quam primum obtinendæ cupido, in lecto iacens suffocatus dicitur. De obitu eius LEON. RUBENUS *de Idololatria*, L. II. C. II. has exposuit circumstantias: „*Blandrata quo cum sano ante aedes eius fuisset, secunda nocte subito extinctus est, utrum a Satana, an ab affine, toto, quo fui, in Transyluania tempore, sub iudice lis fuit. Hoc certum, quod optimo, priusquam cubitum concederet, vino incaluerat.*” Hoc sane plurimum testimonio confirmatur, quod mane in lecto faucibus laqueo constrictis interstinctus repertus fuerit. Errat proinde MAIMBURGIUS, qui ex *Rescio de Atheismo euang.* refert, eum in rabie esse defunctum. Quo præcise anno mors eius contigerit, certo dici nequit. Eum adhuc a. 1585 superstitem fuisse, sed 1592 iam ex vita discessisse constat. Secundum quosdam anno 1586; secundum alios 1588 die 14 Maii exspirauit. A vero igitur aberrant, qui eum a. 1606, vel a. 1611 obiisse narrant. Anno 1592 eum iam in uiuis non fuisse ex *Antiwujecko Socini* discimus, qui

qui a. 1592 concinnatus. Ex mutata ipsius sententia *Zeltnerus* l. c. p. 182. n. D. recte rationem petit, quare ne verbo quidem in tota *crypto-Socinismi Altorfni* historia atque confabulationibus sodalium et studiosorum, *Blandratae* mentio facta fuerit. Felicissimae praxis medicae fama, *Blandratae* nomen vbique celebrauit. Apud *Joannem Sigismundum* Transyluaniae Principem, semper aegrotantem et morbis conflictatum, *Stephanumque* Poloniae Regem ita se acceptum reddidit, vt medicis omnibus praeferretur. Fausti successus in curandis aegrotis singulare documentum *Jo. Mich. Brutus*, Regis Poloniae historicus seruauit in ep. ad *Jo. Cratonem a Crafftheim*, *Albae Juliae*, Cal. April. a. 1574 scripta, et huius epistolarum libris quinque, *Cracouiae* 1583. 8. editis, p. 109 inserta, qua sibi, isto tempore lethali morbo decumbenti, auxilio adfuisse *Blandratam* praedicat.

Ad eius placita speciatim quod attinet, non haec aestimanda sunt ad fidei confessionem synodo exhibitam, hanc enim sub bona specie et ad auertendam malam famam insinuauit. In genere mysterium Trinitatis plane negauit; in initio tamen adhuc dubius haesisse videtur, ad quam sese verteret partem. Adspirauit autem primum Arianorum doctrinae a *Val. Gentili*, cuius intimus fuit, seductus, eiusque discipuli notante *Sandio* in *H. E. enucl.* p. 428 palam nomen et doctrinam *Arii* tuebantur. Verum non diu in his castris arma tulit; sed *Samosatani* dogmata amplectebatur, ad quae per *Franc. Davidis* errores pertractum esse, testatur *BEZA* ep. 81: *Incidit BLANDRATA in Transyluaniam rediens in quendam FRANC. DAVIDIS, paulo magis quam superiores illi, vt aiunt, prouidum, qui cum nimium crassam esse, illam Tritheitarum blasphemiam simpliciter propositam animaduertisset, maluit omnia inuoluere, permixtis omnium pene hac in re haeresium commentis, quam simpliciter suam sententiam profiteri.* *Sandius* l. c. p. 428 inquit: *BLANDRATA postea in*
de.

deliria Sabelli et Samosatani incidit, teste ipso Valentino Gentile. Quantam in eum, antequam cum Jesuitis rem communem fecit, fiduciam collocauerit *F. Socinus*, qui ipsum validissimum *coetus sui fulcrum* iudicauit, ex huius ad illum epistola, quam allegauimus, in Epp. F. S. p. 690 patet. Nec dubitandum, quin *Blandrata* inter principes promotores sectae Vnitariorum in Polonia et Transyluania exstiterit; quod alio loco pluribus comprobaturi sumus.

Scripta eius in B. A. P. I. p. 56 recensita a nobis leguntur. Ad duplicem ea referri possunt classem; *alia* enim ipsi propria sunt, eumque auctorem agnoscunt, *alia* eius cura et auctoritate in Transyluania luci exposita sunt, ad quae tamen symbolum suum contulit. Male dicentissimum omnium in B. A. P. I. p. 58. N. 14. recensetur, cui manus admouerunt praecipue *Blandrata* et *Franciscus Davidis*. Adscriptus est liber Principi Joanni II. electo Regi Hungariae, Dalmatiae, Croatiae, etc. per epistolam datam *Albae Juliae*, d. 7 Aug. 1567, de quo ita *Wigandus* in praef. operis de *Seruetianismo* p. a. 3. iudicat: „In hunc librum *Antitrinitarii* quicquid errorum et blasphemiarum habent, in unum quasi aceruum contulerunt, nec potui eum absque horrore ac dolore legere. Nam vidi homines istos in mentem reprobam prorsus traditos, subinde in impietatis gurgitem magis magisque sese immergere, et intellexi, ipsos tamen quosdam suorum deliramentorum applausores inuenire.” Librum istum *Wigandus* ad examen vocauit, ita tamen, vt ad alia quoque *Antitrinitariorum* argumenta responderit. Huius consilii rationem p. 19 b. significat: quia nimirum *Antitrinitarii* in libro illo communi, magno conatu et singulari studio, suas illas rationes et argumenta in unum quasi aceruum conuexerunt — — — Nam in coeteris suis libellis tantum aliis verbis subinde eadem coccisant. *Blandratae* in hoc volumine et alijs scriptis operam commodauit FRANCISCUS DAVIDIS, immo hunc maxima ex parte istorum fuisse compilatorem, ex

F. So-

F. SOCINI fragmento disputat. cum Franc. Davidis de adoratione Christi p. 126 constat, sic enim hunc alloquitur : „Quamquam tu ipse in iis scriptis, quae haecenus communiter cum aliis edidisti, satis aperte aduersus Trinitarios „defenderis, Spiritum S. non esse personam.”

Ex scriptorum istorum communi opera concinnatorum numero est: *Refut. scripti* GE. MAIORIS etc. V. B. A. P. I. p. 61. N. 21. In eodem verba ex I Joh. II. *hic est Antichristus, qui negat Patrem et Filium; quisquis negat Filium, is nec Patrem quidem habet*, a Ge. Maiore exordio libri sui praeposita ita aduersus eundem his argumentis retorquentur. 1) „Quicumque nobis Deum trinum „et vnum, patriarchis, prophetis, et apostolis incognitum, qui Christi Pater esse non possit, proponit, is nec „Filium habet etc. 2) Quicumque vnicum Christum in „persona, et duplicem naturis, alterum videlicet aeternum „absque matre, alterum in tempore absque patre, praeter omnem scripturam, cum Anti-Christo docet, is nec „Filium nec Patrem habet. 3) Quicumque de Christo „doctrinam scholasticam, quae Anti-Christi est, sequitur, is sophisticam et falsam de Dei Filio doctrinam habere cogitur; Atqui etc. 4) Quicumque seposita verbi „Dei puritate et simplicitate, patrum, conciliorum et symbolorum, de Patre et Filio figmenta et varias opiniones, sequitur, is solidam de Patre et Filio doctrinam „habere non potest. 5) Quicumque alium Dei Filium „praedicat, praeter illum, quem misit Pater, et quem „sanctificauit Pater, falsum Dei Filium, vel duos filios „inducere cogitur. Atqui etc.” Vitio petitionis principii haec laborare argumenta, quisque videt; minorum praeterea propositionum probationes vel negliguntur plane, vel iterum petitione principii fulciuntur, et disputatores rei elenchum ignorant. Disputant de Deo confuso ac tripersonato, et orthodoxis affingunt, quod Deum ex essentia et tribus personis compositum: aut ex tribus per-

personis in vnam essentiam conflatum credant. Hinc in fine epistolae dedicatoriae eosdem *Tritheitas* et *Athanasium Tritheitarum antesignanum* appellant. V. de *Blandrata*, *Lauterbach* l. c. p. 98 sqq. *Salichius* l. c. L. VI. C. IV. T. II. p. 643 sqq. et p. 847 seqq. *Hornbeeck* l. c. p. 25. 26. *Micraelius* l. c. p. 958. *Schmeitzelius* diff. de statu *Eccl. Luth. in Transylvania* p. 55. *Paulus Debrezenius* in *hist. Eccl. Reform. in Hung.* p. 147 sqq. *Bayle* l. c. T. I. f. 582 sqq. *Du Pin* l. c. T. I. P. I. p. 338. *Lamy Histoire du Socinianisme* P. I. C. XIII. p. 46 sqq. et P. II. C. XVI. p. 318 sqq.

Inter eos, qui circa 1546 in agro *Veneto* conuentus de rebus sacris instituerunt, *NICOLAUS PARUTA* natione *Italus* collocatur. *Parutarum* gens in *Luccensi* republica, ob praeclara in patriam merita, insignem gloriam obtinuit. *Paulus* circa annum 1317 patriae suae ob belli rempestatem, a Pontifice et Caesare excitatam valedixit, ac *Venetias* habitationis suae locum elegit. Fuere *Paulo* tres filii, *Ambrosius*, *Joannes* et *Bartholomaeus*. *Bartholomaeo* autem nati sunt septem filii, ex quibus aliqui et literis et munerum functione, clarum nomen consequuti sunt. V. *Niceronius* l. c. T. IX. p. 376 sqq. et *Jo. Fabricius* l. c. P. V. p. 538. De *Nicolai Parutae* vita ac fati scriptores, quos in consilium vocavi, altum seruauerunt silentium. Diuersus fane est a *Nicolao Paruta*, *Patritio Veneto*, ex legationibus dextre peractis celeberrimo, de quo *FREHERUS* in *theatro vir. erud.* f. 947. Nostrum *Antitrinitarium* aliquot annos in *Morauia* commoratum esse, omnes, qui nominis ipsius mentionem fecerunt, significant. Probabile est, ipsum eandem viam ingressum esse ex *Italia* in *Heluetiam*, et inde in *Poloniam* et *Morauiam*, quam reliqui, quos in scenam produximus, incesserunt, eumque tanquam priuatum vixisse, nec adeo disseminandis erroribus suis intentum fuisse, quo reliquos studio incitatos vidimus. Si enim aliter cum ipso res se haberet,

maior eius fama in libris et Aëtis Antitrinitariorum celebraretur. Propria *Parutae* placita, tacentibus de iis monumentis manuscriptis atque impressis indicari nequeunt. *Serüeti* fautoribus adnumeratur; quod, cum de pluribus exsulibus Italis, collegiorum Vicentinorum sociis, dici debeat, de eodem quoque valere, veri haud ablimile videtur.

Nec plura de FRANCISCO NIGRO dicenda suppetunt, quem istis Italicorum collegiis de religione institutis interfuisse, *Lubieniecus* ac *Sandius* l. c. p. 19 referunt, quamvis in *B. A. Sandii* nulla eiusdem specialis mentio facta sit. Vocatur *Bassianus*, seu *Bassanensis*, alias *Louerio* ex *Valle Tellina* oriundus. Conuentibus Vicentinis vel omnino nunquam, vel saltem 1546 non interfuit. Iam enim circa annum 1543 *Clauennae* in *Raetia* cum *Stanckaro* commorabatur, et cum *Camillo* in controuersis sacramentariis rem communem faciebat, plurimasque ibidem excitabat dissensiones. Studiosus exstitit *Stanckari* assecla, cum quo in articulo de Sacramentis, ab eodem persuasus, consensit. *De Porta* de eodem iudicat l. c. quod fuerit vir facilis, non satis constans et firmus; alias vir bonus. Qua ratione vna cum *Camillo* et *Vergerio* Ecclesiam *Clauennemensem* per noxias quaestiones turbauerit, et ministris molestiam attulerit, *de Porta* prolixè narrat l. c. p. 91, qui quoque notauit eum apud Nobiles *Raetos* Paedagogum egisse. Quae posthac habuerit fata, et quae singularia in mysterio S. Trin. conceperit placita, ignoramus; id saltem sciscitantibus nobis comperire contigit, eum cum aliis huius generis hominibus in *Moravia* vixisse, ibidemque cum Anabaptistis vel societatem iniisse, vel eandem ambiisse. Sine dubio idem est, qui hoc nomine in historia litteraria celebrem famam tulit, scriptisque de situ et moribus *Rhaetorum*, de regulis elegantiarum, nec non libello satyrico, cui titulum fecit: *Tragedia di libero arbitrio*, di F. N. B. aliisque pluribus inclaruit. V. *Schelhornius* l. c. T. II. p. 29.

Chorum

Chorum claudit eorum, qui collegiis istis Vicentinis interfuisse creduntur, *Marcellus Squarcialupus*, Plumbinensis Italus, propter Religionis causam ex patria profugus; de quo nihil fere nosse datum est, praeter quod in B. A. P. II. p. 907. de eodem significauimus. Cum a. 1570 per conuentum *Curientem* in *Raetia* ab Euangelicis dogmata Ariana, Anabaptistica et alia quaecumque a cynosura sanae doctrinae aliena damnarentur, *Squarcialupus*, hoc tempore in regionibus Raeticis viuens, decretum hoc scripto memoriali iniuriae accusauit, et, vt aboleretur vsit, vna cum *Bartholomaeo* quodam *Syluio* et *Mino Gelfo Senensi*, nuper ex Italia adfuga. V. *de Porta* l. c. T. I. L. II. p. 502. *Tobias Eglinus* ad *Bullingerum* d. 18. Febr. 1572 ita scribit: *Plurii* nouus surrexit Academicus, nomine *Marc. Squarcialupus*, Medicus, homo doctus, qui prodigiosam istam quidquid sentiendi impune sententiam, non mediocribus viribus asserere, procul dubio conabitur. V. *Mus. Heluet.* P. XVII. p. 137.

§. XIII.

Bernardum Ochinum Senensem Italum haud pauci Antitrinitariorum numero eximendum iudicant, aliis contrarium statuentibus; quem eadem opinione, qua reliquos in hoc fidei articulo aberrasse a vero, solidis ducti argumentis arbitramur, quem quoque *Sandius* huic ordini accensuit, ad cuius etiam consensum *F. Socinus*, alique Antitrinitarii haud raro prouocarunt.

*

*

*

Multi historiae ecclesiasticae Scriptores *BERNARDI-
NUM OCHINUM*, quem etiam *Occhinum* et *OCELLUM* esse
appellatum scimus, numero eorum, qui in primis fidei

christianae articulis de mysterio S. Trinitatis et Christi deitate a vero declinarunt, eximendum putant; sed instituta librorum ipsius lectione et vniuersa re accuratius considerata eidem inter Antitrinitarios recentiores competere locum, arbitramur. Numquam eum fuisse sodalem conuentuum Vicentinorum, quod *Sandius* ac *Lubieniecus* perhibent, si isti a. 1546. demum instructi fuerint, nec eundem excessisse Italia isto tempore, quo illi a Magistratu dispersi dicuntur, indubitatum est; cum iam circa annum 1542 *Italiae* valedixerit, ac *Genueae* habitaculum suum fixerit. Dubie quoque SANDIUS in app. ad *nucl. H. E.* p. 90. hac de re loquitur: „An inter eosdem fuerit *Bernard. Occhinus*, qui anno circiter 1546 in Italiae ditione Veneta, apud Vicentiam colloquia ac collegia frequentarunt, certo asserere non ausim.”

ERAT OCHINUS conterraneus LAELII SOCINI, *Senensis Italus*, *Senam*, urbem *Tusciae* fere principem et Academia inclutam, patriam nactus, quo loco a. 1487. natus; territorio enim *Tigurenfi* a. 1563 eiectus, natum se dixit annos septuaginta sex. De ipsius parentibus non constat. Singulari quidem et ampla eruditione instructus non erat; vix enim linguae latinae gnarus et in theologicis mediocriter versatus: attamen naturae donis insigni copia exornatus, quibus id facile compensabat, quod in disciplinis studio acquisitis ipsi deerat. Praeclara enim intellectus ac ingenii vi praeditus, commendabilem mentis suae cogitata explicandi facilitatem ac dona praecipue paraenetica et homiletica habuit. Linguam vernaculam tanto ornatu ac habitu loquebatur, ut omnes auditores in stuporem raperet. Ordinem ingressus fratrum *S. Francisci*, de obseruantia nuncupatorum; cum vero adparere inciperent fratres *Capucini*, eorum visa viuendi austeritate, a. 1534. habitum assumpsit, huiusque ordinis tandem *Generalis* existit. Ante hoc tempus eum studio medico operam suam nauasse, traditum est. Sunt quidam, qui
eum

eum pro ordinis *Capucinatorum* auctore habent, vel inter quatuor priores collocant, qui illi professionem dederunt. Cum vero ista Monachorum societas iam a. 1525 initium ceperit, et a. 1528. a P. R. *Clemente VII.* constitutione publica confirmata fuerit, *Ochinus* autem teste *Raemundo* in *hist. haer. saec. XV.* p. 231. a. 1534. demum in eundem fuerit receptus; a veritate declinat *Beza*, qui eum *Capucinatorum* ordinis auctorem habet. V. *Memoire de Litterature de M. Salengre* T. I. p. 183. 184. *Spondanus* ad annum 1525. N. 27. testatur, plures trecentis huic ordini fuisse adscriptos, antequam *Ochinus* a. 1534. in eundem reciperetur. Testantur historiarum monumenta, vel *Matth. de Bassio* vel *Godofredum Varagium Buscanum*, Pedemontanum, sodalitatis huius fuisse statorem, quae a longioribus *Capuciis* seu cuculis nomen est sortita. V. *Hottingerus* l. c. P. V. p. 505.

Quod Primario Praefuli Romano a sacris concionibus et confessionibus fuerit, quod plurimi credunt, quibusdam nondum persuasum est. Dubitat hac de re *Baylius* l. c. Adfirmat idem *Lubieniecius* l. c. p. 110. sed nullo assertum hoc testimonio comprobavit. Ordinis sui regulas omni rigore observavit, quapropter magnam sanctimoniae famam consequutus est. Ipse relictis iam Pontificiorum Sacris, non aegre tulit, fuisse aliquanto in papatu Monachum, quandoquidem scelera se non commisisse, quae fortassis patrasset, si extra Monachorum sodalitia vixisset, ipse confitebatur. Maxime per totam Italiam, ob insignem eloquentiam sacram, dicendi feruorem, probosque vitae mores aestimabatur, ut quoque concionatoris omnium praestantissimi gloriam tulerit, et non tantum apud plebem, sed apud Principes et Primates quoque magno in pretio fuerit. Testantur id *Capucinatorum* annales, in quibus *Bzovius* ad annum 1542 de eodem inquit: „In tanta tum erat existimatione, ut unus optimus „totius Italiae concionator haberetur, ut qui admirabili

„quadam cum actione, tum linguae facundia auditorum
 „animos, quocunque veller, raperet, ac tanto magis,
 „quod vita doctrinae resonaret.” Praeter excellentissima
 in arte homiletica dona eum non parum commendarunt
 habitus in prouectiori praesertim aetate, venerabilis ad-
 spectus, singularis viuendi ratio et nonnulla alia, quae
 auctor vitae *Commendonii*, Purpurati de eodem notauit.
 Hoc teste habuit barbam infra pectus undulatam, canos
 capitis capillos, vultum pallidum, qui aduersae valetudi-
 nis speciem prae se ferebat. In itinere semper pedibus
 incedebat, nec umquam equo vehens, aut curru insidens
 visus est, quamquam veteranus et corporis viribus desti-
 tutus. In Principum ac Nobilium palatia susceptus, or-
 dinis sui paupertatem et austeritatem, absque vlla com-
 modioris vitae cupidine obseruabat. In conuiujs vno
 tantum, eoque vilissimo ferculo vescabatur, et vini potu
 modice utebatur, ita ut eodem fere abstineret. Lectis
 commode paratis uti declinabat, terra cubandi ac acqui-
 escendi locus ipsi erat, et pallio pro tegumento utebatur.
 Undique celebrata sanctimoniae ipsius fama unicuique ve-
 nerationem sui instillabat. Eum omnes Magnates ac Prin-
 cipes tanquam virum sanctum et a reliquis hominibus di-
 stinctum honorabant, accedenti obuiam ibant, eumque
 quibuscunque honoris ac gratiae documentis excipiebant,
 eodemque modo abeuntem comitabantur.

Fidem fere excedunt, quae de applausu, quem ser-
 monibus sacris, praecipue iis, qui tempore quadragesi-
 malis ieiunij quotidie habentur, a scriptoribus narrantur.
 Moris erat in Italia, eloquentissimos ex alijs locis inuitare
 Oratores, qui in primarijs celebriorum urbium templis
 sermones istos haberent. Quaelibet igitur vrbs primaria
 desiderio flagrabat audiendi *Ochinum*. In hoc omnium
 de *Ochino* nanciscendo oppidorum certamine difficile sin-
 gulis fuit eodem potiundi. *Veneti*, qui eiusdem a. 1538
 tempore quadragesimali consequendi, magno tenebantur
 de-

desiderio, *Purpuratum Bembum* flagitarunt, vt in procu-
rando ipsis *Ochino* omnem operam adhiberet, qui *Victo-
riam Columnam*, magni herois *Ferdinandi Dauali* viduam,
quae apud *Ochinum* multum valebat, rogauit, vt hunc
persuasionibus suis commoueret, anno sequente 1539
flagrantibus *Venetorum* satisfacere votis. His arbitris
Veneti expectationis suae compotes facti, eum praedican-
tem, tanto exceperunt suffragio, quanto ante hac nemi-
nem; quod *Bembus* d. 23. Febr., 15. Mart. et 4. Apr. a.
1539 per epistolas *Victoriae Columnae* significauit. V.
Schelhornius l. c. T. III. p. 771 seqq. *Bouerius*, quamuis
l. c. aduersus *Ochinum*, quem Apostatam appellat, multa
turpia ac scelerata odio ductus perhibeat, eius tamen mi-
randā in concionando, et commouendis adfectibus dona
summīs laudibus praedicat, maximique assensus, quem
in se conuertit, dignus fide testis est. *Perusiae* cum circa
annum 1540 sermonem sacrum haberet, omnes ciuium
oppidi huius lites et inimicitias composuisse dicitur. Pau-
lo post *Neapoli* tanto cum applausu, et in numerosissima
auditorum panegyri, praedicauit, vt vnico Eleemosynae
quaestu, quinque millia aureorum pondus impetrauerit.

Quamdiu in sermonibus aduersus pontificia sacra et
Pontificum ac sacerdotum mores loqui abstinuit, tamdiu
omnibus acceptus, imo Pontifici, Purpuratis, Episcopis,
Praefulibus, magnisque Principibus, eruditis atque illite-
ratis, in magna dignitate constitutis aequae ac inferioribus,
gratus fuit ac commendatus. *QUIRINIUS Purpuratus*, in
Diatriba, tomo III. epp. REGINALDI POLI praemissa p.
LXXXVI. haec scribit: „Nemini mirus esse debet, tam a
„*Contareno*, quam ab aliis doctissimis sapientissimisque
„*Romanae Ecclesiae Praefulibus* magni habitam fuisse do-
„ctrinam, et pietatem *Vermilii* (Petri Martyris) et *Ochini*,
„dum inter Catholicos degerent; eo siquidem tempore,
„quam illi personam gererent, quam religiosam scilicet,
„et sanctam, christianoque populo salutarem, luculenta

„eius aetatis nos edocent documenta. Luculentissimum
 „certe suppeditat Cardinalis *Theatini* epistola ad *Ochinum*
 „in hist. Cleric. Regul. ab *Josepho Silos*, qui eandem ex
 „*Joanne Baptista Tufo* exscripsit, recitata. Inter cetera
 „his verbis eundem Cardinalis *Theatinus* compellat: Tu
 „signaculum similitudinis, tu praece Altissimi, tu tuba
 „longe lateque sonans, tu plenus doctrina, tu decorus
 „scientia, tu Cherubin, eximius et protegens, tu in deli-
 „ciis Paradisi fuisti; posuit te Dominus in monte sancto
 „suo, posuit te in lucernam super candelabrum, posuit in
 „solem populorum, posuit columnam in templo suo, po-
 „suit te custodem in vineis, posuit te pascere gregem po-
 „puli sui. Et infra: Adhuc in auribus nostris resonant
 „illae tuae luculentissimae conciones etc. Adhuc ante
 „oculos nostros appares nudis pedibus etc. Vbi illae
 „tuae voces magnificae de mundi contemptu etc. Vbi
 „acerrimae illae tuae inuectiones contra bonorum cupidi-
 „tates etc. Vbi tu ipse, qui praedicabas, non furandum
 „etc. Vbi tu ipse Magister etc. Quae omnia et de Euan-
 „gelico *Ochini* feruore a Cardinale *Theatino* eleganter et
 „vehementissime (vt scilicet eundem ad bonam frugem
 „reduceret) iuste possent praedicari, promeruerunt mag-
 „nopere vel illae conciones, quas Venetiis (1539) habuit
 „haud multo ante, quam Bononiam ad *Contarenum* adiret;
 „eaeque pariter promeruerunt, vt *Ochinus* Venetiis Ro-
 „mam contendens, Veronae honorifice exciperetur a
 „sanctissimo eius vrbis Episcopo *Matthaeo Giberto* etc.”

Tantis ornatus donis, tantoque exceptus adplausu,
 in generali capitulo, a. 1538: *Florentiae* habito, fami-
 liae Capucinae primarius Antistes et Director, qui vulgo
Generalis dicitur, constitutus est. Anno 1541 circa fe-
 stum Pentecostes *Capucini Neapoli* capitulum celebrabant,
 ad nouum ordinis sui *Generalem* eligendum, quo officio
 adhuc *Ochinus* per triennium insigni cum prudentia et
 omnium voto perfunctus erat. Sed ipsa haec digna mu-
 neris

neris procuratio, et vniuersalis omnium in eundem fauor, ordinis socios permouebant, vt eum in dignitate adhuc optime administrata singulari exemplo ipsoque *Ochino* renitente, tandem vero ordinis auctoritati cedente, confirmarent.

Hoc praecise tempore, immo iam antea meliora in religione edoctus videtur, cum *Neapoli*, (non *Venetis*, quod quidam prodiderunt) consortio *Joannis Valdesii*, Hispani-uteretur, quod *Bouerius* quoque l. c. significat, qui *Ochino Valdesium* discessum a Romana Ecclesia persuasuisse, illique quaedam *Lutheri* et *Buceri* scripta, nec non *Caluini institutionem christianae religionis* ad legendum exhibuisse, exponit. Idem testatur *Caracciolus* in *Collectaneis historicis de vita Pauli IV.* qui p. 240. *Jo. Valdesio* propositum *Ochini* de relinquendis Pontificiorum sacris tribuit, hocque exposito sequentia addit: „*Bernardinus* „(*Ochinus*) magni concionator nominis, ostentatione „asperrimi victus atque indumenti, egregiae sanctitatis „famam sibi conciliauerat. *Petrus* (Martyr) vero lingua- „rum peritia excultus in Coenobio S. Petri, cui praeerat, „Epistolas Pauli Apostoli publice exponendo, ad sensum „haereticorum dextre peruertebat. Initium detegendae „impietatis a Nostreis (Theatinis) factum. Quippe *Cajeta-* „*tanus*, perspicaci vir ingenio, rem odorari coepit. „Aduertit enim dogmata, quae illi Satanae Reipublicae „Triumviri, de purgatorii poenis, de summi Pontificis „potestate, de libero hominum arbitrio, de reorum iu- „stificatione, passim inspergebant, sapere nouitatem, te- „merariam atque adeo detestabilem impietatem. Obser- „uaueratque, *Ochinum* ab vsque anno 1536 quo in aede „S. Joannis Maioris concionatus fuerat, ambiguus qui- „busdam dilemmatis et obrectatione in Ecclesiasticos Ma- „gistratus coepisse auditores nequissimis persuasionibus „inescare. Hoc vero anno 1539 nempe paulo post quam „Nostri Paulinam aedem adepti sunt, is ipse *Occhinus* ci- „licino indumento et raucis declamationibus, hoc est, in-

„strumentis ad concitandam multitudinem instructissimis,
 „e Metropolitanae Templi pulpito multo liberius apertius-
 „que Lutheriana ferebat dogmata. *Cajetanus* igitur, qui
 „ad hos audiendos observandosque et ipse ire, et alios
 „dedita opera mittere solitus erat, nihil iam cunctandum
 „ratus, Cardinalem *Theatinum*, qui tum Romae *Paulum*
 „III. P. M. ad instituendum in ea vrbe supremum Inquisi-
 „tionis Magistratum magis magisque sollicitabat, de iis
 „rebus atque hominibus impiis certiolem fecit, at Nea-
 „politanos interim ipse monuit, vt porro sibi cauere.
 „Denique conatus est modis omnibus hypocritis illis lar-
 „vam detrahere. Quocirca etsi illi sub ouina pelle lupi
 „aliquot annos, cum magna *Campaniae* perniciem latitaue-
 „runt; tamen aliquando tandem, crescente nimirum in
 „dies nequitiae suspitione, et patefactis promiscuis et pu-
 „dibundis virorum ac foeminarum coetibus, quos clan-
 „culum cogebant, omnes, vt periculo praeuenterent,
 „quod sibi ab vrbe imminerebat, alius alio aufugerunt.
 „Ad fugae istorum nuntium Cardinalis *Theatinus*, missa
 „ad *Ochinum* e solis S. Scripturae verbis contexta epistola,
 „qua demulcendo, qua increpando, conatus est reducere
 „errantem ad Catholicas caulas. Sed frustra id fuit. Nam
 „ille paullo post, relicta Italia, Tigurum Heluetiorum vna
 „cum cacomartyre conuolauit.”

In determinando tempore, quo *Ochinus* pro con-
 cione dissentientem animum suum a Pontificiorum doctri-
 na testatus fuerit, *Caracciolus* a vero sine omni dubio ab-
 errauit. Si enim illud a. 1539. iam accidisset, neutiquam
 eidem Capucinatorum ordo a. 1541. in solemni Capitulo
Neapoli habito, dignitatem *Generalis* prolongasset, ip-
 sumque inuitum in eadem confirmasset. Nec illa animi
 mutatio in *Ochino* Cardinali, *Joanni Petro Caraffae* (qui
 sub *Pauli IV.* nomine Pontifex factus) ignota fuisset, qui
 ipse *Theatino* ordini adscriptus, per *Cajetanum Thienaeum*
 de eadem admonitus, *Ochini* dissensum *Paulo III.* denun-
 tiaasset,

traheret, qui electionem illius pro *Generali* ordinis Capucini non confirmasset, sed potius eundem ad dicendam causam Romam citasset. Si verum est, quod *Caracciolus* perhibet, *Ochinum* a. 1539. *Neapoli* sermones pro concione habuisse, id saltem de tempore quadragesimali eiusdem anni intelligi nequit, quo *Venetis* extra omnem controversiam, insigni cum applausu sermonibus passionibus vacavit. Ab omni proinde veritatis specie alienum est, quod idem tradit, *Ochinum* iam a. 1539. Italiae valedixisse, qui potius teste *Bouerio*, a. 1541. occasione Capituli ordinis Capucini *Neapoli* instituti, per *Jo. Valdesium* ad Evangelicorum partes ductus, a. 1542. relicta Italia non *Tigurum* (in quem locum *Pet. Martyr* concessit), quod iterum falso tradit *Caracciolus*, sed *Genevam* se contulit, quemadmodum quoque *Caraffa* ad *Ochinum* epistolam illam non dedit, antequam hic Italia excessit; sed postquam Italiae terminis semet iam eripuerit. Quod interim et *Neapoli* mutandae mentis suae consilia pro concione haud obscure testatus fuerit, imo puriorem doctrinam aliis quoque ibidem suaserit, *Ferreras* testis est, in Hist. Hisp. T. IX, p. 297.

Veneti, teste *BOVERIO* in *Annal. Capucin.* et ex his exponente *Schellhornio* l. c. anhelantes *Ochinum* praedicantem iterum tempore quadragesimalis ieiunii audire, a. 1542. Pontificem magnopere rogarunt, ut illum *Venetias* concionabundum delegaret; qui petitis adnuens Cardinali *Rudolpho Pio Carpenfi*, ordinis p. t. Capucini Protectori mandavit, ut *Ochinum* ad habendum conciones quadragesimales *Venetias* mitteret. Concessit itaque mandato accepto in hunc locum, ac in templo S. S. Apostolis sacro, quod eo tempore primarium in oppido fuit, in maxima nobilium ac civium panegyri sermones expetitos habuit, quibus nonnulla a Pontificiorum disciplina discrepantia immiscuit. Haec cum comperisset *Pontificis Nuntius*, *Ochinum* ad dicendam apologiam adcitavit. Is, cum ea, quae

quae pro concione Pontificiis sacris aduersa adhuc dixerat, circumspēcte et timore praemonitus aequiuoce exposuerat, se coram Nuntio ita purgavit, ut ab eodem primum absolueretur. Cum vero paulo post *Nuntius*, *Julium Mediolanum*, eundemque *Joannis Valdesii* discipulum, ac *Ochini* intimum in carcerem duci iusserat, triste hoc amici fatum, ita commouit *Ochinum*, ut aliquando adfectu concitatus ita libere ad *Venetos* loqueretur: „Quid consilii nobis relictum est o Domini! In quem finem tantas in nos suscipimus molestias ac aerumnas, si illi, o vrbs praecellens! o maris Adriatici Regina! si illi, inquam, qui tibi veritatem praedicant, in custodiam traduntur, in ergastulis ocluduntur, ac catenis et compedibus constringuntur? Quis nobis superstes erit locus, quinam liberior veritati relictus erit campus? Vtinam ingenue et liberaliter veritas annunciari possit! Quot coeci, lumen non adspicientes ac in tenebris palpitantes illuminarentur!”

His *Ochini* animaduersionibus *Nuntius* ad iram provocatus, illi sermonibus habendis continuo interdixit, remque aulae Romanae significauit. Sed *Veneti*, eloquentia *Ochini* capti patrocinio suo obtinuerunt, ut post triduum praedicandi ultro venia illi concederetur, qua accepta in residuis concionibus abstinuit, quibus sibi apud Nuntium, qui exploratores subornauerat, suspicionem contrahere possit. Praecipue eundem et Nuntio et reliquis aulae Romanae seruiliter addictis haereseos suspectum reddidit, orthodoxa articuli de *iustificatione* confessio, de qua ita *Aonius Palearius*, horum optime gnarus in *Actione in Pontifices Romanos et eorum affectas* inquit: „Integerri-
ma vita et admirabili vir *Bernardinus Ocellus* Senensis, cum ex lege non esse iustitiam, sed per Iesum Christum, superioribus annis euangelice et Apostolice doceret, et vos ob id ipsum Italia expulissetis, appellauit Pontifices „Romanos Antichristos.” Imo, ipse, suam de iustifica-
tione

tione hominis peccatoris coram Deo, deque fide iustificante, confessionem, quam tamen admodum obscure publice, priuatim vero multo clarius edixisse fatetur, causam conciliatae sibi persequutionis allegat in ep. ad Magistratum Senensem post excessum ex Italia scripta. Plura huius rei documenta allegauit *Schelhornius* l. c. p. 793 seqq.

Finitis apud Venetos quadragesimalibus, *Athesin (Veronam)* se contulit, in quem locum ordinis Capucini socios Sacro ministerio dicatos adcitauit, quo eosdem ad hoc officium debite institueret. In quem finem illis epistolas Paulinas exposuit, ac dogmata a disciplina Pontificiorum aliena instillauit. Et his ipsis lectionibus, et actione *Nuntii* sui ad rempubl. Venetorum, Pontifex olim *Ochino* admodum fauens, ut ipsi dignitatem Cardinalitiam destinasse crederetur, ad exandescentiam commotus, ut eum narrante haec *Bouerio* per Protectorem ordinis Capucini Romam adcitaret. Is iter hoc Romam ingrediebatur, in via autem *Bononiae* patronum suum *Casp. Contarenum* Cardinalem, haud ita pridem ex comitiis Ratisbonensibus, quibus Legatus Papalis interfuit, reducem, inuisit, quem morbo decumbentem inuenit, ex quo etiam paulo post diem obiit. *Contarenius Ochino* secreta cordis sui exposuit, quod ipse, quamuis fortiter in coeteris momentis restiterit Protestantibus, in hoc tamen, quod per Christum iustificemur, cum illis clam et in animo suo consentiret, narrante haec *Ochino* Tom. I. sermonum, N. X. Hoc loco *Romam* adeundi propositum mutauit, et *Florentiam* potius contendit, ibidem cum *Petro Martyre* colloquuturus, qui vna cum *Ochino* celerrimum cepit consilium, *Italia* excedere; quo statuto intra paucos dies *Ochinus* Geneuam, *Petrus Martyr* Tigurum fuga se recepit. Hoc consilium ut ille caperet, rumor maxime probabilis eum commouit, Romae mortis supplicium sibi iam esse praestitutum, et sex Cardinales ad sententiam de eo ferendam esse designatos. Quemadmodum quoque paulo post certior factus, satellites armatos die 22. Aug.

1542. *Sienam et Florentiam* ad eum capiendum fuisse missos, quorum vero manibus euasit. Exposita haec sunt ab ipso *Ochino* in ep. *Hieronymo Mutio Justinopolitano* Geneua 1543. d. 7. April. scripta, quae Tomo II. sermonum adtexta est.

Ex hac fide digna relatione limitanda paulisper sunt, quae a *Sandio* et *Lubienicio* proferuntur, quod *Ochinus* praesente Papa Romae pro suggestu factum, tyrannidem horrendaque scelera reprehenderit. Nec omnino fidem habere videtur, quae *Sandius* in *Adp. ad Nucl. H. E.* p. 90. narrat: eum pro concione sacra, quasi per prosopopoeiam, argumenta aduersus mysterium S. Trinitatis proposuisse, responsiones vero ad eadem in aliud tempus distulisse, caussando horam elapsam, simul vero ac coetus exiisset, equo ad fugam parato protinus conscenso Roma et Italia excessisse, sicque inquisitores illuisse. *Ochinum* enim in Italia adhuc verbum Dei praedicantem, dubiis aduersus mysterium S. Trinitatis iam constrictum fuisse, nullo testimonio confirmari potest. Multifariam ipse restatus est, nunquam ab ecclesia Romana se discessisse, si in eadem ipsi concessum fuerit Christum, quamuis sub velamine et occulto praedicare. Quidam scriptores Pontificii produnt, eum sua deseruisse, quod spe consequendi Cardinalitiam vel episcopalem dignitatem exciderit; verum hoc cum charactere *Ochini* conciliari nequit, et ex aliis rationibus fidem meretur nullam.

Quae *Florem. Raemundus* l. c. de *Ducissa Ferrariensi RENATA*, quae Euangelicis saepius fauorem suum testata est, opem ferente, et alium amictum subministrante, in fugam se vertenti, vt incognitus iter faceret, narrat, fragmenta non videntur, qualia alias plura auctor iste compilauit. *Geneuam* praecipue se contulisse videtur, quia in hunc locum plures iam ante eum conuenerant exules Itali, quibus peculiari templo adhuc destitutis minister Ecclesiae priuatus praesse, illisque lingua Italica Euangelium

gelium praedicare potuerit. Praeterea Reipublicae Geneuensis disciplina, ordo, constitutiones et leges, nec non cultus facer ipsi accepta fuerunt, quam quoque hanc ob rem magnopere omnibus commendauit, T. I. *sermonum Ital.* N. X.

Maximam, viri per vniuersam Italiam celeberrimi et amantissimi e patria discessus, et ad Euangelicos transitus inter Pontificios conciuuit admirationem et obturbationem. Infensissimus omnium a Pontificiis sacris dissentientium inimicus Jo. Pet. Caraffa, Purpuratus ad eum dedit epistolam, periculum facturum, an ad pristinum coetum reducere possit, huius tenoris: „*Quid tibi in mentem venit, o Bernardine? Quis te malus velut reprobum olim Israeliticum Regem arripuit spiritus? Pater mi, Pater mi, currus ISRAEL et auriga, quem paulo ante quasi in spiritu et virtute ELIAE ascendentem mirabamur in coelum, quid modo cum curribus et equis Pharaonis descendentem dolemus in infernum? quomodo cecidisti Lucifer; qui mane oriebaris? quomodo obscuratum est aurum, et mutatus est color optimus, argentum tuum versum est in scoriam, vinum tuum mixtum est aqua. etc. Quid orbatum lugemus et sterilem, quem innumerabilium videbamus Patrem laetantem filiorum? Totus ad te confluebat Italicus populus, totus inter vbera tua morabatur, tu terram prodidisti, tu populum occidisti: O delire senex, quis te fascinauit, ut alterum tibi confingeres Christum, quem a catholica Ecclesia non didicisti? etc. Ah, quam magnus eras BERNARDINE in oculis omnium, — — Ah, quam pulcher eras et speciosus etc. Confartum illud sacrum tuum rude, rubentes pileos et Pontificum mitras superabat, nuditas tua purpurea pretiosaeque operimenta vincebat, nobile illud stratum tuum in crate ac tabulis, mollissimis cubilibus deliciosius poterat aestimari, profunda illa tua et admiranda paupertas omnes terrae diuitias possidebat; exaltata erat in mundo, et usque ad coelos gloria tua, etc.*

Circa idem tempus d. 20. Octob. a. 1542 OCHINO epistolam Roma scriptam dedit CLAUDIUS TOLOMEUS, quam ex *Italico* in *latinum* transtulit JOACH. CAMERARIUS vna cum OCHINI responsoria. Vtramque iterum excudi curauit SCHELHORNIIUS l. c. T. III. p. 1005 seqq. Ita CLAUDII TOLOMEI ep. inchoat: „Reuerso superioribus „diebus ex villa Romam, noua quaedam mihi subito fue- „re nuntiata, quae non solum noua, sed stulta, incredi- „bilia, formidolosa visa sunt. Dictum enim est, te, ne- „scio quo peruerso consilio, transiisse de exercitu Ca- „tholicorum in castra Lutheranorum, dando nomen se- „ctae illi haereticae et sceleratae. Totus fui consterna- „tus, et quemadmodum dici solet, crucem ante me de- „signaui. etc.” Digna quoque lectu sunt, quae de muta- tione *Ochini* eiusdem intimus ac venerator *Aonius Palea- rius*, in oratione pro se ipso ad Patres conscriptos Reip. Senensis eloquutus est, exposita a *Schelhornio* l. c. p. 987. Idem circa finem epistolae *Jo. Caluino* scriptae inquit: „Commendo tibi conseruum nostrum BERNEARDINUM OCHI- NUM, quibuscunque eum rebus iuueris, Christum iuueris.”

Maxime omnium ordinis Capucini fratres hoc *Ochi- ni* discessu summo moerore adfecti sunt, quod abundan- ter *Bouerius* l. c. testatur, qui semet lachrymis temperare non potuit, cum illud p. 441 seqq. narraret. Per to- tum ordinem, imprimis vero in *Venetorum* dititione rigo- rosum instituebatur examen eorum, qui *Ochini* persuasio- nibus aures ac animum praebuerunt, quo facto alii qui- dem in fugam se dederunt, alii suscepta ab eodem dogma- ta recantarunt. Pontifex Romanus adeo ira accensus fuit hac apostasia, vt sibi proposuerit vniuersum *Capucinatorum* ordinem abrogare, a quo tamen proposito aliorum ro- gatu destitit.

OCHINUS *Geneuae* securitatem nactus, suum ad Euan- gelicos transitum tribus epistolis, vna *Senensi Magistratui*, altera *Claudio Tolomeo*, populari suo, (*Schelhornius* l. c.

p. 1145 seqq.) tercia, Hieron. Mutio Justinopolitano scriptis, lucique publicae expositis defendit, ac aduersus Papam et coetum Pontificium libere testatus est. Hoc loco etiam a. 1543 et 44 quasdam sermonum sacrorum Italicorum collectiones prelo commisit, quibus absens Italis popularibus inferuire studuit. *Geneuae* CALVINUM habuit sibi fauore adspirantem, qui a. 1543 d. 14 Febr. haec MELANTHONI scripsit: „Habemus hic BERNARDINUM Senensem, magnum et praeclarum virum, qui suo discessu non parum Italiam commouit. Is, ut vobis suo nomine salutem adscriberem, petiit.” V. Syllog. Epp. Burmannianam T. II. p. 230. Absentem post aliquot annos a *Geneua*, Calvinus adhuc magni aestimauit, eumque a. 1551 laudabili decorauit testimonio, in libro suo de scandalis. Quod ex Italia meretricem secum duxerit, et cum hac aliorum vestimenta *Geneuae* lauerit, quo se sustentaret, Pontificiorum male animatorum nugae sunt, quae vel ex solis *Caluini* verbis calumniarum arguuntur. Secum vero eum duxisse ex Italia affinem suum et sororem, quos etiam a. 1545 comites habuit *Augustam* se recipiens, certis documentis comprobatum est. Nugis quoque accensendum, quod *Varillasius* et *Spondanus* produnt, eum a *Calvino* *Geneua* fuisse expulsam.

A. 1545 *Geneua* *Basileam* se contulit ad *Sebast. Castalionem*; inde vero eodem anno *Augustam Vindel.* vocatus est, quo loco in templo *S. Annae* sacro, Italicos habuit sermones, quadrimestri stipendio 50 floren. Argumentum concionum, ad quas audiendas Pastores *Augustani* populum hortabantur, petiit ex epistolis Paulinis, magnumque facundia sua apud omnes linguae Italicae gnaros, praecipue mercatores consequutus est adplausum. V. Mart. *Crusius* in *Annal. Sueuic.* T. II. p. 656. Hoc loco PHIL. VLHARTUS *Ochini* explicationem epistolae *Pauli* ad *Rom.* a. 1546 et eodem anno VAL. OTHMARUS eiusdem sermones in epistolam *Pauli* ad *Galatas*, vtrumque

in Germanicam linguam translata, typis exscribi curarunt. Alia quoque duo scripta ibidem in lucem emisit. Eodem tempore JOANNES DIAZIO, *Hispanus*, vir pius, paucis diebus antequam a fratre suo *Neoburgi* ad *Danubium* horrendum in modum d. 27 Martii interficeretur, litteras dedit ad *Ochinum* Neoburgo d. 22 Martii scriptas, quas memoria dignas, *Hottingerus* inseruit H. E. N. T. Tom. IX. saec. XVI. P. V. p. 282.

Rerum isto tempore gestarum ratio eum coegit a. 1547 *Augustae* valedicere, quo loco exoptatissimum adhuc habuerat hospitium. Cum enim Imperator eodem anno d. 23 Jul. numerofo exercitu ad oppidum accederet, *Ochinus* paulo ante *Basileam* concessit. Narrante *Hottingero* in *hist. Helvet.* T. III. p. 776 Imperator ab *Augustanis* *Ochinum* voluit sibi tradi, qui vero iam *Constantiam*, et per *Tigurum*, *Basileam* fuga se receperat. *Basilea* a. 1547 *Argentoratum* demigravit, vnde eum pariter ac *Petrum Martyrem*, Florentinum, Theologiae Professore Argentoratensem, *Thom. Cranmerus*, Archiepiscopus Cantabrigiensis in Angliam euocavit, ut alter *Oxoniae* sacras litteras interpretaretur, alter coetum doceret. V. *Sleidanus* L. XIX. In regionem hanc transmarinam m. Sept. profectus videtur; *Coelius* enim *Sec. Curio*, in ep. ad Jo. *Kekum*, *Londinum* d. 7. Sept. 1547 scribit: „Reliqua, quae breuitas litterarum non fert, a „sapientissimo sene *Bernardino Ocello* cognosces.” In pluribus praeterea *Coelii* epistolis, quae operibus *Olympiae Fulviae Moratae* attextae sunt, *Ochini* cum laude fit mentio. Nullum est dubium, quin in hac felicissima pro veritate coelesti in *Anglia* catastrophe, sceptrum tenente *Eduardo VI.* Rege, *Londini* Italis Euangelium praedica-verit, testante id *NICOLAO SANDERO* de origine ac progressu schismatis Anglicani, qui liber *Oliuae* prope *Gedannum*, in coenobio ob pacis instrumentum notissimo, lucem vidit a. 1690. 8. p. 349. V. *Simleri* oratio de vita
et

et obitu *Pet. Martyris*, p. 13. Quod ibidem *Elisabethae, Angliae* deinceps *Reginae* gratia vsus fuerit, ex dedicatione, qua illi *Labyrinthos* ita dictos voluit sacratos, colligitur. Reliquum vitae suae tempus in Anglia transsegisset, nisi inopinatus *EDUARDI Regis* obitus, et hunc insequuta tristissima Euangelicis sub *Maria Regina* mutatio, quae *Ochino*, pontificiis admodum exoso, crudelissima fata minabatur, et eum et alios compulerit a. 1553 ex regno hoc discedere. De mutata hac in Anglia religionis forma, et durissima persecutione eorum, qui aduersus doctrinam pontificiam testati sunt, etiam post mortem, digna omni memoria leguntur in libro, cui titulus est: *Historia vera de vita, obitu et sepultura, accusatione haereseos, condemnatione, exhumatione, combustione, honorificaque tandem restitutione beatorum atque doctiss. Theologorum, D. Mart. Bucerii et Pauli Fagii, quae intra annos XII. in Angliae regno accidit. Item historia Catharinae Vermiliae, D. Petr. Martyris Vermilii castiss. atque piissimae coniugis, exhumatae, eiusdemque ad honestam sepulturam restitutae. Cum orationibus, concionibus, Epitaphiis variisque Encomiasticis carminibus lectu dignissimis. Omnia paucissimis haecenus visa, 1562. 8. Alph. i. pl. 4. In fine legitur: Excusum Argentiae, apud Paulum Machaeropoeum, sumptibusque Joannis Oporini. A. MDLXI.*

Ex Anglia *Ochinus* se primum contulit *Argentoratum*, inde autem *Geneuam*, in quem locum d. 28 Oct. a. 1553 appulit, adeoque postridie sumti de *Serueto* atrocissimi supplicii, id quod scripto: *Contra libellum CALVINI, in quo ostendere conatur, Haereticos iure gladii coerendos esse*, p. A. VI. narratur his verbis: „BERN. OCHINUS redux ab Anglia *Geneuam* peruenit postridie, quam „SERUETUS combustus est: ad eum venit quidam, qui ei „mortem SERUETI narrauit. BERNARDINUS vero ita loquutus est, vt appareret, ei non probari factum, quae „res eum reddidit inuisum.” Hoc ipsum fortassis triste

Seruetti fatum eum admonuit, post aliquod tempus *Geneua Basileam* contendere, quo loco veterani quidam eiusdem amici adhuc superstites erant, ipse vero vitam editis ibidem scriptis nonnullis sustentare potuit. *Olympia* quidem *Fulvia Morata* in ep. *Victoriae Moratae* sorori scripta, d. 6 Id. Aug. a. 1555 in Opp. illius *Basil.* 1562 p. 198 inquit: „Audio *Bernardinum Ocellum Senensem*, „virum sincere Christianum, *Geneuam profugisse*.” Non vero loquitur de eo, quod proximo tempore accidit, sed de reditu *Ochini* ex *Anglia*, qui iam anno 1553 contigerat. Hinc quoque eadem in ep. a. 1555, nonis *Jul.* ad *Coel. Sec. Cur. Basileam* data, hunc iubet *Ochino* salutem dicere, qui in responsoriis ad *Fulviam, Basil.* 7 Cal. Sept. 1555 scriptis, id se fecisse narrat, l. c. p. 186. *Geneuae* a. 1553 uxorem duxit, obscuri, ut coniecimus, nominis, opibusque destitutam, quae perhibente id *Raemundo* servilibus et abiectis ministeriis vitam misere duxit, et vulgo dicta est *Madame d' Ochina la lingiere*. Si huic scriptori fides habenda, ipse *Ochinus* adeo paupertatis amans fuit, ut diuitias partem diaboli esse dixerit, nec Christi cui fas esse proprium quid habere praeter coniugem.

Basilea a. 1555 *Tigurum* euocatus est, ibidemque *Locarnensi* coetui Italico, cuius etiam membrum fuerat *Petrus Martyr*, Minister praefectus, facta ab eodem antea fidei suae confessione, et praestito iuramento, quo observaturum ritualia ecclesiastica et synodi decretis obedientiam praestitutum, fidem fecit. Praefectura *Locarnensis* vna ex IV. praefecturis est, quas dux *Mediolanensis Maximilianus Sforzia* a. 1513 pagis helueticis, pro praestito sibi in bellicis turbis auxilio cessit. In hoc *Locarnensi* agro iam a. 1531 Monachus Carmelitanus, cui nomen *Balthas. Fontana* Euangelium ab inquinamenti purgatum praedicavit. Hunc eodem loco alius veritatis Euangelicae testis excepit *Jo. Baccaria* a. 1536, qui inter plures calamitates ex Euangelii professione sibi contractas purio-

puriores doctrinam seminavit, ac propterea *Locarnesium* *Apostolus* dictus est. Tandem praefecturae huius confessores Evangelici 210 partim nobiles, partim inferioris conditionis ciues, circa initium anni 1555 ad emigrandum inde coacti, maxima ex parte *Tigurum* se contulerunt, quibus linguae teutonicae infcisi Magistratus *Tigurinus Beccariam* primum Ministrum praefecit, deinde vero ad exsulum eorum preces *Ochinum*, qui 1555 d. 13 Jun. ad hoc officium inauguratus est. V. HOTTINGERI *H. E. helvetica* T. III. p. 559. 762. 786. 818 seqq. Specialiora coetus huius fata *Simon Sulzerus*, Theologus Basileensis exposuit, in ep. *Joanni Marbachio*, Argentorateni scripta a. 1555 d. 25 Febr. quam *Schelhornius* inseruit l. c. Tom. III. p. 1163 seqq. Errauit igitur *de Porta*, qui l. c. prodit, *Ochinum* iam a. 1553 *Tiguri* *Locarnensibus* a sacris fuisse. Coetui huic, quem etiam catechetico libro typis exscripto erudiuit, *Ochinus* laudabili dexteritate praefuit, simulque vita pia ac modesta praeluxit, vsque dum *Tiguro*, vbi familiarissime vsus est *Bullingero*, excedere coactus est. Ad hoc temporis punctum ibidem magna in existimatione erat, quod variis euinci potest documentis, inprimis eo quoque nomine, quod ad ardua Collegii Ecclesiastici Tigurini consilia aliquando inuitatus fuerit. Tandem maximum sibi contraxit Magistratus et Ministerii huius loci odium, promeritamque, quamuis iusto feueriorem, vt arbitramur, poenam, quam munere ecclesiastico exutus, *Tiguro* grandaeuus annum vitae septuagesimum sextum agens, pulsus, cum quatuor liberis, hiemali tempestate, *Basileam* exsul miserrimo habitu tetigit, quo ipso loco iterum egredi iussus, in *Pologiam* sub initium anni 1564 venit, ac inde in *Morauiam* secessit. Hanc sibi miseriam Dialogis XXX *Basileae* 1563 prelo exemptis aliisque iam antea sparsis heterodoxiae seementis conciliauit. Praecipue ex Dialogo XXI, quo Polygamiae defensorem egit, actio aduersus eum est instituta, quae intra paucos dies tanto feruore agitata est, vt

Magistratus Tigurinus eidem exilii sententiam dictaret. *Ochinus* paulo post apologiam causae suae concinnauit, cui Ministri Tigurini opposuerunt scriptum hoc titulo: *Spongia aduersus aspergines BERNARDINI OCHINI, quae verae causae exponuntur, ob quas ille ab urbe Tigurina fuit relegatus; quod insertum est Hottingeri H. E. N. T. T. IX. p. 475 seqq.*

Obiectum sibi crimen, quo sine praeuia censura Tigurina Dialogos in lucem emisit, quod omnium non minimum erat, in apologia ita diluere studet, Deum testans, ignotum sibi prorsus fuisse, quod scriptum alio loco committendum prelo, *Tiguri* etiam censurae subiiciendum fuerit. Legem enim Typographis Tigurinis latam esse, ne quid sine censura typis exscriberent. Librum vero suum Basileensi prelo esse mandatum, ibidemque censuram actum esse. Quod ultimo loco perhibet, ab aduersariis eius negatur. Vera autem dixisse illum, librumque *Basileae* censurae fuisse exhibitum, *Schelhornius* l. c. p. 1185 ex ep. quadam *D. Wolfgangi Weissenburgii*, *Bullingeri* scripta, quam etiam *Hottingerus* l. c. p. 872 inseruit, colligi posse arbitratur. Ex eadem omnino patet, librum hunc a typographo Basileensi Rectori Academiae p. t. *Basilio Amersbachio*, et quidem italice scriptum, fuisse traditum, qui linguae Italicae ignarus illum iudicio *Coelii Secundi Curionis*, Itali commisit, qui vero typographo Mactum reddidit, idque publica luce non indignum iudicauit. Censura vero hac obtenta Typographus non italicum, sed latinum exemplar prelo subiecit. Accedit, quod nulla Typographo *Petro Pernae* mulcta fuerit imposita, vel alia poena, qui impunitus non euasisset, si librum prohibente lege absque censura prelo subiecisset. Magistratus Tigurinus de Dialogorum publicatione per litteras certior factus, *Bullingeri*, *Gualtero* et *Wolffio*, operis huius examen commendauit; qui cum haud pauca animaduenterent, fidei orthodoxae ad-

uerfa,

versa, alia autem ambigue exposita, inprimis Antitrinitariorum obiectiones non solutas ac euersas, et Polygamiā defensam, haec Magistratui nunciarunt. Is rebus omnibus ponderatis, praecipue quod liber in publicum absque legitima Tigurinorum censura editus, quibus ex legibus reipublicae competebat, de libris imprimendis et Tiguri concinnatis iudicare, sequentem tulit sententiam: „*Quoniam OCHINUS contra leges et edicta Magistratuum, librum publicasset, quem satius erat suppressi, et cuius nomine Ecclesia et respublica male audit, ideo se velle et iubere, ut quam primum ex urbe et agro Tigurino excederet.*”

Referunt quidam, et inter hos *Melch. Adamus* l. c. in vita *Bullingeri* p. 497, quod ante publicatam sententiam *Ochinus* nomine Senatus a *Ministris* monitus fuerit, alio scripto Ecclesiae scandalo mederi, maculamque eluere; cum vero id se praestitutum recusaret, exilii sententiam ipsi latam demum esse. Petiisse eundem, antequam discederet, a *Bullingero* commendatitias, ab hoc vero negatas, etsi ob senectam et liberos eius doluerit, *Bullingerus* ipse prodit, qui totum negotium in praefat. ad *Libb. Jos. Simleri* ita exponit: „*Habitaſſe illum aliquot annos apud nos Tiguri, posteaquam rediſſet ex Anglia, Ecclesiarum Doctōrumque praecellentium testimonio ornatus: ac toto illo tempore, quo apud nos vixit, concordiam in doctrina et ritibus palam cum omnibus Tigurinae Ecclesiae ministris professum, et professionem illam suam iureiurando interposito publice attestatum esse: tandem vero clancularia adiutum Italorum quorundam, quemadmodum et ipse Italus erat, opera, suos illos lingua Italica scripsisse Dialogos, quos conuersos in linguam latinam opera Italorum, ut aiunt, quorundam, insciis Tigurinae Ecclesiae ministris, Basileae per Italum quendam, ipsi admodum familiarem et amicum, excudi curauit. Quod, quamprimum hic innotuisset, admonitus est eius rei ampliss. Basileens. Reipubl. Magistratus. Is protinus cum Typographo exposulauit,*

et ne vlla amplius Dialogorum exemplaria distraherentur, mandauit. Quae alibi quoque, loco admodum celebri, igne sunt concremata. Expostulatum est Tiguri quoque a pastore ecclesiae cum Ochino authore, et aliquot errores ei sunt indicati; oblata est item collatio, totumque negotium ad ampliss. Tigurinae Reipubl. Senatum est relatum. Coeterum cum ille, quo se legitime et honeste excusaret, non haberet, neque de iis, quae vulgarat, disputare vellet, dimissus a Senatu, ac solum vertere, cum omni sua familia iussus est. Hinc vero eiectus recta in Poloniam ad suae farinae homines se recepit, quos ille sciebat, non esse nobis amicos aut socios, sed hostes insensibilissimos. Cum his vero ululare lupo cum lupis incipiens, ingratisimum se Deo inprimis, deinde nobis quoque benefactoribus suis, exhibuit. Quod ideo in praesentiarum commemorauimus, — — — ut omnes intelligant, etsi OCHINUS aliquando et aliquamdiu inter nos habitauerit, nobis tamen cum ipso et cum Dialogis eius execrabilibus, nihil esse commune, quodque ille sponte sua, nulla legitima de causa a nobis desinuerit, et ex amico inimicus, et ex praecone veritatis sinceræ profanarum haeresium errorumque multorum subdolanus adeoque academicus assertor et doctor factus sit."

Tiguro quod diximus Basileam concessit, ibique ministros Ecclesiae et professores, ut pro obtinendo securo domicilio precarentur Magistratum, supplex orauit; sed nihil et ne commorandi quidem cum liberis suis per hiemem veniam impetrauit; hinc intra breue tempus egressus Mühlhusium se contulit. Erat tum temporis, narrante Sandio ex Petri Pernae ep. ad Czechouicium, asperissima hiems viis omnibus niue et glacie impeditis, cum senex a Tigurinis expelleretur. Male quoque sensit ANDR. DUDITHIUS Tigurinorum seueritatem, in ep. ad Bezam data. V. Bezae opera T. III. ep. I. p. 390. Dudithii grauaminibus non satisfecisse Bezam, conciuēsque suos male defendisse, nec melius defendere potuisse, recte Baylius l. c. ob-

obseruat. Plures praeterea ob hanc *Ochini* Tiguro eiectionem, graues mouerunt querelas, quibus Tigurini responderunt, in tractatu paullo ante allegato: V. *Hottingerus* l. c. T. IX. p. 493 sqq. *Mühlhusae* eum *Bullingerus* epistolis suis infectatus dicitur, quod tamen documento vel testimonio euictum non reperimus; interea paullo post etiam huic loco valedixit et in *Poloniam* contendit. In hoc enim regno Antitrinitarios vel horum fautores ipsum vt fratrem excepturos, omnemque opem in exilio laturos, spem certam concipere potuit, quemadmodum quoque ibidem sibi quosdam per epistolas conciliauerat Patronos, quod ex recensione Scriptorum *Ochini* patebit. *Tiguro* excedens incertusque, quo sibi eundum, cum occurreret *Schaffhusiae Lotharingio Cardinali*, paratum huic animum obtulisse fertur, multos Euangelicorum, inprimis reformationum, errores detegere, si hoc modo Purpurati fauorem sibi conciliaret: qui cum indignabundus repudiauerit; referente id *BEZA* ep. ad *Dudithium* a. 1564. Sed an vera haec sint, dubitamus, cum *Jacobo Rugero* ea sollicitate sciscitanti non innotuerint, testante eius epistola ad *Bullingerum*, *Schaffhusiae*, d. 5 idib. Jan. a. 1564 scripta, in *Fueslini* Epp. Cent. I. n. XCVI. p. 463. *BEZA* populares suos a criminatione iniuriarum *Ochino* illatarum defendens, omnia corrasit, ex parte vera, partim quoque quae vagus fallaxque rumor sparserat. Ita enim in *Epp. Theol. Geneu.* 1573. 8. p. 10 inquit: „*Ochinum* „praeterea narras indicta caussa, hyeme acri, decursa iam „aetate, senem cum vxore et liberis, Tiguro eiectum. „Deus bone, quae est istiusmodi calumniatorum audacia, „qui haec tibi infusurrarunt? Sceleratus hypocrita, Ari- „norum clandestinus fautor, Polygamiae defensor, omni- „um christianae religionis dogmatum irrisor, quum eo „tandem audaciae erupisset, vt sua portenta in publicum „ederet, (iusto sane Dei iudicio, ne latere diutius tantum „malum posset) delatus ad Magistratum, pro eo, quod „seueram poenam pro tantis sceleribus merebatur, non

„fane indicta caussa, (quod, qui dicunt, magnam iusto et
 „pio magistratui iniuriam faciunt) sed non ad viuum re-
 „sectis omnibus, vt cum illo quam clementissime agere-
 „tur, iussus est e Tigurinorum agro facessere. Magnam
 „certe crudelitatem. At senex erat: tanto nocentior ve-
 „erator. At hyems erat: nempe longa fuit non vnus
 „integri diei via. At vxorem et liberos habebat: de vxo-
 „re falsum est, quod ex bono *Alciato*, siue quouis alio
 „cognouisti. Fregerat enim collum horrendo Dei iudi-
 „cio domi impium senem persequente, priusquam foras
 „productum esset ipsius scelus. Basilcam igitur venit,
 „vbi quum itidem suos errores damnatos videret, tandem
 „ad suos siue Tritheitas, siue Arianos, siue Samosatenia-
 „nos se contulit. Vix Basilea egresso (quod narro, scito,
 „me non vt rumorem incertum, sed vt certam historiam
 „narrare) occurrit Lotharingus Cardinalis ex Italia re-
 „diens, cui sese operamque suam omnem obtulit, polli-
 „citus sese centum errores istorum, inter quos tamdiu
 „haesisset haereticorum, demonstraturum. Spreuit homi-
 „nem toties Apostatam Cardinalis. *Ochinus* vero ab
 „ipsis etiam Papistis repudiatus, familia non mediocri
 „sumptu circumducta, tandem obiit, tam inops et egens
 „scilicet, cui nec petere nec accipere vnquam religio fue-
 „rat, vt plus fane reliquerit haeredibus, quam bona col-
 „legii nostri pars possideat.”

Nemo sibi persuadebit, Cardinalem desideratissimam
 reducendi *Ochinum* ad pontificios occasionem adeo frigi-
 de neglexisse. Fabulosa autem esse, haec a *Beza* narrata,
Jacobi Rugeri ad *Bullingerum* epistola allegata, satis euin-
 cit. Ita autem l. c.: „De Colloquio Cardinalis et Bern-
 „hardini nihil plane intelligere potui. Cardinalis hic
 „celeriter transiit per urbem circa dimidiam tertiam 17
 „Dec. cum quatuordecim equitibus, qui omnes cum ipso
 „erant obducti albis palliis. — — — Percontatus sum
 „per alios ab hospite, annon canus aliquis cum Cardinale
 „con-

„contulerit, vel an talis, vel talis eadem nocte secum per-
 „noctarit: Aiebat se talia non obseruasse. — — — Hic
 „omnes paene hospites quaesiti sunt celebriores de huius-
 „modi hospite, sed nemo quidquam recitare potuit.
 „Itaque nescio, an hac per Schaffhusiam ad Rhetos iter
 „fecerit *Ochinus*, et an cum Cardinale contulerit.”

Polonia diuturnam exuli mansionem non praebuit, cum ipso tempore, quo in hoc regnum aduenerit, consilia de expellendis eodem peregrinis, haeresium semina spargentibus, caperentur. Maxime autem *Ochino* Pontificis ira extimescenda erat, quem non tantum fuga et Apostasia, sed quoque Apologia, variis criminationibus aduersus Ecclesiam Romanam plena, exacerbauerat. Exilium igitur eius ipsum adeo Praefulem Romanum attentum reddidit, ad prosequendum fulmine suo, quem Helvetia terminis suis expulerat, quemque in Poloniam iter suum tendisse compererat. Dedit in hac caussa Cardinalis CAR. BORROMAEUS litteras ad Cardin. HOSIUM d. 5 Febr. a. 1564, quas E. S. Cyprianus in *Tabul. Eccl. Rom. saec. XVI. p. 347* seruauit. In his ille inquit: „*Nuntium ex Heluetia accepimus, quod Tigurini, et post hos Basileenses pestiferum fidei abnegatorem BERNH. OCHINUM, Senensem expulerint, qui in his terris lolium, ut ipse optime scis, disseminauit, idque eam ob rationem, quia libros quosdam imprimi curauit, qui adeo haereticis nauscam procreant. Idem nuntium significat, hunc nebulonem sibi proposuisse in quendam regni Poloniae locum secedere, hinc Pontifex commodum iudicat, ut Regiam Maiestatem de corrupto viri huius animo peruersisque moribus certiores facias, ac in id curam tuam conuertas, ne in hoc regno suscipiatur, suoque contagio, quod integrum est, inficiat ac maius dissidium in regno excitet.*”

Non dubitandum, quin *Hosius* et huic mandato, et suo adfectui, qui in persequendis ab Eccl. Rom. dissentientibus excitatissimus erat, satisfecerit, omniaque in-
 fenla

fenſa aduerſus *Ochinum* molitus fuerit. In ep. ad Comitia regni ſcripta eundem appellat *non bipedum ſolum, ſed etiam quadrupedum omnium impuriſſimum*, criminaturque quod non tantum *Chriſti deitatem inſcietur*, ſed etiam *ambigat, an Deus exiſtat, ipſique curae ſint homines*. V. STAN. RESCII *vita Cardin. Hoſii* L. II. c. XXI. p. 212. et L. III. c. VI. p. 294. edit. Oliuenſ. a. 1690. 8. Idem negotium Nuntius ac Cardinalis *Franc. Commendonius* ſibi habuit commendatum, qui non deſtitit, antequam *Ochinum* cum aliis Poloniae terminis excedere coegerit, quod *Ant. Maria Gratianus* in *vita Commendonii*, Paris 1669. 4. p. 124 et 134 exponit. V. *Saligiſ* l. c. T. II. p. 663. Cum igitur a. 1564 in conuentu *Parſcouienſi* mandatum publicaretur, quo peregrini, diuerſam a communi diſciplina doctrinam profitentes, aliisque eandem perſuadentes, e regno diſcedere iuebantur, *Ochinus* cum aliis quibusdam Poloniae valedixit, poſtquam Italis Cracouiae habitantibus per breue tempus ſacras conciones habuiſſet. *Lubieniec* ſignificat, quod complures regni Proceres miſericordia commoti conſeſſionem regiam ſubſiſtendi in Polonia ipſi procurare voluerint; hanc autem eum reuſaſſe ac dixiſſe: „*vellere ſe obedire mandato ſuperiorum, ſi quoque ipſi in via vel inter lupos in ſiluis moriendum eſſet.*”

In *Morauiam* proficiſcentem peſtis *Pinczouiae* aliquantum retinuit. Qua correptum *Philippouius* nec metuens, nec dedignatus, in domum ſuam recepit, fouit, et ei miniſtrauit. Pro qua inſigni humanitate ita ei gratias egiſſe dicitur: *Phillippoui, frater, gratias ago Deo, quod te dignum fecerit, vt Ochino in tali caſu benefaceres*. Amiſſis peſte, duobus filiis et vna filia, inſtitutum iter proſequutus, intra tres hebdomades *Sclaucouiae* ſ. *Slacoviae* (male *Lubieniec*io aliisque *Sclauoniae*) circa finem anni 1564 diem obiit. Errat hinc *Maimburgius* l. c. perhibens, eum in *Transyluania* miſeram vitam finiſſe; et *Schrammius* in *Program. de Socinianis* §. III., miſere eum
in

in Anglia periisse narrans. Omnino fabulis accensendum, quod *Bouerius* l. c. venditat: *Ochinum* Geneuae ante mortem resipuisse, haereses abiurasse, peccata ritu Catholico confessum esse, denique vere poenitentem obiisse. De genere mortis itidem Monachi figmenta varia excogitarunt. Alii tradiderunt, Geneuenses *Ochini* discipulos, arreptis pugionibus, quos occultos gestabant, in lecto iacentem, et manus ad coelos tendentem, confodisse; alii eum Magistratus edicto extra urbem raptatum lapidibusque obrutum fuisse. Alio modo a vero deflectit *Morerius* in *Diction.* asserens: Eum tanquam Atheum ex hac vita discessisse.

In diuersas partes discedunt auctores, de *Ochino* iudicium ferentes. B. G. *Struuius*, qui (teste *Heumanno* in miscell. Lips. recent. T. I. p. 303.) auctor est *Apologiae* in *observ. Halens.* et in *introd. in notit. rei litter.* p. 804. eum plane defendit, nisi quod vnicum in ipso improbandum esse significet, quod in Dialogo XXI. de Polygamia non ad Orthodoxorum mentem senserit. *Saligius* l. c. T. II. p. 422 et 573. eum non fuisse Antitrinitarium, sed Theologiae practicae studiosiorem, quam contemplatiuae, qui in ferenda Christi cruce, non fucatum sese Seruatoris praestitit sectatorem, scriptaque eius lectu esse dignissima, et mereri, quae iterum luci exponerentur publica, ut a pluribus legi possint; quod de ipsius sermonibus sacris, quoad maximam partem utique statuendum iudicamus: hinc quoque ob pium eorum argumentum quasdam ex illis particulas Euangelicorum libris inferas deprehendimus. Ita eiusdem manu ductio, quomodo exercitium precum instituendum sit, in germanicam linguam translata legitur, in libro precum, qui prodiit Aug. Vindel. apud Phil. *Vhlart*, a. 1560. p. k. VII. Eiusdem cum *Saligio* sententiae est *Fabricius*, in *Hist. Bibl.* P. V. p. 148. et *Godofr. Arnoldus* l. l. T. II. p. 320. Imo in *Henr. Pantaleonis*, *Basiliensis Chronographia Ecclesiae Christianae*, Basil. 1550. 4. p. 153. *Ochinus*, cum *Wicelio* inter Patres

et lumina Ecclesiae cum *Caluino*, *Pomero*, *Bullingero* et aliis locum obtinuit, et ab aliis inter Martyres coetus Protestantium collocatur. V. *Bailii* Opp. T. III. p. 730. 731. Alii eum omnium hominum pessimum iudicant.

Non in omnibus eum orthodoxam circa mysteria fidem, tenuisse, sed noua prorsus et a veritate aliena, in medium protulisse, negari omnino nequit. Id quidem a vero alienum est, quod *Varillafius* perhibet, eum a *Calvino* propter Antitrinitariorum et Arianismi errores *Geneua* et a Duce *Somerfatensi* Anglia esse expulsam. Iniqui pariter iudices sunt, qui eum inter *Atheos* collocandum, et auctorem esse famosissimi libri, de *tribus impostoribus* calumniati sunt, quas nugas *Baylius* in opp. T. IV. p. 163. et auctor *Obs. Hal.* T. III. p. 434. solide refutarunt. Accessus ipsius ad Socinianos non satis apertus videbatur *Moshemio* in *instit. H. E. Christ.* p. 812. qui tamen paulo ante p. 788. enunciauit, *abiisse illum in Poloniam, atque ad Antitrinitarios et Anabaptistas defecisse.*

Quin Antitrinitariis accensendus sit, nullum mihi dubium est, quamuis eum in horum numero fuisse a. 1546. cum conuenticula *Vicentina* disturbarentur, *Sandius* falso prodat. Veri tamen simillimum est, eum *Tiguri*, a *Laelio Socino*, conterraneo suo, vel alio loco, subtilioribus huius dubiis ac callide repetitis obiectionibus, quibus soluendis impar erat, ad Antitrinitariorum castra esse perductum. Qui eum excusandum putant, quod aliorum saltem dubia circa mysterium S. Trinitatis, non vero proprios sensus proposuerit, nullam sententiae suae probabilitatem adferunt, cum ex illorum parte rationes extantiores, qui eum pluribus dubiis fuisse agitatam, et tandem ad errorum compita abreptum statuunt. De *Porta* l. c. L. II. p. 391. fide dignis instructus documentis tradit, *Ochinum*, cum *Tiguri* coeui *Locarnensi* minister praefectus esset, litteris ad fratres *Italos* per *Raetiae* ditironem dispersos, in puerua de Christi expiatione doctrina

confirmare studuisse, qui sibi persuadebant, orthodoxam de satisfactione mortis Christi doctrinam in S. litteris non tradi. Deum enim nunquam Filio suo iratum fuisse, nec vnquam aequiualens pretium pro nobis ab illo postulasse, immo vero tale nec vnquam dari potuisse. Satis equidem factum fuisse Deo per Filii mortem; at eam vim, quae vulgo supplicio Christi tribuatur, totam deberi gratiae Dei, quae mortem Filii sui, Sacrificium declarare voluerit, et loco poenae nobis infligendae acceptare. *Hottingerus* H. E. T. III. p. 877. significat, *Ochinum* libellum quendam, titulo: *Prudentia carnalis* conscriptum, per *Vallem Tellinam* disseminari curauisse, et eius Msc̃tum apographum ex *Raetia Bullingero* fuisse transmissum. Iam diu, antequam Dialogos, qui exsilium ipsi contraxerunt, laborauit, vt opiniones in his proditas, in coetibus *Raeticis* radices agerent, quod ipsius epistola autentica ad *Fridericum Salicetum Tiguro*, d. 4. Jun. 1558. scripta, proinde certissimo documento probauit, de *Porta*, l. c.

In Dialogis XIX et XX. quod vel fugitiua lectio comprobatur, ita aduersariorum aciem et partes contra Christi et Spiritus S. diuinitatem longe accuratius et validius instruxit, quam eam dispulit ac euerit, ita vt omnino testetur, aduersariorum potius doctrinam a se commendari ac insinuari, quam orthodoxam vindicari ac defendi; quod pluribus euictum dedit *Hoornbeeckius* in *Adparatu* etc. p. 49. Quam hac de re in medium profert in praefatione, exculpatio, malam suspensionem magis auget, quam minuit. Omnes Antitrinitarii *F. Socinus*, *Lubienecius*, *Sandius* et alii *Ochinum* suo vindicant ordini, immo a *Voidouio* istos *Ochini* dialogos, *Smalcio* primo loco ad hunc seducendum fuisse propositos, *Zeltnerus* l. c. p. 1162. not. a. commemorat, qui recte addit: „Ex his, quibus primum usus est *VOIDOVIUS*, ad *Smalcium*, sibi suisque hypothesibus, conciliandum instrumentis, non obscure colligi potest, Dialogos istos S. Trinitatis et satisfactionis Christi vicariae mysteriis

steriis oppugnandis destinatos fuisse, certe a Socinianis ad credentes ad ea labefactanda tanquam primum et praecipuum arietem admotos esse." Beza, qui Ochini indolem bene exploratam habuit, in *Praef. ad Val. Gentilis hist.* p. 15. scribit: „Ochinus Gentile callidior dubitare de singulis Academicorum more videtur maluisse, quam quicquam definire. Quod facit per Dialogos etc." Quod utique iudicium non praepostere enunciatum, agendi modus in dialogorum libris euincit.

Quod erroris in articulo de S. Trinitate famam adversus se excitauerit, ipse in *praef. Dialogi XIX.* testatur, quem in eum finem conscripsisse dicit, quo se suspicione liberaret, quam autem non auertit, sed eam adeo non effectam fuisse re vera prodidit. Dialogo XX causas, ob quas Christus Dei Filius sit, et vocari possit, recenset quinque 1) Quia ut homo ipsum esse suum habet a Deo, 2) Quia summus erat vates, Rex et Sacerdos. 3) Quia ex Spiritu S. genitus est. 4) Tum ex beneficio sanctificationis atque adoptionis. 5) Denique ex diuinitatis aliqua participatione, uti crystallus particeps fit radiorum solis. Deinde quaerit: *Quare unigenitus Dei sit filius*; sed iterum, quae ad rem maxime faciunt, omittit. Loquitur quidem de Christo, natura Deo, et de tribus diuinis personis, sed haec eum vel in speciem tantum dixisse, ut incautos seducat, et erroris infamiam periculique metum a se auertat; vel ut doctrinam orthodoxam, tanquam sibi repugnantem describat. V. *Simlerus* l. c. L. I. p. 3. et p. 73. quo loco inquit: „*Etsi OCHINUS in suis Dialogis nihil constanter adfirmet, sed academico more in utramque partem disputat, tamen cum scribat, Christum primogenitum omnis creaturae, ideo a Paulo nominari, quod ante coeteras res creatas Deus Spiritum quendam condiderit, per quem ceu instrumentum aut Ministerium coetera omnia a Deo sint creata, hunc esse Christum sermonem seu λόγον a Joanne appellatum: et hanc opinionem saepe repetat, inculcet, eamque prae coeteris illi placuisse coniicimus.*" Jo. Christoph. Wolf.

Wolffius in ep. ad La Crozium, in thes. epist. La Croziano T. II. p. 132. scribit: „*Incidit his diebus in Bern. Ochini dialogos, et miratus sum hominis in bonis causis defendendis asserendisque ἀρετῆς, in malis ornandis ingenium. Quod ad Socinianam in specie attinet, non puto ullum argumentum temere ab eo praetermissum ex iis, quibus adseclae imprimis inniti consueverunt.*” Hier. ZANCHIUS in Opp. theol. T. I. P. II. c. IX. p. 561. mysterium S. Trin. creditu ad salutem Christi ciuibus necessarium esse, aduersus Ochinum argumentis comprobauit. Jo. Brunsmannus in Monogamia victrice, p. 58. eum Serueti fuisse discipulum, asserit, quod tamen aequè veritati aduersatur, ac quod prodidit Hoornbeeckius, qui Laelii Socini Praeceptorem eum fuisse perhibet. Interim Sandius in Adpend. ad nucl. H. E. p. 90. inquit: „*Illud noui, Ochinum Praeceptorem L. Socini dici.*” Gregorius Zarnouecius in libro, quem F. Socino oppositum voluit, hunc Ochino vsu[m] esse magistro, iterum falso narrat, cum ille nullum in Theologicis, praeter Laelium agnouerit praeceptorem. Prouocat tamen Faustus ad Ochinum, quod eadem secum in dialogis docuerit, quae ipse in libro de J. C. Seruatore, imprimis quoad negationem satisfactionis per eum praestitae proposuerit; et cum Zarnouecius hunc cum Ochino consensum Fausto obuertit, is eundem non negauit, sed potius hoc argumento vsus est, quod noua non docuerit dogmata, sed quae ab Ochino in Polonia olim iam exposita fuerint. Idem in ep. ad Martinum Vodouitam, in Epp. F. S. p. 594. ad Ochinum prouocat, qui annos triginta quinque ante se eadem docuerit, in dialogis, quae ipse in disputatione sua de J. C. Seruatore tradiderit. Hunc enim iam negasse, quod Christus diuinae iustitiae sanguinis sui fusione persoluerit, quod nos debebamus, seu pro nobis peccatisque nostris satisfecerit; idque vlllo modo opus fuerit: eundem statuisse, quod Deus peccatorum nostrorum poenas a nullo repetat, sed ista liberaliter absque aliena solutione remittat ac condonet.

Plura de eodem exposuerunt *Bouerius*, *Spondanus*, *Bzouius*, *Varillarius* l. l. c. c. *Anton. Maria Gratianus in vita Commendonii*, L. II. c. 9. *Lamy in Histoire du Socinianisme* complures de *Ochino* fabulas compilauit, P. II. p. 229 seqq. *Niceron*. l. c. Tom. XV. p. 114 seqq. *Verf. Germ.* *Lubieniecius* l. c. p. 109. *Jo. Rhodius* de auctoribus supposititiis, p. 33 seqq. *Placcius* l. c. p. 509. *Fabricius* l. c. P. V. p. 148. *Voigtius* *Catal. Libr. rar.* p. 430. Auctor libelli, *La Guerre Seraphique, ou Histoire des perils, qu'a courus la barbe des Capucins par les violentes attaques des Cordeliers*, *Hagae Com.* 1740. 12. *Thuanus* l. c. L. XIII. *Sleidanus* l. c. L. XIX. *Struuius in Obseru. Halens.* T. IV. Obs. 20. et T. V. Obs. 1. ad quas obseruationes leguntur stricturae in *den unschuldigen Nachr.* a. 1703. p. 281. Praecipue solide et ex fontibus hic argumentum tractauit *Schellhornius* l. c. T. III. p. 765 seqq. In collectione imaginum ministrorum Euangel. a reformationis tempore ad a. 1548. quam *Jo. Frid. Rein, Chalco-graphus* adornauit T. I. N. 38. *Ochini* effigies exhibetur, cum breui vitae ipsius expositione.

Restat *scriptorum Ochini* nostro tempore rariorum recensio, in qua ab aliis prolata vel emendabo, vel iis haud pauca additurus supplementa. Quod primo loco exhibeo, postremum quidem tempore, sed omnium famosissimum est.

I) *BERNARDINI OCHINI Senensis Dialogi XXX in duos libros diuisi, quorum primus est, de Messia, continetque Dialogos XVIII. Secundus est, cum de rebus variis, tum potissimum de Trinitate. Basil. per Petrum Pernam, 1563. 8.* Liber primus paginas habet 440. alter 518. Opus Italico sermone scriptum et a *SEB. CASTALIONE, Prof. Basil.* suppressio tamen nomine suo (cui neque *Ochinus* in initio suum nomen addidit,) sine adprobatione eorum, quae in illo continentur, in latinum idioma transfusum esse, *SANDIUS* ex *DUDITHII adnotationibus Msscc.* euictum dare,

re, et Bullingerum meliora edocere voluit, qui in *Praef.* ad Jos. SIMLERI librum de *aeterno Dei Filio* prodidit, opera Italorum quorundam Dialogos istos in linguam latinam esse translatos. Scriptos fuisse primum italice epistola *Castalionis* extra dubium ponit, nunquam vero Italico habitu lucem viderunt.

Prioris libri, quem auctor dicauit *Comiti Bethfordiae*, argumenta sequens pagina ita exponit: *Jesum verum fuisse Messiam ostenditur* Dialog. I. p. 7. *Jesum fuisse spiritualem Messiam*, II. p. 59. *Vtrum nos Deus per Messiam amauerit ad vitam aeternam, nobisque peccata non imputauerit; an contra*, III. p. 84. *Quemadmodum Jesu opera perfectam spiritualemque libertatem consequuti sumus*, IV. p. 101. *Quemadmodum Jesus mundo lumen nouum dederit*, V. p. 134. *Quemadmodum Jesu opera nobis condonata sint peccata*, VI. p. 161. *Ostenditur, quomodo Jesus nos redemerit et emerit, sicuti facturus erat Messias*, VIII. p. 192. *Jesum placasse iram Dei, nosque Deo reconciliasse, id quod facturus erat Messias*, IX. p. 203. *An a Jesu Christo regenerati amplius peccent*, X. p. 211. *Vtrum Jesus nos a peccato originali liberauerit, necne*, XI. p. 227. *An Dei legi in hac vita Jesu ope obedire possimus*, XII. p. 296. *An Christi opera adultus homo iustus fiat obediendo legi*. XIII. p. 320. *Solius Jesu opera nobis ignosci peccata*, XIV. p. 342. *Quinam per Jesum salui fiant*, XV. p. 352. *Quemadmodum per Jesum orantes exoremus Deum*, XVI. p. 364. *Quo pacto scire possit, Jesum fuisse verum Messiam*, XVII. p. 378. *De peccato in Spiritum S. quid sit, et an, qui id commisit, scire possit, se commisisse*, XVIII. p. 391—440.

Secundus liber, specialem prae se ferens titulum, qui in generali iam comparet, dicatus est *Principi NICOLAO RADZIUILIO, Palatino Vilnensi, Ducatus Lithuaniae Archicancellario, et Supremo Mareschalcho ac exercitus Polonici Imperatori*. Fallunt vero manifesto, qui inde colligunt, Dialogos istos famosissimos ab auctore in Polonia scrip-

tos fuisse, quamuius dedicatio coniecturae locum faciat, *Ochinum* hac Principis beneuolentiae captatione sibi viam in Poloniae terminos pacatumque ibidem hospitium parare voluisse, quem etiam sibi fortassis praefiniuit, cum *Dialogum XXVIII. SIGISMUNDO II. Regi Poloniae dicaret*. Eidem dicasse librum de Polygamia, huncque in Polonia fabricatum esse, *Sandius* l. c. p. 5. ex *Bzowio* perhibet, cum tamen *Dialogus XXI de Polygamia* p. 186. nec in Polonia conscriptus, nec Regi Poloniae, sed omnibus et maritis, qui de *Vxoribus*, et *uxoribus*, quae de maritis conqueruntur, dicatus sit. In ep. nuncupatoria *Radziuilio* data, quae pariter ac superior ad *Comitem Bethfordiae* scripta, nullam loci et temporis notam habet, ita *Ochinus* inquit: „Quoniam in reformatis Ecclesiis varias existere de Trinitate opiniones audio, iudicaui mei esse officii, non occultam habere eam huius rei cognitionem, quam mihi largita est diuina benignitas, sed eam ad ipsius declarationem proferre. Et quoniam opinionum hanc varietatem in Poloniae quoque ecclesiis emergere audio, quarum tu, pro tuis raris virtutibus singularique pietate, nominatim patrocinium defensionemque suscepisti, visum est mihi, duos hosce dialogos tibi dedicare, quo tuo splendore et auctoritate commendati, fructum afferant maiorem. In quorum priore Trinitatem esse ostenditur, et nominatim perpenduntur rationes et argumenta, quae de ea ab hominibus in medium adducta sunt, neque non de sermonis corporatione non nihil explicatur; deinde eius veritas ex sacris veteris nouique foederis litteris diuinisque rationibus probatur. In altero Dialogo demonstratur, Trinitatem credere nostri esse officii.” Epistolae his verbis finem facit: „Quaeso te, vt munusculum hoc boni consulas, et non librum, sed voluntatem meam ponderes, Christoque et eius fratribus viuas, et totius rei omnem laudem, honorem, gloriam coelesti Patri tribuas per Iesum Christum Dominum nostrum. Amen.” Ex ep. quadam a Principe *Radziuilio* ad *Caluinum* a. 1564.

Mense

Mense Febr. scripta, quam *Schelhornius* l. c. p. 1182. ex *Msc.* orbi exposuit, colligitur, librum *Ochini* in via interceptum ad Principis manus non peruenisse. Ita autem *Radziuius*: „Prodiisse dicunt non ita pridem certos Dialogos de Trinitate *Bernh. Ochini*, Viri de pietate Christiana optime meriti, qui in iisdem Dialogis suis veterum scholasticorum doctrinam de hoc dogmate non obscure taxet ac reprehendat: Qui quidem libellus, tametsi nobis dicatus est, eum tamen haecenus nedum legimus, sed ne vidimus quidem. Aiunt quidem ad nos fuisse missos, sed tamen studiose a quibusdam interceptos, ne ex Germania in Poloniam penetrent.”

Dialogorum secundi voluminis argumenta in proxima post titulum pagina ita exhibentur. *Ostenditur tres esse diuinas personas, P. et F. et Sp. S. re ipsa distinctas, tametsi consubstantiales et coaeternas, et ad hos litterarum locos et argumenta, quae contra adduci solent, respondetur, XIX. p. 9. Ostenditur nobis necessarium esse credere Trinitatem, XX. p. 146. (expresse tamen iudicat saluos fieri posse, qui non credunt hoc mysterium, multis arduis involutum) De Polygamia, XXI. p. 186. Quemadmodum ob adulterium fieri liceat diuortium, XXII. p. 228. Licere ob infidelitatem diuortium fieri, XXIII. p. 253. Qua poena plectendi sunt adulteri, XXIV. p. 270. Quenam sit omnium, quae usquam vel fuerunt, vel sunt, vel esse possunt, pessima secta haereticorum, XXV. p. 282. De ratione extruendi regni Christi, et destruendi regni Antichristi, XXVI. p. 315. Quibusnam rebus cognosci possit, quanam Ecclesia vere Christi et sincera puraque sit, aut non sit, XXVII. p. 329. Quo pacto tractandi et quando occidendi sunt haeretici, XXVIII. p. 379. Quanto sit agens Theologia contemplante praestantior ac salutarior, XXIX. p. 422. De humana diabolicaque arrogantia, XXX. 464—518. Pluribus libri secundi dialogis peculiarem praemisit praefationem. In ista, quam Dialogis de Trinitate praeposuit,*

rationes exponit, cur de re tam ardua atque abdita aggredi ad scribendum ausus sit, inter quas sequentes indicat p. 6: „Illud addo ad scribendum de ea oratum fuisse me, „ab amicis quibusdam clarissimis, honorisque Dei cupidis, quos tam honesta iustaque postulanti-
 „bus repudiare „mihi religio fuit. Adde, quod nonnulli, nulla a me data occasione, incipiebant non solum suspectum habere „me, verum etiam a me eam non credi dictitare, quae „me res coegit, eorum errorem ostendere. — — — —
 „Neque non fieri poterit, ut negent aliqui tanta vi probata, tam a me defensamque esse Trinitatem, quanta debuerit; „quibus ego respondeo, eius probandae ac defendendae „nullam esse posse firmiorem rationem, quam qua sum „usus ego, videlicet sermone Dei. Neque vero eis dicere „licebit, non esse a me adductos omnes eos locos, qui „sunt ad eam probandam validissimi, et insuper eis locis „non patrociniatum me esse, quam fieri potuerit maxime. „Neque omnia dixisse, quae sciuerim. Non debebunt „igitur de me conqueri, postquam omni ope ac studio „hoc argumentum tractavi, quin potius mihi gratias agere, non solum quia ipsos ad loquendum de ea excitau-
 „rim, verum etiam, quia, si rem pro dignitate non tractauerim, at viam quidem eis apertam reliqui, ad probandam validioribus locis Trinitatem, quam ego feci, si „id praestare poterunt: Quam rem si praestiterint, rem „mihi iucundissimam fecerint, modo id cum Dei spiritu „et veritate faciant. Quod si quis dicet, ieiune a me refutatos esse eos locos et argumenta, quae contra adducta „sint; respondebo, si est, (ut est) vnus Deus et tres diuinae personae, coaeternae ac consubstantiales, idque insuper ex S. litteris perspicuum est, cum id credere debemus, fatendum est, quicquid locorum et argumentorum contra adduci potest, id inualidum, fallax, debile „infirmumque esse, ita ut sua sponte concidat. Itaque „qui ea, quae contra Trinitatem adducta fuerint, aliquid „habere virium iudicauerint, hoc ipso ostendent, se eam „esse

„esse non credere. Praeterea scit Deus, me in respon-
 „dendo dixisse, quicquid potui: quodsi ipsi plura sciunt,
 „magnam habent occasionem persequendi reliquias meas,
 „quae res mihi maximam afferet voluptatem. Quare ex-
 „hortor omnes, qui librum hunc lecturi sunt, vt affectio-
 „nes et perturbationes omnes exuant, quae possunt tene-
 „bras offundere iudicio, vt veritate perspecta vtantur ad
 „honorem Dei, et coelesti optimoque Patri suo omnem
 „honorem et gloriam tribuant per Christum Jesum.”

Dialogo XXVII. L. II. p. 329. hoc praemisit breue
 praeloquium ex quo, quem de Ecclesia animum fouerit,
 colligi potest: „Omnibus Ecclesiis, quae se Christi Eccle-
 „sias esse profitentur, *Bern. Ochinus* ex animo perfectio-
 „nem optat. Quoniam multi falso putant, Ecclesias suas esse
 „Christi Ecclesias, et in eis puram Euangelii doctrinam
 „publice doceri, et sacramenta sincere, ac secundum Chri-
 „sti institutum administrari, et Christiane viui, denique
 „ita esse perfectas, vt eorum nonnullae omnium aliarum
 „se regulas esse velint: et tamen insunt in eis errores, vi-
 „tia, superstitiones, corruptelae; quodsi scirent, se ipsas
 „reformarent, cum nunc sic viuendo pereant, et aedificari
 „a se putantes euertant, existimaui rem esse consideratu
 „inprimis utilem et necessariam, quibusnam rebus cogno-
 „scatur, quaenam Ecclesia sit Christi, aut non sit, et qua-
 „lem oporteat esse Ecclesiam, vt sit perfecta etc.”

In Dialogis haud pauca reperiri, cum orthodoxa ve-
 ritate non concilianda, cuius eosdem attente legenti pa-
 tet, praecipue euidentissime constat, *Ochinum* sceptrice ac
 dubitanter de S. Trinitate, aliisque christianae fidei arti-
 culis iudicasse. Sic Dialogo 7. *Jacobum* Judaeum, haec
 loquentem introducit: „At vos Messiam satisfecisse dicen-
 „tes, falsum dicitis, et quod nusquam in sacris litteris vel
 „disertis vel idem indicantibus verbis exstat.” Cui *Ochi-
 nus* respondit: „Licet dicere, Christum in cruce mo-
 „rientem satisfecisse duobus modis, primum, quia di-

„vinae voluntati satisfecit, dum Deo ad crucis vsque mortem obediuit, faciens quicquid ei Deus mandauerat, eumque facere volebat. Alio item modo satisfecit, dum pro peccatis nostris satisfecit, propterea quod eius supplicium mortemque Deus gratis acceptum habuit, pro satis magna satisfactione pro peccatis nostris, quamuis ea per se ac sua ipsa natura, non satis esset, vt Deum ad ipsam pro tali accipiendam obstringeret. Itaque, non nisi Dei beneficio satisfaciens fuit mors Christi.” In Dialogo XXI de *Polygamia*, cui etiam tres proxime sequentes iungendi sunt, pluribus eam defendere visus est, idque non absque ratione. Colloquitur in eodem *Ochinus* cum *TELIPOLYGAMO*, qui sibi consilium ac responsum ad hanc propositionem p. 187. exposcit: „Vxorem habeo, non ex animi mei sententia: Quo fit, vt eam amare nequeam. Accedit eo, quod, quantum video, sterilis est, et insuper valerudinaria: et ego rursum haud eum me esse sentio, qui foemina carere queam: Liberos etiam cupio, tum vt sint, qui mihi succedant, tum vt eos ad officii munus erga Deum instruam. Possem autem, quod faciunt multi, vnam aut alteram concubinam alere: sed repugnat conscientia: possem et vxori meae falsum adulterii crimen imponere, eamque repudiare: sed et Deum offenderem, et famae tum meae, tum vxori notam inurerem: itaque nolo. Possem et veneno eam de medio tollere: sed id nunquam faciam. Venit autem mihi in mentem, alteram vxorem ducere, et tamen hanc non repudiare, et mihi videor diuinitus ad hoc afflari ac vocari: proinde velim, vt mihi dicas, vtrum hoc mihi sancte facere liceat.”

Ochinus quidem *TELIPOLYGAMO* plus simplici vice contradicit, et plures habere vxores rem esse foedam, inhonestam, sanctoque matrimonio inimicam obtestatur. Interim illi fortiora tribuit argumenta, ad quae vel nihil respondet, vel obiectiones multo: cum ingenio offusas

repide

repide saltem et obiter soluit, quem modum etiam in defendenda S. Trinitate seruauit, ac tandem prorsus cedit. Interroganti eum: Quid vero mihi das consilii? respondet p. 227. O. „Vt plures non ducas, sed Deum ores, ut tibi continentem esse det. T. Quid si non dabit? O. Dabit, si fidenter oraueris. T. Quid si nec donum mihi, nec ad id petendum fidem dabit? O. Tum si id feceris, ad quod te Deus impellit, dummodo diuinum esse instinctum exploratum habeas, non peccabis. Siquidem in obediendo Deo errari non potest. Aliud ego consilium tibi dare non possum. Quocirca tibi vale dico, et pro te oraturum esse me spondeo.” Ochini hac in parte sententiae calculum suum addidit auctor obseru. Halens. T. V. p. 31. et ad Lutherum consentientem in Opp. Altenb. T. II. f. 214. prouocauit; cum tamen inter utrumque maximus sit dissensus. De Polygamia contra Ochinum Beza scripsit, cuius liber Geneuae 1568 et 1587. 8. prelo exemptus est. Ochinum in hoc colloquio commisisse plagium, maximamque eius partem descripsisse ex HUDERICI NEOBULI libello, cui titulus est: *Dialogus*, das ist ein freündlich Gespräch zwener Personen, davon, ob es göttlichen, natürlichen, Kayserslichen und Geistlichen Rechte gemäße oder entgegen sei, mehr denn ein Weib zu haben etc. A. MDXLI. Schelhornius l. c. quibusdam exemplis demonstrauit, qui etiam errorem notauit in Biblioth. Hal. T. V. p. 503. commissum, quod sub Neobuli nomine laterat Mart. Bucerus. Cui vero plagium istud minus probabile videtur, quia Ochinus Italus linguae Germanicae ignarus fuerit, is sibi in memoriam reuocet, illum aliquot annos Augustae in officio vixisse, ibidemque sine dubio tantam linguae Germanicae sibi comparasse notitiam, quanta ad librum intelligendum requiritur.

Dialogus de Polygamia Anglice Londini 1657. 12. pl. 8. prodiit, in versionis titulo autem falso proditur, concinnatam illam esse ex originali Italico, cum versio latina tantum lucem viderit. Omnes in linguam belgicam translati sunt. Opus hoc dialogicum, facta a Tigurinis

Theologis ad Senatum Basileensem monitione, fuisse prohibitum, et loco quodam celebri flammis subiectum, *Bullingerus* narrat in *Praef. ad SIMLERI librum*. Quae in eodem post institutum a ministerio Tigurino examen, reperta fuerint scandalosa, recensentur ab *Hottingero* l. c. T. IX. p. 482. seqq.

2) Ad sermones *Ochini* sacros quod attinet, non sine omni fructu eos tractari posse, saltem mali nihil ex eorum lectione timendum esse, arbitramur. Aedificationi mentis adaptati, plenique sunt zeli aduersus disciplinam Pontificiam et adhortationum ad solidam Christianismi praxin. Vix tamen sermonum titulus illis conuenit, meditationum potius habitum prae se ferentibus, quemadmodum neque in textum quendam biblicum concinnati sunt. Habent conuenientiam cum *Jo. Valdesii* considerationibus, ex quibus auctorem multum profecisse, *Beza* testatur, ep. IV. p. 4. *Lubieniecus* l. c. p. 18. narrat: *Reginam Poloniae BONAM*, confessionario suo *Franc. Lismanino* eodem dono dedisse, cui illorum lectione vniuersa religio Pontificia suspecta fuerit. Primum quandam sermonum suorum Italicorum collectionem *Basileae* 1543. 8. et 1544. 12., quae XXVI complectitur conciones recensitas in *Obs. Ha-lenf.* T. V. p. 66. seqq., in lucem emisit. Ex hac maior collectio instructa, quae quinque partibus absoluitur, quarum prima 50. secunda 65. tertia 79. quarta 51. et quinta 50 exhibet meditationes.

Primae partis sermones XX. JOSEPH. HOCHSTETTERUS *Augustanus* in linguam latinam ac germ. transtulit, qui *Neoburgi* ad Danubium hunc titulum praeferentes prodierunt: XX. Predigen *Bernhardini* von *Siena*: darinne die fürnehmsten Hauptstück Christlichen Glaubens, nemlich von der Rechtfertigung durch Christum, und was daran hanget von ihm beschrieben seyn, immassen, wie ers zuvor ungefährlich in *Welschland* geprediget hat. Einen jeden Christen nicht allein nützlich zu wissen, sondern auch tröstlich

tröstlich zu sehen, wie das Licht göttliches Wortes allenthalben seeliglich aufgehet. *Neoburgi Danubii* 1545. 4. Recusa et sex sermonibus aucta haec pars prodiit, *Neoburgi* 1556. 4. Non eo modo habitos esse in Italia, quo lucem postea adspexerunt in Germania, ex lectione facile colligitur; vix, ac ne vix quidem flammis orator euasisset, si ita ab ipso enuntiari fuissent. Ex ipsa *Ochini* praefatione constat, quod alia plane ratione in Italia pro concione loquutus fuerit.

Parti secundae duplex appendix apologeticus, causam discessus sui ex Italia agens, adtextus est. *Prior* absolutur ep. Magistratui Senensi scripta; *posterior*, ep. responsoria, *HIERONYMO MUTIO* Iustinopolitano scripta, *Geneuae* d. 7. Apr. 1543. *SIXTUS SENENSIS* in praefatione, *Biblioth.* praemissa narrat, Italicos *OCHINI* sermones sub nomine *THOMAE Episcopi Iustinopolitani* prodiisse. In indicibus librorum prohibitorum, his quoque accensentur *Conciones F. THOMAE de senis falso adscriptae, et quae reuera sunt*, *BERNHARDINI OCHINI haeretici*. In his sermonibus doctrina de iustificatione, bonis operibus, confessione, indulgentiis, purgatorio, aliaque capita neruose et orthodoxe proponuntur. Sermones de fide, qui 1544. 8. pl. 14. lingua italica lucem viderunt, praefixo titulo latino, in *Biblioth. Hal.* l. c. p. 362, recensiti leguntur, quos reliqui scriptores, qui indicem librorum *Ochini* concinnarunt, *Saligius, Niceronius, Voigtius* alique, praeterierunt. Viginti duobus sermonibus doctrina de fide, solide ac cum applicatione ad exercitium pietatis, exposita est. Sermones tres de officio Principis, italice scripti et latine versi, a *Coelio Horatio Curione, Coelii secundi filio, Basl.* 1550. prodierunt; qui vero ex tomis sermonum *Ochini* desumpti sunt. Declamationes sacrae V. latine translatae a *Coel. Horat. Curione*, apparuerunt, *Basileae* 1550. per *Jo. Oporinum*, vna cum *Marfil. Andreasii* oratione de amplitudine misericordiae Dei. Adiunxit quoque *Coel. Sec. Curio* libro suo, cui titulum fecit, *Araneus*,
f. de

f. de prouidentia Dei, Basil. 1545. 8. Ochini sermonem de eo, quid sit per Christum iustificari, tum qui iustificationis sit modus.

3) BERNARDINI OCHINI *Senensis liber de corporis Christi praesentia in coenae sacramento, in quo acuta est tractatio de Missae origine ac erroribus*, (Della natiuita della missa, V. Baylii Diction.) *itemque altera de conciliatione controuersiae inter reformatas Ecclesias, cui adiunximus eiusdem auctoris Labyrinthos de diuina praenotione, et libero, seu seruo hominis arbitrio. Omnia nunc primum ex italico in latinum sermonem translata.* Basil. 8. Ita librum allegat Schelhornius l. c. p. 2118. qui dedicationem libri de corporis Christi praesentia scriptam ab Ochino Illustri et piaefoeminae Isabellae Manrichae Bresegnae, (quae a Jo. Valdesio ad cognoscendum veriora excitata, Ochino iam Neapoli innotuerat et propter purioris doctrinae professionem se ex Italia in Germaniam, mox Tigurum, tandem Clauennam contulerat,) totam inseruit. Typis exscriptum esse librum Basileae 1561. Lud. Lauatherus in hist. de origine et progressu controuersiae Sacramentariae de coena Domini, p. 50. obseruauit. Ex hoc volumine erroris conuincendus est Zeltnerus, qui in Not. ad M. Ruari Epp. p. 590. prodit, *Labyrinthos* numquam latine redditos esse. Nec Floriano Crusio latina Labyrinthorum versio innotuit, qui in ep. ad Ruarum scribit: „Ochini „Labyrinthos vellem mitteres, etsi enim ego Italica non „intelligam, interpretem tamen adhibebo Eugenium nostrum, (Wolzogenium affinem suum intelligit,) qui eius „linguae est peritissimus, et in subtili etiam sensu eruendo „ingenium habet satis perspicuum.” Schelhornius l. c. T. III. p. 1001. hoc titulo speciali scriptum hoc allegat: *Labyrinthi, h. e. disputatio de libero aut seruo arbitrio, de diuina praenotione, destinatione et libertate*; qui etiam obseruauit, illud ab Ochino dicatum esse Reginae Angliae ELISABETHAE, et dedicationi his verbis finem esse impositum:

tum: „Iam cum recorderer, Regina, te aliquando in „Anglia, lectis meis quibusdam de Praedestinatione scrip- „tis, me super dubiis quibusdam in eo argumento con- „suluisse, et in eo non solum elegans istud, et rari acumi- „nis ingenium, verum etiam ardentem quandam cupidita- „tem, ardua abditaque Dei arcana cognoscendi ostendisse, „iudicaui, te, Regina, inprimis eam esse, quae inde fru- „ctum possis percipere: itaque hoc opus tibi merito di- „caui. Quare accipe (et in eo Deum imitare) non tam „opus, quam voluntatem et coelesti Patri omnium hono- „rem et gloriam per Jesum Christum Dominum nostrum „tribue.” Auctor mentionem faciens scriptorum suorum de *Praedestinatione* antea editorum et a *Regina* lectorum, sine dubio digitum intendit ad *sermones XXV de praedesti- natione et electione*, quos ANNA COOKIA, NICOLAI BACONIS deinceps coniux ex Italica lingua in Anglic. vertit, ac per JO. DAYUM, Londini 1550. 8. luci publicae exposuit.

In *Labyrinthorum* opusculo, cui propter abstrusum prae caeteris argumentum, quod tractat, titulum hunc imposuit, proponit: *difficultates, quibus inuoluuntur, et qui actiones humanas liberas, et qui istas necessarias credunt.* Hinc octo construxit Labyrinthos, quatuor ex parte eorum, qui hominem libere, et totidem ex eorum parte, qui eundem necessario agere statuunt. Quaerit undique ex iis exitum, sed cum nullum inuenire potest, ad Deum dirigit preces, ut ipse viae dux sibi existere velit, animum explicandi. Tandem ipse exitum monstrandi suscipit negotium, peculiari capite, cui praefigit titulum: *Qua via ex omnibus supra dictis Labyrinthis cito exiri potest, quae docta ignorantiae via vocatur*, cui Socratis eloquio finem imponit: *Vnum scio, quod nihil scio.*

De coena Domini, contra Joach. Westphalum, Pastorem Hamburgensem, liber, separatim quoque lucem adspexit hoc titulo: *Syncerae et verae doctrinae, de coena Domini defensio, per Bernh. Ochinum, Locarnensium Eccle- siae*

siae pastorem, contra libros tres Joach. Westphali, Hamburgensis Ecclesiae praedicatoris. Joannis c. VI. Spiritus est, qui uiuificat, caro non prodest quicquam. Verba, quae ego loquor vobis, spiritus et vita sunt. Tiguri mense Jan. 1556. 8. pag. 203. et ep. nuncup. 7. adscriptus est Tiguri, Calend, Jan. 1556 ecclesiae Locarnensium, et reliquis omnibus Italis christianae religionis sectatoribus. Thaddaeo Duno interprete, librum italice scriptum, latino idiomate prodiisse, colligitur ex huius postfamine, dialogo de purgatorio appposito.

4) *Expositio epistolae D. Pauli ad Romanos de Italico in latinum translata, Aug. Vindel. ap. Phil. V lhardum. 8. Eadem germanice prodiit, ibid. 1546. 8. et italice 1545 12- V. Salthenii Biblioth. Libb. rarior. p. 567. N. 2857. Vogtius l. c. p. 493. 496. Godofr. Arnoldum l. c. P. II. L. XVI. C. XXII. p. 316 locum quendam praefationis Ochini libro praemissae, suo more adulterasse, Schelhornius l. c. obseruauit.*

5) *Expositio Epistolae ad Galatas ex Italico germanice versa lucem vidit, Aug. Vindel. per Valent. Othmarum 1546. Conciones has in epistolam ad Galatas Sekendorffius cum insigni laude recenset l. c.*

6) *Apologi sacri, quinque libris diuisi, italice et latine per Castalionem. 8. anno editionis non notato. Idem, per Christoph. Wirsungum, in Germanicum sermonem fusi, a. 1556. 1557. et 59 typis exscripti sunt hoc titulo: Des Hochgelehrten und gottsfäligen Mans Bernhardini Ochini von Senis, fünff Bücher seiner Apologen. Darin werden die Mißbrauch, Thorheiten, Aberglauben, Irrthumben, Götzendienst und Gottlosigkeit der Papisstischen Synagoga, sonderlich der Pfaffen, Mönch und der Brüder eröfnet, lieblich, dabei auch nützlich zu lesen. Durch Christoff Wirsung verdeutscht. Apologus redet wohl im Scherz, Sticht doch dem Papstumb ab das Herz.*

1559. 4. *Primus* liber complectens plagulas 12. dictus *Ricardo Moricino Equiti*, ab *Ochino* ipso. *Secundus* cui peculiaris praefixus est titulus plagulas 10. *Tertius* sub nouo titulo item 10. *Quartus* peculiari titulo insignitus plag. 11. *Quintus* deficit, nec fortassis prodiit. Comparuerunt quoque Apologi isti, *Basil.* apud *Jo. Oporinum* 1569. 4. *Heidelbergae* 1607 ac pluribus vicibus. In linguam Belgicam per *J. Arcerium* conuersi lucem viderunt hoc titulo: *Bernh. Ochini Honderd Vreemde en aardige Voorstellingen, passende op de verduruenheiden, Misbruycken, van den Pauzelycken Gods-dienst. etc. Franck. 1654. 12. cum fig. pag. 131. V. Salthenii Biblioth. l. c. p. 567. N. 2858.* Inserti quoque sunt *Facetiarum Bebelii* versioni germanicae hoc titulo: *HERNRIK BEBELII Facetiae, in 3 Büchern, mit einer ordentlichen Abwechselung und Einmischung der Apologen BERNH. OCHINI, sampt einer angehenckten Practicken, was biß auf den Jüngsten Tag gemein seyn werde, verteutsch, Franckfurt bey Nicolao Basseo 1589. 8. V. Freytagii Adpar. litt. Tom. II. p. 973.*

7) *De purgatorio dialogus, Tiguri 1555* latine prodiit ex versione *Thaddaei Duni*. Primum italice scriptus, deinde in Germ. Belg. Gall. et Anglic. linguas translatus lucem adspexit. Versio latina hunc prae se fert indicem: *Bernardini Ochini Senensis, viri doctissimi, de purgatorio dialogus. Ad lectorem. Opus est lector, velut ex auctoris praefatiuncula cognosces, non tam utile, quam iucundum lectu: ab ipso primum authore Italica lingua scriptum, postea vero a quodam eius studioso viro in latinum translatum. Vale. Hebr. c. IX. Nam si sanguis taurorum et hircorum, et cinis iuuencae adspargens inquinatos sanctificat ad carnis purificationem: quanto magis sanguis Christi, qui per Spiritum aeternum se ipsum obtulit immaculatum Deo, purgabit conscientiam vestram a mortuis operibus, ad seruiendum Deo viventi. 8. pag. 116. dedic. 4.*

et

et indic. 12. In fine legitur: *Tiguri apud Gesneros. Ad libri calcem p. 115.* postfamen interpretis ad lectores adtextum est, quod nonnulla continet rem litterariam, quoad scripta *Ochini* illustrantia his verbis: „*Thaddaeus Duns*, Locarnensis medicus, christianis lectoribus, salutem etc. Fateor ingenue librorum D. Bern. Ochini, ecclesiae nostrae pastoris vigilantissimi, versiones, quas ego paro, minus cum lepori et maiestati sermonis Italici, tum vero argumentorum dignitati excellentiaeque, ut quae paulo inelegantiores sint, respondere. Attamen, quia fideliter, et quantum fieri potest, dilucide omnia exprimunt, et ab ipso D. Bernardino eam saltem ob causam, approbantur, qualescunque sunt, boni consulere debetis, aut meliores facere. Translati iam a me sunt, praeter dialogum hunc, alii libri, et quotidie transferuntur. Vos rogo, ut diligentiam meam et studium vestro fauore iuuetis. Prodebunt enim, fauente Domino, multa eius viri scripta egregia, et pene diuina. Hunc utilem admodum et iucundum dialogum interea studiose legite et relegite, ut excusso prius ex mentibus vestris erroneo illo et pestifero commento de purgatorio, una cum coeteris hominum figmentis, puriori et alacriori mente ad reliqua accedatis. Sint haec praefationis loco, in omnes meas interpretationes. Post vnum aut alterum mensem, libros duos in re eucharistiae, incredibili studio, labore et diligentia, inprimis vero mira rerum ad illud Sacramentum pertinentium expositione conscriptos, vos habituros spero. Valete, ac nihil miremini, nullam mei factam esse in titulo dialogi mentionem; me enim absente primum folium impressum est: Vnde etiam in epistola nuncupatoria verba quaedam posita fuerunt, quae neque in ipsius D. Bernardini autographo, neque mea versione habebantur, quod facile cognoscent, qui latinam cum italica versione contulerunt. Iterum valete. Tiguri IV. Id. Decembris 1555.” Dicauit librum *Ochinus* FRANCISCO LISMANINO per epistolam, *Tiguri*

guri 4 Cal. Dec. 1555 scriptam, quam ita inchoat:
 „Quamquam ego meos, quos quidem haftenus euulgavi
 „libros, multis magnisque de causis nemini seorsim de-
 „dicarim, eosque maluerim Ecclesiae, cuius incolumita-
 „tem et salutem vnice quaero, nuncupare: in huius tamen
 „editione libri, meus in te summus ac prope singularis
 „amor, et complures aliae causae facile effecerunt, ut de-
 „posita veteri consuetudine, meum istum de purgatorio
 „dialogum tibi, mi *Francisce* frater, dedicatum vellem.
 „Ac mei quidem in te amoris causas, quoniam eae sub-
 „inde magis ac magis sese produnt, suntque mihi tecum
 „communes, cum lectorum ipsorum, tum vtriusque no-
 „strum causa praetereo: ac malo reliquas, ut potiores
 „huius facti rationes commemorare.” etc. Circa finem
 ita scribit: „Atque hoc tibi *Lismonine* frater, literarium
 „munus ideo mitto, ut et mei in te amoris extet aliqua
 „memoria, et ut tuo me docentem exemplo iuues homi-
 „nes a purgatorio ad Iesum Christum, qui, quemadmo-
 „dum praeclare est a Joanne Evangelista et Apostolis scri-
 „ptum, solus nos emundat ab omnibus peccatis nostris, re-
 „vocare. Sed ut finem iam praefandi faciam, hoc de-
 „mum precor, tibi quidem, mi charissime atque optatissi-
 „me in Christo frater, ut quae tibi est diuinitus concessa,
 „perpetim crescat pax et gratia: Sed ipsi Iesu Christo Do-
 „mino nostro opt. Max. nostrae libertatis et salutis vindi-
 „ci, suus ut sit saluus honos in saecula. Amen.”

8) *Il catechismo o vero Institutione Christiana, di M. BERNARDINO OCHINO da Siena, in forma di Dialogo. Interlocutori il Ministro et illuminato. • Non mai piu per l'adietro stampato, in Basilea, 1561. 8. pag. 313. absque praef. JENKINUS THOMASIUS in historia Atheismi C. VII. §. 10. p. 168. quasdam ex catechetico hoc libro, (qui teste Sandio l. c. p. 6. 1591 recusatus est,) particulas exhibuit. Quod praeter orthodoxam doctrinam, cuius haud pauca in catechismo hoc exposuit argumenta, etiam*

errores Socinianismo vicinos et dubia circa veritates christianas insperferit auctor, testis est *Aug. Beyerus* in *hist. crit. libb. rar. p. 223* seqq. qui tamen immerito *Atheismi* maculam *Ochino* esse adspersam a *Floremundo Raemundo* notauit. V. *Jo. Chr. Koecher* *Catechetische Geschichte der Waldenser, etc. p. 225*. In praefatione auctor significat, hunc catechismum in amoris et prouidae curae erga Locarnensium coetum Tigurinum esse elaboratum, cui etiam eundem adscripsit.

9) Ain Gespräch der flaischlichen Vernunft, und ains gaislichen oder glaubigen Christenmenschen, von den Henden, so sich zu dieser unsrer Zeit zutragen, von *Bernhardino Ochino* von Seins, in Welsch beschriben, und verteutscht. Mehr ain kurze Anleitung, wie man sich im Gebet üben solle. Getruckt zu Augspurg durch Philipp Ulhart. 4. absque notatione loci et temporis. Allegatur in *Dan. Salthenii Bibliotheca libb. rar. p. 267. N. 1303*. Non ipsius *Ochini*, sed ex eius sermonibus ab alio conscriptum et in germanicam linguam translatum opus perhibetur.

10) Von der Hoffnung ains Christlichen Gemüths. Wie dieselbige ir unzweissliche Gewissenshaft, durch den Glauben der Allmächtigkait, Weyßhait, Güte und Barmherzigkait Gottes inn Christo bestendigklich yebe. Durch den Gottsäligen und Hochgelehrten Herrn *Bernhardino Ochino* Kurz verschiener zeit in Italiänischer Sprach im selb und andern gutherzigen zu Trost gestellt. Gedruckt zu Augspurg durch Philipp Ulhart, 1547. 4. Vtrumque scriptum N. 9. et 10 a *Schelhornio* l. c. p. 1143 allegatur, cui tamen ignotum fuit, ista italico habitu publicam lucem vidisse, ex quo translata esse, nullum dubium est.

11) *Aduersus Papam* liber, ab auctore latina primum lingua concinnatus, Anglice apud *Gualterum Lynnum* prodiit *Londini* a. 1549. 4. et *Eduardo* Regi, a *Jo. Poneto* operis interprete dicatus est, quod et *Sandio* et
Ob.

Observatori Halensi ignotum fuit. Titulus est: *A Tragedy or Dialogue of the unjust usurped Primacy of the Bishop of Rome, and of all the just Abolishing of the same.* V. noua aëta erud. 1724. p. 338. Meminit libri huius Jo. Strypius in monumentis eccl. ad religionem eiusque reform. et casus eccl. Anglic. pertinentibus, T. II. p. 189. Absoluitur nouem Dialogis, ac permagni in Anglia habitus, et ab omnibus lectus est.

12) Epistola Italice scripta *Marchioni del Vasto*, exercitus *Caroli V.* Generali Praefecto, antequam Italia excesserat, nimirum *Venetiis* a. 1542. d. 10 Febr. Excudi illam iterum curauit *Schelhornius* l. c. p. 2130 ex collectione epistolarum Nobil. et Excell. hominum, quam *Aldus Manutius* a. 1549. 8. in lucem emisit. Addidit ille versionem eiusdem germanicam. Digna lectu est, ob pium argumentum, fatisque documenti est, eodem tempore *Ochini* animum fulgenti Euangelio fuisse dicatum.

13) *Responso, qua rationem reddit discessus ex Italia.* Super omnia vincit veritas. *Venetiis* 1542. 8. Allegatur quoque sub titulo: *Apologia de fuga sua ad Pontificem*, 1542. V. *Vogtius* l. c. p. 431.

14) *Dialogo. Fauellatori-Prudenza humana e Ochino.* Hunc indicem prae se fert *Apologia* auctoris, cum *Tiguri* munere *Eccles.* priuaretur, ac vrbe expelleretur. Totam inseruit *Schelhornius* l. c. p. 2007 seqq. ex *Msc.* nusquam enim illam fuisse typis exscriptam idem significat; quamvis contrarium videatur indicari in responsione, quam ad eandem dederunt ministri *Tigurini*, quae his verbis inchoat: „Edidit superioribus diebus *BERNHARDINUS OCHINUS Senensis Dialogum*, quo coram vniuersa *Dei Ecclesia* queritur, maxima sua iniuria, et summa iniquitate *Senatus Ministrorumque Tigurinae urbis et Ecclesiae*, nuper eiectum se esse *Tiguro in exilium.*” *Hottingerus* in *H. E. Heluet.* T. III. p. 877. scriptum hoc in *Valle Tellina* esse disseminatum, a *Fabricio Msc.* missum esse *Bul-*

tingero d. 20 Mart. a. 1564 commemorat. Inseruit Hottingerus H. E. N. T. T. IX. p. 475—510 defensionem ministerii Tigurini, Ochini apologiae oppositam, cui titulus est: *Spongia aduersus aspergines* BERNARDINI OCHINI, etc. scripta, 1564 m. Martio. Falso hanc Hottingero, 56 annos ante huius natiuitatem concinnatam, a Struuius in *Obseru. Halens.* et Saligio l. c. T. II. p. 420 tribui, Schelhornius l. c. obseruauit. Qui scriptum hoc Tigurinorum pensitat, non fieri iniuriam Ochino ab iis, qui eum a veritatis tramite declinasse iudicant, sibi certo persuadebit.

15) Praefixo Ochini nomine a. 1549 prodit scriptum satyricum de Pont. Rom. *Pauli III.* scelestissimis factis, caedibus, veneficiis, incestu etc. quo ille foedissimorum criminum accusabatur. Argumentum eius palmarium exposuerunt Sleidanus, L. XXI. et Thuanus L. VI. Libellum hunc Jo. Casa tribuit Vergerio, et Sleidanus significat a multis dubitari, an Ochinus eiusdem fuerit auctor. V. SCHELHORNII *Apologia pro Petro Paulo Vergerio* p. 6 seqq. Innotuisse tamen istum Aulae Romanae ante obitum *Pauli III.* ex ODORICI RAYNALDI *Annal. eccles.* T. XXI. P. I. p. 424 pater, qui inquit: „Conqueri etiam iussit (PAULUS III. per ALEXAND. FARNESIUM, Cardinalem, nepotem suum) de libris contumeliosissimis in Pontificem sparsis, nomine BERNARDINI OCHINI, Apostatae, Caesarique exponere haeretici hominis rabiem ac leuitatem, rei que indignitatem ac infamiam in ipsam Caesaream Maiestatem redundare, cum haec omnia sub eius patrocinio committantur.” V. Saligius l. c. T. I. p. 659.

§. XIV.

An collegiis in agro Veneto institutis *Guilielmus Postellus*, fanaticorum huius aetatis princeps; vir vastae eruditionis fama, aequae ac vesanis opinionibus inclytus, *Serueto* in S. Trinitatis mysterio suffra-

suffragium ferens, ac deinceps eiusdem, quoad mundi animam, quam credidisse perhibetur, apologeta; interfuerit, dubium quidem est: illum autem a conuenticulorum istorum sociis in heterodoxa seductum esse, et quadam ratione cum his consensisse, a verisimilitudine non recedit, immo argumentis quibusdam euinci potest.

* * *

Vitam singularis hominis, quem nominauimus, perrexerunt PAPADOPOLUS in *hist. Gymnastii Patauini* T. II. p. 239. *Obseruat. sci. Halens.* T. I. p. 223. T. IV. p. 232. ITTIGIUS de Guil. Postello, *Lips.* 1704. PAULUS COLOMESIUS in Gallia orientali; in ipsius Opp. a J. A. Fabricio editis, p. 59 seqq. *Niceronius* T. VIII. p. 342—402. vers. germ. cui volumini *Postelli* effigies addita conspicitur, et alii plures. Haud pauca quoque lectu digna de illius vita et scriptis leguntur in *Sallangre Memoires de litterature* T. I. et in *Baylii opp.* T. II. f. 312. et T. V. f. 171 et 533. Mihi animus non est prolixam vitae eius expositionem Vnitarianorum actis inferere, non tamen omnino eum in indice Antitrinitarianorum huius aetatis esse praeterendum putaui. Natus in vico *Normandiae Barentoni*, Galliae prouinciae, a. 1510 teste *Natali Alexandro* l. c. T. VIII. p. 169. Aduersam in iuuentute expertus est fortunam, qua tamen eximium eius discendi desiderium, summa quamuis paupertate pressus fuerit, non extinctum, sed in dies potius auctum; quod in ipso summo pere praedicandum est. Quemadmodum sobrie iudicandi facultate tota sua vita caruisse videtur, ita stupendae imaginationis, memoriae etiam ac ingenii eximiis viribus polluit. *Lutetiae* linguarum Latinae, Graecae et Hebraicae perfectam cognitionem breui sibi comparauit, tanta discendi celeritate, ut libros non legere, sed deuorare vi-

deretur, teste *Raemundo* l. c. L. II. c. XV. Prouectior aetate magna ex parte faustiora expertus est fata, quibus quoque adnumerandum, quod societatis Iesu, nuper ab *Ignatio Loiola* institutae ad breue tempus membrum, sed eadem exclusus fuerit. V. *Saligius* l. c. T. II. p. 87. Circa annum 1544 *Romam* accessit, ibidemque ob ingenii sui foetus aliis expositos in carcerem coniectus, ex quo fuga se eripiens *Venetias* petiit. Hoc loco in tantam prolapsus vesaniam, vt vetulam virginem *Johannam*, in Noso-comio Veneto aegrotantibus deseruientem, vitamque ibi austeram agentem, *pro restitutrice et matre huius mundi*, cui Christus singulari prorsus modo gloriam suam manifestasset, anno circiter 1551 vel 1552 reputauerit.

Fanatica haec, de vetula ista, somnia ipsi posthac ansam suppeditarunt, consarciendi librum, qui, licet facile quisque eodem carere possit, nostra aetate tamen inter rarissimos censetur, sub indice: *Les très merueilleuses victoires des femmes du nouveau monde, et comme elles doiuent à tout le monde par raison commander, et meme à ceux, qui auront la monarchie du monde vieille. Paris, 1553. 16. pag. 81.* Scopum sibi in eodem praefixit enincere: feminam aliquando malum genium deuicturam; quemadmodum commune malum per consensum diabolo exhibitum, olim in hunc orbem a femina inuectum est; tandem eam diabolum ligaturam, huncque vi coacturam, vt rotum genus humanum libertati restituat, quemadmodum antea illud per feminam suppetias ferentem in exitium et imperium suum praeceps dederit. Hac occasione rem suam facit, vt feminini generis praecellentiam, et quantum commodi vniuerso praestiterint feminae, demonstret, inter quas praecipue vetulam istam *Johannam* maximis encomiis exornat. Omnium rerum creatarum, quae fuerunt, sunt, et futurae sunt, sanctissima mater *Johanna*, quam *Euam secundam* appellauit, omni miratione praeprimis digna ipsi videbatur, quae per triginta
circuit.

circiter annos, perpetuis speculationibus sacrisque meditationibus dedita hoc temporis spatio, egenis aegrotantibus in Nosocomio Veneto, inferuit, virosque ac mulieres, pueros ac puellas parentibusque orbatas, materno amore complexa est. In hac vetula, quam omnium feminarum redemptricem et deam quandam depraedicauit, eamque ex substantia Christi originem duxisse somniauit, tanta se vidisse miracula, homo vesanus et fanaticis furoribus deceptus perhibuit, quanta numquam antea in hoc orbis theatro visa fuerint, exceptis stupendis noui Adami Iesu factis, quem Patrem suum et maritum *Johannae*, semet ipsum vero *filium Johannae* natu maximum praedicauit. Summam praeterea vetulae huius scientiam in mysteriis, omnibusque rebus arcanis, omni hominum cognitioni praetulit, quae ignara licet linguae latinae, graecae et hebraicae, omnes tamen omnium seculorum eruditissimos doctrina sua coelesti superauerit, innumera S. Scripturae mysteria exposuerit, variaque futura ratione regni tenebrarum destruendi, et restituendi regni Christi praedixerit. Ab hac simplici femina plus semet didicisse gloriabatur, quam si a mundi huius principio doctrinae et studiis operam suam nauasset omnem. Sed plura huius conditionis ineptias ac deliria exscribere pertaedet.

A scripto iam allegato, quod vulgo *mater Joannis Postelli* dicitur, plane diuersus est eiusdem liber: *de virgine Veneta*, quamuis auctorum plurimi hunc cum priore confundant. Prodiit iste *Venetiis 1555* multaue impia ac foeda in eodem continentur. V. *Vogtius* l. c. qui de scriptis *Postelli* plura exposuit. His aliisque infanientis animi somniis variarum haeresium suspicionem non immerito sibi contraxit. BEZA in *praefat. ad acta Val. Gentilis* p. 12. *Postellum monstrum ex omnibus omnium saeculorum haeresibus conflatum* adpellat. Significante *Nicero-nio* ultro semet in carcerem dedit, vt debito ordine sui defensionem instituere possit. Suscepto cum eodem exa-

mine, inquisitores optime indicarunt, plus vefaniae ac delirii, quam malitiae in eodem reconditum, stultumque ac ab imaginatione deceptum, immo phreneticum potius, quam haereticum esse. *Postellum* vero post fugam e carcere Romano stoliditatem adfectasse, ac insani-entis hominis personam vltro simulasse, quo cruciatus et tormenta in haereticos statuta effugeret, verisimillimum videtur; habuisse enim eum lucida interualla, vel circa certum obiectum eum delirasse, extra omne dubium positum est.

Venetorum oppido ac reipublicae valedicens, *Genevam* et hinc *Basileam* se contulit, quam viam Italicorum plurimi, qui ob Seruetianas haereses ex Italia fugam susceperunt, ingressi erant. Immo ipsum *Postellum*, reliquis viam hanc in Heluetiam monstrasse suspicamur, siquidem ipse non ad annum 1546. quo collegia saepius memorata, dissoluta a scriptoribus narrantur, *Venetis* commoratus est, sed paulo ante Italia excessit; quod propterea verisimile videtur, quia iam anno 1544 *Basileae* opus suum, *De orbis terrae concordia* publicae luci commisit, quo sibi maximas laudes conciliauit, et singulari eruditionis adparatu omnes terrarum incolas ad religionem christianam ducere annisus est. V. *Biblioth. Hal.* T. III. p. 305. Rediit autem *Postellus* ad Venetorum oppidum dissipatis iam collegiis; anno enim 1553 *Venetis* in *Guinae* librarii aedibus, fortassis clanculum delituit, quod ex eiusdem ep. a. 1553 ad *Casp. Schwenckfeldium* scripta, d. 14. Aug. colligitur, quae inserta est *coll. antiqu. et nou. de rebus theol.* ad a. 1729. p. 886. Epistolae huic *Matthias Flacius Illyricus* praefamen ad *Erasmum Mincouicium*, Electoris Palatini Cancellarium, Magdeb. d. 10. Cal. Septb. a. 1556 scriptum praemisit, in quo ita *Flacius* de *Postello*: „Is tum multa alia impia ac foeda scripta edidit, tum „etiam superiore anno *Venetis* libellum quendam titulo: „de Veneta virgine, veluti alter *MONTANUS*, de sua *Pris-*
„cilla

„cilla et Maximila. In quo tantos errores et furores as-
 „ferit, vt cloacam Satanae id scriptum, et eum hominem
 „merito vocare possis. (*Beza in Epp. theol. ep. I. p. 21.*
 „*Postellum* omnium haeresium cloacam appellat.) Pauca
 „quaedam inde recensere, ne piis nauseam cieam, aut
 „etiam Spiritum S. in pusillis Christi contristem. Facit
 „tres mundos, tria corpora, et tres animas. Satanam
 „esse a Christo in coelo victum, ac inde pulsum primum
 „circa 1540 Domini annum, Octobr. 16. die, et inde
 „perpetuo in coelo cantari, Halleluia. Illam suam virgi-
 „nem, vel scortum potius, esse de substantia Filii Dei, esse
 „alteram Euam, esse matrem vniuersalem totius mundi,
 „esse summum Pontificem totius Ecclesiae. Christum
 „restituisse tantum superiorem partem, sed istam nouam
 „Euam, aut matrem debere inferiorem restituere, et il-
 „lam restitutionem debere *Venetis* sua opera inchoari.
 „Christum venisse, vt doceret nos paternitatem mundi,
 „se debere maternitatem docere. Se esse ab illa matre
 „mundi regeneratum, et restitutum, ac esse primogeni-
 „tum totius mundi. Se, cum primum restitueretur,
 „tanta luce et videndi vi fuisse donatum, vt per integram
 „horam purissimum solem inspexerit; Eamque vim se
 „perpetuo fuisse habiturum, nisi quidam nebulones Lu-
 „therani venenum sibi propinassent. Se ita esse restitu-
 „tum et regeneratum, vt nullo cibo aut potu indigeat. etc.
 „Talibus multis ac inauditis furoribus est ille liber, et
 „alia huius seductoris refertissimus, vt non dubites, non
 „hominem, sed Satanam, aut multas etiam diabolorum
 „legiones in illo hominis cadauere inhabitantes, talia con-
 „tra Deum blaterare et blasphemare. Illa ergo turba
 „Cacodaemonorum, quae in Postello tales abominationum
 „errores euomit, etiam hac epistola ad *Stenckfeldium*, seu
 „commilitones suos in Stenckfeldio blaterantes, scribit,
 „ac hortatur eum, vt pergat sedulo omnem vim salutis ac
 „pietatis externis mediis, id est, verbo ac Sacramentis,
 „detrahere. etc.”

Eodem negotio occupatum fuisse *Postellum*, quo socii isti conuentuum in agro Veneto habitorum, veri non absimile videtur. Probat in ep., qua tractatum infra allegandum *Melanthoni*, *Bullingero*, et *Martino Borrhao* dicauit, quae in *Moshemii* historia *Seruetti* p. 468. legitur, Ecclesiae reformationem, et euangelicae prae reliquis quidem palmam cedit, emendandam tamen hanc esse, et a maculis residuis purgandam; quae mens, quod iudicium, maxime circa subuertenda christianae religionis mysteria statutum, omnium huius aetatis Antitrinitariorum et primorum *Socinianismi* auctorum fuit. Testatur insuper, quod in id omne studium conuertere velit, ut rationis usus et S. Scripturae auctoritas restituatur, quam speciem primi isti nouae sectae praecursores prae se ferebant. Sic autem l. c. p. 473. ad eosdem viros scribit: „Nil aliud „praetendo, quam ut recta ipsa ratio, cuius obseruationis „gratia Deus mundum condidit, et hominem animal rationale fecit, in legem aeternam, sicut erat a principio, „et semper fuisset, si Adam non peccasset, reducatur, et „Scripturae S. tanquam summae gratiae suffragio roboretur.” Non improbandum *Postelli* erat propositum, ad quod vero perficiendum nemo ipso peior ac incapacior fuit, qui sibi persuaserat, stolidi omnia rationi et S. Scripturae esse consentanea, quae ipsum *Johanna* ista vesana et superstitiosa docuerat. Immediate enim post hanc declarationem ad suam *Johannam*, totius mundi regenetricem descendit, et absurda cum veris confuse commiscet. Cum rationis commendatione necit apologiam pro libertate sentiendi, omnesque, ad quos scribit, adhortatur, ut prospiciant, ne *Caluini* dominandi libido veritati vllum adferat damnum. „Faciatis, inquit, ne tyranni „vnius in vestra republica factio, quae vobis etiam apud „vestros summam concitauit inuidiam, veritati aeternae „detrimentum faciat.”

Petiit, referente *BEZA*, *Postellus* *Geneuae*, ut in communionem Ecclesiae reformatae susciperetur, et quo id
 obti.

obtineret, palinodiam errorum suorum propria manu conscriptam exhibere voluit; sed precum suarum complementum hoc promissio non consequutus est. Accusavit eum *Calvinus in refutat. error. Seruetti* a. 1554, quod cum *Serueto* varia defenderit; nec criminatio haec pro figmento aestimanda, cum in dogmate palmario, quoad negationem realis differentiae personarum in essentia divina, cum *Serueto* omnino conueniret; voluit quidem speciem prae se ferre, ac si mysterium S. Trinitatis et incarnationis Christi per argumenta ex ratione deriuata declarauerit; hoc tamen ipso Maiestatem reuelati huius mysterii manifesto impugnauit. In ipsa Apologia sua nugatus est, *intra Trinitatem primam aliquam esse intelligentiam, omnes Angelicas et humanas intelligentias complexam, quae velut lumen solis trini vel odor corporis odorati emanauerit, et postquam nata ac formata est, secundae personae vnita fuerit.* Iudicium hinc ferunt Obseruatores Hallenses de *Postello*, T.I. Obs. XXI. p. 343. eum S. Trinitatis et incarnationis mysterium non in dubium vocasse, sed ex ipsa ratione, illud confirmare, demonstrare vel etiam illustrare studuisse. Hoc ipso tamen utroque modo a vero aberrauit. Licet diuersam mysteria impugnandi viam *Postellus* atque *Seruetus* ingressi fuerint, non tamen dubitandum, quin in palmario themate vltro conspirantes, in accessoriis quoque consensissent, si deliberandi et conferendi inuicem copiam nacti fuissent. *Postellus* enim *Seruetum* defendit, et vario respectu consensum suum cum eodem testatus est. *Seruetus* tres in diuina essentia personas, tres oeconomias, dispensationes ac reuelationes facit; *Postellus* eas esse proprietates nomenque Patris ad diuinam potentiam, Filii ad sapientiam, et Spiritus S. ad amorem et gratiam in Deo spectare statuit.

Specialiora eius placita perspiciuntur ex ipsius *Apologia* pro *Serueto Villanouano*, *de anima mundi, siue de ea natura, quae omnino necessaria est, et habenda est media in-*

ter

ter aeternam immobilemque, et creatam mobilemque, est-
que consubstantialiter in ipso Christo, sicuti est etiam habenda,
contra aspergines et praecipitatum CALUINI in hanc
causam iudicium. Siue ut titulus sit clarior, de Dei et
naturae, vel de Animae et animi mundi, seu de diuinæ na-
turæ, et inseparabilium ab ea virtutum eius summo conatu
et effectu, GUILIELMO POSTELLO, *Restitutionis omnium*
primogenito, a CALUINO hac in causa maligne perstricto
auctore. De Deo in hoc scripto ita suae mentis cogitata
profert: „Etiam si omnes homines et ecclesiae mundi con-
„tradicerent mihi, nedum vnus homo incognitus, fieri
„tamen non posset, ut aliter intelligerem Essentiam sub-
„stantiamque Dei, quam ut sit trina in subsistentia. Nam
„nisi sit Potentiae, Sapientiae, Beneuolentiae, Clementiae
„infinita substantia, impossibile est omnino, ut quicquam
„sit ab essentia illa creatum, formatum aut factum.”
Suam de Trinitate opinionem ab animae humanae natura,
illustrare conatur: „Quum videamus in homine, cuius
„caussa Deus mundum visibilem ordinauit et creauit,
„fieri nulla ratione posse, licet tantum distet a Deo, quan-
„tum solis substantia a terra, quia tamen rerum omnium,
„quas sponte facit, habeat *Posse*, *Scire* et *Velle*, est omni-
„no illud longe magis in Deo necessarium, per quem tales
„sunt omnes homines, ut sit substantia, *Potentiae*, *Sapien-*
„*tiae* et *Clementiae*. Licet autem anima nostra non dica-
„tur esse Trina aut vna, quamuis *Potentia*, *Sapientia* et
„*Clementia* differant in illa, tamen quod Deus, eo quod
„Deus duce potentia, complens est et continens omnia,
„potissimum formas creat, ordinat, distinguit, duce Sa-
„pientia vero, cuius est ordinata disponere, curat, ut ma-
„teriae gradus formis respondeant, et duce clementia fa-
„cit, ut vna et materiae et formae gradus componantur;
„ideo necessarium, ut subsistentiae tres sint in ipsa essen-
„tia Dei. Vna enim agit tanquam a Circumferentia ad
„Centrum: hinc formae nihil sunt suarum virium aut fa-
„cultatum ratione. Secunda a Centro ad circumferen-
„tiam

„tiam corporis molem excitat, et diducit ex non ente in
 „ens: medio actu centrum Circumferentiae nectit artifex
 „illa clementia, quae digitus Dei est; Impossibile est sine
 „tribus illis subsistentiis conditum fuisse (mundum). Sic
 „ab aeterno Deus est Trinus et vnus.” Et l. c. p. 476:
 „Deus omnia ab aeterno cum suae essentiae Potentia, Sa-
 „pientia et Clementia infinita replet et continet. Est ita-
 „que omnino impossibile eum intelligere, nisi per Tri-
 „nitatem, id est per Trinitatis in vnitatem consideratio-
 „nem. Tres enim primariae subsistentiae, Proprietates,
 „differentiae et distinctiones, siue Personae ipsius deitatis
 „intelligentur, necesse est, priusquam ullus actus ipse
 „possit animo concipi. Nam nisi Potens, Sapiens et Cle-
 „mens, per Potentiam, Sapientiam et Clementiam sese no-
 „bis in mundi huius opificio demonstrasset, procul dubio
 „est omnino impossibile, ut generi humano innotuisset.”

In hoc scripto perhibet *Postellus*, quod sibi quoque
Serueti nomen ignotum fuerit; hoc autem pessime inficia-
 rum esse, nos persuasos habemus, nec desuere mendacii
 huius rationes. Postquam vero igne absumtus fuerit,
 peruenisse ad manus suas narrat scriptum *Serueti* de *Tri-
 nitate*, idque ut putat, nondum typis expressum, quod
 cursim et vellicatim, ut ipse dicit, legisset. Ex ipsius de
 hoc libro sententia patet, quod iis, quae *Seruetus* de
Trinitate docuerat, in genere calculum adiecerit, nec mi-
 randum, quod in huius explicandi ratione nihil ipsi dis-
 plicuerit, cum ipse Personarum a se inuicem distinctarum
 Trinitatem negarit, et attributorum diuinorum Trinita-
 tem admiserit. Sine dubio scripto isto *Serueti*, quod in
Msspto legit, *Christianismi Restitutionem* innuit, quod illi
 in Italia et Venetiis versanti, antequam Lutetiam Parisio-
 rum adiit, in manus fortassis venerat. Cum *Seruetus* iam
 anno 1535 vel 36 exemplar huius scripti *Caluino* trans-
 miserit, probabile est, eundem quoque vnum atque alte-
 rum exemplar *Msc.* in *Italiam*, et inprimis *Venetias* mi-
 fuisse,

fisse, maxime cum *Postellus* ipse referat, *Seruetum* plures in Italia amicos et Patronos habuisse.

His, quae de *Postelli* in articulo de mysterio S. S. Trinitatis figmentis diximus, fidem faciunt, ab eodem circa hoc argumentum, in libro *de orbis terrae concordia*, in lucem prolata. In huius parte prima, christianae religionis placita, (vt ipse significat,) rationibus philosophicis docet; et sectione tertia de Trinitate et Trino Deo ita agit, vt mysterium hoc ex rationis principiis, ex Cabala et Talmude, immo adeo Muhamedanorum testimoniis adstruere velit, S. scripturae V. et N. T. oracula vero, vel leuiter tantum tangit, vel plane nullam eorum facit mentionem. Quanta in *Serueti* ac *Postelli* explicatione mysterii S. Trinitatis conuenientia, tanta deprehenditur differentia inter somnium huius de anima mundi et illius imaginaria distributione diuinae essentiae per hoc vniuersum. *Postellus* enim ex Axiomate, Finiti ad Infinitum nullam esse proportionem, hanc infert consequentiam, quod neque Deus infinitus ad res creatas finitas, absque natura media appropinquare, mundumque regere, nec diuinitas nec humanitas in Christo vniri possit, nisi quaedam substantia media infinitum spatium compleat, quod Deum et orbem, diuinam et humanam naturam, intercedit. Haec substantia media ipsi sub nomine *animae mundi* venit, quam vero adeo obscure designat, vt nemo sanus hoc ingenii phantasma capere possit, immo certo iudicari debeat, id ipsum non intellexisse. Quamuis enim suum de anima mundi conceptum, simili quodam ab anima mutuato illustrare voluerit, obscurum tamen per aequè obscurum nihil lucis obtinet. Ita autem de ea loquitur, l. c. p. 466: „Protestor itaque toti Ecclesiae et posteritati „humani generis, me nihil aliud intelligere, aut intelligi „velle per hanc mediam naturam, quae est anima mundi, „et cuius summus conatus est, Maternitas generalis, sicut „a Deo diuinitateque est paternitas generalis, quam diuinarum

„narum virtutum cumulum, acruum, molem, massam,
 „vniionem aut congregationem, per quam Deus, alioqui
 „in se omnino immotus et immobilis, fit realiter et actu
 „ad particularia mobilis, et qui nusquam locum obtinet,
 „omnia sine loco replens, localiter tamen in diuinarum
 „virtutum coaceruatione fit, Ssechinach, hoc est, localis,
 „et loco mobilis prouidentia, cuius medio Deus omnia
 „disponit, sicut anima nostra loco certo carens, et per se
 „immobilis, per suas tamen virtutes localiter in toto cor-
 „pore dispersas, omnes partes corporis mouet, regit, et
 „conseruat.”

Quicumque interea conceptus, cum *Postelli*, de anima mundi, explicatione copuletur, in aprico tamen positum est, longe aliter de nexu diuinæ essentia, cum rebus creatis, et influxu causæ supremæ in hoc vniuersum fuisse *Seruetum*. Qua igitur intentione Apologiam *Serueti* suscepit, dici nequit; vel enim *Serueti* de hoc argumento sententiam non debite intellexit, librumque eius non attente perlegit; vel fastu inflatus sibi persuasit, *Seruetum* discipulum suum, sibi que adeo homodoxum fuisse. Primum suam de anima mundi sententiam orbi exposuerat in libro, qui *Basileæ* 1547. 4. hoc indice lucem publicam adspexit: *De natiuitate mediatoris ultima, nunc futura et toti orbi terrarum, in singulis ratione præditis manifestanda, opus. In quo totius naturæ obscuritas, origo et creatio ita cum sua causâ illustratur exponiturque, ut vel pueris sint manifesta, quæ in Theosophiæ et Philosophiæ arcanis hætenus fuere. Auctore spiritu Christi, ex scriptore G. POSTELLO, Apostolica professione sacerdote.* Inter Manuscripta *Bibliothecæ Baumgartenianæ* teste Catalogo. p. 70. N. 35. allegatur, formæ 4. addito *Peterseni* nomine. Nihil minus in hoc libro occurrit, quam quod titulus venditat, et quæ proponit, tanta obscuritate inuoluit, ut facile quis crederet, eum intelligi noluisse. Id tamen cognoscitur, allaborasse auctorem, vniuersalem huius mundi animam adstruere, quam hoc vniuersum tamdiu inha-

inhabiraturam credidit, quamdiu semet toti generi humano communicauerit.

Ep. *Postelli* ad *Andream Masium*, intimae admissio-
nis amicum, inserta *Museo histor. Philolog.* Vol. II. P. III.
p. 438. non tantum errorum monstra in genere exponit;
sed etiam argumento comprobat, eum Antitrinitariis esse
accensendum. De diuina ac infallibili inspiratione Apo-
stolis facta dubie loquitur. Scripturam corruptam esse,
immo in ea falsa occurrere, neque necessariam docet.
Duce naturā cognosci posse Deum per Christum. Euan-
gelium esse emendandum. Vnum esse Deum, qui sit
mens mentium. Omnes homines esse eius partes. Mor-
tuos dormire. Christum esse creatum. Esse fontem
idearum, et spiritum mundi, quem Turcae vocant *Mach-
bad*. Omnes homines esse eius actualia membra. Deum
non curare particularia. Ad opprimendam falsam intel-
ligentiam suscitatum esse Muhamedem. Spiritum S. esse
minorem filium. Spiritum Patris, Filii et Sp. S. esse
creatum et mobilem. Sinē his veritatibus nullam esse
providentiam, nullam scripturae veritatem. Dari rerum
omnium reuolutionem. Infernum tantum esse purgato-
rium. Homines ex eo esse liberandos. Johannam suam
sibi esse, quod Maria fuit Christo, aut Aegeria Numae. —
In litteris selectis *Rich. Simonii*, Amstel. 1700. 12. editis,
ep. XXI. de *Postello* haud pauca lectu digna exponuntur.
Praecipue de eodem notauit auctor: Philosophiam eius
fuisse Aristotelico-Auerroisticam, Platonice et Caballisti-
cis interpolatam doctrinam: *infra Trinitatem eum sta-
tuisse Intelligentiam, quae omnes siue humanas, siue ange-
licas intelligentias contineat, quae sit Trinitatis prima ema-
natio, et praecipue secundae Trinitatis personae, utpote
passibili, unita fuerit.* Quod a Virgine Veneta redemptio-
nem sexus sequioris expectandam esse somniauerit, *Simo-
nius* constantissime negat; qui etiam *Postelli* in rempubli-
cam litterariam merita notauit, inter quae nauata in codi-
cibus manuscriptis ex Oriente aduehendis opera eminet.

Paucissi

Paucissima tantum hominis supra modum fanatici somnia hoc loco significavimus; in hunc censum etiam sequentia veniunt: 1) Animam Christi ante hoc uniuersum creatam cum λογω ab aeterno unitam fuisse. 2) In coelo totius naturae contenta et fata litteris hebraicis, quas stellae formarent, consignata esse, quaeque semet ipsum vidisse et in coelesti scriptura legisse, per Deum eiusque Messiam obtestatur. 3) Mundum hunc per sex millenaria duraturum. 4) Ante saeculorum consummationem omnium rerum αποκαταστασι futuram, mundumque in eum statum, quo ante hominis lapsum fuit, rediturum. Non vero *Postellum* eadem omni tempore statuisse, sed potius sibi ipsi haud raro contradixisse, ac semel affirmata alia vice euertisse, *Niceronius* optime notauit; quod in homine viuacissimae nullisque regulis adstrictae imaginationis, qui sibimet ipsi maxime placuit, stupenda rerum et idearum multitudine, absque ordine, memoriam suam oneravit ac oppressit potius, quam exornauit, facile accidere potuit.

Eundem *Lutetii Parisiorum*, in coenobio S. Martini a *Campis*, in quo per aliquot annos in custodia libera vixit, a. 1581 mortuum esse, anno aetatis fere 72. compluribus probatum est, qui quoque in templo coenobii, ad altare S. Mariae in pariete haec legi verba, testantur:

Postellus postquam peragravit plurima passus

Pro pietate polos Parisiis petiit,

Obiit sexto Septembris 1581.

Moerens ponebat, Adrianus Tartrier Medicus.

Scripta quam plurima et circiter quinquaginta in publicum protrusit, quae post NICERONIUM recensuit FREYTAGIUS in *Annal.* p. 699—706. *Biblioth. Hal.* T. VI. p. 357. sqq. *Hist. libr. memorab.* T. III. p. 305 sqq. Librum eius de virgine Veneta, nec non Apologiam pro *Serueto* cum aliis nonnullis Bibliotheca Vffenbachiana tenuit, V. Catalogus eiusdem Tom. III. p. 753. 683.

693. 696. et Tom. IV. sub tit. *Postellus*. Epistola ejus Hosio 1567 mense JULIO scripta, qua acerbè Sacramentarios perstringit, suumque *Hosio* libellum transmittit de *miraculo a locali corporis Christi praesentia factum* LAUMDUNI, summaque imis fanaticorum more miscet, inserta reperitur E. S. CYPRIANI *Tabulario Eccl. Rom. sec. XVI. p. 435. sqq.* In hac ita scribit: *Licet eo in foelicitatis deuenerim, ut qui amenssum a S. D. N. Papae PAULI CHABAPHAE Legato una cum assessoribus Triumviris Veneti Senatus judicatus, et praeterea sim meis in libris proscriptus Romae, licet semper omnia mea scripta Ecclesiae Catholicae Romanae subiecissim, tamen potius moriar, quam catholicus reuera esse desinam.*

§. XV.

Matthiam Gittichium, Michaelis Venetiani patrem collegiis Vicentinis interfuisse, nullo quidem testimonio confirmari potest; videtur tamen filius patre Italo *Venetiano* oriundus, in memoriam eorum, quae *Venetis* circa primordia Antitrinitariorum sectae gesta sunt, cognomen tum adsciuisse, ut omisso paterno nomine, solo *Venetiani* gentilitio, nominari voluerit. *Franciscum Stancarum* Mantuanum, famosissimum in Ecclesia perturbatorem, inter Italos huius aetatis heterodoxos collocandum, collegia ista in agro Vicentino frequentasse, certo quidem dici nequit; sunt tamen rationes coniecturae locum facientes, ipsum conventuum istorum sociis fuisse, quae rationes in eadem causa de *Paulo Scalichio* adferri possunt. Celeberrimus quoque, *Petrus Paulus Vergerius*, qui circa annum 1548 Episcopatu, pontificiis sacris ac Italiae simul valedixit, istis sodali-

dalibus data occasione fauorem suum testatus est; quamuis Antitrinitariorum errorem nunquam aperte professus fuerit.

*

*

*

MICHAELIS GITTICHII insignis Sociniani in Polonia coetus defensoris (B. A. P. I. p. 372.) cognomentum VENETIANI, a Patre *Matthia Venetiis* oriundo, mihi suspicandi suppeditat rationem, Patrem, vel collegiis memoratis interfuisse, vel saltem cum horum sociis amicitiam coluisse. Id extra omne dubium est, MATTHIAM GITTICHIIUM *Italiam* accensendum esse, qui circa medium saeculi XVI, quo collegia ista dispulsa narrantur, Italia relicta in exterarum regiones peregrinati sunt. Fuit is in re medica versatissimus, quem GABRIEL FALLOPIUS in observationibus anatomicis ut summum virum laudat. In Italia Ducis Venetiani ALOYSII MOCOENICI medicus extitit, qua statione ipsi a Pontificiis immo a Pontifice ipso Romano structas esse insidias, A. Dinneri epistola ad *Scholarchas* Academiae Altorfinae die 30 Dec. 1609 scripta, quam Zeltnerus l. c. p. 86. sqq. ex autographo typis excudendam curauit, nos conducet. Italia igitur propter religionem relicta, in Polonia Evangelicorum sacris se addixit, hinc filius MICHAEL se patre Evangelico natum esse testatur, (vid. B. A. p. 390) quod tamen eo sensu intelligendum, quo omnes Itali in heterodoxa inclinantes, Evangelicorum sacra adfectarunt, cum quibus Antitrinitarii in principio, antequam publica separatio facta, ad speciem uniti fuerunt. Insidiae vero istae MATTHIAE GITTICHIO *Venetiis* structae, probabiliter in istud tempus incidunt, quo a. 1546. collegia Vicentina dissoluta, eorumque socii in alienas terras fuga se recipere coacti fuerunt. Is proinde ex Italia et Venetiis profugus, narrante Dinnero, in Poloniam se contulit; fortassis autem, ante iter in Poloniae regnum susceptum,

Geneuam, vel aliam Helvetiae civitatem salutavit, quam viam nisi omnes plerique tamen exsules *Itali*, ingressi sunt. In Polonia ex praxi medica vitam sustentavit, ibidemque matrimonium cum foemina opulenta, (filius enim in ep. ad *Ruarum* se primis adolescentiae suae annis satis liberaliter fuisse habitum significat,) iniit, et ex hoc matrimonio *Michaellem* cognomento VENETIANUM, incertum quo praecise anno, probabiliter intra annos 1580 ad 1590 procreavit, qui *Venetiani* cognomine, quo maxime delectabatur, ad incunabula totius familiae et disciplinae socinianae *Venetis* et in agro *Vicentino* praeformata respexisse mihi videtur.

Famosissimum illum FRANC. STANCARUM, *Mantuanum* ad ipsa collegia accessisse verisimile non est, eum tamen propter heterodoxa, fuga ex Italia salutem petiisse, certissimum est. Accidit haec fuga jam ante annum 1546. nam a. 1543. teste de Porta l. c. L. II. p. 89. *Stanckarus Clavennae* in Raetia commorabatur et cum *Franscisco Nigro* et *Camillo*, (de quibus alio loco) magnam in re sacramentaria concitavit dissensionem, quae quoad hanc pugnam in plenarium schisma progeneravit, et pio Clavennensis coetus ministro, *Augustino Maynardo* maximam contraxit molestiam. Cum *Venetis* ipsi et post hoc tempus fuisse commercium, ex nonnullis vitae ipsi us circumstantiis probabiliter colligitur. *Balth. Alterius*, a secretis Legati Anglicani apud Venetos, ita de eodem scribit: (de Porta l. c. p. 121.) *Cerebrum Stanckari a multo tempore novi, et scio optime, quo pede claudicet. — Is pauperculus semper fuit, scandalosus et extraneorum opinionum, et quandam habet instabilitatem, ut nesciat, quid expiscetur, temerarius, multo plus, quam in tuis (Bullingerus) litteris dicas: propterea fuge illum amore Domini, et amovete illum ab oculis, quo citius potestis: aliter nunquam quiescet neque Tuneque Ecclesia vestra.* Inter scripta eius, quae in *Bibliotheca Gesneri* per *Simlerum* aucta et per *Frisum* amplificata
Tigur.

Tigur. 1583. p. 245. recensentur, STANCARI *expositio in epistolam Jacobi Apostoli, Venetiis, apud Parcum* 1546 excusa allegatur: quo loco jam a. 1530 breuissima eius institutio de modo legendi *hebraice* prodiiit. STAN. ORICHOUUS *Roxolanus in Chimaera, siue de Stancari funesta regni Poloniae secta, Colon.* 1563. de eodem p. 121. b, inquit: „Cur Franciscus Stancarus fugiens e Mantua non potuit sedem et domicilium vitae alibi ponere, quam in Polonia? Cur is euitauit Patauiam Mantuae vicinam? Cur e VENETIIS enauigauit, aut cur illam praeternolat urbem florentissimam potentissimamque? quae optimorum ac eruditorum virorum non receptrix solum, verum etiam altrix est, cur, inquam, is patria fugiens, ad urbem VENETAM non flexit iter? Cur ad nos potius, quam ad alios in Sarmatiam penetrauit? quid caussae aliud quis esse dixerit, nisi quod Stancar VENETORUM leges timuit, nostras autem contempsit? An VENETI hunc fugitiuum in illa seueritate Reipublicae canones reformatorios scribentem ferrent?“ Eiusmodi canones reformationis Ecclesiarum Polonicarum a. 1552, 8. Stancarus diuulgauit, quibus perstringendis Orichouius in hoc libro operam nauauit.

In loco de S. Trinitate non quidem STANCARUS Laelio Socino, ceterisque horum collegiorum sociis adspirauit, immo potius et disputatione publica d. 20. Jun. 1551. in Academia Regiomontana, publice ventilata, et duobus opusculis, *de Trinitate et unitate Dei*, orthodoxam de hoc mysterio doctrinam vindicare studuit, aduersus Tritheitas, Arianos, Eutychianos, Cerinthianos, Ebionitas, Photinianos etc. Ejus igitur mentionem non facimus; quod Antitrinitariorum numero eum omnino inferendum esse arbitremur: sed quod probabile videatur, nisi deliberationibus *Vicentinis*, de reformanda doctrina christiana interfuerit ipse, vel saltem iisdem adplausisse. Hoc interea respectu aduersus articulum de S. Trinitate impegisse putandus est, quod Theologos

orthodoxos Christum secundum vtramque naturam hominum Mediatorem ad S. Scr. ductum docentes, *Trithemismi* accusauerit, sibi que persuaserit, quod omnes, qui aduersus suum de Mediatore argumentum pugnam inierunt, tres Deos nolentes fecerint. De excitatis ab eodem controuersis, occasio dabitur in historia *Socin. Pol. ex actis* mssec. plura disseñendi. Vitam eius et motus variis locis ab eo concitatos, nec non scripta eius exposuerunt SALIGIUS l. c. T. II. p. 570 sqq. et p. 714 sqq. BAYLIUS l. c. tit. *Stancar*; LUBIENECIUS l. c. L. II. Cap. VI. WENGERSCIUS l. c. p. 228. HARTKNOCHIUS in H. E. Pruss. p. 344. Pr. Zehenden, T. I. p. 268. ANT. POSSEVINUS in *refut. resp. Dav. CHYTRAEI* p. 177. Refutarunt eius placita inprimis ALESIIUS, CALVINUS, HELLTUS PANNONIUS, MELANTHON, *Stan.* ORICHOVIUS, CONR. SCHLÜSSELBURGIUS, SIMLERUS, *Tigurini Theologi*, et JO. WIGANDUS de *Stancarismo*, Lips. 1585. 4.

Quae de *Paulo Scalichio*, nisi socio attamen sodalium Collegiorum Vicentinorum amico et fauore, Prussiaeque conturbatore, dici possunt, exposaturi sumus in *Historia Socinianismi Prussici*.

Celebratissimum est PETRI PAULI VERGERII, Junioris, legati olim Pontificis et Episcopi Justinopolitani nomen eruditis, praecipue historiae reformationis gnaris, quippe qui summis muneribus in Ecclesiae Romanae sinu ornatus, proximus summis a pontificatu honoribus fuit, tandem vero praeter omnem opinionem ad Protestantium coetum confugit, et scriptis compluribus, suum incuriam Romanam odium prodidit. Sunt quidem haud pauca apud scriptores inprimis SALIGIUM et SCHELHORNUM l. l. cc. aliosque hinc inde dispersa, quae ad ejusdem vitam et scripta spectant; sed vere omnino iudicauit, JO. DAN. JANOSCIUS, de libris *rar. Polon. in Biblioth. Zalusc. obuiis* P. I. p. 63. *Vitam VERGERII a nemine unquam toto ambitu suo esse narratam; In primis scripta a*

VERGERIO edita, omniumque iudicio rara et rarissima, nullibi pleno indice, et quoad praecipua eorundem contenta, exhibita animaduertuntur; ipsi enim SALIGIO numerosissima adiuto Bibliotheca, quaedam manserunt incognita. Hinc operae praetium aestimamus fata et scripta viri huius famigeratissimi, qui et *Prussiam* et *Poloniam* salutauit, librosque adeo in his regionibus concinnauit et prelo subiecit, peculiari aliquando schediasmate luci publicae exponere. Hoc loco significare sufficit, quod rationes in promptu sint, conjiciendi locum facientes, *Vergerium* non quidem erroribus in agro *Vicentino*, aduersus S. Trinitatis mysterium conceptis, attamen collegiorum istorum sociis, qui animum suum illis imbutum monstrarunt, inprimis *Laelio Socino* fauisse, mentemque propensam testatum esse; quemadmodum quoque vitae eius historia comprobatur, illum hoc tempore inter *Venetos* aliquamdiu vixisse. Eadem vnique testabitur, VERGERIUM, reformatoris in Ecclesia famam et titulum, quouis modo ambiisse, quem omnes, qui in Antitrinitariorum syrtibus hoc tempore inciderunt, adfectasse scimus. Fuit is intimus MATTHAEO GRIBALDO, collegiorum istorum socio non infimo, cum quo SPIERAM desperandum saepe inuiserat. Quanta in illum fuerit propensione, colligitur, quod *Geneua* publice excedere coacto, locum et hospitium *Tubingae* parauerit, et legendi in Academia veniam procurauerit. Multum quoque commercii intercessisse *Vergerium* et *Laelium Socinum*, inprimis cum hic *Tubingae* commoraretur, ex ep. *Puchelebit*, *Vergerio* scripta conjicimus, in qua ille *Laelium* quendam, quem *Socinum* fuisse nullum dubium est, communem amicum adpellat. Non parum auget suspicionem de eodem conceptam, quod relictis Pontificiorum sacris, nulli omnino Euangelicorum coetui et confessioni ex animo se iungere voluerit, quod ex tota vitae ipsius comparet recensione. Nec *Lutheranis*, nec coetibus confessionem *helueticam* suscipientibus, suum subtra-

xit fauorem, nec a fratrum Bohemorum disciplina alienus fuit; sed nullius vnquam communionem serio et constanter sollicitauit. Nullus vnquam coetus eum in gremium suum adoptauit, qui omnibus ob vagum circa fidei confessionem animum suspectus visus est. Magis vrgebat *Vergerius* pietatem et emendandos mores, quam orthodoxiam et certum credendorum canonem. Hinc plura adhuc desiderari in reformationis negotio, quam quae in purganda doctrina praestita erant, quauis occasione venditauit; quam opinionem habuisse omnes, qui vel *Collegiis Vicentinis* interfuerunt, vel alio modo et loco aduersus mysteria fidei christianae hoc tempore pugnarunt, saepius obseruauimus.

Maxime suspicionem heterodoxiae sibi contraxit, quod in annotationibus ad catalogos librorum a pontificiis proscriptorum, ne vnica quidem littera merito proseribendos et ab omnibus Christi ciuibz, quarumcunque fuerint confessionum, damnandos notet, nec vnquam lectores de auersandis ac repudiandis Antitrinitariorum scriptis moneat; sed potius haec Euangelicorum et veritatis testium libris suo vel iudicio vel silentio aequiparet. Notauit quidem circa Catalogum haereticorum, *Bern. Ochinum*, *Ludov. Hetzerum*, *Mich. Seruetum* aliosque, neutiquam tamen hos a coelestis doctrinae vindicibus separauit, nec suum aduersus illorum errores, tanquam orthodoxae fidei defensor, testatus est animum auersantem. Immo potius mysteriorum osares veritatis euangelicae testibus ac egregiis Christi militibus, accenset. Ita enim sine omni horum scriptorum exceptione et determinatione, in notis ad *Catal. haeret. Regiomonti a. 1556. 8.* edit. scribit: „*Si quis ex nostris forte, qui aduersus Papatum, Christi hostem scripserint, iguoret, cupiat autem illorum sibi libros comparare, ex hoc velut indice, quem nostri aduersarii magna nobis diligentia parauerunt, id ipsam facile consequi potest.*“ Prolixe quidem

nota-

notauit libros aduersus Deum, Filiumque eius aeternum et vnigenitum blasphemos, qui apud Pontificios exstant in tabernis atque in foris, maxime in celebrioribus Italiae ciuitatibus, *Romae, Venetiis, Florentiae, Ferrariae, et Mediolani*, sed quamuis hac ipsa significatione, comoda oblata fuerit occasio, libros *Serueti, Campani* aliorumque atro notare calculo, studio tamen id officii omisisse videtur, satiusque duxit, haec praeterire omnino, sicque animi sui sententiam occultare. Non obscure STAN. HOSIUS, Episc. Warmiensis in libro *de expresso Dei verbo, qui Regi Poloniae Sigismundo Augusto* inscriptus est, ad VERGERII cum Antitrinitariis contentum respicit, quando p. B. IIII. scribit: „Erit quisquam qui sibi persuaderi patiatur, *Iesu Christi doctrinam esse, quam profitetur VERGERIUS, quam non Christiani modo detestantur, verum ipsi etiam Germani Lutherani uque eo execrantur, ut, qui sunt eam amplexi, cum iis, nec uiuis nec mortuis, communicandum esse putent?* Sed nolo plura de VERGERIO, cuius propterea hic mentionem inieciimus, ut intelligere quiuis posset, apertius per hunc, voluntatem suam, *Sathanam explicasse, quam per illos etc.*“ Fateamur interim lubentissime, nec Hosio credendum esse in omnibus, quae de *Vergerio*, nec huic, quae de *Hosio* profert.

Tantum interim pondus his coniecturis & praesumptionibus neutiquam statuo, ut virum ceteroquin pium et ob varia negotia et indefessum promouendae reformationis in diuersis regionibus, et in *Polonia* praecipue studium, bene meritum, Socinianismi macula adficiam. Immo amore, qui Christi ciues decet, ductus credo, *Vergerium* circa vitae suae finem, stabiliorem fuisse, et exemprum opinionum fluctibus, quibus per maiorem vitae suae partem iactabatur.

Ne aliis me accusandi locum faciam, quod viris orthodoxis ac infantibus injuriam fecerim, pluribus coniecturis vltro abstineo. Visus autem aliquando mihi est MINUS CELSUS *Senensis*, vel Collegiorum Vicentinorum sodalis, vel horum sodalibus fauens fuisse. Exstant enim inter epistolas Italicas CLAUDII TOLOMEI, itidem *Senensis*, *Venetis* 1566. 8. editas, *Fabii Benvoglianti* litterae ad *Minum Celsum*, *Venetis* die 15. Septembr. 1548. adeoque biennio post dispulsa Collegia scriptae. V. *Vogtii* Catal. libr. rar. p. 183. Imo fortassis FRANCISCUS ille SPIERA, *Ciuitatulanus* illis Italis accensendus, qui in agro Vicentino de reformanda Ecclesia deliberarunt. Habuit is *Patauii* domicilium, quo loco aduocatum in causis agere solebat. Accusatus est circa initium anne 1548, quod quaedam contra purgatorium aliaque Ecclesiae Pontificiae statuta dixerit. Hinc ad legatum Pontificis *Venetias* vocatus, ab eoque interrogatus, profitebatur, se multa contra doctrinam, quam Ecclesia Romana tenet, et dixisse et adfirmasse; sed territus suo ac familiae suae periculo, vndecim enim miser habuit liberos, palam promisit, et, vt creditur, jurejurando quoque confirmavit, se nihil deinceps tale quid vnquam dicturum. V. P. *Vergerii Historia Francisci Spierae* etc. *Tubingae* 1558. 8. p. 8. Mentio praeterea fit in *Tobiae Eglini* epistola quadam ad *Bullingerum* scripta, cujus verba alio loco allegavi, *Turriani* cujusdam Pluriensis Ecclesiae in Heluetia ministri, qui iam antea in Italia sacro ministerio functus erat, nec non *Camulii Nicolai*, et *Camilli Socini*, *Laelii Socini* germani fratris, qui posthac haereticorum fautores deprehenso fuerunt, et fortasse ex Collegiis istis Vicentinis, tanquam ex equo Troiano egressi sunt. Sed haec et alia solidiori scrutinio relinquo, merisque adnumero coniecturis; quamvis de *Camillo Socino* indubitatum sit, eum Antitrinitarium fuisse.

Multum lucis iis quae iam dicta sunt, adfert opus eruditum saepius, id est *de Porta: Historia Reformationis Ecclesiarum Raeticarum ex genuinis fontibus etc. Curiae Raetorum et Lindaviae, Tom. I. 1772. Tom. II. 1777.* Inprimis auctor L. I. pleniorē instituit enarrationem de *Profelitis Italis*, qui ab a. 1540 ad a. 1552 ex Italia religionis causa in Raetiam migrarunt, quibus post alios, *Camillum* quendam *Renatum*, patria Siculum accenseret, qui *Clavennae*, (Chiavenna) placita Socinianis deinceps propria aliis persuasit, multosque ista adprobantes nactus est.

§. XVI.

Itali Antitrinitarii, inter quos *Loelius* inprimis *Socinus* fuit, ex Italia profugi, in coetuum reformationum sinum, vel in *Rhaetiam*, vel *Genueam* primum se contulerunt, ibidemque clam aduersus fidei christianae mysteria molientes, Italorum coetui, quem familiae italicae reformationem amplexae formarunt, adjungi cupiebant. Hujus Seniores ac Antistites, inprimis *Calvinus* cum animaduernerent, a quibusdam peruersos in articulo de tribus in vna diuina essentia personis divulgari sermones, composita confessionis forma ab omnibus subscribenda occultum virus, quod tamen non omnino latuit, detegere studebant. Innotuerunt hoc modo *Valentinus Gentilis*, *Matthaeus Grimaldus*, *Paulus Alciatus* alique, qui confessioni quidem subscripserunt; postea vero diuersam plane sententiam defendentes, cum duriora remedia aduersus se adhiberi viderent, relictis Raeticis ac Hel-

Helveticis provinciis, in *Poloniam* confugiebant, et omnes fere Europae regiones errorum suorum persuasione inficere allaborabant. Ex vniuersa interim, quam absoluimus, tractatione cum iis collata, quae sequente capite exposituri sumus, sine dubio ratiocinamur, Socinianismi natales ex Italia maxime esse petendos.

*

*

*

Omnes ex Italia circa medium saeculi XVI. propter religionem profugi, qui tamen non omnes Antitrinitariorum placitis infecti erant, in *Raetiam* et *Heluetiam* confines Italiae terras se receperunt. Respublica *Raetiaca* ab ortu Tyrolensi comitatui, ab occasu Dynastiae *Ballinzonensis* et *Bergomatibus Brixianisque* Venetae ditionis, a Septentrione *Vraniis ac Glaronensibus* Helvetiis confinis est. Isti igitur ex Italia religionis causa extorres, etiam *Locarni*, et in aliis civitatibus Raetiae, praecipue *Claven-nae*, nec non in Helveticis pagis plures coetus vel parochias, maxime etiam *Genevae* et *Tiguri* formarunt, quibus singulis Euangelii ministri praefuerunt. Coetus isti Italici longo tempore floruerunt, eorumque socii apud scriptores sub *exsulum* Italorum in specie *Locarnensium* titulo celebrantur, quos praeter alios supra jam notatos, *Maynardus*, quoque et *Ochinus* docuit. Pari modo *Pesclauii* in *Rhaetia* coetus peculiaris adornatus erat, quem *Julius Mediolanensis* curavit, qui sane cum plurimis coetuum istorum doctoribus orthodoxam defendit doctrinam, imo adeo *Laelii Socini* refugia et tergiuersationes *Bullingero* detexit, de quo alio loco. Fuisse *Julium* hunc *Mediolanensem* antea *Venetis* propter haeresin in vincula coniectum, *Bouerius* l. c. Tom. I. p. 427 enarrauit. Erat is *Jo. Valdesii* discipulus, et circiter a. 1542

ut diximus, in carcerem ductus. *Ochinus* eodem locorum temporis commoratus, de hac incarceratione tristes querelas movens, semet ipsum haereseos inter Pontificios suspectum fecit. *Julius* interim vel e carcere dimissus, vel quod magis videtur probabile, fuga vitam morti eripiens, posthac *Pesclanii* ministerio Ecclesiastico functus multum apud Evangelicos auctoritate valuit. Scripsisse eundem in captivitate Veneta quosdam libellos, in quibus sub fictitio nomine *Girolamo Sauonse* latere voluit, scriptores coaeui produnt. Nomen istud, quod adsciuit, in catalogo librorum expurgatorum, qui 1549 *Venetis* opera *della Casa* prodiit, occurrit. *Julium* hunc, qui a. 1571 adhuc superstes fuit, *Coelius Secundus Curio* in Pasquillo ecstático p. 166. adpellat virum acutissimum.

Ad eandem formam coetus quidam ex Italis *Clauennae* collectus erat, quae Prouincia *Rhaetiae* ad terminos Italiae inter socios et foederatos Helvetiae numeratur. Erant quoque in *Valle Telina* societatis eiusmodi Tirani, Tili et Sindrii. In his fere omnibus hoc tempore *Anabaptistae* et *Antitrinitarii* suum conducere exercitum laborabant, saepius tamen ab orthodoxis in hoc studio impediti. Confluxerunt quoque, Pontificiorum persecutiones vel timentes, vel iam experti, maxime *Geneam*, quo loco et in aliis Helvetiae ciuitatibus, non quidem apertos, quod terror non permisit, occultos tamen Antitrinitariorum dogma habuit amicos et fautores. Non dubitandum, quin ante supplicium *Serueti*, fama *Caluini* eosdem in hunc locum inuitauerit. *Itali* isti, ecclesiasticam celebratissimi hujus doctoris formam in hac republica suscipientes, peculiarem instruxerunt coetum, cui plures ministri praefuerunt, quo vero ordine se inuicem exceperint, huius loci non est, ut disquiratur. CELSUS MARTINENGUS, qui vix anno interiecto post PETRUM MARTYREM *Vermilium*, Italiam et Papatum reliquit,

quit, primus sine dubio coetum Italicum Geneuae instructum docuit. V. SIMLERI oratio *de vita et obitu Petri Martyris Vermilii, Tiguri* a. 1563. 4. p. 8. b. Non *Italorum* tantum, sed aliorum quoque hoc tempore peregrinorum societates ecclesiasticae *Geneuae* floruerunt; nimirum *Anglorum* et *Hispanorum*, cujus rei ratio partim in opportuno loci huius situ, et forma regiminis, partim in celebritate magnaue per totum orbem fama CALUINI quaerenda potissimum est; quippe ex plurimis christiani orbis regionibus ejus consilia in religionis negotio efflagitabantur, et ad eum audiendum discendi cupidi vndique locorum confluebant, adeo ut *Geneua* tot capiendis hospitibus aliquoties vix suffecerit.

CELSUS iste MARTINENGUS, intimus HIERON. ZANCHII, ante hunc, patria et religione pontificia relictis *Geneuam* concesserat, qui circa annum 1559 moribundus CALUINO gregis sui curam commendauit. Ad hanc sollicitudinem commotus turbis istis circa annum 1555 ad a. 1558 in coeta hoc Italico apud Geneuenses excitatis; siquidem hoc tempore in eodem *Serueti* gliscere errores inceperunt, quod Senioribus hujus societatis occasionem suppeditavit cogitandi, qua ratione malo, clam repenti, tempestiue occurrerent. Hinc certam quandam fidei formulam, quae doctrinam de S. Trinitate et consensum de eadem vnanimem testaretur, concinnarunt, qua tanto facilius placita a quibusdam Antitrinitariis dispersa in lucem protrahi posse censuerunt. Legitur haec confessio ab Italicae Ecclesiae Geneuensis Senioribus et Senatu Ecclesiastico concepta die 18 *Maii* a. 1558 in *actis Val. Gentilis*, quae tamen cum alia fusiori fidei tessera, paulo ante a *Caluino* exarata, non confundenda, quam exhibet LETI in *Historia Geneuina*, T. III. p. 104. Plures quoque eiusmodi formulae in aliis Helvetiae oppidis, communicatis consiliis hoc tempore sunt concinnatae, inter quas praecipue notanda; quae hoc titulo prodiit: *Confessio et*
expo.

expositio simplex orthodoxae fidei, et dogmatum catholicorum syncerae religionis Christianae, concorditer ab Ecclesiae Christi ministris, qui sunt in Heluetia, Tiguri, Bernae, Scaphusii, Sangalli, Curiae Rhaetorum, et apud confederatos, Mylhusii item, et Biennae, quibus adjunxerunt se et Geneuensis Ecclesiae ministri, edita in hoc, ut vniuersis testentur fidelibus, quod in vnitatem veram et antiquam Christi Ecclesiae persistent, neque vlla noua aut erronea dogmata spargant, atque ideo etiam nihil consortii cum vllis sectis aut haeresibus habeant: hoc demum vulgatum tempore, qui de ea aestimare piis omnibus liceat. Rom. X. Corde creditur ad iustitiam, ore autem confessio fit ad salutem. Tiguri. Excudebat Christophorus FROSCHOEVRUS, mense Martio, 1566. 4. pagg. 96. et praef. 6. Ad calcem confessionis: De Deo, vnitatem eius, ac Trinitatem p. 4. haec leguntur: Damnamus ergo Iudaeos et Mahumetistas, omnesque sacrosanctam et adorandam hanc Trinitatem blasphemantes. Damnamus item omnes haereses, atque haereticos, docentes Filium et Spiritum S. nuncupatione esse Deum, item creatum ac seruientem, aut alteri officiale esse in Trinitate, esse in ea denique inaequale, maius aut minus, corporeum aut corporaliter effigiatum, moribus vel voluntate diuersum, aut confusum vel solitarium, quasi Filius et spiritus S. affectiones et proprietates sint vnius Dei Patris: ut Monarchici senserunt, Nouatiani, Praxeas, Patripassiani, Sabellius, Samosatenus, Aetius, Macedonius, Anthropomorphitae, Arius et similes etc.

Quam primo loco allegaui Geneuensis Italorum coetus doctrinae formula his instructa erat verbis.

Oportuit quidem modestis omnibus Christianis sufficere fidei confessionem symbolo Apostolico comprehensam. Quia tamen nonnulli, quos sua quaedam curiositas a pura et vera fide abduxit, sparsis quibusdam falsis opinionibus et erroribus, pacem ac consensum huius Ecclesiae turbauerunt,
visum

visum est nobis, edere praesentem fidei confessionem de una et simplice Dei essentia et trium personarum distinctione, tum ut occurramus omnibus istis Satanae versutiis, tum etiam ut aduersus istos impostores satis instructi simus, atque adeo ut demonstremus, nos uno corde idem sentire et ore loqui, pariterque rejicere ac detestari omnes haereseis illi purae fidei contrarias, quam adhuc retinuimus, et ad extremum usque sequi decreuimus. Profitemur ergo Deum Patrem ita genuisse ab aeterno suum verbum, siue Sapientiam, quae est unicus ipsius Filius et Spiritum S. ab utroque eorum ita processisse, ut unica sit ac simplex essentia, Patris, Filii, et Spiritus S. Quod autem Pater a Filio et ab utroque Spiritus S. sit distinctus, id fieri personarum respectu. Itaque damnamus ac detestamur eorum errorem, qui dicunt Patrem simpliciter suae essentiae respectu, et quatenus (ut ipsi loquuntur) solus est ac verus Deus, Filium suum genuisse, perinde ac si diuina Maestas, gloria, essentia, denique vera illa Deitas esset solius Patris propria, aut Iesus Christus et Spiritus S. essent dii ab illo procedentes ac proinde diuisa esset ac separata diuinae essentiae unitas.

Caeterum cum vnum duntaxat Deum profitemur, agnoscimus quicquid eius deitati, gloriae et essentiae attribuitur, tam conuenire Filio, quam Spiritui S. quum simpliciter agitur de Deo, absque mutua inter se personarum comparatione. Si autem personae inter se comparentur, obseruandae sunt singularum proprietates, quibus ita distinguantur, ut Filius non sit Pater, nec Spiritus S. sit Filius. Quod attinet ad personam Domini nostri J. C., praeterquam quod ab omni aeternitate genitus est a Deo Patre, et est persona ab eo distincta, credimus eum in humana quoque natura, quam nostrae salutis causa induit, verum ac naturalem esse Dei filium. Quoniam videlicet duas naturas ita in vnum coniunxit, ut sit unicus mediator,

tor, Deus manifestatus in carne, seruatis tamen utriusque naturae proprietatibus.

*Porro ita hanc confessionem edimus, ut sancte testemur ac polliceamur, per eam fidem, qua Deo sumus obstricti, nos hanc doctrinam obseruatu-
ros, et in ea ita perseueratu-
ros, ut nunquam directe vel oblique, consulto quidem ac malitiose illi repugnemus, ad fouendam ullam diffidii speciem, quo possit ab ista concordia discedi. Denique ut omnibus discordiis in posterum occurratur, profite-
mur, nos viuere ac mori decreuisse secundum huius Ecclesiae doctrinam et contrariis omnibus sectis restituros. Haec omnia comprobamus, recipimus, ac confirmamus, ea conditione, ut, qui secus faxit, pro perjuro ac perfido habeatur.*

JOH. SYLVESTER TELIUS *supra scriptam professionem approbo et, quicquid ei repugnat, detestor.*

FR. PORCELLINUS *recipio et approbo quicquid supra scripta confessio complectitur.*

JOH. VALENTINUS GENTILIS, *Cosentinus, accipio ut supra.*

HIPPOLYTUS PELERINUS, *Carignanus, accipio ut supra.*

JO. NICOLAUS, *Gallus accipio ut supra.* GRIBALDUM quoque subscripsisse, ex Aretii *hist. Valent. Gentilis* p. 15. docemur.

Hac confessione in conuentu ecclesiastico proposita, ut liberum singulis esset in medium contra proferre, si quid reprehensione dignum censerent, quidam homines impune tribus circiter horis linguas suas blaterando exercuerunt, inter quos J. P. ALCIATUS princeps fuit. Tantum illis licentiae concessum est, ne, ut in actis allegatis dicitur, postea obstreperent, sibi jus loquendi fuisse ademptum. Sedata omni contentione, nulli fuit vel

controuersia vel mora, quin omnes subscriberent, sed duntaxat exceptis, quorum vnus erat *Valentinus Gentilis*, qui tamen vocati, manu sua testati sunt consensum. Sic omnes subscripserunt, mutuo se obstringentes vinculo, vt qui secus ageret, ac disputaret, pro perfido ac perjuro palam haberetur. Sed paulo post contradixerunt quidam, inter quos principes fuere *Alciatus* et *Blandrata*, ipse adeo *Val. Gentilis* his contradicentibus semet adiunxit, neglecta subscriptionis fide. Qua ratione ob hanc perfidiam in iudicium vocatus a Senatu Geneuensi, simulata poenitentia, non sine periurio profugerit, et ceteri quoque dilapsi sint, supra exposuimus. Gesta autem haec sunt mense *Aug. et Sept. a. 1558.*

Ex iis, quae de Italis, Antitrinitariis, exposita sunt, iudicium ferri posse arbitror, quod primi familiae Socinianae statores ac principes ex Italiae prouinciis in lucem prodierint, quamuis dubia et testibus non satis confirmata adhuc sint, quae de collegiis in agro Vicentino institutis narrantur. Virorum, quos contemplatus sum, historia, abunde testatur, plurimos cum Italia excesserint, quandam errorum colluuiem secum in *Raetiam*, *Heluetiam* aliasque regiones tulisse. Verisimillimum quoque est, ex horum numero quosdam in collegiis Vicentinis hoc errore imbutos in peregrinas regiones secum tulisse, placita ista in specie, quibus deinceps Socinianismi disciplina superstructa est; cum id ipsum antiquiores sectae hujus scriptores, quibus societatis suae natales noti fuerunt, *LUBIENECIUS*, *WISSOWATIUS*, *SANDIUS* et alii testentur, ex antiquis coetus sui documentis probe edocti. Verissime proinde *Hoornbeeckius* in *epist. dedic. Tom. I. Socinianismi confutati praemissa* et *GE. RAKOCIO* scripta, inquit: „*Sociniana haeresis in Italia concepta, exclusa in Polonia, ac in Transyluania et circumuicinis partibus enutrita et fota, inde in alias mundi regiones, magno Ecclesiae malo pridem se diffudit.*“ Idem
Ponti-

Pontificiorum confirmant enunciata, qui alias in Germanos omnem haeresium culpam deuoluunt; inter quos *Bossuetus* recte monet: *Socinianismum natales suos in Italia per priuata conuenticula inuenisse*. Haec ipsa Socinianismi in Italia incunabula Pontificios monere debent, quod incommode Protestantibus Ecclesiis defectum auctoritatis et postestatis obiiciant praeueniendi aut extinguendi errores, cum ex ipsa Ecclesia Pontificia, auctoritate ac vi saeculari instructa, ad Protestantes transierint *Sociniani*.

Nemo tamen ex omnibus Antitrinitariis adhuc in theatrum productis, ne ipso quidem *LAELIO SOCINO* excepto, peculiarem religionis ac disciplinae formam effinxit, quae recentior et posthac a *FAUSTO SOCINO* ex schedis et scriptis Patruelis sui exposita est. Ad hujus enim aetatem Antitrinitariorum placita, in libris luci expositis nullo totius doctrinae nexu atque ornamento concinnata, immo potius obscurissimae ideae et assertiones ab inuicem discrepantes, vel disiectae recentioris haereseos particulae animaduertuntur. *FAUSTUS* tandem singulas errorum tabulas materiamque exstruendo aedificio aptam collegit, magno ingenii acumine et stili nitore, disposuit, copulauit et exornauit, sicque totius systematis Sociniani structuram et compagem perfecit. Ad calcem capitis observandum, vel potius saepius monitum est repetendum, plurimos in Italia profugos labe quadam errorum fuisse infectos, quoad orthodoxam fidem instabiles, suorum vero placitorum tenacissimos, quod ex dictis et inductione speciali facile demonstrari potest, eundemque characterem in *Val. Gentile*, *Blandrata*, *Stanckaro* etc., immo quoque in *Vergerio* et *Zanchio* aliisque jam notavi. *Paravicinus* subscriptionem confessionis fidei a Ministris euangelicis in *Raetia* concinnatae, recusans, id excusare putavit, quod negare nolit *S. Trinitatem*, quasi multum

interfit, inter negare, et non velle confiteri. Cum *Zanchius* ministerio Clavennensi fungeretur, exstiterunt ibidem *Camilli* sectatores, qui bono viro multam facefferent molestiam, quamobrem is a *Bullingero* instanter petiit, caveret, ne vlli *Italo* citius testimonium concedatur, quam certo constet, eundem de Deo, de peccato originali, de satisfactione Christi, de praedestinatione, et de animarum, post exitum e corpore, sorte, orthodoxam fidem tenere.



TOMI SECUNDI.

CAPUT III.

DE PRIMIS

SOCINIANISMI AUCTORIBUS,

LAELIO AC FAUSTO, SOCINIS.

1864

1864

1864

1864

1864

CAPUT TERTIUM.

DE PRIMIS SOCINIANISMI AUCTORIBUS, LAELIO AC
FAUSTO SOCINIS.

S y n o p s i s.

- §. I. *Sozzinorum* familia. *Laelii* iuuenilia fata et studia.
- §. II. Eiusdem, per varias Europae regiones et per Poloniam itinera, commoratio *Wittebergae* ac *Tiguri*, cum eruditis, conuersatio, commercium epistolicum, simulandi dissimulandique studium, etc.
- §. III. Secunda vice *Poloniam* inuisit, ac in *Italiam* iter suscepit, inde redux denuo *Tiguri* haesit, ac a. 1562. obiit. Diuersa de eodem iudicia.
- §. IV. *Laelii* scripta et edita et inedita.
- §. V. *Faustus*, *Laelii* patrue-
lis et haeres; studia ejus, et
in aula *Magni Ducis Etru-
riae* commoratio.
- §. VI. A. 1574. ex *Italia Ba-
sileam* se contulit, et a. 1578
in *Transylvaniam*, inde in
Poloniam, ibidemque An-
titrinitariorum commodis se
totum dicauit.
- §. VII. Laeta ac tristia ejus in
Polonia fata, matrimonium,
soboles et obitus a. 1604.
- §. VIII. Non mediocres ani-
mi dotes a natura concessas
insatiabili discendi studio
auxit, vitaeque honesta se
commendavit. Diuersa de
eodem iudicia.
- §. IX. Scriptorum ejus exege-
ticorum et didacticorum re-
censio.
- §. X. Scripta polemica, cum
expositione plurium de re-
ligionis capitibus certami-
num,

§. I.

Vtriusque *Socinorum*, disciplinae Socinianae conditorum, qui, ad exstruendum nouae religionis systema, ingenii sui vires contulerunt, plena et accurata historia, quam hoc capite, quantum fieri potest, tradere nitimur, inter desiderata adhuc ab eruditis numerata est. Italiam ambo habuerunt patriam, in qua nobilis *Sozzinorum* familia complures viros iurisprudentiae studia inprimis inclytos orbi exposuit. Ipse *Laelius* legum peritiae operam nauauit omnem, ita tamen, ut cum hac Theologiae et legum diuinarum coniungeret studium, in quo linguarum aliarumque scientiarum copia adiutus, haud mediocres fecit progressus, quibus vero et Christi ciuium coetui et sibi met ipsi male consuluit.

*

*

*

In exponenda Antitrinitariorum recentioris aevi historia, partim horum maiores vel cognatos et affines, partim proximos praecursores notauimus. Ad eos iam nostra se vertit attentio, qui Socinianismum in disciplinam ac ordinem redegerunt, sicque peculiare *systema Antitrinitarium* adornarunt. Quos enim superiori capite indicaui, Antitrinitarii, vel eadem, vel similia quaecunque placita cum *Laelio* et *Fausto* equidem fouerunt; de nullo tamen dici potest, quod certum quoddam, ac elaboratum dogmatum systema formauerit, cui integri ac numerosiores coetus suffragium suum dederint. Hi autem, quorum historiam iam exponimus, vel eadem placita, quae receperunt paulo ante nominati, pro suis agnouerunt, vel iisdem noua haud pauca ex ingenii sui inuentis

inuentis adjunxerunt, vtrumque genus adornarunt, in vnam compagem coaptarunt, sicque noui aedificii conditores et architecti exstiterunt. Et *Laelius* et *Faustus*, opinionibus Antitrinitariorum in disciplinae formam redigendis manus suas admouerunt. *Laelius* enim suimet ipsius operis prima iecit fundamenta, quod *Faustus* postea vltius quacunque opera promouit et in structuram vtcunque perfectam produxit. *Laelius* maxima ex parte inuentor est eorum, quae *Faustus* vario verborum ac argumentorum exornauit vestitu, adeo vt quoad *materiale* Socinianae haereseos origo a *Laelio*, quoad *formale* a *Fausto* sit repetenda. Ipsemet *Faustus* confessus est, plura se debere *Laelio*, in quo primum quoddam diuinum lumen, ad vniuersum christianum orbem illuminandum exortum esse, sibi persuasit. Ipse hunc vnicum agnouit ac veneratus est praeceptorem; sic enim in ep. *Marcello Squarcialupo* data in Epp. p. 17. inquit: „In vniuersa diuinarum rerum scientia praeter virum LAELIUM, patrum meum, nullum prorsus magistrum habere mihi contigit.“

Palmaria disciplinae Socinianae dogmata a *Laelio* esse derivanda, inductione demonstrari potest. Quem de persona J. C. Sociniani propugnant errorem, *Laelius* primum defendit, quod *Faustus* in *Defens. Animaduers.* contra *Eutropium* c. IV. p. 67. et c. IX. p. 265. testatur. Quae de officio Christi mediatorio in Socinianorum coetu creduntur, *Laelius* docuit, teste *Fausto*, qui illum de satisfactione Christi, cum *Caluino* litteris priuatis egisse sibi primum dubia in hac doctrina instillasse, narrat, in *Disput. de Jesu Seruatore*. Idem quoque suam de S. Coena opinionem *Laelio* acceptam fert, ep. III. ad *Jo. Niemojevium*. in Epp. F. p. 334. et ep. I. ad *Statonium* p. 383.

Quamuis vero *Laelius*, nisi omnem, plurimam tamen exstruendi Sociniani systematis collegerit materiam,

ipse tamen hoc non condidit, et exornauit, sed *Faustus* omnibus industriae neruis disiectam errorum struem colligauit et contrabulauit, totiusque operis compagem ita instruxit, vt demum eius opera nouum contextum fuerit disciplinae Systema.

Vtriusque *Socini* vitam, gesta, certamina, fata et scripta a nemine adhuc toto ambitu exposita sunt; et propterea a me, qui prima vice nondum tentatum ab aliis laborem adgredior, perfectum opus expectari non poterit. Magnum apud scriptores huius acui animaduertimus defectum vel silentium in historia *Laelii* exponenda, et de *Fausto*, quoad dimidiam vitae parrem vix aliquid narratum reperitur, vsque dum ipse in *Transylvania* et *Polonia* suis negotiis, certaminibus, scriptisque personanti de se famae locum fecerit. Fuere tamen, qui vtriusque vitam strictim et carptim, vel facientia quaedam ad hanc momenta narrarunt. Sunt isti: *Sam. Przypcuius*; v. B. A. P. II. p. 671. N. I. *Bayle*, l. c. Tit. *Socinus*, *Sandius* l. c. p. 18—25. *Hoornbeckius* l. c. T. I. p. 50. *Schertzerus* in Coll. Anti-Socin. p. 10. *Du Pin* l. c. T. I. P. I. p. 202. *Lamy*, Histoire du Socinianisme, P. II. c. V. p. 245. *Lauterbachius*, l. c. p. 44. *Hessisches Heboffer* P. II. p. 131. *Calouius* in Dec. Diff. N. I. §. VIII. edit. Dantisc. a. 1639 et in Socinismo profligato, Sect. I. memb. I. Quaest. VI. p. 19. edit. Witteberg. 1668. 4. *Faustus* aliquando vitam et Apologiam *Laelii* concinnare promisit, sed stipulationem non impleuit.

Sozzinorum familiae, ex qua *L.* et *F.* ortum traxerunt, per totam Italiam, imo per vniuersam fere Europam tanta olim fuit celebritas, quanta vix vlli alii. Praestantissimos non tantum iurisprudentiae doctores eadem in hunc orbem emisit; verum etiam familiae nobilitate, meritis ac auctoritate insignes, eidem sanguine iunctae erant. Pluribus hunc cum aliis Italiae prosapiis consanguini-

sanguinitatis et cognationis nexum Przypcovi^{us} encomiis praedicauit his verbis: „Gentis antiqua nobilitas et cognationum splendor ultra priuati hominis sortem illustriss. patri, (Fausti) praeter gentilitia decora, accesserat e materno sanguine Saluettorum nobilitas: quae gens apud Florentinos ea quondam potentia floruit, ut expulsus Senis PANDULPHUS PETRUCCIUS, Pauli Salvettii potissimum auxilio et opibus restitutam patriam et mox principatum suum debuerit. Quo beneficio obstrictus Senensis ipsi ciuitatis ius contulit, et ut patriam cum Senis commutaret, persuasit. Hic Paulus CAMILLAE pater fuit, quae MARIANO iuniori nupta, ALEXANDRI et LAELII Socinorum mater, FAUSTI auia fuit. Mater, ne in priuatam quidem spem suscepta, patre BURGESIO PETRUCCIO, Senensis quondam Reipubl. principe, matre VICTORIA PICCOLOMINEA genita. Quae cum esset ANDRAEAE PICCOLOMINEI Castilionis et Piscariae Domini filia; Pii II. et III. Pontificum neptis; IOANNIS Cardinalis PICCOLOMINEI, ducum Amalphitanorum Marchionum Capistrani, Comitumque Calani, multorumque aliorum Italiae procerum soror aut consobrina; nupsit in domum PETRUCCIAM, quae tunc Senensis principatus fortunam tenuit. Sed BURGESIUS PANDULPHO patri succedens, et mox vertentibus fatibus pulsus, non diu dignitatis suae fuit superstes. Successit tamen ipsi in regimine patriae RAPHAEL Cardinalis PETRUCCIUS, atque illius Reipublicae gubernacula aliquamdiu tenuit. Caeterum relicta vidua VICTORIA animum, quem in prioris fastigii splendore nunquam sustulerat, tam iniqua rerum vicissitudine frangi non permisit. Itaque annis quinquaginta sex, quibus mariti vitae et communi fortunae superfuit, singulari modestia et spectata integritate ac pudicitia vidui status solitudinem tolerauit. Filiam AGNETAM, quam, ut tanto genere dignum erat, sanctissimis moribus imbuerat, ALEXANDRO SOCINO in matrimonium dedit, patricio quidem iuueni, sed tamen priuato. Is FAUSTI nostri fuit pater: in ea domo genitus, quae non armis

mis atque potentia; sed ingenio atque eruditione principatum quemdam in certo litterarum genere aliquamdiu tenuisse visa est. Nam et hic ipse ALEXANDER subtilitatum, et pater eius MARIANUS iunior iurisconsultorum principes vocati sunt, et patruus MARIANI iunioris, BARTHOLOMAEUS, ab ANGELO POLITIANO suae aetatis Papinianus dictus est. Denique pater BARTHOLOMAEI MARIANUS senior, iurisconsultus gravissimus, ab AENEA SYLUIO (eius concine et postea Papa Romano, sub nomine PII II. e familia Piccolominorum) tot praeconiis extollitur, ut prope narrationis fides laboret. Huius MARIANI filius fuit ALEXANDER Senior, et ex eo nepos, alter MARIANUS; pronepotes ALEXANDER et LAELIUS."

Ex hac gentis Sozzinorum celebritate multum gloriae aucupantur, qui ab hoc nomine gentilizio Sociniani adpellantur, quod historia vitae et mortis *Andr. Wiffowatii* apud *Sandium* l. c. p. 223. et *Lubieniecus* l. c. L. I. c. V. p. 17. comprobant. *Elias Sigism. Reinhartus* in disp. praelim. ad intimiora penetralia Socinianae et Socinizantis scholae etc. Lips. 1666. 4. §. IX. p. B. 1. b. ita hac de superbiendi materia Socinianorum inquit: „SOCINI *Senensis* ex *Sena* *Hetruriae*, ubi adhuc in PETRUCCIORUM, de quibus THEATR. GENEALOG. Hieron. Henningii A. 1598. P. II. p. 1062. et PICCOLOMINEORUM *Amalphitensum* Ducum, et Marchionum de *Capistrano* (p. 1061.) sanguine ac stemmate, imo Paparum PII II. et III. cognatione, in laudibus F. SOCINI latinis et in Germanicam quoque redditis linguam, non desinunt illi Sociniani gloriari."

Abauus *Laelii* erat MARIANUS Senior, quem *Sena* agri *Senensis* nobilis ciuitas 1401 orbi exposuit, qui iuris Pontificii optime peritus, hoc *Patavii* singulari laude docuit, et paria meritis praemia nactus est. Inde domum retocatus, saepe recusatis, quae alibi offerebantur, honestis conditionibus, dum vixit, in patria idem
ius

ius professus est. Ipse et filius BARTHOLOMAEUS consiliis suis atque responsis nominis in iurisprudencia immortalitatem sibi pepererunt. Praeter legum eruditionem *Marianus* in *Cosmographia*, *graecis latinisque litteris*, *Arithmetica* atque *Geometria*, *historia et arte poetica*, clarissimus euasit. De pygmaea corporis statura, qua praeditus erat, ita *Aeneas Sylvius* apud *Pancirollum* l. c. L. III. c. 35. p. 458. „Nihil ei natura praeter formam inuidit. Homuncio est, nasci ex mea familia debuit, cui paruorum hominum (*Piccolomini*) est cognomen.“ V. *Guidi Pancirolli* de claris legum interpretibus. L. III. C. 35. p. 358. edit. *Christ. Godofr. Hoffmanni*. Lipf. 1721. qui praecipua vitae *Mariani Socini* momenta ex *Aeneae Sylui* L. I. ep. 112. et 113. exposuit. Haud pauca *MARIANI Senensis senioris* scripta inter *Jurisperitos* adhuc celebrantur, e. g. 1) *Tract. de testibus Col. Agripp.* 1596. 4. et *Venet.* 1584. 2) *Comment. in aliquot titulos Decretalium, cum additam. Barthol. Socini, filii sui, Francof.* 1583. 3) *De iudiciis et iurisdic. Venet.* 1584. et 1587. 4) *De oblationibus, Venet.* 1584. 5) *Aliquot Repetitt. in iure ciuili, Lugd.* 1553. 6) *Consiliorum seu Responsorum Juris Voll. IV. Mariani Socini Patris, et Barthol. Socini F. Venet.* 1569. et 1579.

Fuit igitur *MARIANO* filius, *BARTHOLOMAEUS SOZZINUS*, natus 1433. qui tanto litterarum apparatu instructus erat, vt patrem quoque superauerit. Is *Patavii*, *Pisae*, *Ferrariae*, et *Bononiae* summo cum applausu docuit, et eruditissimus sui temporis iudicatus est. In *ANTONII RICCOBONI commentariis de Gymnasio Patauino* etc. (*Patavii* 1598. 4.) p. 16. 4. de eodem narratur, quod ibidem anno 1498. Jus ciuile explicationibus suis illustrauerit. Mortuus est *Senae* in suburbio, aere alieno plane obrutus, a. 1507. cum per vltimum vitae suae triennium a graui *Catarrho* faucibus obsessis instrumento linguae priuatus, facultate loquendi carens conficiendis responsis

responsis vacasset. *V. Pancirollus*, l. c. L. II. c. 126. p. 221. qui *Bartholomaeum Socinum* virum acris iudicii et ingenii acumine nemini secundum adpellat. Illum vero illiberalibus moribus insignem doctrinam maculasse narrat, qui chartarum et aleae ludo supra modum deditus, non modo debitis lectionibus quandoque auditores fraudauerit, sed insomnes etiam noctes turpiter egerit. Et vitio paternis opibus consumptis, et vniuersa, quam docendo et de iure respondendo plurimam coegerat, pecunia effusa, ad extremam inopiam deductus est, vsque adeo, vt nec quod funeri suppeteret, post se reliquisse dicatur. Eam ob causam semper egens vndique pecuniam auarius conquirere cogeбatur. Idem notauit, quod minus valuerit memoria, quae eum aliquando inter perorandum deseruerit.

Varia reliquit scripta *Bartholomaeus*, et in his *Commentarios in Digesta*, qui cum *Jacobi Menochii*, aliorumque annotationibus *Venet.* apud *Juntas* a. 1605. fol. prodierunt. *De exceptionibus et de exceptione rei iudicatae*, fol. pagg. 17. *V. FREYTAGII Anal. litt.* p. 876. In *Catalogo Bibliothecae Bodlejanae* p. 170. plura eius opera allegantur, de quibus *Ant. Riccob.* l. c. inquit: „*Bartholomaei scripta exstant de regulis iuris, et ut ipse adpellavit, fallentiis, et nonnulla in secundum et tertium volumen Pandectarum, et in omnes octo partes iuris ciuiliis, et consiliorum volumina quatuor; quamvis nonnulli putent, commentarium de regulis iuris earumque fallentiis ipsius Bartholomaei non esse.*

Mariani Senioris nepos ex filio *Alexandro* *MARIANUS* iunior, *Patricius Senensis*, *Eques Pontificis*, *Caesareae aulae consiliarius et comes*, *Aduocatus Consistorialis*, iuris consultorum princeps dictus, aui sui pereruditi laudem elegantioribus litteris sane adaequauit. Natus erat *Senae* a. 1482. et cum anno aetatis 21. doctorem consecutus esset gradum, docendi munia insigni cum fama subiit, sicque auita laudum encomia meritis suis adauxit.

adauxit. Posthac iuris prudentiam *Pisae* per aliquot annos docuit, inde *Bononiam* vocatus, docendi munere functus est, cui hactenus *Alciatus* praefuerat. *Riccob.* l. c. p. 19. a. eum, postquam docuerit *Senis* et *Pisis*, a. 1530. docuisse *Patau*i, ibique *Francisco Sfrondato* successisse significat. Inde *Bononiam* honestissime accitum, summa cum laude multos ibi annos professum esse. V. PHIL. BERGERI *Chronicon*, f. 295. b. et F. SOCINI Epp. p. 648.

Haud paucis omnique laude dignis inclaruit scriptis *Marianus Junior*. Ipsius *Consiliorum pars prima et secunda*, Lugd. apud *Pet. Frandin* a. 1550. fol. *consiliorum Juridicorum volumina* III. cum additt. *HIERON. ZANCHII*, prodierunt *Venetis* ex officina *Damiani Zenarii*, fol. 1580. V. *Hallervordii Biblioth. cur.* p. 261. *Ant. Riccob.* l. c. haec habet: „Eius scripta in multas *Pandectarum* partes leguntur, et in quatuor vespertinas materias in celeberrimis *Italiae Gymnasiis* pertractas, magnaue *Consiliorum volumina*.“

Matrimonio sibi iunxit *Camillam Salvettam*, *PAULI SALVETTI* filiam, ex quo coniugio *ALEXANDRUM SOZZINUM Fausti* patrem, *CAMILLUM*, *CELSUM*, *CORNELIUM* et *LAELIUM* genuit. V. *Pancir.* l. c. p. 269 seq. *Laelii frater Alexander* ob summum ingenii acumen, *Pater subtilitatum* adpellabatur, quod studiorum genus ipsi cum pluribus popularibus suis commune fuit. *Senenses* enim in genere dialecticorum argutiis delectari, testes sunt, qui de nationum moribus ac charactere morali disseruerunt. V. *Forcianae quaestiones*, in quibus varia *Italorum ingenia* explicantur, multaue alia scitu digna auctore *Philaethe Polytopiensis* ciue. *Neapoli* 1535. 8. Ita uero auctor p. 8. inquit: „Amant *Florentini Philosophiam* — — *Veneti rem musicam* — — *Senenses dialecticorum argutias*, praesertim si ab ea secta tradantur, quam *nominalium* appellant.“

Camillus SOCINUS Laelii germanus ab hoc Antrinitariorum placitis imbutus, facpius nomen ejus in Actis reformationis Eccl. Raeticarum a *de Porta* nominatur, et quod homo vaser, et absurdus in multis fuerit repertus, notatur; a suae fortis autem hominibus, et Anabaptistis, qui *Raetiam* turbarunt, ceu vir probus ac sanctus, resistens novis Phariseis laudatur. Erat adhuc a. 1571. in viuis, et in Raetia vitam traxit. Nomen praesertim ejus commemoratur in *actis Synodi Curientis*, quae occasione acerrimae concertationis de haereticorum supplicio, aliis pro eo stantibus, aliis eidem repugnantibus a. 1571. mense *Jun.*, *Curiae* (quae vrbs *Chur*, gallice *Coire* primaria est, in ea Raetiae parte, quae foedus domus Dei appellatur,) celebrata. *TORIAS EGLINUS* sive *ICONIUS*, ita enim se etiam vocavit, in ep. ad *HENR. BULLINGERUM* scripta, quae Synodi huius gesta summatim exponit, quamque ex ipso tabulario Tigurino depromptam, *SCHELHORNIVS*, diss. de *MINO CELSO Senensi* p. 33 seqq. inseruit, ita p. 35 scribit: „*TURRIANUS* etiam, quia Italici haeretici fauit, vna cum *CAMULIO NICOLAO*, qui aerario locupletissimo (ibidem quoque vocatur *Mercator numatissimus*) nervos haereticis expulsis haecenus suppeditavit, itemque cum *CAMILLO SOZINO*, qui omnes praesto fuerunt, et turpissimi reperti, exclusi fuerunt. *CAMILLUS* priuatim eiectionis poena affectus est. De eodem aliisque, qui haereticos non esse puniendos, defendebant, plura alia habet *EGLINUS* l. c. p. 46. seqq.“

De *CELSO SOCINO*, (cum *Mino Celso Senensi*, non confundendo) *Przypcovijs* l. c. testatur, quod *Bononiae* habitauerit. De eodem *PANCIR.* l. c. L. II. cap. CLXII. p. 342. haec exponit: „*CELSUS* alter *MARIANI filius ICTUS* primo in patria institutiones et jus civile extra orainem professus, postea patris gratia *Bononiae* cum centum aureorum stipendio iuris pontificii, deinde patre mortuo, iuris civilis interpret factus in eo munere non perseveravit.“

Hanc

Hanc nimirum spartam deseruit, cum in Germaniam fugam capessere cogeretur. An vero is etiam *Laelii* haeresi corruptus fuerit, an ab eadem immunem se seruauerit, certo enunciari nequit. Id saltem credendum quod publice eam professus non fuerit, quemadmodum nec *Laelium* id vnquam fecisse constat. HUBERTUS LANGVETUS, in ep. ad VLRICUM MORDISIUM, a. 1559. d. 7. Dec. quae legitur P. II. epp. eius L. II. p. 28. edit. Ludewig. haec de eodem perscripsit: „CELSUS SOCINUS *filius MARIANI condixit suam operam scholae Jenensi, cuius rei absque dubio sunt authores VERGERIUS et ILLYRICUS; sed si eo veniat, ipsum procul dubio brevi poenitebit.*“ Frustra nomen ejus quaeritur in ADRIANI BEIERI *Syllabo Rectorum et Professorum Jenensium*. Extat autem ad CELSUM hunc CLAUDII TOLOMEI Ep. a. 1543. d. 3 Maji exarata, in huius epp..

CORNELIUM *Socinum Laelii* fratrem vna cum *Camillo* fratre et *Fausto Socino*, suo ex fratre *Alexandro* nepote, Sienae vixisse PRZYPCOVIVS l. c. testis est. Commemoratur praeter hos *Darius Socinus*, et inter eos collocatur, qui circa annum 1546. dispulsis collegiis Vicentinis ex Italia discesserunt, quem *Laelii* cognatum, non fratrem fuisse arbitramur. Sine dubio in Raetia et Helveticis prouinciis plures annos vixit, cuius etiam in *aetis synodi curiensis* mentio fit; tandem in Poloniam et inde in Moraviam migravit. Meminit LUBIENIECIUS l. c. L. II. c. 2. p. 40. *Darii* cuiusdam, quem cum *Alciato* in Moravia vitam traxisse narrat. Quo natiuitatis ordine se inuicem exceperint quinque fratres germani, significari nequit. Videtur autem *Alexander F. Socini* pater aetate omnium maior.

Natus est *Laelius* a. 1525. Senis, et a patre *Mariano* studio iuridico, in specie iuri ciuili, vt operam daret, sicque maiorum vestigiis insisteret, consecratus. Hoc litterarum genere paternarum auitarumque laudum

aemulator exstitisset, nisi in alienam messem reformandi pruritu abreptus falcem immittere mature constituisset. Vix enim ephebis egressus, ut eques Polonus loquitur, iam nouam moliri coepit Theologiam: quod nempe, cum scripturas euolueret, humanarum legum ex ipsis hauriendi studio, suoque nitens iudicio, censeret, plurima Ecclesiae dogmata diuinis aduersari testimoniis, praesertim ubi eadem ad rationis tribunal sisteret. Praecipuus inter Italos *Laelius Serueti* fuisse fertur discipulus, qui etiam *Ochino* praeceptore gauisus fuerit, *Zarnouecius* citante *Scherzero* l. c. p. 10. testis est. Jo. quoque *CLORPENBURGIUS* de orig. et progr. Socin. p. 3. inter Italos *Serueti* discipulos, non infimum fuisse *Laelium* tradit. Ita vero id esse intelligendum puto, quatenus ex scriptis *SERUETI* aberrandi a tramite veritatis occasionem arripuerit, cum ceteroquin certissimum sit, *Laelium* diuersam a *Serueti* placitis disciplinam coluisse. Eum a *Camillo* seductum esse, *Hottingerus* in H. E. helvet. T. III. p. 791. prodit. Quod iam a. 1546. dogmata de mysterio S. Trinitatis et Christi satisfactione cum aliis sodalibus in dubium vocaverit, *Sandius* l. c. p. 18. et qui de Collegiis Vicentinis exposuerunt, significant, qui tamen nullius seductoris vel doctoris faciunt mentionem, imo potius *Laelium* hujus doctrinae auctorem et inuentorem constanter depraedicant.

Putabat nimirum, legum humanarum scientiam ex ipsis diuini iuris fontibus sibi hauriendam esse, hacque codicis sacri indagatione, doctrinam Pontificiam multis laborare mendis, ex reuelatione corrigendis animaduertit. Inhaerebat his vestigiis, et ut exquisitiorem rerum theologicarum compararet cognitionem, suoque desiderio intelligendi in fontibus diuinam reuelationem satisfaceret, linguarum sacrarum studio omnem suam operam impendit, et haud mediocrem linguae Graecae et Hebraeae et aliquantulam Arabicae quoque linguae notitiam partim jam in Italia, maxime vero deinceps in Germania

mania et *Wittebergae* sibi acquisiuit, quod *Zanchius* in praefatione operi *de tribus Elohim* praemissa et *Colomejus*, in Italia orientali referunt et ex his *Baylius* l. c. et alii plures. Ex ipsis igitur fontibus dulciores sibi hauriendas esse aquas, idque verissime iudicavit. In hoc studiorum genere continuando provocatus insuper est moribus circa religionem variis in Europae regionibus et praecipue in *Italia* quoque exortis, quippe ibidem viri diuino lumine colustrati, et caelesti zelo instructi varias corruptelas curiae Romanae palam arguerunt, huiusque strenuum in Italia reformatorem anhelabant. Augebat fervidum hoc desiderium corruptissimus totius Ecclesiae status, de quo scriptores adeo Pontificii testimonia omni exceptione maiora ferunt, et reformationis necessitatem isto tempore, quo in Germania contigit, concedunt. Ita inter complures alios *Bel-larminus*, acerrimus alias infallibilitatis Ecclesiae defensor, in conc. 28. Dom. Laet. p. 235. inquit: „Annis „aliquot, antequam Lutherana et Calviniana haeresis „oriretur, nulla ferme erat, vt ii testantur, qui etiam „tunc vivebant, nulla, inquam, prope erat in iudiciis „ecclesiasticis severitas, nulla in moribus disciplina, nulla „in SS. litteris eruditio, nulla in rebus divinis reverentia, nulla propemodum erat religio. Eximius ille clerici et sacri ordinis decor perierat; gravi diuturnaue laborabant infamia Sacerdotes, quod panum et piscium, „h. e. proventuum maiorem, quam animarum curam „haberent.“ Adplicuit igitur *Laelius* se ad liberaliorem Theologiae tractationem firmo proposito, placita ac statua sacris pandectis adversa inter Pontificios detegendi, atque Ecclesiae, morbis oppressae, medicinam parandi. Praecipue excitatis ab Anabaptistarum ac Antitrinitariorum gente in Germania turbis exortisque inter *Lutherum* et *Caluinum* certaminibus, se excitatum sensit, ad universum Theologiae ambitum, convertere animum, vt recentissimas illius aetatis controuersias solide diiudicare

possit. Verum S. Scripturam non ex ordinatione diuina inter precandum, et cum debita ac pia mentis humiliatione meditatus, sed exuberantis potius ingenii, acrisque iudicii persuasione inflatus, posthabitis orthodoxorum virorum consiliis et institutionibus, nec ipse satis scientiis propaedeuticis instructus, diuina oracula ad superbae rationis dictamina tanquam ad amussim explorabat. Cumque emergendi desiderio, ac mente praeconceptis opinionibus et *Serueti* fortassis quoque aliorum figmentis obnubilata ad S. litteras accederet, in errorum scopulos et devia prorsus deducebatur.

Notauit hanc occasionem *Przypcuius* l. c. quamuis adfectu in coetus sui patronum propenso ita rem exposuerit, vt eidem magis in laudem, quam vituperium reputari debeat. Sic autem eum praedicat: „*Dum LAELIUS S. litteras impensius cuoluit, deprehendit pluri-
ma ex iis, quae vulgo recepta sunt, Ecclesiae dogmatis, diuinis testimoniis plane aduersari, idque tanto facilius, quod ex iis pleraque rationi quoque, et quae nobis ipsa natura inserit, principiis repugnarent.*“ Hoc modo rationis viribus superbiens, reformandique gloriam adfectans diuinorum monumentorum scrutator se ad ludicras ingenii imagines trahi passus est, debilemque intellectus circumscripti facultatem ad veritates captum humanum transcendentes solummodo applicauit. Vtrum vero *Laelius* ipse in hoc negotio princeps et antesignanus fuerit, sibi-que ministros, coadiutores et assecclas quaesierit, an vero aliis, ad pruritus noua statuendi prouis, iam ante ipsum existentibus, horum sodalitus ac communi studio se adiunxerit, plane ignotum est. Vel enim *Laelius* ipsemet primus coryphaeus instituit collegia, quae in Veneta ditione circa annum 1546 inclaruerunt, vel ab aliis iam antea adornatis socium se adiunxit. Prius adfirmat *Sandius* l. c. p. 18. quod ob *Laelii* iuuentutem veri simile non videtur *Moshemio*. Cum
vero

vero ille praecocibus omnino ingeniis accensendus sit, quibus *Socinorum* familia magna aestimatione celebrata abundauit, siquidem ipsius pater *Marianus* anno aetatis 21 Juris Doctor *Sienae* renunciatus est; hinc creditum difficile non est, eum reliquorum sodalium in hisce Collegiis extitisse signiferum, et ab omnibus pro tali habitum fuisse.

Geminam igitur *Laelio* extitisse causam infelicem ac prouocationem arbitror, qua nouam moliri Theologiam, receprae in Ecclesia de mysteriis doctrinae aduersam, adductus fuerit. *Altera* fuit singularis scientiae praesumptio, qua, cum admodum adolescens, in studio juris se non contineret, in sublimia religionis Christianae absque praeuia institutione irruit, et more *αυτοδιδάκτων* doctor simul et discipulus esse, vel potius docere prius voluit, quam discere. *Altera* erat Philosophiae abusus, cum solida Theologiae purioris scientia destitutus, Philosophicarum doctrinarum principiis et rationis argutiis imbutus Ecclesiae dogmata impugnaret: quod non tantum sibi licitum, sed homine ingenuo maxime dignum iudicabat; in quo studio adeo prouectus, ut nihil credere sibi constantissime proposuerit, quod cum rationis cynosura vel adparenter non conuenire, sibi persuasit. Non tamen omni *Laelius*, maxime relictæ jam Italia, carebat praeceptore ac duce; *Camillus* enim *Siculus*, qui, postquam Evangelicorum sacra adfectauerat, *Renatus* dici voluit, et jam circa annum 1542 in *Vallem Tellinam* accesserat, Anabaptistarum autem placita cum *Francisco Nigro* aliisque ibidem susceperat, *Laelii* extitit informator. De *Camillo* isto *Vergerius Bullingerus* d. 11. Oct. 1553 scribit: *Omnium opinio est, totum Italiae Anabaptismum ab uno Camillo pendere. Omnium Anabaptistarum Camillus habebatur coryphaeus, nauclerus et patronus, ab orthodoxis vero pestis ecclesiarum, magnus haereticus et haereticissimus. S. Trinitatem et in essentia divina tres personas confiteri recusabat,*

bat, animae immortalitatem negavit omnino vel saltem in dubium vocavit, resurrectionem mortuorum et Christi meritum oppugnavit, *Lutheri* sententiam de S. Coena improbavit, sed nec *Bullingeri* seu *Tigurinorum*, quoad hunc articulum, in totum voluit adprobare. Cum Raeticam fidei confessionem suscipere abnueret, orthodoxi coetus communione exclusus est; habuit tamen sectatores, qui paria dogmata cautius, quam antea professerant, vel tempori inservientes pectore suo includebant. V. de Porta l. c. L. II. p. 104. Id ipsum religionis systema, quod postea L. et. F. *Socini* in formam redegerunt et scriptis exornarunt, jam isto tempore, quo *Laelii* nomen adhuc ignotum erat, *Camillus Renatus Siculus* secundum praecipuas stricturas, animo non tantum conceptum habuit, sed etiam teste de Porta p. 86. manifesto docuit. Idem testis fide dignus ex actis *Msc.* sua proferens, his addit: Imo vero omnem suam scientiam theologicam LAELIUM didicisse ex CAMILLO haud pauca suadent. Etenim haesit LAELIUS *Clavennae* et in *Praegallia* per ipsum illud tempus, quo contentio inter MAYNARDUM et CAMILLUM summo feruore agitabatur; et in coaevs documentis LAELIUS haud alio loco habetur, quam alius quivis ex *Anabaptistarum* grege, cui praeesse semper datus fuit honos CAMILLO. Praeterea summa illa cautio, quam LAELIUS in occultandis, dissimulandis, et non nisi clam disseminandis opinionibus suis per omnem vitam observavit, adeo digna est CAMILLO Magistro, ut dignior videatur non potuisse ei obtingere discipulus, quam ipse LAELIUS, qui in ea arte adeo exercitatus erat, ut bonis fere omnibus, ipsique BULLINGERO imposuerit.

§. II.

Conuentibus Vicentinis Magistratus auctoritate solutis, *Laelius* vel timore, vel discendi cupidine,

pidine, vel utroque simul commotus argumento a. 1547 exteras inuifit regiones, ficque Raetiam, Heluetiam, Germaniam, Poloniam, Moraviam, nec non, (quad a multis perhibetur) Galliam, Britanniam et Belgium peragrauit. Id extra dubium positum est, cum cum Bullingero, Brentio, Munstero, Musculo, Petro Martyre, Zanchio, Beza, Melanphone, Caluino, Camerario, Vergerio, Maynardo aliisque colloquutum ac conuersatum esse, vel commercium litterarium habuisse, omnibusque locis dubia sua, modeste satis et circumspecte exposuisse, ita, ut vix cuiquam concepti ac firmiter jam apud se statuti erroris suspicionem mouerit; quare quidam optimam de eodem tulerunt sententiam. Quae enim cum aliis communicauit dogmata noua, non pertinaciter, sed dubitantis more, veritatemque quaerentis habitu, proposuit, qua modestia effecit, ut, qui eius placita calculo suo non probabant, personam tamen odio non haberent.

*

*

*

Sodalitiis in agro Vicentino dissipatis, omnes, qui in illis nouis in religionem rebus studuerunt, graui periculo territi, cum quidam eorum supplicio adfecti fuissent, dispersi, pari supplicio vitam eripuerunt, patriae suae vale dixerunt, et maxime in Raeticam ditionem, *Heluetiam* et *Germaniam* primum, deinde etiam in Poloniam et Transylvaniam, aliasque Europae regiones se receperunt. Horum in numero *Laelius* fuit, cui nullus in Italia locus videbatur commodus, in quo inuentorum

suorum semina spargeret. Fulgura ibidem ac anathemata omnes terrebant haereticos, et *Julius Trevisanus*, vna cum *Francisco de Ruego*, Venetiis suffocati, ipsum suis vestigiis commonefaciebant, vt quamprimum fuga periculum auerteret. *Przypcuius* l. c. inquit: „*Sicut igitur, vt credi potest, periculi metu, siue exactiori prioris Theologiae, et linguarum studio incensus, cito ex Italia in Helvetiam atque Germaniam concessit.*“

In his regionibus cum primariis illius aetatis Theologis, qui reformandae Ecclesiae opus fortes aggressi erant, familiarius conuersatus est, in primis cum *Phil. Melanthon*e, *Jo. Calvino*, *Bullingero*, *Brentio*, *Munstero*, *Musculo*, *Petro Martyre*, *Beza*, *Zanchio*, aliisque, quibus placita iam concepta, necdum satis digesta inter colloquendum proposuit, non tamen audacter, et pari temeritate, qua *Seruetus* et alii ea asserendo ac propugnando; sed sub dubitantis veritatemque sincere quaerentis specie, qua effecit, vt ad maximorum virorum colloquia et consortia facile admitteretur, nec vnquam ab illo male haberetur.

Reliquit, plurimis id significantibus, Italiam a. 1547. quamuis etiam quidam eum a. 1546. Italiae iam dixisse vale, perhibeant. Si statuitur, eum annos 21 natum reliquisse patriam, quod non pauci tradunt, extra dubium positum est, eundem a. 1546. in exterarum se contulisse regiones, adeoque eodem praecise anno, quo collegia ista dissipata narrantur. Non tamen itinere veloci et directe, sed per ambages in Raetiam et Helvetiam profectus videtur. *Siena* *Genevam* adpulit, indeque in alia loca, *Basilacam* quoque ad *Coelium Secundum Curionem* contendit. Monstrarunt ipsi hoc iter ante ipsum non pauci, qui ex Italia in Raetiam et helveticos pagos religionis causa concesserant, certa persuasione, liberam hanc rempublicam eamque reformationis lumine collustratam, tutum in religione dissentientibus praebituram

turam hospitium. *Laelio* non defuere commendatitiae ac fauentes litterae, nisi statim, cum iter ingrederetur, attamen paulo post, quam Italiam reliquerat. *Nicolaus* enim *Majerus* Principis Würtembergensis administrator, in Italiam ablegatus, qui 1548 Bononiae substitit, ita eum Ecclesiis Helueticis commendauit: „Si nondum adest, breui tamen ad vos venturum credo, iuuenem valde pium et doctum quendam, Italum Senensem, Patricium, et qui propter fidem in Christum peregrinatur, quemadmodum is dubio procul retulit, relaturusue est. Filius est *MARIANI SOCINI* patris, qui inter iurisconsultos, iuris peritiam hic docentes, primus, et propter summam suam doctrinam iuris peritiae, Europae nostrae notissimus, et idem pius etc.“ V. *Hottingeri* H. E. T. IX. p. 436. Primum in Raetiam se contulisse, ibique *Camilli Siculi* opinionibus imbutus videtur, quod anno 1547 et 1548 accidit, quo tempore Anabaptistarum et Sacramentarium contentiones agebantur. *Maynardus* ecclesiae evangelicae, quae *Clavennae* collecta erat, minister, d. 23. Oct. 1549. *Bullingero* haec nuntiavit: *Scribo ad Laelium* Senensem multa, non tamen omnia, quae monebas, ut taceat, sicuti et ego illum monui, ne praeterquam dignitati tuae, ulli hominum, quicquam ex his, quae scribo, communicet.

Per aliquod tempus *Tiguri* commorabatur, in quem locum *Geneva* se receperat, sed utroque loco nemini, quod erroris ipsi sub alta mente repositum esset, cognitum erat. *Altingius* propterea in theol. hist. L. I. p. 65 de eo ita iudicat, quod ingenio adeo fuerit recto et hypocritico, ut deprehendi non possit. De eodem post ipsius obitum *Beza* ep. 81. inquit: „Favit *LAELIUS SOZZINUS* Senensis *Serueti* blasphemias incredibiliter ad contradicendum et varios neclendos nodos comparatus, nec nisi post mortem huiusmodi perniciosissimis haeresibus laborare cognitus, qua de causa mihi quoque non vulgaris amicitia intercesserat. Sed homo erat plenus diuersarum

haeresium, quas non nisi disputandi causa proponebat. Eundem non egenum, sed amplissimis facultatibus pollentem ad Tigurinos accessisse, *Bullingerus* in ep. *Joanni a Lasco* scripta testis est fide dignus.

Tigurum et *Helvetiam* fortassis circa finem anni 1548. reliquit; et in *Germaniam* ac *Wittebergam* contendit. *Melanthon* a. 1549. die *Jacobi* in ep. ad *Camerarium*, *Laelii*, *Wittebergae* praesentis, imo aliquamdiu iam ibidem versantis mentionem facit. Hoc loco restantibus *Melanthonis* litteris per triennium vixit. Istud triennium a *Hottingero* definitur ab anno 1550 ad a. 1552. cui tamen *Melanthonis* epistola adversatur. Veri proinde similis videtur, *Laelium* ab anno 1548 ad a. 1551. *Wittebergae* substituisse, inde vero in *Poloniam*, et iteram in *Helvetiam* ac *Tigurum* se contulisse. Huic quidem asserto contrariari videretur, quod *E. S. Cyprianus* in *Compendio H. E. Goth.* L. III. c. 6. §. I. p. 222. notavit; nimirum *Laelium* anno demum 1550. in *Academia Wittenbergensi*, *Rectore Joanne Forstero* in numerum *Studiosorum* receptum esse; sed conciliari facile poterit, si statuamus, illum plurimum temporis vixisse absque receptione in civitatem academicam, tanquam privatum et extraneum; jus autem hoc sibi expectasse, cum jam abiturum ex hoc loco meditaretur. Quod enim a. 1551. *Wittebergae* valedixerit ac in *Poloniam* concesserit; inde vero in *Helvetiam* et *Tigurum* se receperit, omni dubio caret.

Wittebergae primum in aedibus *Forsterianis* ad iuvandum suum *Hebraeae*, aliarumque linguarum orientalium studium, hospitium habuit, ejusdemque *Forsteri* convictu usus est. v. *ZELTNERUS* l. c. p. 349. Eundem ab *Illustri viro D. Hieron. Baumgartnero*, *Reipublicae Noribergensis Seniore*, *Philippo Melanthoni* fuisse commendatum, ex ipsius *Philippi* epp. *Lugd.* 1647. 8. ep. CXIII. p. 169. constat. Maxima viri huius fama per Ger-

Germaniam ac Italiam, imo per totam Europam celebrata, *Laelium* fuisse excitatum, ut Wittebergam inuideret, *Camerarius*, de PHIL. MELANTHONIS ortu, totius vitae curriculo et morte etc. p. 340 edit. Lips. 1566. 8. significat, his verbis: „*Ex Italia adueniens LAELIUS, se, et patriam, et florentem opibus et dignitate domum, et spem amplissimae fortunae, solius PHIL. MELANTHONIS videndi gratia reliquisse, prae se ferebat. Animadvertēbatur, hunc ardere studio cognoscendi iis de rebus, quae tunc disceptabantur, certi firmique aliquid.*“ Triennio Wittebergensis commorationis *Laelius* singulari amicitia ac propensione *Melanthonis* usus est, quod nemo mirabitur, qui characterem optimi ac humanissimi viri nouerit. Facile Italo peregrino, bonitati tamen ejus deinceps subdole illudenti, concessit hospitium et sodalium, communis omnium hominum Wittebergam accedentium, in primis exterorum benefactor et hospes, nihil mali suspicans ab eo, qui litteris amici intimi sibi commendatus erat, et cuicunque optima mente benefaciens. Ita CAMERARIUS, l. c. p. 38 inquit: „*Videres igitur in aedibus illis (Melanthonis) perpetuo accedentes et introeuntes et discedentes atque exeuntes aliquos, in quibus turba versaretur omnis aetatis, sexus, conditionis, atque adeo gentis. Exportabaturque et auferebatur non in dies sed horis singulis et pene momentis aliquid. Nam ea domus disciplina erat, ut nihil cuiquam negaretur. Veniebant autem ad PHIL. MEL. plurimi, qui litteras ad aliquos peterent, qui scriptum suum quodpiam, ut emendaretur, orarent, qui testimonii publici diploma confici vellet. Alii, qui aliqua de re sua et oblato negotio consilium, ut sibi daretur rogarent. Alii, quod accidisset publice priuatimue respectum ipsius et considerationem et opem requirens narrantes. Alii, querelas varias deferentes. Multi etiam stipem plane exigentes, quam veluti debere sibi ab illius immensa benignitate statuerent. Qua in parte, nonnullorum augeri confirmarique impudentiam,*

et

et erant, qui tunc aegre ferrent et PH. MELANTHONIS facilitatem. Interea alii ad conjugem aut liberos devenire, et sibi suisque quo adjuvarentur et subleuarentur, quaerere, quorum nemo non aliquo munere affectus aut tristis abire visus.“

Plurimi sane peregrini Melanthoni perquam cari fuerunt, cui cum illis singularis usus et eximia familiaritas intercessit. Facile propterea aequus quisque excusatum habebit virum amicissimum, imo potius laudabit de humanitatis officiis Laelio exhibitis; hinc scriptor allegatus l. c. p. 412. illi merito patrocinatur: „Tanta erat in ipso consulendi rationibus et prouehendis commodis aliarum et benefaciendi quam plurimis cupiditas, ut neque petentibus denegare sciret quicquam, et ultro deferre quibusvis operam, consilium, facultates suas impertireque so-leret. Istud igitur sit peccatum ipsius, quod aluit et fovit improbos, et serpentes, secundum proverbum in sinu. Accidit hoc semper optimis atque probatissimis, quorum tanta scilicet est et tam absoluta atque simplex bonitas, ut nihil in animum suum penetrare patiantur, quod benignitatem impediatur aut obstat humanitati.“ Ex singulari erga omnes benevolentia vir affectuosus non facile cuidam testimonium denegavit, sed qui honestis moribus se probarunt omnes, rogatus commendatitiis ornauit, et, quod idem Camerarius observavit, Laelium quoque iisdem comitari, haud difficulter persuaderi potuit.

Permagni Laelius aestimavit COELIUM SECUNDUM Curionem, et propter illius iudicium de suo hoc amico MELANTHON etiam optime sensit de Laelio, quem ex charactere et optima mentis indole Coelii iudicavit, cuius testis ipse est in ep. ad Coelium scripta, quae inserta est hujus epistolis, adtextis Olympiae FULVIAE MORATAE operibus, (Basl. 1580.) In hac p. 330. ita ad Coelium scribit: „Magis te amaui cum audirem LAELIUM, non solum eruditionem et eloquentiam tuam praedicantem,
sed

sed etiam pietatem et animi fideique constantiam in perferendis aerumnis, quas propter verae sententiae confessionem sustines. Talis viri benevolentiam cum faciam plurimi, ad te hanc epistolam misi, qua utrumque tibi significare volui, et te a me vere diligere ac fieri plurimi, et me tuae amicitiae cupidissimum esse.“ Nullum omnino dubium est, quin SOCINUM notauerit MELANTHON, cumt COELIUS SEC. CURIO in responsoria ad eandem epistolam (Basileae Cal. Dec. annus non significatur,) id confirmauerit, litteris initialibus L. S. eundem notans, l. c. p. 332. his verbis: „*Mi Philippe, quanquam nec quae tu mihi tribuis, nec quae L. S. noster apud te de me praedicauit, agnosco, nisi quod amborum erga me voluntatis significationem libenter amplector: tamen ita me tuis illis litteris nouo quodam amoris vinculo deuinxisti, ut nulla dies unquam id remittere, vel tantillum, ne dicam soluere ullo modo possit.*“

Laelii quoque Socini mentionem facit Coelius S. C. in ep. adolescenti ABRAHAMO SBASKI, Equiti Polono Basl. Cal. Dec. (sine addita anni significatione) data l. c. p. 341. ita scribens: „*In Italia ingens reuocatur bellum propter SENAM Hetruariae urbem clarissimam a Gallis captam. Patria est LAELII nostri: a quo proxime litteras accepi, in quibus SBASKI humanissimi suauissimam et amantissimam, plenamque desiderii mentionem facit: rogatque, ut si quid de te acceperim, ad eum perscribam. Facit tamen sui ad nos reditus spem.*“

Quanto Laelium Socinum Wittebergae degentem Melanthon fuerit amore complexus, et quas in eodem maxime virtutes viderit ac aestimauerit, iuxta alia documenta ex eius litteris ad D. N. PFAUSERUM, elapsis aliquot annis, a. 1557. scriptis colligi potest, quae in epp. illius Lugd. 1647. 8. apud Elzevirios editis p. 369 leguntur, huiusque argumenti sunt: „*Reuerendo viro, eruditione et virtute praestanti Dn. PFAUSERO, docenti*
Euan-

*Euangelium fideliter Viennae in Austria. Reuerende vir et clarissime Frater. Non dubito, quin libenter opem feras oiris doctis et piis, qui propter confessionem veritatis affliguntur. Quare tibi hunc L. SOCINUM, filium praestantissimi iuris consulti MARIANI SOCINI, qui diu Bononiae praecipuam auctoritatem inter iuris interpretes habuit, commendo. Litteras ei ad inclytum Regem MAXIMILIANUM dedi, in quibus nec injusta res petitur, nec difficilis. Impediunt LAELIUM inquisitores, ne patrimonio frui possit. Cogitat igitur proficisci ad urbem VENETORUM, ut ibi de patrimonio cum quibusdam paternis amicis agat. Ut autem ibi securus sit, petit se muniri Regis MAXIMILIANI litteris, quod eo velut Regis Minister missus sit. Nec de integritate viri huius dubites; amplius triennio mecum familiariter vixit, fuitque mihi eius consuetudo, propter ipsius eruditionem, pietatem, prudentiam et integritatem in omni officio, gratissima. Nec dubito, futurum, ut cum eius sermones plenos eruditionis et prudentiae, et honestissimos mores consideraueris, libenter ei tuo iudicio benefactor sis. Est autem et industria et fides eius talis, ut in legationibus et multis negotiis inclyto Regi vsui esse possit. Nam et legationes longinquas non reformidat, et multorum hominum in Italia notitiam habet. Oro igitur, ut hunc LAELIUM inclyto Regi MAXIMILIANO commendes. Bonis viris bene facere etiam publico statui prodest. Velim te etiam in hac re benevolentiam tuam erga me huic LAELIO declarare. Bene et feliciter Vale. In urbe Vangionum, (Wormatia) Cal. Dec. 1557. Fuit Jo. SEBAST. PHAUSERUS in aula MAXIMILIANI II. Bohemorum Regis et Archiducis Austriae primum sacrorum Praeses, post vero per inimicorum inuidiam dimissus, quod Luthero addictus comperiretur. De viro hoc admodum memorabili plura leguntur in Raupachii *Evangelischem Oesterreich* p. 54. seqq. et Contin. I. p. 102. 130. 268. seqq. His analecta quaedam attulit Schelhornius in Amoen. T. I. p. 95. seqq.*

Quum

Quum iam, quid Melanthon de Laelio iudicauerit, exposuerim, hisce dictis quaedam ex illius epistola commendatitia in Socini causa ad SIGISMUNDUM AUGUSTUM Poloniae Regem data, addo. Legitur haec in epp. Melanthonis l. c. p. 4: „Laelius, cum ad paternum studium (iuridicum) se praepararet, ut prius fontes cognosceret, scil. ius diuinum, studiose legit libros propheticos et apostolicos, quorum lectione diuinitus in eius pectore accensa est veri Dei cognitio. Ac ut certius et firmitus esset iudicium, adiunxit Graecae et Hebraeae linguae cognitionem. Propter haec studia profectus in Germaniam, mecum amplius triennio vixit, fuitque mihi eius consuetudo, propter ipsius eruditionem, pietatem, prudentiam et in omni officio modestiam, pergrata. Est et haec eius virtus inprimis digna laude, quod a furiosis et fanaticis opinionibus alienus sit.“ Satis haec comprobant, quanti Laelium aestimaverit Melanthon, quantoque emolumento haec ipsius existimatio illi in promovenda re domestica et familiae suae causa esse potuerit. Camerarius l. c. p. 344. obseruauit, a quibusdam narrari Laelio permisisse Melanthonem per aliquod tempus hospitio suo frui, quia illum controuersiarum cognoscendarum maxime cupidum prehenderit, hocque ejusdem studio valde delectatum esse. Huic rei testimonium fert ep. ejus circa finem anni 1550 ad CHRISTOPH. STATHMIONEM, artis Medicae Doctorem data in Epp. Melanth. a Peucero editis P. II. p. 417. in qua ita inquit: „Scis olim ante sacrificia voce praeconis exclusos esse profanos. Ita profecto indocti, feri, ac legum et disciplinae contemptores arcendi sunt, ne omnes eruditorum dissertationes audiant. Scripsi antea ad te, doctos et graues viros posse de quibusdam materiis colloqui, quas, si audirent feri homines, tantum inde sumerent occasionem laxandi frenos disciplinae. Sed hospitem habeo LAELIUM, grauem et doctum virum et amantem doctrinae verae de Deo, is legere tuum scriptum cupit. Et, spero, hac cum lectione non abusurum esse. Ideo

Ideo oro te, ut nobis per nuntium ANDREAM mittas tuum librum. Ego bona fide remittam, et cauebo, ne veniat in populi manus.“ In alia ad eundem ep. meminit librorum *demonstrationum*, item dialogi *περὶ δικαιωσέως* a Stathmione concinnatorum. Videtur autem in ep. priore libros *Demonstrationum* innuere, quos cum LAELIO communicandos expetiit, de quibus in ep. die 14. Dec. sine anni commemoratione (fortasse tamen 1562 vel 1563, siquidem *Ephemeridum* ad a. 1562 editarum in eadem mentionem facit) ad eundem scripta l. c. p. 426 inquit: „*Valde delectatus sum ea parte libri demonstrationum, in qua sensuum certitudinem ex causis physicis et ex ipsa natura extruisti.* Vult Deus aliquas certas esse notitias, ut de ipso etiam habeat adseuerationes aliquas firmas mens humana, nec vagetur in Academicis tenebris, in quas *Arcefilae* et *Pyrrhonorum* furoribus inducitur. Placet et Stoicorum refutatio. Quod vero organa demonstrationis duo tantum facis, verbum Dei et sensum, verustas a sensu distinxit *τὰς ἀρχάς*, quae sunt notitiae nobiscum natae, non a sensu ortae, videlicet numerorum notitiae, proportionum, ordinis et aliae quaedam. Ego *τὰς ἀρχὰς καὶ αἰσῶσι* discerno. *Illud etiam te oro, ut circumspectior sis in recitandis exemplis theologicis.*“ Ultima verba coniecturae locum faciunt, STATHMIONEM in explicandis fidei mysteriis rationem in iudicium ac consilium vocasse, eiusque libros demonstrationum ad SOCINI palatum fuisse compositos.

Quamuis vero *Melanthonem Socinus* suo simulandi habitu ac amabili morum venustate deceperit, aliquando tamen et statim in initio, cum *Wittebergam* prima vice accesserit, aliquid suspicionis in viro hoc prudentissimo atque sagacissimo subortum esse, ep. eius ad *Camerarium* suum a. 1549. die *Jacobi* scripta in *epp. Melanthonis*, Lugd. edit. p. 619. obscuriuscule saltim significat. Ita vero inquit: „*SOCINI filius saepe nobiscum est, sed con-*
uictor“

nictor est FÖRSTERI, et optarim eum in Helvetiis esse; αλλος γαρ προς αλλην πολιν τεταγμενος.“ In alia, quam BRENTIO idem dedit l. c. N. XXII. p. 402. cum quodam dolore significare videtur, quod ab homine hoc peregrino illusus fuerit. Paulo tamen post viri benignissimi fauorem amicabili specie sua sibi acquisiuit, cuius rei etiam adeo in *Caluino*, utpote statim dicturi sumus, experimentum fecit, quem ad iram aliquando commotum iterum sibi reconciliauit.

Laelius igitur orthodoxis ac primariis Ecclesiae Doctoribus, qui ad coetum christianum reformandum a Deo excitati et illuminati fuerunt ac ipso adeo *Melanthone*, posthabitis, ingenio suo nimium confidens, ex suo ipsius sensu ac iudicio S. Scripturam interpretabatur, ad noua dogmata, quae jam antea animo finxerat, accommodabat, haecque tanquam diuinitus reuelata aliis minus sibi prospicientibus, prouide tamen dubitantis habitu et clam instillauit. Nec id sine iusto Dei iudicio accidisse videtur, vt, qui viae duces a Deo sibi datos ad veritatem inuestigandam et de eadem animum suum obfirmandum spreuerat, ac magis ad propria inuenta, quam ad ductum oraculorum diuinorum attentus fuerat, sibi que soli saperet, in grauissimos errores tandem abduceretur.

Witteberga *Laelius* prima vice profectus est in *Poloniam* a. 1551. sibi que amicitiam nonnullorum regni Poloniae nobilium conciliauit. Ita expresse *Przypcuius* l. c. „*Reperio in Polonicarum Ecclesiarum commentariis geminum Laelii in patriam nostram aduentum. Primum circa annum 1551. aetatis vero eius sextum et vicesimum; quo tempore cum plerisque e nobilitate Polonica non sine maximo fructu conuersatus dicitur. — — — Alterum eius in Poloniam aduentum deprehendo post mortem MARIANI patris, qui Bononiae obiit a. 1556. Conduxisse sibi plures in Polonia amicos, non vana est conjectura.*

Melanthon enim in ep. ad *Camerarium* a. 1552. data, mentionem litterarum facit, quas *Laelius* scripserit *Polono Wittebergae* viventi. In primis hoc tempore conuersatus est cum *Francisco Lismanino*, patria *Coreyrensi*, et *Bonae Sfortiae* Reginae a Confessionibus, cui abjiciendi cuculli monachalis, et papismo deserto in alium coetum et maxime ad suas partes transeundi auctor exstitit; de quo alio loco. Non diuturnam in hoc regno stationem suam fixit, sed (quod auctor modo allegatus testatur) paucissimos tantum modo menses ibidem consumpsit. Eodem narrante *Polonia* discedens in *Morauiam*, et inde ad *Heluetios* iterum se recepit. De primo hoc ipse in *Poloniam* itinere *Erhardus a Kunheim*, vir singularis prudentiae, qui circa annum 1562. *Catharinae*, Reginae *Poloniae*, Archiducissae *Austriae* Secretarius extitit, in ep. *Witteberga Henr. Bullingeri* data a. 1551. scribit: „*LAELIUS SOCINUS* hinc profectus est, ad perlustrandam *Poloniam*, et inde constituit recta redire in patriam.“ Hoc tamen ad patrios lares revertendi consilium deinceps procrastinavit, cum indubitatum sit, quod citissime lustrata *Polonia* atque *Morania Tigurum* redierit. *V. Hottingerus* l. c. T. IX. p. 437.

Eundem a. 1551. *Tigurum* iam appulisse, epistola ipse eodem anno ad *Melanthonem Tiguro* scripta evincit. Ita enim *Melanthon* ad *Camerarium* die brumae 1551. in epp. ab hoc editis *Lips.* p. 653. inquit: „*LAELIUS* scripsit ad me ex *Tiguro* et nominatim tibi salutem optat.“ Loquuntur idem litterae *CALVINI Cal. Jan.* 1552 ad *LAELIUM* datae paulo post inferendae. Quod intra quadriennii spatium plures praeter *Germaniam*, *Poloniam* et *Morauiam* regiones, nimirum *Galliam*, *Britanniam* et *Belgium* inuiserit, a multis post *Sandium* l. c. p. 19. et autorem vitae *Fausti Socini*, narratur. Fortasse iter illud, antequam *Genuea* in *Germaniam* profectus, absoluit, ita, ut per istas regiones saltem transierit, ibidem

ibidemque plures sibi familiares contraxerit. Testes quoque sunt istius itineris plures. Ita *Natalis Alexander* in *H. E. N. T. T.* VIII. p. 162. *Laelium* admodum adolescentem a. 1547 patriam reliquisse, annum videlicet agentem alterum et vigesimum, proximo quadriennio, *Galliam*, *Britanniam*, *Belgium*, *Germaniam* vniuersam, ipsam quoque *Poloniam* emensum, et tandem apud *Helvetios Tiguri* sedem fixisse, significat. Eodem ordine *CLOPPENBURGIUS* l. c. p. 3. itinera *Laelii* exponit, nimirum eum ab anno 1547 aetatis 22. peregrinatum in *Gallia*, *Anglia*, *Hollandia*, *Germania*, *Polonia*, contracta cum variis amicitia, a. 1551. iuuenem annorum 26 *Tiguri* consedisse. Idem *FUESLINUS*, l. c. T. III. p. 329 prodidit: eum ab anno 1546 non tantum per *Heluetiam*, *Germaniam* et *Poloniam*; sed etiam per *Galliam*, *Belgium* et *Angliam* intra quadriennium iter instituisse. In *Gallia* tamen, *Belgio* et *Anglia* diu commoratus non videtur, quemadmodum quoque viri in hisce terris fama inclyti non innotuerunt, cum quibus amicitiam contraxerit, aditumque apud eos familiarem habuerit, quamuis, commercium eidem fuisse frequentissimum cum haud paucis in *Helvetia*, *Germania* et *Polonia* magni nominis viris, ipsorum ad eum datae epistolae adhuc superstitestestentur. Ita ipse cum *Calvino*, *Brentio*, *Melanthone*, *Beza*, *Bullingero*, *Musculo*, *Münstero*, *Petro Martyre*, *Zanchio*, *Castalione*, *Puckelebio*, *Vergerio*, *Ochino*, *Augustino Maynardo*, aliisque pluribus coram egit, sibi que hos amicos et fauentes reddidit. Quae *Przypcovius* l. c. de peragratis a *Laelio* intra sextum et vicesimum aetatis annum, vniuersis fere occidentis prouinciis, et de nobilibus atque eruditis omnibus, quos sibi conciliauerit amicis, praedicat, more *Rhetorum*, nec absque omni partium studio dicta videntur.

Tigurum sibi pro fixa sede sine dubio prae aliis *Helvetiae* urbibus elegit, ob mitiorem *Tigurinorum* in-

dolem, apud quos tutissimum se habiturum habitaculum sperare potuit. Ibidem in aedibus celeberrimi CONRA-
DI PELLICANI habitauit, hocque loco commercium litte-
rarium cum viris, quorum nomina allegauimus, quam
diligentissime instituit. Ad has epistolas horumque vi-
rorum ad eum responsorias auctor vitae F. S. l. c. p. 7.
prouocat, istarumque autographa magno numero ad se
peruenisse, testatur. Paucissimae saltem ex his, quan-
tum mihi rescire datum est, nostram tulerunt aetatem.
In illis, quae adhuc superstites sunt, aliquando primas
susceptorum dogmatum lineas haud obscure expressit.
CLOPPENBURGIUS l. c. inquit: „*LAELIUS Tiguri utens ho-
spitio PELLICANI, qua coram, qua per epistolas amicitiam
coluit, sed non ἀντιόχετον cum MELANTHONE, BRENTIO,
MUSCULO, BULLINGERO, ZANCHIO, MARTYRE, nec non
CALUINO.*“ Inter hos viros, orthodoxiae et pietatis
laude conspicuos, quibusdam quidem *Laelius* semet ad
aliquod tempus probauit, vt quoque de illo optime ju-
dicauerint, illiusque causae adeo patrocinati fuerint;
aliis tamen suspicandi de ipso heterodoxa occasionem fe-
cit, inter quos etiam *Hier. Zanchius* fuit, de quo pau-
lo infra.

Quod CALVINUS iam a. 1552. LAELIUM seuerè re-
prehenderit, alio loco notauì. Coram MELANTHONE
adeo simulavit, vt is a. 1557. *Cal. Dec.* quod paulo ante
exposui, eum adhuc dignum iudicauerit, litteris com-
mendatitiis ad maximos Principes comitari. BULLINGE-
RUS quoque longo tempore et adhuc a. 1558. quo eum
JOANNI a LASCO commendauit, de eodem, optime sensit.
LAELIO enim causam suam defendente, et fidei quoque
confessionem exhibente, ita BULLINGERUS mitigatus est,
vt non modo a. 1555. eum apud se purgatum haberet
ab omni mala suspicione; sed et apud alios male de eo-
dem iudicantes, praecipue aduersus JULIUM MEDIOLA-
NENSEM, Pesclaviensis coetus in Raetia ministrum, qui
eodem anno BULLINGERUM periculi a LAELIO extimescen-
di

di monuerat, ut statim diceretur, strenue excusauerit. Inter alia orthodoxae doctrinae speciem prae se ferebat *Bullingero*, provocatione sua ad Symbolum Apostolicum, declaratoque suo cum eodem consensu, quod tamen pro more plurimorum haereticorum lubricae, parum candide et ad fucum faciendum ab ipso factum esse, *Bullingerus* sibi persuadere non potuit, inprimis cum ne quidem expresse ac distincte reliquis Ecclesiae orthodoxae symbolis contradicere sustineret, imo potius ex parte suffragium suum, non tamen absque reservatione mentali, quam de eodem suspicari nefas putavit *Bullingerus*, iisdem adiiceret. Labet vero epistolam *magni Theologi*, (*BULLINGERI ad Julium Mediolanensem*,) ab *HOTTINGERO* l. c. Saec. XVI. P. V. p. 417. seqq. servatam inferere.

„S. P. Scio equidem apud te, frater, et apud alios nonnullos, *LAELIUM SOCINUM Senensem*, quamdiu in nostra schola diligens fuit auditor, suspicione graui laborare, quasi *ARIO*, vel *SERUETO*, aut *ANABAPTISTIS* fauens adorandam Dei Trinitatem non agnoscat, neque sincere fateatur, Christum Dominum iuxta diuinitatem Patri esse coaequalem, iuxta humanitatem vero nobis consubstantialem. Nam ea de causa me hortabaris, ut pro officio meo gregi dominico mihi invigilarem, ne per illum pestifero aliquo veneno afflaretur. Ego vero cum *LAELIO* diu usus sum perquam familiariter, nec tamen hujus vel tantillum ex sermonibus intellexerim, admiratus sum illa tum legens; ne tamen fratris admonitionem, pro qua me tibi gratias debere fateor, contemnere viderer; et rursus ne *LAELIUM* non auditum et ipse graui suspicione premere inciperem, voco hominem. Is vero, qua praeditus erat humanitate, libenter et protinus adest. Recito illi, praeterito tamen tuo et aliorum quorundam nomine, quid mihi de ipso nonnulli fratres significent, adhortans, ut libere et clare suam apud me de his fidem profiteatur. Quid

multis? Queritur LAELIUS indignissime secum agi et quorundam se indignissimis premi odiis, quos ipse mallet, libere et palam, cur de ipso ita sentiant, proferre, quam ita de ipso suspicari et per prauas illas suspensiones ingerere. Ego, inquit, ignoro, si quid unquam dixerim, cuius gratia haberi debeam pro SERVETANO, aut ANABAPTISTA, nisi id forte sit, quod Genevae agens, dixi, mihi non placere, quod SERVETUS derepente sit extinctus. Coeterum id non dixi, quod nolim prorsus coerceri haereticos, et homines blasphemos, aut quod doctrinae SERVETANAE faueam, quam velim extinctam: sed potius cum improbem prauam illius doctrinam, hac ipsum liberari, quam in ipso concremari maluissem. Alioqui de Trinitate et Vnitate Dei aeterni, de Christo Jesu, Domini nostri diuinitate et humanitate, denique de mysterio redemptionis nostrae, de salute animarum, earundemque immortalitate, corporum item nostrorum resurrectione gloriosa, et vita aeterna, per omnem modum ita credo, sentio et profiteor, sicut docet scriptura canonica, compendioque comprehensum est in symbolo Apostolico.

Ego vero adjiciebam: Consentis ergo cum symbolo Niceno et Constantinopolitano? Abhorres autem ab omnibus haeresibus PRAXEAE, vel SABELLII, ARII, vel SERVETI, MACEDONII, NESTORII, EUTICHII et ANABAPTISTARUM? Excipiebat ille: consentio doctrinae, quae semper in Catholica Ecclesia orthodoxa fuit et hodie simpliciter et concorditer docetur in Ecclesia Tigurina. Ideo enim communico vobiscum in Mystica Christi Domini coena: ideo vobiscum habito, nusquam diuerticula quaero, aut ullos in vllis erroribus instituo; sed quiete viuo. Ac cupio mihi iam differte indicari, quid me oporteat praeterea facere, si videlicet haec non satisfaciunt? Ego vero respondebam: Si toto corde ita credis, LAELI, nihil est, quod a te requiram amplius, Dominum oro, ut te in hac fide confirmet. Vnum tamen a te postulo, frater, ut postquam haec, quae nunc inter nos peracta sunt, in chartam consign-

signauiro, (consignabo enim) tu non graueris tuam addere manum. Non quod non bene de te sentiam, aut tibi non plane fidam; sed quod propter alios hoc testimonii habere cupiam, apud quos deinde audentius omnia testari possim et pacem atque reconciliationem petere. Annuit vero LAELIUS, et huic suae sententiae suam mihi manum adiecit.

Haec cum te in primis scire oporteat, paucis exponere volui, ut et tu melius sentias de LAELIO, et aliis cum, si necesse sit, de meliore nota commendes. Est sane illi curiosum ingenium et multiplicibus implicitum quaestionibus. Eas cum aliquoties proposuit, discendi et experiendi causa, visus est, nondum assuetis eius ingenio, pestiferas fouere opiniones, quin et illas serere et propagare velle. Eadem tamen ille praeditus est modestia, ut cum ex me aliisque, quos amat sincere, intelligit, ex talibus quaestionibus vel dissertationibus, tales contra ipsum exoriri in multorum animis suspiciones, adde et offensiones, inde et sibi ab eis esse abstinendum. Id quod et facturum se promisit.

Proinde hortor te, colende mi Domine, et frater charissime, ut LAELIUM nostrum apud te non tantum a praua suspitione purgatum habeas, sed et apud alios, male de eius fide suspicantes, fraterne excuses. Fratres enim sumus, qui mutuam inuicem charitatem debemus. Suspiciones autem numerat Apostolus Paulus inter opera carnis. Pacem et charitatem vnice commendauit nobis Dominus et Salvator noster. In hoc aeternum vale et ora pro nobis semper Dominum. Ad haec scribebat in chartam quaedam LAELIUS, quae ita habent:

Ego LAELIUS SOCINUS, a pueris vnum symbolum didici, et nunc scio et agnosco, quod Apostolorum dicitur, esse antiquissimum, omnibus temporibus in Ecclesia receptum, tametsi varie scriptum. Sed nuper legi etiam alia, et honorem tribuo, quem possum, ac debeo symbolis vetu-

stissimis NICENO et CONSTANTINOPOLITANO. Praeterea quod ignari homines pertinaciter inficiantur, ego Trinitatis, Personarum, υποστασεως, consubstantialitatis, unionis, distinctionis et alias similes agnosco voces non recens exco- gitatas, sed a mille 300 annis, inde usque a temporibus JUSTINI MARTYRIS, in toto fere christiano orbe fuisse vsi- tatas, et quidem maximis grauissimisque de causis. Ve- runtamen libere dicam, quod sentio ego, modis omnibus probarem, si adhuc verbis Christi, Apostolorum et Evan- gelistarum, Christiana, Apostolica et Evangelica fides no- bis explicaretur, nec ideo illa vocabula nego Patribus ne- cessaria fuisse, ad ea splendidius efferenda, quae iam catho- lice nobis traduntur, ac sane tanta cum veneratione ab Ec- clesiis recipiuntur, multo minus in dubium verto Christia- nae religionis fundamenta, quae singulis orthodoxis cer- tissima debent esse, ac utinam mihi reddantur certiora, quia non contendo, Patrem esse eundem, qui Filius et Sp. S. Non imaginor tres Jehovas, Deos nostros coessentia- les, non discindo in Christos duos, unam Christi personam, vel naturarum confusionem ullam admitto; sed ingeniorum lasciuia et petulantiam valde metuo, proinde caueo sem- per ab huiusmodi lethiferis paradoxis, nec non catabapti- starum errores omnes fugio, SERVETI dogmata, ARIANIS- MUM totum execror horreoque. Reliquorum uero, quos tu adscripsisti, haereticorum phantasias prorsus ignoro, nec expeto nouum doctrinae genus, sed ea tantum, quae sunt ad aeternam salutem necessaria, summoque Theologorum omnium consensu docentur, ego vera esse in dies magis ostendi cupio, et mihi firmitus persuaderi, ut amore possim Deo meo vehementius adhaerere, et lites verborum, con- certationes opinionum, spinosas quæstiones, labyrinthos inextricabiles deserendo, acquiescere in ipsa Dei veritate simplicissima. Quare fateor ingenue me curiosiorem fuisse, quam potuerint ferre nimis Zelotypi quidam Pythagorici; sed erga me nunc tanta extitit Patris coelestis benignitas, ut plane confidam, me posthac longe dexterius versaturum esse

esse in congressibus hominum sanctissimis. Ego enim phantasticorum speculationibus omissis ineptis, argutiis fallacibus ratiunculis Sophistarum iam valedictis, quod maximum, quod excellentissimum Dei beneficium e terrae pulueribus me omnino excitandum spero: Nam qui mihi fidem habebit, dixit ille, qui nunquam mentitur, etiamsi mortuus fuerit, reviviscet, hoc autem promisso, quid nobis contingere posset felicius! Gentes profanae sunt, quae spem non habent, et his sermonibus non consolantur. Quapropter ago tibi gratias, Pater, coeli terraeque Domine, quod in sempiternam vitam mea conferuetur anima, et ipsam corpore interfecto nulla vis humana interficere queat; sed amplius te supplex oro, ut si qua in animo meo suspicio vel minima surrexerit, tanquam illa de re sit, quae sit naturae dissidentanea, et omnium nostrum excedat intellectum, velis eam continuo eximere, et in clarissima luce positum me beatum facere per J. C. unigenum tuum, qui a te legatus unicus fuit, ut ab exitio praeter omne meritum conferuet, et reparet ei fidentes. Ita tamen ut nihilo non respondeat vaticinio Ezech. 34. Quo circa est omnipotens Deus, Iudex, liberator, Dominus et Rex noster aeternus, ad cuius nomen se omne genu flectat coelestium et terrestrium et subterraneorum, qua sibi subicere potest omnia. Itaque ex animo communico vobiscum N. N. mei charissimi; nihil enim quod attinet ad ea, quae sacri et divini spiritus egent testimonio, suatum hactenus habui, quod vos hic omnes pariter habendum esse non doceatis; et quod plus est, ego vobiscum non dubito, monstrificam horribilemque patefacere illam belluam, quae tandem comprehendetur una cum falso vate, qui in eius conspectu facit ostenta, quibus decipit eos, qui bestiae notam accipiunt, quique eius venerantur imaginem. Duo illi vivi conjicientur in stagnum ignis ardens sulphure. Reliqui gladio necabuntur sedentis in equo, qui gladius ex eius ore procedit, eorumque carnibus satiabuntur omnes alites: hic cernitur infelicitissimus exitus ipsorum et gladius acutissimus, quo prostigandi sunt omnes Agno rebelles. Cur

igitur nos alio, quam Christiano et Apostolico iure atque ferro animaduertemus in eos, qui solum propria Christi et Apostolorum iura ac enunciata violant?

Quod autem restat, mi Domini N. N. satis intelligo opus esse quadam singulari moderatione, ut omnia ad utilitatem fiant, quia et reddendam nobis esse cuiuscunque mali verbi rationem in die iudicii. At multa delinquimus omnes, si quis in verbis non delinquit, is perfectus homo est. Deus ergo omnis verae sapientiae largitor, meam quoque linguam regat ac gubernet, ita ut ex eodem ore laudatio et execratio non prodeat. Sed interim nunquam finam, me hac sancta libertate priuari a maioribus quaerendi et disputandi modeste ac reuerenter ad amplificandam rerum diuinarum agnitionem, quandoquidem Scripturae loci sunt pauci, quibus interpretandis ac euoluendis, ut minime satiatisfiant Doctores et perpetua obseruantia colendi, ita ego non sum adeo infans, ut ipsa quoque mea infantia me lateat, et quanta mihi desunt, non sciam. Tu igitur assidue mecum orabis Deum omnis fauoris, ut in LAELIO tuo rem bonam, quam inchoauit, absoluat, ne sit amplius puer, qui omni vento fluctuet, ac circumferatur, sed verum tenendo cum charitate perficiat omnino, quae sunt a tergo obliuiscens, et ad anteriora se intendens ad scopum, contendat ad palmam, ad quam superne vocatus est diuinitus per C. J. Vtinam illuc spectent omnia vota mea, si qua ad mortuorum resurrectionem perueniam, ut in nubibus raptus obuiam Domino in aerem cum eo laudibus aeternis Deum Patremque nostrum celebrando semper viuam. Dabam 15. Julii 1555. Idem LAELIUS manu propria."

Qui ingenua ac sincera mente Laelium haec confessum esse, se persuasum haber, eum, saltem isto tempore a grauiore errore circa Mysterium S. Trinitatis immunem, iudicabit. Sed dolosam et ambiguam hanc confessionem declarauit JULIUS Mediolanensis et reliqui etiam

Locar-

Locarnenses Evangelii ministri. *Julius* iste, vir acutissimus, larvarum, simulationum ac praetextuum *Laelii* optime gnarus, technas istas ac machinationes in ep. ad hunc scripta et ab HOTTINGERO l. c. p. 427. seqq. inserta detexit. Juvat vero JULII epistolam ad *Bullingerum* 1555 d. 4. Novbr. scriptam adferre, ex qua de LAELII animo ad simulandum quavis ratione composito documentum capi potest luculentissimum. Coniecturam non vanam, sed ex parte rationibus fulciendam concepi, *Julium* hunc *Mediolanensem* iam inde ab Italia *Laelium* optime cognitum habuisse, deque eodem iudicium tulisse, per diuturnam experientiam et conuersationem comprobatum. Significat in hac LAELIUM Anabaptistarum partes suscepisse, CAMILLO RENATO in *Valle Telina* Anabaptisticae sectae Coryphaeo et principi dedisse manus, mysterium S. Trinitatis ab eodem non admitti, variaque prodigiosa concepisse dogmata. Admonet proinde *Bullingerum* ad vigilandum, ne quid detrimenti ex *Laelio* capiat Ecclesia praecipue *Locarnensis*. Ex parte quidem *Julii* litterae insertae sunt OTTII *annalibus anabapt.* p. 120, in extenso autem leguntur in JO. CONR. FUESLINI *Epp. ab Ecclesia helvet. Reformatoribus* etc. scriptis Cent. I. N. 81. p. 353. et in *de Porta* Hist. Reform. Eccl. Raet. L. II. p. 86. Ita autem JULIUS de LAELIO ad BULLINGERUM:

„Gratiam et vitae innocentiam a Domino. Superiore
 „mense Junii, cum essem Sondrii, quod est primarium
 „Vallis Telinae oppidum, accepi tuas suauissimas litte-
 „ras, mi frater colende ac Domine plurimum suspicien-
 „do! quae mirifice subleuarunt animum innumeris mo-
 „lestiis propter nonnullos seditiosos et contumaces per-
 „cussum et consternatum. Ea enim est, ut scis, pasto-
 „rum conditio, ne dicam fatalis quaedam fors, ut in di-
 „es et horas, multos cogantur subire labores, ad hoc, ut
 „ecclesiae communio conseruetur. Cum autem in tantis
 „molestiis

„molestiis positus essem, tuasque dulcissimas litteras toto
„corde lectitarem, non mediocriter gauisus fui. Idque
„duplici nomine. Primum quod a te amari video, et
„te ex animo me, qualis, qualis sim in confratrem et
„consymmistam amplecti. Deinde quod LOCARNENSES
„propter Christum exsules, tam benigne tuo consilio et
„opera excepti sunt hospitio ab amplissimo Senatu Tugu-
„rino. Gratulor igitur et tibi piissime BULLINGERE! et
„tuæ sanctæ Ecclesiæ, quod etsi hoc nostro corruptis-
„simo magis, quam pio sæculo misericordia paene sit
„obliterata, tamen pater misericordiarum tanto vos di-
„gnatus est fauore, quod Christum exulem collegistis.
„Nam et nos advenæ fuimus, verum nos Deus suscepit
„in Christo Filio suo, ut iam non simus peregrini, sed
„ciues sanctorum et domestici Dei. Eadem ergo nos
„misericordia affectos esse decet, quum ea dilectione no-
„bis ambulandum sit, qua et Christus dilexit nos. In
„hanc sententiam scriberem plura, nisi cognoscerem,
„quam prompta sit tua voluntas, inferuendi omnibus
„Christi fidelibus, et illis maxime, qui Christi causa
„exulant. At hæc cum postea SONDRIO reuersus essem
„TIRANUM, hoc mense Octobri allatae mihi fuerunt se-
„cundæ tuæ litteræ referæ quidem et fraterna dilectio-
„ne et ecclesiastica disciplina, quibus significabas LAELI-
„UM Senensem iam pridem a nobis suspectum et a mul-
„tis bonis fratribus habitum pro manifesto Anabaptista,
„coram te non tantum professum fuisse bonam confessi-
„onem, sed et propria manu subscripsisse sanæ doctri-
„nae, quæ semper fuit in catholica Ecclesia. Ob id fra-
„terne me hortabaris, ut non tantum LAELIUM apud me
„purgatum habeam ab omni mala suspitione, sed et apud
„alios, de ipsius fide suspicantes, hominem excussem.
„Agnosco mi ornatissime BULLINGERE! et exosculor in
„te Zelum Domus Dei cum non vulgari charitate coniun-
„ctum. Animaduerto enim in tuis litteris, quantum tibi
„sit cordi, ne LAELIUS infametur, quantumue cupias
„LAELI-

„**LAELII** salutem et quanti facias indiuiduam Ecclesiae
„concordiam. Enim vero tanti ponderis et merito qui-
„dem apud nos est ecclesiastica tua auctoritas, vt nobis
„in hac re abunde satisfactum sit, si tibi satisfactum est.
„Quare tuo fretus consilio et iudicio curabo, vt Ecclesiae
„nostrae posthac pro fratre **LAELIUM** agnoscant, et si non
„tam cito potero diluere maculam tam violentae suspici-
„onis, oro tamen Dominum Jesum, vt **LAELIUS** toto
„corde credat, quae coram te confessus est, vt in verae
„fidei confessione confirmetur. Nolebam, sed vt cau-
„tior fias, cogor referre, **LAELIUM CAMILLO** Renato de-
„disse manus, ita, vt deserta catholica veritate, publice
„non erubuerit **GENEVAE**, **CLAVENAE** et alibi stare a par-
„te Anabaptistarum, quae res apud nos tanti est momen-
„ti, vt nullus relinquatur excusatori praetextus. Arbi-
„tror enim, te non ignorare callidi et tortuosi **CAMILLI**
„ingenium et mores. Ea igitur de causa, si de **LAELII**
„confessione aliquantisper suspicatus sum, ne miraberis
„quaeso, cum plus satis experiamur **SERUETANOS** et **ANA-**
„**BAPTISTAS** non facile deponere, quod semel inbiberunt.
„Quod in dies magis ac magis deprehendimus in **vno**
„**CAMILLO**. Vix enim credi potest, quam flexibilis sit
„haeretici vafries, et quam obliquo et volubili flexu
„iste anguis effugiat, nisi fortiter prematur. Sed quid
„dico de **CAMILLO**? Non omnes Anabaptistae ea sunt
„perfidia, vt non vereantur efflare modo calidum, mo-
„do frigidum. Quare piissime **BULLINGERE**! neque ar-
„rogantiae mihi adscribas rogo, si libere tecum tantum-
„modo, id quod sentiam, dico. Redarguendi sunt seue-
„riter languentes circa pugnas sanae doctrinae, quae
„scandala multa et dissidia praebent magis, quam aedifi-
„cationem Dei, quae est per fidem. Devitandae sunt
„quaestiones falso nominatae scientiae et accedendum sa-
„cris sermonibus Domini nostri **J. C.** et ei, quae secun-
„dum pietatem est, doctrinae, qua repulsa **CAMILLUS** et
„affectae circa fidem naufragium fecerunt. Detrahenda
„igitur

„igitur est larua versipellis haereticis, alioqui actum
 „est de salute Ecclesiae. Nam amicus hypocrita publi-
 „co hoste est nocentior. Valeant igitur, qui quotidie
 „dissidia quaerunt in Ecclesia. Non potui autem mihi
 „temperare optime BULLINGERE! (quando propter Do-
 „mini gloriam et Ecclesiae aedificationem dignum admo-
 „nitione videbatur) quin ingenue tibi significarem, quid
 „fratres nostri de LAELIO sentiant. Tuae nunc erit pru-
 „dentiae propter onus tibi diuinitus commissum sic vigi-
 „lare et excubare supra gregem tuae fidei concreditum,
 „et maxime supra LOCARNENSES, ne lupi ouilla pelle te-
 „cti deuorent Christi oues, hoc enim exigit ratio Chri-
 „stiani pastoris; nam et Dominus admonuit: Cauendos
 „esse, qui veniunt ad nos in vestimentis ouium, cum in-
 „trinsecus sint lupi rapaces, non parcentes gregi. Et
 „quia mendacia non diu fallunt, ideo ex fructibus eorum
 „cognoscemus eos. Caeterum Ecclesiae nostrae, Vallis
 „Telinae, quae sunt PESCLAVII, TIRANI, TILII et SON-
 „DRII pergunt concordēs in veteri et simplicissima do-
 „ctrina, quae ab aetate Apostolorum apud omnes Eccle-
 „sias recepta fuit, et hodie Dei gratia sine controuersia
 „docetur in nostrae Helvetiae et nostrae Raetiae Ecclesiis.
 „Oremus igitur Jesum Dominum, verae concordiae au-
 „ctorem, ut nos omnes conseruet in unitate spiritus per
 „vinculum pacis. Saluere te iussit frater et consymmistā
 „noster PAULUS GADIUS, Cremonensis. Salutabis nobis
 „eruditissimum RUDOLPHUM GUALTERUM, piissimum
 „BIBLIANDRUM et sanctissimum senem PELLICANUM.
 „Dominus J. C. cum spiritu tuo sit! Amen. Ex PESCLA-
 „UIO 4. Nou. 1555. Tuus ex animo JULIUS Mediola-
 „nensis.

Non in omnibus Anabaptistarum, (quod nomen
 isto tempore vagum fuit, ac parum determinatum) di-
 sciplinam probasse videtur LAELIUS, quamvis a *Julio*
 consensus cum *illis et Camillo Renato* accusetur; siqui-
 dem potius nullum prorsus Baptismi esse usum statuisse
 putan-

putandus est, quam deinde sententiam FAUSTUS sine dubio ex *Laelio* suam fecit. Non mediocriter hanc confirmant suspicionem, quae iam a. 1549. scripsit ad *Calvinum* de quaestione: *An fidelis pater committere possit, ut liberi sui baptismo pontificiorum initientur?* Non quidem istae LAELII litterae nostram tulerunt aetatem, ex *Calvini* tamen responsis in huius Epp. N. CIII. et CIV. patet, quid ille apud se statuerit. Quantus in ipso simulandi et dissimulandi, aliisque fucum faciendi fuerit habitus, ac fallendi alios exercitium, facile colligitur, quod BULLINGERUS, ne his quidem litteris *Julii* monitoriis permotus fuerit, diversam statuere sententiam, nec quicquam mali de illo suspicari. Imo potius abhuc a. 1558 optime de eodem iudicavit in ep. ad Jo. A. LASCO Tiguri d. 25. Jun. scripta et luci exposita a *Fueslino* l. c. cent. I. N. 89. p. 411. seqq. qua *Laelium* secunda vice in Poloniam proficiscentem tanquam verae religionis amantem his verbis commendavit: „LAELIUS SOCINUS *Senensis* hic est, cui has credidi, qui hasce tibi offert. Nobilis est, ut nosti genere, nobilissima ortus familia. Vixit apud nos Tiguri multos annos. Purioris enim religionis studio, relicta Italia, Parente, fratribus, et amplissimis facultatibus ad nos migravit. Vixit apud nos inculcate. Miram litteris impendit diligentiam, unde et hebraicae, graecae et latinae non vulgariter est peritus. Amat veram religionem. Superstitionem odit. Sed malo ipsum cognoscas ex colloquio. Praeterea prudens est et laboriosus, dignus sane, qui aut doceat aliquid publice, aut Principi alicui conjungatur negotiaque eius ardua tractet. Exponent ipse tibi, quo in periculo sint res, tum fratrum eius familiaeque totius, tum etiam propriae; obsecro autem tuam fidem, Domine mi colendissime et frater charissime! ut optimo viro non desis, sed iuves illum, fidelissimeque commendatum habeas in omnibus. Si enim recte ipsum novi, non poenitebit te operis et diligentiae. Res nostras exacte omnes tenet. Sum ergo in scribendo brevior,

quod

quod ipse exactius referet omnia. Summam ergo quarundam rerum attingam saltem, earum inquam, quas nouisse te plurimum refert. etc."

Quam coram lucratus fuerat Melanthonis amicitiam et fauorem, absens quoque seruauit inuariatum ac immobilem, huncque perpetuo commercio epistolico confirmauit, cuius rei varia in illius epistolis existant documenta. In ep. ad Joach. Camerarium a. 1552. Cal. Febr. scripta, l. c. p. 657 ita inquit: „*Post iter CASPARIS nihil accepi novi de republica. Hic POLONUS a LAELIO accepit litteras, qui iam in Heluetiis conuentum fore scribit totius gentis, deliberaturae de gallicis petitionibus. Ac uide saeculi furores, certamina Allobrogica de stoica necessitate tanta sunt, ut carceri inclusus sit quidam, qui a Zenone dissentit. LAELIUS narrat se rogatum cuidam scripsisse, ne tam vehementer pugnet. Et mitiores sunt TIGURINI.*“ In ep. ad Casp. PEUCERUM, in epp. ab hoc editis, P. II. p. 403. „*LAELIUS mihi scribit, tanta esse Geneuae certamina de stoica necessitate, ut carceri inclusus sit quidam a Zenone dissentiens. O rem miseram. Doctrina salutaris obscuratur peregrinis disputationibus.*“ In hoc certamine Melanthon quoque ad opem ferendam prouocatus, quam tamen detrectauit. Hinc in litteris CHRISTOPH. STATHMIONI a. 1559. d. 20. Martii datis, l. c. P. II. p. 429. scribit: „*Me senem et infirmum optare pacem consentaneum est. Ante annos 30. non studio contentionis, sed propter gloriam Dei et propter disciplinam reprehendi stoica paradoxa de necessitate, quia et contra Deum contumeliosa sunt, et nocent moribus. Nunc mihi bellum inferant stoicorum phalanges, sed in qua sententia possint acquiescere mentes anxiae, rursus moderate exposui in responsione, quam bavaricae inquisitioni opposui.*“

Neminem magis LAELIUS sua ad formanda dubia excitandasque de rebus rationi incognitis quaestiones, leuitate

leuitate exacerbauit, quam Jo. CALVINUM, cum quo et coram *Genevae* egit et ad quem, *Witteberga* et ex aliis locis in peregrinatione sua, frequenter dedit litteras. Plura de fluctuationibus et scrupulosis meletematibus, vel etiam certaminibus audacissimis *Laelii* cognosceremus, si ejusdem ad CALVINUM epistolae nostra vidissent tempora; hunc enim iam a. 1549 duas dedisse ad illum, *Beza* in vita CALVINI nos certiores reddidit, ex quibus saltem altera ad nos integraperuenit, scripta 8. Id. Dec. a. 1549, altera, quantum scimus, periit. Quae in Epp. et respons. CALVINI p. 314 occurrit responsoria ad aliquot LAELII quaestiones, scripta a. 1555. *Non. Julii*, teste *Crenio* in animadu. P. VII. p. 144. in *Caluini* Epp. N. CIII. editionis tertiae epp. *Hanouiae* 1597. 8. legitur. An vero diuersa illa sit ab iis, quas antiquiori *Jo. Caluini* epistolarum editioni insertas animaduertimus, certo a me dici nequit, cum *Hanouiensis* editionis copiam consequi non potuerim.

Posterior illa *Caluini*, cuius mentionem feci, reperitur in eiusdem epp. et respons. *Geneuae* a. 1575. fol. edit. p. 93. quam qui legit, animum LAELII ad curiosius, quam par est, inuestiganda, quae vel Deus nos latere omnino voluit, vel in vtramque partem certa ratione disputari possunt, procliuem ad singularia et temerarium iatis luculenter perspicit. Hunc quoque CALVINUS indigne tulit, nec immerito, inprimis cum SOCINUM male interpretari epistolam suam priorem animaduerneret, hinc quoque aegre ad ipsius dubia et quaestiones responderet. Haec autem est CALVINI ad *Laelium*:

„Ideo serius, quam optabas, respondeo, qui inuitus, vt verum fatear, quo me vocant litterae tuae, protrahor. De resurrectione carnis video tibi minime esse satisfactum. Atqui si plus a me postulas, ne scire quidem ultra, quam docui, appeto. Si excusẽm, mihi non plus datum a Domino, aequum non esset, me praete-

„rea vrgeri. Tenenda enim nobis est regula, credidi,
„ideo loquar. Verum dico in hac fide, quam apud te
„professus sum, sic me acquiescere, vt longius tendere
„fas mihi non esse arbitrer. Audio quid tu contra.
„Quum hoc praecipuum sit fidei nostrae caput, cum in
„eo posita felicitatis nostrae summa, non videri superua-
„cuam eius inquisitionem. Et sunt quidem istae specio-
„sae illecebrae. Sed quod Spiritus Dei per os Joannis
„admonet nondum apparuisse, et notitiam in diem vlti-
„mum differri, modum mihi praescribi sentio. Quae
„tibi scripsi adeo firma apud me sunt, et Dei verbo com-
„probata, vt nulla me dubitatio sollicitet. Sic porro
„sufficiunt, vt, eorum fiducia, mortem secure contem-
„nam. Si plura desideras, aliunde petenda sunt. Quo-
„niam nunquam a me impetrabis, vt obsequendi tibi
„studio fines a Domino positos, transiliam. In aliis
„quoque si parcior ero, quam optes, ignosce. De vxo-
„re ducenda, si quis a me consilium petat, non aliud sua-
„debo, nisi eam ducat, quae parata sit Christum cum
„marito sequi. Idque non ore tantum profiteatur, sed
„re ipsa demonstrat. Nam quae alioqui recte sentiens,
„ab impietatis tamen professione discedere non vult, eam
„quisquis ducet vxorem, pessimum sibi laqueum inducet.
„Nimis saepe expertus sum in multis, quantum a Chri-
„sto recedant, qui se implicant talibus conjugiiis. Ve-
„rum vt sigillarim tibi respondeam. Quod rogas, an a
„coniugio Papistico, non secus atque a Turcico sit absti-
„nendum: Ego: qui superstitiones Papatus, in quibus
„educati sunt, penitus retinent, non ausim tamen in eo-
„dem gradu cum Turcis locare. Nam aliquanto pro-
„pius ad nos accedunt. Verum omissa comparatione,
„homini christiano fas esse nego, se vxori adiungere,
„quae sit a Christo aliena. In eo autem numero scimus
„esse omnes Papistas. Qui licitum sibi esse putat eam
„accipere, quae adhuc multis erroribus tenetur implici-
„ta, modo iustitiam suam in Christo quaerat, non animad-
uertit,

„uertit, quantis postea in rebus futurum sibi cum illa sit
„dimidium. Nemo igitur me auctore, hoc periculum
„adibit; quia potius haec mea sententia est, nec pie, nec
„in Domino matrimonium contrahere, qui aliam sibi so-
„ciam asciscit, quam quae diuortium prius cum Papa fe-
„cerit. Scio non semper dari optionem ex voto, verum
„difficultas culpam non purgat. Solemnis Papatus ab-
„negatio si accedat, laudanda quidem erit: sed ego iam
„quasi necessariam exigere non ausim: sicuti nec certum
„modum finire, quamque in pietatis doctrina, progres-
„sum esse oporteat, quae ducenda est vxor, nisi quod ve-
„lim relicto Christi hoste et manifesta impietate valere
„iussa, Christo nomen dedisse. Quod rogas, an ratum
„vel irritum eiusmodi coniugium habere ecclesia debeat,
„quorsum pertineat, non satis assequor. Nam sicuti
„mutuus vtriusque partis consensus requiritur, vt rite
„Dei nomine et auspiciis consecrentur nuptiae: ita si quis
„ab officio declinet, non desinit tamen legitimum esse
„coniugii vinculum, quo alter alteri obligetur. Leuita-
„tem quidem merito improbabit, fidem tamen datam
„non soluit. Ego si ex duobus sit eligendum melius,
„facere non aliter posse arbitror, qui sub Papatu degit,
„quam vt liberos suos ad baptismum quamuis adultera-
„tum offerat. Si corruptelas, quae cum Dei mandato
„pugnant detestetur, pie et ex-Christiani hominis officio
„faciet. Praesens sane mortis periculum: sed eo plus
„laudis meretur constantia, quod nullo nutu frangetur
„quisquis erit, quo minus confessionem pietate sua dig-
„nam edat. Liberos si quis baptismo priuet, plus duplo
„pariet offensionis. Itaque hoc non consulerem. Jam
„cum mollities animi omnes fere, qui viuunt sub Anti-
„christi tyrannide, impediat, ne libere testentur, se ab
„inquinamentis Papistarum esse alienos, hinc monendi
„sunt, vt ego ipsos moneo, quam miseri sint et quan-
„tum in labyrinthum demersi, qui Dei offensam nisi al-
„tera offensa fugere nequeunt. Hoc vero est inter sa-

crum (vt loquuntur) et saxum premi, non posse Christo liberos suos offerre, quin ad inquinamenta Antichristi prostituant: et tamen non posse vsum baptismi praetermittere, quin contemti Christianismi notam in se suscipiant. Hunc stimulum iis, qui illis sibi blandiuntur, admoneo: vt suam infelicitatem in suis quoque liberis agnoscant. Cum Papistarum baptismum a luforio distinguo, fingis tibi responsum, quod tanquam a me datum impugnes; non reperies in meis litteris, scio, pendere illius vim ab intentione consecrantis. Tantum nisi fallor, ideo dixi efficax, quatenus in hunc finem administratur, vt in Christi corpus nos inserat, vel vt nostrae sit renouationis symbolum. Jam nihil me refert; sitne homo Lucianicus, qui baptizat, sitne Diabolus. Tantum enim respicienda est institutio et continuus vsus, qui a Christi mandato tanquam ex fonte fluxit. Certe non heri primum coepit baptizandi ritus. Eum nec Papistae nec Idololatrae alii excogitarunt. Perperam itaque eum aestimas, nisi ad originem suam reuoces. Vtunque autem prauis multis accessionibus vitiatum fuerit, semper tamen stetit hoc fixum, baptizari Christi mandato in nomen P. F. et Sp. S., vt sit regenerationis testimonium. Hic est finis, quem considerandum doceo. Nec alia fuit ratio, cur olim circumcisionem Deus in media sacrorum omnium profanatione ratam, nihilo minus habuerit: nisi quod in illum primum finem dirigebatur, vt sigillum esset diuini foederis: ego Deus tuus et seminis tui post te. Itaque cum populus sub Josia foedus de integro feriret, ac solemnem suae defectionis poenitentiam ageret, non tamen iterata fuit circumcisio: quae non infidelitate modo, sed impiis multis superstitionibus polluta erat. Tanti enim est sancta Dei institutio, vt inter multiplices hominum corruptelas ad vim suam retinendam praeualeat. Antistrophon quod in me torquere vis, nullum est. Neque enim luforia baptismi initiatio, vt
credis,

„credis, in populum Dei inferebat: sed instituti diuini-
„tus traditi observatio. Et tamen degeneres erant filii,
„qui foedus cum patribus initum violauerant. Quod
„Ecclesiae reliquias in papatu manere dico, non restrin-
„go ad electos, qui illic depressi sunt, sed ruinas dissipa-
„tae Ecclesiae illic exstare intelligo. Ac ne mihi longis
„rationibus disputandum sit, nos Pauli auctoritate con-
„tentos esse decet, qui Antichristum in templo Dei sessu-
„rum pronunciat. Quamquam et hoc rationibus satis
„validis me prodisse puto, Ecclesiam licet semiruptam,
„imo si lubet diruptam, ac deformem, aliquam tamen
„manere in Papatu. Atqui non patior, ut in priuatis
„pii hominis aedibus baptismus pure iuxta Christi regu-
„las administretur! Facilis responsio est. Nam huius-
„modi baptismum, qui apud nos non permittitur, ac
„iure quidem vetitus est, facilius tolerarem, quam Pa-
„palem illum tot sordibus infectum. Verum hic non
„agitur, quid ego probem. Quod autem baptismum
„pro nihilo me ducturum putas, quem a fratribus meis,
„quispiam forte intra priuatos parietes administrauerit,
„hoc mihi nunquam venisse in mentem, Deum et homi-
„nes testor. Longe enim aliud est praescribere, quid
„rectum sit ac sincerum, et quid inter exfoticas accessio-
„nes residuum sit ex Dei institutis. Si Turca in ecclesiam
„solemni fidei professione receptus fuerit, quin bapti-
„zandi quoque sint eius liberi non dubito. Viget enim
„promissio illa: ero Deus tuus et tuorum. Timidita-
„tem, qua fit, ut cautiùs vireant quidam, quam ut in
„suspicionem veniant tyrannis, simpliciter damnare non
„est meum. Vnus enim est legislator et iudex, huius
„ore non video damnari. Qui vero astutam suam simu-
„lationem in adeundis missis, utile promouendae gloriae
„Dei subsidium esse putant: utinam cogitarent non ita
„inopem esse Deum, ut nostris mendaciis indigeat. Cer-
„tum quidem est, hac occasione interdum quosdam Chri-
„sto lucriferi. Id quoties euenit exemplo Pauli gaudeo,

„quouis enim modo propagetur regnum Dei, lucro ap-
 „ponere nos docet. Sed nunc disputatur, an tale pro-
 „betur Deo obsequium: quod ipse negat. VII. Idus
 „Dec. 1549.“

Has *Caluini* litteras NATALIS ALEXANDER l. c. T. VIII. p. 162. allegans, de *Laelio* hoc addit iudicium: „*Peritus dissimulandi artifex, quam a MICHAELE SERUETO hauserat haeresin, eo exusto abscondit. Paucos ea iniecit Italos per Poloniae ac Germaniae regiones diffusos.*“ Qua praeterea ratione post primum ex Polonia reditum in Heluetia ingenii sui et ambigentis animi foetus exclusit, ex epistolis duabus viri in rebus Theologicis versati *altera* 4. Id. Aug. 1555. *altera* 3 Id. Febr. 1555. ad eundem scriptis longa serie exposuit *Hottingerus* l. c. T. IX. p. 454—474, qui ipsius *Socini* manu comprobat, quanti auctorem epistolarum fecerit.

Non tamen potuit LAELIUS quamdiu *Tiguri* vixit ita petulantis ingenii calorem temperare, quin cum CALUINO litteras reciprocans huius aduersus se prouocauerit feueriorem censuram. Portentosis enim seiscitationibus et nimio indagandi pruritu, post aliquod tempus ipsi adeo molestus fuit, vt litteras ad illum dederit indignationis plenissimas, *Cal. Jan. a. 1552.* quas ex autographo exhibuit vitae F. *Socini* auctor in scriptoris celeberrimi opprobrium. Dignas quoque easdem censuit PAULUS COLOMESIUS, quas cum aliis clarorum virorum epistolis singularibus in lucem reuocaret, in *opp. edit. a J. A. Fabricio*, p. 502. Sic autem ait CALUINUS: „Non est, quod expectes, dum ad illa, quae objicis quaestionum portenta respondeam. Si tibi per aereas illas speculationes volitare libet, sine me quaeso humilem Christi discipulum ea meditari, quae ad fidei meae aedificationem faciunt. Ac ego quidem silentio meo id, quod cupio, consequar, ne tu mihi posthac sis molestus. Liberale vero ingenium, quod tibi Dominus contulit, non modo in rebus nihili frustra occupari,

cupari, sed exitiabilibus figmentis corrumpi vehementer dolet. Quod pridem testatus sum, serio iterum moneo: nisi hunc quaerendi pruritum mature corrigas, metuendum esse, NE TIBI GRAUIA TORMENTA accersas. Ego si indulgentiae specie vitium, quod maxime noxium esse judico, alerem, in te essem perfidus et crudelis. Itaque paululum nunc mea asperitate offendi malo, quam dulcibus curiositatis illecebris male captum non retrahi. Erit tempus, ut spero, cum te ita violenter expergesactum fuisse gaudebis. Cal. Jan. 1552. Jo. Calvinus tuus.“

Haec monita LAELIO admodum necessaria iudicavit Caluinus, quae si cordi habuisset infixae, iisque obsequium praestitisset, suo non nocuisset Ecclesiae ingenio, praecipue per Faustum, suum ex asse haeredem. Ad supplicium grauium tormentorum comminatione Genevensis coetus Doctorem respexisse, pro certo venditat, LAMY in *Histoire du Socinianisme* p. 34 in notis hancque ab causam sibi fingit, epistolam CALUINI a. 1552. scriptam non esse, cum Seruetus demum 1553 flammis extinctus fuerit. Contraria potius argumentatione colligimus, cum ep. Caluini a. 1552 scripta sit, SERUETI supplicium neutiquam in mente habuisse CALVINUM. Nec opus erat, Laelium exemplo speciali commonere, cum eiusmodi tormenta satis frequenter isto tempore obuia fuerint. Przypcoviŭs l. c. verba haec ad futurum SERUETI supplicium, respicere auguratur, additque: „*Neque fluxa fuit, aut spernenda minarum fides. Nam in Octobre anni sequentis Geneuae exustus est Seruetus.*“ Omnino tamen a vero abhorret, CALVINUM isto tempore cum LAELIO epistolam dederit, SERUETI tormenta iam praeluisse. Illum enim iam tum praemeditatum fuisse terribile huius exitium, nullo fide digno nititur testimonio, imo ne quidem coniectura verisimili, cum id, quod misero homini contigit triste fatum, ab ipsius non praevisto ac fortuito transitu per Geneuam pependerit.

LAELIUS interim non plane securus, nocentissimum errorum fomitem sub cinere latere passus est, sicque se vbique gessit, vt nullibi locorum plures sibi hostes maioremque suspicionem contraxerit; imo potius *Melanthonis*, *Bullingeri*, aliorumque fauorem perpetuo seruaue-rit. Quam maxime enim modestus ac prouidus fuit in proponendis dubiis, ac insuper alios morum suauitate et adumbrata facilitate nuntium mittendi suis opinionibus obstrinxit, vt, qui eius dubia improbarunt, ipsum odio non habuerint. Docuit ipsum in primis paulo post *Caluini* terriculamentum, insequens *SERUETI* supplicium caute mercari, nec se praesentissimo exponere discrimini. Noluit enim suscepta placita morte obsignare, nec obstinata errorum defensione vitae periculum sibi contrahere. Commodo hinc tempore ac loco obiectiones suas exposuit, ac tanta quidem circumspectione ac calliditate, vt, quamuis inter hostes opinionum suarum maximos versaretur, ipsis tamen nunquam tantam mouerit bilem, vt de reconciliatione desperandum fuisset. Singularis modestia, promptus ad reuocandum animus, morumque ad pietatem compositorum ornatus aduersarios exarmarunt, infensosque animos haud parum mitigarunt. Quamuis enim *Calvinus* libertatem sentiendi, pruritum dubitandi et habitum subtilissimas formandi obiectiones in *Laelio* ferre non posset, quae omnia quoque litteris increpauerat; personam tamen eius odisse ac persequi, non sustinuit. Excandescentiam enim ejus *Laelius* adulationibus ac blanditiis suis moderauit ac deliniuit, vt illum sibi reconciliatum iterum esse iudicare potuerit; quod ex illius amica et remissa ad nonnullas *Socini* quaestiones, responsione, *Non. Jun. a. 1555.* scripta, quam suppeditavi, colligi potest. Hanc prouidae ac placidae mentis indolem ad encomium *Laelii* conuertit *Przypcovius* eos redarguendo, qui sibi famae magis cupidine, quam veritatis studio ducti martyrium contrahunt. Ita autem *Laelii* praeco: *Sciant, quos nimia veri libertas*

in pericula saepe intempestiua praecipitat, ipsam illam, quam propugnant veritatem, in circumspecta prudentia lenitateque, quam in effreni zelo plus habere praesidii. Ut, qui ultro suis discriminibus occurrunt, magis ad priuatam laudem, quam ad publici emolumenti rationem festinare videantur, et, si usquam alibi, hic profecto columbina simplicitas, serpentino astu temperanda est: nisi nobis suspectum est Seruatoris consilium, damnantis eorum inconsultam temeritatem, quibus saepe nequiter expetit, suas illic margaritas prodigere, ubi pretio suo aestimari nequeunt. LAELIUS certe inter capitales sententiae suae hostes mansit integer et inuiolatus. Nec tamen commisit, ut iudicii sui sensus periret intra conscientiae suae secretum. Itaque, quibus visum est, concedere non est veritus, quae sibi diuinitus patefacta censebat. Suos praecipue Italos erudiuit, quos pium ac voluntarium exsilium per multas Germaniae atque Poloniae regiones sparserat. Effrenata curiositas, perpetua illa animi dissipatio, immoderatae in omnia distractiones, quas Przypcowius de LAELIO praedicat, plus nocuerunt, quam profuerunt, altius reuocandae in se ipsam menti huius viri, ita sentiente Weismanno l. c. p. 534.

Ex dictis, quae LAELII fuerint negotia Tiguri, videri potest, quemadmodum quoque certis euincitur documentis, quod scriptis nonnullis in hoc otio litterario concinnatis sibi conducere discipulos ac sectatores non tantum ex Italia patria extorribus, sed etiam in ipsa Italia, omnem operam nauauerit. Haec enim cognatis suis Senae et alibi degentibus commodasse, sicque in patria quoque pro partis suae emolumento, omnem adhibuisse curam constat. Eundem a. 1553 Geneuae fuisse spectatorem supplicii de SERUETO sumti, a Godofr. Arnoldo l. c. P. II. L. XVI. C. XXXIII. §. VIII. p. 407. ac in H. E. Gothana, L. II. c. V. Sect. I. traditur; quod tamen a pluribus in dubium vocatur, pauidoque LAELII

animo, qui verbis *Caluini* paulo ante allegatis, meticolosior reddi potuit, repugnare videtur. Arbitratur quidem P. A. *Boysenius* in *Hist. Serueti* p. 22. hunc eam maxime ab rationem in fuga e carcere *Viennensi* tetigisse *Geneuam*, quia hoc loco inter alios caussae suae adspirantes, tum temporis a. 1553 intimum habuerit amicum *LAELIUM*. Historia autem *Serueti* nullum huius rei habet vestigium, nec ullus vnquam auctor testis est, *Laelium Tiguro Geneuam* hospitium suum transtulisse. Quod Magistratus Tigurinus eidem grauissima reipublicae suae negotia commiserit procuranda, *Lamyus* in *Histoire du Socinianisme*, p. 246. sine omni auctoritate, aduersante potius verisimilitudine, perhibet; quae et plura alia omni veri specie destituta ab eodem proferuntur. Id certissimum est, *Laelium* aliquamdiu a. 1552. in *Raetia* vixisse, et *Vicosuprani* apud *Vergerium* commoratum esse. Constituit enim apud se redeundi in Italiam, et speciatim *Bononiam*, ad patrem suum *Marianum* inuisendum. In hoc itinere, propter insidias non sine maximo periculo suscipiendo, *Vergerius* se ipsi comitem adjungere voluit, quod *Julius Mediolanus* d. 9 Cal. Jul. 1552. *Bullingero* nunciavit his verbis: *Nunc uterque et Laelius et Paulus Vergerius, clam ivere Bononiam visitatum Marianum Laelii patrem. Laelium vero sine hoc comite in Italiam iter hoc ingressum esse, et Vergerium consilium mutasse, hic ipse Pellicano, Vicosuprani, d. 20. Jun. 1552. significat, ita scribens: Laelius noster mecum commoratus est, per tres septimanas, postea ad Patrem profectus est, sed per magna pericula, quod sat scio. Deus eum eripiat.* In Italia non diu versatus, sed post breve temporis spatium in *Raetiam* ac *Helvetiam* rediisse videtur.

§. III.

Post obitum patris *Mariani* secunda vice *Poloniam* inuisit circa annum 1558, litteris commendatitiis ad *Sigismundum Augustum* Poloniae, et *Maximilianum* Bohemiae Reges ornatus. Horum Principum auctoritate viam sibi tutam in patriam sternere ac paternae haereditatis ibidem compos fieri studuit. Hac occasione *Vindobonam* accessit, imo in *Morauiam* quoque contendisse, a quibusdam perhibetur. Ex *Italia* tandem redux iterum *Tiguri* conleuit, quo loco a. 1562. aetatis 37 diem obiit. Eundem post fata a familia *Sociniana* scriptoribus, tanquam praecipuum ac primarium Ecclesiae christianae reformatorem et insigne orbis lumen celebratum esse, constat.

*

*

*

Post *Mariani* patris obitum, qui a. 1556. *Bononiae* vita defunctus est, secunda vice iter in Poloniae regnum suscepit, non quidem eo proposito, ut sedem suam isto in regno figeret, sed ut summorum Principum commendatitias conquireret, quibus munitus spem consequendi patrimonii concepit, quod in patria nisi omnino denegatum, maximis tamen difficultatibus praepeditum fuerat. Ex verbis *P. P. Vergerii* in ep. ad magnum quendam Theologum, data apud *HOTTINGERUM* l. c. T. IX. p. 436, quidam conjiciunt, *LAELIUM* iam a. 1554 alterum iter in *Poloniam* ingressum esse, vel saltem idem sibi proposuisse. Ita enim *Vergerius* d. 6. Sept. 1554. *Tubingae* scripsit: „*LAELIUM* se continere non potuisse, quin aperuerit se, et bene multa dixerit contra nostra dogmata, utinam non ita sit. Audio inisse N. Si ita est, quac-

quaerit suos: At profecto integrascit malum.“ Sine dubio *Vergerius* in mente habuit *Poloniam*, ubi istae de mysterio S. Trinitatis controuersiae paucis ab hinc annis et praecipue post primum *Laelii* ad *Polonos* accessum agitari coeperunt. Eodem vero anno, quem indicat, immo ad annum 1558 *Laelium* in *Heluetia* et *Tiguri* adhuc confedisse, indubitatis argumentis evincitur. Accedit, quod testibus quamplurimis, post obitum patris sui, adeoque post annum 1556. altera vice in *Poloniam* migraverit. Probabile hinc videtur, quod in fine anni 1557. iter in *Poloniam* fecerit, anno vero 1558 *Tigurum* redierit, et circa medium vel finem hujus anni inde in *Italiam* contenderit. Id quod ex ep. *BULLINGERI*, *Tiguri* d. 13. *Martii* 1558 ad *PAUL. SCALICHIVM* datae, quae legitur in huius *satyr. Philos.* seu *Miscell.* T. I. p. 604. quodammodo patet. Ita enim ille: „*Litteras meis inclusas probe curavi, LAELII solas apud me detineo. Is enim superioribus diebus profectionem suscepit, rebus suis componendis.* Rediit igitur e *Polonia Tigurum*, et hoc loco adhuc d. 25. *Junii* a. 1558. haesit, quod epistola *Bullingeri Joanni a Lasco* scripta et paulo ante exhibita indubitatum facit. Brevi tamen post iter in *Italiam* ingressus, sumtis secum commendatis, *Melanthonis* intercessione impetratis, quod jam indicavimus. Ipsum anno 1558. secunda vice in *Polonia* adfuisse, vnanimis omnium scriptorum consensus est; quamvis acta synodalia familiae *Socinianae Msc.* hujus rei nullam faciant mentionem.

Proximam ad suscipiendum iter occasionem pater-na haereditas suppeditavit, quae ipsi fratribusque ejus propter mutata sacra Pontificia, consuetudinem cum Protestantibus in *Germania* contractam, et pessimam de susceptis ab hac familia Antitrinitariorum placitis famam, interclusa erat. Putavit vero id praesens in patria obrinere, quod absenti denegabatur, ac propterea profectionem in *Italiam* constituit. Vt tutus et quadam cum

cum auctoritate Italiae repetere provincias possit, MAXIMILIANI II. Imperatoris et SIGISMUNDI AUGUSTI Regis Poloniae tutelares litteras impetrare studuit, ut cum Magistratu de patrimonio suo agere, et sub titulo legati ad aulam Principis, vel ad *Venetos*, patrias sedes tuto adire, votorumque suorum compos fieri possit. Hac occasione ipsi quoque a *Bullingero* litteras commendatitias, ad Principes nominatos, horumque intimos Ministros datas esse, novimus.

In hoc itinere praeter alias civitates et *Tubingensem Academiam* salutavit, quam iam antea inuiserat, ibidemque, ut probabile videtur, cum *Vergerio* colloquutus est et cum *Paulo Scalichio* amicitiam contraxit, vel potius antea iam initam profecturus in Poloniam et Italiam confirmavit. Argumentum litterarum a *P. Scalichio* ad Imperatorem in hac causa scriptarum ex responsoriis *Maximiliani* colligitur, quae in volumine actorum *Scalichii*, quod in *Bibliotheca Wallenrodiana Regiomonti* servatur, comparent et hoc modo scriptae: „Domino Paulo „*Scalichio*, Comiti et Doctori suo nobis dilecto. Litteras tuas 27 die mensis *Julii* ad nos datas accepimus, „easque benigne et clementer perlegimus, quibus nobis „principio LAELIUM SOCINUM verae religionis fautorem, „viri solide doctum et multarum linguarum expertum, „perquam humillime commendas. Ideo loco responsi „tibi rescribendum duximus, quod haecenus dictus *Socinus* „ad nos nondum peruenerit; cuperemus autem videre hominem tanta doctrinae et iudicii gravitate ornatum. Estque aeternus Deus ardentibus votis petendus, „quo sui nominis gloriam per viros doctos et bonos propagare velit. Nos etiam eundem *Socinum*, nec non „*Joannem Oporinum*, (celeberrimum Typographum *Basiliensem*) postquam nos conuenerint, et quos nobis „commendatos esse petis, regia clementia complecti, et „qua tandem commoda occasione poterimus, eos clementer promouere dignabimur. Datae *Viennae*, die 25 Aug. a. 1558.

Ad

Ad Austriae Metropolin LAELIUS circa medium mensis *Augusti* a. 1558. accessit, quod ex ep. JO. BAPTISTAE PUCHELEBII, *Cancellarii et Consilarii MAXIMILIANI*, ad P. P. VERGERIUM, *Viennae Austriae* d. 15. Aug. a. 1558. scripta constat. Ita PUCHELEBIUS: „*Pridie mihi sunt redditae litterae tuae per Dominum LAELIUM communem nostrum amicum.*“ Nullum plane dubium est, exhibitorem litterarum Vergerianarum ipsum fuisse LAELIUM SOCINUM, qui in hoc itinere *Tubingae Vergerium* salutaverat, sibi longo antea tempore notum et intima amicitia conjunctum. Accedit, quod LAELIUM hoc praecise tempore adfuturum *Viennae Scalichius Maximiliano* nunciauerit. *Puchelebio* advenam hunc jam antea cognitum fuisse, imo commendatum, ipsa illius verba testantur, quem *amicum communem* adpellat. Interim die 25. Aug. *Maximiliano* LAELII aduentus in Austriae metropoli nondum innotuit, testante id illius ad *Scalichium* epistola. Quid *Laelius Viennae* ac in *Polonia* egerit, ad quae loca in via accesserit, quem effectum litterae commendantes *Melanthonis, Bullingeri, Scalichii* aliorumque habuerint, non quidem certo constat, nec a quoquam observatum animadvertimus. Videtur tamen nullibi diu substitisse, sed citato cursu *Tigurum* rediisse et inde in *Italiam* contendisse, ex quo colligi potest, obtinuisse eum ad Principum aulas, quod in votis habuit, nec vlllo amplius timore impeditum fuisse iter susceptum prosequendi.

Hanc ob rem iterum LAELII praeco in laudes ejus excurrendi arripit ansam, ita eum praedicans: „*Tunc profecto patuit apud plerosque Germaniae atque Poloniae Proceres, ipsosque adeo Reges, quantum is gratia potuerit. Summis enim studiis in ejus causa apud LUDOV. PRIULUM, VENETIANUM, atque COSMUM Hetruariae Duces certatum est.*“ Non tamen Reges atque Principes meritis LAELII, commodis ipsius prospiciendi excitatos scimus, sed litteris celeberrimorum ac meritissimorum virorum

virorum commendatitiis, quos pessime fefellit, Principum gratiam ipsi conciliatam esse, quisque videt.

In *Morauiam* quoque ipsum hoc tempore profectum esse, *Lamyus* l. c. p. 248. et in notis p. 35. perhibet, sed nullo testimonio pro more suo. Potuit interim vel ex Austria in Poloniam, vel ex hac in illam se conferens, *Moraviae* tangere terminos, quos iam in primo ad Polonios accessu, eum inuississe notauimus. Quod vero OCHINUM in *Morauia* iam versantem inuenerit, falsissimum est scriptoris allegati figmentum. Si *Morauiam* inuisit, nullum dubium est, quin degentes ibidem Anabaptistas et Morauos fratres salutauerit, illisque sua instillare placita, hac occasione, iterato conamine studuerit. Diu tamen in hac provincia, si eam hoc anno omnino vidit, non commoratus est, sed quanta potuit celeritate ad patrios lares et haereditatem a patre relictam, litteris securitatem spondentibus munitus, festinavit.

Jam antea absens et per litteras in sententiam suam traxerat fratres, cognatos et familiares, horumque coniuges, quam ob rem *Socinorum* familia haereseos non vanam adversus se concitavit in Italia suspicionem Romanaque sacra confitentes sibi reddidit infensissimos. Fuisse enim post obitum *Alexandri*, *Laelio* plures germanos superstites cum *Fausto*, *Alexandri* filio, supra notauimus. His longo terrarum spatio a se disjunctis, LAELIUS absens communicatis cum illis libellis a se concinnatis litterisque ad illos datis, errorum suorum semina suggesserat, eosque ad assensum ac excogitatae disciplinae communionem quibuscunque suasiis pertraxerat. Quasdam etiam foemellas nobiles sua corruperat doctrina, ita ut complures ex familiaribus et amicis, eiusdem instituti partim consortes, partim conscii facti fuerint. Iste *Socinorum* ad alia sacra et nocentissimas haereses transitus non diu latuit, sed brevi tempore ad eorum notitiam peruenit, qui inquisitorum munere *Venetis* fungebantur.

bantur. Toti igitur *Socinorum* familiae maximum impendebat periculum, quod jam erumpere cepit. *Cornelius Laelii* germanus carcere iam inclusus erat, et reliqui fulmine hoc percussi vel resipiscentiam testati sunt, vel in fugam attoniti se conuerterunt; quo tempore *Faustus* ipse admodum iuuenis, vrbe patria, imo *Italia* excessit et aliquamdiu *Lugduni* in Gallia vixit. Factum hoc esse a. 1559 *Lamyus* narrat l. c. sed magis videtur probabile id ante *Laelii* adventum iam accidisse, qui familiam suam iam dissipatam et ad incitas redactam invenit. An exhibitis Principum litteris causae suae fauentibus, propitiora genti suae fata procurauerit, vel etiam voti sui omnino compos factus fuerit, haereditatemque paternam, eamque integram obtinuerit, vel spe sua frustratus et familiae suae fati perterritus ne patriam quidem tetigerit, sed ex itinere, infecto negotio, redierit, adhuc ignoramus, tacentibus de hac re omnibus, quos in consilium vocavi, scriptoribus et familiae huius documentis. Fratres germanos ex carcere tandem vel dimissos, vel eodem fuga se liberasse, indubitatum est, saltem de *Camillo Socino*, qui in Raetia vixit et a. 1571. adhuc superstes fuit. Voto autem suo et patrimonio non potitum fuisse suspicor. Quae enim de tristi familiae huius in patria fato indicaui, et scriptorum Socinianorum in vtrumque *Socinum* encomia, quibus hos celebrant, qui propter religionis professionem et patriae et facultatum suarum iacturam sint passi, praesumptionem hanc veri simillimam reddunt. Imo celerrimus *Laelii* ex Italia reditus coniecturae locum facit, quod ne quidem tuto haereditatem suam in Italia sollicitare ausus fuerit; siquidem eodem anno 1559. viam in *Helvetiam* et quidem *TIGURUM* repetiit. Forte eadem fata augurabatur, quae ipsius fratres et conterranei iam olim et maxime circa annum 1546 experti sunt; exempla enim in promptu erant, quod Ecclesiae pontificiae Antistites et praesertim inquisitores, ne principum quidem et Regum

gum commendatitiis aliquando mitiores et humaniores redditi fuerint.

Ex Italia Tigurum redux quascunque curas pro expoliendis ingenii sui inventis adhibuit, nullisque vigiliis pepercit, eadem persuadendi omnibus, a quibus nihil timendum erat. Orthodoxorum interim vigilantia, cuius specimen in *Julio Mediolanensi* supra indicaui, eum admonuit, inter Heluetos cautius et quacunque circumspeditione versari, maxime tormentorum memorem, quorum *Calvinus* mentionem fecerat apertam. Videtur enim intensius adhibuisse studium, extra Heluetiam sua commendare placita, cum intra eius fines vigilantissimos consiliorum suorum speculatores reformidaret. Non intermisit proinde in *Italia* atque *Germania*, praecipue vero in *Poloniae* regno, quod secum consentientes magno numero alebat, epistolarum commercio disciplinae suae causam agere, cuius rei pauca quidem exstant documenta; sed dubitandum non est, quin plura extarent, si omnium litterarum ab ipso scriptarum copiam seruassent istius aetatis scriptores. Quaedam studii huius vestigia historia Socinianismi Polonici aliquando illustrabit. Timidus alioquin *Laelius* fuit, aliquando tamen tantum habuit audaciae, ut quoque magnos Theologos ad partes suas trahere conatus fuerit. *Hier. Zanchius* exponit, quod saepius diuersis tentaverit rationibus ipsum eodem errore et simul exitio secum involuere; sed cum vidisset, non solum alienum ab eodem animum, sed etiam strenuum veritatis defensorem, amicitiae renunciatum vtrique esse. Ita autem in praef. libri *de tribus Elohim*: „Quum refutarem LAELII SOCINI impiam interpretationem, in primum caput Evangelii secundum Joannem, id circo subticui eius nomen, et nebulonem tantum vocavi: propterea quod neque certo sciebam, hunc fuisse illius commentarioli auctorem, neque tum legerem eius nomen in libris aduersariorum expressum. Nunc, quia res est nimis manifesta, et illum SERUETIANI in nu-

merum suorum sanctorum piorumque (scilicet) doctorum intulerunt, ego quoque id tibi, Lector, notum facio. Fuit is LAELIUS nobili honestaque familia natus, bene graecae et hebraicae doctus, vitaeque etiam externae inculpatae, quarum rerum causa mihi quoque intercesserat cum illo non vulgaris amicitia; sed homo fuit plenus diuersarum haeresium, quas mihi tamen nunquam proponebat, nisi disputandi causa et semper interrogans, quasi cuperet doceri. Hanc vero Samesatenianam in primis annos multos fouit, et quoscunque porro potuit, in eundem pertraxit errorem. Pertraxit autem non paucos. Me quoque, ut dixi, diuersis tentauit rationibus, si eodem posset errore, simul et aeterno exitio secum inuoluere, quemadmodum fecerat etiam antea MATTHAEUS GRIBALDUS, et alii &c."

Tandem Tiguri in aedibus CONRADI PELLICANI, a. 1562. d. 16. Maji, aetatis septimo et tricesimo et exilii sui circiter decimo quinto vel sexto ex vita hac excessit. Singularia de nouissimis eius fatis, tacentibus de his omnibus, quos inspexi, auctoribus, exponi non possunt. Versabatur isto tempore FAUSTUS Lugduni Gallorum, per MARIUM BESOSSUM de obitu Patru sui certior factus; quo accepto nuntio, quanta potuit celeritate festinauit Tigurum contendere, ibidemque scriptis LAELII, non tamen absque omni impedimento et contradictione potitus est.

Cum ne aduersarius quidem laude promerita sit defraudandus, in LAELIO omnino praedicandum, quod non vulgaribus praeditus fuerit a natura donis, ad quae haud pauca accesserunt invincibili studio acquisita. Qui hominum considerant actiones, mores ac agendi motiva, horum omnium causas ex temperamento et animi propensionibus, quae haud parum a corporis pendent conditione, deriuant. LAELIUS ad eorum pertinere videtur classem, quibus est *temperamentum melancholico-cholericum*; quae enim hominibus eius generis propria esse solent,

lent, in eodem quoque animadvertuntur. Eius vita ad virtutis naturalis ac ciuilis exercitium composita erat, ita vt modestia, honestate, optimorumque morum et ciuilitatis cultura se acceptum reddiderit omnibus, et quamuis, maxime post obitum, habuerit perplures, cum propter placita efficta et disseminata vituperantes, inter Protestantes et Romano-Catholicos; nemo tamen vnquam, quantum scio, eum criminis ac vitii excedentis accusauit.

Magnum in ipso fuit ingenii acumen, ac tanta sagacitas, atque circumspectio, quanta vix vnquam in homine, eoquē iuvene excellentior. Hanc nimia in semet ipsum et ingenii sui ratiocinia confidens opinio comitabatur, vt se errasse et humani quid passum esse nunquam fassus fuerit sincere, resipiscentiae verō et agnitae veritatis simulationem, prae se ferebat, quoties vindicta vel seuerior correctio extimescenda erat. Nouitatis et singularium opinionum admodum cupidus fuit, vt nullo modo, nisi metu interclusus, rationem, cui nihil inperuestigabile esse putauit, compescere didicerit. Ex nimia in se ipsum confidentia, profluebat studium omnia noscitiandi, nec quicquam adeo arduum ac abstrusum iudicabat, quod non contemplatione sua comprehendere posse arbitraretur. Hinc nulla dari religionis mysteria, quae inuestigari vel non debeant vel non possint, superbe sibi persuasit. Firmo hoc animi sui proposito rationis cogitata non ad S. Scripturae amussim, sed absconditas doctrinae christianae veritates et diuina oracula ad rationis principia examinanda et trutinanda esse putabat. Omnem proinde fidem sustulit, nec quicquam credendum, quod non humanis viribus concipi possit, statuit. Nouas propterea semper excogitavit codicis s. explicationes, praecipue in istis locis, quae placitis suis aduersari animadvertebat, nec illas ad hermeneuticae sanioris regulas, sed ad intellectus sui ductum diiudicauit. Declinauit hinc a via plana, cum noua sentiendi et insolita

captandi pruritus eum solummodo gubernauerit. Quae ipse concepit ac procreauit figmenta, aliis quidem exposuit; sed non absque omni formidine, sub specie obiectionum et quaestionum, quarum praetextu melius erudiri optabat. Comprobant iudicium hoc partim ep. CALUINI a. 1549 ad eundem data, quam exhibui, partim responsoriae ejusdem scriptae a. 1555. *nonis Junii Geneuae*, in epp. et resp. l. c. f. 314 seq. ad quatuor quaestiones LAELII, quas ex articulis de justificatione et electione formauit.

Maximus aliis se accommodandi habitus complures ipsi conciliavit amicos, etiam inter praecipuos Ecclesiae Doctores, quibus alioquin donum probandi spiritus denegari nequit, quos antea nominavi. Habuisse inter intimiores *Bernh.* quoque *Ochinum*, conterraneum suum, quem Rhetorem ecclesiasticum inter Italos celeberrimum fortassis olim ipse mirabundus audiuerat, veri simillimum est. Nec a probabilitate alienum videtur, ex *Laelio* sagacissimo et ad speculandum composito, didicisse *Ochinum* obiectiones, quas in dialogis adversus S. Trinitatis mysterium longa serie exposuit. Arctiori quoque amoris vinculo eidem iunctum fuisse COELIUM SECUNDUM CURIONEM, constat. Inique tamen exinde quidam ansam arripuerunt, virum de Academia Basileensi optime meritum, Socinianismi suspectum iudicandi; cum vix aliter fieri potuerit, quin omnes Itali ex patria ob religionis cultum profugi, in Heluetia quandam conterraneorum more coluerint consuetudinem, quamuis propterea non omnes in placitis tortuosis consenserint.

Inter opponendi ac dubitantem animum obuertendi exercitia, haud raro *Laelius* superbam atque inflatam mentem declarauit, sibi non satisfecisse Theologos, nimia de se praesumptione venditauit. Quae igitur magni nominis Viris sub dubiolorum habitu proposuit, Laicis et in doctrina Christiana minus instructis, vel aduersus

uerfus haereticos parum armatis tanquam solidas et rationis et S. Scripturae suffragio stabilitas veritates commendauit.

Laboriosissimus in toto vitae curriculo fuit, nec vlla vnquam molestia ac difficultate ab ediscendis bonarum litterarum scientiis amoueri potuit, sed indefessus cuiusque disciplinae, in quam incumbere, strenue operam suam dicauit. Diuersas in religione noscendi opiniones, imo singulares et a receptis diuersas excogitandi fuit cupidissimus, nec suum temperauit desiderium, intellectus sui haud mediocris alioquin modulo, vniuersum diuinarum litterarum comprehendere ambitum, et, quod a se fieri posse sibi persuasit, secretiorum veritatum nexum et modum expiscari. Quas proprio Marte formauerat ideas, aliis instillare omnem mouit lapidem, hasque colloquiis, epistolis scriptisque, in primis sua aduersus S. Trinitatem cogitata ab a. 1547. in Heluetia, Germania, Polonia et Moravia, quamuis clanculum, et absque rumore, operose tamen et absque intercapedine insinuauit, vt post mortem demum omnibus innotuerit, quid in consiliis perpetuo habuerit.

Quae diximus, BEZA in praef. praemissa *Hist. Val. Gentilis* ex actis senatus Geneuensis p. 14. insuper confirmat: „Fauit (iis, qui ex *Scructo*, tanquam ex ludo quopiam prodierunt,) L. SOCINUS, incredibiliter ad contradicendum, et varios nectendos nodos comparatus, nec nisi post mortem cognitus, huiusmodi perniciosissimis haeresibus laborare“ et p. 15. „LAELIUS in Samosatani partes clam transit, verbo Dei, vt ex quodam eius scripto nunc liquet, adeo veteratorie et plane versute deprauato, ac praesertim primo Euangelii Joannis capite vt mihi quidem videatur, omnes ejus corruptores longe superasse.“ V. quoque BEZAE *ep. Theol. Genev.* 1573. p. 362. Idem in CALUINI vita ad annum 1549. haec habet: „Scripsit per id tempus binas eruditissimas epistolas LAE-

LIO SOCINO Senensi, Tiguri diu versato ac tandem etiam mortuo. Ex iis vero, quod fuerit illius ingenium, nempe plane Academicum, facile quivis dignoscet, res autem ipsa sero, ac non nisi post eius obitum patefecit: cum ecclesias peragrans et doctissimum quemque, ac in iis in primis PHILIPPUM, CALVINUM, JOACH. denique CAMERARIUM (a quo in Philippi vita perhonorifico testimonio contra, quam meretur, ornatus est) fesellisset. Siquidem illum postea Bellianae farraginis (notatur farrago, quae praefert Martini Bellii praefationem, de Haereticis, an sint persequendi,) maxima ex parte auctorem fuisse et SERVETI, (CASTELLIONIS) OCHINI denique furoribus fauisse, compertum est, extante etiam illius in illud illustre caput Joannis commentario, in quo facile omnium, qui unquam illum locum longe diuinissimum corruperunt, haereticorum impietatem superavit.“

Alienum quidem a vero iudicium est PETRI MELII, reformati Ministri Debrecinensis in Transylvania, qui in disputatione *Albenſi* a Casp. Helto a. 1568. *Claudiopoli* edita LAELIUM, quem *Wittebergae* vidisse significat, hominem indoctum, omnisque iudicii expertem adpellat. Ex altera tamen parte familiae Sociniana scriptores in congerendis ipsius encomiis limites excedunt omnes, eundem in primum ac principem locum inter Reformatores Ecclesiae et veros fidei restauratores collocando. HIER. MOSCOROVIVS laudes ipsius in praef. quae defensionis animadversionum F. Socini in assert. Theol. Coll. Posnan. de trino et uno Deo praemissa est, ita celebrat: „Quanta viri pietas fuerit, quanta rerum diuinarum notitia, quanta eruditio et variarum linguarum cognitio, quantus cum doctissimis quibusque totius Europae viris usus, quam stupendum ingenium, quantum iudicium, id explicare oratione, vires nostras longe superat.“

Faustus ad LAELIUM patruelem advertens animum in Responsione altera ad Responſionem Andr. Volani, in Biblioth.

blioth. F. F. P. P. T. II. p. 406. inquit: „Sed, qui primus nostra aetate de Christi essentia atque persona exactissimam, si fallor, veritatem in lucem protulit, idem hanc illius loci (Jo. VIII. 58.) explicationem primus reperit, et — dum viueret, eam non paucis piis hominibus prorsus probauit.“ Idem in ep. 4 ad Dudithium, in Epp. F. ad eundem, de LAELIO scribit: „In medio vitae cursu, anno aetatis XXXVII. eo ipso tempore, cum amicorum precibus tandem permotus constituisset atque etiam coepisset, saltem inter ipsos, nonnulla in apertum proferre, breuiter, cum fructum aliquem tantorum, tamque laboriosorum in Theologia studiorum debuisset videre, quem fructum alii postea, ac fere statim ab illius morte viderunt, videntque etiam nonnulli, qui longe plures illo annos habent.“ Idem in fragmentis duorum scriptorum Racouiae 1619. 8. p. 4. eundem summis laudibus, suumque antecessorem, magistrum et viae ducem praedicat his verbis: „Vt unicuique sua constet laus itque in Ecclesia perpetuo agnoscantur, quos Deus donis suis praeclarissimis, suaeque veritatis praestantissima cognitione dignatus est, me et sententiam illam in Joannis Euangelistae verbis explicandis et quae ad eam asserendam vel iam dixi, vel posthac dicturus sum, magna ex parte ex LAELII SOCINI Senensis sermonibus, dum adhuc viueret, et post eius mortem ex aliquibus ipsius scriptis, quae in manus meas non absque mirabili Dei opera atque consilio peruenerunt, et hausisse et desumpsisse, non minus libenter, quam ingenue fateor. De quo viro mihi multa dicenda forent, ut et incomparabilis amici memoriam posteritati commendarem, et unicum fortassis hac aetate nostra, cum morum integritatis vitaeque innocentiae, tum vero maxime sacrarum litterarum peritiae, diuinorumque oraculorum intelligentiae exemplar omnibus proponerem. Satis tamen duxi, ea in illud reseruare tempus, cum Deo volente tanti viri famam a quorundam maledictis nominatim asseram. Illud unum oblata occasione de eo dixisse in praesentia sat fuerit, tan-

tum abfuisse, ut is in religione nihil certi habuerit, quem-
admodum aliqui constanter adfirmant, ut nemo umquam
exactius de omnibus religionis christianae dogmatibus vel
senserit, vel cum opportunum ei videbatur, locutus fue-
rit. Verum, cum praeter pauca quaedam, ea videlicet,
quae ad salutem sunt prorsus necessaria, nihil fere in eccle-
siis, quae Romanum Antichristum execrantur, post tantas
tamque diuturnas tenebras, suae pristinae claritati resti-
tutum videret, nolebat ille sententiam suam, nisi in leui-
oribus quibusdam controuersis, omnibus aperire, ne turba-
rentur Ecclesiae et infirmi, quorum maximam semper ha-
buit rationem, offenderentur, et a Dei vero cultu ad idola
fortasse iterum adducerentur, neue tandem diuina veritas,
ab eo praedicata, qui neque pastoris, neque Doctoris offi-
cio in Ecclesia fungeretur, ob auctoris non magnam aucto-
ritatem, magno christiani orbis detrimento, passim rejice-
retur, ac propemodum conculcaretur; praesertim cum
apud aliquas Ecclesias eam opinionem, eumque morem iam
inualuisse cerneret, ut execrabiles haberentur, quicunque
adversus receptas sententias vel mutire quidem ausi essent.
Praestare igitur arbitrabatur, dubia et quaestiones, illu-
stribus in Ecclesia viris identidem proponere, ut ea ratione
paullatim via ad veritatem sterneretur, addubitantibus
illis interdum ob argumenta ab eo allata, de inueterata-
rum opinionum firmitate, easque non amplius populo tan-
quam christianae religionis axiomata obtrudentibus, quod
tamen, ut omnem offensionem vitaret, addiscendi tantum
studio a se fieri dicebat, quare etiam discipulum semper se,
nunquam autem doctorem profitebatur. Hoc tamen suum
institutum amicis non usque adeo probari sentiebat, quibus
dum obsequi recusat, non sine Dei consilio vir summus im-
matura morte sublatus est, quod mox patefieri coepit, cum
statim fere post mortem eius, eorum, quae ipse palam do-
cere non audebat, pars aliqua et litteris consignari, et pas-
sim diuulgari est coepta, id quod eo viuento numquam for-
tasse contigisset, amicis ex iis, quae ipse scripserat, quod
apud

apud eum laterent, non adhuc plene edoctis, et adversus praeceptoris voluntatem, aliquid eorum, quae ab ipso didicerant, in vulgus prodere minime audentibus. Hac scilicet ratione Deus, quae illi uni patefecerat, omnibus manifesta esse voluit, ut ignorantiae tenebris penitus discussis incipiat tandem Christianus populus ei ex animo fidere, debitamque obedientiam praestare; exteri vero ad eius veram et salutarem per J. C. cognitionem facilius pertrahi possint. Faxit ille, ut quemadmodum vanissima haec hominum commenta, de ipsius Christique eius natura et substantia, iam eo majestatem et gloriam suam vindicante, detegi ac derideri coeperunt, ita quam plurima alia humani ingenii adinuenta, quae procul dubio euangelii cursum, id eo ob scelera nostra permittente, impediunt, ex dilectissimi Filii sui Ecclesia oris sui spiritu expellantur, et clarissima purissimaque divinae veritatis luce omnes aliquando collustrentur.“

Immo expertum esse Laelium suggestionem, influxum et concursum quendam specialem diuinum in explicandis et interpretandis variis S. Scripturae dictis, quem precibus intensis a Deo impetraverit, *Faustus* pro suo in illum adfectu, qui alias viribus hominis naturalibus quaecunque bona cum Pelagianis tribuit, aliis persuadere contendit. Sic enim in *Colloquio cum Erasmo Joannis, Racov. 1626. 12. p. 67.* occasione dicti Jo. VIII. 58. a LAELIO explicati inquit: „Ego non leues coniecturas habeo, LAELIUM, qui primus aetate nostra, eam interpretationem in lucem protulit, hac aetate renouavit, precibus multis ab ipso Christo illam impetrasse. Hoc profecto affirmare ausim, cum Deus illi viro permulta aliis prorsus tunc temporis incognita patefecerit, vix quidquam inter illa omnia esse, quod interpretatione hac diuinum videri queat.“

Stan. Lubieniecus l. c. L. II. C. I. p. 38. ejusdem memoriam et laudes recolens inquit: „Maximum et ae-

terna grati animi memoria dignissimum beneficium Deus genti nostrae exhibuit, dum per multorum virorum doctorum et piorum non tantum ex vicina Germania, sed et ex remotioribus regionibus, ITALIA praesertim aduentum scripta, institutionis famam, veritatis notitiam ei insillauit. Ex Italia quidem praestantium ingeniorum officina, ubi tot errorum et superstitionum celsae machinae, merito veritatis coelestis arma apud se conflata ad nos misit. — Inter hos L. S. Senensis fuit, vir non tantum natalium splendore, utpote vel sanguine vel affinitate pontificibus et multis Italicis Principibus innexus, sed et eruditione ac singulari morum probitate clarissimus.“ Profusissimus laudum ipsius praeco PRZYPCOVIUS, significato obitu haec adiicit: „Tantam indolem longaeuam aut vitalem non fuisse, minus mirabitur, quisquis expenderit, quam praecox exstitit. Vix tum ex ephebis egressus Italiam reliquit. Intra sextum et vicesimum aetatis annum, vniuersis fere occidentis prouinciis peragratis, plurimis passim et praecipua nobilitate, omnibus autem fortasse ubique eruditus viris eximiae laudis nomine innotuit. Quindecim propemodum annos numeres, quibus a patria absuit. Ex tantillo aevi spatio magnam sibi partem longinqua itinera vindicant, quibus per varias Europae oras fructuosum multis exsilium circumtulit. Adde perpetuam cum tot tantisque viris consuetudinem, adde continua litterarum commercia: quibus deductis, quota quae so pars temporis studiis eius relicta est? quatenus iam stupentibus superest, quodnam illud tam profundum otium? quae tam acris industria? quae tam versatilis indoles? quod tam vastum ingenium fuerit, quod tot linguis, tot scientiis hauriendis, simul altius reuocandae in se ipsam menti, simul maximis rebus gerendis suffecerit.“

§. IV.

Pauca admodum in publicam lucem emisit scripta *Laelius* typis impressa, maximam autem dubiorum et cogitationum singularium copiam *Faustus*, supellectilis ipsius librariae vnicus haeres, in eius schedis obtinuit, quas etiam data occasione sub vario habitu orbi exposuit. Ex scriptis interim editis, et controversiis ab eodem excitatis, nec non ex indubitatis aliorum, maxime ipsius *Fausti* testimoniis constat, palmaria disciplinae Socinianae dogmata a *Laelio* esse inuenta, quem proinde, si materialiter consideratur Socinianismus, huius auctorem fuisse, iudicamus, quem *Faustus* in ordinem et nexum redegit, variisque modis exornavit.

*

*

*

Laelius itineribus et amplificato commercio epistolico impeditus, in breui, quod emensus est vitae curriculo, plures concinnare libros, licet in omnibus negotiis expeditissimus fuerit, vix potuit. Accessit aduersorum factorum periculum, quod praesertim in Helvetia extimescebat, quodque ipsum monuit in parandis ad prelum ingenii cogitatis esse prouidissimum et parcum. Plura tamen conguessit collectanea, quorum ex legato compos factus est ex fratre *Alexandro* nepos *FAUSTUS*. Hic *Lugduni Gallorum* degens de patruelis obitu per litteras certior factus, *Tigurum* concessit, ac defuncti librariam supellectilem et Mspta sibi vindicauit, a quibus successu temporis plurima librorum suorum mutuauit argumenta; quod ipse pluries est professus. His igitur scriptis, post oralem institutionem, dux et auctor noui
syste-

systematis FAUSTO fuit, qui ipse per auia et abrupta oberrans, errorum ambitum ac numerum vario modo tandem amplificavit. Ipse tamen LAELIUS praeter Collectanea scriniis suis inclusa, pauca quaedam in publicam lucem emisit, quamvis eidem a quibusdam nonnulla tribuantur, quae ab ipso vel omnino profecta non sunt, vel de quibus adhuc dubium est, an eundem agnoverint auctorem.

Ita absque vlla ratione LAELIUS opusculi auctor perhibetur quod hoc titulo prodit: *Contra libellum Caluini, in quo ostendere conatur, haereticos iure gladii coercendos esse. Nolite ante tempus quicquam iudicare, donec veniat Dominus, qui illustraturus est occulta tenebrarum, et patefaciet consilia cordium, 1 Cor. IV. Prou. XIV. Impiorum verba insidiantur sanguini, at proborum os eum defendit. Ps. II. Et nunc Reges prudenter agite: erudimini iudicis terrae, 1554. 8.* Prodiisse istum secunda vice 1612. 8. studio et cura Arminianorum, eodemque anno in linguam belgicam translatum comparuisse, testis est Sandius l. c. p. 20. Posteriori editioni quaedam ad historiam Seruetti spectantia, nec non duae epistolae Castalionis adiectae sunt, de non necandis haereticis ad NICOLAUM BLADISCENSEM et ad EDUARDUM VI. Regem Angliae. Sub titulo allegato vulgo dictus Dialogus inter CALVINUM et VATICANUM, qui Laelio ab haud paucis tribuitur, continetur. Qua occasione Placcius l. c. p. 115. N. 364. errauit, qui *Dialogum Laelium* de haereticis gladio coercendis finxit, qualis sub hoc nomine dialogus, aduersus CALVINUM nullibi reperitur. Iste uero liber, qui sub indice Dialogi inter *Calvinum* et *Vaticanum* a plurimis allegatur, a paucissimis visus, proprie non est Dialogus, quod Baylius etiam, qui nunquam eum vidit, falso prodidit; sed auctor, qui *Vaticani* nomen simulauit, verba *Caluini*, quae refutare voluit, hujus nomine; refutationem vero suam *Vaticani* titulo distinxit. Respondetur autem, ad
libel-

libellum *Caluini*, quem pleno titulo in vita *Serveti* allegavi. CASTALIONEM *Caluini* inimicum, libri, de quo mihi sermo est, auctorem esse, multi et inter hos quoque *Reimannus* in *Biblioth. Theol.* p. 1043. putarunt, quemadmodum quoque in secundae editionis praefatione *Castalioni* tribuitur. Omnino autem errare mihi videntur ita iudicantes, quia in ipso libro CASTALIO tanquam homo perniciosus, qui humanam ac diuinam sapientiam in iacturam pietatis et religionis deformationem commiscuerit, depingitur, quam abominabilem CASTALIO de semet ipso effigiem ne iocose quidem et ridendo delineasset. His autem verbis acerbum *Vaticani* de *Castalione* iudicium expositum est: „*Fuit in Iesaja nativa, non arte quaesita eloquentia, quae ab ea, quam isti affectant, tantum differt, quantum honestae matronae pulchritudo a meretricis fūco. Sed volunt isti miscere sacra profanis. Sic fecit antea SEBASTIANUS CASTALIO, qui in praefatione in Mosē suū latinū Mosi tribuit omnes artes, quas HOMERO tribuerat ante PLUTARCHUS, et ad id magno apparatu, quasi praeclarum aliquid facturū, utitur: quasi vero non scripsērit impulsu diuino MOSES nulla prorsus ullius artis habita ratione. Sed homines leues omnia trahunt ad institutum suū, et ut humanas artes (quarum sunt discipuli) evehant, eas sacris auctoribus admiscēt, ut tanquam lethales muscae odoriferum sacri eloquii unguentum contactu suo inficiant.*“ Nemo sibi facile persuadebit, CASTALIONEM de se adeo contumeliose iudicasse, quamvis extra dubium positum sit, eundem in genere capitalia haereticorum supplicia et in specie *Serveti* combustionem omni modo improbasse V. SCHELHORNII de MINO CELSO Senense p. 6. seqq.

Rectius statuere sibi videntur, qui LAELIUM auctorem huius libri iudicant, quem *Sandius* quoque l. c. et complures, inter quos *Hoornbeckius* et *Cloppenburgius*, pro *L. Socini* labore agnoyerunt. CLOPPENBURGIUS l. c.

p. 5. „SERUETI supplicium adeo male habuisse LAELIUM, sentit, ut ab ipso prodierit (post editam a. 1554. a Castellione farraginem illam, quae prae se fert MARTINI BELLII praefationem de haereticis, an sint persequendi) eodem anno excusum, et libro CALUINI, — — oppositum acerbissimum scriptum, formae dialogi inter VATICANUM et CALVINUM etc.

Sed tantum abest, ut ex libro ipso argumentum pro hac sententia validum peti possit, ut potius contrarium appareat, cum auctor non tantum de LAELIO SOCINO, tanquam de homine extraneo et ignoto loquatur; sed quoque nomen SOCINI ne quidem recte profert, quem ZOSINUM, appellat, sic enim scribit p. 23. „Praeterea LAELIUS quidam ZOSINUS litteras Geneuam misit ad amicum suum, in quibus scribebat, Abelis sanguinem conqueri ad Deum, et fore, ut Cainus (quo Calvinum notat) non inueniat pacem in terris.“ Qui dubium hoc conjectura solvere putant, Socinum fortassis de se ipso tanquam ignoto, studio dixisse, ut librum a se esse scriptum, incertum et minus probabile faceret, vel male prolatum Socini nomen, errorem esse typographicum, nihil habent, quibus haec adstruant. Imo ipsum quoque hunc passum ex ep. Socini Geneuam ad amicum quendam scripta, SCHELHORNIIUS l. c. non immerito in dubium vocat, an ab eodem unquam fuerit scriptus, cum timidum, vel saltem maxime prouidum Socini ingenium non facile ita, ne quidem ad amicum iudicasset, qui omnium et Melanthonis et Caluini et Bullingeri aliorumque gratiam constanter sibi seruare studuit, qui potius de hoc argumento olim Bullingero, quamuis minus serio, ut videtur, testatus est: se non dixisse, quod nolit prorsus coerceri haereticos et homines blasphemos, aut quod doctrinae Seruetanae faueat, quam velit extinctam. Aliquatenus ratio pro contrario ex ipso hoc opusculo peti potest, siquidem p. 15. haec verba leguntur. „Dicet forte CALVINUS suo more, me esse SERUETI
disci.

discipulum: sed id neminem terreat. SERUETI ego doctrinam non defendo, sed CALUINI falsam doctrinam ostendo. Itaque de Trinitate, de baptismo et caeteris arduis quaestionibus non disputabo, cum SERUETI libros, quippe combustos diligentia CALUINI, non habeam, ut possim ex iis videre, quid senserit. Sed in caeteris, quae sunt extra illam Seruetanam disceptationem, CALUINI errores sic demonstrabo, ut quivis perspicere possit, eum per sitim sanguinis palpare in ipsa meridie.“ Libelli proinde huius, qui sub *Vaticani* nomine celebratur, auctorem, nec *Castalionem*, nec *Laelium* esse, satis nobis euictum videtur. V. Moshemius H. Serueti, p. 281.

Scriptum, quod recensui, saepe numero, ab eruditissimis alioquin litteratoribus confunditur cum MARTINI BELLII *Farragine de haereticis, an sint persequendi, et omnino quomodo sit cum eis agendum, multorum, tum veterum, tum recentiorum sententiae. Liber, hoc tam turbulento tempore pernecessarius, et cum omnibus, tum potissimum Principibus et Magistratibus utilissimus, ad discendum quodnam sit eorum in re tam controuersa tamque periculosa, officium.* Continetur in eadem: Martini Bellii praefatio, in qua quid sit haereticus, et quidnam eum eo agendum sit, demonstratur. Mart. Lutheri sententia, in qua aperte ostenditur, haereticorum punitionem ad magistratum non pertinere; Jo. Brentii de Anabaptistis et caeteris, qui haeretici habentur sententia, quae idem docet. Aliorum auctorum tum veterum, tum recentiorum eadem de re sententiae; et inter hos quoque Augustini Eleutherii iudicium p. 102. seqq. occurrit, sub quo nomine latere Seb. Franckium, Schelhornius l. c. T. XI. p. 58. tradidit; tandem BASILII MONTFORTII refutatio eorum, quae pro persecutione dici solent. Sub nomine Mart. Bellii Laelium voluisse latere, mihi facile persuaderi patior, cum Beza in *Vita Caluini* id ekspresse testetur; cui etiam sententiae Mayerus in *hist. Socin.* p. 16. et 22, ac plures suffragium tulerunt.

lerunt. De hoc libro *Moshemius* prolixè exposuit l. c. q. 279. seq. quibus ad supplendam historiam litterariam addimus *Bellii* farraginem germanice quoque prodidisse, pl. 14. foliis 110. 8. sine indice loci et temporis, hoc titulo: Von Keßern. Ob mann auch, die verfolgen, oder wie man mit ienen handeln solle, des D. Martini Lutheri und Johann Brentii auch andrer viler der alten und unserer Zeyten Gelehrten meinung und Bericht. Ein Büchlein in diser schweren Zeyt ganz notwendig allen Menschen, sonderlich den Vorstenderen und Obrigkeiten, ganz nützlich darauß zu lernen, was ir Ampt seye, in einer so zweifelhafter und gefährlicher Sache. Den inhalt dieß Büchlein, zengt dir die andre Seyten dises Bletleins an. Der nach dem Fleisch geboren was, vervolget den, der nach dem Geist geboren was, Gal. 4. In altera folii pagina index contentorum legitur. Martini Bellii Vorrede, darinn anzeigt wird was ein Keßer seye, und wie man mit inen soll umgehen. Martini Lutheri Meynung darinn anzeigt wird öffentlich, das es der Oberkent nit zustande, daß sy die Keßer straffen soll. Johannis Brentii meinung von der Widerteufferen, und von andern, so man für Keßer hat, welche ein Ding leert. Desgleichen anderer vilen der alten und neuern lehrern meinung und Bericht. Basilii Montfortii Widerlegung derer Reden, so mann Trenbt, die Verfolgung damit zu beschirmen. Tribuerunt alii hunc tractatum *Castalioni*, sed solida destituti ratione, imo contrarium patet, quod auctor p. 12. 6. diserte testetur, se nec *Lutheranum*, nec *Zwinglianum*, nec pontificium, vel *Anabaptistam* etc. esse. Ipse *Castalio* in eodem allegatur, p. 74. *Sebastianus Castalio* in der Vorrede über die Bibel, die er hat zum Könige in Engeland geschrieben &c. Opusculum hoc *BEZA* refellere sibi proposuit, in tr. de haereticis a civili Magistratu puniendis, aduersus MART. BELLII farraginem et nouorum Academicorum sectam, apud Rob. Stephanum a. 1554. 8.

et

et in Traët. Theol. Bezae Vol. III. f. 85—169. Sed ficulneis eum in hoc certamine pugnasse armis, aequis rerum arbitris constat.

Superiori tempore eruditi putarunt, *Laelii Socini* esse librum, *Caluini* opusculo oppositum, qui sub *Mini Celsi Senensis* nomine prima vice hoc indice prodiit: *In haereticis coercendis quatenus progredi liceat*, *MINI CELSI SENENSIS disputatio. Vbi nominatim eos ultimo supplicio affici non debere, aperte demonstratur. Christlingae, 1577. 8. Alph. I. pl. 8.* qui liber secunda vice prodiit, sub tit: *De haereticis capitali supplicio non adficiendis*, additis eiusdem argumenti *Theod. Bezae* et *Andreae Dudithii* epistolis duabus contrariis. *Ibid. a. 1584. 8. V. Placcius Pseudon. N. 602. p. 172.* Vetustioris quoque editionis meminit *Baylius* l. c. *Tit. Marianus Socinus* litt. (D.) Not. * * edit. germ. Post *Sandium*, *Bailletum*, *Placcium*, aliosque plures, *Heumannus*, in schediasmate de libris anonym. p. 144. hanc personam *Laelium Socinum* induisse putauit. Sed libelli huius auctor saepius ad *JACOBI ACONTII Stratagemata Satanae* prouocat, iisdemque multum tribuit; quae tribus integris post *Laelii Socini* obitum annis, nimirum a. 1565, *Basileae* lucem publicam viderunt. Eandem ob causam neque a *Castalione* proficisci potuit, qui a. 1563. d. 29. Dec. *Basileae* defunctus; accedit, quod *Minus Celsus*, Séct. II. p. 124. supplicii de *Val. Gentili Bernae* a. 1566. sumti meminerit. Fuit autem scripti hujus auctor eruditus Italus, *MINUS CELSUS*, qui *Siennam* magni *Ducatus Florentini* urbem patriam habuit, quam voce *Senensis*, nomini suo adtexta, indicat, quod extra omne dubium posuit *Schelhornius* l. c. T. VII. p. 68. et in diss. de *Mino Celfo Senensi*, rarissimae disquisitionis in *haereticis coercendis, quatenus progredi liceat*, etc. *Ulmae*, 1748. 4. Inter epistolas Italicas, a. 1566. a *Claudio Protopomaeo* *Senensi Venetiis* editas, quaedam litterae ad *Minum Celsum* a *Fabio Benvogliento, Venetiis*, d. 15. Sept. 1548. scriptae

inveniuntur. Plura quoque praesto sunt documenta, in quibus de *Mino Celfo*, istius temporis viro insigni ac pererudito exponitur; imo adhuc ad nostra tempora pervenit *Novum Testamentum latinum et gallicum*, a. 1572. 8. *Basileae* typis impressum, a *Mino Celfo*, *Francisco Walsingamo* dicatum. Fortassis *Laelius Socinus*, *Senensis*, huic contrerraneo suo auctor suasorque exstitit, coetum Romanum et patriam relinquendi et in *Heluetiam* se conferendi. Hac ipsa aetate materia de haereticis puniendis in *Raetia* vallibus ac jugis multo feruore agitabatur; hinc *Minus Celfus*, qui haud pridem ad istas regiones accesserat, quique mitissimi erat ingenii, eundem discussit, et contrariam sententiam rationibus confirmavit. Disquisitio haec primum italico idiomate concinnata, tandem aucta et in latinum translata lucem vidit. Potiora ejusdem lemmata et summaria DAN. ZWICKERUS in *Henotico Christianorum* exhibuit. V. B. A. p. 1060. N. 12. Non malam coniecturam *Schelhornius*, l. c. p. 65. ex typorum conditione fecit, librum allegatum non *Christlingae*, sed *Basileae*, ex officina *Petri Pernae*, in qua *Minus* correctoris vices sustinuit, prodiisse. Qui ad illum praefatus est anonymus, J. F. D. M. D. nomine typographi significavit, opusculum post auctoris obitum in manus venisse, eumque multum ac diu dubitasse, num typis suis in publicum ederet, quod nondum ultima lima perpoliturum fuerit, quodque odium omnium sibi conciliaturum, veritus sit, adversus quos auctor calamum strinxit; tandem vero vicisse apud eum communem Ecclesiae utilitatem, quam non exiguam futuram pii doctique quamplurimi viri ipsi confirmarint.

De eodem argumento, quod *Minus Celfus* exposuit, exstat quoque *Castalionis* tractatus hoc tempore, quo ad eiusmodi scripta concinnanda plus simplici vice occasio exhibita est, compositus, et post aliquot demum annos editus, hoc titulo: *Quinque impedimentorum, quae men-*

tes hominum et oculos a veri in diuinis cognitione abducunt, succincta enumeratio: cum pla admonitione, ne quis alterum ob diuersam in religione sententiam odio aut vi infectetur. Auctore SEBAST. CASTALIONE. Opusculum nunc demum ex monimentis illius erutum et in lucem prolatum. AUGUSTINUS: Ad fidem nemo nec debet, nec potest cogi. Idem citante ERASMO: Errare possum, haereticus esse non possum. ERASMUS ad Phil. Melanchtonem: Non sum iudex alienae conscientiae, nec dominus alienae fidei. Idem certe, cogere non est euangelicum. Francofurti, a. 1603. 4. pagg. 20. Breue alloquium auctoris ad amicum subscriptum est d. 1. Julii a. 1555. Incipit p. 16. admonitio in titulo significata, quae XI. superstructa rationibus: 1) Quia J. C. cui notior res, quam nobis, id vetuit, dum iubet Zizania relinqui ad tempus messis. 2) Non sumus iudices ad hoc ipsum diuinitus constituti, neque debemus in fidei negotio alios damnare, non magis, quam illi nos; quin etiam boni consulere debemus, cum simus omnes fontes et poena digni. 3) Quoniam nondum nota veritas est, neque Christi mens intelligitur, cujus rei argumentum est, quod nullam videmus fieri vitae correctionem. Item, quod tot libri conduntur, tot commentarii, tot conuentus, concilia, disputationes, et tamen longo tempore nondum conueniri potuit, nedum quicquam conclusum, aut statutum est, nisi quod nemo est, qui non sibi jus, et alteri tribuat injuriam. Quae certissima signa sunt ignorantiae veri. 4) Quoniam, vt habet *Gamalielis* consilium, si res a Deo non est, sua sponte euanesceat; si a Deo est, aboleri non potest, quia contra Deum pugnare reperiemur. 5) Quoniam si Turcas, si Iudaeos, si lenones, adulteros, proditores, auaros nobiscum et inter nos viuere patimur, neque ab iis, vt inficiamur, metuemus; certe nullam causam habemus, cur eos occidamus, inque exilium mittamus, qui eundem nobiscum Deum confitentur et in eo mori flagitant. 6) Quia tum ali-

quis occiditur, ut haereticus, in pessimo statu, ut quidem eorum est opinio, qui eum occidunt, cum debeat expectare, ut se corrigat, ut postulat Dei natura, qui dicit, nolle se mortem peccatoris, sed magis ut conuertatur et viuat. 7) Quia, dum religionis causa vexatur homo, aut recantat, aut perseverat: si perseverat, nihil agitur; si recantat ex animo, occiditis vestrae religionis hominem, si metu coactus peccatis, et eum peccare cogitis etc. 8) Quia nolumus, ut quos nos persequimur, ii nos persequerentur, si potentiores essent, et nos aliis facere non debemus, quod nobis fieri nolumus. 9) Quia ab initio mundi semper boni a malis infestati sunt, nec ipsi unquam infestarunt, ut videre licet in *Abele* et *Caino*, in *Ismaele* et *Isaaco*. 10) Quia cum Christiani oves appellentur, debent ovis naturam imitari, quae talis est, ut nullum animal infestet, licet nullum magis infestetur. 11) Quia charitas est infirmorum et tenuiorum misereri; et quemadmodum insignem aliquem militiae ducem dedecet, cum colono aliquo aut stabulario manum conferre; ita dedecet magnos et praepotentes, eos persequi, quos ipsi vermes appellant etc. In hoc igitur libello, nec non in ep. 1562. ad amicum quendam Belgam scripta, de non persequendis Anabaptistis, (quae legitur in *Ill.* et *Clar.* Vir. epp. select. *Lugd.* 1616. 8. Cent. I. p. 364. seqq.) CASTALIO a pluribus agitatam ista aetate materiam pertractavit.

Hoc ipsum argumentum MOSHEMIUS l. c. p. 298. exponens, se ignorare profitetur, quinam fuerint libri CASP. HEDII, JOANNIS AGRICOLAE ISLEBII, JACOBI SCHEUCHI et CHRISTOPH. HOFFMANNI, quos MINUS CELSUS l. c. p. 117. b. allegavit, in quibus de tolerantia erga haereticos scriptum sit. Hac occasione in rei litterariae supplementum observare volui, duorum qui primum nominantur, sententias de tolerandis haereticis insertas esse *Martini Bellii* farragini germanicae paulo ante descriptae.

scriptae. Haec enim leguntur p. 64. b. *Doctores Casparus Sedionis, Predigers zu Straßburg Sentenz*, in dem Büchlein, das also eingeschrieben ist: *Epitome in euangelia et epistolas Etc. et p. 65. a. Joannis Agricole Meinung über den spruch Pauli zu Tito, ein Ketzer soltu meyden Etc. Jacobus Scheuchus et Christophorus Hoffmannus* nondum mihi innotuerunt. Juxta hos vero *Bellius*, praeter *Lutheri, Brentii, Erasmi, Castalionis* aliorumque testimonia, allegavit p. 53. a. *Augustini Eleutherii Bericht*, das mann nit fräventlich für Kether solle haben, die, welche die Welt für Kether hat, gezogen aus dem Buch von Ketheren Etc. p. 78. a. Was mercklichen Schäden die Verfolgung der Welt bringen, die Meinung *Görgen Kleinbergen* et p. 83. b. Desselichen schreibt dieser *Georgius Kleinberg* im Buch von der Religion also: Etc. — De eadem materia plures et antiquiores paulo scriptores allegari possunt, inter quos est *GERARDUS NOVIOMAGUS*, cuius superstites epistolae aliquot de re *Euangelica et haereticorum poenis ad Carolum V, ad Germanorum Principes in conuentu Spirensi, ad Carolum Gebriorum Ducem, ad Philippum, Hessorum Principem* scriptae a. 1526. et 1527. quae vna cum *D. ERASMI Roterod. Annotationibus in leges Pontificias et Caesareas de Haereticis, Argentorati, apud Christianum Egenolphum, 1529. 8.* prodierunt. Digna est scriptio a Romano auctore et ministro *CAROLI V.* profecta, quae legatur, aliena sane a decretis, quae isto tempore a Pontificiis aduersus haereticos erant statuta. Epistola ad *CAROLUM* etiam germanico habitu lucem vidit sub tit. *Eyn Sendbrieffe an Kayser Carol des Namens de Fünfften, Allzert Merer des Renchs ic. Gerardi Noviomagi; in welcher wirdt gehandelt, ob man eyn Kether mit recht müge peinlich und leyndlich straffen oder nicht, 1527. 4. p. 1.* absque loci indicio. Ita inter alia *NOVIOMAGUS*: „Ante decennium in M. tuae familiam ascitus, honoratiorque S. M. tuae officio adscriptus, nisi M. tuae honorem

et gloriam meis omnibus praeposui, non video, quomodo turpissimam ingratitude notam effugero. Hinc est clementissime Caesar, quod non verear, immo cogar, M. tuam de quibusdam, quae M. tuae honorem, reipublicae commodum, animarum salutem concernunt, admonere, idque vere et amanter. Quare etiam non dubito, quin S. Im. M. tua, haec diligenter leget, boni consulat ac meam curam diligentiamque in re tam necessaria comprobabit. Male audit (ut quod verum est, libere vereque dicam,) S. M. tua non vulgo solum, verum etiam apud meliorem populi tui, in utraque Germania, partem, quod S. M. tuae veluti iussu autoritateque ita in eos, quos haereticos vocant, defaecuiatur, ut aethnicorum tyrannidis, et veterum Christi martyrum constantiae pariter et patientiae exempla, audire videreque non vno in loco rursus liceat. Quidam enim in vinculis detinentur, vxoribus interea ac paruis liberis fame pereuntibus. Aliqui rebus, sudore et sanguine partis spoliuntur. — Hic tetro perpetuoque carcere condemnatus, squalore et inedia contabescit: ille aquis praefocatur: iste flammis exurit. Etc."

Ex hoc diuerticulo, in quod me nonnullorum persuasio de opere quodam Laelio Socino vindicando abduxit, in viam iam reuertor, ad scripta recensenda, quae citra ullam controuersiam ab eodem profecta sunt. In hunc censum venit:

I. *Dissertatio de Sacramentis ad Tigurinos et Geneuenses scripta 1560. vel 61.* Legitur prima vice typis expressa, in libello a paucis viso, et qui Jo. VOGTIO in *Catal. libr. rarior.* p. 545. inter rariores rarissimus est, sub titulo: FAUSTI et LAELII SOCINI item ERNESTI SONNERI tractatus aliquot theologici, nunquam ante hac in lucem editi. Quorum catalogum sequens pagina indicabit. Eleutheropoli Typis Godfridi Philadelphi a 1654. forma 12. non 16. (quemadmodum in Jo. Ge. Walchii Biblioth. theol. sel. T. I. p. 298. et in Nouis litterar. Ham.

Hamburg. a. 1732. p. 345. perhibetur,) pagg. 100. et pagina una quae tractatum conspectum exhibet. V. B. A. P. II. p. 895. Libellum ex Biblioth. S. R. Jo. Ge. Palmii Pastoris Hamburgensis mutuo acceptum recensuit auctor novell. erudit. Hamburg. l. c. Contigit mihi exemplar possidere, quod olim fuit SAMUELIS CRELLII, qui haud pauca ad marginem notavit, deinde in manus Stanonis, Ministri Sociniani Andraewaldensis, in Prussia venit, qui hoc in libelli fronte notavit, et Tob. Wilkovius, itidem minister coetus Sodin. in Prussia, haec adposuit: „Hic libellus dono oblatus Tobiae Wilkovio, a Reverendiss. Samuele Stanone in aeuernam memoriam amoris intimi inter nos.“ Continentur in hac opusculorum collectione, quod proxima post titulum pagina significat, sequentia: 1) FAUSTI SOCINI brevis discursus de causa, ob quam creditur, vel non creditur Euangelio Jesu Christi; et de eo, quod, qui credit, praemio, qui non credit, poena a Deo afficiatur p. I. 2) Eiusdem summa religionis christianae p. II. 3) LAELII SOCINI dissertatio de Sacramentis, ad Tigurinos et Geneuenses, p. 16. 4) ERNESTI SONNERI demonstratio theologica, et philosophica, quod aeterna impiorum supplicia non arguant Dei iustitiam, sed iniustitiam p. 36. 5) An doctrina trinitatis sit mysterium p. 71. Non accurate concinnatum esse hunc conspectum SAM. CRELLII in hoc exemplari, observauit. Sic p. 30—34. occurrit LAELII SOCINI de resurrectione, teste CURCELLAEI, sub hoc titulo: Descriptum ex D. CURCELLAEI excerptis, quae (QUI) et (EX) ipso LAELII SOCINI autographo haec descripserat. De resurrectione: eiusdem auctoris p. 34. sub indice: FAUSTUS Socinus de LAELIO SOCINO PATRUO ita alicubi notatum reliquit, sequentia leguntur: „LAELIUS SOCINUS ingenii magnitudine, sacrarum litterarum ex ipsis hebraeis et graecis fontibus cognitione, ipsarumque rerum diuinarum scientia eximius atque singularis, qui non multorum annorum spatio (37 enim tantum annos vixit) errores fere innumerabiles maxi-

maque ex parte grauissimos, ab aliis non animaduersos, in christianam religionem inuectos detexit, ac veram viam, eam in integrum restituendi, aperuit." p. 68 et 69. sub peculiari inscriptione exhibentur: Loca quaedam S. S. in quibus vox aeterni significat tempus finitum; et loca quaedam S. S. in quibus agitur de supplicio impiorum p. 71. Plenustitulus est: *Andoctrina trinitatis sit mysterium a saeculis absconditum, quod diuini verbi patefactione hominibus innotescere debuit. E tractatu, qui de origine trinitatis inscribitur, exscriptum a. 1605. V. B. A. P. II. p. 636. N. 3.* Huic libello praefixa est ep. MARTINI PISECII a Martowice ad nobilem Silesium, fratrem suum p. 77. Ipse tractatus incipit, sub titulo: *Doctrinam de uno et trino Deo nullum esse mysterium.* p. 85. sub titulo: *tres aduersariorum obiectiones diluuntur, testimonia trinitatis ex baptismo Christi, ex verbis institutionis baptismi, et ex verbis Joannis de tribus testibus in coelo peruertuntur.* p. 92. sub titulo: *Locus Apostoli ad Timotheum adfertur,* negatur verba Pauli, 1 Tim. III. 16. plures in Deitate personas innuere p. 98. Locus ex Origine in Job. L. I. insertus est hoc modo: „Tria cornua fecit Diabolus in „typum atque figuram trionymae illius sectae, triamque „Deorum haeresis, quae vniuersum orbem terrae in mo- „dum tenebrarum repleuit, quae Patrem et Filium et „Sp. S. aliquando tanquam tres colit, nonnunquam vnum „adorat; (Sam. Crellius adiecit: More SABELLII) quem- „admodum graecorum lingua memoratur *Triada* vel „*Homousson*. Istam ergo trinitatis sectam et haeresin at- „que infidelitatem iam olim de longe designans versutis- „simus ille Diabolus tria cornua misit ad Job. depraedan- „dum: sic namque etiam nunc memorata trionyma hae- „resis, praesertim praedatur atque expugnat Ecclesiam. „His *Origenis* verbis CRELLIUS sua manu ad marginem „adscriptit:“ *Hinc adparet manifeste ORIGENEM fuisse anti- trinitarium.* „p. 100. ex quibusdam *Lutheri* verbis colli- „gitur, eundem fuisse antitrinitarium; hoc enim; scopo „haec

„haec leguntur;“ *Lutherus in postilla maiore super Dominicam trinitatis. Vacula haec trinitas nusquam in diutinis scriptoribus reperitur, caeterum humanitus tantummodo inuenta. Vnde etiam frigida omnino sonat, ac multo praestabilius foret, si Deus potius, quam trinitas dicatur.*

Exemplari huic ligatura iuncta est CONR. VORSTII, *fidei christianae delineatio brevis per capita, aphorismos et porismata. Eleutheropoli typis Godfridi Philadelphi 1632. 12. pagg. 82. qui tractatus apud Sandium l. c. p. 98. inter scripta Vorstii frustra quaeritur.*

II. *Dissertatio de resurrectione corporum.* Inserta est libello iam recensito, p. 30 — 34. ex D. Curcellaei excerptis, qui eundem ex L. Socini autographo exscripserat. Germanice quoque et Belgice eandem vidisse lucem, Sandius l. c. testis est. Belgica versio hunc prae se fert titulum: Van de Opstandinge deeser Lichnaamen 1666. 4. Germanica: Von der Auferstehung der Leiber.

III. *Paraphrasis in initium Euang. S. Joannis*, quam Sandius l. c. p. 44. nunquam vidisse testatur, et periisse credit. Notante Baylio l. c. scripta paraphrasis a. 1561. Addidisse huic Laelium vberiore explicationem capitis primi Joannis, et ad hanc, non illam a. 1568. BLANDRATAM in colloquio Albenſi coram Transylvaniae Principe Joanneprouocasse huncque commentarium se Principi exhibiturum promississe, plurimi sibi persuadent. De hac explicatione iudicium esse latum ab Orthodoxis, quod in eadem omnium, qui unquam illum locum corruerunt, haereticorum impietatem auctor superauerit, iam notauimus. Periisse autem hoc Laelii scriptum, cum Sandio Fabricius quoque in H. *Biblioth. Vogtius* p. 544. et plures alii testantur. Eam, quae adhuc superſtes est, Paraphrasin perperam a Polonis, Beza, et Zanchio tribui LAELIO SOCINO, Hoffmannus de *Typograph. Polon. et Lithuan.* p. 39. absque vlla ratione sentit, (V. B. A. P. II. p. 611.

N. 10.) cum manifestum ZANCHII testimonium, quod supra exhibuimus, eam *Laelio* vindicet, quam simul in libro, de *tribus Elohim* L. VI. c. II. sub examen vocauit. Infera quoque est explicatio in hanc pericopam libro *Ministorum Sarmatiae et Transyluaniae* etc. L. II. c. XI. de quo sub *Georg. Blandrata* B. A. P. I. p. 58. N. 14. V. *Placcii* anon. N. 765. 766. p. 127. Alia explicatio in *Bibl. F. F. P.* inter *Fausii Socini* opera impressa reperitur. Vtramque *Franc. Junius* tertiae suae defensionis Trinitatis inseruit, et *Jo. Clericus* euertendam suscepit in tractatu: *XVIII. prima commata capitis primi Euang. S. Joannis* etc. Amstel. 1695. 8. SANDIUS ex collatione eorum, quae PET. MELIUS in secunda disputatione Albana a. 1568. LAELIO SOCINO ex hac explicazione adscribit, cum vtraque explicazione in cap. I. *Joannis*, quae adhuc exstat, nec non cum iis, quae F. SOCINUS de hoc argumento exposuit, colligit, LAELII opus in Jo. cap. I. interiisse, nec illam quae ministrorum Sarmatiae et Transyluaniae operi inserta est, esse huius foetum, quod ipsi videtur euincere cum styli ab aliis LAELII scriptis diuersitas, tum etiam, quod in ea tales opiniones, et quorundam S. Scr. locorum explicaciones proponuntur, quae discrepant a reliquis eiusdem sententiis et ab interpretationibus, quas ei proprias fuisse, imo ab ipso adinuentas F. SOCINUS testatur. *Jos. Simlerus* in praefatione Libris IV. de aeterno Dei Filio, a. 1568. praemissa meminit, ad manus suas venisse interpretationem anonymam primi capitis *Johannis* Evangelistae, cuius partem iam ante manu descriptam vidisset; quae ex *Laelii* calamo profecta. In eadem fortassis quoque reperiebatur explicatio dicti Jo. VIII. 58. cuius paulo ante feci mentionem. Interim *Faustus* de sua explicacione primae partis primi capitis *Joannis* ipse profitetur, quod desumpta sit ex *Laelii* sermonibus et scriptis. V. *Cloppenburgius* l. c. p. 14.

IV. *Praecipuarum enumeratio caussarum, cur Christiani cum in multis religionis doctrinis mobiles sint et varii, in Trinitatis tamen retinendo dogmate sint constantissimi.* Libellus suo ambitu insertus est refutationi eiusdem, quam Franc. Junius suscepit, hoc titulo: *Defensio Catholicae doctrinae de S. Trinitate personarum in una essentia Dei, aduersus Samosatenicos errores specie inanis Philosophiae in Polonia exundantes.* Heidelberg. 1590. 4. Item *Defensio* II. et III. ibidem 1591. 4. Insertus quoque huius *Opp. Theol.* T. II. f. I. seqq. A quibusdam opusculum FAUSTO tribuitur; sed SANDIUS l. c. p. 78. suspicatur, LAELII esse; stilus enim ipsi a caeteris operibus Fausti videtur esse diuersus. Christoph. Pelargus in admonitione de Arianis recentibus etc. Cap. VII. p. 105. Christ. Franckenio librum hunc tribuit, titulumque eius allegat: *Recitatio caussarum, cur Christiani* etc. V. B. A. P. 1. p. 364. N. 7. Laelii esse scriptum, quod Junius refutauit, difficile mihi persuadere possum. Ad auctorem huius libelli ita Fr. Junius l. c. f. 6. „Duo a te peto, Samosaténiane, quisquis es: nam etsi te aliquo pacto nouisse videor, tamen ex te malim cognoscere: unum, ut edas palam nomen tuum, si te porro non pudet istius doctrinae, qua chartam maculauisti, et mentes bonorum cupis inficere; alterum ut sine fuco ac fallaciis explices, tunc ille ipse sis Antinomus, qui ante annos paucos per manus studiosae iuuentutis argumenta illa XXII. sparsisti, contra Mosen et creationis historiam, quae cum sua confutatione anno superiore a me fuerunt edita. Aut enim fallor plurimum aut tu idem es scriptionum istarum autor; quae cum sint dissimillimae, auctorem habent sui simillimum; nec vlla in doctrina stabilem. Ad hoc saltem posterius te obtestor per Deum vivum et Dominum J. C. ut mihi et bonis respondeas, si illud vnquam didicisti, quod vulgo dicitur, cum bonis bene agier. Deus misereatur tui, et dum adhuc es in via, animae tuae in perniciem ruenti miserrime, gratiam faciat propter nomen suum in filio aeterno suo. Amen.“

De hac materia adhuc dicendi locus dabitur sub *Fausto Socino*.

V. *Duo scripta de S. coena* LAELIUM concinnasse, FAUSTUS commemorat in ep. ad NIEMOLEVIUM in epp. p. 334. quae huic ad legendum transmittenda promittit. Alterum horum sine dubio idem est, quod supra Num. I. indicauimus. Qualem alterum prae se tulerit indicem, ignoro.

VI. Eundem quoque *Rhapsodiam in Esaïam Prophetam* scripsisse, hancque a collectore *sylloges locorum de Trinitate* (de qua plura exponunt *Acta Synodalia Polonica Msta*) citatam esse, Sandius l. c. p. 21. commemorat. V. B. A. P. II. p. 990. N. 4.

VII. Epistola ad Jo. CALVINUM scripta 1559. 22. Aug. in qua statum Reformationis in Polonia, his verbis, (quae CYPRIANUS ex autographo in nota, indici libri *Unterricht von Kirchlicher Vereinigung der Protestanten*, adtexta fol. B. 6. b. Tit. *Reformirte Theologen* allegat) describit: „*Rex dirimi quidem istas lites vellet, ut in pace et otio deliciis suis frui posset; sed laborare, ut ex verbo Dei aliqua certa doctrinae forma proponatur, negat ad se pertinere, Conciliorum id esse atque Pontificum. Videt enim fidelium numerum crescere, et breui futurum, ut adigantur Episcopi ea facere, quae nunc sua sponte deberent, et cogitat, se apud omnes Principes excusatum iri, si dixerit, suas admonitiones fuisse neglectas, quum toties protestatus sit, nisi concilio dissidia tollantur, se impetum suorum ferre non posse.*“

VIII. *Confessio de Deo* LAELII SOCINI, data 15. Jul. 1555. Inserta est Hottingeri H. E. Tom IX. P. V. c. III. occasione epistolae monitoriae ad magnum quendam Theologum scriptae, Ep. magni Theologi, ad amicum monentem, cui Socini confessio intexta est, legitur in extenso l. c. p. 417. seqq. nec non eiusdem Theologi
monita

monita circa hanc confessionem reperiuntur l. c. p. 427 — 436. His adiunctae sunt duae ad LAELIUM SOCINUM epistolae, quarum *altera* scripta 4. *Id. Aug.* 1555. quae continet veterum Patrum testimonia de terminis in articulo de S. Trinitate usu receptis, p. 437 — 454. *altera*, data 3. *Id. Febr.* 1555. proponit doctrinam de Sacramentis, p. 454 — 474.

IX. *Theses de Deo trino et uno.* (de Trinitate) Obscura SANDII est recensio, qui l. c. p. 25. inquit: „*Prodierunt in lucem circa a. 1562. nisi forte eadem sint theses, quae NIC. PARRUTAE tribnuntur. Nescio vero, an hae sint theses, quae impressae sunt a. 1568. in fine disputationis Altanae nimirum secundae, cuius praecipuus interlocutor fuit GEORGUS BLANDRATA, itidem Italus.* V. B. A. P. I. p. 58. N. 14. et P. II. p. 538. N. 1.

X. *Voces ambiguae in S. scriptura; quarum praecipuae fuisse feruntur: Principium, Creare, facere, Mundus, Deus, omnia etc.* Adtextus est tractatui ministrorum Sarmatiae et Transylvaniae etc. de quo B. A. P. I. p. 58. et ex parte quoque GREG. PAULI *Explic. difficile S. Script. locorum.* V. B. A. P. I. p. 607. N. 8. Quam commodum Socinianis praebuerit refugium, ambiguarum istarum vocum usus vel potius abusus, ZELTNERUS observavit l. c. C. I. 9. 27. p. 95. seqq. *Jos. Simlerus* in Praefatione operi suo de *aeterno Dei Filio* praemissa et an. 1568. mense *Augusto* scripta, significat, isto iam tempore quosdam libellos, quorum auctorem esse vulgo ferebant *Laelium Socinum*, in Pologiam esse allatos; quos quidem ab hoc inuentos, ab alio tamen eiusdem gentis auctore perpolitos iudicat; cum in illis ea latinae linguae facultas adpareat, quam nunquam *Laelius* habuit.

Opera LAELII partim edita, partim manuscripta, *Godofr. Vogtius* in catalogo librorum Socinianorum et Arianorum nouellorum, quae legitur, in eius tractatu:

Imago

Imago S. S. Trinitatis, enumeravit. Sub *Felici Turpio-
nis Vrhevetani* nomine edidisse eundem *Bernh. Ochini*
dialogos, a *Seb. Castalione* in latinam linguam conuersos,
prodidit *Abr. Calouius* l. c. P. I. f. 49. quo iure, ignoro.
FAUSTUM sub hoc adscitio nomine praemisisse praefa-
tionem CASTALIONIS Dialogis IV. alio loco obseruau-
imus. Quanto cum desiderio lecta fuerint *Laelii* scripta
a familiae huius focis, *Ministri Sarmat. et Transyli.*
L. I. l. c. significant: „*Quid dicemus de Laelio Sozzino,*
„*Senensi, hebraici sermonis peritissimo, cuius scripta per*
„*manus piorum nunc volitant, viro irreprehensibili, et*
„*qui diu versatus fuerat, Vittebergae, Genevae et Tiguri,*
„*cum omnium admiratione.*“

§. V.

Faustus, Laelii patruelis ex *Alexandro* huius
fratre et *Agnete*, quae principis filia, ipsa multos
Italiae Principes ac Duces consanguinitate attingit,
natus, Senis a. 1539 iuuentutem aliquantum litte-
rarum et iurisprudentiae studio, absque tamen lon-
gioris ac solidioris Philosophiae et Logicae cul-
tura, imo sine praeceptore, vsque ad annum 23
transegit; posthac vero alienus a litteris in aula
magni Ducis Florentini ad annum aetatis 35 vi-
tam duxit.

*

*

*

FAUSTI SOCINI, disciplinae Socinianae formaliter
consideratae Statoris et conditoris vitam, SAMUEL PRZYP-
COVIUS delineauit, quam biographiam operibus F. Socini
in Biblioth. FF. PP. praefixam, nec non ipsius *Przypco-
vii* operibus insertam legimus. De variis Opusculi hu-
ius

ius editionibus ac versionibus, quae ad nostram notitiam venerunt, exposui in B. A. P. II. p. 671. N. I. Vitam hanc *Bailius* l. c. multis paraphrasibus ac observationibus amplificauit. Ex concluso conuentus huius familiae a. 1636. habiti in *act. synod. Mspt.* probabiliter colligitur, *HIRTENIUM* (*Joach. Pastorium*) qui *Crellii* vitam concinnauit, *Fausti* quoque *Socini* curriculum vitae concinnasse; qui fortasse proposito publicandi scripti abstinuit, historiamque *Socini a Przypcouio* concinnatam in linguam germanicam tantum transfudit. In eadem interim synodo vtraque et *Crellii* et *F. Socini* vitae enarratio inter libros, typis quam primum exscribendos, numerata est. Omnes, qui aduersus hanc disciplinam calamum strinxerunt, vel haereseos historiam aliqua ratione tradere aggressi sunt, *F.* quoque *SOCINI* vitam ac facta exposuerunt, quamuis primis tantum lineis ac insufficienter, praeter eos, quos inter biographos *Laelii* notauimus, hoc argumentum tetigerunt *GODOFR. ARNOLDUS* l. c. *RAMBACHIUS* in examine Socinianismi, *FABRICIUS* in hist. Biblioth. G. M. *KOENIGIUS* in Biblioth. vet. et nov. p. 762. *HEINSIUS* in H. E. T. II. p. 204. *GE. ASHWEL* de *Socino* et *Socinianis*. Oxon. 1680. 8. p. 2 — 16. *Lamyus* in *Histoire du Socinianisme*, p. 106 et 375. seqq. *HEN. ASCAN. ENGELCKE*, de damnabili Socinianismi Gangraena, *JUST. CHRISTOPH. SCHOMERUS* in Coll. Antisocin. c. II. sect. I. Inprimis vero epistolae *F. Socini* ad familiares ad noscenda haeresiarchae fata, actiones et certamina plurimum coaserunt.

Pater *F. S. ALEXANDER* germanus *LAELII* frater fuit, Male igitur *FAUSTUS LAELII* filius, a *Jacobo ad Portum*, in ep. dedicat. ad Senat. Dantiscan. orthod. fid. defens. perhibetur. Legitime proinde *Smalcus* in refut. thesium *D. Jac. Schopperi* p. 42. *Demitrouitium* Lithuanum, qui ad theses has oratiuncula adplauserat, ita perstrinxit: „*Faustum Socinum, Laelii filium facis, cum is patruus illius esset, pater vero Alexander.*“ In matrimonium duxit

duxit *Alexander Agnetem* (quod nomen deinde vnica *F. Socini* filia ab auia tenuit,) *Burgesii Petruccii*, Senarum quondam Principis ac *Victoriae Piccolomineae* filiam, qui patri *PANDOLPHO* Senarum principi in regimine quidem successit, sed aduersa fortuna ex hoc eminenti gradu deiectus, paulo post mortuus est. *AGNES* interim, quae plurimis Italiae Principibus ac Magnatibus, vt et *Pio II.* et *III.* nec non *Paulo V.* Romanorum Pontificibus sanguine iuncta erat, a principe matre dignam tanta sorte habuit educationem.

Przypcowius intentum *F. Socini* erga propinquos et agnatos amorem praedicans, inquit: „E propinquis mulieribus praeter *Camillam*, auiam, matronam lectissimam, *Portiam* amitam, et *Phylidem* sororem, suo vtramque merito vehementius dilexit. Quarum illa dum vixit laudatissimae pudicitiae exemplar, prudentia simul et comitate morum incredibili, adeo *LAELIUM BECCIUM* maritum, virum insignem sibi devinxerat, vt is saepe cum lachrimis se tali tantaque coniuge indignum fuisse diceret: Haec morum, atque in regenda domo disciplinae sanctitate, viro probata, (is fuit *CORNELIUS MARSILIUS* nobilissimo loco natus) immortale sui moriens desiderium reliquit.“

Ipse *FAUSTUS* de parentibus suis in Ep. ad Excellentissimum quendam Virum in epp. p. 648. inquit: „Ego, quamuis ab illo *MARIANO SOCINO*, ab *AENEA* „*SYLVIO*, tot tantisque laudibus celebrato, abauo nimium meo prognatus, et illius, qui nominatim in familia nostra princeps subtilitatum dictus est, vnicus filius, „tamen eiusmodi sum, vt a priore multo plus virtute, „quam propagationis gradu distem; posteriore vero non „minus sum ingenio inferior, quam ipse ratione habita „eius temporis, quod haecenus vixi, cum mortuus est, „aetate me inferior fuit. Vix enim annum tricesimum „primum suae aetatis excesserat, cum ego iam pridem 64. „ingressus fuerim.“

Natus

Natus est F. d. 5. Dec. a. 1539. anno vitae LAELII 14. quod natiuitatis suae tempus in ep. ad eundem virum paulo ante obitum data notauit in epp. p. 671: „*Natus sum duabus horis et tribus fere quadrantibus ante ortum solis diei 5ti Dec. secundum Calendarium vetus, anno Christi 1539, sic 14. circiter annos post Laelium patruelem Senis natum.*“ Istis autem parentibus suis praemature orbatus, in aetate, quae ad capienda litterarum et ingenii elementa maxime docilis est, leuissime et omni praeceptore destitutus, bonarum artium et litterarum studiis operam impendit, quod in ep. allegata faterur. Hac ratione nec Philosophiam sese vnquam didicisse, nec scholasticam, quam vocant Theologiam, se attigisse, et ipsius Logicae artis, nihil nisi prima elementa idque valde sero, se degustasse l. c. p. 669. enunciat. Parum temporis in iuuentute tribuit disciplinarum culturae, et quam sibi comparauit eruditionem qualemcunque, ipse sibi sine vlla manu ductione acquisiuit. Hinc l. c. p. 669. de se iudicat: „*Quid exacti iudicii in eiusmodi philosophicis ac theologicis expectari a me potest homine, qui nec Philosophiam vnquam didicit, et ipsius logicae artis nil, nisi rudimenta quaedam idque valde sero degustauit! nolo enim te ignorare, plerasque disputationes meas, quarum quaedam non sunt editae, scriptas a me fuisse, cum nondum dialecticae arti vllam operam dedissem.*“

Patre praecipitata morte erepto, mater curam pro educatione Filii sui adhibuit omnem. Sic prima eius aetas, leui litterarum tinctura, simulque iurisprudentiae studio occupata erat ad annum vsque viceesimum; sed et tum absque vlllo praeceptore, quod praeco eius maximae laudi eidem reputat, quod hoc ipso, nullis imbutus praediciis, solidam ac puram scrutatus fuerit veritatem. Hauserat tamen non diuinae veritatis principia, sed noxii erroris halitum, sufflante hunc patruеле Laelio, in epistolis, quas ad amicos in Italia relictos, ex Heluetia, Germania et Polonia scripsit. Fama de singularibus ac noxiis

per familiam *Socinorum* obstrepentibus, quoad sacram disciplinam opinionibus diuulgata, Magistratui ecclesiastico ansam suppeditauit, in hoc negotio examen circa annum 1558 instituendi. Sed *Faustus* errorum mente conceptorum sibi conscius, iuuenis admodum, vigesimum vitae suae annum ingressus, fuga in Galliam salutem eripuit.

Quod cito et in puerili adeo aetate *LAELII* placitis instructus fuerit, ipse in ep. ad *MART. VADOUITAM* in Epp. p. 600. testatur. Vix enim dici posse, ait, quod Ecclesiae Romanae unquam adhaeserit, cum, simul atque per aetatem iudicio in diuinis rebus uti potuit, in illis aliter atque Ecclesia Romana doceat, edoctus atque institutus fuerit: Ex quo sane colligi potest, quod ephebis nondum egressus a *Laelio* excogitatae nouae disciplinae elementa susceperit. Eques Polonus in vita *F. S.* praedicat: *LAELIUM* ingenio nepotis confisum, plura diuinanti innuisse, quam tradidisse discenti, nonnulla etiam in experimentum iudicii adolescentem celasse, non dissimulato inter amicos praesagio, plenius haec atque felicius a *FAUSTO* orbi prodenda.

GREG. ZARNOUECIUS, in *praef.* ad libr. *de satisfactione Christi* testatur, *BERNH. OCHINUM FAUSTI* existisse Magistrum et Praeceptorem, quod *SANDIUS* l. c. p. 4. negat, quod *LAELII* potius institutione usus fuerit, quamquam utrumque facile conciliari possit, nec a vero alienum videatur, *Faustum* ex scriptis *OCHINI*, quem *Laelii* socium fuisse, *SANDIUS* p. 18. concedit, haud pauca didicisse, quamuis illum coram docente non audiuerit, vel ab ipsius ore pependerit.

Italia extorris *Lugdunum Gallorum* a. 1559. concessit hocque loco per triennium commorabatur, litteris sine dubio operam nauans, ac *LAELIO* auctore, animum ad evertenda fidei mysteria, paratum et haeresi iam in patria infectum confirmauit. Vix dubium est, quin in

hoc ex Italia in Galliam itinere Patruelem *Tiguri* saluauerit, imo apud eundem ad tempus aliquod moram fecerit, quamuis rei huius nullum adferri queat testimonium. Cur *Lugduni* sedem elegerit, non *Tiguri* patruelis sui contubernio vsus fuerit, nullibi significatum legimus. Eum tamen *Lugduno* varias instituisse excursions in Heluetiam, ac palmaria eius oppida, ibidemque quosdam habuisse sibi fauentes, luculenter apparet, quod post plures annos, cum secunda vice ex Italia *Basileam* se contulerit, veterum amicorum mentionem faciat, quos proinde sibi, antequam in Italiam reuertetur, conciliauerat. Inter amicos *Lugduni* sibi conductos *Jo. Mich. Brutus*, Regis Poloniae deinceps Historicus numerandus, qui *Faustum Dudithio* per epistolam commendans, huic exponit, quod ante viginti annos, cum *Lugduni* commoratus fuerit, singularem cum illo amicitiam contraxerit. Fortassis in horum amicorum numero, *Jo. Bapt. Bouius* fuit, cui *Faustus* deinceps plures litteras scripsit, in quibus eum veterem amicum appellat. V. B. A. P. I. p. 71. Accepto de LAELII obitu, qui 1562. die 16. *Maii Tiguri* accidit, per litteras *MARII BESOZZI* nuntio, *Lugduno Tigurum* accelerato itinere aduolauit, ibidem tum haereditatis nanciscendae, tum Bibliothecae ac manuscriptorum capiendorum causa, quibus insidias strui praeuidebat. Chartis igitur et monumentis defuncti vndiquaque conquisitis ac in tuto positis, quibus tandem in construendo disciplinae nouae systemate vsus est, totaque haereditate patruelis potitus, maxime litteraria suppellectile instructus, anno aetatis 23. *Italiam* repetiit, et deliciis aulicis captatus ad aulam *Francisci, Magni Ducis Heturriae* commoratus est.

Ad hanc regiam sedem honoratissimis, quod vitae ipsius praeco perhibet, ministeriisungebatur, ita, vt gratia ac fauore Ducis alleetus duodecim annos perpetuos, hoc loco peregerit, sicque florentissimam curriculi

fui partem in aula perdiderit, et inter aulicas delicias ferre consenuerit; quod et ipse data occasione aliquando indicauit. Magno Hetruriae Duci blandis moribus ac sereno conuersandi habitu semet adeo commendauit, ut ille quoque magno in eum desiderio flagraret, eumque iam absentem variis pollicitationibus ad pristinam stationem revocare studuerit. Inter hasce tamen aulae Sirenes non omnino otiosus haesit, sed mature, inprimis vero ab anno 1562. perceptam ex *Laelio* disciplinam, aliis instillare studuit. In disputatione enim inter *Erasmum Joannis* et *F. Socinum* ipse a. 1584. ita scribit: „*Ante annos ferme viginti duos (1562) eum locum (mundus per ipsum factus i. e. denuo factus aut futurus ille mundus) sic accipiendum esse docui*“ etc. Praeterea ipsum hoc stationis ad aulam interuallo conscripsisse circa annum 1570 libellum de S. Scripturae auctoritate lingua Italica, ex praefatione, Racouienſi editioni libri huius praefixa, colligimus.

Ante suum in Italiam reditum paulo post mortem *LAELII* 1562. explicationem, imo potius deprauationem primae partis primi capitis *Joannis* euulgauit, suppresso nomine, quod eandem, non modo aetate sua, sed etiam multis ante saeculis inauditam sciret, ideoque iudicium instar *Apellis* post tabulam, cognoscere vellet. Hanc nonnulli *LAELIO* adscripserunt, quod inter scripta *LAELII* notavi; sed *FAUSTUS* expresse nomen suum prodidit, cum integras ferme ecclesias videret sententiae suae subscripsisse. Ipse rem hanc exponit *Dudithio* per epistolam, in farragine litterarum ad hunc scriptarum, p. 13. simul tamen profitetur, quod istam uerborum *Joannis* expositionem, et quae ad eandem asserendam in lucem produxerit, magna ex parte ex *LAELII* sermonibus, dum adhuc viueret, et post eius mortem, ex aliquibus eius scriptis sumferit. V. *Fragm. duorum script. Socin.* p. 4.

Immo

Immodicam in hoc scripto SOCINI de semet ipso *persuasionem* summamque calliditatem notauit CALOVIUS in scriptis Antifocin. p. 18. 19. *Illam* quidem, quod vix viginti tres annos natus et lenissime studiis bonarum artium tinctus, litterarumque graecarum parum gnarus, non modo nouam prorsus et antea incognitam verborum sacrorum expositionem protruserit, sed quoque totum orbem christianum in his aliisque plurimis caccitare pronunciauerit, omnes fere ecclesias errorum grauissimorum accusauerit, ac regnum denique Christi collapsum penitus, denuo exstruere ipse primus et vnicus praesumserit. *Hanc* manifesto prodit, quod orthodoxam de vno Deo, P. F. et Sp. S. doctrinam a *Mercurio Trismegisto* profectam, et a scriptis *Platonis* et *Jamblichii* originem duxisse, eandemque in miris quibusdam figmentis lubricisque subtilitatibus homine christiano indignissimis et portentosis opinionibus, non S. litteris modo aduersis, sed sibi etiam ipsis non constantibus, imo magna ex parte ridiculis longeque absurdissimis consistere, et hanc ob rationem sanctissimam Christi religionem Iudaeis et Turcis ludibrio fuisse, illosque ab eadem amplectenda semper deterritos, simplicioribus persuadere conatus fuerit. Nihilo tamen secius orthodoxe sentientes non tantum pro haereticis habere recusat, sed etiam pro fratribus eosdem agnoscere vult, dummodo Christi vnicui legislatoris praecepta pro viribus exsequantur; quasi pia praeceptorum Christi obseruatio, cum pessima hac sententia et verbi Dei vilipendio et deprauatione consistere possit. De hoc opusculo, quod totum refutationi eiusdem inseruit, *Franc. Junius Opp. Theol.* vol. II. idem hoc modo iudicat. „*Neque apud venerandam illam antiquitatem — neque hac memoria nostra scriptum ullum tam exitiale aut arte lubricum vix puto exstitisse, quam illud est, quod ante annos aliquot Senensis cuiusdam opera in manus primum multorum fuit disseminatum, deinde vero et typis exaratum, postremo etiam opera singulari amplius*

plius recognitum, cuius manuscriptum exemplar¹ fuit TIGURO transmissum ad me. In hoc enim scripto sanctissimum illud primum caput JO. MYSTERIIS diuinis confertissimum, ineptis argutiis atque impiis interpretationibus, ex tota haeresum collunie, quae unquam exstiterunt, collectis, turpissime maculatur, et accumulatur omnia, quae ab ipsis hominibus adferendae impietati suae unquam adferri potuerunt.“

Expletis ad Principis aulam XII. annis, totum se speculationibus commisit, iisdemque maxime delectabatur; cum vero his inter aulae strepitus sensuumque irritamenta non ex voto inhaerere, nec diutius dissensum a religione pluribus in ista regione probata celare posset, de abitu ex patria serio deliberare coepit. Relicta hinc maioris dignitatis spe, relictis opibus, amicis, reliquisque vitae deliciis, sine praeuia dimissione aulam deseruit, et a. 1574. aetatis quinto et tricesimo secunda vice Italia excessit. Eques Polonus in encomium herois sui celebrat, quod Toscaniae Dux tanta in FAUSTUM gratia atque desiderio fuerit, ut quoque saepius per nuntios et litteras *Illust. PAULI JORDANI VRSINI*, qui sororem magni Ducis *Isabellam Mediceam* matrimonio sibi iunctam habebat, opera, illum ad reditum, repetendamque pristinam stationem sollicitauerit, quam vero gratiam semper modeste declinauerit. Non tamen propterea gratia Principis FRANCISCI excidit, imo potius hoc promotore annuos quosdam redditus ex patrimonio suo accepit, pluribus licet ipsi id inuidentibus, quapropter illis defuncto magno Duce priuatus quoque est. Quibus in specie negotiis in Principis aula praefuerit, et qualem personam sustinuerit, id certo a me statui nequit. Sunt quidam, et inter hos VLRICUS HUBERUS, in *Comment. rerum in orbe gestarum etc.* T. II. p. 429. qui eum in aula *Cosmi Hetruriae Ducis* medicinam practicam exercuisse perhibent; cuius tamen rei nulla adferuntur documenta, nec vlla in vniuerso vitae ipsius curriculo vestigia occurrunt.

Samuel

Samuel Crellius, qui *Faustum* virum nobilissimum ac magnanimum praedicat, eum hoc sine solum amplissimos honores et huius vitae commoditates cum Italia sua reliquisse significat, vt alibi libere sentire, et quae vera esse putabat, cum aliis communicare posset.

Ex hoc exilio libere suscepto posthac ipse multum gloriae, in primis vero causae suae defensionem aucupari studuit; se enim religionis genuinae confessionem honoribus, opibus ac patriae praetulisse, omniaque huius vitae commoda ad *Mosis* exemplum deferuisse, quauis occasione gloriabatur. Ita ad MART. VADUITAM in Epp. p. 598. scribit: „*Quamuis non omnes sciant, domi in patria mea quis essem, nec quae commoda et honores, merito et ibi, et alibi sperari a me potuissent, si cum aliis in religione consentire voluissem, nec etiam nouerint, me religionis causa non solum mea ipsius sponte dulcissimae ac iucundissimae patriae in perpetuum valedixisse, sed etiam bonorum omnium, quae profecto haud exigua ibi habebam, iacturam fecisse, quis est tam bardus aut stupidus, quin videat, quot periculis, propter ipsam tantum religionis causam, praesertim si sententias de illa meas aliis persuadere velim, sim perpetuo obnoxius.*“

Non eum sine fructu ac emolumento animi, tempus suum triuisse in aula, auctor vitae significat. Putat enim, quod in hac florentissima aevi parte, non umbraticis doctrinae praeceptis, sed solidis vitae experimentis formatum fuerit sublime iudicium, in qua iuuenilis aetus deferbuit, qui plerumque magna in magnos lapsus praecipitat ingenia. Ipse vero *FAUSTUS* e contrario optimos vitae suae flores periisse conqueritur, summoque dolore moestam transactorum in aula annorum memoriam repetit, in ep. ad virum excellentissimum l. c. p. 670: „*Florentissimos aetatis meae annos 12 perpetuos ab anno videlicet 23, usque ad 35 in patriae otio et partim in aula perdidit.*“ Et in ep. ad VAL. SMALCIUM data l. c.

p. 513. „*Me incitari noli, qui nescio, quo malo genio ductore, cum iam diuinae veritatis fontes degustassem, ita sum abreptus, ut maiorem et potiore iuuentutis meae partem, inanibus quibusdam aliis studiis, imo inertiae potius atque otio dederim. Quod cum mecum ipse reputo, reputo autem saepissime, tanto dolore adficior, ut me vivere quodammodo pigeat.*“ Et in ep. ad Doctorem Theologiae l. c. p. 586. „*Periit mihi in Italia patria quidem mea, sed, quod confiteri quidem necesse est, hodie otii ac vanitatis sede, magna pars aetatis meae, imo flos ipse uniuersus ab anno nimirum 23 usque ad 35, adeo ut nihil mirum cuiquam videri debeat, si in rerum tantopere abstrusarum cognitione minus, quam mediocriter adhuc profecerim.*“

§. VI.

Circa annum 1574. *Basileam* se contulit, quo loco adornando ex schedis *Laelii* et propriis ingenii speculationibus nouo systemati omne studium per triennium contulit. Hoc transacto a. 1578. a *Georgio Blandrata* in *Transylvaniam* accersitus, vnde in *Poloniam* a. 1579 meauit, vbique locorum conceptas opiniones insigni Zelo propugnauit, ac consiliorum suorum causam in *Antitrinitariorum* commodum omni opera promouit, quamuis nunquam in eorum communionem ecclesiasticam propter peculiaria quaedam placita fuerit susceptus. Tantum vero abfuit, ut repulsam male tulerit, vindictamque a coetu, quem omnino suum reputauit, sumserit, ut potius emolumenta eius quouis modo amplificauerit.

*

*

*

Soci-

Socinuni a. 1574. ex Italia in Heluetiam concessisse, testium fide dignorum narratione extra omne positum est dubium. Male igitur perhibetur a nonnullis, iam a. 1573 in Transylvania vitam duxisse. Ipse in praefatione libri de Jesu Christo Seruatore etc. scripta cal. Oct. a. 1595 inquit: „Annus est iam ferme vigesimus, cum Basileae commorans, quo patria, ut commodius ac tutius sacrarum litterarum studiis possem incumbere, mea sponte relicta, secesseram, coepi cum aliquot veteribus amicis meis serio agere de ratione, quae J. C. Dei Filius nobis salutem aeternam peperisset. Quandoquidem multo ante, id est, cum adhuc adolescens et paene puer essem LAELIO, praecipue patruo meo monitore, cognouerim, sic plurimum vulgo erratum fuisse etc.

Basileam hospitium suum prae aliis oppidis eam ob rationem elegisse videtur, quia quosdam ibidem habuit veteranos, utpote ipse significat, amicos. Inter hos FRANCISCUM BETTUM, Romanum, nominat in ep. ad MATH. RADECIVM tertia, huncque summum et vetustissimum suum amicum, virum pium et in religionis controversiis haud mediocriter versatum appellat. BETTUS quoque de meliori Faustum commendauit PUCCIO, huncque mouit, ut ex Anglia Basileam venerit, cum illo disputaturus. Commemorantur aliquando in monumentis huius aevi Crypto Sociniani Basileenses, ad quorum numerum ipse Bettus referendus erit. Auctor vitae F. S. l. c. p. 17. inquit: „Venientem hospitio excepit Basilea, benigna receptatrix Christi exsulum, et quae iam pridem periclitantem innocentiam gremio suo fouere didicerat.“ Quae ipsi Basileae praecipua fuerint negotia, in praefatione libro de J. C. Seruatore praefixa exponit, instillare nimirum amicis quibusdam conatus est errores a Laelio edoctos, colloquia instituit cum amicis, e quorum numero etiam fuit Hieron. Marlianus, quibus aliquoties interfuerunt Euangelici. Hoc loco disputationem habuit cum Jo. Baptista Rota, Patauino, coetus

Italorum Geneuensis ministro, qui Basileam accessit, cum *Manfredo Balbano* Lucensi, in primis vero cum *Jac. Co- ueto*, Basileensis Ecclesiae Gallicanae Ministro; de qua disputatione plura in recensione scriptorum polemico- rum. *Basilea* aliquando excursions fecit in Germaniam, siquidem a. 1577. in nundinis vernalibus Francofurtensibus praefens fuit, ac cum *Coveto* ibidem coram differuit.

Maxime vero *Basileae*, cudendo nouae disciplinae systemati, recolendisque LAELII scriptis et notis, quas libris editis passim ad marginem posuerat, omnem operam impendit. Ex observationibus illis *Laelianis*, quas in manus suas non absque mirabili Dei prouidentia et consilio peruenisse sibi persuasit, tantus, philautia occupatus, euasit Theologus, ut non modo scholasticam Theologiam adgredi, sed etiam cum viris illius aevi doctissimis, certamina inire, imo vniuersam fere disciplinam christianam euertere se satis instructum iudicaverit. Edoctum enim sese arbitrabatur ab eo, quo nemo vnquam exactius de omnibus verae religionis dogmatibus senserat, proinde nullum alium magistrum agnoscere voluit, abs quo doceri posset; sed versari potius omnes in erroribus credidit, quos detegere ac confutare sui officii esse, sibi imaginabatur. In respons. vlt. ad *Volanum* p. 253. inquit. „*Multa profecto sunt, in quibus adhuc christianus orbis caecutit, et plura fortasse, quam quis vel cogitare possit: quod enim ego animaduertem, statui non semel, Dei ope atque auxilio fretus, aliquot ex iis erroribus scripto detegere ac confutare, qui in omnibus fere Ecclesiis, quas Christo initatas cernimus, maxime vigent, atque eos praesertim, quos vix a quoquam animaduersus penitus latere videbam.*“ Sequebatur in hoc opere, quod sibi a Deo demendatum credidit, tum rationis ductum, tum S. litterarum explicationes a LAELIO edoctas, cuius scripta vnice, parum abest, quin dixerim superstitiose trutinavit, et ad horum manuductionem, spretis insigni-
um

um Theologorum operibus semet totum librosque suos formauit. Solius patruelis collectanea, lemmata marginalia et schemata tanquam oracula venerabatur, et quae in his adhuc desiderari putabat, supplevit ac perfecit, sicque in doctrinae orthodoxae oppugnationem omne tempus suum impendit. Ipse saepius enunciavit, patruum sibi in quam plurimis facem praetulisse; quam sinceram confessionem Eques Polonus ipsi eximiae laudi et singulari modestiae ducit. In ep. ad MARC. SQUARCIALUPUM in Epp. F. S. p. 17. ita ipse de se iudicat: *In uniuersa ipsa diuinarum rerum scientia, quaecunque tandem illa in me sit, praeter unum LAELIUM patruum meum, vel potius praeter quaedam paucula, ab ipso conscripta, et multa annotata, nullum prorsus magistrum me habere contigit.*“

Quas ipse concepit ac probavit opiniones, aliis propinandas adlaborauit. Inter prima fidei dogmata, illud de *satisfactione per Christum praestita*, multo strepitu impugnavit, idque in totum negare sibi proposuit. Id circo a. 1577. *Basileae*, scripto de Christo Servatore, congredi cum JAC. COUETO, non dubitauit. Peste quidem et aduersa corporis valetudine ab hoc opere conficiendo auocatus est, cum a. 1578. *Tigurum* concedere, grassante per districtum Basileensem pestilentia cogeretur; interim posthac *Tiguro Basileam* reuersus nocentissimo huic operi vltimas admouit manus, quod edicauit ipsius discipulus ELIAS ARCISSEVIUS a. 1594. qui-que primus iudicatur liber, qui praefixo *Socini* nomine in lucem prodierit. In hoc veterem PETR. ABAILLARDI sententiam, in orbem revocavit, qui redemptionem morte Christi factam definiebat per gratiam istam, qua Christus nos verbo et exemplo vsque ad mortem docuerit charitatem nobis imitandam, non autem praestitam per ipsius mortem peccatorum nostrorum expiationem. Assertum hoc paulo ante F. S. Bernh. Ochinus defendit aliisque commendauit.

Sub idem tempus a. 1578. cum FRANCISCO PUCCIO Florentino, de statu primi hominis, Basileae ingressus certamen et sententiam suam nouam, anno proxime sequente, defensione Tiguri scripta propugnauit. Eodem quoque anno edidit posthumos SER. CASTELLIONIS *dialogos de praedestinatione, electione, libero arbitrio, et fide*. F. enim SOCINUM esse *Felicem* illum Turpionem Vrbeuetanum praefationis auctorem, plurimis indubitatum est. In eadem promittit aliquando suum spicilegium, post mensem Castalionis immatura morte praeuenti.

Disputatione cum Puccio Tiguri 1578. exarata Basileam quidem reuersus; sed paulo post per GEORG. BLANDRATAM, in Transylvaniam, hyperaspistes pugnae cum FRANCISCO DAVIDIS euocatus est, quod RADECIO enarrat in epp. p. 104. Ex dedicatione uero disputationis de *J. C. inuocatione* etc. docemur, cum ipsius Principis litteris ad disputandum cum Franc. Davidis fuisse euocatum, quas sine dubio Blandrata ad eum transmisit. Quod iter per Poloniam in Transylvaniam fecerit, suamque in isto transitu de *Baptismo* sententiam Cracouiensibus exposuerit, ex eius epp. p. 509. discimus.

Claudiopoli a medio mensis a. 1578. Nou. ad Maium a. 1579. hospitio FRANC. DAVIDIS usus est, quo uterque disputantium sub vno tecto degerent, et eodem conuictorio uterentur. Narrante ALEXIO HORATIO in *memoria Hungarorum*, P. I. p. 477. ab adulto Novembr. 1577. vsque Aprilis 1579. hospitio Franc. Davidis usus est; sed eum a. 1578. in Transylvaniam demum venisse indubitatum est, cum eodem anno, d. 12. Iulii adhuc Basileae haeserit occupatus circa responsionem ad Couetii scriptum. PRZYPCOVIVS quoque l. c. p. 19. expresse testatur, SOCINUM paulo plus, quam per trientem anni in Transylvania esse commoratum, et p. 20. significat post disputationem cum FRANC. DAV. mense Maio a. 1579. absolutam et Ecclesiis Transylvanicis exhibitam, inde migrasse. Idem adfirmat subscriptio disputationis aduersus FRANC. DAV.

DAV. ita concepta: „*Absoluta est haec de J. C. inuocatione disputatio, anno ipsius Christi nati 1579. mense Maio Claudiopoli in Transyluania.*

Ingentes paulo ante disceptationes excierat FRANC. DAVIDIS, qui de honore, inuocatione et potestate Christi blasphemam tuebatur opinionem; cui malo BLANDRATA, ipse haeresi infectus, nec melior aduersario, per F. SOCINUM, cuius eo tempore inter Antrinitarios fama et auctoritas non vulgaris erat, quaerebat remedium. Ipso Fausto teste in ep. dedicatoria *disput. de J. C. inuoc. cum* FRANC. DAV. paulo ante *Nouembris* medium in Transyluaniam venit, apud *Franciscum* habitauit, eiusque mensa vsus est, menses circiter quatuor cum dimidiato, non gratis, sed carissimo pretio, itineris et hospitii in Transyluania sumtus ferente BLANDRATA, qui hac conditione *cum Basilea* euocauerat. Vllum sibi a *Franc. Dau.* praestitum esse beneficium, omnino negat, additque: „*Om-nem denique sic beneficii a Francisco mihi dati opinionem vel id tollere potest, quod is nec sua sponte, nec me rogante, hospitio ac mensa me exceperit, sed D. BLANDRATA, qui me accersuerat, et cui ipse multis nominibus plurimum debebat, ita mandante ac iubente.*“

Intra hos menses varias F. SOCINUS cum FRANC. DAV. de J. C. inuocatione instituit disputationes, quarum praecipua a. 1594. tandem typis exscripta prodiit. Sed istae Socino non ex spe votisque successerunt, aduersario sententiam suam pertinaciter defendente, et clam ac pro suggestu diuulgante. Ob quam animi obfirmationem gratia Principis excidit, et in carcerem coniectus est, in quo ex improviso spiritum efflauit. V. F. SOCINUS contra *Wujekum*, p. 44. seqq. Hac morte criminationem sibi ac inuidiam contraxit apud quamplurimos, qui a partibus FRANC. DAVIDIS stabant, quique *Faustum* et *Blandratam* auctores huius persecutionis ac mortis Principi existisse iudicabant, idque non sine omni veritatis nota; de qua materia alio loco plura. Quis sibi persuaderi
patere-

pateretur, SOCINUM suum sententiae aduersus *Franciscum Davidis* latae non adiecisse calculum, cum eandem non dissuaserit Principi, sed potius, quae *Blandrata* huic suggessit, in actum deduci concesserit, absque vlla praeuia interpellatione, vel animi commotione. Nobilis tamen praeco F. SOCINI eundem pro more suo defendit, inquiens: „*Quod si quis forte a Socini causa non alienus, auctor fuit Principi acerbioris in Franciscum consilii, eius certe culpam praestare non debuit Socinus, cuiusneque consilium scire, neque factum ullo modo probare potuit. Nam ut alia plurima taceam, nihil magis aduersum SOCINI sententiae accidere poterat, quam illud dogma quod FRANCISCI viuentis voce atque ingenio defendi non poterat, eiusdem morientis muto, sed efficaci testimonio sancitum videri, praesertim cum obitus eius martyrio similis statim omnium in se oculos conuerterit.*“ Quae in hac causa ipsi imputabantur, a se declinare studuit, in ep. quae disputationi allegatae praemissa est, verbi Dei ministris in Transyluania scripta, *Cracouiae d. 14. Jul. a. 1595*; sed alia plane ratione iudicant, sibi in memoriam reuocantes, in toto hoc negotio nihil fecisse Principem absque *Blandratae* consilio, nec hunc quicquam decreuisse, vel Principi susurrasse absque F. *Socini* praeuio oraculo, quippe quem in Transyluaniam acciuerat.

Antitrinitarii proinde, *Caluinum* crudelitatis in *Serueto* occidendo accusantes, F. *Socinum* ab eadem criminatione validis argumentis vix liberabunt. FAUSTUS maleuolorum in Transyluania impatiens, et criminationis de FRANC. DAVIDIS caede pertaesus in *Poloniam* a. 1579. mense Maio concessit, ibidemque coetibus adhaesit, qui *Christum aeterni Dei Filium*, minime vero aeternum *Dei Filium* profitebantur et inuocabant. Ipse causam persecutionis huius grassantem in Transyluania morbum pestiferum allegat. Eum paulo post sequutus est BLANDRATA, qui a STEPHANO corporis sui medicus custos constitutus,

tutus, circa Regem Poloniae proxime versari debuit. Quod is posthac SOCINI partes satis frigide tuitus sit, ac huic de animi indifferentia et sui vilipendio conquerendi materiam suppeditauerit, alio loco notabitur. V. Responsio F. S. aduersus *Wujekum* C. XI. p. 43.

In Polonia *Faustus* quatuor circiter annos *Cracouiae* mansionem suam habuit, ac in communionem coetus, qui Patrem solum Deum summum confitebatur, recipi precabatur, cum quo tamen non in omnibus consensit. Nul- li enim, (quod in ep. ad *Math. Radecium* in Epp. p. 73. scribit) sectae penitus fuit addictus, sed omnes, in quibus vox praeceptorum Jesu resonabat atque exaudiebatur, licet in aliis dogmatibus, quae ad ipsa praecepta non pertinent, longe diuersa sentiant, pro veris Christi Ecclesiis agnouit, et qui eadem praecepta seruant, vera Christi membra reputauit. Repulsam igitur tulit in *synodo Racouien- si* a. 1580. mense *Maio* habita, tum propter non- nullorum inimicitiam, quam ipsi disputatio cum *Franc. Davidis* vel potius huius aduersarii sui incarcerationio, et in carcere obitus contraxerat, tum etiam propter dissen- sum in doctrinae momentis. Hunc enim non dissimu- lauit quoad capita de satisfactione Christi, de iustifica- tione, de praedestinatione ac seruo arbitrio, et de bap- tismo aquae haud quaquam necessario; quare in gre- mium coetus fratrum Polonorum nunquam collectus est, nec ad sacram synaxin admissus. Hanc cum ad mensam sedentes celebrarent Vnitarii in Polonia, SOCINO, in hac sollemnitate adstandi conuiuiis sacris venia tantum con- cessa est, teste PAULO CRELLIO in ep. aliquando ad me data.

Apologiam in hac caussa sibi FAUSTUS olim in ep. ad nobilem feminam SOPHIAM SIEMICHOVIAM scripsit, in Epp. p. 371. seqq. his verbis: „*Quod mihi obiicis, me communionem cum fratribus et Christi fidelibus spernere, nec curare, ut una cum ipsis coenam Domini celebrem, quam*
tamen

tamen celebrare ab ipso Domino omnes iubemur; respon-
deo: me, postquam in Poloniam veni, nihil antiquius ha-
buisse, quam ut me quam maxime cum fratribus coniunge-
rem: licet inuenissem, illos in non paucis religionis nostrae
capitibus a me diuersum sentire, quemadmodum hodieque
multi sentiunt, et Deus nouit, quae et quanta diu propter
hanc causam sim passus et adhuc patiar; nullos unquam
interea labores etiam cum maximo meo periculo et damno
coniunctos, refugiens, quos vel fratres ipsi mihi imposue-
runt, vel ego pro coetu nostro mihi subeundos censuerim,
id est, ei utiles fore sperauerim. Quod si nihilominus aquae
baptismum una cum illis non accipio, hoc propterea fit,
quia id bona conscientia facere nequeo: nisi publice antea
protester, me, non quod censeam baptismum aquae mihi
meique similibus ullo modo necessarium esse; sed ut cum
fratribus arctius coniungar, id facturum esse. Id quod
fratres nullo pacto mihi concedere volunt. Quomodo enim
id aliter possim bona conscientia facere? cum non modo sen-
tiam fratres grauiter, licet per imprudentiam, errare:
qui neminem ad mensam Domini admittere velint, nisi prius
aqua in ipsorum coetu baptisatus fuerit: sed etiam hac de
re, ipsis rogantibus plenam disputationem scripserim, et
sententiam meam plurimis aliis fratribus nostris, in diuer-
sis multis regionibus habitantibus, iam diu patefecerim.
Quod si interim coenam Domini, ut ii, qui baptizati sunt,
non celebros; hic mea nulla culpa est, sed potius illorum,
qui id mihi concedere nolunt, nisi id faciam, quod cum mea
conscientia maxime pugnat: nec interim me hac in re er-
rare, vel ostendunt, vel ostendere serio curant. Et sane
si id fieret, mecumque hac de re pro eius grauitate ac pon-
dere ageretur, nihil vereor, quin veritas facile appareret.
Ego quidem quamuis vehementissime cupiam, ut coetus
noster unicuique liberum faciat baptismum aquae, ———
tamen, ne ecclesiam turbare videar, non nisi prouocatus de
hac quaestione verba facio, meumque de ea libellum haec-
tenus nemini legendum dedi, qui me ad id precibus suis non
adege-

adegerit; et ii perpauci sane fuere. Quare mirum videri non debet, si perpauci etiam mecum hætenus sentiunt; nec inde concludendum, aut suspicandum, sententiam meam ex Deo non esse — — —. Dixi, et nunc repeto, cum inter omnes fere, qui Christum profitentur, hætenus ea sententia obtineat, aquae baptismum a Christo eiusque Apostolis omnibus Christi discipulis accipiendum, praeceptum fuisse, nec posse quemquam, qui Christianus esse velit, eum spernere, me ad scandalum et offensionem vitandam aquae baptismum suscepturum fuisse, nisi vulgo ab istis pro baptizato haberer, nempe propter baptismum illum, quem infans in papatu accepi, qui quamvis non sit verus nec legitimus aquae baptismus; tamen ab ipsis esse creditur, quod mihi satis esse dixi, ad scandalum istud et offensionem vitandam. Hoc quidem non est infantium baptismum confirmare, sed potius quantum in me est, euertere; quatenus scilicet sic dicendo fateor, illum nec verum, nec legitimum baptismum esse. Verum tamen, cum mihi aquae baptismus non videatur necessarius iis, qui ex Christianis, id est, Christum profitentibus nascuntur, et in ea professione parentes imitantur, atque ita nihil reuera referre arbitrer, nisi propter scandalum, utrum isti, nec ne, et an potius adulti quam infantes baptizentur, propterea non diffiteor, me circa infantium baptismum non difficilem futurum, si contingeret Ecclesiae aedificationem sic postulare, illumque citra omne scandalum dari posse.“

De eodem argumento l. c. p. 369. scribit: „Quod „multa de ecclesia vestra ad eius laudem narras, ea fateor „esse verissima, idque ut apparet factis comprobo; quan- „do vobis, quoad per vos licet, me adiungo et vos pro „veris fratribus agnosco, qualem tamen vos me nondum „agnoscitis, ad illud si id fieri a vobis velim, me adigen- „tes, quod bona conscientia nullo modo facere possum. „Quamquam multa adhuc in vobis desidero, quae vix „sperare audeo, nisi prius in quaestione hac de baptismo

„examinanda, multo diligentiores, quam adhuc fueritis,
 „vos esse animaduvertero. Nam profecto — — nimis
 „negligenter haëtenus hac in re uos gessistis. Jam enim
 „tertius annus agitur, ex quo vobis librum meum, vestro
 „rogatu scriptum exhibui, necdum tamen aliquid hac de
 „re reuera actum est. — — — Video adhuc illud apud
 „vos retineri, ut errores aliarum ecclesiarum praecipui
 „censeantur, Trinitas et Paedobaptismus, adeo ut si quis
 „istos duos abiiciat, et in infantia baptizatos, baptizan-
 „dos, postquam adoleuerint, omnino esse dicat, cum
 „(quod ad doctrinam attinet) pro fratre habeatis, nec
 „quid in plerisque aliis sentiat, admodum solliciti sitis:
 „cum tamen, quantum ad Paedobaptismum pertinet, is
 „error, etiam si baptismus praeceptus fuisset, idque in
 „perpetuum, nulla ratione cum alijs multis erroribus,
 „qui in alijs ecclesijs vigent, esset conferendus. — — —
 „Nihil charitatem magis laedit, quam ista vestra (ut
 „vulgo eam nominant) rebaptizatio. — — — Si, ut ego
 „contendo, baptismus est res indifferens, error vester
 „eiusmodi est, qualis in Christi ecclesia minime esse de-
 „bet. Videte igitur ne per negligentiam vestram, aut
 „aliam minus iustam causam in errore permaneat, cu-
 „ius nullam, nec veniam neque excusationem postmodum
 „inuenturi sitis.“

*Simoni Ronemborgio Cracouiensis coetus Seniori ip-
 sum multis argumentis admouenti, ut tandem aliquando
 Baptismum susciperet, (V. Epp. F. S. p. 359. seq.) pro-
 lixe respondit, l. c. p. 363. seq. Quaerente MOSCOROVIO,
 cur ipse aquae baptismum seu rebaptizationem non acci-
 piat, cum tamen istum actum indifferentem reputet; SO-
 CINUS ad hanc objectionem ita se defendit in epp. p. 509.
 „A primo ipso initio, cum in Poloniam, ut in Transylua-
 niam me conferrem, veni, rogatus a fratribus Cracoui-
 sibus, sententiam illis meam de Baptismo aperui, idemque
 in Transyluania facere quodammodo coactus fui. Ex
 Tran-*

Transylvania vero non ita multo post in Poloniam commorandi gratia reuersus, eorundem Cracouiensium, nec non Lublinensium fratrum rogatu, vel potius iussu, librum conscripsi, eisque legendum dedi, meamque de baptismo sententiam ab eo tempore et publice inter fratres professus sum et in nonnullis aliis Europae regionibus, aperte cum piis hominibus per litteras et scripta communicau; quippe qui charitate ita iubente vehementer cupio, ut si fieri possit, omnes eiusdem mecum sententiae sint. Primum enim scio, innumerabiles fere homines inueniri, qui vel nullo unquam aquae baptismo tacti fuerunt, vel baptismum, quem infantes cum essent, acceperunt, pro vero aquae baptismo non habent, et interim baptismum rite suscipere, non nisi cum maximo periculo, possunt; quibus si persuasum fuerit, baptismum rite susceptum unicuique, qui Christianus esse velit, omnino necessarium esse, vel sine causa in grauiissimum aliquod periculum se coniicient, vel rem ex ipso sensu, necessariam ad salutem, metu adacti spernent, quod sine certa salutis ipsius iactura vix fieri ab illis potest. Debeo igitur, quo istos, quantum in me est, tanto discrimine liberem, curare, ut hanc, quam statuo veram de aquae baptismo sententiam agnoscant, vel si iam agnouerunt, in ea persistant. Deinde scio, aut certe meritissime suspicor, non exiguum numerum haud impiorum hominum esse, qui sese coetibus nostris apertissime adiungerent, aut certe non ita, ut faciunt, a nobis abhorrerent, atque hac ratione facile ad diuinæ veritatis cognitionem peruenirent, nisi aqua baptismus a nostris hominibus usurpatus illos detereret. Ex quo fit, ut non pauci, qui satis alioqui animaduertunt, apud alios diuinam veritatem non esse, tanquam oues errantes vagentur, et sic vel Athei tandem fiant; vel aliter nihilominus pereant. Quam ab rem vel curare, vel optare saltem debeo, ut ecclesiae nostrae, hoc, quod ego, minime necessarium baptismi iugum et arbitror et diu iam palam appello, fratribus, et ad ipsos accedentibus, imponere aliquando desuescant. Haec autem et alia similia,

quae ita mihi de baptismo sentienti et docenti, vel optanda vel etiam curanda sunt, omnino quantum in me est, impedirem ac prohiberem, si ego ipse aquae baptismum susceperem, praesertim nulla protestatione coram omnibus antea adhibita, me id non facere, quia rem per se necessariam, siue a Christo iussam esse, tandem agnouerim: sed ut me cum fratribus arctius coniungam, velleque mihi posthac liberum esse hac de re et priuatim et publice disputare, meamque sententiam aliis persuadere, quam protestationem fratres a me fieri nullo pacto concederent. Haec rationes in te et aliis, qui nec sententiam de baptismo meam nunquam alios docere instituerunt, nec eandem, quam ego, aut similem vocationem, habent, nec denique de ipsa sententia aequae atque ego sunt persuasi, plane cessant, et interim illae vigent, quas supra commemorauimus, quae vos alioqui ad aquae baptismum, licet per se non necessarium accipiendum hortantur et cogunt.“

De Baptismo et S. Coena abiecte et contemtim sentientem, isto tempore Niemoieuius et Czechovicus publice confutarunt. Quibusdam tamen suam de baptismo sententiam successu temporis persuasit, ita, ut quoque in Synodo Racouiana a. 1603. decretum aliquod ad ipsius votum fuerit statutum, de quo in *Hist. Socin. Polon.* Fuere etiam iam ante Socinum ELEUTHERO BAPTISTAE, qui cuique liberum fecerunt, an baptizari velit, an vitam absque baptismo transigere; aduersus quos AMBROSIVS PELARGUS in opusculis a. 1534. 8. editis p. 105. seqq. scripsit.

Praeter hoc de baptismo iudicium alia adhuc fuerunt momenta, in quibus Fratres Poloni SOCINO acerrime contradixerunt. Multi cum MARC. SQUARCIALUPO in ipso improbarunt, quod nimis sibi blandiretur in euangelio suis: et quicquid in animum ipsi forte per febrim venerit, gloriolae aucupandae studio publicarit atque feruide propugnauerit. V. Epp. p. 6. 10. et 44. Haud pauci

pauci cum ERASMO JOANNIS propugnarunt Filii Dei prae-existentiam ante natiuitatem ex virgine aduersus *Socinum*. Nonnulli, et inter hos GE. ENGEDINUS et JO. NIEMOIEVIUS cum GE. BLANDRATA SOCINI reiecerunt sententiam: nullum inuocandi Christum exstare praeceptum; posse tamen illum citra mandatum diuinum inuocari; quamquam si quis omnino tanta fide praeditus sit, vt ad Deum ipsum perpetuo recta accedere audeat, nec consolatione, quae ex Christi fratris sui per omnia tentati inuocatione proficiscitur, indigeat, opus ei non sit, vt Christum inuocet. NIEMOIEVIUS in primis vrgebat: Inuocationem nominis Jesu Christi aequae esse necessariam, ac veram nominis Christi professionem; stante vero SOCINI sententia, parum abesse, quin otiosum et exauctoratum Christum habituri simus. V. Epp. p. 243. Alii cum ANDR. VOIDOVIO SOCINI commentum detestati sunt, de imperio Christi, quod illud sese porrigat tantum ad Ecclesiam, minime vero ad alia innumera, quae in terrarum orbe fiunt. V. Epp. p. 578. Alii et inter eos JO. NIEMOIEVIUS execrati sunt eius dogma, de sacrificio Christi, non in morte peracto sed in coelis; quo mors Christi extenuatur, effectusque eius praecipuus expungitur. V. Epp. p. 196. Quidam SOCINI opinionem de Spiritu S. quod sit potentia in Deo naturaliter residens, exploserunt, quamuis, nisi deteriore illa, tamen non veriore inuexerint. Nonnulli SOCINI deprauationem sententiae Apostolicae Rom. VII. castigarunt; de qua materia praecipue a. 1589. in *Synodo Lublinensi* acerrime disputatum est, et NIC. ZITNIUS et disputando et concionando se illi strenuo opposuit. Alii aduersus eum corporis Christi glorificationem post resurrectionem asseruerunt, alii cum VOLKELIO aeternos impiorum cruciatus SOCINO contradicente defenderunt. Non pauci impiam satisfactionis Christi abnegationem in eodem detestati sunt. In hac sententiarum discrepantia, *Przypconio* laude omni dignus videtur ciuitatis huius status, quod tantum opinioni-

ous, non vero odiis inter se pugnaverint homines. Acriter quidem disceptatum esse de placitis, tolerantia interim integra atque illaesa.

Opinionibus tamen suis a recepta isto tempore Unitariorum disciplina diuergentibus Socinus effecit, ut nonnulli male de eo iudicaret; quae iudicia parum aestimans, nihilominus totius coetus incrementa promouere studuit, suisque curis ac perpetuis pro hac ciuitate susceptis laboribus, plurimos, sibi alio respectu aduersantes, reconciliauit, reliquos tandem ad partes suas transituros sperauit, quae eum spes etiam non fefellit. Aliquando ad *Val. Smalcium* d. 14. Febr. a. 1595. in epp. p. 515. ita scripsit: „*Quid de me loquantur et sentiant quidam, qui inter fratres haud infimum locum obtinent, iam nihil curare constitui. Hoc tantum curabo, ne ego propterea de studio meo in uniuersum coetum quidquam unquam remittam.*“ Hinc iterum Przypcuius celebrandi eum materiam arripit, ita inquit: „*Faustus ecclesiis Polonicis, quae solum Patrem Domini Jesu summum Deum agnoscunt, publice adiungi ambiuit: sed cum dissensionem in quibusdam non premeret, satis acerbe atque diu repulsam passus est. Qua tamen ignominia minime incensus, vir, non tam indole, quam animi instituto, ac patientia compositus, nulla unquam alienati animi vestigia dedit. Quin potius impressionem variorum hostium, a quibus tunc illae ecclesiae vexabantur, suo sibi ingenio sumpsit propulsandam.*“

Non absque consilio rerumque suarum emolumento ignominiam repulsae variarumque criminationum molem tulit; vel enim hoc ipso gloriam, perferendo et obdurando captare studuit, vel mutatam in coetu hoc rerum omnium faciem, summamque sui existimationem breui tempore futuram praeuidit, et nullam denique inter christianos societatem ipsi aditum esse concessuram, facile augurari potuit. In id omnia eum conuertisse consilia, ut gloriam constituendae peculiaris familiae sacrae; quae
aliis

aliis plurimum praestet, sibi vindicaret, ex epistolis ipsius haud obscure colligitur, quam etiam nominis famam exantlatis innumeris molestiis tandem consequutus est.

§. VII.

Quamuis Faustus sollemni ritu, apud Vnitarios consueto, in sinum publici coetus susceptus non fuerit, maximam tamen inter eos suo pro amplificanda vniuersa ciuitate studio consequutus est celebritatem habuitque quam plures praecipuosque viros ab eius partibus stantes. Sed nec defuerunt omnino calamitates. Cracouiae enim in vitae periculum venit, ac inde a. 1583. Pawlicouium se contulit, circa finem anni 1585. iterum Cracouiam, post aliquot menses Pawlicouium repetiit, anno autem 1587. tertia vice Cracouiam hospitium suum transtulit, ibidemque varia, eaque tristissima expertus est fata, inprimis cum a. 1598. in factione Studiosorum Academiae Cracouiensis, impetu inter moratos homines inaudito pessime habitus fuerit, vt vix *Luclauicias* elabi potuerit viuus. Tandem postquam haeresin tot libris et epistolis, tot publicis ac priuatis disputationibus, susceptis cum vitae periculo itineribus, propugnasset, anno aetatis quinto supra sexagesimum a. 1604. d. 3. Martii in agro Luclauiciano supremum diem obiit.

*

*

*

Magna quidem dudum apud Vnitarios Polonos in aestimatione fuit *Socini* nomen; maiorem tamen *Faustus* post suum e Transyluania in Poloniam reditum in coetu

hoc scriptis ac disputationibus sibi comparauit celebritatem. Inclaruit inter alia opere aduersus *Theses Collegii Posnaniensis* concinnato, nec non disputatione de sententia c. VII. ad Romanos a. 1583. sub nomine *Prosperi Dysidaci* edita, et altera disputatione de inuocatione J. C. contra CHRISTIANUM FRANCKEN, habita in aula CHRISTOPHORI PAWLICOVII (*Morslinius* villae Pawlicouianae dominus) aliisque libris et pugnis litterariis, quibus ingentem nobilium Polonorum multitudinem ad partes suas traxit, et inter hos viros facundiae et eruditionis laude celebratissimos. In horum ordine quoque fuit, praeter *Lubienicios* aliosque *Petrus STOINIUS* vel *STATORIUS Gallus*, qui acti iudicio et singulari eloquentia praeditus, coetum Luclauicianum docuit, eumque ad principia *Socini* imbuit. Priuatim quoque alios non paucos, eosque praecipuos viros disciplina sua instruxit, vt suffragantium sibi non exigua in dies facta sit accessio. Praecipue complures e iuniorum pastorum helveticae confessioni addictorum classe ad partes suas pertraxit, quippe qui propensiores in noua dogmata, nec adeo in edoctis adhuc placitis confirmati fuerunt. Restiterunt equidem ipsi acriter *NIEMOIEVIUS* et *CZECHOVICIUS*, viri maximae auctoritatis, nec non plerique e ministris natu maioribus; interim tamen temporis successu ita occupauit dissentientium animos, vt omnes fere ad eius sententiam concederent. In tanta tamen adplaudentium copia, non defuerunt inimici, quacumque ratione eum insectantes, et male erga ipsum animati. Multum contulerunt ad tot odia feruor disputandi nimius, superba de semet ipso persuasio, quaerendi, dubitandi et speculandi de omnibus rebus pruritus, nec non noua dogmata parturiendi et ex his gloriam captandi studium, quibus omnibus haud raro non mediocres sibi conciliauit molestias ac persequutiones.

Ipse rex Poloniae *STEPHANUS Bathoreus* aduersus eundem ira commotus erat, apud quem seditiosae contra Magi.

Magistratum ciuilem sententiae accusabatur, quamuis ab hac immunis iudicari potuisset. Auctor vitae ipsius hanc ob causam inquit: „STEPHANI Regis aures accusator imbut, seditiosi contra magistratum scripti criminatione. Indignum esse, si auctori vago atque exsuli Italo impune abeat haec audacia.“ Notatur his verbis libellus contra PALAEOLOGUM, cuius sola lectio auctorem a tanto crimine quantum ipsi imputabatur, facile liberari potuit! In eodem adeo improbavit subditorum tumultus et bella aduersus Principes, vt quoque Statuum Belgicorum aduersus *Philippum* II. consilia et bella ad tuendam conscientiae libertatem, nefariae rebellionis accusauerit, et sub nullo vnquam praetextu licere subditis arma capere recte censuerit. Sic p. 261. iudicat: *Ex quo intelligi potest, quam praepostere ii se gerant, qui arma aduersus eos, qui dominantur, capiunt, vt, (quemadmodum aiunt ipsi) Dei cultum et religionem tueantur. Quid a Rege ipsi timendum fuerit, ex verbis PRZYPCOVII l. c. colligitur, cum dicit: „Illinc (Pawlicouias) quam ex vinculis crimina purgare, consultius visum.“* Licet vero Socino in mentem non venerit id, cuius caussa ex hoc libro accusabatur, omnino tamen negandum non est, quasdam ab ipso hoc in passu defendi theses, quae *Magistratui* indifferentes videri nequeunt. Ita in ep. ad *ELIAM ARCISSEVIUM* sentit: „*Magistratum gerere licet; fontes capite plectere, aut membris mutilare, vix arbitror vlllo modo per Christianam charitatem licere. — — De bello statuo, non concedi Christiano, quemquam, etiam per occasionem propulsandi belli, interficere, magistratu licet supremo, id, vt fiat iubente.*“

Inter hostes suos peculiari epistola meminit militis cuiusdam, cui nomen erat *Wiernecus* quantisque ab hoc contumeliis adfectus fuerit, ipse narrat. Sed de his paulo post. Ex aduersis quae expertus aliquando erat satis, se non satis tuto *Cracouiae* commorari iudicauit, discedens hinc ex primaria regni vrbe, vbi quartum iam age-

bat annum, *Pawlicouiam* a. 1583. concessit, quod ex ep. ad MATH. RADECIUM constat, in qua *Pawlicouiae* 1585. d. 17. *Martii* scripta indicat, quod ibidem iam duos annos habitet. Commendauerat hunc locum SOCINO *Dudithius*, quod ex illius ad hunc quarta, *Martii* a. 1583. data in epp. F. ad *Dudithium* p. 81. discimus; ita enim inquit: „Ego me iam ad alterum duorum istorum locorum, quae tu putaueras, et eum quidem, quem tu minus tutum iudicaueras, contuli, quod ob multas me caussas, quam possem, minime hinc longinquum abire oporteret: quamuis nisi valde fallor, periculum neque fuerit, neque sit, in quocunque tandem loco, admodum graue, multoque leuius fuisset atque etiamnum esset, si meo consilio atque modo res administrata fuisset. „*Pawlicouianus* ager paucis passuum millibus, secundo nimirum *Cracouia* lapide distabat, eiusque dominus fuit vir nobilis Polonus CHRISTOPH. MORTINIUS, qui ideo in epistolis SOCINI Dominus PAWLICOVIVS frequenter appellatur. Sub huius tutela se rationibus defendere, criminationesque omnes diluere statuit. Nec incommodum erat hospitium, vbi non tam latebris ab obscuritate istius secessus, quam nobilitatis in gente Polonica priuilegiis, sese tutatus est. Grata proinde mentis recordatione humanitatem et amicitiam sibi in tranquilla hac sede exhibitam saepius praedicauit.

Hoc loco cum priuatus degeret, MART. BERZEVICIUS, STEPHANI Polonorum Regis per Transyluaniam Cancellarius, honestam illi conditionem a. 1583. vltro per RESMINUM nobilem quendam, SOCINO pluribus modis coniunctissimum, obtulit, quam vero accipere, seque in Transyluaniam conferre, STEPHANI Regis iram atque vindictam veritus, recusauit. Constituit enim apud se Principis antea inire gratiam et criminationem a se auertere, quod in ep. ad BERZEVICIUM d. 12. *Martii* 1583. scripta in epp. p. 683. pluribus significat. In publicum proinde hominum conspectum antea se dare abstinuit, quam certo sciret, *Regem* aduersam de ipso opinionem

con-

consiliumque ultionis deposuisse, quod indubitatus speravit, cum per summam iniuriam sibi imputari deprehenderet, quod libro isto aduersus PALAEOLOGUM subditos contra Magistratum concitauerit; cum potius, quae mala sibi contrahat populus, qui arma aduersus legitimum magistratum capit, exposuerit; tantum vero Regis odium sua sententia de bellis omnino illicitis, non promeruerit. Ita autem hanc exposuit l. c. P. I. p. 144 et 145. „*Vestris belli gerendi Christiano populo concessionibus factum est, ut contra ipsum magistratum Christi nomine gaudens populus arma capere non dubitauerit, vobis non modo assentientibus et approbantibus, verum etiam suadentibus atque impellentibus, et libris praeterea editis, id et posse, et debere fieri publice contestantibus ac contententibus. Testis est hodie eorum, quae dico, orbis ipse terrarum, qui haec fieri aut vidit, aut certissima fama accepit, sed testes potissimum sunt duae nobilissimae provinciae, Gallia et Germania inferior, quae ciuili sanguine iam diu madent, atque redundant, eo, quod persuasum sit, ex certis quibusdam caussis populo seu populi parti, aduersus Dominum ac Principem suum bellum gerere licere. Itaque hac aetate nostra, ab iis, qui Christianos se esse prae caeteris iactant, per speciem Christianae religionis asserendae, id fieri vidimus, quod barbari atque efferrati homines facere exhorrescunt, ut scilicet contra proprios Reges arma ferant etc.*“ Rebus sic stantibus quam maxime BERZEVICIUM rogat, ut litteris suis apud Principem intercedat, huiusque contra se iram componat. Ita in ep. allegata l. c. p. 685. se ipsum ab imputato sibi crimine liberare adnititur. „*In eo libro, quo JAC. PALAEOLOGO pro Racouiensibus respondetur — — nec de magistratus auctoritate reuera agitur, sed de Christianorum hominum priuatorum officio, et tamen ea dicuntur, quae ad eam quam maxime confirmandam pertinere possint. Nec sane quemquam hodie esse existimo, qui magistratui plus tribuat, quam vel ego tribuo, vel in eo libro a me tributum fuit, — — —*

Quo

Quo factum est, ut, quamvis nihil fortassis acerbius mihi in vita contigerit, quam tanto Regi imminutae quodammodo Magistratus auctoritatis nomine suspectum esse, tamen de me illi purgando hactenus non admodum laboraue- rim, aut sollicitus fuerim, sperans omnino fore, ut liber ipse per se aliquando satis pro me loquatur, et inde mihi remedium iure exsistat, unde malum iniuria exortum est."

Cum hanc de se famam in Italia quoque sparsam animaduerneret, supplices ad magnum *Hetruriae Ducem* litteras scripsit, suamque causam, quacunque potuit ratione defendit, veritus, ne facultates, quas in patria habuit, ex quarum usuris vitam adhuc sustentauerat, propter remeritatem, qua Magistratum laesisse ubique notabatur, Fisco adiudicarentur, quod post *FRANCISCI Florentini Ducis* obitum, vel propter istum librum, vel propter discessum a religione et ex patria, vel ex utraque ratione factum esse scimus. De hoc argumento in ep. ad *DUDITHIUM* IV. d. VI. *Id. Martii* a. 1583. scripta in Epp. ad eundem p. 82. scribit: „Dolet mihi, quod intellexerim, *Vienna Cracoviam* perscriptum, illic spargi, me, quod librum quendam contra magistratum scripvissem, e *Polonia* aufugisse, quamvis id iam praevidissem. Ideoque ut remedium aliquod adhiberem ei malo, quod rumor eiusmodi rebus meis in Italia insigere posset, iam constitueram ad magnum *Ducem Princeipem meum*, quo me purgarem, *MAGNAMQUE DUCEM*, ut causam meam apud maritum commendaret, litteras exarare, prout postea feci, idque praesidio mihi alicui auxilioque futurum spero. Sed fiat, quod diuino Numini visum fuerit."

Per integrum triennium dulcissimis hospitii *Paulicoviani* commodis usus est *F. Socinus*; et quo maior esset fauoris ac amoris testificatio et intimioris amicitiae usus, ambienti filia familias *Toparchae Morstinii*, virgo nobilis *ELISABETHA* in matrimonium collocata est, sicque ex hospite gener factus, firmissimis vinculis securitatem suam in libera *Polonorum* republica confirmasse sibi
visus

visus est. Ex hoc agro *Pawlicouiano* ad *Synodum Chmielnicensem* a. 1584. d. 2. *Sep.* litteras dedit in Epp. p. 193. imo eidem ipse deinde interfuit. Acta Synodi huius *Mstra* sequentia continent momenta, ad ipsum spectantia: *Socinus* scripta, tum *Volano*, tum *Jesuitis Posnaniensibus* opposita, suo, non coetus nomine in publicam lucem emitteret. Ad librum aduersus *VOLANUM* typis exscribendum, *BLANDRATAM* sumptus suppeditaturum. *Nitrelinum* coram synodo *Faufus* accusauit, quod aduersus ipsum non rationibus et argumentis, sed scommatibus Christi ciue indignis pugnauerit. Quod in ipsa hoc synodo aduersus *Christianum Francken* disputauerit, alio loco notauit. Ipsi in hac synodo pericula exponenti, quibus in Polonia, et *Cracouiae* maxime adhuc expositus fuerit, ob disputationes cum Italis habitas, et scripta *Iesuitis* opposita, synodus quidem gratias habuit pro laudando in commodum totius coetus studio; id circo tamen eum admonuit, ne quaestionibus suis subtilibus toti societati, praeter necessitatem, pugnas conflaret, debilesque animos offenderet. Hoc obseruato, totum ipsi coetum prompta praestitutum esse officia, et quodcunque in aduersis patrocinium. In hoc otio *Pawlicouiano* inter alia, librum contra *EUTROPIUM* concinnato disciplinam et causam Fratrum Polonorum propugnauit.


Vergente ad finem anno 1585. iterum *Cracouiam* venit. Quibus excitatus fuerit motiuis, ignoramus, hoc tantum ex translato in metropolin hospitio inferentes, quod isto tempore Regis vindictam minus timuerit, postquam Socerum, Nobilem Polonum, eumque magna auctoritate in Republica praeditum nactus fuerit. Variis ibidem occupationibus eum distractum fuisse *MATTH. RADECIO* in ep. d. 5. *Jan.* a. 1586. testatur. Reuersus iterum *Pawlicouiam* ibidem vsque ad *Mensem Mart.* vel *April.* anni sequentis 1587. substitit, quo tempore cum coniuge sua iterum *Cracouiam* concessit. Ita enim ad *JO. NIEMOIEVIUM* d. 20. *Martii* 1587. in Epp. p. 218. scribit:

bit: „*Propediem hinc Cracouiam migraturus, ibique propriam Oeconomiam instituturus sum, quae res, cum praesertim omni fere domestica ac necessaria suppellectile adhuc caream, quamdiu me pacne totum occupatura sit, satis intelligere potes.*“ Sed posthac propria destitutus oeconomia, coniuge paulo post defuncta, Cracouiae usus est mensa et hospitio D. BUCCELLAE, vnde quoque munusculum PHIL. ZAKRZEVII (de quo V. B. A. P. II. p. 1039.) cuius ANDR. VOIDOVIUS ipsi spem fecerat, accipere declinavit. Ita enim ad VOIDOVIUM e suburbio Cracouiae d. 9. Aug. 1595. scribit: „*Nihil rerum necessariarum mihi desest, ex eo tempore, quo D. BUCCELLAE mensa, dum ipse adest, gratis vtor. — — — Quod si alios meos nostri coetus viros non pauperes imitari velit, (ZAKRZEVIUS) qui aliquid contulerunt, aut collaturos se spondent, ad meorum scriptorum editionem; id sane non modo non recusabo, sed ambabus, quod aiunt, vhis amplectar.*“ Post aliquod tempus, domo D. Buccellae relicta, alio usus est hospitio, de quo ita ad Jo. VOLKELIUM d. 8. Martii 1597. in Epp. p. 493. scribit: „*Ego in antiquo meo hospitio Da Bractiny Illicy habito, dubius adhuc, an posthac sim, ut antea apud D. BUCCELLAM, habitaturus, quamvis ipse id percupiat.*“ Per integrum quinquennium ab anno 1592. hospitio et mensa D. Buccellae gratis usus est, quod CHRISTOPH. MORSTINIO die 8. Martii 1597. significat in epp. p. 505. Cracouiae ipsi a. 1587. circa Pentecostes festum filia, quae nomen matris FAUSTI AGNES tulit, anno aetatis 48. nata est. Primus iste coniugis suae partus fuit, quod litterae ad NIEMOIEVIUM referunt. Filia haec post mortem Patris STANISLAO WISSOWATIO, Equiti Polono nupsit, ex quo duos peperit filios. Vniuersam quam F. S. ex filia vnica tandem habuit sobolem ad nostram usque aetatem, subiunctum schema genealogicum exponit, quod a JONA CHRISTOPH. SCHLICHTINGIO amice mihi exhibitum hoc loco suppedito; praemissis huic maioribus LAELII et FAUSTI.

Quan-

Schema Genealogicum familiae Socinianae.

Ad p. 686.



[Faint, illegible text at the top of the page, possibly a header or title area.]

[Faint, illegible text in the upper middle section, appearing to be several lines of a letter or document.]

[Faint, illegible text in the lower middle section, possibly a signature block or a list of items.]

[Faint, illegible text in the bottom section, continuing the document's content.]

[Vertical text along the right edge of the page, likely from an adjacent page or a margin note.]

Quantam filiae natalis Socino procreauit laetitiam, tantum ex aduerso luctum ex obitu dilectissimae coniugis, qui mensē *Sept.* eiusdem anni 1587. accidit, sensit; quae moestitia illum adeo perculit, ut quoque aegritudo corporis eam insequeretur, profecto pertinax, ut negotiis studiisque suis praeesse per aliquot menses non valuerit. De hoc obitu ita ad *Niemoieuium* d. 1. *Febr.* a, 1588. in Epp. p. 334. scribit. „*Venisseni sane Chmielnicium, cum Septembre proximo synodus ibi est habita a vobis; sed praeterquam quod nemo ex Cracouiensibus fratribus profectus est, incidit etiam in idem plane tempus carissimae meae coniugis mors, qua tantopere sum perturbatus, et adhuc perturbor, ut tibi in simili olimiactura vehementem illam perturbationem condonandum esse prorsus iudicem; nihil ego non dedissem, quo fieri posset, ut uxor mea, quantumuis minus sana, mihi superstes fuisset.*“ Et in ep. ad Jo. BALCEROVICIUM d. 21. *Nov.* 1587. *Cracouia* data in epp. p. 347. testatur, quod vxoris suae obitu tanto dolore affectus, quantum vix paucos alios in tali casu senserit, ita ut corpus ipsum quoque vehementer labefactatum fuerit, et pristinos labores aliquot menses intermiserit, imo quod adhuc doloris et perturbationis plenus sit.

Post haec tempora saepius aduersa valetudine, maxime calculi doloribus conflictabatur, ut synodos pro voluntate sua frequentare non potuerit, utpote ipse in epistolis suis aliquanto questus est. Sic in ep. ad Synodum CHMIELNICENSEM aduersus Chiliastras d. 17. *Sept.* 1589. scripta in Epp. p. 415. seq. significat, quod praeteritis sex septimanis graui ac multiplici morbo implicitus fuerit. Anno 1602. d. 17. *Febr.* in ep. CHRISTOPH. OSTORODO data, in Epp. p. 471. conqueritur, quod perpetuo oculorum fluxu et dolore quinque iam septimanis vexatus sit, necdum a malo hoc liberatus ita, ut nihil omnino legere possit.

Filiae educandae curam defunctae coniugis soror in se suscepit, quamvis educationis rationem F. Socinus non omni respectu probauerit, qua de re ad ANDR. VOIDOVIVM d. 9. Aug. 1595. scribit: „De filia mea nihil aliud me sollicitat, nisi quod, ubi nunc est, otietur, ni fallor, plurimum, nec iis vel faciendis vel addiscendis exercetur, quae Christianam puellam decent, nisi raro admodum, idque negligenter. Nihil tamen certi iam diu rescire potui, et difficile mihi erit, eam ab sua matertera auellere.“

Quam ex coniugis suae iactura expertus est calamitatem, alia insecuta, de qua auctor vitae Socini sequentia habet: „Ne quae calamitatis species abesset, eadem fere tempestate, per mortem FRANCISCI Magni Ducis Hetru-
riae, fructus bonorum eius, quem quotannis ex Italia capiebat, penitus ipsi fuit ereptus. Sane aliquanto ante criminorum acerbitate, ac minis Pontificum bona eius in periculum venerant. Sed ISABELLAE MEDICEAE Magni Ducis Hetru-
riae sororis, quae PAULO JORDANO VRSINO (quem supra commemoravi,) nupta fuerat, dum vixit enixo studio et postea ipsius FRANCISCI M. Ducis benevolentia factum est, ut illo superstite annuos ex iis redditus SOCINUS caperet. Adeo nondum illic meritorum eius exoleuerat memoria, ut litteris ac precibus damnati et exulis pridem destituti, ac saepe repudiati, principes difficillima in re gratificarentur. Humanissimis quoque litteris com-
pellatus, et in posterum quoque bono animo esse iussus est, quamdiu vita illis suppeteret, dum ne in libris edendis nomen suum publice exstare pateretur. Sed tum illos Principes infestum Socini fatum abstulerat.“ De casu hoc aduerso in ep. ad Phil. B. (Buccella) ex agro Pawlicouiano d. 5. cal. Jan. 1584. scripta, in epp. p. 51. ita lamentatur: „Paulo post, quam tuas litteras accepi, (scriptae hae erant Cal. Sept. 1583. Posonii) certior factus fui, usum meorum bonorum, quae omnia in patria habeo, ademtum mihi esse, et propediem ipsa quoque bona mihi ereptum iri, quae res
adeo

adeo totum vitae meae statum ac rationes perturbauit, ut necesse fuerit, me plurimis cogitationibus a me ipso quodammodo aliquamdiu distrahi atque diuelli.“ Et in ep. secunda ad MATH. RADECIUM in Epp. p. 94: „Mitterem scriptum (aduersus ERASMUM JOANNIS) ad te, si ullum exemplum praeter meum ipsius autographum, quod vix ipse legere possem, apud me haberem. Nullum autem habeo, quia amanuensi prorsus careo, sic ferentibus rebus meis, cum mihi iam diu periculum bona mea, quae omnia in patria habeo, perdendi impenderit, et tandem paucos abhinc menses rescuerim, seuerissime praeceptum fuisse ei, qui mea curat, ne vel obolum quidem ad me mittere audeat, vel etiam ad me scribere, aut meas litteras recipere. Itaque in hac paupertate seu potius extrema mendicitate, ingentes labores in iis, quae iugiter mihi scribenda sunt, postea mea manu, ut legi possint, describendis, subire cogor.“

Paulo ipsi post aliqualis melioris fortunae spes adfulsit. Hinc ad eundem RADECIUM d. 8. Jan. 1586. in Epp. p. 137. scribit: „Haecenus mihi patria bona erepta non fuisse et spem aliquam superesse, me vel inde tantum corradere posse, unde victum et vestitum mihi parare queam, vel etiam aliquamdiu adhuc illis omnibus fruiturum, quod sane ob id vnum gratissimum mihi foret, quod amanuensem nutrire possem, sine quo aegerrime ea, quae meae vocationis mihi videntur, exsequi me posse plane perspicio. Hunc autem si a fratribus non habeo, nihil est mirum, cum summa sit inter eos paupertas, et in commune non conferendi culpa in paucissimis quibusdam tantummodo haereat; quos equidem arbitror, si vellent, posse omnibus Ecclesiae necessitatibus sufficere.“ Vanam vero redituum ex Italia obtinendorum concepissem expectationem, ep. JO. VOLKELIO d. 3. April 1593. data comprobatur, in qua conqueritur: quod nullum nec habeat nec habere possit amanuensem, et quod scripta iterum iterumque ex autographo suo describere cogatur, rogatus ab amicis absentibus, ut

illa cum ipsis communicet. Ipsum tamen hunc VOLKE-
LIUM eidem ad tempus praestitisse amanuensis operam,
eiusque dictata calamo excepisse, testis est ep. *Socini* 1602.
d. 19. Martii scripta ad *Christoph. Ostorodum*.

In his angustiis liberalitatem quorundam diuitum
ciuitatis huius, maxime *Ph. Buccellae*, expertus est. Ipse
in aduersae fortunae tempestatibus vnicum solatium in
negotiis, quibus semper distractus ac onustus erat, quae-
siuit. Conuentibus societatis circa hoc tempus frequen-
tissime institutis, quoties morbus eum non impediuit,
interfuit, suaeque placita ibidem congregatis commenda-
uit, et aduersus secus sentientes acerrime propugnauit.
Ita anno 1588 in *Brestensi Synodo* flagrante zelo, sum-
maque omnium admiratione de dogmatibus ipsi peculia-
ribus, de morte et sacrificio I. C. de iustificatione, de
humana natura disputauit. *Przypcuius* l. c. hanc dispu-
tationem ad annum 1598. collocat, quo tempore etiam
Petrum Stoinium, *Petri Statorii Theonwillani* filium coe-
tui *Luclauiciano* praepositum esse perhibet; vtrumque ve-
ro a. 1588. accidisse monumenta fide digna testantur. V.
B. A. P. II. p. 922.

Ex fatis aduersis peculiare quoddam ac triste quod
d. 6. Oct. 1594. *Cracouiae* accidit, ipse ANDR. VOIDO-
VIO, in ep. *Cracouiae* postero die data in Epp. p. 585.
his verbis exponit: „Spero Deum ab omni malo me defen-
surum, quoniam heri me e manibus eripuit Domini
WIERNIEK generi Domini LIGEAE nostri. Is enim in pu-
blica via, hic *Cracouiae*, cum eques esset, et decem circi-
ter aut duodecim equestribus aliis militibus, quibus ille
videbatur praeesse, comitatus, cumque ipsi obuiam essem
factus, me agnito iussit, ut sui milites me vi secum abri-
perent, cumque ego orarem, ut me hominem innocentem
dimitteret, dixit vociferans, me esse ARIANUM, ipsiusque
Patrem seduxisse, nec dignum esse, qui viuerem, nedum
Cracouiae habitarem, et iterum atque iterum saepius me
iussit

iussit abripi. Me autem vociferante, et populo multo occurrente, iussit mihi os luto spurcissimo semel ac bis obstrui, deinde etiam totam faciem conspurcari foedissime, nemineque eorum, qui circumstabant audente ei quicquam dicere, tandem me, nescio quo pacto, ea conditione dimisit, si illum humillime rogarem, et ad pedes illi acciderem, id quod ex parte tantum feci, atque hac ratione sum ab eo missus. Sunt, qui dicant, illum prae se tulisse, ac si vellet me sclopeto transfigere, quod tamen ego non vidi: sunt etiam qui plane assirment, cum iam me dimisisset, et ego domum quandam ad tantum lutum abluendum ingressus essem, unum ex ipsius militibus ibi prope remansisse aliquantisper, ut si ego prodixissem, me globo transuerberaret. Sed Deus voluit, ut valde diu in loco illo me abluendo occuparer, ita, ut ille postea abiisset, cum ego domum inde me retuli, quo simulatque perueni, genibus flexis gratias egi de tanta liberatione. Tu idem facies meoque nomine ad idem fratres, quos poteris, hortaberis, rogabisque omnes Deum, ut me posthac protegere velit, nec permittere, ut quidquam christiano homine indignum mortis metuendae gratia faciam.“

Quem perpeffus erat hoc modo lugubrem casum, pro additione propter nomen et gloriam Christi habuit, proinde ad VAL. SMALCIUM d. 14. Febr. 1595. in Epp. p. 516. scribit: De meo illo satis sane, si carnem spectes, acerbo casu, non erat, si spiritus rationem habere velis, quidquam dolendum. Imo Deo et erant, et sunt gratiae agenda, quod velit me aliquid propter ipsius et Christi gloriam perpeti; mihi interim ex animi constantiam tribuat, ut eo, magis ad meae vocationis cursum implendum sim animatus.“

Maximum odium tristioraque fata aduersus se confluxit, cum a. 1594. procurante ELIA ARCISSEWIO, Smigliae Domino disputationem de Jesu Christo Seruatore, eamque praefixo nomine suo, quod adhuc in libris editis

sollicite celauerat, excusso hoc timore, cum iam patrimonio suo in Italia priuatus fuit, *Cracouiae* in publicam lucem emisit. Hanc enim multarum aduersus se barbarum occasionem daturam, ipse praenoscebat ac augurabatur in ep. ad *Vadovitam* in Epp. p. 602. quae coniectura eum quoque non fefellit. Tandem a. 1598. procellosa in *Socinum* prorupit tempestas. Studiosi enim per quosdam scholasticos Romanae religionis commoti, in ipsius domum irruerunt, et cum aeger et reparandae valetudini intentus esset, in eius cubile irruperunt, seminudum extraxerunt, et per publicas *Cracouiae* plateas et forum, deposcentibus ad supplicium plerisque, contumeliose raprarunt. Sine omni dubio tumultuantium turba eidem truculentam necem intulisset, nisi eum MATTH. VADOVITA, Acad. *Cracou. Professor* violentis manibus eripuisset, cui in hoc negotio *Magnificus Rector* D. LELOVITA, et GODECIUS praesto fuerunt, quibus vindicibus suis, et si qui alii fuerint ordinis Academici, quorum nomina ignorat, in ep. ad *Vadovitam* maximas gratias exsoluit, et quantum illis debeat, perpetuo se agniturum, idque et verbis et factis ubicunque poterit, libentissime testaturum promittit. Vniuersa tumultuantium studiosorum et luctuosissimi casus Acta copiose prosequitur MATTH. RADECIUS, in ep. ex agro *Buscoviano* d. 18. Junii 1598. ad Corn. DAEMS, *Bruxellensem* scripta, quam ineditam CRENIUS l. c. P. IV. p. 233. inseruit, quam hoc loco exhibeo: „In praeterita vigilia festi ascensionis Domini „— — — duo ex studiosis *Cracouiensibus* (quorum studiosorum proteruia tibi aliqua ex parte fortassis nota „est) D. SOCINUM nostrum, quod hospitium pro festo Paschatis mutasset, et ad quendam eius ciuitatis Proconsulem DANIELEM nomine concessisset, diu multumque quae „fierant, donec tandem inuento hospitio et habitatione, „praetendissent, se litteras ad ipsum *Vienna* habere, quas „postero die tradituri essent, atque ita abierant. Postero „ipso ascensionis die, cum diabolus pro more ad ipsos de „scen-

„scendisset, turmatim ad ipsas aedes, in quibus diuertebatur, venerant, fores pulsantes. Hospes SOCINI Proconsul, cum non illico aperuisset, minas adiecerant, nisi in aperiundis foribus morem gessisset, vi se irrepturos esse, fortassis non sine ipsius, atque adeo ipsarum aedium periculo et detrimento. Minis territus et percussus Proconsul, fores aperit. Paulo tamen ante non sine singulari Dei providentia, eius filius ad Dominum SOCINUM grauiter decumbentem et ex calculo laborantem, ascenderat, praesens periculum ob oculos posuerat, et eius clauēs, quasi parentis proprias, ad se receperat. Ibi duo illi, qui SOCINUM die praeterita quaesierant, subsecuti in eius conclaue, seu hypocaustum intrantes, litteras, Vienna quasi allatas exhibent. Quas cum aperuisset, nihil scripti, nudam saltem chartam deprehendit, ac proinde eos ita affatur: Ludificamini fortassis me adolescentes optimi, dum nudam chartam pro litteris exhibetis. Non ludificamur, inquiunt illi, quia imperamus, ut nobiscum ad D. Rectorem te illico conferas. Ille non tantum morbum caussatur, sed, quod res erat, adiecerat; se Domino Rectori non subesse, sed ciuitatis magistratui; si quid aduersum se habere existimarent, in ius vocarent, se libenter pariturum esse. Ibi cum vim adhibuissent, illumque ex lecto sustulissent, ille vero reluctatus fuisset, atque vim sibi fieri, tam clara, quam per morbum potuit, voce dixisset, inter ipsorum manus in terram conciderat. Tum reliqui irrupunt, quotquot in hypocaustum intrare poterant, et primum quaerunt cuiusnam sint arculae, cistae etc. quas in hypocausto videant. Hospitis Proconsulis filius respondet, parentis, esse, atque arreptis clauibus, quas Zonaē de industria alligauerat, ipsis inspectantibus aperit, et ilico vicissim claudit. Iis omnibus igitur relictis, in quibus non tantum ipsius SOCINI, sed aliorum etiam res pretiosiores adseruabantur; ipsius libros, scripta omnia, litteras, vestes et simul ipsum D. SOCINUM, cir-

„cumieſto ſaltem illi pallio, rapiunt, atque ita abſque
„pileo, nudo capite, abſque calceis, nudis pedibus per
„plateas in forum ad Praetorium vsque ducunt. Vbi
„vaga multitudo, vt in eiſmodi caſibus fieri conſuevit,
„circumfuſa quaerit, quid rerum geratur? Illi reſpon-
„dent, Haereſiarcham ſe ad focum ducere: gladium e
„vagina eductum, et volumen ingens explicatum, ſeu aper-
„tum ipſi praeferentes; et ſicubi ad locum aliquem luto-
„ſum peruentum fuiſſet, chartas et ſcripta ſubſtrauerant,
„dicentes, ſe eo id facere: ne haereſiarchae pedes made-
„fierent. Apud Praetorium in ignem e veſtigio excita-
„tum eiſ libros, ſcripta, chartas, litteras coniciunt,
„idem ipſi minitantes, niſi reuocaſſet. Ibi tum ille ma-
„gno animo inquit, non reuoco, imo qui fui, ſum et ero
„per Domini Jeſu Chriſti gratiam, quoad vixero, et vos
„facite, quae vobis Deus permiferit. Et cum is inſu-
„per, qui gladium e vagina eductum praetulerat, caput
„ſe ipſi a ceruice reuulſurum minatus fuiſſet, niſi illico re-
„uocaſſet: Socinus immotus perſtitit, vt plerique eiſ
„constantiam admirarentur. Cum itaque eo in loco ni-
„hil efficiunt, ad Iſtulam ducere incipiunt, vt in aquas
„praecipitatum ſuffocarent; ſed cum per plateam forte
„ducerent, in qua ſunt aliquot Philoſophorum collegia,
„Profeſſor quidam, tumultu excitatus e fenestra conſpi-
„cit, quaerit, quemnam ducant? Haereſiarcham ſe du-
„cere reſpondent. Is iubet vt ad ſe introducant; parent,
„exiſtimantes forte, non incommodam oblatam occasio-
„nem; habituros videlicet eum, qui factum excuſaturus,
„ipſosque deſenſurus atque tutaturus eſſet. Ille vero
„Socinum in aedes receptum, ſtudioſos omnes excludit,
„et in hypocaustum cum introduxiſſet, quaerit, quisnam
„ſit? Is, cum Faustum Socinum ſe eſſe reſpondiſſet,
„tanti viri vicem dolere coepit, cibum apparari iuſſit, po-
„tum praeſtuit, vt ex iſta conſternatione et fatigatione, vi-
„res aliquo modo recuperaret. Cum vero Socinus ro-
„gaſſet, vt puluinaria potius exhiberentur, vt corpus
„aegrum

„aegrum quieti tradere, atque ita se recolligere posset,
„morem gerunt, puluinariae exhibent, mandare corpus
„quieti iubent. Quod cum ille facit, Professor abit, So-
„CINO clauēs hypocausti tradit, iubet, ne cuiquam, quan-
„tumuis pulsanti, aperiat, se enim alias clauēs habere,
„quibus hypocaustum quādocunq̃ libitum esset, facile
„aperire posset. Vix quietem SOCINUS coeperat, cum
„adsunt, qui fores pulsant, se intromitti postulant. So-
„CINUS dubius, quid facere potissimum debeat, cum prae-
„sertim illi pulsare non desisterent, veritus, ne forte vi
„fores effrangerent, aperit, illi se Dominorum MISKO-
„VIORUM familiares et famulos esse profitentur, a Domi-
„nis MISKOVIISS missos, vt ipsum ex pessimorum illorum
„hominum manibus creptum in libertatem assererent,
„gratulantur, quod viuū intueri ipsis datum fuisset;
„noluisse se inde discedere, nisi ipsum suis oculis con-
„spexissent, voluisse enim rem certā Dominis MISKOVIISS
„renuntiare. SOCINUS cum Dominis MISKOVIISS, tum ip-
„sis quoque illorum familiaribus et famulis magnas ait
„gratias, et ipsi clausis foribus abeunt. Paulo post Pro-
„fessor hospes, qui illum in suas aedes introduci iusserat,
„redit, comitatus alio quodam Professore Jurisconsulto,
„qui suadet, ibi SOCINUM diutius non relinquendum, ve-
„rendum enim esse, ne studiosi reuersi, vt inde illum ab-
„riperent, atque ita posteriora prioribus deteriora fie-
„rent. Mittantur igitur, qui SOCINI vestes adferant, ve-
„stitum Iureconsultus sub vesp̃eram in aedes suas dedu-
„cit, coenam parari iubet, omnia humanitatis officia ex-
„hibet. Quod cum ad studiosorum aures perlatum fuif-
„set, esse nimirum SOCINUM in Iurisconsulti illius aedi-
„bus, eo cateruatim aduolant, eo procul dubio consilio,
„vt illum vi abreptum tandem e medio tollerent. Sed
„omnipotens Deus, qui eum superstitem esse voluit, mi-
„raculose quodammodo ostendit, ex se consilium nulla-
„tenus dissolui posse, et se certissimum esse suorum tem-
„pore necessitatis praesidium; magnam vim pluuiarum,
„gran-

„grandine mistam dimittit, flamma inter nubes corruscet,
„coelum tonitru contremittit, ut ita illi in sua dilapsi nus-
„quam postea comparuerint. Sub ipsum deinde vesper-
„tinum crepusculum Iureconsultum illum adit Italus qui-
„dam Vincentius N. et licet, ut ita dicam catholicissimus,
„SOCINUM tamen sibi tradi petit, ut in locum tutiorem
„deducere possit, parer ille, atque ita VINCENTIUS eum
„in aedes suas introducit, ubi, cum per aliquot noctis
„horas quievisset, sub diluculum, adornato curru IGO-
„LOMIAM, ad tertium a ciuitate Cracouiensi lapidem, ad
„generosum D. JOANNEM BAPTISTAM CETTIS, (V. B. A.
„P. I. p. 97.) in Domino fratrem nostrum vehitur.
„Quae fama cum ad aures fratrum peruenisset, qui in
„territorio Cracouiensi Racouiae, et in submontanis habi-
„tant, illorum septem existimantes SOCINUM iam e me-
„dio sublatum esse, Cracouiam aduolant; cum SOCINUM
„adhuc viuere et IGLOMIAE esse cognouissent, Profes-
„sores tamen adeunt, cum ipsis exposcunt, exprobrant,
„quod iuuentutem in officio continere non possent etc.
„Cum nonnullos libros SOCINI nondum exustos esse com-
„perissent, vestes etiam ab aliquibus asseruari, ea omnia
„arresto, quod vocant, subiiciunt, deinde in hospitium
„se conferunt, ut corpora reficiant, atque ita se ad SOCI-
„NUM Igolomiam conferant. Vix hospitium ingressi fue-
„rant et studiosi adesse nuntiantur, ut et ipsis vim infe-
„rant. Verum et illorum misertus Dominus, iterum
„ingentem pluuiam, grandine mistam, mittit, qua illi ab
„incepto desistere, fratres nostros missos facere coelitus
„coacti fuerunt. Qui deinde ad D. SOCINUM Igolomiam
„profecti saluum illum et incolumem ab omnibus mor-
„bis, quibus ad persecutionis illud tempus afflictatus
„fuerat, mirifice liberatum inuenerunt. Dum interro-
„gassent, quomodo in istis perturbationibus animatus
„fuisset? Respondit, oportere Christianum animum
„neutiquam despondere, sed si secundum voluntatem Dei
„patiat, ut fideli creatori animam suam in benefactis
„com-

„commendare, sibi perinde iam esse, ac si ea omnia per
 „quietem vidisset, nihil fuisse incommodi, corpus sanum
 „et integrum iam esse, quod ante variis morbis obno-
 „xium fuerat. Librorum quidem iacturam ad trecentos
 „florenos polonicos aestimare, chartas, litteras, scripta,
 „præsertim vero nouum testamentum syriacum, ut
 „pote res irrecuperabiles, aestimari vix posse; sed se hæc
 „omnia Deo committere ipsique gratias pro ineffabili
 „sua gratia et misericordia, qui se tam mirabiliter seruasset,
 „immortales agere. Hæc quæ ad te scribo, fratres in
 „Lublinensi Synodo, nobis retulerunt, quemadmodum id
 „Cracoviae et ab ipso D. Socino Igolomiae suis auribus
 „audiuerant, vnde aestimare potes esse verissima.“

Quæ Cracoviae passus est aduersa, alii quoque a discipulis ordinis, qui societatis Jesu nomen adfectavit, quorum petulantia et audacia in Polonia plane nefanda et indomita olim fuit, perpessi sunt. ANDR. VOIDOVIUS (B. A. P. II. p. 988) simile fatum habuit a. 1611. quod VAL. SMALCIUS in *diario vitae* l. c. p. 1188. exposuit. Neque in Antitrinitarios tantum, sed aduersus dissidentes quoscunque et Euangelico-Lutheranos eadem proteruitas, maxime Cracoviae sæpe numero perpetrata legitur. V. *Recens. Nov. antiq.* a. 1717. p. 50. seqq. quo loco complura huius vesaniae specimina in compendio narrantur, et inter alia, etiam funerum, si quando mortui efferrerentur, inhumanae aggressiones.

In ep. ad *Vadovitam* d. 14. Jun. a. 1598. ex agro Igolomiano data, Socinus queritur, quod nonnulli Academiae Cracoviensis Professores haud mediocriter lætati fuerint, quod ita male secum fuerit actum, eosque grauius accusent, qui furiosae multitudinis in se fauendi libidinem exfatiari non permiserint. Maxime miratur, quod homines bonas artes, litterasque profitentes, quæ barbarum animum excolere, ac mitem reddere consue-

runt,

runt, in hominem, ab iisdem artibus et litteris non alienum, ipsisque nihil mali inferentem animis suis tantopere faciant. In eo versatur per totam epistolam, ut euincat, nullam proflare causam, cur homines sibi quidquam male velint. Negat enim, se esse *haeresiarcham*, quia nullam docendi prouinciam sibi sumserit, sed tantum vel laceffitus, vel amicorum precibus coactus, hucusque quaedam scripserit. In scriptis nullum propositum esse dogma asserit, quod partim alibi, partim in Polonia, ab aliis ante ipsum, suumque aduentum, partim publice et voce et scripto adfirmatum, partim ad discutiendum propositum non fuisset. In Epp. p. 594. scribit: „*Illud certissimum est, GREGORIUM ZARNOVECIVM Ministrum, ut vocant, Euangelicum, qui nominatim aduersus disputationem meam de Jesu Christo Seruatore (in cuius disputationis doctrina id totum continetur, unde auctorem me alicuius noui dogmatis suspicari fortasse quispiam possit,) libellum polonice edidit, in eius praefatione asserere, me ex OCHINI dialogis, annos abhinc circiter triginta quinque editis, sententiam illius meae disputationis accepisse. Nam certe in dialogis illis, quorum non pauca exempla mihi iam diu in ipsa Polonia videre contigit, est sententia ista aperte expressa et inculcata, quae breuiter est: Christum quidem sanguine suo deleuisse atque expiasse peccata nostra, sed alia tamen ratione, quam ea, quae vulgo recepta est, ut scilicet diuinae iustitiae sanguinis sui fusione id persoluerit, quod nos et propter nostra peccata debeamus, seu pro nobis peccatisque nostris satisfecerit; quippe cum nec id ullo modo opus esset, nec nostrorum peccatorum poenas Deus a quoquam repetere, seu (ut sic loquar) debita ab ipso nostra exigere voluerit, sed ea liberaliter remittere ac condonare: quemadmodum vniuersae sacrae litterae apertissime testantur. Quod tamen adfirmare et contendere est illud meum praecipuum atque inauditum scelus, propter quod scilicet non sum dignus, ut me terra ferat.*“

Prouo-

Prouocat in eadem ep. VADOVITAE data ad Italos populares suos, cum quibus *Cracoviae* potissimum versatus fuerit, in quorum numero nullum inuentum iri, testatur, cum quo egerit, ut sententiis suis de religione abiectis, suas ipsiusmet susciperet, aut saltem disputationem ullam de rebus diuinis instituerit; ita se gessisse *Cracoviae* tanquamque hac in re modestiam suam fuisse, ut omnes, qui eum familiariter nouerint, vehementer mirati fuerint, cum alioqui sciuerint, quod diuersum ab ipsis in religione sentiret, et haud incertam de ipsius placitis singularibus cognitionem habuerint. Exinde concludit, quod etiam, si totus haeresibus scateret, tamen quam longissime ab eo abesse, ut haeresiarcha dici possit. Denique se non meruisse tantam saeuitiam, quamuis extra dubium esset positum, se haeresiarcham esse, quia nullo facto pertinax censeretur possit. Hoc respectu l. c. p. 604. inquit: „*Hac ratione mecum agatur, ut mihi mei errores ostendantur, donec saltem pertinacem me esse constet: quod ubi constiterit, tametsi christiana pietas, adeoque ipsa humana ratio iubet, ut cum pertinacibus, ipsis etiam haeresiarchis, praesertim non seditiosis, nec sua vlla cummoda quaerentibus, nequaquam crudeliter agatur; ego tamen quamuis non haeresiarcha a quoquam merito haberi possim et manifestum sit, me ab omni vel umbra quidem seditionis, aut vlla mea cummoda quaerendi, vel leuissima quidem suspicione, quam longissime abesse, non tamen recusor, quin tunc saeuissimis cruciatibus subiiciar, ac demum turpissimo atrocissimoque ultimi supplicii genere afficiar.*“ Et in alia ep. ad eundem VADOVITAM l. c. p. 477. inquit: „*An fortasse parum saeuitiae in eo fuit, quod homo honestissimo loco natus, et iam ferme sexagenarius, cum vix e grauiissimo respirare inciperet morbo, eo ipso die, quo pharmacum sumserat, per summam vim ex habitatione sua extractus et discalciatus ac seminudus per medium lutum, mediumque forum, tota urbe inspectante, tanquam maleficus aliquis, qui ad supplicium ducatur, pertractus et*

mille

nille conuitiis, probris ac maledictis interim oneratus ac profcissus fuerit, et quae acque ac suam ipsius vitam cara habebat, si omnia fuerint erepta? Non equidem putabam in polonica gente ad humanitatem non parum propensa, inueniri animos Caligularum et Neronum, qui innocentium hominum crudelissimis vexationibus non contenti, eorundem praeterea aliquid grauius, id est acerbissimos fortasse cruciatus atrocissimaque supplicia expeterent."

Ex eo, quod irreparabilem scriptorum quorundam iacturam iudicauerit, quam ipsius vitae et sanguinis dispendio sese redempturum fuisse, saepe professus est, haud obscure colligitur, quanto scripta sua pretio aestimauerit. Periisse hoc tumultu in primis librum quendam ipsius *contra Atheos*, quem refellendis ingeniosis magni cuiusdam viri commentis consignauerat, testis est PRZYPCOVIUS. In ep. ad VAL. SMALCIUM l. c. p. 521. ipse Socinus ita daninum hoc significat; „*Perierunt in eo casu omnia scripta, tum mea, tum aliena, quae apud me erant, praeter quaedam tantum aliena, quae iam diu in cista quadam procul ab eo loco, ubi habitabam, sunt reposita.*" In specie in ep. ad CHRISTOPH. LUBIENIECIUM l. c. p. 564. conqueritur, quod inter pretiosissimos quosque suos libros ab impiis ereptos, SMIGLECI quoque scriptum fuerit, *o bostwie* etc. ac praeterea breue eiusdem scriptum latinum, de loco Zach. II. ad quae iam respondere coeperat, et posterius notationibus quibusdam sua manu in ipsis scripti marginibus exaratis, magna potioreque ex parte refutauerat.

Quod post luctuosum hunc casum Cracouiam non repetierit, absque vilo monitore quisque cogitabit, quamuis olim in ep. ad DUDITHIUM a. 1583. scripta, paratum sibi esse animum, pro placitis suis mortem oppetere declarauerit: imo magni se id beneficii loco reputaturum, si Deo, ut pro veritate mortem oppeterem, videretur, meque hac in parte non modo tot aliorum, sibi ad amandum, sed

sed et unici sibi que carissimi Filii Domini que mei similem reddere.

Post breuiorem in agro *Igolomiano* commorationem et refocillationem, *Luclaviciis*, nono circiter a *Cracouia* lapide, hospitii locum sibi parauit. Ita ad PET. STATORIUM in ep. d. 3. *Jun. a. 1598. l. c. p. 396.* scribit: „Hic „vbi sum, libenter sane perpetuo manerem, vtinam tibi „auscultans, iam diu mihi hanc habitationem delegissem. „ — — — Duae nunc sunt res, quae hanc commora- „tionem, licet alioqui iucundissimam, vel minus iucun- „dam, vel minus firmam reddunt. Vna est librorum, „quibus in meis studiis vti potissimum cogor, summa pe- „nuria; altera quod amici vereantur, ne, si hic diutius „maneam, aliquid grauioris mali mihi, hospitique meo „eueniat, praesertim cum *Cracouia* non longe hinc absit. „Itaque cum et librorum, qui mihi sunt vsui apud te sit „non exigua eopia, et locus, vbi habitas, satis procul ab „vrbe distet, ac praeterea accedat vetus amicitia et con- „suetudo nostra, nec non fructus, qui ex eo, quod apud „te sim, facile ab vtroque nostrum percipi potest, decre- „ui volente Deo istuc propediem proficisci, et aliquot „hebdomadas tecum consumere; sed prius te huius rei „monere volui, vt si non est forte domi tuae locus, vbi com- „mode cubare possim, (id enim vnum mihi satis fuerit) „cures, vt eum in ipsa aula, si fieri potest, habere „queam, et ita commode nihilominus mensa tua vtı.“

Ex agro *Igolomiano*, vna cum hospite suo D. CET-
TISIO iter *Racouiam* instituit, partim vt ibidem fratrum
conuentui interesset, partim vt LUBIENIECIUM, in Lith-
uaniam profecturum salutaret, et cum eo colloqueretur,
partim vt filiam suam per integrum annum non visam vi-
deret, quod ex eadem ep. innotescit. Ex agro igitur
Igolomiano *Luclavicias* migravit, quo loco, procurante
Pet. Statorio, pagi huius ministro, terrae istius Domi-
nus ABRAH. BLONSCIVS eum in aedibus suis et ad mensam

suam excepit, in qua statione quoque reliquum vitae transegit. Hoc loco *Stoinio* vicinus viuens, huius facundia utebatur, ad suam disciplinam, hoc opem ferente, latius disseminandam. *STOINIUS* enim subtiles et arudiorum captu remotiores *SOCINI* meditationes populari ratione tradere et flexanimae orationis genio cunctis persuadere potuit, quamuis in hoc quoque non mediocre sermonis flumen fuerit. Non tamen ager *Luclavicianus* omni respectu commodus ipsi videbatur locus; quare *VAL. SMALCIUM* in ep. d. 2. Dec. 1599. scripta: „*Deum orare iubet, ut in hac extrema sua aetate iam aliam victus et habitationis suae rationem inuenire possit, quae se ipsum sui iuris efficiat, et liberum ab omnibus impedi- mentis reddat, quibus fit, quominus ea praestare possit, quae promisit, et ab ipso identidem exiguntur.*“

LUCLAVICIIS degens *CHRISTOPH. LUBIENICIO* desiderium *Lublini* stationis suae locum nanciscendi testabatur per ep. d. 14. Aug. a. 1598. scriptam l. c. p. 161. in qua ita animi vota exponit: „*Vtinam mihi contigisset, aut aliquando contingeret, ut ibi habitarem, ubi saepius et tecum et cum socio tuo colloqui possem, vosque coelestem veritatem, quae viam ad immortalitatem ostendit, atque aperit, exponentes audire.*“ Interim *Luclaviciis* *STOINIUS* ipsi fuit amicissimus, cum quo tanta vnanimitate et concordia usus est, quae nunquam vlllo diffidio ac suspitione disrupta. In hoc pathmo cum intimo suo defendendis, vindicandis et commendandis systematis sui erroribus multum operae nauauit, et familiae totius dissensiones ac pugnas tollere et componere, omnesque Antitrinitariorum in Polonia et Transyluania coetus ad vnam animem consensum reducere, studio laborauit indefesso. Nec frustraneum plane fuit eius conamen, siquidem temporis successu plures ad sententiam suam pertraxit excepto *CZECHOVICIO*, qui a suo proposito, in articulo de *baptismo* dimoueri non potuit. Vno ante obitum anno, ipsi
arque

atque STOINIO cura consignandae, vel potius corrigendae *catecheseos* in vsum coetuum deferrebat, a quo labore mors eum auocauit; sed de hac materia alio loco.

Inter tot vitae discrimina tristiaque fata *Socini* valetudo saepe concussa, ut mirum videatur, quod tot curricula aerumnosi annos exegerit. A. 1603. vehementior aegritudo dissenterica eundem propinquae mortis admonuit. Ante hunc morbum, qui ipsi mortem contraxit, eodem anno, mense *Junio*, febre tertiana *Racouiae* afflictus erat; quod ex ep. constat, quam circa idem tempus ad HIERON. MOSCOROVIVM scriptam ex autographo SOCINI, quod in *Bibliotheca Wallenrodiana* Regiomonti servatur, hoc loco infero: „*Clarissimo viro, Domino HIERONYMO Moscorovio* etc.

BERNAUDUS noster (V. B. A. P. II. p. 579. N. II.) misit ad me hoc scriptum suum, iubens, ut, antequam illi reddendum curem, cui est inscriptum, tecum illud communitem. Poteris, si velis illud retinere, donec perlegeris, (quod abs te istic commode posse fieri non arbitror) et deinde ad me primo quoquo oblato fidei nuntio remittere una cum tuo, de illo, iudicio. Idem BERNAUDUS mihi significat, Deum ipsi donasse medicinam, (vtor ipsius verbis) aptam naturae, ad conseruandam praesentem vitam breuem et aerumnosam in longitudine dierum et sanitate durabili, ac monet, si vel ego, vel tu miserimus ad ipsum eam petitum per fidelem aliquem nuncium, se illam ad nos missurum. Ego huiusmodi impensam sine summo meo incommodo facere non possum. Ipse quid sic facere aut velis, aut possis, cogitabis. Plura ad te scriberem, sed reliquiae tertianae febris, cuius heri secundum accessum habui eumque satis grauem et molestum, me impediunt. Post tuum hinc discessum, altero post die, inuasit me idem febris genus, sed post duos leues accessus me liberum reliquit, quod nunc non est, quod sperem; et sane mecum agitur, si valde diu me non detinuerit, ut annum abhinc tertium fecit. Deum

oro, ut mihi patientiam et animi fortitudinem ministrare velit. Tu autem cura, ut bene valeas, id quod ab me vehementissime expetitur, et a Deo precibus assiduis contenditur. D. Racoviae d. 5. Junii a. 1603. Tibi ex animo addictissimus in Christo frater et servus Faustus Socinus.

Dysentericae passiones eum d. 20. Nov. inuasērunt, de quibus certiores facit VAL. RADECIO, Pastorem Claudiopolitanum, et Vnitariorum Superintendentem in Transylvania per epistolam d. 23. eiusdem mensis l. c. p. 678. his verbis: „Derepente incido in morbum, quamvis admodum breuem, molestissimum tamen et grauissimum, in Diarrhoeam inquam, qualem nunquam in mea vita habui, licet simili aliqua ex parte aliquoties laborauerim, id est, tam vehementem et copiosam, et cum tantis torminibus, ac dolore capitis ac ventriculi, et una cum maxima nausea, tanta anxietate et virium totius corporis prostratione, ut iam morbum ferre non possem.“ Primo quidem huius morbi casu grauiore iterum liberatus est, ab hoc tamen tempore summam corporis imbecillitatem et totalem virium defectum sensit, ita ut raro saltem negotiis quibusdam ferendis par exstiterit. Tanta eum violentia posthac aduersa valetudo inuasit, ut quoque epistolam ad virum excell. quendam, intra multas hebdomadas, pertinaci aegritudine saepius impeditus scribere et ad finem perducere vix potuerit. V. Epp. p. 671. Quos interim labores adhuc perficiendos suscepit, RADECIO in ep. allegata p. 679. his verbis nuntiat: „STATORIUS post multam pensitationem ac cum aliis fratribus hac de re consultationem, tandem, quod ad meos labores attinet, constituit, ut praeter CATECHISMI, qui edendus est, reformationem, cui una cum ipso vacare debeo, aliud nihil faciam, quam absoluam responsonem meam, quam vulgo vocamus aduersus Posnanienses, quod quidem mihi gratissimum est, et quam primum manum illi operi perficiendo, Deo dante admovebo.“

Tandem a. 1604. d. 3. Martii in pago Luclaviciano, postquam testatus esset, se non magis acui, quam inuidiae et molestiarum saturum, laeta atque intrepida spe propendere in supremum illum fati sui articulum, qui missionem ab aerumnis simul et laborum stipendium ostenderet. Aetatem sexaginta quinque et quod excurrit annorum attigit. Sepultus est in eodem agro, et celebrator funeris ipsius exstitit STOINIUS, qui quoque breui post SOCINUM tempore, a. 1605. vita ereptus est. Unica eius filia AGNES, praeter quam nullam reliquit sobolem, nupta *Stanislao Wiffowatio*, Philipoviensis satrapiae Vice-praefecto, filium peperit *Andream Wiffowatium*, qui Bibliothecae fratrum Polonorum in lucem emittendae operam nauavit. V. B. A. P. I. p. 52. P. II. p. 1010. Ipsa haec AGNES satis cessit *Robcoviae*, a. 1654. d. 20. Jan. Hoc enim tempore A. WISSOWATIUM genitricem suam *Aguetem Socinam* amisisse, Anonymus apud *Sandium* l. c. p. 244. testatur, qui de *Aguete* addit, quod in aedibus *Wiffowatii* larga in ipsum coniugemque ac prolem pro beneficiis ad mortem usque praestitis effusa benedictione, Seruatori spiritum commendauerit, ibidemque a filio terrae mandata quiescat.

Vix satis dici potest, quanta in aestimatione F. Socinus inter *Fratres Polonos* fuerit. *Eques Polonus* diuina eum luce collustratum iudicat, ipsique in eo studio, ad quod sublimis et pia mens inflammato impetu rapiebatur, non sine diuina procul dubio ope magnam lucem repente obortam esse. Idem hoc nomine eum praecipue laudat, quod animo semper contenderit, coelestis fidei doctrinam tradere, suumque heroem cum IGNATIO LOIOLA, Iesuitici ordinis statore, non inepte comparare videtur, de quo parallelismo inquit: „IGNATIUS, ut alios taceam, maiorum nostrorum memoria, patriam, agnatos, opes, honores, aliasque illecebras contemserat, multos quoque labores, multa discrimina ultro subierat, Zelum gloriae Dei et

fidei militiam professus. Non despicio animi magnitudinem, quae in eo aut similibus nonnullis apparuit. Neque enim prorsus molli itinere ad gloriam contenderunt. Sed nondum hic video illud magis arduum, quod quaerimus, nobilioris fidei specimen." GE. ASHWELLUS l. c. p. 11. notauit, quod non impar sane aut incommoda Ignatii et Socini collatio fuerit instituta. Vterque genere nobilis. Vterque mundum et mundana saltem in speciem deseruit. Vterque duros labores tulit. Vterque Dei zelum et fidei militiam professus est. Vterque nouae sectae auctor e diametro quidem alter-utrinque oppositae, sed aequae perniciosae. Vtrumque demum animi magnitudo, (vt illi loqui lubet) reuera insatiabilis ambitio et superbia et inanis gloriae cupiditas egit et impulit, ad nouam religionis fabricam, sectamque formandam. Socini autem eo maior gloria, ex huius scriptoris sententia, quod hic nouae quoque fidei typum, seu nobilioris fidei specimen, (vt loqui amat,) excogitauerit, et orbi christiano suscipiendum commendauerit. Par sane gloria vtriusque, par merces vtrique debita est.

Tandem PRZYPCOVIVS post alia circa herois sui celebrationem addit; „*Nemo memoria nostra de toto christiano orbe, sed in primis de Ecclesiis Polonicis melius meruit. Primum enim genuinam sacrarum litterarum mentem, tot editis lucubrationibus, innumeris in locis aperuit. Deinde sententias de Dei atque Christi persona, quas iam in Polonia vigentes deprehenderat, solidis argumentis confirmari et a subtilibus cauillis atque sophismatis perite defendi, vnus egregie docuit. Mox quasdam impias, alias profanas sententias, quarum exitiabile virus furtim in Ecclesiae gremium irrumpebat, felicissime exstinxit. Nemo acriter iudaizantes repressit, idem chiliarum opinionem, idem multa praeterea alia fanatica somnia explosit.*" Non minoris eum aestimant alii ciuitatis huius scriptores. MOSCOKOVIVS in praefatione, *defensioni animaduersionum etc. aduersus*

sus Gabr. Eutropium (B. A. P. I. p. 520. N. 17.) praemissa, his verbis eum celebrat: „Vir fuit ingenio prorsus admirabili, iudicio peracri, diuinarum litterarum eruditione mirum in modum praestans, pietate insignis, humilitate ac modestia christiana in omni vitae cursu conspicuus; candore eximio et prorsus singulari, et in quo omnia summa facile deprehendere posses. Priora illa excellenti naturae bonitate viro illi summa contigerant, reliqua indefesso labore pararat. Ad quae etiam adiutorem habuit, virum incomparabilem, LAELIUM etc.“ VAL. SMALCIUS in diario vitae ad annum 1604. l. c. p. 1177. inquit: „Die 3 Martii hora 12 lux theologorum nostri saeculi exstincta est. Amicorum meorum timorum summus, illustris et reuerendus vir FAUSTUS SOCINUS Senensis. Anno aetatis suae 65. in Luclavice, ubi iam sepultus iacet. His sequentes Smalcus adiicit versus:

O anime, o divine anime, o anima, o mea, nulla es,

Haec anima exanima est Te sine: nulla in ea:

Vox, animus, facies; mutata occaluit, haesit.

Coepta moritrix Te miscuit omnia vox.

*

*

*

Sozzinus moritur: fugit alta scientia rerum

Vix inter denos, portio dena latet.

Sozzinus moritur: sapere absque labore perit spes,

Et dubito, an magno deinde labore datur.

Sozzinus moritur, raforum cornua fumet

Concilium; viuo hoc mitius illuderat.

An exstructum eidem fuerit monumentum, me fugit; si aliquod positum, destructum certissime est, cum post publicam proscriptionis legem omnia adeo familiae huius vestigia per Poloniam disiecta ac deleta fuerint. In fronte editae ab Oedero Catecheseos Racouianae, F. Socini icon conspicitur. Effigiei, quae Bibliothecae

FF. PP. limen decorat, hos versus appositos conspiciamus:

Adspice spectātor, quae gesserit ora Socinus.

Illā tibi vere parua tabella dabit.

Ingenii dotes, quas non solertia potest

Pandere pingendo, grande volumen habet.

E tenebris dudum latitantia sphalmata traxit.

Tracta repellebat cuncta lumine Dei.

Iidem versus effigiem ornant, quam *Pantheon Anabaptisticum et Enthusiasticum* exhibet.

§. VIII.

Tanta *Fausto Socino* iudicii, ingenii, ac memoriae vis a natura erat concessa, ut vix quisquam eum antecelluerit. Ad hanc accessit naturalis facundia, quae eum ad ratiocinandum et disputandum reddidit expeditum. In ferendis omnis generis malis insignem monstravit constantiam. Ab avaritia alienus, parsimoniae studuit. His aliisque dotibus ac praerogatiuis instructus, in negotiis mirandum in modum adiutus est. Vitam egit modestam, omni genere honesti conspicuam, insignem humilitatis speciem non tamen sine omni grauitate et honoris sensu prae se ferentem, et ad fauorem sibi comparandum, compositam. In conscribendis et diuulgandis libris nimium festinauit, et immodicum saepius in pugnis suis aestum demonstravit. Animus sibi nimium placens, aliena consilia sententiasque suis opinionibus aduersas despiciens, in ipsius vitae negotiis elucescit, quamuis sermonibus ac ciuili conuersatione contrarium simulando ac dissimulando haud raro monstrauerit.

Copio.

*

*

*

Copiosissime et animi et corporis dotes in *Socino* delineauit GE. ASHWELLUS l. c. vbi, qui virtutes eiusdem legerit, animoque expenderit, cur in admirationem sui discipulos, occulta quasi quadam vi abripuerit, neminem fore, ait, qui dubitare possit; quam *Ashwelli* sententiam et acta et scripta *Socini* comprobant. Haec ZELTNERUS l. c. p. 348. allegans addit: „*Non iniuria ergo, quod de FAUSTO MANICHAEO Augustinus iudicauit, MAGNUM DIABOLI LAQUEUM, alterum hunc Faustum vel styli nitore blandientem, dixeris.*“ Iuxta ipsi fuit corporis statura procerac vicinior, et plane virilis, habitus gracilior, intra modum tamen, teste PRZYPCOVIO; congrua et elegans membrorum proportio. Frons lata et porrecta, et oculorum maximus vigor. Vultus placidus ac decorus, ita tamen, vt oris gratia et venustas de illius vigore atque maiestate nihil immittueret. Habitus gestusque totius corporis ad summam elegantiam compositus. Haec omnia decorabat et multo gratiora reddebat ingenua educatio, et consuetudo vitae sermonisque cum principibus et viris primarii ordinis, quibuscum conuersari consueuerat. Quemadmodum enim erat vir genere nobilis, ita et aulicis moribus insigniter excultus, comis erga omnes et humanus, accessu et alloquio facilis, officiosus in amicos, erga cunctos affabilis. Imo honorem cuique ultra modum exhibuisse dicitur, adeo vt illi crimini daretur ab amicis, tantus sui contemptus et aliorum veneratio. His accessit modestus cultus, comptus tamen ac decorus. Etsi enim a fastu luxuque longe abesset, faciles tamen et in promptu habendas corporis munditias non adspernabatur. Prospera, quoad maximum curricula sui spatium, vsus est valetudine, nisi, quod interdum calculi doloribus et passioni colicae obnoxius fuerit; in ultimo vitae decennio saepius diuersa aegritudine affligebatur. In valetudine curanda eligendisque cibis

nimis scrupulosus fuisse videtur. In sumendo alimento enim non tantum praecisum seruauit ordinem, statutumque tempus, sed quoque medice viuere assuetus erat. Sic enim PET. STATORIO, in huius domo sibi hospitium experiens d. 3. Jun. 1598. in Epp. p. 397. scribit: „*Alterius cuiusquam mensa vix sine summo meae valetudinis discrimine uti possem, tum ob male diuisa apud alios omnes tempora prandii et coenae, tum vero quod tibi ipsi non minus, quam mihi aliqua ratio ciborum et potus ex arte medica est habenda et ex parte habetur, quae ab aliis omnibus vestratibus fere spernitur et diridetur. Adde quod longo usu iam comperi, mihi licere apud te curare, ut ii cibi parentur, quibus sine meae valetudinis incommodo uti possim.*“

Optimo magna ex parte sensuum vigore utebatur, nisi quod lippitudinem nimis lucubrationibus contractam querebatur, et auditu difficili laboraret. In ep. CHRISTOPH. OSTORODO d. 9. Martii a. 1602. data dolorem testabatur, quod propter oculorum infirmitatem saepius nec legere quidpiam, nec scribere possit. De difficili auditu adest testimonium in Ep. ad NIEMOIEVIUM d. 20. Martii 1587. scripta, l. c. p. 205. quo loco fateatur, nisi omnino articulate ac distincte verba proferantur, a semet intelligi non posse, praesertim ut inquit: Ob valde obtusas aures meas. Non tamen his per totam vitam laborasse; sed malum hoc circa annum 1580 eum inuasisse videtur. Eodem enim anno DUDITHIO, spem facienti, se Cracoviam venturum et eodem sub tecto cum eo hospitaturum, in ep. I. p. 14. scribit: „*Certus sum, me praesentia tua non plene gauisurum, nec te ex consuetudine mea voluptatem ullam percepturum ob surditatem grauem, quam Deo visum est mihi, forte, ut in maius mihi bonum cedat, immittere, quae me plane propemodum ineptum, nec ulli vsuiabilem in familiaribus colloquiis reddit. Sed utcumque sit, vel solus tui conspectus me recreabit magnopere.*“

Acre *iudicium*, quod ipsi a natura concessum erat, perpetuis meditationibus in dies magis acuebat, alienae institutionis contemtor et quoad maximam partem ipse suus Magister. Parum in initio litteris studiisque propaedeuticis instructum felicissima mentis indoles in omnibus ita adiuuit, ut momentaneo studio, vel prima quasi deliberatione, ea sibi notissima redderet, quae alii inter multas lucubrationes vix capiunt. Fuit ipsi *ingenium* sublimē, acutum et ad omnia, quae suscipienda et perficienda iudicabat, compositum. Quodcunque peragere statuit laborum, ingenio suo sustentatus, sine mora exsequutus est, non ignarus mediolorum ac subsidiorum, quibus omnia facile impedimenta superare potuit. *Memoriam* tenacem ac promptissimam ad reddendum, quaecunque exceperat, habuit. Insigne eius specimen edidit in disputatione cum CHRISTIANO FRANCKEN in synodo *Chmielnicensi*, ubi sine ope alicuius scripti 50 illius argumenta contra invocationem Christi ante excogitata secumque adducta et continuo prolata, ut tot argumentorum strepitu et orationis conceptae flumine omnes ad se trahere studuerit, SOCINUS eodem ordine repetiit et unicuique responsum suum sigillatim addidit, ut aduersarius cum omnium admiratione perturbatus a palaestra discesserit, teste PRZYPCOVIO. *Eloquentia* eum commendauit non vulgaris et persuasoria, ad animi sui cogitata expedite et absque linguae impedimento proferenda. Ipse de dictione sua in ep. ad TEUCHEUM l. c. p. 399. fatetur, se perspicuitatem quidem non indiligenter sectatum, sed puritatem et grandiloquentiam neglexisse quodammodo, certe non affectasse. Et in ep. ad Val. SMALCIUM, l. c. p. 520, non dissimulat, se interdum contra leges grammaticas quaedam admisisse. Iudice interim *Reimanno* in *Bibl. Theol.* p. 666. copiosa, expedita et perurbana est eius oratio, verborum delectus est elegans, et apta et quasi rotunda constructio.

Polonicae quoque linguae notitiam aliqualem tempore longae in hoc regno commorationis sibi acquisiuit, vt, quae hoc idiomate scripta legebat, maxima ex parte intelligere potuerit, quod NIEMOIEVIO scripsit l. c. p. 205. et in adnotationibus ad quaedam verba *Niemoievii*, quae leguntur in tractatu *F. S. de S. coena*, Racov. 1618. 8. ita p. 69. de graui auditu et de modica notitia linguae polon. saltem de imbecillitate, animi sui fensa in eadem exponendi, inquit: *Cum ego me defendere et purgare nequeam: vel, quia absim, vel quia, si praesens fuero, cum propter grauem auditum meum, tum propter linguae, quae in me inuehetur, ruditatem, quae ab ipso fuerit dicta, percipere nequeam: et si tamen percepero non ad omnes ei respondendo loqui possim, ad quos ipse me accusando locutus fuerit: cum multi ex eo numero, sint futuri, qui polonice tantum nouerint, ego vero polonice quidquam loqui nequeam.* Ratiocinandi facultas ad differendum et disputandum in eodem erat expedita, siue aliena impugnare, siue sua defendere vellet. Documenta perspicacis ingenii exhibuit in disputationibus, quas frequenter cum dogmatum suorum aduersariis instituit, in libris concinnatis et in quotidianis colloquiis, quae cum familiaribus data occasione habuit.

Quas naturae acceptas dotes tulit, adauxit, expoliuit, et quantum potuit, adeo perfecit, vt multos iisdem antecelleret, institutis saepius exercitiis. Dialecticae praefidiis non nisi a natura esse instructum profitetur. Naturalem interim ratiocinandi facultatem et facundiam, aliquoties saltem Logicae naturalis habitus adiuuit, illasque dotes ad maiorem perfectionem euexit et exornauit. Ipsi tractatus: *de Sophisticis elenchis* satis argumenti est, eum pro istius aevi more logicae quoque artificialis technis ac fallaciis probe instructum, earumque omnium benegnarum fuisse, quas illa suppeditat scientia. Ipse nihilominus fatetur in epp. l. c. p. 670: „*Leuissime et omni praeceptore*

ceptore destitutum se bonarum artium et litterarum studiis operam impendisse.“ Logicae in primis institutionis ignarum se fuisse, in Epp. p. 669. et in ep. ad *Dudithium*, se in logicis ultra id, quod natura docuit, non profecisse, significat. In Theologicis minus, quam mediocriter se profecisse testatur in Epp. p. 587. haecque addit: „*Id, quod ego ipse probe sentiens, nihil fortasse, tantis de rebus scriptis mandassem nedum scriptum publicassem, nisi aliqua necessitas id me facere coegisset; quod interdum puto non sine Dei nutu esse factum; cum ea, quae et scripsi et edidi, ut sine dubio maximi, (si vera, quemadmodum mihi persuadeo, sunt) in religione nostra momenti censerentur debent, sic a plurimis doctis et piis hominibus non minus veritatis, quam singularitatis cuiusdam nomine commendari audiam.*“

Linguarum sacrarum cognitione mediocriter imbutus erat, nisi tantum forte prima illarum posuerit fundamenta. In responsione ad defensionem FRANC. PUCCII inquit: „*Graecos fontes, ut egomet omnibus dico, leuiter admodum degustavi, Hebraeos vix dum attigi.*“ Et in responsione ad PIGHIUM minus, quam mediocriter in illis se esse eruditum profitetur. Vtebatur tamen *Jo. Forsteri* dictionario, nec non variis concordantiis. V. STEPH. GAUSSENIUS in diss. Theol. p. 29. Mediocres tamen in hisce omnibus profectus eidem in quocunque rerum statu animi praesentiam mirum in modum seruanti praesto fuerunt, ut eorum promptiorem faceret usum et applicationem, quam vix ac ne vix quidem alii, maximo omnis eruditionis adparatu instructissimi. Nec scientiae medicae eum prorsus ignarum fuisse, ex ep. ad CHRISTOPH. OSTORODUM d. 17. Febr. a. 1602. scripta, quodammodo colligitur, quippe in qua huic varia diaeterica praescripsit, imo medicamina ordinauit, nimirum usum electuarii ex radice Helenii, siue Enulae Campanae, et aquae stillaticiae Cardui Benedicti. V. Epp. p. 469. et p. 473.

Indolem ad omne genus honesti pronam atque paratam variis virtutibus, diligentia nimirum, modestia, mansuetudine, patientia, liberalitate in amicos et misericordia in pauperes, simplicitate et integritate morum excoluit. In perferendis laboribus omnium in se admirationem conuertit. Numquam otiosus adparuit, sed vel legendo, vel scribendo, vel differendo occupatus. Dogmata sua, quae verbo diuino per omnia consentanea esse, cunctis persuadere voluit, quanta valuit solertia propagare, disseminare et commendare non destitit, concinnatis integris libris, epistolis huc illuc missis, priuatis publicisque dissertationibus, longis praeterea et molestis itineribus, (quorum pleraque ab extrema *Silesiae* ora in intimam vsque *Lithuaniam* suscepta sunt); valetudinis, famae, facultatum dispendio, sui denique capitis periculo.

Candor et inaffectedata simplicitas in moribus eius praecipue laudantur, quibus praeterea grauitas ornameto fuit, sine fastu et supercilio. Neminem vnquam contempsisse visus est. Ne ista quidem ignominia in iram profusus est, qua in Poloniam veniens ab Antitrinitariorum coetu repulsam tulit, nec ea propter hostilem animum ostendit, aut vllum alienatae mentis prodidit indicium. Quamuis enim natura ad bilem pronus ac praiceps fuerit, ita tamen adfectum temperauit, vt mansuetudo illa, quae post in eo eluxit, plerisque admirationi, et potius naturae donum, quam longae exercitationis fructus visa fuerit. Patientiae in omnis generis malistolerandis, eximia dedit documenta. Quanquam enim natura irritabilis ingenii esset, et sensus valde delicati, adeoque omne malum eum penitus adficeret, acerrimoque dolore cor eius transfigeret; attamen etiam in grauioribus calamitatibus temperamenti sui victor exstitit. Hinc inter eius laudes magnopere celebratur, quod molestias ab aduersariis, iniurias a suis, pericula ab hostibus, ingratitude ab amicis, inuidiam a doctis, odium ab im-

peritis,

peritis, infamiam ab omnibus, pauperiem a fortuna, denique ab ipsis Antitrinitariorum coetibus, quibus instruendis, et in vnum coagmentandis tantum operae impendit, iugem, nec sine ignominia repulsam summa animi magnitudine perpeffus fuerit.

Ab avaritia longe alienus fuit, imo promtus ad opera charitatis et quaecunque amoris et compatiētiaē officia vnicuique pro viribus praestanda. Reditibus ex facultatibus suis quas in Italia habuit, et stipendio polens, Amanuensēm in suum et coetus totius commodum aluit, immo quoque suis sumptibus libros quosdam typis exscribi curauit. Quamdiu post patrimonium ablatum, vel tenuissimo sumptu conditionem suam tolerare potuit, adduci non potuit, vt munera vltro sibi oblata caperet, quin etiam in egenos facultates suas erogauit. Interim aliquando quidam ciuitatis huius socii putarunt, eundem circa vltimos vitae annos congerendis pecuniis prorsus fuisse intentum, de qua fama ipse conqueritur in ep. ad ELIAM ARCISSEVIUM d. 15. Febr. 1595. l. c. p. 467.

Quidam eum vehementis, praecipitis aliquando, ac superbi animi accusarunt, qui alioquin ipsi non male cupiebant. Inter hos praesertim fuit socius eius atque amicus *Marcellus Squarcialupus*, qui occasione libri aduersus JAC. PALAEOLOGUM editi, in epp. p. 4. ita eum reprehendit: „*Nimis magna est alacritas tua, SOCINE, cum tibi quid in animum venit, cum decernis, illico ad opus adgredieris et acumine tuo illo, feruidoque studio cum veri, tum (ni fallor) etiam honestissimae laudis abreptus, et scribis et publicas tuos libros. Quid quaeso magis cauendum est, morte sui ipsius? At nimium sibi placet ille, qui graui, siua cum tractet, argumenta, suos labores tam facile publicat. Quid si leuiora selectetur genera et in minime necessariis, neque ad se pertinentibus insudet.*“ Idem paulo post p. 6. „*Quid quod vt scio, non suspicor, immodicus est animi tui aestus in disputatione. Quoties volui te admonere a disputa-*
tunc,

tantem, vel de re leui iurgantem et clamoribus maximis omnia perturbantem. — — — Si etiam cognosceres modestissimum esse te, debere tamen, ut ne immodicum te dicere quis posset, ad amicorum consilia semper accedere. Nihil aggredi non consultis tuis, et nihilemittere, nisi bene ac saepe a libero iudicio Magistrorum excussum et examinatum.“ Et p. 10. „*Noui tuas insignes et animi et linguae et calami dotes. Vnum in te desideramus, ut minus tibi blandiari, magis aliis credas, qui te in tuis rebus possunt admonere. Est enim communis omnium siue morbus, siue virtus haec, ut facile sordes alienas noscamus, non perceptis nostris.*“ Tandem addit: „*Danda est opera, ne fallas nostram opinionem. Falleres autem, si te maledicum agnosceremus. Maledicentiam enim animus parit maleuolus, et cum ipsa maleuolentia pernicies et miseria est, cum corporum, tum vero maxime animorum. Promptuarium omnium virtutum scis esse modestiam, neque tu cessas in aliis, et recte sane, modestiae dignitatem laudare et urgere. Caue SOCINE, ut ne te crimine illo condemnemus, quod minime in te cadere tibi suades.*“

Ad hanc accusationem ita SOCINUS Cracoviae d. 20. Nov. a. 1581. l. c. p. 41. respondet: „*Si hoc propter istam meam duntaxat pro Racouiensibus responsionem dicis, nimis facile de me, meisque moribus iudicium fers. Nam praeterquam, quod una hirundo, ut graecum proverbum habet, non facit ver, erat tibi praeterea animaduertendum, non posse me in hoc facto nimiae alacritatis damnari, cum ego haud mea sponte librum istum conscripserim, sed eorum rogatu, quibus, in re praesertim tam honesta, non obtemperare religio mihi fuit. Scriptus autem est a me liber multo tardius, quam ipsi voluissent, publicatus vero non a me reuera, sed ab ipsis, nec sane propter multas causas diutius eius publicatio differri potuit. Sin autem propter aliquas alias meorum librorum scriptiones, et publicationes istud de me dixisti, quem ego, quaeso, librum,*
non

non modo admodum praemeditatus, sed etiam fere coactus non scripsi, aut quoniam alium adhuc publicaui? Quo circa plane immerito huius rei nomine me condemnas, et omnino iniuria me nimium mei amantem esse dicis, qui meos labores tam facile publicem. Neque in eo etiam recte sentis, quod acumine, nescio quo meo abripi me ad scribendum meos libros affirmas. In eo porro sine dubio (ut veritus esse videris) egregie falleris, quod ad scribendum et quae scripsi publicanda, seruido studio honestissimae laudis abripior, cum nihil minus, quam de laude aliqua mihi apud homines comparanda cogitem. Nec inter ea, quae commemorasti, aliud quam veritatis studium ad scribendum me mouet. Sed multo magis etiam id me mouet, quod a te prorsus reticetur, aliorum salutis, ac Dei Christique gloriae desiderium; aliquando fore sperantem, ut mei labores in publicum edantur, in quibus reconditiora quaedam ad rerum diuinarum cognitionem pertinentia, quae iam diuina benignitate mihi patefacta fuerunt, comprehensa atque explicata inuenientur." Et l. c. p. 43. Hic vere MARCELLE, illud ingenue dicam, me tibi idem debere, quod aliis quibusdam amicis meis debeo, qui eadem fere de re interdum me monuerunt. Quanquam eo plus tibi, quam illis me debere agnosco, quod ipsi nec tam aperte istud meum vitium mihi significarunt, neque id, quod tu deinde addis, addiderunt; sed illud prorsus me celarunt. Nec enim unquam me inter disputandum furere, mihi ne leuiter quidem indicarunt, qui vix me aliquando subirasce, ausi sunt dicere; at tu me ab ira ad furorem deuenire, idque leui de causa asseueras. Hoc profecto non leue est vitium et me summa ope niti decet, ut eo prorsus liberer. Miror tamen, tibi haec de me visa fuisse, cum saepe inter nos disputationes de rebus non adeo leuibus inciderint; et tamen non modo aut irasce me, aut furere, sed ne vocem quidem nimis extollere senseris, quin immo placidissime tecum agere, et ausim dicere, modestissime, nonnunquam potueris animaduertere. Nec me tecum loquentem aestu quodam commo-

ueri unquam, ni fallor, vidisti, nisi fortasse, cum, te tacente, nec aduersante, perpetua oratione usus, de re aliqua grauissima ad christianam religionem spectante differui. Quod certe vel vitium censeri non debet, vel illud non est, quod hoc loco in me reprehendis. Cum nonnullis praeterea aliis idem mihi saepe usu venit, ut quamuis de rebus grauibus cum illis contenderim, tamen sedatissime et pacatissime id fecerim. Cum multis tamen rursus aliter mihi contigisse fateor, atque, ut arbitror, cum plerisque, inter quos et etiam fuerunt, quibuscum me maiorem, quam cum aliis modestiam prae me ferre debere optime noueram. Id quod mihi ipsi est argumentum euidentissimum, etiam si eius rei nulla alia praeterea aperta indicia haberem, id non immodestia aliqua mea reuera factum fuisse, sed disputandi illo ardore quodam, qui nulla personarum ratione habita, nunc magis, nunc vero minus accenditur, interdum etiam prorsus non exsistit; prout is, qui cum disputo, mihi disputandi ratione sua, harum rerum causam quandam dederit. Illud quidquid tibi visum fuerit, constanter affirmare possum, me inter disputandum commoueri quidem saepissime aliqua ratione, id tamen dolore fieri, quod aduersarius veritatem, ut mihi videtur, agnoscere et amplecti nolit. Aliter autem animo me turbari aut irasci, vel perraro, vel fortasse nunquam contingere. Vt cunque sit, tibi immortales pro admonitione tua gratias ago. Namque ea, ut spero, fiet, ut posthac nemo me in disputando moderatum non esse merito affirmare possit. Eodem fere modo vehementem et aliquando immoderatum animum suum vel confitetur, vel excusat, vel etiam emendationem promittit, in ep. ad Val. Smalcium, d. 18. Jan. 1601. in epp. p. 551. Amor meus in te, ardenti illi meo desiderio iunctus, ut id, quod verum esse credo, in rebus potissimum ad pietatem pertinentibus, semper obtineat, illius meae asperitatis sola causa fuit, quam tamen ipse ego, ut nosti, non probo, tibi que sancte promitto, posthac ita mitem me et tecum, et cum reliquis omnibus fore, ut non sit,

fit, cur veniam deprecet, ut tum, et quidem ex animo feci.

JO. NIEMOIEVIUS in ep. ad F. S. data Lublini vltima Febr. 1587. in eodem malam fidem in praestandis promissis immoderate satis ac iracunde perstringit; eumque inconstantiae, leuitatis, ac curarum indecentium arguit l. c. p. 202. „*Frater noster, Dominus JOEL NABOROVIVS excusationem quandam nomine tuo attulit, quam ego non recipio, imo friuolam ac indecentem iudico. Si enim diuinis negotiis occupatus — — quod promissisti, non praestitisses, fortassis facilior venia dari potuit. Cum vero audiam, te plane carnalibus officiis et profanis curis occupatum, mirari satis non possum, quod talibus naeniis te excusatum putes. Immo si recte rem expendere volumus, potius obiurgatione, quam excusatione dignus videaris, qui studia tuasque occupationes a melioribus ad deteriora, a necessariis ad vana, a sacris ad profana transtuleris: ita ut prouerbio locum feceris: Ab equis ad asinos.*“ Idem in ep. GE. SCHOMANNO data, Lublini d. 8. Mart. a. 1588. inquit: „*Coeperam cum D. SOCINO, de quibusdam controuersis per scripta disputare, sed perspexi, quod huic homini, non modo ego homo simplex, sed ne sapientissimus quidem sit satis, acturus: nihil enim tam bene atque iuste potest adduci, quod ille in suam partem pertrahere non conetur: Quod, quamuis subtiliter faciat, adeo tamen interdum perplexus est, ut ipse sibi appareat contrarius. Quare constitui scripture supersedere; sed si tamdiu vitam perduxerit Deus, in futura synodo Lublinensi, cum ipso coram coetu de his controuersis agam; et, etiamsi ipse non adfuerit, constitui tamen, Deo iuuante, ea quae me in ipsius scripto (de S. coenae usu et fine) offendunt, fratribus proponere.*“

Ex praedominantis temperamenti ductu repetitis quidem vicibus ad iracundiam et nimium calorem protrahatur, quod tamen ipsum breui tempore poenituit.

PRZYPCÓVIUS magnam in eo ad iram pronitatem notauit, quod natura eum ad bilem formauerit praecipitem, et quod vehementibus animi motibus eius indoles aestuaue-rit. Deuicit tamen paululum vigilantia sua ac motiuis prorumpentes excandescenciae tempestates, et temperamenti indoles in animi aestibus tandem deferuescendis suum ipsi contulit auxilium. Ad hoc accessit vita aulica, quae ita comparata est, vt animus ad iram procliuis in hac statione facile compesci et intra limites contineri possit. Vbi enim nec obloqui, nec contradicere licet, imo potius asperiores voces mansueto animo excipi debent, ibi frustra accendimur ira. Non improbabile mihi videtur, *Socinum* ex hac ratione hocque incommodo vitae aulicae valedixisse.

Eorum quae a *Laelio* acceperat, et quae ipse exco-
gitavit, tenacissimus semper erat propugnator, hinc ne
vnicum quidem in systemate suo errorem recantauit, nec
vllis argumentis de contrario conuinci se passus est.
Quamuis enim a quibusdam solide aliquoties et coram et
per scripta fuerit refutatus, veritatem tamen amplecti
suoque se abdicare inuento, sibi dedecori reputauit.
Quod sibi haud raro contradixerit, a quibusdam, qui
eius placita sub examen vocarunt, in ipso notatum est,
imo id ipse aliquando amicis suis confitebatur, non ta-
men ita plane, aperte ac cordate, sed in omnibus, quae
errauit, speciem recti quaesivit. Tota eius vita occu-
pata fuit, vt Christum aeternum Patris aeterni Filium sua
inter mortales priuaret maiestate, ipsiusque mediatorium
officium et praestitam pro hominibus satisfactionem ne-
garet, ac sibi exinde perennaturam gloriam ac celeberrimum
nomen acquireret. In hunc finem praecipue ip-
sius tendebant scripta, studia, itinera et certamina, quae
habuit cum *Jac. Paleologo*, *Jac. Coueto*, *Franc. Puccio*,
Franc. Dauidis, *Erasmio Joannis*, *Andrea Volano*, *Jaco-
bo Wuitecko*, *Gabriele Eutropio*, *Collegii Posnaniensis Ca-
nonico*,

nonico, Gregorio Zarnovicio, Niemoievio, Czechovicio, Mart. Seidelio, Ottone Casmanno, cum Anonymo auctore *Antisocini*, qui INNOCENTIUS GENTILETUS fuit et pluribus aliis.

§. IX.

Perplura *F. Socino* cum varii generis aduersariis fuisse certamina, exposita vitae ipsius historia comprobatur. Specialiorem horum indicem, scriptorum eius recensio in primis polemicorum significabit. Ingentem librorum, partim suo nomine, partim fictitio emisit copiam, quos adiutus Laelii collectaneis breui tempore protrusit, poscentibus amicis adhuc plures, quibus fabricandis propter angustiam temporis impar erat. Sectabimur vero in librorum censu ordinem, quo in *Bibliotheca FF. PP.* dispositi animaduertuntur, et paulo fusiores circa hoc argumentum versabimur, quo simul palmaria disciplinae Sociniana contenta et peculiariora quaedam totius historiae Antitrinitariorum momenta illustraturi sumus. Primum locum in *Bibliothecae Tomo primo* occupant scripta eius *exegetica et didactica*.

*

*

*

Ingens quidem est scriptorum a *F. S.* editorum numerus; nihilo tamen minus plura edere apud se constituit, et coetus huius Antistites ab eo sibi expetierunt. Proinde in ep. ad *Val. Smalcium* d. 16. Apr. 1600. hac de re inquit l. c. p. 550. „*Si mihi ea omnia scribenda sint, quae vel ipse constitueram, vel fratres cuperent, imo, ut scribam, perpetuo urgent, oportere me et valde diu*

viuere, et quam optime assidue valere. At neutrum me sperare sinunt senectus mea, et corporis imbecillitas. Huc accedit, quod, quo ulterius aetate ac studiis progredior, eo me ad scribendum aliosque docendos ineptiorem esse agnosco. Quare iam reliquum hoc vitae meae tempus, non aliis, sed mihi ipsi erudiendo, impendere velim." Interim a scribendo ab anno 1570 vsque ad obitum suum non cessauit. Haud pauca iam ante annum 1585. ab ipso exarata fuerunt scripta, paucissimis tamen visa, quae cum Cornelio Daems communicauit, qui illorum copiam *Vltraiecti* eruditus fecit. V. Epp. F. S. p. 97.

In his libris, quorum quidam deperditi sunt, nouum religionis systema moliens, non satis putauit, vnum vel alterum fidei christianae articulum impugnare, sensumque orthodoxum a maioribus acceptum corrumpere; sed per singula theologiae capita aliam doctrinae formam proprio ingenio effictam introducere studuit, ac proinde in fidei dogmatibus, in politia atque disciplina ecclesiae, in sacramentis, in cultus diuini actibus sacrisque ritibus ad illum spectantibus, aliam longe faciem inducere constituit. In compendio illud et quidem propriis ipsiusmet SOCINI verbis tradidit *Calovius* l. c. f. 19 — 31. Manifestum est, vniuersam haeresin ab eodem efformatam e lacunis corruptae rationis a *Laelio* ipsi monstratis, parum aestimatis diuinae reuelationis fontibus profluxisse. Totam doctrinae compagem in eiusdem *summa religionis christianae*, subtexta libello *de S. scripturae auctoritate*, in *utraque catechesi*, cuius fragmenta tantum restant, in *discursu breui de ratione salutis nostrae et de officio hominis christiani*, nec non in *discursu breui, ob quem creditur, vel non creditur Euangelio*, in compendio contemplamur. Hinc a disciplinae suae adstipulatoribus ac praecipue ab Equite Polono praedicatur, quod religionem ante hac incognitam luci exposuerit, quod stratam atque expeditam habeamus viam ad supremam beatitudinem, quam
per

per plura annorum millia ante aduentum Christi humanum genus semper desiderauit, semper ignorauit, quam ipsi Moisaicae legis cultores pertenui aliquando suspitione odorati, nunquam aperte deprehendere potuerint, quam denique Apostolis a Christo patefactam mox succrescentium errorum spinis obstitam, atque dira obruente caligine abditam, rursus exacto fabularum senticeto ac reddita veritatis luce benignissimus Deus detexerit atque restituerit.

Ipse non obscure locum inter eos adfectauit, quorum ministerio Deus errores a *Luthero, Zwinglio, Oecolampadio* adhuc relictos prorsus ex Ecclesia eliminare uoluerit. Id enim *solut. scrupul. p. 47.* praetendit; Deum per *Lutherum* a falsis cultibus et idololatria homines retraxisse et ad eiusmodi diuinarum rerum cognitionem adduxisse, quae satis esse poterit ad salutem aeternam; sed cum multa adhuc in doctrina eius essent, quae correctione indigerent, et facile a salutis via infirmorum animos reuocare possent, eorum correctionem non diu Deum distulisse — — sed per alios corrigere adgressum esse, idque perpetuo ad suam usque aetatem. Idem persuasum est omnibus eiusdem sectatoribus, qui de eius obitu canere soliti sunt:

*Tota ruet Babylon; destruxit tecta Lutherus,
Muros Calvinus, sed fundamenta Socinus.*

Dirui autem ac everti per *Socini* Systema ipsius christianae confessionis ac fidei fundamenta, inductione quorundam primariorum placitorum unicuique patet. Ex illius tenore Christus nihil praeterea est, nisi vitae et morum magister, aut martyr quidam insignis. Proinde substitutio eiusdem vicaria pro hominibus negatur, ipsius sacrificium in coelum demum reiicitur, et sacerdotium metaphoricum effingitur, proinde omnes muneris mediatorii effectus ac saluberrimi fructus prorsus auferuntur. Ex systematis huius tenore Christi officium duntaxat fuit

docere et exemplo praelucere, non expiare, redimere, nostramque sustinere personam. Quam ob rem nonnulli ipsius *Socini* adeo asseclae his placitis offensi ad alias partes transferunt, imo *Ruarus* cum aliis pluribus *Socinum* in hac parte deseruit, qui Remonstrantium opinionem susceperunt; Videbatur enim illis doctrina de morte Christi, quam *Socinus* in scriptis suis proposuit, *nemus Pelium*. V. Epp. *Ruari* edit. Zeltn. p. 17. *Sam.* quoque *Crellius*, qui alioquin *F. Socinum* summis laudibus praedicat, eum circa doctrinam de satisfactione Christi in alterum extremum fuisse delapsum, maxime dolet.

In quibusdam systematis locis *Socinum* non longe a Fanaticismo abesse, *SEMLERUS* observauit. Sic in ep. ad *El. ARCISSEVIUM* scribit: *Aliud est VERBUM DIVINUM INTERIUS, quo mouemur, ut ea faciamus, quae iusta esse censemus et vitemus iniusta; et aliud LUMEN ILLUD DIVINUM, quod pertinet ad notitiam eorum, quae Deo placent, aut displicent; atqui non quicquid Deo placet, id etiam enique homini iustum videtur.* Quidam notarunt, *Socinum* in plerisque ad agenda spectantibus, *Scepticum* fuisse, quod iudicium (cui tamen suffragium non adiicio) comprobare putant ex eiusdem de militia obeunda specimine, in epistola ad *CHRISTOPH. MORSTINIUM* data, opp. T. I. p. 456. b.

In scriptis prioribus, et antiquis eorundem editionibus usque ad annum 1594. nomen suum non addidit, (nisi quod in responsione ad *Paraenesein Volani*, litteras nominis sui initiales dedicationi subiecerit scriptae a. 1588.) maxime ex timore, quod supra significauimus. Ipse tamen aliam occultationis causam venditauit, nimirum, quo libera iudicia de opinionibus ac inuentis suis excitare posset. Ita enim in ep. ad *MART. CZEHOVICIUM* l. c. p. 336. ubi de responsione ad *paraenesein Volani* agit, inquit: „*Volui, ut ex inscriptione appareret, hunc priuatum cuiuspiam laborem ac consilium fuisse, ut si*
quid

quid in hac responsione vobis minus posse dictum videretur, non bona conscientia solum, sed etiam iure eam semper eiurare possitis.“ Voluit hinc latere sub nomine *Dominici Lopetii S. J. Prosperi Dysidaci*, (quae nomina ab ipsis conficta esse videntur, qui eius scripta edi curabant) et *Gratiani Prosperi*, quod adsciuit, cum a. 1586. *Jo. Licinii*, scholae Photinianae *Ixiviensis* (vel potius *Iviensis* B. A. P. I. p. 431. 435. N. 5.) in Lithuania Rectoris dialecticam in lucem emitteret. In primis sub nomine *FELICIS Turpilionis* f. *Turpionis* delitescere voluit. *Prosper* ac *Felix*, eandem notionem habent quod praenomen *FAUSTUS*; *Turpio* vero vel *Turpilio* idem est, quod *Dysidacus*; *Δυσειδης* enim *turpem* vel deformem notat, quae nomina ex patria eius lingua deriuata videntur, in qua Sozzo turpitudinis ac deformitatis ideam inuoluit. Saepius se hinc vocauit *Felicem* (Faustum) *Turpionem* (Sozzinum) *Vrbevetanum* (Senensem) V. ep. *Ruari* ad *Calonium* in epp. *Ruari* cent. I. N. 47. p. 227. Notauit ZELTNERUS l. c. p. 347. 348. non sine omine ipsum sibi, vel alios ipsi imposuisse *Turpionis* nomen, cum illud habito significatus respectu, cum turpi doctrina, quam *Turpio* hic effinxit ac propalauit, conueniat. Hoc nomine etiam saepius ab aliis insignitus animaduertitur. *Jo. Mich. Brutus*, *Regis Poloniae historicus*, eum sub *TURPILIONIS* nomine *DUDITHIO* commendauit. Ita ille, in ep. ad hunc circa a. 1580. scripta, quae reperitur epp. *Bruti* a. 1583. *Cracov.* editis, p. 1576. inquit: „*TURPILIO*, plane vir mirificus et dignus, quem de meliore „nota ames. Equidem ita afficior, vt non inuideam Re- „gum deliciis, vbi liceat proelia miscenti interesse. Dig- „nus vero, ille, qui tecum agat, aut praeterea nemo: „nam siue morum elegantiam, siue litteras, siue suauita- „tem ingenii spectes, fateare, vix quidquam posse effingi „ad liberalem consuetudinem aptius. — — Mihi qui- „dem, cum iuuenis admodum, XX. abhinc anno *Lugdunum* venisset, vix vno aut altero congressu, sic mores

„atque ingenii indolem probauit, vt nunc prouectum
 „aetate, cum qua quidem ad caetera bona vsus multa-
 „rum rerum et maximarum accedit, non patiar me ab
 „eo horae momento diuelli. Credas me efferri amore,
 „vt multa de eo dicam; de quo si vnum addam, quod
 „vere sentio, rem totam videar complexus; quam ama-
 „bilis suauisque sit, nulla a me posse vi orationis ex-
 „plicari.“

Iam ad recensenda scripta F. S. accedo, quam ope-
 ram alii quoque praestiterunt, nimirum *Sandius, Fabri-*
cus, Vogtius, Hoornbeckius, ll. cc. Henr. Flockenius, Pro-
 fess. Harderovic in Theol. elenct. p. 37. seqq. et Ano-
 nymus in Diff. de F. *Socini* operibus 1636. 4. alique plu-
 res. Quod de corpore scriptorum *Socini* colligendo,
 fautores illius Bataui iam a. 1628. cogitauerint, testis est
 epistola hoc ipso anno ad *Ruarum* scripta, in huius epp.
 p. 608. edit. *Zeltn.* Prodiisse omnia F. *Socini* scripta
 iam a. 1612. in vnum corpus collecta, sibi quis persua-
 deret, qui in *GERDESII florilegio lib. rar.* p. 263. hanc
 allegationem legit: *FAUSTI SOCINI opera omnia VI. Vo-*
lumi. Racoviae 1612. 8. Editio rarissima. Sed alia ratio-
 ne se res habet; libri enim *Socini* isto tempore haud
 pauci in forma 8. Racoviae in lucem separatim emissi,
 ac compacti, facile sex vel octo volumina in 8. capere
 possunt.

Continentur F. *Socini* scripta duobus *Bibliothecae*
FF. PP. voluminibus, quae post annum 1656. siue a.
 1668. *Irenopoli*, h. e. *Amstelodami* prodierunt, quorum
 primum, praemissa vitae *Socini* narratione, exhibet ip-
 sius scripta *exegetica* et *didactica*. Horum vero titulos,
 eosque integros ex editionibus antiquioribus, rarioribus-
 que suppedito, in quibus illi plerumque maiori ambitu
 exponuntur. V. B. A. P. I. p. 46. seq. Quaedam eius
 scripta in Bibl. FF. PP. bis excusa preperiri, alii iam ob-
 seruarunt. Ita e. g. contra Chiliastras tractatus T. I. p.

440. et T. II. p. 457. occurrit, priori tamen loco quaedam inserta sunt, quae in posteriori non comparent. Haec autem sunt scripta F. S. exegetica et didactica.

I. *Concionis Christi, quae habetur capite quinto, sexto et septimo apud Matthaeum Euangelistam explicatio, dictata a Fausto Socino Senensi opus ad finem non perductum. Racouiae, typis Sebastiani Sternacii, a. 1618. 8. Alph. 1. pl. 1. pagg. 373. et 8. praef. et corrigend. Editio haec Sandio incognita fuit, qui l. c. p. 76. nec plenum titulum exhibuit, nec impressionis locum et annum notauit. Editor anonymus, (fortassis Hieron. Moscorouius) breuem praemisit praefationem, in qua inquit: „*Huius diuinae Philosophiae (ita sermonem Christi in monte habitum appellat) ut lucis aliquid afferret, precibus quorundam inductus F. SOCINUS, vir incomparabilis dictatis quibusdam eam explicare instituerat. Quae licet extempore dictata, nec ab eo absoluta, ac ne recognita quidem fuerint, immo ab ipso quodammodo spreta, tamen cum nobis nequaquam contemnenda viderentur, obruta et sepulta puluere nolimus, sed ea cum pietatis et veritatis studiosis communicanda existimauimus, rati hoc nostrum consilium, illis nec ingratum, nec infrugiferum futurum.*“ In explanatione ad Caput VI. 21. substitit, reliqua non absoluit. Eandem a. 1602. cum auctor oculorum fluxu et dolore laboraret, non praemeditatus Amanuensi dictauit, ne nihil ageret, et ut precibus et desideriis STATORII et VOLCKELII satisfaceret, qui hoc ipsum efflagitauerant, quod ipse exponit in epp. p. 471 et 473. Quamuis haud raro sensum litteralem non infeliciter explicauerit, et folius Grammarices beneficio verborum significatum nonnunquam praeclare eruerit; his tamen aliquando paradoxa, sibiue familiaria adpersit. Circa expositionem orationis Dominicae p. 210. *Caluinum* vel potius *Gualtherum* in Cap. XI. *Luc.* et *Danaeum* in thesibus de adoratione, Lugd. 1589. sequitur, putantes, septimam precationem
cum*

cum sexta, vnicam saltem constituere, totamque orationem Dominicam sex absolui precationibus. V. *Reimannus* l. c. p. 663. Plura de hoc scripto *Socinus* exponit ep. 48.

II. *Explicatio primae partis primi capituli Johannis scripta a Fausto Socino Senense. Adiectae sunt Cap. 9. Epist. ad Rom. et aliorum quorundam S. scripturae locorum, eiusdem auctoris explanationes. Racouiae, typis Sebastiani Sternaccii. Anno 1618. 8. pl. 8. pagg. 123 et 2. praefat. Editionem hanc adornauit eidemque praefationem praemisit Hier. Moscorouius. Explicatio magna ex parte, Fausto significante in fragmentis de Christo p. 3. desumpta est ex Laelii sermonibus et scriptis: latineque primum a. 1562. conscripta deinde in lucem emissa ac postea polonice, absque auctoris nomine, quod indicat in libro contra Eutropium c. 4. in Epp. p. 497. et in fragmentis de Christo p. 1. Praefationem auctor ita inchoat: „Multa profecto sunt, in quibus adhuc Christianus orbis coecutit“ etc. p. 1. Opus ipsum p. 4. incipit: *Quoniam, (ut in ep. ad lectorem monuimus) quae dicenda sunt*“ etc. quae ipse Sandius l. c. p. 65. allegat, qui tamen circa hoc opusculum variis dubiis p. 24 et 34. agitur. Vid. quae in recensione scriptorum Laelii N. III. dixi. P. 48. sequuntur breues CZECHOVICII exceptiones, cum Socini responsione, et p. 51. explicatio Cap. IX. ep. ad Rom. Huic ab editore addi potuisset, quod in hoc caput commentatus est Socinus in Epp. p. 475. seqq. Explicationes variorum Script. locorum p. 65. seqq. ex variis Socini operibus, Moscorouius collegit, eadem tamen non allegauit. Sic v. g. explicatis Luc. XVI. 19. p. 79. exstat in Epp. ad famil. p. 182. Scriptum hoc omnium, quae Faustus concinnauit, primum facit ordine temporis, quod testatur in ep. I. a. 1580. 3. Non. Dec. Cracouiae scripta Dudithio in Epp. ad Dudith. a. M. R. H. editis p. 13. his verbis: „Nescio an oculis tuis oblata sit breuis quaedam explicatio
„initii*

„initii primi capitis Euangelii Joannis a ZANCHIO et BEZA,
 „et ex parte a Polonis istis, LAELIO adscripta: ea vero
 „iam ante annos XVIII. ex officina nostra prodiit. Sunt
 „et alii mihi nonnulli libelli, operaque ad umbilicum non-
 „dum perducta, quae ad idem argumentum referuntur.“
 Paraphrasis Laelii in primam partem primi capitis S. Joh.
 Euangelii teste Sandio periit, qui hanc *Fausti* explicatio-
 nem l. c. p. 66. impressam inuenit in opere *Ministorum*
Transylvaniae et Sarmatiae consentientium de uno vero
Deo Patre etc. in quo libri secundi partem primam con-
 stituit, praefixamque habet praefationem. *Franc. Junium*
 eandem sine praefatione et in reliquis minus auctam,
 prout *Mf.* ad eum peruenerat, edidisse, sub *Laelio* obser-
 uauimus. Hanc in Polonicam linguam translata et
 edita esse, antequam *Socinus* in Poloniam aduenerit, in
 ep. die 3. Febr. a. 1595. Cracouia CHRISTOPH. MORSTINIO
 scripta narrat. Translationis auctor GREGORIUS PAULI
 Bresinensis fuit, prodiitque polonico habitu teste *Hoff-*
manno de Typograph. Pol. et Lith. p. 39. a. 1565. Raco-
 uianae editioni *Moscorouius* breuem ad auctorem prae-
 fationem praeposuit, eique in fine nomen suum adiecit.
 Sequitur hanc paulo longius auctoris ad lectorem praefa-
 men, quo venditat, plures a se in coetibus Christo ini-
 tiatis obseruatos esse errores, quos detegendos et confu-
 tandos sibi proposuerit, in primis autem falsam primae
 partis, primi capitis *Joannis* interpretationem, omnis
 erroris fontem reputasse, quam ob rem haud inanem na-
 uaturum operam ratus, verum eius sensum aperire vo-
 luit, sicque telum hoc ex orthodoxorum manibus extor-
 quere. Tandem haec addit: „Nomen nostrum non adieci-
 mus. Nam licet in iis regionibus simus, ubi ab hominum
 iniuria metuendum nobis non est, libuit tamen antequam
 nomen nostrum prodamus, aliorum exigui huius laboris no-
 stri iudicium cognoscere, Apellis nobilissimi illius pictoris
 exemplo, qui post ipsam tabulam latens, opera sua tran-
 seuntibus iudicanda proponebat. Illud postremo scias, op-
 time

time lector, me quidem valde cupere, ut omnes meae opinionioni adhaereant, quippe qui eam ut verissimam, sic etiam utilissimam esse iudicem, non tamen protinus, vel haereticos appellaturum, vel fratres non agniturum eos, qui eam et respuerint et perniciosissimam quoque esse clamauerint; dummodo Christi unici legislatoris nostri praecepta pro viribus exequantur et diuinis testimoniis nos placide conuincere conentur."

In Ilagoge praemissa pro figmento habet, *Joannem aduersus Ebionem et Cerinthum* Euangelium suum scripsisse; causam huius erroris (ut vocat,) quorundam falsam imaginationem fuisse; qui cum viderent, *Joannem* in initio euangelii Christum et verbum et Deum appellare, audirentque ab eo dici mundum per ipsum esse factum, nec verum interea Euangelistae scopum assequi possent, coeperunt altius et diuinius mente concipere, quam *Joannes* intelligere voluerit, nempe Christum aeternum esse Dei Filium, parem in omnibus Deo Patri, ac secundam in Trinitate personam, immo ipsissimum Deum omnipotentem. Incipit p. 8. ipsa explicatio, in qua sub *principii* notatione Christi aeternitatem designari negat, ordinemque potius earum rerum respici, quas *Joannes* de Jesu Christo scripturus erat. Notare igitur *euangelii principium* a Joannis Baptistae praedicatione ducendum. Commati isti: *et verbum erat apud Deum*, hunc sensum esse putat: *Jesus quatenus Dei verbum, antequam Baptistae praedicatione patefieret, soli Deo notus erat.* Verbum hoc s. Christum dici Deum, ob eximia dona, quae a Patre suo accepit. In verbis: *omnia per ipsum facta sunt*, etc. non de corporei ac visibilis, sed de spiritualis mundi structura, quae Euangelii verbo conficitur, quo homines instaurantur et spirituali quadam ratione denuo creantur, sermonem esse. Verba καὶ ὁ λόγος σὰρξ ἐγένετο vertenda potius esse, ET verbum caro fuit, quam factum est, fusius disputat. etc.

P. 48 — 50 Martini Czechovicii contra hanc explicationem obiectiones, vna cum Socini responsionibus occurrunt. p. 51 — 64. exhibetur *Brevis explicatio et quasi paraphrastica IX. Cap. epistolae ad Rom. ab eo loco V. 6. Non enim omnes, qui ex Israel.* etc. Hac occasione vnde-
 cimum quoque caput eiusdem epistolae, maiore ex parte eodem modo explicatur. Tandem p. 65 — 123. sequuntur aliorum locorum explicationes, quarum exempla quaedam notamus. Ad Gen. I. 26. *Faciamus hominem.* In omni fortasse lingua obtinuit, ut cum aliquis se ipsum, quantumvis solum ad aliquid faciendum adhortatur, vel se facturum decernit, si id ita efferat, ut per subiunctivum modum graece aut latine enuntiari debeat, numero plurali utatur, ut apud LIVIUM lib. 39. *Annibal venenum,* sua sponte hausturus, *Liberemus,* inquit, diuturna cura populum Romanum. Ad Gen. III. 22. *Adam factus est sicut unus ex nobis.* Vox nobis, eos vna cum Deo complectitur, qui cum ipso in coelo habitant, vitamque coelestem et immortalem degunt. Nam simplici etiam Dei, vel Jehovae nomine, huiusmodi etiam cohabitatores aliquando intelliguntur, ut Psal. 115. *Coeli coelorum Jehovae, terram autem dedit filiis hominum.* Ad haec locus ex hebraeo sic verti potest, *Ecce Adam factus est, ut unus ex se ipso,* sciens bonum et malum. Ad Jo. V. 27. *Pater dedit potestatem filio iudicium facere, quia filius hominis est, et paulo ante dictum est: Patrem non iudicare quemquam, sed omne iudicium Filio dedisse, ut omnes honorificent filium, sicuti honorificant Patrem.* Ex his locis manifestum est, Dei filium et quatenus homo est, adorandum esse et ideo adorandum esse, quia illi a Patre datum fuerit omne iudicium. Itaque erroris conuincuntur tum ii, qui, si Christus non sit aeternus Deus eiusdemque cum Patre essentiae, eum adorandum esse negant; tum ii, qui id circo eum adorari debere contendunt, quod aeternus Deus sit, et eiusdem cum Patre essentiae. — — — Si Christus aeternus et eiusdem cum Patre essentiae esset, quid
 opus

opus fuisset, eum quidquam accipere? aut quomodo illi potuisset dari ulla potestas, ad hoc ut adoraretur? Hoc enim ille iam prorsus habuisset. Quandoquidem datio ista ad aeternam illam generationem referri non potest, non solum, quia expresse dicitur, eam potestatem illi fuisse datam, quia sit filius hominis, id est homo, et certum est, Christum quatenus hominem, non esse aeternum. Sed etiam, quia expressum est, ita omne iudicium filio datum esse, ut pater non iudicet quemquam etc.

Ultima libri huius pars, idem libellus est, qui sub titulo: *Explicationes et paraphrases variorum s. Scripturae locorum, edente Moscorovio*, cum eiusdem praefatione, Racoviae a. 1614. 8. lucem vidit; quamvis specialis praefatio in editione, quam indicauimus, desideretur. Quae *Florianus Crusius* circa hunc *Socini* libellum adnotauit, sub illo in B. A. P. I. p. 214. N. 12. recensuimus. Belgica versio explicationis primae partis Cap. I. *Joannis* prodit 1664. 8. V. *Reimannus* l. c. p. 663. seqq. Aduersus hoc opusculum contextuit *Jo. Cocceius* *considerationem principii S. Euangelii Johannis* Cap. I. 1 — 19. cum examine *παραρρηκτων* F. *Socini*, *Georg. Eniedini*, *Val. Smalcii* et *Jon. Schlichtingii*. *Franeckerae* 1649. 4. 1654. 4.

III. De loco *Pauli apostoli* in *epist. ad Rom. cap. VII.* *Fausti Socini* cum nobilissimo quodam viro disputatio. Ante annos triginta sub nomine *Prosperi Dysidaci* edita, nunc vero denuo excusa. In qua id praecipue quæritur, utrum apostolus sub sua ipsius persona de se ipso iam per Christi spiritum regenerato, nec ne? loquatur. Editio secunda. Habes hic lector vniuersam fere de renatis et non renatis hominibus quaestionem explicatam, et quid potissimum inter utrosque intersit, accurate expositum. Rac. typis *Seb. Sternacii* a. 1612. 8. pagg. 129. Rarior est prima huius libelli editio ex typographia *Alexii Rodecii Cracoviac* a. 1582. (non, quod *Sandius* prodit, 1583) 8. pl. 8. $\frac{1}{2}$ diuulgata

uulgata et quidem ipsius F. SOCINI sumptibus, quare fortassis minor exemplarium numerus typis exscriptus est. Ita autem in ep. ad MATH. RADECIO, in Epp. p. 98. „Cum nondum bonorum meorum iacturam fecissem, meis sumtibus libellum illum ex multis aliis potissimum publicandum mihi delegi, quia nisi vehementissime fallor, potest ea disputatio — — facile lectorem minus vitae sanctimoniae studiosum ad eam totum traducere. Plurimum aueo scire, an idem tibi videatur, ac breuiter de toto libello iudicium cognoscere.“ Prodiit quoque libri compendium a. 1591. 4. plag. 5. Hoc opusculo, (quod in altera tituli pagina indicatur) sequentia continentur: 1) *Fausti Socini* (in prima editione legitur *Prosperi Dysidai*) epistola ad lectorem, in qua huius disputationis origo atque progressus eiusque edendae causae exponuntur, et quorundam, quae in ipsius F. SOCINI (*Dysidai*) responsione reprehendi posse videbantur, ratio redditur p. 3. 2) *Eiusdem F. SOCINI* (*Dysidai*) scriptum, in quo breuiter ostenditur, Paulum Apostolum in ep. ad Rom. c. 7. sub sua ipsius persona de se ipso ut renato non loqui p. 7. 3) *Ad eundem de superiori eius scripto epistola* p. 17. scripta die 12. Febr. 1581. ab J. N. (qui est Jo. Niemoieuius, non Niemoiouius, quod saepius occurrit.) 4) *Eiusdem ad superiorem epistolam uberior responsio* p. 27. quae scripta a Socino die 24. Martii a. 1581. V. Placcius N. 888. p. 245. Fabricius P. II. p. 60 et Reimannus p. 659.

Cum libri huius compendium allegatum nec a Sandio, nec a quoquam alio, notatum deprehenderim, hoc loco paucis illud significandum puto. Titulus est: *De peccato et peccatorum remissione. Item scopus septimi capituli ad Romanos. Transcripta partim ex incertis, partim ex certis auctoribus. Ex suis fructibus cognoscetis eos: Matth. 7. Luc. 6. 1591. 4. pagg. 34.* Editor anonymus rarissimi libelli ita in breui praefamine ad lectorem inquit: „Cum hisce postremis temporibus refrige-

rata charitate et abundante malitia, viderem, tot, tamque graues, tam pertinaces, perniciosasque in religione dissensiones, cogitavi hoc nostrum saeculum — — in profundis adhuc ignorantiae tenebris esse demersum: cum tam confuse inuicem, tamque diuerso inter sese sermone tumultuentur. Quos ego singulos suo commendans iudici nullum damnare audeo, quippe ignarus, quo quilibet ducatur spiritu: cogitans quemlibet fortassis aliquid pro virili, vel ad tabernaculi constructionem, vel ad confusionis destructionem conferre velle: aut certe Dei studium quidem habere, licet non in omnibus secundum scientiam. Proinde timidus ad iudicandum: vel ideo, quia MICHAEL ille princeps Angelus, disceptans cum Diabolo de Mosis corpore, ut est in ep. Judae, non ausus fuit sententiam ferre maledicam, sed dixit, increpet te Dominus. Multo minus ego maledicere cuiquam audeo: sed potius mecum reputo, num aliquo modo cognoscere possem, penes quem maior fuerit veritas. Hoc perpendens in mentem mihi venit Christi consilium dicentis, Joan. 7. ut Dei voluntati pareamus, sic enim cognoscemus, de doctrina, an ea sit a Deo. Quare illam arripiendam duxi, quae nos magis Dei metuentes, ipsiusque voluntati obedientes, magisque demissos, benignos, clementes, misericordes, ac salutem nostram cum timore ac tremore procurantes reddit: neminemque damnemus, sed omnium saluti studeamus. Talia docentes caeteris praestare comperi. Illam autem doctrinam, quae homines reddit audaces, inflatos, saeuos, persequentes, aliorum damnatores et sui securos maxime fugiendum censeo. Hoc consilio fretus non dubitavi breuissimos hosce tractatulos, meum quidem animum ad diuinam pietatem concitantes, aliis etiam proponere, ne mihi soli laborauerim, hominibus prodesse cupiens. Neque tamen haec, ut sacrosancta alicui obtrudere statui, sed volentibus, non nolentibus, ea legenda proponere, non inutile esse deprehendi. Probentur omnia, bona teneantur.“ In exiguae molis libello sequentes continentur tractatuli breuiores: 1) De peccato

peccato et peccatorum remissione, incerto auctore. 2) *Scopus septimi capituli ad Romanos, incerto auctore.* 3) *De eodem septimo cap. ad Rom. ex SEBAST. CASTELLIONIS defensione suae translationis noui foederis.* 4) *Ex annotationibus ERASMI in cap. sept. ad Romanos.* 5) *PROSPERI DYSIDAEI (F. Socini) scriptum, in quo breuiter ostenditur: Paulum Apostolum in ep. ad Rom. c. 7. sub sua ipsius persona de se ipso ut renato non loqui.*

Historia disputationis de capite VII. ep. ad Rom. *Racov. 1612.* 8. exstat in praefat. ad lectorem, epistolis etiam *Socini* ad amicos p. 340. et ad *Andr. Dudithium*, p. 78. inserta, et in *praefat. ad defensionem huius disput. Racouiae 1618.* edita, eaque multo locupletior, quam tradidit eam *Sandius* l. c. p. 70. Promittit etiam auctor in ep. ad *Radecium* l. c. p. 170. se vberius aliquando discursurum hoc argumentum; eaque omnia publice correcturum, quae in hoc commentariolo sibi minus recte exciderint; quod tamen promissum non exsoluit, sicut nec illud, quod in praef. dedit, se nimirum in posterum opinionem istam perniciosam, de Christianorum necessaria in hac vita perfectione, nominatim et copiose refutaturum. Male tulit *SOCINUS NIEMOIEVIUM* in hac disputatione contradicentem, quem tamen manus iam dedisse, *DUDITHIO* significat, in ep. IV. ad eundem, *Id. Martii 1583.* scripta, in Epp. ad *Dudith.* p. 78. Ita vero inquit: „Auctor epistolae, ad quam respondeo, est *NIEMOIEVIUS*, homo procul dubio dignus, cuius consuetudo magni fiat, quemque ipse vehementer et amo et aestimo, et reuereor, quamquam in non paucis opinionibus meis, quarum ad ipsum notitia peruenit, mirum in modum mihi sit aduersatus, atque etiam nunc aduersetur. Verum enim vero de die in diem mitescit, ac paulatim animaduertit, non esse me tam atrum, quam a nonnullis depingor, quin et in hac ipsa disputatione, quantum ad praecipuum eius caput, hoc est, an *PAULUS*

„eo in loco, de se ipso tanquam regenerato loquatur, nec
 „ne, dici potest, eum manus iam dedisse, vt qui inter
 „alia confessus sit, mea sibi responsione, oculos apertos,
 „ita vt longe melius, quam prius, quod sit hominis chri-
 „stiani officium, cognoscat.“ In quibus autem, praeter
 hanc disputationem, momentis SOCINO contradixerit
 NIEMOIEVIUS, ex eius epistolis ad SOCINUM, huiusque ad
 illas responsionibus patet. v. Ep. 12 — 16 in Epp. F. S.
ad familiares.

IV. *Fausti Socini Senensis defensio disputationis suae
 de loco septimi capitis epistolae ad Romanos sub nomine
 Prosperi Dyssidai ante 12 annos ab se editae, aduersus re-
 prehensiones N. N. Ministri (vt vocant) euangelici nuper
 scriptas et ab amico ad se missas. Anno a Christo nato 1595
 Racoviae, typis Seb. Stern. a. 1618. 8. pl. 7½ f. pagg. 118.*
 Haec defensio sub forma epistolae conscripta *Cracoviae*
 et absoluta d. 14. Nov. 1595. dicata est NICOLAO BAR-
 NAUDO (*Bernhardo*) Medico ac Philosopho eximio, qui
 cum auctore reprehensiones ministri euangelici, de qua-
 rum acerbitate SOCINUS conqueritur, communicauerat.
 Quis ille sit ex euangelicis, cui haec apologia opposita est,
 nec *Sandio* l. c. p. 74. nec *vllialii*, quantum scio, nec ipsi
 SOCINO perspectum fuit, quod praefixa ad *Bernardum*
 epistola ostendit. Ex aduerso auctor modestiam et do-
 cilitatem Jo. NIEMOIEVII laudat, qui, licet in principio
 aduersus *Socinum* pugnaverit, paulo tamen post ipsius
 sententiae calculum adiecit. De hoc argumento in
Synodo Lublinensi a. 1589. agitatum *Calovio* obseruante
 in disp. de Socin. theol. prima origine, p. 70. et iam an-
 tea *Wengroviae* in Synodo 1584. ventilatum est. V. sub
Mart. Czechovicio, B. A. P. I. p. 236. N. 13. Prodiisse
 hanc epistolam Belgice translata a. 1664. 8. *SANDIUS*
 l. c. p. 74. notauit. Versioni huic in fine adtextum est:
Het Kort begryp van de Christelyke Religie, quod F. So-
 cini *Summa Religionis Christianae* est.

V. Ex.

V. *Explicationes et paraphrases variorum scripturae locorum, edente Hier. Moscorouio cum eiusdem praefatione Racov. 1614. 8. Idem libellus operi No. II. subiunctus p. 65 — 124. idem sine dubio, quem in catalogo scriptorum Socini Msc. ab anonymo quodam concinnato, ita allegatum animaduerto: F. S. commentarii in multos praesertim obscuriores S. Scripturae locos.*

VI. *Commentarius in epistolam Johannis Apostoli primam Fausti Socini Senensis. Rac. typis Sternacianis. a. 1614. 8. pagg. 523. et 6. dedic. Edidit scriptum hoc ab auctore a. 1604. in calamus dictatum, nec ab ipso recognitum Val. Smalcus, eique praemisit dedicationem ad reipublicae Argentoratensis Senatores, scriptam Rac. d. 20. Nou. a. 1614. (V. B. A. P. II. p. 869. N. 26.) Hanc excipit brevis ad lectorem praefatio, in qua ita scribit: „Significandum tibi duxi, hunc librum vno ante auctoris obitum anno nempe 1604. in gratiam viri cuiusdam nobilis Germani, qui Parisiis in Poloniam, inuestigandae veritatis euangelicae causa, venerat, et aliorum quorundam Theologiae studiosorum, Rac. extempore, ab illo dictatum et postea nunquam recognitum fuisse.“ Quae SANDIUS l. c. p. 75. perhibet a. 1603. fabricatum esse sub nomine Vrbeuetani, ex dictis a Smalcio sunt corrigenda. Iudice Reimanno p. 663. commentarius explicationibus nouis, sed lubricis iisdem repletus, paradoxologiis constipatus, controuersiis etiam theologicis nonnunquam, vt parum opportune onustus; et audacioribus quibusdam tentaminibus criticis ita contaminatus, vt temeritatis cuiusdam non immerito postulari queat.*

Ad. Jo. V. 7. cum peruenit, testatur, se explicatione dicti huius merito abstinere, cum satis manifestum sit, verba haec non genuina esse, sed ab hominibus in hunc locum infarta, qui suum dogma de trino et vno Deo, quacunque ratione defendere et propagare voluerint.

Prouocat hinc partim ad ipsum contextum, partim ad varietatem in exemplaribus, tam Graecis, quam Latinis, partim quia antiqui Patres Ecclesiae Graeci et Latini nunquam triplicis huius testimonii, Patris, verbi et Spiritus S. in coelo testantium mentionem fecerint. Testes quoque aduocat sententiae suae et *Erasmus* et *Louanienses* in adnotationibus suis in hunc locum. Quamuis vero pro additiis habeat testimonii huius verba, ita tamen explicat, vt cum disciplina sua consentire videantur. Tandem addit: „non potest vlllo pacto ex istis verbis vna et „eadem essentia Patris, verbi et Sp. S. confirmari, vt a „nostris hominibus copiose et multis exemplis allatis demonstratum est in interpretatione eorum verborum „Christi: Ego et Pater vnum sumus: neque hic quidquam „est opus ea in medium afferre; praesertim cum locus „ipse satis doceat, istam veritatem pertinere ad ipsum „testimonium, hicque aliud nihil dici, nisi quod Pater, „verbum et Sp. S. vnusquisque testimonio suo hoc vnum „testatur, quod Iesus est Christus, seu Dei Filius.“ — — Idem dicitur de Spiritu et aqua et sanguine, in quibus alia vnitas esse nequit, quam testimonii,

De dicto v. 20. ita iudicat: „Nemo nescit, haec „verba vulgo ac passim afferri ad probandum, quod J. „Ch. sit verus Deus, adeo vt non defuerint ex illis, qui „sentiunt, ipsum non esse illum vnum verum Deum, qui „consenserint, haec verba ad ipsum Christum referenda „esse; non animaduertentes, in graeco ante voces, VERUS „DEUS, esse articulum, qui significat, hic agi de illo vno „vero Deo. Et sane talem esse Iesum Christum, ii contendunt, qui hunc locum proferunt, ad Christi diuinitatem probandam. Cum igitur istud, quod contendunt, „ex hoc loco colligi, illis nullo pacto sit concedendum, „(quandoquidem ex proximis superioribus verbis manifeste constat, Apostolum distinguere inter verum illum „vnum Deum et Iesum Christum eius filium) non est „etiam

„etiam illis vltimo modo concedendum, verba ista: Hic
 „EST VERUS DEUS, ad ipsum Christum referenda esse.
 „Nam quod isti ipsi aiunt, aduersus quos nunc disputa-
 „mus, pronomen HIC prorsus ostendere, verba ista re-
 „ferri debere ad J. C. proxime nominatum, id non vno
 „modo ac ratione refelli potest, quemadmodum ostendi-
 „mus in refutatione nostra libelli JACOBI WUICKI: sed
 „tamen hic quoque, vt videlicet in suo proprio loco, ali-
 „quid hac de re dicendum est. Primum igitur dicimus,
 „apud omnes probatos scriptores, tam profanos, quam
 „sacros, saepe inueniri pronomen relatiuum, non id, vel
 „eum referens, qui proxime ante nominatus fuit, sed qui
 „remotius; praesertim si contingat, remotius nomina-
 „tum eum esse, de quo praecipue agitur. — — — e. g.
 „2 Thess. II. 9. CUIUS ADVENTUS EST SECUNDUM OPERA-
 „TIONEM SATANAE. Vbi nemo non videt, necesse esse
 „verba fieri de FILIO ILLO PERDITIONIS ante nominato;
 „cum tamen non ipsius, sed DOMINI, id est, Christi pro-
 „xime facta fuisset mentio; et quod plus est, etiam ip-
 „sius aduentus, vt in verbis a nobis citatis aduentus sit
 „mentio illius, de quo verba fiunt. — — — Act. X. 6.
 „HIC HOSPITATUR APUD QUENDAM SIMONEM CORIARIUM,
 „CUI EST DOMUS IUXTA MARE, HIC LOQUETUR TIBI, QUID
 „TE OPORTEAT FACERE.“ Manifeste apparet, in his ver-
 „bis pronomen HIC, „secundo loco positum, non ad SI-
 „MONEM CORIARIUM, proxime nominatum, sed ad SIMO-
 „NEM PETRUM, pronomine HIC, priore loco posito, sig-
 „nificatum omnino referre debere. Taceo, quod nullus
 „est scriptor minus huius rei obseruans, vt relatiua pro-
 „nomina proxime nominatum referant, quam sit hic no-
 „ster, vt in hac ipsa eius epistola — — obseruatum est.
 „Nullam igitur vim habet, praesertim apud hunc scrip-
 „torem, quod Dei Filius J. C. proxime ante nominatus
 „fuerit, ad probandum, quod pronomen HIC ad ipsum
 „referri debeat; quod eo magis sine vlla dubitatione af-
 „firmandum est, quod non modo constat Deum, cuius

„J. C. est filius, eum esse, de quo hic praecipue agitur,
 „verum etiam, vt antea diximus, ipse noster scriptor pro-
 „xime apertissime distinxit inter illum verum Deum et in-
 „ter Filium eius J. C. Quomodo igitur ad ipsum C. J.
 „possunt referri verba ista, HIC EST ILLE VERUS DEUS?
 „Quid esset sibi ipsi aduersari, et confundere ac peruere-
 „re antea dicta, si hoc non esset, quod Apostolus hic di-
 „ceret, J. C. Dei Filium esse illum verum Deum? Quis
 „est tam stupidus, qui vel ex hoc ipso, quod hic diserte
 „exprimitur, J. C. esse illius veri Dei Filium, non intel-
 „ligat, necessario consequi, C. J. non esse illum verum
 „Deum? Num potest quis sui ipsius esse filius? Facef-
 „sant igitur istae non minus imperitae, quam absurdae
 „interpretationes, et sane miremur, inueniri homines,
 „iudicio alioqui et eruditione praestantes, eosque valde
 „multos, qui plane velint, propter id tantum, quod J.
 „C. proxime fuerit nominatus, omnino de ipso dicta fuisse
 „verba ista, HIC EST ILLE VERUS DEUS,“ etc.

Dedicatoriae SMALCII epistolae visum est *Argento-*
ratenſi Senatui Apologeticam Ecclesiae suae ministrorum
 opera opponere, quam GOTARD. ARTHUSIUS *Dantiscanus*,
Mercurii Gallobelgici Tom. X. L. IV. p. 148. seqq.
 inseruit hoc modo: „Qua fraude, dolo atque versutia
 „Spiritus tenebrarum, Orthodoxis olim Ecclesiis in Orien-
 „te, blasphemum et impium dogma haereseos Arianae,
 „diuinam Christi Seruatoris nostri naturam negantis et
 „impugnantis, non tantum obtrudere conatus fuerit, sed
 „hoc ipso impio dogmate uniuersam fere orientalem Ec-
 „clesiam compleuerit et occuparit, illud ex H. E. *Eusebii*,
 „*Socratis*, *Theodoreti* et aliorum tam notum est, quam
 „quod notissimum. Refert in primis *Theodoretus* L. 2.
 „cap. 18. et seqq. in Synodo Ariminensi, ex Occidenta-
 „libus simulatque Orientalibus Episcopis collecta et con-
 „uocata, tandem ab Arianae factionis propugnatoribus
 „sub *Constantio* Imperatore, nihil aliud quaesitum fuisse,
 „quam

„quam pacem et concordiam cum Orthodoxis, si modo
 „vocabula *εστιας* et *ομοτις* de formula fidei eximerentur.
 „Negabant enim ferendum, ut Ecclesiae corpus distrahe-
 „retur propter duas vuculas, quae in scriptura nusquam
 „reperiuntur. Qua fraude factum sane est, ut alii qui-
 „dem per imposturam, alii vero per terrores adacti con-
 „fessionem Arianorum subscripserint. Longe maior hoc
 „nostro saeculo videtur eiusdem spiritus tenebrarum siue
 „astutia, siue malitia, qua blasphemum et impium dog-
 „ma Arianum non ex professo interdum et aperte, sed
 „occulte quasi aliud agens in Ecclesiam paulatim introdu-
 „cere conatur. Ea ratione anno superiore proximo 1614
 „*Racoviae* Polonorum, opera et studio cuiusdam VAL.
 „SMALCII *Gothani*, editus est libellus F. SOCINI *Senensis*,
 „qui inscribitur, *Commentarius in epistolam Johannis Apo-*
 „*stoli primam*, quo in titulo, nisi ipsius auctoris confes-
 „sio nota esset, nulla omnino Arianismi suspicio apud
 „simpliciores locum inuenire posset, idque eo minus, quo
 „puriorum et sinceriorum in religione *patronum Val.* ille
 „*Smalcus* in epistola dedicatoria huic libello quaerere
 „non erubuit, Amplissimos videlicet (ut ipse appellat) il-
 „lustris Reip. Argentoratensis Senatores, Dominos, (si
 „diis placent) suos gratiosissimos: Quos huius haereseos
 „hostes esse acerrimos, ex publicis Ecclesiae Argenta-
 „tensis confessionibus sufficientissime demonstrari potest.
 „Tanta tamen huius haeretici est impudentia, temeritas
 „et audacia, ut eosdem in patrocinium totius illius Com-
 „mentarii inuocare minime dubitauerit; adeo, ut ex prae-
 „fatione illa in suspicionem fere quis adduci posset, ali-
 „quam nostrae Ecclesiae cum hoc homine eiusque affectis
 „collusionem in confessione existere. Quo pertinet illa
 „in fine praefationis insignis commendatio, quod ex sen-
 „tentia suarum Ecclesiarum inter Reformatas ad Christi
 „Euangelium Respublicas et Ecclesias, nostra non postre-
 „ma sibi visa fuerit. Praecipue autem precatiuncula, qua
 „praefationem suam concludit: *Deum potius ex animo*

„oro, ut propitius vobis semper adesse velit, et efficiat, ut
 „in istis rebus, quae ad Religionem spectant, et quibus nunc
 „caretis, in dies magis magisque proficiatis. In ipso ve-
 „ro Commentario distinctis in locis blasphemio ore et
 „calamo vera diuinitas J. C. negatur et impugnatur. Ex
 „multis vnicum saltem ac praecipuum huius impii dog-
 „matis exemplum allegabimus. Plures enim eiusmodi
 „blasphemias de Domino nostro J. C. vero Deo et homi-
 „ne in vna persona proferre, et ex maledicto ore haere-
 „ticorum repetere, ipsa pietas et religio non admittit.
 „Pag. 516. et seqq. Ad illustre illud testimonium pro
 „vera Christi diuinitate asserenda: *Hic est verus Deus et*
 „*vita aeterna*, prolixè sed frustra conatur refutare eos,
 „qui haec verba afferunt ad probandum, quod J. C. sit
 „verus Deus. Inter alia sic scribit. Et sane talem esse
 „Jesum Christum (videlicet verum Deum) ii contendunt,
 „qui hunc locum proferunt ad Christi diuinitatem pro-
 „bandam. Cum igitur istud, quod contendunt, ex hoc
 „loco colligi illis nullo pacto sit concedendum: non est
 „etiam illis vllò modo concedendum, verba ista: *Hic est*
 „*verus Deus*, ad ipsum Christum referenda esse. Suf-
 „ficient blasphemiae in Christum Seruatorem nostrum,
 „quem vnum verum Deum esse cum P. et Sp. S. nos Dei
 „gratia credimus, docemus et confitemur. Absit igitur,
 „et absit longissime, *Lector Christiane* atque beneuole, vt
 „occasione epistolae dedicatoriae *Val. Smalcii* ad incly-
 „tum nostrum Magistratum Argentoratensem eam in su-
 „spicionem adduci te patiaris, quasi vel ab Amplissimo
 „nostro Senatu, vel a Ministerio Ecclesiastico, obscuro
 „huic et impio homini, *Fausti* illius infaustum Commen-
 „tarium publica praefatione inscribendi et dedicandi vlla
 „etiam vel minima occasio data fuerit: Tantum abest, vt
 „aliqua saltem cum gratia, fauore atque beneuolentia epi-
 „stola illa dedicatoria recepta fuerit. Diligenti inquisi-
 „tione instituta, certo tamen haectenus sciri non potuit,
 „a quo et per quem Commentarius iste *Socini* ad nos
 „per-

„peruenerit. Habeat igitur sibi cum suis suum Com-
 „mentarium *Val. ille Smalcus*: Nos per Dei gratiam
 „cum eodem nihil umquam in hac impia, haeretica, blas-
 „phema, Photiniana et Ariana opinione commercii aut
 „collusionis habituros, publica hac epistola coram uni-
 „uersa Ecclesia protestamur. Deus in semel agnita veri-
 „tate nos constantes usque ad vitae finem conseruare dig-
 „netur. P. P. *Argentorati, 4. Sept. Anno IesV Christi*
 „noMen VerI Dei (1615.)“

VII. *De S. Scripturae auctoritate. Opusculum tem-
 poribus his nostris utilissimum. Quemadmodum intelligi
 potest ex praecipuis capitibus rerum, quae in ipso continen-
 tur. Ea autem notata sequenti inuenies pagella. Per R.
 P. Dominicum Lopez Societatis Iesu. Hispali apud La-
 zarum Ferrerium 1588. Cum priuilegio superiorum. In
 12. pagg. 80. et 6. praef. et a. 1589. 12. Quamuis li-
 bellus inter optimos auctoris (quippe in quo multa ad
 demonstrandam religionis christianae veritatem collegit,
 quemadmodum is de I. C. Seruatore inter nocentissimos
 numeratur; (v. Mich. Lilienthalii Bibl. Theol. p. 882.)
 respectiue tamen hoc est intelligendum, cum minus no-
 cuerit, quam reliqui Socini, et ab omni errore immunis
 dici nequit. Diuinorum enim librorum S. inspirationem
 auctor negat, nec internum Spiritus S. testimonium, ad
 consequendam diuinam, salutarem et viuam fidem neces-
 sarium putat, variaque per errorem prodita esse, a S.
 scriptoribus arbitratur, quamuis haec non ita sint com-
 parata, vt argumentum horum librorum ideo credi ne-
 queat. Plura haereseos vestigia detexit CALOVIUS in opp.
 Antisocin. f. 19. seqq. qui tamen ex odio in Socinum per-
 sonali aliquando plures vidit errores, quam alii. ZELT-
 NERUS in notis ad Epp. Ruari p. 79. ita iudicat: „Argu-
 mentum quidem libri non contemnendum est, sed eo tamen
 modo pertractatum, fateor, vt praeter difficultates alias,
 a diuinae fidei immota confirmatione, quam ex ipsius S.
 scrip-*

scripturae virtute diuiniore insita, Sp. adeo sancti ipsius operatione supernaturali expectamus et opus habemus, prorsus abstineat, lectoremque proinde fundamento fidei genuinae male priuet."

Sandius l. c. p. 66 prodit, librum Italice circa a. 1570. conscriptum, in gratiam viri cuiusdam magni, editum non praefixo auctoris nomine, et latine ab auctore conuersum. *Cloppenburgius* iudicat auctoris, loci et typographi nomina in titulo, quem exhibui, ficta esse, dicitque fuisse, qui ex typorum indicio asseruerint *Amstelredamensi* typographo, satis celebri olim bibliopolae, *Cornelio Nicolai*. Hoc *Sandio* videtur rationibus carere, qui sibi persuadet, *Dominicum* quendam *Lopezium* S. I. *Hispanum* per plagium litterarium opusculum sibi vindicare voluisse. Sed *Cloppenburgii* sententia vltiori non indiget demonstratione, cum ipse libri titulus, verbaque apposita, cum priuilegio superiorum, eam satis sustineant, quae vel *Iesuita*, vel *Hispanus* typographus non adiecissent, quibus satis constat, quod superiores nullum librum priuilegio munire possint. Imo in praefatione leguntur, quae *Iesuita Hispanus* nunquam scribere ausus fuisset; sic e. g. p. 5. inquit: *quia in coelis regnantem* (Christum) *superstitioso cultu demereri vult mundus*. Interim tamen aliquando *Dominicum Lopezium* inter *Iesuitas* erronee relatum legimus. V. *Biblioth. Hal. T. I. p. 408. Baylius* l. c. Tit. *Faust. Socin. Litt. P. Placcius* N. 854. p. 240. R. *Simon Biblioth. Choisie P. II. p. 264. Sandium* non vidisse primam libri editionem, cuius titulum exhibui, probabile est; quae enim ex praefatione adfert, ex breui potius alloquio, editioni *Racouienti* praefixo, eoque male intellecto deprompta sunt, quam ex praefatione antiquissimae editioni praemissa. Huius quidem scriptor dari naturalem Dei cognitionem adfirmat, cum auctor libelli prorsus eam neget; interim eius disciplina cum *Socini* erroribus omni modo componi potest. Fuit

itaque

itaque auctor praefationis, quoad hanc partem a Socino dissentiens, in reliquis autem cum eodem homodoxus, nequaquam vero Iesuita.

Capitum contenta sequens pagina profert: 1) Demonstratur iis, qui iam credunt, christianam religionem esse veram, non posse eos iure dubitare de auctoritate librorum V. et N. Testamenti. 2) Hoc idem demonstratur iis, qui nondum credunt, Christianam religionem esse veram. Primum iis, qui credunt aliquam esse, aut esse posse veram religionem. Deinde iis qui existimant, nullam veram religionem esse posse. 3) Probatur breuiter cunctis in vniuersum, neminem posse causam vllam iustam afferre, cur libris istis fidem non exhibeat. 4) Ostenditur istis libris maiorem debere fidem adiungi, quam aliis communiter adiungatur, doctrinam historiamue aliquam continentibus. 5) Detegitur error illorum, qui fidei libris istis adiungendae eiusmodi argumenta postulant, quibus nemo sese vlla ratione oppondere queat. 6) Confirmantur ex parte, quae supra dicta sunt auctoritate DANTIS ALIGERII.

Prodiit gallica versio Basileae 1592. cui in praefatione editoris typographi, praefixa est Theologorum Basileensium censura in quaedam loca scripti huius, quibus tamen huius libri verus auctor incognitus fuit. Alia editio latina Rac. typis Sebast. Sternacii 1611. 8. pagg. 87. exscripta, eique in tribus paginis p. 84. addita est *summa religionis christianae* eiusdem SOCINI, ex Italico in latinum conuersa, quae summa etiam 1654. 12. edita est, teste Sandio l. c. p. 67. *Conr. Vorstius* libelli huius editionem a. 1611. procurauit, quae hoc titulo lucem adlpxit: *De auctoritate S. scripturae: opusculum his temporibus nostris utilissimum quemadmodum intelligi potest ex praecipuis rerum, quae in ipso tractantur, capitibus. Ea vero proxime seqq. pagellis notata sunt. In praefatione ad lectorem ratio huius editionis exponitur. Steinfurti excudit*

condit Theoph. Caesar, anno 1611. 8. pagg. 127. et praef. 22. absque auctoris nomine. Iterata hac editione Vorstius, qui libello praefationem praemisit, et in fine adiunxit notas Theologorum Basileensium ad tria loca libri paulo obscuriora, praeter alias rationes Socinianismi suspicionem aduersus se concitauit. V. Bayle Tit. Socin. et Praefatio ad Ecclesias praemissa Actis Synodi Dordrac. p. 21. Librum editor in XI. capita distinxit, cum priores editiones tantum VI. exhibeant diuisis capitibus primo in quinque, et secundo in duo capita. Fusiohem huius editionis recensioem instituit Bibl. Hal. l. c. p. 413 — 416.

Belgice liber prodit a. 1622. interprete THEODORO RAPHAELIS CAMPHUSIO eiusque notis adornatus prima vice, vna cum SMALCII libro de *diuinitate Christi*, hac in fronte inscriptione *Traetact van de Auſtoriteyt der H. Schrifſture. Eerſt in't Italiaens beſchreuen, door FAUSTUS SOCINUS van Siena, Naderhant in't Latyn ende Francoiſ getranslateert. Mitsgaders Het Boeck van de Goddelyckheydt onſes Heeren Ieſu Chriſti. In't Latiin uytgegeuen, door VALENTINUS SMALCIUS, van Gotta, Leeraer der Gemeynte tot Rakow in Polen. Beyde getrouwelück verduytscht, vytde Iongſte latynſche Editien, Gedruckt tot Rakaw by Sebastian Sternatzki — 4. Socini tract. habet. pl. 10. Smalcii Alph. I. pl. 3. Racoviae eſſe impreſſum, nemo ſibi perſuadebit, ipſo adſpectu prelum belgicum monſtrante. Annus impreſſionis non notatur; breuis tamen praefatio belgica ſubſcripta eſt a. 1622. In hac notatur, libellum iam ante 50 annos lingua Italica prodiiſſe et in linguam latinam translatum ante 33 annos *Seviliae* ſub nomine *Dominici Lopezii* Ieſuitae lucem adſpexiſſe; in hac vero editione, praefixaque eidem praefatione ſtatutum eſſe ab editore: Reperiri in homine a natura quandam de Deo cognitionem, quod in ipſo libro expreſſe negaretur. A *Fratribus Polonis* iterum editionem*

nem latinam libelli esse procuratam, eo modo, ac si ipse auctor eam procurasset; et ex hac in linguam belgicam esse translatum, ac editum, vt antidotum paretur Atheisticis ac profanis opinionibus, quibus haec maxime aetas abundet. Interpretis quidem nomen in titulo non legitur; adscriptum tamen maiusculis litteris manu vetusta in exemplari, quo vsus sum, legitur: *Door Dörck Raphael Camphuysen Remonstranten*. In margine et aliquando sub textu interpres adposuit notas et dilucidationes. V. B. A. P. II. p. 872. N. 30. Secunda vice lucem vidit hoc titulo: *'t Boeck van F. Socinus van de Authoriteyt der H. Schriftuur, door DIRK RAPHAELSS. KAMPHUYSEN, uyt tet Latyn vertaalt en met geleerde Aanteekeningen verciert. Daarvoor gesteld is de Opdraght van IAC. SIENINSKI VAN SIGISMUND III. Koning van Poolen. Rakau 1623. 4.* Secundae editioni successit tertia cum praefatione *Conradi Vorstii* apologetica sub tit. *Van de Geloofwaardigheyd der H. Schriftuur: met KONRAD VORSTIUS verantwoordelyke Vor- Reden verrykt. 1664 (1666) 4.* Sieninii dedicatio scripta *Racov. 1608. 20 Nov.* Adtextus est, *SMALCII liber de diuinitate I. C. Teste REIMANNO l. c. p. 651.* ex *Socini* opere non parum profecit *H. Grotius, P. D. Huëtius*, aliique, qui de veritate R. C. et S. Sc. aliquid litterarum monumentis commendarunt, quam auctor non negligeret asseruit. Ipse tamen hoc suo labore non satis contentus fuit, vt patet ex eius epp. p. 517. vbi translationem *κατά πόδα* factam esse scribit, ob typographi festinationem, seque, si Deus vitam et valetudinem concesserit, totum hoc opusculum recogniturum, cuius iam sua aetate disparuisse testatur exemplaria, vt, quo petentem *Philippoviae Capitaneum*, *CHRISTOPH. MORSTINIUM* donaret, ne vnum quidem expiscari potuerit. Praefationem non a se esse profectam, nec proficisci potuisse, sed se plane inscio adpositam, ibidem notatur. V. F. S. epp. p. 498. Schediasma hoc pontificiis non ingratum fuit, quia omissa S. Scr. supernaturali virtute et testi-

testimonio Sp. S. ex solis motuius credibilitatis, diuinam S. Scripturae auctoritatem euincere studet. Gallica versio lucem adspexit sub tit. *Livre de l'Autorité de la S. Ecriture, traduit par NICOLAS BERNAUD, Gentilhomme Dauphinois. Avec l' Avertissement des Mess. les Theologiens de Basle, sur quelques Endroits du dit Escriit.* 1592. 8. B. A. P. II. p. 579. N. 11.

VIII. *Lectiones sacrae FAUSTI SOCINI Senensis, quibus auctoritas sacrarum litterarum praesertim Noui Foederis asseritur. Opus imperfectum. Racoviae typis Seb. Stern. a. 1618. 8. pl. 12. seu pagg. 194. et errat. 4. Anonymus praefatiunculae auctor (qui, ut arbitror Moscorovius est,) notauit, scriptum hoc inter fragmenta a Socino non scripta, sed dictata tantum, nec postmodum recognita, esse collocandum. Imperfectum est, ad finem non perductum, immo in ipsis pene principiis substitit auctor, quod liquide patet ex collatione delineationis p. 5. traditae, cum tractatione ipsa; sua tamen laude non excludendum. In vindicandis locis V. V. et N. T. citatis ita occupatur, ut, si extremam manum ipse imponere potuisset, hoc in omnibus eius operibus aequale non fuisset habiturum. In fine p. 194. haec leguntur: Paucula quaedam auctoris desiderantur; reliqua prorsus non absoluit. Eaedem lectiones Belgice interprete Th. Camphuysio eiusdemque notis illustratae 1666. 4. prodierunt, sub tit. *De scriftuurlycke Lessen vertaalt door D. R. Camphuysen, en met syne Aanteekeningen verrryckt.* V. SANDIUS l. c. p. 77.*

IX. *Tractatus de Ecclesia F. Socini Senensis. Racoviae typis Seb. Stern. 1611. 8. pagg. 112.* Octo in hoc opere continentur tractatus breuiores, quibus peculiare tituli praefiguntur; nimirum p. 3. Pontificios sua dogmata et ritus Ecclesiae auctoritate minime tutari posse, et quaestionem de Ecclesia, quaenam, siue apud quos sit, non esse necessariam, 2) p. 13. Euangelicis, (ut vocant,)

cant,) verbi Dei ministris ministerii controuerfiam iure moueri non posse, breuis demonstratio. Haec duo schediasmata, alio indice et titulo, separatim quoque edita sunt, sine loci ac temporis indicio; ita tamen, vt scrupulorum solutio et locorum quorundam Scr. explicatio, quae editioni *Racouienfi* de a. 1611. accefferunt, in hac non reperiantur; quod SANDIO l. c. ignotum fuit. 3) p. 19. Scrupuli ab excellenti quodam viro propositi. 4) p. 26. Ad scrupulos F. SOCINI responsio. 5) p. 57. Explicatio verborum Christi: *tu es Petrus, et super hanc petram etc. Math. 16, 18.* Hanc tractationem CHRISTOPH. OSTORODI rogatu scriptam esse, ex Epp. F. S. p. 458. discimus. 7) p. 96. De ecclesia nonnulla, ex eiusdem F. SOCINI *Senensis* scriptis, excerpta. 8) p. 102. Eiusdem F. S. aduersus eos, qui rerum ad salutem suam aeternam pertinentium cognitionem, diligenter per se ipsi non inquirunt. Quae *Sandius* l. c. p. 76. No. 8. adfert: ex epistolis F. Socini de Ecclesia, item de inuocatione Christi, in hoc libello non inueniuntur; fortassis haec separatim edita, libro recensito adligata fuerunt. Idem notauit, tractatus hosce a. 1639. 4. belgice prodiisse. Tractatio multa continet egregia et ad errores Pontificiorum conuellendos peridonea; sed nonnulla quoque paradoxa, et Socini placitis accommodata. V. *Reimannus* l. c. p. 652. Quae *Andr. Miedzibocius* in disp. contra F. SOCINUM pro Ecclesia opposuit, in B. A. P. II. p. 850. N. 14. 15. notauit.

X. *Fausti Socini Senensis ad amicos epistolae.* In quibus variae de rebus diuinis quaestiones expediuntur, multaque sacrarum litterarum loca explanantur. Additae sunt paucae aliorum ad Socinum epistolae, ad quas ipse respondet. *Rac. typis Seb. Stern. a. 1618. 8. pagg 695. pl. 46.* In hoc opere epistolico defunt tres epistolae ad DUDITHIUM, nec non tres ad MART. SEIDELIUM, ineditae etiam non paucae latinae et Italicae a *Sandio* l. c. p. 78.

memoratae, non vero omnes ante annum 1581. scriptae, quod ab ipso erronee proditur, cum quaedam a. 1580. exaratae in hoc volumine reperiantur. Praeclare de re litteraria meritum est, qui hunc litterarum fasciculum collegit. Enarrant enim istae res memoria dignas magnique momenti, haud paucas virorum Poloniae ecclesiasticorum historias arcanas et mysteria impietatis, nec non quaedam ad historiam huius gentis litterariam spectantia. Praecipue in iisdem *Socinus* opiniones suas, scripta ac fata longo ambitu describit. Habuit praeterea *Val. Smalcus* ducentas ac fortassis plures eius epistolas ineditas in manibus suis; quia vero istae plura specialia de seipso continebant, noluit, ut se vivo publicae luci exponerentur. Post *Smalcii* obitum ad *Mart. Ruari* manus venerunt, qui ex earum numero paucas ad *Dudithium* datas euulgauit. Vtrum reliquae adhuc alicubi lateant, an perierint, ignoro. Vnam ex autographo supra communicavi. Quia ex hoc commercio epistolico, vniuersae coetus huius historiae non parum lucis adfunditur, ipsiusque *Socini* diuersi casus in illis exponuntur, earum, saltem plurimarum palmarium argumentum paucis exhibere a scopo meo non alienum videtur. 1) *MARC. SQUARCIALUPI Itali ad F. S.* ex vrbe Transylvanorum primaria a. 1581. d. 15. Sept. V. B. A. P. II. p. 907. Hortatur *Socinum*, ut a controuersis nimis et ad usum coetus minus necessariis absteineat, nec adeo velox sit in publicandis scriptis. In specie eum reprehendit, quod librum contra *JAC. PALAEOLOGUM*, non pleno cum iudicio et minori veritatis studio concinnauerit, nec in hac disputatione considerauerit, *quis ipse sit*, qui status, quae vires cum animi, tum corporis, quodue praecipuum sit munus, neque contra quem et qua de materia scripserit, quae saepius et a tot tantisque viris tractata fuerit, nullumque in religione habeat usum. 2) Responso *F. S.* ad eandem Cracouiae d. 20. Nou. 1581. qua pugnam suam cum *Palaeologo* seque ipsum prolixè defendit, ut
potius

potius tractatum, quam epistolam scripserit. 3) *Ad Phil. B.* qui est *Buccella*, quod nos docet ep. 3. F. S. ad *Radecium*, in epp. p. 100. et 109. V. B. A. P. 1. p. 79. Respondet ad *Buccellae* litteras, in quibus probare conabatur, nullum in humanis actionibus vituperatione dignum esse peccatum, scripta ex agro Paulicouiano 5 *Cal. Jan.* 1584. *Phil. B.* in epistola appellatur Philosophus eruditissimus et quidam *Joannes Baptista Cettis* (B. A. p. 97.) affinis eius; quod ille commoratus tum fuerit *Pofonii*, cum *Cal. Sept.* 1583. ad F. S. litteras dederit, docemur. 4) *Ad Math. Radecium*, olim Secretarium Amplissimae Reip. Gedanensis, prima, scripta *Rac.* d. 24. *Sept.* 1584. in qua illi sententiam suam de *communione ecclesiastica et instituendis conuentibus sacris*, quam sibi *Radecius* expetierat, exponit. 5) Adeundem secunda, *Paulicoviae*, d. 17. *Mart.* 1585. quae agit de defectione et Ecclesiae primaevae apostolicae restauratione, et an nulla plane hodie detur Ecclesia, quae apostolicae similis sit, de quibus *Socini* sententiam sibi expetierat *RADECIVS*. 6) *Ad eundem tertia*, *Crac.* die 8. *Jan.* 1586. liber potius est, quam ep., quinque enim plagulas capit, et ad tres *RADECII* litteras responsoria est. Primo *Francisci Puccii* historiam variasque cum eo pugnas longo ambitu recenset. Posthaec ea diluit, quae *RADECIVS* contra externum Ecclesiae ministerium disputauerat, in quibus quoque una cum *Puccio* stabilire conabatur, quod nulla sit, neque esse possit hodie externa Ecclesia. Differit porro de N. T. sacramentis, et de Baptismo, de senioribus Ecclesiae, quos in primitiva ecclesia non collegisse praedicatione verbi coetum, sed eidem praefectos fuisse statuit, de spe ac fide in venturum Messiam, qua praeditos fuisse patres sub Ver. T. negat; de inuocatione et adoratione Christi, agitatique hac de materia controuersis cum *Francisco Dauidis* et *Christiano Francken*, de sessione Christi ad Dei dexteram, qua notari significat, supremam post Deum potestatem et gubernationem. Juxta haec, alia nonnulla

miscellanea maxime historica occurrunt. 7) Ad eundem 4ta, qua paucis agit, de verbis Dei ad Cainum *Gen. IV. 15* quae ita intelligi posse credit: Deum miraculo aliquo ipsi Caino edito, ostendisse id verum futurum, quod ei pollicitus erat, nempe non fore, ut quisquam eum percuteret; de *Nahamanis* verbis, de *Gog* et *Mahog*, de loco *Gen. VI. 3.* de anni tempore, quo natus est Christus, circa quod dubia profert, quod Christus in bruma non sit natus. Initium ac finis epistolae desiderantur, nec quando et quo loco scripta sit, notatur. 8) Ad eundem *quinta*, absque temporis et loci significatione. De variis momentis, quae ipsi *Radecius* proposuerat, sententiam exponit, breuissimis quidem, quia cum scriberet, thoracis doloribus affligebatur. 9) Ad eundem *sexta* sine loci et temporis commemoratione. Statuit in eadem, locum *Gen. III. 15.* non continere promissum, sed minas, nec primos parentes verborum sensum intellexisse. 10) Ad *Franc. Davidis*, sine loci et temporis indicio, de verbis *Thomae Jo. XX. 28.* 11) Ad omnes eos, qui *Chmielniciam* ad synodum conuenerunt, *Pavlicouiae* die 2 Sept. a. 1584. Excusat moram, quod responsionem pro animaduersionibus in assertiones *Collegii Posnaniensis de Trino et uno Deo* nondum absoluerit, coetumque pro temporis huius ratione hortatur. 12) *Jo. NIEMOIEVII* ad *F. S. ep. I. Lublini* 1587. vlt. Febr. Negavit *Socinus* in libro contra *Volanum*, Christum in morte et ara crucis sacrificium obtulisse, de qua re tanquam salutis nostrae cardine in futura synodo cum *Socino*, vel, si *Socinus* linguam Polonicam non satis teneret, cum alio huius linguae gnaro, praesente tamen *Socino* colloquium habere desiderat *Niemoieuius*. Deinde in responsione *Socini* ad argumenta *Franc. Davidis*, maxime offensum et contristatum se esse testatur, his *Socini* verbis: *Christum Dominum innocare possumus, sed non debemus, siue non tenemur*, quasi in negotio salutis nostrae liberum sit, facere vel omittere. Tandem ex eodem scripto eum reprehendit,

quod

quod adorationem Christi ab inuocatione distinxerit. 13) *F. S.* ad superiorem ep. responsio; ex agro *Paulic.* d. 20. *Martii* 1587. Argumentum ex *Niemoieuii* ep. colligitur. Vt disputatio instituat, annuit, verum non coram, sed per scripta, vt melius de tota quaestione a coetu postea iudicari possit, nec lingua Polonica, cuius ipse non satis gnarus sit, sed latina. Nos non teneri inuocare Christum, nihil aliud significari declarat, quam *Nullo iure cogi*; seu nos quidem iure posse preces ad ipsum Christum dirigere, non tamen ad id faciendum diuino itire adigi. Tandem suam distinctionem variis rationculis defendit, in primis ad disputationem cum *Franc. Dau.* prouocat. 14) *Niemoieuii* ad *F. S.* responsio, *Lublino* d. 25. *Apr.* a. 1587. qua testatur, quod liber *Socini* de Seruatore J. Christo sibi iam olim displicuerit, et priuatim ac publice in synodis significauerit, se ipsius sententiae de morte Christi hominumque iustificatione suffragium ferre non posse, ipsumque in scripto contra *VOLANUM* sententias cum scriptura S. pugnantes exposuisse. Praeterea, quod Christus in cruce sacrificium non obtulerit, euidentissimis s. scripturae oraculis refellit et filii Dei inuocationem tuetur. 15) *F. S.* ad secundam *NIEMOIEVII* ep. responsio, *Crac.* die 20. *Mai* 1587. qua causam suam quouis modo defendere allaborat, et prolixè propugnat, vt epistola tractatus molem assequatur. 16) *Eidem* ep. 3. *Crac.* die 1. *Febr.* a. 1587. Librum Polonicum concinnauerat *Niemoieuius* contra theses *EMAN. VEIAE*, *Jesuitae*, de *coena Domini*, in quo, antequam imprimeretur, non pauca corrigi voluit *SOCINUS*, in primis quae auctor a *Bucero* mutuauit, quapropter scriptum quoddam suum de *coena Domini*, in gratiam amicorum exaratum, cum eodem communicat, vt ex hoc opus suum emendaret. *V. B. A. P. I.* p. 551. *N. 4.* et paulo infra inter scripta *F. S. N. XVII.* 17) *Ad MART. CZECHOVICIUM* coetus *Lublinensis* pastorem, *Crac.* die 20. *Jun.* 1580. qua nuntiat, quod *SCHOMANNI*, *SIMONIS*

RONNEMBERGI aliorumque rogatu ad *paracnesin* ANDR. VOLANI respondendi laborem susceperit, hunc Lublinensium iudicio subiecerit; praeterea sibi exemplum epistolae *Volani*, nec non scripti ipsius CZECHOVICII de *baptismo* expetit. 18) Ad JO. BALCEROVICIUM, *ciuem Lublinensem et seniore coetus*, Crac. die 17. Octbr. a. 1580. varias res maxime familiares tractat, et polemica quaedam paucis tangit. 19) Ad eundem, Crac. die 30. Jan. a. 1581, qua tractatum in caput septimum ep. ad Romanos transmittit, huncque ut NIEMOIEVIO ad sententiam suam de eo ferendam tradat, petit. 20) Ad eundem, 3. Crac. d. 26. Martii 1581, cui pariter ac NIEMOIEVIO librum quendam insinuat, et verborum suam in eo conficiendo nec non errata per festinationem perpetuasque occupationes excusat. 21) Eidem 4. Crac. die 1. Jun. 1582. narrat, quod VOLANI responsionem refutare apud se constituerit, opusque non suo, sed communi nomine in publicum emittendum esse iudicat, et ut coetus *Lublinensis* sententiam hac de re perscribere velit, rogat. 22) Ad eundem, 5. Crac., die 28. Sept. 1584. qua veterem amicum JO. BAPT. BOVIUM *Gedano, Lublinum* venturum maxime commendat. B. A. p. 71. Quarenti mihi olim ex *Paulo Crello*, quis BOVIUS fuerit, respondit in ep. *Andreaewalda* Cal. Sept. a. 1746. „*Credo equidem, nec vana fides, JO. BAPT. BOVIUM, cum FAUSTO SOCINO Senensi vetustate amicitiae coniunctum fuisse, attamen eiusdem nationem, confessionem, aut professionem prorsus ignoro.*“ 23) Eidem 6 Crac. d. 21. Nov. 1587. *Cornelium Daems, Bruxellensem patria, Gedano per Lublinum* profecturum summopere commendat. V. B. A. P. I. p. 237. Fuit *Corn. Daems J. V. D. Radecio* Gedani per aliquod tempus familiaris. 24) Ad eundem 7. Crac. die 23. Oct. 1590. rogat, ut librum suum de *J. C. Servatore*, quem JUSTUS DE PREZ per *Lublinum Gedano* profecturus, exhibiturus esset, JO. VOLKELIO transmittat. 25) Ad eundem 8. Crac. die 4. Jul. 1591. An
acce,

acceperit ab ALEXIO typographo exemplaria (liber non indicatur) eaque distraxerit et quo pretio, vt significet, rogat. De quodam adiuuando obscure agit, nec eundem nominat. 26) Eidem ep. 9. *Crac.* d. 19. *Dec.* 1592. mittit ad eum quatuor exemplaria scripti, excerpti ex libro *de Christo Seruatore*, quod amicus se infcio excudendum curauerat, idque in loco, vbi hoc palam facere non licebat. 27) Ad eundem 10 *Crac.* d. 29. *Martii* 1593. de veritatis cognitione, quam lectione scriptorum suorum promoueri sibi persuadet, laetatur, et, vt illa amplificetur, precatur. 28) Ad eundem 11 *Crac.* d. 13. *Mai* 1594. significat, se propter morbi reliquias ad synodum venire non posse, ideo tamen absentem otiosum non esse. Mittit emendationes erratorum in *ANTIWIJECKO*, quas a quolibet in suo codice notari voluit. 29) Eidem 12 *Crac.* d. 20. *Maii* 1594. vnus adhuc errati emendationem, rationesque dati ac accepti ad librum istum imprimendum exhibet, sibi que exemplum *disputationis Novogrodiensis* expetit. 30) SIM. RONEMBERGII, ciuis *Cracov.* (*Pharmacopolae*) et Senioris Ecclesiae huius loci ad *F. S.* ep.; neque in hac, neque in *Socini* responsoria ad eandem, annus et locus scriptionis notantur. *Ronembergii* ep. excerptum potius est, quam plena tractatio; quae vero in eadem desunt, sensumque impediunt, ex *F. Socini* responsione suppleri possunt. Scriptas esse circa annum 1583. coniicio. SOCINUS enim inquit p. 369. Tertius annus agitur, ex quo vobis librum meum (*De Baptismo*) exhibui. Hunc vero scripsisse 1580. constat. Primo *Socinum* reprehendit, quod Baptismum aquae rem indifferentem statuat, ex debito tamen baptizandos esse Iudaeos et Ethnicos, qui nondum Christo nomen dederint. Deinde coetum accusat, quod *Socinum* mensae Domini communionis cupidum, ab hac excluserit, eidemque viam ad Ecclesiae vnionem obserauerit. RONEMBERGIUS interea eum admonet, vt baptismum ad insignem totius coetus aedificationem accipiat,

omnia accuratius perpendat, seque persuasum habeat, quod cum ipso vix alio modo agi possit. 31) Respon-
sio F. S. ad RONEMBERGII ep. octo causas explicat: cur,
cum baptismus aquae res indifferens sit, ad hunc susci-
piendum nemo, qui Vnitariorum coetui se adiungere ve-
lit, adigi debeat, qui vulgo baptizatus in infantia credi-
tur. Hoc enim concessio, non amplius vrgeri debet Bap-
tismus, sibi que cauendum esse, ne iam baptizatus hunc
ritum iterum accipiat, siquidem hoc ipso coetum, cuius
maior pars necessitatem reiterandi huius sacramenti sta-
tuit, in errore hoc confirmatum iri. Vult igitur, vt li-
brum, quo baptismi indifferentiam adstruxerat, refellant,
ipsamque edoceant, quod in errore pernicioso versetur.
32) A *Sophiam Siemichouiam* nobilem foeminam, qua ad
huius litteras de *baptismo* aquae ad ipsum scriptas respon-
det; absque loci et temporis significatione; eodem tamen
tempore, quo praecedentes, data videtur. Suaserat au-
tem illa, vt *Socinus* aquae baptismum susciperet, cui pla-
citum suum de indifferentia baptismi commendat. 33)
Ad PET. STATORIUM, coetus *Luclauiciensis* pastorem,
Crac. die 15. Oct. a. 1590. Laudat consilium STATORII,
quo sententiam suam de *coena Domini* vernacula lingua
exponere statuit, et qua id cautione faciendum sit, pro-
ponit. 34) Ad eundem ep. 2. Crac. die 19. Maii 1594.
An licitum sit homini Christiano lites exercere, nec ne,
ad verba Christi *Math. V. 40.* et *Pauli I. Cor. VI. 7.* di-
sputat ac adfirmatiuam defendit. 35) Ad eundem ep.
3. Crac. d. 8. Sept. 1593. *Socinus* baptizare in nomen
Spiritus S. idem esse venditat, ac instituere in iis, quae
Spiritus S. sunt, s. ad Spiritum S. pertinent, nec ex ista
loquutione sequi, eum esse in divina essentia personam.
36) Ad eundem 4. ex agro *Igolomiano* d. 3. Jun. 1598.
Vt sibi hospitium *Luclauicii* paret *Statorium* rogat. 37)
Administram ANTONIUM EVONYMUM CARINTHIUM TEU-
CHENUM, olim Professore in *Academia Wittebergensi*,
Crac. d. 10. Martii 1591. Manusculum eidem mittit,
librum

librum suum, qualem vero, non notauit; laudes sibi per epistolam datas a se declinat, et de incrementis coetus sui in *Polonia* eum certiore facit, ac tandem precatur, ut ex lectione librorum Vnitariorum veritatem, scilicet, cognoscat. 38) ERASMI JOANNIS ad F. S. ep., sine loci et temporis mentione, ex responsione tamen *Socini* data d. 20. Apr. 1590. tempus circiter colligi potest. Iudicium sibi expetit, de scripto quodam suo, quod ad *Socinum* transmisit, quo causas, propter quas vita aeterna contingat, complectitur, et de triplici iustitia filiorum Dei tractat. 39) Ad ERASMUM JOANNIS, in qua suam de ipsius scripto sententiam exponit; *Crac.* d. 20. Apr. 1590. V. B. A. p. 422. N. 2. 40) Ad EL. ARCISSEVIUM Seniore, Equitem Polonum, *Smiglae* Dominum et eiusdem loci Ministrum, *Crac.* d. 15. Febr. 1595. quid de magistratu civili et bellis gerendis, de vestium cultu, de armis gestandis statuit, aperit. 41) Ad *Vidauiam*, sine loci temporisque significatione. Disputat breuissimis de Ecclesia, de fide, angelis bonis etc. 42) Ad synodum Chmielnicensem, contra *Chiliasistas*, *Crac.* d. 17. Sept. 1589. de regno Christi terreno per mille annos solide multisque argumentis disputat, coetumque monet, ne *Chiliasistas* aures praebeat, horumque sententiam suscipiat. 43) Ad CHRISTOPH. OSTORODUM, *Goslariensem*, coetus *Smiglensis* pastorem, d. 13. Sept. 1595. absque loci notatione. Aduersus dictum *Hebr.* 1. 6 et 10. pugnat, ac neutrum ad Christum respicere defendit, adque varia circa *ANTYVIECKUM S. Polonicum* ab OSTORODO monita respondet. 44) Ad eundem 2. ex agro *Luclau.* d. 2. Dec. 1599. Verba *Math.* XVI. 18. quorum dilucidationem *Ostorodus* expetierat, explicat, longioremque expositionem promittit. 45) Ad eundem *Racouiam* 3 scripta eodem loco, die ultimo anni 1599. Versionem Polonicam libri latini a se concinnati: *Quod regni Poloniae et M. Ducatus Lithuaniae homines* etc. commendat, cui verba quaedam addi cupit, quibus rationem

explicat, cur concordia inter coetus, qui Papatui in Polonia valedixerunt, stabiliri non potuerit. 46) *Ad R. S. Christoph. Ostorodi ep.*, data a. 1600. absque loci nota, sine dubio *Racouiae*; *Commentarium Socini* in Christi verba: *Math. XVI.* praedicat, sibi que instructionem, quatenus traditiones sint necessariae, expetit, ac obiectionem format circa sensum dicti *1. Cor. XIII. 13.*, quod charitas tantum ad finem huius saeculi duratura sit, adeoque maior fide et spe esse nequeat, aequae diu in Ecclesia duraturis. 47) *Ad CHRISTOPH. OSTORODUM 4.* ex eodem agro m. *Maior* a. 1600. cuius argumentum ex ep. *Ostorodi* colligitur, ad quam prolixè respondet. 48) *Ad eundem 5.* eodem loco d. *17. Febr.* a. 1602. OSTORODO aduersa valetudine perpetuisque capitis destillationibus conflictato, varia consilia medica suppeditat, et quod ipse oculorum dolore laboret, eorumque usu destitutus, attamen interpretationem capitis *V. Math.* in calamum dictauerit, et in cap. *VI.* commentari pergat, exponit; huius commentarii partem, *Volckelius*, ipsius per aliquod tempus amanuensis, totum vero *Samuel Brelius* scribendo exceperint. 49) *Ad eundem 6.* ex loco hospitii sui saepius notato, d. *19. Mart.* 1602. qua iterum medicamina quaedam commendat, et cur commentarium modo allegatum non communicare possit, indicat. 50) *Ad Jo. VOLCKELIUM, Ministrum, Philippouiam* in Lithuania, *Crac.* ep. *1.* d. *3. Apr.* 1593. conqueritur, quod scriptum suum Chiliaistis oppositum, ipsique commendatum nondum remiserit, dubium VOLCKELII circa dictum quoddam cap. *IX.* ad Romanos soluit, cum eodem scriptum suum de *missione ministrorum* communicat, et fata coetus tristitia in *Philippouia*, post obitum *KISSKAE*, territorii istius Domini plangit. 51) *Ad eundem ep. 2. Philippouiam*, *Crac.* d. *16. Jun.* 1594. Laetatur de feliciorum temporum spe in coetu *Philippouienfi*, hacque de re gratulatur affini suo *MORSTINIO*, loci istius moderatori ac Praefidi, et de magistratus ope imploranda breuiter agit.

52) *Ad eundem ep. 3. ex suburbio Cracouiensi, Biskubie dicto, d. 14. Febr. 1596.* Notat, quod litteras non, nisi necessitate quodam coactus et ab aliis ad scribendum prouocatus scribat, soluitque tres aduersariorum obiectiones circa *disput. cum Franc. Davidis*, quod sibi expectierat VOLCKELIUS. 53) *Eidem Philippouiam 4. eodem loco, d. 3. Mart. 1696. de differentia momentorum, quae ad religionem, et quae ad salutem spectant, differit, et de coetibus prope Cracouiam, nec non de colloquio Chmielniciae cum Euangelicis de effectibus mortis Christi, frustra habito, pauca enarrat.* 54) *Eidem 5. Crac. d. 16. Nou. 1596. quod in scriptis suis legendis atque examinandis, in primis disputatione aduersus PUCCIUM nondum edita, versetur, indicat, ac rationes exponit, cur a quaestione de animae immortalitate in eadem abstinuerit, locumque quendam ex disputatione contra VOLANUM exponit.* 55) *Ad eundem 6 Crac. d. 8. Martii 1597. Volkelio, editam in publicum disputationem cum PUCCIO improbanti responderet.* 56) *Ad CHRISTOPH. MORSTINIUM, Philippouiae Capitaneum, Lublini d. 5. Junii 1593. cui narrat, quid in Synodo Lublinensi de coena Domini constitutum fuerit.* 57) *Ad eundem Philippouiam 2 Crac. 3. Febr. a. 1595. iniuriam sibi a quodam illatam significat, scriptaque sua hactenus edita enumerat.* V. Sandius l. c. p. 65. 58) *Ad eundem 3 Crac. 16. Nou. 1596. Quod praeceptum de sanguine non comedendo, nullam nostro tempore habeat obligationem, euincit.* 59) *Ad eundem 4. Crac. d. 8. Mart. 1597. de usuris differit, easque nec in V. nec in N. F. esse prohibitas, sed permissas iudicat, exceptis istis, quae cum proximi damno exiguntur.* 60) *Ad eundem 5. Crac. d. 12. Martii 1597. De verbis Dei, quibus ratio sanguinis non comedendi profertur, anima est in sanguine, petulanter iudicat, eademque vel nullam, vel infirmissimam exhibere causam, nihilque solidi habere, contendit.* 61) *Ad HIER. MOSCOROVIUM sine loci et temporis nota sententiam*

tiam de *baptismo* tanquam re adiaphora exponit, rationesque enumerat, cur ipse aquae baptismo lustrari nolit. 60) *Ad VAL. SMALCIUM Smiglenſis ſcholae Rectorem, Smiglam* ep. 1. *Crac.* d. 25. *Nou.* 1593. oblatam ſibi ab eodem amicitiam gratus agnoſcit, eumque hortatur, ut rerum diuinarum accuratiori cognitioni omnem operam nauare velit, et de corporis Chriſti glorificatione ſtatim poſt reſurrectionem, in eiusdem et *VOIDOVII* gratiam, paulo fuſius ſe ſcripturum ſignificat. 63) *Ad eundem* 2. *Crac.* d. 14. *Febr.* 1595. *Miſcellanea* continet, quae ſuo loco inſerta a me ſunt. 64) *Ad eundem* 4 *Lublino* d. 20. *Maii* 1597. varia exponit, in primis de duobus ſcriptorum ſuorum locis, quae ſibi inuicem aduerſari videbantur. 65) *Ad eundem* 4 *ex agro Luclau.* d. 31. *Aug.* 1598. de emendandis in diſputatione aduerſus *WUIEKUM* agit, praeterea varia argumenta exponit, in primis *SMALCIUM* monet, ut ſophismatis cognoscendis ſe totum tradat, quibus omnino in diſputationibus cum aduerſariis opus ſit, et de colloquio *OSTORODI* cum *JAC. FABRICIO* nonnulla ſignificat. 66) *Ad eundem* 5 *Lublinum*, ex eodem loco d. 24. *Jul.* 1599. de iis, quae in Synodo *Nouogrodienſi*, de inuocatione Chriſti acta ſunt, iudicat; de ſcriptis ſuis nonnulla adducit, quod iisdem, maxime diſputatione de *Servatore*, multorum odium variasque calamitates ſibi contraxerit. 67) *Ad eundem* 6. *Lublinum* ex eodem loco, d. 25. *Sept.* 1599. Agit de excommunicatione, *Hebr.* XI. 10. verbum *ἐξεδέχeto*, verti poſſe excipiebat, i. e. excepturus erat, adſtruit et de loco *Eph.* I. 23. diſputat eidemque hunc ſenſum tribuit: *Chriſtum Eccleſiae dare, quicquid illa habet; itaque Eccleſiam, ut eſt Chriſti corpus, eſſe Chriſti plenitudinem, id eſt ab ipſo profiſciſcentem*, ut ſtatim illis verbis declarat, *Omnia in omnibus implentis*: ad dubia *Smalcii* circa locum *Eph.* VI. 12. reſpondet, et paucis, quid de magiſtratu ſtatuat, repetit. 68) *Ad eundem* 7 eodem, quo ſuperiores loco, d. 2. *Dec.* 1599. De ſenſu verborum *Eph.*

Eph. VI. 12. disputat, nec non de diuersitate praemiorum in vita futura, et sensu verborum *Hebr. XII. 5. 69)* Ad eundem *Lublinum 8.* eodem loco, d. 16. *Apr. a. 1600.* Testimonium *pro Christi deitate ex Es. LIV. 5.* euerrere studet, et de scriptis suis adhuc concinnandis exponit. 70) Ad eundem *Lublinum 9* eodem loco d. 18. *Jan. 1601.* vt proximo conuentui *Racou.* SMALCIUS interfit, valde desiderat, ac asperitatis suae, in SMALCIUM effusae, causas explicat. 71) Ad eundem 10. *Lublinum*, *Rac. d. 15. Mart. a. 1603.* quem instruit, quomodo colloquium futurum *de aquae baptismo* instituendum, quis controuersiae status sit, et quomodo in vniuerso hoc negotio versari debeat. 72) Ad eundem 11 ex *praedio Luclau. Bloniano* d. 23. *Jan. 1604.* Talem hoc colloquium *de aquae baptismo* non habuisse euentum, qualem optauerat, dolet, ministrorumque in cedendo facilitatem reprehendit. 73) Ad CHRISTOPH. LUBIENIECIUM, coetus *Lublinensis* pastorem ex eodem loco d. 14. *Aug. 1598.* Gratulatur eidem de pastoratus munere et concessio socio, qui *Val. Smalcus* fuit, illum magnopere laudat, multisque monitis ad officium debite peragendum excitat, anagrammatismum nominum duorum fratrum STANISLAI et ANDRAEAE, imo duplex ipsius CHRISTOPHORI transmittit et de direptione scriptorum suorum in tumultu *Cracou.* conqueritur. 74) ANDR. VOIDOVIO *Cracouiam Ruri* d. 18. *Mart. 1583.* quem de studiorum ratione instruit, ne in humanioribus consenescat, sed ea tractet, quibus aliorum commodo inferuire aliquando possit, et quatenam ista studia sint, recenset. Continet ep. monita, litterarum, in primis Theologiae studiosis, nostro quoque tempore commendanda. 75) Ad eundem *Wittebergam 2, Crac. 1590.* sensum verborum, in quibus *Joannes Baptista* repletus fuisse dicitur spiritu S. ex utero matris suae, exhibet, et per hyperbolen explicat, quae similis sit illis: *speraui in te ab vberibus matris meae; peccauerunt ab utero.* 76) Eidem *Lublinum 3.*

Cracou

Cracou. 1594. sine die, adstruere conatur, nomen Jehouae, vnus quidem Dei altissimi proprium esse, ita tamen, vt non excludantur, qui Dei personam quouis modo sustinent, qua occasione quaedam V. T. loca male contorquet. 77) Ad eundem Lublinum 4. Crac. d. 4. Maii 1595. Loca nonnulla ex disputatione cum FRANC. DAV. explicat et ANTIWUIECKUM Polonicum a rudibus non intelligi, dolet. 78) Ad eundem ZAKRZOVIAM 5. ex suburbio Cracou. Biskupie, d. 9. Aug. 1595. honorarium PHIL. ZAKRZOVII (Zakrzeuii B. A. P. II. p. 1039.) accipere recusat, locum ex Antiwuicko Polonico, sibi oppositum defendit, ac ad argumentum pro deitate Christi, ex ipsius generatione a Patre responder. 79) Eidem Zakrzoviam 6 Crac. d. 7. Oct. 1594. summam iniuriam violentiamque in publica via Cracouiae a Wierneko, genero Domini Ligezae illatam enarrat. 80) Ad N. N. S. Theologiae Doctorem Crac. d. 7. Julii 1597. cui errores suos de Deo commendat, de praedestinatione se scripsisse librum nuntiat, seque curaturum, vt describatur, et in manus eius veniat, interea quaedam de hoc argumento disserit. Fuisse Doctorem hunc JOANNEM JACOBUM GRYNAEUM, Professore Theologiae Basileensem et Heidelbergensem, indubitatum est. V. SOGINI breues tractatus Num. XVIII. 81) MARTINO VADOVITAE, Academiae Cracouiensis Professori, ex agro Igolomiano d. 14. Junii 1598. Argumentum epistolae supra notavi. 82) Ad EVERH. SPANGENBERGIUM, Antuerpianum, Claudiopolin, Crac. d. 14. Martii 1593. (B. A. P. I. p. 903.) pietatem et virtutes eius laudat, et quod plane Vnitarius factus sit, laetatur. 83) Ad eundem 2. Claudiopolin, Crac. d. 2. Aug. 1596. gallice scripta et in latinum versa, in qua, quid de eiusdem singulari sententia circa propinquam rerum omnium restorationem sentiat, exponit. 84) Ad eundem 3. Racouiam, Luclauiciae d. 9. Dec. 1598. ex gallico in latinum translata. Socinus ab Vnitariorum coetu, in primis a LUBIENIECIO et OTVINOVIO rogatus aduersus SPANGEN-

BERGII scriptum de duabus bestiis ex *Apocalypsi*, censuram concinnauit, quam Lubienicio misisse, nunciat, a quo eam accepturus esset Spangenbergius, cuius de eadem iudicium sibi expetit. 85) Eidem 5. *Racouiam* ex praedio *Luclav.* d. 11. *Aug.* 1601. ex gallico latino habitu donata, in qua Spangenbergio pro stabiliendis thesibus de duabus bestiis etc. dicta eiusdemque explicationem vaticiniorum in primis *Apoc.* XIII. et *Dan.* XII. refellit. 86) Eidem *Racouiam* 5. absque loci temporisque significatione, ad epistolam SPANGENBERGII, qua ad Socinum miserat theses de interitu imperii *Romanae Ecclesiae* etc. respondet, hasque manu palpabiles esse nugas monstrat, idque clarius se euicturum, si cum illo disputare possit, praesentibus iis, quibus de his rebus iudicare data fuerit facultas. 87) Ad GE. ENIEDINUM, coetuum in *Transylvania Vnitariorum Superintend.* *Crac.* d. 16. *Sept.* 1596. de controuersia cum FRANC. DAV. agit, quam necessaria sit, quaestionis de *Christi inuocatione* cognitio, monstrat, ENIEDINI dubitationes de eadem secum communicatas, soluere nititur, suamque thesin, aliunde notam, defendit. 88) Ad excellentiss. virum N. N. ex agro *Luclau.* d. 15. *Dec.* 1603. Anonymus, nobilis Polonus, nondum ad Vnitarios transierat, examinandis autem ipsoꝝ placitis occupatus adhuc erat. Laudat proinde eius studium in exactiori rerum diuinarum cognitione et ad obiectiones circa disputationem de *Seruatore* respondet. 89) Synodo *Wengrouiensi*, absque loci et temporis commemoratione. Testatur propositum suum respondendi ad apologiam pro assertionibus collegii *Posnaniensis*, hortaturque in Synodo congregatos, vt pro adoratione et inuocatione *Christi* in coetibus conseruanda laborent. 90) Ad quendam *Crac.* d. 16. *Nou.* 1583. in qua obiectionem soluit thesi: *Deum ideo Christi Patrem in sanctis litteris nominari, quod Dei virtute obumbrante, ex virgine sit conceptus*, oppositam. 91) Ad VAL. RADECIVM, *Matthaei, Gedanensis Secretarii filium, coetus Claudiopolitani ministrum,*
omnium.

omniumque coetuum Unitariorum per Transylvaniam Superintendentem, ex agro Luclau. d. 23. Nou. 1603. De morbo suo illum certiore facit, quam promiserat explicationem in peculiari scripto, cuius argumentum non notatur, transmittit, et quos labores perficiendos suscepit; aliaque miscellanea nuntiat. 92) MICH. FABRICIO, Regiomontano, S. Theologiae studioso Rac. d. 17. Apr. 1603. qua dicta Zach. II. 11 et 1 Cor. III. 6. 7. explicat. 93) MART. BERZEVICIO, per Transylvaniam Cancellario, ruri d. 12. Mart. 1583. gratias agit pro insigni benevolentiae erga se, hominem incognitum, affectu, librumque aduersus JACOBUM PALAEOLOGUM quouis modo excusat. 94) Ad GE. BLANDRATAM, Stephani Regis Pol. Archiatrum et Consiliarium intimum, sine loci ac temporis indicio, ante tamen annum 1586. Blandratae emortualem, fortassis 1583. quo F. S. alteram ad Volanum responsionem scripserat, quamvis haec demum a. 1588. in lucem prodierit. ANDR. VOLANUM inter apertos illustrandae Filii Dei cognitionis hostes pessime collocat, Blandratae vero alteram hanc responsionem dicauit. V.B.A. P. I. p. 55 — 95.) Ad ANDR. VOIDOVIVM, MATTH. RADECHII ep. scripta ex agro Buscouiano, d. 20. Jan. anno Iuliano 1598. post natiuitatem Domini J. C. 1597. Quaestionem: *Jurene fures, propter simplex furtum laqueo vitam finire, necne?* tractat, et negatiuam defendit.

In fine editor syntagmatis huius epistolici spem publico facit, alias F. Socini epistolas partim apud amicos adhuc latitantes, partim Italice ab ipso scriptas, in latinum nondum conuersas, praesertim ad illustrem virum Dn. Dudithium alio tempore prodituras. Has ad Dudithium quatuor ex Italico latine redditas M. R. H. (qui Martinus Ruarus Holsatus est.) edidit, Raconiae ex officina Sternaciana, a. 1635. pl. 5. pagg. 82. 8. (B. A. P. I. p. 735. N. 22.) Praefatio, non a RUARO, sed ab alio profecta,

profecta, qui in eadem inquit: „*Ne aetatem laterent foetae multarum bonae frugis rerum epistolae; ecce tibi vir quidam humanarum diuinarumque litterarum iuxta eruditus felicem illis manum admolitus est, et veteri detractō schemate, cultu latino, eas donauit.*“ Sunt autem sequentes: 1) Cracouiae d. 3. non Dec. annus scriptionis, per errorem typographicum 1630. perhibetur, qui vero 1580. fuit. Testatur in eadem, quod ante annos 18 explicationem initii primi capitis Ioannis publicauerit. Quomodo cum hominibus, Christi honorem convitiantibus agendum sit, monstrat, de quaestione, an veritatem diuinam vnusquisque erga quoscunque profiteri debeat, rogatus a DUDITHIO disserit, et scriptorum suorum indicem recenset, ex quibus ea eligeret, quae describenda exoptaret, Puccii quaedam fata recenset et alia paucis rangit. 2) Desideratur finis hinc quoque loci et temporis commemoratio. Suam de baptismo sententiam aduersus DUDITHIUM defendit, scriptum suum de *S. scripturae auctoritate*, se emendaturum pollicetur, DUDITHIUMQUE rogat, vt iudicium suum de eodem perscribat, et errores repertos indicet. Praeter alia, de angelorum apparitionibus sub V. F. magis, quam sub notuo frequentatis disserit. 3) d. 4. Id Jun. 1582. de baptismo non necessario, de quaestione: quatenus vera ecclesia non errare, et quatenus errare possit, nec non de explicatione S. litterarum, de adoratione et diuinitate Christi, de promissionibus et praeceptis in V. T. aliisque momentis succincte scribit. 4) d. 6. Id Martii a. 1583. Ex relatione vitae LAELII SOCINI vltima tantum verba restant; si tota exstaret epistola, historiae eiusdem exponendae haud parum inferuaret. Disputat de adiaphoris, modum scribendi a DUDITHIO sibi commendatum, cum quadam exceptione probat, ad verba BEZAE circa explicationem cap. IX. ad Rom. pauca adfert, et periphrasticam huius capitis, nec non initii cap. XI. ad Rom. expositionem transmittit, et rationem exponit, cur DUDITHIO explicatio

cap. VII. ad Rom. obscura videatur, et se ad martyrium suscipiendum paratum testatur. De his ad *Dudithium* epistolis, quae a. 1666. 4. belgice quoque prodierunt, ita *Reimannus* l. c. p. 661. *Harum quidem oppido sunt paucae, et in iis quaedam mutilae, praeterea et truncatae; sed de rebus grauissimis, et in quibus non mediocre est pondus, contextae et non ineleganter translatae.*

In Biblioth. F. F. P. P. Vol. I. f. 510—534. *DUDITHII* epp. ad *JO. LASICIUM*, *JO. WOLFFIUM*, *THEOD. BEZAM*, *PETRUM MELIUM*, *IOSIAM SIMLERUM* et *PETRUM CAROLINUM* epistolis *Socini* subtextae reperiuntur. *THOM. CRENIUS* in *animadu. Philolog.* P. VII. p. 217. F. S. epistolam ineditam, ad *JOANNEM KRZESS*, ex agro *Luclau*. d. 20. *Martii* 1599. datam, quae varia domestica et res *Synodi Vnitariorum Zarsnienensis* pro argumento habet, in lucem produxit. V. *Zeltueti* notae ad diar. *Smalcii* p. 1171. Allegatur praeterea ep. ad *Cornelium Daems*, *Goudam* italice scripta, *Crac.* 1588. d. 15. *Apr.*

XI. *Praelectiones Theologicae Fausti Socini Senensis.*
 1. *Thess.* 5. 19. *Prophetias nolite spernere. Omnia probantes, (quod) bonum (est) tenete.* *Racouiae, typis Seb. Stern.* 1609. 4. Alph. I. pl. 2. f. pagg. 192. et praef. 6. Opus posthumum auctoris, quod *VAL. SMALCIUS* in publicum emisit. Editio secunda prodiit a. 1625, et tertia *Rac.* 1627. 4. in qua idem paginarum numerus est, nec quidquam praeterea mutatum. Praefatio absoluitur dedicatione, qua *SMALCIUS* illustri *Academiae Heidelbergensi* librum adscripsit, et *PARAEI* iudicium morosum de *Socrino* notauit, ac ut meliora de eodem Professores sentiant, persuadere ipsis nititur. Data est *Rac. Cal. Sept.* a. 1609. Primae editionis exemplar, quod manibus iam voluo, olim fuit *PEUSCHELII*, crypto *Sociniani Altorffini* famosissimi, quod a *GITTICHIO* dono accepit. Hic in fronte libri sua manu adscripsit: *Domino Joachimo Peuschelio, fratri in Christo plurimum dilecto Michael Gittichins*

chius (per simplex r) *Venetianus mittit.* Rationem dedicationis ita profert *Smalcius*: „*Eas dedicatas vobis, viri magnifici et doctissimi, per me ecclesiae nostrae voluerunt, partim quod talia scripta talibus conueniant, et a vobis examinari, quam rectissime possint, partim ut iudicetis ipsi, iure ne, an iniuria, PARAEUS vester, in SOCINUM, virum certe singularem, ita inuehebatur in commentariis in ep. ad Rom. editis, ut eum monstrum hominis vocet, et nunc latrare, nunc blaterare etiam passim occinat.*“ Opus SOCINI imperfectum est, ut ne quidem restitutionem per Christum factam, ut sibi proposuerat, pertractauerit, sed in male exposito Christi sacerdotio substituerit; interim inter praecipua familiae huius et F. Socini referendum, quippe in quo errorum suorum systema in nexu luci exposuit, quare etiam pluries editum et bis in linguam Belgicam translatum, sub tit. *Theologische Lessen* etc. et secunda quidem vice, tertia parte correctum et auctum prodit. V. *Sandius* l. c. p. 75.

Absoluitur 29. capitibus. Nimirum c. I. Primus homo etiam ante lapsum mortalis fuit c. 2. Quæritur, quid sit in homine naturaliter, quod ad religionem c. 3. Vtrum primus homo ante peccatum iustitiam aliquam originalem habuerit, c. 4. An sit, et quale sit peccatum originis, c. 5. De libero hominis arbitrio, c. 6. De Dei praedestinatione, c. 7. Rationes, quibus probari videatur, quaecunque sunt, aut non sunt, praesertim ad salutem aut condemnationem nostram spectantia, ea prius ita a Deo decreta fuisse; vel certe nihil in hominis arbitrio situm esse, et earundem rationum refutatio, c. 8. De Dei praenotione, seu praescientia, c. 9. Loci S. litterarum, ex quibus in uniuersum probari videtur, Deum cuncta praenosse, quae fiant, et eorum explicatio, c. 10. Loci S. litterarum, rationes inde desumptae, ex quibus Deum quaedam praenosse constet, unde colligi posse videatur, eum omnia scire, antequam fiant et ad eas responsio; c. II. Conclusio in hac, de

Dei praescientia quaestione, c. 12. De sacris testimoniis, ex quibus colligi videtur, in hominis arbitrio nihil positum esse, et primum de iis, in quibus id uniuerse dici, ut indicavi, videtur, eorumque explanatio, c. 13. De verbis praedestinandi, eligendi et vocandi, quatenus ad salutem nostram referuntur, quibus singulorum salutis, aut condemnationis necessitas in uniuersum confirmari videtur, c. 14. Sacra testimonia, in quibus singulare aliquod diuinum decretum commemoratur, ex quo probari videtur, quod ad salutem aut damnationem attinet, nihil penitus in hominis libertate esse, et eorum explanatio, c. 15. Iustificationis nostrae per Christum prolegomena quaedam, eamque explicandi initium, c. 16. Deum nobis peccata iure condonare potuisse, nulla vera pro ipsis a quoquam satisfactione accepta, c. 17. Deum nulla vera satisfactione accepta, nobis peccata condonare voluisse, c. 18. Nullo modo iustitiae diuinae saluis nobis pro peccatis nostris satisfieri potuisse, ne ab ipso Christo quidem, c. 19. Ad testimonia, quae pro Christi satisfactione afferri possent, responsio; et primum ad ea, in quibus de redemptione per ipsum facta, differitur, c. 20. Explicatio eorum locorum, in quibus Christus propter peccata nostra vel pro peccatis nostris, vel pro nobis traditus, percussus et occisus esse, vel passus ac mortuus fuisse dicitur, c. 21. Locorum, in quibus Christus peccata nostra portasse dicitur, et similium explicatio, et quod ad satisfactionem pro peccatis nostris confirmandam nihil momenti habeant, demonstratio, c. 22. Introductio ad eorum locorum explicationem, in quibus Christi mors cum V. Testamenti sacrificiis comparatur, aut ipse Christus, cum summo illo antiquo sacerdote confertur, atque illorum simul, ubi Christi morti aliquid tribuitur, quod ad expiationes illas antiquas quoquomodo relationem habeat; et quod neque per collationem, neque per adumbrationem mortis Christi in victimis illis antiquis, satisfactio pro peccatis nostris ex Christi morte manans colligi possit, demonstratio, c. 23. Quid per comparisonem Christi mortis, cum

victi

viſtimis illis antiquis, de ipſa Chriſti morte, quod attinet ad delenda peccata noſtra, ſtatui poſſit; et locorum de expiatione per Chriſti mortem loquentium explanatio, c. 24. Quod Chriſti oblatio apud auctorem epistolae ad Hebraeos, non in cruce, ſed in coelo poſt reſurrectionem perfectâ fuerit, demonſtratio; et ſimul apud eundem ſcriptorem eorum verborum explanatio: Qui per Spiritum aeternum ſe ipſum obtulit immaculatum Deo; ſic praeterea iam expoſiti inter Chriſti ſacrificium et viſtimus illas legales discriminis confirmatio, c. 25. Conclusio diſputationis de discrimine inter Chriſti ſacrificium et legales viſtimas; vna cum locorum aliquot explanatione, de expiatione per Chriſtum facta, loquentium, c. 26. Quid ex eo ipſo, quod Chriſti corporis ſacrificium in viſtimis legalibus adumbratum fuerit, de eodem ſacrificio in abolendis peccatis noſtris ſtatui atque affirmari poſſit, c. 27. Ex eo, quod Jeſus ipſe Chriſtus legalis pontificis perſona adumbratus fuerit, nullo modo colligi poſſe, Chriſtum morte ſua, vel alia quauis ratione, pro peccatis noſtris Deo ſatiſfeciffe et quid inde colligi debeat, c. 28. De aliis ſimilitudinibus inter legalem ſacerdotem et Chriſtum. Quid ex ſola ipſa adumbratione perſonae Chriſti, in pontificis legalis perſona colligi poſſit, breuiter indicatum. Et conclusio huius de ſacrificiis tractationis p. 185.

Adiecit *Peuſcheliuſ*, exemplari, quo utor, ſcriptum indicem dictorum S. Scr., quae in his praelectionibus explicantur vel potius evertuntur. Totum opus in-textum eſt in Jo. JUNII, *Paeſt. Eccl. Syluacduc. Reſutatione praelectionum Theologicarum F. Socini Senenſ. Amſtel-reod. op. Henric. Laurentii*, a. 1633. 8. alph. 2. pl. 21. V. *Relat. innoc.* a. 1701. p. 179. *Fabriciuſ* l. c. P. II. p. 58. Jo. Junium cum Franc. Junio commutaſſe videtur.

XII. *Tractatus de iuſtificatione Fauſti Socini ſenenſis. Racouiae, typis Seb. Stern. 1611. 8. pagg. 143.* Hoc titulo ſequentes exhibentur tractatus 1) p. 3. *Iuſtificationis*

nis nostrae per Christum synopsis prima et p. 10. altera 2) p. 16. *Theses de iustificatione* 3) p. 19. *De iustificatione dialogus* N. N. et p. 52. *Notae F. S. in dialogum* 4) p. 102. *Fragmenta de iustificatione* 5) p. 120. *De fide et operibus, quod attinet ad iustificationem nostram, ex Italicis litteris ad clarissimum virum N. N.* 6) p. 140. *Theses de causa et fundamento in ipso homine, eius fidei in Deum, qua hominem iustificari sacrae litterae testantur.*

Synopsin primam in lucem prodiiisse sub nomine. *Gratiani Turpionis Gerapolensis, Gerapoli a. 1591. 4. Sandius* quidem obseruauit l. c. p. 72. sed ipsum librum non vidit, hinc titulum mendose allegauit. Est autem haec eius vera inscriptio: *Iustificationis nostrae per Christum synopsis, ubi potissimum de ipsius Christi mortis vi et effectis agitur, Auctore Gratiano Turpione Gerapolensi. Eiusdem de fide et operibus, quod attinet ad iustificationem nostram ex Italicis litteris ad clarissimum virum N. N. quatuor explicata quaestionibus disputatio. Veritas temporis filia. Gerapoli 1591. 4. pagg. 17.* Prodiit quoque synopsis cum caeteris in hoc opusculo adiunctis Rac. a. 1616. 4to haecque editio allegatur in THOM. HYDE *Catal. Biblioth. Bodlei.* p. 170. Scriptum hoc magno olim numero in Saxonia fuisse disseminatum, ac in principio quemdam Ecclesiastem Lutheranum, *Magdeburgi* in exilio viuentem pro auctore eiusdem esse habitum, FRANZIUS narrauit in *Dispp. in A. C. P. I. disp. IV. thes. 63. V. Placcius* N. 2742. p. 598. Opposita est huic libello M. Jo. Winteri, S. S. Theol. Baccal. refutatio sententiae F. SOCINI, *Senens. de iustificatione hominis coram Deo. Witteb. 1616. 4.*

XIII. *Elenchi Sophistici a Fausto Socino Senensi in gratiam amicorum explicati, et exemplis Theologicis illustrati* Explicatio duplex est: altera breuior, altera fusior: quam posteriorem auctor sine scripto amicis dictauit: verum nec absoluit, nec recognouit. Rac. typis Seb. Stern.

Anno

Anno Christi 1625. 8. pagg. 118. Librum in gratiam CHRISTOPH. OSTORODI concinnauit, quod ipse narrat, in ep. ad Socinum in huius epp. p. 456. vbi nonnulla in eodem sibi parum probari, non dissimulat. Scriptum interim hoc comprobatur a veritate alienum prodidisse in ep. ad DUDITHIUM p. 44. *se in logicis, ultra id, quod natura docuit, non profecisse*; et p. 70. *se dialecticae praesidiis non nisi a natura ipsa esse instructum*. In elenchis enim p. 18. faterur, *se Aristotelem primum elenchorum inuentorem esse secutum*. Ipse quoque libellus loquitur, eum vna cum logica naturali, artificialem omnino tractasse, et in hac non perfunctorie fuisse versatum. V. Reimannus l. c. p. 654 et 662.

JO. DAN. HOFFMANNUS l. c. p. 33. allegat librum F. Socini sub ficto nomine *Prosperi Gratiani instrumentum doctrinarum Aristotelicum, in usum Christianarum scholarum exemplis theologis illustratum*. Losci in Lithuania 1586. 8. Sandius l. c. p. 72. dubitat, idque merito, an F. SOCINI sit foetus, cum potius operi huic Licinius manus suas commodauerit, quamuis illud Calouius contra Crellium tribuerit Socino. V. B. A. P. I. p. 435. N. 5. Non tamen omnino negarem, *Licinium* haud pauca ex *Socini* scriptis et discursibus deriuasse, imo hunc libello auxiliatrices manus admouisse; nisi forte *Socinus* totum compilauerit, ac *Licinio* ad publicandum sub ficto nomine tradiderit. Opusculum F. *Socini* sub examen vocauit acutissimus acad. Altorf. Philosophus JO. PAUL. FELWINGERUS in *Palaestra rationis, s. doctrina de sophisticis elenchis*, IX. disput. Altdorff. 1672. 4.

XIV. *Christianae religionis breuissima institutio per interrogationes et responsiones, quam Catechismum vulgo vocant, scripta a Fausto Socino Senensi, opus imperfectum. Racouiae 1618. 8. pl. 11½ pagg. 180.* Haec Catechismi editio Sandio visa non est, qui alioquin impressionis locum et tempus annotasset. Imo l. c. p. 77. falso per-

hibet, Catechismi huius fragmentum nunquam antehac editum, primum *Bibliothecae F. F. P. P.* esse inferum. Ex auctoris Epp. p. 517. patet, hanc catechesin a. 1593. inceptam, sed statim rursus intermissam. Tum a. 1603 ab eodem requisam, opem ferente P. STATORIO, scholae Pinczouiensis Rectore, l. c. p. 679. Tandem vero imperfectam relictam ob *Socini* mortem. Addita enim sunt p. 135. verba; Hucusque author; reliqua morte praeventus non absoluit. Diuersum vero scriptum est, quod sub titulo celebratur: *Fragmentum Catechismi prioris F. SOCINI Senens. qui perijt in Cracouiensi rerum ipsius direptione, (1598.)* quod in omnibus paginis indicem habet: *Cap. secundi (Qualis sit christiana religio?) Pars prima, de Dei essentiae cognitione.* Hoc ipsum fragmentum p. 137—180. compareret. Institutionis allegatae sectiones sunt: 1) *De religione christiana in genere.* 2) *De cognitione Dei.* 3) *De voluntate Dei.* 4) *De cognitione Christi.* 5) *De natura Christi.* 6) *De diuino J. C. imperio.* 7) *De Christi sacerdotio.* 8) *Refutatio sententiae vulgaris, de satisfactione Christi pro peccatis nostris.* 9) *Cur Christum necesse fuerit mori.* 10) *De diuina suprema Christi potestate.* 11) *De Christi inuocatione et adoratione.* 12) *Refutatio distinctionis vulgaris, quod alia Christo secundum humanam naturam, alia secundum diuinam tribuantur.* 13) *De ascensu et commoratione Christi hominis in coelo, antequam munus suum in terris obire inciperet.* V. JO. ANDR. SCHMIDIUS *de Catechismo Recov.* p. 8. Pauca huius institutionis argumenta proferre iuuat. *Interr. Quid igitur concludis?* (exinde, quod Dei essentia sit numero, vna.)

R. „Nempe id, quod per te ipse iam intelligere potes; videlicet, cum Dei essentia sit vna numero, Deut. VI. 4. „necesse esse, ut vna etiam numero sit in Deo persona, et nullo pacto plures. Nam si plures diuinae personae essent, plures etiam diuinas essentias esse deberet. *Interr.*

Interr. „Estne necessarium ista scire aut credere?“

R. „Est quidem necessarium, si quis veritatem plane nosse
„aut credere velit. Sed ad vitam aeternam consequen-
„dam, non crediderim, esse omnino necessariam.“

Interr. „Quid igitur ipse statuis de Christo Dei Filio,
„quem volunt esse alteram ex istis tribus personis,
„vnumque et eundem numero Deum cum Patre suo?“

R. „De hoc respondebo tibi, ubi separatim de ipso
„Christi essentia nobis agendum erit. Satis est in hoc
„loco, te intelligere, me statuere, sententiam istam de
„Christo nullo pacto veram esse posse.“

Interr. „Quid de ipsa essentia, seu Christi natura sta-
„tuas?“

R. „De Christi essentia ita statuo, illum hominem esse Rom.
„V. 15. in virginis utero, et sic sine viri ope, diuinū
„Spiritus vi conceptum ac formatum Matth. 1. 20.
„23. Luc. 1. 35. indeque genitum, primum quidem
„patibilem ac mortalem 2. Cor. XIII. 4. donec scilicet
„munus sibi a Deo demandatum hic in terris obiuit;
„deinde vero postquam in coelum ascendit, impatibilem
„et immortalem factum. Rom. VI. 9.“

Interr. „Quid sibi vult, quod innuis, hoc, quod Chri-
„stus Dei Filius sit proprius et unigenitus, non om-
„nino ad eius naturam pertinere?“

R. „Diuina ista Christi filiatio, eatenus tantum ad eius
„naturam aliquo modo referrī potest, quatenus id re-
„spicit, quod Christus diuini Spiritus vi, sine viri ope
„in virginis utero conceptus et formatus fuit. Nam
„huiusce rei causa eum Dei Filium vocatum iri, ipsius
„Dei angelus, ipsimet virgini, ex qua natus est, prae-
„dixit. Luc. 1. 38. et quidem consequenter Dei Fi-
„lium proprium et unigenitum; cum nemo alius hac

„ratione et ab ipso primo ortu, Dei Filius unquam ex-
„stiterit. etc.“

Interr. „Quid igitur censes de eo, quod vulgo haecenus
„traditum est, Christum Dei Filium proprium et
„vnigenitum esse, quia ex ipsius Dei substantia sit ge-
„neratus, nec ullus alius praeter ipsum?“

R. „Censeo, istud merum esse humanum commentum, id
„est, nec S. litteris ullo pacto consentaneum, quae
„istius ex ipsius Dei substantia generationis nullam
„prorsus mentionem faciunt, et ipsi sanae rationi peni-
„tus repugnans, quae nullo modo patitur, ut Deus
„animalium corruptibilium more, ex sua ipsius sub-
„stantia generet, utue unica illa numero Dei essentia
„vel diuidatur vel multiplicetur, vel unica numero et
„integra manens, pluribus fiat communis. etc.“

„Ad interrogationem, quod Christus pluribus in lo-
„cis s. Scr. diserte appelleretur Deus, responder, quod
„haec appellatio minime ad ipsius essentiam et gene-
„rationem eius ex Dei substantia, sed ad diuinum
„eius in nos imperium et maiestatem pertineat.“

Interr. „Quid illud est, quod apud Paulum Apostolum
„saepius legitur de reconciliatione per Christum
„facta?“

R. „Est, quod Deus per Christum nos reconciliauit, quem-
„admodum ipse Paulus loquitur, 2 Cor. V. 18. nec
„usquam legitur, Christum nobis Deum reconciliaffe.
„Vnde apparet, hanc per Christum factam reconcilia-
„tionem nihil aliud fuisse, quam nos, qui Dei inimici,
„ut idem Paulus ait Rom V. 10. adhuc eramus, eo ad-
„ducere, ut Dei amici esse vellemus, id est, ab eo offen-
„dendo desistere et sic oblatam nobis ab ipso Deo pecca-
„torum remissionem adipisci et in eiusdem gratiam
„recipi.“

Interr.

Interr. „Quid quaeso de Spiritu S. mihi dicis, de quo
 „isti similiter adfirmant, eum esse diuinam personam,
 „nempe tertiam, et vnum atque eundem numero
 „Deum cum Patre et Filio? Quid ipse, cum istud
 „nullo pacto admittas, de eo statuendum censes?

R. *Nempe illum non esse personam aliquam a Deo, cuius est
 „spiritus, distinctam, sed tantummodo (ut nomen ip-
 „sum spiritus, quod flatum et afflationem, ut sic lo-
 „quar, significat, docere potest,) ipsius Dei vim et ef-
 „ficaciam quandam, id est, eam, quae secundum sanctita-
 „tem aliquam afferat.“*

Interr. „Sunt ne testimonia aliqua diuina, ex quibus prae-
 „ter ipsius nominis significationem, confirmari pos-
 „sit, Spiritum S. esse vim quandam atque effica-
 „ciam Dei?“

R. „Sunt, ut illud apud Lucam cap. ult. quoadusque in-
 „duamini virtute ex alto. Apertissimum enim est,
 „ibi virtutis ex alto nomine intelligi Spiritum S. quo
 „futurum erat, ut Apostoli paulo post donarentur. Est
 „autem sine dubio, virtus ex alto idem, quod virtus
 „altissimi, et propterea nihil etiam dubitari potest,
 „quin apud eundem Lucam I. virtus altissimi similiter
 „Spiritum S. significet, vel potius proxime antea no-
 „minatum, quid sit, declaret. Ut quidem non pau-
 „ci viri doctissimi censuerunt.“

Interr. „Qua ratione igitur illa sacra testimonia inter-
 „pretaris, in quibus Spiritui S. ea tribuuntur, quae
 „sunt propria personarum et simul vni tantum Deo
 „conueniunt?“

R. „Saepe in ipsis s. litteris 1. Cor. XIII. 4. etc. Gal. III.
 „8. Jac. III. 17. Rom. VII. 8. etc. Jo. III. 8. quibus-
 „dam rebus ea tribuuntur, quae sunt propria persona-
 „rum, nec tamen res istae sunt personae; et cum Spi-
 „ritus

„*virtus Dei vis sit atque efficacia, quemadmodum id ei
 „merito tribuitur, quod ipsius Dei est proprium, sic
 „saepissime fit, ut Spiritus S. nomine, aliud nihil, quam
 „ipse Deus, quatenus vim istam atque efficaciam exse-
 „rit, intelligatur.*“

Institutioni huic catecheticae, fragmentum Catechismi prioris subtextum est, qui in Cracouiensi rerum auctoris direptione periit. Hoc duo exhibet colloquia, imperfecta tamen et neutrum absolutum. *Primum* agit de iustificatione piorum in V. T. *secundum* de religione christiana. Sint haec speciminis loco :

Discipulus. „Qua igitur ratione veteres illi peccatorum
 „suorum sunt consecuti veniam, si per fidem in ven-
 „turum Christum eam a Deo non obtinuerunt?“

Magister. „Nempe per fidem in ipsum Deum. Itaque in
 „iustificationis suae ratione eatenus non differunt a no-
 „bis veteres illi, quatenus et nos non aliter, quam per
 „fidem in ipsum Deum iustificamur. 1 Pet. 1, 21. per
 „Christum enim in Deum creditur, et qui in Christum
 „credit, non in ipsum Christum credit, sed in illum,
 „qui eum misit, id est, in Deum. Jo. XII. 44.“

Disc. „Memini me aliquando audiuisse, atque etiam le-
 „gisse in Dei essentia, quia infinita sit, locum non
 „habere rationem istam, qua alioqui concluditur, tot
 „esse essentias numero, quot sunt personae?“

Mag. „Imo, si verum est Dei essentiam, (ut vulgo credi-
 „tur) esse infinitam, multo minus fieri potest, ut,
 „cum ipsa vna numero sit, divinae personae sint plu-
 „res. Nam praeter rationem a nobis allatam, quam,
 „cur infinitas, siue immensitas essentiae Dei labefac-
 „tare quidquam possit, nihil apparet; accedit alia
 „inexpugnabilis ratio, quod si plures essent divinae
 „personae, plura etiam essent infinita, quod nullo
 „pror-

„prorsus modo esse posse omnes vno ore confitentur.
 „Infinitum enim hic vocamus id, quod est immen-
 „sum, non duratione (tamen immensitas ista sine vl-
 „la controuersia in Deo est) sed ipsa sua substantia:
 „Breuiter, quicquid contradictionem (vt loquuntur)
 „implicat, id esse nulla ratione potest, siue in alia
 „re quacunque, siue etiam in ipso Deo, imo si hoc
 „quod impossibile esse, omnes agnoscere coguntur,
 „ex eorum esset genere, quae magis et minus reci-
 „piunt, tanto magis in Deo, quam vlla alia in re id
 „impossibile esset, quanto Deus magis, quam caetera
 „omnia, ab iis, quae inuicem repugnant, vt absit ne-
 „cesse est, ob summam et vndique absolutissimam
 „perfectionem suam.“

MOSHEMIUS in *Institut. hist. Christ.* p. 324. iudica-
 uit, libellum hunc *Socini* catecheticum, prima catechesi
Racov. fundamenta suppeditasse. *Reimannus* l. c. sentit
 huic operi *Socini* maiori iure Catechismi *Racov.* titulum
 esse tribuendum, quam *Smalcii* libro. Sed de hoc argu-
 mento alio loco plura.

Catechismi huius editioni p. 137 — 180. adtexta
 est: *Summa religionis Christianae*, qui tractatus primum
 a *F. Socino* italice scriptus, postea ab ipso latine versus,
 adiunctus quoque est libro eius *de S. Scr. authoritate*,
 edit. *Racov.* 1611. 8. Seorsim vero impressus 1654. 12.
 et belgice versus sub tit. *Kort begryp van de Christelyke*
religie etc. adtextus est belgicae versionis, libelli *F. Socini*,
 cui titulum fecit: *Defensio Disp. De loco cap. VII. Epist.*
ad Rom. 1664. 8.

Aduersus *F. S. Catechismum Jo. Maccovius* Prae-
 lectiones instituit, quae ipsius operibus insertae reperiun-
 tur, hoc titulo in lucem emissis: JOANNES MACCOVIUS
rediuuius, seu Manuscripta eius tertium iam typis exscrip-
ta, opera Nicolai Arnoldi, Amstel. 1659. V. *Jo. Christoph.*
Koecheri Catechetische Geschichte etc. p. 143.

XV. *Quod regni Poloniae et Magni ducatus Lithuaniae homines vulgo Evangelici dicti, qui solidae pietatis sunt studiosi, omnino deberent, se illorum coetui adiungere, qui in iisdem locis falso atque immerito ARIANI atque EBIONITAE vocantur. Ex scriptis Fausti Socini, Senensis. Hebr. 6. 1. omisso inchoationis Christi praecepto ad perfectionem feramur. Racoviae typis Seb. Stern. 1611. 8. pagg. 18. Libellus, cum haud paucis aliis, viuo adhuc auctore latino habitu typis excusus non est, concinnatus vero a. 1599. polonice tamen prodiit a. 1600. ex versione Petri Statorii Jun. deinde latine in Belgio primum adparuit, a. 1610. ac isto tempore per Ostorodum et Voidovium ibidem disseminatus. Exaratum esse a. 1599. mense Julio in agro Luclaviciano Abr. Blonscii, subscriptio docet.*

Socinus de eodem ad CHRISTOPH. OSTORODUM Racoviam die ultimo anni 1599. in Epp. p. 454. ita scribit:
 „RUPNOVIUS noster promisit, se ex Ostroviano suo mis-
 „surum isthuc libellum, de quo excudendo agitur, lati-
 „num, quem si, vt spero acceperitis, et vestro et meo de-
 „siderio satisfieri plane poterit. Vt enim vos (quamquam
 „vtrumque vtrique desideramus) id cupitis maxime, vt
 „libellus iste vere Polonice loquatur, et a quolibet Po-
 „lonicae linguae gnaro facile intelligi possit: sic ego po-
 „tissimum opto, ne Polonica verba, vlla ex parte, aliam
 „sententiam in eo sonent, quam ipsa latina verba ferunt.
 „ — — — Possent, si nobis videretur ab ipso initio,
 „statim in altera post titulum, seu inscriptionem pagina,
 „nec vllius nomine, nec ad vllum inscripta huiusmodi
 „verba poni: Vera et stabili perpetuaque inter vtrum-
 „que coetum, qui papatui in his regionibus valedixe-
 „runt, concordia, quae haecenus frustra, ab ipsorum al-
 „tera tentata est, in eo maxime ac potissimum, vel po-
 „tius solum consistit, vt vtraque pars pie ac sancte, ex
 „Christi praescripto vivere omnibus viribus conetur et
 „studeat;

„studeat; quod, quia admodum difficile est, vt ab Euangelicis fiat, donec sua quaedam dogmata retinent, nec modum suarum ecclesiarum regendarum mutant, propterea editur hic libellus, quo ita sentire ostenditur, et ob eam causam, qui in illo coetu sunt pietatis studiosi, vt alteri coetui sese adiungant sedulo monentur, praesertim cum aliae etiam sint causae, cur id facere debeant, quas scriptum hoc legendo, quisque nullo negotio deprehendete poterit.“

In praefatione ad lectorem hanc scripti occasionem auctor exponit: „Audiui saepe (atque ita rem se habere ex parte ipse comperi) inter eos, qui in regno Poloniae et magno ducatu Lithuaniae vulgo Euangelici appellantur, non paucos esse, qui libenter scirent, quae nam sint causae et rationes, cur aliquot viri eruditio- ne ac virtute praestantes ipforum coetum, eorum coetui posthabendum censuerint, qui ARIANI et EBIONIAE vocari solent. Quin etiam vir quidam nobilis et bonarum litterarum apprime studiosus, quique me ab se, impense amari tunc temporis profitebatur, diligenter aliquando me rogauit, vt causas istas et rationes breui scripto comprehensas sibi habere liceret, idque mea opera, quandoquidem ipse illi auctor eram, vt ab Euangelicis, quibus adhaerebat, ac perpetuo in vita sua adhaeserat, ad istos alios transfiret. Ego vero eius precibus victus, quin me id, quod tantopere appetebat, facturum promitterem, facere non potui, hocque meo promisso iam diu steterissem, nisi haud ita multo post, eius animum ob ipsam religionis causam, a me prope abalienatum esse, animaduertere mihi visus fuisset. Haec igitur hoc tempore ipse mecum partim considerans, partim memoria repetens, et nihil prorsus dubitans, quin consilium, quod nobili isti viro dabam, salutare plane sit, et homini Euangelicae in hisce regionibus religionis, ad solidam pietatem contendenti, ferme
„neces-

„necessarium, amicis monentibus atque hortantibus, ut
 „hac de re aliquid scriberem, parendum atque obtempe-
 „randum mihi censui. Sperandum siquidem est, ut ex
 „Euangelicorum numero ii, qui ista legere cupiunt, non
 „sine fructu ista etiam legant, et fructu quidem eiusmo-
 „di, cui nullus par esse potest.“

Post praefationem et introductionem, quinque ca-
 pita scriptum complectitur. In *primo* proponitur, ad
 regnum Dei possidendum, necesse esse, in nullo peccato
 manere, quod euangelii doctrinae aduersetur *p. 8.* In
secundo, in eorum, qui Euangelici vulgo adpellantur,
 religione, dogmata et sententias haberi, quae vix vlllo mo-
 do permittunt, ut, qui eas tenet, in nullo peccato maneat
p. 10. In *tertio* in eorundem Euangelicorum religione
 quaedam concedi, quae cum Christi praeceptis pugnant,
p. 23. In *quarto*, in Euangelicorum doctrina non pau-
 cos esse errores, qui facile veram salutis aeternae viam
 obscurant atque impediunt, *p. 27.* in *quinto* denique de
 ignorationibus, seu leuioribus erroribus multis Euange-
 licorum, *p. 55. seqq.* Excipit haec, *appendix, p. 69.* de
 defectu disciplinae ecclesiasticae in coetu Euangelicorum,
 et de causis, cur hic coetus in dies minuat, *Ariano-*
norum vero (quos vocant) crescat. V. *Calovius* l. c. *p.*
35. Quod *Socius* per Euangelicos in libro suo *suaso-*
rio Helveticae confessioni deditos maxime intelligat,
SCHLICHTINGIUS significauit.

Prodiit liber in lucem iam a. 1610. latine *Frane-*
guerae (quod vulgo creditur, cum tamen potius *Stein-*
furthi impressus fuerit) in quem locum ad *Conr. Vorstii*
 discipulos *Mst.* delatum fuit per *Ostrodum* ac *Voidouium*,
 sub hoc titulo: *De officio hominis Christiani in hodiernis*
istis de religione controuersis: hoc est, cui potissimum coe-
tui inter omnes de religione dissidentes, homo christianus
adhaerere debeat; libellus hoc tempore utilissimus, ab ano-
nymo quodam veritatis patrono conscriptus. Cum gratia et
prui-

*priuilegio summi Pontificis et Regis Catholici excusus, Irenopoli, (Franeckerae) typis Theophili Adamidis (quod nomen Alexium Radecium notat. V. B. A. P. I. p. 219. 235.) a. 1610. 8. pl. 6. absque addito paginarum numero. V. Baylii Diction. tit. Vorstius Lit. (G) et Jac. Fruytier Sions Worstelingen, Roterod. 1715. 8. p. 316. Hunc librum Socini per Jacobum Omphalium, Henricum Welsingium, Eccles. S. Martensdykanae in Dioeces. Ultraiect. Past. (quem alii Welsingium nominant) Bernhardum Forkenbeckium etc. Vorstii discipulos, Franequerae clam diuulgatum esse, Hoornebeckius refert et Cloppenburgius hanc editionem vigilantia D. D. Sibrandi Luberti et pastorum Leovardensium inprimis Bernhardi Fullenii et Joannis Begermanni suppressam esse narrat. V. Placcius p. 500. N. 1939. (EE) Hanc ipsam ob causam inter libros rarissimos referendus; prodiit tamen anno sequente noua editio, procurantibus eam Socinianis in Polonia. FESTUS HOMMIUS in Praefat. ad *specimen controuersiarum Belgicarum* etc. inquit: HENRICUS WELSINGIUS libellum *Fausti Socini* edidit *de officio hominis Christiani in hodiernis istis de Religione controuersis*, cui etiam praefixit *praefationem suam*, qua libellum hunc Euangelicis commendat, vt satis neruose tractantem id, quod auctor sibi proposuerat, monetque eos, vt diligenter illum legant, et vnice attendant, non quis, sed quid dicat: docetque Euangelicos, magno cum fructu hunc libellum legere posse, vtpote qui ex eo agniture sint, multa sibi deesse adhuc ad veram Religionis puritatem, multa etiam, quae pugnent cum illa imprudenter adhuc in coetibus suis retineri. CONR. VORSTIUS Deum testem aduocat, libellum hunc se penitus inscio, nedum auctore et promotore, clam editum fuisse, et cum primum sibi res innotuerit, quosdam ex iis, qui edi curauerant, ad se vocatos acriter obiurgasse. V. Epp. Eccl. et Theol. p. 327. b. et 280. a. edit. Amstel. 1704. fol. Interim tamen plures persua-*

sum sibi habent *Vorstium* ad lectorem admonitionem praemississe.

In belgicam linguam translatus liber iam a. 1610 comparuit, de qua editione valer, quod *Sandius* l. c. ex *Cloppenburgio* et *Hoornebeckio* adduxit. V. *Biblioth. Hal. T. I. p. 417.* Belgice iterum prodiit 1603. 4. cui editioni interpretes adiecerunt *summam doctrinae Sarmatarum*, vel compendiolum doctrinae Socinianorum 't kort begryp van de leere der Sociniaaner etc. quam appendicem a *Conrado Vorstio* esse concinnatam plurimi credunt. Titulum habet: *Summa doctrinae Sarmatarum, vel summa ex STAN. LUBIENIECII Jun. compendiolo doctrinae Ecclesiae Christianae nunc in Polonia potissimum florentis* V. Epp. *Ecl. et Theol. l. c. p. 45. a. B. A. P. I. p. 451. N. 2.*

Ab hoc scripto diuersus est *Fausti Socini* libellus, de officio hominis Christiani, qui inter eiusdem tractatus breues Theologicos Rac. 1618. 8. legitur, et vix vnicum, octernionis folium implet. Opusculum vero, quod recensuimus, post *Calouium* per *Balthas. Meisnerum* in breui consideratione Theol. Photin. prout eam *F. Socius* descripsit in libello suasorio, cui titulus: *Quod Evangelici omnino deberent se illorum coetui adiungere* etc. *Witteb. 1619. 8 et 1623. 8. Alph. 2. pl. 17.* solide esse refutatum, scimus, qui nervum praecipuorum argumentorum, quae auctor in eodem complexus est, solide incidit.

XVI. De baptismo aquae disputatio *Fausti Socini Senensis*. Cui accesserunt eiusdem 1. responsiones ad priores et posteriores notas A. D. (*Andreae Dudithii*) in disputat. de baptismo. 2. responsio ad M. C. (*Mart. Czechovicii*) notas in appendice libri istius de paedobaptismo. 3. Epistolae duae de baptismi negotio ad quosdam. Racouiae, typis Seb. Stern. a. 1613. 8. plagg. 15½ f. pagg. 246. Scripta est disputatio Cracouiae d. 15. Apr. 1580. quod
p. k.

p. k. 2. b. significatur. V. *Reimannus* l. c. p. 1654. seqq. In ep. MATH. RADECIO a. 1586. d. 8. Jan. scripta in epp. p. 128. ita de hoc libro inquit: „Fratrum quidem roga-
 „tu scripsi librum, cui titulum feci: An homini Chri-
 „stiano aquae baptismo carere liceat, disputatio, qui ta-
 „men talem sententiam prorsus abominantur, et tandem
 „precibus meis adacti, curarunt, vt, ad ea, quae scrip-
 „seram, responderetur, hocque munus ALEXANDRO VI-
 „TRELINO“ (V. B. A. P. II. p. 984. N. 2.) „demanda-
 „runt, qui tamen non ecclesiae, sed priuato nomine re-
 „spondit, sed torprobra, conuitia, maledicta, calumnias
 „denique in me, vna cum responsionibus suis admiscuit,
 „vt fratres ipsi illum acriter reprehenderint, ego vero
 „ab eiusmodi scripto refutando, quamuis id alioqui per-
 „exigui laboris mihi esse videatur, haecenus deterritus
 „fuerim.

In breui praefatione ita SocINUS: „Mirum est sane,
 „quantas turbas ritus iste haecenus dederit, et posthac,
 „nisi ipse Deus mira aliqua ratione tanto malo occurat,
 „daturus sit, euangelique cursum remoraturus. Hic
 „ait, infantes baptizari omnino debere, ille plane negat,
 „et alter alterum tanquam non modo Christi institutum
 „aliquod singulare, sed vniuersam eius religionem per-
 „uertentem, reiecit prorsus, atque abominatur. Hic
 „censet eos, qui a ministris Christi Jesu nomen profiten-
 „tibus aquae baptismo aliquo in nomine P. et F. et Sp. S.
 „siue in nomine J. C. tincti fuerint, se rite baptizatos es-
 „se, ille vero, nisi a veris Christi ministris, omnibus su-
 „perstitionibus et humanis additamentis reiectis, pura
 „aqua fuerint abluti, seu quoquomodo respersi, vel nul-
 „lo pacto, vel perperam baptizatos esse affirmat. Quo
 „fit, vt hic illum ANABAPTISTAM, id est, ad verbum re-
 „baptisatorem, vel potius CATABAPTISTAM, hoc est sub-
 „mersorem, seu baptismi euerforem, contumeliose ap-
 „pellet, et diris quodammodo deuoueat; ille vero vicif-

„sim hunc despiciat, et pro adulterino, aut certo non satis legitimo fratre habeat etc.“

Sequitur ipsa disputatio: *An homini Christiano aquae Baptismo carere liceat*, quae in XVII. Capita distincta est. Post haec p. 149. ad priores, et p. 167. ad posteriores notas A. D. et p. 202. ad M. C. notata responder, et tandem p. 229. ep. *Socini* ad virum quendam nobilem, nec non alia ad quendam ep. de Baptismo p. 237. adrextae sunt. In disputatione aliis auctor persuadet: baptismi susceptionem Christi ciuibus diuinitus praescriptam non esse; imo potius, posse hominem christianum terrenae aquae ablutione carere, eaque abstinere, quod magna orationis dulcedine et ratiocinationum furo persequitur, ut quis crederet, totum coetum eius persuasioni obtemperasse. Sed tantum abest, ut consensum obtinuerit, ut ex ipsis Vnitariis fuerint plurimi, qui ab eius placito abhorruerunt, et disputationem hanc scriptis etiam confutarunt, quod ex *Socini* Epp. p. 128. et Tract. *de coena Domini* p. 19. patet. Belgica libri versio prodit a. 1632. 4. et 8. Ex professo illum sub examen vocauit D. *Fried. Deutsch* Exercitat. Theologg. IV. de perpetuo et vniuersali Baptismi aquae praecepto, contra *F. Socinum* *Regiom.* 1706. 4.

XVII. *Fausti Socini Senensis de coena Domini tractatus brevis, una cum eiusdem aduersus scriptum Domini JOANNIS NIEMOIEVII defensione: adiecta sunt praeterea alia quaedam eiusdem auctoris, de hoc argumento.* *Racouiae typis Seb. Stern.* a. 1618. pl. 7½ f. pagg. 120. Quinque sub hoc titulo generali exhibentur tractatus suo argumento connexi ac peculiari titulo insigniti: 1) *Brevis introductio, ad coenae Domini finem et usum recte percipiendum.* In hoc Christum neque corporaliter neque spiritualiter in S. coena hominibus concedi, asserere sibi sumsit, nec per eandem fidei confirmationem effici p. 11. occurrit: *Appendix ad scriptum de coena Domini*, et p.

15. *Articulus VIII. Synodi Lublinens. generalis* (Unitario-
rum) 1593. habitae, finem et scopum s. Coenae concer-
nens. 2) *Ad epistolam D. Joannis Niemoieuii ad Dn.*
Geor. Schomannum, ab ipso quidem Polonice scriptam,
nunc vero in latinum conuersam, (ubi de Socini scripto agi-
tur, in quo de usu et fine coenae Domini breuiter disputa-
tur) eiusdem Socini responsio p. 17 — 80. Ep. Niemoieuii
ad Schomannum scripta est Lublini d. 8. Mart. a. 1588.
quae una cum Socini interpositis thesibus per singula mem-
bra repetitur. V. B. A. P. I. p. 552. N. 5. Socinus respon-
sum suum dedit Cracou. d. 24. Mai a. 1588. et p. 72. ad
calcem varia Zwinglii testimonia, de Sacramentorum vi
mere significatiua adiecit. 3) *Selectiores quaedam notae,*
ex animaduersionibus Fausti Socini, in librum D. Joan.
Niemoieuii, contra Imman. Vegam Polonice scriptum, in
quo de coena Domini disputatur. p. 81 — 103. Opus
Veiae hunc prae se fert titulum: *Euangelica et Apostolica*
doctrina, de Augustissimo Eucharistiae Sacramento, in the-
ses digesta ab EMAN. VEIA, S. J. in Acad. Vilnensi Prof.
Excusum Vilnae in colleg. eiusd. Societ. typis Illustr. Dn.
NIC. CHRISTOPH. RADIVILI etc. A. 1586. 4. pl. II. V.
B. A. P. I. p. 551. N. 4. Aduersus has theses latinas de
Transsubstantione concinnauerat NIEMOIEVIUS scrip-
tum polon. circa quod SOCINUS quaedam monuit V. B.
A. P. I. p. 551. N. 3 et Epp. F. S. N. 16. 4) p. 103.
allegantur et refelluntur hominis Pontificii argumenta
pro sua de Eucharistia sententia. Pontificius aduersus
eos, qui statuunt, fideles S. coenae conuiuas corporis et
sanguinis Christi fieri participes, indignos vero panem
tantum et vinum solitarie accipere, pugnat. SOCINUS e
contrario adstruere conatur, et indignos et dignos, prae-
ter panem et vinum nihil accipere. 5) p. 110. addita
est meditatio F. S. in calamum dictata, de IV. quaestio-
nibus, ad argumentum de S. coena spectantibus: (1) An
sit Christi praeceptum? (2) Quale? (3) Quomodo cele-
brandum? (4) Quis sit finis et usus?

Tria scripta priora separatim edita a *Sandio* l. c. p. 77. male perhibentur. Duobus posterioribus multum lucis coetus huius notitiae adfunditur, quoad controuersias domesticas et intestinas. Ex illis enim manifesto colligitur, NIEMOIEVIUM, equitem Polonum meliora sensisse *Socino*, illiusque affectas non tantum in loco de S. coena et baptismo, sed quoque de persona et deitate Christi, nec non de praestita ab eodem satisfactione a *Socino* eiusque discipulis dissensisse. Testatur enim in ep. ad GE. SCHOMANNUM, quae in hoc *Socini* tractatu p. 20. exstat, continere *Socini* scriptum paradoxa, offensionis plena, neminemque se hactenus legisse scribit, qui adeo contemptim de S. coena senserit, quam F. S.

XVIII. *Themata de officio Christi, in quibus Christum in hac terra nostrum fuisse prophetam, sed in coelis iam esse Regem ac Sacerdotem nostrum adstruere conatur Socinus.* In Bibliotheca FF. PP. scriptum hoc adtextum est antecedenti, N. XVII. Legitur autem in peculiari collectione tractatuum F. *Socini*, quae *Sandio* incognita fuisse videtur, quamuis singulos tractatus, in eadem obuios passim absque tamen serie, in collectione ipsa obseruata commemorauerit; a *Reimanno* tamen hoc opusculorum Syntagma allegatur l. c. p. 665. Hunc prae se fert titulum: *Fausti Socini breues quidam de diuersis materiis ad Christianam religionem pertinentibus tractatus. Quorum seriem sequens pagina monstrabit.* *Raconiae typis Seb. Stern. a. 1618. 8. pagg. 97.* Hi vero sunt tractatum tituli: 1) p. 3. *Themata de officio Christi.* 2) p. 14. *Discurfus breuis de ratione salutis nostrae ex F. Socini sermonibus excerptus et concinnatus.* 3) p. 24. *De officio hominis christiani.* 4) p. 26. *De libero hominis arbitrio, deque aeterna Dei praedestinatione scriptum Jo. JAC. GRYNÆO oblatum.* In ep. ad *Grynaeum* d. 7. Jul. 1597. in epp. F. S. p. 588. *Socinus* commemorat, quod nullum, praeter ipsum autographum, scrip-

scripti huius exemplum habeat. Hoc vero eius esse conditionis putat, ut lectorem requirat, qui nulla sententia, quantumvis noua, et prima fronte falsa et detestabili quidquam, donec illam diligentius expendit, aut certo non admodum grauitur commoueat; ita ut vix ausus fuerit, illud cum aliis communicare, nisi iis, qui iam agnouerunt, quaedam alias non pauca a se vel affirmata vel negata — — verissime et sanctissime, affirmari quidem illa, haec vero negari. 5) p. 31. De conuenientia et differentia V. et N. T. Est fragmentum animaduersionum F. Socini in scriptum cuiusdam *de differentia V. et N. Foederis*, oppositum sine dubio opusculo, quod sub Gregor. Pauli B. A. P. II. p. 616. N. 21. allegaui. Sandius scriptum hoc Socini bis citauit p. 71 et 77. sub diuersis titulis. Insertum quoque est disputationi aduersus Christ. Francken. 6) p. 33. Animaduersiones quaedam extemporales in D. Jo. Niemoieuii scriptum aduersus partem quandam disputationis F. SOCINI *de J. Christo Seruatore* 7) p. 45) Notae in scriptum N. N. (Stanislai nimirum Budzinii, V. B. A. P. I. p. 86. N. 4.) Polonicum *de Christi regno in terra*. 8) p. 56. Notae in Eberhardi Spangenbergii scriptum de duabus bestiis apocalypticis. 9) p. 79. Obiectiones seu articuli JOHANNIS CUTTENI ministri Euangelici. 10) p. 82. Ad obiectiones seu articulos CUTTENI, ministri Euangelici, F. Socini responsio. 11) p. 90. Breuis discursus, de causa, ob quam creditur euangelio Jesu Christi: et de eo, quod, qui credit, praemio, qui non credit, poena a Deo afficiatur. V. B. A. P. II. p. 887. N. 51. Quae in hac collectione N. 6, 7 et 8. locum obtinuerunt, in Bibliotheca FF. PP. *assertionibus Theologicis de trino et uno Deo*, cum aliis breuioribus Socini scriptis subtexta sunt.

Plenus libelli, ultimo loco in hoc syntagmate comparantis, titulus est: *Breuis discursus de causa, ob quam creditur, aut non creditur Euangelio J. C. et de eo, quod,*

qui credit, praemio, qui non credit, poena a Deo afficitur, *Fausti Socini Senensis. Ex Italico in latinum translatus per Valentinum Smalcium, Gothanum. Racouiae, typis Sternacianis. A. 1614. 8. pagg. 11. WALCHIUS in Biblioth. Theol. sel. T. I. p. 298. et Biblioth. Halens. nec non Freytagius in Anal. litt. p. 878. per errorem hunc tractatum illis Socini accensuerunt scriptis, quae in Biblioth. FF. PP. recusa non animaduertuntur; qui ibidem T. II. f. 455. omnino insertus reperitur. Rarissimus vero est libellus separatim editus, admodum exilis et tenuis, qui sex tantum folia capit. Argumentum eius est, ut demonstrare conetur auctor, voluisse Deum efficere, ut homines secundum scita et dictamina rationis iusta et rationi consentanea agerent, et propterea aeterna praemia vel supplicia decreuisse. Quia vero haec non satis cognita sunt hominibus, ut per illa commoueantur, hinc cum his fidem in Christum iunxit, ut hominis voluntati iam relictum sit, rationi etiam aduersa perpetrare, fidemque in Christum adspernari. Quare etiam voluit, ut Jesus ipse excitatus a mortuis non conspiceretur ab vniuerso populo, sed tantum ab aliquibus, quos testes resurrectionis destinauit. Si enim vniuersus eum populus vidisset, nullus tam sceleratus fuisset, quin postquam ea ratione perspexisset, Christum vera dixisse, et praedictum praemium certum esse, se illi adiunxisset, atque adeo probus homo apparuisset. De breui hoc discursu legisse iuuabit, quae auctor in ep. ad Matth. Radecium epp. p. 101. et ad Phil. Buccellam (B. A. P. I. p. 79.) p. 71. scripsit. Publicam lucem libellum iam vidisse a. 1612. et post hac a. 1654. 12. belgicamque eius versionem praediisse a. 1649. 4. Sandius l. c. p. 70. testis est; cui tamen editio a me allegata, fuit ignota, saltem eius mentionem nullam fecit. Editio de a. 1654. 12. a. Sandio citata, eadem est, quae libro rarissimo inserta, cui titulus: *Fausti et Laelii Socini, item Ernesti Sonneri tractatus aliquot Theo-**

Theologici etc. Eleutheropoli a. 1654. de quo sub Laelio Socino.

Eodem anno 1618. *Racouiae* aliud opusculorum *F. Socini* comparuit syntagma in 8. hoc titulo: *Breues de diuersis materiis ad religionem Christianam pertinentibus tractatus.* Continet hoc nouem opuscula, quorum quaedam iam in priore collectione, iterumque in *Miscellaneis F. Socini* occurrunt, nimirum 1) *Locorum ad Sp. S. personam probandam a nobilissimo quodam viro allatorum explanationes.* 2) *Animaduersiones quaedam extemporales in Dn. JO. NIEMOIEVII scriptum aduersus partem quandam disputationis de J. C. Seruatore.* 3) *Notae in scriptum N. N. Polonicum de Christi regno in terra.* 4) *Notae in EVERHANDI SPANGENBERGII scriptum de duabus bestiis apocalyptis.* 5) *Obiectiones, s. articuli JO. CUTTENI ministri Euangelici et ad eas responsio.* Insertum quoque est *miscellaneis F. S.* 6) *Breuis discursus de causa, ob quam creditur, aut non creditur Euangelio J. C. etc.* 7) *Contra Chiliastras de regno Christi terreno.* *Miscellaneis* quoque intextum. 8) *De Christi carne aduersus Memnitas disputatio breuissima.* *Miscellaneis* inserta. Argumentum eius recenset *FABRICIUS* l. c. P. II. p. 62. 9) *De sacrificio et inuocatione Christi epistolae JO. NIEMOIEVII, cum responsione duplici F. SOCINI d. 20. Marc. et 20. Mai 1587.* Leguntur quoque in *Miscellaneis.*

Joannes Cuttenus, cuius obiectiones et articuli in *Collect. priori N. 9.* et in *posteriori N. 5.* leguntur, a *F. Socino* minister Euangelicus appellatur. *B. A. P. I.* p. 217. Fuit is *Senior Eccles. Reform. in districtu Sendomiriensi minoris Poloniae.* *V. Wengerscius* l. c. L. III. c. 15. p. 417. Eius articuli seu obiectiones, quae in vtraque opusculorum *F. S.* collectione leguntur, haec sunt: 1) *Infantes cum nascuntur, nascuntur absque peccato, suntque tales, qualis Adamus fuit, cum a Deo creatus est.* 2) *Infantes sunt similes Filio Dei.* Nam; quemadmo-

dum ille sine peccato est, sic et illi sine peccato sunt. 3) *Adamus* etiamsi non peccasset, futurus erat, et erat obnoxius morti corporali eiusque mortis, cum in *Adamo*, tum in aliis hominibus non est causa peccatum. 4) Homo quilibet, si modo velit, potest non peccare. 5) Homo ipse per se, et Deum et voluntatem eius nosse et hanc exsequi potest. 6) Homo in hac vita viribus naturalibus potest voluntatem Dei perfecte perficere. 7) Vita illa aeterna nemini datur, nisi promerenti. 8) Christus in mundo non erat, antequam in carne appareret; cum autem non fuerit, nemini poterat esse utilis; cumque hic in carne versaretur, nulla miracula per se ipse edere potuit. 9) Christus homo solummodo a prophetis et Apostolis differt, quod ipse ex Spiritu S. fuerit conceptus, quodque Deus per ipsum maiora miracula, quam per alios fecerit. 10) Christus propterea venit, ut quemadmodum *Moses* Judaeorum: sic ipse noster sit legislator. 11) Lex Christi perfectior, quam *Mosis*. *Moses* enim externam; hic vero non modo externam, sed et internam a nobis probitatem requirit. 12) *Moses* Princeps erat, et dentem pro dente eximi iussit. Ipse vero noluit esse Rex, suosque iure agere prohibuit. 13) *Moses* suis terram Chanaan; Christus vero coeleste regnum promittit. 14) Christus venit, ut se exemplum omnium virtutum exhiberet. 15) Christus utilis nobis, sed imitanti-bus. 16) Homo cum peccat, ipse per se ex peccato se erigere potest. 17) Evangelium Christi est, ostendere hominibus poenitentibus paratam apud Deum peccatorum remissionem. 18) Perpersiones Christi, cruciatus et mors, non sunt oblatio nobis iram Dei placans, quam incurreremus et incurrimus propter peccata nostra. 19) Christi perpersiones sunt tantummodo testimonium, certitudinem legis et euangelii ipsius nobis confirmans. Praeterea sunt exemplum nos ad imitationem adhortans. 20) Christus obedientia sua apud Patrem non nobis, sed sibi ipsi id promeruit, quod in morte non est relictus:
sed

sed tertia die resurrexit. Id quod etiam nobis sperandum est, si ex lege ipsius vixerimus, exemploque eius actiones nostras direxerimus. 21) Vfus baptismi et mensae Domini necessarius non est. Id quod inde colligo, quod *Socinus* huius sententiae auctor, quamque illi approbant, nec baptizatus est, nec baptizari vult, ac proinde nec mensam Domini curat. 22) Christum in cuiusque voluntate positum. 23) Anima vna cum corpore moritur: donec in aduentu Domini in iudicium vtrumque simul resurgat. 24) Baptismus, si quis eum putat sibi necessarium, administrari debet in nomen Patris et Filii per Spiritum sanctum. Atque hac formula vsus quidam ministrorum *Chmielnici* baptizauit paedagogum filiorum D. JOACH. GLINSKII, cuius rei testimonium ipsemet Dominus *Glinseius*, qui coram aderat, nobis praesentibus suae domi perhibuit. 25) Baptizari in nomen Patris et Filii, aliter non intelligitur, quam quod dixit diuus *Paulus*, omnes sunt baptizati in Mosen I. Cor. 10. 26) Etsi fortassis frustra id quaeritur ex iis praesertim, qui omnia tribuunt viribus naturalibus, prima illa creatione in Adam a Deo homini donatis, attamen cum credant Christum ex Spiritu S. esse conceptum: 27) Cupio scire, quid de Spiritu S. sentiant. 28) Fuerunt tales, qui tantum sentiebant, eum esse motionem natam in anima hominis. Haec superioribus articulis addenda decreui, sperans me ad singulos a Domino LUBIENIECIO et Domino MORZKOVIO responsum habiturum. A quonam vero LUBIENIECIORUM id officii genus expectauerit CUTTENUS, dici nequit. Nullum inter scripta eorum inuenitur, quo id praestitum esse colligi possit; nec inter *Petri Morscouii* opera quidquam animaduertitur, quo hunc ad CUTTENI articulos respondisse auguraremur. Neutrum vero responsum dedisse, sed *Socinum* solum hoc negotio functum esse, ex responsione ad artic. 21. colligimus.

Respondit autem ad articulos, ita vt pluribus calculum suum adiecerit, nonnullos limitauerit, paucis consensum suum denegauerit. Speciminis loco quasdam responsiones adpono. Ad 1. Infantes nasci sine peccato, non tamen esse, qualis *Adamus* fuit, cum a Deo creatus est, siquidem ipsi aeternae morti sunt obnoxii, quod *Adamus* non erat, antequam peccaret, non quidem, quia illis peccatum *Adami* imputetur; sed quia ex *Adamo* propter suum peccatum iam morti aeternae obnoxio facto, sunt propagati. Ad 2. infantes cum nascuntur, nullius quidem peccati sunt rei; non tamen propterea Filii Dei similes sunt, qui sine peccato vixit, et omnium diuinarum virtutum habitus habuit. Ad 3. *Adamus* antequam peccaret, erat mortalis, vt post peccatum. Sed post peccatum non modo natura mortalis, sed etiam morti penitus obnoxius fuit. Itaque mors ipsa corporis, quatenus prorsus est necessaria, et in *Adamo* et in nobis peccati effectus censenda est. Ad 7. Ad vitam aeternam consequendam non vlla merita, sed Christi praeceptorum obedientia requiritur, cui constitutum est praemium, seu merces ipsa aeterna vita; non quod obedientia ista id per se mereatur, sed quod ita Deo benignissimo cum humano genere agere visum fuit. Ad 8. *Christus* certe non fuit, nec esse potuit, antequam esset. Esse autem, cum homo sit, non potuit, antequam in vtero matris suae conciperetur. Postquam vero conceptus et natus fuit, munusque suum obire coepit, potuit per se ipse miracula facere, quatenus potestas ea faciendi, quam a Deo habuerat, in ipso, ex ipsius Dei dono ac voluntate residebat. Ad 9. *Christus* homo Prophetis ac Apostolis, non eo tantum est praestantior, quod ipse etc. sed multo magis est ob id praestantior, quod per suum Euangelium, ipse mundo, non illi beatam immortalitatem patefecit, ac Dei nomine aeternum foedus illam iis largiendi, qui ipsi Christo, et per illum Deo confisi fuerint, eique sese obediens praestiterint, nobiscum fanciuit et suo sanguine con-

confirmauit; ac praeterea ab ipso Deo est vniuersorum haeres constitutus, tam plenissima potestate omnia iussu suo regendi ac moderandi, non ipsorum Prophetarum modo et Apostolorum, totiusque diuini populi in perpetuum coelestis Rex declaratus, sed ipsorum angelorum omnium princeps ac Dominus factus. Ad 21. Coenae dominicae vsus est necessarius, vt Christo obediamus, qui illum nobis praescripsit. Baptismus autem in Ecclesia, apostolorum exemplo, omnino est retinendus. Ad 22. Nemo a nobis pro fratre habetur, qui Christum inuocare renuat, imo eum, qui sit huiusmodi, ipsum Christum, quem Dominum et Deum nostrum agnoscimus, vtque talem adoramus, et inuocamus, penitus, siue prudentem, siue imprudentem negare censemus. Ad 23. Quod animae nostrae vna cum corporibus moriantur, nullo pacto asserimus; tantum ex analogia totius scripturae edocti affirmamus, eas, vsque ad Christi aduentum non frui beatitudine illa, quae illis est promissa, qui ipsius Christi sunt. Ad 24. Nos cum baptismum administramus, vel vtimur vsitata formula verborum, in nomine, seu in nomen P. et F. et Sp. S., vel simpliciter apostolos imitati, in nomine Iesu Christi baptizamus. Si quis ex nostris alia formula est vsus, est singulare quiddam, quod ipsi nostro coetui adscribi non debet. Ad 26. Nos viribus naturalibus in prima creatione homini datis parum omnino in rebus diuinis tribuimus, scientes, teste apostolo, animale hominem non percipere, quae sunt Spiritus Dei; et certe quod Deus Filium suum ex Spiritu S. concipi voluerit, indicat primae creationis nostrae, vbi de mysteriis agitur diuinis, imperfectionem. Fit autem nobis in illis verbis (attamen cum credant etc.) non leuis iniuria, quasi vero dubitari merito de nobis posset, an crederemus, illud esse verum, quod apertissimis verbis, idque non semel in S. litteris expressum est. Ad 27. Spiritum S. virtutem Dei atque efficaciam, qua aliquo modo res ab ipso Deo sanctificantur, esse credimus.

Perfo.

Personam vero ipsum Spiritum S. proprie et in potentio-
riorem significatum acceptum, et ab ipso Deo, cuius est
Spiritus, distinctum esse, negamus. Ad 28. Sanctam
motionem creatam a Deo in anima hominis, metonymi-
ce, auctorem rei pro re ipsa nominando, Spiritum S. ap-
pellari posse, dubitari nequit. Sed aliud est, appellari
posse, aliud vero re ipsa esse.

XIX. *Discursus brevis de ratione salutis nostrae ex
Fausti sermonibus exceptus et concinnatus.* Continet scrip-
tum, quod in *Bibl. FF. PP.* libro, N. XVII. allegato ad-
textum reperitur, et in collectione tractatum N. XVIII.
recensita p. 14. exhibetur, ordinem salutis ex mente *Soci-
nianorum*. Ab hoc diuersus est discursus brevis de tota
ratione salutis nostrae per Christum, scriptus circa a.
1574. et HIERON. MARLIANO ab auctore traditus, cuius
inmeminit *Socinus* in praefatione, operi de *J. C. Seruatore*,
contra COVETUM, praefixa.

XX. *Fragmenta duorum scriptorum Fausti Socini Se-
nenfis, in quorum priore sententiam eorum, qui Iesum Chri-
stum Dei Filium unum illum et altissimum Deum esse, vel
saltem antequam ex Maria nasceretur, re ipsa exstitisse,
affirmant, argumentis allatis refellere; in posteriore ad
rationes aduersariorum, quibus tres in unica Dei essentia
personas adstruere conantur, respondere instituerat.* Ra-
couiae typis Seb. Stern. a. 1619. 8. pagg. 99. Duplici
quidem titulo *Sandius* l. c. p. 77. scriptorum bigam ex-
posuit; sed editionem hanc ipsi fuisse incognitam, ex ip-
sa allegatione colligo, cum nec tempus, nec locum, nec
formam eius indicauerit. In *Bibl. FF. PP.* Tom. I. p.
781 — 799. haec fragmenta adtexta sunt tractatui de coe-
na Domini N. XVII. Prioris tractatus fragmentum ita in-
choat auctor, p. 3. „Scripsimus ante annos non paucos,
amicorum hortatu, perbreuem expositionem sententiae no-
strae in JOANNIS Euangelii principio interpretando, quum
non tantum nostra aetate, sed etiam multis ante saeculis
inau-

inauditam sciremus, nostrum nomen suppressentes, aliorum de ea iudicium cognoscere decreuimus, antequam plura ad eam confirmandam scriberemus, amicis, quando illis ita videbatur, scriptum nostrum in lucem emittendi curam omnem permittentes. Dum interea silemus, ecce Dei optimi Maximi summa atque ineffabili benignitate effectum audimus, ut illa eadem sententia nostra a quam plurimis, qui vel ex scripto illo edocti fuerant, vel aliunde eam hauserant, veritatis vi impulsis et recepta et approbata fuerit. Quin et integras ferme ecclesias postmodum ei subscripsisse, ipse cognosco, et nobilissimas disputationes cum iis, quorum mentibus tam salutaris diuinarum rerum scientiae radius nondum affulsit, summis Principibus non modo annuentibus, sed praesentibus quoque institutas habitasque comperio. Secutae sunt, una cum interpretatione illa nostra, ipsarum disputationum, atque eiusdem argumenti librorum editiones, in quibus licet abunde satis, et veritas explicata et ab aduersariorum impugnationibus defensa videatur; ad eam tamen, et clarius adhuc patefaciendum, et validius propugnandum, non parum adiumenti nos afferre posse, Deo bene iuuante, confidimus. Quo circa non amplius silendum censui, sed tum quae a nostris vel omissa vel leuius pertractata, tum quae ab aduersariis allata non adeo plene, siue etiam minus recte confutata videbantur, illa quidem in medium proferre et latius exponere, haec vero ea via et et ratione, qua opus est refellere constitui. Itaque de Iesu Christo Dei Filio, de quo nobis omnis est institutus sermo, duos mihi libros conscribendos putavi, quorum primus rationes et praecipue testimonia e litteris petita, contineat, quibus manifestum fiat, non esse cum Iehouam unicum Deum nostrum, neque vel ipsum, vel ipsius naturam aliquam, vere, seu ut loquuntur, hypostatice exstitisse, antequam is ex Maria eius matre nasceretur: in altero ad ea, quae hanc solidissimam veritatem magis concutere, vel etiam labefactare alicui fortassis prima facie videri possent, diluenda me conuertam. Nomen autem meum, quando i:
hanc

*hanc arenam aduersus nobilissimos antagonistas descendendum erat, adhuc reticere fraudi et vitio mihi datum iri sum sub-
neritus.*

Posterioris tractatus fragmentum a p. 41. incipit, in quo ad sequens orthodoxorum argumentum respondere nititur: *Scriptura, quae Deum unum esse affirmat, eadem ipsum plures esse ostendit. Igitur Dei quidem essentia una numero est, personae autem plures.* Caetera desiderantur p. 95. sub titulo peculiari comparent: *In theses de Trinitate ALAUDII ALBERII TRIUNCURIANI, notae F. Socini Senensis, scriptae in gratiam N. N. Regis Galliarum ad Principes Germaniae legati.* Hoc fragmentum, in *Bibl. FF. PP.* Vol. I. f. 799. insertum *Sandius* quoque l. c. p. 78. allegauit. V. B. A. P. II. p. 690. N. 28. et P. II. p. 944. N. 4. Tandem p. 98. observatio circa dictum *Marc. 16, 15. 16.* hac inscriptione exhibetur: *Quae sequuntur alibi ponenda fuerant: sed quia diligentiam nostram, cum alia SOCINI fragmenta ederemus, effugerant, ne perirent, hic apponenda censuimus.* In hoc fragmento notatur: quod gentes, quibus euangelium praedicatum est, id sibi bonis operibus suis non promeruerint; quamuis propter mundi peccata merito fieri potuit, ut pleraeque mundi nationes illud sibi praedicari non audierint. *SOCINUS* p. 5. auunculi sui *LAELII* promisit vitam et apologiam, sed ea fortassis non inchoata. In *Bibl. FF. PP.* vltimum hoc fragmentum non observamus.

XXI. *Animaduersiones cuiusdam N. N. in loca quaedam F. SOCINI, in quibus aduersariorum argumenta satis solide refutasse, vel verum quorundam Scripturae locorum sensum non recte affecutus esse videtur, et in eundem finem explicatio brevis capitis LIII. Esaiiae.* Scriptum hoc Tomo I. Opp. F. Socini in *Bibl. FF. PP.* p. 301 — 314. subiunctum *Floriani* potius *Crusii* est. V. B. A. P. I. p. 214. N. 13.

XXII. *Traſtatus de Deo, Chriſto et Spiritu ſancto Fausti Socini Senenſis Racouiae typis Seb. Stern. 1611. 8. pagg. 23.* In breui alloquio adlectorem auctor inquit: „Quando vberiora atque exactiora de hac trini et vnus „Dei, Chriſtique potiſſimum diuinitatis quaestione, ſcrip- „ta noſtra tecum communicare nondum poſſumus, haec „tibi damus, quae exilia licet ac minus elaborata, tibi „haud inutilia fore ſperamus. Vtrumque ſcriptum non „noſtra ſponte, ſed partim ab amicis rogati, partim ab „iſſis aduerſariis exſtimulati, qui et argumentum iſtud, „et theſes diuerſis temporibus refellendas propoſuerant, „haud tamen grauate iam pridem exarauimus.“ Opuſculum hoc, quod totius Theologiae Socinianae quaſi centrum et compendium continet, iam ante a. 1591. abſque auctoris nomine lucem vidit, hac inſcriptione: *Examinatio argumenti pro trino et vno Deo, omnium potiſſimi aut certe viſitatiffimi, vna cum reſponſione per breui, ad quasdam theſes; (ſcil. Collegii Poſnaniensis de Chriſto a vera diuinitate excludendo, niſi ſit Creator coeli et terrae)* quod conſtat ex SOCINI ep. ad Morſinium data a. 1595. d. 3. Febr. in Epp. p. 497, quo loco ipſemet elenchum ſcriptorum ſuorum enumerat. Argumentum, quod refellere nititur, et qua ratione id praestiterit, *Fabricius* l. c. p. 60. expoſuit. Videtur ſcriptum, id ipſum eſſe, cuius edendi SOCINUS circa finem reſutationis *Wuieki* ſpem fecit, quae verba *Sandius* l. c. p. 75. repetiit, putauitque, librum iſtum nunquam in lucem eſſe emiſſum, vel proſus periſſe. Operi huic *Socini* ſequentia oppoſita ſunt antidota: 1) STAN. ZDESCHEKI *Oſtrowski, Abbatis Pre-metens. Ord. Ciſterc.* Reſutatio examinationis FAUSTI infausti SOCINI. Poſnan. 1594. 4. 2) D. CHRISTOPH. PELARGI *Arianorum recentiorum libello*, cui haud ita pridem edito titulum fecerunt: *Argumenti pro trino et vno Deo, omnium potiſſimi aut certe viſitatiffimi, examinatio etc. oppoſita breuis reſponſio, ſ. Antitheſis, ſcripta ad Geo-rywtias S. confirmationem a CHRISTOPH. PELARGO D. quam*

in familiari et sobria doctorum adolescentum συζητήσει
tueri conabitur JOH. HENCIIUS, *Silesius. Francof. typis
Eichornianis* 1593. 4. pl. 7 $\frac{1}{2}$. Insertum quoque est PE-
LARGI admonitioni de Arianis recentioribus etc. V. B. A.
P. I. p. 330. Opposuit PELARGI libello *Smiglenfis An-
titrinitarius*, (VAL. SMALCIUS) *Responſionem breuem*, V.
B. A. P. II. p. 846. N. 4. ad quam PELARGUS in opere
allegato p. 297. respondit, sub tit. *ανταποκρισις, opposita
responſo cuiusdam Ariani*, scriptoque suo palmaria aduer-
sarii momenta inseruit. 3) M. BERNH. BLUMII, *scholae
Numburg. Rect. tyrocinium de mysterio SS. Trinitatis, op-
positum horrendis blasphemis, quas cum omnes Photiniani,
tum vero in primis F. SOCINUS, in Tr. de Deo, Christo et
Sp. S. contra hoc mysterium euomuit. Jenae, ap. Henr.
RAUCHMAUL* 1614. 4.

§. X.

Alterum Bibliothecae FF. PP. Volumen scrip-
ta *F. Socini* Polemica luci publicae iunctim expo-
ſuit; quorum ocularis intuitus commonſtrat, quam
ſtrenuus pro Antitrinitariorum disciplina fuerit ath-
leta, quippe qui certamina, non cum Pontificiis
tantum, ſed etiam Auguſtanae, Bohemicae, ac
Helueticae confeſſionis Theologis acerrima inſti-
tuit. In his doctiſſimis quoque aduerſariis, ſuis
ratiocinationibus atque ſophismatibus operam non
leuem procreauit. Ad rem noſtram facit, in ſcrip-
torum polemicorum recenſione, paulo ſuſiorem
iſſorum certaminum exponere hiſtoriam.

*

*

*

In recenſendis ſcriptis polemicis, eundem profe-
quor ordinem, quem in *Bibliothecae FF. PP. Tomo ſecundo*
ſerua-

seruatum deprehendo, librorum titulos plenos ex vetustioribus exhibiturus editionibus, quas ipse inspexi.

I. Ad JACOBI Palaeologi librum, cui titulus est: *defensio verae sententiae de Magistratu politico etc. pro Racouiensibus responsio a FAUSTO SOCINO Senense conscripta. Ante hac suppresso auctoris nomine edita. Paulus 2. Corinth. 5. Vetera transferunt, et ecce facta sunt omnia noua. Racouiae typis Seb. Stern. anno Christi 1627. 8. pagg. 591. et indica 3. Titulum excipit praefixa auctoris praefatio ad Palaeologum. Editam fuit responsio primum 1581. 4. Cracouiae, ex typographia Theoph. Adamidae (Alexii Rodecii) in qua auctor nomen suum reticuit, quod ipsi M. SQUARCIALUPUS in ep. ad eum scripta a. 1581. d. 15. Sept. in malam partem vertit, in epp. Socini p. 9. V. Placcius N. 2253. p. 529. Fabricius P. II. p. 60. Posterioris editionis, cuius titulum exposui, Sandius l. c. p. 70. mentionem fecit nullam. De Palaeologo V. B. A. P. II. p. 583. Squarcialupus l. c. eundem vocat doctissimum, magnum Philosophum, Theologum, Disputatorem exercitatum, in contentionibus acerrimum, pertinacem, facundum item, Graecum in coelum auolantem, si iusserit venter. Quod sibi Romae nociuis opinionibus vitae periculum coram tribunali ecclesiastico contraxerit, fuga tamen eodem se eripuerit, a quamplurimis narratur. Relicto ordine Dominicano in Germaniam profugisse quidam tradunt, sed documentis id non comprobant. LUBIENIECIUS l. c. p. 200. haec, (quae JACOBO RINIOVICIO debebat) de Palaeologo habuit: „Fuit is veteris et illustri Imperatorum Graecorum sanguine cretus, „qui ut Romam venit, et dissensum a vulgo receptis dogmatis prodidit, officio sacrae, ut vocatur, Inquisitionis, quae est vera mentium et corporum Anti-Christiana carnificina, subiectus, et in carcerem coniectus fuit. „Inde effracto carcere in Germaniam primum ad Protectantes, inde in Poloniam ad nostrates confugit: qui-*

„buscum ei in articulis maximi momenti scil. de Filii Dei
 „diuinitate ac inuocatione, ac magistratus iure non con-
 „uenit! Inde in Morauiam digressus, frustra Pii V. Pon-
 „tificis Romani insidiis appetitus, tandem postulante
 „GREGORIO XIII. ab Imp. MAXIMILIANO captus, et Ro-
 „mam missus fuit. Vbi tetro carceri mancipatus, sen-
 „tentiae suae tenax, ad rogum damnatus est. Quem, vt
 „et duos veneficos palis alligatos, vidit, horrere acerbis-
 „simae mortis percussus, palinodiam se velle canere pro-
 „fessus, a rogo retrahitur. Cum autem in vinculis ad-
 „huc haereret, pristinae sententiae retinens visus, denuo
 „ad flammam damnatus, miseranda periit morte.“

Spondanus in Annali Eccl. T. II. p. 553. tradit,
 quod, cum a Caesare *Maximiliano* interceptus, ad *Gregorium* Pontificem Romam missus, primum per viros
 doctos prouocatus, ad rectam viam redire noluerit, hinc
 igni damnatus; cuius timore ductus, impietatem publice
 solemni ritu abiurauit. Haud tamen dimissus, ne ite-
 rum vagaretur, cum metu, non animo abiurasset, rur-
 sum in suis blasphemis sibi placens, frustra de iis dese-
 rendis sollicitatus, tandem igne crematus est impoeni-
 tens. Errasse vero et *Lubienicum* et *Spondanum*, eius-
 dem captiuationem ad *Maximiliani* aetatem referentes,
 in B. A. P. II. p. 584. notauit.

Socinus in Respons. ad WUIECKUM p. 42. de vltimis
 ipsius fati, hoc modo iudicat: „Ac de Palaeologo, quem
 „similiter ex nostro numero fuisse, sine dubio arbitran-
 „tur, iam respondeo, nullo pacto Dei beneficium erga
 „ipsum istud fuisse, quod ecclesiae Romanae reconcilia-
 „tus fuerit, sed debitam ipsius impietati poenam. Nam
 „praeterquam quod nostros homines simplicissimos licet
 „atque innocentissimos edito aduersus eos libro, cum in-
 „terim tamen eos fratres appellare illum non puderet,
 „tanquam pessimos nebulones traducere non est veritus;
 „vnus etiam atque adeo, ni fallor, praecipuus fuit ex
 „Ante-

„Antesignanis illorum, qui Christum nec adorandum
 „nec inuocandum esse hodie affirmant, et interim tamen
 „se christianos esse impudenter profitentur, quo vix quid-
 „quam scelestius in religione nostra deprauanda excogi-
 „tari posse existimo. Merito igitur talis homo talem
 „finem est sortitus, vt cum sui nominis perpetua ignomi-
 „nia, et, quod multo peius est, animae aeterna iactura,
 „illi magnae meretrici, cum qua scortati sunt Reges ter-
 „rae, a qua per Dei gratiam, olim se seiunxerat, et ab
 „eius tyrannide non semel liberatus fuerat, non quidem
 „testimoniis, aut rationibus vllis permotus, sed praesen-
 „tis supplicii terrore compulsus, denuo sese adiunxit;
 „cuius imperio ac iussu miser postmodum cruenta morte
 „finem senilibus suis annis inuenit.“

Et in responforia ad M. Squarcialupum, in epp. p.
 36. ita de eodem: *cognitum habeo, quot malorum causa,*
non tantum in Transyluania, sed in Vngaria quoque, in
Lithuania et aliis in locis Palaeologi auctoritas et scripta
fuerint? An non ipse primus omnium in prouincia ista, sen-
tentiam illam maxime impiam et detestandam de non ado-
rando, neque inuocando Christo, vna cum aliis pluribus pe-
stilentissimis erroribus docuit et scriptam reliquit? Nonne
eius doctrina hodie, quae a quibusdam FRANCISCI DAVI-
DIS doctrina esse creditur, integrae, eaeque non paucae Ec-
clesiae in Vngaria foedissime sunt corruptae? Nonne is in
Lithuania alterum quendam FRANCISCUM DAVIDIS (SIMO-
NEM BUDNAEUM, de quo B. A. P. I. p. 80. notat) quan-
tum in se fuit, iam excitauit, et prouinciae illius Eccle-
sias suo veneno infecit, ab ipsiusque Poloniae Ecclesiis iam
fere diuulsi ac separauit?

Occasionem certaminis cum Palaeologo suppedita-
 uit editus ab hoc liber *de magistratu politico, Losci in*
Lithuania a. 1573. procurante editionem SIMONE BUD-
NAEO, in quo Christum non sustulisse Magistratum poli-
ticum, quo potius Christi ciuem perfungi posse, aliaque

circa hanc materiam de bellis gerendis, ac armis ferendis docuit. Hunc refutarunt *Racouienſes*, ex quibus praeter *Gregorium Pauli*, *Sickirinius*, *Czechouicius*, *Kalinoſius*, *Schomannus*, *Niemoicius*, etc. referente *Sandio* l. c. p. 45. eminebant. In primis *GREG. Pauli* in eo ad examen vocando operam praestitit, nomine fratrum Polonorum vrgens: non licere homini christiano magistratum politicum gerere, in libro qui a. 1573. scriptus est. V. B. A. P. II. p. 613. N. 16. Cum libello huic *PALAEOLOGUS* opponeret alium, hoc titulo: *Defensio verae sententiae de magistratu politico*, itidem *Losci Budnaci* opera, a. 1580. impressum, (B. A. P. II. p. 586.) aduersus eundem *F. Socinus* responsionem pro *Racouienſibus* a. 1581. euulgauit. In praefamine ad *Palaeologum*, rationes exponit, cur *Racouienſium* caussae patrocinetur, cum *GREGORIUS Pauli*, primus apologeta, senectute, curis et morbis impeditus, calamum stringere amplius non possit. Ita vero inquit: „*Atqui tu bene cordatum virum et doctum hominem (GREGORIUM Pauli), quique in Dei ecclesia nec parum nec segniter laborauit, responsione tua ad scriptum illius ita conuitiis et maledictis incessis atque proscindis, (nam, ut caetera multa omittam, vesanum eum et indoctissimum scriptorem nominas, et desidem atque otiosum ventrem appellas) ut maxime pium mihi visum fuerit, non solum ea, quae ab ipso vere et pie sunt scripta, sed eadem opera eius quoque famam et estimationem a tuis sophismatis et calumniis, quantum in me erit, asserere ac vindicare.*“ In eadem inquit: „*Racouienſes isti, siue Racouienſis coetus, quem tu petis atque opugnas, vel non amplius extat, vel ita hodie mutatus est, et in aliam quodammodo formam versus, ut agnosci non queat, atque ob eam ipsam causſam, tu quidem cum laruis luctatus fuisse videris.*“

Quod nomen suum scripto non apposuerit, ita excusat: „*Quiritaberis fortasse, quod meum nomen te celare volue.*

voluerim; sed iniuria id a te fiet. Quid enim tibi nominis mei vel ignoratio in hoc certamine nostro obesse potest, vel notitia prodesse? Non enim utrius nostrum pugna cum homine ipso esse debet, sed cum illius sententia. Nec minus tibi tua defendere et mea impugnare licebit ignoranti, quam scienti nomen meum. Nec vero ego, quod mihi sit notum nomen tuum, eo paratior ad te oppugnandum ero, nisi ex ipso Palaeologi nomine aliqua scommata in te iaciendi mihi facultatem suppeditatum iri dicamus, ut (exempli palaeologizat causa) quod vere παλαεολογίζει liber tuus. cum nihil in religione, nisi vetusta et antiquata quaedam cogitet — — — atque loquatur. — — — Quid quod saepius contingit, alterutrius partis sententiam eiusmodi esse, quae vel ipsa per se omnino, vel prae intellectione, vel ab aduersario aut verbis leuiter deformata, aut argumentis inuidiosa reddita, possit auctorem in fortunarum et capitum discrimen adducere? Qualis certe est ea, de gerendo in Ecclesia magistratu sententia, quam tu impugnas, imo ex cuius impugnatione seu contrariae sententiae defensione, quamuis alia de re, hoc est, de bello, tibi cum Racouiensibus praecipua controuersia esset, titulum tuo libro quae-fisti. Quare, si te hominem christianum praestare voluisses, non debueras saltem in ipso libro edendo nomen alicuius aduersarii apponere, quin potius ne ullo modo apponeretur, quam diligentissime curandum tibi fuerat. Non enim ignoras, quam necesse sit, ut ipsi Reges, in quorum manu vitae necisque nostrae imperium Deus posuisse dici potest, illi sententiae sint infensi.

Ordinem totius libri et translationis partes auctor, circa finem epistolae his verbis recenset: „Primum, quicquid in expositione sententiae tuae de bello reprehendenda, recte a Racouiensibus dictum fuerit, quod ad rem, de qua inter vos agitur, maxime pertineat, a responsionibus tuis vindicabimus, nec non, ubi opus fuerit, confirmabimus. Deinde praecipua fere, quae tu non recte in illorum scripto

„reprehenderis, explicabuntur. Tum vero reliqua, si non
 „omnia, saltem potiora, quae a te pro confirmanda senten-
 „tia tua, et aduersariorum refutanda, ubique congesta et
 „allata fuerint, excutiemus ac refellemus. Postremo in-
 „signiora quaedam errata tua, quae antea attingere com-
 „modum non fuerit, siue in priore tuo scripto sint, siue in
 „posteriore hoc, quo aduersus Racouiensis prius illud tuta-
 „ris, colligemus et patefaciemus. Quo facto finis huic no-
 „strae responsioni imponetur. Itaque in quatuor partes
 „tota disputatio diuidetur. In quibus singulis exsequendis,
 „nullum fere alium ordinem sequemur, praeter eum, quem
 „ipsa tua, tuorumque aduersariorum scripta nobis suppe-
 „ditabunt.“

SOCINUS a M. Squarcialupo accusatus, quod hor-
 rendum in *Palaeologum* maledicta effuderit, huncque Ju-
 daeorum similem iudicauerit, in responsoriis litteris Crac.
 d. 20. Nou. a. 1581. in Epp. p. 35. inter alia ita se de-
 fendit: „Illud non est reticendum, virum quaedam grauif-
 simum et summae apud me auctoritatis (pro mea coniec-
 tura ANDR. DUDITHIUM notat,) cuius iudicium te ipsum
 tanti facere noui, ut vix ab eo dissentire ausurus sis, cum
 me aduersus *Palaeologum* scribere accepisset, litteris ad me
 datis hortatum me fuisse, ut *Graeculi* istius esurientis (sic
 enim eum nominabat,) superbiam retunderem. Quo fac-
 tum est, ut multo etiam alacrius in instituto meo perseue-
 rauerim. Nec sane quemquam futurum puto, qui modo PA-
 LAEOLOGI librum legerit, quin fateatur, vix aliter, quam ego
 feci, (quod ad hanc partem attinet) ei respondere potuisse, aut
 mitius aliquanto cum eo agi debuisse. (Quod Socino maximum
 sibi hoc opere contraxerit odium, alio loco iam obseruaui.)

II. De *Iesu Christo Seruatore*, hoc est, cur et qua
 ratione *Iesus Christus* noster *Seruator* sit, FAUSTI SOCINI
Senensis disputatio. Quam annos abhinc circiter decem et
 septem scripsit, respondens JACOBO COVETO *Parisiensi*,
euangelico, ut vocant, ministro; cuius scriptum ordine,
 suis locis, per partes digestum, in ea habetur. In qua
 multa,

multa, quae apud Euangelicos, et partim etiam apud alios, salutaria christianae religionis axiomata creduntur, peruitiosi errores esse demonstrantur; et tota salutis nostrae per Christum ratio copiose ac dilucide explicatur. Nunc primum edita. Ose. 14, 10. Quis sapiens et intelliget ista: intelligens et sciet ea. Quia rectae viae Jehouae; et iusti ambulabunt in eis: Praeuaricatores vero corruent in eis. Typis Alexii Rodecii. Anno 1594. 4. Alph. 2. pl. 11. vel pagg. 427. praef. et indic. 24. Praemisit libri editor, ELIAS ARCISSEVIUS, Sen. qui se J. C. seruum adpellat, praeloquium, in quo testatur, quod iis assentiri, seque socium adiungere non dubitauerit, qui annos abhinc non paucos ad instaurandam in Polonia Ecclesiam Christi a Deo excitati fuerint. Rationes edendi librum ita exponit; „Dum in eo sum totus, vt rationes excogitem, quibus possint homines, qui passim per vitiorum viam incedentes, pereunt, in viam Christianarum virtutum deduci, et hoc modo ab aeterno interitu vindicari; forte in disputationem quandam manu scriptam incidi, quam habuit ante complures annos cum Euangelico haud ignobili, vt audio, verbi Dei ministro, homine Gallo, FAUSTUS SOCINUS, homo Italus, et mihi animorum et religionis concordia, ac necessitudine coniunctissimus. In qua disputatione, cum de causa et ratione agatur, cur et quomodo J. C. noster Seruator sit, mirum est, quam egregie vir iste, (vt quidem mihi, et aliis non paucis, qui disputationem hanc ipsius legerunt omnino videntur) errores patefaciat, qui circa cognitionem salutis nostrae per J. C. vulgo regnant, non solum apud eos, qui Euangelici vocantur, aduersus quorum doctrinam ipse perpetuo disputat; sed etiam aliqua saltem ex parte, apud alios ferme omnes, qui Christi nomen profitentur. Quibus erroribus potissimum fit, vt multorum animi, ab innocentiae vitae studio alioqui minime abhorrentes, prauis cupiditatibus perpetuo irrogiti sint, aut certe non ita vitam agant, vt Christianum hominem

„decer; Christum quidem se optime nosse, iactantes et
„gloriantes: factis tamen interim eum haud obscure ne-
„gantes. Itaque non putavi, me quidquam posse facere
„desiderio atque instituto meo convenientius, et porro
„ad eos, qui errant, in viam salutis reuocandos aptius,
„quam si curarem, ut disputatio ista, quae tot annos quod-
„ammodo latuerat, in publicum tandem ederetur. Ad
„quod agendum me maxime impulit, quod scirem, prae-
„sentes aliquot, pietate atque eruditione viros, qui opus
„hoc perlegissent, illud luce dignissimum iudicasse, et
„vehementer iam diu, ut typis mandaretur, optasse.
„Quare auctorem et coram et per litteras diligenter hor-
„tari coepi, ut hunc suum laborem accurate recognoscere-
„ret, eique, si nondum id fecisset, extremam, (quod
„aiunt) manum imponeret, ut quam primum typogra-
„pho excudendum dari posset; ne diutius tanti laboris
„fructu ii priuarentur, qui eius quam maxime indigent.
„Annuit ille; et opere (tamen si propter alias occupatio-
„nes suas et frequentes morbos tardius, quam voluissem)
„recognito et ad impressionem parato, potestatem mihi
„eius publicandi fecit. Optarim quidem, ut liber hic
„polonice edi potuisset, quo meis Polonis in primis hac
„ratione, ad veram salutis suae viam ingrediendam, ali-
„cui adiumento essem. Sed quando latine scriptus fuit,
„nec, nisi satis longo temporis spatio, ab homine quan-
„tumvis erudito atque otioso (quae duo tamen vix vno
„in homine simul reperiatur) in Polonicam linguam bene
„ac decenter verti posset, ut latine nunc ederetur, neces-
„se fuit: praesertim cum multae alioqui etiam sint causae,
„cur latine potissimum haec disputatio existere debeat.
„Primum enim disputatur hic cum homine, qui adhuc,
„ut speramus, viuit, et linguam Polonicam, ut prorsus
„verisimile est, plane ignorat; cuius generis similiter
„sunt, maxima pars eorum, quorum doctrina hic nomi-
„natim refellitur; quos iniquum esset, non posse ista in-
„telligere, quae aduersum ipsos in publicum eduntur.
„Dein-

„Deinde, si quaerendum sit, ut quam plurimi vtilitatem
 „sentiant, quae ex lectione huius disputationis percipi
 „queat; latinam eius editionem Polonicae tam esse prae-
 „ferendam constat, quam excedunt numero ii, qui in
 „Christiani hominis populo latine legunt atque intelli-
 „gunt, eos, qui polonice tantum, non etiam latine lege-
 „re atque intelligere possunt. Postremo multae variae-
 „que disputationes, quae hac una de Seruatore Jesu Chri-
 „sto disputatione continentur, non minima ex parte eius-
 „modi sunt, ut ab illiteratis hominibus, vix de illis iudi-
 „cium ferri possit etc.“

Non fefellit *Arcisseuium* praesumptio, de *Jac. Cove-
 ro*, tempore editi huius libri adhuc in vita superstite;
 is enim Parisinus, Ecclesiae Gallicanae Minister Basileen-
 sis a. 1608. d. 18. *Jan.* demum obiit. Hoc praeloquium
 editoris excipit *praefatio auctoris* ad lectores, a. 1594.
Cal. Oct. scripta, in qua totam scriptionis suae historiam,
 et quae ad eius editionem pertinent, exponit. Haec eo
 reddit, quod iam ferme ante viginti annos *Basileae* com-
 morans (anno 1578.) cum aliquot amicis collocurus fue-
 rit de ratione, qua J. C. nobis salutem aeternam peperis-
 set in primis, cum LAELIO SOCINO monitore, adolescens
 adhuc et pene puer, cognouerit, hic plurimum vulgo
 erratum fuisse non sine maxima tum Dei Christique ip-
 sius obscuratione, tum animarum iactura. Hisce collo-
 quiis cum veteribus amicis aliquoties interfuerunt qui-
 dam Euangelici, auditis, quae a SOCINO dicebantur, of-
 fensi, priuatim eum conueniebant, ipsique persuadebant,
 ut talem doctrinam abiiceret, aut saltem aliis non com-
 municaret. Sed auctor his monitis aures ac animum prae-
 cludens, vni ex amicis, qui HIERON. MARLIANUS fuit,
 scriptum tradidit, in quo breuiter comprehensa erat sen-
 tentia de tota ratione salutis nostrae per Christum, quam
 aduersus quemcunque se defensurum promisit. Paulo
 post *Geneva Basileam* venit JO. BAPT. ROTA, *Patavinus*,
 tum

rum temporis Gallicanae Ecclesiae minister in agro Geneuensi, postmodum coetus Italorum, qui in ipsa vrbe est, pastor. Is, a MARLIANO rogatus SOCINUM *Basileae* inuisit, et de hac sententia cum eodem disputauit. Verum disputatio in ipso ferme initio abrupta, cum ROTA *Basilea* abire necessum haberet, qui tamen promisit, librum hunc MARLIANO exhibitum, scripto confutare, quod tamen nunquam fecit. Circa nundinas vernas *Francofordienses* a. 1577. in idem hospitium, quo SOCINUS vivebatur, diuertit *Geneua* veniens et *Francofordium* proficiscens, vir nobilis, MANFREDUS BALBANUS, *Lucensis*, amicus SOCINI, cum JACOBO COVETO, qui tunc temporis auctori plane ignotus erat; qui cum rescuisset SOCINUM negare, Christum morte sua, pro peccatis nostris diuinae iustitiae satisfecisse, cum eodem hac de materia colloquium instituit, re tamen infecta. Rogauit interim SOCINUM, vt sententiam suam, quam breuissime posset, quatenus sententiae orthodoxae aduersaretur, in schedula notaret, sibi que traderet, se enim illam scripto refutaturum. Praestitit id SOCINUS et post paucas hebdomades COVETUS tractatum suum breuiter et accurate exaratum illi transmisit, in quo sibi visus est, satis abunde et sententiam suam confirmasse et SOCINI refellisse. Hoc COVETI scriptum copiosa responsione refellere statuit SOCINUS, quam cum iam eo perduxisset, vt satis esse videretur ad COVETI opusculum refutandum, absolutam eam (absoluisse vero eam *Basileae* d. 12. Jul. 1578. ipse testatur,) JO. FRANC. CASTILLIONE *Basileae* commoranti, amico suo, qui COVETI scriptum *Francofordia* rediens huius nomine sibi tradiderat, exhibuit, rogans, vt curaret hanc suam responsionem ad *Couetum* deferri. Qui eam *Geneuam* missurum, vbi COVETUS fratrem germanum haberet, promisit. Sed nunquam haec *Socini* responsio ad *Couetum* perlata, nec illi eius copia facta. Haec fusius in praefatione enarrata ita proseguitur: „Verum interea cum aliquot amicis meis et aliis piis hominibus in
„variis

„variis Europae locis degentibus, praecipue vero in hoc
 „Poloniae regno, non tam mea ipsius, quam aliorum
 „opera, hic meus labor communicatus fuit; neque hac-
 „tenus tamen vnquam, quod sumptus non suppetere-
 „ret, et a me precibus contenderent, nisi particula eius quae-
 „dam, in qua agitur, de fide in Christum, qua iustifica-
 „mur, quae ab amico meo, me insciente, altero abhinc
 „anno, typis mandata est, sub nomine PROSPERI DY-
 „SIDAEI; sub quo nimirum nomine, ego ipse disputa-
 „tionem meam de loco sept. cap. ep. ad Romanos, in
 „qua huius de J. C. Seruatore disputationis fit mentio,
 „ante multos annos edideram etc.“

Opus ipsum, cui COVETI scriptum ex autographo insertum est, absoluitur partibus IV. quarum *prima* in VIII. *secunda* in XXVI. *tertia* in XI. et *quarta* in XIV. capita distincta. In *prima* parte refelluntur rationes (secundum tenorem inscriptionis) quas COVETUS ad sententiam suam confirmandam, et SOCINI conuellendam, ex S. litteris ductas afferre tentauit p. 1. In eadem defendendum sibi sumsit Socinus: *Nullam Dei iustitiam omnino postulasse, ut peccata nostra punirentur. Christum vel ob id merito dici Seruatorem nostrum, quod salutis aeternae viam nobis annunciauerit et confirmauerit, nobisque exemplum virtutis reliquerit; Christum a mortuis resurgendo salutis aeternae viam nobis ostendisse, eumque vitam aeternam daturum esse, et ob hanc solam rationem Seruatorem nostrum esse et nominari. Nomine Mediatoris Christo tributo, nullam diuinae iustitiae exhibitam satisfactionem, nec ullam irae Dei placationem significari; ex reconciliatione nostra cum Deo per Christum facta, nullo modo consequi, quod Christus irae Dei pro nobis satisfecerit, eamque in fauorem mutauerit.*

In parte *secunda* respondetur ad ipsa S. litterarum testimonia, quae COVETUS pro sententia sua confirmanda, vel protulit, vel proferre potuit. p. 65. *Redemptionem nostram*

nostram per Christum factam, esse Metaphoricam, siue in ea peragenda, nullum verum pretium interuenisse, siue nihil cuiquam pro nobis solutum fuisse; dicta ista, in quibus dicitur Christus peccata nostra portasse etc. non sensum habere, ac si Christus poenas pertulerit, quas nos propter peccata pendere debuissimus; nec Jcs. LIII. nec 1. Pet. II. 23. dici: Christum suo corpore in cruce peccatorum nostrorum poenas sustinuisse; non nostri vice et loco, Christum mortuum fuisse; per ipsius mortem, longe alia ratione expiari peccata, quam diuinæ iustitiæ pro illis satisfaciendo, quod ex collatione mortis Christi, cum legalibus victimis expiatoriis et quomodo in expiandis peccatis conueniant, euincere nititur: oblationem Christi expiatoriam peractam fuisse in coelo; Christum reuera sacerdotem non fuisse, antequam in coelum ingressum.

In tertia parte rationes et testimonia explicantur, quibus euinci putat, quod Christus morte sua Deo siue eius iustitiæ pro peccatis nostris nulla ratione satisfecerit p. 220. „Deum non tantum iure potuisse, sed quoque voluisse condonare peccata, nulla pro ipsis vera satisfactione accepta; nobis non pereuntibus, diuinæ iustitiæ pro peccatis nostris nullo modo satisfieri potuisse; Christum nec solutione poenarum, quas nos, ex lege Dei subire tenebamur, nec praestatione eorum, quae nos ex lege Dei facere debebamus, diuinæ iustitiæ pro nobis satisfacere potuisse; Vera et propria Christi merita, quae ab orthodoxis statuuntur, cum Dei gratia manifeste pugnare; propositionem, neminem mori, nisi pro peccatis aut suis, aut alienis, falsam et ineptam esse, de quacunque tandem morte eam interpretari velimus; maxime Dei iustitiam commendare, quod Christus mortuus sit, nec tamen illi peccata nostra imputata fuerint; non potuisse Christo a Deo peccata hominum imputari, nisi, ut sibi imputarentur, commeritus fuerit; ex COVETI suorumque sententia „multa

„multa mala, ex SOCINI vero nulla prorsus proueni-
re posse.“

In quarta parte appendices quaedam maximi momenti ad Coueti sententiam examinantur. p. 313. *absurdam esse opinionem de imputatione satisfactionis Christi per fidem; nullo pacto sustineri posse, quod Christi satisfactio nobis imputetur, perperam dici, per fidem nobis imputari i. e. applicari, seu impertiri Christi satisfactionem; Christi iustitiam nobis imputari merum commentum esse; nec hoc ex 1. Cor. I. 30. nec ex Rom. III. 12. etc. colligi posse; credere, per ea, quae passus est Christus, nostra peccata deleri, nullo modo eam fidem in Christum esse posse, qua iustificamur; hanc, sola absolui obedientia, etc. Pretium redemptionis, a D. N. J. C. solum esse Metaphoricum, similitudinem saltem in se habens recompensationis, non autem rem ipsam; Christi mortem non esse λυτρον pro peccatis proprie, nec propter satisfactionem Deo praestandam susceptam esse, sed tantum emolliendae hominum contumaciae causa, et ob horum a peccatis ad Deum conuersionem.*

Quoad nocentissimum hunc errorem, SOCINUS *Ochinum* in huius dialogis habuit viae ducem, quod pluribus et Zarnouecio quoque manifestum visum est. Nec ille id negauit omnino, qui in ep. ad MART. VADÓVITAM, Profess. Cracov. d. 14. Jun. a. 1598. inquit: „*Illud certissimum est, GREG. ZARNOVECÍUM qui nominatim aduersus disputationem meam de J. C. Seruatore libellum polonice edidit, in eius praefatione asserere, me ex OCHINI dialogis, annos abhinc circiter triginta quinque editis, sententiam illius meae disputationis accepisse. Nam certe in dialogis illis, quorum non pauca exempla iam diu in ipsa Polonia mihi videre contigit, est sententia ista aperte expressa et inculcata.*“

Quo pessimus liber in plurium hominum manus veniret, multosque suo contagio inficeret, in Antitrinitario-

rariorum Polonorum ciuitate et synodis statutum est, vt paruo admodum pretio, nimirum exemplar non compactum 24 grossis Polonicis venderetur; nec vllum librum in regno Poloniae impressum, habita proportionis et molis ratione, viliori pretio vnquam venalem fuisse, auctor in ep. ad ANDR. VOIDOVIUM notauit, in Epp. p. 580. Idem MART. VADOVITAE, in ep. narrat, quod praeter ZARNOVECIUM nemo in regno Poloniae, nec alibi, hanc disputationem refellere haecenus (quantum sciat) sit aggressus. Quanti vero *Zarnouecii* refutatio, de qua paulo post, facienda sit, breui ostensurum amicū quendam, qui eadem lingua, qua ille scripsit, (*Polonica*) pro se responsurus sit, cum id ipse in hoc idiomate praestare nequeat.

De excerptis ex *Socini* libro, quoad quandam eius partem factis et sub PROSPERI DYSIDEI nomine in scio auctore, a. 1592. 8. sub tit. *Quaenam sit ea fides in Christum, qua iustificamur, disputatio*; diuulgatis v. Ruari Epp. Cept. I. p. 128. Aduersus hoc ipsum excerptum NIE-MOIEVIUS pugnavit. V. B. A. P. I. p. 552. N. 7. Cui scripto SOCINUS opposuit *animaduersiones extemporales* etc. Orthodoxam doctrinam aduersus hunc tractatum defenderunt quoque *Jac. Coetus in Apologia de iustificatione nostri coram Deo, Tiguri, 1594. 8.* et *Theod. Beza in Apologia de iustificatione per vnus Christi vera fide apprehensi iustitiam gratis imputatam, aduersus anonymi auctoris tractatum clam nuper sparsum. Genevae 1592. 8.*

Argumentum plenioris tractationis de J. C. Seruatore longa serie exposuit SEMLERUS in *Instit. breu. ad liber. erud. Theol. L. II. p. 155 — 169.* Speciminis loco, vt de F. *Socini* ingenio et tractandi modo sententia ferri possit. Belgica libri versio hoc titulo lucem vidit: *Van de gesalfde Heyland* etc. 1654. 4. Opus hoc *Sibrandus Lubbertus Franeck.* a. 1611. 4. Alph. 3. pl. 15. refutandum suscepit; illudque totum suo intexuit volumini, sed

maiori

maiori veritatis detrimento, quam auxilio, ex iudicio FABRICII l. c. P. III. p. 386. Reimanni l. c. p. 641. Baylii in Diction. sub tit. F. Socinus, aliorumque, qui allegantur a Moshemio in not. ad Halefii Epp. VIII. p. 266. aduersus quae iudicia ZELTNERUS l. c. p. 255. Not. (c) quaedam non immerito monenda protulit. De opere LUBBERTI in Epp. Remonstr. Amstel. 1684. 253. ita iudicatur: *Credebat — — LUBBERTUS recte se facere atque utiliter, quod SOCINUM de Seruatore integrum ederet, cum prolixa refutatione; sed vide, quid collega ipsius J. DRUSIUS de facto isto iudicauerit. Plures sola libri SOCINI lectione et parum accurata eius confessione, SOCINIANOS breui tempore factos fuisse scribit, quam multis ante annis per coeteros libros eorum facti fuerant.*“

In Polonia publicae luci exposuit. 1) GREGOR, ZARNOVECIIUS opus polon. cuius titulus: *Apocatastasis t. i. Naprawa Artykulu naygruntownieyszego, o Dosy uczynieniu sprawiedliwosci Bozey przez Chrystusa naszego Pana zagrzechy nasze wykonanego etc. ktory SOCYN Senenski Weoch Disputacyem swom de Seruatore nazwanom, zgruntu wywrocic usilowal.* 4. pl. 18. absque nota temporis et loci; nomen tamen suum in dedicatione adposuit auctor. Opus hoc CONR. NUBER, Pastor Gedan. ad D. Petri et Pauli latine reddidit, sub tit. *Apocatastasis, seu vindictiae pro articulo plane fundamentali relig. Christ. de plenissima satisfactione, quam J. C. Seruator noster iustitiae Dei praestitit pro peccatis generis humani, aduersus F. SOCINI SENENSIS DISPUT. DE J. C. SERVATORE, ante annos aliquot institutae et Polonico idiomate scriptae a Ren. GREG. ZARNOVECIO etc.* Nunc vero in latinum sermonem translatae. Dantisci 1607. 4. pl. 19 $\frac{1}{2}$. Item Leowardiae apud THEOD. ALEBERTI, 1618. 4. hoc tit. *Defensio Articuli solidissimi de Satisfactione per Christum Dominum pro peccatis nostris iustitiae Dei praestita: contra SOCINUM scripta polonice et a CONR. NUBER, Past. Dantisc. latine facta.*

FFF

facta. Librum, quem PETR. STATORIUS jun. ZARNOVE-
 CII operi voluit oppositum, in B. A. P. II. p. 926. N. 7.
 notavi. 2) DAN. CLEMENTINUS Socinum refutauit in
 parte tertia tractatus Polon. cui titulum fecit: *Antilogiae
 et absurda ex opin. Socini* p. M. m. 3 seqq. Plenum ti-
 tulum in B. A. P. II. p. 771. N. 2. allegavi. Extra Po-
 loniam comparuit, 3) OTT. CASMANNI *Anti-Socinus.
 Tractatus ad diiudicandum controuersiam theologicam, quae
 iam inter Orthodoxos et Socinianos de corpore doctrinae
 christianae pene uniuerso agitur, apprime utilis. Edi-
 tus studio et opera JOACH. VRSINI, cum prooemio, quo
 historica narratio de nostri temporis Antitrinitariis contine-
 tur. Arnbergae, apud Joh. Schoensfeldium 1612. 8. plagg.
 19 $\frac{1}{2}$.* 4) LUDOV. LUCII *Synopsis Anti-Sociniana biparti-
 ta, I. De Christo Seruatore; II. De Justificatione, Libro
 quadripartito F. SOCINI de Christo Seruatore et fide iusti-
 ficante, opposita. Basil. ap. Jac. Genathium. 1612. 8.
 1614. 8. et 1628. 8. — 5) M. M. HENR. HÖPFNERI de
 Satisfactione Christi problema theologicum: an Christus
 pro nobis Deo Patri satisfecerit, atque ideo salutem nobis
 aeternam acquisiuerit? contra Photinianos et in primis
 contra SOCINI Pseudopythagorae Libb. III. prioribus de Ser-
 uatore, contenta, assertum, Lips. 1616. 4. pl. II. 6)
 D. ALB. GRAVERI *Tr. de nouo ac horrendo errore circa
 doctrinam de satisfactione Christi pro peccatis humani ge-
 neris, Dissertationes theologicae et scholasticae, exquisitis-
 simis sophisticationibus ac argutiis CHRISTOPH. OSTORODI
 et F. SOCINI Neo-Arrianis, seu potius Photinianis oppo-
 sitae. Editio secunda correctior, Jenae 1613. 4. Alph.
 I. pl. 2 $\frac{1}{2}$. V. B. A. P. II. p. 578. N. 6. 7) D. Jo.
 GEORGI NEUMANNI, *Disp. de merito Christi, contra SO-
 CINUM vindicato; 8) CONR. VORSTII notae in F. SOCINI
 disput. de J. C. Seruatore. 9) HUG. GROTHII defensio
 fidei catholicae de Satisfactione Christi aduersus F. SOCI-
 NUM, Senens. Lugd. Batav. 1617. 4. editio rarissima, de
 qua vid. Joach. Langius in Dedicatione praemissa nouae
 huius***

huius libri editioni Halae a. 1730. 4. et Reimannus l. c. p. 667. Prodiit quoque cum praefat. G. J. Vossii 8. item 1639 et 1651. 4. Oxon. 1636. 12. Londini 1661. 4 et 12. Salmur 1675. 12. Inserta quoque est Tomo III. *Opp. theol. GROTII*. De Grotii opere digna sunt, quae legantur in W. E. BARTHOLOMAEI *fortgesetzten nützl. Anmerk. Coll. III — VI et VIII — XII*. Quae Jo. CRELLIUS Grotio opposuit in B. A. P. I. p. 140. N. 4. significauit. Petri Zornii observationes in librum Grotii de Satisfactione Christi etc. *Mssctae* allegantur in *Nov. litter. Hamburg.* a. 1747. N. 71. p. 565. Videtur in illis ZORNIUS GROTII apologiam suscepisse, idque non immerito. Criminantur quidem haud pauci eum in hoc opere non bona fide orthodoxam de Christi satisfactione sententiam defendisse, siquidem magis pro acceptilatione pugnet, quam pro plenissima satisfactione. Sed qui ipsum diligenter tractauerit librum, et quae aliis scriptorum suorum locis hoc de argumento protulerit, sincere perpendit, in primis quae in *Ephes. I.* commentatus est, is dubio procul melius de eodem sentiet.

III. *Justificationis nostrae per Christum synopsis, ubi potissimum de ipsius Christi mortis vi et effectibus agitur.* In hoc scripto pars prima Operis praecedentis iisdem verbis, iam a. 1592. typis impressa reperitur, quae etiam legitur in Bibl. FF. PP. T. I. p. 601. De eodem Socinus Balcerouicio a. 1592. d. 19. Dec.: „Mitto ad te quatuor exemplaria cuiusdam scripti excerpti ex libro ac disputatione mea de Christo Seruatore, quod amicus meus, me inscio excudendum curauit procul hinc, quodam in loco, ubi id palam facere non licebat.“ Primam editionem inter scripta didactica, N. XII. allegaui.

IV. *De statu primi hominis ante lapsum disputatio, quam FAUSTUS SOCINUS Senensis per scripta habuit cum FRANCISCO PUCCIO Florentino a. 1578. in qua habetur responsio ad defensionem Franc. Puccii suorum argumentorum,*

De immortalitate hominis et omnium rerum ante lapsum
 1. Cor. 15. 22. *Sicut in Adam omnes moriuntur, ita in*
Christo omnes viuificabuntur. 2. Tim. 1, 10. *Christus de-*
struxit mortem, illuminauit autem vitam et incorruptio-
nem per Euangelium. Racov. typis Sternacianis a 1610.
 4. pagg. 335. absque dedicatione, qua HIER. MOSCORO-
 VIUS a MOSCOROV MAURITIO, Landgrauio Hassiae librum
 hunc adscripsit e praedio suo Czarkouiano, Kal. Martii;
 a. 1610. V. B. A. P. I. p. 518. N. 8. In fine libri legi-
 tur: Tiguri, 27. Jan. 1578. V. Fabricius P. II. p. 61.
 Exemplar, quod possideo, donum fuit MICH. GITTICHII,
 JOACHIMO PEUSCHELIO oblatum, qui manu sua libello
 indicem dictorum S. Scripturae, quae in *Antipuccio* citan-
 tur, adiecit.

De FRANC. PUCCIO, nobili Florentino, qui etiam qui-
 busdam POGGIUS dicitur, F. Socinus in epp. ad Dudi-
 thium p. 15. hanc fert sententiam: *multum opinionibus*
suis fidit, atque tribuit, si hominem audias, aut scripta il-
lius videas; condiditque nouam quandam Theologiam,
quam ex illius opusculo, quilibet animo complecti potest.
 Et in ep. 3. ad RADECIVM in Epp. p. 103. de eo iudicat,
 quod statuerit, nihil de dogmatis religionis christianae,
 praeter pauca quaedam, hoc tempore ex scriptis quan-
 tumuis sacris definiri posse; quapropter ipse naturae
 naturalique lumini omnibus hominibus communi tribu-
 ens, nullarum partium fuerit, et quod annos non pau-
 cos perpetuo et in Anglia et in Gallia et in Germania in-
 feriore et superiore et denique in Polonia ab Ecclesia Ro-
 mana sese separasse aperte professus et scriptis quoque
 publice contestatus fuerit. Longo deinde ambitu histo-
 riam PUCCII narrat, quam magna ex parte ipsius verbis
 ad compendium contractis, repeto, quo plenus pugnae
 huius nexus pateat, non dubitans, quin SOCINUS quamuis
 PUCCII aduersarius, vera retulerit.

Natus est *Lugduni Gallorum* ex veris *Puccii Florentinis* nobilique familia, quae tres habuit Cardinales, et ut patriae mos ferebat, mercaturam nobilitati in istis terris non indecoram exercuit. A. 1580. quo *Socinus Dudithio* scripsit, ille credidit: patrem ei adhuc in viuis restare, quamuis aetate multum prouectum, vna cum fratre, hunc vero *Franciscum* iudicauit annorum circiter 39. aut 40 esse. In indice librorum ab *Academia Veneta* typis exscribendorum, *Venetis* 1559. 4. inter scriptores consiliorum iuridicorum nominatur *Puccius* quidam de *Puccis*. Exorientibus de religione in *Gallia* diffidiis, statuit mercatura relicta, se totum studio sacrarum litterarum tradere, ut quid sentiendum in religione sit, dilucide cognosceret. Arrisit autem ipsi pars Pontificiis aduersa. Repetitis igitur latinis litteris, quibus adolescens operam dederat, sacra volumina satis diligenter voluere coepit, et de rebus sacris disputare, quod ut meliore successu facere posset, in *Angliam* se contulit, ac in *Oxonienfi Academia* aliquamdiu se exercuit. Mox vero dogmata quaedam proferre ausus, ab aliorum sententia plane discrepantia, praecipue *de fide in Deum*, quae et qualis sit, multasque et *Oxonii* et *Londini* priuatas disputationes cum Reformatis habuit, et aliquando etiam publice cum his disputauit, sede a ratione, ut, quamuis aliqua ex parte iustam causam contra illos defenderet, tamen veritatem diuinam derisui potius exposuerit, quam quidquam profecerit, et ipse arrogantis potius et peruicacis, quam docti et pii nomen apud plerosque retulerit. F. interim *Socinus* ex Italia *Basileam* aduenerat, ubi *FRANC. BETTUS*, Romanus, (quem summum et vetustissimum suum amicum, virum pium et in religionis controuersis haud mediocriter versatum appellat,) degit, ad quem *Puccius* de suis placitis identidem nonnulla scripserat. *Bettus* vero in hoc commercio epistolico, aliquando *Puccium* certiolem fecit, adesse *Basileae Socium*, cum quo, si aliquando congregari posset, futurum,

ut veritatem melius cognosceret, pluribusque verbis illi hunc commendauit. *Puccius* his commotus ex Anglia *Basileam* venit, ibidem praecipue de religione tractaturus. Paucissimis post eius aduentum diebus conferre coeperunt, initio facto, ab ipsis primis omnis religionis fundamentis, in quibus vero praeter hoc solum, quod vnus Deus sit aeternus, qui coelum terramque et omnia, in iis, creasset, quique omnium perpetuam curam et prouidentiam haberet, in nullo alio prorsus conuenire potuerunt, praesertim primo statim congressu. *Puccius* defendebat, primum hominem a Deo creatum fuisse *natura immortalem*, *Socinus* vero contra, mortalem contendebat. Paulo post ille scriptum huic obtulit, in quo decem argumentis suam de immortalitate naturali primi hominis ante peccatum sententiam demonstrauit. Ad hoc satis copiose respondebat *Socinus*. In hac prima cum *Puccio* disputatione, impositum scribendi genus aliquanto maius, quam in vlllo alio scriptorum suorum animaduerti posset, concedit *Socinus*, quod vero in ep. 3. ad *Dudithium* p. 74. excusat, partim angustia temporis, qua circumscriptus fuerit, partim, quod tunc temporis fere primum ad latine scribendum animum appulerit. Responsum *Puccius* paucis post diebus refellebat, *Socinus* vero refutationem libro peculiari ad examen vocauit, in quo non pauca, eaque grauissima argumenta tractauit, quemque *Basilea* in *Transylvaniam* discedens manu sua scriptum *Puccio* tradidit. Ad hunc *Puccius* nullum responsum dedit, sed in eius margine complures animaduersiones scripsit, quas responsionis loco voluit, easque cum ipso libro in *Belgio* dedit *CORNELIO DAEMS*, quas, cum haec *Radecio* referebat, nondum vidit *Socinus*, sperauit tamen, *Cornelium* eas propediem ad se missurum. Has *Socinus* refutaturum et ut vniuersa disputatio typis exscribatur, curaturum, *Radecio* declarat.

Pergit S. l. c. p. 105. de *Puccio* narrare, quod paulo post suum discessum, *Basilea* abire quodammodo coactus

coactus fuerit, quia theses quasdam publice disputandas proposuerat, easque excudendas curauerat, in quibus assererat, vniuersum humanum genus in ipso matris utero efficienter particeps esse beneficii Christi, ac vitae immortalis et beatae, quam amittere nemo possit, nisi in adultiore aetate, diffidentia superueniente et ab ipso Deo defectione. Propter has *Puccio* negotii aliquid a ministris Ecclesiae exhibitum, tandemque iudicatum fuisse, optimum fore, si *Basilea* migraret, quod in ep. *Socini* ad *Dudithium* commemoratum legitur: in qua praeterea notauit: vixisse eundem de suis, quippe cui extra patriam fuerit aliquid nummorum, nec patrem eius in iis, quae requirebat, illi defuisse. *Basilea* abiens in *Angliam* iterum transfretauit, et inde, vbi propter eiusmodi paradoxa, quaedam passus, et in carcerem etiam coniectus est, in *Belgium*; quibus in locis quendam peregrinantium christianorum coetum esse, sentiebat, qui concilium etiam quoddam haberet per sessiones multas. Scripturus enim ad *Socinum* de forma collationis ac disputationis sub aequis iudicibus, qui silentium imperare possint ei, qui fallitur, (sic enim inter eos conuenerat, ut eiusmodi iudicium vterque disputantium subiret,) haec verba scripto praefixit: „*Ex sessione XXXV. concilii peregrinantium Christianorum.*“ Cum haec forma satis arri-deret *Socino*, quem hanc ob rem *Puccius* in *Hollandiam* inuitauit, vbi tales iudices se inuenturos praedicabat, *Socinus* illuc ad *Puccium* se conferre decreuit. Sed iter hoc meditans ab ipso antagonista P. litteras accepit, quibus declarauit, se mutasse sententiam et ex *Hollandia Antwerpianam* venisse, propositum vero sibi esse, ad *Socinum* in *Poloniam* veniendi, quod etiam expleuit.

Post eius aduentum conuenit inter vtrumque, ut controuersiae agitandae coetus Vnitariorum fratribus proponerentur, qui secundum disputationis formam disputantium arbitri essent, ut alterutri silentium imponere

possent. Quia vero isti fratres iurare noluerunt, se omne praeiudicium deposituros, omnesque exceptis iis, de quibus omnes Christiani consentiunt, praeoccupatas opiniones suspendere, sed tamen sancte affirmare se haec pro viribus conaturos et facturos, non videbatur *Puccius* velle prorsus eorum iudicio stare. Nihilominus tamen conscriptis quibusdam thesibus *de fide in Deum*, quam omnibus hominibus naturalem esse volebat, eas contra *Socinum* coram fratribus defendere se velle ait, sed ita, ut argumentis ex ratione et natura petitis potius, quam scripto Dei verbo agendum esset, quam conditionem et fratres et *Socinus* ut iniquissimam respuebant, quanquam hic, quacunque tandem ratione ille voluerit, cum ipso se disputaturum pollicebatur. Iniquitatem vero suae conditionis is propterea vel negabat, vel excusabat, quod sine fide ista naturali sacrae litterae intelligi nequaquam possent. Tandem concessit, ut quoque ex verbo Dei scripto de suis thesibus iudicaretur. Congrediebantur ideo aliquoties disputantes coram fratribus, qui in fine aduersus *Puccium* sententiam tulerunt, eumque amice et fraterne monuerunt, ut ab istis paradoxis abstineret. Quo facto is denuo asseruit, illos esse iudices incompetentes, maxime quia iuramentum praestare noluerint. Itaque re infecta discessum est.

Paulo post *Puccius* rogauit *Socinum*, ut iudicio cuiusdam docti et magni viri, quem nominauit, in ea controuersia, de qua coram fratribus actum erat, stare vellet. Quis ille vir, isque aulicus fuerit, significatum non legitur (Fortasse *Christophorus Lubienicius* senior vel ipse *Duäithius*.) Annuebat *Socinus*. Sed iste arbiter *Puccio* audito, antequam *Socinus* responderet, ipse se illi summa cum modestia opposuit, dixitque: *Jam vides, mi Pucci, si iudex vester futurus fuisset, me sententiam aduersus te fuisse prolaturum.* Aderant, cum haec diceret, hospes *Socini* (fortasse *Buccella*) et *Erasmus Joannis*,
qui

qui eo ipso die, vel proxime antecedente Cracouiam ad-
nenerat. Cum *Socinus Puccio* obuenteret, a magno illo
viro sententiam contra se iam latam fuisse, *Puccius* diu
tergiuersatus, negauit, virum illum aptum esse iudicem,
quia aulicus magis homo, quam Christianus esset, cum
tamen ipse sua sponte illum arbitrum nominasset.

Eodem tempore *synodo Chmielnicensi*, in qua *F. Socinus*
praesens fuit, *Puccius* theses suas transmisit, vna cum
satis longa praefatione ad fratres coetus Vnitariorum,
qui vero illas ne legere quidem voluerunt, quamuis *Si-
mon*, (*Rouembergius*, B. A. P. II. p. 713.) qui eas attu-
lerat, vt legerentur, rogaret. Scripserat antea ad *Soci-
num*, miseratque librum, quem Italico sermone config-
nauerat, sub titulo; *De Bibliis occlusis, deque Elia, qui
ea aperturus est*. In hoc ex diuinis vaticinationibus osten-
dere nitebatur, hoc tempore S. litteras intelligi non pos-
se, neque eas controuersiis, de religione nostra deciden-
dis, sufficere, sed diuinos illos duos homines expectan-
dos esse, de quibus scriptum est *Apoc. XI*. Juxta haec
Socino suasisit, vt a scriptionibus de rebus sacris omnino
abstineret, ipse tamen S. litterarum partem omnium dif-
ficillimam explanare ausus est. Persuadere enim voluit
aliis, tempus *Eliae* venturi admodum prope esse eam ob
causam, quod dies illi 1260, quibus bestia regnaturâ
praedicatur, id est totidem anni, mox finem habere de-
beant, initio videlicet eorum sumto a *Concilio Nicaeno*,
a quo bestiae regnum auspicabatur. Dum *Puccius* in
hac *Eliae* expectatione totus est, seque participem diui-
nae huius legationis fore sperat, incidit in duos *Anglos*,
qui *Joannem a Lasco* ex Anglia in Poloniam reuertentem
vel comitati, vel insequuti fuerant, quorum alter *medi-
cus*, alter vero *Magus* aliquamdiu fuit, ambo autem Pon-
tificiae religionis, qui orbis Christiani Reformationi,
quam propediem Deus facturum sit, se destinatos esse aie-
bant, iactabantque angelorum apparitiones et colloca-

tiones; quanquam tantum is, qui Magiam exercuerat, has viderit ac audierit, cum socio tamen omnia communicabat, qui cuncta diligenter notauit et scripsit. Istis hominibus hinc *Pragam* proficiscentibus, comitem se adiunxit *Puccius*, et ut in hanc urbem peruenit, ministros pontificios adiens, suae ab Ecclesia Romana olim defectionis veniam, exhibita satisfactione, impetrauit, ac de reditu ad pontificiorum coetum (quem *Saligius* circa annum 1535 accidisse putat l. c. T. II. p. 700) ad amicos suos et ad *F. Socinum* litteras scripsit, asserens se verbis vnus ex illis Dei angelis, qui sociis illis suis responsdare solent, ad se nominatim loquentis monitum atque impulsu id fecisse, diuturnumque errorem suum tandem agnouisse, utque idem ipsi amici facere velint, suaserit.

Haec *Socinus* de *Puccio*. Acta Synodi Chmielnensis 1584. habitaе *Mſpta* nos certiores faciunt de colloquio *F. S.* cum *Puccio Cracoviae* instituto. Senior enim coetus Cracoviensis synodo nuntiauit, *Socinum* erudite *Puccio* respondisse, eiusque obiectiones solide refutasse; qua de re publico nomine Synodus gratias persoluit *Socino*. Communis fama, quam tamen alii in dubium vocant, inualuit, ab Archi Episcopo Salisburgensi *Puccium* tandem vinculis constrictum *Romam* missum, ibidemque crematum esse. Testes fati huius sunt *ANDR. CAROLI memorab.* L. IV. c. 18. p. 794. *VOETIUS* dispp. theol. L. II. p. 234. seqq. *MICRAELIUS Syntagm. hist. eccl.* L. III. Sect. II. §. 70. p. 860. *J. J. HOFFMANNUS* in *Lex uniu. contin.* p. 759. b. *KROMAYERUS* in *scrutin. relig.* p. 10. *Lucas Ofsander* in *H. E. Cent. XVI.* L. IV. c. 46. p. 1098 et 1100. inquit: „*Fama de Puccio sparsa est, eum in ditione Episcopi Salisburgensis captum, vinctum, Romam adductum, ibique combustum fuisse.*“ *Kippingius* vero in *supplem. hist. ad Pappum*, *Pragae* illum morte naturali obiisse narrat. *Ofsandrum*, qui l. c. *Puccium* furciferum, eius.

eiusque scriptum *Satanicum* et *Diabolicum* vocauit, hocque peculiari libro refutauit, aduersus GODOFR. ARNOLDUM in *H. E. T. I.* p. 319. defendit Andr. Dav. Carolus in der Württembergischen Unschuld, durch christl. Prüfung Gotfr. Arnolds etc. p. 392. seqq.

De eiusdem erroribus ita *Osfander* statim sub initium refutationis p. 1. 2. inquit. „*Franc. Puccius, Fildinus, patria Florentinus, edito libello suo titulum fecit: De Christi Seruatoris efficacitate, in omnibus et singulis hominibus, quatenus homines sunt, assertio catholica etc. titulum sane melleum, sed aspidum et basilisci venena multa et varia occultantem. — — — Hoc enim in suo libello summam agit, ut persuadeat omnes, cuiuscunque sint maneantque religionis, certo aeternam salutem consequi, modo Deum, coeli terraeque creatorem (quocunque nomine id Numen appellent) colant, et secundum rationem ac naturam uiuant, etiamsi nullam prorsus Christi Saluatoris cognitionem habeant, aut unquam in hac vita consequantur.*“ Et centur XVI. p. 1098. seqq. „*Summa dogmatis Puccii haec est: Fidem saluantem in unum Deum Creatorem esse naturalem et omnibus hominibus communem, et tali fide naturali et notissima, patres priscos iustificatos esse: et omnes illos, qui pro hac generali et omnibus communi fide obscuram spem antiquorum ex promissionibus acceptam, pro Patrum fide iustifica accipiunt, toto coelo errare. Neque simplicem ignorantem et incredulitatem Evangelii ac defectum baptismi, ubi non sit scelus, cuiquam ad salutem obesse. Singulos, qui naturali fide Deo vere fidunt et adhaerent, diuino afflatu animari et cum ingenuis christianis consentire: implicite, cum non explicantur, explicite vero, cum explicantur mysteria: Vnumquemque hominem, cuiuscunque sit religionis, modo homo sit, sine speciali Domini gratia saluari posse, modo non extreme sceleratam et omnino belluinam, naturae et Deo repugnantem vitam ducat; modo tales humani sint, et benefici erga alios homi-*

homines. In singulis hominibus esse hypostasim siue substantiam saluificae fidei, ac proinde omnes aptos esse natos ad vitam aeternam. Hominem etiam post lapsum generis humani, tantas naturaliter habere vires, ut possit resistere Diabolo, et vitam aeternam consequi. Peccatum nullum esse, nisi voluntarium, et peccatum originis non esse peccatum, sed fomitem; nec primos parentes esse spoliatos donis et beneficiis, quibus ab optimo creatore ornati fuerant."

Jo. VOLCKELIO improbanti editionem disputationis cum Puccio ita Socinus in ep. ad eundem d. 8. Mart. a. 1597. in Epp. p. 491. scribit: „Quas tuae sententiae, de non edendo scripto, rationes affers, non satis validae mihi videntur, ad id diutius premendum, quod non modo plerique amicorum, ut iam edatur, contendunt, sed ipse fateris, reliquis meis scriptis magnam lucem afferre. Et certe, si quae sentio de rebus Theologicis, probari debent, et in animis aliorum firmas radices agere, necesse est, disputationem istam publice exstare, quam propterea pluri mi, qui alia quaedam ex meis scriptis legerunt, et longe hinc absunt, magis, quam quidquid aliud ex reliquis meis scriptis legere expetunt. Quod ais, ea ibi tum de christianorum resurrectione, tum de morte impiorum passim contineri, quae a multis sine magna offensione, tum nostris, tum alienis legi non possint; scio equidem, ista ibi contineri, — — — quicquid sit, veritas patefacienda est, nec oportuisset ullum ferme haecenus ex meis scriptis publicare, si legentium offensio cauenda fuisset."

Puccii liber Goudae in Belgio hoc titulo prodit. Francisci Puccii Filidini, Dei et Christi serui. Assertio catholica, (Catholische Bewahrung) de Christi Seruatoris efficacitate in omnibus et singulis hominibus, quatenus homines sunt, aequitati diuinæ et humanae consentanea, uniuersae Scripturae S. et PP. consensu, spiritu discretionis probata, aduersus scholas asserentes quidem sufficientiam Seruatoris Christi, sed negantes eius salutarem efficaciam,

in singulis, Goudae 1592. 8. Liber nomini Clementis VIII. dicatus est.

Praeter Socinum et LUC. OSIANDRUM, POLYC. LYSERUS contra Puccium pugnavit. V. Io. Schmidius de Puccio in *Naturalistis* et *Indifferentistis*, rediituo. Socinum primi hominis mortalitatem aduersus Puccium adstruere conantem refutauit: D. BERNHARDUS DERSCHOW, de immortalitate primi hominis ante lapsum, quorumuis ετεροδοξων in primis Photinianorum errori opposita, Diff. II. Regiom. 1620 et 21. 4. pl. 7 $\frac{1}{2}$.

V. De Jesu Christi filii Dei natura siue essentia, nec non de peccatorum per ipsum expiatione disputatio, aduersus ANDREAM VOLANUM. In qua et prior ad paraenesin eiusdem VOLANI, et ad ea, quae ipse huic obiecit, plenior altera responsio habetur, secunda edita. Paulus 2 ad Cor. 5. Deus erat in Christo mundum reconcilians sibi, non reputans ipsis peccata ipsorum Racouiae typis Sebast. Sternacii 1627. 8. pl. 17 $\frac{1}{2}$ pagg. 272. et 10 dedic. et indic. In fine legitur: *Scribebantur haec a me An. 1583. Mens. Septembr.*

Fuit VOLANUS Secretarius Nicolai Radziuili, Palat. Nouogrot. summi exercituum M. D. Lithuaniae Praefecti, vir insigni rerum politicarum notitia instructus. BARTSCIUS Soc. Jesu aduersus eum scripsit, eumque appellat, *Lwowcoviensem Zwinglianorum VILNENSIIUM Archiministrum* V. JANOSCI excerpta Polonicae litteraturae. De eodem WENGERSCIUS L. I. p. 147. narrat, quod in templo Vilnensi Socinianos publice oppugnauerit, et cum Simone Zazio pastore ecclesiae Brestensis emergentibus in Lithuania dissensionibus strenue obuiam iuerit. Eodem fine in lucem edidit epistolam, quam inscripserat: *Paraenesin ad omnes in regno Poloniae, magnoque Ducatu Lithuaniae, Samosatenianae vel Ebioniticae doctrinae professores, quae typis excusa Spirae apud Bernardum Alpi-*

Alpinum a. 1582. Videtur autem haec altera editio; a quibusdam enim allegatur iam a. 1581. in publicum emissa, quam ipse non vidi. Pluribus annis ante paraenesin VOLANUS luci commiserat: *Epistolam ad NICOL. PACIUM (Episcopum Kiiouiesem)* quae explicat controuersiam, his temporibus de S. Trinitate motam, ostenditque Patrem, F. et Sp. S. ut unius-eiusdemque naturae, s. essentiae, sic recte vnum Deum dici ad euitandam pluralitatem Deorum. *Regiom. 1565.* Scripsit praeterea *Orationem suae consilium de bello contra Turcas mouendo: nec non Defensionem sententiae de vera Christi praesentia in S. coena contra PETR. SCARGAM, et FRANC. TURRIANUM:* Plura Volani scripta recensent *Wengerscius* p. 106 et in append. p. 453. *Saligius* T. II. p. 585. et *Jo. Fabricius* P. II. p. 76. Quam aegre SOCINUS hunc orthodoxae veritatis defensore[m] tulerit, ex ep. ad GE. BLANDRATAM, cui alteram responsionem ad Volanum dicauit, colligi potest. Ita enim in Epp. p. 688. inquit: „*Inter apertos, illustrandae Filii Dei cognitionis hostes, (qui sunt aeternae filii Dei deitatis aduersus hostes eius defensores,) non infimum locum hoc tempore obtinet, Andr. Volanus. Is enim non modo paraenese sua illa, omnes quicumque in Polonia et Lithuania huic illustrationi toto pectore incumbunt, vehementer exagitare aggressus est, verum etiam, cum ipsi oblata fuisset responsio a me horum nomine satis modeste, ni fallor conscripta, tam acerbe, atque adeo impotenter alio scripto edito in nos omnes est inuectus, ut sui ipsius oblitus esse plane dici possit, praesertim cum alioqui in iis, quae a me scripta fuerant, refellendis parum diligens et accuratus fuisse videatur, etc.*

Prima Socini responsio, inter scripta eius primum fuit, postquam a. 1579. in Poloniam venit, quamuis denum a. 1588. 8. absque auctoris et loci commemoratione comparuerit, cum dedicatione ad Jo. KISZKAM a Cieschanowicz, Samogitiae Praesidem generalem, scripta
a. 1588.

a. 1588. d. 14. Jun.. Hunc vero titulum habuit: *Responsio fratrum, qui in Polonia et Lithuania de uno Deo Patre, unoque Dei Filio consentiunt, quos VOLANUS, Samosatenianos vel Ebionitas appellat, de J. C. natura, peccatorumque per ipsum expiatione.* V. Placcius N. 2192. p. 516. Huic Volanus opposuit: *Ad noua Ebionitarum contra Paraenesin obiecta Responſionem*, quam adſcripſit magnifico et generoso Domino JOANNI AB OSTOROG, *Pocilatori regni Poloniae, Capitaneo Stenzueſi* etc. Hanc ex parte F. excipiebat Socini altera responsio ad ea omnia, quae Volanus superiori responsioni obiecit, scripta 1583. mense Sept. quae eodem anno, auctoris nomine non praefixo, in 8. prodiit, dicata *Ge. Blandratae*, ad quem ea de re exſtat Socini ep. Belgice hanc responsionem prodiſſe, a. 1664. 4 et 8. Sandius l. c. p. 70. notauit, editionis vero posterioris, cuius exſcripſi titulum, mentionem fecit nullam. Occaſionem libri ita recenſet in praef. ad lectorem p. 1. „Cum annos abhinc tres al-
„lata ex Lithuania in Poloniam ad nos fuiſſet ep. quae-
„dam ANDR. VOLANI, quam ipſe Paraeneſin ad omnes in
„regno Poloniae, magnoque ducatu Lithuaniae, Samo-
„ſatenianae vel Ebioniticae profeſſores, inſcripſerat, ro-
„garunt me eius loci fratres, vbi tunc degebam, vt non
„ipſorum modo, verum etiam aliorum omnium nomine
„ad paraeneſin iſtam reſpondere vellem, idque quam
„primum: certo etiam ſpatio pauciſſimorum dierum ad
„eam rem mihi aſſignato atque praefcripto. Etenim
„nuntius, qui in Lithuaniam reuerſus erat, et per quem
„illi omnino reſponſum mittendum, iudicabant, diutius
„eo in loco commorari ſe non poſſe, ſed quam celerri-
„me ſibi diſcededum eſſe, aſſirabat. Ego, et ſi nec
„doctrinam, nec ingenium eiſmodi mihi eſſe noueram,
„vt vel prae caeteris ad id munus deligendus eſſem, vel
„tam breui tempore quidquam magnopere probandum
„praeftare poſſem, tamen cum et fratribus me omnia de-
„bere agnoſcerem, et VOLANI epiſtola perlecta, non adeo
„aut

„aut difficile, aut laboriosum esse iudicassem, ad omnia,
 „quae contra nostros homines reuera, contraque senten-
 „tiam nostram de Deo Christoque eius in ea contineban-
 „tur, ita respondere, vt quicumque verae pietatis, verae,
 „que diuinarum rerum scientiae amatores essent, facile
 „et causae nostrae iustitiam, et VOLANI in nos siue erro-
 „rem, siue iniquitatem perspicerent, — — — Deo
 „adiutore intra praescriptum tempus responsionem scripsi,
 „non eam quidem plenam admodum, aut accurate dige-
 „stam atque dispositam; sed tamen eiusmodi, ni fallor,
 „quae haud omnino immerito VOLANI epistolae ea in
 „parte, cui respondebatur, opponi posset. Volui ta-
 „men celeritatis, — — — qua conscripta fuerat, indicium
 „aliquod manifestum, in ipso titulo exstare. Itaque tu-
 „multuariam prae temporis angustia responsionem, eam
 „inscripsi. — — — Post menses non paucos — — —
 „affertur mihi nuntius, VOLANUM respondiisse, ac respon-
 „sionem ipsam ad symmistas suos in Poloniam misisse; —
 „— Tandem prodiit VOLANI scriptum Spiraе formis
 „excusum, anno superiore. Quod simulatque in meas
 „manus peruenit — — — animaduerti, VOLANUM non
 „aduersus responsionem meam, praecipue, sed aduersus
 „aliud quoddam, nescio cuius scriptum — — — sibi pro
 „responsione ad paraenesin suam oblatum rescripisse,
 „responsionis meae — — — post multas paginas — — —
 „mentionem facit.“

In ep. dedicatoria, quam litteris initialibus nominis
 sui F. S. subscripsit, iterum de hoc opere sequentia ex-
 ponit: „Cum annos abhinc ferme quinque disputationem
 quandam aduersus ANDR. VOLANUM aliquot ante annis
 coeptam, absoluissem, in qua utrumque horum religionis
 nostrae capitum (scil. de Christi natura et essentia, et de
 expiatione peccatorum per ipsum) ita tractatur, vt faci-
 le inde possit apparere, quid de utroque statuendum sit,
 nihil ab eo tempore antiquius habui, quam vt disputationem
 hanc

hanc ipsam ederem. Sed vix tandem nuper factum est, ut id praestare potuerim. Quod peropportune in hoc tempus incidit, cum non apud alios modo, sed etiam apud quosdam ex nostris, me pessime audire, aperte cognoui, quia videlicet per Christi sanguinem ac mortem alia ratione expiata fuisse nostra peccata contendo, quam vulgo tradatur. Ex hac enim disputatione constabit, quam immerito ab istis traducar, tanquam is, qui Christi sanguinem et mortem a nostrorum peccatorum expiatione excludam, etc.

Primum in hoc opere occurrit PRIMA ad Volani *paraenesin responsio*, recognita et quibusdam locis emendata p. 11 — 53 deinde altera, ad ea, quae posteriore Volani scripto, aduersus priorem Socini responsionem continebantur, p. 54 — 272. In hac sectione particulas nonnullas ex Volani responsione inseruit, quibus statim responsionem subiungit. His, quae aduersus Volanum de persona et officio Christi scripsit, non omnino ciuitatis huius sociis satisfecit, qui nonnulla (ex epp. Socini p. 186. 222, etc. facile cognoscenda) atro carbone notarunt. Nec Socinus hunc suorum dissensum in praefatione dissimulauit, quod verba allegata, et quae p. 2 leguntur, satis testantur. V. Reimannus l. c. p. 656. De prima ad Volanum responsione ita F. Socinus in ep. ad Dudithium p. 13. scribit: „Est mihi quoque in promptu breue quoddam responsum ANDR. VOLANO pro Polonis fratribus, circa Christi diuinitatem redditum, in quo aliquas istarum responsionum, quas tibi pergratas fore inquis, videre posses: Deprehenderes etiam alium mihi esse respondendi et loca quaedam diuinarum litterarum interpretandi modum, quam Polonis ac Transylvanis, quamuis in ipsa sententia dici possumus, belle inter nos conspirare.“

De secunda, in ep. ad JO. BALCEROVICIUM d. 1. Jun. 1582. in Epp. p. 344. hunc certiore reddit, quod ad Volani responsionem refutandam semet excitatum sentiat;

Ggg

nolle

nolle autem opus hoc sine fratrum consilio ac consensu aggredi, sed istam potius refutationem totius Vnitariorum societatis nomine in publicum emittere. Quare BALCEROVICIUM rogat, ut coetus Lublinensis sententiam hac de re ipsi perscribat. Credit autem breuem admodum futuram refutationem, quia prior responsio aduersarii sui scriptum iam satis quodammodo refutauerit, nec alia praeterea re opus esse, quam publicatione responsionis VOLANI, paucis quibusdam additis, quae rem totam dilucidius explicant. Cuncta, quae ille praeter quaestionem de persona J. C. eiusque officio disputat, silentio praetereunda esse censet. Quicquid tamen fratres constituerint, id apud se firmum ratumque fore declarat. Pluribus ex hac ciuitate altera haec responsio nimium placuit, eiusque copiam omnibus fieri, optabant. Sic narrantibus *Act. Synod. Msc. ALCIATUS Italus synodum Lublinensem a. 1586.* per litteras rogauit, ut scriptum hoc Socini imprimi curaret, ipseque sumptuum partem, quo impressio accelerari possit, offerebat.

Praeter alios errores, in hoc scripto auctor negabat: *Christum in morte et cruce sacrificium obtulisse.* Hanc sententiam *Jo. Niemoieuium* valde offendisse, huncque colloquium lingua Polonica instituendum experuisse, alio loco significauimus. Litterae *NIEMOIEVII Lublino 1587.* datae sunt in. *Febr. Socinus* colloquium recusans scriptis, cum eodem agere, hancque firmare thesin voluit: „*Sacrificium et oblatio Christi expiatoria pro peccatis nostris, quamuis non sine cruce et Sanguinis fusione, non tamen reuera in ipsa cruce sanguinis fusione, sed mox in coelo, Christo illuc ingressu peracta est.*“

Tertiae operis recensiti editioni, index locorum S. Scripturae explicatorum, vel ex parte illustratorum adiectus est, ad cuius finem notatur, numeros paginarum, ex editione secunda, in qua hoc opusculum aliis fuerat adnexusum,

nexum, in hanc errore quodam irrepsisse. Secundae editioni, quae a littera C. plagulas numerat, a p. 95 — 133. SOCINUS ad ea responsionem quandam vel duplicam adtexuit, quae Orthodoxi, ad dubia vel argumenta Antitrinitariorum regerere solent. Subscripsit breuem praefationem, *nomine fratrum in Polonia, de uno vero Deo unoque Dei filio, consentientium.*

VI. *Affertiones Theologicae de trino et uno Deo, aduersus novos Samosatenicos, ex praelectionibus Collegii Posnaniensis (circiter 1581.) excerptae, una cum animaduersionibus FAUSTI SOCINI Senensis, quae plenae responsionis loco esse possunt. Editio secunda, Racouiae typis Seb. Stern. 1611. 8. Editio tertia, eodem loco 1618. 8. pl. 5 pagg. 104. a pag. 29 — 133.* Primum in lucem emissae sunt assertiones istae cum *Fausti* animaduersionibus, anno 1583. 8. teste *Sandio* p. 70. In *secunda* et *tertia* editione paginae incipiunt a numero 29. qua pagina in prima editione opusculum hoc post aliud impressum incepit. Secundae editioni praefixus est *Tractatus de Deo, Christo et Spiritu F. Socini Senensis Racouiae typis Seb. Stern. 1611. 8. pagg. 23.* quem inter scripta didactica N. XXII. recensui. Hunc libellum, qui ex plagulis a et b. paginas 23. occupat, excipit pagina vacua et hanc titulus et breuis praefatio libri, quem recenseo, quae capit paginas 4. ita ut libri tractatio incipiat a pagina 29. Incompleta pariter et erronea *Sandii* de hoc opere descriptio, p. 76. argumento est, quod ipse illud non viderit: diuersas interim has esse editiones, plagularum signatura euincit. Plura de hoc scripto, cui HIER. MOSCOROVIVS praefationem praemisit, paulo infra circa defensionem eiusdem, N. IX. Antiquiorem assertionum Posnaniensium refutationem sub ZAKRZEVIO notavi, in B. A. P. II. p. 1039.

VII. *De unigeniti Filii Dei existentia inter ERASMUM JOANNIS et FAUSTUM SOCINUM disputatio, a Socino*

Ggg 2

iam

iam ante decennium ex ipsius Erasmi scripto et sua ad illud responsione composita et conscripta: nunc tamen primum typis excusa. Gal. IV. 8. ubi venit plenitudo temporis, misit. Deus filium suum, factum ex muliere, factum sub lege a. 1595. mense Junio, 8. pagg. 13. seu pagg. 191 et 14 praef. quae HIER. MOSCOROVIO, qui paulo ante ad Socinianorum transierat partes, die 16. m. Jun. 1595. a F. S. scripta. Impressum esse librum *Racoviae*, ipsam vero disputationem iam die 30. Nov. a. 1584. fuisse absolutam, in fine libri p. 187. indicatur. Editionis allegatae etiam meminit JO. GEORG. TICKLERUS in *haereticorum nouor. Photinianorum postulatis*, XII. p. 97. Ad manus quoque mihi est *secunda* libri editio, *Racoviae* typis Seb. Stern. a. 1626. quae et Sandio et auctori Bibl. Hal. T. VI. p. 486. incognita fuit.

Erasmus Joannis (B. A. P. I. p. 419.) Ariterrorem, aduersus Socinianos perpetuo propugnauit, nec vnquam sententiam mutauit, quamquam hanc refutationem viderit, quae ipso adhuc viuo in lucem prodijt. Ita vero Socinus in praef. de hoc certamine ac occasione editi scripti inquit: „Anni circiter sunt undecim, cum ERASM. ipse Joannis vir eruditus, et in litteris haud mediocriter exercitatus, qui nunc Claudiopolitanae Ecclesiae in Transyluania est pastor, Cracoviam primum, ut arbitror, veniens, a nostris hominibus petit, ut sibi liceret coram ipsis explicare argumenta quaedam, quibus a sententia nostra de nullo re ipsa, ante hominem Jesum Nazaraenum ex Maria virgine natum, unigenito Dei filio, amplectenda absterretur, et in sua huic plane contraria retinenda confirmaretur, licet alioqui nobiscum, de uno tantum Deo, Domini nostri J. C. Patre consentiret; atque ut simul quae a nobis ad ista argumenta responderentur, audire posset, eaque quatenus opus esse sibi videretur, refellere. Annuerunt fratres; et ex ipsius ERASMI voluntate, vni ex ipsorum numero nominatim provinciam ad eius argumenta coram aliis,

aliis, qui adfuturi erant respondendi (Erasmus proinde Opponentis vicibus functus est,) demandarunt. Is autem unus ipse fui. Itaque biduo amanter et placide disputauimus, me singulatim atque ordine ad omnia, quae ERASMUS afferrebat, respondente: tametsi meae responsiones ERASMO nequaquam probari poterant. Haud ita multo post, cum ERASMUS Cracouiae adhuc haereret, ego vero tunc temporis ruri habitarem, missum est ad me, vel ab ipso ERASMO, (nam non satis memini) vel certo ipso ERASMO id curante, eius scriptum, in quo nostrae disputationis capita se complexum fuisse, profitebatur. Quo perlecto, cum animaduertissem, non solum, (quod ipsemet ingenue ad finem ipsius scripti fatebatur) multa, quae a me dicta fuerant, ab ERASMO omissa fuisse; sed etiam nonnulla ex iis, quae non omiserat, parum recte exposita, et simul postmodum rescuiissem, ERASMUM aliquot exempla istius sui scripti ad varios in variis locis degentes amicos suos misisse; decreui, scripto similiter ea omnia refellere, quae ipse ERASMUS se dicentem in suo scripto faciebat. Quod etiam breui perfecit, et scriptum meum ad amplissimum virum ANDR. DUDITHIUM, multiplici ac varia eruditione insignem et utriusque nostrum amantissimum, misi, rogans, ut eo accurate perlecto, illud quamprimum ad ipsum ERASMUM JOHANNIS, qui iam Cracouia alio discesserat, transmittere vellet. Id quod, licet non tam cito, ut voluissem, ab ipso tamen factum fuisse, postea certo agnoui. Ad hoc scriptum meum nihil unquam, quod sciam, ERASMUS respondit: Tantum, (ut quidem audiui) professus est, se, eo lecto, multo magis in sua sententia confirmatum fuisse. Ex quo summum me desiderium cepit, hanc nostram disputationem in lucem emittendi etc.“

Primum ad quinque rationes praeliminares ab ER. Jo. expositas respondet, easque refutandas aggreditur. Sunt autem istae: 1) Non parum maiestati Dei decedere, dum eiusmodi ei opponitur mediator, qui sit purus

homo. 2) Non parum detrahitur Christo, eiusque dignitati, si merus homo habeatur, in quo nihil sit essentialiale, quod in alio quouis homine non reperiatur, et si per eum opera solummodo redemptionis peragantur. 3) Extenuari hac sententia beneficium redemptionis, utpote quod per hominem effici potuerit. 4) Elogia magnificentissima, quibus Scriptura insignit Christum, longe esse augustiora, quam ut cadere possint in hominem. 5) Contrarium non defendi potest, nisi plurima Scripturae dicta violenter torqueantur, et quasi per vim alio trahantur. Deinde 14 argumenta *Erasmii Joannis a Socino* diluuntur. In fine ad replendas pagellas vacuas p. 188 — 191, ad quaestionem *Eras. J. de personalitate et relatione Spiritus S. ad Christum*, Socinus respondet. *V. Reimannus* p. 655. *Fabricius* P. II. p. 63. *B. A. P.* II. p. 423. N. 6.

IIIX. *Fausti Socini Senensis responsio ad libellum JACOBI WUIEKI, Jesuitae, polonice editum, de diuinitate Filii Dei et Spiritus S. ubi eadem opera refellitur, quicquid ROB. BELLARMINUS, itidem Jesuita, disputationum suarum Tomo primo, secundae controuersiae generalis libro primo de eadem re scripsit. Ante hac suppresso auctoris nomine publicata, et nunc denuo in lucem edita. Ephes. 4. 6. Unus Deus et Pater omnium 1. Joh. 4. 3. ex Graeco: Omnis Spiritus, qui non confitetur Jesum Christum, qui in carne venit, ex Deo non est. Typis Sternacianis, a. 1624. 8. pagg. 467. et postfaminis ad lectorem 5, indic. 16. Elaborata est responsio a. 1592. quod d. 6. Sept. Socinus praefationem libri notauit. In fine responsionis testatur, quod eandem cum inter varias curas, tum maxime corporis perpetuas afflictiones perfecerat. Prima libri editio latina, quae ut titulus illius indicat, suppresso nomine auctoris prodiit 1595. in 8. sine loci commemoratione, *Racouiae* tamen sub allegato titulo; versio autem polonica a *Petro Starorio Jun.* adornata a. 1592. iam*

iam lucem vidit, adeoque triennio ante scriptum autenticum comparuit publice. V. B. A. P. II. p. 925. N. 6. Prodiit quoque latine iterata vice 1597. 8. 1611. 8. et 1614. 8.

JAC. WIEKUS, vel WUIECKUS, natus in oppido maioris Poloniae Vagrouecensi, haustis in Academia Cracouienfi Philosophiae studiis et Theologiae rudimentis, ad excolendum magis ingenium abiit in Germaniam et Italiam, rediitque sacerdos, et societatis Jesu ordini adscriptus. Fuit homileta celebris et disputator acerrimus, trium peritus linguarum, eiusque exstant *concionum tomi II, Apologia*, itemque *Biblia in Polonicum sermonem translata*, cum notis, nec non *liber de diuinitate Christi et Sp. S.* quem BELLARMINO Placcius in *Pseudon* p. 618. tribuit. Obiit Cracouiae a. 1597. V. STAROVOLSCIVS *de scriptoribus Polon.* p. 89. et J. Fabricius l. c. P. II. p. 76.

Occasionem in lucem expositi operis, ita F. Socinus in praefatione pertexuit. „Cum primum libellus JAC. „WUIEKI de diuinitate Filii Dei et Spiritus S. Polonica „lingua conscriptus, ante biennium editus fuit, animus „erat, statim illum scripto publice refutare, sed multa „me haecenus, partim retardarunt, partim impediunt. „Retardarunt quidem potissimum res duae. Vna, quod „scirem, fratres coetus nostri iam diu parasse respon- „sionem ad Apologiam GABRIELIS EUTROPII SADECII pro „thesibus de Trino et vno Deo collegii Posnanien: contra ipsorum fratrum animaduersiones ante annos aliquot „editam, in qua responsione et ad pleraque respondetur „eorum, quae WUIEKUS, seu potius ROB. BELLARMINUS „— — contra sententiam nostram scripsit, et simul non „pauca dicuntur, quae responsionem ad reliqua omnia „suppeditare queant. Altera, quod sperarem, alium „quempiam ex coetu nostro, me huic labori aptiorem, „ad libellum istum, quatenus opus foret, plene respon- „surum. Impediunt vero me vsque ad hunc diem,

„cum aliae necessariae occupationes meae, tum minus
 „firma valerudo, qua fere hoc tempore sum vsus. Nec
 „fortasse vnquam hunc laborem suscepissem, nisi in su-
 „periore hyeme in Synodo quadam nostra, publice ro-
 „gatus fuisset, et tantum non iussus curare, ne VUIEKUS
 „diutius gloriari posset, ad istum suum libellum a nullo
 „ex nostris hominibus plane rescriptum fuisse. Ex eo
 „tempore id vnum maxime mihi cordi fuit, vt primum
 „meum consilium istius libelli refutandi sequeretur.“ De-
 cem capitibus absolvitur opus. 1) Ea refelluntur, quae
Vuiekus in sua praefatione iis obiicit, contra quos potis-
 simum scribit. p. 7. 2) Refelluntur, vel norantur et
 examinantur quaedam, quae in quatuor prioribus capiti-
 bus a *Vuieko* sunt scripta p. 33. 3) Refelluntur argu-
 menta ex V. et N. Testamento simul ducta p. 52. 4)
 Refutantur argumenta ex solo V. T. desumpta p. 143.
 5) Refelluntur argumenta ex solo nouo T. deducta p.
 189. 6) Diluuntur argumenta ex nominibus veri Dei,
 quibus Christus sit appellatus p. 345. 7) Diluuntur ar-
 gumenta ex proprietatibus siue attributis Dei ducta p.
 384. 8) Dissoluuntur argumenta ex diuinis operibus
 ducta p. 425. 9) Quantum necesse est refelluntur, quae
 septima, octaua et nona argumentorum classe continen-
 tur p. 440. 10) Breuiter refelluntur omnia argumen-
 ta, pro personali Spiritus S. diuinitate ab aduersariis al-
 lata, p. 453.

Vuiekus in opere suo, CZECHOVICII tract. polon. in
 Cap. I. Jo. (B. A. P. I. p. 226. N. 3.) sub examen voca-
 uerat; hac in parte BELLARMINI vestigia premeñs, hu-
 iusque opera vsus. Quae ratio est, cur SOCINUS BEL-
 LARMINI nomen in libri sui fronte adposuerit. In post-
 famine ad lectorem quaedam animaduersiones in librum
 Polonicum MART. SMIGLECH, de praeaeterna diuinitate
Christi Filii Dei occurrunt, in quo Iesuita ad plurima
 respondet, quae in hac responsione ad VUIEKUM, polo-
 nice

nice ante edita in contrariam partem disputata erant. V. Zeltnerus l. c. p. 346. De polonica versione a Petro Statorio iuniore adornata ita F. Socinus BALCEROVICIO Cracou. 1592. d. 19. Dec. in Epp. p. 354. scribit: „*Diu est, ex quo responſionem aduerſus libellum VUIEKI abſolui, quam polonice vertendam habet apud ſe STATORIUS noſter, nec credo adhuc totam vertit.*“ In ep. ad ANDR. VOIDOVIVM d. 4. Maii 1595. in epp. p. 580. dolet ANTIVUIEKUM Polonicum a rudibus non intelligi. Cum enim nec ipſa Domina Dudithia, illum recte percipiat, (quod Socino Voidouius narrauerat) de aliis multo minus id ſperandum eſſe, colligit. De editione latina a. 1595. in ep. ad CHRISTOPH. MORSTINIUM Crac. 1595. die 3. Febr. inquit: „*Latinus Antivuiekus eſt adhuc ſub prelo;*“ in ep. vero ad ANDR. VOIDOVIVM d. 4. Maii 1595. in Epp. p. 580: *Habebitis ut ſpero, Lublini Antivuiekum latinum.*“ Ex ep. F. S. ad Balcerov. d. 20. Maii 1594. patet: publicis ſumptibus librum eſſe impreſſum.

Permagni familiae Socinianae addiſti, foetum hunc Socini aeſtimarunt, qui quoque cauſſae ipſorum multum praefidii praestitit. V. Zeltnerus l. c. p. 347. not. (b) Placcius, Anon. N. 632. (aa) p. 76 et Pſeudon. N. 2901. p. 618. Refutationem eius inter alios ſuſceperunt 1) PAUL. TARNOVIUS peculiari opere *De SS. Trinitate, liber vnus, oppoſitus F. Socini Refutationi* etc. Roſtochii 1625. 4. V. Ruari Epp. Cent. I. ep. 42. cui Socini liber rotus eſt inſertus. 2) Jo. JUNIUS, Paſtor Eccl. Syluae-duc. in *examine Reſponſionis F. SOCINI ad librum VUIEKI, de diuinitate Filii Dei et Sp. S. Amſtelod. 1628. 8.* 3) MARTINUS SMIGLECIUS, de quo Socinus ad Eliam Arciſſeuum, d. 15. Febr. a. 1595. in Epp. p. 409. ſcribit: Prodiit Jeſuitae Smiglecii, qui cum Licinio diſputauit, liber de aeterna Filii Dei diuinitate, in quo reſpondetur ad bonam partem eorum, quae a me ſcripta ſunt in *Antivuieko*, et etiam in diſputatione aduerſus *Volanum*. Cre-

do, me responsurum, Deo bene iuante. Nam satis acutus homo est, et sophismatis non vnique apertis, vndique refertus.

IX. *Defensio animaduersionum Fausti Socini Senensis, in assertiones theologicas, Collegii Posnaniensis de trino et vno Deo, aduersus GABRIELEM EUTROPIUM, Canonicum Posnaniensem ab eodem Fausto Socino conscripta. Racov. typis Seb. Stern. a. c. 1618. 8. pagg. 462. 27. praef. et indic.* Quamuis, vt in fine libri notatur, paucula quaedam auctoris desiderentur; reliqua vero prorsus non absoluerit, cum ante perfectam libri elaborationem mortuus fuerit; attamen in praef. scripta d. 20. Maii 1618. maximis illum encomiis MOSCOROVIUS commendat. Ita enim inquit: „Opus, in quo SOCINI ingenium, iudicium, eruditionem et singularem in disputando dexteritatem, atque summum in modo cum aduersariis agendi candorem, spectare et intueri poteris. Etsi autem viri huius iscriptorum genius sit, vt in singulis spectare haec possis, tamen in hoc opere se ipsum quodammodo SOCINUS superasse videri queat. Cuius etiam de hoc ipso opere iudicium reticendum minime videbatur. Etenim facta quondam, et superstite, eius operis mentione, modestissime, qui mos viri fuit, dixit: nullum esse in operibus suis, quod minus sibi displiceat.“ Quantam de eodem SOCINUS spem conceperit, ex eius ep. ad Val. Smalcium, d. 16. Apr. a. 1600. scripta colligitur. Ita vero in Epp. p. 550. „De verbo Dei non scripto, quod apud se esse Pontificii tantopere iactitant, aliquid nominatim scripturus eram in defensione animaduersionum in theses collegii Posnaniensis. Quod opus, si Deus dederit, vt aliquando absolueri possim, habebis, et tu et alii, quicquid magis egregii a me in hoc genere proficisci potest.“

Ex ep. auctoris ad synodum Wengrouiensem, in Epp. p. 672. seqq. patet, quod Vnitarii Cracouienses et Lublincenses eum monuerint, vt Apologiae pro assertionibus colle-

collegii Posnaniensis, contra animaduersiones in easdem, totius coetus nomine responderet; ad quod negotium ab aliis quoque excitatus. Excusat vero ipsum, quod opus hoc ante Synodum non absoluerit, quia graui morbo dies quinquaginta atque eo amplius ita conflictatus fuerit, ut toto hoc tempore nihil prorsus commentari potuerit. Quod si fortasse Synodus, totusque coetus non admodum probet, ut Apologiae illi respondeat, id sibi vel per litteras, vel per aliquem ex fratribus, ut significant, rogat, ne frustra laboret; quamquam animum plane habeat, quicquid ipsi significauerit, ipsum opus aliquando absolueret, quippe in quod multa coniecerit et coniecturus sit, quae si non aliis, sibi ipsi vsui futura sperat. His frequentia addit: „*Liber erit, ni fallor, tantae magnitudinis, quanta liber aduersus PALAEOLOGUM. Quamuis enim Apologia illa multo breuiore responsione refelli possit, tamen satius esse iudicaui, una cum euidente sophismatum et fallaciarum Aduersarii patefactione, rationes et testimonia ab ipso contra nos allata, ac praeterea, quicquid in hoc genere inter nos et ipsum controuersum est, paullo diligentius examinare atque excutere; et hac ratione nos semel, etiamsi posthac saepius Aduersarii nos impetant, respondendi molestia liberare.*“ A. 1585. d. 17. Mart. ex Paulico-
uia ad MATH. RADECIVM scribit: „*Imperfectionem et confusionem aliquam huius responsionis meae, scriptioni pro animaduersionibus nostris contra Posnanienses, in qua totus nunc sum et esse debeo, potissimum tribue atque imputa.*“
V. Fabricius P. II. p. 63.

X. De Jesu Christi inuocatione disputatio, quam FAUSTUS SOCINUS Senensis per scripta habuit cum FRANC. DAVIDIS, a. 1578. et 1579. paulo ante ipsius Francisci obitum: in qua habetur responsio ad defensionem Franc. Davidis suarum thesium de Jesu Christo non inuocando, antehac non edita. Praefixa est toti operi epistola Socini, qua et tarditatem suae huius edendae responsionis excusat, et calum-

calumnias aduersum se, quibus scriptum, quod sub nomine Fratrum Transylvanorum ad N. N. iam diu editum fuit, eiusque quoddam quasi praemium respersum est, accurate refellit; Joh. 14. 15. Iesus Christus ait: Si quid petieritis in nomine meo, ego faciam. Typis Val. Radekii. A. 1595. sine loci indicio, 8. pagg. 275. et 22. dedicat. Falso SANDIUS l. c. p. 69. typographum perhibet ALEX. RODECIO. Ad librum typis describendum sumtus supeditauit Jo. KISZKA a Czechanoviec, Generalis Samogitiae Praefes, a Socino hanc ob rem enixe rogatus, quod Matth. Radezio nuntiat, in Epp. p. 143. Eiusdem libri secunda editio prodiit Rac. typis Seb. Stern. 1626. 8. quae nec Sandio p. 69. nec auctori Bibl. Hal. T. VI. p. 488. cognita fuit.

Quamuis Socinus eiusque affeculae DAVIDI, FRANKENIO, PALAEOLOGO, GLIRIO, aliisque diuinum inuocationis cultum Christo denegantibus semet opposuerint, eosque utpote iudaizantes improbauerint, hi tamen errori suscepto de negata J. C. aeterna diuinitate, multo conuenientius sensisse videntur, cum SOCINUS statuto Seruatori tanquam mero homini diuino honore, idololatriae criminationem a coetu suo nequaquam auertere possit. Vix alio modo *Franc. Dau.* a suo aduersario solide refutari potuit, nisi is communi errore deposito, id adfirmare suscepit, quod cum Antagonista adhuc negauerat, Christum aequalem cum Patre esse Deum. Hoc qui negat, saniolem tenet opinionem, qui ipsi honorem diuinum denegandum credit, quam qui merum hominem inuocandum statuit. Hinc quoque Socinus, licet summo feruore aduersus *Franciscum Davidis* pugnaverit, vel speciem infensissimi certaminis prae se tulerit; tamen aduersarii sui sententiam minoris momenti, et non adeo nociuam iudicauit, imo sibi et aliis persuasit, minus ad salutem aeternam esse necessarium, Christum inuocare, eosque, quod firmiore fide gaudeant, testari, qui eodem
neglec-

neglecto et non in auxilium vocato, Deum Patrem immediate et solum, absque vllō alio interueniente, inuocarent; quod in Responsione ad *Waiekum* p. 538. expresse statuit, quae ipsius verba alio loco exscripsi. Ex omnibus certo colligere puto, *Socinum*, non ad tuendum Christi honorem, et serio, sed ex causis politicis et ad fucum faciendum hanc cum Judaizantibus iniisse pugnam, ne maiorem inimicorum numerum aduersus se, et sectam suam excitaret, si *Davidis* opinionem vltro admitteret, ipsique suffragium suum adferret, cum alio respectu inter certantes de hoc argumento, conciliatio admodum facilis vnicuique videri debeat. Ex *Socini* sententia nemo tenetur inuocare Christum, sed tantum iure omnino id facere potest; veluti si in coetu, in quo praesens fuerit, Christus publice inuocetur, vt non raro fieri contingit; vel si spiritus ipsi suggererit, vt id faciat; quae ipsius verba, fanaticismum spirantia occurrunt in breui alloquio ad lectores, cui post dedicationem locum dedit.

Librum per epistolam adscripsit *omnibus verbi Dei ministris, qui in Transyluania, vnum illum Deum Patrem tantum Domini nostri J. C. esse, docent ac profitentur*. In eadem haud pauca exponit, quae ad notitiam huius controuersiae inter Antitrinitarios recentiores, multa cum aemulatione agitatae, conferunt. Ita inquit: „Quoniam nihil dubito, quin vobis mirum admodum videatur, quod per quindecim circiter annorum spatium, ex quo primum edita est confutatio responsionis meae ad theses FRANC. DAVIDIS, de non inuocando Christo, ab eodem FRANCISCO conscripta“ (V. B. A. P. I. p. 240. N. 2. 3.) „vna cum confutatione iudicii ecclesiarum Polonicarum de hac controuersia, et cum narratione rerum eiusdem controuersiae caussa in Transyluania gestarum: nihil neque a me, neque ab vllō alio publice editum fuerit, quo vel totus, vel pars saltem istius libri r. fellatur,

„tur, visum est mihi, vobis ipsis quorum gratia potissimum responsio mea ad istud Dauidianum scriptum, nunc aliquando tandem in lucem emittitur, huius rei, quatenus praesertim ad me pertinet, rationem reddere. — — — Scire igitur in primis vos velim — — me anno Christi 1579- aliquanto ante iudicium Albae Juliae habitum, de FRANCISCO DAVIDIS, ad quod litteris ipsius Principis Claudiopoli fueram euocatus, amicis rogantibus ac monentibus responsionem hanc, quae nunc primum editur, conscripsisse, et mecum Albam Juliam attulisse, ut ea praesto esset, si, quemadmodum futurum fama erat, fuissent, qui eam sibi ostendi, omnino vellent. Quam quidem responsionem paucis omnino diebus absolui. — — — Jam vero de FRANC. DAVIDIS caussa iudicio pacto, quamvis eius asseclae fere omnes, sententiam de Christo non inuocando se abiicere palam professi fuissent; tamen cognitum est postea, id non ex animo ab ipsis factum esse. Quo circa putavi, breviorē hanc ad ipsius FRANCISCI scriptum responsionem meam alicui vsui plane futuram, et id circo illam fratribus tradidi, ut ea pro arbitratu suo vterentur ad Christi maiestatem asserendam, meisque laboribus et vigiliis fruerentur. — — — Quod si illam typis mandare vellent, eius quoque rei ipsis nominatim potestatem faciebam. Idem atque adeo multo diligentius repetii, cum mihi ex Transyluania ob morbum illum istuc ferme epidemicum, quem Colicam vulgo vocant, omnino discedendum fuit, addens, ut si hos meos qualescunque labores publice edendos censuissent, liberum per me ipsis erat, addere, minuere, mutare, quidquid eis placuisset, modo ne nomen meum in isto opere appareret, si quid, me prius non consulto, aliter atque a me scriptum fuisset, in eo legendum statuissent. At vero, postquam anno proximo liber PALAEOLOGI“ (confutatio iudicii Polonicarum ecclesiarum v. B. A. P. I. p. 240. N. 4. et P. II. p. 886. N. 5.) „GLIRII et DAVIDIS, „FRANC.

„FRANC. DAVIDI filii opere et cura editus est; coepi vehementer cupere et per litteras D. GE. BLANDRATAM rogare, monere, atque adeo urgere, vt aliquid libro isti opponeretur. Sed nihil unquam efficere, aut impetrare potui. — — — Conuerti me tandem ad fratres Polonos, inter quos iam diu habitabam, illisque persuasi recte futurum, si Jesu Christi inuocatio ab impugnationibus FRANC. DAVIDIS defenderetur; idque edita mea responsione ad illius pro suis thesibus defensionem. Verum, vbi in responsione mea scriptum esse rescuerunt, nullum exstare expressum in sacris litteris praeceptum de Christo inuocando — — — non pauci ex ipsis — — non mediocriter sunt offensi — — et vt ipsi hanc responsionem meam excudendam curarent, nunquam adduci potuerunt. — — — Interim non deerant alii fratres et praesentes et absentes, qui a me editionem huiusce responsionis meae flagitarent, nec sine infirmorum scandalo et meae famae nota eam diutius premi posse, affirmarent. Itaque tandem sumptibus mihi ab homine pio et liberali benignissime suppeditatis, integram meam cum FRANC. DAVIDIS de Christi inuocatione disputationem sub prelum dedi, etc.“

Scripta est haec ep., qua SOCINUS longam caussae suae defensionem, in negotio cum FRANC. DAVIDIS egit, *Crac. d. 14. Jul. 1595.* Cum hac disputatione, ipso monente in Epp. ad amicos p. 143. conferri debet disputatio contra *Christianum Francken* de eodem argumento. N. XI.) Ex iisdem epistolis patet, quid auctoris amici de hoc schediasmate existimarint. Quid in eo speciatim desiderauerit *Niemoieuius*, p. 198. *Jo. Volkelius* p. 481. *Andreas Voidonius*, p. 578. legitur.

In hoc certamine auctor discrimen fecit inter adorare et inuocare. In ep. ad *Niemoieuium* inquit: „Adoratis, qui corpus aut animum alicui reuerenter inclinatur, et
coram

coram eo venerabundus procumbit, etiamsi nihil ab eo petat; INVOCAT autem is, qui in necessitate constitutus, aut aliquid percipiens confidenter alienam opem et benignitatem implorat.“ Adorationem Christo neuriquam esse denegandam statuit, quia secundum S. Scripturam angelis adeo eiusmodi cultus exhibeatur, quidni Christo. *Inuocationem* vero Christo in vniuscuiusque arbitrio positam esse. Possesse Christum inuocari, quatenus pro nobis apud Patrem intercedat, non tamen hoc esse legis, et necessitatis; nec hunc honorem Christo proxime exhiberi, sed Patri potius; quemadmodum qui per Ministrum Regis, libellum supplicem exhibet, non a Ministro proxime, sed ultmato a Rege sibi aliquid exorat. Magnam statuendam esse differentiam inter honorem Deo debitum, et Christo praestandum. Pater semper et necessario inuocandus, Christum inuocare, si liber, licet.

Jam ante hanc de J. C. inuocatione disputationem a F. Socino aduersus Franc. Dau. in eadem caussa quaedam concinnata esse scripta, ex hac ipsa recensione patet. In hoc numero fuerunt: 1) *Responsio* (prior) *ad theses* II. FRANCISCI DAV. *de non inuocando Christo*; quam allegat auctor in ep. ad Christoph. Morstinium 1595. d. 3. Febr. qua libellos suos typis adhuc exscriptos recenset. *Theses* 2. *Davidis* leguntur apud Fabricium l. c. P. II. p. 64. Ad responsionem Socini insequuta est Franc. Davidis defensio, quam in B. A. P. I. p. 240. N. 4. allegaui 2) *Responsio* (posterior) *ad theses* IV. FRANC. DAVIDIS, scripta a. 1578. vel 1579. quae inserta est operi sub Fr. DAV. in B. A. P. I. p. 240. N. 4. recensito, et reiterata in hac ipsa F. Socini aduersus Franc. Dau. *disputatione*; in qua praeterea duo haec scripta comparent, nimirum: 1) F. SOCINI responsio ad GE. BLANDRATAE obiectiones. V. B. A. P. I. p. 57. N. 8. 2) *Responsio ad FRANCISCI DAV. confutationem responsionis Faustinae*. V. B. A. P. I. p. 240. N. 3.

XI. *Disputatio de adoratione Christi habita inter FAUSTUM SOCINUM et CHRISTIANUM FRANCKEN, nec non fragmenta responsionis fusioris, quam F. SOCINUS parabat ad FRANC. DAVIDIS de Christo non inuocando scriptum: aliaque nonnulla ad hoc argumentum pertinentia. Racov. typis. Seb. Stern. a. 1618. 8. pagg. 245.* Excipit hunc libri titulum specialis index sicque in hoc opere compareret: 1, p. 3. *Disputatio inter F. S. et Chr. Francken de honore Christi, id est, utrum Christus cum ipse perfectissima ratione Deus non sit, religiosa tamen adoratione colendus sit, nec ne, habita d. 14. Martii a. 1584. in aula CHRISTOPHORI PAULICOVII (Morstinii). Sed quae ab ipso Francken descripta fuit, prout illi visum est, non autem, ut vere fuit habita. V. B. A. P. I. p. 363. N. 4.* Falsus enim ipse est Chmielniciae coram GE. SCHOMANNO, SIM. RONEMBERGIO, et aliis, se in ea describenda non tam spectasse, quid SOCINUS dixerit, quam quid suis principiis consentaneum dicere debuerit. Additae sunt notae non paucae et responsiones ad ea, quae Franckenius dicit, nec non correctiones quaedam eorum, quae SOCINUM dicentem facit. 2) p. 56. exhibentur sex capita fragmentorum responsionis fusioris, quam F. S. parabat ad FRANC. DAVIDIS de Christo non inuocando scriptum; reliqua periisse, in fine p. 60. notatur. Fragmentis haec praefatiuncula praemissa est: „*Vt et mihi, et tibi, et lectoribus denique omnibus planior et commodior haec mea responsio, totaque ipsa nostra disputatio reddatur, visum est, clarissime D. FRANCISCE vniuersum scriptum tuum in quaedam capita partiri, ea-que numeris praenotare, atque eadem singulatim ex ordine examinare, ita ut nihil, quod vel responsione, vel animaduersione dignum visum fuerit, quatenus per tenues ingenii mei vires fieri poterit, intactum relinquatur. Vniuscuiusque autem capitis finis ex sequentis initio patebit.* 3) p. 160. legitur fragmentum animaduersionum F. SOCINI, in scriptum cuiusdam de differentia veteris

et noui Foederis, opus imperfectum, in quo caetera de-
siderantur, quod scriptum saepius lucem vidit: 4) p.
168. *Quaestiones nonnullae* FRANC. DAUIDIS, *et ad eas*
F. SOCINI responsio. Opus incompletum, in cuius fine,
reliqua non absoluisse auctorem, notatur. 5) p. 168. *Anti-*
theses ex disputatione de inuocatione Christi, inter F.
SOCINUM *Senensem et* FRANC. DAUIDIS *habita, ab ipso*
SOCINO collectae. Vna pagina exhibet *Fr. Dau.* theses,
altera e regione *F. Socini* Antitheses. 6) p. 183. *The-*
ses, quibus FRANC. DAUIDIS *sententia de Christi munere*
explicatur, una cum Antithesibus Ecclesiae a F. SOCINO
conscriptis, et Illustrissimo Transyluaniae Principi CHRI-
STOPH. BATHORAE *oblatis*. In altera pagina theses *Fr.*
Dau. in altera Antitheses ecclesiae leguntur. De thes.
XVI. *Franc. Dau.* V. B. A. P. I. p. 241. N. 7. et *Sal-*
ligius l. c. p. 880. 7) p. 193. Quaedam in disputa-
tione de inuocatione Christi praecipue obseruanda. In
fine haec leguntur: *Sic plane sentio ego F. SOCINUS, pa-*
ratus semper sententiam meam abiicere, ubi meliora et
veriora doctus fuero. 8) p. 195. *De libro Apocalyp-*
seos, et testimoniis, quae exinde aduersus eos, qui Jesu
Christi inuocationem prorsus negant, petuntur. 9) p.
197. *Aduersus semijudaizantes scriptum F. Socini*. De
semijudaizantibus inter Antitrinitarios longa est in *actis*
synod. Msscc. narratio, quam in *hist. Socin. Polon.* expo-
siturus sum. Appellantur quoque *Dauidiani et Bud-*
naeani, a sectae huius Principibus. V. CALOVIUS *de So-*
cinianae Theologiae prima origine §. 159. et §. 227. p.
69 et 105. ZELTNERUS l. c. p. 335. not. (6) Huic
factioni adscripti erant JAC. PALAEOLOGUS, CHRISTIAN.
FRANCKEN, JO. SOMMERUS, MART. SEIDELIUS aliique.
Ab his diversi erant *Farroviani*. V. MOSHEMIUS in
instit. hist. christ. recent. p. 314. 335. et 338.

10) p. 209. MARTINI SEIDELII *epistolae ad coe-*
tum olim Cracoviensem, dictum minorem, qui Patrem Do-
mini nostri Jesu Christi esse illum unum Deum Israelis con-
fite-

fitetur, cuius nomine F. SOCINUS eidem SEIDELIO respondit. Sunt autem epistolae tres, totidemque responsiones F. SOCINI. V. B. A. P. II. p. 831. N. I.

Exhibetur igitur hoc volumine disputationum variarum fasciculus, quarum quaedam iterum impressae leguntur in Syntagmate, cuius antea mentionem feci quodque hunc prae se fert titulum: *Fausti Socini miscellanea: hoc est, scripta Theologica, seu tractatus breues de diuersis materiis, quorum seriem sequens pagina monstrat. Racoviae, typis Seb. Stern. a. 1611. 8. pagg. 293.* In hoc opere sequentes occurrunt tractatus, maxima ex parte separatim editi, vel alii Socini libris inferri. 1) p. 3. aduersus *Semijudaizantes*, qui videlicet, cum non sint hebraei, Jesum tamen Nazarenum negant esse Messiam, siue Regem, qui per Prophetas a Deo promissus fuerit. 2) p. 14. *Epistolae tres MART. SEIDELII de Messia, et ad eas F. S. responsio.* 3) p. 50. *Contra Chiliastras, de regno Christi terreno per annos mille.* Exstat scriptum hoc inter epistolas F. S. p. 115. 4) p. 74. *Disputatio breuissima de Christi carne aduersus Mennonitas.* Scripti huius SOCINUS meminit MATH. RADECIO in Epp. p. 96. „*Negas praeterea, Christum ex Adamo progenitum fuisse, id quod verum esse nequit, nisi velis cum de matris suae substantia nihil accepisse, quam sententiam ego propter multa laudare non possum, sed potius vituperare cogor; quorum quaedam attigi in breuissimo quodam scripto, quo JUSTO illi, siue JODOCO de PREES (Pres et Prez. B. A. P. II. p. 647.) aliquando dandum curavi, ubi ipsius rogatu tres rationes, quibus potissimum sententia ista nititur, refellere sum conatus.*“ 5) p. 85. *Ad objectiones CURTENI responsio.* Habetur quoque in tractatum collectione, edita Racoviae 1613. p. 79. 6) p. 94. JO. NIEMOJEUII epistolae duae de sacrificio et inuocatione Christi, et ad eas F. SOCINI responsio; quae epistolis ad amicos p. 196. insertae sunt. 7) p. 224.

De Ecclesia et inuocatione Christi ex epp. F. Socini ad quendam. Sub hoc numero sequentia comparent: a) p. 224. Ex epp. F. S. ad quendam (*Matth. Radecium*) de Ecclesia; exstat in Epp. F. S. p. 79. b) p. 238. De externa Christi Ecclesia erigenda seu instauranda. Idem iam legitur in ep. 3. ad *Math. Radecium* in Epp. p. 112 seqq. c) p. 267. *De inuocatione Christi*; legitur in eadem ep. 3. ad eundem, in Epp. p. 143.

Simon Episcopus Opp. P. II. p. 53. Faustum Socium respectu polemicorum scriptorum praeclare laudat, quod punctim disputet; largiatur aduersario, quicquid potest, sine veritatis et causae praeiudicio; ubi premendus est, ibi pedem figat, et conscientiam vrgeat; scripturis potius, quam hypothesebus pugnet, et rationibus, non praeiudiciis. Ipse Socinus modico pretio haec sua aestimat scripta in ep. ad quendam virum excell. in Epp. p. 669. „*Nolo te ignorare plerasque disputationes meas, quarum quaedam non sunt editae, scriptas a me fuisse, cum nondum dialecticae arti ullam operam dedissem, ut posthac non mireris, si in meis scriptis multa deprehenderis minus recte tradita et conclusa.*“ Ad obiectionem, quam sibi format: Cur igitur tam male ad scribendum instructus scripserit? respondet, quod vel iussu eorum, quibus parendum erat, vel aduersariorum prouocatione ad scribendum compulsus fuerit.

De scriptis in specie ineditis, iisque non perfectis, quale est aduersus *EUTROPIUM Val. Smalcio* in Epp. p. 518. notauit, minime statuendum esse, se omnia, quae illic sunt, penitus probare. Imo ex editis libris sibi haud pauca adfingi, quae ipsi non in mentem venerint, aliquando conqueritur; praesertim in ep. ad *Mart. Vadovitam* in Epp. p. 597. pro calumniis manifestissimis declarat, quod aduersarii suis verbis saepe affingant, quae ipse non modo non cogitauerit vnquam; sed in illis iisdem disputationibus suis in lucem editis falsissima esse,

esse, dicit. Quod exemplo quodam his verbis comprobatur. „Non puduit quosdam asseuerare, me in disputatione de Jesu Christo Seruatore, ipsum Christum peccatorem facere, cum tamen in eodem ipso eius disputationis capite, ex cuius verbis, nescio quo pacto, turpissimam et grauissimam hanc calumniam isti mihi struxerunt, in ipsius capitis initio p. 184. disertissime pro concessio sumam, istam esse summam blasphemiam, quam ne per somnium quidem mihi in mentem venire optem.“

Plura sane Socinus confarcinauit scripta, quae edita fortassis nunquam sunt. In ep. ad. Jo. VOLKELIUM data d. 3. Apr. 1593 mentionem facit brevis scripti sui de missione ministrorum coetus sui, quod rogante Evangelico ministro concinnauerit, idque a puero descriptum VOLKELIO miserit. In ep. VAL. SMALCIO scripta a. 1597. d. 20. Maji in Epp. p. 517. commemorat scripti sui aduersus Philip. Buccellae M. D. *καυαδοξεν*; V. B. A. P. I. p. 79. Scriptum de coniugiis cum Pontificiis allegat in ep. ad Smalcium l. c. p. 524. quod absolutum et descriptum huic transmittendum pollicetur. Defensionem VOIDOVII aduersus ministrum quendam galum, Msc. commemorat in ep. Val. Radecio, a. 1603. d. 23. Nov. data. Scriptum eius contra Atheos periisse, supra iam notauimus. In quodam exemplari operi Socini de Jesu Christo Seruatore, anonymus quidam, cuius chirographum probabilitatem prae se fert, eum Socini aetati proxime vixisse, haec ipsi tribuit scripta: *Confessio fidei Christianae. De scrupulis ipsi dictis. Notae in N. T. Quaestiones Theologicae. Farrago quaestionum theologicarum.* Quaedam ipsi quoque falso sunt vindicata. Sic liber, cui titulus: *Vana sine viribus ira ministrorum Evangelicorum, seu refutatio vani cuiusdam EPICHIREMATIS missionem ministrorum Evangelicorum propugnantis.* Colon. apud ANTON. Botzenum 1610. 12. quem Sandius l. c. p. 78. allegatum inuenisse tradit, sine omni iure SOCINO adscriptus est, qui potius a MART. SMIGLE-

cio profectus. V. Baylius, Dict. Tit. Smiglecius. Controuersiae huic lucem adfundunt, quae sub Val. Smalcio B. A. P. II. p. 859. N. 22. recensita sunt.

Omnem coetus Antitrinitariorum in Polonia curam adhibuit, ne quidquam ex Socini scriptis post ipsius obitum periret, quod *Acta Synodalia* MscTA pluribus locis comprobant. Hinc 1626. Ruaro per decretum Synodi iniungebatur, ut quosdam Socini libros in linguam teutonicam transferendos curaret. De condendo syntagmate omnium Socini librorum Antitrinitarios Belgicos jam a. 1628. cogitasse, supra notavi. Cum autographa fragmentorum LAELII et FAUSTI in manus SAM. PRZYPCOVII venissent, huic, restantibus *act. synod. Mspt.* a. 1629. demandatum est, ut eadem *Bibliothecae Racouianae publicae* infereret. Idem monitum a. 1630 in *Synodo Racoviana* reiteratum esse, in iisdem *actis* legimus. De imprimendis Socini operibus a. 1633. confilia sunt agitata, quae ex *actis Synodorum in Polonia habiturum* expositurus sum. A. 1652. in *confessu Czarcoviensi* statutum lego: Bibliothecas JO. CRELLII et GOSLAUII diligenter perquirendas esse, quo tandem Fragmenta Catechismi F. SOCINI in illis reperiantur.

Librorum ab ipso compositorum census, et quae carptim ex illis protuli, satis evincunt, vix vllum christianae religionis esse articulum, quem non armis ac erroribus suis euertere ausus fuerit. Haud pauca quidem et *Lutheranorum* et *Reformatorum Theologorum*, quaedam quoque *Pontificiorum* exstant scripta, quae titulum *Antisocinianorum* prae se ferunt; sed in nullo uniuersum Socini systema toto ambitu enervatum et refutatum deprehendo, quod etiam vno opere vix fieri potuit. Qui vero aduersus istud in specie calamum strinxerunt, partim a me data occasione nominati sunt, partim maiori numero, alio loco allegandi.

Personarum et rerum memorabilium index.

A.

- Abaelardus*, Petr. 115. Sociniani a quibusdam Abaelardistae dicti, 118. illius opinionem de redemptione *Faustus Soc.* renouauit, 667.
Academiae Heidelberg. Smalcus F. Socini praelectiones dicauit, 766.
Acontius, Jac. stratagemata Sat. 641.
Adami status innoc. et lapsus, ex mente Pelagii, 99.
Adamus Pastoris, 277.
Adiaphora, de istis Fausti S. disputatio, 765.
Adoptiani, 86. 104. quos imitantur Sociniani, 105.
Aeneas Gazaens de elinguibus Christum profitentibus testatur, 95.
Aetiani, 77.
Agh, Steph. Claudiopolitanus, 359.
Agnes, Fausti S. filia, 686. eius educatio, 689. Stanislaio Wilsowatio nupta, 705.
Agricola, Jo. 645.
Agricola Phagus. 276. Agriphagus est *Ge. Wicelius*, 227.
Alaudii Alberii Triuncuriani, theses de Trinitate, 796.
Alberus, Erasim. 255. 256. *Syluani Hessi* ludum germanice reddidit, 260. eius scripta famosa aduersus Wicelium, 277.
Alciatus, Jo. Paul. 1558. in pago Fargiato ad Genev. apud *Gribaldum* vixit, 443. 444. 454. de variis Alciatis 465. praesens in Polonia, 467. an ad Turcas transierit? 468. Synodum Lublinsensem rogat, ut F. Socini scriptum aduersus *Volanum* publicetur, 830.

INDEX.

- Alcoranus* 1530. Venetiis arabice prodit, 326.
Alfonsus Valdusius, 214. *Alfonsus Lingurius*, 320. 382.
Allobrox, *Allobroges*, 315. *allobrogica certamina de necessitate stoica*, 608.
Almericus s. *Almaricus*, 19. 123.
Alogi s. *Alogiani*, *Theodori ascleclae*, 50. de illis *Sam. Crellii* expositio, 55.
Alterius, *Balthaf. Legato anglico apud Venetos a secretis*, 397. 403. 425. 548.
Althameri, *Andr. aduersus Antitrinitarios scriptum*, 231.
Anabaptistae, qui olim nominati, 9. Socinianismo placluxere, 134. Christi diuinitatem negarunt, 136. an Lutheri discipuli fuerint? 212. *Wittebergae innotuerunt*, et defecti sunt, 224.
Anglia in hoc regnum contendit *Ochinus*, 498. et ad *Eduardi Regis* obitum *Italicae* a sacris fuit, 499.
Anglici Vnitarii, *alogorum placita recoquentes*, 56. illorum ad *maroccanum legatum epistola*, 104. 109.
Anima mundi, de eadem *Seructi* et *Postelli* somnia, 539. 542.
Animae humanae locum in Christo suppleuisse diuinam nat.
Arnobius, 94. et *Nestorius*, 96. nec non *Apollinaris* statuit, 386.
Anomaei, 77.
Anselmus, 114.
Antitrinitarii, 10. An omnes sint *Arminiani*, 140. 141. de antiquitate disciplinae suae gloriantur, 200. Anonymi quidam tempore Lutheri et Melanthonis, 290. *Itali*, 421. 427. an *Ochinus* *Antitrin.* 510.
Antonius Evonymus Carinthius Teuchenus, ad eum *Fausti* S. epistola, 756.
Aonius Palearius, 492. de *Ochino* ad *Calvinum*, 496.
Apelles, 19.
Apollinaris, 94.
Apostoli falsi, *Iudaizantes*, *Socinianorum duces*, 31.
Arcerius, Jo. *Ochini* apologos *belgica lingua* donauit, 527.
Arcisseuius, *Elias*, 667. 691. libro F. S. de J. C. seruatore, praefationem praemisit, 805.
Arelius, *Bened.* 430.
Argentoratenses senatores, quibus F. Socini liber dicatus, 737.
Ariminensis Synodus, 74. v. *Synodus*.
Arminianorum cum Socinianis conuenientia. 138. *peculiariorum illorum placita* 139.

Arnal-

INDEX.

- Arnaldus-Brixienfis.* 120.
Arnobius, an Antitrinitarius. 94.
Arriani. nomen hoc declinabant. 6. per totum fere orbem amplificati, 67. 71. 74. 95. eorum diffenfiones et pugnae, 76. tres claffes 77. feftae decrementa. 96. 103. 115.
Arrius, 18. 67. ipfius placita, 68. 69. et in his defendendis contumacia, 70. 71. ejus obitus, 73.
Artemonius, 19. 51.
Artemonitarum de Chrifto fententiam orthodoxam fuiffe S. Crellius defendit. 22. Socinianorum funt antecessores, 53.
Arthufius, Gotthard Dantisc. 740.
Ascnages Jo, Tritheita, 100.
Auctoritas J. fer. de eadem F. Socini liber 743. librum emendare voluit auctor, 765.
Auguftana confeffio aduerfus Samofatenos recentiores. 221. probabiliter *Campanum* notauit. 254. non *Seruetum*, 333.
Auguftinus, Pelagii debellator, 99.
Auguftinus Eleutherius, an Seb. Franckius, 639.

B.

- Baptismus*, de papiftico Caluini difputatio, 611. de eodem F. Socini fententia, 671. feqq. vt eum Faufthus S. accipiat, admonetur, 755. effe adiaphorum idem in ep. probat. 759. ftatus controuerfiae circa eundem, 761. Socinus fuam fententiam aduerfus Dudithium defendit, 765. de baptifmo aquae F. Socini difputatio, 782.
Bafleenfes, Crypto-Sociniani, 665.
Bafilides, 54.
Bafilius, M. 75.
Baumgartnerus, Hieron. Laelium Soc. commendat *Melanthoni*, 386.
Becoldus, Jo. 300.
Belgium, ibidem libelli Sociniani fparguntur, 778. 780.
Bellii, Martini, farrago de haereticis etc. An *Laelii Socini* 639.
Bernaudus, *Barnaudus*, *Bernhardus*, Nic. librum ipfi Faufthus Soc. dicauit, 736. ipfe Socin. librum de auctoritate S. Scr. in gallicam linguam vertit. 748.
Bernhardus Abaelardi antagonifta. 118.
Beryllus Boftrennis. 18. 19. 63.

INDEX.

- Berzevicius*, Mart. F. S. amicus, 682. *Fausti* ad eum epistola, 764.
- Besozzus*, Marius, 659.
- Bettus*, Franc. F. Socini amicus, 665 in certamine Socini cum Puccio 817.
- Bezae et Aretii* historia *Val. Gent.* 430. ad *Bezam Fausti* ep. 766.
- Binghamus*, Jos. tritheismi suspectus. 101.
- Biskubie*, Cracouiae suburbium, 759.
- Blonscius*, Abrah. Luclauiciani agri dominus, 701.
- Blumius Bernh.* F. Socini tractatum de Deo, Christo et Sp. S. refutauit, 798.
- Blandrata*, Ge. 443. 454. *Alciati* et *Gribaldi* intimus, 466. per *Kaetiam* a. 1553 in Italiam profectus. 466. *Genevae* *Caluino* molestus fuit, 472. in *Poloniam* 1558. concessit. 473. ubi *Calvinus* eum insectabatur, 474. in *Transylvaniam* 1563. se contulit. 475. *Jesuitis* tandem fauet, 476. interitus, 477. ad eum *Fausti* S. ep. 764.
- Bogermannus*, Jo. 781.
- Bogomili*, 107. unde dicti et quid crediderint, 120. 121.
- Bonofus*, 87
- Bononienses* reformationis cupidi, 401.
- Borrrhaus*, idem, qui *Mart. Cellarius.* 223. 229. 309.
- Borromaei*, Cardin. litterae ad *Hosium* de *Ochino*, 507.
- Bovius*, Jo. Bapt. *Fausti* amicus, 659. quem *Faustus* commendat, 754.
- Brentii*, Jo. de haereticis puniendis, 639.
- Bruck*, Ge. Saxon. Cancell. 257.
- Brutus*, Jo. Mich. *Fausti* amicus, 659. de *Socino* ad *Dudithium*, 725.
- Buccella*, F. Socini Cracouiae hospes, 686.
- Budnaeus*, Simon. 129.
- Budoweczii*, Wenc. Anti-Alcoranus. 110. *Neuseri* extrema fata exposuit. 159.
- Bulli*, Ge. defensio fid. nic. 24.
- Bullingeri* de *Ochino* eiusque dialogis narratio 503. de *Laelio* bene iudicauit, 596. illius ad *Julium Mediolanensem* ep. 597. *Laelium* haereditatis suae causa in Italiam profecturum Principibus commendauit, 621.
- Busdragus*, Gerard. epist. Argol. 399. 408.

INDEX.

C.

Cajetanus, 489. *Ochini* obſervator, 490.

Calvinus, Jo. falſo Socinianismi ſuſpectus. 215. eius ad *Servetum* epp. 347. duplex admonitio ad Polonos fratres, 430. eius cum *Gribaldo*, 458. et *Ge. Blandrata* acta, 471. de *Ochino* optime ſentit, 497. ipſius cum *Laelio* diſputationes variae 609. quibus tandem ira aduerſus hunc commotus, 414. an *Serveti* ſupplicium praemeditatus fuerit? 615. dialogus inter *Calvinum* et *Vaticanum*, 636.

Camillus Socinus, Siculus, Renatus. 423. cum Franc. nigro in re ſacramentaria conſenſit, 482. *Clavennae* a. 1543. vixit, 548. 555. anabaptiſta et Antitrinitarius, *Laelii* inſormator, 581. *Camillus Socinus* 554. 576. an *Laelio* haereſin inſtillauerit? 578. 603. de eodem *Julii mediolanenſis* iudicium, 605.

Campanus, Jo. 244. *Dyadem* in eſſentia diuina ſ. duas perſonas ſtatuit. 248.

Camphuyſius, vid. *Kamph*.

de *Campis*, Jo. 294. *Jac. de Campen*, 300.

Camilius, Nicol. 554. 576.

Capito, Wolfg. Fabric. 302.

Caraffae, Purpurati ad *Ochinum* ep. 495.

Carolinus, Pet. ad eum *Fauſti* ep. 766.

Caroloſtadius, Andr. 227.

Carpocrates, 53. *Carpocratiani*, 54.

Casmanus, Otto, F. Socinum de J. C. ſervatore refutauit, 814.

Caſtalius, Seb. *Ochini* dialogos ital. latine reddidit 514. et eiusdem apologos, 526. An *Caſtalius* auctor dialogi inter *Calvinum* et *Vaticanum*? 637. liber quinque impedimento- rum, 642.

Caſtillioneus, Jo. Franc. F. Socini amicus, 808.

Cataphryges, 55.

Catechiſmus F. Socini, 771.

Cellarius, Mart. 223. 228. 309.

Celfus Martinengus, 557. Genevenſis Italorum coetus miniſter, 558.

Celfus, Minus Sen. non fictum nomen 372. 454. paulo ante annum 1570. ex Italia in Raetiam venit, 483. an Antitrinitarius? 554. eius liber in haereticiſ coercendis quatenus progredi liceat? 641.

Celfus

INDEX.

- Celsus Socinus*, vid. *Socinus*.
Cerdo, 19.
Cerintus, 36. quid statuerit? 38. 39. an adversus eum et Ebionem Joannes Evangelium scripserit? 730.
Certis. Jo. Bapt. F. Socino Igolomiae receptaculum praebet, 696. Polonii commoratur, 751.
de Chiari, Jac. 425.
Christiani, an vocari possint Sociniani? 161.
Ciconia (*Storch*) anabaptista fanaticus. 223. 225.
Claudii Tolomei ad Ochinum ep. 496. ad *Celsum Socinum*, 577. eius epistolae Italicae, 641.
Claudiopolis a Turcis obsessa, 111.
Claudius Allobrox, 298. 308. 115. Seruetai assecla 409. 415.
Clavennensem eccles. ex Italis collectam 556. 557. *Camillus, Vergerius* et *Franc.* Niger turbarunt, 482.
Clementinus, Dan. F. Socinum de J. C. Seruatore refutavit, 814.
Coelestius, 99.
Coelius sec. *Curio* 308. Valdesii libro praefationem scripsit 319. censor dialogorum *Ochini*, 502, *Laelii Socini* amicus, 588. 628. *Melanthonis* ad ipsum epistola, 589. V. *Curio*.
Coena sacra, de eadem Campani explicatio. 255. *Fausti S.* de eadem tractatus. 784.
Collegia Vicentina in dubium vocantur, 404.
Colloquium Flensb. 294. *Marpurg.* 307.
Colomesius, Paulus, 614.
Concilium Nicaenum, 72. *Sirmiense*, 79. 81. *Ephesinum*, 99. *Lateranense* IV. 123.
Confessio in Genevensi Italarum coetu, 558. Tiguriensis aliorumque coetuum, 559. *Laelii Socini* coram Bullingero, 599.
Contarenius, Cardinalis, *Ochino* et Protestantibus amicus, 493.
Conyza, Pet. 291.
Cookia, Anna, *Ochini* de praedestinatione sermones anglice redidit, 525.
Cordatus, Conrad. aduersus *Wicelum* scripsit. 259.
Coverus, Jac. cum F. S. disputatio Basileae 666. 667. Liber F. Socini aduersus eum de J. C. Seruatore, 804.
Cracoviae Italis ad tempus a concionibus fuit, 508. Studiosi vim inferunt *Fausto S.* 692. seq. 697.
Crellius Sam. Artemonii titulum adsciuit, 53. argumentum et conspectus operis ipsius *Misti.* 167.

Cruciger,

INDEX.

- Cruciger*, Felix, ad eum *Calvinus*, 472.
Curcellaeus, Steph. 141.
Curio, *Coelius* sec. 308. 457. honorifice de Ochino iudicat 498.
Coelius Horatius Curio, quaedam Ochini italice scripta latine reddidit, 523.
Cuttenus, Jo. eius articuli, s. obiectiones, 787. Senior eccles. reform. in dist. Sendominiensi, 789.

D.

- Daems*, Corn. ad eum Matth. Radecii ep. 692. cum eo F. S. scripta sua priora communicavit, 722. eundem commendat *Faustus*, 754. ad eum epistola, 766.
Demitrovitius Lituanus, 655.
Denkius, Jo. 238. eius placita, 240.
Derschow, Bernh. de immortalitate primi hominis ante lapsum aduersus F. S. 825.
Deutsch, Frid. Socini disp. de Baptismo refutavit, 784.
Dionysius, Alex. episc. de Christo incaute exposuit, 64.
Dirk Philipps vel *Philips*, 277. 298.
Dolerus, Steph. 313,
Dominicus Lopez S. J. est F. Soc. 725. de auctoritate S. Scr. 743.
Donatus, 18.
Dudithius, F. Socini ad eum epistolae, 764.
Dunus, Thadd. dialogum *Ochini* de purgatorio latine vertit, 527. et postfamine ornauit, 528.
Dyadem, s. duas in essentia diuina personas *Campanus* statuit, 248.
Dysidaeus, *Prosper*, *Faustus* est Soc. 725.

E.

- Ebion*, quis fuerit, 41. diuersae de nomine hoc sententiae, 42. an aduersus eum et *Cerinthum* *Joannes Evangelium* scripserit? 730.
Ebionaeos, ab apostolis toleratos esse, 21. de illis disputat *Sam. Crellius*, 33. 34. an ipsis atque *Cerintho* *Joannes evangelium* suum oppositum voluerit? 38.
Ecclesia christiana, ab aduersariis mysterii S. Trinitatis semper turbata, 4. an orientalis ecclesia erroris in myst. S. Trin. postu-

INDEX.

- postulari possit. 124. quatenus errare et non errare possit, 765.
- Eduardo** Regi angl. *Ochini* liber aduersus Papam, anglice editus, est adscriptus, 530.
- Eglinus**, Tobias, siue *Iconius*, 576.
- Elcesaei**, 65.
- Elenchi sophistici** F. Socini, 770.
- Eleutherobaptistae** a Pelargo refutati, 676.
- Elipandus**. 103. refutauit eum *Etherius*. 105.
- Elisabethae** Reginae Angliae *Ochinus* librum dicauit, 524.
- Enjedinus**, aduersus F. Socinum 677. ad eum Fausti epp. 763.
- Episcopus**, Sim. 140.
- Erasmus Albertus**, 236.
- Erasmus Desider.** Roterod. an Antitrinit. 304.
- Erasmus Joannis**, Arianus, cum eodem F. Socini disputatio, 832. eius ad F. S. et huius ad illum epistola, 757.
- Etherius**, 105.
- Eudoxius**, 75. 76.
- Eugenii** nomen *Wolzogenium* notat. 524.
- Eunomius**, 18. *Eunominiani*, 77.
- Eusebius Caesar**, an Arianismi fautor, 76. 85.
- Eusebius Nicomed.** 18. 68. 73. 76.
- Eutropius**, aduersus eum F. Socinus, 685.
- Eutyches**, 18. 98.
- Euangelici** mendose Arianismi incusantur. 156. se inuicem ex odio criminati sunt, 157. quod se debeant adiungere fratribus polonis, Fausti scriptum, 778.
- Euangelium** secundum hebraeos ex sententia *Sam. Crellii* 35. 36. Euangelii Joannis peruersa *Sam. Crellii* diiudicatio, 40.

F.

- Fabricius, Jac.** eius colloquium cum Ostorodo, 760.
- Fabricius Mich.** Regiomontanus, ad eum Fausti ep. 764.
- Faidit**, Pet. Tritheita, 101.
- Familia charitatis**, Dav. Georii (*Joris*) secta, 279.
- Farellus**, Guil. *Seruerum* ad rogum comitatur, 373.
- Felix**, hisp. 103.
- Felix Turpilio**, seu *Turpio*, Faust. est Socinus. 725.
- Felwingerus**, Jo. Paul. Fausti S. elenchos sophist. refutauit, 771.

Flacius,

INDEX.

- Flacius*, Matth. de *Postello*, 536.
Flensburg, Colloq. 294.
de la Fontaine, Nic. *Seruetti* accusator, 360.
Forkenbeckius, Bernh. 781.
Franciscus Calaber, 410.
Franciscus Dav. ad *Judaeos* et *Muhamed.* prouocat, 108. 112.
 129. plura scripta concinnauit juncto cum *Blandr.* labore
 480. cum eodem *F. Socini* disputatio, 840.
Franciscus de Ruego, 425.
Franciscus Niger, 482.
Franckius, Seb. an sub nomine *Augustini Eleutherii* lateat?
 639.
Fratres Poloni, vnde dicti, 12.
Fullo, 98.
Fures, an morte puniendi? 764.

G.

- Genevensis* Italorum coetus, 427. 557. in eodem *Antitrinitarii*
 442. ad eum accedit *Blandrata*, 471. cum *Ochinus* a. 1542.
 primus minister docuit, 494.
Gentilis, Jo. Val. 427. in carcerem *Geneuae* conjectus, 430.
 eius apologia, 435. recantatio 438. in eius causa sententia
 Genevensis tribunalis, 440. confessio *Gayensi* Praefecto
 dicata, 444. *Lugduni* incarceratus, 445. in *Poloniam* 1562
 venit, ibid. *Gayi* disputationem indixit, 446. *Bernam* du-
 ctus, 447. capite plexus, 453. subscripsit confessioni *Gene-*
 vensi, sed fidem non exsoluit, 561. 562.
Gentilium testimonia de mysterio *S. Trin.* et *Christi* deitate, 27.
Georgius David (*Joris*) 278. pro *Serueto* intercedit, 367.
Gerardi, Hier. 460. 461.
Gerardus *Noviomagus*, 645.
Gilbertus Porretanus, 119.
Girardus, 106.
Gittichii, Mich. defensio *Arii* et coetus sui, 81.
Gittichius, Matth. an collegiorum *Vicentinorum* sodalis, 547.
Gnostici, 44. 53.
Gomaristae, 138.
Gonesius, Pet. 291.
Gratianus *Prosper*, *Faustus* est *Soc.* 725. item *Gratianus* *Tur-*
 pio, *Gerapolensis*, 770.

Grave

INDEX.

- Graverus*, Alb. disp. F. Socini de Seruatore J. C. refutauit, 814.
Gregorius Pauli, Bresin. Laelii explicat. Jo. I. polonice edidit, 729.
Gribaldus, Matth. pagi Fargiati ad Genevam dominus, 442. 443. Gratianopoli docuit 444. vita eius, 455. Tubingae cum adplausu ius profitetur, 460. *Vergerium* habuit intimum 551.
Grotius, Hugo, de satisfactione aduersus F. Soc. 814.
Grynæus, Jo. Jac. ad eum Fausti ep. 762. scriptum de Praedestinatione ipsi a F. S. oblatum, 786.
Guitonarius, Leo, Socinianos in ecclesiam Reformatam suscipiendos iudicauit, 155.

H.

- Haereses*, ab auctoribus nominatae, 5. antiquae non accurate exponi queunt, 15.
Hassiae Landgravio Mauritio, Moseorovius dicauit, disp. F. S. cum Puccio, 816.
Hedio, Casp. 645.
Hegge, Jac. 294.
Heidelberg Acad. *Smalcus* Socini praelectiones dicauit, 766.
Heloissa, Abaelardi coniux, 116.
Helvidius, 18.
Herisbachius, Conr. ad eum Melanthonis epp. 247.
Hermannus, Anton. cum *Wicelio* a. 1530 in custodiam datus, 257. 259. 265.
Hermogenes, 48.
Herrnhuthani Socinianismi a quibusdam infimulati, 146. Antitrinitarios ad suam communionem admittunt, 157.
Hetzerus, Ludov. eiusque scripta, 231. placita. 234. 235. 307.
Hierax l. *Hieracas*, 64.
Hoepffnerus, Henr. disp. F. Socini de J. C. seruatore refutauit, 814.
Hoffmannus, Melch. 292.
Hofii, Stan. de Lutheranis iudicium. 218. *Postelli* ad eum epistola, 546. de *Vergerio* iudicium, 553.
Hubertus Languetus, 577.
Humericus, Vand. Rex linguas excindere iussit, Christi diuinitatem consentientibus. 95.

Hutitae,

INDEX.

Hutitae, anabaptistae a Jo. Huta. 136.

Hyperphrogenes, Pet. 377.

I.

Jacobitae. 102.

Jehovae nomen competere, qui Dei personam quovis modo sustinent, 762.

Ignatius Lojola, cum F. Soc. comparatur, 705.

Innocentius Gentiletus, 721.

Joachimus, Abbas. 122.

Jo. Philop. 100.

Joannes Presbyter, cum Cerintho in balneo, 37.

Joanni II. Hungariae regi, Blandrata 1567. librum dicavit, 479.

Jodocus Koch, h. e. Justus Jonas, 274.

Joris, David. 278.

Irenica Arminianorum consilia, 142. politici ipsi pacem cum Socinianis dissuadent. 154. 155. *Wicelius* pro omnium coetuum unione scripsit. 260. eiusdem via regia. 261. 270. 275.

Isabella manica, 317. eidem *Ochinus* librum dicavit, 524.

Italia, reformationis cupida, 396. 400. Itali fratres, 401. erroribus infecti, 410. ex Italia Antitrinitarii repetendi, 419. 563. 634. V. Genevensis et Locarnensis coetus, 427. 500. Italarum ambigua fides, 564.

Judaei, Christi tempore Antitrinitariorum parentes, 30. Recentiores pariter cum his conferendi, 127. 128. ad horum scripta aliquando prouocant Sociniani, et Judaei his inter Christianos palmam tradunt, 130. judaizantes Antitrinitarii, 136.

Juliani apost. pro Christo Deo testimonium, 28. 29. an Socinorum praedecessor fuerit? 93.

Julius Mediolanensis, l. Mediolanus, 424. in carcerem ductus 492. coetum Pesclaviensem curavit, 555. Laelii haeresin mature detexit, 596. ad illum Bullingeri ep. in Laelii causa, 597. *Julii* ad Bullingerum ep. de Laelii heterodoxia, 603.

Julius Trevisanus, 425.

Junius, Jo. F. Socini praelectiones refutavit, 769. et Antiwueckum, 837.

INDEX.

Justificatio, de eadem scripta F. Socini, 769.
Justinus Martyr, an primus Christi praeeexistentiam statuerit?
 22. 24. quod Sam. *Crellius* prodit, 35. 49. ejusdem de
Just. Mart. sententia ex Mscro. 171.

K.

Kamphuyzen, doerk Raphael, Fausti S. librum de auctoritate f.
 scr. transtulit, 746. et lectiones sacras, 748.
Kathari, 107. in Gallia quomodo vocati 119. cum *Bogomilis*
 consentiunt. 121.
Kautzius, Jac. anabaptista. 235.
Kiska, Philippouiae Dominus, 758. Jo. *Kiszka* a *Ciechanowicz*,
Samogitiae praeses, 826. 840.
Kleinbergen, Görden, 645.
Koch, Jodocus, 257. qui Justus est Jonas. 274.
Krzesz, Jo. ad eum Fausti S. ep. 766.
 a *Kunheim*, Erhardus, Reginae Poloniae Secretarius, 594.

L.

Labyrinthi Ochini latine redditi, 524.
 a *Lasco*, Jo. ad Dav. Ge. epistola. 287. ipsi *Laelius* S. a Bullin-
 gero commendatur, 596. 607.
Lascius, Jo. ad eum Fausti S. ep. 766.
Latitudinarii, quandoque dicuntur Sociniani, 10.
Leonardus, Bucali, Abbas, Calaber, 416. 424.
Libanii antioch. pro Christo testimonium, 28.
Licinius cum Smiglecio disputavit, 837.
Lismaninus, Franc. ex lectione sermonum Ochini instruitur,
 522. illi *Ochinus* dialogum de purgatorio dicavit, 528.
Laelius in Polonia cum illo amicitiam contraxit, 594.
Locarnensi coetui italico Maynardus, 555, et *Ochinus* ab a.
 1555 praefuit Tigurii 500. eidem librum adscripsit, 526.
Thadd. Dunus medicus Locarn. 528. *Ochini* catechismus
 in huius coetus usum, 530. Locarnenses ministri confes-
 sionem Laelii simulatam iudicant, 603. pro Locarnensi-
 bus Tigurii benigne exceptis, Jul. Mediol. gratias agit
 Bullingero, 604.

Lubber-

INDEX.

- Lubertus, Sibrandus*, F. Socini disp. de J. C. Seruatore male refutauit, 812.
Lubieniecii, Christoph., *Stan.* et *Andr.* anagrammatismus, 761.
Luciani testimonium pro Christo Deo, 27.
Lucius Ludov. disp. F. Socini de Seruatore J. C. refutauit, 814.
Luclavicium Abr. Blonscii ager, F. Socini habitaculum, 701.
Lutherano coetui arianismus falso imputatur, 156. a scriptoribus pontificiis ibid. 214.
Lutherus a Pontificiis atheismi et arianismi suspectus habitus est, 214. 215. Socinianismum praenunciauit, 222. *Jo. Campanus* ipsius discipulus a Pontificiis perhibetur, 245.
Lutheri de Campano eiusque scriptis sententia, 250. de haereticis, 639.

M.

- Macedonius* et *Macedoniani*, 90.
Maccovius, Jo. aduersus F. Socini Catechismum, 777.
Magistratus, de eodem F. Socini sententia, 681. in epistola ad El. Arcissevium, 757. liber eius de magistratu, 799.
Maierus, Nic. Laelium S. heluetiis commendat, 585.
Mainardus, Nicol. alias *Blesdikius*, 284.
Manes, 57. *Manichaei*, 58.
Manfredus Balbanus, 666. F. Socini amicus, 808.
Marcellus Ancyrr. et *Marcelliani*, 19. 85.
Marcion et *Marcionitae*, 45. 46.
Marcus Strubnerus, 226.
Marlianus, Hieron. Fausti amicus 665. cui Faustus librum obtulit, 794. 807.
Maroccanus legatus, ad eum epistola anglorum, 104. 109.
Martinengus Maximianus, 401. anabaptistarum fautor, 410.
Celsus Martinengus genevensis coetus italici minister, 471. 557.
Martini, Rudolphus, Adamus est Pastoris. 277.
Martini Bellii farrago de haereticis, an sint persequendi, 639.
Martyr, Pet. 202. vid. *Vermilius*.
Mafius, Andr. ad eum *Posteili* ep. 544.
Maximiliani II. ad P. Scalichium epistola, 621.
Maynardus, Augustinus, Clavennensis minister, 424. 548. cum Camillo disceptatio, 582. ad Bullingerum de Laelio, 585.
Melanthon a pontificiis errorum in myst. S. Trin. incusatur,

INDEX.

214. Laelium Soc. amice suscepit, ac de ipso optime sensit, 588. eum *Pfausero* et *Maximiliano* Regi commendauit, 590. de arcanis cum *Laelio* Soc. differuit, 591.
- Melius* Per. ad eum F. Socini ep. 766.
- Mennonitae* morau, 136. *Galenistae* a *Galeno* Abrahamz. 137.
- Miledius*, 18.
- Minus* Celsus, Senens. 372. vid. *Celsus*.
- Miskovii*, 695.
- Modalistae*, 141.
- Mohamedes*, an Socinianorum maioribus accensendus? 107. secta quaedam inter Mohamedanos Christum Deum profitetur. 109. quidam Antitrinitarii ad Turcas se receperunt, 426. non tamen *Alciatus*, 468.
- Monarchici* et *Monarchiani*, 10. 47.
- Monophysitae*. 100.
- Montfortius*, Basilius, 639.
- Morata*, Olympia Fulua, 309. 402.
- Murius*, Hieron. Justinop. 494. ipsi *Ochinus* suum ad evangelicos transitum nunciat, 497. 523.
- Mysterium* S S. Triunitatis, 4. ab antiquissimis eccle. christ. patribus non accurate expositum, 25. ex rationis principiis ab *Abaelardo* deductum 115. 117. quod ex V. T. oraculis probari possit, ac antiquis Judaeis notum fuerit, 126. 127. ex sola s. Scr. demonstrari posse Pontificii negant. 132. an inuentum *Iustini* M. 172. an in eodem demonstrando ad traditiones necessario prouocandum? 219. *Hilarius* *Cyrillus*, *Ambrosius*, *Athanasius* et *Augustinus* pro mysterio hoc scripserunt, 266.

N.

- Naborovius*, Joel, 719.
- Naturalismus* merito Socinianis imputatur, 159.
- Nazaraeorum* sententiam orthodoxam fuisse Sam. *Crellius* statuit, 21. 22. 33. 34. sunt potius Socinianorum antecessores, 32.
- Neo-Ariani*. 7.
- Neo-Samsateniani* in A. C. notati, qui fuerint? 339.
- Nepos*, 18.
- Nestorius* et *Nestorianismus*, 18. 96.
- Neumannii*, Jo. Ge. aduersus F. Soc. de J. C. Seruatore, 814.

INDEX.

- Neuserus*, Adam. 112. eius effatum, 159.
Nicaenum concil. 72.
Nicolai, *Henricus*, *Davidis Georgii* familiaris, 279.
Nicolaus Bladiscensis. 636.
Niemcewius aduersus F. Soc. 677. hunc acerbe perstringit, 719.
 disputatio de Cap. VII. ad Rom. cum F. Socino, 735. de
 S. coena. 785.
Niger, Franc. 410. 482. Clavennae in Ractia 1543. vixit, 548.
 anabaptista, 581.
Noetius l. *Noetus*, 58.
Nominalistarum secta, 114.
Nuber, Casp. *Zarnovecii* opus polon. aduersus Socini disp. de
 Seruatore J. C. latine reddidit, 813.

O.

- Ochinus*, Bern. 154. Roma profugus 423. eius vita et fata,
 483. an Pontifici R. a concionibus fuerit? 485. summus
 orator, 486. Capucini ordinis generalis, 489. Romam ci-
 tatus, Genevam concessit, 493. amice a *Caluino* exceptus,
 497. August. Vindel. 1545. minister italici coetus voca-
 tus, ibid. tandem in Angliam contendit, 498. Redux Ge-
 nevam 1553. inde Basileam et tandem Tigurum se rece-
 pit, 500. quo loco pulsus 1564. in Poloniam venit. 501.
 eiusdem scripta, 414. *Laelii* S. amicus, 628. quid de
 Christ. redemptione senserit, 667.
Oecolampadii ad Seruetum epistola, 330.
Olympia Fulvia Morata, 309. 402.
Opogios vocabulum ante Concilium Nicaenum non incognitum
 26. eius vsus, 81.
Omphalius, Jac. 781.
Oporinus, Jo. Typographus Basil. *Maximiliano* II. commenda-
 tus, 621.
Orthodoxos cum *Cerintho* comparat *Wolzogenius*, 39. et *Sam.*
Crellius. 40. Illos paria cum Alogis docere hic putat, 55.
 Illorum persecutio ab Arianis, 75. 95. cum his non de
 verbis solum pugnarunt, 77. *Pauliciani* aduersus orthodo-
 xos armata manu bellarunt. 106.
Ostorodus Christoph. in eius gratiam F. S. elenchos sophisticos
 scripsit, 771. cum Voidovio libellos Socini in Belgio di-
 stribuit, 778.
 ab *Ostrog*, Jo. pocillator regni Polon. 827.

INDEX.

P.

- Pacius*, Nic. episc. Kijovienfis, 826.
Palaeologus, Jac. de maistratu a. F. S. refutatur, 799.
Palmiarius, Pet. Archiepisc. viennensis, 350. 356.
Paraei de Socino iudicium, 766.
Parallelismus haereticorum, 13. 16. non inuitis Socinianis instituitur. 17. 18. leqq.
Paravicinus, 563.
Parscoviensis conuentus mandatum, 508.
Paruta, Nicol. 481.
Pastor, f. *Adamus Pastoris*, 277.
Patripassiani, Praxeae sectatores, 47. et *Noeti*, 58.
Pauliani, l. Paulistae a Paulo Samos. 62.
Paulus Samosat. 18 19. 61. *Antiochenus*, 19.
Pelagius et *Pelagiani*, 98. horum incrementa. 105.
Pelargus, Ambros. refutauit Eleutherobaptistas, 676.
Pelargus Christoph F. Socinum refutauit, 797.
Pellicanus, Contr. in eius aedibus *Lael. Soc.* Tiguri habitauit, 596.
Peratici, an iidem, qui *Nazaraei*? 22.
Pesclaviensis Italarum coetus in Raetia, 555. litterae *Jul. Me-*
diol. Pefclauio datae, 606.
Petricoviense edictum 1566. 446. quare in *Parscoviensi* conuentu 1564. comparuit, 508.
Pfauferus, Jo. Seb. ad eum *Melanthonis* ep. commendatitia pro *Laelio Soc.* 590.
Pflugii, Julii ep. ad *Wicelium*, 276.
Phagus Agricola, 276.
Pharisei Socinianorum praecessores, 30.
Philippovius Ochinum in domum suam recepit, 508.
Philippoviae coetus Sociniani tristitia fata, 758.
Philoponus, Jo. 100.
Photinus et *Photiniani*, 87. Socinianorum antecessores, 89.
Pinczovienses. 10. in synodo *Pinczov.* 1562. *Val. Gent.* 455.
ibidem Ochinus peste correptus, 508.
Pisecii Mart. epistola, 648.
Planitz, Jo. Legatus saxon. 401.
Poloniae Regi Sigismundo Val. Smalcus dicauit librum, 448. et
Jac. Sienius, 747. in hoc regnum accessit *Ochinus*, 507.
qui eidem Sigismundo adscripsit dialogum XXVIII. 516.
eidem Regi Laelius a Melanthe commendatur, 591.
Ipse

INDEX.

- Ipse Laelius Poloniam* 1551. salutavit, 593. *Laelii Scripta* a. 1568. in Poloniam allata, 653.
- Poloni Fratres*, dicti sunt Sociniani, 12. ad hos *Caluini* et *Simleri* epp. 430. 472. *Caluini* ad Vilnenses ecclesias, 474.
- Polygamiae* defensio *Ochino* imputatur, 521.
- Porretanus*, *Gilb.* 119.
- Postellus*, *Gvil.* 533. cum *Serueto* consensit, 539. *Somnia et opiniones*, 544. obitus et scripta, 445.
- Praelectiones theolog.* F. *Socini*, 766.
- Praxeas*, 10. 18. ad Sabellianismum propendit, 47.
- de Prez*, *Justus*, 754.
- Priscillianistae*, 92.
- Prosper Dysidaeus* et *Gratianus Prosper*, *Faustus* est Soc. 725. *Prosperi Gratiani* instrumentum etc. 771.
- Publicani.* 107.
- Puccius*, *Franc.* cum eodem *Fausti* disputatio, 668. *Socini* aduersus eum liber, 815. vitae ipsius historia, 817.
- Puchelebius*, *Bapt.*, eius ep. ad *Vergerium*, 551. alia ad eundem in causa *Lael. Soc.* 622.
- Puffendorffii*, *Sam.* de Socinianis iudicium. 155.

Q.

- Quartadecimani*, 55.
- Quintanus*, 324. 327. 337.

R.

- Radzivilius*, *Nic.* ad eum ministerii *Genev.* epistola, 430. et *Val. Gentilis* *Palinodia*, 440. sub eius tutela *Blandrata*, 475. eidem *Ochinus* alterum dialogorum librum dicavit. 515. sed liber iste in via interceptus, 516.
- Raetia*, ibidem *Minus Celsus Sen.* 373. plures Itali variis infecti erroribus, 410. 413. 424. *Ochinus* ibidem per litteras errores sparsit, 510. 511.
- Raida*, *Balthas.* aduersus *Wicelium* scripsit. 259.
- Reformatio ecclesiae* ab Italis desiderata, 396. eius necessitatem ipsi Pontificii concedunt, 578.
- Reformationis* perfectae gloriam Sociniani adfectant. 131. 207. 208. 211. varii reformationis tempore in animis hominum

INDEX.

- motus. 212. Socinianismus a reformatione non derivandus. 216.
- Reformatoris* gloriam adfectavit L. Socinus. 579.
- Reinerus Vitellius*, (Renier Telle) 339.
- Religionis christianae* summa, F. Socini scriptum, 777.
- Resminus*, Nobilis, F. Socino coniunctissimus, 682.
- Romanenses*, in quibus Socinianis adspirant. 132.
- Ronembergius*, Sim. ad eum F. Socini epp. 755.
- Roscellinus*, Jo. Tritheismi suspectus. 113.
- Rosellius*, Luc. Paul. 404.
- Rota*, Jo. Bapt. cum eodem F. S. disputatio, 665. 807.
- Rudolphus Martini*, idem, qui *Adamus Pastoris*, 277.

S.

- Sabbatharii*. 136.
- Sabellius*, 19. Noeti haeresin resuscitavit, 59.
- Sabinus*, 18.
- Sadoletus*, amicus Luthero, 403.
- Samofatenus*, v. Paulus.
- Sanguis*, de eo non comedendo, Fausti epistola, 759.
- Saturninus*, 54.
- Sauveranius*, 23.
- Sbaski*, Abrah. Coelii S. C. ad eum epistola, 589.
- Scalichius*, Paulus, a Laelio inuitur Argentorati, commendat hunc Maximiliano 621. *Maximiliani* ep. ad illum, ex Msc. ibid.
- Scherlock*, tritheismi notatur, 101.
- Scholastici*, 119.
- Schwenkfeldius*, Casp. 300. ad eum Guil. Postelli ep. 536.
- Scripturae* s. interpretatio Sociniana. 160. V. auctoritas.
- Seruetus*, Socinianorum praeceptor. 124. eius vita et scripta 322. an in A. C. notatus? 334. Lugduni corrector litt. existit, 345. eius christianismi restitutio, 354. Genevae Caluino innotuit, 359. Supplicium 371. Placita et errores, 384. de Sp. S. 393. an *Serueti* supplicium Calvinus praemeditatus fuerit? 615. An Laelius Soc. viuicomburii spectator? 618.
- Simleri*, Jos. ad Polonos epistolae, 430. ad eum Fausti S. ep. 766.

INDEX.

Simon magus, 30. eius dogmata, 31.

Smalcius, Val. Argentoratensibus dedicat F. S. librum in x. ep.
Jo. 740.

Smerae, Jo. epistola. 124:

Smiglecius, Mart. Antiwujekum F. Socini refutauit, 1837.

Smiglenfes, 10.

Sociniani merito ab utroque Socino adpellantur, 6. 7. Neo-
Ariani. 7. 8. Neophotiniani, 8. 90. Servetiani, 8. Ana-
baptistae. 9. Racovienses, Pinczovienses Antitrinitarii etc.
10. Tritheistae. 12. noui christiani. 164. Socinianorum
praecipui errores. 14. sectatores Arii, 78. nomen ab *Ario*
recusant, 79. *Photini* dogmata amplectuntur, 89. cum *Pe-*
lagianis consentiunt, 100 et *Adoptianis*. 105. cum Moha-
medanis parallelismum aegerrime ferunt. 111. an Abaelar-
distae dici queunt? 118. an cum Iudaeis recentioribus
comparandi? 126. ad horum scripta prouocant. 130. illo-
rum cum Romano Catholicis conuenientia. 132. cum Ana-
baptistis. 134. Mennonitis. 137. *Herrnhuthanis* 147. 150.
coetus evangelicos Sociniani errorum accusant. 154. qui
merito naturalismi et indifferentismi postulantur. 159. An
Christiani adpellandi? 162. An saluari possint? 165. de
antiquitate disciplinae suae gloriantur. 200. 202. 206. to-
tius Theologiae Sociniana compendium. 797.

Socinianismus, non fructus, sed abusus reformationis, 213 seq.
a pessima ecclesiae pontificiae corruptione deriuandus. 220.
illius initium a Collegiis Vicentinis repetendum, 406.
quamuis non eiusdem forma, 409. 419. abusus rationis et
philosophiae illum exclusit, 422. in Italia et Romana ec-
clesia ortus, 562.

Socinus, L. et F. antiquas haereses renouarunt. 6.

F. *Socinus*, eiusdem de Serueti supplicio sententia, 378. 394.
cum *Ochino* se consentire profitetur, 513. Omnia debuit
Laelio. 569. Vita eius, 654. an Ochinum habuit praecep-
torem? 658. statio ejus ad aulam, 660. Basileae. 665. di-
sputatio cum Coveto et Puccio. 666. in Transylvaniam vo-
catur. 668. cum Franc. Dav. disputat, 669. in Poloniam
concessit, 670. de baptismo sententia, 671. eius dissensus
ab Unitariis Polonis, 676. latet sub *Prosperi Disidai* no-
mine, 680. scriptum aduersus Palaeologum, 681. *Craco-*
nia, *Pawlicouiam* concessit. 682. matrimonium, 684. *Cra-*
couiam rediit, 686. bonorum suorum fructu in Italia pri-
uatur, 688. violentus ejus casus a *Wiernecko* illatus, 690.

INDEX.

aliud tunc fatum a studiosis Cracouiensibus contractum. 692. ipsius de crudelitate perpetrata querelae, 697. scripta in hac direptione perdit, 700. habitaculum Luclavicianum, 701. eius morbus, 703. et obitus, 705. Laudes 706. character, virtutes et mores, 708. specimen tenacissimae memoriae, 711. scientiarum et linguarum adparatus, 712. 713. diligentia, perpetuus labor, candor etc. 714. vitia, quorum accusatur. 716. a *Niemojevio*, 719. certamina cum pluribus, 720. reformatoris gloriam adfectavit, subvertendo fundamenta rel. Christ. 723. eius Fanaticismus, 724. corpus scriptorum. 726. exegetica et didactica, 727. epistolarum volumen, 749. plures epistolae, 766. index scriptorum ab ipso Fausto conflatus, 765. scripta eius polemica. 798. Certamen cum *Palaeologo*, 799. *Jacobo Coveto*, 804. *Franc. Puccio*, 815. cum *Andr. Volano*, 825. *Erasmus Joannis*, 831. cum *Jac. Wujeko*. 834. cum *Gabriele Eutropio*. 838. cum *Francisco Dav.* 839. etc.

L. Socinus, an Collegiorum Vicentinorum praeses? 412. an Ochino praeceptore usus fuerit? 513. eius inuenta *Faustus* auxit et in systema redegit, 569. quo sensu *Serueti* discipulus fuerit? 578. *Camillo Siculo* usus est praeceptore, 581. ex Italia in Helvetiam se recepit, 584. commendatitiae pro Laelio. 585. Genevam et Tigurum salutavit, 585. opibus non carens, 586. Wittebergae per triennium commoratus est, ibid. *Melanthonem* habuit optime de se sentientem, 558. et *Coelium secundum Curionem*, 589. commendatur a *Melanthone Regi Maximiliano* et *Pfauzero*, 590. item *Poloniae Regi Sigismundo Augusto*, 591. aliquando *Laelius Melanthoni* suspectus videbatur, 592. in Poloniam primum a. 1551. altera vice 1556. proficiscitur, 593. quo tempore Galliam, Britanniam et Belgium inuaserit, 594. cum celeberrimis viris commercium habuit epistolicum, 595. *Bullingeri* de eodem ad *Julium mediolanensem* epistola, 597. *Laelii* confessio propria manu scripta, 599. *Julii Mediolanensis* de hoc argumento ep. *Bullingeri* scripta, 603. an anabaptistis accensendus, 606. a *Bullingero* commendatur *Joanni a Lasco*, 607. *Laelii* cum *Caluino* disputationes, 609. quibus huius aduersus se iram excitavit, 614. an ipsi *Serueti* supplicium minatus sit? 615. an *Laelius* huius viuicomburii spectator Genevae fuerit? 617. aliquamdiu a. 1552. in Ractia Italiam profecturus vixit, 618. an 1554. vel 57. in Poloniam secunda vice pro-

INDEX.

profectus? 620. antea Argentorati *Vergerium* et Paulum Scalichium inuifit, 621. Viennam salutauit, 622. Germanis fratribus, accognatis sua instillauerat placita, 623. an haereditatem in Italia consequutus fuerit? 624. redux Tigurum, errores quauis occasione commendauit. 625. obitus, 626. temperamentum et dona animi et corporis, 627. amici, 628. nimiae laudes, 630. Faustus influxum diuinum de eo praedieat, 633. scripta ipsi falso tributa, 636. genuina, 646. eius libri iam a. 1568. in Poloniam allati, 653. an sub nomine *Felidis Turpionis Vrbevetani* lateat? 654.

Socinus, Barthol. Laelii auus, 573.

Socinus, *Camillus*, Laelii frater germanus, 554. 576. vid. *Camillus*. In viuis adhuc erat 1571. in Raetia, 624.

Socinus, Celsus, 576. an in Jenensi Academia docuerit, 577.

Socinus, Cornelius, Laelii frater, 577. carcere inclusus. 624.

Socinus, Darius, 577.

Socinus, Marianus, Laelii abauus, 572. Junior. 574. 656.

Sondrium, Vallis Telinae oppidum, 603.

Sozzinorum familia Przypcouio laudata, 571.

Spangenbergus, Everh. ad eum Fausti epp. 762. eiusdem de duabus bestiis in apocalypsi, 763. 787.

Spiera, Franc. an colloquiorum Vicentinorum sodalis? 554.

Spiritus Belga, idem probabiliter, qui *Adamus Pastoris*. 277.

Squarcialupus, Marcellus, 483. Faustum S. reprehendit, 676. occasione libri aduersus Palaeologum, 715.

Stancarus, Franc. duriora in eum statuit Synodus Pinczouienfis. 219. Curionis amicus, 311. jam 1543. in Raetia vixit. 482. in specie Clavennae. 548. eius scripta et opiniones, 549.

Stathmio, Christoph. ad eum ep. *Melanthonis*, de Laelio S. 591. de allobrogicis certaminibus, 608.

Stechau de, *Wernherus*, 265.

Stephanus Tricheita. 101. *Bathoreus*, Rex Polon. F. Socino inimicus, 780.

Stoinus, Pet. f. *Statorius*, 680.

Storch, *Claus*, Ciconia. 223. 225.

Studiorum ratio optime instituenda studiosis. 761.

Strübnerus, Marc. 223. 226.

Summa doctrinae sociniana, 782.

Syluani Hessi ludus in apostasiam *Wicelii*, 259. cum praef. *Iusti Zonae*. 275.

INDEX.

Symbolum apostolicum an perfecta fidei norma? 143.

Symmachus, 19.

Synodus Sirmiensis, 79—81. 89. 118. *Sveffionensis*, 113. 114. 118. *Rhemensis*. 120. *Pinczoviensis*, 1562. 455. ibidem 1561. 475. *Curienfis in Raetia* 576. ad *Chmielnicensem* *Faufti* epistola, 752. ad eandem de regno Christi millenario, 757. *Novogrodiensis* 1599. de inuocatione Christi, 760. ad *Wengroviensem* *Faufti* ep. 763. 838.

Szent-Juani, Dan. Marc. 358.

T.

Tarnovius Paul. Socinî *Antiwuheckum* refutauit. 837.

Theatinus cardinalis, 490.

Themistius, 100.

Theodorus. 18. *Theodorus Philippi*, 277. 298.

Theodorus Byzant. 19. *Coriarius*, 48. de eodem *Sam. Crel.* lius. 49.

Theopaschitae, 98.

Theophilus Adamidis, *Alexium Rodecium*! vel *Radecium* notat. 781. 799.

Tigurum, cur *Laelius* ibidem sedem fixerit, 595.

Tolerantia erga Socinianos. 155. defenditur. 154.

Trie, Gvil. a *Caluino* aduersus *Seruetum* subornatus, 355.

Trinitarii, stilo curiae Rom. II.

Trinitas platonica. 118.

Trinitatis vocabulum an demum a. 317. receptum. 22. *M. Gittichii* de hoc mysterio sententia. 83. 84. *Postellus* ex ratione mysterium demonstrare conatur, 539. et ab anima humana illustrare, 540. 542.

Tritheitae quo jure dicendi sint Sociniani? 12. quando ortum traxerit *tritheismus*. 100. a quibus propagatus, 113. *Gillb. Porretanus*. 119.

Tropici, 91.

Trypopaëus, Jo. (*Trypmacker*) 293.

Turpio, *Felix*, *Vrbevetanus*, an *Laelii* nomen adscititium? 654.

Turrianus, an *Vicentinorum* conuenticulorum socius? 554. *Ital*is haereticis in *Raetia* fuit, 576.

INDEX.

V.

Vadovira, Matth. (Mart.) Prof. Acad. Cracov. 692. ad eum Fausti epistola, 762.

Valdesius, Alfons. 214. Jo. *Valdesius*, 315. *Ochino* discessum e Papatu suavit, 489.

Valentiniani, 55.

Vallis Telina ab anabaptistis turbatur, 581. coetus ibidem, *Pesclavii*, *Tirani*, *Tilii* et *Sondrii*, 606.

Vaticani liber, 371. 376. Dialogus inter Vaticanum et Caluinum, 636.

Vbbo Emmius. 284. *Vbbo Philippi*, *Vbbonitae*, 298.

Vejae, Eman. theses, 753. de S. coena, doctrina, 785.

Venero senatui, Melanthon litteras dedit 1538. 397. *Veneri* reformationis desiderio flagrant, 400.

Vergerius, P. P. Curioni inimicus, 312. 318. nulli Protestantium confessioni addictus, 426. 457. 551. liber *Ochini* nomine in lucem emissus, a Jo. Casa tribuitur *Vergerio*, 532. *Vergerii* fata et scripta admodum sunt memorabilia, 550. heterodoxiae suspectus, 552. *Hofii* de eodem iudicium, 553. Laelium Soc. in Italiam proficiscentem per tres septimanas hospitio excepit, 618. cum *Pellicano* litteras reciprocavit, ibid. eius epistola ad magnum Theologum, de *Laelio*. 619. inuisitur Argentorati a *Laelio*, 620. *Puchelebii* ad *Vergerium* ep. in causa *Socini*. 622.

Vermilius, est Pet. Martyr, 487. 489. Tigurum ex Italia fuga se recepit, 493. 498. 499.

Vicentini conuentus a. 1546. 395. a *Moshemio* et *Fueslino* in dubium vocantur, 404. adstruuntur pluribus argumentis, 406. 418.

Victor, episc. Rom. 49.

Vilnenses ecclesiae, ad eas *Caluini* litterae, 474.

Viretus, Lausonii minister, 360.

Vitrelinus, Alex. aduersus F. *Socini* disp. de baptismo scripsit. 783.

Vitus Theodorus (Beit Dietrich) ad eum ep. *Melanth.* de *Campano*. 250.

Vnitarii, quo sensu *Sociniani* dicuntur. 11.

Volanus, Andr. aduersus F. Soc. quis ille? 825.

Vorstius, Conr. 140. accusatur de libro edito. 780. 782. aduersus F. *Socinum* de J. C. Seruatore. 814.

Vrbe.

INDEX.

Urbevetanus, Felix, Turpio, an *Laelius S.* sub hoc nomine lateat? 654. *Faustus* potius *Socinus*, 668.
Vfuras esse licitas, *Fauflus S.* probat. 759.

W.

Welsingus 1. *Weslingius*, *Henr.* 781.
Wernherus de *Stechau*, 265.
Westphalus, *Joach.* aduersus eum *Ochini* liber, 525.
Wicelius, *Ge.* 255. variorum de eodem narrationes. 257, eius character, Antitrinitarius vero non fuit. 261. eius epistolae. 262. reformatoris gloriam adfectauit. 268. eiusdem plurima scripta. 269. seq. aduersus eum scripta. 275.
Wierneckus, miles, *F. Socini* hostis, 681. violenter eum aggressus, 690.
Wigandus aduersus *Blandratam* aliosque Antitrinitarios. 479.
Winterus, *Jo. F. Socini* sententiam de iustificatione refutauit. 770.
Wirsungus, *Christoph.* librum *Ochini* germanice edidit, 526.
Wissowatius, *Stan.* *Fausti* filiam *Agnetem* in matrimonio habuit.
Wolodimirus, *Russiac* princeps. 124. 125.
Wolphius, *Jo.* ad eum *F. S.* ep. 766.
Wujekus, *Jac.* cum eodem *F. Socini* disputatio, 834.


Z.

Zackrzeuius, 686. vel *Zackrzovius*, *Phil.* 762.
Zanchius, *Hier.* nulli Protestantium coetui addictus, 426.
Zarnovecius, *Græg.* minister evangel. 698. *F. Socini* disp. de *J. C. Seruatore* refutauit, 813.
Zarnovius, Antitrinitarius, 278.
Zdescheki Stan. Ostrowski, aduersus *Socinum* scripsit, 797.
Zenobia, regina, 62.
Zinzendorffii, de *Nic. Ludov.* in Antitrinitarios favor et praecipua fata. 145. 147.
Zitpius, aduersus *F. Socin.* 677.
Zosimus, *Pontif. R.* aliquando ex partibus *Pelagii* stans. 99.

Corrigenda.

Pag. 3 lin. 4 leg. coetibusque. p. 4 l. 2 l. Laelio. p. 5 l. 11 l. deitatis. p. 5 l. 28 l. Socinorum. p. 6 l. 6 l. hanc ob. p. 6 l. 14 l. a magistris. p. 6 l. 27 l. vero. p. 7 l. 11 deleatur et. p. 7 l. 21 l. modis. p. 7 l. 32 deleatur. p. 8 l. 7 l. Eodem. p. 8 l. 30 l. jure quodam. p. 9 l. 13 l. dictos, quod nullos. p. 9 l. 19 appellati. p. 9 l. 34 l. Anabaptistas. p. 10 l. 1 l. Joannis. p. 10 l. 6 l. titulus, viri- usque Socini. p. 10 l. 19 l. opinione. p. 10 l. 23 l. Spiritus S. p. 11 l. 8 l. deleatur que. p. 11 l. 24 l. Anabaptistas. p. 11 l. 30 l. essentiae. p. 12 l. 1 deleatur comma. p. 12 l. 11 post A del. punctum. p. 13 l. 15 l. omnibus. p. 14 l. 2 consequentiis. p. 14 l. 10 l. comessu. p. 15 l. 2 deleatur esse. p. 15 l. 10 l. quorum cum. p. 15 l. 14 l. a se inuicem. p. 16 l. 10 l. Christum natum. p. 17 l. 12 l. B. A. p. 17 l. 19 l. allegante. p. 17 l. 20 l. fideles. p. 17 l. 26 l. verbo. p. 18 l. 3 l. diuinitates. p. 18 l. 15 l. vnitate. p. 18 l. 30 l. Beryllo. p. 19 l. 21 l. Theodorus. p. 19 l. 27 l. a. c. p. 19 l. 29 l. a. c. p. 20 l. 16 l. famosa. p. 22 l. 10 l. Croziano. p. 23 l. 3 l. obtinisse. p. 23 l. 9 l. Goslavius. p. 23 l. 30 l. Polycarpi. p. 23 l. 33 l. utroque. p. 24 l. 31 l. Nicaenae. p. 26 l. 21 l. v. g. p. 27 l. 5 l. possit. p. 30 l. 25 post Judaeis, comma pon. p. 32 l. 12 l. de his. p. 33 l. 14 l. huncque non. p. 36 l. 21 l. ecclesiasticam. p. 36 l. 33 l. conuenit. p. 39 l. 11 l. Cerinthus. p. 39 l. 32 l. Wolzogen. p. 41 l. 24 l. vel paulo. p. 43 l. 35 l. adparatu. p. 46 l. 16 l. auctoritati. p. 50 l. 31 l. Coriariium. p. 52 l. 29 l. praedicasse. p. 57 l. 10 l. religioni. p. 63 l. 33 l. Mariae. p. 67 l. 6 l. longaeua. p. 71 l. 9 l. transmissas. p. 72 l. 1 l. oecumenicum. p. 72 l. 2 l. Nicaeae, a. c. p. 72 l. 15 l. ab episc. p. 73 l. 13 l. principis. p. 74 l. 32 l. affecta. p. 75 l. 12 l. ex- stiterit. p. 75 l. 19 l. celebratur. p. 76 l. 3 l. Vid. p. 77 l. 9 l. invi- p. 77 l. 20 l. Patri. p. 77 l. 33 l. jurgia. p. 78 l. 15 l. Cappadox. p. 83 l. 34 l. omnibus. p. 86 l. 17 l. $\pi\epsilon\phi\phi$. p. 87 l. 28 l. adsumferint. p. 88 l. 18 l. tantum. p. 91 l. 11 l. haerefeos. p. 92 l. 7 l. Eidellio. p. 94 l. 8 del. que. p. 97 l. 16 l. Christos. p. 97 l. 29 l. seu. p. 103 l. 28 l. praecipue. p. 103 l. 29 l. qua gente. p. 106 l. 11 l. errorem. p. 106 lin. ult l. T. IV. p. 107 l. 8 l. anglicarum. p. 107 l. 23 l. alia aliam. p. 107 l. 30 l. Epiphanio. p. 110 l. 2 l. Prolaeus. p. 110 l. 13 l. Stackhufii. p. 111 l. 14 l. Jon. Schlicht. p. 112 l. 28 l. utriusque. p. 113 l. 6 l. recepram. p. 113 l. 17 l. Joannes. p. 115 l. 18 l. a qui- busdam. p. 117 l. 5 l. Rhythmus. p. 117 l. 26 l. esse essentiam. p. 121 l. 13 l. tulisse. p. 123 l. 23 l. esse idem. p. 130 l. 10 l. Blan- dratae. p. 130 l. 14 l. nominantur. p. 131 l. 7 l. placitis. p. 133 l. 8 l. quod. p. 134 l. 5 del. et. p. 137 l. 7 l. Benthemius. p. 139 l. 18 l. humani. p. 140 l. 12 l. Socinianismo. p. 144 l. 15 l. Harderovici. p. 149 l. 22 l. obscure. p. 150 l. 20 l. Herrnuthano. p. 152 l. 19 l. jam. p. 152 l. 36 l. n. t. p. 154 l. 4 l. evangelicis. p. 157 l. 1 l. Possëvini. p. 159 l. 21 l. propterea. p. 161 l. 5 l. c. IV. p. 162 l. 17 l. Jurius. p. 163 l. 8 l. Jon. p. 168 l. 23 l. ea. p. 169 l. 18 l. discipulos. p. 174 l. 35 l. directus. p. 196 l. 29 l. repraesentata. p. 199 l. 23 l. canonis- cum. p. 208 l. 7 l. deitate. p. 210 l. 13 l. reuersuri. p. 213 l. 16 l. hoc. p. 213 l. 35 innouationibus. p. 215 l. 31 l. quaecunque. p. 215 l. 36 l. consensisse. p. 216 l. 1 l. Lutheranis. p. 219 l. 32 l. Vid. p. 222 l. 30 l. dictus. p. 223 l. 7 l. irreconciliabile. p. 230 l. 9 l. San- dius. p. 232 l. 20 l. Barmeynen. p. 235 l. 24 l. sanguis. p. 238 l. 18 l. scholam. p. 238 l. 23 l. narrant. p. 238 l. 35 l. ecce. p. 239 l. 3 l. aliquot. p. 239 l. 7 l. dilexisse. p. 239 l. 35 l. tandem. p. 242 l. 22 l. catal.

l. catal. p. 248 l. 20 l. supposito. p. 249 l. 8 l. Luculentissima. p. 254
 l. 12 l. Dimissus. p. 255 l. 36 l. titulus. p. 260 l. 33 l. apostasium.
 p. 263 l. 20 l. depingis. p. 269 l. 33 l. te donauit. p. 271 l. 31 l. re-
 stamento. p. 272 l. 14 l. Behem. p. 272 l. 26 l. adspexisse. p. 275
 l. 15 l. ipsius. p. 277 l. 6 l. evangelicos. p. 280 l. 31 l. suas. p. 290
 l. 24 l. Melanthonis. p. 295 l. 2 l. R. M. p. 302 l. 5 l. inculcauit.
 p. 303 l. 12 l. Melanthonis. p. 306 l. 19 l. cogitationes. p. 307 l. 13
 l. Trinitate. p. 307 l. 14 l. mysterium. p. 310 l. 6 l. a Lampio.
 p. 312 l. 10 l. amplitudine. p. 315 l. 16 l. not. G. p. 315 l. 17 l. The-
 odori. p. 317 l. 14 l. ecclesiae. p. 318 l. 15 l. edidit. p. 334 l. 14
 l. imaginariae. p. 336 l. 18 l. Non significare. p. 338 l. 2 l. vllum.
 p. 340 l. 18 l. Petiit. p. 341 l. 2 l. aliquot. p. 341 l. 6 l. quidem.
 p. 341 l. 34 l. simillimum. p. 342 l. 10 l. dialogos. p. 345 l. 20 l. Ma-
 thesi. p. 346 l. 4 l. 1535. p. 350 l. 9 l. Ad ea. p. 354 l. 14 l. man-
 ducationis. p. 362 l. 5 l. Ptolomaei. p. 363 l. 1 l. exprobratum.
 p. 370 l. 6 l. vincendos. p. 370 l. 28 l. Tandem. p. 371 l. 35 l. Ar.
 p. 372 l. 30 l. disquisitionis. p. 380 l. 22 l. Judico. p. 384 l. 10 l. Ser-
 uetianae. p. 388 l. 27 l. 1575. p. 388 l. 31 l. Argentor. p. 398 l. 36
 l. frena. p. 405 l. 25 l. adhibitum. p. 415 l. 24 l. Valle. p. 419 l. 6
 l. Coerui. p. 420 l. 1 l. specie. p. 427 l. 7 l. isti. p. 431 l. 9 l. ab illo.
 p. 431 l. 20 l. doceri. p. 432 l. 12 l. ac. p. 434 l. 2 l. excludendum.
 p. 444 l. 7 l. ordinario. p. 459 l. 6 l. Paulo. p. 459 l. 9 l. symistis.
 p. 460 l. 154 l. peruertat. p. 461 l. 3 l. deleatur punctum. p. 464 l. 3
 l. eiusdem. p. 468 l. 22 l. innumeri. p. 475 l. 13 l. Wengerseio. p. 476
 l. 18 l. accersuerint. p. 476 l. 27 l. Wujeckum. p. 481 l. 4 l. Saligius.
 p. 484 l. 15 l. afferere. p. 487 l. 29 l. mirum. p. 494 l. 23 l. sacra sua.
 p. 509 l. 24 l. publice. p. 514 l. 15 l. hoc. p. 515 l. 27 l. sciri. p. 521
 l. 27 l. lateat. p. 527 l. 14 l. Henrici. p. 527 l. 33 l. qui. p. 527 l. 34
 l. Conscientiam nostram. p. 529 l. 15 l. Lismanine. p. 543 l. 14 l. ef-
 sentiae. p. 551 l. 5 l. pretium. p. 553 l. 16 l. vsque. p. 553 l. 20 l. hunc.
 p. 554 l. 14 l. anni. p. 555 l. 2 l. citatum. p. 555 l. 13 l. Laelius.
 p. 557 l. 19 l. focietates eiusmodi. p. 558 l. 19 l. coeru. p. 568 l. 12
 l. studio. p. 579 l. 30 l. statuta. p. 580 l. 17 l. dogmata. p. 586 l. 15
 l. iterum. p. 595 l. 26 l. Puchelebio. p. 601 l. 17 l. vnigenitum.
 p. 602 l. 16 l. satisfaciant. p. 607 l. 30 l. exponet. p. 611 l. 2 l. diffi-
 dium. p. 615 l. 14 l. Ad Serueti. p. 615 l. 17 l. ob. p. 623 l. 8 l. Po-
 lonos. p. 636 l. 18 l. iudices. p. 636 l. 19 l. istum librum. p. 642
 l. 10 l. Raetiae. p. 642 l. 12 l. eandem. p. 642 l. 35 l. impedimento-
 rum. p. 653 l. 11 l. Paruta. p. 653 l. 13 l. Albanae. p. 658 l. 21 l. nisi.
 p. 666 l. 32 l. animaduersos. p. 666 l. 34 l. demandatum. p. 668 l. 16
 l. eum. p. 671 l. 31 l. caussa. p. 674 l. 26 l. admonenti. p. 677 l. 6
 l. diuinum. p. 685 l. 8 l. Vitrelinum. p. 690 l. 26 l. quemadmodum.
 p. 691 l. 8 l. qui. p. 692 l. 16 l. genibus. p. 695 l. 26 l. mittuntur.
 p. 699 l. 26 l. quam. p. 725 l. 15 l. inuoluit. p. 727 l. 21 l. nostrum.
 p. 728 l. 30 l. explicatio. p. 732 l. 27 l. quaeritur. p. 740 l. 6 l. per-
 uertere. p. 750 l. 1 l. (ante) l. post. p. 756 l. 14 l. Ad Sophiam.
 p. 769 l. 9 l. victimas. p. 793 l. 3 l. ac. p. 827 l. 31 l. discedendum.



TUFTS UNIVERSITY LIBRARIES



3 9090 001 281 340

BT
1480
.B6
v.2

